

6 11.

2706 1-1-37 3




SVSTINE ET  
ABSTINE.

**PREMIER  
VOLUME DES**  
ANTIQUITEZ DE LA  
Gaulle Belgicque, Royaulme de  
France, Aufrasia & Lorraine.  
AVEC L'ORIGINE des Du  
chez & Comtez, de l'ancienne &  
Moderne Brabant, Tôgre, Arden  
ne, Haynau, Mozelane, Lotreich,  
Flâdres, Lorraine, Barrois, Luxé  
bourg, Louuain, Vvaudemont,  
Iainuille, Namur, Chiny. Et aul  
tres principaultez. **EXTRAICTES** soubz les vies des Euef  
ques de VERDVN, Anciëne cité  
d'icelle Gaulle: par M. RI  
CHARD DE VVASSE  
BOVRG. Archidiacre en l'egli  
se de VERDVN.  
AVEC plusieurs Epithomes, & som  
maires, es vies des Papes, Empereurs  
Roys, & princes dessusdictz. Depuys  
IULIUS CÆSAR iusques à presët.

1 5 4 9.

**33** Fut acheué d'imprimer le  
13. de Nouembre.

1 5 4 9



## Privilege du Roy.



**L**EST PERMIS à Vincent Sertenas, marchand libraire à Paris, faire imprimer & mettre en vente, au nom de l'Auther, vn liure intitulé Les Antiquitez de la Gaule Belgicque, Royaulme de France, Aufracie & Lorraine, Auec l'origine des Duchez & Comtez de l'ancienne & Moderne Brabant, &c. N'agueres composé en François par M. Richard de Vvassebourg, Archidiaque en l'eglise de Verdun. Et est deffendu à tous Imprimeurs, Libraires & aultres marchandz quelques qu'ilz soyēt, Imprimer ou faire imprimer lesdites Antiquitez de la Gaule Belgicque, iusques à six ans, prochains venans, à compter du iour & date qu'il fut acheué d'Imprimer le trezieme de Nouembre mil cinq cens quarente neuf, sur peine de cōfiscation desditz liures & d'amende arbitraire, ainsi qu'il appert & est plus amplement descript par lettres & priuilege du Roy.

Donné à Paris le premier iour d'Octobre, mil cinq centz quarante & neuf.

Signé par le Conseil,

HENARD.

Et scellé sur simple queue de cire iaulne.



## 10 ERREURS ET FAULTES QUE SONT SURVENUES A LIM

pression, du premier volume des Antiquitez de la Gaule Belgicque, Auec aucunes additions de l'Autheur, desquelles le premier nombre signifie le feuillet, la lettre a.&.b. la page.v. le vers & la ligne.

\* S'enfuyent premierement les fautes du Prologue.

Fo. i. pagina a. ver. 36. Demaires, lege, Daulbers. & eodem. f. v. 41. Numegne, lege Numegue. f. 2. a. v. 23. Banay, lege Bauay. eo. fo. v. 27. Bono, lege Bauo. eo. fo. p. b. v. 8. Moselanus lege Moselane & eod. fo. v. 14. Carmana lege Carinana. fo. 3. a. v. 23. Belgiz, lege Belgæ. eo. fo. v. 36. Coprininus, le. Coproninus. fo. 4. b. v. 5. vsququamque, lege vsquaue. eod. fo. v. 7. Tisrhenanos, lege Cisirhenanos & sequenti versu, transrheuanos lege transrhenanos. ea. pa. v. 33. Struna lege Struma. fo. 5. pa. b. v. 40. Damirebroecq. lege Danurebruch. f. 7. a, deuant l'vnzieme vers, doibt estre adiouste, De l'origine du royaulme d'Austrasie. ead. p. v. 39. election, lege eiection. f. 9. b. v. 23. emprisonné lege empoisonné. f. 10. p. b. v. 34. Richninus, leg. Richuinus, & tousiours ainsi par tout le liure. f. 11. p. b. v. 53. Vispergensis, lege Vrspergensis, & tout par tout ainsi. f. 12. a. v. 16. Et à Otho, à, vacat, & fault entendre, le second enfant, fut Otho di& le grad. f. 13. a. v. 34. Brune, lege Bruno. ea. pa. v. 47. cômûs, lege commis. fo. eodem. b. v. 28. Dainue, lege Danne. f. 14. a. v. n. l'empereur. mettez le poinct deuant, & ostez le paraphe s'uyât. f. eo. b. v. 54. prison, lege poison. f. 16. b. fault mettre l'autre tiltre. De l'estat &c. ead. p. v. 54. Mitonus, lege Vitonus. f. 21. b. v. 55. il eut guerre, adioustez, quât. f. 22. a. v. 30. apres anciennes, adioustez, sont alienées.

### 11 Erreurs du premier liure.

Fo. 24. pagina. a. versu. 10. apres ces motz l'an 3800. ans. fault adiouster. ou bien selon la supputation d'Eulebe en l'an 5152. ans. fo. eod. a. v. 12. apres successeur, adioustez, se nomma. f. 25. b. ou est escript en plusieurs lieux, Siniane, lege Suuane. f. 44. b. v. 47. Merthides lege Meothides. f. 45. & 46. fault cortiger le tiltre, & mettre comme deuât. f. 45. b. v. 29. freres, lege terres. f. 46. b. v. 3. filz, lege frere.

### 12 Erreurs du second liure.

Fo. 49. a. v. 26. regno, lege Rheno. f. 54. a. v. 2. Jant, lege l'an. f. 55. b. v. 16. Plonniers, lege Ploumiers. fo. 60. b. v. 31. & 35. Tongre, lege Toringe. f. 97. b. v. 1. & 2. denominent, donnent, lege, denominerent donnerent. f. 79. a. v. 7. arma, lege arua. f. 85. a. v. i. Bucionaldus, lege Bucioualdus. f. 96. b. v. 5. emprisonné, lege empoisonné. f. 100. b. v. 20. apres les pauures, adioustez, ne pour les oeuvres. f. 105. a. v. 23. Austrasie, lege Authun. f. 114. b. v. 33. Vvinduinaça, lege Vvindiniaca, Vviniuilæ. f. 123. a. v. 44. & 46. Cherinont, lege Chaumont.

### 13 Erreurs du troisieme liure.

Fo. 139. b. v. 31. conferuant, lege confermant. f. 140. b. v. 50. constetue, lege restitué. f. 143. b. v. 40. Renée, lege Royne. eod. v. apres Simachilde, fault adiouster sa femme, & lire Thafsilon. f. 146. a. v. 52. Aleuinus, lege Alcuinus. f. 148. a. v. 36. apres Armenias, fault adiouster Lothaire. f. 155. b. v. 1. desquelles, lege lesquelles, & ea. p. v. 40. Maulberge, lege Maulbeuge. f. 156. a. v. 42. Mediolanum, lege Mediolacum. eod. f. b. v. 47. apres Lorraine, adioustez, ou. f. 157. a. v. 8. Gertus, lege Gerbers. eod. fo. p. b. v. 9. Mauës, lege Naues. f. 159. a. v. 19. Hieroistz freres, lege Hiercoistefere. f. 161. a. v. 4. concordantes, lege discordantes. ibidem. v. 64. Treues, lege Reims. f. eo. p. b. v. 12. pier, lege dire. f. 163. a. v. 17. scauons, lege escripuons. f. 1644. b. v. 8. Pèglise, lege l'Isle. f. 166. a. v. 1. Eginalduës, lege Eginaldus. ibi. v. 31. frauelfourt, lege Francfort. f. 171. b. v. 1. Ghdëbaldus, fault adiouster apres, aliàs Zuendebaldus. ibid. v. 51. dorquitoure, lege dormitoirs. f. 176. b. v. 31. grosse, lege fut grosse. f. 177. b. v. 40. estoit, lege escript. f. 180. a. v. 25. Brune en Altois. lege Bruna en Alfatie. f. 182. a. v. 7. premier, lege princier. f. eo. p. b. v. 17. Loys, lege Roys. f. 183. a. v. 27. Ce que peult, lege ce que ne peult. ibid. v. 3. prendre, lege pendre. f. 184. a. v. b. orys, lege Roys. f. 186. b. v. 4. prier, lege priuer. f. 194. a. v. 5. euentes, lege esmeutes. f. 199. b. v. 38. par, lege pour. f. 201. b. v. 18. Ludes, lege Ludolphe. f. 202. b. v. 2. & tiltre, lege en tiltre ne auèques. ibid. v. 31. denoncer, lege demourer. ibid. v. 36. trouuées, lege tenues. f. 204. a. v. 38. Comte de Lorraine, lege Louvain.

Erreurs

Fo. 106. b. v. 5. maçons. lege manfos. fo. 209. b. v. 40. opposées. l. apposée. fo. 210. b. v. 10. Brandegua dis leg. Brundegūdis. f. 214. a. v. 11. Escauons. l. Esclauons. f. 217. a. v. 9. Medionatrices. l. Mediomatrici. fo. eodem. p. b. v. 42. prendre. l. perdre. fo. 222. a. v. 4. cammercy. l. commercy. f. 225. a. v. 49. canons. l. des canons. f. 228. b. v. 43. trétequatrieme. l. quatorze. f. 230. b. v. 17. Angliæ. l. Anglæ. f. 231. b. v. 34 non par. lege non pas. fo. 235. a. v. 14. Marc. leg. Maur. fo. 236. b. v. 2. mil quatre centz deux. lege mil quarante sept. ibidem. v. 15. quarante deux. lege quarante sept. f. 241. b. v. 37. Gnomimoldi. lege Grimoaldi. & ibidem. v. 38. Folcandi. lege Folerandi. f. 242. b. v. 10. le benefice duquel, fault offer ces motz. fo. 243. a. v. 34. Doux. lege douxcon. ibidem. v. 50. ouy & receup le messaige. fault raser ces motz, & meêtre au lieu. se debuoit trouuer audiêt Concile: luy manda messager expres, le priât passer par Verdun, affin de faire leur voyage ensemble. Dequoy lediêt Geruasius &c. fo. 248. a. v. 21. morum. leg. amorem. fo. 252. a. v. 25. S. Pierre. lege Spire. f. 253. à la fin de l'Epithome de Baul douin premier. fault meêtre. Il laissa plusieurs enfans entre lesquelz l'aîné nommé Bauldouin succeda à Haynau. fo. 255. b. v. 36. fault offer Comte. fo. 267. a. v. 19. Et promeist. lege en promectant. fo. 268. a. v. 1 differé. lege defferé. fo. 269. b. v. 23. Lermine. lege Leonide. fo. 270. b. v. 32. lettres. lege lecteurs. f. 271. b. v. 1. Geronte. lege Geronto, & en aultres lieux. fo. 273. a. v. 43. royaulme. lege Raynald<sup>o</sup>. f. 279. pa. a. v. 18. viii. l. v. f. 280. b. v. 39. Delle valle. l. Belleualle. f. 290. b. v. 49. Mucabel. l. Mucabel. f. 291. a. v. 11. Prendy. l. Preney. fol. 301. b. v. 29. contemnant. lege contentant. fol. 303. a. v. 36. apres l'inuocation, fault meêtre, de S. Ciriac avec le droict de presentation, & raser, prouisiō. f. 304. a. v. 33. fault adiouster apres. Et depuis de mon temps l'an mil cinq centz quarante deux, fut adiou. sté le dernier vers. Hoc vxor tumulo iūgitur Officia. f. 305. a. v. 12. Normandie. lege Nicomedie. ibi dem. v. 44. quand par. lege sans. eodem. fo. p. b. v. 53. Iainuilliers. lege Iauuillers. fo. 307. b. v. 53. Albert. lege Albero. fo. 308. b. v. 37. Iernicque. lege Iconicque. fo. 312. a. v. 44. camporum. lege tempo. rum. eodem. fo. pa. b. v. 26. quinquagesimo. lege quinquagesimo. fo. 322. b. v. 8. faifant. lege laif. fant. fo. 323. b. v. 45. & 43. Vauldoys. lege Valdoys. fo. 327. a. v. 3. Raymondus. lege Raynaldus. ibi. v. 42. niepce. lege nepueu. f. 329. a. v. 46. d'Argonne. lege d'Argonne. fo. 332. a. v. 36. fainct. lege sang. fo. 338. b. v. 34. premier. lege prouuer. ibidem. caufes. lege claufes. fo. 339. b. v. 23. Cremenges. lege Cremenge. fo. 342. b. v. 20. trentesept, fault adiouster, cent. fo. 346. b. 28. Bonine. lege Bouine.

¶ FIN DES ERREURS DV PROLOGVE,  
Premier, Second, Troisieme & Quatrieme liure.

AVX LECTEURS



MY LECTEUR nous te voulons bien admonester pour l'intelli gence de noz erreurs & des Tables, que nous auons suyuz & mar qué l'ordre des fucilletz comme il debuoiert suyure, non pas comme aucuns sont marquez. Ce que tu pouras de toymême corri ger, remeêtans le tout à ton bon iugement.

Registre des alphabetz contenuz en ce premier volume. Et premierement com mence. a. Puys s'ensuyt, A. suyuant l'Alphabet entier. Puys s'ensuit Aa, celuy n'est que iusque à Mm. Et tous cayers ternes, reste Mm. qui est quaderne.



Sum quod eram, nec eram quod sum, nunc dicor vtrumque,  
Christi fetam pietatis heram cole me, genitumque.

Χριστογονος  
Mater Christi.

Θεογονος  
Mater Dei.

CONTRA  
HOSTES  
TUOS

TVLIT ESSE TVVS.

DIGNARE ME LAVARE TE VIRGO SACRATA DAM  
HVMANITATEM

MONSTRATE ESSE MATREM

QUI PRO NOBIS NATVS ES

Vipera vim perdit  
Sine vi patriete puella



SYSTINE ET ABSTINE

Ex ore infantium pertecisti laudé  
vt destruas inimicos eius.

Hæc contriuit caput serpentis antiqui, quæ sola cunctas hæreses  
hæteremite & virgo permanens, deum & hominem genuit.

## REPRESENTATION DE L'Ymage NOSTRE DAME DE VERDVN:

ordannée par Sainct Pulchhone, cinquieme Euesque d'icelle Cité, selon le decret du Concille de Calcedone: Ou il fut present, quant les heresies contre la vierge Marie furent confondues. Et decreté, que desormais seroit appellée, *χριστογονος* & *θεογονος*: Cest à dire mere de Christ, & mere de Dieu. En l'an de grace quatre cens cinquante deux.

## Epistre de l'Autheur au lecteur.



**D** O V R euer oysueré, qu'est l'origine & cause à l'homme viateur de toutes imperfections & pechez, tant en l'esprit qu'au corps: m'a semblé bon en mon viel aage, lequel est de cinquante cinq ans, prendre exercice le plus conuenable pour paruenir au souverain bien & à la vraye fin, pour laquelle l'homme humain a esté de dieu créé. Et entre tous autres exercices pour ce faire j'ay iugé & m'a semblé estre le plus conuenable la lecture des histoires, & faitz des anciens pour troyz raysons & causes.

**LA PREMIERE** Est que les lecture des historiens donna à l'homme parfaite cognoissance de l'honneur & perfection des vertuz.

Ensemble des biens, profitez & vtilitez procedans d'icelles: Tellemēt qu'en lisant les faitz vertueulx des anciens, l'homme en foy prent coeur & courage de les aymer, suiuit & imiter par sembla bles oeuures & operations.

¶ Et au contraire cognoissant les tyrānies, auarices, voluptez, vices & pechez, des meschans & vitieux, avec la fin damnable & dures punitions subsequentes, n'ya rien que plus les retire de peché & de vic meschante.

**SECONDEMENT** ladiete lecture des histoires console l'homme, & le red assure, & fait qu'il ne craint point la mort corporelle, puis qu'on voit cleremēt, depuis la creation du monde & par si longue durée de tēps, tous les humains riches, pauvres, scauans & ignorans, bons & mauuais, infalliblement mourir & prendre fin: combien que ce soit en diuerses sortes & qualitez. Et par ce l'homme cognoissant la mutabilité des choses terminées & caducques, facilement desiree avec saint Paul, la dissolution de son corps & rendre l'ame au lieu de sa creation, lassus en gloire eternelle.

**TIERCEMENT** ladiete lecture mōstre & assure l'homme à croire parfaitemēt & n'auoit doubtrāce en nostre sainte foy chrestienne, laquelle nous auōs receuz de Dieu, en ceste plenitude de temps & fin du siecle en laquelle nous sommes. Car par les histoires nous voyons que depuis l'origine & creation des hommes, y a heu plusieurs & diuerses sectes de religions & cultures à dieu, selon la diuersité des pais & nations. Et si ne trouuons point gens ne peuple raisonnable en quelque partie ny climat de la terre habitable qui ayent esté sans religion de foy, reuerence & culture à quelque Dieu, fut vray dieu ou aux idoles & simulacres, cōme si naturellement l'homme fut créé avec ceste cognoissance qu'il faut croire à vn dieu.

**OR** appert par icelles histoires qu'entre toutes les diuersitez des sectes & croyāce de foy qui ont esté de tout le temps passé iusques à l'aduenement du vray Messias Iesus Christ, n'en y a point heu de plus raisonnable, iuste, equitable, miculx & plus cleremēt preueue, predicte & prenōcée, tāt par les Prophetes & philosophes Ethniquēs, Sibillēs, reuelations miracles, doctrines, preschemens, & perseuerance, iusques à souffrir la mort, que nostre sainte foy chrestienne dont en ce tant plus debuons estre obligez de rendre grace à iceluy nostre createur, qui nous a donné ceste consolation, qu'euidēment appert qu'il nous a preferé à toutes aultres gens & nations, en la perfection de foy & non par noz merites: mais par sa grande & ineffable bonté. Combien toutefois qu'il est à croire & scauoir que ceste préeminence & don de grace qu'il nous a fait nous sera imputé à plus grande ingratitude avec punitions plus griefues qu'aux aultres peuples & nations, si nous sommes trouuez incredules desobeissantz, & defailians

faillans aux commandement, contenuz en nostre sainte foy.

C E S troys raisons cy dessus declairées monstrent le vray fruit prouenant de la lecture des histoires, & me semblent cause infallible & suffisante pour nous conduire & rendre de ceste vie mortelle lassus en beatitude eternelle, qu'est la vraye fin pour laquelle l'homme à esté de Dieu créé.

¶ **Q** R pour auoir fruit de mondict exercice, entre auleus historiens, j'ay esleu & entrepris veoir les gestes. & faitz de ceulx qui iournellement sont deuant noz yeulx; & qui nous ont par cy deuant depuis l'aduenement du temps de grace, & de promesse, bastiz & iecté les fondemens de nostre sainte foy Chrestienne. Et en icelle comme bons pasteurs nous ont entretenuz par leurs prelatures & exéplaire, iusques à present. Qui sont les euesques de nostre eglise & cité de Verdun successeurs de .S. Pierre, Vicair de Iesus Christ, ainsi que par sa doctrine Euangelique la ordonné. Et soubz icelles vies colligerons les antiquitez de nostre Gaule belgique, avec l'origine des royaulmes & principaultez contenues en icelle.

¶ **E** N protestât toutefois, que ceste miene entreprise n'est faite par arrogance ny appety de vaine gloire. Car ie cognois & confesse mon ignorance & incapacité de ce faire. Et que plustot i'en auray derision & moquerie que louenge. Mais ce nonobstant ne veulx desister de mon entreprise, ayant ma seule esperance & confiance en Dieu, qui scait & cognoit mes interieures cogitations, dont j'ay seulement entrepris ledict exercice, pour autant que des le commencement de l'erection de nostre eglise de Verdun (ou sont passez plus de mil quatre centz ans) iusques à present, tousiours y à eu plusieurs gros personages de noblesse & de sçauoir, & neantmoins nulz ou peu ont escript des faitz & actes de nosditz Euesques. Et parce ie donneray occasion & vouloir aux gens sçauans qui sont de present, ou viendront apres, reduire ou mettre icelles histoires en meilleure forme & stile d'eloquence & doctrine que ie n'ay fait. Et par tant me semble que mondict exercice ne sera totalement inutile.

**O** V L T R E P L V S, Ie sçay que plusieurs voudront lire icelui. Les vns pour le corriger, reprendre & s'en moquer. Les aultres qui seront de meilleur vouloir vsront de censure plus douce & m'excuseront: Mais nonobstant bon gré & maulgré eulx, si en viendra le profit qui sensuit. Sçauoir que bien veullans & mal veullans lisans iceluy mien exercice, reduiront en leur memoire & auront soubuenance de noz prelatz Euesques & Pasteurs defunetz: Les actes & faitz desquelz, discerneron & iugeront selon leurs appetis en louant les bons & desprisant les mauuais.

Fin de l'Epistre de l'Authour.

## 83 Epigramme d'Emond du Boullay

premier Herauld & Roy d'armes de Lorraine,  
au Lecteur.



Acc qui veult pour l'Asie & l'Affricque,  
Car pour l'Europe & la Gaule Belgicque,  
Asez a fait Richard de Vvasebourg.  
Dont tu le doibs par cité ville & bourg,  
(Amy Lecteur) aymer & estimer:  
Veu qu'il te fait par son libure exprimer

Sommairement plusieurs antiquitez,  
Dont comme luy ne se sont acquitez  
Au temps iadis les vielz Historiens.  
Et oultre plus, il donne les moyens,  
Comme lecteurs indigentz sont deliures,  
D'auoir soucy d'achepter tant de liures:  
Et les puissantz de les tous accorder.  
Car il les fait si tresbien concorder,  
Escruant tout, qu'il ne reste plus rien,  
Sinon qu'autant qu'il r'a voulu de bien  
Par ses labours continuz & ses veilles,  
En le lisant, autant tu luy en veilles.

83 Virescit vulnere virtus.

# 83 DIZAINS PAR DOMP. NI.

COLLE LOVPVANT, GRAND PRIEVR DE  
l'abbaye de S. Michel, Cheualier, Pelcrin de Hierusa-  
lem. En premieres lettres desquelz le le-  
cteur congnoistra le nom de  
l'Autheur.

Rendre on ne peut vn plaisir suffisant,  
(I el'ose dire) à celluy qui met paine  
Comprendre en soy, par moyen bien d'uyfant,  
Histoire, en tout suyuant la bonne veine  
Au vray, de ceulx qui par science pleine  
Recueilly ont tout ce qu'il en peut estre.  
Dont clerement nous l'ont fait apparostre,  
Voire si bien, que pleine congnoissance  
Se monstre à nous: chascun le peut congnoistre.  
De Vertu, vient à tout homme excellence.  
Vray est (lecteur) quand cest oeuvre liras,  
Après auoir en ton fait traueillé,  
Sois tout certain, que trouuer y pourras  
Suffisamment, pour estre esmerueillé.  
Et si tu as l'esprit bien esueillé,  
Bien tu pourras facilement comprendre,  
Oultre tout fruit, ce que tu doibs pretendre.  
Voulant monter au degré de science.  
Reuolue bien, tu le pourras apprendre,  
Glorieux fait, cause à l'homme excellence.

Prince haultain, qui as sur tout pouuoir  
Faiets que e chascun face si bon debuoir,  
De ce bel oeuvre, auoir intelligence,  
Tant qu'à son fait il puisse bien pourueoir.  
Glorieux fait cause à l'homme excellence.

SENSVIVENT LES NOMS DES AVTHEVRS  
 & Historiens alleguez & suyuiz en ceste presente Chro  
 nicque, designez par lettres de  
 l'alphabet.

83

A



Abbas Urspergensis, avec son supplement.  
 Adrianus Berlandus de Brabant.  
 Ammianus Marcellinus.  
 Annales d'Aquitaine, par maistre Jehan Bochet.  
 Annonius Monachus.  
 Anthonius Sabellicus.  
 Antiquitez, lettres & chartes, de l'abbaye saint Michel.  
 Antiquitez & lettres de saint Venne de Verdun.  
 Antiquitez de l'abbaye d'Oruault.  
 Arbre de la genealogie des roys de France.  
 Arbre de la genealogie de l'epereur à present regnant.  
 Arbre de la genealogie des roys d'Angleterre.

B

Berosus de Caldée  
 Bertharius, de gestis pontificum Virdunensium.  
 Blondus Flavius.

C

Cassiodorus in historia tripartita.  
 Catalogus episcoporum Tungrorum & Leodiorū.  
 Catalogue des euesques de Toul.  
 Catalogue des euesques de Chaalon.  
 Catalogue des Archeuesques de Reims  
 Catalogue de saint Venne de Verdun  
 Catalogue de saint Paul lez Verdun.  
 Catalogue de saint Agry de Verdun.  
 Cesar, en les Commentaires.  
 Champerius, en l'histoire des Lorrains.  
 Chronica fratris Gerardi de Frachet.  
 Chronica fratris Iacobi Bergomensis.  
 Chronicque de Carion.  
 Chronicques des euesques de Metz.  
 Chronicque de maistre Nicolle Gilles.  
 Chronicque d'Argenton.

E

Epithome gestorum Treuironum antistitum.  
 Eusebius de temporibus.  
 Eutropius.  
 Excerptum Do. Io. de Saraponte des euesques de Verdun.  
 Extraictz des fondations des eglises de Iainuille & Vvaudemont.  
 Extraictz de l'abbaye de Clerlieu.  
 Extraictz de l'abbaye de Grandpré.  
 Extraictz de l'abbaye de Chastillon.  
 Extraictz de l'abbaye de saint Benoist.  
 Extraictz de plusieurs priuileges, breuetz & bulles papalles.  
 Extraictz de plusieurs priuileges, chartes & lettres imperiales.  
 Extraictz des histoires de Norbertus & de Bertricus, tous deux abbez

monstier

F

Fasciculus temporum.  
Fragmenta Lucii de Tongre.  
Fragmenta Almerici & Balduini aux histoires de Hainau.  
Frere Jacques de Guyse en son histoire.  
Froissart.

G

Geruasius Tilesberius en son histoire des François.  
Gregorius Turonensis.  
Hermannus contractus.  
Hieronimus Gebvyillerus.  
Historia Ecclesiastica.  
Historia Anthonij Florentini.  
Historia Saxonis Grammatici.  
Histoire de Guerin le Lorrain.  
Historia Huberti Thomæ de Tongris & Eburonibus.  
Historial de Humbertus Cardinal de Secille.  
Historia Hunibaldi.  
Histoire de Pierre de Rez.  
Historia fratris Roberti Remensis de gestis Godefridi Buillonensis  
Historia Laziardi.  
Hugues de Toul.

I

Iacobus Meierus, de rebus Flandricis.  
Illustrations de la Gaule par Iehan le Maire.  
Ioachimus Vadianus.  
Ioannes Baptrista Egnatius.  
Ioannes Tritemius, Abbas.

L

La Martiniane.  
L'ancienne Chronique de Tiberius.  
Leonardus, de bello contra Gothos.  
Les genealogies de Franciscus Ireneus.  
Lettres & chartes de l'eglise de Verdun.  
Luitprandus Ticinensis.  
Lustrations de frere Iehan d'Aucy, pour les antiquitez de Lorraine.  
Lustratiōs de maistre Henry Hennefon, faites à la poursuite de l'auteur,  
en diuerses eglises, monasteres & fondations es pays circunuoisins.  
Les tables de Ziglerius.

M

Magneton d'Ægypte.  
Maistre Nicolle Volquier, des Lutheriens, & en sa chronicque abbregee.  
Maistre Emond du Boulay.  
Michaël Riz, en ses Chronicques.  
Monstrelet.

N

Nauclerus en ses generations.  
Nicolaus de Cusa, en son Orbis.

O

Opus cōgestum de processu Lotharii.

Orosius.

P

Papa Pius.

Paulus Æmilius.

Paulus Diaconus.

Platina.  
Pomponius Letus.  
Ptolomæus.  
Pulegium Saronardi Cancellarij Virdunensis.

Raphaël Volaterranus.  
Recueil de Richier, abbé de Senone.  
Recueil de Briel, archidiacre de Toul.  
Recueil de Bonaventure confesseur du duc de Lorraine.  
Recueil de maistre Nicolle de Nauts, President de Luxembourg.  
Recueil de Nicolas de Hus, seigneur d'Annery, pres Metz.  
Recueil de maistre Jehan Praillon, secretaire des Trezes de Metz.  
Robertus Guaguinus.  
Rosier de France.


Sigbertus en sa Chronicque.  
Supplementum eius per Laurentium Leodiensem.  
Supplement de maistre Jacques de Boyon.

Turpin euesque de Toul.

Vincentius Historialis.  
Volumina Conciliorum.



Prologue de l'Autheur, par maniere d'Epilogue: aux antiquitez de la Gaule belgique.



**P**our l'introduction de nostre cronicque, en la quelle (dieu aydant) j'ay entrepris rediger sommairement, & principalement les antiquitez de la Gaule belgique, soubz les vies des Euesques de Verdun, ancienne cite de ladicte Gaule. Nous premetrons & deduyrons, quatre choses, avant que venir à la narration d'icelle.

**¶ En la premiere,** Nous monstrerons & declarerons les limites de toute la Gaule, Auecq' la diuision d'icelle, es limites de ses troys parties.

*Diuision du prologue, en quatre articles.*

**¶ En la seconde** Nous monstrerons l'ancienne denomination de la Gaule belgique, & sa noblesse (les autres excédete) à raison des haultaines choses, qui ont prins origine & commencement en icelle. Signâment les troys renommez Royaulmes, de France, Austracie, & Lorraine.

**¶ La troisieme:** Sera l'ancienne denomination de nostre Cité de Verdû, l'estat d'icelle, & soubz quelz princes elle a esté subiecte & prins sa police, depuis Iules Cesar iusques à present.

**¶ En la quatrieme** & finale, nous metterons intelligéce de l'ordre que pretendons obseruer, en la narration de nostre dicte hystoire.

**¶ Description & diuision des Gaules.**



**¶ Q**uand au premier, Toute la Gaule (contenant grad traicté de pays) est située entre les limites qui s'ensuyuent.

*Premier article du Prologue.*

**Du costé d'occident)** Elle a les montz pirenées, qui la separét des Espaignes.

*Situation de la Gaule belgique.*

**Du costé d'Orient** Elle a en partie les alpes pënines, que Hânibal passa quand il entra en Italie, & en partie quelque portion du decours du fleue du Rhin.

**Du costé de Septemtrion,** Elle a la grand' mer occane estuouse, laquelle a deux noms: car depuis le lieu ou le Rhin entre en icelle, iusques au lieu ou la Riuieré de Seine entre en elle, est appellée mer britannique. Et depuis ceste entrée de Seine, iusques aux montz pirenées, est appellée Galicque.

**Du costé de Midy** Elle a nostre mer, autrement dicte mer Mediterraene, à scaoir depuis l'autre extremité des montz pirenées iusques aux dessusdictes alpes.

**¶ Or suiuant.** Iules Cesar en ses commentaires Ptholomé, Strabo, & plusieurs autres Cosmographes & historiens, Nous diuiferons ladicte gaule premierement appellée Celte, (qui est à dire noble) seulement en troys parties: combien qu'aucuns mettent autres subdivisions. La premiere tiennent & occupent les Celtes (qui seulz ont retenu le premier nom). Et commence ceste Gaule Celtique au fleue de Seine, & s'estend iusques à la riuieré de Loire, & court de la riuieré de Marne iusques au fleue du Rosne, Et du costé de la terre des Belges & Aquitaine, touche à la grand' mer, (qu'on dict Occane, Britanicque) Et comprend vne partie de la prouince de Narbonne.

*Diuision de la Gaule.*

## Description &amp; diuision

*Gaule Celtique.* ¶ Les principales citez d'icelles sont, Lyon, Authun, Mâcon, Châlons, Auxerre, Troyes, Sens, Paris, Meaulx, Orleans, Bloys, Amboise, Chartres, Eureux, Lisieux, Auranches, Coustances, Sées, Bayeux, Le Mans, Nantes, Vennes, Grenoble, Ambrun, Sisteron, Carpentras, Orange, Auignon, Arles, Marseille, Aix en Prouence, Cauaillon, Nice.

*Gaule Aquitaine.* ¶ La seconde partie des gaules, est appelée Aquitaine, & comméce à la Riuiere de Loire, laquelle proced de troys ou quatre lieux pardela Rouanne, separant Authun, de Berry, Et préd son cours au Béc dallier, près Sainct pierre le moustier, ou elle croist Par ce que le fleue Dallier tombe dedans (& passe par Gyen) Orleans, Bloys, Amboise, Tours, Montforeau. Puis descéd par Saulmur, Angiers, & Nantes, en la mer britanique. Et les pays qui sont entre ceste Riuiere de loyre, la mer britanique, & les montz pirenées c'est Aquitaine, qui est merueilleusement spacieuse contenât en soy cinq Archeueschez à scauoir Bourges, Bourdeaux, Thoulouse, Aux. & Narbone, Et quarantesept eueschez, souffragantes d'icelles archeueschez.

*Gaule Belgicque.* ¶ La tierce partie des gaules, est dicté la gaule belgicque, laquelle a du costé d'Orient le fleue du Rhin, & La germanie. Du costé d'occident elle a le fleue de Seine Du costé de Septentrion elle est terminée à la mer oceane britanique, du costé de midy elle a les montaignes de Iura vulgairement appellées les montaignes de sainct Claude, & de Genesue.

*Diuisio de la gaule belgicque.* ¶ Iules Cesar en ses cōmentaires, Diuise la Gaule belgicque, en deux parties. En la premiere desquelles il met siege principal & metropolitain, la Cite de Treues. En la seconde la Cité de Reims. Ptholomeus semblablement la diuise en deux, Et appelle tout ce qui est situé entre le fleue Obrincus que nous disons aujourdhuy Mozelle, le Rhin, & les montaignes de sainct Claude, ou de iura, Gaule belgicque superieure, & tout le reste qui est entre le cours du Rhin, & le fleue de Meuse, iusques au lieu ou lesdictes deux Riuieres entrent en la mer oceane britanique, Il appelle Gaule belgicque Inferieure,

*Villes plus renommées de la Gaule Belgicque.* ¶ Les villes les plus renommées & fameuses dicelle, sont Cambray, Valenciennes, Coulongne, Anuers, Gand, Bruxelles, Louvain, Constans, Vtrech, Treues, Maience, Strabourg, Aix la chapelle, Balle, Cōstace, Spire, Liege, Tournay, Arras, Amié, Beauuays, Rouen, Senlis, Laon, Noïo, Soissons, Reims, Châlons, en Châpaigne, Metz, Lâgres, Toul, Verdū, Sainct Myé, Nancy, Bar, Besafon, Salins, Dole, Lofane, & Châbery

*Seigneuries principales de la gaule belgicque.* ¶ Les seigneuries principales sont les duchez de Iuilliers, Cleues, Gueldres, Brabat Lorraine, Bar, Alfatz, Lembourg, Lutzelbour, Et les Cōtez palatines De haynaux, & des deux bourgongnes. Ferrettes, Vaudemont. Montbeliard, Flandres, Arthoys, Champaigne, Holande, Zelande, Namur, & le marquisat Dennaires,

*Fleues de la gaule belgicque.* ¶ Les fleues & Riuieres plus cogneuz sont, lescault, Le Sambre, le lyz, le Rhin, Mozelle, Seine, Marne, Somme, le doux, Chese, la Seine, Et Meuse, prenant son origine des finages de langres, & passe entre le pays de Bar, & de Lorraine, vient diuiser nostre cité de Verdun en plusieurs lieux. Et dela préd son cours par les citez de liege, & de Numegne, Gueldres, Et sen vient assâmbler avecq' le Rhin, & finalement entre en la grand mer britanique.

*Forestz de la gaule belgicque.* ¶ Les plus Renommées forestz dicelle partie. Sont, Ardenne, Et Mormault, Et les plus haultes montaignes, sont De Sainct claud, De Genesue, les francilles, & celles de voge pres. D'alfatz.

### Second article du prologue de l'origine & du nom de la Gaule belgicque.

Second article principal du Prologue.



**P**our satisfaire au second Article de nostre prefation Nous deduirons lantiquité de la denomination de nostre Gaule belgicque, de laquelle, nostre intencion est plus amplement escripte, que des autres parties Tant pour la situation de nostre Cité de Verdun, que pour la narration & deductiō de no

de nostre histoire, laquelle reduira en fresche memoire plusieurs antiquitez d'icelle prte, quasi pdues & oubliées par l'incuriosité des lecteurs, & passées legierement par noz historiens nouveaulx. ¶ Or nous trouuons singulierement deux oppinions diuerses entre les historiographes sur l'origine du nom de Belge, dont la premiere est prinse aux anciens, qui ont specialement escript, les gestes des Belgiens comme Nicolas Rucleri, Lucius de Tongre, Hugues de Toul. Maistre Iaques de Guise, & autres qui conuiennent à ce que le nom de Belge à prins son origine d'vne grande cité nommée Belge, ediffiée par vn Roy de Phrigie nommé Bauo, consin de Priamus Roy de Troye, qui preuoyant la future destruction de Troye, se retira auecq' grand nombre de gens, en Europe, & edifia ladicte cite de Belge, en laquelle il faisoit adorer le dieu Beel, en l'honneur duquel, il appella ladicte cité, Belge, & dont consequemment la tierce partie de la Gaule a prins son nom & denominatiō, Et fut ce enuiron lan du monde quatre mil deux cens, Que Abdon ou Ebon predecesseurs de Sanson estoit iuge en Israel auant laduènement de Iesuchrist enuiron Mil cent soixante dixneuf ans, & ce selon la computation d'Eusebius. ¶ Mais outre ce, est autre contētion entre lesdictz historiographes, pour ce qu'on trouue trois citez nommées Belge, d'vne chascune desquelles en diuersité, il prennēt la denominatiō de la Gaule belgicque, Les vnz dient que ceste cité de Belge, fut ediffiée en Haniau, par ledict Bauo, tellement augmentée & multipliée de peuple, de force, & de richesses, quelle excedoit pour vn temps toutes les autres villes & citez de la Gaule belgicque, Toutesfois finalement elle fut destruite par Iules Cesar & les Rommains tellement que de present de la ruine d'icelle n'appert plus si non vne petite ville, estant audict Hainau nommée Banay, & ceste oppinion est la plus apparante de verité, selon la description des anciens, & mesme par l'histoire de Nicolas Rucleri, estant en metre (ou II Diēt)

*Opinions du nom de la gaule belgicque.*

*Le roy Bauo. Belge cité ancien ne.*

*Le dieu Beel.*

*Belge en hainau.*

*Rex fuit Immensus quondam qui nomine dictus  
Bono, de genere Regis Priami fuit ille.  
Troie post miseros luctus ignesque secundos.  
Per Maria à socijs Asia transuectus in oris.  
Venit in extremis, ubi sol se mergit in undis.*

¶ Les autres dient que cestoit la cité de Beauuais en Beauuoyfin, laquelle fut appelée du commencement Belge, toutesfois, pource qu'on trouue qu'elle auoit vne de termination particuliere à scauoir Belge, Galicque, Semble que se fust en difference de l'autre premiere & precedente.

*Belge en beauuais*

¶ Les autres dient, que ceste cite estoit, Treues, laquelle on trouue estre denommée iadis Belge, toutesfois au contraire ya grande apparence: car par les antiquitez de ladicte cité de Treues, on trouue qu'elle fut appelée Treues, du nō de son premier edificateur, appelé Trebeta Roy des Assiriés, expulsé par sa maratre Semiramis, qui veint aux Gaules, ou il edifia ladicte cité de Treues sur la riuere de Mozelle, enuiron lan du monde trois mil trois cens quarorze, du temps que Isaac, filz de Iacob, viuoit, & auant Iesuchrist mil neuf cens soixante seize, & combien qu'on lise que la dicte cité de Treues, depuis a esté appelée Belge, toutesfois ce fut, à cause d'vn Duc appelé Belgis, qui estoit descendu du dessusdict Bauo, edificateur de Belge en Hainau, car on trouue que icelluy Bauo, Roy de Belge en Hainau, gaigna & vainquit par force d'armes ladicte cite: de Treues, par ce que les Treueriens en son aduenement, le vouloient rendre tributaire. ¶ Et pour confermer ce que dessus Lucius de Tongre escript, que quelque temps apres ceste victoire, & viuant le Roy Bauo, sortit grand' murmure & dissention entre le peuple de la grande cité de Belge, qui estoit quasi innumerable contre quatre Ducz & princes d'icelle cité, à scauoir Turgontius, Mosellanus, Morincus: & Armes ou Charineus, lesquelz quatre ducz, combien qu'ilz feussent Troiens du lignage d'Eneas & Antheor, toutesfois ill auoient fuiuy en la Gaule ledict Roy Bauo, qui estoit du sang & lignage de Priamus.

*Belge, dicte Treues.*

*Diuisiō entre le peuple de la cité de belge.*

# De l'origine

Or aduint que ceulx de ladicte cité de Belge vn iour consultans l'oracle de leurs dieux eurent responce que la cité seroit vne fois destruite par les successeurs des traistres de Troye, Eneas & Anthenor, qui fut cause q̄ ledict peuple s'esleua contre ledictz ducz, en sorte que le Roy Bauo fut contrainct les expulser de la cité, avec leurs gens, & se separerent en diuers lieux, **Gurgontius** avec son peuple fonda la cité de **Tongre en Hasbeing**, qui est de present au pres de la cité du Liege. **Morineus** fonda **Morienne**, que maintenant nous appellons **Therouane**. **Moselanus** fonda la cité de **Mosellanus**, laquelle aucuns historiens dient estre **Metz**, combien que les antiquitez de Metz se donent beaucoup plus ancienne origine. **Armes**, ou **Carineus** fonda vne cité qu'il appella **Carinana**, ou **Clarinea**, ou il y auoit vn grand port de mer, & confluëce de marchandises, qu'aucuns dient estre **Gand**, les autres dient estre **Ablaton**, & qu'elle changea son nom apres la destruction de la cité de Belge, faicte par **Iules Cesar**, qui l'apelle **Belgium**, au vij. de ses commentaires, & alors le peuple de Belge se retira à **Carinana**, surce fut dicte **Ablaton** quasi ostee & trāslee àudiect lieu, tout ainsi que **Morienne**, apres quelle fut destruite par les vandalles, fut appellée **Therouane**, quasi terre vaine.

Des quatre ducz  
expulsez de la ci-  
té de belge.

La cité d' *Ablato*.

seconde opinion,  
du nom de la gau-  
le belgique.

*Belgius* xiiii. Roy  
de la gaulle.

Origine & genea-  
logie des Roy de  
gaulle commen-  
sans à Noë.  
*Samotes* alias dis  
premier Roy de  
gaulle.

*Magus* second Roy  
de gaulle.

*Saron*. troisieme  
roy de gaulle.

*Drius*. iiii. roy de  
gaulle.

*Bardus*. v. roy.

*Longho*. vi.

*Bardus*. vii.

*Lucius* viii.

*Iupiter* surnommé  
*Celce*. ix.

*Galathea*, femme  
d'*Hercules* de *Ly-  
bie*.

*Galathe*. xii. roy  
de la gaulle.

*Narbon*, xii. roy  
de gaulle.

La derniere oppinion de la Gaulle belgique, est celle de **Berosus** de Babilone tres ancien historiographe, laquelle est plus acceptée cōmunement entre les historiens, à scauoir qu'icelle partie, prend son nom de **Beligius**, ou **Belgius**, xiiii. roy de la Gaulle, apres le deluge, regnant enuiron lan du monde, mil cinq cens quarante, pendant que **Mameli**, ou **Mametus** Regnoit sur les **Asiriens** Et du temps que les enfans d'**Israel** estoient en captiuité en **Egipte**, & que **Amram**, pere de **Moyse** & **Aaron** viuoient, de cestuy **Belgius** ledict historien **Berosus** en son sixiesme liure met la genealogie ainsi qui s'ensuit.

**Noe** patriarche, conseruateur durant le deluge de l'humain lignage, entre ses trois enfans eut vn filz nommé **Iaphet**, qui engendra **Gomer** duquel descendit **Samotes**, surnommé **dis** (qui fut comme il dict) premier Roy des **Gaules**. Et ce conserme **Iules Cesar** au sixieme liure de ses commentaires ou il escript, que tous les **Gaulloys** se dient, & glorifient estre descenduz de **dis**, qui estoit le plus sage & prudent de tous les princes de son temps à raison dequoy fut appellé **Samotes** Et de luy les **Gaulloys**, pour vn temps ont esté appelez **Samoteses**, cōme tesmoigne **diogenes laertius** au commencement de son liure intitulé *De vitis Philosophorum*.

Le second Roy des **Gaules**, fut **Magus** filz dudiect **Samotes** homme trescauant cōme, le nom le signifie. **Saron** filz dudiect **Magus**, fut troisieme Roy, lequel institua (comme dit **Berosus**,) les premieres estudes de lettres, qu'on dit maintenant vniuersitez publiques. **Drius** filz de **Saron**, fut quatrieme roy des **Gaules** plain de science & Philosophie & de luy sont venuz vne maniere de Philosophes appelez **Driudes**, lesquelz estoient prestres diuins, augures & magitiens, & par iceulx se gouernoient tous les **gaulloys**, Mais pource que leurs sacrifices estoient plains d'horreur & cruaulté, ysans en iceulx de sang humain furent leur superstitions deffendues, & abolies par les **Empereurs Rommains**, **Augustus**, & diuus **Claudius**, comme dict **Suetone**, **Bardus**, filz de **Drius** fut cinquieme roy des **gaulles**, expert en art de **Musique**, cōme **Diodorus siculus** dict **Longho**, filz du dessudiect, succeda sixieme roy des **gaulles** **Bardus** le ieune, filz de **Lungho**, fut septieme roy, **Lucius** filz de **Bardus** fut le viij. **Iupiter** son filz surnommé **Celte**, & duquel l'vne des troisieme parties des **gaulles**, à prins son nom, fut le neuvieme roy qui eut vne seule fille son heritiere nommée **Galathea**, laquelle succeda au royaume de son pere, & fut mariee au grand **Hercules** de **Libie**, filz de **Mesdam**, ou **Osiris**, passant par la **gaulle**, à raison dequoy il obtint le royaume, & d'iceluy fut denommé le dixieme roy. Il engendra en elle vn filz nommé **Galatheus** qui fut vnzieme roy, & d'iceluy fut denommé tout le pays de la **gaulle**, lequel au parauant (comme dict **Berosus**) s'appeloit **Samothée**, ou **Celtique**. **Narbon**, filz de **Galatheus** fut xij. roy, lequel edifia la cité de **Narbonne**, il eut vn filz nommé **Lugdus**, qui fut treisieme roy, qui edifia la cité de **Lyon**, & cestuy engendra nostre dessusdict

deffuidict Belgius, ou Belgius quatorzieme roy qui donna denomination à nostre troisieme partie des gaulles dicté Belgicque, & fut le dernier roy du lignage de Samothés, tellement qu'après sa mort, ledict royaume fut transferé à Iafius lamigena filz de Jupiter, la posterité duquel vint par succession de temps à estre conioincte avec les successeurs & posterité de Priamus Roy de Troye, qui furent profuges & exilés après la destruction de Troye. Pour laquelle chose congnoistre, fault que les lecteurs ayent recours audiect Berofus, à Manethon d'Egipte & à son commentateur Iean de Viterbe.

¶ Aucuns historiens, pour accorder les oppinions diuerses des trois citez de belge, dessus mentionnees, ont dit que cestuy belgius, edifia la cité de belge en Picardie, que nous difons apreset Beauuais, & que le deffuidict Bauo, parent de Priam, edifia la grande cité de Belge en Haynau, & que la cité de Treues, iadis fondée par les Assiriens, pour vn temps fut denommée Belge, par vn Duc nommé Belgis, descendant dudiect Bauo, & combien que depuis ayent eu autres noms & denominations, Toutcefoys à present est reduicte en son ancienne denomination qui est Treues.

*Lugdus. xiiii. Belgus. xiiii. Roy de gaulle, dernier du lignage de Samothés. Les roys de gaulle, cōtraint à la posterité de Priam, de Troye. Concordance des historiens sur l'origine de la Gaulle belgicque.*

## De la noblesse & vertu des Belgiens.

**P**OVRCE qu'au commencement j'ay dict nostre belge, tierce partie des gaulles, estre la plus noble des autres, à fin qu'il ne semble que j'ay dict par affection du lieu naturel, pour vouloir diminuer ou abbaissier les autres Je mettray en brieft trois raisons qui m'ont induict a ce dire.

*De la noblesse & vertu des Belgiens*

¶ La premiere se prendra en l'authorité de Iules Cesar, au cōmencemēt de ses commentaires, ou il dit *Inter gallos Belgie fortissimi*. De tous les gaullois, les belges sont les plus forts, & cela est confirmé par Strabo, au quatrieme liure, lequel comparant les belges aux autres gaullois, dit qu'on asseuroit les belges estre les plus puillantz.

¶ Les vertus & magnanimités d'iceulx, sont demonstrees par ce que ledict Iules Cesar escript, que les belges deffendoient & empeschoiēt toutes manieres d'espices choses douces & delicates, estre menees en leurs cōtrees, à fin que les corps de leurs gēs ne fussent effeminez: mais tousiours plus endurciz, & perseuerans en leurs vertus, labours & peines, pour la deffence de leurs pays. Et par ce est adueni que Ysidorus prend son ethimologie de ce terme Belge, quasi bellorum gens, aut bella gerens.

*Les vertus des belgiens.*

¶ Pour la derniere autorité, ie mettray icy celle de Labbé Vrspergensis ancien & Verdicq historien entre les Germains, escriuant les meurs & cōditions des gaullois, ensemble la difference des trois parties dessusdictes en son histoire, soubz l'année Sept cens quarante trois au chapitre de l'Empereur Constantin Coprinus, ou il dit, *Omnes galliorum populi innata audacia plurimum efferuntur calumniarum impatientes si incitantur cedibus exultant affratique inclementius adoriuntur, semel persuasum ac rationibus approbatum vix resillire consueverunt belge rebus disponendis sunt insigniores robore atque audacia non impares Maxima quoque magis ingenio quam viribus appetunt, & si ingenio in appetendo*

## De l'origine

*cassantur, viribus audacter virtus cibi etiam atque potus sunt parci, Celte atque Acquitani consilio simul & audacia plurimi, rebus seditiosis accommodi, celte enim magis prouidi Acquitani vero precipites aguntur, plurimumque in ciborum appetitum rapiuntur. Quod sic eis est innatum ut præter naturam non appetant, hinc Sulpitius Seuerus, Educitas (inquit) in grecis est gula, in galliis natura, hos omnes galliarum populos etiam in paganismo fere per omnia prospere egisse tradunt historie, post vero à sancto Remigio baptizati contra omnes gentium exterarum impetus clara semper atque illustri victoria emicuisse referuntur.*

*Noblesse & vertu des belgiés prouuez par les personnages d'icelle.*

¶ La seconde raison se prend à cause des vertueux & magnanimes personnages qui ont prins leur naissance & origine en nostre gaule belgicque. Et lesquelz sur tous autres, & plus que tous autres ont milité pour nostre foy chrestienne, & labouré à l'exaltation & augmentation d'icelle. Et pource verifier, cōbien qu'on en pourroit trouver vn tresgrand nombre & excessif, toutefois à cause de briefueté i'en nommeray icy aucuns excedans (sans cōparaison) tous autres roys & princes natifz aux autres deux parties de gaule.

*Clouis, cinquieme Roy de France, natif en la Gaule belgicque.*

¶ Premièrement ie prendray Clouis cinquieme roy de France, natif en nostre gaule belgicque, premier Chrestien des roys de France, qui estant encores payen print pour femme Sainte Clotilde deuote chrestienne, par les prieres de laquelle il print la sainte foy catholicque, & se feit baptiser à Reims, par saint Remy, avec deux sœurs Alabastrade & Andechalde, & bien trois mil de ses gēs (pour vne fois) Et de luy consequamment tous les François librement, receurent la foy Chrestienne, il receut miraculeusement la sainte Ampoule, de laquelle les Roys, ses successeurs sont oingtz & sacrez. Et depuis eut merueilleuses victoires contre les payens & sarrazins tant en la Saxonie, que contre Alaric Roy des Gothz, lequel il tua de ses propres mains, & si dilata & augmenta son royaume depuis le Rhin iusques aux fleues de Seine, & de Loyre, & en deiecta tellement les Romains, que pour ses vertuz furent contrainctz prendre son aliāce, & luy enuoyer le nō de Sénateur de Rōme: avec plusieurs beaulx dons de tresgrand prix, il institua ses enfans en la foy Chrestienne, & fonda plusieurs eglises. Et à la fin ordonna son aîné filz Theodoric, auoir pour son partage le royaume Daustrafie, situé en nostre gaule belgicque

*Charles Martel, natif de la Gaule Belgicque.*

¶ Secondement ie prendray Charles martel, filz de Pepin, maistre du Palais Daustrafie, seigneur de Heristel (au pays de Liege) & natif audict lieu, Et partant en nostre gaule belgicque. Cestuy fut premierement surnommé Tutides. Mais pour les grandes batailles & victoires qu'il eut contre les payens & infidelles. Fut par apres surnommé Martel: car de son temps il les persecutā tellement, comme si d'vn marteau on les eust opprimez abbaïsez & tuez: car apres qu'il eut receu & recouert la principaulté de son pere en Austrafie, il obtint semblablement la maistrise du Palais de France, & applicqua toutes ses forces & vertuz, à persecuter les infideles & ennemys de la foy Chrestienne.

¶ Du costé d'Orient, il alla contre les Suauces & passa le Danube, iusques au Royaume de Bulgair, retourna par Hongrie, Saxe & Bauiere, qui s'estoient rebellez, & laissez la foy Chrestienne, desquelz il eut belles victoires, avec innumerables tresors qu'il gaigna tost apres.

¶ Du costé de l'Occident, fut aduertiy qu'un Roy d'Espagne Machometiste nommé Abidiron: avec innumerable peuple, femmes & enfans, deliberez prendre siege en France, auoient desia bruslez Bordeaux & Poitiers, avec toutes les eglises du plat pays. Si vint ledict Martel le rencontrer vers la cité de Tours, ou il eut bataille & victoire contre luy, en laquelle furent tuez, (comme tesmoingnent les historiens) plus de trois cens quatre vingtz mil sarrazins. Et n'y eut que quinze cens des siens tuez. Et eut tous les pays d'Acquitaine en son obeissance.

¶ Depuis mena son armée outre le Rhin contre les princes de Phrize infideles Poppon, & Radobod, qu'il vainquit & dechassa Et illec aduertiy de la rebellion, que faisoient ceulx de Prouence, & d'Acquitaine, qui auoient appellé aucuns roys Sarrazins,

des

des Espagnes en leur deffence, à scauoir Maracus, qui auoit fortifié Auignon, Athimus Narbonne, & Amoreus Arle, vint ledict Charles Martel, & les dechassa la pluspart d'eulx tuez & occis en sorte que tous les Vesegoths & Sarrazins, qui par l'espace de trois cens ans, auoient troublé la France es parties de Aquitaine, & de la Prouence furent tous deffaiçtz & n'oserent depuis entrer en France.

¶ On liçt de luy aux histoires, qu'il fut si modeste & humain, que combien pour ses vertuz il eust facilement entrepris le royaulme de France, car il crea & institua à sa volunté quatre Roys, à scauoir Clotaire quatrieme Chilperic deuxieme Theodoric deuxieme & Childeric troisieme, qui fut le dernier Roy de la lignée de Mero-née, toutefois iamais ne le volut faire en sa personne, Mais son filz Pepin le court, qui raisonnablement peult estre nombré entre les preux de nostre Gaule belgicque, l'entreprist, & se fit coroner de l'autorité du Pape Zacharie.

¶ Pour le troisieme ie prendray Charlemagne qui merita le premier porter le nom de treschrestien, les faitz & gestes glorieux, duquel sont si manifestes & cogneues par toutes les parties du monde, & la foy chrestienne par luy si fort augmentée, l'honneur de Iesuchrist, & de son eglise, si bien entretenuz & deffenduz qu'il n'est mestier icy les repeter ou declarer: mais suffira seulement monstrier qu'il est natif de nostre Gaule belgicque sans trouuer son semblable en vertuz & prouesses.

*Charlemagne natif de la Gaule belgicque.*

¶ Les historiographes sont en diuersité sur la region & lieu de sa naissance, car tous François indubitablement le reputent de leur nation, & afferment le lieu de sa naissance, ou son pere Pepin, & pere grant Charles martel, & ses autres anciens progeniteurs, auoient leurs terres & seigneuries patrimoniales qui estoient selon iceulx vers Tongre, Liege, Aix, Heristel, Iupille, le contenu desquelles terres & pays, se appelle en latin *Eburones*, assez voisins de noz citez de Metz & Verdun, & pour se confermer on trouue lettres & chartres autentiques d'aucunes donations que Pepin heristel, pere dudit Charles martel feit à l'eglise de saint Vanne de Verdun, lesquelles il declare estre de sa succession patrimoniale, & alsifes pres Verdun.

¶ Et outre afferment lesdictz historiens que l'Empire de Grece fut transferé en la personne de Charlemagne, Aux François & Gaulois, lequel dura en iceulx par sept generations, à scauoir depuis Charlemagne iusques à Loys filz de Arnulphus, combien qu' aucuns y adioustent Conrardus, son successeur, & que apres iceulx, ledit empire fut transferé aux Germains & Saxones, en la personne de Otho premier, ou bien de son pere Henry anceps, iacoit qu'il ne receut iamais la coronne imperiale.

¶ D'autre costé les historiés Germaniques, escriuent ledict Charlemagne estre de leur nation natif du chasteau nommé Iugelhem pres de la cité de Magonce, afferment outre ledict empire de Grece, auoir esté trāsferé en la personne dudit Charlemagne aux Germains & non aux François & Gaulois: mais à la verité telles querelles & disputatiōs se deduyent plus par affectiō de leurs pays, que à la verité: car on peult conclure (mesme par leurs dictz) que combien que ledict Charlemagne feust nay pres de Magonce à Iugelhem, qu'il est Gaulois de nation, & de nostre Gaule belgicque laquelle s'estend iusques au fleuue du Rhin, pardeça sur lequel fleuue Magonce & Iugelhem sont situez & afsis.

¶ Pour laquelle chose verifier, ie pren en tesmoignage les anciens Cosmographes, comme Iules cesar, Strabo, Pomponius, Plinius, Solinus & Cornelius tacitus, qui ont mis & escript les limites de la Gaule iusques au Rhin.

¶ Et ne me puis assez esbahir de noz nouveaux historiographes Germains contreuenans à l'autorité des dessusdictz Mettās les limittes de la Gaule à la riuere de Meuse, en diminuant icelle, pour augmenter la Germanie. Et neantmoins bon gre, malgre ilz sont cōtrainçtz dire & cōfesser, que Charlemagne à prins sa naissance en la Gaule belgicq, laquelle par nouvelle denominatiō, & pour cōfermer leur dictz, ilz appellēt Germanie deça le Rhin cōme on peult veoir par ce que escript Raymōdus martianus hōme scauant: mais trop affecté à sa nation Germanicque en ses indices & expositiōs qu'il à fait sur les cōmentaires Iules cesar, ou il escript de Eburonibus, & dict, *Eburones populi inter belgas gente, nomine, & numero Germani appellati, &c.* Et puis

## De la noblesse & vertu.

apres declarant les seigneuries & principautez cōtenues soubz les Eburons il escrip̄ ce qui sensuit. *His Eburonibus duo reges praeerant, quo magis constat eos fines quam latissimos exitisse quibus coniectura est ducatum Luxemburgensem, & Lothoringensem (qui signifie) Lotreich, ac Iuliacensis partē & comitatum Nammurcensem vltimque Aquisgranum, & quantum diocesis ipsa Leodiensis vsque quattuor se extendit reges illos possedisse, apud Eburones autem stirpem Caroli magni in vico Iuppilia aut Iopilia leodiensi ciuitati proximo ortum habuisse tradunt Pipinos & Carolomanos belgas simulque Germanos fuisse, sicque in Germanos Cistrhenanos qui belge sunt à grecis non in transrhenanos est translatum imperium.* Qui est ce que ie veulx prouuer, & pourtant ie laisse le reste au iugement des diligens lecteurs.

### Le quatrieme

*Godeffroy de buillon natif de la Gaule belgique.*

fera le noble & preux Godeffroy de Buillon, qui estât duc de L'orraine fut par ses haulx & excellens faitz d'armes, entre plusieurs grandz princes esleu premier Roy de Hierusalem comme celuy qui excedoit tous les autres en vertus zele & ferueur de l'augmentatiō de la foy chrestienne avec humilité si grande que iamais ne voulut prendre Diademe ne couronne d'or, mais seulement despine, semblable à celle, que le prince de nostre foy Iesuchrist, auoit, pour nostre redemption, porté le iour de sa passon en ladiète cité de Hierusalem. Ie laisse les autres hautains faitz d'iceluy, estimant estre cogneuz de chascun & me suffit monstrer qu'il estoit natif de nostre Gaule belgique, son pere fut Eustace conte de Boullongne sur la mer & sa mere appellée Ydain, dame de Buillon, à raison de la donation que son pere Godeffroy duc de L'orraine & conte de Verdun luy auoit fait, en traictant son mariage, ce qui fut cause principale, que nostre dict Godeffroy, combien qu'il feust filz du conte de Boullongne prist le nom de Buillon de par sa mere laquelle mourut auant Eustace, son mary, & comme heritage maternel, aduint audiēt Godeffroy, le plus aîné de ses freres, combien qu'aucuns donnēt autres raisons, pource qu'il y fut nay, & pour le plus de sa ieunesse nourry audiēt Buillon, auquel lieu on voit encor aujourd'huy l'impresion de son corps cauée dedans vne roche, sur laquelle il souloit gesir & reposer. Les autres escriuent qu'il fut nay Au chasteau du Vvast au pays de Boullenoys, & alleguent les annales de l'abbaye saint Michel dudiēt lieu, qui maintenant est prieuré, en laquelle eglise fut Inhumée ladiète Yde ou Ydain mere dudit Godeffroy, disans dauantage qu'il fut nourry en iunesse en la villē de Boullongne, au lieu ou de present est edifiée l'eglise & abbaye de saint Vlmer, iadis conte dudiēt Boullongne. Et que quelque temps apres estant audiēt lieu, fut mandé venir à son oncle Godeffroy Itruna, Alias le bosu duc de Lorraine, apres la mort duquel il succeda en ladiète duché, & en la contē de Verdun, viuant encores son pere Eustace conte de Boullongne comme nous escripons amplement en nostre histoire des euesques de Verdun.

¶ Or aduenant la publication de la croisade faite par le Pape Urbain deuxieme, pour l'expedition de Hierusalem, pour satisfaire & fournir à son voyage, il vendit ladiète cōté de Buillō à leuesque du Liege, qui la tient encor presentement, il auoit vn frere nommé Bauldouin, disposé à prendre l'esta de leglise, mais voyant son frere croisé, delibera le suiure & prendre les armes pour ladiète expedition. Pour aquoy fournir lediēt Godeffroy luy bailla ladiète contē de Verdun, laquelle il vendit & en receut argent de Richerus euesque de verdun. Et depuis fut si vaillant & vertueux qu'il succeda à sondit frere au royaume de Hierusalem tellement que raisonnablement il doit estre denombé entre les preux & vertueux de nostre Gaule belgique. ¶ Nous prendrons pour le cinquieme le vaillant Bauldouin, huitieme du nom conte de Flandres & de Hainau, surnommé Constantinopolitan°, & combien que à la verité, entre tous les princes chrestiens qui ont milité & labouré pour la restitution & deliurāce de la sainte cité de Hierusalem, de la subiection des infidelles, les contes de Flandres par succession, ont merueilleusement aydé tant de leurs personnes que de leurs biens, en sorte que aucuns d'iceulx par quatre à cinq fois en leur personne avec grosse armée, ont fait le voyage, toutefois presentement me suffira parler dudiēt Bauldouin conte de Flandres de par sa mere Marguerite Dalfatie, & conte de Hainau de par son pere Bauldouin quatriesme du nom, & auoit vne sœur nommée Ysabel, mariée à Philippe Auguste Roy de France, ayeul de saint Loys, par

*Baudouin huitieme du nom conte de Flandres natif de la Gaule belgique.*



par le moyen, de laquelle les roys de France retournerent au sang de Charlemagne: car elle, & sondict frere Bauldoin estoient directement descenduz de Charles premier duc de Lorraine, venuz par droicte lignee dudit Charlemagne.

1202

¶ Or en l'an mil deux cens & deux. Le Pape Innocent quatriesme du nom feit publier & declarer vne nouuelle croisee pour subuenir & deliurer la saincte cité de hierusalem des infidelles, soubz laquelle plusieurs nobles princes Contes, Barons & autres gens en tresgrand nombre, s'assemblerent pour faire ledict voyage, Et esleurent pour leur principal chef & ducteur ledict Bauldoin, qui par zelle & affectiō de la saincte foy Chrestienne print la charge, & mena avec luy sa bonne & vertueuse femme Marie, niepce du Roy Philippe Auguste, & vn sien frere nommé Henry, & vindrent iusques à Venise, auquel lieu fut prié & anhorté par les Veniciens en faisant son voyage passer par Constantinoble, & deliurer la cité occupee par vn nommé Alexins, tirant, & vsurpateur dudit Empire, qui auoit tué son propre frere, & deiceté son neveu, ieune enfant nommé aussi Alexins, auquel ledict empire appartenoit ledict bauldoin vouloit bien à ce obtemperer. & pour ce faire ordonna sa femme proceder avec grosse conduicte aller deuant en la sirie par le court chemin: laquelle arriuee en la cité de Ptolomaide mourut illec: dont ce fut dommage, ledict Bauldoin pour parfaire son entreprinse, arriua à Constantinoble, ou il eut plusieurs batailles, mais finalement il restitua en la cité, le ieune filz Alexins vray heritier, lequel tost apres fut tué par vne faction des Constantinopolitains qui esleurent Empereur de nouveau vn nommé Alexins Mirtilus, qui entreprint la defence d'icelle cité cōtre noz gens. Bauldoin voyant la cruaulté d'iceux, de rechef feit assaillir la cité, laquelle il print par force, & fut tué ledict Alexins à raison dequoy fut aduisé de faire election de nouuel Empereur, Et furent prins quinze electeurs des plus nobles vertueux & prudētz des deux armées Venicienne, & Gauloise, qui esleurent & prononcerent le noble Bauldoin, Conte de Flandres & de Haynau, Empereur de Constantinoble, comme le plus sage, vertueux & magnanime, digne de gouverner & regir, sur to<sup>9</sup> les autres ledict Empire, & par son moien fut ledict Empire transferé des Grecz aux Gauloys, avec confirmatiō du saint siege Apostolicque. Et tint iceluy empire par l'espace de cinq ans, avec grand gloire & honneur, au bout duquel temps mourut en vne bataille qu'il entreprint contre les infidelles, deuant la cité de Hadrianopol, auquel succeda son frere Henry audict empire de Constantinoble. Et depuis ceulx de son sang, iusques à la cinquieme lignée.

**Nous prendrons** pour le sixieme personnage Ieanne, communement appelée, la Pucelle de Lorraine, qui nous debura sursire, pour prouuer nostre intention, & monstrier que non seulement Dieu a suscité hommes vertueux en nostre gaule belgicque, pour defendre & dilater sa saincte foy Chrestienne: mais aussi qu'il a puissance par vne simple pucelle Bergiere, reprimer les querelles iniques & iniustes des Princes & Roys, designant & signifiant que toutes victoires procedent de luy, & que tous les roys ne doibuent estre trop fiers & orgueilleux, prenans cōfidence en leur puissance: mais par humilité eulx soubzmettre à la volunté d'icelluy, ce qui a esté clairement monstrier en l'an mil quatre cens vingthuit du temps du Roy de France, Charles septieme, oppressé, tellement par les Angloys que l'apparence estoit totalement de la perdition de son royaume, auquel affaire il ne l'oublia: car il luy enuoya la simple bergere, en l'âge de dixhuit, ou vingt ans, natifue en nostre gaule belgicque, du vilage de Damremy, pres Vaucouleur, en l'extremité des pays de Barrois, & Lorraine, fille d'un Laboureur, d'honneste vie, nommé Jacques d'art, & d'Ysabel sa femme, laquelle Ieanne, pour l'integrité de sa vie, estoit nommée Pucelle, & ne s'estoit iamais à autres choses applicquée, qu'à garder les brebis, quoy faisant vn iour, la vierge Marie s'apparut à elle, estant soubz vn arbre, & luy ordonna se faire mener audict Roy Charles, pour luy donner ayde, & le deliurer de ses ennemis. Icy i'escriry vn incident, que moy estant vn iour audict vilage de Damremy me fut referé par plusieurs habitas d'icelluy vilage qu'écors presentement on voit ou finage, l'arbre soubz lequel fut faite ladicte reuelation, & que depuis

*Ieanne la Pucelle de Lorraine, natifue de La gaule belgicque*

1428

jamais

## Le Royaume de France a prins.

iamais soubz iceluy ne pleut ne negea. ¶ Or pour retourner à nostre propos, ladicte Jeanne s'adressa à messire Robert de Baudricourt Cheualier, capitaine dudit Vaucouleur, qui oyant les bons propos d'icelle l'amena audict Roy Charles au lieu de Chinon Lequel Roy experimenta en plusieurs & diuerses sortes, qu'en elle y auoit esprit diuin & que ce qu'elle faisoit, estoit par dispositiō diuine, & nō par superstitiō, car elle cognut le Roy entre autres, combien qu'il feust desguisé, & mis en lieu & estat plus bas que les autres, si parla audict Roy separement des autres, & luy dist choses qu'il pensoit homme au monde ne scauoir que luy. Dont on veoyoit le Roy pleurer. Aucuns ont escript que le Roy, depuis iamais ne le reuela, toutefois ie trouue vn ancien historien qui le declare & le descript qu'vn peu auparauant que ladicte pucelle vint au roy luy estant vne nuit seul couché en son liēt, commença à penser les grandz affaires ou estoit constitué, & comme tout hors desperance du secours des hommes se leua de son liēt en sa chemise, & se meit à deux genoulx, les larmes aux yeulx & les mains ioinctes, comme soy Reputant poure pecheur indigne d'adresser sa priere à Dieu, Supplia à la vierge Marie mere de consolation des desolez, que s'il estoit vray filz du Roy & heritier de France, qui luy pleust supplier à son filz Iesus, de luy donner ayde & secours contre ses ennemis, & les chasser hors du royaume. Et s'il n'estoit filz du Roy, & le royaume ne luy appartenoit, qu'il pleust à Dieu luy donner patience Et quelques possessions temporelles pour viure honorablement en ce monde, ce que ladicte pucelle luy dist, qu'il auoit fait, dont il meit vne merueilleuse credence en elle, & ordonna faire tout ce qu'elle diroit. Et alors elle declaira deuant tous, qu'elle vouloit aller au siege que les Anglois tenoient & deuant la ville D'orleans, & demanda estre armée, & enuoya querir vne vieille espee estant en l'eglise de sainte Catherine de Fierbois en Touraine, combien que iamais elle n'y eust esté & dela vint acompaignée des principaulx princes & capitaines de France, deuant Orleans & par son moyen furent par deux fois, ceulx de dedans r'aduitaillez maulgre lesdictz Anglois, qui tost apres leuerent leur siege, & se retirerent: mais ilz furent poursuiuiz par le conseil d'elle iusques à vn village en beaulse appelé Patay ou ilz furent deffaictz, & obtindrent les François belle victoire, en laquelle furent prins prisonniers les seigneurs de Thalbot & Descalles avec douze cens autres bons personnages, & mis à mort de trois à quatre mille, sans perdre qu'enuiron trois cens François, apres laquelle victoire, elle mena le Roy à Reims ou il fut honorablement sacré comme elle l'auoit predict, & depuis furent faictes plusieurs autres conquestes de villes & chasteaulx, & puis se retira en sa garnison dedans Compiègne, dont messire Guillaume de Flauy estoit cappitaine lequel peu de temps apres, faulcement & desloyallemēt la trahit & deliura à messire Jean de Lutzelburg ce quelle auoit auparauant predict & déclaré haultement, & present plusieurs, qu'elle seroit vendue, & de brief mise à mort, car ledict de Lutzelburg la vendit & deliura aux Anglois. On ne peut facilement prouuer la trahison dudit capitaine Flauy lequel en fut de dieu pugnif (apres), car depuis sa femme nomée Blanche damirebroecq belle damoiselle le suffocqua & estrangla par l'ayde de son barbier, estant en son liēt au chasteau de Neelle en Tartenois, dont depuis elle eut grace du roy Charles septieme Pource qu'elle prouua que ledit de Flauy auoit entrepris de la faire noyer. Or les Anglois menerent la bonne pucelle en la ville de Rouen, & firent faire son proces par vn Anglois Euesque de Beauuais, & combien que iamais ne trouuerent en elle vice quelconque, car sa vie estoit toute bonne & sainte, & ieunoit trois fois la semaine, se confessoit & recepuoit le precieux corps de nostre seigneur Iesus, chascun dimenche, iamais ne iuroit ne disoit parolle scandaleuse, & faisoit tout, au nom de Iesus, & quant elle arriuoit en vne hostellerie, faisoit tousiours coucher l'hostesse, ou vne de ses filles, ou chamberieres avec elle, iamais n'entroit homme en sa chambre iusques à tant qu'elle feust de tous pointz vestue & habillée, Toutesfoīs lesdictz Anglois la firent declarer hereticque par leur iuge, & condampner à estre bruslée, & prindrēt la couleur de leur iugemēt, par ce que contre les saintz canōs, auoit prins le vestement d'homme, dont elle s'estoit bien excusée, disant que s'estoit par permimission de Dieu, & pour ceste seule cause fut

fut lad. pucelle bruslée au moys de may mil quatre cés trête vn, au marché de Rouen . 431  
 ou de present est, l'eglise de saint Michel, & les cendres de son corps iectées au vent  
 hors la ville, & oncques puis les Anglois ne prospererent en France, Maistre Jean  
 geson grand theologien & hōme de sainte vie, a fait vn petit traité contre ceulx  
 qui ont detraicté de ceste pucelle, & vn autre docteur nommé maistre Henry de  
 Geckem commençant *Tulit dominus*. On trouue oultre deux grans volumes en  
 la librairie de l'abbaye de saint Victor à Paris. Comment de l'autorité du saint sic-  
 ge apostolicque, par trois Legatz ad ce deputez, la sentence donnée par lesditz An-  
 glois contre ladicte pucelle fut reuouquée, adnullée, & declarée faulse & contre tou-  
 te equité, & ce à la poursuite des parens dicelle pucelle, lesquelz le Roy de France  
 (pour mostrer sa iustification & innocence) a noblist, & leur posterité, en leur donnât  
 armoiries de noblesse, comme sensuit: à sçauoir vne espee d'argent en vn champ d'a-  
 zur & sur la poincte de ladicte espee vne couronne d'or avec deux fleurs de lys d'or,  
 de coste & d'autre.

**La troisieme** raison se prend pour les grandes & hautaines choses qui Les trois royau-  
 ont prins leur origine & commencement en nostre mes, France, Au-  
 partie de Belge, à sçauoir l'institution & creation des trois royaulmes des François, strasie, & Lorrain  
 Austrasiens, & Lorrains. ne, ont prins ori-  
 gine en la Gaule  
 belgicque.

¶ Premièrement de l'origine du royaulme des François est certain que ledict royaul-  
 me qui dure & perseuere encores iusques à present, a prins son commencement à  
 Pharamond, descendant du sang & lignage des Troiens, qui fut le premier esleu  
 & couronné Roy de France, en nostre terre, pays & contrée de Belge, en la forme qui  
 sensuit. ¶ Apres la destruction de Troye qui fut environ l'an du mode quatre mile  
 deux cens, & deuant l'aduenement de Iesuchrist vnze cens soixante dixneuf ans, tous  
 les Troiens qui eschaperent, se partirent de leur pays & contrée, comme profuges &  
 exilez, se diuiserent en trois bandes, desquelles les deux conduisoient Eneas &  
 Anthenor proditeurs de la cité de troye. Si vint Eneas & ses gens es parties D'i-  
 talie: tellement que de luy sont fortiz les Roys & Empereurs romains Anthenor  
 arriua es contrées, ou est de present Venise, & de luy sont descenduz les Venitiens  
 La troisieme bande estant de ceulx du sang & des aliez du Roy Priam soubz la con-  
 duicte de Francion filz d'Hector, vindrent arriuer par la mer Helesponticque &  
 le pont Euxine en Scithie pres du lieu ou le fleuue de Danube entre en la mer,  
 & fut les riuages du lac Meothide: Et illec constituerent leur capitaine Francion  
 Roy, & deslors furent appelez Troyens, Scithiens, & succederent audiect Fran-  
 cion plusieurs autres Roys descenduz de luy soubz ladicte denomination des  
 Troyens Scithiens, par l'espace de sept cens trente ans, depuis ladicte destruction  
 de Troye, & iusques environ l'an quatercens quarante auant l'aduenement de  
 Iesuchrist: Auquel temps y eut vn Roy desdictz Troyens Scithiens nommé An-  
 thenor, qui eut vne grosse bataille contre les habitans des Isles Goticques, En la-  
 quelle Il perdit la pluspart de ses gens, & y fut tué, à raison dequoy son filz nom-  
 mé Marcomirus homme vertueux, soy deffiant de pouoir resister audiectz Gothz  
 consulta L'oracle de ces Dieux par le moien du grand prebtre Menelpus, & d'u-  
 ne femme nommée Akima, qui vault autant à dire en langage Scithicque comme  
 Sibille ou deuinaresse, lesquelz par art magique feirét apparoir audiect Marcomire,  
 de nuit, & en son dormant vne effigie ayant trois testes à sçauoir D'aigle, Lion &  
 crapault, la teste de l'aigle, luy disoit, *O Marcomire caput meū progenies tua subiugabit Leo-  
 nē conculcatura simul buffonem occisura*. Ceste vision exposerent des trois royaulmes &  
 pays D'italie, Germanie, & la Gaule que sa posterité deuoit subiuguer & gaigner, &  
 par ce moyen il delibera laisser la Scithie, & s'approcher de la Germanie, & de la  
 Gaule, & print avec luy ses trois freres, Simo, Anthenor, & Priamus ducteurs de son  
 peuple, & s'en vint arriuer premierement à la Saxonie, ou il fut assez liberalemēt re-  
 ceu des Saxoniens, qui leur donnerent nouvelle denomination, en les appellent Neo-  
 magi, qui vault autant à dire cōme nouveaux amys, ou nouveaux hostes, & fut en-  
 uiron l'an quatre cens trente trois, parauant l'aduenement de Iesuchrist. Et combien  
 que du commencement ilz eussent petite extendue de pays: toutefois ilz augmen-  
 terent

Origine du Roy-  
 aume de France,  
 en la Gaule bel-  
 gicque.

Le troiens diui-  
 sez en trois bēdes

Eneas en italie,  
 Anthenor a Ve-  
 nise.

Francion arriue  
 a Scithie.

Troiens Scithiens.

Anthenor Roy  
 des troiens sciētē  
 tué.

L'oracle & visō  
 de Marcomire.

Marcomir en  
 Saxonie.

Les troiens appe-  
 lez Neomagi.

# Le Royaume de France a prins.

terent en peu de temps par force d'armes, vers les parties occidentales en nostre Gaule belgique: tellement qu'ilz obtindrent tous les pays, ou de present sont les Frisons Gueldroys & les Holandoys & les lieux circouoisins, ou le fleuue du Rhin entre par trois partzen la mer Océane Britanique. Et illec regna ledict Marcomirus par l'espace de trente deux ans, Si eut vn filz nommé Anthenor qui luy succeda, & print vne femme nommée Cambre, fille de Belinus Roy de Bretagne, femme de beauté & prudence excellente. Et laquelle pour ses vertus & sagesse, ilz estimoient Sibille, ou deuineresse, & l'auoient entre eulx en si grande reputation qu'ilz ne faisoient rien sans son conseil, reputans ses dictz & parolles comme oracle de Minerue, tellement que en la reuerence d'elle, ilz prindrent le nom de Sicambres en sorte qu'eulx qui premierement auoient esté appelez Troiens, Schitiens, & depuis Neomagi, furent appelez Sicambriens. Combien qu'il ya aucuns historiens qui escriuent, que lesdictz Troiens prindrent le nom de Sicambres, d'une cité qu'ilz edificierent en Panonie, ou en Hongrie, appellée Sicambria, que nous difons à present Buda.

*Anthenor filz de Marcomir, & sa femme Cambre.*

*Les troiès appelez Sicambriens.*

*La cité de Sicambria.*

*Victoire du Roy Francus, contre les Gauloys.*

*Les Sicambriens appelez François.*

*Le Roy Clogion soubz lequel naquit Iesuchrist.*

*Marcomir, iij. du nom, descendu en la xxiiij. generation dudit Francus.*

*Les Sicambriens François, tributaires à l'Empereur Valentinianus.*

*Les François sans Roys.*

*Le duc Dagubertus.*

*Le duc Genebaldus.*

*Les François de rechef, en la Gaule Belgique.*

¶ Or quoy qu'il en soit ledict nom des Sicambres leur dura par quinze ou seize generations de leurs Roys, & iusques enuiron l'an trente sixieme auant l'aduenement de Iesuchrist, qu'il y eust vn de leurs Roys nommé Francus, ou Francion, homme tresvertueux & religieux, & qui eut plusieurs victoires contre les Romains & ceulx du pays de Gaule, & entre autres, il feit faire vn pont sur le fleuue de Meuse, & entra plus auant en la Gaule, & feit telle occision, que des Gaulois demeurèrent plus de cinquante mille. Ledict Francus voulut oster le nom de Sicambriens, & se feit appeller Roy des François, tant à cause de Francus, iadis filz d' Hector de Troye, son predecesseur qu'à l'occasion de son nom. Toutefois ce ne pèut il si tost faire, ains estoient les François aucunes fois appelez Sicambriens, aucunes fois Germains & aucunes fois François, & mourut ledict Francus apres auoir regné vingthuit ans, enuiron dix ans auant l'aduenement de Iesuchrist. ¶ Il laissa vn filz nommé Clogion, durant le regne duquel, l'a dixieme, Iesuchrist nostre Sauueur voulut naistre de la glorieuse vierge Marie. D'iceluy Francus descendirent par succession plusieurs enfans, qui succederent les vnz apres les autres audit Royaume de Franconie, ou François, iusques au vingt quatrieme Roy qui fut nommé Marcomir troisieme du nom, comme on peult veoir par la deduction de nostre histoire des euesques de Verdun, commençant du tēps de Iules Cesar, cestuy Marcomirus eut plusieurs guerres contre les Romains du tēps de L'empereur Valentinianus soubz lequel il se rendit tributaire. Finalement il fut tué en vne bataille, avec la pluspart de ses gens, voulant desnier le tribut ausdictz Romains, enuiron l'an de grace trois cens quatre vingtz & treize, & par ce tellement furent debilités les vertus des François qu'ilz furent contraintz payer & continuer ledict tribut, à raison de quoy tous les principaulx Ducz & princes d'iceulx desplaisans de telle seruitude, & afin de refuser le tribut aux Romains, repasserent le Rhin & retournerent en la Germanie, excepté vn seul duc d'iceulx, nommé Priamus qui demoura avec quelque nombre de gens en nostre Gaule belgique, & diceluy comme dit Ieronimus gelvilerus en son histoire, sont descenduz les Contes Dardene progeniteurs de Godefroy de Buillion, & des ducz de Lorraine à present Regnâtz. Toutefois nous monstrerons le contraire en la deduction de nostre histoire.

¶ Or par la mort dudit Marcomirus les François demourerent sans Roy: mais le frere du deffunct nommé Dagubertus, entreprit le gouvernement desdictz François soubz le nom de Cappitaine ou de Duc comme dit Hānibaldus, & ainsi le gouverna enuiron cinq ans, durant lequel temps les Romains enuoyerent leurs ambassadeurs vers eulx, pour retirer les tributz ordinaires imposez par l'Empereur Valentinianus, ausquelz ilz feirent responce, plustost mourir que d'estre tributaires, & tost apres ledict Dagubertus mourut, au lieu duquel les François prindrent pour leur Duc Genebaldus, son filz, soubz lequel ilz eurent aucunes victoires contre les Romains refusans ledict tribut. Si mourut ledict Duc Genebaldus, apres qu'il eut gouverné vnze ans. ¶ Les François orgueilleux & esleuez de ceste victoire apres la mort de leur duc Genebaldus, delibererent repasser le Rhin & entrer en la Gaule belgique, & rebouter les Vvadelz qui estoient en icelle, destruisantz tout, soubz leur Roy Go-

# son origine en la Gaule belgicque. I F. vii.

Godogefil, ce qu'ilz feirent, & eurent belle victoire, contre iceulx, comme nous dirôs en nostre histoire, & ce fait, pour venir à chef de leur intention, d'auoir nouueau Roy, esleurent iour pour ce faire, en laquelle assignation, comparurēt plusieurs ducz & Cappitaines, qu'ilz esleurent d'un cōmun accord, premier Roy de France, tant en franconnie, qu'en ce qu'ilz auoient conquesté en la Gaule belgicque, contre ledictz Vvandelz, Pharamond, Duc de la France Orientale, qui depuis institua la Loy Salicque, obseruée encorës iusques auiourd'huy entre les Roys de France à present regnât Et par ce appert que le Royaume de France qui dure encore presentement à prins origine, en nostre gaule belgicque, comme nous deduirons plus amplement en la fin de nostre premier liure, En parlant dudiēt Roy Pharamond.

*Godogefil Roy des Vvandelz.*

*Pharamond esleu Roy, tant en France, comme en la gaule belgicque.*

**On trouue par les origine** du Royaume d'Austrasie histoires, estat & cōmencemēt en nostre Gaule Belgicque, soubz les premiers Roys des François Meroniens, & print fin au commencement du regne de ceulx du sang de Pepin & Charlemagne, enquoy appert clerelement, que les historions escripuans que les ducz de Lorraine à present regnans, ont print originē & naissance des roys d'Austrasie, ont errē & failly griefuement: car à la verité ledictz ducz de Lorraine, ont prins plus haultaine & noble origine, à sçauoir, du noble Pharamond, premier Roy de France, duquel aussy (est descēdu) le vaillant Charlemagne par ligne directe, cōme cy apres nous monstrerons clairement.

*Origine du royaume d'Austrasie, en la gaule belgicque.*

*Les Roys d'Austrasie ont esté roys Meroniens.*

¶ Or pour declarer l'origine dudiēt royaume d'Austrasie, fault noter, qu'apres que les premiers roys de France, Pharamond, & Claudio son filz, & cōsequemment Meroneus, Childeric, & Clouis son filz, eussent augmentē: & merueilleusement dilaté leur royaume, iusques aux gaules Celtiques, & Aquitanicques, en deboutant & chassant les Rommains, & leurs confederez Gauloys de plusieurs lieux d'icelles parties, y auoit vn prince en nostre gaule belgicque, nommé Lando, Duc & seigneur de Tongre (& des lieux ou est de present Brabant) qui estoit Chrestien descēdu par l'ogre succession de Charles Ynache (jadis Duc de Tongre) & de Germaine, sœur de Iules Cesar, comme on pourra veoir par la deduction de nostre histoire. Et auoit tous iours suiuant ses predecesseurs, tenu la partie des Rommains, lequel voyant la prosperité desdictz roys François, qui iournellement augmentoient, laissa l'alliance desdictz Rommains, & print celle du Roy Childeric, apres sa restitution en son royaume, comme on peult veoir au gestes d'iceluy, Si fut receu ioyeusement dudiēt Childeric, & tellement aymē & honorē pour ses vertuz & preud'homme qu'il luy bailla à gouverner soubz luy, la pluspart de nostre gaule belgicque, & ce pour deux raisons

*Lando Duc, & Seigneur de Tongre.*

*Lando gouverneur soubz le Roy Childeric.*

¶ La premiere estoit, pource qu'il conuenoit audict Childeric estre absent de ladicte gaule belgicque pour la poursuite qu'il faisoit contre Gilon, Duc des Rommains; qui auoit tenu le Royaume des François durant son election, & se tenoit encorës à Soissons,

¶ La secōde raison estoit pour reprimer & empecher les factions & mutineries, qui estoient pour lors en ladicte gaule belgicque, à raison des trois filz de Clodion le cheuelu, à sçauoir Ambron, Regnault & Richier, ou Râchaire, qui ieunes enfans auoient esté deiettez & priuez du royaume, par Meroneus, pere dudiēt Childeric, & lesquelz (pour lors) s'estoient retirez en aucunes places de ladicte gaule belgicque, faisans plusieurs courses & entreprinſes pour recouurer ledict royaume, cōme on pourra veoir par la deduction de nostre histoire. A raison dequoy ledict Childeric auoit constitué gouuerneur, Lando, pour en son absence reprimer leurs entreprinſes ce qu'il feit tres fidellement sa vie durant. Si aduint apres que ledict Duc Lando mourut, & laissa vn filz nommé Austrasius, qui n'estoit de moindres vertuz que son dict pere, semblablement le Roy Childeric mourut, auquel succeda Clouis son filz enuiron l'an de grace Quatre cēs quatre vingtz & quatre. Et combien qu'il fust encore payen, toutefois il print en grand amour ledict Austrasius, qui estoit chrestie, & luy continua & augmenta grandement le gouuernemens que son pere auoit eu en nostredicte gaule belgicque

*Les trois enfans de Clodion le cheuelu.*

*Le Duc Austrasius filz de Lando gouverneur apres son pere.*

# Le royaume d'Austrasie a prins.

belgique, tant pource que ledict Clouis estoit quasi tousiours absent d'icelle, occupé aux guerres & batailles qu'il menoit dilatant son royaume, es parties des gaulles celtiques, & aquitaniques, que aussy pour reprimer les entreprinſes & courſes d'ictez enfans de Clodion le cheuelu: car l'aîné Ambron se tenoit pour le plus en la foire d'Ardenne, ou il feit edifier plusieurs temples en l'honneur de ſes dieux payens, & aucuns chasteaux comme Namur, le chasteau Sanſon & autres. Semblablement il se tenoit aucunes fois vers les montz Allaticques, & comme dit Balduinus en son histoire, il feit r'edifier la cité de Strasbourg, qui estoit toute destruite, & feit faire le chasteau de Tulle, Espinal, Marſaulx, & feit r'edifier les baings de plumieres. Cestuy Ambron print alliance avec les Rommains, espouſa la fille de Thierry, Roy des Ostrogots, qui regnoit en Aquitaine, de laquelle il eut vn filz nommé Vvaubert, qu'il maria à la ſœur de Zenon l'Empereur, par la faueur de son beau pere Thierry, qui estoit fort aymé d'ictez Zenon: car par son moyen il print autorité de regner en Italie.

*Ambron filz de Clodion.*

*Vvaubert premier*

*Aubert & vvaubert. ij.*

*Ranchaire, & Regnault, Roy de Cambray.*

*Les Meroniens.*

*Ranchaire Richer & Regnault, enfans de Ranchaire, premier occis par le Roy Clouis.*

*Austrasie prend son nom du Duc Austrasius.*

*Quatre filz du Roy Clouis.*

*Theodoric l'aîné.*

*Clodilde, femme de Clouis.*

*Clotaire, clodimir enfans puisnez de Clouis.*

*Austrasie erigé en royaume souz Theodoric premier roy.*

*Deux sieges principaulx en austrasie.*

¶ Vvaubert eut de ſadict femme, deux enfans, Aubert & vvaubert, lesquelz l'Empereur Zenon, cōme ſes nepueuz retira à Romme, de crainte & peur des Meroniens, & les crea tous deux ſenateurs de Romme, ilz tindrent grands biens en Aquitaine, à raiſon de leur mere grande fille d'ictez Thierry. Et tenoient l'alliance des Rommains: mais quelque temps apres ilz retournerent en la grace des roys de France, par le moyen de Iuſtinian l'Empereur du temps de Cloſaire premier du nom, comme nous dirons cy apres. Les deux autres freres d'ictez Ambron, enfans du Roy Clodion ſçauoir Ranchaire, & Regnault, s'estoient retirez à Cambray, & faiſoient plusieurs dommages à Clouis, & à ſes ſubiectz, lesquelz ilz appelloient Meroniens, pource que ledict Clouis estoit deſcendu de Meroneus.

¶ Toutefoys le plus ieune nommé regnault mourut en l'an quatre cens ſoixante & dix, ſans enfans, & ſemblablement l'aîné nommé Ranchaire mourut depuis en l'an quatre cens quatre vingtz & ſix. Et laiffa trois enfans qui luy ſuccederēt, à ſçauoir Ranchaire, Richer & Regnault, lesquelz ledict Roy Clouis, par apres regnant tua de ſes propres mains, par le moyen d'ictez Auſtraſius, qui les auoit prins priſonniers & rendit d'ictez Clouis, comme nous dirōs amplement en noſtre histoire, à raiſon de quoy ledict Auſtraſius fut encore plus aymé du roy Clouis, & ſi demoura plus paiſible en ſon gouvernement, auquel il ſe porta ſi prudemment & vertueuſement, qu'il estoit d'vn chascun aymé & honoré, tāt de la nobleſſe, que du populaire, en ſorte que tout le pays de ſon gouvernement print le nom de luy, & l'appelloit on Austrasie, cōtenant grande extendue de pays, comme eſcriuent Iheronimus, Gelbillerus, & Iean le maire, en leurs histoires & le deduirons amplement au ſecond liure de noſtre preſente cronicque.

¶ Or durant la vie & le gouvernement d'ictez Auſtraſius ledict pays ne fut iamais erigé ne nommé Royaume, mais apres la mort d'ictez Roy Clouis, laiffant quatre enfans qui feirent diuiſion entre eulx de la ſucceſſion de leur pere, entre lesquelz le premier, & l'aîné nommé Theodoric, qu'aucuns ont voulu dire baſtard, ce qui n'eſt vray, car pour lors qu'il engendra ledict Theodoric, il n'estoit chreſtien, & l'eut d'vne femme qu'il auoit & tenoit, comme ſa femme, car pour leur Loy estoit loiffible, laiffier, & prendre femme à leur volunté. Et depuis & long temps apres que ledict Theodoric estoit deſia en aage portant armes, car il ayda a ſon dict pere en perſonne, à faire les grands conqueſtes, & amplifier ſon royaume. Ledit Clouis print pour femme Clodilde fille d'vn roy de Bourgongne, de laquelle il eut trois autres filz, à ſçauoir Clotaire, Clodomir & Childebert, & lesquelz quatre enfans diuiſerent paiſiblement, & ſans contredict la ſucceſſion de leur pere, tellement que le pays qu'on diſoit Austrasie & qui auoit eſté ſouz le gouvernement d'Auſtraſius, vint au partage de l'aîné Theodoric, & deſlors fut erigé, en royaume, & fut appellé iceluy Theodoric, premier Roy d'Austrasie, auquel il constitua & eſtablyt, comme dit Guaguin, deux ſieges principaulx, à ſçauoir, l'vn a Metz, a raiſon de quoy lesdictz roys ſe diſoient aucunes fois Roy de Metz, & l'autre ſiege a Aix la chappelle, que nous diſons Aquisgranum.

¶ Ceste denomination de pays & royaume d'auſtraſie dura pres de trois cens ans, a ſçauoir

470  
486.

ſçauoir depuys le regne de Clouis, qui commença à regner l'an de grace quatre cēs quatre vingtz & quatre, & iufques à Pepin le court, pere de Charlemagne, qui entreprint par l'authorité du ſainct ſiege apoſtolicque. De la nobleſſe, & du peuple, la monarchie de France, enuiron l'an ſept cens cinquante.

¶ Toutefois il fault icy noter, que depuis l'erection dudit royaume d'Auſtraſie iufques audit Pepin le court il y eut pluſieurs diuerſitez de regnes, & gouuernemens dudit pays d'Auſtraſie, car pluſieurs foys par deffaũt d'heritiers des Roys d'Auſtraſie, ledit royaume retourna en monarchie aux roys de France, comme du temps de Clotaire premier du nom, de Clotaire ſecōd, Dagobert, & autres, qui tindrent ledit royaume d'Auſtraſie, avec celui de France.

¶ Ces deux roys Clotaire premier, & Clotaire ſecōd du nom, receurent en grace, les ſucceſſeurs de Clodion le cheuelu, & les eſleurēt en grands offices principaultez, & ſeigneuries dedans ledit royaume d'Auſtraſie: car Clotaire premier, bailla vne de ſes filles nommée Blicilde, à Anſelbert, ſenateur de Romme, qui eſtoit du lignage de Clodion, & à la requeſte de Juſtinian Empereur. Lors regnant luy bailla grandes ſeigneuries, ſignamment vn marquiſage erigé par les Empereurs Rommains, pendant qu'ilz tenoient la gaule belgicque, qui s'appelloit le Marquiſage du ſainct Empire, cōme nous dirons cy apres en la deduction de noſtre hiſtoire.

¶ Semblablement Clotaire, ſecōd du nom, retira en ſa court Arnulphus, filz du filz dudit Anſelbert ſon parent, & l'inſtitua maĩſtre de ſon Palais, en France, & ſi bailla luy viuant, à ſon filz ainſé Dagobert, le gouuernement du Royaume d'Auſtraſie, en commettant maĩſtre du Palais d'icelluy Pepin l'ancien, ſurnōmé de Laudan, deſcendu du noble Duc Auſtraſius, qui auoit donné le nom au royaume d'Auſtraſie.

¶ Ces deux icy Arnulphus & Pepin eſtāt des plus grāds princes d'Auſtraſie, feirent vn mariage de leurs enfans: car Anchife, filz d'Arnulphus, print pour femme Begga fille dudit Pepin, deſquelz deſcendirent en droicte ligne Charles Martel, & conſequemment Charlemagne, comme on pourra veoir clairement, & plus amplement en la deduction de noſtre hiſtoire.

**¶** **Dauantage** ledit Clotaire, ſecōd print à femme, en ſecondes nopces Sichilde, ſœur d'un prince d'Auſtraſie nommé Brunulphus, deſcendu du Roy Clodion, & duquel ont prins origine les ducz qui ſont de preſent en Lorraine, comme nous dirons cy apres, ledit clotaire ſecōd, eut vn filz de ſadicte femme Sichilde, nommé Aribert, & ordonna par ſon teſtament que ledit Aribert apres ſa mort ſuccedaſt audit royaume d'Auſtraſie, en luy aſſignant pour maĩſtre de ſon Palais ledit Brunulph<sup>o</sup>, & que ledit Dagobert ſon ainſé filz, qui gouuernoit pour lors Auſtraſie, eut pour ſa part le royaume de France: mais il aduint autrement: car Dagobert apres la mort de ſon pere vſurpa le royaume d'Auſtraſie, avec ce luy de France, & feit tuer en la cité d'Ablaton, Brunulphus, qui deffendoit les parties d'Aribert. Toutefois quelque temps apres il bailla à ſon dicit frere Aribert, le royaume de Toulouse pour recompence de celui d'Auſtraſie, par le conſeil & enhortemēt de ſes deux principaulx conſeillers, & maĩſtres de ſes Palais Arnulphus & Pepin.

¶ Semblablement apres la mort dudit Dagobert, l'un de ſes filz nommé Sigebert, quil auoit eu de Rentrude, laquelle neſtoit ſa femme legitime, luy ſucceda au royaume d'Auſtraſie, homme de tresgrandes vertuz, & totalement à donné à Dieu, qui feit de grands biens aux ſucceſſeurs dudit Clodion le cheuelu. car il reſtitua les terres & ſeigneuries que ſon feu pere Dagobert, auoit oſté aux enfans du duc Brunulphus ociz par ſon ordōnāce, & les eſleua en grādes offices de ſon royaume, durāt ſon regne. Toutefois apres ſa mort, ſon petit filz Dagobert, fut priué dudit royaume, & fait par force, moyne, à raiſon de quoy Clouis, ſecōd du nom, frere dudit Sigebert, inſtitua ſon petit filz Childeric deuxieme, Roy d'Auſtraſie, qui depuis tint le Royaume de France, en monarchie, & fut quaſi le dernier roy d'Auſtraſie: car deſlors ceulx qui tenoient les grandes offices, principaultez & maĩſtrises des palais prindrēt ſi grāde authorité, & pluſgrande que ne ſont au ioud'huy les Conneſtables, & augmenterent leurs uiſſances, tellement quilz meirent leſdictes offices en ſucceſſion de pere,

*Le royaume d'Auſtraſie dura enuiron trois cens ans*

*Diuerſité de ſucceſſion audit Roy aume d'Auſtraſie.*

*Les ſucceſſeurs de Clodion le Cheuelu Recen en grace de Clotaire premier & de Clotaire deuxieme.*

*Pepin de Laudan maĩſtre du palais en Auſtraſie.*

*Le mariage d'Anchife & de Begga.*

*Sichilde, femme ij. de Clotaire*

*Aribert filz de Clotaire ii. ordōne Roy en Auſtraſie Brunulphus occis.*

*Aribert prinē du royaume d'Auſtraſie pour ſon frere Dagobert, qui luy bailla Toulouse.*

*Sigester filz de Dagobert, Roy d'Auſtraſie.*

*Sigebert, reſtitua les enfans de Brunulphus.*

*Childeric filz de Clouis. ii. fut Roy d'Auſtraſie.*

*Les maĩſtres du Palais, vſurpans l'authorité des roys.*

*Charles martel, maĩſtre du palais, tant en France, comme en Auſtraſie.*

# Le royaume de Lorraine a prins son origine

à filz : dont aduint que quelque temps apres les Roys commencerent à eulx abastardir, & degenerer des vertus & promesses de leurs predecesseurs viuans en gourmandise & luxure tellement que le Royaume estoit gouuerné par lesdictz maistres du Palais.

¶ Ce temps dura enuiron cent ans, à sçauoir depuis Clotaire, troisieme du nom iusques à Childerich, aussy Troisieme du nom, durant le regne

Charles martel tenoit les maistrises des palais seul, tant en France

*Pepin filz de Martel entreprint les royaumes d'austracie & d'austratie, contre Childeric. iii. de nom.*

*Charlemagne monarche, au deux royaumes.*

*Austratie pert tellement son nom & titre.*

Charloman, maire du palais d'austratie, & l'autre filz nommé Pepin le court, ordonna maître du palais de France, lequel Pepin apres la mort de son frere Charloman deiecta ledict Childeric troisieme, entreprint par l'authorité du Pape, & consentement des nobles & peuple des pays les deux royaumes constituant vne monarchie en sa personne, enuiron l'an sept cens cinquante, depuis ledict Pepin eut deux filz qui luy succederent, à sçauoir Charlemagne, qui eut pour sa part le royaume de France, & Aquitaine, & Charloman, eut le royaume d'austratie, Bourgongne, Flandres, &c. Mais cestuy Charloman mourut en l'an sept cens septante & vn, parquoy tous lesdictz royaumes escheurent audict Charlemagne, & depuis à son filz Loys le debonnaire en monarchie, & deslors Austratie, perdit totalement son nom, par ce que les enfans d'audit Loys le debonnaire, feirent autres diuisions entre eulx, & prindrent chascun denomination de Roy, à sçauoir France, Germanie, & Lorraine.

## De l'origine du royaume de Lorraine.

*Origine du royaume de Lorraine, en la gaule belgique*

*Lothaire, Loys & Charles le chaulue enfans de Loys le debonnaire.*

*Ordonnance de Loys le debonnaire sur le partage de ses enfans.*

*Bataille entre les trois freres en l'auverrois.*

*Lothaire vaincu.*



**Quant au royaume de lorraine**, Il est tout notoire par les hi

stoires, qu'il fut inuue, & print commencement en nostre Gaule Belgicque, enuiron l'an de grace huit cens quarante deux, soubz les Roys de France, estant du sang de Pepin, & Charlemagne, & apres que les Meroniens, furent deiectez, à sçauoir qu'à Lothaire, premier du nom, vint à regner: car vn peu au parauant son pere Loys, le debonnaire, filz de Charlemagne, ayant troys filz, à sçauoir ledict Lothaire, & Loys, qui fut dict Germanicus, de sa premiere femme, & le tiers Charles, surnommé le Chaulue de sa seconde femme, voulut auant sa mort pour nourrir paix entre ses enfans diuiser son royaume entre eux, & ordōna que Lothaire son filz ainsé auroit l'empire d'Italie, avec tout le pays, situé depuis la riuiere de Meuse, tirant vers Orient, & toute la Germanie, excepté Bauiere, qui laissa à son filz Loys pour sa portion, & à Charles le chaulue, son petit filz, laissa en faueur de sa mere Iudic, viuant encores, l'autre partie, depuis Meuse, tirant vers Occident, contenant le royaume de France, avec cestuy d'Aquitaine, & combien que les deux premiers filz ne fussent contentz du partage, toutefois il les feit iurer le tenir ainsi: mais apres sa mort, ilz n'en tindrent riens: car Lothaire, comme l'ainsé vouloit succeder à l'empire, & en tout ledict royaume de France, en faisant partage à ses freres à son plaisir, à raison dequoy ses deux autres freres, Loys, qui n'estoiet content de son partage, & Charles le chaulue qui vouloit deffendre, & tenir l'ordonnance de son feu pere, s'accorderent ensemble, contre ledict Lothaire, & leuerent vne grosse armée, pour resister audict Lothaire qui les venoit assaillir. La iournée fut tenue au territoire de l'Auxerrois, pres d'vn village nommé Fontenay, le iour de l'Ascension de nostre Saulueur Iesuchrist, l'an huit cens quarante deux, ou il y eut tant de gés tuez, vaillantz & belliqueux, de costé & d'autre, que les histoires dient que François, depuis n'eurent telle puissance d'eulx deffendre contre leurs ennemys, qu'au parauant, toutefois la victoire tourna contre ledict Lothaire, qui fut contrainct fuyr, & se retirer vers les Lyonois. Bien tost apres lesdictz trois freres, par le moyen des princes de la noblesse de France, se meirent sur accord, prindrent, & nommerent de chascun



cun costé quarante grandz personages pour diuiser entre eulx les royaumes & succession paternelle, promettans tenir ce qu'ilz feroient, & fut faicte l'assemblée deditz arbitres en nostre cité de Verdun qui seirent partage en la forme qui s'ensuyt.

**Charles le chaulue** le plus ieune eut pour sa part toutes les parties occidentales, depuis le fleuue de Lescault, iusques à la mer Britanicque, combien qu'aucuus ont escript, qu'il eut iusques à Meuse, mais ce ne peult estre veritable, à raison de la portion que Lothaire reserua, à scauoir le pays entre Lescault & le Rhin, comme cy apres dirons.

¶ Loys eut depuis le Rhin tirant vers l'Orient, à scauoir la Germanie, Suéuie, & Baviere, Bohemie, Autric, Saxonne, & la Franconie, ou la France Orientalle, de la le Rhin, & se nomma ledict Loys Roy de Germanie.

¶ Lothaire l'aîné retint le nom & dignité Imperial & eut pour sa part toute l'Italie, & la Prouence, Et avec ce, eut vne region de pays en nostre gaule belgicque, située entre les fleuues du Rhin, & de Lescault, laquelle region, le fleuue de Meuse par son cours intersecque & diuise quasi par le meillieu, & deslors ceste region fut erigée en royaume, & denommée du nom dudit Lothaire, le royaulme de Lorraine, contenât grandz estendues de pays, comme le Cambresis, Hainau, Brabant, Hasbain, Lutzelbourg Ardâne, le pays ou est de p'sent la duché de lorraine, laquelle seule à retenu le nom dudit royaulme, ensemble l'Alsatie, & les pays ou sont les belles citez de Treues, Coulongne, Spire, Strabourg, Basle, & autres, avec le pays de Suisse. Et generalement iusques au Rhin. Tellement que ledict Lothaire pouuoit venir librement du pays d'Italie, en son pays de Lorraine, sans marcher sur les terrés de ses deux freres. Celle denomination ne dura longuement, toutefois le pays de Lorraine, faisant portion d'iceluy royaume à perseueré, iusques à present, soubz le nom de duche, & non de royaulme, comme nous dirons en la deduction de nostre histoire.

**Or celuy** Lothaire Empereur & premier Roy de Lorraine, enuiron l'an huiet cens cinquante & cinq, apres auoir regné quinze ans, delibera laisser le monde, & entrer en religion, & ordonna que son filz aîné, nommé Loys, tiendroie l'Empire d'Italie, avec la Prouence. Et donna à son autre filz Lothaire le ieune, ledict royaume de Lorraine, lequel il tint paisiblement: mais enuiron l'an huiet cens soixante deux, par concupiscence charnelle, & suasion diabolicque, il laissa sa propre femme, & print pour femme sa concubine nommée Vvaldrade, laquelle ne voulut iamais laisser pour quelque monition qu'on luy feist, par le saint siege apostolicque, à raison dequoy il fut excommunié par le Pape Nicolas, premier du nom.

¶ Si aduint que son frere Loys Empereur d'Italie, ayant guerre contre les Sarrazins descenduz en la Pouille, enuoya demander secours audict Lothaire son frere, ce qu'il accorda, & y alla avec grosse armée, Mais quasi par diuine pugnition, la peste les suiuoit, & se meit en son armée, tellement qu'il fut contrainct s'en retourner & en retournant mourut en la cité de plaissance, de laquelle mort son oncle Charles le Chaulue aduertit, delibera se mettre en possession dudit royaume de Lorraine, prenant son occasion, surce qu'il veoyt ledict Loys, frere dudit deffunet, Lothaire occupé contre lesdictz sarrazins en la Pouille, & dautre costé que son frere Loys, Roy de la Germanie menoit grosse guerre contre vn peuple nommé Viuides, voisins des Saxons. Et pourtant ledict Charles le Chaulue, vint en Lorraine prenant intelligēce avec les euesques du pays, & les nobles se fait corōner roy de lorraine, en l'eglise saint Estienne de Metz, enuiron l'an huiet cens septante & vn, de ce ne fut content, Loys Roy de la Germanie, oncle du deffunet Lothaire, si enuoya gens vers son frere Charles le chaulue demandant portion comme luy au royaume de Lorraine, avec menaces, si on luy refusoit, à raison dequoy ilz accorderent ensemble, & esleurent gens fideles, pour diuiser ledict royaulme de Lorraine entre eulx deux, ce qui fut faict, tellement que ledict Charles le chaulue, eut pour sa part tous les pays qui sont depuis la riuete de Meuse, iusques a la riuere de Lescault & Loys, roy de Germanie, eut depuis Meuse, iusques au Rhin, le tout en tirant vers la mer Océane, la ou le Rhin entre en icelle, & partant demourerent paisibles chascun de sa part & portion, & en-

*Partage des troys freres en la cité de Verdun.*

*Lothaire Empereur, & premier Roy de Lorraine.*

*La situation & estendue du royaume de Lorraine*

*Lothaire, prend l'habit de religion. 855.*

*Loys filz de lothaire, l'empereur.*

*Lothaire. ij. roy de lorraine.*

*La mort de lothaire. ii.*

*Charles le chaulue usurpe le royaume de lorraine.*

871

*Diuisio du royaulme de lorraine, entre charles le chaulue, Roy de la Germanie.*

# Le royaume de lorraine a prins

uoyent ambassadeurs, pour mōstrer le droit qu'ilz pretendoient audict royaume de Lorraine vers le Pape Adrian deuxieme du nom, qui querella & demanda ledict royaume de Lorraine pour l'Empereur Loys, frere dudit defunct Lothaire, vray heritier d'iceluy, empesché es batailles, pour la defence de l'eglise.

*Loys Empereur frere de Lothaire ij. querella le royaume de Lorraine.* ¶ Si les lecteurs vueillent congnoistre amplement, comment Charles le Chaulue se fit coronner, & comment depuis il feit ladicte diuision avec sondict frere Loys, roy de Germanie, fault veoir ce que nous auons escript es vies de noz euesques Hatto & Berhardus.

*La mort de l'empereur Loys frere de lothaire.*

¶ Si aduint q l'an huit cens septante & six, ledict Loys pereur, d'Italie, filz de l'ancien Lothaire, & frere dudit defunct ieune Lothaire, roy de Lorraine mourut. Et pour ce ledict royaume de Lorraine demeura paisiblement, ainsi diuisé comme dessus, à esté dié à Charles le Chaulue roy de France, & à son frere Loys, Roy de germanie. Cestuy Charles le Chaulue, obtint l'empire d'Italie apres son nepueu Loys, & fut coronné à Romme, contre la volonté de son frere, Loys de germanie.

*Charles le chaulue Empereur.*

*La mort de Loys de la germanie.*

*Partages entre les enfans Loys de la germanie.*

*La mort de Charles le chaulue.*

*Loys le begue filz du chaulue.*

*Discension entre les cousins, Loys le begue & Charles le gras pour l'empereur.*

*Confirmation de la diuision du royaume de Lorraine.*

*Deux batards de Loys le begue.*

*Le filz legitime du Begue avec sa mere fugitif en Angleterre.*

*Lesdicts batards usurperent le royaume de France.*

*Cession de la portion du royaume de Lorraine faite par les bastards au profit des roys de la germanie.*

¶ En ladicte année huit cens septante & six, ledict Loys Roy de Germanie mourut & laissa troys enfans, lesquelz diuiserent la succession entre eulx, Carlomā l'ainé, eut Bauiere, Panony, & Boheme, & ne vesquit gueres apres son peré, en laissant vn seul filz bastard, nommé Arnulphus, qui depuis fut Empereur. Loys second filz eut Saxōne, Phrise, & vne partie du royaume de Lorraine. Charles le troisieme, surnommé le gras, eut le pays de Sueue, & vne partie du royaume de Lorraine, cōme Metz & le pays circonuoisin d'Alsatie.

¶ En l'an huit cens septante huit, mourut Charles le Chaulue, Roy de France, qui n'auoit tenu l'Empire que deux ans, & fut emprisonné (comme dient les histoires) au quel succeda son filz Loys surnommé le Begue, tant au royaume de France, comme en la partie que son pere tenoit au royaume de Lorraine, & si pretendit à l'Empire contre son cousin Charles le gras, qui estoit à Romme. Apres la mort dudit Charles le chaulue, par l'instigation, exhortation & support de son frere Loys le ieune, roy de la germanie, pour obtenir l'empire: car les principaulx de Romme tenoient pour luy mais le pape Iean septieme du nom fauorisoit à Loys le Begue, roy de France, tellement que ledict pape fut expulsé de Romme. Et veint en personne en France & couronna ledict Loys le begue Empereur, contre la volonté des rommains, toute fois apres le retour du pape, lesdictz deux ieunes roys, Loys le Begue, & Loys Roy de la Germanie accorderent ensemble, & feirent paix au lieu de Iainuille, en ratiffiant de nouveau, & confirmant entre eulx la diuision du royaume de Lorraine, iadis faite par leurs peres Charles le chaulue, & Loys l'ancien, Roy de la germanie, ilz iurerent plusieurs autres articles pour la conseruation des droits des eglises, comme auons escript en la vie de l'Euesque Berhard.

¶ Or ledict Loys le begue, auant quil fust roy tenoit vne concubine, de laquelle il auoit deux enfans masles, Loys & Carloman, apres quil vint à regner il print femme legitime, la fille du roy d'Angleterre, & mourut apres quil eut regné deux ans, sçauoir l'an huit cēs quatre vingtz, laissant ladicte femme legitime grosse d'enfant, laquelle s'enfuit en Angleterre, par ce que les deux bastards dessuidictz auoient entrepris le royaume de France, & des lors s'esleuerent grandz troubles & discensions audict royaume: car les vnz tenoient pour les bastards, les autres vouloient appeler Loys, Roy de la germanie, les autres vouloient attendre & diferer iusques à tant que la Royne fut accouchée. Finalement lesdictz bastards obtindrent, & regnerent par le moyen qu'ilz accorderent audict loys roy de la germanie, auquel ilz cederent, quicterent & donnerent toute la portion de Lorraine que leur pere tenoit, & que Charles le chaulue, auoit eu en partage: mais en ceste mesme année quilz feirent leur appointment, à sçauoir l'an huit cens quatre vingtz & vn, ledict Loys, roy de la germanie mourut & partāt Charles le gras le plus ieune des troys freres, qui auoit obtenu l'empire, par la mort de Loys le begue, vint à succeder à la Germanie en tout ce que ses deux freres tenoient, & fut seul roy de lorraine, par la donation que les deux freres bastards de France,

# son origine en la gaule belgicque. F. x.

de France, auoient fait à son frere Loys, roy de la germanie, comme on pourra veoir, plus amplement, en ce que nous auons escript en la vie de Dado, euesque de Verdun. Or les dessuiditz deux batardz, Loys & Carloman ne tindrent le royaume de France, qu'environ cinq ans, & moururent tous deux en l'an huiet cens quatre vingtz & cinq & semblablement Loys, surnommé Fayneant entreprint le royaume apres son pere Carloman; mais ceste mesme année huiet cens quatre vingtz cinq, pour sa mechante vie fut chassé, & fait religieux par le peuple & nobles de France, qui voyans les dommages & courtes que faisoient pour lors les Normandz au royaume de France, enuoyerent à la Germanie, & appellerent Charles le gras Empereur Roy de Germanie, & de Lorraine, & le feirēt leur roy, Pource qu'il estoit du sang de Charlemagne: car son pere grand fut Loys le debonnaire: mais enuiron cinq ans apres à raison du meschant appointment qu'il fait avec les Normandz, en leur donnant tout le pays de la Neustrie, lequel deslors fut appellé Normandie, les François le chasserent hors du royaume, & fut contrainctz se retirer en la germanie, tenant tousiours l'empire & le royaume de lorraine.

*Charles le gras  
Empereur & seul  
Roy de la germanie,  
& de tout le  
royaume de Lorraine.*

*La mort desdictz  
batardz.*

*Charles le gras  
esleu Roy de France.*

*Charles le gras  
chasse du royaume  
de France.*

En ladicte année de son election qui estoit huiet cens quatre vingtz & dix, les François esleurent pour leur roy Eude Comte de Paris, filz de Robert, comte d'Angiers, en attendant que le petit enfant Charles, qui depuis fut surnommé le simple, fut en aage pour gouverner, lequel auoit esté transporté en Angleterre par sa mere estant enscinte de son mary Loys le begue, & gouverna iceluy Eude, tresbien le royaume de France, environ neuf ans, pendant lequel temps Charles le gras empereur se voyant deiecté de France, print fascherie de regner, cherchant viure à reposer, appella son nepueu Arnulphus, filz bastart du defunct Carloman son frere se demit de l'empire, & luy laissa toute la germanie, & le royaume de lorraine, en retenant bien peu pour son entretènement, qui fut environ l'an huiet cens quatre vingtz & douze.

*Eude comte de  
Paris esleu Roy  
de France.*

*Charles le gras  
cede à l'empire &  
au royaume de  
Germanie & de  
Lorraine.*

Cestuy Arnulphus, estant Empereur, & Roy de Lorraine, ayant deux filz l'un legitime nommé Loys, & l'autre bastart nommé Cendebaldus, ou Zuetinbalthus, bailla ledict royaume de lorraine à son dict filz bastart, environ l'an huiet cens, quatre vingtz & quinze, & de la se partit pour aller en Italie, pour prendre la couronne Imperiale du pape Formosus. Ce pendant ledict Cendebaldus, Roy de Lorraine, feit des maux innumerables, meit grandes impositions par toute lorraine: dont son pere aduertie ne fut content, & usa de grosses menaces contre ledict Cendebaldus, qui se despit contre son pere, & print alliance avec ses ennemys: mais ledict pere Arnulphus ne vesquit longuement, & mourut l'an neuf cens & deux, & luy succeda au royaume de Germanie, Loys son filz legitime, qui se disoit Empereur d'Italie: cōbien qu'il ne print iamais la couronne Imperiale.

*Arnulphus donne  
le royaume de  
Lorraine à son  
bastard Cendebaldus*

*La mort de l'empereur  
Arnulphus,  
auquel succeda  
son filz legitime  
Loys.*

Or son frere bastart Cendebaldus ne cessoit de molester son pays en Lorraine, par quoy les princes d'iceluy pays s'esleuerent contre luy, & appellerent Loys Empereur, filz legitime d'Arnulphus pour leur roy, qui facilement s'y accorda, & eurent vne grosse bataille ensemble, en laquelle ledict Cendebaldus fut tué, en l'an neuf cens & quatre, & partant ledict loys de germanie, obtint paisiblement ledict royaume de lorraine, comme on pourra amplement veoir en la vie de nostre euesque Dado.

*Cendebaldus roy  
de Lorraine occis,  
auquel succeda  
Loys son frere.*

Pendant ces choses, les François qui auoient esleu Eude leur Roy, attendant que le petit Charles le simple fust en aage, enuoyerent en Angleterre, & rappellerent le ieune Charles surnommé le simple, lequel ilz coronnerent Roy de France, sans le sceu d'iceluy Eude, environ l'an huiet cens quatre vingtz dixneuf: dont il ne fut content: Car il auoit bien gouverné & fidelement le royaume, & par despit de ce, il feit grande resistance & empeschement, audict nouveau Roy: mais il mourut bien tost apres. Et auant sa mort ordonna a son frere Robert, duc d'aquitaine & a tous

*Les François rappellerent  
d'Angleterre, pour Roy  
Charles le simple.*

# Le royaume de Lorraine a prins son origine

ses alliez François, qu'ilz eussent à remettre la corōne, & obeir audict Charles le Simple, ce qu'ilz ne feirent: dont mal leur en print, & à sondict frere Robert.

*La mort de Loys Empereur, Roy de la germanie, & de lorraine.*

¶ En l'an neuf cens & treize, le dessusdict loys, roy de Germanie, & de lorraine pour suiuant l'Empire contre Berangarius, apres quelques victoires, qu'il eut, fut prins & tué, par la mort duquel, les princes de la Germanie voulurent eslire Roy, & Empereur. vn noble Prince de la Saxonnie, nommé Otho, qui fidellement & prudentemēt auoit gouuerné soubz le deffunct Empereur loys: mais il refusa ladicte election, enhorta & induit les princes de Germanie, eslire Conrardus nepueu dudit deffunct loys, aucuns tiennent qu'il estoit encores du sang & lignage de Charlemagne, & par ce moyen ledict Conrardus fut roy de Germanie, & de lorraine, esleu & nommé Empereur dernier de la posterité de Charlemagne, combien qu'il ne fut iamais corōné. Les autres historiens signamment les François sont d'autre oppinion, disans que ledict deffunct Loys fut le dernier du sang de Charlemagne, & non ledict Conrardus.

*Conrardus esleu empereur fut de la germanie, & de lorraine.*

*Rebeliō en lorraine, contre l'Empereur Conrard.*

Du commencement du regne dudit Conrardus y eut plusieurs princes & nobles, tant du royaume de lorraine, que de la germanie, contredisans & desobeissans à luy. pour lesquelz retirer à son alliance, il feit grand' diligence, tellement qu'aucuns retournèrent en sa grace, les autres non, Or, entre tous les princes de sa court, en y auoit vn

*Henry filz d'Otho de Saxonne, engendra depuis Otho le grand.*

noble, riche, & prudent nommé Henry, filz du bon deffunct Otho, duc de Saxonne, qui auoit esté cause de son election, & nō obstant il le hayoit, & l'auoit suspect, le craignant pour sa puissance & prudēce, En forte qu'il tascha le faire tuer, & emprisonner par l'Archeueque de Magonce: dont ledict Henry fut aduertty, & s'en garda prudemment, se retirant de la continuelle familiarité dudit Empereur Conrardus. D'auantage au royaume de lorraine y auoit vn grand prince nommé Reginerus, ou Reginerius d'ancienne noblesse, extraict par longue posterité de Clodion le cheuelu, deuxieme roy de France, & partant du sang de Charlemagne, & comme dit l'historien de lorraine, il auoit espousé Ermengarde, fille de Lothaire, premier Empereur de Rome, & roy de lorraine, luy estant bien ieune, lequel mariage fut fait apres la mort du dict lothaire Empereur. Cestuy tenoit plusieurs grandes seigneuries, tant d'vn costé

*Reginerus premier eire les princes du royaume de lorraine.*

*Les seigneuries du dict Reginerus.*

de la riuere de Meuse, que de l'autre, entre lesquelles il tenoit Ardāne, Hasbain, Buillon, Lembourg, le pays de Chaulmontois, & comme dit l'abbé Vispergenfis Traiectum, Iupille, Hastalle, Marsuram littam, & Apremont, & generallemēt tout le pays ou est de present la duché de lorraine, & eut plusieurs enfans de sa femme deffudicte, Entre lesquelz l'aîné, nommé Gifilbertus, fut vaillant, comme nous dirons cy apres. Le second filz fut Reginerus, ou Richninus pere de Godefroy à la barbe.

*Les enfans dudit Reginerus.*

¶ Le tiers filz fut Thierry, Duc d'Alsasie, le quatriesme fut Otho, Comte de Chaulmontoys, le cinquieme, Perard, Euesque de Liege. Le sixieme sainct Vgibert, & cinq filles comme dit le dessusdict historien, Cestuy Reginerus, ou Regeuherus, combien que tout le royaume de lorraine fust soubz l'obeissance des empereurs de Germanie depuis la celsiō faicte par les deux bastardz, filz de Loys le Begue, aux Germains, tou-

*Reginerus tenoit le party des Roys de France, contre l'empereur*

tefois il auoit tousiours eu son amour & affection aux roys de France, & signammēt à Charles le Simple, lors regnant de la restitution duquel il auoit esté l'vn des principaux auteurs, & luy desplaisoit fort que le Royaulme de Lorraine, estoit transferé hors de ceulx du sang de Charlemagne: car à la verité il ne reputoit point ledict Conrardus du sang de Charlemagne, combien qu'il fust son parent, & fut la cause principale qui induit les princes du royaume de lorraine à rebeller contre luy: car il leur desplaisoit que ledict royaume de Lorraine estant du patrimoine & succession de Charlemagne fut transferé à autre lignage, & à raison de ce ledict Reginerus, ou Reginerus enhorta tellement ledict Roy Charles le Simple, en prenant occasion

*Charles le simple recouura tout le royaume de Lorraine contre l'empereur Conrard.*

aux empeschementz & troubles, que l'empereur Conrardus auoit, que par son moyen, & de son filz Gifilbert, il recouura tout ledict Royaulme de Lorraine, & en deicstā l'Empereur Conrardus, enuiron l'an de grace neuf cens & seize, Duquel royaume deslors ledict Charles le Simple, le feit gouuerneur, & luy bailla les

citez de Metz & Verdun, pour & à celle fin, de les fortifier pour resister au princes de la

de la Germanie, s'il venoient pour repeter ledict royaume, toutefois tost apres ledict Reginerus, estant desia fort vieil & ancien mourut: dont ledict Roy Charles le simple, mena grand dueil. Et en personne fut present aux obseques & funerailles, & constitua publicquement deuant tous les nobles, son filz Gifilbert, gouverneur dudit royaume de Lorraine, au lieu de son feu pere, lequel pour son commencement defendit vaillamment les parties dudit Charles le Simple.

*La mort de Reginerus, auquel succeda au gouvernement de Lorraine son filz Gifilbert. La mort de l'empereur Conrard, auquel succeda Henry de Saxonne.*

¶ En l'an neuf cens vingt, Conrardus Roy de la Germanie, & Empereur, mourut & combien que durant sa vie il eut hay, & tenu suspect, Hery duc de Saxonne, toutefois sa court congnoissoit les grandes vertuz & prudences d'iceluy, ordonna à son frere Ebrardus, & à tous les nobles de la Germanie, qu'ilz eussent à eslire pour leur Roy & Empereur ledict Henry, ce qu'ilz feirent d'un commun accord.

¶ En l'an neuf cens vingt & deux Robert Duc d'Acquitaine, frere du defunct Eude, qui auoit esté Roy, s'eleua contre Charles le simple, & attira à son alliance la pluspart des princes de France: car il estoit puissant d'ancienne noblesse, & fut pere grand de Hue Capet, & se feit coronner Roy de France, par aucuns Euesques, qui depuis en porterent la penitence, esperant avec son armée qu'il auoit leuée, prédre, ou dechasser ledict Charles le simple, lequel aduertiy de l'entreprinse dudit Robert, & se voyant delaisné de la pluspart de sa noblesse se retira au royaume de Lorraine, & assembla vne grosse armée des gens du pays, & enuoya vers le bon Roy de la Germanie, Henry, luy presentant l'un des bras de saint Denis, enchassé en or, & luy pria venir en son aide & secours contre les rebelles de son royaume, ce que facilement accorda ledict Henry. Et feirent leurs armées assembler, & vindrent iusques au pays de Soissons ou tellement bataillèrent, qui furent victorieux, & ledict Robert d'Acquitaine, & la pluspart de ses gens tuez, & come dict Sigisbert en l'histoire, fut ledict Charles le simple, en ceste iournee, par le moyen des Lorrains, & dudit Empereur Henry, restitué en son royaume de France.

*Robert d'Acquitaine entreprit contre le Roy Charles le simple & se feit coronner.*

*Charles le simple avec les Lorrains tyra en son alliance l'empereur Henry.*

*Victoire des Lorrains contre Robert d'Acquitaine tué.*

*Charles le simple restitua a l'empereur Henry la portion de Lorraine tenu iadis par les germains.*

*Gifilbert gouverneur de Lorraine, desplaisant & indigne de la dessusdicte restitution.*

*Intelligence des princes qui pour lors portoiert tiltre de duc, come ou gouverneur du royaume de Lorraine.*

¶ Apres ladicte bataille l'Empereur Henry feit remonstrance audict Charles le simple, touchant ledict royaume de Lorraine, qu'il auoit usurpé & retiré en ses mains du temps de Conrardus son predecesseur, contre les accordz & appointemētz, faitz au parauant, entre les roys de France, & de la Germanie, & tellemēt le mena de paroles & promesses de bonnes alliances & confederations entre eulx, pour le temps aduenir, que ledict Charles, restitua audict Henry, ledict royaume de Lorraine, à sçauoir seulement (come dict Manclerus) en la trentevnieme generation, depuis la riuere de Meuse, iusques au Rhin, Et dict oultre que c'est appointemēt fut fait avec pays d'Alfatie, en vne ville nommée Bonna. L'an neuf cens vingt quatre. Et alors tous les princes Euesques, Ducz, Comtes, & mesmes Riginerus, alias Richninus, Comte de Verdun, feirent serment de fidelité es mains dudit Henry Empereur de Germanie, excepté Gifilbert, Duc & gouverneur de Lorraine, qui ne fut content, mais fort indigné de ceste donation. Et tant qu'il peult y contredict & l'empescha. Et la cause de ceste indignatiou estoit, comme escriuent aucuns historiens, pource que ledict Gifilbert esperoit vne fois en sa personne retirer le tiltre dudit royaume de Lorraine. Et deslors commença à susciter quereller & mutiner le peuple du pays, tant contre le dict Charles que contre l'Empereur Henry,

¶ Or fault noter pour entendre & accorder les historiens escriuans dudit royaume de Lorraine, pource qu'on trouue en iceulx, plusieurs princes, estre nommez, ou Ducz, ou Comtes de Lorraine, comme ceulx d'Arदानne, Brabant, Moselanne, Habbain: Alfatie, Verdun, Bar & autres, qui tous sont sortiz d'une mesme source, lignée, sang & parantage. ¶ Toutefois ceste denomination se doibt entendre, quand ilz escriuent de Lorraine, c'est à dire Ducz, ou Comtes dedans le Royaulme de Lorraine: car sur tous en vray tiltre, & principalement Gifilbert filz aîné dudit Riginerus, Gouverneur de Lorraine, soubz ledict Charles le simple, fut dict intitulé

# Le royaume de Lorraine à prins

intitulé & nommé comme son pere Duc de Lorraine, c'est à dire Gouverneur du Royaume de Lorraine, lequel tiltre luy dura toute sa vie, & mesmes soubz ledict Henry premier Empereur, & Otho son filz. Et apres la mort dudit Gifilbert, ledict nom & tiltre de Duc, c'est a dire Gouverneur, fut transferé par ledict Otho, à autres, comme nous dirons cy apres, car à la verité il estoit muable à la volüté de ceulx qui tenoient le royaume de Lorraine, soubz lesquelz lesdictz Ducz & gouverneurs administroient ledict gouvernement.

¶ Toutefois quelque temps apres le nom & tiltre de la duché de Lorraine, print son commencement en la personne de Charles filz puifné de Loys quatriesme, par la donation que Otho deuxieme, luy fait avec toute souueraineté sans reconnoissance de superieur, & avec ce luy donna toutes les terres & seigneuries que ledict Gifilbert tenoit en son viuant dont les heritiers diceluy ne furent contentz comme nous declarerons cy apres.

*Hebert de Verme  
doys retient par  
trahison, Charles  
le simple en ses pri  
sons.*

*Raoul de Bourgö  
gne, esleu Roy de  
France.*

*La royne, avec son  
petit filz Loys.iii.  
fugifz en Angle  
terre.*

*La mort du Roy  
Charles le simple.*

*Gifilbert gouver  
neur de Lorraine,  
pris & rendu à  
l'Empereur.*

*Gifilbert marié à  
la fille de l'Empe  
reur Henry, &  
de recti. f. consti  
tué soubz luy gou  
verneur de ladi  
ete Lorra ne.*

*La mort de raoul  
Roy de France.*

*Les machinations  
de Gifilbert gou  
verneur de Lor  
raine.*

¶ En l'an neuf cens & vingt cinq ou enuiron, plusieurs princes François murmuroient contre ledict Charles le simple pour la donation dessusdicte, à raison dequoy Hebert, comte de Vermandois print occasion de venger la mort de Richard d'Aquitain son beau frere, car il auoit espousé sa sœur, & s'aduisa d'une trahison: car vn iour soubz vmbre d'un festin pria le Roy venir a sa maison en son chasteau de Peronne, & quand il fut illecq il le constitua prisonnier, en delurant les autres princes estants avec le Roy, au moyen qu'ilz feirent tous serment audiect Hebert, que iamais ne porteroient armes contre luy, ce qu'ilz obseruerent: car voyans leur Roy ainsi prisonnier esleurent vn autre Roy, à sçauoir Raoul filz de Richard, Duc de Bourgögne, quoy voyant la femme dudit Charles, fille du Roy d'Angleterre, print son petit filz, qui depuis fut appellé Loys quatrieme du nom, & se retira secrettement en Angleterre, car pour lors elle n'esperoit auoir ayde de l'Empereur Henry qui auoit de grandes affaires contre les Hongrois, qui pour lors estoient descenduz en la Germanie, & au pays de Lorraine, contre lesquelz a la fin il obtint belle victoire, Et ce pendant ledict Roy Charles le Simple (comme martir) mourut en ladicte prison enuiron deux ans apres qu'il fut arresté.

¶ Or durant telles calamitez, le Duc & gouverneur de Lorraine, Gifilbert faisoit plusieurs entreprinse & induisoit les nobles de Lorraine a desobeissance, contre Henry Empereur, quoy voyant vn des princes de Lorraine nommé Christianus, lequel fauorisoit à l'Empereur Henry luy semblant faire chose agreable, vn iour faignit estre malade & vouloir disposer de son cas, feint appeller en sa maison ledict duc Gifilbert, lequel il arresta, comme prisonnier, & l'enuoya audiect Empereur Henry, en luy mandant que si iamais vouloit iouyr paisiblement de Lorraine, quil estoit necessaire exterminer ledict Gifilbert, pource que seul estoit Autheur de la rebellion des autres, le bon Empereur Henry fut tresioyeux auoir en ses mains ledict Gifilbert, lequel il connoissoit estre beau, vaillant, prudent, & avec ce riche & puissant, extrait de tresancienne noblesse de Clodion le Cheuelu, & consequemment du sang de Charlemagne, le receut & traita tresbenignement, & au lieu de le faire mourir, ou le mette en prison, le constitua lieutenant general es pays de Lorraine soubz luy, & si luy bailla sa propre fille Gerberge, en mariage, esperant comme escriuent aucuns, que par son moyen il pouuoit recouurer la totalité du royaume de Lorraine.

¶ En l'an neuf cens vingt sept, apres que Raoul que les François auoient couronné Roy eut regné deux ans il mourut, à raison dequoy les François enuoyerent en Angleterre, pour r'appeller le ieune Loys, filz dudit Charles le simple, lequel ilz coroneterent Roy de France, en l'an neuf cens vingt huit, & fut le quatrieme du nom.

¶ Or pendat les choses que dessus, le Duc Gifilbert, cobien qu'il eust espousé la fille de Henry Empereur, & qu'il gouernoit tour le pays de Lorraine, soubz ledict Henry, toutefois il n'estoit content, mais esperoit à se faire roy, & reduire tout le pays de Lorraine, en vne monarchie de royaume, comme du temps de Lothaire premier, & second. Et tellement monta en orgueil, & desir de regner, comme dict labbé Vispergensis

gens, que souuent il sollicitoit son beau pere Henry, d'auoir ledict royaume, & d'en prendre la portion que les roys François tenoient, tant du temps que Charles le simple estoit en prison, que depuis à l'aduenement dudiect Loys quatrieme.

Toutefois le bon Henry, Empereur le reboutoit de son appetit, & n'y voulut iamais acquiescer, à raison dequoy, & comme par despit ledict Gislebert print secrette alliance audiect Loys quatrieme, contre sondict beau pere, iournellement le sollicitant de recouurer ledict pays de Lorraine, que sondict beau pere tenoit, esperant par ce moyen venir à chef de son intention: mais le Roy Loys differoit ce entreprendre, par ce que ledict Empereur Henry auoit marié nouvellement son filz aîné Otho ( qui depuis fut appellé le grand) à la fille du Roy d'Angleterre, cousine dudiect Loys quatrieme.

¶ En l'an neuf cens trente six, le bon Empereur Henry, desirant mettre paix à l'Empire apres sa mort ordōna en sa vie, que Otho son filz seroit Roy, & Empereur de la Germanie, apres luy. Si mourut enuiron l'an neuf cens trente huit, & laissa de sa femme Mathildis plusieurs enfans, desquelz en y auoit deux nayz auant qu'il fust Roy de la Germanie à sçauoir Gerberghe, mariée à Gislebert duc de Lorraine Laquelle depuis fut mariée à Loys quatrieme, Roy de Frâce, Et à Otho, dict le grand qui fut Empereur. Et apres qu'il fut Roy il eut de sadiete femme deux filz: à sçauoir, Henry & Bruno qui fut Archeuesque de Coulongne, & vne fille nommée Aygonde, laquelle fut mariée, au grand comte de Paris, & fut mere de Huc Capet.

¶ Apres la mort de l'Empereur Henry, & que Otho son filz eut succede au Royaume & Empire de la germanie, le duc & gouverneur de Lorraine. Gislebert poursuivant son entreprinse, & aussy prenant à grand desdaing & desplaisir, que l'Empire & la pluspart du royaume de Lorraine estoit transporté à ceulx de Saxonne, & que ceulx du sang de Charlemagne, de la lignée duquel il estoit descendu, estoient totalement priuez & deboutez de l'Empire, ne faisoit iournellement que penser & excogiter les moyens pour guerroyer ledict Otho son beau frere, & le deiecter dudiect Empire, Si feist alliance avec vn comte Palatin nommé Eberardus, qui peu parauant auoit esté offensé par ledict Otho. Ces deux icy prindrent intelligence avec le Roy Loys, quatrieme qui de long temps desiroit retirer le Royaume de Lorraine, que son pere auoit ceddé & donné à Henry deffunct. Et d'auantage pour mieulx venir au bout de leur intentiō, trouuerent maniere de seduire & soustraire avec eulx, le ieune Henry frere dudiect Otho en luy dōnant à entendre qu'il debuoit estre Empereur, & non son frere Otho, parce qu'il auoit esté engēdré & nay, du tēps que son pere Henry estoit Empereur, & que ledict Otho auoit esté nay au parauant. Ces deffuidictz allies feirent diligence chascun de son costé de leuer gēs & armes pour assaillir le pays d'otho. Et vint premier Loys roy de Frâce, qui avec son armée entra en Lorraine iufques au pays Daullay, ou il meit garnison en plusieurs villes & chasteaulx. Et signamment a vne ville nommée Brisaga, deuant laquelle Otho vint mettre son siege, dequoy aduertiz les allies Eberardus & Gislebert assemblerent leurs gens, & vindrent pour donner secours, tellement qu'ilz eurent grosse bataille entre eulx, en vne contrée circonuoisine du Rhin, en laquelle l'Empereur Otho, quasi miraculeusement obtint victoire. Et fut Eberardus tué, & Gislebert pensant se sauuer par fuitte, fut noyé en passant le Rhin sur son cheual, enuiron l'an neuf cens quarante trois, comme nous dirons plus amplement en la vie de Berengarius, trente troisieme Euesque de Verdun.

¶ Apres ceste victoire, Otho l'Empereur retira tout le pays de Lorraine en ses mains depuis Meuse, iufques au Rhin, & d'auantage print la cité de Verdun, & la retint de son costé, en prenant serment de fidelité de Richminus, comte d'icelle cité, laquelle fut alors reduitte soubz les Empereurs de la Germanie, toutefois la cité de Metz soubz Adelbero, premier du nom, Euesque du lieu, defendit quelque temps contre luy, pource qu'il estoit parent du deffunct Gislebert, mais il mourut tost apres. Et en sa place fut Euesque Theodoric, parent dudiect Empereur, qui remeit ladicte cité de Metz en obeissance dudiect Otho.

¶ En l'an neuf cens quarante quatre fut fait appoinctement, entre ledict Empereur Otho, & Loys quatrieme, Roy de France, qui print à femme Gerberge veufue dudiect deffunct

*Gislebert prend secrete alliance à Loys quatrieme.*

*La mort de l'Empereur Henry & de ses enfans.*

*Otho, dict le grand Empereur, Roy de la germanie, & de la portion de Lorraine.*

*Les machinations de Gislebert, contre Otho Empereur son beau frere Eberard palatin, allie avec Gislebert.*

*Henry le Jeune prend alliance avec Gislebert, contre son frere l'Empereur Otho.*

*Les armées des allies, contre l'Empereur Otho.*

*La victoire d'Otho, & la mort de Gislebert.*

*Richminus, comte de Verdun, fait serment de fidelité à l'Empereur Otho.*

*Metz & Verdun reduitte à l'obeissance d'Otho,*

*Gerberge veufue de Gislebert, mariée au Roy Loys, iij. & l'appoinctement fait, avec l'Empereur Otho.*

# Le royaume de Lorraine à prins

*Lediect Gifilbert laissa vn filz de sa femme. Gerberge*  
*Le gouvernement de Lorraine reserué au ieune Héry, filz de Gifilbert.*

deffunct Gifilbert, & seur dudiect Otho. Et par ce moyé il promit de nō iamais que reller lediect pays de Lorraine, en la portion que les germains auoient tenu.

¶ Lediect Gifilbert laissa vn filz de sa femme Gerberge nommé Héry, auquel l'Empercur Otho, pource qu'il estoit son nepueu, reserua la duché & gouuernement de Lorraine, & succession de son feu pēte, excepté ce que ladiecte veufue Gerberge, tenoit en douaire par la mort de son feu mary (les terres & pays d'iceuluy) duquel douaire elle iouit sa vie durant, & encores apres la mort de son second mary, comme nous dirons cy apres. Or pource que Henry estoit trop ieune pour gouuerner l'Empereur Otho, institua Duc & gouuerneur de Lorraine, le cousin dudiect ieune filz nommé

*Odo filz de Richninus commis au gouuernement de Lorraine.*

Otho, ou Odo, filz de Richninus, ou Reginierus Comte de Verdun, frere du defunct Gifilbert, qui tenoit l'alliance dudiect Empereur Otho, & tenoit grandes seigneuries audict royaume de Lorraine. Et ce pour garder le gouuernement iusques à tant que lediect ieune Henry fust en aage.

¶ Semblablement les enfans dudiect Richninus qui estoient plusieurs, comme on pourra veoir en nostre arbre de la genealogie, tindrent depuis tousiours l'alliance dudiect Empereur Otho, & partant il leur feit de grands biens.

*La mort du ieune Héry, & d'Otho commis au gouuernement de Lorraine.*

¶ Ceste année propre le ieune Henry, filz de Gifilbert, mourut. Aussi feit lediect duc Otho, qui gouuernoit pour luy, laissa neātmoins plusieurs enfans de ladiecte femme, entre lesquelez Theodoric, appellé par les historiens Nepucu, ou Cōsobrin de l'Empereur Otho, obtint l'Euesché de Metz, & Phederic son frere fut Duc de Moselane, & espousa Beatrix, seur de Hue Capet, & edifia le chasteau de Bar, & se nomma premier Comte de Bar, comme appert par la vie de Berangarius Euesque de Verdun.

*Des enfans dudiect Empereur Odo.*

¶ En ce temps l'Empereur Otho, meit grosse garnison en ladiecte cité de Verdun, soubz Godefroy à la barbe, filz dudiect Richninus, pour defendre ladiecte cité située sur les frontieres de la partie que les Empereurs auoient obtenu, en faisant la diuision du pays de Lorraine: car la riuere de Meuse qui fait la diuision dudiect partaige, passe par ladiecte cité de Verdun.

*Garnison en la cité de verdun soubz Godefroy, comte d'icelle cité.*

¶ En l'an neuf cens quarante cinq, apres la mort du ieune Henry, & du Duc Otho, ou Odo, l'Empereur bailla ladiecte duché, ou gouuernement de Lorraine, à son gendre Conradus, surnommé le Saige, lequel auoit espousé la fille Lingarde, & combiē qu'il y eut plusieurs parens habiles à succeder au deffunct Henry; toutefois l'Empereur de son autorité, voulut preferer son diect gendre Conradus, pource qu'il estoit homme vertueux, & lequel il cognoissoit pour defendre le pays en son absence, car il auoit volenté d'aller à Romme, pour la seconde foys, prendre la Coronne Imperiale & deliurer l'Italie oppresse par Berengarius, quatrieme Tirant, & entrepreneur sur l'Empire, en la Lombardie.

*Conradus le sage institué gouuerneur de Lorraine par l'Empereur Otho.*

*Le Roy Loys de France, detenu prisonnier par Hue le grand comte de Paris.*

¶ Or durant les choses-dessusdictes en France, & en Normandie, y eut plusieurs diffentions, batailles & entreprises, En sorte que Loys quatrieme, Roy de France fut prisonnier à Rouen. Et depuis detenu par Hue le grand, Comte de Paris: mais finalement il fut deliuré par l'ayde dudiect Empereur Otho, qui vint en France, toutefois bien tost apres Loys mourut enuiron l'an neuf cens cinquante quatre, & laissa deux filz, l'vn nommé Lothaire, qui succeda au royaume, l'autre Charles, qui fut Duc de Lorraine, comme nous dirons cy apres.

*La deliurance dudiect Loys par l'empereur Otho.*

*La mort dudiect Roy Loys quatrieme, & de ses enfans.*

¶ En ce mesme temps mourut l'Archeuesque de Coulongne, au lieu duquel fut institué Bruno, frere de l'Empereur, homme plain de toutes vertuz, & doctrine, & enuiron ce mesme temps, lediect Empereur Otho, sollicité par le Pape Agapit, s'en alla en Italie, avec grosse armée, & laissa son gendre Conradus, Duc & gouuerneur de Lorraine, pour gouuerner le pays de pardeça en son absence.

*Otho en Italie, pour la troisieme foys.*

*Ragmerus au long col, cōte de Hainau, alié des roys de France.*

¶ Or pour lors en l'an neuf cens cinquante cinq, il y auoit vn prince au royaume de Lorraine, nommé Ragmerus, surnommé au long col, comte de Montz, en Hainau, qui tousiours auoit tenu le party des roys de France. Aussi ses terres & seigneuries estoient situées en la partie du royaume de Lorraine, qui est entre les riuieres de Meuse, & de Lescault, laquelle partie en faisant les diuisions dessusdictes du royaume de Lorraine appartenoit aux Roys de France.

¶ Or estoit



¶ Or estoit cestuy Reginerus de Haynau parant & du sang de feu Gifilbert duc de Lorraine combien qu'il en y auoit de plus prochains, à raison dequoy il prenoit à despit & desplaisir que ladicte duché & gouvernement de Lorraine estoit transferé en autres princes que à ceulx du pays & souuent sollicitoit le nouveau roy Lothaire retirer Lorraine en ses mains, si print son occasion par l'absence dudit Empereur Otho, & par le consentement du roy lothaire, leua vne grosse armée, vint assaillir Conradus duc & gouverneur de Lorraine: mais il n'y gaigna riens, car il fut tellement rencontré par ledict Conradus à vne bataille qu'ilz eurent sur la riuere de Meuse qu'il fut contrainct s'enfuir & retourner honteusement, apres laquelle victoire ledict Conradus partit de Lorraine & s'en alla en Italie apres son beau pere l'Empereur Otho, lequel auoit gaignée la iournée contre ses ennemis, & prins prisonnier Berengarius quatrieme & Albert son filz, qui vsurpoient l'Empire d'Italie, & si auoit deliuré de prison Andehoida veufue de feu Lothaire, filz de Hugo roy d'Italie que ledict Berengarius auoit vn peu au parauant fait mourir à Paue, & laquelle veufue ledict Otho Empereur print pour femme en secondes nopces, pource qu'elle estoit sortie d'ancienne noblesse, fille de Raoul iadis roy de Bourgogne, & ce fait s'en retourna en la Germanie laissant ledict duc de Lorraine son gendre à Paue, gouverneur d'Italie, lequel duc auerty vn temps apres que l'Empereur auoit vn filz nommé Otho de sa seconde femme, lequel il pretendoit faire Empereur apres luy, s'en retourna en la Germanie & suscita par enuie son beau frere Lintolphus, filz dudit Empereur Otho de sa premiere femme, en sorte qu'ilz eurent plusieurs batailles contre l'Empereur leur pere, esquelles ilz furent tousiours vaincuz, & finalement fut contrainct Lintolphus crier mercy & demander pardon à son pere: mais le duc Conradus homme de hault courage ne vult ce faire & s'en alla en Hongrie ou il assembla vne armée de grant nombre de gens, & vindrent entrer audict pays de lorraine iusques à la forest dicte Charboniere faisans maulx innumerables, & de la vindrent au pays de Bauiere, ou ilz furent rencontrez par l'Empereur Otho, qui miraculeusement eut victoire contre eulx & dient les Historiens qu'en bataillant ledict Conradus eut vn remort de conscience & repentéce, & pria à dieu qu'il peult mourir en la bataille, & que son beau pere l'Empereur obtint victoire contre les hongres ce qui aduint, car ledictz Hongres furent quasi tous tuez, & ledict Conradus gouverneur de lorraine, aussi.

*Lothaire Roy de France.*

*Victoire de Conradus contre Lothaire.*

*Conradus gouverneur de Lorraine va en Italie.*

*L'empereur Otho marié pour la seco de fois.*

*Conradus gouverneur en Italie*

*Victoire de l'Empereur contre Otho.*

*La mort de Conradus gouverneur de Lorraine.*

¶ Apres ceste victoire l'Empereur donna ceste duché & gouvernement de lorraine à son frere Brune archeuesque de Colongne, lequel on appelloit comme dict Sigilbertus arche duc de lorraine, & combien qu'il feust de l'estat de l'eglise toutefois il estoit si bon, prudent & agreable à vn chascun qu'il gouuernoit tout le temporel & spirituel, & tant aymé de l'Empereur qu'il luy bailla le gouuernement de son ieune filz Otho, lequel il auoit fait couronner & oindre Roy de la Germanie, estant en laage de sept ans, & puis partit enuiron l'an neuf cens cinquante huit pour aller la seconde fois en Italie & recepuoir la couronne imperialle. ¶ Or pendant l'absence de l'empereur, Reginerius au lon col comte de Haynau qui auoit deux filz Reginerius le ieune & Lambert, enuieux & impatiens de ce qu'il veoit le pays de Lorraine estre gouuerné par le dessusdict Bruno iournellement entreprenoit & faisoit courses sur les terres & seigneuries que iadis Sigilbert en son viuant tenoit, & lignamment sur celles qu'il auoit assigné en douaire à sa femme Gerberge sœur de l'Empereur & de Bruno, veufue pour sa seconde fois par la mort de loys quatrieme Roy de France, quoy voyant ledict Bruno ordonna aux cappitaines communs soubz luy pour la garde des pays, qu'ilz eussent à prendre gens & reprimer ledict Reginerius & ses gens, ce qu'ilz firent, & eurent vne bataille pres Valentienne ou ledict Reginerius fut deffait, & ses gens quasi tous tuez ses deux filz Reginerius & Lambert le gaignerent à fouyr, & se retirerent vers Lothaire Roy de France qui les receut benignement car ilz estoient du sang royal, & eut esperance ledict Lothaire, par le moyen d'iceulx recouurer vne fois la totalité du royaume de Lorraine.

*Bruno archeuesque de colongne.*

*Reginerius de Haynau & ses deux filz.*

*Victoire de Bruno contre ledict Reginerius.*

¶ Quant le dessusdict Bruno Arche duc de Lorraine fut aduertuy de ce, il declaira tous

# Le royaume de Lorraine à prins son origine

*Les enfans de Raginarius se retirent à Lothaire Roy de France*

les biens dudit Raginarius & de ces enfans confisquees, & eulx bannis du pays, & si bailla ladicte comté de Hainau, & autres leurs terres & seigneuries à deux princes des pays, à sçavoir Garnerus & Ranoldus, iacoit ce que lesdictz comtez & seigneuries feussent hors des limites, que les empereurs tenoient audict royaume de Lorraine.

*La mort de Bruno archeuesque de Coulongne. Gerberge veufue l'Empereur Otho premier fait, couronner son filz Otho.ii. Empereur.*

¶ En l'an neuf cens soixante & cinq ou environ, mourut le bon Bruno archeueue de Lorraine & archeueue de Coulongne en la ville de Reims retournant de France, & fut inhumé à Metz par Theodoric euesque dudit lieu, & deslors l'Empereur Otho ne meit autre duc en Lorraine que sa seur Gerberge veufue dudit feu roy Loys quatrieme, laquelle tenoit en douaire la pluspart de ladicte duché à raison de sondict premier mary Gifilbert.

¶ En l'an neuf cés soixante huit, l'Empereur fit vn voyage à Romme pour la troisieme foys, ou il fit couronner Empereur, son filz Otho deuxieme par le pape Iean trezieme du nom, & puis retourna en la Germanie ou il mourut quelque tēps apres, enuiron l'an neuf cens soixante & treize, auquel succēda en l'Empire d'Italie, & à la Germanie, sondict filz Otho deuxieme du nom, qui eut plusieurs empeschemens de son commencement, par ce que Henry duc de Bauiere son cousin pretendoit à l'Empire, à raison dequoy eurent plusieurs batailles ensemble, tant au pays de Bauiere que en la Saxonnie, toutefois finalement ledict Otho fut victorieux.

*La mort de Otho premier dict le grand.*

¶ Or pendant telz empeschemens les deux filz de Raginarius au lon col, Lambert & Raginarius son frere, enuiron l'an neuf cens Soixante & quinze qui s'estoient retirez en la court de Lothaire roy de France, voyant l'occasion de recouurer leurs terres & seigneuries audict royaume de Lorraine que Bruno auoit confisque & donné à Garnerus ou Vvarnerus, & ranoldus demanderent ayde au roy Lothaire, pour parfaire leurs entreprises ce qu'il accorda bien facilement, & enuoya auec eulx Charles son frere qui depuis fut duc de Lorraine, & auoit espousé en premieres nopces Bonne, fille de Reginarius & seur de Godeffroy à la barbe, comte d'Ardenne & de Verdun & vindrent assaillir leurs ennemis au despourueu, sur le fleue Dainue, ou ilz bataillèrent tellement qu'ilz furent victorieux, & lesdictz Vvarnerus & Raynoldus tuez en la place, & de la prindrent vn chasteau nommé Buxide qu'ilz fortifierent de toutes choses necessaires, & d'icelluy iournellement faisoient courses & pilleries dedans le royaume de Lorraine en ce que tenoit ledict Empereur, lequel aduertie de ce assambla grosse armée soubz la conduite de Godeffroy à la barbe, comte d'Ardenne & de Verdun & le comte Arnoul qui vindrent assaillir le chasteau de Buxide, & le prindrent par force & le ruinerent tellement qu'ilz recouurerent toutes les terres & seigneuries que lesdictz deffunctz Garnerus & Raynoldus auoient perdu, pour laquelle victoire, & en recōpense d'icelle l'Empereur Otho deuxieme bailla ausdictz Godeffroy à la barbe & Arnoul. Montz en Haynau, & toutes les seigneuries desdictz deux freres, Lambert & raginarius, lesquels fugitif, s'estoient de rechef retiré vers le roy de France, Lothaire qui fut fort indigne de la perte & dommage qu'ilz auoient eu, & les receut humainement & pour leur donner meilleur courage de poursuiuir leurs ennemis & ausi que par ce moien il esperoit recouurer ledict pays de Lorraine que l'Empereur tenoit, il maria lesdictz deux freres haultement en sa court & bailla à Lambert Gerberge, fille de son frere Charles, & partant niepce de Godeffroy à la barbe, & à Regnier ou Raginarius bailla Hauuie, fille de Hue capet qui depuis fut roy, & de rechef assambla grosse armée qu'il leur bailla soubz la conduite de sondit frere Charles & vindrēt assaillir vne forte place nommée, pour lors Castrilonis, laquelle de present Iacques mayet, dict estre montz en Haynau, dedans laquelle estoit Godeffroy à la barbe, & le comte Arnoul qui deffendirent les lieux vaillāmēt car apres plusieurs assaulx & rencontres, les assaillans furent contrainctz eulx retirer.

*Otho deuxieme victorieux contre ses aduersaires.*

*Lambert & raginarius enfans de Raginarius au lon col.*

*Charles frere du roy Lothaire allie aux enfans Raginarius au lon col. Victoire desdictz enfans.*

*Godeffroy à la barbe comte d'ardenne & de Verdun.*

*Victoire dudit Godeffroy.*

*Lambert au lon col marié à Gerberge Raginarius marié à Hauuie fille de Hue capet.*

*Autre victoire dudit Godeffroy contre lesdictz freres.*

*Le roy Lothaire surprēnt l'Empereur Otho deuxieme en son palais,*

¶ De ceste victoire fut mal content & fort irrité, le roy de France Lothaire, & delibera se veger contre l'Empereur Otho, & par force retirer tout ledict royaulme de Lorraine en ses mains, & pour ce faire vn iour enuiron l'an neuf cens septente & huit, sans deffiance, estant ledict Otho, auec sa femme en son palais à Aix la chapelle, appelé autrement Aquisgranum, qui ne scauoit Riens de

de l'entreprinse, vint Lothaire avec son armée surprendre ladicte ville Daix, pillant & destruisant tout ce qu'il trouuoit, toutefois ledict Otho avec sa femme, trouuerent moyen secretement eschapper par vn lieu secret, tellement qu'ilz ne vindrent point, es mains dudit Lothaire, L'empereur. ¶ Otho voyant les iniures & dommages que le roy Lothaire luy auoit fait, assambla vne grosse armée en Germanie & entra en France gastant & destruisant tout par feu & espée vint iusques à Paris, ou il trouua resistance par ledict Lothaire, Hue capet, & autres princes François estans dedans, à raison dequoy brulla les faulxbourgz de Paris, & s'en retourna en son pays: mais ceulx qui estoient en paris sortirent, & les suiuirent iusques à la riuere Daisne, & la curent cruelle baraille, en laquelle y eut tât de gens tuez que ladicte riuere perdit quasi son cours, & n'eut ledict empereur du meilleur: car il perdit tout son bagage, & contrainct se retirer.

¶ En l'an neuf cens quatre vingtz, on ne sçait qui meut ledict Lothaire, mais il print journée à se trouuer avec l'Empereur, en vn lieu pres de la riuere de Chesse dicte Chara, & apres auoir parlementé ensemble, il cedit & quitta audict empereur les pais du royaume de Lorraine, que les roys de France vouloient repeter, & tenoient litigieux contre les empereurs, à sçauoir depuis la riuere de Meuse, iusques au Rhin, & fait serment solempnel de jamais ne le repeter. Ceste donation despleut merueilleusement au princes de France, & dient aucuns historiens, que deslors Hue capet commença à machiner l'expulsion dudit Lothaire & de sa posterité.

¶ Or sur tous les autres desplaisoit ladicte donation à Charles frere de Lothaire, car il luy sembloit que si ledict royaume de Lorraine eust esté reduict en monarchie comme du temps passé, & remis es mains des roys François, il feust venu & escheu raisonnablement en son partage cōme au puisné de France, ainsi que parauant en auoit esté fait.

¶ En l'an neuf cens quatre vingtz & vn, l'empereur Otho deuxieme, delibera aller à Romme pour prendre la couronne Imperiale, & aduisa qu'auât son partemēt seroit bon accorder avec les François a fin que durant son absence ilz ne feissent aucunes entreprinse, signammēt sur la portion du royaume de Lorraine, pour laquelle auoit accordé puisnageres a Lothaire, Et pourtant qu'il cognoissoit que ledict accord desplaisoit merueilleusement à Charles frere dudit roy Lothaire il l'enuoya querir & traicta paix avec luy, en la maniere qui s'ensuit.

¶ Premierement il rendit a Lambert gendre dudit Charles, & son frere Regniet enfans de feu Regniet au long col, les comtez de Hainau & autres terres & seigneuries de leur patrimoine iadis confisquées par Bruno frere de l'Empereur Otho premier scituées en la partie dudit royaume de lorraine a sçauoir entre les fleues de Meuse & l'Escault, & oultre il print & designa aucunes terres & seigneuries, en la partie qu'il tenoit du royaume de Lorraine, a sçauoir entre les fleues de Meuse & du Rhin es lieux circonuoifins de Metz & de Toul, Nancy, & iusques en Alsasie, & signamment celles, que le duc Gifilbert tenoit pour son patrimoine, & que sa femme Gerberge tante dudit Otho empereur & mere dudit Charles auoit tenu en doire apres la mort dudit Gifilbert, si erigea icelles terres & seigneuries en duché, a laquelle il bailla le nom de Lorraine, desirant totalement abolir & adnuller le nom du royaume de Lorraine qui estoit cause des dissentions entre les empereurs de Germanie & les roys de France, & mettre pour limites en la Germanie & France, la riuere de Meuse. Or ce fait Otho bailla ladicte duché ainsi nouvellement erigée audict Charles, lequel l'a receut soubz le nom & tiltre de la duché de Lorraine, & d'auâtage adiousta à ladicte duché, & soubz le mesme tiltre, tout ce qu'il tenoit au parrauât de son patrimoine à scauoir Bruxelles, & tous les pays circonuoifins, ou est de present Brabant en prenant tous lesdictz pays ainsi assemblez, le nō & tiltre de duc de Lorraine, faisant toutefois distinction telle qui s'ensuit, car on appelloit la duché nouvellemēt erigée es terres & pays que tenoit feu Gifilbert, la haulte Lorraine & tous les pays du patrimoine dudit Charles qu'il tenoit auparauant vers Bruxelles, estoient appelez la basse Lorraine & est ce que dict Gaguin obscurement en son hystoire, que enuiron cent ans apres, les princes de Brabant,

*L'empereur Otho deuxieme mena son armée iusques à Paue.*

*Les gens de l'Empereur tuez.*

*Appoinctement entre le roy Lothaire & l'empereur Otho.ii.*

*La portion de Lorraine querelée par les Francoys.*

*Charles frere dudit Lothaire indigne de la dessusdicte cession.*

*Appoinctement entre l'Empereur Otho & Charles frere du roy Lothaire.*

*Les terres & seigneuries des enfans de Renierius au long col, restituées par l'Empereur Otho deuxieme. Erection de la duché de Lorraine.*

*Charles frere de Lothaire premier duc de Lorraine.*

*La haulte Lorraine.*

*La basse Lorraine*

# Le royaume de Lorraine à prins

descenduz dudit Charles, retirerent des mains des comtes d'Ardenne, Lorraine, ce qu'il fault entendre de la basse Lorraine, à sçauoir ce que estoit du patrimoine dudit Charles, duquel ilz se reputoient vrayz heritiers, & non point de la haulte Lorraine erigée, es terres dudit feu Gisilbert, & donnée par Otho dudit Charles, car c'elle haulte Lorraine demoura aux princes d'Ardenne qui estoient vrayz heritiers dudit Gisilbert, cōme nous dirōs en nostre histoire soubz les euesques Richerus & Richardus

*La haulteur qualite & nature de ladicte duché de Lorraine.*

¶ Oultre fault icy noter que Otho bailla icelle duché audit Charles avec toutes les preeminences de haulteur & souueraineté sans en recongnostre personne, & de qualité semblable comme iadis Lothaire empereur renoit ledit royaume de Lorraine au partage qu'il feist avec ses freres, & à la verité deslors le nō du royaume commença cesser & estre aboly, tellement que le nō & titre de Lorraine, fut transferé de royaume en duché, & depuis à tousiours perseueré encores presentemēt, & ont long tēps iouy lesdictz ducz subsequenz des preeminences & souuerainetez desdictz sans

*Les ducz de lorraine souuerains en leur pays.*

recongnissance de superior. Et combien que de present les ducz de Lorraine, facent aucunes reprises aux empereurs touchant les haults chemins & bastardz, cela à esté parforce & entreprinse desdictz empereurs, plusfortz & puillantz que lesdictz ducz.

*Probation de ce que dessus.*

¶ Et d'auantage pour monstrer cecy estre vray, il est tout apparent, que iamais Charles filz de roy & du sang de Charlemagne n'eust receu ladicte duché en foy & homage de l'empereur Otho, car la cause principale & plus apparente que les roys de France pretendoient droit au royaume de Lorraine & qu'ilz le vouloient retirer des empereurs de la Germanie depuis Henry pere du premier Otho, estoit en ce qu'ilz alleguoient le royaume de Lorraine estre de son commencement vray heritage de la succession de Charlemagne, & dont partage en auoit esté fait entre ses enfans, & que partant il ne pouuoit venir ne cheoir sinon aux heritiers & à ceulx du sang de Charlemagne, comme estant d'autre nature & qualité que l'empire de Germanie qui se faisoit par election.

*Confirmation de ce que dessus.*

¶ Et oultre que ce droit de succession failloit audit Henry pere de Otho natif de Saxonne, & le premieresleu Empereur hors du sang & posterité dudit Charlemagne.

*Droit pretendu par Godeffroy cōte de Verdun à la succession du duc Gisilbert.*

Et pour ce confermer on trouue es anciennes histoires de Lorraine, que en ceste donation que feist Otho deuxieme empereur à Charles de France y eut grosses oppositions & empeschemens par l'ancien Godeffroy à la barbe comte d'Ardenne, & de Verdun qui alleguoit & pretendoit droit de succession en toutes les terres & seigneuries de feu son oncle Gisilbert Gouverneur & premier duc au royaume de Lorraine mort sans enfans, & le douaire de sa femme Gerberge, fini & expire, Allegnant que à luy appartenoit comme plus aisné & habille à succeder entre les nepueux dudit Gisilbert: toutefois ceste querelle fut accordée, en faueur dudit empereur Otho, qui auoit fait ladicte donation pour mettre paix es pais pendant son absence pour son coronnement, & qu'il promettoit recompenser ledit Godeffroy avec condition accordée entre les parties que si ledit Charles de France qui auoit espousé Bonne, seur dudit Godeffroy alloit de vie à trespas sans hoir masle de luy & de ladicte Bonne, ladicte duché de Lorraine Nouuellement erigée avec les preeminences desdictes retourneroient audit Godeffroy ou ses enfans.

*Condition apposee en la donation de ladicte duché de lorraine.*

*La diuise des ducz de lorraine.*

¶ Ceste condition ainsi apposee, l'historien de Lorraine dict & m'a affermé par sermēt l'auoir veu, & leu en vn historien des pays escript en ancienne lettré & langage, & deslors print origine & commencement l'enfeigne & la deuise, que les ducz de Lorraine portent ordinairement, à sçauoir vn bras armé, venant & sortant du ciel tenant vne espée pour desiner & specifier qu'il ne tient sa dicte duché que de Dieu & de l'espée, ou laquelle il veult deffendre par espée. ¶ En ceste mesme année que Otho, eut mis ordre en la Germanie & Lorraine, il s'en alla à Rōme, ou il receut la couronne imperialle, par le pape Iehan, quatorzieme du nō & eut plusieurs barailles pour la defence de l'eglise, contre les Grecz, finalement il mourut a Romme (& non sans suspicion de prison) l'an neuf cens quatre vingtz & quatre & laissa vn filz fort ieune nommé Otho, troisieme du nom qui luy succeda en l'Empire, par election confer

*Otho deuxieme coronné à Rōme*

*La mort de Otho deuxieme auquel succeda Otho.iii. son filz*

méc

fermée par le Pape Benoid, septieme, & depuis couronné par le Pape Grégoire cinquieme.

Quant Lothaire roy de Frâce fut aduertty de la mort d'Otho, & de l'election nouvelle de son ieune filz Otho, delibera retirer à soy tout le pays de Lorraine, prenant son occasion & confidence, a la ieunesse dudict Otho troisieme, & qu'il ne feroit grande resistance, & excusoit son serment qu'il auoit fait, disant que sa promesse de ne repeter iamais Lorraine, s'entendoit durant la vie dudict Otho deuxieme, & que partant licitement il pouoit ce faire puis qu'il estoit mort, suiuant laquelle deliberation, vint avec grosse armée assaillir la cité de Verdun, en laquelle estoit l'ancien Godeffroy à la barbe, côte d'icelle cité qui se deffendit vaillamment, par plusieurs iournees contre ledict Lothaire qui estoit aux enuiron de la cité, gastant & baillant tout ce qu'il trouuoit, quoy voyant ledict Godeffroy impatient desdictz dōmages qu'on faisoit à ses subiectz du plat pays, delibera vn iour faire vne saillie sur ses ennemis, & ordona à vn sien cappitaine nommé Gobert en son absence garder la cité, & puis sortit avec ses gens: mais ilz furent rencontrez par ceulx de Lothaire, qui estoient en tresplus grand nombre que luy, & fut prins prisonnier, & la pluspart de ses gens. Dont aduint tost apres que la cité de Verdun fut sommée de se rendre, toutefois le cappitaine Gobert, voyant qu'il n'estoit pour tenir longuement, fit appoinctement avec Lothaire, & rendit les clefz de la cité, à condition que tous les prisonniers excepté le comte Godeffroy, seroient renduiz francz & quittez, & la cité gardée de feu (ce qui fut fait): mais elle fut toute destruite & pillée avec grosse garnison laissée en icelle, de ce aduertty Otho, troisieme, estant en Italie combien qu'il feust ieune, si leua il grosse armée pour retourner en la Germanie deliberé venir à verdun: mais le Roy Lothaire craignant sa venue, preuint & luy renuoya le comte Godeffroy deliuré de ses prisons, & remeit librement la cité de Verdun entre ses mains, & deslors cesserēt toutes les querelles & demandes que faisoient les Roys de France contre les empereurs, à raison de la portio de Lorraine, scituée depuis Meuse iusques au Rhin.

Or enuiron deux ans apres sçauoir l'an neuf cens quatreuingtz & six mourut ledict Lothaire, & laissa vng seul filz nommé Loys, qui ne tint le royaulme qu'vn an, & mourut, si fut le dernier roy du lignage Charlemagne, par la mort duquel Charles duc de Lorraine son oncle, & legitime heritier du royaulme de France fit son debuoir prédre possession d'iceluy: Mais Hue capet maistre du palais de France l'empescha qui leua grosse armée, & tellement proceda contre Charles qu'il le print prisonnier a Laon en Lannois avec sa femme Agnes, fille de Hebert comte de troie, laquelle il auoit nouvellement prins en secondes nopces contre la volonté dudict Capet, qui les mena tous deux en prison à Orleans, ou ledict Charles, eut deux enfans de sa dicte seconde femme, à sçauoir Charles & Loys, toutefois enuiron trois ans apres, qui fut en l'an Neuf cens quatre vingtz & treize ledict Charles mourut, sa femme & ses deux petitiz enfans.

Or il auoit de sa premiere fēme Bōne, trois enfans, vn filz nōmé Otho qui luy succeda en la duché de Lorraine & deux filles, l'une nōmée Gerberge, mariée à Lambert filz de Raginerus an long col, côte de Hainau, lequel fut comte de Louvain, & la seconde Ermengarde, mariée à Albert comte de Namur, & partant ledict Hue capet vsurpa le royaulme de France, & en priua & debouta totalement la posterité de Charlemagne. Or telles diuisions & discordz dōnerent cause dernière & finale à la denomination & au tiltre du royaulme de Lorraine qui totalement fut oboly & adnullé par ce que la portio de Lorraine obtenue par les Roys Frāçoys, à sçauoir depuis Meuse iusques à Lescault, fut comprinsē soubz la denomination de France, & celle aduenue aux empereurs, à sçauoir depuis Meuse iusques au Rhin fut comprinsē soubz la denomination de l'empire, excepté la duché de Lorraine nouvellement erigée avec les préeminences, & haulteurs dessusdictz. Et partant appert la mutabilité & varieté des choses humaines & qu'en peu de tēps, enuirō cēt cinquante ans à sçauoir depuis Lothaire premier du nom, filz de Loys le debonaire, iusques à Lothaire dernier du nō, & de son filz Loys dernier du sang de Charlemagne. Durāt le tēps que Otho troisieme estoit empereur, l'āplitude & le tiltre d'un tel royaulme que

*Lothaire voulant repeter la portio de Lorraine vint assaillir Godeffroy en la cité de Verdun.*

*Gobert capitaine de verdun.*

*Godeffroy comte de Verdun prisonnier.*

*La cité de verdun rendue au roy Lothaire, & depuis à l'epereur Otho troisieme.*

*La mort du roy Lothaire auquel succeda en france Loys son filz. disention entre Charles duc de Lorraine & Hue capet pour le roy-aume de France. La mort de charles duc de Lorraine.*

*Otho filz de Charles succeda à la duché de Lorraine.*

*Les deux filles de Charles gerberge & Ermengarde. Fin du nom & tiltre du royaulme de Lorraine. Le royaulme de Lorraine n'a duré que enuiron mil cinq cēs ans.*

# De l'estat & police

*Commencement  
du titre de la du-  
ché de Lorraine.*

Lorraine fut aboly & confuz en diuerses seigneuries, & ne demoura que le nom de Lorraine transferé du royaume en duché laquelle dure encores, & fleurit en bruit de vertus conseruant l'ancienne noblesse de son origine, combien que ladicte duché à present ne soit de si grande estendue de pays comme estoit ledit royaume.

*Renuoye pour co-  
gnoistre la suc-  
cession des ducx  
de Lorraine &  
de Bar.*

Or icy nous ferons fin de la narration dudict royaume de Lorraine, lequel nous auons suffisamment proué & monstré auoir prins commencement & fin en nostre Gaule belgicque.

Si les lecteurs veulent amplement cognoistre la posterité des ducx de Lorraine & comment icelle duché vint par droit de succession aux enfans Godeffroy à la barbe, comte d'Ardenne & de Verdun, & depuis en la cinquieme generation au vertueux & excellent prince Godeffroy de huillon, & consequamment par droit de succession au noble duc Anthoine qui n'a gueres decedé, faut auoir recours à nostre histoire des euesques de Verdun, & aux arbres des genealogies, sur ce faictz par la lecture desquelz on pourra facilement cognoistre l'origine, & progressions des comtes, ducx de Bar, descenduz d'une mesme source de sang, & quasi d'un mesme temps.

## Troisieme article principal du prologue de l'ancienne denomination, estat & police de la cité de Verdun.

*Troisieme ar-  
ticle du prolo-  
gue.*



**L** Troisieme article de nostre prefation sera de nostre cité de Verdun, en sa denomination, estat & police, signamment depuis Iules Cesar iusques à present. Car à la verité, approuant le ne trouue aux historiens, que le nom d'icelle cité & murailles d'icelle, faicte par ledict Iules Cesar, parquoy puis dire que quant son aduenement en la Gaule, l'estat de nostre dite cité estoit semblable aux autres cités & villes de ladicte Gaule, qui estoit tel qu'il n'y auoit point de Roy, mais diuerses fuittes & compagnies Non seulement es cités, mais en chascun lignage, & ceulx estoient princes ou plus grandz maistres qui auoient plus de puissance, & d'autorité & deffendoient & iugeoient les affaires du menu peuple, chascun selon qu'il estoit plus obéy, & auoit plus de subiectz. Et estoient les Gaulois pour lors distinguez des François, qui estoit vn peuple yssir de l'ancienne lignée des troyens, viuant soubz vn roy, & venuz par diuerses fortunes & stations habiter, es pais circonuoisins des Saxons & des lieux ou le Rhin entre en la mer Océane, & combien que icelux François eussent faict plusieurs courses & entreprinse de guerre es pays de la Gaule, toutefois ilz n'auoient encores prins siege & mansion forme en icelle.

*Troisieme article  
principal du pro-  
logue.*

*L'estat de la cité  
de Verdun auant  
Iules Cesar.*

*Les Gaulois di-  
stinguez des fran-  
coys.*

*Verdun nommée  
la cité des cloux  
autremēt cloboa.*

*Verdun prinse  
par force d'armes  
par Iules Cesar.*

Nostre cité s'appelloit pour lors, la cité des cloux, à raison des murailles d'icelle, munies & remplies de cloux pour la deffendre & resister aux ennemis assillans, & vulgairement estoit appelée Cloboa: mais l'historien de Verdun, Laurentius leordienfis, dit que pendant que ledict Cesar estoit en ses oquistes de la Gaule, aduertit qu'en icelle y auoit plusieurs retraites & grandes munitions de bledz, vins & autres choses necessaires en guerre, parce que le pays circonuoisin est fort fertile abondant en telles choses, ensemble ladicte cité assez propre pour la biē deffendre car à raison de son assiette sur la grosse riuere de Meuse, que aussi pour les bonnes murailles & bons habillieux habitans en icelle, laquelle il vint assillir en sa personne, ou il trouua tresgrande resistance: toutefois finalement il la print par force d'armes apres plusieurs sommations & bonnes conditions par luy presentées ausdictz habitans qui demourerent obstinez à raison de quoy Cesar par vn despit, & pour donner exemple aux autres, ordonna apres la prinse que tous ceulx qui pourroyent porter armes, eussent chascun

vn bras couppé, ce qui fut fait sur vn pont, de la riuiere de Meuse, pres pour lors de ladicte cité & à present enfermé en icelle, retenant le nom des Brachieux.

*Le pont aux brachieux à Verdun.*

¶ Icy fault que les lecteurs notent que l'historien de Verdun, Laurentius leodiensis, en parlât de ce fait, a fort equiuocqué: car il prend vne bataille & victoire que Jules Cesar obtint contre vne cité, pres Cahors en Aquitaine, dont il fait mention au huictieme liure de ses commentaires, pour celle dudit Verdun: toutefois à la verité nous trouuons par les anciens munimentz de nostre eglise, que ledict Cesar subiuuga nostre cité de Verdun, & en feit vng grenier pour garder les munitions de guerre (comme il auoit accoustumé) en diuers quartiers des pays, apres les victoires, & eslire aucunes places les plus fortes, ou il mettoit toutes manieres de gens & munitions, à fin de subuenir à ses armées de l'vne à l'autre, ce qu'il feit en nostre cité de Verdun, (en mettat grosse garnison en icelle,) & pour leur donner meilleur courage & perseverance en sa fidelité. Il luy changea son nom de Cloboa à Virdunum, ou Virodunū qui signifie montaigne des hommes, viriles & vertueux, car en l'ancien & rustique langage des Gallois, Dun, ou Dunon, valloit autant à dire que montaigne.

*En Verdun les munitions de Cesar.*

*Le nom de Verdun institué & changé par Cesar l'Empereur.*

¶ Ce qui se peut monstrer & prouuer, par plusieurs anciennes denominations de villes, & chasteaux, lesquelz iusques à present, ont retenu ledict ancien langage, come de la cité de Metz, laquelle selon les historiens, qui ont escript d'elle, a eu troys noms, Premierement Diuidunum fut nommée, ce qu'il expose Diuorum mons. Car auant sa premiere fondation, y auoit vn temple sur vne montaigne, ouquel on sacrifioit aux Dieux. Secõdemēt fut appellée Meodiomatrix, à raison qu'elle est située au milieu de troys citez, à scauoir du costé de Septentrion Treues, du costé de Mydi Thoul, & de l'Occident nostre cité de Verdun. Finalement fut nommée Metis, du nom d'vn capitaine appelle Metius, qui la subiuuga du temps de Jules Cesar.

*Epilogue du nom de Verdun.*

*Troys denominations de la cité de Metz.*

¶ D'auantage nous voyons que ce terme Dun, ou Dunum: toutefois qu'il est mis en la fin d'vne diction, qui signifie montaigne, comme les villes de Dun le Roy; Chasteaudum, Lauerdum, Isouldum, lesquelles sont toutes situées es montaignes: comme nostre cité de Verdun. Et de ce est venu, qu'au pays de l'Oraine, & Barrois, on appelle Bunes, toutes eleuations faites aux corps des personnes, ou aux vaiselles d'argent, destaing, ou de cuyure: & ce par corruption, ou mutation de la premiere lettre de D, & B, Bune: quasi Dune.

*La significatiõ de ce terme Dun.*

¶ Or depuis que nostre dicte cité fut reduicte en l'obeissance de Jules Cesar, & conseruement des Romains, qui ordinairement tindrent garnison en icelle, pour la raison que dessus, les citoyens & habitans des lors, furent tousiours fidelles & obeissans ausdictz Romains, sans prendre alliance, bien par l'espace de cinq cens ans: & iusques au temps de Clouis cinquieme Roy de France, comme nous dirons cy apres.

*La cité de Verdun en l'obeissance des Romains.*

¶ En l'an de grace, quatre vingtz & seize, saint Denys apostre de France, qui mourut ceste mesme année, ordonna son disciple Sanctinus, qu'il auoit institué Euesque de Meaulx, aller à Romme, & passer par Verdun, auquel lieu cognoissoit par esprit diuin, la foy chrestienne, deuboir prendre commencement. A la venue duquel plusieurs receurent, le saint sacrement de baptesme, & esleurent pour leur premier Euesque, ledict Sanctin, & erigerent vne petite chappelle, hors des portes de Verdun, au lieu, ou est de present l'Eglise saint Vanne, laquelle il consacra pour Eglise cathedrale, soubz le titre saint Pierre, & saint Paul, & y tint son premier siege Episcopal, environ l'an cent & deux: quant il retourna de Romme, du temps du Pape Anaclerus: & puis ses successeurs Euesques, tindrent leurs sièges, en ladicte Eglise, l'espace de plus de troys cens cinquante ans: laçoit que durant cedit temps, l'Eglise chrestienne, endure diuerses persecutions, aucunesfoys par les Empereurs, comme Diocletian, Maximian, Iulian l'apostat, aultrefoys par les huns, Gothz, & Ostrogothz, qu'aussi pour les heresies pululans en diuers lieux, tellement que nostre cité de Verdun fut bñ l'espace de deux cēs vingt cinq ans, sans ce qu'il y eust homme, qui publicquement fust si hardy, soy nommer & prendre tilre d'Euesque, laçoit que par clemence diuine, durant cedit temps, Nous trouuõs huit personages, les nps de squez sont incognez, qui regirent & gouuernerent, comme pasteurs & euesques, les chrestiens, qui secretement habitoyent en nostre cité de Verdun, & d'iceulx les corps furent trouuez long

*Saint Sanctin disciple de saint Denys premier euesque de Verdun.*

*Erection de la premiere eglise dudit Verdun.*

*Verdun deux cēs vingt cinq ans sans euesques les huit euesques incognez.*

# Le royaume de Lorraine à prins

temps apres inhumez miraculeusement, tous ensemble.

¶ Environ l'an quatre cens cinquante & quatre, que les dessusdictes persecutions, cōmencerēt à cesser apres la mort d'Atilla, du temps du bō empereur Martianus, soubz lequel les eglises chrestiennes, commencerent à retourner en liberte, les chrestiens de nostre cite, pourfuyirent auoir vn euesque ce qu'ilz obtindrent, & eurent sainct Pulchrone disciple de sainct Loup, de Troyes, qui premieremēt delibera retirer son Eglise cathedrale, estant aux faulxbourgz, dedans le cloz de la cite de Verdun, ou il feit edifier vne eglise, soubz le tiltre de la natiuite nostre dame, & trāsporter le nom & tiltre de cathedrale: en celle qui dure encores à present. Si les lecteurs veulēt cognoistre les causes, pour quoy, fault retourner à la vie dudit sainct Pulchrone.

*Sainct Pulchrone  
cinqieme euesque  
de Verdun.*

*Erection premie-  
re de l'eglise no-  
stre Dame de Ver-  
dun.*

*Rebellions contre  
les Romains.*

*Verdun perseuera  
en l'obeissance des  
Romains.*

*Cause de la hayne  
de Clouis contre  
Verdun.*

¶ Durāt ce mesme temps que Valētinianus gouernoit l'Empire occidental, fut tué par Trasila seruiteur de feu noble patrice Etius. Et que les Roys François, entrepreneurs nouueaux, comme Pharamond, Clodion, Meroneus, Childeric, florissoyent en armes, & rebelloyent aux Romains innumerables peuples, citez & pays, laissoyēt l'obeissance, des dessusdictz Romains, tant en la Germanie, Dacie, Sarmacie, Espagne, Acquitaine. Et semblablement à la Gaule, & Bourgongne, plusieurs Princes & communaultez des citez, comme Metz, Thoul, Treues, se allierent par force, ou par amitié, aufdictz Roys François. Toutefois nostre cite de Verdun, tint tousiours bō, avecq les Romains, & tant qu'elle peult ne print aultre alliance, & mesme du temps dudit Childeric, quatrieme Roy des Frāçoys, & pere de Clouis premier Roy chrestien, qui fut degecté de sonroyaulme, & depuis r'appellé. Nostre cite deffendit cōtre luy, Gillon cappitaine Romain, subrogé en son lieu, tellement qu'il retint tousiours la cite de Soissons, soubz l'obeissance des Romains, sa vie durant, & auquel succeda son filz Siagre, contre lequel Clouis, au commencement de son regne mena grosse armée, environ l'an quatre cens quatre vingtz & quatre: mais les citoyens de nostre cite de verdun le deffendirent, tellemēt que par leurs moyens eschappa des mains dudit Clouis, & s'en fouyt en la Germanie: Dont Clouis print grande hayne contre nostre cite: avecq deliberation de grande vengeance, & la destruire.

¶ Environ l'an cinq cens, ledict Clouis Roy de France, eut vne grosse bataille, en la Germanie: En laquelle il fut fort pressé, & ses gens quasi mis en fuite: Si luy vint en memoire, le nom de Iesuchrist, & les monitions que Clotilde sa femme, souuent luy auoit fait de se faire chrestien: Et à lors commença se recommander à Iesuchrist: & vouer prendre le sacrement de baptesme, s'il obtenoit victoire de ses ennemys, ce qui aduint, à raison dequoy tost apres ladicte victoire, disposa de son retour, delibere se faire solemnelement baptiser en la cite de Reims: & en retournant passa par Thoul, ou il trouua sainct Vaast, qu'il print & mena avecq luy, pour l'endoctriner en la foy chrestienne: & de la vint passer pres de nostredicte cite de Verdun, ou luy souuint de l'ancienne querelle qu'il auoit contre les citoyens, qui tousiours auoyent tenu, pour les Romains: Si ordonna mestre le siege deuant ladicte cite, pour totallemēt la ruyner: Les pources habitans estonnez, cognoissant qu'ilz ne pouoyent resister, ne scauoient que faire, toutefois, en la cite y auoit vn sainct homme nommē Euspice, ayāt deux de ses nepueux, Vitonus, & Maximianus, viuans en grande sainctete en ladicte cite, soubz la foy de Iesuchrist: Cestuy Euspice aduertiy de la deliberation de Clouis, que de brief debuoit prendre le sacrement de baptesme, s'en alla vers les gouuerneurs de la cite, pour leur donner consolation, & les admonester que s'ilz auoyent bonne confidence en Dieu, ilz seroyent deliutez, dequoy ilz furent ioyeux, & enuoyerent ledict Euspice, hors de la cite, vers le Roy Clouis, qui tellement se humiliā, enuers ledict Roy, & le pria par le moyen de sainct Vaast (estāt illec) qu'il obtint grace pour ceulx de la cite, & leur pardonna le Roy, tout le mal talent qu'il auoit contre eulx, & s'y entra en la cite, & la mit en son obeissance, & deslors laisserent l'alliance des Romains, & furent subiectz tressidelles aux Roys de France, d'Austrasie, & de l'Orraine, cōme nous dirons cy apres, iusques à l'Empereur Otho, plus de troys cens ans durāt.

*Verdun assiegee  
par le roy Clouis.  
Euspicius Viton<sup>o</sup>,  
& Maximianus  
viuans en sainctete*

*Euspice obtint gra-  
ce du Roy Clouis  
pour les Verdun-  
noys.*

*La mort de Firmi-  
nus euesque de  
Verdun.*

¶ Or pendant que Clouis estoit en nostre cite, l'euesque Firminus mourut, & en son lieu, par son moyen fut institué euesque huietieme, Mitonus, ou Videnus, nepueu du bon prestre Euspice, auquel ledict Roy feit de grans biens, & deslors commēcerēt



les fondations des eglises, tant en l'ancienne de saint Pierre & de saint Paul, que en l'eglise nostre dame.

¶ Environ l'an cinq cens & quatorze, que ledict pays d'Austrasie commença estre etiegné en Royaulme soubz Theodoric aîné filz dudit Clouis, par la diuision faicte de la succession du Roy entre ses enfans. Nostre cité de Verdun demeura en l'obeissance du roy d'Austrasie, pour ce qu'elle estoit située soubz le contenu, & au destroit dudit royaume d'Austrasie, comme on peut veoir, par ce que nous auons dict cy dessus, parlant dudit royaume d'Austrasie, & à la verité combien que ladicte cité de Metz feust le principal siege dudit royaume: toutefois on trouue que en nostre cité de Verdun, plusieurs Roys, & Princes Austrasiens, on fait leur demourance ordinaire, comme Theodobert deuxieme roy d'Austrasie avecq sa seconde femme Dauthere, laquelle feit cruellement mourir sa fille, par ialousie, sur le pont de Meuse, en nostredicte cité. Semblablement Sigilbert, qui eut pour sa portion apres son pere Clotaire premier de ce nom, ledict royaume d'Austrasie: faisoit sa residence souuent en nostre cité, & es environs. Et aduint qu'il fut parrain & tint sur les sons saint Agericus & s'y eut vn filz nôme Childebart, qui luy succeda en Austrasie, lequel sondict pere volut estre baptisé, par les mains dudit saint Ageric & depuis ledict ieune roy pour la reuerence de sa sainteté l'appelloit son pere spirituel, & ne luy refusoit aucune chose, quelque grande qu'elle feust. Pareillement du temps de Dagobert filz du roy Clotaire deuxieme, qui viuant, son pere tenoit ledict royaume d'Austrasie, environ l'an six cens trente deux, venoit souuent en nostre cité de Verdun, & feit des biens innumérables aux eglises d'icelle: Signamment du temps que saint Paul tenoit nostre Euesché, qui auoit esté precepteur d'un noble Prince nôme Grimo, nepueu dudit Dagobert, lequel auoit plusieurs seigneuries, tant au pays de liege, que aux lieux circoiuisins de Verdun, qu'il distribua & aumosna, quasi toutes audictes eglises, & en faueur de cestuy, ledict Dagobert augmêta merueilleusement les rentes de nostredicte eglise cathedrale: Car nous lifons, que entre tous les euesques, qui ont plus augmêté les fondations de nostredicte eglise cathedrale de Verdun, a esté saint Paul, par la faueur qu'il auoit audit Dagobert, au moyen de son disciple Grimo. Semblablement environ l'an six cens soixante deux, que les roys, tant de France, que d'Austrasie commencerent à eulx abastardir & degenerer des vertus de leurs predecesseurs, & que les maires du palais gouernoient les royaumes à leurs plaisirs & voluntez, par ce que les roys estoient oiseux, sans riens faire: fors vacquer à gormandise & luxure: Plusieurs Maires & Princes du palais d'Austrasie prindrent aussi leurs residence, en nostre cité de Verdun, & aux lieux circoiuisins, & feirent de grandes fondations aux eglises, tant de nostre cité de Verdun, que dehors. Côme on trouue par chartres & lettres antiques, & selô qu'il appert par Vualfandus maire du palais du roy Childeric deuxieme, qui ediffia le monastere de saint Michel: *In parrochia Verdunensis*. Aussi feiret Pepin Heristel, & sa femme Plectrude, qui baillerent plusieurs biens aux eglises de saint Vanne, & nostre dame: Et trouuons par les antiquitez de noz eglises, que ledict Pepin & Charles Martel son filz, estant maire du palais d'Austrasie, & de France, instituerent en leurs temps aucuns gouuerneurs en nostre cité de Verdun, soubz leur auctorité, lesquels combien qu'ilz n'eussent puissance que de gouverner: toutefois ilz vsurpoient le nom de Comte: car à la verité de ce temps la, & mesme iusques au temps de Charlemagne: comme dit maistre Nicole Gille, en son histoire: soubz l'année, huit cens quatorze, les roys de France, & les maires des palais, qui auoient auctorité royale, comectoyent à chascune bonne ville, & cité des pays, Cheualiers prudés & sages: pour gouverner icelles: lesquels on appelloit, Ducz, & Comtes: & maintenant sont appelez gouuerneurs, Baillifz, & Seneschaulx.

¶ Or entre ceulx qui furent instituez gouuerneurs de nostre cité, soubz Pepin heristel. Nous trouuons deux personages de grande noblesse & vertu: le premier s'appelloit Vualchifus, qui eut espose vne sainte dame Valdrada, tante dudit Pepin heristel, & lesquelz eurent vng filz natif de Verdun, nomme Vvaldregisilus, fondateurs des Abbayes de Fescamp, & Fontenay, en normandie, oncle de Godo alias Gaud, qui finalement par leurs merites furent saintz en paradis. Le second, fut nommé

Vitonus euesque de Verdun.

Des roys d'Austrasie faisans residence à Verdun.

Verdun soubz l'obeissance du royaume d'Austrasie.

Les roys de France & d'Austrasie degenerés des vertus de leurs predecesseurs.

Plusieurs maires du palais d'Austrasie residans à Verdun.

Vualfandus.

Pepin heristel.

Charles Martel. Gouuerneurs des citez appellez Comtes, & Ducz.

Des gouuerneurs de Verdun.

Vualchifus premier gouuerneur de Verdun, soubz Pepin heristel.

# De l'estat & police

Maſtigiliſus, qui du conſentement de ſa bõne femme Helcia, pour ce qu'ilz n'auoyẽt aucuns enfans: bailla à l'eglifẽ de Verdun, groſſes terres & ſeigneuries: entre leſquelles eſtoyent, Eſtain, Froymoifi, & le fiſque de Tilly.

*Guerin Lorrain  
gouverneur de  
Metz.*

¶ Enuiron l'an ſix cens quatre vingtz & troys: du temps que Charles Martel vint en ſon authorité, eſtant maire des palays de France, & Dauſtraſie, il conferma Duc, & gouverneur de la cité de Metz, le noble Prince Guerin ſurnommé le Lorrain, les predeceſſeurs duquel, auoyent ſemblablement exercé au parauant, le gouvernement d'icelle cité, & eulx denommé, Ducz, ſelõ la couſtume, qui pour lors eſtoit: tourefoys ſoubz l'auctorité des roys Dauſtraſie, ou des maires du palays, pour lors viuans.

*Anſelinus comte  
de Verdun.  
Volchifus eueſque  
de Verdun. ai:  
Agronius eueſque  
de Verdun.*

¶ En ce meſme temps, qui fut enuiron l'an ſept cens, & trente, lediẽt Martel voulant pouſſuyre les gueres qu'il auoit en acquitaine, contre les Sarrazins: Inſtitua en noſtre cité de Verdun, vn comte & gouverneur: nommẽ Anſelinus, ou Enchelinus, hõ me ieune & fort arrogant, qui durant l'abſence dudiẽt Martel, feit pluſieurs violẽces, & oppreſſions, contre l'eglifẽ de Verdun: car aduenant la mort de Volchifus, vingt vnieme eueſque: & que Agronius ſon ſucceſſeur fut eſleu, par le peuple, & clergé, de noſtre cité, lediẽt Anſelinus ſe feit prebſtre, & entreprit l'eueſché, ſe nommant comte, & eueſque de ladiẽte cité, & perfecuta l'eueſque Agronius durant le temps qu'il fut eueſque, qui fut ſeulement troys ans, apres la mort duquel pour les tyrannies, & troubles qu'il faiſoit, noſtre eueſché vacca, par deux, ou troys ans: à la fin duquel tẽps, lediẽt Charles Martel, apres pluſieurs victoires, qu'il obtint, tant en Acquitaine que en Saxonie, voulant mener ſon armée, contre les Friſons, paſſant par l'Auſtraſie, fut aduertý de la vacation du ſiege de Verdun, & des inſolences que faiſoit Anſelinus:

*Magdalueus eueſque  
de Verdun.*

Si ordonna au Duc, & gouverneur de Metz Guerin le Lorrain, ſe transporter à Verdun, & reprimer les inſolences dudiẽt Anſelinus, & meẽtre ordre à ce, que l'election de l'eueſque feult faiẽte pacifiquemẽt, ce qu'il feit, tellemẽt que Magdalueus, ſainẽt homme, qui eſtoit encores du lignage de Pepin: Fut eſleu & inſtituẽ eueſque, d'vn commun accord, du clergé, & citoyens. De ce faiẽt Anſelinus conceut vne merueilleuſe hayne, contre le duc Guerin, tellemẽt que peu de temps apres, par trahiſon le feit tuer, en vn chasteau, pres la cité de Metz, dont il ne demeura impugny: car Gerbers filz dudiẽt Guerin, le tua de ſes propres mains: & deſlors l'eueſque Magdalueus, qui eſtoit du ſang de Pepin, filz dudiẽt Martel, vint en ſi grande auctorité ſoubz luy, qu'il gouuerna temporel, & ſpirituel, & ſi obtint grans terres, & ſeigneuries dudiẽt Pepin, quant il vint à eſtre roy de France.

*Guerin le Lorrain  
tuẽ en trahiſon  
par le comte Anſelinus.*

*Verdun bruſlẽe.*

¶ On liẽt que du temps de ceſtuy Magdalueus, l'eglifẽ cathedrale de Verdun, fut totalement bruſlẽe, par feu fortuit: comme on pourra pluſamplement veoir en la vie d'icelluy Magdalueus.

*Pepin Roy de Frã  
ce.*

¶ Enuiron l'an ſept cens cinquante: que Pepin le court filz de Charles Martel, fut couronne Roy de France, en expulſant Childeric, dernier roy des Meroniens: Le royaume Dauſtraſie commença à perdre ſon nom: car il fut reduiẽt en monarchie, avecq le royaume de Frãce, ſoubz la perſonne dudiẽt Pepin. Et apres noſtre cité de Verdun, retourna ſoubz l'obeiſſance de ladiẽte Monarchie, de France, & perſeuera icelle, durant les regnes dudiẽt Pepin, Charlemagne, & Loys le debonnaire.

*Verdun ſoubz la  
monarchie de Frã  
ce.*

*Troys filz de Loys  
debonnaire.*

*Partage deſediẽtz  
freres ſuĩt en la ci  
té de Verdun.*

*Origine du royan  
me de Lorraine.*

¶ En l'an huitẽ cens quarãte deux: apres la mort dudiẽt Loys le debonnaire: ſes troys filz, Lothaire laiſné, Loys ſurnommé Germanicus, & le plus ieune, Charles le chaul ue, eurent enſemble grandes querelles, & queſtions, pour leur ſucceſſion paternelle, finalement accorderent, & eſleurent de chaſcun coſté quarãte hommes, des plus nobles des pays, pour faire les partages, entre eulx, leſquelz furent faiẽtz en noſtre cité de Verdun, en ſorte que Charles, le plus ieune, eut la partie Occidẽtale: depuis Meuſe, iuſques à la mer britanicque, Loys eut pour ſa portion, depuis le Rhin, tirant vers l'Orient, toute la Germanie, Sueuie, Bauiere, Boeme, Auſtrie, Saxonne: & ſe nomma roy de Germanie. Lotaire retint toute l'Italie, avecq le nom de l'Empire, & oultre pour ſa part quaſi au milieu de la Gaule: Tous les pays qui ſont ſituez entre les riuieres du Rhin, & de l'Eſcault, & erigea icelluy pays en royaume, le denommant de ſon nom, Lorraine: Et par ce appert clairement que noſtre cité de Verdun, fut comprinſe, ſoubz lediẽt royaume de Lorraine, gouuernẽe par lediẽt Lothaire, & apres luy,

luy, par le ieune Lothaire son filz, qui mourut sans enfans, combié qu'il auoit vn sien frere Loys le ieune, Empereur, qui deuoit succeder à luy: toutefois le roy Charles le chaulue, & Loys, roy de Germanie, entreprirent par force, ledict royaume de Lorraine, & en firent diuision entre eulx, selon le cours de la riuere de Meuse, tellement que tout ce qui estoit depuis Meuse, iusques à l'Escault: Appartint audict roy de France, & en ce estoit comprins nostre dicte cité de Verdun, & notamment designée dedans ledict partage, & combien que la riuere de Meuse prene son cours, par le meillieu de nostre dicte cité: Toutefois les principaulx lieux, comme l'eglise cathedrale, les forteresses, prisons, & maisons du conseil, & de iudicature d'icelle cité, sont situez, entre ladicte riuere de Meuse, & l'Escault: & partant du commencement, elle fut deputée, & adiugée, aux roys de France: d'autre part les roys de Germanie eurent les pays, situez entre Meuse, & le Rhin, & ainsi en ont ioy, l'og temps de costé & d'autre, soubz toutefois plusieurs, & diuerses querelles: comme plus amplement on pourra cognoistre, par ce que nous auons escript cy dessus, & en la deduction de nostre histoire.

¶ Or enuiron l'an huit cens quatre vingtz, les deux bastards de Loys le begue, roy de France entreprirent ledict royaume, & se firent couronner, & à fin qu'ilz ne feussent inquietez, ilz cederent tout ledict royaume de Lorraine à Loys roy de Germanie, qui en iouyt, & ses successeurs, à sçauoir Charles le gras, Arnulphus Empereur, qui bailla ledict royaume de Lorraine à Gendebaldus son filz bastard: mais depuis vint à son filz Loys, legitime, & dernier Empereur de la lignée de Charlemagne, & consequemment à Conradus, durant lequel temps nostre cité, fut soubz l'obeissance d'iceulx.

¶ En l'an neuf cens & seize, Charles le simple roy de France, par l'exhortation d'aucuns Princes de Lorraine, retira tout le royaume en ses mains, iusques au Rhin, & en debouta ledict Conradus Empereur, & deslors pour deffendre ledict pays, contre les Germains, il institua aucuns comtes en diuerses citez & places, entre lesquels vn noble Prince dudit pays, nommé Raginerius, descendu du lignage de Clodiō deuxieme roy de France, qui estoit Duc de Moselane, & d'Ardenne, & tous les pays, ou est de present la Duché de Lorraine: Fut institué premier gouverneur, du royaume de Lorraine, & quasi premier comte de nostre cité de Verdun, par ledict Charles le simple: mais il ne vesquit gueres, & laissa plusieurs eufans, dont l'aîné nommé Gifilbert succeda au gouuernement du royaume de Lorraine, avecq toutes les terres & seigneuries, ou est de present la Duché de Lorraine: & l'autre nommé Riginerus, ou Richninus, succeda aux comtes d'Ardenne, & de Verdun, soubz l'obeissance des roys François.

¶ Quelque temps apres enuiron l'an neuf cens vingt & quatre, Charles le simple, accorda avecq Henry l'Empereur pere de Otho, qui l'auoit secouru & aydé en vne bataille, contre les nobles de France, rebellans contre luy, & pour les benefices, luy restitua toute la portion, depuis Meuse, iusques au Rhin, dont ne furent contentz les Princes de France, signammēt Gifilbert, gouverneur & principal Duc de Lorraine, auquel ne pleut cest appointement, comme on pourra veoir cy apres, en la deduction de nostre histoire.

¶ Enuiron l'an neuf cens quarante & troys, qui estoit la sixieme année du règne de l'Empereur Otho premier, apres la mort de son pere Héry, Gifilbert gouverneur, & Archeduc de Lorraine: cōbié qu'il eust la sœur dudit Otho, pour femme: toutefois il poursuyuit, tellemēt son entreprinse contre ledict Otho, qu'il tira à son alliance, aucuns Princes de la Germanie, & s'y sollicita, tellemēt ledict roy Loys, filz dudit Charles le simple deffunct, qu'ilz coniuèrent ensemble contre luy, & entrerēt avecq grosse armée en diuers lieux, es pays de Lorraine: mais finalement Otho, se deffendit, tellement qu'il obtint victoire, quasi miraculeusement: & fut Gifilbert noyé, comme auons escript, cy dessus, & ledict roy Loys, mis en fuycte, & contrainct se retirer en France: Au moyen dequoy il recouura facilement la portion du pays de Lorraine, Et d'auantage, oultre ce que son pere tenoit: il print nostre cité de Verdun, & fut contrainct le comte Richninus, qui estoit frere dudit deffunct Gifilbert, à le reprendre de luy

*Diuision dudit royaume de Lorraine entre les Francois & Germains.*

*Verdun aduint pour lors au costé de France.*

*Les bastards Loys le begue donnerent la portion de Lorraine aux Germains.*

*Verdun soubz l'obeissance des Germains.*

*Le roy Charles le simple retira toute le royaume de Lorraine des Germains.*

*Raginerus premier gouverneur de Lorraine soubz Charles le simple Gifilbert second gouverneur de la dicte Lorraine.*

*Richninus cōte de Verdun.*

*Charles le simple restitua la portion de Lorraine aux Germains.*

*Rebellion de Gifilbert contre l'Empereur Otho.*

*Victoire de l'Empereur Otho, contre les François.*

# Le royaume de Lorraine à prins

*La cité de Verdun reduicte soubz la puissance de l'empereur Otho.*

*Appoinctement entre le roy Loys quatrieme, & Otho.*

*Godefroy à la barbe comte de Verdun soubz l'Empereur.*

*Le roy Lothaire accorda avec Otho deuxieme pour la portio de Lorraine*

*Erection de la duché de Lorraine.*

*Godefroy cote de Verdun vray heritier de Gifilbert.*

*Limites entre les roys Emperours, la riuere de Meuse.*

*La cité de Verdun combié que en ce, elle fut du royaume de Lorraine neantmoins iamais ne fut de ladicte Duché.*

*La mort de Otho deuxieme, auquel Otho troisieme succeda.*

*Verdun prinse par le roy Lothaire, & le comte godefroy prisonnier.*

de luy, & en faire la foy, & hommage: & l'année suyuant ledict Loys: fait appoinctement de nouveau, avecq ledict Otho, par lequel il promist, iamais ne repeter, ne que rerler la portion dudit royaume de Lorraine, ny la cité de Verdun, que ledict Otho, auoit nouvellement recouuée, & par ce mesme appoinctement, ledict empereur bail la sa sœur Gerberge, vesue de feu Gifilbert, audict Loys, pour femme, à lors nostre cité de Verdun laissa l'obeissance des François, & vint en l'obeissance des empereurs laquelle à tousiours perseueren icelle, excepté quelque peu de temps, comme nous ditons cy apres.

¶ Or quelque temps apres mourut ledict Loys, roy de Frâce, auquel succeda Lothaire, son filz: Semblablement mourut l'Empereur Otho, deuxieme de ce nom, environ l'an neuf cens septante & troys, & aussi Riginus, ou Richinus, comte de nostre cité de Verdun, auquel succeda son filz Godefroy à la barbe, tant en la comté d'Ardenne, Buillon, que Verdun, & tint tousiours l'aliance de l'Empereur Otho, & soubz luy eut de belles victoires, contre les comtes de Hainau, Regnier au lög col, & ses enfans: & semblablement contre Lothaire roy de France: tellement que de nouveau ledict Lothaire appoincta & ceda audict Otho deuxieme, toutes actions que ses predecesseurs pretendoyent en la dessusdicte portion, dudit royaume de Lorraine: & iura solemnellement iamais n'y contreuenir.

¶ En l'an neuf cens quatre vingtz & vn: l'Empereur Otho deuxieme, delibera aller à Romme, pour prendre la couronne imperialle, & auant son partement, desirant accorder, & mettre ordre & bonne paix, durant son absence: & totalement abolir le nō & les querelles du Royaume de Lorraine, entre les Emperours & roys de Frâce: appella Charles, frere du roy Lothaire, qui estoit celuy qui plus querelloit ledict royaume de Lorraine, & accorda de luy bailler toutes les terres & seigneuries que iadis tenoit Gifilbert, deffunct, qu'il erigea en Duché, & la nōma Lorraine, & d'icelle il porta premier le nom, & par ce moyen appoincterent: de cest appoinctement ne fut content nostre Comte de Verdun Godefroy: car il pretendoit à luy appartenir toutes les terres & successions dudit deffunct Gifilbert, son oncle, toutefois finalement en faueur dudit Empereur, & avecq conditions plus amplement declairées cy dessus en parlant du royaume de Lorraine: l'appoinctement fut accordé, & deslors le nom, de royaume de Lorraine fut totalement aboly, & ne demeura que le nom de Duché de Lorraine es terres & seigneuries dessusdictes, que tenoit ledict Gifilbert: & pour limites entre les Emperours, & Roys de France, fut assignée la riuere de Meuse à condition: toutefois que nostre cité de Verdun demeura soubz l'obeissance & fidelité des Emperours: combien que la propriété appartenoit au comte Godefroy à la barbe, & à ses heritiers apres luy. Or en ce fault que les lecteurs notent, que combien que nostre cité de Verdun feust contenue dedans les limites du royaume de Lorraine, & quasi au meillieu, toutefois elle ne fut iamais comprinse dedans la Duché de Lorraine nouvellement erigée, laquelle contenoit seulement les seigneuries, que feu Gifilbert tenoit de son patrimoine, qui sont encores tenues presentement, par les Ducz de Lorraine viuans.

¶ En l'an neuf cens quatre vingtz & quatre, ledict Empereur Otho deuxieme, mourut en Italie, auquel succeda à l'Empire son filz Otho troysieme, estant encore ieune enfant, dequoy aduertty Lothaire roy de France delibera, nonobstant son serment, & les appoinctemens faitz, repeter & retirer la portion du royaume de Lorraine, que les Emperours tenoyent: assembla grosse armée, & entra dedans les pays, & combien qu'il trouuaist grosse resistance en nostre cité de Verdun: car le cote Godefroy s'estoit illec retiré avecq ses gens qui se deffendit quelque temps contre le siege dudit Lothaire: toutefois peu apres impatient des oultrages & destructiōs qu'il veoit faire au plat pays, & aux lieux circonuoisins de nostre cité, delibera sortir sur ses ennemys, & ordonna vn sien cappitaine nommé Gober, garder la cité, pendant qu'il feroit ladicte faillie: mais fortune luy fut contraire, par ce que ceulx de dehors estoient en plus grand nombre que luy: par lesquelz il fut prins prisonnier avecq la pluspart de ses gēs, & mené audict roy Lothaire.

¶ Quant le cappitaine Gebert fut de ce aduertty, cognoissant qu'il n'estoit pour resister

¶ Et audiēt roy Lothaire, trouua maniere accorder avec luy en rendant nostre cité à sa volonté, à condition qu'elle ne seroit bruslée, & qu'il rendroit tous les prisonniers, excepté le comte Godefroy qui demeura prisonnier, es mains dudiēt Lothaire, de tel les nouvelles, ne fut content le ieune Otho, estant en Italie: si assembla grosse armée, & se meīēt au retour, delibéré venir à Verdun: Mais Lothaire craignant sa venue, & voyant son equipage, preuint, & deliura le comte Godefroy, luy restituāt pacifiquement nostredicte cité de Verdun, laquelle par ce moyē, & deslors a tousiours demeuré en propriété, aux cōtes d'icelle, sans toute fois la souueraineté, & reprinse des empereurs: & par ce appellée cité imperialle, & depuis n'en fut iamais fait questiō par les François. Le regne desquelz en ce mesme temps, ou tost apres fut fort troublé & changé, par les entreprinse que feit Hue capet, qui deiecta dudiēt regne, ceulx du sang de Charlemagne, en prenant prisonnier Charles: frere dudiēt Lothaire, & premier duc de Lorraine, comme on pourra plus amplement veoir par la deduction de nostre histoire.

¶ Apres que nostre comte Godefroy à la barbe, fut deliuré, il gouuerna sagement & vertueusement nostre cité de Verdun, & ses autres seigneuries: comme Ardenne, Buillon, soubz l'obeissance des empereurs, lequel au parauāt auoit prins pour femme, des l'an neuf cens soixante cinq: viuant encores son pere Raginirus, vne noble dame des pays de Saxone, nommée Mathilde, laquelle auoit esté mariée, en premieres nopces, cōme dict Iaques Meierus, en son histoire, à Bauldouyn le ieune filz de Arnoul le grant comte de Flandres, qui ne vesquit longuement, duquel auant sa mort, elle eut vng filz, nommé Arnoul, le ieune: qui fut comte de Flandres, & depuis en secondes nopces de nostredicte comte Godefroy, elle eut cinq beaux filz, dont l'aîné, appellé Adelbero, fut Euesque de Verdū, & ne vesquit que troys ans, par ce qu'il estoit maladi: le second nommé Godefroy, comme son pere: succeda à la cōté d'Ardenne, & fut duc de Lorraine, apres la mort d'Otho, filz de Charles: Le troisieme nommé Fredericus succeda à la cōté de Verdū: les deux plus ieunes Gozelo & Hermannus. eurent autres successions, cōme nous dirons clairement & amplemēt, en la deduction de nostre histoire, soubz les Euesques Adelbero, Haymo, & autres subsequens, ausquelz fault, que les lecteurs ayent recours. ¶ Apres la mort de nostre comte, Godefroy à la barbe, dict l'ancien, qui fut enuiron l'an neuf cens nonante & six, Fredericus l'un de ses filz, print possession de la comté de Verdun, viuant encores sa bone mere Mathilde, lequel des son ieune aage, estoit totalement donné à Dieu, & plus aux choses spirituelles que temporelles: Si luy print volonté entreprendre le saint voyage de Hierusalē: mais auant que partir, ayant vouloir augmenter le seruice diuin, & accorder plusieurs querelles, qui du passé estoient entre les Euesques de Verdū, & les cōtes ses predecesseurs, touchant les iurisditiōs personnelles, & reelles, delibera donner, & transporter à Haymo, pour lors Euesque, & à ses successeurs, toute la propriété des droitz seigneuries, & iurisditiōs, qu'il auoit en la comté de Verdū, à ce que luy & ses successeurs Euesques, feussent comtes, & seigneurs d'icelle cité, avec puissance de comte & deputer soubz eulx aulcun (ou plusieurs) pour exercer la iurisditiō des choses temporelles à leur plaisir, & volonté: & icculx commis, oster, changer, & y mettre autres, quant bon leur sembleroit, avec condition: neantmoins que au retour de son voyage, il pouroit exercer en sa persone les iurisditiōs d'icelle comté, ou biē, s'il mouroit sondict frere Hermannus, soubz l'auctorité de l'Euesque Haymo, ou de son successeur. Or le bon comte Fredericus declaira son vouloir à sa bonne mere Mathilde, viuant pour lors en viduité, en nostre cité de Verdun, & augmentoit par chascun iour, les biens, rentes, & reuenues des eglises d'icelle cité, laquelle facilement l'accorda au vouloir de son filz Fredericus, ayant regard à ses autres troys filz: à sçauoir Hermannus, qui viuoit saintement, avec elle en nostredicte cité de Verdun, & les deux autres, Godefroy, & Gothelo, qui auoit succedé à la comté d'Ardenne, & de Buillon: estoient absens en Italie, soubz l'empereur Otho, troisieme: desquelz elle n'esperoit grande succession d'enfans.

¶ Et pour mettre à execution leur deliberation, appellerent l'Euesque dudiēt Verdū  
d Haymo

*Göbert capitaine de Verdun.*

*La cité de Verdū, & le comte Godefroy restitué à l'empereur Otho. iii. Verdun deslors à tousiours esté, cité imperialle. Mathilde femme du cōte Godefroy.*

*Cinq enfans du comte Godefroy.*

*Fredericus comte de Verdun.*

*Le cōte Frederic entreprenant le voyage de Hierusalē.*

*Haymo euesque de Verdun.*

# Le royaume de Lorraine a prins son origine

*Donation de la comté de Verdun aux euesques du lieu.*

*Confirmation de l'empereur Otho, iii. de ladicte donation.*

*Aduertissement pour les lecteurs.*

*Henry. ii. empereur, apres Otho. troisieme. La mort d'Otho, duc de Lorraine.*

*L'empereur Henry ii. donne la duché de Lorraine à Godefroy frere de Frederic comte de Verdun.*

*Le comte Frederic retourne de Hierusalem.*

*Le comte Frederic, religieux à saint Vanne de Verdun.*

*Hermannus exerce la comte de Verdun, soubz l'euesque Haymo.*

*La mort de Mathilde.*

*La mort de Godefroy duc de Lorraine, auquel succeda Gozelo son frere.*

*La mort du comte Frederic, religieux resident à Arras.*

Haymo, & aduiferēt ensemble, que lediēt euesque conduiroit lediēt comte Federic, pour faire son voyage, iusques à Rome, & en passant par la court dudiēt empereur Otho, seroient auctoriser & emologuer ladicte donation & translation de comté, en la persone dudiēt euesque. & ses successeurs: ce qu'ilz feirent facilemēt, par la faueur que haymo auoit enuers Henry, duc de Bauiere, principal cappitaine dudiēt Empereur: duquel ilz obtindrent lettres patentes soubz ses seaulx, & confirmatiō de ladicte donation, selon les conditions & modifications dessusdictes,

¶ Et fault icy noter, combien que à present on ne trouue, lesdictes lettres & chartres dudiēt Otho, par ce qu'elles ont esté brullées, par inconuenient de feu: comme amplement est deduiēt en nostre histoire: toutefoys on trouue encores de present aux arches de nostre eglise, lettres patētes de l'empereur Frederic barberouffe, de la date de mil cent cinquante six: faisans mention de la forme de ladicte donatiō, confirmée par Otho, avec lesdictes modifications: Et ce fait lediēt comte Federicus poursuiuit son voyage de Hierusalem, & nostre euesque Haymo, retourna en nostre cité, de Verdū, commençant vs̄er de l'auctorité d'icelle donation.

¶ Or pour entendre ce que nous dirons cy apres, fault que les lecteurs reduisent en memoire, que Charles premier, duc de Lorraine deiecté du royaume de France, & mis en prison à Orleans par Hue caper: mourut en ladicte prison, en l'an neuf cens septante & troys, auquel succeda Otho, son filz, de sa premiere femme, en la duché de Lorraine.

¶ En l'an mil & vn, mourut Otho troisieme, de ce nom, empereur, auquel succeda Henry deuxieme du nom, surnommé Claudus, en l'empire, qui estoit duc de Bauiere, & saint homme, maistre iadis de nostre euesque Haymo. Aussi qu'en l'an mil & quatre, lediēt ieune Otho, duc de Lorraine, filz de Charles, mourut sans hoirs male de son corps, & combien qu'il eust deux sœurs Gerberge, & Emengarde, mariées richemēt aux comtes de Louvain, & de Namur: toutefoys l'empereur Henry, suiuant les conditions apposées, au traité de la donatiō faite, iadis à Charles leur pere: bailla icelle duché de Lorraine à Godefroy d'Ardenne, frere de Fredericus, nostre comte de Verdun: dont sortirent querelles innumerables, comme on pourra veoir en la vie dudiēt euesque Haymo.

¶ Apres le retour de nostre comte Fredericus de son voyage de Hierusalem, il exerça la iurisdiction de la comté, selon la forme de sa donation: Mais enuiron l'an mil & cinq, estant vn iour en la cité de Reims, print cognoissance, amitié, & confederation, avec le prechantre de l'eglise dudiēt lieu, nommé Richard, qui depuis fut abbé de saint Vanne: tellement qu'ilz delibererent ensemble, entrer en religion, au monastere dudiēt saint Vanne à Verdun, & assignerent iour, auquel ilz se trouuerent, feirent les veux, & prindrent l'habit en icelluy monastere, comme amplemēt est contenu en la deductiō de nostre histoire. Or ce fait Hermannus, frere dudiēt Fredericus, print l'exercice de nostre comté de Verdun, soubz l'euesque de Haymo, laquelle il administra vertueusement, faisant grans biens & fondations aux eglises nostre dame, & saint Vanne, par l'induction de sa bonne mere Mathilde, laquelle mourut assez tost apres l'an mil & neuf, & fut inhumée au monastere saint Vanne, audict Verdun, ou de present on void sa sepulture, combiē que Meierus escript qu'elle se fait innumer au monastere de Blandināce, en Flādres, avec son mary Godefroy, pour ce qu'ilz auoiet fondé lediēt monastere. Or durant ces choses Godefroy leur frere aîné, estāt duc de Lorraine, eut plusieurs batailles (tant en son nom) contre Lambert comte de Louvain & de Hainau, que soubz le nom, & par ordonnance de l'empereur, estant absent en Italie contre les Frisons, ou il fut prins prisonnier, & deliuré finalement par rançon, & grand somme d'argent, que bailla son frere Gothelo, retourné d'Italie.

¶ Enuiron l'an mil dixneuf: mourut lediēt Godefroy, auquel succeda, en ladicte duché de Lorraine Gothelo, ou Gozelo son frere. ¶ En l'an mil vingt: & deux, le cōte Fredericus religieux de saint Vāne, faisaēt sa residēce à Arras, au monastere de saint Vaast, ou il auoit esté enuoyé par obediēce pour la reformatiō d'icelluy: mourut, & fut trāfporté son corps à Verdun, par l'abbé Richard, & lediēt euesque Haymo, inhumez audict saint Vanne.

¶ En

¶ En l'an mil vingt cinq, mourut le bon & sainct empereur Henry deuxieme, qui en sa vie auoit fait les veux de religion, audiēt sainct Vanne, comme nous dirons en la vie sainct Richard, à icelluy succeda à l'empire, Conrardus deuxieme du nom, homme tresuertueux.

¶ En l'an mil vingt sept, mourut le bon euesque Haymo, auquel succeda en nostre euesché Raimbertus, par le moyen de l'abbé Richard, qui refusa le dict euesché: & induict l'empereur Cōrardus à ce q̄ ledict Raimbertus feust euesq̄.

¶ En l'an mil vingthuit, Hermannus, exerçant la côté de Verdū mourut, à raison dequoy l'euesque Raimbertus voulāt vs̄er de son auctorité, sans auoir regard à Gozelo, duc de Lorraine, frere du deffunct Hermannus, bailla la vicoté de Verdū à Loys filz de Otho, comte de Chiny. & pour valider la donation se retira vers ledict empereur Conrardus, qui ratifia icelle, & s'y conferma de nouveau le transport de ladicte côté, fait iadis par ledict Fredericus aux euesques de Verdū, du tēps de Otho troisieme s̄o predecesseur.

¶ En l'an suiuāt, mil cinq cēs vingtneuf Gozelo, duc de Lorraine fort indigné de ce que l'euesque Raimbertus auoit preferé deuāt luy, ledict côte de Chiny, en luy donnāt la vicomté de Verdū, venue de ses predecesseurs: Se retira vers ledict empereur Cōrardus, faisant querimonies de l'iniure à luy faicte, requerāt estre remis en ladicte côté de Verdū, cōme à son vray patrimoine, en adnullāt toutes donations & trāsportz faictz par ses predecesseurs empereurs, cōme abusifz: à quoy ledict empereur Conrardus, affecté au biē de l'eglise de Verdū, ne voulut obtēperer: mais luy refusa, en luy declarāt qu'il vouloit que ledict trāsport de la côté, avec les ratifications de son predecesseur Otho, eussent lieu: de ceste respōce ne fut contēt le duc Gozelo, retourna en son pays, deliberé par toutes voyes poursuuiir son droit: & pour ce faire se retira vers le roy de Frāce, Robert, filz de Hue capet (qui pour lors regnoit) demādāt ayde, & luy suggerāt que facillemēt il pourroit retirer les parties du royaume de Lorraine que ses predecesseurs aucunesfoys auoyē tenu: Le roy eut quelque volonté de ce faire, & prepara gēs & armée: mais il ne poursuuiit lōguemēt ceste entreprinse, laquelle il chāgea facillemēt: car il estoit bon roy, de iustice & equité: toutes foys ledict duc Gozelo poursuuiit son faict, & assēbla, comme dict Sigilbert, grāt nombre de gēs. Signāment de la côté de buillon, de laq̄lle il estoit seigneur, & voyāt son opportunité, par ce que ledict empereur estoit empesché contre les Bohemiēs, en tra dedās les terres de ladicte comté de Verdū, & tellemēt fait qu'en vne rēcontre, il tua le dessusdict Loys, côté de Chiny, vicomte de Verdū, & non contēt de ce, entra à Verdū, & brula la pluspart des salles & edifices de la maison episcopale. De ses insolēces fut aduertiy l'empereur Conrardus, & pour ce qu'il estoit empesché aux guerres dessusdictes: trouua par conseil qu'il debuoit retirer à son alliāce le duc Gozelo, & enuoya gēs qui feirēt & appoincterent, en telle sorte qu'il laissa l'entreprinse de ladicte citē de Verdū: au moyen que ledict empereur luy promeiēt de brief le recompenser, ce qu'il feist, comme nous dirons: Et deslors dient les histoires que l'estat de l'empereur prospera par l'aliāce dudit Gozelo.

¶ Enuiron l'an mil trēte deux, Theodoric premier du nō, duc de Moselāne, & seigneur de Bar, alla de vie à trespas, sans hoir fors les troys ieunes filles de Fredericus sœurs de Theodoric deuxieme, du nom son filz, qui mourut auāt luy: s̄auoir est Sophie, Beatrix & Petronille, lesquelles l'empereur Conrardus ordōna venir en sa court, & les receut en sa garde, par ce q̄lles estoiyēt de son sang, & niepces de sa femme, & toutefois il les desherita de la duché de Moselāne, & la bailla audiēt Gozelo, pour recompēse de ladicte comté de Verdū: & aussi qu'il estoit parēt du deffunct Frederic, & forty d'vn mesme tronc de lignage.

¶ Icy est à noter que si les lecteurs veullent cognoistre, la source, & posterité de ces filles: & signāment de leur grāt ayeul Frederic comte de Moselāne, qui ediffia le chasteau de Bar: Semblablemēt comme elles furēt mariées par l'empereur, & que d'icelles sont fortiz les comtes & ducz de Bar: Fault auoir recours à ce que nous auōs escrit en la vie de l'euesque Raimbertus, & euesques subsequēs, ledict Gozelo, tant duc de Lorraine, que de Moselāne, triumphoit en la court dudit empereur, cōme dict Gisilbert, & eut plusieurs batailles & victoires, en deffendant le party dudit empereur, & signamment contre Odo, comte de Champaigne, qu'il tua deuant Bar, & autres qu'on pourra veoir par nostre histoire.

*La mort de Haymo euesque de verdun.*

*Raimbertus euesque de Verdun.*

*La mort de Hermannus vicomte de Verdun.*

*Gozelo duc de Lorraine indigné contre l'euesque dudit Verdun.*

*Le duc Gozelo voulant à luy la comté de Verdū.*

*Loys vicomte de Verdun, tué par Gozelo.*

*Verdun bruslée, par le duc gozelo*

*Appoinctement contre l'empereur Conrard & le duc gozelo.*

*La mort de Theodoric duc de Moselanne.*

*Les deux filles de Theodoric desheritées.*

*Gozelo duc de Moselanne.*

*Aduertissement pour les lecteurs.*

## De l'estat & police

*La mort de l'euesque Raimbertus, auquel Richard succeda*

*La comté de Verdun, derechef cōfermée aux euesques par Henry.iii.*

*La mort du Duc Gozelo.*

*Frederic filz de Gozelo Pape.*

*Godefroy filz de Gozelo, succeda à Lorraine.*

*L'empereur donna Moselanne à Albert de Lōgcastre Godefroy duc de Lorraine indigné de ladiète donatiō*

*Les deux filz de Godefroy duc de Lorraine.*

*Ydain femme du dict Godefroy, dame de Buillon & femme à Eustace de Boulongne*

*Publicatiō de abolition de tous crimes par l'empereur Henry.iii.*

*Richard euesque de verdun, Richard abbé de saint Vāne, & Ermefroid archediacre de Verdun.*

*Godefroy duc de Lorraine constitué prisonnier, & tost apres deliure.*

*Godefroy allié à Bauldouyn de Flādres entreprēt cōtre Henry.iii.*

*Mort de l'Abbé Richard, & de l'euesque Richard.*

*La cité de Verdun prinse & bruslée.*

¶ En l'an mil quarante, mourut nostre euesque Raimbertus, auquel succeda vn ieune homme de grans vertuz, nommé Richard, par le moien du bon abbé de saint Vanne: Richard parrain d'iceluy, qui feit les diligēces enuers Henry troizieme empereur: tellement que iceluy son fillol obtint, ledict euesché: & nō seulesmēt l'euesché: mais nouvelle cōfirmatiō imperiale de la côté de Verdū, à luy, & à ses successeurs euesques & plusieurs aultres grans biens, que ledict Henry feit aux eglises de Verdun.

¶ En l'an mil quarante & quatre, mourut Gozelo, duc de Lorraine & de Moselane, & côté de buillō, lequel laissa troys enfans: le premier nommé Fredericus qui print l'estat ecclesiasticque: fut abbé au mont de Casine, & depuis Pape de Rome nommé Estienne neuuiesme, du nō, le secōd fut nommé Godefroy surnommé le Breux qui succeda au duché de Lorraine, & côté de buillō, le troisieme fut appelé le petit Gozelo, qui estoit aucunemēt fol, & quasi incēse: auquel l'empereur Hēry vouloit reseruer la duché de Moselane: cōme diēt Hermamius cōtractus, dōt n'estoit contēt Godefroy le breux, son frere, le demādāt pour luy, à quoy ne voulut obtēperer ledict Empereur: mais la bailla à vn fiē parēt appelé Albertus, ou Adalbertus côté de Lōguis, alias de Lōgcastre, pres Strabourg. De ceste donatiō fut rāt indigné, le duc Godefroy le breux qu'il se retira en sa duché de Lorraine: Leua gēsdarmes faisās plusieurs courses & entreprinſes, sur les terres & seigneuries de l'euesché, en la voulāt repeter: cōme son patrimoine, par despit d'iceluy empereur Hēry, qui luy auoit refusé Moselane. Or cestuy Godefroy auoit deux filz, & vne fille, de sa pmiere femme, qu'il auoit prins durāt la vie de son pere: le nō duquel filz ainsné, ie ne trouue aux histoires: le secōd filz se nommoit Godefroy struma, alias au gros col, pour ce qu'il estoit bossu: Sa fille nommée Ydain fut mariée à Eustace côté de Boullōgne, sur la mer: à laquelle il bailla en traittant ledict mariage, la côté de Buillō. ¶ Enuiron l'an mil quarante six, l'empereur Hēry troisieme voulāt aller en Italie pour recepuoir la courōne, aduisā auāt son partemēt pacifier les pays, en son absence. Feit publier paix vniuerselle, abolition de tous crimes, & reconciliation à tous ses ennemys, en assignāt iour à tous les princes & prelatz du pays pour conseil general tenir, au lieu de treues, à raison de quoy nostre euesque Richard, & son parrain Abbé de saint Vāne, desirans pour le biē & vtilité des eglises de Verdū, la reconciliation du duc Godefroy, avec l'empereur se trasportērēt vers luy, & l'induirēt tellemēt, qu'il promeist se trouuer audict cōseil, avec ledict euesque Richard, & Ermefridus Archediacre de Verdū, pour lors, hōme de grāde auctōrité, & doctrine, ce qu'ilz feirēt: mais quāt l'empereur vint à remōstrer doucemēt audict côté Godefroy, les oultrages & dommages qu'il auoit faitz en ses pays, ledict Godefroy impatiēt, fier & orgueilleux cōmēça vser de hautaines & rigoreuses parolles, plaines de menaces, à raison de quoy l'empereur irrité, ordonna qu'il feust arresté en sa persone, & mis prisonnier au chasteau de Sigichestain, ou il fut quelque temps. toutefois à la sollicitatiō desdictz euesques, & Archediacre fut deliuré, en baillāt pour cauxion & hostage, son ainsné filz, de tenir les appointemens faitz, & accordez entre culx, entre lesquelz estoit de non iamais repeter ne inquieter ladiète côté de Verdun, contre les euesques d'icelle. Or aduint par malle fortune, que sondict filz estāt en ostage en la court de l'empereur: mourut tost apres, dō ledict Godefroy fut si marry, & desplaisant, qu'il se declaira plus que parauāt ennemy à l'empereur, & pour luy plus nuyre & endōmager, print alliāce à Baudouin, côté de Flādres, son parēt, tenāt le party de Frāce, par ce qu'il auoit espousé Athille fille de Robert roy de Frāce, & leuerēt chascū de son costé, grand nōbre de gēs, deliberez assaillir, & endōmager de toutes partz les pays d'iceluy empereur. ¶ Enuiron l'an mil quarante sept: mourut le bon & saint homme Richard, abbé de saint Vanne, & en ceste mesme année mourut nostre euesque de Verdun Richard, auquel succeda en l'euesché Theodoric homme de grande noblesse, doctrine, & vertus, de nation germanicque, familier & amy d'iceluy empereur Henry troisieme. ¶ En l'an mil quarante huiēt, les deux Princes, Godefroy duc de Lorraine, & Bauldouyn côté de Flādres assaillirēt les pays de l'empereur en Gueldres, & Frise, & bruslerēt le palais imperial, en la cité de Numegne, & ce fait vindrent assaillir nostre cité de Verdū, irritēz cōtre l'euesque Theodoric, qui tenoit le party d'iceluy empereur, & finalement la prindrent par force, & ordōna ledict

Godefroy



Godefroy mettre les feuz en icelle, es lieux ou il luy sembloit, qu'ilz ne feroient damage aux eglises, mais il aduint autrement: car le feu, prenât vigueur aux maisons & habitations des citoyens, saillit, & entreprint en l'eglise cathedrale, dont il fut marry, & en diligence enuoya ses gens pour reprimer ledict feu, mais il ne fut possible resister que l'eglise ne fut totalement bruslée, avecq les ornemens, relictues, lettres, & chartres, des fondations & priuileges d'icelle. Et Laurentius leodienfis en son histoire dict, que telle fut la desolatiō de ladicte eglise, que plusieurs chanoines, iusques au nombre de vingt & quatre, furent cōtrainctz abōdōner le lieu, & chercher ailleurs habitations: fugitifz iusques en Hongrie. De ce fait fut deplaisant, ledict duc Godefroy, & craignant l'ire de Dieu, & vengeance diuine, fait penitence solempnelle, & publique, car il partit de la porte de l'eglise, teste, espauls, & piedz nudz: & vint iusques au lieu, ou estoit le maistre autel, sur les coudes & genoulx: Se faisant battre de verges, pleurant, & gemissant, demandant à Dieu misericorde, & pardon, & s'y dōna à l'euesque Theodoric, pour ayder à reparer & réedifier ladicte eglise, grāde somme d'argent. avecq quelques terres & seigneuris: mais ce ne fut chose suffisante pour satisfaire à tel damage: car aussi il ne restitua point la comté, audiect euesque: mais des lors la retira en ses mains, & en voulut iouyr, comme de son propre patrimoine: toutefois il fait paix avecq ledict euesque, & depuis iamais ne fait damage en icelle eglise ny son successeur Godefroy, son filz.

¶ Si les lecteurs veullent cognoistre comment ledict Godefroy poursuiuit son entreprinse contre ledict empereur, & cōmēt il accorda avec luy: & s'en alla en Italie, & print pour femme, en secondes nopces Beatrix, vesue de feu Boniface, Marquis d'Italie. Comment il maria son filz Godefroy le bossu à Mathilde, fille de ladicte femme & dudiect Boniface, ensemble de son retour: des ordonnances faictes en son palais de nostre cité de Verdun. Fault retourner adce que nous auons escript en la vie de l'euesque Theodoric, ou ilz pourront veoir: Semblablement cōment le Pape Leon neufieme du nom, iadis euesque de Thoul: vint en nostre cité de Verdun, enuiron l'an mil cinquante, lequel en pitié voyant les calamitez de l'eglise, bailla lettres & bulles patentes, confirmans les priuileges & donations faictz iadis à icelle: Dont les lettres estoient bruslées. Et s'y dedia l'eglise de la Magdelaine, pendant que ledict Theodoric réedifia ladicte eglise bruslée, & plusieurs autres choses dignes de memoire: Signāment des biens & donation: faictes par ledict Mathilde, tāt en l'eglise Romaine que celle dudiect Verdun.

¶ En l'an mil cinquāte sept, l'Empereur Héry Niger troisieme du nō mourut, auquel succeda Héry quatrieme, son filz, soubz lequel l'eglise Romaine endura plusieurs persecutiōs. ¶ En l'an mil soixante dix, mourut aussi Godefroy le breux, filz de Gozelo, duc de Lorraine, & comte de Verdun, auquel succeda son filz Godefroy struma, alias le bossu, qui estoit marié à la noble dame Mathilde, Marquise d'Italie, qui print possession de Lorraine, & de ladicte comté de Verdun.

¶ En l'an mil septāte & sept, ledict Godefroy le bossu, ayant laissé sa femme en son Marquisat d'Italie: tenant illec le party de l'eglise Romaine, cōtre l'empereur Héry quatrieme, vint en son pays de Lorraine, pour deffendre les enfans de Bouldouin cōtre de Flādres contre leur oncle, Robert de Frise, qui les vouloit desheriter, & assēbla ledict Godefroy grosse armée & vint assaillir le pays de Frise, pēdāt que ledict Robert estoit en Flādres, cōtre sesdictz nepueux, qui auoit laissé vn cappitaine nōmé Richarius, pour deffendre ledict pays, lequel soubz vmbre d'appointement tira ledict Godefroy aux chāps, & le fait trahytement tuer. Cestuy Godefroy auāt sa mort, pource qu'il n'auoit enfans de sa fēme Mathilde: auoit declairé & nōmé son heritier es dictes duché de Lorraine & côté de Verdū, Godefroy de Buillō sō nepueu, filz de sa sœur Ydain, & dudiect Eustace cōtre de Boullōgne, sur la mer. Or apres la mort du dict Godefroy le bossu, furēt plusieurs querelles de la succesiō d'iceluy: car pour lors scisme regnoit, & diuisiō entre l'empereur Héry & l'eglise Romaine, cestuy Godefroy & son pere auoiet tousiours deffēdu le party de l'eglise Romaine, & partāt n'estoit aymé de l'empereur, qui empescha pour le cōmēcemēt quil ne print possesiō de ladicte duché de Lorraine. Et quāt à la côté de Verdun nostre euesque Theodoric

*L'eglise de Verdū  
lettres relictues  
& chartres toutes  
bruslées  
La penitence pu-  
blique, faicte par  
Gozelo.*

*Godefroy duc de  
Lorraine, retira à  
luy ladicte comté  
de Verdun.*

*Godefroy prit en  
secondes nopces  
pour femme Bea-  
trix.*

*Godefroy son filz  
prit pour femme  
Mathilde fille de  
la dicte Beatrix.*

*Le Pape Leon. ix.  
estant à Verdun,  
dedyā l'eglise de  
la Magdelaine.*

*La mort de l'em-  
pereur Henry. iii.  
surnommé Niger  
auquel succeda sō  
filz Henry. iii.*

*La mort de Go-  
defroy auquel suc-  
ceda son filz Go-  
defroy struma.*

*La mort de Gode-  
froy struma.*

*Godefroy de buil-  
lon succeda à la  
duché de Lorrain-  
ne & comté de  
Verdun, à raison  
de sa mere Ydain*

# Le royaume de Lorraine a prins

*Theodoric euesque de Verdū se tira à luy la comté de Verdun.*

*Scisme entre l'empereur Henry. iiii.*

*Et l'eglise Romaine & des empeschemens fait à Godefroy de Buillon.*

*Albert comte de Namur viconte de Verdun.*

*Godefroy de Buillon restitué en la duché de Lorraine*

*Godefroy de Buillon restitué à la comté dudit Verdun*

*Richerus euesque de Verdun.*

*L'entreprinse de l'expedition de hierusalem au concil le general.*

*Godefroy de Buillon croise pour ladicte expedition.*

*Védition de Buillon à l'euesque de Liège.*

*Védition des villes de Sathenay & moulay aux euesques de Verdun.*

*Des troys freres de Godefroy de Buillon.*

*Bauldouyn comte de Verdun parla donation de son frere.*

*La vedition de la comte de Verdū.*

voiyât Godefroy struma, decedé sās heritier, yssu de sō corps, & les troubles qu'ō faisoit à Godefroy de buillō: remeist ladicte cōte de Verdū en ses mains, vřat de sēblable auctorité, que ses p̄decesseurs auoiēt vře durāt Otho, & Hēry empereurs, & s'y crea pour sō vicōte Albert cōte de Namur, qu'il cognoissoit ennemy de Godefroy de buillō. ¶ Or Godefroy de Buillon voyāt les troubles & empeschemēs dessusdictz delibera prēdre l'alliance de l'Empereur Henry quatrieme: cōbien qu'il feust scismaticque, & se tira à son seruice, ou il fut par l'espace de dix, ou douze ans, en acquerant bruit & honneur en plusieurs grosses batailles: signamment à la prinse de Rome faicte par lediēt Henry, contre le Pape Gregoire septieme: & tellement gagna la grace dudiēt Empereur, qu'il luy leua la main de la duché de Lorraine, de la quelle il print possession paisible enuiron l'an mil quatre vingtz & huiēt, comme diēt Sigebert en sōn histoire. En ceste mesme année lediēt Godefroy de Buillon, poursuyuit remeestre en ses mains la comté de Verdun, ou il trouua grande resistance par l'euesque Theodoric, & eurent plusieurs batailles ensemble: comme amplement nous ecrirons cy apres, en la vie dudiēt Theodoric: toutefois en l'an suyuant mil quatre vingtz & neuf, ilz appoincterent ensemble, & fut remis lediēt Godefroy paisiblement en ladicte Cōté de Verdun, tout ainsi que son predecesseur Godefroy son oncle.

¶ En l'an mil quatre vingtz & dix, nostre Euesque Theodoric, homme (en toutes ses œuures) vertueux & magnanime, mourut avecq gloire & honneur d'vn chascun, excepte qu'il fut aucunement scismaticque: tenant le party de l'Empereur, contre le Pape, combien que à sa fin, il eut repentāce merueilleuse, & obtint rehabilitation & absolution, par les commis du siege apostolicque.

¶ En ceste mesme année succeda en l'euesché de Verdun vn prudent & scientificque hōme, nōmé Richerus extraict d'ancienne noblesse, estant doyé de Metz, & en print possession pēdant le scisme qui estoit entre l'eglise Romaine, & l'Empereur Henry, à raison duquel lediēt Richerus, eut plusieurs fascheries & tribulations, toutefois au moyē de ses amys, il demeura payfible de son euesché, & semblablement laissa Godefroy de Buillon pacifiquement iouyr de ladicte comté de Verdun.

¶ En l'an mil quatre vingtz & seize: le Pape Urbain deuxieme, du nom, vint en France, & teint vn cōcille general, au lieu de Clermont en Auvergne: signamment pour induire les Princes chrestiens à leuer nouvelle expedition pour la deffense de la terre saincte dōt plusieurs y eut qui se croiserent & promeirēt enterprēdre lediēt voyage: entre lesquelz le Duc Godefroy de Buillon se croisa, & plusieurs autres Princes & nobles en faueur de luy, & deslors cōmēça à se preparer, & chercher argēt pour par faire son voyage: pour auquel fornir, il vendit à l'euesque de Liege, la comté de Buillon, de laquelle il portoit le nō, & luy estoit escheue de par sa mere Ydain, cōme nous auons diēt cy dessus, outre plus il vendit à nostre euesque de Verdun Richerus, pour son eglise, le village de Moufa, & la ville de Sathena, avecq le chasteau ioignāt, qu'il auoit edifié nouvellement. Cestuy Godefroy auoit troys freres, entre lesquelz l'vn nommē Bauldouyn, lequel auoit prins l'estat ecclesiasticque, & desia estoit chanoine de Liege, & de Cambray: & voyant son frere croisé pour aller en Hierusalem delibera laisser son estat, & prendre les armes, & le suyure en ladicte expedition: & pource qu'il n'auoit eu son partage, en la succesiō naturelle, lediēt Godefroy luy bailla ladicte comté de Verdun contentieuse, comme nous auons diēt, avecq les euesques, pour en faire son proffit, & en tirer argent pour fornir audict voyage: ce qu'il feic incontinent: car il vendit icelle comté, grosse somme d'argēt, à nostrediēt euesque Richerus pour auquel payement satisfaire, lediēt euesque leua grās empruntz, par maniere de subside & ayde, sur les eglises & personnes ecclesiasticques de son diocese, & par ce moyen lediēt euesque Richerus demeura pacifiquement en ladicte cōte, & cōsequē mēt ses successeurs, sās auoir depuis aucuns empeschemēs, ny reclamatiōs par les heritiers dudiēt Godefroy de Buillō, lequel d'auantage pour mōstrer qu'il ne vouloit en icelle desormais aucune chose repeter: mais que les euesques de Verdun en iouy sent paisiblement sās estre inquietez: ordonna abatre & ruyner vn chasteau, qu'il auoit nouvellement edifié au lieu de montfaulcon, pour nuyre aux euesques de Verdun, il eut guerre contre culx. Et ce fait, en ceste mesme année mil quatre vingtz

tre vingtz & seize, partit pour aller à ladicte expedition. Et en l'an mil quatre vingz dixneuf il fut couronne roy de Hierusalē & affin que plus clairement ie monstre que d'iceluy Godeffroy & de ces predecesseurs, est sortie & obuene ladicte cōté de Verdun aux euesques dudict lieu, ie mettray icy en propre terme ce que l'historien Laurentius leodiensis parlant de nostre cité de Verdun, & dudict Godeffroy de buillon dict par maniere d'epilogue

Itaque insignis ille Bulloniensium principatus primum à comite Godefrido patre à delberonis nostri presulis & duorū ducum Godefridi & Gozelonis. duorumque comitū Hermanni & Frederici, qui omnes cum numerosa progenie vel fortitudine in bello vel religione in ecclesia præ cæteris claruerunt, istum quoque locū cum matre sua Mathilde, præ cūctis mortalibus ditauerunt, feliciter cæptus isto Godefrido, felicius & sanctius est finitus, & per multos diuisus.

Or puis que brifvement i'ay deduit la denominatiō & l'estat de nostre cité, soubz quelz princes elle à esté subiecte depuis Iules cesar iusques à tāt que la comté & principauté d'icelle est venue pacifiquement & sans contradiction aux euesques dudict lieu, delaquelle ilz ont tousiours porté le nom comme ilz font encores presentement & soubz eulx ont disposé & commis d'un ou plusieurs vicomtes amouibles à leur bō vouloir & plaisir pour exercer la iurisdiction temporelle en icelle, ie feray fin au trezieme article principal de nostre present prologue.

Toutefois est à noter que si les lecteurs veulent plus amplement cognoistre comment noz euesques de Verdun, ont vŕé de ladicte comté & constitué soubz eulx vicomtes depuis nostre euesque Richerus, qui premierement institua Theodorice cōté de Bar, filz de dame Sophie, & consequemment ses successeurs iusques à Aldebrode chifuy quarante sixiesme euesque, qui en la fin de ses iours premierement institua soubz luy & à son bon plaisir les Citoyens de verdun pour exercer la vicomté & iustice d'icelle cité, fauldra auoir recours ad ce que nous auons escrip en nostre histoire. Et par ce moyen lesdictz lecteurs pourront cognoistre & veoir la noblesse & opulence des premieres fondations de nostre eglise & euesché, lesquelles estoient si grandes que parties d'icelles ont esté substraites & appliquées aux fondations des abbayes & monasteres estans de present en nostre cité & depuis par les scismes, diuisions, miserables guerres, calamitez & entreprinŕes tant des exterieurs, que des citoyens d'icelle, elles ont esté tellement diminuées, que la pluspart des seigneuries, terres & villages que tiennent & possèdent auourd'huy les nobles circonuoisins de nous, qui estoient iadis des appartenāces & premieres fondations anciennes par la poureté & nenegligence d'aucuns euesques.

Aussi si les lecteurs veulent plus amplement congnoistre les premieres rebellions des citoyens de Verdun contre la iurisdiction ecclesiastique, & le commencement des trois lignages ensemble les engagement de ladicte vicomté & Rachaptz d'icelle faitz ausdictz citoyens par aucuns euesques en sorte que encores de present dure le troisieme engagement, fault auoir recours ad ce que nous auons escript es vies des euesques Albert deuxieme du nom, Radulphus de testa, Guido de melloto, Jehan daix, Jacques premier du nom, Henry d'apremont, Loys de Lorraine. Et si oultre veullent veoir les calamitez pertes, domages, tyrannies qu'on a exercé contre nostre dicte eglise, fault principalement recourir & lire les vies des euesques Nicolas de neufuille Hugues de Bar, Guido de roye, & Liebault de consance.

Nous trouuons dedans les anciens registres de nostre dicte eglise, la declaration du circuit de ladicte comté de Verdun, laquelle nous mettrons icy soubz la propre forme qu'elle est escripte, parce qu'il ya plusieurs termes & denominations anticques, chanchez qui la rendent obscure en beaucoup de lieux & d'iceulx laisserons l'inquisition aux diligens lecteurs.

Comitatus virdunensis incipit à Leone Montefalconis, & vsque ad pertusam petram tendit de pertusa petra vsque ad subtrianullam: & deinde vsque ad villam Fallei dehinc vsque longuion vbi crima cadit & caram fluuium, & sicut crima sursum decurrit vsque Adanantiam que vsque Bricium tendit & vsque ad Rani vadum

d iiii vbi

*Le partement de Godeffroy de buillon.*

*Godeffroy de buillon roy de Hierusalē. 1099.*

*Laurentius verdunensis collecteur des histoires de Verdun.*

*Conclusiō de nostre prologue.*

*Les euesques de Verdun pacifiques de la comté dicelluy lieu.*

*L'opulence des premieres fondations de nostre ecclesiastique de verdun.*

*Renuoyé pour l'intelligence des rebellions des citoyens contre l'eglise.*

*Renuoyé pour l'intelligence des alienations & calamitez de nostre dicte eglise.*

*L'estendue de la comté de Verdun.*

# Le royaume de Lorraine a prins son origine

• vbi cadit in ornam & in longitudine superius vsque ad fontem apud anūcurtem, &  
• deinde vsque ad quærcum Saldei, de hinc à Marbodifontem & inde petri ad vadum  
• & hinc vsque consentiæ vbi cadit in mosam fluuium, de hinc vsque ad Vvamincurtē  
• per nuclearios iuxta bilcei & Vvamincourt & deinde contra vallem iuxta longum  
• Campum recta via vsque Erisiam, & deinde vsque ad Fontem farnidum ad fontes  
• tres, ex hinc vsque ad summā asinæ & postea vsque ad Vlmons, & inde vsque ad lo-  
• cum vbi bianna fluit in asinam, & inde per descensum asinæ iuxta Vianam & vsque  
• ad Biannamper verrenes, & Mamblamvillam & per Concescirt, per castrum iuxta  
• quarnaiū, & inde per superiolem partem villæ quæ dicitur Chaheri, & inde recta  
• via vsque ad Iamas, & indæ ad spanulphi villam, & inde recta via vsque ad Montem  
• falconis & vsque ad Leonem à quo prius incepimus,

Decaniæ treuerensis diocesis que erant de diocesi Viridunensis videlicet, decanatus ynodii & iogniati longiuoni, Basailles, & Erlimi.

## Le quatrième article principal du present prologue.

Quatrième article principal du prologue.



**A** Fin que plus clairement on puisse entendre l'ordre & la maniere que pretendons obseruer en iceluy nostre exercice & cronicque, mon intention premierement est, le diuiser en sept parties, ou sept liures commençant au temps que dieu (suiuant les oracles des prophetes) voulut mettre paix vniuerselle en terre pour nous dōner la loy de grace qui fut au temps de la natiuité de nostre seigneur & sauueur Iesuchrist soubz l'Empire d'Octouian premier empereur des romains, laquelle paix toutefois se commença à preparer & disposer des le temps de Iules cesar qui à la fin de ses iours fut seul dictateur & regent à Rōme & quasi precurseur de la quatrième monarchie du monde soubz les Romains, tout ainsi que saint Iean baptiste fut precurseur de la loy de grace & paix vniuerselle soubz Iesuchrist.

L'ordre & les matieres du premier liure contiennent enuiron quatre cēs soixante sept ans.

La premiere partie du premier liure commencera à Iule cesar precurseur de la quatrième monarchie.

Seconde partie du premier liure commencera à saint Iehan baptiste.

¶ Et pource que principalement en la presente cronicque i'ay intention deduire & poursuiuir les vies gestes de noz euesques de verдум, & soubz icelles comprendre plusieurs antiquitez de la Gaule Belgicque, & des trois royaulmes, Frāce, Austracie, & lorraine ensemble des duches & comtez d'Ardenne, Hoynau, Lorraine Bar & autres, i'ay deliberé pour plus facile intelligence au cōmencement de nostre premier liure premettre & preposer briuelement le temps de Iules cesar precurseur de la quatrième monarchie du monde & de Octouiam premier empereur Romain, soubz lequel ladicte monarchie à prins commencement enuiron quarante sept ans auant l'aduenement de Iesuchrist, & apres declairer les roys des Sicambriens, pour lors habitants en la Franconnie qui regnoyēt du temps desdictz Iules & Octouiam pour ce que d'iceulx est descendu Pharamond premier roy des François, duquel cōsequemment ont prins d'un costé originé, le trepreux & vaillant roy Charlemagne & les nobles ducz de Lorraine & Barroys à present regnans, Et consequemment ie mettray les princes les plus fameux, qui habitoient durant le temps desdictz Iules & Octouia en nostre Gaule belgicque, & es lieux ou depuis les royaulmes d'Austracie & Lorraine ont prins leurs limites qui estoient certainemēt, les ducz de Tōgre & seigneurs des pays ou est de present Brabant, desquel de l'autre costé est descendu ledict noble roy Charlemagne comme nous mostrerōs en la deduction de nostre presente histoire.

¶ Or ce fait ie premetteray briuelement le temps de la sacrée natiuité de nostre sauueur Iesuchrist donateur & legillateur de la loy de grace, & de la paix vniuerselle qui fut audict temps avec celle de son precurseur saint Iehan baptiste. Consequamment i'escriray les noms & temps en regne des papes, empereurs, roys, Sicambrians, &

& ducz de Tongre qui ont regne depuis nostre saulueur Iesuchrist iusques à nostre premier euesque de Verdun Sainct sanctin, qui fut ordonné en l'an de grace quatre vingtz dixneuf. & quant nous viendrons au temps de nostredict premier euesque alors ie prendray le stile & la forme, que ie veulx tenir & obseruer iusques à la fin de nostre cronicque (qui sera telle) que ie preposeray le tiltre de la vie d'un chascun euesque, laquelle ie deduiray selō ma possibilité & que dieu m'en donnera la grace, & à la fin d'une chascune vie ie mettray briefuement par epithomes les noms & les tēps des regnes des papes, Empereurs romains roys des sicambriens, ou de Franconie, & desdictz ducz de Tongre qui auront regné durāt la vie desdictz euesques, deduiray & poursuiuray cest ordre en cediēt premier liure qui prendra fin au temps que Pharamond premier roy de France commença à regner.

Le second liure commencera enuiron l'an de grace quatre cens & vingt, au temps que Pharamond print diadēme & couronné en nostre Gaule belgicque, & le premier roy des François, & prendray fin au temps que Pepin pere de charlemagne commença à regner, par lequel ceulx du sang de Pharamond, furent restituez au roy aulme de France, & les meroniens degeētē & expulsez d'icelluy, & cōtiendra icelluy second liure, les vies des euesques de nostre dicte cité de Verdun qui auront tenu le siege durant ledict temps & à la fin desdictes vies d'un chascun euesque ie declareray briefuement par epithomes les noms & regnes des papes Empereurs & roys de France, & ceulx d'Austrasie, car durant cediēt temps ledict royaume d'Austrasie print commencement & fin, Et d'auantage ie deduiray les ducz de Tōgrē, & outre les princes qui sont descenduz du sang dudiēt Pharamond, expulsez par les Meroniens, desquelz ont prins origine, ledict roy Charlemagne & les nobles princes, d'Ardenne, desquelz sont descenduz les ducz de Lorraine & Barroys à present reghans & puis deduirōs les Comptes de Haynau iusques audit Pepin pere dudiēt Charlemagne, auquel temps mettrons fin à nostredict second liure.

Le troisieme liure prendra commencement enuiron l'an de grace sept cēs cinquante, qui est le temps que le roy Pepin & son filz Charlemagne descenduz par droicte ligne du sang de Pharamond, furent restituez à la couronne de France, & prédray fin au temps que Hue capēt deiecta & expulsa ceulx du sang de Charlemagne, & entreprint par force ledict royaume de France, & en icelluy troisieme liure deduirons les vies des euesques de nostre dicte cité de Verdun qui auront vescu durant ledict temps, en escriuant en la fin d'une chascune vie, les noms & temps des papes, Empereurs, roys de France & de Lorraine, parce que ledict royaume de Lorraine print commencement & fin durant ledit temps & laisserons à poursuiuir les roys d'Austrasie excepté du dernier roy, auquel tēps à prins fin ledict royaume, & semblablement laisserons à poursuiuir les ducz de Tongre progeniteurs de Charlemagne, puis que ferons paruenuz audict Charlemagne, la posterité, duquel nous poursuiurōs soubz les roys de France & de Lorraine, toutefois nous deduirons les autres princes & seigneurs descenduz du sang dudiēt Pharamond & de Clodion le cheuelu son filz, à scauoir ceulx d'Ardenne, desquelz sont descenduz les ducz de Lorraine, & Barroys (à present regnans), & aussi escrirons les comtes de Haynau, & à la fin dudiēt liure escrirons l'origine des duchez & comtez de Lorraine & Barrois scituez & eriges en vne partie & portion des pays contenez dedans les limites du grand royaume de Lorraine, qui deslors print fin.

Le quatrieme liure prendra commencement enuiron l'an de grace huit cēs quatrevingtz & sept, au temps que Hue capet deiecta du royaume de France, ceulx du sang de Charlemagne, & prendra fin au temps de Loys, huitieme du nom, pere de saint Loys en la personne duquel fut recouuert le sang dudiēt Charlemagne, audict royaume de France de par sa mere Ysabel femede Philippe auguste, laquelle estoit descendue en droicte ligne, de Charles premier duc de Lorraine descendu directemēt dudiēt Charlemagne, lequel fut deiecté du royaume de France par ledict hue capet. Aussi escriray les euesques de nostre cité de Verdun, qui auront vescu durant ledict temps, & à la fin d'une chascune vie, ie poursuiuray

*Troisieme partie de nostre premier liure commencera à saint sanctin premier euesque de Verdun.*

*Premier liure prêt fin au temps de Pharamond.*

*L'ordre & les matieres du second liure contenāt enuiron trois cēs & vn an.*

*Le second liure cōmence à Pharamond, prédray fin au temps de Pepin pere de Charlemagne.*

*L'ordre & les matieres du troisieme liure contenāt enuiron deux cēs quarante ans.*

*Le troisieme liure à pepin & prend fin à Hue capet.*

*L'ordre & matieres du.iiii.liure cōtenant enuiron.ii.cens & trente.*

*Le quatrieme liure commence à Hue capet & prêt fin au temps de Loys huitieme pere de saint Loys*

uray

# Le royaume de Lorraine a prins son origine

suiuray consequemment les noms & le temps des papes, Empereurs, Roys de France qui auront regné durant le temps des dessusdictz euesques, & lors nous laisserons à faire mention des roys de Lorraine, parce que ledict royaume aura prins fin, & que les pays contenuz en iceluy, seront diuisez entre les dessusdictz empereurs, & roys de France, toutefois au lieu diceulx nous mettrons les deux ducz, soubz lesquels la duché de Lorraine fut premierement erigée, sçauoir Charles, filz de Loys quatrieme, & Otho son filz. Apres nous poursuiurons les princes d'Ardenne, soubz les tiltres des ducz de Lorraine Par ce que à iceulx d'Ardenne, fut transferé la dicte duché de Lorraine apres la mort desdictz deux premiers ducz, Charles & Otho, & à iceulx mesmes d'Ardenne, commença la comté de Bar, & outre poursuiurons les comtez de Hainau, qui ont prins semblable origine de Pharamond, comme Charlemagne & ceulx d'Ardenne, Lorraine, & Barroys, & deduirons iceulx de Haynau avec la posterité des deux filles dudit Charles premier duc de Lorraine iusques à Loys huitieme filz de Philippe auguste, pour monstrier que en ce mesme temps les roys de France, retournerent au sang dudit roy Charlemagne en la personne dudit Loys huitieme pere de saint Loys, par le moyen de sa mere Ysabel de Haynau. Et lors mettrons fin à nostre dict quatrieme liure.

*L'ordre & les matieres du cinquieme liure contenat deux cens quarante ans.*

*Le cinquieme liure commence au pere de saint Loys pret fin au temps de Philippe de Valois.*

*L'ordre & matieres du. vi. contenant enuiron cent six ans.*

*Le. vi. liure commence à Philippe de Valois prent fin au temps de Charles. vii.*

*L'ordre & les matieres du septieme contient enuiron cent ans.*

*Le. vii. commence à Charles. vii. & prent fin au temps de Pharamond premier du nom.*


**Le cinquieme** liure commencera enuiron l'an de grace mil deux cens & vingt, au temps de Loys huitieme, pere de saint Loys, par lequel fut recouuert le sang de Charlemagne en France par le moye de sa mere Ysabel de Haynau, & prendra fin au temps de Philippe deuxieme du nom surnommé de Valois, durant le regne duquel le roy d'Angleterre commença pretendre droit audit royaume de France soubz Edouard troisieme du nom surnommé de Vvindesore. Si deduirons les vies de noz euesques de Verdun qui auront tenu nostredicte euesché durant ledict temps, & à la fin d'une chascune vie, nous mettrons les noms & regnes des Papes, Empereurs & roys de France. Outre poursuiurons les princes de Lorraine & de Bar, regnans du temps d'un chascun euesque, & si ne ferons plus mention des princes de Haynau, puis que auons monstrier au parauant, & precedent liure que par iceulx les roys de France ont recouuert, le sang du roy Charlemagne.

**Le sixieme** liure commencera enuiron l'an mil trois cens & douze, peu au parauant le regne du roy Philippe de Valois, soubz lequel le royaume de France fut premierement inquieté des Anglois par leur roy Edouard troisieme dict de Vvindesore, & prendra fin au temps de Charles septieme, qui totalement expulsa & deiecta de son royaume les Anglois, par l'ayde de la pucelle Ieanne de Lorraine. En ce sixieme liure, nous deduirons les vies de noz euesques de Verdun, qui auront vescu durant ledict temps, & à la fin d'une chascune vie, mettrons les nos & le temps des regnes des papes Empereurs, roys de France, & de ceulx d'Angleterre, qui auront occupé & vsurpé, partie dudit royaume de France, du rât ledict temps, & outre nous deduirons les ducz de Lorraine & de Bar, qui auront vescu durant les vies d'un chascun de nosdictz euesques.

**Le septieme** & dernier liure commencera enuiron l'an de grace mil quatre cens & vingt. au temps du roy Charles septiesme, soubz lequel par l'ayde de Ieanne la pucelle de Lorraine les Anglois, totalement furent deiectez de France, audit liure, nous obseruerôs la forme que nous auons fait au parauant & aux autres precedans. En deduisant les vies de nosdictz euesques de Verdun qui auront vescu durant ledict temps, & à la fin d'une chascune vie escrirons les noms & le temps des regnes des Papes, Empereurs & roys de France sans plus faire mention des roys d'Angleterre, sinon du dernier expulsé de France par ledict roy Charles septieme, toutefois nous poursuiurons les ducz de Lorraine & de Bar, & mettrons fin à nostre septieme liure Au temps ou nous sommes de present, ensemble en nostre dessusdicte cronicque & histoire rendant à dieu grace, louenge & gloire.

Fin du prologue.

**S'ENSUIT LE PREMIER**  
 liure des antiquitez de la Gaule belgicque,  
 commençant au temps de Iules cesar & finissant au  
 temps de Pharamond premier  
 Roy de France.



**I**ulus cesar duquel tous les Empereurs Romains suiuians, ont prins le nom de Cesar, fut precurseur de la quatrieme monarchie du monde, & de la paix vniuerselle qui fut soubz Octouia Premier Empereur, en l'an trois mil huit cens ans apres la creation du monde, & sept cens six ans apres que Romme fut ediffiee, & enuiron quarante sept ans auant la natiuite de nostre sauueur Iesuchrist. Il entreprint le premier en seule personne, le principat & seigneurie sur les Romains se declarant perpetuel dictateur, toutefois sans predrer tiltre de Roy ou Empereur

mais de luy & par son entreprinse Octouiam soubz successeur Empereur soubz lequel ladicte premiere monarchie commença, & que paix vniuerselle fut au monde, & partant raisonnablement, ledict Iules doit estre dict precurseur d'icelle. Car ainsi que saint Iehan bapriste fut precurseur de Iesuchrist, prenant sa naissance six moix au parauant la natiuite d'iceluy, aussi ledict Iules cesar teint seulement six mois en paix & tranquillite soubz luy le principat & domination des Romains, & combien que plusieurs historiens escriuent qu'il regna cinq ans, cela s'entend apres la desconfiture & mort de Pompée son aduersaire, car à la verité, si nous considerons les victoires qu'il eut auant que paruenir audict singulier principat. Nous trouuerons qu'il ne fut paisible & trāsquile en iceluy que par l'espace desdictz six moys, ce qui se peult briefuement monstrier en supposant que les lecteurs ayent veu les histoires Romaines, car apres les grandes victoires qu'il eut des Gaules subiuguées, en dix ans, on luy refusa le consulat de Romme, en luy faisant commendement par le Senat, laisser l'exercice & gouvernement de ses gens d'armes qui auoient milité soubz luy dont il fut fort irrité cognoissant que telle iniure luy auoit esté procurée par Pompeius son emulateur, si demanda audict senat, que ledict Pompeius eust aussi à laisser l'administration de sa gendarmerie, ce que luy fut refusé à raison dequoy pour reprimer ses enuieux & maluoulans, il entra contre les loix romaines, par force d'armes, en la cité de Romme de laquelle (par craincte) sen estoit party ledict pompeius, lequel il suiuit iusques à Brunduse (en Grece) ou il eut bataille contre iceluy es champs de Dirrachie, & n'eut du meilleur, mais par apres, fut victorieux es champs de Pharsalie, Pompée s'enfuit en Egipte, ou il fut tue par le ieune Roy du pays, & partant Iules cesar facilement occupa toute la seigneurie de l'italie, & de la cité de Romme, enuiron cinq ans auant sa mort, mais nō pourtant les guerres ciuilles, ne furent totalement assoppies, car il fut contrainct pour demeurer paisible, & mettre fin à icelles poursuiuir tous ses ennemis tant en Egipte, Asie, Espagne & Affricque, desquelz facilement eut victoire, apres lesquelles retourna à Romme au moys d'Octobre, & en Mars suiuant fut traistrement & cruellement occis, par Cassius, & Brutus, tresingratz des biens qu'il leur auoit faitz, qui fut vn damage indicible, car entre tous les haulx princes, hommes heroicques & vertueux, cestuy estoit le premier & digne par ses vertus du gou-

ment

*Epithome de la vie Iules cesar precurseur de la quatrieme monarchie du monde.*

*Iules cesar reteint que six moys en paix la dominatiō sur les Romains.*

*La mort de Iules cesar.*

# Le premier liure des antiquitez de la gaule belgicque.

mēt & principat d'une monarchie, si benign, doux, & Clemēt, mesmes apres les victoires contre ses ennemis, qu'on ne liēt point de luy, que iamais il vīa de manifeste hayne, ire ou vindication, sinon durant les confitz de la guerre. Le cruel & oultrageux crime, ne demoura Impūny, quasi par disposition diuine, car tost apres tous ses coniuurateurs de sa mort furent tuez miserablement.

*Epitome de la vie d'Octouian premier empereur de Romme & deuixieme en comptant Iules cesar.*

**O**ctouian Cesar surnommé apres Auguste, & duquel tous les autres Empe-reurs Romains ont prins le nom d'Auguste filz de Actia, seur ou niepce du dessusdict Iules cesar, & filz adoptif d'iceluy apres la mort duquel estāt ieune enfant en l'aage de dix sept ans fut r'appelle des escolles, & arriué à rōme pourpoursuiuir l'heritage & succession dudict Iules cesar, vsant du conseil de Cicero, par la faueur & auctorité duquel, il print le nom de Cesar à raison de sondict pere qui l'auoit adopté. il fut receu au nōbre des senateurs en l'aage de dixhuiēt ans, & en l'aage de vingt ans par force obtint le consulat, car Cornelius Centurio legat, de l'exercice Romain assistant au senat le iour de l'electio voyant les Senateurs trop tardifz en icelle dict haultement, en mostrant son espée, si vous ne faictes ceste election cecy la fera, il feit paix avec Marc, Anthoine & marc lepidus, & si ordonna pour cinq ans la chose publicque romaine, estre gouuernée soubz eulx trois, declairant qu'on poursuiuroit de nouveau l'actio & querelles soppites contre les coniuurateurs qui auoiēt tué Iules cesar, il renouuella les guerres ciuiles, & en poursuiuit cinq batailles contre lesdictz coniuurateurs, d'esquelles il eut victoire, la premiere fut de l'ordonance du senat de Romme avec les deux consulx Pausas & Hirtius qui furent tuez en icelle, pres de la cité de Mutine, contre Marc Anthoine. La seconde en macedonie, pres la cité de philipicque contre Casius & Brutus interfecteurs de Iules cesar. La troisieme à Perouse en Italie Contre Lucius anthonius consul, frere dudict Marc Anthoine la quatrieme, en Sicille cōtre Sextus Pōpeius filz de Gneus Pōpeius. Et la cinquieme cōtre son collegue Marc Anthoine, & Cleopatra sa concubine qui les vindrent assail-lir avec cent septante nauires, Iusques au riuage Oticque, & fut merueilleuse & doub-teuse, la bataille depuis les cinq heures iusques au sept heures du soir, finalement la victoire tourna du costé de Cesar & moururent miserablement lesdictz Marc An-thoine & Cleopatra, ledict Cesar contraignit son autre collegue Marc lepide, qui ta-choit s'esleuer contre luy à luy crier mercy auquel il bailla la vie & le relegua en perpetuel exil & partāt il demoura seul dominateur de la republicque romaine, pre-nant le nom & couronne Imperiale, soubz lequel la monarchie quatrieme commēça & eut paix vniuerselle à la fin de son regne, tellement qu'il feit fermer le temple de Ianus, ce qu'on ne faisoit iamais sans ladiete paix vniuerselle, durant laquelle nostre sauueur Iesuchrist naquit de la sacrée vierge marie, l'an quarante deuixieme de son regne, ledict Octouianus regna en tout cinquante six ans, à sçauoir douze ans avec Marc Anthoine, & Marc lepide, & quarante quatre ans seul, il fut reputé entre tous les empereurs, le plus sage Moderé & heureux.

*Guerres ciuiles contre les interfecteurs de iules cesar.*

*Monarchie qua-trieme cōmença soubz Octouiam*

## Des Roys des Sicambriens depuis appelez les Roys Francois, qui ont regné durant lesdictz Iules cesar & Octouiam.

*La raison pour laquelle nous traitons en nostre di-ctē cronicque des Roys de Sicābrie.*



**R**a raison pour laquelle nous traitons en nostre cronicque des Roys de Sicambrie est, pource que d'iceuly est sorty par la generation & succession des peres aux filz Pharamond premier roy de France, & d'iceluy sont descēduz par ligne directe, le vertueux roy Charlemagne & les nobles ducz de Lorraine, & si les lecteurs veulent cognoistre l'origine d'iceulx roys Sicambriens, & comment ilz l'ont prins des Troyens, fault auoir recours ad ce que nous auōs escript cy dessus en nostre preface, en parlant du royaume de France, la ou nous auons deduiēt en brief les noms & temps de leurs regnes, depuis la destruction de Troye, ainsi reste seulement à pre-sent



# depuis Iules Cesar iusques à Pharamond. F.xxv.

sent desduire particulièrement ceulx qui ont regné entre eulx, depuis le commencement du temps de nostredicte cronicque, qui est de Iules Cesar, iusques audiēt Pharamond, qui sont ceulx qui s'enfuyent.

**Ancharius**, ou autrement *Ancharus* quinzeieme Roy des Sicambriens, depuis le Roy Anthenor, qui auoit esté celuy, soubz lequel ilz auoient premierement prins le nom de Sicambriens, lesquelz parauant s'appelloient Troiens Scitiens, & cestuy Ancharius, au pays qu'on dict de present Franconie eut vne bataille contre les gauloys, en laquelle il fut tué enuiron quarante deux ans auant la natiuité de nostre seigneur Iesuchrist.

*Ancharius quinzeieme Roy des Sicambriens.*

**Francus**, filz dudiēt Ancharius, fut Roy des Sicambriens apres son pere fut tresvertueux, & eut plusieurs victoires contre les Rōmains, il feit faire vn pont sur la riuiere de Meuse, & entra es gaules, ou il feit vne merueilleuse ocision de Gauloys, iusques au nōbre de cinquāte mil hōmes, que femmes & enfens. Cestuy voulut oster le nom des Sicambriens, & se feit appeller Roy des François, tant à cause de son nom, que de Francus iadis filz d'Hector, toutefois ce ne peut estre si tost, ains estoient aucunesfois appelez Sicambriens, aucunesfois François, & aucunesfois Germain, il mourut dix ans auant la natiuité nostre seigneur Iesuchrist.

*Francus Roy des Sicambriens premier, qui print le nom de Roy des François.*

**Clogion**, filz dudiēt Francus, fut apres son pere Roy des Sicambriens, ou François, l'an auant la natiuité de nostre seigneur, dixieme, & fut prince sage, vsant d'art magique, & forcellerie, vaillant & hardy en guerre, & eut plusieurs batailles, du temps d'Octouian, contre Tiberius, & regna en tout trente ans, comme Hanibaldus dit en son histoire, & laissa deux enfans qui regnerent l'vn apres l'autre.

*Clogion Roy des Sicambriens, second Roy des François.*

## Des princes & ducz de Tongre regnans du temps desdiēt Iules Cesar & Octouian.



**Q**R P O V R plus claire & facile intelligence de nostre histoire, est conuenable, & quasi necessaire cy escrire & deduire aucune chose de l'origine, & gestes des ducz de Tongre, & la raison est, pour ce qu'ilz ont esté les plus renommez & famez princes habitans en nostre gaule belgicque, & es lieux ou les royaumes d'Austrasie & de Lorraine, priēt leur cōmēcement, & leurs limites, ensembles que d'iceux princes est descēdu par lignée directe du costé maternel, le noble Roy Charlemagne de l'origine, desquelz si les lecteurs veulent auoir plus ample cōgnoissance, & comment il sont fortz des Troiens, & consequēment des Roys des Cimbres, faudra auoir recours aux histoires que particulièrement ont traicté de ladicte Gaule Belgicque, & me suffist mettre icy briefuement ceulx qui ont regné depuis le temps dudiēt Iules Cesar, iusques audiēt Charlemagne.

*La raison pour laquelle nous escriuōs en nostre cronicque des ducz de Tongre. De l'origine des ducz de Tongre & brabant.*

**T**outefois pour entendre facilement la succession d'iceulx, Je premetray ce que ie trouue aux anciennes histoires, à sçauoir qu'apres la grand bataille & victoire que les Romains eurent en Italie, enuiron l'an quatre vingtz quatorze auant la natiuité nostre seigneur contre les roys des Cimbres soubz la cōduicte de Caius marius, avec son collegue Quintus lucanus catulus, en laquelle tous ceulx du sang Royal desdiēt Roys des Cimbres, furent prins prisonniers & menez à Romme, ou ilz furent tuez miserablemēt, excepté vn seul nommé Godefroy, qui avec ses autres calamitez, tost apres fut poursuiuy & deiecté par les Saxōs d'vne partie de ses pays & heritages, en sorte, que cōme desesperé se retira en vn chasteau de la gaule belgicque nommé Megue entre les riuieres de Meuse, & du Rhin, ou il vesquit quelque temps tristement & solitairement, & pource qu'il se tenoit ainsi estrange & quasi sans communication de gens, fut surnommé Karle, c'est à dire Rude, ou rusticque. Cestuy Godefroy karle, eut vn filz nommé Charles Ynach, leq̄l dechassa de sa presence, & du pays pource qu'il auoit vsé de force enuers vne fille de ses subiectz, tellement que lediēt Charles se retira à Romme vers vn sien oncle nommé Cloadic, tenant encores hostage cōme prisonnier de la victoire dessusdicte, & depuis il milita en Archadie soubz

*La victoire des Romains contre les cimbres. Godefroy karle du sang des Roys de Cimbres ducz de Tongre.*

*Charles ynach filz dudiēt Godefroy.*

# Le premier liure des antiquitez de la gaule belgicque.

*Les femmes & en fans de Lucius Iulius, pere de Iulle Cesar.*

la charge de Lucius Iulius proconsul d'iceluy pays, qui auoit pour lors deux enfans de sa premiere femme defuncte, à sçauoir Caius Iulius Cesar, qui depuis entreprint la dictature perpetuelle, & vne fille nommée Iulia.

*Charles ynach, va nit germane seur de Iulle Cesar.*

*Situation de Valencienne.*

*Le Cigne, duquel depuis les cheualiers au Cigne ont prins le nom.*

*Germane, femme dudit ynach, fut appelée Siniane.*

*Charles ynach, Duc de Tongre, & de ses deux enfans Iule Cesar appellé en la gaule.*

*Victoire de Iule Cesar, contre les Sequanoys.*

*Charles ynach tué en bataille.*

*Saluius Brabon D'archadie.*

*L'histoire du Cigne, & de Brabon.*

*Parlement & conference de Saluius Brabon, avec la dame Siniane.*

¶ Or de la seconde femme prinse audict pays d'Archadie en secodes nopces, eut vne autre fille nommée Germane, de laquelle quelque temps apres fut amoureux ledict Charles Ynach, en sorte qu'il traita secrettement mariage avec elle, & trouua maniere de la raur, & amener avec luy, en son pays de la gaule belgicque. Et du comément arriuerent à vn chasteau pres Cambray, nommé Sefnes, ou ilz reposerent, & vn iour estant en vne belle vallée, ou depuis la ville de Valencienne fut edifiée sur la riuere de Lescault, en laquelle nageoient plusieurs Cignes, l'vn de leurs valetz tira de son arc cõtre l'vn desdictz Cignes, qui euita le coup, & en volant, tout effrayé se vint rendre au giron de la belle Germane: dont elle fut ioyeuse pour la nouueaulté du cas Si demanda à Charles Ynach son mary, comément tel oyseau auoit nom en langage du pays, qui respondit qu'on le nommoit Siniane, qui est langage Flameng. Et lors elle dit quelle vouloit estre appelée Siniane, & non plus Germane, à fin que par apres elle ne fust recongneue, à cause dudit nō. Durant ces choses, Charles Ynach fut aduertty de la mort de son pere Godefroy karle, à raison dequoy il tira oultre, & print possession dudit pays de Tongre, & regna illec paisiblement aucun temps avec sa femme, de laquelle il eut deux enfans, c'est à sçauoir vn filz nommé Octauius, & vne fille nommée Siniane comme sa mere.

¶ Aucun temps apres Iules Cesar, par l'ordonnance des Rommains vint en Gaule, par les prieres & suggestions des Eduois, qui sont ceulx d'Authu qui enuoyerent Diuitiacus leur cappitaine à Romme, pour demander secours, cõtre les Sequanoys, qui auoient appellé en la Gaule contre eulx Arionistus, Roy, ou prince des Sefnes, qui sont Allemans, habitans de la le Rhin vers Saxonne, si eurent grosse bataille, ledict Iules Cesar, & Arionistus, pres Besançon, & en icelle. Charles Ynach tenoit le party de Arionistus craignāt la venue dudit Iules, pour le rauissement de sa seur, toutefois finalement en ladicte bataille, ledict Iules fut victorieux, & ledict Charles Ynach tué, & partant demoura sa paoure femme Siniane veufue & bien desolée, laquelle craignāt qu'elle ne fut congneue de son frere Iules Cesar, qui poursuiuoit la victoire, entrant tousiours de plus en plus dedans les Gaules, Se retira avec ses deux enfans, au chasteau de Megne, es fossez duquel meit son Cigne dessusdict, en souuenāce de son feu mary. Si aduint vn iour, apres plusieurs conquestes faictes es gaules, par ledict Iules Cesar, luy estant en vn chasteau appellé Cleues, l'vn de ses principaulx Capitaines, & porte enseigne nommé Saluius Brabon natif d'Archadie en Grece print vouloir d'aller sur la riuere du Rhin qui n'est loing dudit chasteau, par maniere de passe temps, Si entra seul tenant son arc, dedans vn petit basteau, & commença à nager, cherchant quelque aduenture de gibier, si alla tant qu'il trouua le Cigne de la bone dame Siniane, lequel se vint offrir deuant le basteau dudit Brabon, en approchāt comme s'il fust priué, & puis se mettant en chemin nageant deuant ledict basteau: comē s'il l'eust voulu mener & dresser son chemin, quoy voyant ledict Brabon delibera le suiure quelque part qu'il deust aller, & en ceste sorte le cõduit, iusques à tant qu'ilz vindrent pres dudit chasteau de Megne, auquel la dame Siniane estoit aux carneaux Et lors ledict Cigne print sa vollée, & s'en alla rendre dedans les fossez dudit chasteau, auquel lieu ladicte dame auoit accoustumé luy donner à manger de sa propre main. Quand Saluius Brabon veit qu'il estoit ainsi delaislé du Cigne, & quasi comme mocqué fut fort irrité, si approcha son basteau du riuage, descendit en terre pour suiuant ledict Cigne iusques aux fossez, auquel lieu meit son arc, en coche, avec la flesche, delibera tirer audict Cigne: dont la dame, estant aux carneaux, eut si grād paour & fraieur qu'elle s'escria haultement du premier mouuement en son langage maternel, de Grec, à Cheualier, ie te adiuure par les dieux, que tu ne vueille tuer mon Cigne, Quand Saluius Brabon, oyt la dame, laquelle n'auoit encore apperceu parlāt son langage Grec au pays de Gaule, fut plus esbahy que iamais, si demāda à la dame en sondict langage maternel, qui elle estoit, & qu'elle faisoit en ce pays, & puis la pria d'entrer

# depuis Iules cesar iusques a Pharamond. F. xxvi.

d'entrer en son chasteau, ce qu'elle accorda, & illec eurent plusieurs paroles & deuises ensemble, en sorte que finalement elle se descouurit à luy, disant qu'elle estoit seur de Cesar, avec toutes ses fortunes, luy priant estre mediateur de faire sa paix avec son frere, ce qu'il promit faire, & receu d'icelle vn image de Iuppiter en or, que iadis son frere Cesar luy auoit donnée. Ce fait ledict Saluius Brabon retourna audict chasteau de Cleues presenta ladiete image à Iules Cesar, qui incontinent la recogneut, desirant sçauoir comment elle estoit venue en ses mains, alors il luy compta toutes les fortunes de sa seur Germaine, en luy requerant pardon pour elle, si print à Iules Cesar grande pitié du fait: car il estoit de nature clement, & non seulement luy pardonna: mais incontinent voulut aller visiter sadiete seur audict chasteau de Megne, ou il celebra le mariage de la ieune Siniane sa niepce, avec ledict Saluius Brabon, & si bailla à sadiete niepce pour douaire grande traicte de pays, qu'il erigea en duché, en luy donnant le tiltre & nō de Brabant, du nom dudiect Saluius Brabon, qui fut premier duc de Brabant, enuiron l'an cinquante & yn auar la natiuite de nostre Saulueur Iesuchrist. ¶ Oultre Cesar dona à son nepueu Octauius, tout le pays d'Agripine, qu'on diect mai tenant Coulongne pour gouverner & regir comme Roy, soubz l'obeissance des Romains, & ordonna qu'il fust appellé Octouian Germain, à raison de sadiete seur Germaine, mere dudiect Octouian, & tenoit iceluy pays avec sa duché de Tōgre, laquelle il nomma Octouia, de son nom.

*Brabon declara à Iules Cesar, les aduentures de Germaine sa seur.*

*Mariage de la ieune Siniane.*

*Saluius Brabon premier duc de Brabant.*

¶ Quand Iules Cesar eut subiugué toutes les Gaules, delibera retourner à Rome, à main forte, contre Pompeius son ennemy, & mena avec luy ledict Saluius Brabon, & son nepueu Octauius Germain: mais tost apres ledict Iules Cesar fut tué, au Senat par Brutus & Calsius, ausi fut Saluius Brabon, enuiron l'an quarante sixieme, auant l'incarnation nostre seigneur, & laissa vn filz nommé Charles Brabon, qui succeda en la duché de Brabant, quand audict Octauius Germain, il retourna en la Gaule, & gouuerna ses pays de Tongre & Agripine, long temps, & iusques au vingt septieme an de l'Empire d'Octouian Auguste, son cousin Germain, auquel an il mourut sans heritier qui estoit le quinziesme an auant l'incarnation de nostre Saulueur Iesuchrist. Et ceste mesme annee nasquit la glorieuse vierge Marie.

*Octauius, nepueu de Iules Cesar gouuerneur de Coulongne, & Duc de Tōgre, qu'il appelle la Octauia.*

*La mort de Iules Cesar, & de Saluius Brabon.*

**Charles** Brabon filz de Saluius Brabon, succeda par la mort de son pere, à ladiete duché de Brabant, & par la mort de son cousin Octauius Germain à Tongre, & audiet pays d'Agripine, & teint tousiours l'alliance des Romains soubz son parent Octouian Auguste, lequel il aduertit des rebellions que faisoient les Belgiens, & signamment les citez de Treues, Metz, & Toul, & de son temps fut faite la description generale de tout le monde par l'Empereur Octouian Auguste, & ausi fut nay nostre Saulueur Iesuchrist. Il vesquit longuement, & laissa deux filz: dont l'aîné Iulius luy succeda, & l'autre, Titus, fut bany des pays des Gaules, à raison qu'il auoit oppressé vne religieuse dedans le temple de Mars, toutefois il succeda en l'heritage maternel, à sçauoir en la duché de Thuringe.

*Charles Brabon, second Duc de Tōgre, & Brabant. La mort d'Octauius Germain, son cousin, gouuerneur de Coulongne, & Duc de Tongre.*

## DE LA NATIVITE DE NOSTRE SAULUEUR IESUCHRIST.



**S**AINT Iean Baptiste precurseur de nostre Seigneur, Prophete & plus que Prophete, filz de Zacharie, & Elizabeth, nasquit six moys auant Iesuchrist, sainctifié au ventre de sa mere, le plus grand, & le plus parfait entre tous les hommes, qui ont prins naissance de femme, preueu, & prenoncé par les Prophetes, qu'il seroit celuy qui prescheroit au desert l'aduenement de nostre Saulueur Iesuchrist demonstreroit au doigt, disant *Ecce agnus Dei*. Et le baptiseroit au fleue de Iourdain. Ce qu'il accōplit avec plenitude de grace du saint Esprit, & finalement fut par le commandement d'Herode Antipas Tetrarche de Galilee à l'appetit d'Herodias son adultere, apres auoir esté detenu, & maceré en prison, par vn an, mis à mort, comme appert au quatorzieme chapitre de l'Euangile saint Mathieu.

*Epithome de la vie de saint Iean Baptiste precurseur de Iesuchrist.*

# Le premier liure des antiquitez de la gaule belgicque,

*Epithome de la  
vie de Iesuchrist,  
nostre seigneur.*

**I**esuchrist filz de Dieu nostre Salueur & redēpteur, naskit du trespur sang de la glorieuse vierge Marie, par coopation du benoist saint Esprit, en Iudée, à sçauoir en Bethleem, cité de Dauid

Lan du monde cinq mil cēt quatre vingtz dixneuf, l'an du deluge deux mil neuf cētz cinquante sept ans, l'an de la natiuité d'Abraham deux mil cent cinquante, l'an de la seruitude d'Israel en Egipte, mil six cens cinquāte quatre, l'an de Moyses, mil cinq cēs xlix. Et là xliij. de l'Empire d'Octauiā Auguste. Nostre Saulueur Iesuchrist, le viij. iour de sa natiuité accomply, fut circonciz, & nōmé **I E S U S**, tesmoing saint Luc, deuxieme chap. Le iij. iour apres sa natiuité, les troys Roys le vindrēt adorer, par la cōduite de l'Estoille. Le xli. iour, la vierge Marie, & Ioseph le porterēt au tēple de Hierusalem. Ces choses accōplies Ioseph son pere putatif, & nourricier, par l'admonition de l'ange retira la mere & l'enfant en Egipte, ou ilz demeurerēt iusques à la mort d'Herodes, & lors s'en alla en Galilée en la cité de Nazareth, ou il feit sa demourāce, acause apquoy nostre seigneur fut surnōmé Nazareus, cōme dit saint Mathieu, deuxieme chap. En l'an. xij. de la natiuité de nostre seigneur, eulx estans en Hierusalem pour celebrer la feste de Pasques, Iesuchrist demoura au temple sans leur sceu, & depuis fut trouué entre les docteurs de la Loy. Or de ce que feit nostre seigneur, depuis ce tēps, iusques à l'aage de trente ans, n'est par les quatre euangelistes, aucune chose escripte. Audiēt an trentieme de son aagē se feit baptiser par saint Iean Baptiste au fleue de Jourdain, puis s'en alla au desert, la ou il ieusna quarante iours & quarante nuitz. En lan de la creation du monde cinq mil deux cens & trente, & de sa natiuité trente troys accōpliz, & le dixhuietieme de l'Empire de Tibere, il fut par vn de ses douze Apostres, à sçauoir Iudas Scarioth, vendu aux Iuifz, & par son diuin vouloir prins, aculé, mocqué, battu, coronné d'espines, consequemment pendu en l'arbre de la Croix, mort, & sepulturé iusques au tiers iour qu'il resuscita, & au quarantieme iour ensuiuant, apres auoir ordonné à ses disciples prescher par tout le monde, & à toutes creatures la Loy Euangelicque, monta es cieulx.

¶ Des Papes qui teindrent le siege de Rome, depuis Iesuchrist iusques au premier Euesque de Verdun saint Sanctin.

*Epithome de la  
vie saint Pierre  
premier Pape.*



**S**AINT Pierre, prince des Apostres, autrement nommē Simō Bariona frere de saint André Apostre, natif de la cité de Bethsaida en Galilée, fut premier Pape, apres l'assention de nostre Saulueur Iesuchrist en l'an de grace trente & quatre, & teint premierement siege en Anthioche par sept ans, & puis apres auoir suffisamment cōfermé les eglises Asiaticques veint à Rome en lan deuxieme de l'Empire Claudius, qui estoit de Iesu christ, lan quarante quatre, il escriuit deux epistres canonicques, & fut le premier qui institua la ieusne de Karefme, & si ordonna deux Euesques seulement, Linus, & Cletus, & puis souffrit mort & passiō en croix, soubz Neron, apres qu'il eut tenu le siege Papal vingt cinq ans six moys.

*Linus, ij. Pape.*

**L**inus de nation Tusque en Italic, fut deuxieme Pape, & successeur de saint Pierre, en lan de grace soixantē dix, homme tresçauant & docte, il ordonna que les femmes ne feussent en l'eglise, sans auoir la teste couuerte, & fut matirisé par Saturninus consul, apres qu'il eut tenu le siege vnze ans, trois moys.

*Cletus iij. Pape.*

**C**letus narif de Rome, fut troisieme Pape, en l'an quatre vingtz, & fut martirisé soubz Domitian, apres qu'il eut tenu le siege xij. ans iij. moys, xj. iours.

¶ Des Empereurs de Rome, qui ont esté depuis Iesuchrist iusques audiēt premier Euesque de Verdun.

*Tiberius, ij. Empe  
reur.*



**T**IBERIVS filz adopté par Octavian Auguste, par ce qu'il espousa Liuia, mere dudiēt Tibere, fut troysieme empereur de Rome, l'an de grace sezieme, homme de grande litterature & eloquence, il ne faisoit guerres en sa personne: mais par Capitaines & Lieutenans, tresbon de son commencement, & en la fin tresmechant & mauuais, il mourut apres qu'il eut tenu l'empire vingt troys ans.

**Caius** Caligula, filz de Germanicus, duquel le pere se nōmoit Drusus, fut iij. Empereur de Rome, en l'an xxxix, hōme voluptueux cruel & mechāt, il mourut apres qu'il eut tenu l'empire xxij. ans, x. mois. *Caius caligula iij. Empereur de Rome.*

**Claudius**, filz de Drusus, & oncle de Caligula fut v. empereur. lan xliij, hōme tardif, & inciuil, toutefois de grāde literature, tāt Grec que Latin, il augmenta la chose publique de Rome, & mourut apres auoir regnē xij. ās. ix. mois. *Claudius v. Empereur.*

**Nero**, gēdre du dessuidict Claudius fut vj. empereur, l'an lvj. & regna xiiij. ās, durant les cinq premiers, fut assez temperē, & durant les autres, trescruel & inhumain, il feit tuer sa mere, sa femme, Senecque son maistre, & plusieurs notables & vertueux psonnages, entre lesquels souffrirēt mort, saint Pierre, & saint Paul, soubz luy cōmença la premiere persécution des Chrestiens, & finallemēt il se tua luy mesme *Nero vi. Empereur.*

**Galba**, Otho, & vitellius, ces troys cy entreprendrent l'empire en grād' trouble & concertation, apres la mort de Nero : car Galba eut la reste coupée à Rome, apres qu'il eut tenu l'empire vij. mois, *Otho* gaigna troys batailles, contre *Vitellius*, & à la. iij. fut vaincu, dōt cōme desespéré, se tua trois mois apres. *Vitellius*, aps auoir tenu l'ēpire huit mois, fut prins par les gens de *Vespasian*, occis trainé & icēté dedans le fleuve du Tibre, & par tant, eulx troys ne regnerēt qu'enuiro deux ans. *Galba vij. Otho. vij. & Vitellius ix. Empereurs.*

**Vespasianus** fut x. empereur de Rome, en cōptāt les troys dessuidictz, au nōbre des empereurs, autremēt il ne fut que le vij. en l'ā de grace lxxj. hōme de prudēce & hōneur digne d'vne telle charge: car soubz luy l'empire fut augmentē & reformē en meilleures mœurs & institution de bonnes loix, il commença la derniere destruction de Hierusalem, acheuce par son filz *Titus*, & mourut de flux de ventre au dixieme an de son regne. *Vespasian x. Empereur.*

**Titus**, filz dudiēt *Vespasian* fut xj. empereur en lan de grace quatre vingz & vn, homme treshumain, vertueux & liberal, Surnommē les delices du monde, il perfeict la destruction de Hierusalem, & mourut apres auoir regnē deux ans. *Titus xi. Empereur.*

**Domitianus**, frere dudiēt *Titus* fut xij. empereur en l'an iij. xx. & iij. & regna quinze ans cinq mois, avec incroyables tyrannies & cruaultez, & exerça la seconde persécution contre les Chrestiens, & puis fut miserablement tuē des siens propres. *Domitianus xij. Empereur.*

¶ Des Roys des Sicambriens regnans en Franconie, depuis Iesuchrist iusques au premier Euesque de Verdun.

**HERIMERVS** filz du dessuidict Clogion, fut Roy des François en Frāconie, & eut plusieurs batailles contre les Gaulois, qui l'auoient assailly en son pays, & depuis entra esdictes gaules, & feit merueilleuse occision d'iceulx, toutefois finalement il fut tuē par lesdictz gaulois, apres qu'il eut regnē douze ans, enuiro lan de grace trente & vn. *Herimer<sup>o</sup> ij. Roy François.*

**Marcomir** filz dudiēt Clogion, & frere de Herimerus succeda au royaume de son frere. Eut plusieurs guerres cōtre les gaulois & Romains, & ausi contre les citez de Magonce, Treues, & Coulongne. Finalement il mourut apres auoir regnē dixhuit ans, en lan de grace cinquante. *Marcomir iij. Roy François.*

**Clodomir** filz de Marcomir succeda au Royaulme de son pere, en l'an premier, du regne duquel apparurēt troys soleilz, qui petit à petit reuindrent à vn, & apres s'ensuyuit grande famine, & mortalité sur hommes & bestes & entra en la Gaule, & endommagea les Gaulois grandement. Finalement il mourut apres auoir regnē douze ans. *Clodomir v. Roy François.*

**Anthenor** filz de Clodomir commença à regner en l'an de grace lxij, & eut tousiours guerre contre les Romains & Gaulois. Il passa Meuse sur vn pont de basteaux. mais en repāssant avec son pillage, le pōt rōpit. Et partant de moura deuāt le fleuve, & voyāt ses ennemys qui le poursuiuoient se iecta sur son cheual en Meuse, se cuidant sauluer: mais il fut noyé, Apres qu'il eut regnē six ans. *Anthenor vi. Roy François.*

**Ratherus** filz dudiēt Anthenor, succeda en Franconie, au Royaulme des François, l'an de grace lxxvij, & fonda la ville de Roterodame, ou il fut inhumē apres auoir regnē xxij. ans. *Ratherus vij. Roy François.*

# Le premier liure des antiquitez de la gaule belgicque,

*Julius Duc de Tongre, & Brabant.*

¶ Des princes de Tongre, & Brabant, qui ont regné depuis Iesuchrist, iusques au premier Euesque de Verdun.



**I**VLIVS aîné filz de Charles Brabon, succeda apres son pere es duches de Tongre, & Brabant, l'an de grace quarante huiet, & fonda la cité de Iuilliers, entre le Rhin, & Meuse, & mourut apres auoir regné soixante neuf ans.

¶ La troisieme partie du premier liure, auquel sera obserué l'ordre escript au quatrieme article principal du Prologue.

## De la vie saint Sainctin premier Euesque de Verdun.

*Saint Sainctin, premier Euesque de Verdun.*

*Sainctin disciple de saint Denis.*



**S**AINCTINUS FVT premier Euesque de Verdun, comme on trouue par les anciens Registres & catalogues de noz Eglises de Verdun, L'an de la natiuité Iesuchrist, quatre vingtz dix sept. Et apres sa Pasion, lan lxxij. Et selon l'opinion d'aucuns fut l'un des lxxij. disciples de Iesuchrist: mais à la verité & proportionalement à la supputation des années, & du tēps des gestes & faitz d'iceulx, & aussi suiuant l'opinion des anciens Historiens de la primitive Eglise, il fut disciple de saint Denis Ariopagite, lequel auoit esté constitué Euesque d'Athenes, par

*Saint Pierre & saint Paul, martirisez par Nero, l'Empereur.*

saint Paul Apostre son precepteur, estant en Grece, preschant la Foy Chrestienne, & qui depuis veint à Rome, auquel lieu saint Pierre, & luy virilement executans l'ordonnance de leur bon maistre Iesuchrist, furent prins & apprehendez par Nero l'Empereur qui les feit tiranniquement mourir, & martiriser en la quatorzieme & derniere année de son regne, qui estoit enuiron lan de la natiuité de Iesuchrist lxx. Et la trete septiesme année apres sa passion.

*Saint denis Euesque d'Athenes veint à Rome.*

¶ Or saint Denis estant en Athenes, aduertie de la prinse & detention de son precepteur S. Paul, & de saint Pierre, chez de l'Eglise, delibera aller à Rome, esperant les trouuer encore en vie & endurer mort & Pasion pour la deffense de la foy Chrestienne, si c'estoit la permission diuine, & pour ce faire substitua & subroga vn Euesque audict Athenes en son lieu nommé (cōme aucuns escriuent) Regulus, qui estoit mesmes d'Athenes, sorty de grand noblesse, & auoit laissé les biens temporelz, pour suiuir paoureté Euangelicque, & partit avec aucuns de ses disciples qu'il cognoissoit auoir semblable ardeur & vouloir de militer, pour augmēter la Foy Chrestienne, entre lesquelz y auoit ledict Sainctin, & le ieune Anthoninus, & autres qui vindrent à Rome, ou ilz trouuerent que lesdictz princes des Apostres estoient desia mortz & martirisez, & que Clement qui estoit leur disciple en la foy, estoit Pape de Rome.

*Regulus Euesque d'Athenes.*

*Sainctinus, & anthoninus compagnons de saint Denis.*

¶ Icy fault noter pour l'aduertissement des lecteurs, qu'entre les historiens anciens, y a tresgrand different & contrariété en la supputation des années des Papes de Rome, Et semblablement en l'ordre d'iceulx, car aucuns escriuent que Linus, & Cletus ne furent iamais Papes: mais seulement constituez Euesques par saint Pierre, & luy uiuant cooperateurs d'iceluy, Et que saint Clement fut premier Pape & successeur apres la mort saint Pierre, allegans pour confermer leur opinion, ce enuoy tous les historiens conuiennent à sçanoir, que saint Pierre auant sa mort institua ledict Clement Euesque, en luy donnant telle puissance, que Iesuchrist luy auoit donné. Les autres dient q' lesdictz Linus & Cletus furent papes l'un apres l'autre, & depuis la mort dudict saint Pierre. Aucuns en ya qui tiēnent que Cletus & Anacletus, n'estoit qu'un, lequel succeda à Linus, les autres escriuent que Anacletus, estoit autre psonne que Cletus, & qu'il fut Pape apres Clement, oultre plus on trouue aux anciens registres & catalogues de Rome, & signamment en la passion du Pape Alexandre, qu'il fut cinquieme Pape, depuis saint Pierre, & pour ce faudroit mettre, Clement

*Diuerses opinions des Historiens sur les Papes Cletus & Anacletus.*

deuxieme, en comtant saint Pierre, Clement, Anacletus, Aristeus, & Alexandre, car si nous mettons Linus apres saint Pierre, & difons que Cletus & Anacletus n'est qu'un, ledict Alexandre fera le fixieme, & si nous mettons Lynus & Cletus, apres saint Pierre, & mettons Anacletus apres saint Clement, ledict Alexandre fera le septieme, & par telles diuersitez les computations des annees se trouuent merueilleusement diuerses, & si on veult fuiuir l'histoire ecclesiastique, certainement on trouuera confusion en plusieurs lieux. Je laisse ceste diuersité à traicter aux lecteurs diligens, & fuiuray icy en nostre histoire l'opinion la plus commune: combien que possible les autres sont plus veritables.

¶ Pour retourner à nostre matiere, quand saint Denis (desia fort ancien) fut arriué à Rome, avec ses disciples deuotement & amiablement receu par le Pape Clement, quelque temps apres il luy ordonna, fuiuant le precept Euangelicque se transporter en la Gaule, & prescher la Foy Chrestienne, à quoy volontairement & de bon cœur obeit, & vint avec ses disciples à Paris, cité capitale de toute la Gaule, en laquelle fut institué premier Euefque, preschant & virilement anonçant la parole de Iesuchrist, en sorte qu'il merita par decret de l'Eglise pour lors militant, le nom d'Apostre de la Gaule, par ce qu'au parauant on ne trouuoit point qu'aucuns des Apostres Iesuchrist, eussent esté, ou presché en ladicte Gaule. Ledit saint Denis desirant fidellement accomplir la charge à luy donnée & deliurer les paoures âmes de la captiuité, & des erreurs diabolicques, les endoctrinant en la verité Euagelicque & voie salutaire, dispersa ses disciples en diuers lieux, les instituant Euefques, leur commendant aller prescher chascun sur les lieux à eulx ordonnez la salutaire doctrine de Iesuchrist, & entre iceulx il institua ledict S. Sainctin Euefque de Chartres, & l'enuoya es lieux circouoisins, ou il feit bien son debuoir, conuertissant plusieurs gens à la Foy Chrestienne.

¶ Quelque temps apres ledict saint Denis, aduertuy du bon zele, & de la diligence que ledict Sainctin auoit fait à Chartres, & ausi qu'il y auoit plusieurs autres Docteurs Chrestiens, comme saint Piat, Mémius, Lucianus, Caurannus, Altinus, Taurin<sup>o</sup>, Iouius, & autres qui preschoient esdictz lieux, rappella saint Sainctin, le voulât approcher de luy, l'enuoya à Meaulx, l'ordonnant Euefque du lieu. Et luy bailla pour coadiuteur & compagnon, vn nommé Anthoninus, qui depuis fut son successeur en Meaulx. Et d'auantage pour ce qu'il cognoissoit par esprit diuin, que de brief il deuoit recepuoir mort & passion par les infidelles, car Domicianus Empereur de Rôe, aduertuy par fame & renommée des grandz œures miraculeuses & operations, ensemble de la fuytte & conuertissement des Chrestiens que faisoit ledict saint Denis auoit commandé à son Prefect Festenius, qui gouuernoit pour les Romains le quartier de Paris, de prendre ledict saint Denis, & cruellement le faire mourir, expressement comâda ledict saint Denis audict Sainctin, & à son cōpagnon qu'ilz fussent diligens reduire & mettre par escript toute la procedure de la iudicature, & les peines & tourmentz qu'on luy feroit, & qu'incontinēt apres sa mort ilz retournassent à Rome en portât lesdictes escriptures, à fin d'enaduertir le Pape, & ceulx de l'Eglise Romaine, & de la enuoyer en Grece à son peuple d'Athenes, quil auoit cōuertuy à la Foy à fin de les confermer en icelle, & plus augmēter leur zele & amour en Iesuchrist, & qu'ilz fussent par son exemple, plus perseuerans en la deffence d'icelle.

¶ Si aduint bien tost apres en l'an de grace quatre vingtz & seze, prenant à la natiuité Iesuchrist, & de sa passion soixante trois, que ledict saint Denis apres plusieurs grandz & diuers tourmentz, luy & ses compagnons Rusticus & Eleutherius, furent decapitez sur vne mōtagne pres de Paris, qui depuis à raison de ce fait print le nom de la montaigne des martirs, & ausi que ce iour Dieu monstra vne œure supernaturelle, & de grande admiration, car les trois saint hommes ainsi decapitez porterēt miraculeusement leurs testes iusques au lieu ou ilz furent inhumez, distant de ladicte montagne, pres d'une lieue.

¶ Ce fait le bon Sainctin, & son compagnon Anthoninus deliberent mettre en execution le commandement que leur precepteur saint Denis leur auoit fait. Si partirent ensemble de Meaulx, pour aller à Rome, en faisant, lequel voyage eurent reuelation diuine, de passer par la cité des Cloux, laquelle quelque temps

*Saint Denis enuoyé par le Pape Clemēt, en la gaule.*

*Saint Denis Apostre de la gaule.*

*Saint Sainctin premierement Euefque de Chartres.*

*Saint Sainctin Euefque de Meaulx*

*Festenninus gouuerneur de Paris, pour les Romains.*

*Ordonnance, & comādemēt de saint Denis à S. Sainctin, & à son compagnon Anthoninus.*

*Saint Denis martyrisé pres de Paris.*

*Sainctin, & Anthoninus en la cité de verdū, prescherent la Foy de Iesuchrist.*

# Le premier liure des antiquitez de la gaule belgicque.

par auant, enuiron cent ans, du temps de Iules Cefar auoit changé son nom, & estant pour lors appelé Verdun, fuiuant laquelle monition prindrēt leur chemin à Verdun, & arriuerent deuant la porte d'icelle, qu'on appelloit la porte Champenoise, qui est celle qu'on dit à present la porte à chastel: car pour lors la cité estoit fort petite & ne contenoit si grand circuit, que de present, & si n'y auoit point de maisons, ny fermeture, depuis ladicte porte à chastel, iusques à la porte que depuis à esté erigée, qu'on diët la porte de Frâce: mais seulement y auoit hayes & buissons, & quelques rapailles de boys, dedās lesquelles lesdictz viateurs auāt qu'entrer en la ville, se reposerent, eulx prosternans en oraison en priant Dieu deuotement pour la couersion d'icelle ville, & dient les histoires que ce fut au lieu propre qu'on voit presentement vn grand tōbeau de pierre, soubz lequel sont les huit Euesques incongneuz inhumez pres de l'eglise saint Vanne, ce fait vindrent dedans ladicte ville, virilement preschant & annonçant la sainte doctrine Euangelicque, en sorte que plusieurs furent conuertiz en Iesuchrist, receurent le sacrement de baptesme, & pour miculx les confermer en la Foy, donnerent forme de prier dieu, edifierent hors de ladicte cité au lieu ou ilz auoient fait leurdicte oraison, vn petit oratoire en l'honneur de Dieu, de saint Pierre & de saint Paul, & la conuenoient souuent ceulx qui auoient esté conuertiz, pour oyr la parole de Dieu, tellement que iournellement le nombre des Chrestiens augmētoit.

*Premiere eglise de verdun, ou de present est l'abaye de saint Venne.*

*Saint Sanctin, & saint Anthonin partirent de verdun pour par faire leur voyage de Rome.*

*Anthoninus malade en Lōbardie.*

*La mort de Anthoninus & de la cruauté de son hoste.*

*Resuscitation miraculeuse de Anthoninus.*

*Sanctin, & Anthonin visiterent le Pape Anacletus.*

¶ Quelque tēps ap̄s, lesdicts Sanctin<sup>o</sup> & Anthoninus delibērerēt parfaire l'entreprinse de leur voyage de Rome, de ce aduertirent les nouveaulx Chrestiens de Verdun. declarans la charge qu'ilz auoient, les confortans en la foy, & promettans illec retourner leur voyage parfaict. Si partirent & cheminerent tant qu'ilz vindrent en Italie, en vne bourgade, qu'on appelle à present le pont Sanctin, à raison du miracle subsequēt eulx estans illec Anthoninus fut surprins d'vne fiebure tresvehemente, en sorte qu'il fut contrainct illec arrester, si fut sollicité aucuns iours par son compagnon Sanctinus mais la fiebure augmentoit tousiours, à raison dequoy par l'exhortation d'Anthonin<sup>o</sup>, & induction du saint Esprit, ledict Sanctinus entreprint faire seul le voyage de Rome. Et depōsa es mains du maistre de la maison bonne somme d'argēt, pour bien traicter son compagnon malade, ordonnant que s'il mouroit; il le fait honorablement inhumer, & faire ses obseques, ce que promet ledict maistre, apres le partement duquel Sanctinus aduint que ledict Anthoninus mourut, à quoy voyant le maistre, à fin de gagner l'argent qu'on luy auoit depōsé, print le corps d'iceluy Anthoninus, & le iecta en vne fosse de Cloacque, estant derriere l'estable des cheualx de son hostellerie. Ce pendant ledict Sanctinus auoit tellement cheminé, qu'il estoit à vne journée pres de Rōe, si cogneur par reuelation du saint Esprit tout le fait de la mort de son compagnon Anthoninus, & retourna incontinent au lieu ou il l'auoit laissé, si demanda à l'hoste de l'estat de sondict compagnon, qui respondit, faignant d'estre triste & desplaisant qu'il estoit mort, & qu'il auoit exposé l'argēt depōsé en ses obseques & enterrement, à quoy ledict Sanctinus diët haultement, tu as menty faulsemēt filz du Diable, tu as gasté le corps en la fosse & cloacque des cheualx, dequoy l'hoste esbahy n'osa contredire, & le mena audict lieu, & fait par son cōmandement leuer les planches & ouvrir ladicte fosse. Et se prosternant a deux genoux, cria à haulte voix, Anthonin Anthonin, au nom de Iesuchrist, pour l'honneur duquel nostre maistre saint Denis souffrit mort & passiō, lieue toy, & parfaisons nostre voyage de Rome, par luy ordonné, à laquelle voix ledict Anthoninus resuscita de mort à vie, & se leua: dont plusieurs gens furent conuertiz en la foy de Iesuchrist.

¶ Apres qu'ilz eurent rendu grates à Dieu partirent ensemble & s'en allerent à Rome, ou il trouuerent que le Pape Clement estoit desia mort, & martirisé, & en son lieu Anacletus, fut esleu & institué Pape de Rōme, auquel il feirent la reuerence & declarerent la charché qu'ilz auoient en exhibant les lettres & tesmoignages authenticques qu'ilz auoient de la mort, tourmentz, & passion, de leur bon precepteur saint Denis, & ses compagnons, en declarant oultre le beau miracle aduenü par grace diuine de la resuscitation d'Anthonin<sup>o</sup>, ensemble le fondement de la Foy Chrestienne, qu'ilz auoient commēcé & laissé au peuple de la ville de Verdun: dont



# depuis Iules Cesar iusques à Pharamond. F. xxix.

dont ledict Pape & toute l'Eglise Romaine furent bien ioyeux, rendās graces à Dieu, & si enuoyerēt par gens deputez audictes Athenes, les lettres de la mort & passion de saint Denis, ainsi qu'il l'auoit ordonné.

¶ Depuis ledict Pape Anacletus constitua Euesque de Verdun ledict saint Sanctin, & luy ordōna illec retourner & perseuerer en la publication de la sainte Foy Chrestienne, & demourer iusques à tāt qu'il y eut vne Eglise erigee, & que les nouveaulx Chrestiens fussent bien solidez. Et oultre bailla audict Sanctin plusieurs relicques, pour decorer l'Eglise nouvelle, entre lesquelles y auoit partie de la chaisne saint Pierre, laquelle comme on trouue par les anciens registres, fut mise, & long temps gardée en ladicte Eglise, nouvellement erigee.

¶ Icy fault noter par les lecteurs, la diuersité de la supputation du temps: car par tous noz anciens catalogues des Eglises de Verdun, on trouue que saint Sanctin fut institué Euesque de Verdun, l'an de l'incarnation quatre vingtz dix sept, au temps d'audit Pape Anacletus, Ce qui ne pourroit estre vray, attendu que ledict Anacletus succeda en la Papauté, l'an cent & vn, & croy que la diuersité veint pour la raison dessus escripte, d'auantage on trouue en la legende saint Seruatius Euesque de Tōgre que Sanctinus, Euesque de la cité aux Cloux, estoit present en la depositions & priuation d'Eufrates Archeuesque de Coulongne, ce qui ne peut estre vray, cōme les lecteurs pourront facilement cognoistre en considerant le temps diuers, selon les histoires, que cestuy Eufrates fut plus de cent ans apres ledict saint Sanctin.

¶ Or ce fait nostre Euesque Sanctinus, avec son compagnon Anthoninus, partirent de Rome, & suiuant leur promesse retournerēt à Verdun, ou ilz furent ioyeusement receuz par les Chrestiens nouveaulx, qui avec toute reuerence, receurent ledict Sanctin cōme leur Euesque & pasteur, & l'installerēt en l'oratoire qu'il auoit erigé soubz le tiltre saint Pierre & saint Paul, lequel par apres augmēta & honora de pl<sup>r</sup> grādz edifices & des saintes relicques qu'il auoit raporté de Rome, & depuis consequēmēt perseuera en bōnes œures & operations, endoctrinant & confirmant son peuple en la Foy Chrestienne, par saintes predicatiōs œures miraculeuses & bōnes exēplaritez de vie, tellemēt que iournellement le nōbre des Chrestiens augmētoit, receuāt le fait sacremēt de baptesme, & ainsi continua plusieurs années, & iusques à sa viellese, auquel temps il fut aduertuy que son Eglise de Meaulx, & les paoures Chrestiens qu'il auoit laissé soubz ses vicaires & commis, estoient fort oppressez par vn Prefect nouveau & gouuerneur des Romains, qui tiranniquement estoit toutes les libertez de l'Eglise, & redigeoit lesdictz Chrestiens en telle seruitudē, qu'ilz n'osoient publicque mēt prescher, ne cōfesser le nō de Iesuchrist, si delibera y aller, cognoissant par esprit diuin que le temps estoit venu, qu'il debuoit recevoir mort par martire, auant son partement ordonna deux prestres, gens anciens & prudens, auquelz il donna la charge du peuple de Verdun en son absence, & s'en alla en son Euesché de Meaulx, auquel lieu virilement resista audict tirant, l'arguāt & reprenāt griefuemēt, en sorte qu'apres quelque temps, ledict tirant le fit prendre & metre en prison tresobscure & profonde, ou il mourut pitieusement, & combien que es legendes catalogues des Eglises, soit mis soubz le tiltre des confesseurs, parce qu'il mourut en prison estant desia fort vieil & decrepité, toutefois à la verité, il fut vray martyr, car sa mort fut violente & acerbē, par faim, froid, & autres grandes austeritez que ledict tirant luy fit endurer & souffrir: dont sa mort glorieuse ensuiuit.

¶ Or auant sa mort, estant audict Meaulx il escriuit vne lettre & epistre à son peuple de Verdū, pleine de belles exortations & saintes monitions de perseuerer en la Foy Chrestienne, avec plusieurs cōsolatiōs cōtre les tribulatiōs tirāniques de ce mode, & oultre par icelle il prenūoit, & declaroit sa mort future, & bien prochaine. Et les exhortoit en la charité de Iesuchrist qu'apres sa mort ilz eussēt à eslire & prédre pour son successeur, leur euesq, vn saint personnage nōmé Maurus, qui viuoit austeremēt es lieux desertz circonuoisins de Verdun.

¶ Si mourut ledict Sanctinus, enuiron l'an cent & dixhuit, audict lieu de Meaulx, ou son corps fut inhumé par ses disciples, & depuis par disposition diuine, reuelé & ca-

*Sanctin ordonné Euesque de Verdū par ledict Pape Anacletus.*

*Diuerses opinions entre les historiens en la supputation du temps.*

*Retour de Sanctin & d'Antonin de Verdun.*

*Sanctin receu, & institué Euesque de Verdun.*

*Sanctin retourné à Meaulx, ou il mourut martyr.*

*Lettres de s. Sanctin monestant & en hortant ceulx de Verdū, eslire pour son successeur, le saint homme Maurus.*

*La mort de saint Sanctin, en l'an cent dixhuit.*

# Le premier liure des antiquitez de la gaule belgicque.

*Translation du  
corps saint San-  
ctin de Meaulx,  
en nostre cité de  
Verdun, enuiron  
l'ã mil trèct deux.*

uélé & canonisé plus de quarante ans apres, duquel par toute France la Foy Chrestienne fut publiée & receue, & furent les ossemens & relictues de son corps honorablement & reueramment mises en l'Eglise cathedrale de Meaulx, ou elles ont esté iufques au temps de Robert, Roy de France, filz de Hue Capet, durant le Regne duquel y eut si grande famine en France, que quatre prestres gardiens de ladicte Eglise les vendirent à aucuns marchãdz de Verdū qui les apporterēt en l'Eglise de saint Venne audict Verdū, ou ilz sont encores de present honorablement, & richement enchassées en vne grande chassē & fiertre d'argent, qui fut enuiron l'an mil trente & deux, du temps que saint Richard estoit abbé d'icelle abbaye, & que Raimbertus estoit Euesque, comme nous dirons plusamplement quand nous viendrons audict temps, en parlant d'iceulx.

¶ Des Papes, qui ont tenu le siege à Rome du temps que saint Sanctin estoit Euesque de Verdun.

*Clement. iij. Pape  
de Rome.*



**C**LEMENT natif de Rome fut quatrieme Pape, en l'an de grace quatre vingz & douze: combien qu'aucuns historiens escriuent qu'il fut deuxieme Pape, & premier apres saint Pierre, prouuant ce par vne epistre escripte par saint Pierre, à saint Jacques, Euesque de Iherusalē. Il fut homme trescauant, doulz, benign & humain enuoyé en exil en vne isle, pour tirer les pierres de Marbres, avec plus de deux mil chrestiens, en faueur desquelz miraculeusement, feit sortir vne fontaine d'eau douce, & illec fonder plusieurs Eglises. Finalement il fut gesté en la mer & noyé, apres auoir tenu le siege papal, neuf ans deux moys.

*Anacletus, v. pa-  
pe.*

**Anacletus**, Grec de nation, d'Athenes, fut Pape en l'an cent & vn. Aucuns ont voulu dire, que cestoit celuy que dessus auons dit *Cletus*, mais ceste opinion n'est la plus veritable, comme on peult prouuer par la difference des pays, & aussi de leurs meurs, car cestuy fut martyrisé soubz Traian, l'Empereur, apres qu'il eu tenu le siege neuf ans, comme son predecesseur.

*Euaristeus, vi. pa-  
pe.*

**Euaristeus**, Grec de nation, combien que son pere fust natif de Bethleem en Iudée, fut Pape en l'an cent & dix, homme tresiuste & irreprehensible, & fut martirisé au commencement du regne d'Adrian, apres qu'il eut tenu le siege neuf ans dix moys.

*Nerva. xij. Em-  
pereur de Ro-  
me.*

¶ Des Empereurs qui ont regné du temps dudiect saint Sanctin Euesque de Verdun.



**N**ERVA COCCEVS, desia fort ancien, fut le treizieme Empereur de Rome, en l'an quatre vingt & dixneuf, homme tresmoderé, iuste, ciuil, & tresvaillant, qui reuocqua tous les faitz de son predecesseur Domitian, par l'authorité du Senat, parquoy fut reuocqué saint Iean l'Euangeliste de son exil, qui depuis escriuit son Euangille, cestuy adopta Traian, en l'empire, & puis mourut apres qu'il eut regné vn an quatre moys.

*Traian xiiij. Em-  
pereur.*

**Traianus** Crinitus, nay en Italie: mais de progeniteurs des Espagnes, fut crée Empereur, l'an cent, pendant que son pere estoit consul en la cité de Coulongne en Gaule. Cestuy fut si parfait en la chose publicque, qu'on le prefere à tous les Empereurs pour deux vertuz qu'il auoit, à sçauoir, bonté en sa psonne, & aux armes force & magnanimité, obseruateur des droictz, diuin & humain, à chascū doulx, amiable & biē faisant, & à la verité il auoit mis en luy toutes les vertuz en perfection. Il subiuga troys puinces, à sçauoir Armenie, Asirie, & Mesopotamie, avec vne tēpe perāce si grāde qu'apres sa mort, & iusques au tēps de Iustiniã Lēpereur à la creation des nouveaulx Empereurs on souloit crier, Felicior Augusto, Melior Traiano, il dilata & augmenta l'empire, & oultre que ses pdecesseurs, sans rien diminuer de ce qu'il y trouua, il entreprint la troisieme persecution contre les Chrestiens: mais apres qu'il fut

fut aduerty des meurs & profefsions d'iceulx, par Pline deuxieme, il ordonna cesser, finalement il mourut en Selencie, cité de Sirie, l'an dixneuvieme de son regne.

¶ Des Roys François, qui ont regné durant la vie dudit Euesque Sanctinus.



**R**ICHUMER, filz de Ratherus, fut Roy des François, En l'an quatre vingtz neuf, il print aliance avec le Roy des Saxons, & eurent grosse bataille contre les Gothz, desquelz moururēt en icelle, plus de vingt mil. Et puis du consentement desdictz Saxons, enuoya son second filz Sunno, avec grosse compagnie d'hommes & femmes habiter, en vn pays qui est aux extremitez desdictz Saxos, pour garder & empescher lesdictz Goths

*Richumer Roy viij. des François.*

¶ De cestuy Sunno, vint vn filz par succession de tēps, qui fut appellé Brádó, qui fonda la ville de Brandebourg, & de luy sont fortiz les marquis de Brandebour, à present regnans, finalement il mourut apres qu'il eut regné vingt quatre ans.

**Odemar** aîné, filz de Richumer fut Roy des François en l'an cent & treze, il ayma paix tout le temps de sa vie fait tresues avec les Rommains & Gauloys, augmenta les sacrifices de ses dieux, signamment de Mars, Et mourut apres qu'il eut regné quatorze ans.

*Odemar ix. Roy des François.*

¶ Des princes de Tongre & Brabant regnans du temps de l'Euesque saint Sanctin.



**O**CTAVIUS, filz de Iulius, fut apres son pere, Duc de Tongre & de Brabant, l'an cent & vn, & entretint l'aliance des Rommains, il gesta hors de Valenciennes les saxons, & y meit les Rommains, par quoy fut estably par Traian l'Empereur, gouverneur de la Gaule belgicque, & de son temps saint Materne, conuertit en la foy Chrestienne Coulongne, & Tongre, auquel temps, Verdun, semblablement auoit esté conuertie par saint Sanctin, Et mourut ledict Octavius, apres qu'il eut regné quarante six ans.

*Octavius Duc de Tongre, & Brabant.*

## De saint Maur, second Euesque de Verdun.



**M**AURUS fut second Euesque de Verdun, environ l'an cent vingt deux, durant lequel temps les chrestiens eurent quelque repos apres les persecutions de Nero, & de Domician Empereurs, & que Traian eut fait cesser la troisieme persecution, par le rapport que Plinius secundus, son prefect, commis à ladicte persecution, luy feict, à sçauoir come recite Tertulianus, qu'il ne trouuoit cause de mort aux chrestiens, sinon qu'il ne immoloient point aux dieux des Gentilz, & qu'ilz honoroient & veneroient Iesuchrist, comme vray Dieu. Et s'occupoient soir, & matin à chanter hymnes, & louenges audit Iesuchrist, & sans offenser, ou nuyre à personne s'abstenoient de tous maulx & pechez, à raison dequoy ledict Traian luy escriuit, ne poursuiure plus lesdictz chrestiens pour leur foy: mais bien s'ilz offensoient en autre chose la republicque Et par ainsi cessa ladicte psecution. ¶ Seblablement son successeur, Helius Adrianus, chagea le mauuais vouloir contre les Chrestiens, & leur fut plus doux par la communicatiō des liures Euangelicques que luy feirent Quadratus disciple des Apostres, Aristides Athenien. homme tres excellent en la foy, & aux sciences humaines & Serenus Grauius, l'un de ses Capitaines, Legat & duc̄teur de son armée, qui estoit bon Chrestien.

*Maur. ij. euesque de Verdun.*

*Ordonnance de l'Empereur Traian sur la persecution des Chrestiens.*

¶ Aduint

# Le premier liure des antiquitez de la gaule belgicque.

¶ Aduint durant ce mesme temps, que saint Sanctin mourut à Meaulx, cōme nous auons dict cy dessus, parquoy les chrestiens estans à Verdun, desirans fuiure le conseil & bonne monition que ledict saint Sanctin leur auoit escript, de prendre & eslire pour leur Euesque, le saint homme Maurus, chercherent par toutes voyes, & en diuers lieux ledict Maurus, & n'en pouuoient oyr nouvelles, & partāt furent plus de troys ans, à delayer leur election pour trouuer iceluy. Finalement enuiron l'an cent vingt deux, fut trouué Maurus en vn hermitage dedans le boys, distāt de Verdun d'en uiron deux lieues, ou il viuoit en grande austerité de vie, avec aucuns hermites ses cōsors disciples & compagnons, & estoit ce lieu, ou de present est le village appellé Flaba, pres de dampuillier, qui estoit pour lors en grandz boys & rochers: mais il y auoit belles fontaines, à raison dequoy ledict saint Maurus, & ses compagnons, auoient esleu ledict lieu, pour leur hermitage, si vindrent illec, les Verdunoys chrestiens, qui prièrent & enhortèrent, ledict Maurus, estre leur Euesque monstrans la lettre de leur feu Euesque Saint Sanctin. Ce que ledict Maurus refusa par grande instance du commencement, alleguant qu'il auoit esleu vie monasticque, & laissé le monde, estant incapable de telle charge, à quoy lesdictz Verdunois perseuerans en leurs propos, luy obiicerent le dommage de la chose publicque chrestienne, de telle dilation, y sans oultre de force & menaces, qu'il seroit leur Euesque, voulsist, ou nō. Aquoy finalement il accorda quasi maulgré luy, & mesme que ses disciples & compagnons y resistoient, en ce qu'ilz pouuoient.

¶ Toutefois il aduisa & promit pour les cōtenter qu'il les tireroit pres de luy, & que cōbien qu'il eust la charge dudict euesché, toutefois il ne laisseroit point ladicte vie monasticque, & seroit pour le plus avec eulx.

¶ Ce fait fut mené à Verdun, & par lesdictz chrestiens institué & installé Euesque en l'oratoire que saint Sanctin auoit fait faire soubz le tiltre saint Pierre & saint Paul, & deslors il commença à viure saintemēt, reduisant les pauures chrestiens qui long temps auoient esté sans pasteur, dispersez & alienez du saint seruice diuin, en vraye obeissance ecclesiasticque, il estoit doux & affable, chaste, prudent, misericordieux aux paoures & diligent d'anoncer & prescher la parole diuine, en sorte que d'un chascun fut aymé & honoré, & de toutes partz venoient gens vers luy, pour recevoir le saint sacrement de baptesme, & viure soubz sa tutelle, & obeissance.

¶ Quand il eut quelque temps ainsi perseueré, il aduisa pour trouuer vn lieu propre, à retirer ses disciples & compagnons qu'il auoit laissé en sondict hermitage. Or pour lors l'enclos & fermeture de nostre cité de verdun, estoit encore bien petit, & sembloit mieulx vn chasteau fermé, qu'une ville: car la closture commençoit du costé de France, & Champagne, à la porte champenoise, comme nous auons dict en la vie saint Sanctin, laquelle nous appellons à ceste heure la porte à chastel, & d'icelle tiroient les murailles à vne porte, que nous voyons pres la tour du Princier, & dela prenoient leur circuit par dessoubz le lieu, ou est de present la Magdeleine, iusques à la porte que nous appellons Nancerne, & de la procedoient par le derriere des maisons qui sont à Maize, au dessoubz de la rue à Chastel, iusques à vne porte qui s'adressoit à vn grand pont, soubz lequel toute la riuere de Meuse auoit son cours, & prenoit à ladicte porte, qui estoit située soubz la descēte de chastel, au bas du lieu ou sont les degrez pour passer ou est de present sainte Croix, & d'icelle porte du pont, la fermeture de la ville, tiroit par dessoubz le lieu, ou fut depuis fondée l'eglise des Templiers que nous disons de present les augustins, & dela par derriere les maisons de rue, iusques à vne porte, de laquelle on veoit la ruine pres les moulins l'euesque, & de la tiroient en hault rencontrer la porte à Chastel, & en ce estoit la premiere edificatiō de closture qui fut en nostredicte ville de Verdun, laquelle depuis à esté augmentée en diuers lieux, & en diuerses parties, comme nous dirons, selon l'exigence des temps. Et par ce appert que la riuere pour lors auoit son cours en partie, ou est de present la place de Maize, signanment ou est la boucherie, en sorte que la rue que nous disons Brodier, faisoit vne poterne corespondant à la riuere, ou estoient atachez les basteaulx. Et si y auoit vne descēte pour abreuer les cheualx de iour & de nuict, & de la tiroit

*Verdun, trois ans sans Euesques.*

*Maurus, trouué en lieu, que de present on appelle Flaba.*

*Maurus esleu & institué Euesque de Verdun.*

*Ancienne situation & circuit de la cité de Verdun.*

*Ancien cours de la riuere de Meuse par verdun.*

# depuis Pharamond iusques a Iules cesar. F. xxxi.

roit ou sont de present les moulins de saint Maur, tellement qu'il se faisoit vn coin de muraille & fermeture, depuis la porte que nous disons Nacerne, iusques à ladicte riuiere. Et fault entendre que de l'autre costé de ladicte riuiere oultre ledict pont, cōmençant au lieu ou depuis à esté edificée sainte Croix, y auoit vn grand faulxbourg pour lors, non fermé iusques à vn autre pont appellé, des brachieulx, & en ce faulxbourg habitoient gens mecanicques, fouleurs de draps, brasseurs de bieres, & autres qui payent rentes & reueuées au Prefect des Romains, qui pour lors tenoit la ville, & quelque temps apres lesdictes rentes & reuenues furent aulmosnées & baillées à l'eglise nostre dame dudiect Verdū, & depuis cōme on voit, sont applicquées au corps de la cité pour l'entretènement d'icelle.

¶ Or supposé ce que dessus fault entendre que pour lors, au lieu ou est de present l'eglise saint Maur n'y auoit lieu de labourage sinon boys, hayes & buissons à raison dequoy l'Euesque Maurus aduisa ce lieu estre propre pour retirer les disciples & cōpagnōs, mesmemēt qu'il estoit assez voisin de son eglise de saint Pierre & saint Paul ou il faisoit ordinairement sa residēce, cōsiderant q̄ facilemēt, & quasi iournellement il pouroit visiter & consoler lesdictz cōpagnons sans eslongner son eglise, si feit edifier illec vn oratoire en l'honneur de saint Iehan baptiste, qui fut le premier en la doctrine euangelicque, qui mena vie monasticque & austere es desers, & ce fait il feit venir lesdictz cōpagnons habiter illec & viure saintement, au seruice de dieu selon leur institution, tellement que durant tout le temps qu'il fut euesque de Verdun, il vesquit aufterement comme eulx en ieunes oraisons & macerations de corps, & si administra saintement son euesché par l'espace de vingt huit ans, apres lequel temps il mourut & rendit son esprit à Dieu en l'an cent cinquante, si ordōna que son corps feust inhumé en l'oratoire de saint Iehan baptiste, quil auoit edificé, ou estoient ses disciples & cōpagnons.

¶ Nous lisons aux registres de noz eglises que ses deux successeurs, Saluinus, & Arator, apres leur trespas se feirent inhumér audict lieu pres de son corps: mais par succession de temps durant les grandes persecutions des chrestiens, & que l'Eglise de Verdun fut sans euesque, par l'espace de plus de deux cens trente ans, ledict oratoire vint en telle decadence qu'il n'y auoit apparence que de ruine, & n'y auoit plus de memoire n'y souuenance, que lesdictz trois saintz corps fussent illec inhumez, toutefois par la misericorde de dieu plus de trois cens ans apres, du tēps que saint Agri voulut edifier l'eglise saint Medard, pres la ruine dudiect oratoire de saint Iehan baptiste, il eut par vision & reuelation diuine, que lesdictz trois corps estoient inhumez dedans ledict oratoire dont il rendit graces à dieu, & feit ouurer leur monumēt, & reueranment les leuer de terre, & mettre en fiertres & chasses en publiant par tout son diocese l'inuention desdictz corps saintz, tellement que le peuple y affluoit de diuers lieux & se faisoient iournellement beaulx miracles. Dont aduint tost apres que le peuple voisin de l'hermitage ou il auoit esté trouué, quant il fut Euesque, erigea vn oratoire audict lieu soubz le nom & tiltre dudiect saint Maur, & se y commença à edifier maisons, tellement que par succession de temps y eut vn village, qui est encores de present appellé Flaba, en l'oratoire & eglise duquel plusieurs oeures miraculeuses se font.

¶ Euiron l'an huit cens Soixante, l'Euesque Hato par deuotiō feit translater lesdictz trois corps saintz des anciennes chasses, en autres plus riches & magnificques, & si gnamment celle de saint Maur, & si feit r'edifier l'oratoire ou lesdictz corps saintz estoient, qu'on appelloit pour lors saint Iehan baptiste & luy feit changer de nom & prendre le tiltre de saint Maur comme il a de present, & si ordonna par son diocese solemniser & celebrer la translation d'iceulx le quatrieme iour de Septembre ce que encores presentement est obserué. Et cediect iour furent faitz plusieurs miracles, en la presence dudiect Euesque comme recite Bertaire l'historien, qui pour lors estoit present, desquelz miracles nous ferons mētion en la fin de la vie Saint Arator, & diect ledict bertaire, que ledict Euesque Hato auoit edificé vn beau chasteau en son diocese, qu'il auoit de son nō appellé Hatouchastel auquel il erigea vne eglise soubz

*Les faulx bourg de Verdun oultre la riuiere ou de present est sainte croix.*

*Hermitage ou oratoire soubz le tiltre de saint Iehan baptiste edificé ou est de present labbaye de saint Maur.*

*Les cōpagnons de saint Maur viuās saintemēt audict oratoire. La mort de saint maur, l'an de grace mil cinq cens, & son corps inhumé audict oratoire.*

*Saluinus & Arator successeurs de saint Maur inhumez audict oratoire.*

*L'oratoire ruiné & mis en oubli des hommes. Reuelatiō de trois corps saintz.*

*Erection de l'eglise & village de Flaba.*

*L'oratoire saint Iehan reedifié en l'eglise portāt le tiltre de saint Maur.*

# Le premier liure des antiquitez de la gaule belgicque.

*Translation du bras de saint Maur à hatonchastel.*

*L'eglise de saint Maur erigee en abbaye de religieuses.*

le nom & tiltre dudit saint Maur & afin de plus augmenter l'honneur de dieu & du saint, fait transporter vn bras dudit corps saint, en l'eglise nouvellement erigee à hatonchastel & le fait richement & honorablement enchasser en argent comme on voit encores presentemēt, & cediēt iour bailla portio desdictz trois corps saintz pour transporter en l'abbaye de Theologium de present dict Thole diocese de Treues avec quelques relicques de saint Maurice, à fin qu'en diuers lieux ilz fussent plus venerez & honorez: car pour lors ladicte abbaye estoit des dependēces & soubz le regime des euesques de Verdun.

¶ Quelque temps apres enuiron cent cinquante ans du temps de l'Euesque Haymo qui semblablement eut deuotion audict saint Maur, fait amplifier l'eglise & edifier manoirs & habitations pour religieuses, A chapra & acquesta grans rentes & reuenuz, & y en appliqua aulcunes de sa propre eglise de Verdū, & fonda illec vn beau monastere de religieuses soubz l'ordre saint Benoit, comme on voit encores presentement.

## ¶ Des papes qui ont esté durant le temps dudit saint Maur, euesque.

*Alexander pape vii.*



**A**lexander de nation Romaine, fut pape en l'an cent dixneuf, homme ieune d'aage, mais de meurs & vertus tresperfaicte, qui par sa doctrine & sainteté couertit à la foy chrestienne grande partie des senateurs de Romme & fut le premier qui institua la benediction de leau benicte en leglise, & fut martirisé soubz Adrian

*Sixtus. viij. Pape.*

l'Empereur, apres qu'il eut tenu le siege dix ans sept mois.

**Sixtus** natif de Romme, fut institué pape en l'an cent vingt neuf, il fit plusieurs institutions, pour reuerenmēt celebrer la messe, on liēt qu'en son temps les chrestiens, estans en la Gaule, enuoyerent vers luy pource que entre eulx ne pourroient trouuer homme qui voullist prendre la charge d'estre Euesque, craignant les persecutions qui se faisoient, à raison dequoy y enuoya vn de ses disciples Citoyen de Romme, nommé peregrinus qui fut long temps illec confermant en la foy les Gaulois, & depuis retourna à Romme, ou il fut martirisé, semblablement ledict Sixtus mourut par martire apres qu'il eut tenu le siege dix ans trois mois.

*Thelesphorus. ix. Pape.*

**Thelesphorus** Grec de nation, hōme de grand sçauoir & doctrine, fut Pape en l'an de grace cent trente neuf, institua premierement les ieufnes de quaresme de six sepmaines auāt pasques, & qu'on pouuoit chāter trois messes le iour de Noel, & puis mourut apres auoir tenu le siege .xi. ans & trois mois.

*Iginus Pape. x.*

**Iginus** natif de la cité d'Athenes en Grece, fut esleu Pape, l'an cent quarante & trois, homme de grande prudence & qui reforma le clergé en bon ordre, & institua premierement la forme de la dedication des eglises, & ordonna vn parrain & vne marreine pour le moins asister aux baptesmes, & puis mourut apres auoir tenu le siege quatre ans trois mois.

*Pius premier du nom Pape. xi.*

**Pius** natif d'Italie de la cité d'Acquileum fut Pape l'an cent quarante sept, & eut par reuelatiō diuine, que le iour de pasques se debuoit celebrer le dimēche ce qu'il manda & ordonna estre fait par toute chrestienté puis mourut martir apres qu'il eut tenu le siege douze ans.

¶ Des Empereurs qui ont regné du temps dudiect  
sainct Maur euesque.



**Adrianus** surnommé Helius, filz ou cousin de Traianus obtint l'Empire en l'an cent dixneuf, hōme de grant scauoir tant en langue grecque, que latine avec vn esprit prompt & subtil en tous affaires, de son commencement il persecuta fort les Chrestiens, mais apres qu'il eut entendu les raisons & fondementz de leur secte par la communication des liures euangelicques & autres escriptures saintes, que luy feirent Quadratus disciple des apostres, Aristides & Serenus, pour lors viuans tresparfaitz en la foy Chrestienne, il changea de propos & fait cesser les persecutions & fait reedifier la cité de Hierusalem, destruiete par Titus, & dedans les murailles d'icelle fait comprendre le lieu ou Iesuchrist auoit esté couronné, & voulut changer le nom de Hierusalem, ordonnant qu'elle feust de son nom appellée Helia, & fait deffendre aux iuifz de n'entrer en icelle, mais seulement les chrestiens, & mourut apres qu'il eut regné vingt & vn an.

*Adrianus . xvij.  
Empereur de Rome.*

**Anthonius** surnommé Fuluius, & depuis par sa clemence appellé Pius, fut Empereur en l'an cent quarante, apres lediect Adrian, duquel il estoit gendre & filz adoptifz, & estoit d'anciēne progenie descendu des Gaules, il fut de son temps si clement, doulx obseruateur de iustice & à tous bienfacteur, plus desirant entretenir l'Empire par paix, que le dillater par guerre, tellement que tous les princes mesmes estrangers l'auoient en singuliere reuerence crainte & amour, le reputant plus pere des pais que seigneur, finalement mourut apres qu'il eut tenu l'Empire vingt trois ans.

*Anthonius . xviij.  
Empereur de Rome.*

¶ Des Roys Francoys qui ont regné du temps dudiect  
sainct Maur Euesque,



**Marcomir** filz de Odemar, fut apres son pere Roy des Francoys en l'an cēt vingt sept, il espousa la fille de Marius Roy de la grand Bretagne nommée Athilde, delaquelle il eut sept filz, il fonda la cité de Marcobourg, & de son tēps viuoit Dorachus grand prebtre des Francoys, qui compilla les histoires d'iceulx iusques à son tēps, & si composa en vers & metre, les gestes diceluy Marcomir, & Hambaldus les composoit en prose, si mourut apres qu'il eut regné vingt & vn an.

*Marcomir Roy  
des Francoys.*

**Clodomir** filz dudiect Marcomir fut Roy des Francoys apres son pere l'an cent quarante huiet, il fut tresprudent, doulx & humain à vn chascun, tellement que par sa prudence il reuoya les Gaulois en leur pays qui l'estoient venu assaillir en sa terre, & ce sans luy faire dommage, sa femme estoit nommée Hathilde, delaquelle il eut trois filz & puis mourut apres quil eut regné dix sept ans.

*Clodomir roy . xij.  
des Francoys.*

¶ Des princes de Tongre & Brabant regnans durant  
sainct maur euesque.



**Godard** filz d'Ostaius fut apres son pere Duc de Tongre & Brabant, en l'an cent quarante, cestuy ediffia vn chasteau hault & fort sur vne roche de la riuere de Meuse quil appella Huy, & de son temps fut gouuerneur de la Gaule belgicque, soubz les Romains comme son pere auoit esté, & puis mourut apres quil eut regné quarante sept ans.

*Godard Duc de  
Tongre & Bra-  
bant.*

# Le premier liure des antiquitez de la gaule belgicque.

¶ De la vie saint Saluin, troisieme  
Euesque de Verdun.

*Saluin troisieme  
Euesque de Ver-  
dun.*

*Saint Patient pa-  
rēt de saint Iean  
l'Euangeliste E-  
uesque de Metz.*

*La dēt saint Iea  
l'Euangeliste à  
Metz en vn ora-  
toire depuis erigē  
en l'eglise saint  
Arnoul.*

*Saint Peregrinus  
qui fut euesque  
d'Auxerre.*

*Quatrieme per-  
secution des chre-  
stiens.*

*Grande sterilitē  
& mortalitē.*

*L'exercice des  
Romains victo-  
rieux par les prie-  
res des Chrestiens.*



**S**aluinus fut esleu troisieme Euesque de Verdun en l'an de grace cēt cinquāte sept apres que le siege de Verdun eut vacqué six ou sept ans, car à la verité (pour lors) on ne pouoit trouuer gens qui voullissent prendre la charge d'estre Euesque signamment en la Gaule, ou se trouuoient peu de personnes natifz des pays qui fussent sçauans & fort exercitez en la foy chrestienne pour prescher & endoctriner le peuple, à raison dequoy vn peu parauant les chrestiens estans en la cité de Metz, furent redigez en ceste necessité qu'ilz n'en trouuoient point, tellement que par reuelation diuine vn saint homme nommé Patient, disciple & parent de saint Iean l'euangeliste, veint de Rome à Metz pour prendre ladiete charge du temps que Thelesphorus estoit Pape, & apporta avec luy vne des dentz saint Iean l'Euangeliste qui luy auoit baillé de son viuant, & arriué à Metz edifia vn petit oratoire hors des portes de Metz, ou il meit reueramment ladiete dent, lequel oratoire fut depuis totalement destruit par les emotions de guerre qui vindrent par les Barbares & infidelles, Gētilz, Huns, & autres, toutefois par apres il fut restitué, & reedifié en vne eglise qu'on appelle de present saint Arnoul ou est encores gardée icelle dēt, qui est vne chose bien precieuse & digne de grande reuerence. Attendu que de tout le corps dudict saint Iean, on n'en trouue aucune partie sinon icelle par toutes les eglises de la chrestienté. La semblable necessité aduint aussi à ceulx d'Auxerre, qui ne pouoient trouuer euesque, & furent contrainctz enuoyer à Rome vers le Pape Sixtus premier du nom pour en auoir vn, lequel leur enuoya vn citoyen de Rome nommé Peregrinus qui vint audict Auxerre & les endoctrina en la foy, & puis retourna à Rome ou il fut martirisé, Semblablement il aduint en nostre cité de Verdun que ledict saint homme Saluinus vint quasi diuinement & print la charge de l'Euesché apres qu'il eut longuement vacqué, car on ne trouuoit point en la region du pays qui le voullist prendre, & la cause estoit qu'ilz n'estoient encores bien parfaictz en la foy chrestienne & craignoient la mort & les persecutions qui se faisoient, car combien que les Empereurs de Rome pour lors vians cōme Anthonius, puis Marcus Anthonius Verus, & son frere Cōmodus, fussent gens moderez, vertueux, magnanimes & honorez temporellement en leur Empire, toutefois soubz eulx se feirent grosses tyrannies & fut exercée la quatrieme persecution contre les chrestiens, ou il en mourut innumerablement, apres icelles persecutions s'ensuiuit vne pestilence & mortalité inaudite & si grande que plusieurs prouinces, tant en Italie qu'en la Gaule furent inhabitées, avec ce y eut grandz terremotes, inundations d'eaux, tonnerres, fouldres & infectiōs de l'aer qui engendrerent des vers & bestes, comme faulterelles, qui rongerēt & gasterent tous les biens de la terre, & certainement ceste punition diuine modera fort les haynes & mauuais vouloir que les Empereurs auoient contre les chrestiens Mais sur tout feit cesser ladiete quatrieme persecution, vne guerre que ledict Empereurs Marcus Anthonius Verus & son frere Cōmodus, eurent cōtre aucuns peuples Barbares qu'on disoit Marcomeniens avec lesquelz estoient les Quades, Vvādales, Sueues, Sermates, & quasi toute la Germanie, en icelle guerre se trouua l'exercice des Romains si oppressé & contrainct qu'ilz n'auoient point d'eau, tellement que cōme desesperez, ilz attēdoient plus la mort par penurie & default d'eau que par leurs ennemis, si aduint qu'audict exercice y auoit plusieurs Chrestiens qui se prosternerent à genoulx, & faisans leurs prieres obtindrent de dieu la pluye si treshabondamment qu'ilz furent rassasiez, & assaillirent leurs ennemis fuyans deuant eulx morans plus des pierres & fouldres descendās de l'aer que des glaiues & espées des Romains, tellement



# depuis Iules Cesar iusques à Pharamond. F. xxxiii.

ment qu'ilz rapportèrent vne glorieuse victoire, laquelle fut totalement attribuée ausdictz Chrestiens, comme appert par lettres que ledict Marcus Anthonius Verus escripuit au senat, lesquelles se trouuent encores presentement, ce qui donna occasiō que ladicte quatrieme persecucion cessa, & furent aucunemēt les Chrestiens à repos. Pendant lequel temps nostre Euesque Saluinus administra son Euesché, & comme on trouue par nos anciens registres, telle fut la vie & sainteté de luy que le Roy de la grand Bretagne & d'Angleterre nommé Lucius filz de Coylus eut grād cognoissance & familiarité avec ledict Saluinus, comme on trouue par registres & lettres adressantes de l'un à l'autre combien qu'ilz fussent en pays de grande distence.

¶ Et pour entendre qui estoit ledict Lucius, les historiēs escriuent de luy q̄ te fut le premier Roy, entre les Anglois qui receut la foy Chrestienne, & desirāt dilater icelle par tout son pays, enuoya vers le Pape Eleuthere, lors tenant le siege de Rome adce qu'il luy pleut enuoyer gens scauans & stillez en la foy chrestienne pour este prelatz, prescher & instruire son peuple, en ladicte foy Chrestienne, ce qu'il fait & luy enuoya deux saintz docteurs, à scauoir Fugatius & Damianus, qui baptiserent grāt peuple d'Angleterre, & les temples des ydolles dedierent à Dieu & à ses saintz, entre lesquelz en y auoit trois principaulx, lesquelz furent par iceulx docteurs erigez en trois Archeueschez, dont les sieges furent assis l'un à Lōdres, l'autre à Yorch, & le tiers à Legion, & soubz iceulx furent instituez vingthuit Eueschez dedans ledict pays d'Angleterre, le tout confirmé par le Pape à la poursuite desdictz deux docteurs. On liēt en noz histoires que cestuy Roy Lucius fut tellement enflammé de l'amour Iesuchrist, & de l'augmentation de sa sainte foy: qu'il laissa son royaume & renonça aux pompes mondaines, & vint en Gaule visiter les Chrestiens & conferer avec eulx de la foy, entre lesquelz fut nostre Euesque Saluinus son anciē amy & familier, avec lequel il fait quelque temps sa residence, & depuis comme dict Nanclerus, alla en la Germanie pour prescher le nō de Iesus, tellemēt qu'il, encotes auourd'huy le peuple de Bauiere le repute leur apostre, & celuy par lequel premierement la foy de Iesuchrist fut preschée audict pays. Dit oultre que finalement vint en la cité des Sueues dicte pour lors Videlica, ou il fut par le peuple du lieu jecté en vn puys: mais tost apres par les Chrestiens extraict d'iceluy & porté en la cité de Curiēse, & la mourut martir.

¶ Or pour retourner à nostre Euesque Saluinus, il perseuera enuers son peuple de Verdun tousiours de bien en mieulx par bon exemplaritez, saintes predicatiōs, ieunes, oraisons, & toutes bonnes operations, iusques enuiron l'an cēt quatrevingtz huit, auquel temps il rendit son esprit à Dieu: apres qu'il eut tenu nostre Euesché trente & vn an, si ordonna que son corps fust inhumé en l'oratoire saint Iean baptiste pres de son predecesseur saint Maur, ce qui fut fait: mais par successiō de tēps durant les grandes persecutions des eglises, comme nous dirons cy apres, ledict oratoire demoura desert, & la memoire de son enterrement fut des hommes oubliée & perdue par l'espace de plus de quattrecens ans: toutefois comme nous auons dict en la vie dudict saint Maur, diuinement les corps de luy & ses compagnōs furent reuelez à saint Agri & extraictz de leurs tombeaulx, dont pour lors & par apres furent faitz plusieurs grans miracles cōme nous dirons à la fin de la vie saint Afator. Toutefois est à noter que depuis l'inuention desdictz corps saintz, la singuliere deuotiō du peuple de Verdun & signanmēt des poures femmes grosses ou acouchées d'enfans mortnez s'adressoient pour patron enuers Dieu, audict saint

Saluin, tellement que du temps passé en tel cas Dieu à

fait plusieurs beaulx miracles par l'intercession dudict Saluin en Paradis beatifié.

*Lucius roy d'Angleterre amy & familier de saint Saluin nostre Euesque.*

*Angleterre receut la foy Chrestienne.*

*Fugatius & Damianus preschent la foy Chrestienne en Angleterre.*

*Trois premieres Archeueschez d'Angleterre.*

*Lucius Roy d'Angleterre preschāt en la foy de Iesuchrist.*

*La mort de saint Saluin Euesque de Verdun.*

*Saluin auxilia-teur des femmes ensainctes & grosses.*

# Le premier liure des antiquitez de la gaule belgicque.

## Des papes qui ont tenu le siege de Rome durant la vie sainct Saluin euesque de Verdun.

*Anicetus douzieme Pape.*



**A**NICETVS natif de Sirie homme de bonnes meurs & vertus, fut esleu pape l'an cent cinquante neuf, & institua suiuant le commandement de sainct Paul que les prestres & clerchez ne portassent grans cheueulx, si mourut martyr apres auoir tenu le siege de Rome neuf ans quatre moys.

*Sother. xiii. Pape.*



**S**OTHER Natif en la Champagne, fut Pape l'an cent soixante huit, il eut beaucoup de persecutions en son temps, il institua premierement la benediction des nouveaux mariages estre faitte par les prestres aux eglises, si mourut apres qu'il eut tenu le siege neuf ans trois moys.

*Eleutherius. xiiii. Pape.*



**E**LEUTHERIUS Grec de natiõ de la cité de Nicopolite, fut Pape l'an cent soixante dix sept, de son temps l'Eglise Chrestienne eut quelque repos tellement que la foy chrestienne fut fort augmentee, & plusieurs Romains nobles avec leurs femmes receurent le sacrement de baptesme, aussi feist ledict Lucius Roy d'Angleterre & grande partie de son peuple, & mourut apres qu'il eut tenu le siege quinze ans trois moys.

## Des Empereurs qui ont regné du temps dudiect Euesque sainct Saluin.

*Marcus Anthoninus Verus. xvii. Empereur.*



**M**ARCVS Anthoninus Verus, & Lucius Annius Verus son frere, cestuy Anthoninus surnommé Philosophus, fut esleu Empereur en l'an cent soixante trois, homme ayant en perfection toutes vertus avec l'esprit celeste & diuin, il associa avec luy son frere Lucius Annius Verus, & furent les premiers soubz lesquels l'Empire Romain fut gouuerné par deux personnes, ilz firent tresgrandes expeditions & de diuerses nations rapporterent de belles victoires, toutefois Lucius mourut le premier en l'an vnzieme de son regne, parquoy de rechief Anthoninus gouerna tout seul, tant aymé des grans & petitz, qu'on estimoit que sans sa promotion en l'Empire toute la chose publicque de Rome eut esté perdue, tellement que l'on reputoit sacrileges tous ceulx qui n'auoient son image en leurs maisons. Finalement mourut apres qu'il eut regné dixhuit ans, & selon les autres dixneuf ans.

*Lucius Aurelius Comodus. xviii. Empereur.*



**L**UCIUS Aurelius Comodus, filz de Marcus Verus, succeda l'an de grace cent quatrevingtz & trois à son pere à l'empire: mais hon point en ses meurs & vertus, car il fut tant vicieux & depraue qu'on l'estimoit en tyrannie & lubricité semblable à Nero, finalement il fut miserablement estranglé par sa femme meschante & lubricque apres qu'il eut regné douze ans, & apres sa mort fut si hay & execrable au Senat & peuple Romain qu'il fut déclaré ennemy du genre humain.

## Des Roys Francoys durant la vie dudiect Euesque sainct Saluin.

*Farabert. xii. Roy des Francoys.*



**F**ARABERT filz de Clodomir, fut apres son pere Roy des Francoys en l'an cent soixante cinq. Il conferma les anciennes alliances & confederations faittes par le Roy Francus avec les Saxons, Cimbres, & Theutonicques contre les Romains, à raison dequoy de son temps eurent plusieurs batailles ensemble, ou il y eut grande effusio de sang. Finalement ledict Farabert mourut apres qu'il eut regné yingt ans.

¶ Des

¶ Des Ducz de Tongre, & Brabant, qui ont regné du temps dudit saint Saluin.



**G** O D E F R O Y filz de Godard, fut apres son pere Duc de Tongre & de Brabant, l'an cent quatre vingtz & sept. A son comencemēt il ayda & assista l'empereur Marcus Anthoninus Verus, faisant guerre aux Germains, Saxons, & François: mais pour ce que son successeur l'empereur Lucius Commodus, son filz, homme tresseuere mauuais, & tyran, feit decapiter aucuns enfans des Princes de Gaule, estans à Rome, entre lesquels estoit son nepueu, filz de sa seur, il rompit l'alliance d'avec les Romains, & se ioignit aux Germains ses voisins, & reuerēt lesdictz Romains arriere des fleues du Rhin, Meuse, Sambre, & Lescault, depuis le pays Dalfatie, iusques à Tournay à l'ayde de Vveric Duc de Treues, & Soris Duc des Germains, tellemēt que les Romains (ainsi pressez) se retirerent à Tournay, laquelle fut assiegée & prinse par force.

*Godefroy duc de Tongre & Brabant.*

¶ En ce temps Numerianus maistre de la cheualerie de l'empereur Commodus, fut assiegé à Mayèce, & lesdictz Godefroy, & Vveric, desirēt lesdictz Romains: tellemēt que toute la Gaule Belgicque, fut soubz la domination d'eulx deux, par l'espace de douze ans franche de tous tributz & subsides, & deslors ledict Godefroy pour se fortifier espousa la fille dudit Vvederic, de laquelle eut vn filz son heritier, nommé Vvederic, & mourut ledict Godefroy apres qu'il eut regné quarante cinq ans.

¶ De la vie saint Arator quatrieme Euesque de la cité de Verdun.



**A** R A T O R : quatrieme Euesque de Verdun, fut esleu enuiron l'an cent quatre vingtz & neuf, apres la mort Saluinus son predecesseur, homme trescauant, & de grande doctrine, exercité en langue Grecque, & latine. Il auoit esté à Rome auditeur en son ieune aage de Apollonius Senateur de Rome, orateur tresexcellēt & parfait en la foy chrestienne, qui par son sçauoir cōposa plusieurs oraisons à la louange de nostre foy, & si cōposa vn magnifique volume, qu'il presenta à l'empereur Commodus & au Senat, receu par iceulx avec grande reuerence, & duquel les loix furent faictes audit Senat. Finalemēt neantmoins ledict Apollonius, accusé faulsemēt, par vn sien seruiteur, fut martyrisé seul, du temps du Pape Eleutherius, combien que pour lors les chrestiens feussent à repos, comme nous auons dict. ¶ Or apres la mort du dict Apollonius nostre Euesque Arator retourna en Gaule, preschant & publiant la foy, & par son eloquence & sçauoir tiroit beaucoup de gens à icelle, qui fut cause que les chrestiens estans audit Verdun, le esleuerēt leur Euesque, ouquel Euesché il se porta verueusement, & y endura plusieurs calamitez, paouuretez, & fascheries, car apres qu'il eut quelque temps administré, il suruint tant de emotions de guerre, par toute la Gaule Belgicque, que les chrestiens furent tellemēt oppressez qu'il n'y auoit homme, qui osast se cōfesser chrestie, & telles miserables & calamitez aduindrēt du tēps dudit Empereur Lucius Cōmodus Verus, cōtre lequel la pluspart des Gauloys pour la tyrānie

*Saint Arator  
iii. Euesque de  
Verdun.*

*Arator arriué en  
la Gaule, fut esleu  
Euesque de Ver-  
dun.*

# Le premier liure des antiquitez de la gaule belgicque

*Rebellion des Gaulois contre les Romains.*

*Les Ducez Godefroy & Vveric obtindrent cõtre les Romains, grande partie de la Gaule Belgicque.*

*Les calamitez de l'Euesque Arator.*

*Clodius Albinus Romain recouura la Gaule Belgicque & rebella cõtre l'empereur Seuerus.*

*L'empereur Seuerus en Angleterre.*

*Diuersité sur la celebration de Pasques.*

*Cinquieme persecution des chrestiens.*

*La mort de l'Euesque Arator.*

*L'Eglise de Verdun sans Euesques l'espace de deux cens trente ans.*

laissent l'alliance desdictz Romains, qu'ilz auoyent tenu du passé, prindrent l'alliance des Germaïs & Saxõs, soubz deux duc̃teurs & capitaines, à sçauoir Godefroy Duc de Tôgre, & Vveric Duc de Treues, qui se seuerer̃t cõtre lesdictz Romains, & eurent plusieurs victoires cõtre eulx: tãt deuãt la cite de Tournay, q̃ à Mayēce, & tellement reprimerent lesdictz Romains qu'ilz furent contrainctz eulx retirer oultre les riuieres de Meuse, & de Lescault, & obtindrent lesdictz deux Ducez, soubz leur domination toute la reste de la Gaule Belgicque, par longue epace de temps, à sçauoir pres de douze ans, durant lequel temps les Romains se fortifierent, & faisoient resistēce, tenãs les limites de ladicte Gaule Belgicque, signamment en nostredicte citē de Verdun: laquelle fut si oppressee durant ledict temps, que les paoures chrestiens estans en icelle, furent tous separez en diuers lieux, & n'y auoit ordre en l'Eglise, ny forme de religion & profission chrestienne: & tellement furent les chrestiens redigez en misere & paouretē, que l'Euesque fut cõtrainct laisser son lieu, & son Eglise, & se retirer aux villages, & par necessitē, & pour yn temps, en disimulant, & attendant la grace de Dieu: mener la charrue, avec les paoures gens des champs.

¶ Aduint qu'apres la mort de l'Empereur Commodus, y eut grande controuersie entre le Senat, & les gens d'armes Romains, sur l'election de l'Empire, en sorte qu'il y eut deux Empereurs l'vn apres l'autre: sçauoir Helius pertinax & Didius Iulianus, qui tous deux furent tuez en moins d'vn an, & obtint Seuerus l'empire, p̃endant lequel le dissension Clodius Albinus, Duc de l'exercice Romain, en Gaule: recouura la Gaule Belgicque, cõtre les deux dessusdictz Ducez Godefroy & Vveric, avec lesquelz il feit appoinctement, & se rebella contre l'election Seuerus, voulant entreprendre l'empire Romain: mais il fut peu de tēps apres vaincu par ledict Seuerus, & tuē pres de Lyõ: Et ce fait Seuerus mena l'exercice Romain, en Angleterre, & par ce moyē les chrestiens estans en la Gaule, eurent quelque repos & retourna nostre Euesque en son eglise de Verdun, reduisant les chrestiens au mieux qu'il peult, & deslors print le nom d'Arator, en memoire des miserēs & calamitez qu'il auoit enduree en menant la charrue, durant les guerres dessusdictes, car parauant il auoit vn aultre nom, lequel ie ne trouue en noz histoires. ¶ Enuiron ce mesme temps, à sçauoir cēt quatre vingtz dix huit, fut question en l'Eglise chrestienne, signamment en Asie entre les Euesques touchant la celebration de Pasques Et fut tenu vn concille, de l'auctoritē du Pape Victor, en la citē d'Alexandrie en Palestine, auquel fut present Theophile Euesque de Cesarie. Narcisus Patriarche de Hierusalem, & Yreneus Euesque de Lyõ, ouquel fut conclud, & determinē, qu'on celebreroit tousiours Pasques, au iour de Dimēche, qui seroit depuis la quatorzieme lune du premier moys, qui est Apiril, iusques à la vingt & vniēme, à fin qu'il y eust difference entre les Iuitz, qui tousiours la celebrēt le iour de la quatorzieme lune, ce que plusieurs Euesques d'Asie faisoient au parauãt, quelque iour que ladicte lune aduint. ¶ Or le surplus de la vie & conuersation de nostre Euesque Arator, fut tousiours perseuerant en bonnes operations & instructions de son peuple: toutefois pleine de calamitez & d'oppressions, pour les grandes persecutiõs qui s'ensuyuirent, mesme soubz l'empereur Seuerus, soubz lequel fut exercēe la cinqueme persecution sur l'Eglise chrestienne: finalement mourut tres saintement nostre Euesque Arator, apres qu'il eut tenu le siege trente troys ans, en l'ã de grace deux cēs vingt deux: Si ordonna que son corps fust inhumē, en l'oratoire saint Iean baptiste, conioinctemēt à ses predecesseurs Maurus, & Saluinus, ce qui fut fait, mais semblablement, comme à estē dict de ses predecesseurs, la memoire de son enterremēt fut perdue & abolie, par dilation de temps, pour les grans troubles & persecutions qui surindrent aux eglises chrestiennes, & signamment en nostre eglise de Verdun, laquelle depuis la mort dudit Arator, demeura sans Euesque, l'espace de deux cens trente ans: dont aduint que ledict oratoire, fut quasi tout ruynē, & le lieu ou estoyēt lesdictz corps saintz, totalement incogneu: toutefois quelque temps enuiron l'ã cinq cens soixante, par la misericorde & dispositiõ diuine, lesdictz troys saintz corps furent reuelez à monsieur saint Agri dixieme Euesque de Verdun: les feit honorablement releuer de terre, & enchasser reueranment.

¶ Semblablement

# depuis Iules Cesar iusques à Pharamond. F. xxxv.

¶ Semblablement par apres enuiron troys cens ans, en l'an huiet cens soixante, Hato vingt neuuiesme Euesque de Verdun, feit trāslater lesdictz troys corps sainctz en autres chasses plus magnificques & riches que les premieres, & institua par son diocese solemniser tous les ans la feste de la translation d'iceulx, auquel iour furent monstrez diuinement miracles bien euidens desquelz i'en meſtray icy aucuns, qui furent faitz present lediēt Euesque Hato, comme escript Bertarius en son histoire qui tesmoigne & afferme auoir en personne estē present.

*La feste de la translation des troys corps sainctz institutee à Verdun.*

¶ Premièrement, deux hommes qui de leur natiuité auoyent les iambes cōtrainctes & retirées, & par ce tellement impotentz & debiles, que par plusieurs années se faisoient trainer en petit chariotz, vindrent au iour de la solemnité de ladiēt translation, ayans esperance en Dieu, & aux sainctz, & toute la nuit persisterēt en oraison pleurs & gemissemens, le matin se trouuerent tous gueris, en la presence dudiēt Euesque Hato, & des assistans.

*Miracles faitz en ladiēt translation.*

¶ Vne femme appellée Enima aueugle de sa ieunesse, estant au berseau, & paruenue en vieillesse, ayant son esperance à Dieu, & aux benoistz sainctz corps, par deuotion venant en leurs oratoire & eglise, fut incontinent guerie & veid clairement.

*Second miracle.*

¶ Semblablement vne autre femme muette, en l'esperance qu'elle auoit, sollicitoit ses parēs, d'estre menēe ausdictz corps sainctz, ce qu'ilz refusoient faire par moquerie & derision d'elle, par ce qu'elle estoit desia fort vieille & ancienne: toutefoys par son importunité, elle y fut menēe, & incontinent venut à l'entrée de l'eglise commença à bien parler.

*Troisieme miracle*

¶ Vn homme de la cité de Metz, qui par longues années & espace de quarante ans, auoit les piedz & mains contrainctz & contrefaitz: tellemēt qu'il ne pouoit gagner sa vie, demandoit l'aumosne deuant la porte de l'eglise de Metz: si meit son esperance en Dieu, & ausdictz troys sainctz corps, veint à Verdun deuotemēt, faisant sa priere & oraison, demoura par toute la nuit, le iour de ladiēt solemnité en ladiēt eglise. Le lendemain se trouua sain & gueris: si fut visitē le corps dudiēt patient par lediēt Euesque Hato, present lediēt Bertarius qui escript & afferme en son histoire lediēt miracle, & fut trouuē que apres sa guerison il auoit les iambes & cuisses escorchées, comme s'il n'y eust eu que les offemens.

*Quatrieme miracle.*

¶ Recite ausi lediēt Bertarius, & afferme que luy present, vn iour de la solemnité de la translation desdictz corps sainctz, apres vespres le feu se print en la maison d'un marchand, au meillieu de Verdun, qui fut tellement embrasēe, qu'on estimoit la cité en tresgrant danger, car il venoit alprement, & vehementement, si accourut le peuple de la cité: criant misericorde, & implorant l'ayde de saint Maur, & sesdictz cōpagnons, par les merites desquelz & disposition diuine le feu incontinent cessa, & n'y eut quasi point de damage: mais pour plus fort monstret que c'estoit œuure miraculeuse de Dieu, & desdictz troys corps sainctz, dedās ladiēt maison y auoit vne tōne d'huile, au millieu du feu, laquelle ne fut oncques touchēe, ne tous les biens meubles estant en ladiēt maison.

*Cinquieme miracle.*

## ¶ Des Papes qui ont estē durant la vie dudiēt saint Arator.



**V**ictor de nation d'Affricque, homme de tresgrant ſçauoir & doctri ne, fut Pape l'an cent quatre vingtz & vnze, les aultres y adioustent sept ans. Il institua du iour de solemniser Pasques, & depuis fut approuuē par le concile de Nicene, & escriuit plusieurs liures, pour la defense de nostre foy, contre les hereticques qui estoient de son tēps, & puis mourut martir soubz l'Empereur Seuerus, apres qu'il eut tenu le siege dix ans troys moys.

*Victor. xv. Pape.*

**Z**epherinus de natiō Romaine, hōme totallemēt donē aux choses diuines, fut Pape l'an deux cens troys, il institua q̄ tous chrestiens, estant en aage

*Zepherinus. xv. Pape.*

# Le premier liurè des antiquitez de la gaule belgicque.

en aage de discretion receuffent le corps de Iesuchrist aux Pasques publicquement. Et le Pape Innocent troisieme du nom, ordonna la confession d'un chascun à son propre prestre audict iour, & puy mourut apres auoir tenu le siege dix huit ans, les autres escriuent dix sept ans.

*Calixtus, premier  
du nō xvii. Pape.*

**Calixtus** Romain de nation, homme diuin & prudent, fut Pape, l'an deux cēs vingt & vn, les autres escriuent deux cens dix sept, il eut plusieurs troubles par les Empereurs de son temps, qui furent tyrans & lubricques. Il institua les ieufnes des quatre temps, & mourut apres qu'il eut tenu le siege cinq ans, & fut martirifé au commencement, du regne d'Alexander.

## ¶ Des Empereurs qui ont regné du temps dudict Euesque Arator.

*Helius Pertinax  
xix. empereur.*

**H**elius Pertinax, natif du pays de Ligurie, ou Geneuoys, fut esleu Empereur l'an cent quatre vingtz & quinze, cōtre sa volūtè, & refusant obstinement, parquoy eut le nom de pertinax, homme reuerend, vertueux, & magnanime, estant en l'aage de soixante dix ans: & par ce qu'il auoit si longuement suyui les armes & euadé iusques audict aage, fut surnommé Piller de fortune: il fut prié par le Senat, de faire sa femme Auguste, & son filz Cesar, mais le refusa, disāt qu'il luy suffisoit d'auoir esté Empereur maulgré luy: Finalement il fut tué par les gens d'armes qui le hayoient, pour ses vertus: par l'instigation de son successeur, & au premier qui luy offrit la picque pour le tuer, ne fait aultre resistance, sinon dire: la vengeance soit à Iupiter, & courrit son visage de sa toque: & ainsi mourut, apres qu'il eut regné sept moys seulement.

*Didius Iulianus,  
xx. empereur.*

**Didius Iulianus** Iurisperit natif de Milan, entreprint l'empire apres qu'il eut fait tuer Pertinax, en l'an cent quatre vingtz & seze, homme mauuais & de meschante vie, & hay du peuple, & fut vaincu en vne bataille, par Seuerus son successeur, tellement qu'il s'enfuyt à refuge, au Senat de Rome, ou il fut poursuyui par ledict Seuerus, & illec tué miserablement, apres qu'il eut tenu l'Empire sept moys, & partant de plusieurs n'est nommé entre les Empereurs.

*Seuerus xxi. em-  
pereur.*

**Seuerus** le premier, du pays d'Affricque, fut Empereur en l'an cent quatre vingtz & seze apres qu'il eut tué Didius Iulianus, homme docte en grec & latin, & tousiours estudiāt en Philozophie, magnanime & victorieux en plusieurs guerres qu'il eut contre les Parthes Adyabeniens, & Arabes, en la Sirie, & en la Gaule, & finalement contre les Angloys, apres l'expedition desquelles, & qu'il eut tenu l'empire enuiron dix huit ans, il mourut en la Gaule, & laissa deux filz qui ne le suyirent en vertus, & parlant d'iceulx en mourant dict ces derniers motz, l'ay prins la chose publicque de l'empire en trouble, & la laisse pacifique à mes deux filz Anthonius & Getha, laquelle sera ferme, s'ilz sont bons, s'ilz sont mauuais ne durera gueres, soubz cestuy fut exercée la cinquieme persecution des chrestiens.

*Basianus Caracalla,  
xxii. empereur.*

**Basianus Caracalla** filz de Seuerus, succeda à l'empire l'an deux cens quatorze, il fut nommé Basianus de par le pere de sa mere, & depuis par les prieres de son pere, au Senat fut nōmé Anthonius, & par apres fut surnommé Caracalla, à raison de certaine robbe qu'il apporta de la Gaule, de laquelle

# depuis Iulès Cefar iufques à Pharamond. F. xxxvi.

de laquelle il vsoit & faisoit vser les Romains, il fut homme meschant, & de tous vices de lubricité infecté, il tua son frere Getha, à fin de regner seul, & si feist tuer Papi-nianus iurifconsul, pour ce qu'il ne voulut louer ny approuver la mort de son frere, il espousa sa marastre finalement il fut tué par son successeur Macrinus, apres qu'il eut tenu l'empire six ans deux moys.

**Macrinus opilius** apres qu'il eut tué Balsianus Caracalla, fut empereur en l'an deux cens & vingt, & print pour ses consors à l'empire, son filz Diadimen°, qui estoit le plus beau de corps & visage, qu'õ eust sceu veoir, & si associa Clodius Albinus, qui administroit la Gaule, homme de si grande voracité à manger, comme dict Cornelius que pour vn soupper il mangeoit cent pesches, dix melons, cinq cens figues passées, & quarantes huitres, ceulx cy n'e regnerent qu' vn an deux moys, & furent tuez par les gens de guetre, & par l'inductiõ de leur successeur Heliogabalus.

*Macrinus opilius  
xxiiij. Empereur.*

## Des Roys francoys regnans du temps de l'Euelsque Arator.

**S**Vnno filz de farabert, fut apres son pere roy des Francoys, en l'an cõt quatre vingtz & cinq, & fut prince bellicqueux, qui eut plusieurs batailles contre les Romains & Gauloys, quant il fut aduertiy de la mort de l'empereur Seuerus, estant en Gaule, il print alliance avec les Saxons & Germains, passerent le Rhin, & entrerēt en la Gaule & pillerent tout ce qu'ilz trouuerent, puis repasserent le fleuve & retournerent en leur pays: Si mourut ledict Sunno, apres qu'il eut regné vingt six ans.

*Sunno Roy. xiiii.  
des Francoys.*

**Hilderic** filz de Sunno, fut roy des Francoys apres son pete, en l'an deux cens & douze, hõme magnanime & hardy, qui commença à dilater & eillargir ses fins & metes en la Gaule, pour les dissentions qui furent pour lors, entre les Gauloys & Romains, & dict Hanibaldus, que combien que ledictz de Frãconie s'appellaient Francoys, & prinsent aussi grand peine de garder & cõfermer leur nom (de Francoys) qu'ilz faisoient de garder leurs terres: toutefois les Romains & Gauloys, ne vouloyent iceluy nom, accoustumer: mais par desdaing & en hayne du nom Francoys, les appelloyent aucunesfoys Germains, aucunesfoys Sicambriens. On trouue par les histoires anciennes, que enuiron ce temps estoit vn grand Philosophe & vaticinateur prestre de leur Loy nommé Hildegast, qui le iour de la natiuité du dict Hildericus estant au temple de Iupiter, en la cité de Neopagum, apres les sacrifices paracheuez, predict & declaira par maniere de prophetie & presage, les victoires que les Sicambriens & Franconiens debuoyent auoir le tēps aduenir, ioubz les roys qu'ilz esliroyent apres l'interregne, contre les Gauloys Germains, & Romains: & se trouuent de ladicte prophetie les metres qui s'ensuiuent.

*Hilderic roy. xviii.  
de Francoys.*

*Hildegast prestre  
& vaticinateur.*

*Presage du Roy  
Hilderics*

- ° Numine ab occiduo veniet victoria Francum.
- ° Olim, quod coluit gens pia Dardanidum.
- ° Quicquid habet Gallus, quicquid Germania tota,
- ° Sub tua per fatum scepra Sicambre ruet.
- ° Hunc tibi cum dederint fatalia tempora regem
- ° Primores statuent quem sine rege duces
- ° Quo victore suum Francus per secula mille,
- ° Et genus & regnum protrahet absque mora
- ° Iupiter ecce dabit Romana palatia Franco,
- ° Ac reppens Aquilam supprimet ipse Leo.

*Alias.  
Atque repens.*

¶ Par

# Le premier liure des antiquitez de la gaule belgicque.

¶ Par les vers & metres que dessus on peut facilement entendre, que ledict vaticinateur vouloit predire, & signifier, qu'après l'election de Pharamond, laquelle se debuoit faire du temps de l'interrene, les roys descēduz de luy subiugueroyent & suppediteroyent les Germains, Gauloys, Romains, ce qui fut verifié en Charlemagne, car par ces motz les Repens, sont entēduz & designez, les Sicambriens, ou frāconiēs, qui portoyent en leurs armes, banieres, vexilles, & estandartz, l'image d'une beste biforme, à sçauoir ayāt la teste & le hault du corps en forme de Lyon, & l'autre moitié par bas en forme de serpent, & finalement cestuy Hilderic mourut, après qu'il eut regné quarante ans.

## ¶ Des Ducz de Tongre & Brabant, regnans du temps dudiēt Euesque Arator.

*Godfrey duc de tongre & brabant.*

**G**ODEFROY filz de Godart, duquel auons escript en la vie de l'Euesque precedent: regna du temps dudiēt Euesque saint Arator: car il mourut en l'an deux cens trente deux.

¶ De l'estat de l'Eglise de Verdun, durant le temps qu'elle fut sans Euesque qui fut de deux cens trente ans, à sçauoir depuis saint Arator, iusques à saint Pulchrone, toute fois administrée par huit docteurs, ou prelatz, dont les noms son incogneuz, iusques à present.

*La premiere cause que Verdun fut sans Euesques, furent les persecutions des Empereurs contre les crestiens*



**P**res la mort & trespas de saint Arator, qui fut en l'an deux cens vingt deux, ladiēt eglise de Verdun, fut desolée & destituée d'euesques, par l'espace de plus de deux cens trente ans, durant lequel temps les chrestiens residans à Verdun furent totalement dispersez & desolez, de sorte qu'on ne trouua iamais homme, qui voulüst prendre ladiēt charge & manifestement porter nom, & tiltre d'euesque d'icelle, cōbien que tousiours y eut chrestiens, durant ledict temps: mais c'estoit occultement: & aduint cestuy default scandaleux, pour plusieurs causes.

¶ La premiere estoit les grandes persecutions, qui furent exercées par les Empereurs ou leurs commis durant ledict temps, qui furent si grandes, inhumaines, & cruelles, que de toutes parties subiectes à l'Empire, paoures chrestiens estoient tirez, en torment, & Martirisez: tellement que le zele, ferueur, & deuotion de la foy: fut en plusieurs lieux tant refroidée & remise, qu'on trouuoit peu de chrestiens qui n'eussent paour de mourir, & par ce ne vouloyent manifestement faire profession chrestienne, ne porter le nom d'Euesque, ou de prescheur Euāgelicque, pour ce qu'on s'adressoit plustost à eulx que autres. Or pour monstrier les persecutions qui furent durant ledict temps que ladiēt eglise de Verdun, fut sans Euesque: fault supposer & reduire en memoire, ce qui est escript, & approué par les histoires & liures de la primitiue eglise, à sçauoir qu'il ya eu douze persecutions grandes, & fameuses exercées par les Empereurs: contre les chrestiens desquelles si nous considerons les tēps certainemēt nous trouuerons que les sept dernieres ont esté exercées, durant le temps dessusdict que nostredicte Eglise de Verdun, fut sans Euesques.

¶ Car la premiere commença enuiron l'an de grace soixante huit, du temps de Nero, soubz lequel mourut saint Pierre & saint Paul. La seconde commença enuiron l'an quatre vingtz seize, du temps de l'Empereur Domitianus. La troisieme enuiron l'an cent & dix, du temps de Traianus, laquelle toute fois fut temperée par le moyen, de Plinius second: mais non totalement. La quatrieme enuiron l'an cent septante sept, soubz Marc Anthoine le vray, en laquelle innumerables chrestiens furent martirisez  
mais



Mais par punition diuine, fenfuyuit vne peftilence & mortalité tresgrande en diuers lieux, & fignamment en Italie, par laquelle quasi toutes les villes & villages demeurent inhabitez, avec terremotes, inundations d'eaux, & sterilitez de biens de la terre, & prouenant des vers, mouches, locustes, & autres vermines, destruisant tout.

¶ La cinquieme perfecution fut enuiron l'an deux cens quatre: foubz l'Empereur Seuerus Pertinax, pour laquelle, par diuine punition fenfuyirent plusieurs rebellions, diffentions, & guerres ciuilles entre les Romains.

*La cinquieme perfecution.*

¶ La fixieme print commencement au temps, qu'il n'y auoit Euefque à Verdun, enuiron l'an deux cens trente neuf, foubz l'empereur Maximianus, laquelle fut exercée, fingulierement contre les clerz prebftres, & Euefques chrestiens, toutefoys elle ne dura guieres, car la quatrieme année de son Empire, il fut miserablement tué, & son filz par Pompeius Prefect des gensdarmes.

*Sixieme perfecution.*

*Le fieg de Verdun eftant vacant.*

¶ La feptieme commença enuiron l'an deux cens cinquante troys, foubz l'empereur Decius, lequel apres qu'il eut fait tyranniquement tuer fes predeceffeurs, les Empereurs premiers chrestiens, les deux Philippes, pere, & filz: print occafion de perfecuter les chrestiens, & en feit martyrifiser innumerablement, mais dieu ne permift longuement ceste tyrannie, car il mourut miserablement, enuiron dixhuiet moys apres, hors du fens, possédé, & vexé du diable.

*Septieme perfecution.*

¶ La perfecution huietieme commença l'an deux cens cinquante huiet, foubz l'Empereur Licinius Valerianus: mais il en fut par punition diuine griefuement puny, car il fut prins prifonnier & toute son armée, en Mesopotamie deffaite, par Sapor roy des Perfiens, qui le teint en telle & ville feruitude, que lediét Valerianus luy offroit son dos, à meftre son pied, toutefoys qu'il vouloit mōter, sur son cheual, & ainfi fina ses iours.

*Huietieme perfecution.*

¶ La neuftieme perfecution commença, l'an deux cens feptante quatre, foubz l'empereur Aurelian, lequel combien qu'il fust homme prudent, & vaillant aux armes, toutefoys il fut seduiét par les philosophes gentilz, & perfecuta les chrestiens, aufsi fut il miserablement occis, par vn sien seruiteur domesticque.

*Neuftieme perfecution.*

¶ La dixieme perfecution fut par tout publiée, en l'an troys cens & huiet, foubz les Empereurs Diocletian & Maximian, en Orient, par Diocletian, & en Occident par Maximian, & entre toutes les autres ce fut la plus cruelle & tyrannique, & qui dura plus longuement, pendant laquelle innumerables chrestiens, furent martyrifiez, par toutes les parties du monde, les eglises rompues, & destruietes, les liures diuins, & Euangelicques prohibez & defenduz, & s'y on en trouuoit, publicquement bruslez. Damasus escript que durant icelle perfecution, en moins de trente iours, il mourut par diuerfes sortes de tourmens, plus de dix fept mil, que hommes, que femmes, fans ceulx qui furent exilez.

*Dixieme perfecution.*

¶ La perfecution vnzieme, commença foubz les troys filz de Constantin le grand, à fçauoir Constantius, Constans, & Constantin, lesquelz commancerent à regner, l'an troys cens quarante, & estoient Arriens persecutans les catholicques à raison de quoy moururent miserablement.

*Vnzieme perfecution.*

¶ La douzieme fut prenoncée enuiron l'an troys cens foixante quatre, foubz Iulian l'Apostat ydolatre, qui faisoit veuz du fang des chrestiens à ses ydoles, aufsi mourut il par diuin iugement.

*Douzieme perfecution.*

¶ LA SECONDE cause, pour laqille ladiète cité de Verdū, fut fans Euefq, veint des scismes, & heresies qui furēt en l'eglise chrestienne, car si les lecteurs cōsiderent lediét temps, ilz trouueront que les scismes, & heresies de l'eglise commencerent durāt iceluy, & y eut quatre scismes, avec plusieurs heresies, desquelles nous deduyrons icy briefuement les principales. En notant premierement qu'à la verité il n'y a riēs, qui trouble tant, ou face si tost varier les chrestiens de la perfection de la foy, que les scismes, heresies, & diuisions, entre eulx: ne aufsi qui plus empesche les infideles à prendre & recepuoir la foy chrestienne, que quant ilz voyent les chrestiens diuifez entre eulx: ayans de leur foy diuerfes opinions.

*Secōde cause que Verdun, fut sans Euefques, furent les scismes & heresies de l'eglise.*

# Le premier liure des antiquitez de la gaule belgicque,

**Premier scisme.** ¶ LE PREMIER scisme de l'eglise chrestienne, fut enuiron l'an deux cés cinquâte quatre, cõtre le Pape Cornelius, q̄ Nouati<sup>o</sup> preb<sup>st</sup>re Gardinal de Rome, suscita par ce qu'il fut esleu Pape, par aucuns, toutefoys il n'auoit la pluralité de voix, & partant deiecté en desdaing, dequoy il suscita vne heresie appellée Nouatiane, de son nom: disant & asseurant que ceulx qui ont vne foys renoncé à la foy, apres le baptesme, iamais par penitence ne peuuent estre en la communication de l'eglise, ce qui fut condampné, par vn concile, tenu à Rome, de soixante Euesques.

**Herésie Sabelliane.** ¶ Heresie Sabelliane, laquelle auoit prins origine d'vn appellé Noetus, & depuis fut publiée par Sabellius enuiron l'an deux cens soixante, qui asseuroit vne seule personne, estre le pere, le filz, & le saint esprit, & nyoit Iesuchrist estre filz de Dieu, contre laquelle Athanasius feit le Symbole.

**Herésie des Manichées.** ¶ L'heresie des Manichées commença enuiron l'an deux cens soixante quatre, print son nom de Manes hereticque, mettant cinquante articles faulx, entre lesquelz il reproouue l'ordre de mariage, mettant principes, l'vn de bien, l'autre de mal. Il ostoit le liberal arbitre en l'homme, & asseuroit aussi Iesuchrist n'estre vray homme: mais fantastique, & autres plusieurs erreurs dampnées, au Sinode de Bracarense.

**Herésie Pauliane.** ¶ L'heresie Pauliane, introduicte enuiron l'an troys cés soixante cinq, par vn Euesque d'Antioche, nommé Paule, Samosetam affermant Iesuchrist estre simple homme, & non Dieu, & contredisoit à la virginité de la vierge Marie, laquelle heresie au concile d'Antioche, fut condampnée, & deposé Euesque du lieu, en luy donnant pour successeur, vn nommé Doninus.

**Herésie Arriane.** ¶ L'heresie Arriane, commença enuiron l'an troys cens vingt huit, laquelle pululla merueilleusement, & feit grand trouble en l'eglise chrestienne, asseurāt que Iesuchrist n'estoit vray Dieu, par laquelle heresie toute l'eglise Oriẽtale fut infectée, toutefoys il y eut grande resistance par le Pape Siluester, du temps Constantin le grant, & fut institué le concile de Nicene, de troys cens dix huit Euesques, auquel ledict Arrius fut condampné & enuoyé en exil, mais apres la mort de Constantin le grand, ladicte heresie fut reualidée, par ses enfans Constans, & Constantius, qui furent infectez d'icelle; & rappellerent Arrius, & ses faulx, en sorte que l'eglise & les catholicques endurent des maulx & persecutions indicibles, & signāment deux saintz docteurs Alexandre, & depuis Athanasius: & dura ceste heresie longuement: de laquelle furent plusieurs infectez, ensemble les nations Barbares, comme Gothz, & Vandeliz.

**Second scisme.** ¶ DE CELLE heresie, print origine le secõd scisme, qui fut en l'eglise chrestienne, enuiron l'an troys cens cinquâte quatre, entre Liberius, & Felix son cõpediteur en la Papaulte, en laquelle fut remis ledict Liberius, par l'empereur Constās, à raison qu'il subsigna & consentit en ladicte heresie Arriane, & dient aucuns que Felix fut decapité de l'ordonāce dudit Empereur, & que ce fut le dernier Pape qui fut martyrisé.

**Herésie Donatiane.** ¶ En ce mesme temps enuiron l'an troys cens soixante, print origine l'heresie Donatiane, par vn homme d'Affricque, nommé Donatus, qui infecta Cartage, & quasi toute l'Affricque, disant & asseurāt, qu'il failloit rebaptiser tous les chrestiens, & contre icelle disputa, & escript doctement saint Augustin.

**Herésie des Eumoniens.** ¶ Les Eumoniens en ce mesme temps infecterent les chresties, preschans, & asseurās que Iesuchrist n'estoit semblable à Dieu, par nature, mais par grace, & disoyēt outre que Dieu de sa substance ne cognoissoit, non plus que les hommes, & affermoient du pere, du filz, & du saint esprit, estre choses diuerfes, ilz furent condampnez au second concile, celebré en Constantinoble.

**Troisieme scisme.** ¶ LE TROISIEME scisme commença en l'eglise, enuiron l'an troys cens septāte & vn, Soubz le Pape Damasius, natif d'espagne, contre lequel pretendoit en la Papaulte vn nommé Ursicinus, & fut leur querelle debatue à force d'armes, de chacun costé, mesme dedans l'eglise, tellement qu'il y eut beaucoup de gens tuez, de costé, & d'autre. Finalement Damasius vainquit, & ledict Ursicinus qui s'estoit porté pour Antipape, se contenta de l'Euesché de Naples. Icy notent les historiens, que ledict

## depuis Iules Cesar iusques à Pharamond. F. xxxviii.

ledict Damafus fut le premier Pape, par main armée: toute fois on l'estime saint & glorieux confesseur. Il fut accusé d'adultere: mais il s'en purgea solemnellement, & fut le premier qui donna auctorité aux œures saint Hierome.

¶ L'heresie Priscillane commença premierement en Espagne, par l'Euesque Priscilia, enuiron l'an troys cés quatre vingtz & six, assuret le pere, & le filz, & le saint esprit, estre vne mesme personne. Il separoit les gens mariez à leur volunté. Finalement son erreur fut condampnée, & se retira à Treues vers Maximus, entrepreneur de l'Empire, qui le fit tuer & ses complices, par son Prefect, nommé Euodius.

*Herésie Priscillane.*

¶ L'heresie Pelagienne, print commencement enuiron l'an troys cens quatre vingtz dixneuf, par vn moyne nommé Pelagius, qui excita plusieurs heresies, entre lesquelles il soustenoit que l'homme peult meriter sans la grace de Dieu, & ne doit auoir cure de baptesme, ne des suffrages de l'eglise. Il fut en Angleterre, & infecta de son erreur quasi tout le peuple dudit royaume. Finalement pour extirper icelle, fut assemblé vn concile en Carthage, de deux cens dixhuit prelatz, ou saint Augustin assista, qui par sa doctrine confundit ledict erreur, enuiron l'an quatre cens.

*Herésie Pelagienne.*

¶ Voyant les docteurs & principaulx des Iuifz, leur Loy deffaillir iournellement, & celle des chrestiens augmenter: enhorterent deux, d'entre eulx, l'vn appellé Rabina, & l'autre Rabasse, composerent vn liure, appellé Thalmud, qui est plus grand que dix Bibles, auquel sont contenuz execrables & abominables mensonges, & menteries, contre les loix de Dieu, & de nature, & feirent ordonnance sur peine de la mort, à tout leur peuple, croire fermement, tout ce qui estoit contenu en iceluy, comme au liure de Moysé: en declairant, aux ydiotz, & à ceulx qui n'entendoyent les difficultez dudit liure, qu'il suffisoit pour leur foy, que lesdictz docteurs, & Rabi l'entendoyent, & que autrement n'en debuoyent disputer, avec les chrestiens, ce qui fut cause de leur plus grande infidelité, & damnation perpetuelle.

*Edition du Thalmud, par les docteurs.*

¶ LE QUATRIEME scisme, fut en l'eglise enuiron l'an quatre cens vingt troys, du temps de Boniface premier du nom, qui eut pour competitor, vn prestre nommé Eulalius, car il y eut diuision entre ceulx de l'eglise Romaine, par ce que les vnz esleurent ledict Boniface, qu'on disoit filz de prestre, dedans le palais de Iules, & les autres esleurent ledict Eulalius, dedans la Basilique Constantin, dequoy aduertit l'Empereur Honorius, filz de Theodose l'ancien: chassa lesdictz deux Antipapes hors de Rome: mais tost apres ledict Boniface fut r'appellé, & obtint seul le siege.

*Quatrieme scisme.*

¶ De cestuy scisme print origine vne heresie des predestinez, qui affermoient que riens ne profite pour auoir la vie eternelle faire bonnes operations, car Dieu a predestiné eternellement ceulx qui seroyent damnez, & qui seroyent sauuez: tellement que par ceste heresie les bons estoient retirez de bien faire, & les mauuais prouoquez à mal faire.

*L'heresie des predestinez.*

¶ En ce mesme temps commença l'heresie des Nestoriens, enuiron l'an quatre cens vingt quatre, publiée par Nestorien Euesque de Constantinoble, qui affermoit Iesuchrist estre pur homme, & non Dieu, & qu'en luy y auoit deux choses distinctes, l'vne par laquelle il estoit filz de Dieu, & par l'autre, filz de l'homme.

*Herésie des Nestoriens.*

¶ De ceste heresie s'ensuyuit vne autre appellée Euticiane, de Euticius, Abbé de Constantinoble, qui preschoit & affermoit, qu'en Iesuchrist n'auoit qu'vne seule nature, à sçauoir diuinité: pour extirper lesquelles heresies, fut assemblé le quatrieme concile general de l'eglise, enuiron l'an quatre cens cinquante quatre, en Calcedoine assise en Asie la mineur, qu'on dict maintenant Natolie, ou assisterent cinq cens trête Euesques, lesquels condampnerent lesdictes deux heresies, & fut déterminé que la vierge Marie, estoit vrayement mere de Dieu, & mere de l'homme: & qu'on l'appelleroit *Theotocos*, & *Christotocos*: en cestuy concile assista saint Loup de Troyes, & son disciple Polychronius, qui depuis fut Euesque de Verdun, & le premier apres les huit prelatz desquelz les noms sont incogneuz, comme nous dirons cy apres.

*Herésie Euticiane.*

¶ LA TROISIEME cause, pour laquelle nostre cité de Verdun, demeura sans

*Troisieme cause*

# Le premier liure des antiquitez de la gaule belgicque.

*que Verdun fut sans Euesque. furent les grandes emotions de guerre en la Gaule.*

sans Euesque, ou prelat, qui se osassent manifestement, denommer telz, prouint de grans troubles, & emotions de guerre, excursions, pilleries, & tyrannies, qui durant ledict temps s'exercerent par toute la Gaule: tant par les Romains qui occupoient icelle, que par les nouvelles factions, inuasions, & excursions, des nations Barbares, qui pour lors s'esleuerent, & inuaderent les terres, & seigneuries subiectes à l'empire en diuerses contrées, comme Gothz, Visigothz, Vvandelz, Alains, Allemans, & Germains, ensemble les rebellions nouvelles, entreprinſes que feirent les Sicambriens, ou François, estans encores soubz la conduite de Pharamond, & les Bourguignons soubz Godengus, pour l'erection des nouueaux royaumes de France, & Bourgogne, faicte durant ledict temps en la Gaule, en sorte qu'il y eut tant de calamitez, miseres, famines, & oppresions, que tout le pauvre peuple: signamment les chrestiens, estoient dispersez, vagabons, & quasi dechassez de leurs lieux naturelz, & n'osoient faire assemblée publicque sur la profersion de leur foy chrestienne.

¶ Pourquoy verifier ie me tray icy briefuement, aucunes desdictes emotiōs de guerre, qui furent durant ledict temps.

*L'empire gouverné par deux du tēps de Aurelius Verus, & Annius Seuerus.*

¶ P R E M I E R E M E N T, quant la chose publicque de l'Empire Romain commença estre gouvernée par deux Empereurs ensemble, ce qui aduint, enuiron l'an cent & six, soubz Marcus Aurelius Verus, qui print pour compagnō, Lucius Annius Seuerus, à lors certainement toutes les Gaules furent plus molestées, & inquietées des Romains, que parauant. Par ce que l'vn desdictz consors prenoit le gouvernement de l'occident, & l'autre de l'orien: & le plus souuent l'vn d'iceulx se transportoit en personne en la Gaule, Germanie, & lieux circonuoifins, ce qui donnoit occasion à ceulx du pays, viure en plus grande craincte & seruitude, soubz l'obeissance d'iceulx, & suyuir leur ydolatrie, sans oser recepuoir la saincte foy de Iesuchrist: combien qu'aucuns & plusieurs en eussent bon vouloir.

*L'empire gouverné par deux du temps de Valerian & Galerian.*

¶ Semblablement enuiron l'an deux cens soixante, soubz les Empereurs Valerian, & Galerian: l'Empire Romain fut totalement si troublé que de toutes parts y eut entreprinſes & factions nouvelles, & signamment depuis la prinſe dudit Valerian, par le roy des Persiens, & que son filz Galien commença à regner seul, en luxures, & voluptez, Durant lequel s'esleuerent: comme escriuent les historiēs, trente Tyrās, qui entreprendrent en diuers lieux, le nom d'Empereur. Entre lesquelz en y eut plusieurs en la Gaule, comme Posthumus, Victorinus, Tetricus, & autres qui l'occupèrent longuement contre les Empereurs Romains.

*L'empire trouble par trente tyrans*

¶ Et de ce aduint que les Gotz s'esleuerent en nombre indicible contre ledict Empereurs. Ausquelz resista tellement Clodius deuxieme du nom, qu'il obtint contre eulx vne merueilleuse victoire en Achaye, enuiron l'an deux cens septante & cinq: comme on peut veoir par les epistres qu'il enuoya à Bocchus gouverneur d'Illyrie, esquel les il escript ces motz.

*La victoire de Claudius.ii. cōtre les Gothz.*

Deleuimus trecenta milia Gotthorum, Duo milia nauium submersimus, testa sunt flumina scutis, spathis, & lanceolis, &c.

*Nation Barbare vers Septentrion, cōtre l'empire Romain.*

¶ Enuiron l'an deux cens septante sept, du temps d'Aurelian l'Empereur. Toutes les nations Barbares du costé de Septentrion coniuèrent, & conspirerent contre les Romains, vindrent par la Germanie, Allemagne, & parties de Gaule, avec multitude innumerable, pour entrer en Italie, pillant, bruslant, tuant, & gastant tout ce qu'ilz trouuoient. Allencontre desquelz l'empereur Aurelius mena son armée, qui pour la premiere rencontre fut vaincu d'iceulx: mais par apres en troys batailles fut victorieux: tellement que de six cens mil, il n'en demoura pas la sixieme partie. Ce faict ledict Aurelianus se retira en la Gaule, occupée par le Tyrāt Tetricus, qui cognoissant & craignant l'orgueil de ses gensdarmes Gauloys, qui de ce ne se doubtoient: rendit tout le pays, & mesmes lesdictz Gauloys, en l'obeissance dudit Aurelianus, sans coup ferir.

*Victoire de Aurelianus, contre les Gauloys.*

¶ En l'an deux cens quatre vingtz & quatre, l'Empereur Probus aduertit des tyrannies que les nations Barbares exerçoient en la Gaule, tira illec son armée, contre lesquelz

## depuis Iules cesar iusques a Pharamond. F. xxxix.

lesquelz eut plusieurs batailles, & belles victoires, comme il appert par ses lettres propres, qu'il escriuit au Senat de Rome, comme il s'ensuyt

A G O dijs immortalibus gratias. P. C. &c.

Quòd vestra iudicia vt comprobarem, subacta est omnis qua tenditur late Germania. Nouem reges gētium diuersarum ad meos pedes, imo ad vestros supplices strati iacuerūt. Omnes iam Barbari vobis arant, vobis iam seruiunt, & cōtra interiores gētes militant. Supplicationes igitur vestro more decernite, Nam 4 0 0 0 0. hostium cæsa sunt, 1 1 0 0 0. nobis oblata armatorum, & sexaginta vrbes nobilissimę captæ, & omnes pœnitus galliæ liberatæ. Arantur Gallicana rura Barbaris bobus, & iuga Germanica captiua præbent nostris colla cultoribus. &c.

¶ Apres ceste victoire lediēt Probus mena son armée contre les Gothz, & pendant son absence deux nouueaulx Tyrans Proculus, & Bonosus, entreprinrēt le nō d'em pereur, en la cité de Coulongne, & en brief temps subiuguerēt les Espagnes, & toute la Gaule, & appellerent les Germains pour estre leurs confederez, mais ilz refuserēt, craignant la fureur dudiēt Probus qui tost apres retourna en Gaule, & eut nouvelle victoire desdiētz Tyrans.

¶ En l'an deux cens quatre vingtz & dix, que Diocletian fut esleu Empereur: vne nation Barbare nommée les Bagarides, eĩmeurent grand tumulte de guerre, en la Gaule, soubz la conduĩte de deux capitaines Amádus, & Helimandus, lesquelz furent vaincuz & deffaiēt par Maximian, que Diocletian auoit fait son consort en l'empire, qui depuis exerça inaudĩtes tyrannies contre les chresties, estans en la Gaule. Et en ce mesme temps sainēt Maurice, avec sa compagnie Thebaide, furent par lediēt Maximian cruellement martyrisez: toutefoys ilz eurent quelque repos, quant Constantius, pere de Constantin vint à estre nommé Cesar, car il eut vne victoire glorieuse pres de Langres, contre innumerables Almans ydolatres, qui s'estoyent esleuez contre l'empire, en laquelle comme escript Eutropius, moururent d'iceulx 6 0 0 0 0. hommes, & depuis lediēt Constantius fut fait Empereur l'an troys cēs & dix, qui doucement gouerna la Gaule, en fauorisant aux chrestiens. Ce que firent aussi, son filz Constantin le grant, & ses enfans Constans, Constantius, & Constantinus: mais ilz furent infectez de l'erreur Arriane qui engendra nouvelles persecutions aux chrestiens & catholicques, comme nous dirons cy apres.

¶ Et à eulx succeda comme Empereur, le sacrilege & Apostat Iuliã, qui de nouveau en la Gaule, rendit les chrestiens en seruitude & calamitez plus grandes, que lesdiētz predecesseurs ydolatres, enuiron l'an troys cens soixante quatre, car les tēples des Gētilz furent par son commandement ouuerts, & en iceulx sacrifiē à leurs Dieux, en cōtemnant & vilipendant les chrestiens.

¶ Apres la mort dudiēt Iulian, combien que l'empire Romain vint au gouuernement d'aucuns bons chrestiens, comme Iouinianus, Valentinianus, Theodosius, Archadius, Honorius, & Theodosius le ieune: toutefoys ilz furent tant molestez des nations Barbares, cōme Huns, Gothz, Visigothz, Vandalz, Allains, Almans & Bourguignons entreprenans contre l'empire, & les vnz contre les autres, que tout estoit en trouble & confusion, par ce qu'aucues d'icelles nations estoyent infidelles, les autres chrestiennes, mais Arrianes comme on peut veoir par les histoires. Et finalement furent contrainētz les Romains appoĩter avec aucunes d'icelles nations Barbares, & leur donner lieu en la Gaule, & pour habiter, signanmēt aux Gothz, & Visigothz, qui furent iusques à Rome, soubz la conduĩte de leur Roy Athalaric, qui print la cité & la meit quasi toute à ruine.

¶ Durant lesquelles calamitez & troubles troys nouueaux royaumes s'esleuerēt en la Gaule.

¶ LE PREMIER fut en Aquitaine, soubz les Gothz qui occuperent icelle partie de Gaule.

¶ LE SECOND, fut le royaume de Bourgongne qui cōmença enuiron ce mesme temps, & fut esleu premier roy Gundengus, qui estoit d'ancienne lignée d'Athalaric, & Alaric, roys des Gothz & Visigothz, enuiron six ans auant Pharamond. Il

*Victoire de Probus en la Gaule contre les nations Barbares.*

*Entreprinse en la Gaule, par deux tyrans Proculus, & Bonosus.*

*Entreprinse en la Gaule par les Bagarides.*

*Maximian exerçant tyrannies en la Gaule.*

*Repos des chrestiens, durant Constantius pere de Constantin le grant*

*Les enfans de Constantin hereticques.*

*Les tyrannies de Iuliã l'apostat en la Gaule.*

*Les persecutions des Gothz Vandalz, & autres nations Barbares*

*Les Romains cōtrainētz donner lieux aux nations Barbares.*

*Erection de troys royaumes nouueaux*

# Le premier liure des antiquitez de la gaule belgicque,

fut chrestien, & pour dilater son royaume, conquist Lyon, Daulphiné, Marseille, Provence, iusques à Nice sur la mer.

¶ LE TROISIEME Royaume, fut celluy des François, ou Sicambriés, qui esleurent premier roy Pharamond, estant infidelle, & Payen, aussi furent ses successeurs, iusques à Clouis, comme nous dirons cy apres en parlant d'iceulx.

*Verdun durant les dessusdictes troubles fut sans Euesques.*

¶ Or par ce que dict est dessus, appert clairement les causes des troubles & molestations que les pauures chrestiens eurent en la Gaule, & signamment en nostre cité de Verdun, les habitans de laquelle, combien qu'aucuns d'eulx fussent chrestiens, & perfeuerans en la foy: toutefois ilz n'auoient aucuns prelatz, ou pasteurs durât le temps desdictes calamitez & troubles, qui osassent porter manifestement le nom d'Euesque ce qu'y dura bien longuement, comme de deux cens trente deux ans, ainsi que dessus auons dict.

*Les huitz docteurs entretenés en la foy chrestienne ne les Verdunoys durant & par l'espace de deux cés ans.*

¶ Or nonobstant ce, Dieu par sa clemence, misericorde & bonté, qui iamais ne laisse les seruiteurs estre surmontez des ennemys, sans donner consolation, ou prouision suffisante à resister, permit de sa grace, que durant ledict temps de deux cens trente deux ans, les chrestiens estans en nostre cité de Verdun, eussent huitz saintz docteurs, Senateurs ou prelatz, l'vn apres l'autre, qui les endoctrinerent, prescherent, & entretindrent en la sainte foy chrestienne: soubz toutefois vne telle seruitude, & crainte, qu'ilz n'osèrent iamais porter le nom & tiltre d'Euesque. Combien qu'apres leurs mortz, l'vn apres l'autre, furent reueremment inhumez en vn mesme tombeau comme Euesques, au circuit de l'ancienne Eglise, & oratoire erigée premierement, soubz les noms saint Pierre, & saint Paul, par le premier Euesque de Verdun, saint Sainctin, laquelle estoit pour lors l'Eglise cathedrale, & siege principal des Euesques dudiect Verdun, que present on appelle le monastere saint Vanne. Et de ce aduint par disposition diuine, que les noms d'iceulx ont esté, & sont encores de present ignorez, & incogneuz.

*Les huitz docteurs inhumez en vn mesme tombeau à Verdun.*

*Les sepulchres desdictz huitz docteurs incogneuz par l'espace de six cens ans.*

¶ Semblablement ledict sepulchre, ou ilz estoient inhumez fut ignoré par l'espace de plus de six cens ans, à scauoir iusques au temps de l'Empereur Héry premier du nô, successeur d'Otho troisieme, qui comença à regner en l'an mil, & troys: & pendant que Haymo estoit Euesque de Verdun, & le Beat Richard Abbé de ladicte Abbaye de saint Vane, durât leq'l réps ledict sepulchre fut trouué, & reuelé, ainsi qui s'esuyt.

**H**enry premier Empereur, réputé saint pour ses vertuz, durant sa vie fut totalement donné à Dieu, & eut grande familiarité & amitié au Beat Richard pour lors Abbé de saint Vanne, & tellement que souuent le visitoit & conféroit avec luy, des faitz de sa cōsciēce, & des choses spirituelles, comme nous dirōs amplement en la vie dudiect Beat Richard, qui vn iour voyât l'Eglise de saint Vane de petite structure, & edifice, par ce qu'elle auoit esté par plusieurs foys ruynée par guerres & tyrannies des Normas, & Dannoys: comme nous dirons en la deductiō de nostre histoire, bailla grosse somme d'argēt audict Abbé Richard, pour la faire réedifier & amplifier, ce qu'il entreprit: & pour ce faire, ordonna faire les fondementz nouveaux, au circuit de l'ancienne Eglise. En quoy faisant, fut trouué vn grad sepulchre & monument, ou estoient huitz corps mortz gifans, & sur iceulx y auoit vn Epitaphe en la forme qui s'ensuit.

*Inuention du sepulchre des huitz docteurs.*

*Epitaphe trouuée sur les corps desdictz .viii. docteurs.*

Cominus astantes cognoscite quique fideles.  
Octo senatores, hac hic completitur ades,  
Quos Verduna sedes meruit sibi praesidantes,  
O quantus locus es, qui tot seruas tibi patres,  
Per quos tutus ades, per quos gratissime fulges,  
Ergo suas plebes saluent huc conuenientes,  
Laudibus instantes seruent hic & vndique fratres.

¶ Quoy voyant ledict Abbé Richard, fut forioyeux d'auoir trouué ledict sepulchre, & delibera en soy faire releuer lesdictz huitz corps saintz, & les mettre en autre lieu plus honorablement & manifiement qu'ilz n'estoient à son iugement. Si aduint qu'en la nuit precedente le iour, qu'il debuoit transporter lesdictz corps, vn religieux dudiect

# depuis Iules Cesar iusques à Pharamond. F. xl.

dudict monastere nōmé Paranomarius, ouit vne voix disant, va à labbé Richard, & luy dy de par moy & mes compagnons qu'il nous laisse au lieu, ou nous sommes inhumez en attendant le iour du grand iugement de Dieu, & en signe de ce & pour monstrier qu'est la volonté de Dieu, il trouuera les mains dextres de nous entieres, & sans corruption sur noz poictines couuertes de gandz blācz sans pourriture. Ceste reuelation fut le lendemain declarée audiēt Abbé Richard qui experimēta la verité d'icelle, & trouua tout ainsi que le religieux luy auoit referé, si rendit graces à dieu, & laissa lesdictz corps sainctz en l'estat & au lieu dessusdict: toutefois à fin que vn chascun eust plus grand zele & deuotion à reueremment honorer & magnifier les oeures diuines, il ordōna meētre sur ledict sepulchre vne tōbe de Pierre esleuée. à fin qu'on ne marchast poit dessus, & sur icelle efcrite & insculper lesvers qui s'ensuiuet.

*Reuelation diuine  
faicte à vn reli-  
gieu de laisser les  
corps des huit do-  
cteurs en le monu-  
ment iusques au  
iour du iugement.*

- *Templum Richardus abbas hoc amplificando,*
- *Octo pontificum fodiendo iuncta sepulchra,*
- *Repperit hic subitus, quorum ille decentius horum*
- *Sedem mutare decreuerat, obruit hinc nox.*
- *Hec Paranomario fratri tunc reddit a vox est,*
- *Dicas, vt nostris permittat sedibus Abbas.*
- *Expectare diem domini, sibi signa sequentur.*
- *Nulla corruptas nostras putredine dextras.*
- *Nostris pectoribus verum positas manus ipse*
- *Ornatas albis mane inueniet Chirothecis.*
- *Letus analogium tumulum tunc addidit Abbas,*
- *Ne ququam hanc terram pede calcant inuerecundo.*

*Les mettres de  
labbé Richard sur  
le tombeau de ses  
huit docteurs.*

¶ Or ce fait ledict monument demoura en tel estat par l'espace de plus de quatre cēs ans, durant lequel temps ya tousiours eu affluance de gens sains & malades, qu'en lhōneur de Dieu l'ont visité en prieres & deuotiō, tellement que Dieu par sa grace ya monstrier plusieurs oeures miraculeuses, & depuis pource que par antiquité il estoit venu en aucunes ruines & demolitions, en l'an mil quatre cens soixante trois Abbé pour lors dudict saint Vēne le fait reparer de nouueau, & y meētre & apposer vne grande pierre esleuée sur huit petitz pilliers comme on voit encores presentement au grant Cimitiere de ladiete abbaye saint Venne, qui est iournellemēt frequentée & visitée en lhonneur de dieu, par les bonnes & deuotes gens de nostre cité de Verdun & dessus l'Epitaphe suiuant.

*Le tombeau de ses  
huit docteurs re-  
paré & renouue-  
lé l'an mil quatre  
cens soixante trois.*

- *Mille quatercentum sexdeni tres simul anni,*
- *Huius analogii renouantur tegmina sacri,*
- *Tam bene dum Iulii decurrunt tempora mensi.*

# Le premier liure des antiquitez de la gaule belgicque.

Des Papes qui ont esté depuis l'Euesque Arator iusques au tēps de Pharamond premier Roy de France, durant lequel & quelque peu d'auantage l'Eglise de Verdun à esté sans Euesque, toutefois gouvernée par les dictz huiſt prelatz encores incogneuz

*Urbain premier  
du nō Pape. xviii.*



**U**R B A I N premier du nom, Romain de natiō, fut Pape enuiron l'an deux cens vingt six, homme de doctrine & saincte vie, il institua premierement que l'Eglise receuroit les biens, rentes, terres, prez & autres fondations que les princes Chrestiens & autres donneroient pour l'entretienement des clerz & prebstres qui viuroient en commun sans possession priuée, ce que auourd'huy est aboly. Depuis il mourut martir apres qu'il eut tenu le siege huiſt ans.

*Pontianus pape  
xix.*

**P**ontianus Romain, hōme tresbon & iuste exercea la papaulté l'an deux cens trente quatre, & fut enuoyé en exil en l'isle de Sardaine du temps des persecutions de Maximianus, ou il endura tant de miseres & calamitez qu'il mourut illec apres qu'il eut tenu le siege six ans.

*Antherus .xx.  
pape.*

**A**ntherus Grec de nation, homme de grande saincteté & bonté, obtint la Papaulté apres ledict Pontianus, mais il fut martirisé vn moys treze iours apres. Toutefois il institua des notaires pour escrire les gestes des martirs à fin d'augmenter le Zele de la foy Chrestienne. Aucuns Historiens on escrit qu'il teint le siege apres Pōtianus par vn an & trois moys, lequel il laissa: mais ceste opiniō n'est la plus apparante de la verité.

*Fabianus. xxi.  
pape.*

**F**abianus natif de Rome, fut esleu pape en l'an deux cens quarante, pource qu'apres la mort de son predecesseur, pendant qu'il estoit questiō de faire vn nouveau Pape. Vne columbe miraculeusement descendit sur sa teste. Il ordonna tous les ans renouveler le sainct crespine, & deffendit contracter mariage en lignage plus prochain de cinq degrez, il mourut martir apres auoir tenu le siege treze ans deux moys.

*Cornelius. xxii.  
pape.*

**C**ornelius de nation Romaine, hōme tresdocte & sçauāt fut Pape l'an deux cens cinquante quatre. Il escriuit plusieurs epistres contre les heresies pour lors regnātes à sainct Ciprian estant en Carthage, il fut mis en exil, & depuis martirisé apres auoir tenu le siege vn an & sept moys, combien que l'histoire ecclesiastique met trois ans, mais cela ne peult conuenir à la supputation du temps, à la verité vault mieux dire deux ans.

*Lucius. xxiii.  
pape.*

**L**ucius natif de Rome, fut Pape l'an deux cens cinquante sept. Il fut premier mis en exil par Volusian empereur, & depuis martirisé par Valerian apres qu'il eut tenu le siege trois ans.

*Stephanus premier du nom. xxiiii.  
pape.*

**S**tephanus premier du nom natif de Rome, premier Archediacre, soubz le pape Lucius, & depuis esleu Pape l'an deux cēs cinquante neuf, il feit les defenses & prohibitions de reiterer le sacrement de baptesme contre aucuns Asiaticques & Affricans qui tenoiēt ceste heresie, & mourut martir apres qu'il eut tenu le siege trois ans.

**S**ixtus deuxieme du nom, Grec de nation, de la cité d'athenes & philosophe tresçauant, fut Pape lan deux cens soixāte deux, il escriuit tresdoctemēt contre



# depuis Iules cefar iufques a Pharamond. F.xli.

cōtre les heresies, fignamment Sabellianes, & fut precepteur de faint Laurēs, il mourut martir apres auoir tenu le fiege deux ans neuf moys, icy ya diuerfité entre les hiftoriens, Parce qu'aucuns ont efcrit que fixtus teint ledict fiege vnze ans.

**Dionifius** natif de Damafque, eftant moyne fut fait pape, lan deux cens foixante fix, il distribua premierement aux prebftres eftans à Rome les eglifes & les Cimitieres, & fi diuifa à ceulx de dehors Rome, les eglifes par parroiffes & diocefes, il mourut martir apres auoir tenu le fiege six ans & deux moys felon aucuns, les autres efcriuent qu'il fut Pape en lan deux cens trente deux & qu'il teint le fiege neuf ans.

*Dionifius .xxxvii. Pape.*

**Fœlix** Romain de nation, fut Pape lan deux cens foixante douze, les autres efcriuent qu'il fut Pape la premiere année de l'Empire de Probus, & de fon tēps print origine, l'heresie des Manichées, cestuy fœlix teint le fiege quatre ans trois moys, les autres efcriuent cinq ans.

*Felix .xxxviii. Pape.*

**Eutichianus** de nation Tufque, hōme de grande fainteté & grand ſçauoir fut Pape lan deux cens foixante & feze, les autres diēt deux cēs quatre vingt & fept, on liēt que de fon temps il enfeuelit & inhuma de ſes propres mains plus de trois cens martirs, il mourut martir apres qu'il eut tenu le fiege vn an & vn moys, & les autres efcriuent huit ans neuf moys, & encores aucuns autres dix moys feulement.

*Eutichianus vint & huit pape.*

**Caius** natif d'Almatie, aucuns l'appellent Gayanus qui estoit du ſang & parenté de Diocletian, fut Pape lan deux cens ſeptente ſept, les autres efcriuent deux cens ſeptente huit, fut celuy qui institua premierement la diſtinction des ordres qui ſont en l'Eglise, & mourut martir ſoubz ledict Diocletian apres qu'il eut tenu le ſiege vnze ans, combien que Eufebe diēt qu'il le teint quinze ans.

*Caius .xxxix. papa*

**Marcellinus** natif de Rome, fut pape lan deux cēs quatre vingtz & quinze les autres efcriuent trois cens & trois. On liēt de cestuy que durant la perſecutiō de Diocletia, il fut prins par les perſecuteurs & mené aux tēples de leurs Dieux, auſquelz de paour de mourir il ſacrifia, dont depuis eut ſi grande repentence qu'en plain concille confeſſa ſon crime, demandant penitence condigne: toutefois il ne fut d'aucun condēné: mais excuſé diſans que cōme ſaint Pierre il auoit failly. Depuis virilement il argua & reprint Diocletian de ſa tyrannye & de la faulte qu'il auoit fait, tellement qu'il le condamna à mourir, apres qu'il eut tenu le ſiege neuf ans deux moys, & ſelon les autres quatre ans ſeulement.

*Marcellinus .xxxix. pape.*

**Marcellus** natif de Rome, fut Pape l'an trois cens & quatre, les autres diēt trois cens ſept, il fut apprehendé par les ſatallites de Maxentius & mis en priſon en lieu tresobſcur vilain & infect, ou il mourut de miſere & paureté apres qu'il eut tenu le ſiege cinq ans ſix moys, les autres diēt ſeulement vn an huit moys.

*Macellus Pape .xxxxi.*

**Eufebius** Grec de nation, fut Pape l'an trois cens & neuf, on liēt que la vraye croix fut trouuée ſoubz cestuy, à la verité ce fut ſoubz Silueſter, il mourut apres qu'il eut tenu le ſiege deux ans ſix moys, les autres efcriuent ſeulement huit moys, & icy ya grande diuerſité entre les Hiftoriens.

*Eusebius pape .xxxix.*

**Melciades** natif d'Affricque, homme de grande ſainteté & doctrine fut Pape l'an trois cens & vnze, & fut martirifé ſoubz Maximianus & liēt on que ce fut le dernier des Papes qui furent martirifé depuis ſaint Pierre, tellement que luy & tous ſes predeceſſeurs furent martirifé & non les ſubſequens il teint le ſiege quatre ans ſept moys.

*Melciades pape .xxxiiii.*

¶ Silue-

# Le premier liure des antiquitez de la gaule belgicque,

*Silueſter Pape  
xxxiii.*

**Silueſter** natif de Rome, fut Pape l'an trois cēs quatorze, hōme diuin, beau de corps, en parole doux & affable, en meurs & vertus ſainct, en la foy treſcatholique, charitable aymé de tous, tant chreſtiens que infideles, il baptiſa Cōſtantin l'Empereur qui luy feit & à l'eglīſe Romaine vne merueilleuſe donatiō, librement laiſſant la cité de Rome pour ſon ſiege, & à ſes ſucceſſeurs, eſliſant le ſiege Imperial à Bizantium qu'il nomma de ſon nom Conſtantinoble. Ceſtuy ſilueſter fut preſident au concille de Nicene celebré contre l'herēſie d'Arrius, & depuis il mourut ſainctement apres qu'il eut tenu le ſiege vingt deux ans.

*Marcus Pape  
xxxv.*

**Marcus** natif de Rome ſucceda à Silueſter en la Papaulté, lan trois cens trente ſix, il inſtitua en la meſſe le **C R E D O** ou eſt cōtenu le Simbole de la foy eſtre chanté, & puis mourut apres qu'il eut tenu le ſiege deux ans ſept moys.

*Iulius Pape.  
xxxvi.*

**Iulius** Romain de nation, hōme de treſgrande ſaincteté & doctrine, fut Pape lan trois cens trente huit, grand impugateur des arriens, & ſoubz luy furent premierement inſtituez les prothonotaires, & mourut apres qu'il eut tenu le ſiege quinze ans deux moys.

*Liberius Pape.  
xxxvii.*

**Liberius** natif de Rome, fut Pape en l'an trois cens cinquante quatre, du tēps des Empereurs Conſtantius & Conſtans, du commencement fut grāt oppugateur de l'herēſie Arriane & deſenſeur du ſainct hōme Athanaſius. Tellement qu'il fut enuoyé en exil ou il fut long tēps, & en ſon lieu fut vn bon & ſcauāt prebſtre nommé **Fœlix** qui touteſois n'eſtoit hereticque. Finalemēt lediēt Liberius fut reuocque & remis à Rome, par ce qu'il ſe inſcript par la vouldenté de l'Empereur en l'herēſie Arriane, dont l'Eglīſe Chreſtienne demoura long temps en grand trouble & diſſention, & mourut Liberius, apres qu'il eut tenu le ſiege ſelon aucuns, ſix ans trois moys, ſelon les autres dix ans, & encorés ſelō autres ſeze ans. Et fault icy noter qu'il ya grande diuerſité entre les Hiſtoriens, tellement qu'aucuns ont eſcript que ce ne fut Liberius qui ſe inſcript, mais vn nommé **Leo** qui perſecuta longuemēt ſainct Hilaire Eueſque de Poictiers.

*Fœlix. ii. du nom.  
xxxviii. Pape.*

**Fœlix** deuxieme du nom. Romain fut fait pape apres leiectiō de Liberius, diſſimulant eſtre Arrian, combien que à la verité il fuſt bon catholicque cōme on peult iuger par ſes faitz. Si ne teint le ſiege que vn an quatre moys pēdant le-xil dudiēt liberius, & fut deiecté par l'Empereur Valerius hereticque qui le feit decapiter ſelon aucuns, & partant fut le dernier martir des Papes.

*Damaſus Pape.  
xxxix.*

**Damaſus** natif en Eſpagne, fut Pape apres Liberius, lan trois cēs ſoixante & huit, homme de grande literature, qui ordōna pluſieurs Decretz treſvtilēs en l'Eglīſe Chreſtienne, il cōpoſa les vies & geſtes des Papes iuſques à luy & ordonna auctorité aux tranſlations que ſainct Hierome auoit faitz ſur les liures de la bible, & mourut apres auoir tenu le ſiege dixhuit ans, il y eut Scīſme de ſon tēps par **Vrſiciuſ** qui pretendoit eſtre Pape: mais il en fut debouté par l'auctorité de l'Eglīſe, & lediēt Damaſus abſoulz des crimes à luy impoſez.

*Siricius Pape. xl.*

**Siricius** natif de Rome, fut Pape du temps de Valentinian, lan trois cens quatre vingtz & neuf, il deiecta les Manichéens de la cōmunication des Chreſtiēs, & deſſendit que les Bigames ne fuſſent admis aux ordres eccleſiaſtiques, & mourut apres auoir tenu le ſiege quinze ans vnze moys.

*Anaſtaſius. xli.  
Pape.*

**Anaſtaſius** de nation Romaine, fut Pape lan quatre cens & quatre: il ordōna que durant la lecture de l'Euangile les prebſtres & gens laiz feuffent de bout, & mourut apres auoir tenu le ſiege trois ans, il fut noté de l'herreut des Neſtoriens.

**Innocent** premier du nom, natif d'Albanie, fut Pape l'an quatre cens & huiet, homme de sainte vie, Il gaigna la faueur & amitié de Theodosius l'Empereur & persecuta fort les hereticques & institua la paix estre donnée en celebrant la messe, si mourut apres auoir tenu le siege quinze ans. *Innocentius Pape quarante deux.*

**Des Empereurs qui ont regné depuis ledict Euesque Arator iusques au temps de Pharamond premier Roy de France.**

**M**ARCUS AVRELIVS, Anthoninus Varius, surnomé Heliogabalus fut Empereur l'an deux cens vingt & vn, & duquel en son commencement, le Senat & le peuple Romain, auoient grande esperence d'un bon Empereur: mais il se trouua en toutes meschancetez & lubricitez indicibles, tellement que pour l'horreur de sa vie impudique, apres qu'il eut regné enuiron quatre ans il fut miserablement tué à Rome avec sa mere, & son corps trainé par toutes les rues de Rome en maniere de charongne, en criant par ceulx qui le trainoient, voicy la chaine d'insatiable lubricité.

*Marcus aurelius surnommé Helio gabal Empereur xxxiii.*

**Alexander** Seuerus filz de la noble dame Mammée tresbonne chrestienne fut crée Empereur l'an deux cens vingt cinq, & au parauant auoit esté par son predecesseur nommé Cesar en son aage de douze ans, ce que le Senat aproua en l'appellant Auguste pour la grande expectation qu'on auoit de luy à raison de ses vertus & bonnes doctrines, esquelles sa bone mere l'auoit de ieunesse nourry. De son temps il feit choses grandes & vertueuses; Eut victoire des perses, & singulierement en tous ses affaires il suiuit le conseil de Vlpianus iuriconsul, & tenoit vne telle feuerité qu'il admettoit peu de gens pour parler à luy fors ledict Vlpianus, à raison dequoy les gens d'armes prindrent hayne en luy & le tuerent piteusement estant deuant Magoce, dont fut tresgrand dommage, & en feit le Senat grand doeil, si tint l'Empire treze ans, on liét de luy qu'il auoit oy de quelque Chrestien, ceste auctorité euangelicque, Non facias aliis que tibi fieri non vis, laquelle il pris tant que quasi continuellement il l'auoit en la bouche, & ordonna l'escrire & insculper par les places & lieux publiques.

*Alexander Seuerus Empereur xxxv.*

**Maximinus** natif de Trace, fut fait Empereur apres la mort d'Alexandre, laquelle il auoit procurée en l'an deux cens xxxviii, & ce par l'election des gens d'armes non du Senat: car il estoit extrait d'infime condition & de son commencement pasteur de bestes, depuis suiuit l'art militaire, il auoit le corps oultre mesure d'homme grant, avec ce prompt & de grande hardiesse qui fut la cause de son election, il exerça la sixieme persecutiō contre les chrestiens & subiuga les Germains iusques à Fræconnie, & en la Gaule, il vainquit & tua les deux Gordias pere & filz, que le Senat auoit ordonné entreprendre contre luy. Finalement estant en Acquilée fut tué par vn nommé Pupprienus avec son filz ieune enfant, En la mort duquel les gens militaires par moquerie disoient d'une mauuaise race ne fault garder petit chien, il ne regna en tout que trois ans,

*Maximinus Empereur xxxvi.*

**Gordianus** filz de la fille Gordian l'ancien, homme extrait de grande noblesse obtint l'Empire par decret du Senat, l'an deux cens quarante & vn, cōbien qu'il eust deux aduersaires Puppien & Gabienus freres, qui auoient tué Maximinus: toutefois iceulx furent tuez dedans le palais, parquoy ledict Gordianus demoura seul, & entreprint l'expedition cōtre les Parthes, desquelz il eut victoire & puis mena guerre cōtre les Perses, & en retournant son exercice fut en quelque necessité de viures, à raison dequoy il fut tué par son successeur Philippe apres qu'il eut regné trois ans.

*Gordianus vingt & sept Empereur.*

Phi

# Le premier liure des antiquitez de la gaule belgicque.

*Philippe . xxviii.  
Empereur.*

**Philippe** natif d'Arabie, obtint l'Empire apres Gordian l'an deux cens quarante sept, & fait consort de l'Empire son filz le ieune Philippe estant en l'aage de douze ans: mais si feure & modeste que de l'aage de cinq ans, on ne le veid iamais rire, & qui plus estoit, vn iour que son pere ryoit profusement, il le reprint & argua virilement, ces deux icy furent les premiers entre les Empereurs qui furent Chrestiens, & aduenant vn iour de Pasques voulans recepuoir le corps de Dieu, furent empeschez par le Pape Fabianus iusques à tant qu'ilz eussent confessé leurs pechez, ce qu'ilz feirent deuotement.

¶ On liét que durant leur Empire, l'an mil, de l'edification & erection de Rome fut complet, auquel on celebra grand festin en ladicte cité avec ieux theatrales durât trois iours & trois nuitz, & finalement ilz furent tuez par les gens d'armes à la poursuite de Decius leur successeur en hayne de ce qu'ilz estoient chrestiens, apres qu'ilz eurent regné sept ans.

*Decius Empereur  
xxxix.*

**Decius** natif de Pannonie inferieure, fut Empereur l'an deux cens cinquante quatre, & print pour consort de l'Empire son filz, il exerça la septieme persecution contre les chrestiens & fait vn edict que tous les Chrestiens fussent tuez. Parquoy soubz luy en mourut innumerablement, à raison dequoy & combien qu'il feust vaillant & belliqueux: toutefois il fut vaincu, par les Gothz, gens Barbares qui auoient passé le fleue d'Istre, & entre les pays subiectz aux Romains, desquelz au commencement furent tuez trente mille; mais à la fin le filz dudit Decius fut tué & luy noyé en passant confusement avec sa gendarmerie à vn petit fleue, & son corps ne fut iamais trouué. On liét aux histoires des martyrs quil mourut au palays present sa femme vexe du diable, apres quil eut fait mourir saint Sixte Pape, saint Laurens, saint Ypolite & autres, & ne teint l'Empire qu'environ deux ans.

*Gallus Hostilius  
Empereur. xxx.*

**Gallus** surnommé l'Hostilius fut Empereur avec Volusianus son filz qu'il print pour consort l'an deux cens cinquante & sept, il fut persecuteur des Chrestiens comme son predecesseur Decius, à raison dequoy ne vesquit gueres: car vn quidam de infame estat Mauritan nommé Emilianus se esleua contre luy es pays de Mœsie, auquel voulant resister, ledict Gallus fut tué & son filz par les gens Militaires, apres qu'ilz eurent regné deux ans quatre moys, semblablement ledict Emilianus fut tué quatre moys apres.

*Licinius Valerianus  
Empereur trete vn.*

**Licinius Valerianus** surnommé Colobius Romain, estant es pais de Rethie, & Noricque fut esleu Empereur par les gens d'armes en l'an deux cens cinquante neuf, les autres escriuent deux cens cinquante sept, il fait regner son filz Galienus avec luy, il persecuta les Chrestiens comme ses predecesseurs, ledict Valerianus estoit de noblesse, mais peu prudent, il entreprint l'expedition contre Sapor Roy des Perles ou il fut vaincu, prius prisonnier & redigé en telle seruitude q quant ledict Sapor vouloit monter sur son cheual, ledict Valerianus luy submeitoit son doz pour monter dessus. Galienus son filz regna seul depuis la captiuité de son pere Mitiga la persecution des Chrestiens: toutefois s'adonna à toutes luxures, finalement il mena son exercice cõtre vn sien capitaine nommé Aureolus voulât regner à Milan, & fut aduertty qu'en diuers lieux on entreprenoit contre l'Empire, dequoy adonné à ses luxures s'en mocquoit & parce fut tué, & de son temps l'Empire fut beaucoup diminué, il regna apres son pere neuf ans, & ainsi les deux ensemble regnerent quinze ans.

*Claudius Flavius  
Empereur. xxxii.*

**Claudius Flavius** fut esleu Empereur l'an deux cens soixante quatorze, nommé par son predecesseur Gallien, & par tous les gens militaires prouué par le Senat, pour ses grâdes vertus, hõme modeste Zelateur de iustice, magnanime & digne de l'Empire. Il associa à l'Empire son frere Quintilius homme parfait

# depuis Pharamond iusques à Charlemagne F. xliij.

parfaict en toutes bontez & vertuz, imitateur de sondict frere. Cestuy Claudius eut plusieurs belles victoires, signamment contre les Goths, qui occupoient Macedoine, Hongrie, & Meosie, passé plus de xv. ans. Et depuis contre les Germains, & Almans ou y eut plus de xxx. mil hommes tuez, & si restitua Egipte, en l'obeissance des Romains, Contre lesquelz fortune enuieuse leur osta tost apres, ce bon Empereur Claudius, par maladie, de laquelle il mourut, ayant seulement regné vn an ix. mois: dont le Senat mena grand dueil, & luy fut erigée vne statue d'or au Capitolle. Sō frere Quintilius, succeda à l'Empire, comme le plus digne apres luy: mais pour les vertuz & seueritez de luy, fut tué miserablemēt, par les gens militaires, dix sept iours apres la mort de son frere. On liēt que Cōstantin le grand descendit par posterité du sang d'iceulx.

*Quintilius Empereur.*

**Aurelianus** ayant esté institué Cesar, par Claudius son predecesseur, fut esleu Empereur, l'an deux cens septēte six, hōme excellent en vertu, & en armes. Toutefois cruel, qui cōdemna à mort plusieurs senateurs, & mesmes le filz de sa sœur, il exerça la persequution huitieme contre les Chrestiens. Et eut plusieurs belles victoires contre les Goths, & Gaulois, & paruint iusques aux Indes, & augmenta fort l'Empire Romain diminué soubz aucuns de ses predecesseurs, & fut le p̄mier des Empereurs qui porta diademe à Rome, & qui vestit robe d'or, il institua aussy à manger chairs de porc, ce que parauant n'estoit accoustumé. Finalement il fut tué p̄s Constantinoble par ses gens d'armes apres auoir regné cinq ans, six mois.

*Aurelianus xxxxiij. Empereur.*

**Tacitus** fut esleu & institué Empereur par le Senat, l'an deux cēs quatre vingtz, hōme prudent & vertueux digne de l'admission de l'Empire, mais il ne peult monstrier ceures vertueuses, par ce qu'il fut tué par les gens militaires, ap̄s qu'il eut regné six mois.

*Tacitus xxxxiij. Empereur.*

**Florianus** frere du dessusdict, entreprint l'Empire, apres la mort de son frere, de son autorité, & non du Senat. Parquoy aduertuy que Probus estoit esleu par le Senat, & la gendarmerie, il se fait mourir, par l'incision d'vne veine.

*Florianus n'est nommé entre les Empereurs.*

**Probus** natif de Pānonie, filz d'vn Jardinier, fut esleu Empereur apres la mort de Tacitus, en l'an deux cens quatre vingtz & vn, par le consentement & approbation d'vn chascun, par ce qu'il estoit homme vertueux, magnanime, & tres expert en l'art militaire, il eut plusieurs victoires en la Gaule, & toutefois il fut tué de ses gens, par vne faction tumultuaire, qui depuis luy erigerent vn beau monument sur lequel escriuirent ces motz, *Hic probus Imperator, & vere probus situs est, victor omnium gentium barbararum, victor etiam tyrannorum.* il regna en tout six ans quatre mois.

*Probus xxxv. Empereur.*

**Carus** natif de Narbonne es Gaules, fut Empereur, l'an deux cēs quatre vingtz & huit. Il associa avec luy ses deux filz Carinus & Numerianus, il mena son exercice en orient contre les Perses, & en passant par Anthioche, son filz Numerianus, voulant entrer aux temples des Chrestiens, fut empesché par saint Ciril, lequel il tua, & depuis ledict Charus fut tué de fouldre, & ledict Numerianus deuint aueugle, & fut tué par le pere de sa femme. Carinus l'autre filz s'adonna à toute luxure & paillardise, tellement que finalement, il fut tué par l'vn de ses subiectz, duquel il auoit stupré la femme, & regnerent en tout deux ans.

*Carus xxxvi. Empereur.*

**Diocletianus** natif de Dalmatiē, de petit & infime lignage, hōme de sagacité, fin, & d'engin subtil, fut esleu Empereur l'an deux cens quatre vingtz & huit. De son tēps l'Empire Romain fut fort troublé en diuers lieux: car Caurausius occupa Angleterre, Iulianus, Italie, Achileus, Egipte, vn peuple nommé les Quingentians occuperent Affricque, Narseus, la Perse, & quasi tout l'Orient, les Bigariens, aliàs Bagarides, entreprendrent la Gaule, & toute la Germanie,

*Diocletianus Empereur xxxviij.*

# Le.i.liure des antiquitez de la gaule belgicque,

*Maximian Em-  
pereur. xxxviij.*

quoy voyant Diocletian, il associa à l'empire Maximian, surnommé Hercules, homme cruel & rustique, & l'enuoya es Gaules es parties occidentales, & luy entreprint les parties Orientales, & pour mieulx resister audictes entreprinſes, ilz constituerent ſoubz eulx deux Cefars, a ſçauoir Gallerus Maximinus & Constantius, lesquelz n'auoient ſemblable puissance, ou autorité, comme leſdictz Empereurs, & neſtoiet appellez Auguſtes: mais ſeulement, cōme creez & inſtituez ſucceſſeurs des Empereurs, & ce pendant Lieutenantz & commis à la deſſence de la choſe publique de l'empire, Ces deux icy Diocletianus, & Maximianus exercerent la dixieme perſecution contre les Chreſtiés, laquelle dura lōguemēt, & fut trescruelle, outre toutes les pcedētes. ¶ Finalement venuz en vieilleſſe, ilz laiſſerent d'vn cōmun cōſentement la charge, & les nōs d'Auguſte, & d'Empereur, au deux deſſusdictz Galerus, & Conſtātius, qu'ilz auoient conſtituez Cefars, & ſe retirerent, l'vn en Lucanie, l'autre à Salonie pour viure en paix & reſoz, ce que touteſoys n'aduint: car Maximianus quelque temps ap̄s deſirant faire ſon filz Maxentius Auguſte, ſe repentit & enhorta Diocletian reprendre la charge de l'Empire, ce qu'il reſuſa, neantmoins il pourſuiuit recouurer l'Empire, à raiſon dequoy fut tué par les gens de l'Empereur Cōſtātius, eſtant en Gaule, qui auoit eſpouſé ſa fille nōmée Fauſta, & quelque temps apres Diocletian ſe tua ſoy meſme, craignāt venir en l'obeiſſance de Cōſtātius magnus, qui teint l'Empire xx.ans.

*Constantius, &  
Galerius Empe-  
reurs. xxxix.*



**C**ONSTANTIVS & Galerius Maximus, surnōmé Armentari<sup>o</sup>, furent faitz Auguſtes & Empereurs l'an trois cens & huit, & diuiſerent entre eulx l'Empire tellement que Constantius eut la Gaule, Eſpagne, Italie, Affricque & Germanie. Touteſoys il ſe contenta ſeulement de la Gaule, Eſpagne & Germanie, laiſſant la reſte à ſon compagnon. Il gouerna tresprudēmēt, tellement que d'vn chaſcun eſtoit aymé, il eut deux femmes, l'vne Helene, fille du Roy d'Angleterre. Aucūs ont eſcript qu'elle eſtoit ſa concubine extraicte de paouure & infime lieu, de laquelle il eut Constantin le grand, l'autre femme fut Theodora, priuigne de l'Empereur Maximianus. De laquelle il eut ſix enfans. Les hitoriens ſont en diuerſité, laquelle des deux il repudia pour prendre l'autre: touteſoys il eſt certain qu'il conſtitua ſon filz Constantinus ſoubz luy Ceſar, & puis mourut apres auoir glorieuſement regné treze ans. Galerius ſon compagnon, à raiſon des grandz pays qu'il auoit ſoubz ſon adminiſtration, conſtitua par le conſentement dudit Constantius deux Cefars, à ſçauoir Maximianus, auquel il assigna pour ſon gouuernement, l'Orient, & fut grand perſecuteur des Chreſtiens, l'autre Seuerus, auquel il comēta l'Italie, & il retint ſoubz ſa charge le pays d'Illyrie, ou il faiſoit ſa demourance, & depuis aduertiy de la mort de Constantius pere de Constantinus, & que ledict Cōſtātius eſtoit crée Empereur en la Gaule & Germanie, il conſtitua Ceſar, outre les deux deſſusdictz, Licinius, natif de Dacic. Finalement ledict Galerus Maximinus pourſuiuit la perſecution cōtre les Chreſtiens commēcée par Diocletian: & Maximian: dont aduint par diſpoſition diuine, qu'il fut frappé d'vne maladie, que les parties de ſon corps, iuſques aux genitales furent infectées & corrompues, de ſorte que les vers ſortoient deſdictes parties, & pouit ſi treſfort qu'il n'eſtoit poſſible endurer ladiſte infection, tellement que l'vn de ſes medecins, deſeſperāt de ſa ſanté, dict haultement que ce prouenoit par diſpoſition diuine, & non naturellement: dequoy aduertiy Galerius feit vn edict nouueau pour reuoker les Chreſtiens: mais il mourut en tel eſtat.

*Cōſtātin le grād  
Empereur. xl.*

**C**onstantinus qui depuis fut surnommé Magnus fut Empereur apres ſon pere Constantius, crée en la Gaule, l'an trois cens & douze, par l'ayde d'vn Roy, ou prince de la Germanie nommé Crocus, les autres eſcriuēt Eror<sup>o</sup>. Il fauoriſa touſiours aux Chreſtiés, touteſoys de ſon cōmēcemēt y eut pluſieurs perturbations & nouuelles entreprinſes en l'Empire: car Maxentius filz de Maximian Herculien, fut crée Empereur par les gens d'armes eſtans en Italie à ſix  
mil

## depuis Iules cefar iufques a Pharamond. F. xliiij.

mil pres de Rōe, qui tua Scuerus, & deffait son armée, qui le vouloit empescher: mais finalement ledict Maxētius fut deffait & tué par Cōstātin, qui parauāt le craignoit par ce qu'il vsoit d'art magicque, toutefois il fut consolé par vne vision celeste en son dormant, voyant vne croix, & oyant vne voix disant, Cōstantine in hoc signo vinces. Semblablement vn autre nommé Alexander, fut à Carthage, crée Auguste: mais facilement vaincu en Orient. Vn autre appelé Valens, entreprint l'Empire contre Constantin, qui enuoya Licinius, auquel il auoit baillé sa sœur en mariage nommée Cōstantia, qui le vainquit, & partant toute la puissance & authorité de l'épire demeura aux susdicts Constantin, & Licinius, mais quelque temps apres ledict Licinius: combien qua son commencement il sembloit fauoriser aux Chrestiens, toutefois par enuye qu'il conceut cōtre eulx, disant qu'ilz prioient Dieu, plus pour Constantin, que pour luy, les persecuta, A raison dequoy Cōstantin leua armée cōtre, tellemēt qu'il le print prisonnier. Et ayant esgard ad ce qu'il auoit sa sœur esposée ne le fit mourir, mais seulement le priua du nom, & de l'authorité Imperiale: combien que tost apres fut tué par vn Cappitaine nommé Martianus. & partant Constantin demoura seul paisible Empereur avec sa posterité, ce qui fut cause qu'il s'esleua en orgueil & tyrannie: car il fit tuer le filz de sa sœur, & son propre filz Crispus, qu'il auoit eu de Minerua sa concubine, & ce par la suggestion de sa femme Fausta, laquelle depuis il fit mourir miserablemēt, par ce qu'Helene sa mere luy reprochoit souuent la mort dudiēt Crispus son filz. Si fit plusieurs autres tyrannies: dont il deuint ladre par punition diuine: mais il fut guarý par sainēt Siluestre Pape, & deslors fit publier la Foy Chrestienne par tout. Et donna de merueilleux dons aux Eglises, & laissa Rome pour le siege des Papes, & se retira à Bizantium, qu'il fit reedifier & nommer de son nom Constantinoble, ou il meit le siege Imperial. il ordonna le concile de Nicenne, ou fut l'heresie d'Arrien cōdemnée: combien que par apres elle pullula. Finalement il mourut apres qu'il eut tenu l'Empire trente ans dix moys.

**Constantius** ou *Constantinus*, filz de Constantin le grand, fut apres son pere Empereur, l'an troys cens quarante vn, ayant ses deux freres Constantinus, & Constans, consors & compagnons en l'Empire, ainsi que son pere l'auoit ordonné, à sçauoir que Constantius teint l'Asie, & tout l'Orient. Constantinus les Gaules, les Espagnes, Affricque, en oultre ledict Constantinus le grand auoit ordonné que Dalmatius filz de son frere, obtit avec ses enfans la Thracie, Macedoine, & Achaye, toutefois combien qu'il fust tresvertueux, & suyuant les meurs de son oncle, il fut tué par les gensdarmes du consentement dudiēt Constantius, qui succeda en sa part, & partant ne demurerent que lesdictz trois freres en l'Empire. Quelque tēps apres Constantin non content de sa part, leua querelle contre son frere Constans, à raison dequoy laissa Affricque, & veint en Italie, avec grand exercice: Mais finalement il fut tué par les gens de Constantius apres qu'il eut regné enuiron deux ans, & partant tout l'Occident veint soubz l'administration de Constans, qui l'administra assez cōpetēment: mais apres auoir regné enuiron xliij. ans, estant hay des gens militaires fut par iceulx tué en la Gaule, à la suggestion d'vn sien Capitaine Magontius, qui entreprint l'empire: mais tost apres il fut semblablement occis par les gens Constantius qui demoura seul Empereur, & constitua son cousin Gallus Cesar qui estoit filz du frere de son pere, & frere de Iulian l'apostat. Lequel Gallus fut tué tost apres, à raison dequoy ledict Iulian fut crée Cesar en son lieu, au moyen d'vne des femmes dudiēt Constantius, appelée Eusebia: car il en auoit plusieurs qui le tirerent en l'heresie de Arrius, finalement il mourut en retournant de l'expedition des Perfes, indigné de ce qu'il auoit entēdu que Iulian entreprenoit es Gaules le nom d'Empereur, apres qu'il eu regné trente trois ans.

*Constantius Em-  
pereur xli.*

**Iulianus**, surnomé l'apostat, nepueu de Constantin le grand, & filz de Constantius, frere dudiēt Constantin de deux meres, fut fait Empereur par ses gensdarmes lan Troys cens lxiiij, estant en la Gaule crée Cesar: par ledict Empereur Constantius son cousin, filz dudiēt Constantin le grand. Si entreprint l'empire

*Iulian l'apost. et  
Empereur xliij.*

# Le j. liure des antiquitez de la gaulë belgicque,

re contre la volunté d'iceluy qui pour lors estoit en l'expedition des Perses, au retour de laquelle il mourut: dont ledict Iulian fut bien ioyeux, à fin de mettre en executiõ le mauuais vouloir quil auoit de long temps conceu contre les Chrestiens: car de son ieune aage, cõbien quil fust totallemēt adonné à idolatrie, paganité & art magicque par ce quil auoit estudié soubz Philozophes de telles sectes, toutefois il faignoit & simuloit estre Chrestien pour gratifier à l'Empereur Constantius son cousin quil connoissoit Chrestien, & pour luy mieulx cõplaire print habit de religieux, avec quelque ordre de l'Eglise, qui donna occasion audiēt Cõstantius qui autrement l'auoit surspect, de l'appeller, creer, & instruer Cesar, es parties de la Gaule, apres la mort de Galus son frere. Mais si tost quil fut Empereur il declara la secte quil tenoit, à sçauoir payenne, en ordonnant que les temples des Gentilz fussent ouuertz, & dissimulant la hayne quil auoit contre les Chrestiens, lesquelz il appelloit Gallileés, à fin de son cõmancement tirer l'amour d'vn chascun, fait seulement cõmandemēt quilz n'eussent à suiuir les escoles des Poetes, Orateurs & Philozophes, & que par tant fussent ignorās & leur Foy, credēce, & secte fust plus facilement vaincue & abroguee, ayāt en deliberation totallemēt extirper icelle par apres. Pendāt ces choses, suruindrēt nouuelles que les Persiens de nouueau rebelloient contre l'empire, à raison dequoy ledict Iulianus entreprint ladiēte expedition, & mena grosse armee contre icelux, en laquelle il mourut miserablement, & par iugement diuin: cõbien que de sa mort soient diuerses opiniõs, toutefois il est certain qu'en mourant il print du sang qui sortoit de sa playe & en le iettāt cria, Vicisti Galilæe Vicisti, en signifiant par despit Iesuchrist, & ce aduint en lan troisiemē de son regne.

*Iouinianus Empe  
reur. xliij.*

**Iouinianus** natif de Pannonie fut esleu Empereur apres la mort de Iulian l'apostat, en lan trois cens Soixante six, par election & consentemēt des gens militaires, ce quil refusa, disant que puis quil estoit Chrestien ne vouloit imperer & dominer sur gens d'aultre secte que la sienne, à quoy fut respondu vniformement, & par acclamation populaire, quilz vouloient tous estre Chrestiens. Et lors il print & agreea l'election, homme digne de telle charge: car incõtinent il debella l'exercice des ennemy. Il estoit beau de corps, ioyeux, fort liberal & magnanime, ayant les lettres, & toutes ceures vertueuses à son commencement. Il restitua tous les Euesques Chrestiens mis en exil par Iulian son predecesseur, & si ordõna par tout les dixmes estres payees aux Eglises, & eust fait plusieurs autres grãdz biens à la Republicque Imperiale & crestienne, s'il n'eust esté preueni de mort, car tost apres voulāt retourner à Constantinoble, apres auoir traitē paix necessaire, & quasi miraculeuse avec les Persiens, il mourut entre Galatie, & Bithinie, au temps d'yuer, estant couché en vne chambre humide, nouuellemēt edifiee & reparaee de mortier & chaulx, redās grosses fumees pour les charbõs ardās en icelle, aps auoir regnē seulement viij. mois.

*Valentinian<sup>o</sup> Em  
pereur. xliij.*

**Valentinianus** natif de Pannonie, fut esleu Empereur lā trois cēs lxxvij, hõme bon & vertueux, surnõmé Funarius, c'est à dire faisant cordes, pource qu'vn iour tenāt vne corde en ses mains cinq hõmes militaires ne luy peurēt oster. De son cõmecemēt il associa à l'Empire son frere Valeus, & depuis par exortation de sa femme il associa son filz Gratian<sup>o</sup>. Cestuy Valentinianus fut tresbon Chrestien: car au parauant estant Prefect de la cheualerie soubz Iulian l'apostat, & qu'il eut battu vn prebstre ethnicque & gentil, ayma mieulx laisser ladiēte dignité, que la profersion Chrestienne, Il eut plusieurs victoires en la Germanie, Saxonie, & Bourgonne, qui deslors commencerent leurs noms. Il chassa les Allains, oultre les paludes Merthides, & ne voulāt passer icelles occupē en autres affaires, promet aux Sicābriens, que s'ilz poursuiuoient lesdictz Allains, en les rendant obeyssans aux Romains, il les acquitteroit dix ans de payer tribut, ce qu'ilz feirent, & de ce furent lesdictz Sicambriens, appelez François, c'est à dire durs & fors, ou François, c'est à dire Libres. Et de ce temps selon aucūs, print origine le nom des François. Si mourut Valentinianus, apres auoir regnē vnze ans, & dauantage.

*Valeus, xlv. empe  
reur.*

**Valeus** regna apres son frere, & print l'administration de l'Orient, dõnant à son nepueu Gratian, celle de l'Occident, Il fut infectē de l'heresie Arriane, persecuta



# depuis Pharamond iusques à Charlemagne. F.xlv.

persequuta les catholicques, fut Nicromancien, & fait plusieurs tiranies, aussy en fut il diuinement puny. Car en vne bataille qu'il eut contre les Goths, qui deiectez & persequutez par les Huns, passerent le Danube, vindrent assaillir les pays dudit Valeus, iusques en la Grece, auquelz voulans resister fut finalement bruslé par iceulx en vne petite maison des champs, ou il s'estoit retiré apres auoir regné enuiron quatre ans, apres sondict frere.

**Gratianus** filz de Valentinian, obtint apres son oncle Valeus, l'Empire, l'an troys cens quatre vingtz & deux, combien qu'au parauant il eut regné avec sondict oncle, il fut tresbon prince, prudēt & sçauant, vaillant aux armes, & trescatholicque en la foy Chrestienne, cōme on peut veoir par la profefsion qu'il escruuit de saint Ambroise lors viuant. Il tira avec luy cōsfort de l'empire son frere Valentinian: mais pourcequ'il estoit trop ieune il appella & adiousta encore vn noble capitaine nomé Theodosius, natif d'Espagne, & l'enuoya en Orient, ou il eut plusieurs victoires contres les Goths. Ledict Gratiā obtint vne belle victoire en Gaule, ou furent tuez plus de trente mil Almās. Toutefois & finalement il fut tué par Maximus, en vne faction des gēd'armes estant en Bretagne, qui le vindrent assaillir pres Lyon, sans estre aduertý de leur mauuais vouloir, apres qu'il eut regné six ās, oultre ce qu'il auoit regné avec son oncle. Semblablemēt son frere Valētinian fut par apres traistrement tué par vn sien Prefect nomé Arbogastes, lesquels ne demourerēt impuniz.

*Gratianus Empe-  
reur xlvj.*

**Theodosius** natif d'Espagne, obtint l'Empire seul, apres Gratian, l'an troys cens quatre vngtz & huit, hōme begnin, doux, beau, vertueux cōparé en vertuz à Traianus. Et oultre tresbon & deuot Chrestien ayant familiarité & reuerence de tout son temps à saint Ambroise, cestuy fait mourir miserablement les Tirans Maximus & Arbogastus qui auoient tué Gratian, & Valentinian ses cōsors, & depuis eut plusieurs belles victoires en diuerses parties de l'empire, tellement qu'il restitua l'empire pacifique depuis la Germanie, iusques à l'Egipte. Finalement mourut à Millan, en bonne foy & vraie credence de Iesuchrist, apres qu'il eut regné vnze ans, & six au parauant avec son predecesseur.

*Theodosius Em-  
pereur xlvij.*

**Archadius** filz de Theodosius, obtint l'empire avec son frere Honorius, l'an trois cens quatre vingtz dix neuf. Et tenoit ledict Archadius l'Orient & Honorius l'Occident. Et pource qu'ilz estoient ieunes, leur pere leur auoit ordonné troys vaillans capitaines, auquelz il auoit sa confidence pour les cōduire, à sçauoir Ruffinus qui estoit avec Archadius, Gildo qui gouuernoit l'Affricque, & Stilco auquel Honorius bailla sa fille en mariage: Toutefois lesdictz troys capitaines furent traistres & proditeurs de leurs seigneurs: dont mal leur en print. Du tēps d'iceulx, les Goths entrèrent premierement en l'Italie, soubz la conduicte de Radagasus, & aps Alaricus & Aulphus, qui espousa par force la sœur dudit Honorius, si fut Rome prinse, & quasi tout le pays destruit & pillé, & mourut ledict Archadius es parties orientales, apres qu'il eut regné avec sondict frere treze ans.

*Archadius, Empe-  
reur xlvij.*

**Honorius** frere du dessusdict succeda seul en l'empire apres la mort de son frere, enuiron l'an quatre cens douze, il print pour son confort, son nepueu Theodosius le ieune, filz d'Archadius, & de son temps la Republicque Romaine, fut tellement troublée par les Barbares, Goths & Huns, qu'il pensoit se demettre de l'empire, toutefois il escut pour Cesar vn vaillant Capitaine nommé Cōstantius, qu'il enuoya en la Gaule pour reprimer les entreprises de plusieurs tirannies, tellement que par son moyen la Republicque Romaine, & de l'empire retourna en paix & tranquillité, & par tant furent les Eglises des Chrestiens remises en liberté. Ledict Honorius, appoincta avec Valia Roy des Goths, qui luy rēuoya sa sœur Placida, laquelle il bailla en mariage à son Capitaine Cōstantius. Si mourut ledict Honorius, renomé de toutes vertuz & bontez, avec pfaicte foy & credēce de Iesuchrist, aps qu'il eut regné depuis la mort de son frere, quinze ans, & par ainsi regna en tout xxviij. ās.

*Honorius Empe-  
reur xlvj.*

¶ Des Roys de Franconie, ou François, qui ont regné depuis l'Euesque Arator iusques au Roy Pharamond.

h iij

Bartherus

# Le ij. liure des antiquitez de la gaulle belgicque,

*Bartherus xv. roy  
des Francoys.*



**BAR THERVS** filz de Childeric, fut apres son pere Roy des François, l'an ij. cens lij. Et entreteint les alliances anciennes, avec les Saxōs, Tōgroys, & Germains, contre les Romains. Il eut deux filz, dōt le puif né nômé Ancharius, avec Luther<sup>o</sup> filz du Roy Marbodius en Saxōnie, asssemblerent grand nombre de gens, entrerēt en la Gaule, passerent les fleuves du Rhin, & Meuse, & vindrent iusques à la riuere de Seine: &

dela entrerent en la Gaule Celticque, passerent iusques en Italie, & depuis iusques en Espagne, en courant & pillant le pays par ou ilz passoient. Et prindrent la ville de Tarascon, & la razerent. Finallemēt ledict Bartherus mourut apres auoir regné xvij. ās.

*Clodion xvi. Roy  
Francoys.*

**Clodion**

filz aîné de Barther<sup>o</sup>, fut apres son pere Roy des François, en l'ā deux cens lxxj. Et du cōmencemēt de son regne, les François qui militoient soubz les dessuidictz Ancharius, & Lutherus, prindrēt siege & demourāce en la Gaule, deça le Rhin, ou ilz furent bien sept ans, Mais les Romains soubz l'Empereur Aurelianus, les chasserent, & en tuerent bien quinze mil, & si en furent menez troys cēs prisonniers à Rome, pour le triumphe de l'Empereur Aurelianus, cōme escript Flavius Vopiscus, Historien renommé. Et cecy fait contre ceulx qui escriuent que les François prindrent leur nom du temps de Valentinian le ieune, qui fut plus de cent ans apres ledict Aurelianus. Si mourut ledict Clodion, apres qu'il eut regné vingt sept ans.

*Vvalther roy xvij  
des Francoys.*

**Vvalther**

filz de Clodion, regna apres son pere, l'an deux cens, quatre vingtz dix huit, du temps de Diocletian Empereur, durant lequel temps, les Romains eurent vne victoire contre les Almans pres Langres, ou furēt tuez, d'iceulx soixante mil, & mourut Vvalther, apres qu'il eut regné dixsept ans.

*Dagobert, Roy  
xviij. des frācoys.*

**Dagobert**

filz de Vvalther, succeda à son pere, l'an troys cens & six. Il fut pytoyable & fort humain: dont il n'estoit moins craindz de ses subiectz: car il faisoit egalle iustice & sans acception des personnes, si mourut apres qu'il eut regné vnze ans, laissant deux enfans.

*Clogion Roy xix.  
des Francoys.*

**Clogion**

filz de Dagobert, fut Roy des François apres son pere, l'an troys cēs dix sept. Au deuxieme an de son regne, les Romains alliez aux Gaullois, attaquērent les freres & seigneuries des François, contre lesquelz Clogion, avec ses alliez Saxons, Tongrois, & Germains, vint en bataille, en laquelle il fut tué: mais soubdainement auant que l'armée fust aduertie de sa mort, son frere Clodomir<sup>o</sup> vestit ses armes, & se meit en la presse faignant estre Clogion, tellement qu'il eut victoire, cōtre les Romains & Gaullois. Apres laquelle bataille ledict Clodomir<sup>o</sup> frere dudict deffunct, entreprint le royaume, nōobstant que Clogion eust laissé deux enfans, Helenus & Richimer qui furēt desheritez, & par ce ledict Clogion ne regna que deux ans.

*Clodomir Roy xx  
des Francoys.*

**Clodomir**

succeda au royaume des François, apres son frere Clogion, l'an troys cēs & dixneuf, & teint son royaume en paix & crainte de ses subiectz. De son temps fut Empereur Constantin le grand, soubz lequel les Romains entrerent en grāde puissance es terres des Souaues, qui appellerent les François à leur secours, Germains, & Turingeoyz, & y enuoya ledict Clodomir son frere Genebald pour estre capitaine de l'armée, & par eulx furent les Romains mis hors des terres des Souaues: mais en diuisant les despouilles y eut grand discord entre les deux nations des Turingeoyz & Souaues iusques à prendre armes les vnz contre les autres. pour lesquelz appoincter le Roy Clodomirus print grand peine, & trouua maniere y mettre treues iusques à troys ans, & ce pendant appoincterent qu'une portion de terre & seigneurie située vers le midy (laquelle faisoit la separatiō desdictz Turingeoyz & Souaues) desormais apartiēdroit aux François, & qu'elle seroit erigée en Duché & baillée à Genebald frere dudict Clodomirus qui ē fut p̄mier duc, lequel p̄meit la tenir en foy & hōmage des roys François. Et y mena grād nōbre de gēs de tous estatz pour tenir & occuper ladicte duché, qu'ilz appellerēt la Duché de Frāce Orientale, si tuée cōme dict Tritemius Historien, en lieu qu'on disoit Menigā, qui a vers l'Oriēt, les Bohemes, vers midy les Souaues, vers Occidēt, les habitās du rhin & Magōce, vers Aquilon, les Turingeoyz. Laquelle duché fut depuis augmētée Sur les Turingeoyz, & Souaues, & d'iceulx ducz, descendit Pharamond. Car Genebald premier Duc de ladicte

*Erection de la duché de France Orientale.*

*Genebald Duc de France Orientale.*

# depuis Pharamond iusques à Charlemagne F. xlvi.

ladiète France Orientale, y regna enuiron trente ans, & eut deux enfans Marcomir, & Dagobert. Ledièt Dagobert fut duc vingt vn an. Clouis son filz dix ans. Marcomir seze ans. Cestuy Marcomir engendra Pharamod, qui fut duc, & apres esleu Roy de France, comme veoirrons cy apres, au moyen dequoy son frere Marcomir eut ladiète duché, qui la teint dixhuièt ans, & plusieurs succeffeurs apres luy, desquelz laissons à parler, & retournerons au dessusdièt Clodimir, qui mourut apres qu'il eut regné dixhuièt ans.

**Richimer** filz aîné de Clodimir<sup>o</sup>, fut Roy des François, l'an troys cés vingt sept, du temps des trois enfans de Constantin le grand. Il garda les alliances anciennes, avec les Saxons & Germains. Il eut continuelle guerre contre les Romains & Gauloys. Et contre eulx gaigna plusieurs batailles par l'ayde de Genebald son oncle, premier Duc de France Orientale : mais finalement il fut tué en vn conflict, par les Romains apres qu'il eut regné treze ans.

*Richimer Roy xxxi  
Francoys.*

**Theodomirus** filz de Richimer succeda à son pere, l'an troys cens cinquãte. Et auoit avec luy sa mere nommée Hastilde, fille du Roy de Saxonne, auquel temps les Roys François auoient desia surprins sur les Romains plusieurs pays des Gaulois, & faisoient leur principale demourance, oultre la riuere du Rhin, en vn chasteau qu'on appelloit anciennement Dispart, toutefois entre ledièt Chasteau, & iusques à la riuere de Loyre, aucuns Gauloys, faisoient leur demourance: & pardeça la riuere de Loire, aucuns Goths demouroient, avec autres nations estranges, meslées avec lesdiètz Gauloys, & partant ilz estoient quasi continuellement en guerre. Finallemēt ledièt Theodomir<sup>o</sup> fut surprins en vn cōflict avec sa mere Hastilde, par les Romains, qui luy feirent couper la teste. Durant son temps Dagubert<sup>o</sup> filz de Genebaldus premier duc de France passa le Rhin, avec grande multitude de gens, & entra dedans la Gaule Belgicque, print & pilla la cité de Treues.

*Theodomir<sup>o</sup> xxxij.  
Roy Francoys.*

**Clogion** filz de Theodomirus, succeda au royaulme paternel, l'an troys cens soixante, & desirant venger la mort de son pere entra en la Gaule, & print la cité de Cambray, laquelle il pilla & tua tous les Romains trouuez en icelle : Mais tost apres veint en Gaule, Iulian l'Apostat Cesar, soubz Cōstantius l'Empereur, lequel eut victoire contre les Almans, en laquelle furent tuez plus de trente mil Almans, & leur Roy Chonodarius, prins prisonnier, assez pres de Strabourg, en vn lieu qu'on appelle presentement Zabernia. en Alsacie. Et en ce mesme lieu, l'an mil cinq cens xxvi. de nostre temps, fut faicte la desconfiture d'aucuns rusticques d'Almagne, qui par faction s'estoient esleuez les vnz contre les autres, à raison des Heresies de maistre Martin Luther, à presēt pullulantes audicet pais, tellemēt que d'iceulx enmourut bien de vingt cinq, à trente mil. Finalement ledièt Clogion mourut apres qu'il eut regné dixhuièt ans, & laissa trois filz, à sçauoir, Marcomir qu'il luy succeda, Dagobert, & Hector, surnommé Dagembert.

*Clogion xxxij. roy  
des Francoys.*

**Marcomir** filz aîné de Clogion, succeda à son pere, l'an troys cens septante huièt. Il fut hōme vaillant aux armes. Au premier an de son regne eut vne belle victoire, contre les Romains, pres de la cité de Coulongne, en vne guerre qui auoit bien duré quatre ans, ou lesdiètz Romains furent chassés. Mais quelque temps apres suruint l'Empereur Valentinianus qui le veint assaillir de telle sorte que la fleur des François mourut avec ledièt Roy Marcomir, & furent reduictz soubz l'obeissance des Romains, & cōtraindz eulx rendre tributaires, & faire cesser entr'eulx le nom de Roy. De telle seruitude, les princes qui demourerēt apres ladiète bataille, ne furent cōtentz, tellement que la pluspart indignez d'estre aux Romains tributaires, retournerēt de la le Rhin, & laisserent es parties de la gaule qu'ilz auoiēt cōquesté vn capitaine nommé Priam<sup>o</sup>, qui estoit du sang desdiètzroys, duquel aucuns ont escript, les Comtes d'Ardene, progeniteurs de Godefroy de Buillon, & des ducz de Lorraine à present regnans, estre descenduz: mais ilz errent grandement comme nous deduirōs cy apres

*Marcomir, Roy  
xxxij. des Frācoys*

¶ Or lesd. Frācoys qui retournerēt de la le Rhin, cōstituerēt sur eulx pour gouuerneur Dagubert<sup>o</sup>, frere dudièt Marcomir, le ql ilz n'eussent osé intituler Roy par le traicté &

# Le.ii.liure des antiquitez de la gaule belgicque,

apointemēt qu'ilz auoient faiēt avec lesdictz Romains, & pourtāt demourerēt sans Roy en l'an trois cēs quatre vingtz & treze, lequel interregne dura bien xxv. ans.

*Dagubert premier Duc des Frāçois.*

**Dagubert** filz dudiēt Marcomir gouerna comme Duc, lesdictz François, durant lequel temps y eut plusieurs nouuelles entreprinſes, & factiōns en la chose publicque Romaine, & signanment entre les Capitaines des Romains cōmis en la Gaule, & en Angleterre, qui seſleuerent en diuers lieux pour entreprēdre sur l'empire, entre lesquels fut Maximus venāt d'Angleterre, & vn autre Eugenius prenant tiltre de Roy en Gaule, avec Argobastes, ce qui donna occāſion aufdictz François refuser le tribut, qu'ilz auoient accordé avec Valentinian. Et eurent les François vne victoīre cōtre lesdictz Romains sur le refus dudiēt tribut, dont ilz furent orgueilleux, toutefois Dagubert ne vesquit gueres, & mourut apres qu'il eut tenu lediēt gouuernement, comme Duc, par l'espace de cinq ans seulement.

*Genebault. ij. duc des Francoys.*

**Genebault** filz dudiēt Dagubert, succeda en la duché & gouuernemēt des François, apres son pere, l'an trois cēs quatre vingtz dixhuiēt, & gouerna vertueusement, durāt le temps duquel, l'empire de Rome, eut plusieurs troubles, grandz pertes & diminutions: car lors les Goths entrerēt en Italie, & autres pays subiectz aux Romains soubz la conduīte de leur Roy, l'vn apres l'autre, Radegafus, Alaricus, & Athaulphus. Et semblablement les Vvandelz, Allains, & autres gēs barbares, tellement que la pluspart de la Gaule, & les citez d'icelle, cōme Metz, Toul, Verdun, Treues, & autres furent pillées & destruiēt, si mourut Genebault, apres qu'il eut gouuerné lesdictz François vingtz & vn an.

*La mort de Marcomirus, Duc de France Oriētale.*

**¶ O R D V R A N T** le temps que dessus, enuiron l'an quatre cens & quatre, Marcomirus quatrieme duc de France Oriētale mourut, duquel nous auons parlē cy dessus, en escriuant de Clodomirus troisieme du nom, xx. Roy des Frāçois. Ce stuy Marcomirus laissa vn filz nōmé Pharamōd, qui luy succeda en ladiēt duché de France Oriētale, lequel apres la mort du dessudiēt Genebault, ij. gouuerneur, en l'interregne des François, assembla tous les princes François, avec ceulx de sa duché de la France Oriētale, & aduiserent ensemble de restituer leur chose publicque Françoise au pmiēr estat, repasser le Rhin & regagner les pays en la gaule, que leurs predecesseurs auoient au parauant tenu & occupé, en prenant singuliere occasion aux grandz troubles & affaires que les Romains auoient contre les natiōs, peuple, & gēs barbares en diuerses parties de l'empire, & mesmes iusques à la cité de Rome, laquelle fut prinſe par Athalaric Roy des Visigoths. Et les plus beaulx edifices abbatuz, & ruinez, & plusieurs hōmes destruiēt, toutefois par disposition diuine lediēt Athalaric se mōstra modeste & gracieux: car il ne permet faire oultrage à ceulx qui s'estoīēt retirez aux Eglises pour la reuerence de nostre Seigneur, & de ses Apostres, sainēt Pierre & sainēt Paul. ¶ Or entre iceulx troubles les Vvadelz estoient en la Gaule, soubz la conduīte de leur Roy Godogefil, qui pilloient & destruisoient tout ce qu'il trouuoient. Si conclurent entre eulx lesdictz François premierement d'aller rebouter lesdictz Vvadelz, iugeans que par apres viendroient à chef de leur intention. Si dresserent vne grosse armée soubz les Ducz Pharamond, Marcomirus, Sunno, Priam, Anthenor, & aultres, & entrerent es Gaules, presentans la bataille audictz Vvandelz, desquelz ilz obtindrent victoīre, & demoura d'iceulx tuez & occis plus de vingt mil hōmes, & neust esté Resplēdial Roy des Allains qui les veint secourir d'Espagne, les Vvadelz eussent esté tous occis: mais la reste qui demoura, se retira avec lesdictz Allains es parties d'Espagne, ou ilz se tindrent enuiron trente ans, & d'illec s'en allerent en Affricque. ¶ Apres la dessusdicte victoīre, les François plus animez & orgueilleux delibererent eslire vn Roy entre eulx, si asignerent iournée, en laquelle assignation (cōme dit Tritimius Imitateur de Hunibald) cōparurēt plusieurs Ducz & capitaines entre lesquels y furēt Pharamōd Duc de Frāconie, avec ses deux freres Marcomir & Sunno & le filz de Pharamond, Clodion, les Ducz Dagubert, Nicanor, Pharabertus, Richimer, Ybros, Anthenor, Duc des Mēpolitains, & son frere Priam, Berther Duc de la Gaule, Hebert Duc insulā, les deūx filz de Genebault, le dernier gouuerneur des Frāçois, à sçauoir Sunno, & Richimer & les vaillās capitaines, Diocles & Merone, aussy asisterēt les pncipaulx p̄b̄stres & sacrificateurs de leurs dieux, avec les pl<sup>s</sup> sages & experts

*Pharamond, filz de Marcomir. Deliberation des Francois pour restituer leur Royaulme.*

*Victoires de Pharamond, & des Princes Francois contre les Vvandelz.*

*Les Vvandelz en Espagne, & depuis en Affricque L'assignation des Francois pour eslire vn Roy.*

*Les principaux entre les Frāçois assistans en ladiēt iournée.*

## depuis iules Cesar iusques à Pharamond F. xlix.

& experts en leurs loix, comme Salegast grand prebste & Pontiffe de iupiter Gasthal d'Herhald scribe & maistre des registres, Vvisogasthalde p̄bste de Diane, Ruyvvic<sup>o</sup>, Adelhaldus, Richnerus, & autres plusieurs, tant nobles que populaires, tous lesquelz d'un vouloir & consentement esleurent coronnerent premier Roy, lediēt Pharamōd tant en la franconie dela le Rhin, qu'en la Gaule Belgicque, en ce quil auoit cōquesté des Vvadelz, & deslors lediēt Pharamōd print tiltre de p̄mier Roy de Frāce Gallicāe

*Pharamond, corōné roy, tāt en Frāconie qu'en la gau le Belgicque.*

**Des ducz de Tongre & Brabāt, qui ont regné depuis l'Euesque Arator iusques audiēt Roy Pharamond, p̄dent lequel temps n'y auoit Euesque en la cité de Verdun.**



**W** E R I C filz de Godefroy, fut apres son pere Duc de Tongre, & de Brabant, homme prudent & moderé en tous ses faitz. Cōmēça à gouuerner son pays, enuiron l'an deux cens trente deux, & combien que son pere eust laissé l'alliance des Romains, & que par ce moyen lediēt vveric par apres fut debouté de la pluspart de son pays, toutefois il tempera tellemēt son estat, qu'il fut en la grace des Romains, Signanment des Capitaines & Prefectz commis en la Gaule Belgicque, sans neantmoins auoir charge ny administration de gouuernement desdiētz Romains: mais viuoit en paix & tranquillité en ce qu'il pouuoit, tellement qu'il vesquit si long temps que par l'espace de cent ans, comme dient les Historiens quand il veint en vieillesse, & qu'il eut regné lxviii. ans. il bailla à son filz Artsard, le gouuernement de ses terres & seigneuries de son viuant. Si mourut apres qu'il eut vescu cent ans.

*Vveric, Duc de Tongre.*

**Artsard** filz de Vveric, fut Duc de Tongre & de Brabant, l'an deux cens quatre vingtz & sept, durant encore son diēt pere, enuiron le temps que l'Empereur Maximianus, veint à regner, y eut vn sien capitaine nommé Carausius, Lieutenant dudiēt Empereur, qui fut deposé & mis en exil pour le mauuais gouuernemēt d'icelle prouince, & en la place d'icelluy fut mis lediēt Duc Artsard, Et par ce moyen il ne fut pas seulement paisible possesseur de son territoire: dont les limites estoient la mer Britānicque, Lescault, & le Sambre, mais aussy gouuerna tous les riuages de la mer Océane, & fut en grace des Romains. Car comme Constātius pere de Constantin le grand, fut oppressé des Almans, alentour de Langres, lediēt Artsard luy bailla tel secours, qu'il fut victorieux. Apres lesquelles choses Constantius, à fin qu'il reprimast plus facilement les effortz des Almans, enuoya querir sa femme Helene & son filz Constantin, estant en la grande Bretagne, & establit son siege Imperial en la cité de Treues, à cause dequoy lediēt Duc Artsard, continua plus facilement sa grāde familiarité avec lediēt Empereur, & mourut apres qu'il eut regné quarante huiēt ans.

*Artsard, Duc de Tongre.*

*L'empereur Constantin à Treues.*

**Martsiandus** filz de Artsard, fut Duc de Tongre, & de Brabant, apres son pere, en l'an troyz cens trente cinq, & eut aussi le gouuernemēt de la p̄uince maritime pour les empereurs Romains, & fait beaucoup de grādes choses pour eulx, Mesmement du viuant de son pere soubz Constantin le grand, à lécōtre de Maxence & Licinius Tirans & vsurpateurs de l'empire. Acause dequoy, le diēt Duc Martsiandus par priuilege Imperial, estendit les limites de son gouuernement par tout les pays qu'on diēt maintenant Hainault, Artois, & Picardie, & puis mourut apres qu'il eut esté Duc, quarante deux ans.

*Martsiandus, duc de tongre.*

**Taxander** filz de martsiandus fut apres son pere, Duc de Tongre, & de Brabant, en lan troyz cens septente cinq. En sa ieunesse auoit esté tousiours nourry en la court des Empereurs: parquoy quand Gratianus veint à regner, le diēt Taxander eut beaucoup à souffrir, par lenuie & detractiō de deux personages, l'vn nommé Eugenius Germanicus, l'autre Arbogastes, toutefois il fit veu d'estre Chrestien, parquoy il fut deliuré de toutes ses aduersitez du temps de sainēt Martin Archeuesque

*Taxander, duc de tongre.*

## Des antiquitez de la gaule belgicque,

Archeuesque de Tours, apes lesquelles choses par despit dudi& Empereur Gratian, qui l'auoit mal traitté, il fauorisa le party de Maximian, regnant en l'empire Occidental, lequel estoit natif de la grand Bretagne, que nous disons Angleterre. Toutefois apres la mort dudi& Gratian ledi& Duc Taxander, trouua maniere de retourner en la faueur & grace de l'Empereur Theodose l'ancien, & puis mourut apres qu'il eut tenu ladi&te duché & gouuernement par l'espace de Trente & vn an.

*Ansigifus Duc de Tongre.*

**Ansigifus** filz de Taxander, fut apres son pere, Duc de Tongre & de Brabant, l'an de grace quatre cens & six, & fut tresbon Chrestien, cōme son pere, & entretint l'alliance des Romains. Il obtint de l'Empereur Honorius confirmation de tous ses priuileges, & milita soubz luy en plusieurs affaires, pour la deffence de l'Empire, qui estoit pour lors en grand troubles, à raison des diuerses nations & peuple barbare, comme Gotz, Visigothz, Vvandelz, Huns: semblablemēt les François soubz la conduicte de Pharamond, qui s'estoit fait coronner nouveau Roy, tant de la Franconie que partie de la Gaule Belgicque. Et ausi par autres qui entreprenoient iournellement contre l'Empire en plusieurs & diuers lieux.

¶ Cestuy Ansigifus eut vne belle victoire avec les Romains, en vne bataille aupres d'Arle, en Prouence, en laquelle le Roy des Vvandelz nommé Grosius, idolatte & Tirant, fut vaincu & tué. Finalemēt ledi& Ansigifus Duc, mourut apres qu'il eut regné trente ans, enuiron l'an de grace quatre cens trente six.

¶ Or puis que sommes paruenuz iusques au temps que le Roy Pharamond commença à regner, suiuant la diuision de nostre histoire, qu'auons faicte cy dessus, Nous mettrons fin au premier liure d'icelle.

Fin du premier liure de  
ceste cronicque.

**LE SECOND LIVRE DES**  
**antiquitez de la Gaule belgicque, extraicte**  
 soubz les vies des Euesques de Verdun, depuis ledict  
 Pharamond iusques a Charlemagne.



**LES LECTEURS**, pour l'intelligence de l'ordre & continuation de nostre second liure, reduiront en memoire ce que nous auons escript en la fin de nostre premier liure, à sçauoir que depuis la mort de l'Euesque saint Arator, qui fut en l'an de grace deux cens vingt deux, nostre cité de Verdū fut sans prelatz à tout le moins qui osassent publicquement le nom & tiltre d'Euesque porter, iusques à saint Pulchrone, que mettons cinquieme Euesque de Verdun, qui fut esleu en l'an de grace quatre cens cinquante quatre, en quoy appert qu'entre le tēps dudiēt Arator, quatrieme

*Aduertissement  
aux lecteurs pour  
l'intelligence du  
second liure.*

Euesque, iusques audiēt Pulchrone cinquieme, y eut deux cens trēte vn, ou deux ans, durans lequel tēps, les huit prelatz dessus mētiōnez, desquelz les nōs sont incogneuz entretindrent en la doctrine Euangelicque les paoures Chrestiens dudiēt Verdun.

*Argument du se-  
cond liure.*

¶ Or pource que nostre second liure prend son cōmencement au temps que Pharamond print le nom de Roy en la Gaule, qui fut en l'an quatre cens & vingt. Et que saint Pulchrone fut esleu Euesque de Verdun, en l'an quatre cens cinquante quatre, auquel cours & lapz de temps ya xxxij. ans intermediez & d'interuale. Nous deduirons icy au cōmencement de nostredict second liure, les Papes, Empereurs, Roys de France, & Ducz de Tongre, qui ont regné durant iceulx xxxij. ans. Et ce fait prendrons la vie dudiēt Pulchrone, & conséquēment suiuant l'ordre que no<sup>s</sup> auōs promis & entrepris obseruer ty dessus, au quatrieme article du Prologue. A sçauoir de brief uement escrire soubz vn chascun Euesque, les Papes, Empereurs, Roys de France, & d'Austrasie, ducz de Tōgre, & les princes qui sont descēduz dudiēt Pharamōd par directe lignée, iusques à Charlemagne. Et ausi les princes de Mozelane & d'Ardenne, desqz sont descēduz les Ducz de Lorraine & Barrois à present regnans. Et si deduirons des Cōtes de Haynau, tous descenduz dudiēt Pharamond par ligne directe.

¶ Des Papes qui ont tenu le siege durant lesdictz trente deux ans,  
à sçauoir depuis Pharamond, iusques à l'Eues-  
que saint Pulchrone.



**ZOZIMVS**, Grec de nation, fut Pape en l'an quatre cens xxj, homme de sainte vie, qui endura beaucoup de persecutions des hereticques. Il ordonna que ceulx de seruite cōdition ne fussent promeux aux saintes ordres. Et si deffendit aux p̄bstres & clerz de boire à oultrance, ny gourmander aux lieux publicques, & mourut apres qu'il eut tenu le siege vn an troys moys.

*Zozimus Pape  
xliij.*

**Bonifacius** premier du nom natif de Rome, fut esleu Pape, l'an de grace quatre cens xxij. par la grande partie du clergé de Rome. Toutefois aucuns esleurent vn nommé Eulalius: dont veint le cōmencement du quatrieme scifme de l'Eglise, de laquelle dissention aduertty l'Empereur Honorius estant à Millan, par l'instigation de Placide, & de Valentinian son filz. Ilz furent tous deux deiectez & expulsez de Rome: combien que sept moys apres, ledict Boniface fut restitué en la Papaulté. Finalement il mourut apres qu'il eut tenu le siege trois ans quatre moys.

*Bonifacius Pape  
xlv.*

Celest

# Le ij. liure des antiquitez de la gaule belgicque,

*Celestinus xlvj.  
Pape.*

**Celestinus** natif de la Campagne, fut esleu Pape en l'an de grace quatre cēs vingt cinq, homme totalement donné aux choses diuines & saintes contemplations, qui institua plusieurs ordonnances pour la reuerce de la messe & reformation du clergé, soubz luy fut congregé le concille de Ephese, auquel plusieurs heresies furent cōdēnées, il mourut apres qu'il eut tenu le siege viij. ans x moys.

*Sixtus iij. du nō  
Pape xlvii.*

**Sixtus** troisiemē du nom, Romain, fut esleu Pape en l'an quatre cēs trēte cinq, homme da grand sçauoir & vertuz, & contempteur des biens mondains exposant tout ce qu'il auoit aux edifices & reparations des Eglises, & aux paouures. Il fut accusé de crime par vn Patrice de Rome nommé Bassus : mais il se purgea en vn consistoire, en presence de cinquante & sept Euesques, & fut ledict Bassus condēné & enuoyé en exil, par le decret de l'Empereur Valentinianus, & sa mere Placide, ou il mourut troys ans apres, toutefois le bon Pape Sixtus ne desirant vengeance, le inuma de ses propres mains, & puis mourut apres qu'il eut tenu le siege huit ans.

## ¶ Des Empereurs qui ont regné durant lesdictz trente deux ans depuis Pharamond iusques a l'Euesque Pulchronius.

*Theodosius.ij. Em-  
pereur. l.*

**H**ONORIVS l'Empereur, duquel nous auons escript en la fin de nostre premier liure, regnoit du temps que Pharamond entreprint le tiltre de Roy de France, & mourut enuiron sept ans apres.

**Theodosius** deuxieme, dict le ieune, filz d'Archadi°, & nepueu du dessuidict Honorius, obtint l'Empire seul, en l'ā quatre cens vingt sept, combien qu'il eust regné quelque temps au parauant avec ledict Honorius. Cestuy fut homme plain de toutes bontez & vertuz, humble, doux, gracieux & trescatholicque en la Foy de Iesuchrist. Il constitua son cousin Valentinian, consort de l'Empire, lequel estoit filz de Placide, seur de son pere, & de Constantius, duquel auons fait mention en parlant de Honorius. De son temps y eut plusieurs perturbations en l'Empire, qui fut diminué en diuers lieux pour les grandes incursions des gens barbares, Goths, Ostrogoths, Vvandelz, tellement que par eulx furent les Espagnes partie d'Affricque, la Gaule, Thracie, Illirie occupees. Soubz iceulx militoient les deux Patrices. Etius, & Bonifaci° et saint Augustin qui mourut en Affricque. Finalement ledict Theodosius, fut contrainct composer avec Attila Roy des Huns, & mourut tost apres en Constantinoble apres qu'il eut regné vingt six ans, oultre ce qu'il auoit regné avec son oncle Honorius.

## ¶ Des Roys de Franconie qui premierement regnerent en la Gaule, & prirent le tiltre de Roy de France, durant lesdictz trente deux ans. Et iusques à l'Euesque Pulchronius.

*Pharamond pre-  
mier roy de Frāce*

**P**HARAMOND filz de Marcomir, duc de France Oriētalē, apres la victoire qu'il eut en la Gaule contre les Vvandelz, comme auons escript vers la fin de nostre premier liure, fut esleu par ses gens & princes des pays circōuifins, premier Roy en la Frāconie, dela le Rhin, & en partie de la Gaule deça le Rhin, en ce qu'il auoit cōquesté par ladicte victoire, & deslors se nomma & print tiltre de premier Roy de France, Gallicane, lequel nom dure encores, & a esté continué en ses successeurs iusques à present. Ce qui aduint enuiron l'an quatre cēs & vīgt. ¶ Et ne fault auoir esgard à cequ'aucūs historiens, affectez à la gloire Germanicque escriuent qu'il fut premierement esleu Roy en la Germanie, dela le Rhin, & non en la Gaule, deça le Rhin : car la verité est que l'origine & institution de son premier regne fust es pays de Franconie, dela le Rhin, & en partie de Gaule deça le Rhin de nouveau conquesté contre les Vvandelz. Et laquelle partie de Gaule, ses progeniteurs & pdecesseurs Roys de Frāconie, auoient au parauant aucunes fois conquesté, & autrefois ont esté deictez, cōme ou peult veoir par ce



# depuis Pharamond iusques à Charlemagne. F. xlix.

parce qu'auons escript cy dessus desdictz Roys de Fráconie. Ce qui fait q̄ raisonnement & veritablement ledict Pharamond doit estre denommé premier Roy de France Gallicane, ce que aucuns attribuent à son filz Clodion le Cheuelu, disans que ledict Pharamond iamais ne fut Roy en la Gaule, ny partie d'icelle, le contraire de quoy est vray.

¶ Et pour ce verifiair ie prédz ce que Iohannes Tritemius estant d'opinion contraire à escript, à scauoir que apres que ledict Pharamond fut esleu Roy de France, il laissa sa Duché de France orientale à son frere Marcomir, laquelle estoit située comme auons dict cy dessus, & selon l'opinion dudit Tritemius, entre Boheme, Sonane, partie des habitans du Rhin. Et les Thuringeoys; & partant appert que s'il laissoit la dicte Duché failloit qu'il eust autres terres & seigneuries, esquelles son Royaulme nouveau estoit constitué & estably, qui à la verité estoit le pays de Fráconie, & celuy qu'il auoit conquesté en la Gaule, en deiectant les Vvandelz: car il n'est vray semblable qu'il eut obtenu vne telle victoire en la Gaule, qu'il neust retenu en son obeissance partie d'icelle Gaule.

¶ Dauantage ie prendz ce que ledict Tritemius dict que en l'election dudit Pharamond, y auoit des princes de la Gaule, à scauoir Berther Duc de la Gaule, & Hebert duc Insulain, avec le duc Menipolitain, ce qui n'eust esté si ledict royaulme nouveau n'eust eu estandue en quelque partie de la Gaule. Et partant appert que les anciens historiens de la Gaule ont escript veritablement en ce qu'ilz ont dict que la fondatiõ & situation premiere du royaulme de Pharamond, fut es pays que de present nous appellons Cleues, Gueldres, qui sont notaiement de la Gaule, & deça le Rhin.

Laquelle oppinion Gregorius Turonensis, semble suiure au second liure de son histoire es chappitres neuueme & dixieme, combien qu'il ne face mention de Pharamond, ou il dict. *Francos de pannonia fuisse diuersos, & primum littora Rheni amnis incoluisse dehinc transacto regno transmeasse, ibique iuxta pagos Reges Crinitos super se creasse.* Et vn peu apres dict, *Ferunt Clodionẽ vtilem in gente sua Regem fuisse Frácorum, qui apud Dispar-gum castrũ habitabat quod est in termino Tongrorum.* Aussi ie prendz l'authorité Iacobi, Philippi Bergomẽsis. en sa cronicque soubz l'année quatre cens cinquante deux, au chapitre de Pharamondus, ou il escript, *Hi nanque Franci, primũ Germani populi fuere à quodam nomine Franco Troiano, nobili nominati, in Fráconia prouincia constituti, Quamquidem prouinciam Constantius, Magni Constantini filius, cum omnibus populis domauerat, hi quippe vsque ad Honorij & Archadiũ tempora quieti in eadem patria permanserunt. Sed septimo eorum anno mutãdi melioris soli gratia, Rhenum fluuium transierunt, & apud Treueros, Metenses & Marcomenses, Tullẽsque ac Veredunenſes cõfederũt. Sed paulopost ultra Rhenum iterato his temporibus à Fráconia profecti, in Senoneusum prouincia Clodione & Meroneo, ducibus, sedẽ posuere. Quibus mortuis hic Pharamõdus regnum suscepit, & multa strennue gessit &c.*

¶ Et outre y a autre raison que ledict Tritemius escript, que Clodion le Cheuelu, son filz, Premierement conquesta la region de Tongre, que nous appellõs a present Brabant, ou il demoura quelque temps, ce que facilement i'accorde, car de ce est vray semblable que les regions plus voisines du Rhin, que n'est Brabant, estoient au parauant par son pere Pharamond conquestées.

¶ EN LA Ntroisieme dudit Roy Pharamond, à fin q̄ ses subiectz estãs rudes es meurs & facon de viure, fussent mitiguez & reduictz à hõeste forme de viure, esleut du consentement des princes du pays, quatre des plus sages & prudentz d'entre eulx à scauoir, Sallagast, Vvindegast Vvelagast, & Basogast, ausquelz fut donnée plaine puisãce de faire loix, par lesquelles ses subiectz se gouuernoierẽt. Si feirẽt vn volume de loix & cõstitutiõs nouvelles, qu'ilz nõmerẽt les loix Salicque ou Salige cõme dict Tritemius, prenant son nom de Salagast, principal des quatre esleuz. Et depuis cestuy volume fut augmenté par Clouis qui y adiousta plusieurs tiltres & chappitres.

Or entre les institutions premieres du volume y à vne loy qui dict expressement que nulle fille ne viendra à la succession dudit royaulme, de par pere ne de par mere, ores qu'il n'y eust autres enfãs. Laquelle loy est encore au iourd'huy obseruée inuiolablement entre les Roys de France, qui est vne autre raison pour monſtrer que ledict

*Probation que Pharamond fut institué Roy de la le Rhin & en partie de la Gaule.*

*Autre probation de ce que dessus.*

*hano*

*Autre raison.*

*Institutiõ des loix Salicque.*

*Filles ne succedẽt au royaulme de France.*

Phara-

## Le.ii.liure des antiquitez de la gaule belgicque,

Pharamond fut Roy de Frâce Gallicane, parce que encores de present ceste loy n'est obseruée, sinon par les Gauloys.

¶ Finalement Pharamond mourut, & laissa vn filz nommé Clodion de sa femme Argotte, issue des Roys des Cimbres. Il y a diuersité entre les historiens du temps du regne diceluy, car aucuns dient qu'il regna sept ans comme Tritemius, les autres neuf, les autres huit, & selonc les historiens Galicques, il vesquit vnze ans. J'ay veu vne ancienne histoire escriuant que ledict Pharamod, apres sa mort fut inhumé sur le hault mont de Soermont vers le pays de Voige, en l'an de grace quatercés & trente, & eut de sa dessusdicte femme, Argotte, trois filz, à scauoir Clodion qui regna apres luy, Fracion & Marcomir, qui moururent ieunes, & deux filles à scauoir Gandalpa, & Ydoyne, laquelle Ydoyne il maria à vn prince tresuaillant aux armes & de grand prudence, à scauoir Vasqueneus ou Vasconius infidele & non chrestien qu'il constitua soubz luy premier duc de Lorraine ou Lotreich, qui estoit vne duché située es environs de Tongre & de l'ancienne Brabant, combien que à la verité, auant ledict Pharamond y auoit eu des Ducz Chrestiens en icelle Duché de Lothreich comme nous escriuons amplement en nostre troisieme liure subsequnt, au chappitre de l'origine de Lorraine. Et dist oultre ladicte ancienne histoire l'auteur, delaquelle ie ne trouue que la loy Salicque fut premierement inuentée par cestuy Vasqueneus, ou Vasconius, & de luy appellée lex Vaconia ou Vasconia, & depuis augmentée par les quatre dessusdictez legistateurs, & auctorisée par ledict Pharamond, & de celle opinion semble estre maistre Nicole Gille, en sa cronicque au chappitre de Pharamond,

*Clodion.ii.Roy de France.*

**Clodion** filz de Pharamond, succeda au Royaulme apres la mort de son pere, en l'an quatre cens trente, & fut surnommé le Cheuclü, par ce que luy & son pere portoient grandz cheueulx. Et ordonna à ses subiectz porter semblables, à fin quil y eust difference entre eulx, & ceulx que de nouueau ilz subiuguerioient par batailles, & adiousteroit à son Royaulme, lesquelz il faisoit tondre.

*Les pays conque-  
stex en la Gaule  
par le Roy clodio.*

¶ Enuiron l'an vnzieme de son regne Considerant que les Romains estoient fort debilitéz par les Gothz Vvandelz, & autres nations Barbares, auquel temps les Bourguignons habitoient, a Lion, & les Visigothz en Aquitaine: il passa avec son armée la riuiere de Meuze, & vint assieger Cambray, laquelle il print & conquist, & feit mourir tous les Romains estés en icelle. Depuis il suiuit sa fortune & print la cité de Tournay, & passa la forest Charboniere & rendit en son obeissance Terrouane, & toutes les terres qui sont entre Cambray & Boulongne sur la mer, & generalement tout le pays des Farmatisiens que nous disons à present Haynuyers, & iusques à la riuiere de Somme, & deslors la seigneurie de la forest Charboniere fut finie, & tournée ou deuolue aux François.

*Des quatre filz du  
Roy Clodion dont  
l'aîné mourut.*

¶ Or dient les anciens Historiens de la Gaule, Bauldouin, Almeric & Hugues de Toul, lesquelz ensuit maistre Nicole Gille, secretaire du Roy Loys vnzieme, que cestuy Clodio eut de sa femme Basine fille de Vvidelpe duc des Turingeois quatre filz, desquelz vn iour tenant siege deuant Soissons, son filz aîné nommé Phrison mourut, dont il print tel dueil & desplaisir qu'il cheut en maladie, delaquelle il mourut bien tost apres, toutefois auant sa mort il disposa de ses trois enfans & de ladicte femme, en faisant à chascun portion & partage en son royaulme, & es terres de nouueau conquises, & pour ce qu'ilz estoient trop ieunes, il les donna en garde au maistre de sa cheualerie nommé Meroneus, en la presence de toute sa noblesse, prenant de luy sermēt de fidelité, de loyaulmēt defendre & garder le royaulme, terres & seigneuries & les rendre ausdictz enfans quant ilz seroient en aage, nommez Auberon, Regnault & Ranchaire, qui prindrent chascun nom de Roy es terres & seigneuries de leur partage, desquelz sont descenduz comme escriuent lesdictz Historiens, les princes d'Ardenne, Haynau, Lorraine, Brabant & Namur, regnans à present, & ce fait ledict Clodion mourut enuiron l'an quatre cens cinquante, & fut inhumé à Cābray comme dist l'histoire de Sainte Roynne de Donomeuse, & regna en tout vingt ans apres la mort duquel ledict Meroneus ne teüt ses promesses, car il entreprit le royaulme

*Meroneus tuteur  
des enfans Clodio*

*Auberon, Regnault & Ranchaire enfans du-  
dict Clodion.*

# depuis Pharamond iusques à Charlemagne. F.1.

me & chassa lesdictz enfans, dont vindrent grans guerres & diuisions, comme nous dirons cy apres, parlant dudiect Meroneus.

**Meroneus** fut troisieme Roy des François l'an quatre cens cinquante, & de cestuy sont les Historiens en grande cōtrouersie. Car aucuns cōme Tritemius, Volteranus, & autres, escriuēt qu'il estoit filz de Clodion le cheuelu. Les autres comme l'Abbé Vispergésis en sa chronicque, diēt qu'il estoit son filz, mais Bastard, & recite que vn iour lediēt Clodion estant sur le bort de la mer avec sa comcubine ou premiere femme, suruint vn monstre Marin, gros comme vn beuf, qui oppressa ladiēt femme, & en elle conceut lediēt Meroneus, ainsi appellé à raison des taches qu'il auoit au visage, qui vault en langage Germanicque autāt que Mersesch, c'est à dire rasché ou gasté de la mer, & de luy selon lediēt historiē les Roys François iusques à Pepin pere de Charlemagne, furent appelez Merofingi, qu'il expose à Meroangelingi. La pluspart des Historiēs François, ont diēt qu'il estoit du sang de Clodion, & son plus prochain parent, toutefois nous suiurōs icy les opinions anciennes de nostre Gaule belgicque, Almericus, Balduinus, Hugues de Toul, & Maistre Jacques de Guise, qui escriuent qu'il estoit maistre de la cheuallerie du Roy Clodiō, ce que afferme maistre Nicole Gille, & Jacques Meyerus, nouveau collecteur des antiquitez de Flandres, qui escript ce qui s'en suit.

*Anno salutis quatercentesimo octuagesimo octauo, defuncto Clodione, Meroneum Franci salutant Regem, hunc, alii Clodionis filium, alij non nisi magistrum equitum apud Francos fuisse memorant. Relictisque Alberico, Reginaldo, & Ranchario, paruulis Clodionis liberis, ob singularem rei bellicæ scientiam regem assumptum, eiusque progeniem a Clodianis Meronigos dictos.*

¶ Et combien que Gaguin escript, qu'il fust du sang & prochain parent dudiēt Clodion, qu'il diēt estre mort sans enfans, toutefois il semble qu'il se contrarie, en parlant du Roy Clouis, premier Roy Chrestié, disant qu'il tua Rāchaire Roy de Cambray, & son frere, & tous ceulz qu'il troua de leur posterité, sans dire autre chose. Mais à la verité ie croy que s'il eust entieremēt escript ce que l'auteur, ou il à prins ce passage diēt, il eut declairé lediēt Ranchaire & son frere estre enfans dudiēt Clodiō, expulsez par son ayeul Meroneus, comme nous dirons clairement en la deductiō de nostre histoire.

¶ Et ce peult verifier, par ce qu'il appelle lediēt Ranchaire Roy de Cābray, car il est certain par l'opinion vniforme de tous les Historiens que Clodion print par force & conquesta Cambray, & les pais circōuoisins, & les adiousta à son royaume, & n'est vray semblable que depuis sa mort iusques au regne de Clouis, y eust eu nouveau possesseur entreprenāt nom & tiltre de Roy audict Cambray, s'il n'eust esté filz ou descendant du sang royal dudiēt Clodion. Ce qui faict que l'opinion desdictz anciens Historiens de Belge me semble la plus veritable.

¶ Disans oultre, que apres que Meroneus, eut faict le serment de fidelité dessusdiēt, il feit son debuoir pour le commencement, en gouvernant fidelement & dilatant virilemēt le royaume à fin d'auoir la beneuolence des princes, & des nobles dudiēt royaume, & par ce leur donner à entendre ses vertus & proesses, & qu'il estoit digne d'estre Roy. Mais quelque temps apres que les Romains, & autres nations Barbares enuahirēt en diuers lieux les pays & seigneuries desdictz enfans, il se remeict cauteusement, laissant le gouvernement de la chose publicque en nonchaloir. A raison dequoy les princes & populaire, du pais retournerent vers luy, priant & l'enhortant qu'il voulsist reprendre & entēdre à la deffēse du royaume, mais il respondit froide-ment qu'il n'estoit Roy, & que desormais ne vouloit porter le gouuernemēt desdictz enfans, qui luy auoit esté fort onereux & dōmageable, en ce qu'il en auoit faict du passé.

¶ Par telle responce cōgneurent facilement lesdictz princes & populaire son intention: si s'esleuerēt par vn commun accord, & l'esleuerēt leur Roy, en deieētāt les pauvres enfans mineurs. Quoy voyant leur mere, secretement print les enfans & se retira en Toringe. Et dist Almericus qu'elle print alliance aux Huns & aux Ostragothz, leur donnant partie des seigneuries. Par le moyen desquelz lesdictz enfans depuis venuz en aage, eurent plusieurs querelles & batailles cōtre lediēt Meroneus, & son

*Meroneus.iii. roy de France.*

*De la natiuité Meroneus & de la diuersité des Historiens.*

*Les anciens historiens de la Gaule belgicque*

*Probation que le Roy Clodion eut des enfans.*

*Meroneus gouvernant France pour les enfans de Clodion.*

*Meroneus esleu roy, & les enfans de Clodion dete-*

# Le ij. liure des antiquitez de la gaule belgicque,

successeur, tellement qu'ilz recouurerent aucunes de leurs seigneuries comme nous dirons cy apres.

*De la victoire de la mort de Meroneus.*

¶ Or quelque chose qu'il en soit, ledict Meroneus succeda audict royaume apres Clodion, & fut tresutile au gouvernement & administration diceluy, car de son tēps les Huns, appelez de present Hongres, desquelz estoit chef & Roy Atilla avec innombrable multitude, entra es Gaules bruslant & destruisant par tout ou il passoit, si fut deiecté & expulsé des Gaules, par ledict Meroneus avec ses confederez, & y a plusieurs Historiens qui ont escript, qu'il mourut en la grand bataille aux champs Cathalonicques, ou ledict Atilla fut vaincu, en l'an dixieme du regne dudiect Meroneus, les autres dient qu'il regna douze ans. J'ay leu vne ancienne histoire que cestuy Meroneus, eut plusieurs enfans males de sa femme Vverich fille de Gontrand Roy de Suuedem, & desquelz il feit tuer l'ainé nommé Meroneus cōme luy, & iecter en vn feu, pource qu'il auoit tué par trahison le Roy de Cornouaille.

## Des ducz de Tongre qui ont regné depuis Pharamond iusques a l'Euesque saint Pulchrone.

*Charles le bel duc de Tongre, & de Brabant.*




**C**HARLES le bel filz de Ansigisus, fut apres son pere duc de Tōgre l'an quatre cens trente six il auoit espousé du viuāt de son pere, la sœur de l'Empereur Valentinian, & estoit maistre de la cheualerie dudiect Empereur, toutefois apres la mort de son pere, il retourna en la Gaule gouverner ses pays du temps de l'Empereur Martiā, l'alliance duquel il teint tousiours, & soubz luy eut charge de gouverner la Gaule belgicque, en ce que y tenoient les Romains, mais de son temps suruindrent grandes & merueilleuses persecutions des nations Barbares, & signamment de Atilla Roy des huns, qui se nommoit le fleau de Dieu, avec ses confederez Vvalamir Roy des Ostrogoths & Ardaric Roy des Gepides, lesquelz coururent & destruisirent toute celle contrée de la Gaule belgicque. Le Patrice Etius qui par l'ayde dudiect Charles & de leurs cōfederez Theodoric Roy des Visigothz, Meroneus Roy des François, Gundangus Roy des Bourguignons, deffist l'armée dudiect Atilla, aux chāps Cathalonicques, en laquelle bataille ledict Charles le bel eut grant honneur, & puis mourut apres qu'il eut regné vingt deux ans.

## Ensuient les noms des Euesques de Verdun, les vies desquelz sont contenues au second liure.

Et premierement.

saint Pulchrone.	v.	Ermenfridus.	xii.	Abbo.	xix.
saint Possessor.	vi.	saint Paul.	xiii.	Pepo.	xx.
saint Fremin.	vii.	Gisloaldus.	xiiii.	Volchifus.	xxi.
saint Vennes.	viii.	Gerebertus.	xv.	Agronius.	xxii.
saint Desideratus.	ix.	Armonius.	xvi.	saint Magdelneus.	xxiii.
saint Agry.	x.	Agrebertus.	xvii.		
Caramerus.	xi.	Bertalamius.	xviii.		

¶ De la vie saint Pulchrone cinquieme Euesque de Verdun.



**P**ULCHRONIVS fut cinquieme Euesque de Verdun enuiron l'an de grace quatre cens cinquante quatre. De l'origine, ieunesse, & nourriture duquel ie trouue qu'il fut natif de la Gaule belgicque, de parēns nobles & vertueux, en biēs terriens & richesses oppulans suffisamment, faisant leur residence pour le plus à Verdun, & aux lieux circonuoisins, ou estoient situez leurs rentes & reuenuz, & moururent tous deux auant que paruenir à vieillesse, le laissant ieune enfant orphenin en bas aage. Or pour lors en la cité de Toul, estoit vn noble homme nommé Loup, parēt desdictz

deffundētz, mariē a vne dame nommée Punimola, qui aduertiz de la mort des deffundētz retirerent vers eulx, ledict ieune orphenin Pulchronius leur parent, & le feirent nourrir & instruire aux escholles, car ilz estoient grans aulmosniers, viuās saintemēt en leur mariage, soubz l'amour & craincte de Dieu. Aussi estoient ilz extraictz de bōnes & saintes gens, car Loup estoit cousin germain de saint Germain Euesque, & ladiēte Punimola, seur de saint Germain Euesque de Arlateñ, du sang & parētē desquelz print origine saint Vast, natif de Toul, qui fut depuis institué par saint Remy Euesque d'Arras, comme nous dirons cy apres.

¶ Si aduint que ces deux saintz personnages, Loup & Punimola sa femme, en la septieme annēe de leur mariage, prindrent voluntē par vn commun consente-ment, laisser le monde & entrer en religion, ce qu'ilz feirent en distribuant, tous leurs biens aux pauvres, & s'en alla ledict Loup vers vn saint homme nommé Honorē, Abbē de Lermeuse, ou il print l'habit de religion, & vesquit illec saintemēt deux ans en bonne & sainte obeissance. Pendant ce temps saint Germain d'Auxerre, noble & puissant, ayant le gouuernemēt du pays, soubz les Romains, viuant en gloire & pompe mondaine, cousin dudiēt Loup, laissa par inspiration diuine, l'estat du monde, & fut esleu Euesque d'Auxerre, & pour son sçauoir fut mandē quelque temps apres à Rome, par le Pape Leon, premier du nom, enuiron l'an quatre cens quarante trois, & luy fut ordonnē par ledict Pape aller en Angleterre, prescher contre l'heresie Pelagienne, qui pullulloit illec, tellement que tout le royaume en estoit infectē, & prendre avec luy saint Seuer Archeuesque de Treues, & son parēt saint Loup religieux, qui florissoit en toute renommēe de saintetē, lequel loup, aduertiz de l'ordonance du pape, delibera y obtemperer, & pour parfaire ledict voyage appella avec luy son parent Pulchrone, qu'il tenoit aux escholles tressçauāt, & le mena avec luy au voyage d'Angleterre, & deslors ledict Pulchrone commença à suiure les meurs & vertus dudiēt saint Loup, son parent, & le print en telle dilection, que durant ledict voyage, & depuis, adhera tellement à luy qu'il le seruoit, comme le discipule son maistre.

¶ On liēt aux histoires que les deffusdictz messagers & legatz du Pape endurerent plusieurs aduersitez, iniures, & contumelies au royaume d'Angleterre, car quant les hereticques sceurent leur venue, ilz s'assemblerent & coururent sur eulx deliberez de les chasser ou mettre à mort, quoy voyās lesdictz saintz personnages, mettās totalement leur confidence en Dieu, commencerent tous ensemble à chāter à haulte voix, Alleluya sans faire autre resistance, dequoy lesdictz hereticques furent si estonnez & espouentez, qu'ilz s'en retournerent fuyans comme si on les eust chassēz, & depuis se rendirent si doulx & obeissans, que patiemment & deuotemēt oyrent les predicatiōs desdictz legatz, & congneurent leurs erreurs, retournant à la vraye cognoissance de la veritē Euangelicque

*La vie de saint Pulchrone. v. euesque de Verdun.*

*Saint Pulchrone natif de Verdun*

*Saint Loup & sa femme Punimola natif de Toul.*

*Saint Germain d'Auxerre appellē par le Pape Leon à Rome.*

*Voyage de saint Germain, saint Loup, saint Seuer & saint Pulchrone en Angleterre.*

*Les hereticques de Angleterre furent conuertiz par saint Loup & saint Germain.*

## Le.ii.liure des antiquitez de la gaule belgicque,

*Sainct Patrice  
Euesque d'Escoffe  
en Hibernie.*

¶ Sigilbertus escript que lesdictz sainctz Germain & Loup, trouuerēt illec sainct Patrice, lequel vn peu parauāt Celestinus Pape auoit ordōné prebtre & Euesque d'Escoffe, & le auoit illec enuoyé prescher & annoncer la doctrine Euangelicque. Dicit oultre que cestuy sainct Patrice estoit filz de la sœur sainct Martin de Tours, nommée Conches, lequel elle feit appeller en son baptesme, Suchat, & depuis Magonus: mais finalement nommé par ledict pape, Patricius, & feit plusieurs miracles, signāment en Hibernie, laquelle il conuertit à la foy Chrestienne, & y feit residence l'espace de soixante ans, perseuerant en grande saincteté, tellement que à la fin Dieu luy monstra miraculeusement vn purgatoire.

*Sainct Loup esleu  
Euesque de Troyes  
en Champagne.*

¶ Apres l'année reuolue, lesdictz legatz du Pape retournerent d'Angleterre, & en passant par Troyes en Champagne, fut ledict sainct Loup miraculeusement esleu Euesque par le peuple d'icelle cité, qui inspirez de Dieu le prindrent quasi par force, & le constituerent euesque, qui depuis fut confirmé & approuué par le pape Leon, & se retira illec exerçant son office tresdiligenment, avec le bon Pulchronius son disciple qui continuellement ensuiuit ses meurs & vertus.

*Pulchrone disci-  
ple de sainct Loup  
Les tiltres du Roy  
Attila.*

¶ Durant lequel temps, enuiron l'an quatre cēs cinquante deux, Attila Roy des Hūns qui peu parauant auoit tué son frere Bleda, prenant le tiltre qui s'ensuit.

*Les tyrannies du  
Roy Attila en la  
Gaule.*

A T T I L A filz de Benedebautz nepueu du grant Memroth, nourry en Eugadi, par la grace de Dieu Roy des Huns, Mediens, Gohtz & Dannois, craincte du monde, & fleau de Dieu, &c. print alliance à plusieurs Roys Barbares, comme Vvalamer Roy des Ostrogothz, & Ardaric Roy des Gepides, & autres des parties Septemtrionales, assēbla vne armée de cinq cens mil hommes, & entra dedans les prouinces de la Gaule, bruslant, destruisant, & gastant cōme la fouldre, toutes les citez & villes, par ou il passoit, entre lesquelles furent destruites Mayence, Tōgre, Merz, Treues, Verdun, Cābray, Chaalōs, & Reims en Champagne, ou il martirifa sainct Nicaise & sa sœur Eutropia, si vint deuant ladicte cité de Troyes, en laquelle estoit Euesque le dessusdict sainct Loup, avec son disciple Pulchronius, lequel sortit au deuant d'icelle Attila, ayant tous ses ornemens & vestementz Episcopaulx, acompaigné de son clergé, & l'interroga virilement. Qui es tu qui destruis tout, par ou tu passe? Auquel respondit Attila Je suis le fleau de Dieu. Et lors il ordonna ouuir toutes les portes de la Cité, en laquelle, luy & ses gens entrerent. Mais par la volonté de Dieu, ilz furent tous aueuglez, & passerent par le meillieu de la Cité sans y mal faire, & par le moyen & merites d'icelle sainct Loup, fut ladicte Cité de Troyes gardée de la tyrannie d'icelle Attila & ses gens. Ce qui ne vint pas aux autres citez de la Gaule belgicque.

*Le miracle sainct  
Loup contre At-  
tila.*

*Sainct Seruais co-  
gneut les persecu-  
tions futures du-  
dict Attila.*

¶ Car on liēt aux anciennes histoires de la Cité de Tongre, que long temps au parauant de l'an quatre cens, sainct Seruais estant Euesque d'icelle Cité, congneut par reuelation diuine, toutes les tirānies que ledict Attila debuoit exercer, & predict à son peuple la destruction de ladicte Cité, dont ilz furent si irritez cōtre luy qu'ilz le chasserent hors, & fut contrainct sortir & faire sa residence en vn petit Hermitage, ou est de present la ville du Traict, auquel feit longue & austere penitence. Et quelque temps apres pour ce fait fut translaté le lieu episcopal de Tongre en ladicte ville du Traict, & depuis en la Cité de Liege, ou il est de present. Sigilbert en son histoire dict, que pour lors ledict sainct Seruais, auoit vescu plus de trois cēs ans, & qu'il estoit par generation, parēt de Iesuchrist, car il fut filz d'un nommé Emino, le pere duquel s'appelloit Eliud, frere de saincte Elizabeth, mere de sainct Iehan baptiste, & que la mere d'icelle Eliud se nommoit Esmeria, sœur de saincte Anne mere de la glorieuse vierge Marie, & la mere d'icelle sainct Seruais, s'appelloit Memilia, & qu'il fut nay en vne ville d'Armenie nommée Phestra, ou pour lors par la captiuité des enfās d'Israel les dessusdictz auoient esté trāslatez, & depuis par reuelation diuine, ledict Seruais fut enuoyé es Gaules, prescher la foy de Iesuchrist, si arriua à Tongre, ou diuinement fut esleu Euesque, & vesquit iusques au temps sainct Hierome & sainct Augustin, & fut canonizé soubz les faitz & qualitez dessusdictz par le Pape Celestinus troisieme

*Genealogie de  
sainct Seruais qui  
vesquit plus de  
trois cens ans.  
Sainct Seruais fut  
Euesque de Ton-  
gre.*

me, du temps que l'empereur Henry le quint, regnoit, & pour confermer ce que Gregorius Turonensis dict cy dessus en son histoire, que le successeur dudit saint Seruais, en son Euesché de Tongre, nommé Aranarius, auant l'aduenement dudit Attila, cognoissant lesdictes tyrannies futures, tant par la predication dudit saint Seruais, que par esprit diuin, iournellement estoit en prieres & oraisons enuers Dieu, à fin qu'il luy pleust garder sa cité, & son peuple de Tongre, d'icelle persecutiō. Et pour mieulx obtenir sa petition & requeste, alla à Rome, ou iournellement ne cessoit en l'Eglise saint Pierre, faire les prieres dessusdictes: mais finalement il oyt vne voix, disant O saint homme, ne te afflige plus, car tu ne peulx impetrer à dieu ce que tu demandes: & fault que ton peuple, & cité, pour leurs demerites soient affligez, persecutez, & destruitz: parquoy retourne au pays, & dispose ton cas, car Dieu à permis, que tu mourras deuant, & ne voirras lesdictes persecutions.

*Agricolaus  
S. Aranarius suc-  
cesseur de saint  
Seruais.*

¶ Les historiens sont icy contraires, car Gregorius Turonensis escript, ce que dessus: toutefoys Sigilbert & les historiens des Euesques de Tongre, & de Metz, afferment que la dessusdicte reuelation fut faicte à saint Seruais, auquel ilz attribuent, tout ce que nous auons dict de Aranarius, & qu'il retourna de Rome anonçant, & preschant par tout les persecutions futures, & passa par Treues, ou il feit deposer, & priuer l'Euesque du lieu, nommé Euffrates, pour ce qu'il estoit infecté de l'heresie Arriane, & en son lieu feit eslire, & instituer Seuerinus. De la veint à Metz, ou il trouua l'euesque du lieu, nommé Auctor, auquel il reuela les persecutions, & calamitez futures, & que toute la cité de Metz debuioit estre bruslée, & destruite: toutefoys qu'il auoit impetré, que le petit oratoire ediffié en l'honneur de saint Estienne, demeureroit entier, sans estre bruslé ne destruit. Et ce fait, ledict saint Seruais chanta messe, sur le grât autel de la principale Eglise de Metz, qui estoit de marbre: & peu parauant auoit esté rompu, par fortune d'une grosse piece de boys, qui cheut sur icelluy, & vne grande piece emportée, laquelle auoit esté reioincte par cymment & mortier: mais apres la messe dudit saint Seruais, ledict autel fut trouué miraculeusement, ausi entier, que parauant.

*Diuersitez entre  
les historiens, Gre-  
goire Turon. &  
Sigilbert.*

*Seuerinus Euesque  
de Treues.  
Auctor Euesque  
de Metz.  
Le miracle de S.  
Seruais, fait en  
l'Eglise de Metz.*

¶ Escripuent oultre, lesdictz historiens Gregoire & Sigilbert, que fuyuant la reuelation faicte audict saint Seruais: Attila avec ses gens, entrerent en ladicte cité de Metz, la vigille d'une Pasque, & le lendemain, meirent tout en feu, en sorte qu'il n'y eut lieu, qui ne fut bruslé, excepté le dessusdict oratoire, erigé en l'honneur de saint Estienne, & tuerent tout ce qu'ilz trouuerent, prebstres, & clerz, & puis prindrent ledict Euesque Auctor, avec la reste des citoyens, qu'ilz trouuerent, & les menerent comme prisonniers lyez, & garrotez avec culx. Si allerent tant qu'ilz paruindrent à vn lieu, nommé Dipaing, aliàs Detempagos, & lors tous les barbares deuindrent auégles, & de ce fort elbahiz, estimoient que par art magique, ou forcellerie des chrestiens, tel inconuenient leur feust aduenü, mais les prisonniers leur remonstrerent que c'estoit par disposition diuine, par ce que tyranniquement ilz menoient l'Euesque Auctor, saint homme, comme vn larron, à raison dequoy ilz luy crierent mercy, & le renuoyerent, & deliurerent avec tout son peuple, & incontinent recouurerent tous la veue, comme parauant.

*Le miracle saint  
Auctor, contre  
Attila en la cité  
de Metz.*

¶ Finalement apres plusieurs tyrannies, que ledict Attila, eut exercé par toute la Gaule Belgicque, enuiron l'an quatre cens cinquante & troys, qui estoit le premier an de l'empire Martianus, qui regnoit en Orient, & Valentinian en Occident. Il mena son exercice à Aurelian, & de la en Gascongne, auquel pays Etius, Patrice, & maistre de la cheualerie Romaine, estoit avec grosse armée, tât de Romains que de ses confederes, Theodoric roy des Visigots, Meroneus roy des Fräçoys, Gūdegus roy des Bourguignōs, Charles le bel, Duc de Tōgre, & autres. Si donerēt bataille audict Attila, en vn lieu nommé les chāps Cathalonicqs, en laquelle fut cōbatu, par si merueilleux cou-

*La bataille des  
Princes confede-  
rez en la Gaule,  
contre Attila.*

# Le ij. liure des antiquitez de la gaule belgicque;

rage & pertinacité, qu'il y mourut d'une part, & d'autre, cōme recitent les historiens, plus de cent quatre vingtz mil hommes, entre lesquels moururent Theodoric roy des Visigoths, Gundengus roy des Bourguignons, & selon aucuns le roy Meroneus François. Quoy qu'il en soit ledict Attila fut vaincu, & tellemēt ses forces diminuées, qu'il dispoit se faire mourir, craignant venir es mains de ses ennemys: toutefois il ne fut point poursuyui, parquoy il eschappa & se retira en Hongrie.

*La diversité des historiens, du lieu ou la bataille Cathalonicque fut faite cōtre Attila.*

¶ Les historiens sont en cōtroversie, du lieu de la bataille, ou ledict Attila fut vaincu, combien que la pluralité escript que ce fut pres de Thoulouse, les autres, comme le Maire dient, que ce fut pres de Challons en Champagne: les histoires de Haynau afferment que ce fut au pays, que nous disons à present Flādes, ou ledict Attila avoit hyuerné, en vne ville nommée Astha, en vne grande champagne, qui s'appelle encores au iourd'huy, le champs des Huns, allentour de Bosleduc.

*Attila vaincu, repara son armée en Hongrie.*

¶ Quant Attila fut en Hongrie il repara son armée, & assēbla nouvelles gens. Si veint entrer en Italie, bruslant & destruisant villes, Chasteaux, Eglises, & tout ce qu'il trouvoit, entre lesquelles furent destruites radicallement Aquilée, Padoue, Veronne, Vigene, Bresse, Millan, Paue, & autres, & veint iusques au lieu, ou le fleuve Mincius entre dedans le Pau, auquel lieu, le saint homme Leon Pape, en personne le vint rencontrer, & parla à luy en telle reuerēce, & grauité, qu'il obtint de luy tout ce qu'il demādoit, & promist retourner en son pays. Dont ses Princes, & Capitaines furent esbahiz, & l'interroguerent comme si reueremēt il avoit parlé audict Pape, & si facilement octroyé & accordé ce qu'il demādoit. Ausquelz il respondit que ce qu'il avoit fait n'estoit pour l'honneur de celluy à qui il parloit: mais qu'il veoit avec luy vn homme fort reuerend ancien, vestu d'habitz pontificaulx, & imperiaulx, tenant vne espée en sa main, signifiant & menaçant sa mort, s'il ne faisoit ce que le Pape luy demandoit. De ce fut la tyrannie dudit Attila reprimée, & retourna en

*Le parlement du Pape Leon avec Attila.*

*Attila amoureux d'une belle fille ieune.*

son pays, la ou quelque temps apres, s'enamoura d'une belle ieune fille, nommée Ildico, pour laquelle prendre en mariage il celebra plusieurs grans conuies, & bancquetz, tellement que le iour de ses nopces, il gourmanda & beut si desmesurément, qu'au soir en dormant, luy print vn flux de sang, par les nerrines, qui le suffocqua, & mourut ainsi miserablement. La mort duquel fut diuinement signifiée à l'empereur Martianus, estant à Constantinoble, qui en dormant veid larc dudit Attila rompu.

*La mort de Attila.*

¶ Or apres que ledict Attila fut deiecté de la Gaule, comme auons dict, environ l'an quatre cens cinquante quatre, les chrestiens estans en icelle, furent aucunement en repos, & signamment nostre cité de Verdun, laquelle estoit encores pour lors, soubz la dition, & obeissance des Empereurs Romains, qui n'auoient receu la foy chrestienne, & combien que les nouveaulx Roys François, comme Pharamond, Clodion, Meroneus, eussent fort amplié & dilaté la Gaule: toutefois Verdun estoit encores demeurée Romaine, & plusieurs autres citez de la Gaule, esquelles y avoit capitaines, & gouverneurs pour lesdictz Romains, cōme nous dirons cy apres,

*Les chrestiens de Verdun enuoyerent vers saint Loup, à fin d'auoir saint Pulchrone pour leur Euesque.*

¶ De ce aduint que les chrestiens dudit Verdun, prindrent occasion de desirer, & appeter vn Euesque nouveau, considerans que passé deux cens trente deux ans, auoient esté sans Euesque: signamment comme auons dict, qui manifestement eust osé porter le nom, à sçauoir depuis Arator. Si aduiferent ensemble, & apres plusieurs deliberations conclurent de enuoyer à Troyes, vers saint Loup, pour impetrer & obtenir Pulchrone, son disciple, estre leur Euesque, lequel il cognoissoient par ce qu'il estoit de nation du lieu, & avoit grant bruiēt & renommée de sainte vie. Si poursuiuirent tellemēt que ledict S. Pulchrone si accorda, & veint à Verdun, par l'exhortatiō de saint Loup, & fut receu à grād ioye, esleu, & institué Euesque dudit Verdun en l'eglise saint Pierre & saint Paul, que nous disons saint Vēne.

Après



# depuis Pharamond iusques à Charlemagnē F. lv.

Après que Pulchrone fut ainsi esleu Euesque de Verdun, pour son commencement fait grand diligence de reduire son peuple & clergé en bon ordre des ceremonies ecclesiasticques, leur donnant forme & maniere de faire leurs oraisons, & le saint serui ce diuin. Ce fait enuiron l'an reuolu, il delibera aller à Rome, s'uyuant la coustume qu'estoit pour lors des nouueaulx Euesques, qui ordinairement en la premiere année, s'il n'y auoit excuse grāde, alloÿt en personne visiter le Pape, & les saintz lieux pour estre par le siege Apostolicque confermez. Ce que fait ledict Pulchrone : mais pendant qu'il fut à Rome, aduint que l'empereur Martianus, estant en Constantinoble, sollicitoit le Pape Leon, par lettres & prieres, de congreger vn Concille general, en la Grece, pour disputer, traicter & accorder certaines factions, & nouvelles doctrines en matiere de la foy, estans entre les Euesques & Prelatz des eglises Germanicques Asiaticques, & Latines, introduictes & publiées, par vn Abbé de Constantinoble, nommé Eutices, Dioscorus d'Alexādie, son disciple, & autres leurs fauteurs, qui maintenoÿt entre autres plusieurs heresies, qu'en Iesuchrist la diuinité, & humanité n'estoit qu'une nature, &c.

¶ A quoy le saint Pape Leon, voyant la necessité, & voulant obtemperer, fait la conuocation dudit cōcille, & assigna le lieu en la cité de Calcedoine, laquelle est située au cōmencement d'Asie la mineur, pres le Bosphore de Tracie, à l'opposite de ladicte cité de Constantinoble, & fut cestuy concile, le plus auctorisé de tous ceulx de l'eglise Romaine. Ordōna plusieurs Euesques pour y assister, entre lesquelz nostre Euesque Pulchrone y fut enuoyé, avec plusieurs autres: tellement qu'on liēt qu'en icelluy concile y furent assistans, iusques au nombre de six cens trente Euesques: Toutefois le bon Pape Leon, par ce qu'il estoit pour lors debile de maladie, n'y fut point en personne: mais y enuoya pour son vicaire & lieutenant, vn treffcauant homme nommé Pascalinus, comme il est escript en la quatre vingtz sezieme distinction, au chappitre *Nos ad fidem*, &c. En cestuy concile, fut tellement disputé que vniformement par les decretz desdictz saintz peres, & sentēce diffinitive, en presence du bō Empereur Martianus qui y estoit en personne, furent condamnez lesdictz hereticques, selon la foye que ie trouue par auteurs anticques: de laquelle i'en mettray icy quelques motz briuevement.

*In hac synodo Eutices Constantinopolitanus Abbas, asserens verbi Dei & carnis, vnā esse naturā, eiusque defensor Dioscorus Alexandrinus quondam Episcopus, vna omnium patrum sententia condemnati sunt. Nestorius etiam Constantinopolitanus quondam Episcopus olim in Ephesia synodo damnatus, iterum cum reliquis hereticis anathematizatur. Declarauitque hæc sancta synodus Christum Deum sic de virgine natum, vt in eo & diuinæ & humanæ naturæ substantiæ esse fateamur; decretumque est, vt mater Dei Maria, non solum Christothocos, sed etiam Theothocos credatur, & appelletur propter blasphemias Nestorii mentientis eam non Deum sed hominem purum genuisse, ordinauitque hoc Eulogium. Gaude Maria virgo cunctas hereses interemisti. &c. In ecclesiis debere cantari.*

¶ Après cestuy concile nostre Euesque Pulchrone retourna en son Euesché de Verdun, & desirant augmenter & donner plus grande reuerence & auctorité à son eglise & principal siege Episcopal, qui estoit pour lors à ladicte eglise de saint Pierre & saint Paul, située hors des murailles dudit Verdun, ensemble fonder & instituer, offices, dignitez, & prebendes, comme aux autres eglises cathedrales qu'il auoit veu, tant en Grece, Asie, que Italie. Delibera meſtre & edifier de nouueau son eglise & siege Episcopal, dedans l'enclos & fermeture de la cité de Verdun, à fin que plus seurement ses confreres Chanoines, peussent à Dieu seruir, & faire le saint seruice diuin, sans troubles n'empeschemens, Or auoit il grans biens patrimonialx, tant en ladicte cité, que dehors, lesquelz il applicqua totalement pour l'erection & fondation d'icelle nouuelle eglise. De laquelle il fait faire & construire les fondemens au lieu

*Saint Pulchrone Euesque de Verdun, sen alla à Rome.*

*Conuocation du concile de Calce doine contre l'heresie Euticienne.*

*Saint Pulchrone enuoyé au concile de Calcedoine.*

*Eutices condamné hereticque audit concile.*

*Audit concile la Vierge Marie de clarée non seulement Christotocos, mais aussi Theotocos.*

*L'institution d'ug verselet, Gaude Maria cunctas hereses interemisti.*

*Saint Pulchrone transfert l'eglise cathedrale de Verdun, en la cité.*

*La premiere fondation des Chanoines de Verdun.*

## Le.ii.liure des antiquitez de la gaule belgicque,

au lieu de sa maison patrimoniale, assise pour lors au lieu, ou es enuiron, ou lon void presentement nostre eglise de Verdun. Et pour ce que le lieu n'estoit assez capable, il trouua maniere auoir les lieux circonuoisins, qu'estoient pour le plus en iardinages sur le declin de la montagne. On trouue aux anciens munimentz de l'eglise, que pour lors y auoit quelque lignage de gens, citoyens, auquelz appartenoient lesdictz iardins, pour la pluspart, qui esmeuz par deuotion, voyant le bon zele de leur Euesque, baillerent & aulmosnerent grand partie desdictz lieux circonuoisins pour edifier la dicte nouvelle eglise. A raison dequoy le bon Euesque, par maniere de recognoissance, leur donna, & à leur posterité quelques préeminences & priuileges, qui durēt encores iusques au iourd'huy, quant les Euesques nouueaulx font leur entrée. Et sont appelez ceulx qui vsent dudict priuilege, les siefuez de Verdun.

¶ Quant l'eglise fut ainsi ediffiée, le bon Euesque Pulchrone luy bailla le nom & tiltre de la vierge Marie, instituant la principale solēnité, soubz la Natiuité d'icelle: & pour recordation, & memoire des decretz du saint concile, de Calcedoine, ou il auoit esté present, feit insculper en ladicte eglise l'image de la vierge Marie, ayant vn serpent soubz ses piedz, signifiant & designant que les hereticques, blasphemateurs d'icelle, auoient esté suppeditez, & cōdamnez audict concile. Ce qui donne à cognoistre clair remēt, qu'en toutes sculptures, & painctures des images, soubz le tiltre de Nostre Dame de Verdun, on doit obseruer ceste forme qu'elles ayent vn serpent soubz les piedz, comme on peult veoir par les anciennes images qui sont en nostre dicte eglise. Or ce fait il proceda à l'erection & fondatiō des premiers Chanoines en petit nombre, pour le commencement, & selon sa puissance, ensemble des biens & rentes donnez, & aulmosnez par ceulx qui vouloient estre receuz chanoines en icelle eglise. Car on trouue par les antiquitez, qu'auant les grandes donations, & fondations des eglises faictes par les Princes, Roys, & Empereurs, le commencement d'icelles a esté par ceulx qui prenoient l'estat de l'eglise, qui donnoient & aulmosnoient (suyuant la forme des Apostres en la primitiue eglise,) tout ce qu'ilz auoient, eulx, & leurs biens, pour la communaulté du clergé. Ce qui fut obserué du temps de nostre Euesque Pulchrone, soubz le quel premierement commācerent les fondations des Chanoines, & fut trāslaté le siege Episcopal en l'eglise Nostre Dame, cōme il est de present, & ne ar moins ladicte eglise ancienne de saint Pierre & saint Paul, demeura tousiours soubz grande reuerence & deuotion de ceulx de Verdun, pour les saintz corps qu'y estoient inhumez, & tellement que le saint hōme Pulchrone, auāt sa mort qui aduint apres qu'il eut tenu l'euesché seize ans, l'an quatre cens septante, ordōna que son corps fust inhumé en ladicte eglise de saint Pierre, & saint Paul, & puis ses successeurs Euesques Possessor, & saint Vanne ordonnerent à la mort, leurs corps estre inhumez & mis sur ledict saint Pulchrone. Toutefois le corps dudict saint Vanne, qui estoit en la partie superieure, & le dernier inhumé, fut le premier canonisé, & depuis long temps apres, soubz l'Euesque Hatto: les deux corps saintz Pulchrone, & Possessor, furent reuelez miraculeusement, & canonisez reueramment, & mis en chasses & fiertres: comme on les void de present.

*Le tiltre de l'eglise de Verdun, soubz le nom de la Natiuité de la Vierge Marie.*

*La forme de l'image Nostre Dame de Verdun. L'imitation des premiers chanoines de Verdun.*

*La maniere des premieres fondations des eglises.*

*L'eglise cathedrale de Verdun trāsferrée de saint Vanne en Nostre Dame.*

*La mort d' saint Pulchrone.*

*Inuētiō des corps saintz Pulchrone & Possessor.*

# depuis Pharamond iusques à Charlemagne. F. liiij.

## Des Papes qui ont tenu le siege de Rome, pendant la vie dudit Euesque saint Pulchrone,

**L**E O, premier du nom, de nation Tuscane en Italie, fut esleu Pape de Rome l'an quatre cens quarante deux, homme de tresgrant sçauoir & doctrine, comme on peult veoir par les liures qu'il a composez, pour la confirmation de nostre foy chrestienne: tant en decretz Ecclesiastiques, comme epistres, Omelies, & Sermons, receuz en grande admiration, & reuerence, par toutes les eglises chrestiennes: sans controuersie. Tellemēt que pour sa tresexcellente doctrine, & sainte vie, il merita, de porter tiltre, & surnom de Magnus, c'est à dire grant, entre tous les autres Papes, soubz luy fut le concile de Calcedoine, & mourut apres qu'il eut tenu le siege enuiron vingt & vñ an.

*Leo premier du nom. xlvii. Pape*

**H**ILARIUS natif en Sardame, fut esleu Pape de Rome, l'an quatre cens cinquante huiet, homme tresdocte, & vertueux, & combien qu'il eut de son tēps plusieurs perturbations: toutcefoys il ne laissa iamais de virilement poursuyure & administrer les choses diuines & les charges de son office, & dignité Papale. Il ordonna que les Papes viuans, ne pourroient ordonner, créer, ne disposer de leurs successeurs. Il mourut apres qu'il eut tenu le siege sept ans.

*Hilarius Pape, xlviii.*

## Des Empereurs, regnans du temps dudit saint Pulchrone, cinquieme Euesque de Verdun:

**V**ALENTINIANVS, filz de Placide, tante de Theodose le ieune, & du vaillant capitaine Constantius, fut crée Cesar par ledict Theodose, & depuis print la fille dudit Theodose, & fut fait compaignon de l'empire, gouuernant l'empire occidental, & regna vingt cinq ans, avec ledict Theodose le ieune, & cinq ans avec Martianus. De son temps il accorda avec Gensericus roy des Alains, & Vyandelz: tellement qu'Affricque fut diuisee entre eulx. Il eut victoire contre Atilla roy des Huns, par le moyen & par les vertuz de Etius maistre de la cheualerie Romaine, lequel depuis par enuie & comme ingrat le feit tuer, en l'an quatre cens cinquante & six: craignāt l'auctorité, & les vertus d'icelluy: mais il n'en demeura impuny, car l'an suyuant quatre cens cinquante sept, fut tuē par vn des amys & seruiteur dudit Etius, nommé Transila, & par ce regna en tout trente ans.

*Valentinianus regna avec Theodose, dessusdict, & avec Martianus.*

456/  
457

**M**ARTIANUS obtint l'empire Oriental, en Constantinoble, apres la mort dudit Theodose le ieune, en l'an quatre cens cinquante & quatre, par le moyen de la seur dudit Theodose, nommée Pulcheria, laquelle auant que la mort de sondict frere fut publiée, elle appella ledict Martianus, homme ancien, vertueux, & prudent, prenant de luy serment qu'il luy garderoit sa virginité qu'elle auoit vouée à Dieu. Et ce fait le print pour mary en le constituant Empereur de Constantinoble. Si vesquit vertueusement en l'Empire Oriental, comme tressainct homme, & catholicque, fauorisant aux bons chrestiens, & eut

*Martianus Empereur. li. 454*

# Le second liure des antiquitez de la gaule belgicque,

& eut plusieurs reuelations diuines: toutefoys de son temps, & de son confort Valentinian, l'empire Romain fut si diminué, que toute la Germanie, Dacie, Sarmatie, Espagne, Aquitaine, Bourgongne, & quasi toute la Gaule furent mises hors de l'obeissance des Romains, & depuis iamais n'y retournerent. Si fut tué le bon Empereur Martianus, apres qu'il eut regné sept ans, à sçauoir cinq ans avec Valentinian, & deux ans seul, par la confederation de deux capitaines Ardaburius, & Aspar.

*Leo premier de ce nom, Empereur cinquante deuxieme.*

**LEO** premier du nom, natif de Grece, obtint l'empire à Constantinoble, enuiron l'an quatre cens soixante, & gouverna l'empire Oriental par l'espace de seze ans, durant lequel temps l'empire Occidental, fut gouverné & diuisé en plusieurs, & diuerses parties: toutefoys il accorda avec le roy des Ostragothz, qui pour lors tenoient Thoulouse. Finalement il instrua Cesar, & confort de l'empire, le filz de sa fille Ariague, nommé Leo, & puis mourut: mais ledict ieune Leo, ne teint long tēps l'empire qu'il ne mourut, & auant sa mort, il couronna de ses mains son pere, nommé Zenon, enuiron l'an quatre cens septante & six.

## ¶ Des roys de France, regnans au temps duedict sainct Pulchrone.

*Childeric quatre me roy de France*



**CHILDERIC**, filz de Meroneus, fut quatrième roy de France, estant infidele, & Payen, l'an de grace quatre cens cinquante huit, les autres escriuent quatre cens soixante: du commencement de son regne, il fut fort luxurieux, prenāt femmes & filles des nobles de ses pays qui de ce irritez s'esleuerent contre luy l'an deuxième de son regne, tellement qu'il fut contrainct fouyr, & se retirer vers le roy de Thuringe, appellé Basin. Les autres come maistre Nicole Gilles, escriuent qu'il se retira à Metz, ou estoit gouuerneur & Duc, ledict Basin, enuers lequel il se monstra fort ingrat: car il s'enamora de sa femme Basine. Voyans les François, leur roy fugitif, ilz appellerēt pour regner sur eulx, vn capitaine des Romains, nommé Gillon, qui tenoit encores Soissons, & les pays voisins pour les Romains: mais ledict Gillon vfa de telles tyrannies contre eulx que enuiron huit ans apres, il fut chassé, & Childeric reuocqué, par l'ayde d'vn Prince de France appellé Guynemault, qui estoit son bon amy. Et dict ledict maistre Nicole, en son histoire, que les François allerent au deuant iusques à la ville de Bar, & qu'apres son retour il gouerna si tresbien & sagement qu'il eut de belles victoires contre ledict Gillon, & autres ses ennemys, & dilata son royaume iusques à Orleans, & Angiers. Il receut en amytié & confederation, Laudo Duc de Tongre, lequel au parauant tenoit pour les Romains, & luy donna à gouuerner grant pays en la Gaule Belgicque, pendant qu'il estoit absent, dilarant son royaume aux autres parties de la Gaule. Tout son temps eut guerres & dissentions cōtre les enfans de Clodion le cheuelu, que son pere Meroneus auoit dechassé, lesquelz pretēdoient retirer leur royaume de ses mains: mais il fut tousiours le plus fort, & puis mourut apres qu'il eut regné vingt quatre ans: les autres escriuent vingt six ans, & laissa vn filz, nommé Clouis, & plusieurs filles, entre lesquelles Albofilade, Andefrade, ou Andechilde, mariée à Theodoric, roy d'Italie, & des Visigothz: & Basine mariée à Laudo, Duc de Tongre, & Brabant.

¶ Des

Des Ducz de Tongre, regnans du temps dudiect  
sainct Pulchrone.



**L**A V D O, filz de Charles le Bel, succeda à son pere, au Duché de Tōgre, & Brabant, enuiron l'an quatre cens soixante: lequel voyât prospérer les François & croistre leur puissance de plus en plus, en la Gaule, & au contraire l'auctorité des Romains diminuer, de iour, en iour, laissa le party des Romains, & se retira vers Childeric roy de Frâce, print son alliance contre lesdictz Romains, dont lediect Childeric fut tres ioyeux, & le receut benignement, en luy baillant la charge & gouuernement d'vne grand partie de la Gaule Belgicque: signamment pour deffendre soubz luy, lediect pays, contre les enfans dudiect Clodion le Cheuelu, qui continuellement menoient guerre contre lediect roy Childeric, pour retirer leur royaume paternel, duquel ilz auoient esté deiectez par Meroneus son pere, cōme nous auons diect, & dirons encores cy apres. Finalement lediect Laudo mourut en la dixhuietieme année de son regne, enuiron l'an quatre cens septante huit.

*Laudo Duc de Tongre, & Brabant.*

Chappitre premier, des enfans de Clodion  
le Cheuelu:



**P**OUR SATISFAIRE à ce que nous auons promis au commencement de ce second liure, nous mettrons icy & consequēment apres vn chacun de noz Euesques subsequens, les Princes descendans dudiect roy Clodion le Cheuelu, qui furent desheritez dudiect royaume de France, par Meroneus, comme auons diect cy dessus, en escriuant desdictz Clodion & Meroneus, & monstrerons clairement, que d'iceulx par ligne directe sont venuz, & procréez le noble roy Charlemagne, & les Ducz, & Comtes de Lorraine, Brabant, Namur, Ardenne, & Haynau.

*Deduction premiere en nostre chronique des enfans Clodion.*

PREMIEREMENT, traiterons de ceulx qui ont esté contemporains à nostre Euesq Pulchrone, depuis qu'il vindrēt en aage viril, & puiffantz de porter armes.

**R**ancaire filz aîné de Clodion le Cheuelu, deuxieme roy de Frâce, estāt ieune, fut par Meroneus, son tuteur, priué du royaume de France, enuiron l'an quatre cens cinquante, aussi furent ses deux autres freres Regnauld, & Auberon: toutefoys ilz euerent la mort, par ce que leur mere les emporta secretement hors de France, vers Toringe. Quant il vindrent en aage, à porter armes, ilz prindrēt alliance aux Huns, Gothz, Ostrogothz, Armoriniens, Saxōs, & autres nations, qu'ilz sçauoient estre contraires, ou ennemys aux Meroniens, & tellement feirent, que par l'ayde d'iceulx recouurerent grand partie de leur patrimoine, vers Cambray, Tournay, Haynau, Ardenne, Alsacie, & autres que leur feu pere auoit conquesté. Lesquelles regions, ilz teindrent long temps, & les deffendirent, contre lesdictz Meroniens, prenans le nom de roy, chacun en sa portion. Or de ces terres reconuertes, veindrent à la portion dudiect Rancaire l'aîné, & de son plus ieune frere Regnauld, le pays de Cambresis, Tournay, Haynau: Toutefoys enuiron l'an quatre cens septante, le plus ieune frere, Regnauld, mourut sans heritiers de sa chair: parquoy lediect Rancaire succeda tout seul aufdictes seigneuries, & puis mourut, en l'an quatre cens quatre vingtz & six, & laissa troys enfans, Rancaire, Richer, & Regnauld, qui luy succederent, cōme nous dirons cy apres.

*Rancaire, aîné filz de Clodion.*

170  
186

# Le ij. liure des antiquitez de la gaule belgicque,

*Auberon, second filz du roy Clodio, seigneur d'Ardenne, & autres en l'extremite du Rhin.*

## Alberic, ou Auberon

second filz dudit Clodion, priuè de son patrimoine, comme ses dessusdictz freres, recouura

partie de son patrimoine vers Ardenne, Alsacie, & aux extremitez de la Gaule Belgicque, vers le Rhin. Il fut homme de grand prudence & sçauoir, subtil, & hardy aux armes: tellement qu'on l'appelloit enchanteur, ou feé, & eut plusieurs victoires contre les Meroniens, estant tousiours allié aux ennemys d'iceulx, & mesmes au capitaine Gillon, Romain, demeurant a Soissons, quant il fut expulsé des Frâçoys: & à tous autres qu'il cognoissoit estre ennemys, desdictz Meroniens. Il se tenoit pour le plus, comme escriuent Alberic, & Hugues de Toul, es forestz charboniere d'Ardenne, & Vicongne: sacrifioyt aux Dieux, & Déesses, suyuant la secte Payenne, & auoit grâ de esperance en eulx, pource qu'une foys en dormant les Dieux, Mars, & Iupiter, luy apparurent, comme il disoit, & luy dirent, que tous les regnes, que son pere auoit iadis tenu, luy seroient renduz, ou à sa lignée.

*Auberon allié aux ennemys des Meroniens.*

*Les citez, villes, & chasteaux edifiez, par ledict Auberon.*

¶ Il feit réedifier plusieurs citez, & Chasteaulx, cōme la cité de Strabourg, qui estoit destruite, & la feit circuir de murs, & de tours. Il ediffia le chateau de Tulle, Espinal, Marsaulx, & les baingz de Plonniers. En la forest de Vogieuse feit faire vn tresfort chateau, en memoire de son pere, & plusieurs temples, & autelz, pour immoler, & sacrifier a ses Dieux. Et semblablement vers les mons Assaticques, & au milieu de son regne, à sçauoir en Ardenne, l'autel, le temple, & le Chateau de Namur, le temple de Mercure, que maintenant on appelle Chateau Sanfon. En ladicte forest Charboniere, feit réedifier plusieurs temples, & Chasteaux, comme Chasteaulieu, qui estoit tout destruit, lequel à present nous appellons Mons en Haynau, & en celle place, sur le mont feit faire vne tour carrée, qu'il appella de son propre nom, & feit faire vn puy aupres de ladicte tour, qu'ilz ont encores de present, & y feit faire vn tēple de Minerue, qu'on appelle à present, le Mōt sainct Audebert, & vn autre qu'on souloit appeller, le mont Auberon: mais maintenant on l'appelle la Houppes Aubron. Il eut vne victoire contre les Meroniens, en vne place qu'on appelle à present Miruault. Dont il aduint que lesdictz Meroniens disoient, que ladicte victoire estoit faite, par les Dieux des forestz, & l'appelloient l'enchanteur, ou feé,

*Mōs en Haynau ediffié par Auberon.*

*Victoire de Auberon, contre les Meroniens.*

*Auberon marié à la fille du roy des Ostrogothz.*

¶ Ledit Auberon, fut de si grant bruiet & renommée, & entreteint si bien l'alliance, qu'il auoit avec les Gothz, & Ostrogothz, que Thendemer roy des Ostrogothz, luy bailla sa propre fille Argotte, en mariage. Dont aduint que par apres Theodoric son filz, frere de ladicte Argotte, & ledict Auberon s'entretindrent tousiours en amitié, & confederation, & feirent plusieurs grans faitz d'armes, ensemble. Et si les lecteurs veullent plusampement entendre, les progeniteurs de ladicte Argotte, & les faitz de son frere Theodoric, qui depuis fut roy d'Italie, faudra retourner aux histoires des Gothz, & Ostrogothz: toutefois i'escrivy icy quelque mot, qui pourra seruir pour l'intelligence des faitz dudit Auberon, & sa posterité.

*Appoinctement entre Leon Empereur, & le roy des Ostrogothz.*

¶ A sçauoir, que enuiron l'an quatre cens cinquante neuf, Leo Empereur en Constantinoble, feit paix, & appoinctement, avec Vvalamer, roy des Ostrogothz, qui auoit esté avec Atila, en ladicte bataille des champs Cathalonicques, contre les Romains, & pour assureur leur alliance, Vvalamer enuoya pour ostage Theodoric, filz de son frere, estant ieune enfant, à l'Empereur Leo.

*Thierry roy des Ostrogothz, & Zeno Empereur de Constantinoble.*

¶ En l'an quatre cens soixante & vn, ledict Vvalamer mourut, & luy succeda audit royaume, Thendemer, son frere, & pere du ieune Theodoric, & de Argotte, femme de Auberon, auquel l'Empereur Leo renuoya, son filz Theodoric, qu'il tenoit en ostage, en signe de plus grande amitié, combien que ledict Thendemer, teint la secte Arriane.

¶ En l'an quatre cens septante & troys, Thendemer mourut, & luy succeda Theodoric, alias Thierry, son filz, audit royaume des Ostrogothz, qui continua l'alliance avec l'Empereur Leo, qui mourut en l'an quatre cens septante & six, & luy succeda à l'empire de Constantinoble, Zeno, son gendre, & pere de Leo deuxieme, qui renouuella les alliances, & amitez, avec le roy Theodoric, lequel veint en la court dudit Empereur, ou il fut receu en si grād grace, qu'il estoit secōde psonne, apres l'empereur.

¶ Et

# depuis Pharamond iusques à Charlemagne F. lvi.

¶ Et pendant ledict temps Odoacer, Prince Barbare, se feit Roy de toute l'Italie, laquelle il teint bien quatorze ans: & iusques à tant que ledict Theodoric, par la permission que luy feit l'empereur Zeno, entra en Italie, & tua ledict Odoacer. Se feit roy d'Italie, & dilata son royaume en Misie, Italie, & iusques en Aquitaine. Et escriuent les historiens, de luy, que pour mieulx entretenir son royaume, & sa principauté, il feit grandes alliances, par mariages aux Princes, & roys, regnans pour lors, car luy mesme espousa la fille de Clouis, Andofede. Et si maria l'une de ses filles, à Sigismond roy des Bourguignons, & l'autre à Alaric roy des Visigothz, qui se tenoit à Tholouse. La troisieme nommée Amalafintha, il la maria à Eucharius, homme de ancienne noblesse de la Germanie, qui engendra Athalaric, qui luy succeda. Semblablement il maria sa niepce Amalbert, à Harmefroy roy de Thoringe, & l'une de ses seurs au roy des Vandalz, & son autre seur Argotte (iaçoit ce qu'aucuns dient que c'estoit sa fille) fut mariée audict Auberon, qui se nommoit roy de France. Combien qu'à la verité ne tenoit que Ardenne, Alfarie, & quelque pays du Rhin.

*Theodoric roy des Ostrogothz, entra print le royaume d'Italie contre Odoacer.*

*Les alliances par mariage, que feit Theodoric, roy des Ostrogothz*

¶ Et en traitant ledict mariage, ladicte Argotte eut grans terres, & possessions, en Aquitaine: laquelle eut de son mary vn filz, nommé Vvaubert, qui fut marié par la faueur dudit Theodoric, à Lucille, seur de l'Empereur Zenon, comme dirons cy apres. Et finalement ledict Auberon mourut, environ l'an quatre cés quatre vingtz & huit, & fut inhumé au territoire des Nerniens, en vn temple qu'il auoit edifié, nommé la Houppes Aubron, & ne regna que vingt ans, car combien qu'il debuoit commencer à regner, l'an quatre cés cinquante: toutefois il ne commença à regner, que l'an quatre cés soixante huit.

*Vvaubert filz du dict Auberon, & de Argotte sa femme. 488*

*La mort Auberon.*

¶ Apres la mort duquel, le roy Clouis, qui auoit fait mourir ses nepueux, les Roys de Cambresis, mena grosse armée contre Alaric, roy des Ostrogothz, gendre du roy Theodorus, qui se tenoit à Tholouse. Et semblablement contre Vvaubert, filz du defunct Auberon: en laquelle bataille fut tué Alaric, roy. Dequoy irrité Theodoric, enuoya environ l'an cinq cés & dix, vn sien capitaine, nommé Ylba, contre Clouis, pour venger la mort de son gendre, qui eut victoire contre luy: & moururent des François plus de trente mil, comme Sigilbert recite. Et retira Gasconne, & Aquitaine, en son obeissance.

*Victoire des Ostrogothz, contre Clouis.*

¶ Environ l'an cinq cés vingt & trois, mourut ledict Theodoric, tenant la secte Ariane, apres qu'il eut regné cinquante ans. Et pour ce qu'il n'auoit enfant male, il institua Athalaric, filz de sa fille Amalafintha, qui n'auoit que environ huit ans.

*La mort du roy Theodoric.*

## Chappitre deuxieme, des roys de Bourgongne.

**P**OUR PLUS GRANDE intelligence de nostre histoire, nous insererons icy vn petit chappitre des roys de Bourgongne. A sçauoir que environ l'an quatre cés quarante quatre, les quatre filz de Gundégus, roy de Bourgongne, duquel auons parlé cy dessus, Gundebauld, Gundegifil, Chilperic, & Gothmar, apres la mort de leurdict pere, vindrent à succeder au royaume de Bourgongne, & partirēt l'heritage, en plusieurs parties, dont chascun eut sa portion: mais bien tost apres, suruint question entre eulx, & grand guerre, & tellement procederent, que Gundebauld, & Gundegifil, furent d'une bende, Chilperic, & Gothmar d'une autre, lesquelz furent vaincuz, & occis, en plaine bataille, & la femme dudit Chilperic iectée dedans le fleue du Rhosne,

*Gundégus roy de Bourgongne.*

*Guerre, & dissension entre les enfans de Gundégus.*

## Le.ii.liure des antiquitez de la gaule belgicque,

& les enfans masles d'iceluy, & dudiēt Gothmar tuez. Or auoit lediēt Chilperic, deux filles, l'vne nommée Sodalinde, autrement Crona, laquelle fut religieuse: & la plus ieune appellée Clotilde, fut nourrie en la maison du roy Gūdebould, son oncle: laquelle depuis fut mariée à Clouis, roy de Frāce. Quelque temps apres morut Gundegifil, sans delaisser enfans, auquel Gundebould, son frere, succeda en tout, qui semblablement mourut, laissant deux enfans, à sçauoir Sigismond, qui fut reputé sainct, & eut pour espouse la fille de Theodoric, roy d'Italie: & l'autre filz fut Godomar, lequelz succederēt au royaume de Bourgōgne, apres leur pere Gūdebould. Cōbiē que Gaguin est aulcunement d'autre opinion, Ces deux, Sigismond, & Godomar, avec leurs enfans, & posterité, furent expulsez dudiēt royaume de Bourgōgne, & miserablement tuez, par les enfans dudiēt Clouis roy de France, comme nous dirons cy apres.

*Clotilde mariée  
au roy Clouis.*

*Sigismunde &  
Godemar roy de  
Bourgongne.*

*Royaume de Bour  
gongne extermi  
né par les enfans  
du roy Clouis.*



De la vie saint Possessor  
sixieme Euesque  
de Verdun.



**P**O S S E S S O R, natif de Verdun, fut apres la mort de sainct Pulchrone, esleu Euesque par le clergé de l'eglise Nostre Dame, en l'an quatre cens septante, & fut le premier qui fut installé, en la nouvelle Eglise située dedàs les murailles de la cité, que son predecesseur Pulchronius, auoit fait eriger, soubz le tiltre de la Vierge Marie. On trouue que de son ieune aage, il auoit esté tousiours bon chrestien, & chatholique, nourri, & instruiet par ses parens, en la foy chrestienne, mesme durant le temps que la cité de Verdun, estoit sans Euesques, & fut l'vn des principaulx aucteurs, de restituer,

& remettre en l'eglise de verdun, les Euesques, laquelle de long temps, en auoit esté priuée: tellement que par son moyen, son predecesseur Pulchrone, auoit esté appellé, & institué Euesque. Et pour lors cestuy Possessor, estoit marié, homme sçauant, tresriche, & puissant, des principaulx de la noblesse, & du gouuernement, de ladicte cité de Verdun: & entre toutes les vertus, & perfectiones, qu'il auoit, singulierement estoit grant aulmosnier, & distributeur de ses biens, aux paoures, & par tant auoit il grande auctorité, & faueur, entre tous ceulx de ladicte cité de Verdun. Si aduint que enuiron le commencement de la promotion de l'Euesque Pulchrone, sa femme alla de vie à trespas, sans enfans: parquoy il delibera totalement, suyuir l'estat de l'Eglise, & laisser la temporalité. Si obtint la chanoynerie, & prebède, en l'eglise de Nostre Dame, ou il donna tous ses biens meubles, & immeubles, pour l'augmentation, de la fondatiõ, d'icelle eglise: comme pors lors, la coustume estoit, entre ceulx, qui vouloient estre du nombre des Chanoines, & Prebendez, & en ce furent fort augmentez, les rentes, & reuenuz, desdictz nouueaulx Chanoines, ses confreres: & deslors commença à viure solitairement, & saintement, en perseuerant en ieunes, oraisons, & perfection de sainte vie, ce que donna occasion au clergé, avec l'acclamation de tout le peuple de Verdun, le nommer, & eslire Euesque apres la mort d'iceluy Pulchrone, son predecesseur. Or du temps de sa promotion, par toute la Gaule, y eut grandes commotions de guerres, & nouuelles entreprinse de regnes, gouuernemēs, & seigneuries: car l'an qu'il fut esleu, le roy de France, Childeric, qui pour sa luxure, auoit esté deiecté de son royaume (comme auons dict en escriuant de luy) fut restitué & r'appellé, par les Princes François: & Gillon Romain, qui auoit esté subrogé, en son lieu, fut deiecté, & contrainct se retirer, à Soissons, que par auant, il tenoit, soubz l'obeissance des Romains. Dequoy aduint que ledict Childeric, desirant totalement expulser, & deiecter des Gaules, ledict Gillon, son ennemy, assemble vne grosse armée, & le veint assaillir en plaine bataille, pres Soissons, en laquelle il eut victoire, & fut ledict Gillon, contrainct s'en foyr, hors de la cõtrée, par ce qu'il ne peut rentrer audict Soissons, lequel toutefois estoit tenué, par ces gens qu'il auoit mis en garnison dedans, & print son chemin es citez de Treues, & Coulongne, esquelles pensoit trouuer ayde & secours d'aucuns Capitaines, & Cheualiers Romains, qui tenoient encores lesdictes citez. Si passa par Metz, ou il fut receu, en faueur de Basin, Prince de Thoringe, qui souuēt faisoit sa residence à Metz, comme dict maistre Nicole Gille, & donna tous les aydes

*La vie de saint Possessor sixieme Euesque de Verdun.*

*Saint Possessor marié auant son election.*

*Saint Possessor donna tous ses biens, pour l'augmentation des prebendes de ses confreres.*

*Les guerres & mutations de la Gaule, du temps de S. Possessor.*

*La victoire du Roy Childeric, cõtre Gillon, pres de Soissons.*

*Gillo fugitif, pas sa par Metz & par Verdun, estât encor soubz l'obeissance des Romains.*

# Le ij. liure des antiquitez de la gaule belgicque,

& confortz qu'il peut audiēt Gillon, contre Childeric, qu'il hayſſoit, pour ſon ingratitude, à raiſon de ſa femme, qu'il luy auoit ſubſtraiēt. Et à la verité pour lors les citez de Metz, & Verdun, n'eſtoient encorés reduictes en l'obeiſſance des roys François: mais tenoient l'alliance des Romains, auſſi faiſoit le Duc de Tongre, pour lors regnant, appellé Lando: Mais voyant la fuiēt dudiēt Gillon, & que Childeric, proſperoit iournallemēt, cōtre les Romains, laiſſa l'alliance d'iceulx, & ſe retira audiēt Childeric, qui le receut ioyeuſement.

*Treues & Coulongne, ſoubz l'obeiſſance des François.*

¶ Quant Childeric, fut aduertý, que lediēt Gillon eſtoit à Coulongne, & voyāt qu'il eſtoit fortiſié, par l'alliance, du Duc de Tongre: il delibera le pourſuiure avec ſon armée, & par force print leſdictes citez de Treues, & Coulongne, & les rendit en ſon obeiſſance, & deſlors les Romains, en furent totalement deiectez, & grant nombre d'entre eulx occiz, & tuez: tout eſtoys Gillon trouua maniere d'eſchapper, & retourna à Soiffons, ou il fut receu, par le moyen dudiēt Baſin, & de ceulx de Metz, & Verdun. Et comme dient les hiftoriens, il teint la cité de Soiffons, fut par appointement, ou contre le vouloir dudiēt Childeric, ſa vie durant Car il mourut en l'an quatre cēs quatre vingtz & vn. Auquel ſucceda ſon filz Siagre, pour quelque tēps. Durāt lequel noſtre diēt cité de Verdun, adheroit plus à eulx, que aux roys de France, comme dirons cy apres.

*Siagre filz de Gillon ſucceda à Soiffons.*

*Artus de Bretagne en la Gaule inſtitué le premier cōte à Boulongne ſus la mer.*

*Les conqueſtes de Artus de Bretagne en la Gaule Combat de Artus de Bretagne contre Gillon à Paris.*

*Ereētio premiere de Noſtre Dame de Paris.*

*Ermines ordōnez pour les armes des Ducz de Bretagne.*

*Geneure femme de Artus de Bretagne.*

¶ Geruaſius Tilesberius hiftorien de France, eſcript, que pendant que lediēt Childeric, eſtoit exilé de ſon royaume: Artus de Bretagne, premier des preux chreſtiens, des faiētz duquel, les hiftories ſont plaines. Apres auoir conquis pluſieurs royaumes, & Iſles de mer, comme Eſcoſſe, Irlande, Norvvegne, Dānemarc, paſſa la mer, & deſcendit à Boulongne, & à fin de tenir les paſſages libres, pour aller, & venir de la Gaule, en ſon royaume d'Angleterre, il inſtitua ſon nepueu, premier Comte de Boulongne, luy donnant pour ſes Armoyries, troys boules d'or, en vng champ de gueulle, que portent encorés au iourd'huy les Comtes dudiēt Boulongne, & luy ordonna demeurer illec, & garder la place. Et de la conquiſt Flādres, appellée Ruthilia, pour lors, & quaſi toute la Gaule, & de la veint iuſques à Paris, ou il eut vn combat particulier, contre lediēt Gillon, que les François auoient cōſtitué leur roy, combien que Sigilbert, l'appelle Follon: Et fut iceluy combat faiēt en l'Iſle de Noſtre Dame de Paris, auquel lieu il fut bleſſé merueilleuſemēt, de ſon ennemy: mais toutefoys il obtēint victoire, par vne viſion miraculeuſe, qu'il eut de Noſtre Dame, qui luy fut en ayde. Or luy ſembloit qu'elle eſtoit veſtue d'Ermines, à raiſon dequoy, il feit fonder vne belle chappelle, en l'honneur de la glorieuſe Vierge Marie, & eſt le lieu, où eſt de preſent l'eglīſe cathedrale Noſtre Dame de Paris, & deſlors ordonna que les Seiigneurs de la petite Bretagne, porteroient pour leurs armes, Ermines. Si diēt lediēt hiftorien, qu'il fut merueilleuſement feſtoyé à Paris, & depuis ſe declara fort amy, & allié des François. Et quelque temps apres, enuiron l'an quatre cens quatre vingtz & deux, lediēt Artus fut contrainēt de retourner, en ſon royaume, de Bretagne: car ſon nepueu Mordrec, auquel il auoit laiſſé le gouuernemēt de ſon royaume, & de ſa femme Geneure, auoit entrepris le royaume, ſe faiſant couronner roy, & print pour femme ladiēt royne Geneure,

*Tombelaine le Geant vaincu, par Artus.*

*Vederus commis par Artus en la Normandie.*

*Gayus commis es pays, ou eſt de preſent Lorraine.*

¶ En retournant par la baſſe Bretagne, il vainquit en bataille, le grant Geant, Tombelaine, qui ſe tenoit en la roche de mer, ou eſt de preſent le Mont ſainēt Michel, qu'on appelle à preſent, le Mont Tombelaine, lequel Geant auoit efforcé & violé Helene, fille du Comte Hoel, de Bretagne. Quant Artus eut ce faiēt, auant que repaſſer la mer, il diuiſa, & ordonna gens pour garder aucuns pays, en la Gaule, qu'il auoit conqueſté. Si donna comme diēt lediēt hiftorien, le pays de Neuftrie, qu'on diēt à preſent Normandie, à Vederus, ſon eſchanſon, & conſtitua Gayus, ſon premier panetier, gouuerneur de la pluſpart de Bourgongne, & autres pays circonuoifins, que de preſent on diēt Lorraine: Tellement que lediēt Gayus fut

# depuis Pharamond iusques à Charlemagne F. lviiij.

fut à Verdun, & en print possession, combien qu'elle fust pour lors soubz l'obeissance des Romains, & gouvernement du dessusdict Gillon. Toutèfois tost apres le retour de Artus en son royaulme, les dessusdictz gouverneurs furent deiectez de toute la Gaule, & signamment dudit Verdun, par ledict Gillō, qui tenoit Soissons. Dicit oultre que Artus retourné en son pays, eut vne grosse bataille cōtre son nepueu Mordrec es plaines de Sassebry, en laquelle fut si pertinacement combatu, qu'ilz moururent quasi tous, tant d'un costé, que d'autre, & fut Artus si fort nauré & blessé, que selon aucuns, il en mourut quelque temps apres.

*La bataille d'Artus contre Mordrec son nepueu.*

¶ En l'an quatre cens quatre vingtz & quatre, qui estoit le quatorzieme an du pōtificat de nostre Euesque Possessor, mourut le Roy Childeric, auquel succeda son filz Clouis, qui n'auoit que quinze ans, en quoy on peult cognoistre que durant le temps de nostre Euesque Possessor, y eut grandes diuersitez de regnes, troubles, & nouvelles entreprinse, & signamment en ladicte cité de Verdun. Ce non obstant nostre bon Euesque Possessor, fut tousiours perseuerant en bonnes & vertueuses œuures sans se troubler pour quelque aduersité suruenante: Augmentant son Eglise tant au seruice diuin que en l'entretienement de ses confreres, & neantmoins continuellement exerçant les œuures de misericorde, donnant, & distribuant aux pauures, tout ce qu'il pouuoit auoir oultre le necessaire, en sorte qu'il estoit appellé communement le pere des pauures. Si mourut en grande reputation de saincteté, apres qu'il eut administré sont Euesché seize ans, enuiron l'an quatre cens quatre vingtz & six, & fut inhumé ainsi qu'il l'auoit ordonné, en l'ancienne Eglise de saint Pierre & saint Paul, au propre monumēt de son predecesseur Pulchrone. Les corps desquelz furent releuez & canonisez, enuiron trois cens ans apres, par l'Euesque Hartho, qui les fait enchasser reueremment comme on les void encores de present en icelle Eglise.

*La mort du Roy Childeric.*

*Saint Possessor pere des pauures.*

*La mort saint possessor & ou il fut inhumé.*

## ¶ Des Papes qui ont esté durant ledict Euesque Possessor.

**S**IMPLICIUS natif du pays de Tyburtie, fut esleu Papé, l'an quatre cens cinquante cinq, combien que les Historiens soyent en diuersité en la supputatiō des années. Cestuy fut tressainct, iuste & sçauāt personnage, il declaira le siege de Romme estre le premier, & superieur des autres Eglises, & ordonna que nul prestre ne clerc prissent possession de benefices, par collation de gens lays, & si diuisa Rome en cinq regions principales ecclesiastiques, la premiere saint Pierre, la seconde saint Paul, la troisieme saint Laurens, la quatrieme saint Jean de laran, la cinquieme sainte Marie Maior, & puis mourut apres qu'il eut tenu le siege douze ans. Les autres escriuent quinze ans.

*Simplicius. xlix. Pape.*

**Fœlix** troisieme du nom, natif de Rome, fut Pape l'an quatre cēs septante sept, homme totalement donné à choses diuines, & ecclesiastiques. Il ordonna que les Eglises seroient consacrées par les Euesques, & si conuocqua vn concille ou fut decreté que prestres & clercz accusez en iugement, auroient delay & temps suffisant, pour respondre, auant que d'estre condampnez. Et puis mourut ledict Fœlix, apres qu'il eut tenu le siege huit ans. Aucuns y adioustent vnze moys.

*Fœlix. iiii. du nom Pape cinquante.*

# Le.ii.liure des antiquitez de la gaule belgicque,

¶ Des Empereurs, qui ont regné du temps dudiect Euesque Possessor.

Zeno. iiii. Empe-  
reur.



EN O de nation Ysaucic, gendre de l'Empereur Leo premier, & pere de Leo, deuxieme, fut couronné Empereur en Orient à Cōstantinoble par lediect Leo deuxieme, l'an quatre cens septante six, hōme difforme de corps & de meurs. Il renouuela les alliāces que son predecesseur auoit faict avec les Roys des Ostrogoths, & tira en sa court Theodoric leur Roy, lequel il entreteint en grande amitiē & faueur: Et pour lors vn prince nommé Nepos, tenoit & gouernoit l'Empire Romain & occidental, lequel enuoya vn sien Patrice & capitaine nommé Orestes, pour gouerner la Gaule: mais quant il fut à Rauēne, il institua & crea son filz Angustulus, empereur de Romme, & print alliance avec Gesericus Roy des Vuandelz tenant Affricque, mais tost apres en l'an quatre cens septante huit, Odoacer, homme vil & barbare, venant des parties septentrionales avec grant nombre de Turciligiens, & Heruliens, entra en Italie, print Pauiē, & tua lediect Orestes, Quoy voyant Angustulus s'en fouyt à Rōme, & de crainte & comme desesperē d'ayde se desmeict de l'Empire de sa propre voluntē, & partant lediect Odoacer se feit Roy de toute Italie, qu'il teint paisiblement par l'espace de quatorze ans, & par ce moyen print fin, & fut exterminē totalement l'Empire Romain, qui auoit durē depuis Iulles Auguste Cesar, iusques audiect Angustul<sup>o</sup>, cinq cens vingt & quatre ans. Ce pendent lediect Zeno tenoit l'empire Oriental en Constantinoble, qui entretenoit en sa court, en toute faueur & beneuolence, lediect Theodoric Roy des Ostrogothz, qui fut sollicitē par ses gens (estans faschez de viure en repos) de mener armēe en Italie. Ce quil feit du consentement de l'Empereur Zeno, & tellement poursuiuit son entreprinse, qu'il eut victoie contre Odoacer, & le tua, l'an quatre cens quatre vingtz & quinze, & se feit Roy pacifique de toute l'Italie, de laquelle il iouit par l'espace de trente ans, & vingt ans au parauāt qu'il auoit tenu son royaulme des Ostrogoth, & combiē quil teint la secte Arriane, & eut son principal siege du Royaulme d'Italie à Rauenne, toutefois il feit de grans biens, reparations & edifices en la citē de Rōme, & soubz luy ladiect Italie, fut en tresgrād repos & trāquilitē, sauf qu'il exerça tousiours tirānie cōtre les catholiques. Il feit mourir deux sainctz & sçauans personnages, Bocce, & Simmachus, contraires à sa mauldite secte Arriane, pour laquelle il fut condemnē miserablement en enfer apres sa mort, qui fut en l'an cinq cens vingt cinq, du temps de Anastasius l'Empereur, hereticque comme luy, qui auoit succedē à Zeno, des l'an quatre cens quatre vingtz & dix, que lediect Zeno mourut apres qu'il eut tenu l'Empire de Constantinoble enuiron dix sept ans.

Nepos gouverneur de Rome.

Orestes en la gaule.

Odoacer roy de l'Italie.

Fin de l'Empire Romain.

Theodoric Roy des Ostrogothz entreprenant le Royaulme d'Italie.

¶ Des Roys de France, qui regnerent durant lediect Euesque Possessor.

Childeric. iiii. Roy de France.



HILDERIC filz de Meroneus, duquel nous auons escript en la vie de l'Euesque precedent, regna aussi du temps dudiect Euesque Possessor, & pareillemēt son filz Clouis, duquel nous parlerons en l'Euesque subseqnent, & commença à regner, enuiron deux ans auant la mort dudiect Euesque.

¶ Des

# depuis Pharamond iusques à Charlemagne. F.lix.

## Des ducz de Tongre qui furent durant ledict Euesque Possessor.



**A**VSTRASIVS filz de Laudo, fut après son pere, duc de Tongre & de Brabant, en l'an quatre cens septante huiet. Il fut en la grace du Roy Childeric, qui luy bailla le gouvernement de la Gaule, tout ainsi que son pere l'auoit eu auparauant, toutefois ledict Childeric mourut environ six ans apres. Auquel succeda son filz Clouis, qui semblablement print en grand amour Austrasius, & luy continua son gouvernement en la Gaule belgicque, & luy amplifia plus que son pere n'auoit fait, avec plus grande auctorité. Car ledict Clouis pour dilater son royaume, & aussi à raisõ quil estoit encores Payé, il se tenoit plus volontiers en la Gaule Celticque (qu'on dict maintenant France, laquelle estoit pour la pluspart ydolatre) que en la Gaule belgicque, qui estoit pour lors quasi toute chrestienne.

Or estoit ledict Austrasius tresbon chrestien, sage, prudent en son gouvernement, & vaillat aux armes, & qui obtint plusieurs victoires en l'absence dudit Clouis, pour la deffense des pays de son gouvernement, signamment contre les enfans de l'ancien Ranchaire filz dudit roy Clodion, qui tenoient le pays de Cambresis avec tiltre de Roys, & iournellement auoient querelles & questions, & faisoient entreprinles cõtre les pays de Clouis, qu'ilz appelloient Meroniens & occupateurs de leur patrimoine, & tellement que ledict Austrasius, en quelque rencontre qu'il eut contre eulx, il print prisonnier le ieune Râchaire avec ses deux freres, Richer & Regnauld, & les enuoya audict Roy Clouis, qui les tua tous trois de sa propre main, & par ce le Cambresis vint en son obeissance. Dont Austrasius fut en plusgrand faueur & auctorité & plus aymé en son gouvernement, de sorte que tout le pays de sondict gouvernement print nom de luy & fut appellé Austrasie, & combien que pour lors il ne print point le nõ de royaume, toutefois, par apres, quant les enfans de Clouis feirent partage, ledict pays d'Austrasie fut erigé en royaume comme nous dirons cy apres.

Les anciens historiens, escriuent, que cestuy Austrasius, fut cause de la conuersion dudit Clouis à la foy Chrestienne. Car luy estant en vne bataille cõtre les Almans & Saxons, les François commencerent à decliner, & tellement estre oppressez quilz se dispoioient à la fuyte. Quoy voyant Austrasius, militant soubz Clouis, commença à crier ô Clouis, Appelle en ton ayde le trespuissant Dieu des Chrestiens, auquel ta bonne femme Clotilde croid, & tu auras victoire. Alors voua ledict Clouis se faire baptiser, ce qu'il n'auoit voulu faire auparauant, pour les monitions de sa dicte fême Clotilde, & incontinent ses ennemis prindrent la fuyte, & fut victorieux.

A fin de mieulx entendre desormais, les limites d'Austrasie, qui depuis fut erigée en royaume, & duquel plusieurs gens ignorent l'estêdue, par ce que les seigneuries sont changées, & prins autres noms, nous les mettrons icy en brieuf en prenotant & suiuant Gaguin en son histoire, qu'en Austrasie y auoit deux sieges royaux, à sçauoir Metz, & Ays la chapelle, combien que les autres y nomment Reims &c. si commençoit depuis les extremités de la haulte Bourgongne, deuers les montaignes de Lorraine, en descendant iusques à la mer de Frise, entre les deux fleuues, du Rhin & de Lescault, & comprend Vtrecht, Coullongne, Treues, Mayence, Metz, Verdun, Toul, & le pays de Brabant, Gueldres, Cleues, Hollande, Zellande, Haynau, Hasbain, Liege, Luxembourg, Alsate, & toutes les terres que le Comte Palatin, tient maintenant à l'entour du Rhin, & oultre ce tout le pays d'Ardène & Barrois, avec tout le quartier du pays, que maintenant s'appelle Lorraine. Et voy la les limites du royaume d'Austrasie, laquelle contrée selon aucuns estoit, & à esté depuis appellée France Orientale. Or finalement ledict Austrasius mourut après auoir regné vingt six ans, en l'an cinq cens & quatre, & laissa vn filz qui luy succeda.

*Austrasius duc de Tongre & Brabant.*

*Austrasius gouverneur en la gaule belgicque soubz le Roy Clouis.*

*Les trois filz de Ranchaire Roy de Câbray, tuez par le Roy Clouis.*

*Austrasie prend son nom d'Austrasius gouverneur dudit pays.*

*Austrasius fut cause que le Roy Clouis fut Chrestien.*

*Les principauls sieges d'Austrasie.*

*La situation & estendue d'Austrasie.*

*La mort de austrasius d'uoit de l'original 504*

¶ des

# Le ij. liure des antiquitez de la gaule belgicque,

Des successeurs du Roy Clodion le Cheuelu, regnans  
du temps dudiect Euesque  
Possessor.



RANCHAIRE aîné filz de Clodion, deuxieme Roy de France, duquel auons parlé en la vie du precedent Euesque, regna du temps dudiect Euesque Possessor, car il morut en l'an quatre cés quatre vingtz & six, & laissa trois enfans comme dirons.

**Alberic, ou Auberon** second filz dudiect Clodiō, duquel auons aussi parlé en la vie du precedent Euesque, regna du temps dudiect Euesque Possessor, car il mourut en l'an quatre cens quatre vingtz & huit, & laissa deux enfans, desquelz parlerons cy apres.

De la vie saint Fremin, septieme  
Euesque de Verdun.



**F**IRMINVS fut apres la mort de Possessor, esleu Euesque de Verdun, l'an quatre cens quatre vingtz & six, d'un commun consentemēt du clergé & du peuple de ladiēte cité, pour ses vertus & grande renomēe de sainte vie, estant desia fort vieil & ancien, faisant sa residēce à Toul, de laquelle cité il estoit natif, de noble sang & sainte lignēe, de laquelle sont ausi descenduz, plusieurs saintz personnages, cōme saint Loup de Troyes, & saint Vaast son nepueu, qui depuis fut Euesque d'Arras, & saint Pulchrone iadis Euesque de Verdun, son cousin, ce qui donna occasion à ceulx

de Verdun, deslire & appeller lediēt Firminus pour leur Euesque, qui florissoit en bruiēt de grande sainteté. Car on liēt que de son viuant il faisoit œures miraculeuses & prenoncoit les choses futures, tellement que plusieurs alloient vers luy pour recouurer santé de leurs corps, cōme a vn homme remply de la grace de Dieu, & auoit predict & prenoncé, plusieurs calamitez futures à ceulx de Toul, en laquelle cité de Toul, ainsi qu'on peult iuger, par le contexte des histoires dudict tēps n'y auoit pour lors Euesque.

¶ Ce qui se peult monstret & prouuer par les anciens cathalogues des Euesques de ladiēte cité. Car saint Māfuetus natif descoffe, estant a Romme, & disciple de saint Pierre de Romme & Apostre, fut de son ordonnance enuoyé en la Gaule, & premierement en la cité de Toul, en laquelle fut institué premier Euesque d'icelle, enuiron l'an cinquante, apres la Natiuité Iesuchrist, estant cōpagnō de saint Clemēt qui fut ausi premier Euesque de Metz, & depuis lediēt Māfuet<sup>o</sup>, succederēt cinq Euesques iusques à Aper, q nous disons saint Epure, à sçauoir Amon, Alcha, Celcinus, Aspicius, Vrsus, & puis saint Epure, qui fut le septieme institué à la fin du regne de l'empereur Adrianus, qui mourut enuiron l'an de grace cent quarante, iusques à saint Eculanus n'y eut que cinq Euesques, a sçauoir saint Albin, qui viuoit du temps du Pape Fabian, enuiron l'an deux cens quarāte cinq, Trisoricus, Dulcicius, Premon, & Antimundus douzieme Euesque, lequel tenoit le siege du temps de l'Empereur Aurelianus, qui commença à regner des l'an deux cens soixante & treize, soubz lequel il fut martirize, & sainte Colombe à Sens, & depuis lediēt Antimundus, iusques à son successeur saint Eculanus, y eut plus de trois cens ans, durant lequel temps on ne liēt point quil y eut Euesque en ladiēte cité de Toul, ce q̄ ie croy estre aduenu, pour les grādes persecutions, scismes heresies, & perturbations qui estoient en l'Eglise chrestienne, & signanment en la Gaule, & tout ainsi que nous auōs escript en nostre premier liure de nostre cité de Verdun, qui fut par l'espace de deux cens & trēte ans sans Euesque, car lediēt Eculanus, trezieme Euesque de Toul, fut le premier qui commença à fonder & renter l'Eglise de saint Estienne & autres à Toul, par l'ayde d'une noble sainte femme nomēe Pretoria, qui aulmosna & bailla plusieurs terres & seigneuries ausdictes eglises, & pource confermer, ie prendz le texte desdictz cathalogues, qui diēt que Teufrius, quatorzieme Euesque de Toul, & le successeur dudict saint Eculanus, estoit du temps de Dagobert Roy de France, regnant en l'an six cens trēte & vn, qui augmenta merueilleusement les rentes & reuenuz des eglises de Toul, & ausi sa Maratre Sichilde, deuxieme femme de Clotaire, bailla à l'Eglise cathedrale, la seigneurie de Blenou, semblablement le filz dudict Dagobert, Sigibertus roy d'Austrasie, qui regna l'an six cens quarante trois fait de grans biens & fondations ausdictes eglises de Toul, & ce du temps dudict Teufrius Euesque.

*La vie de saint Fremin. vii. Euesque de Verdun.*

*Saint Fremin natif de Toul.*

*Saint mansuetus premier Euesque de Toul l'an cinq cens.*

*Saint clement premier Euesque de Metz.*

*Les premiers Euesques de Toul.*

*Toul sans Euesques par l'espace de trois cens ans.*

*Eculanus fut le xiii. Euesque de Toul.*

*Teufrius. xiiii. Euesque de Toul.*

## Le.ii.liure des antiquitez de la gaule belgicque,

*Fremm acceptat  
l'Euesché de Verdun.*

*Sainct fremy E-  
uesque de Verdun  
& de Metz.*

*La mort de Boece  
& de Simachus.*

*Bataille du Roy  
Clouis cõtre Sia-  
gre seigneur de  
Soissons.*

*Siagre à Metz &  
à Verdun receu.  
Thoringe*

*Siagre tué par le  
roy Clouis.  
Thoringe reduit  
en l'obeissance  
de Clouis.*

*Prudence de saint  
Fremm.*

¶ Or pour retourner à nostre Euesque Firminus, quant il fut ainsi esleu par ceulx de Verdun, il differa quelque temps prédre ladicte charge, toutefois à la fin il l'accepta, tant pour la recordation de son cousin Pulchrone, qui auoit illec tenu le siege, que par la remonstrance de Cirillus, pour lors estant Archeuesque de Treues, & Metropolitain de Verdun, homme tresvertueux & Zelateur de l'honneur de Dieu & de son Eglise, qui de son temps r'ediffia en la dicte Cité de Treues, l'Eglise sainte Euchare, qu'on dict presentemēt saint Mathieu. Aucuns Historiens ont voulu dire, que ledict Euesque Firminus fut trraslaté de Verdun, en l'Euesché de Metz, pour autant qu'on trouue que en ce mesme temps ou peu apres, y eut vn Euesque de Metz nommé Firminus, homme de sainte vie comme cestuy. Mais à la verité ilz errent, car ledict Firminus de Metz, estoit de nation de Grece, qui vint à Romme du temps que Theodoric Roy des Ostrogothz, regnoit en Italie, & pour ce qu'il tenoit la secte des Arriés & exercoit plusieurs tyrannies contre les catholicques, tellement que de son temps il relegua, & meit en exil à Pauye, deux nobles Citoyens de Romme Boece, & Symachus, qui depuis moururent en prison. Plusieurs Catholicques laisserent l'Italie, & furent dispersez en diuers lieux, entre lesquelz ledict Firminus, vint à Metz, & fut esleu Euesque d'icelle Cité, du temps, ou peu apres que nostre Euesque Firminus, tenoit l'Euesché de Verdun, lequel à son commencement eut plusieurs troubles & aduersitez, à raison des dissentions qui estoient en nostre Gaule, pour les partiz diuers, Signanment les Citez de Metz, & Verdun, qui n'estoient encores reduictes soubz lobeissance des Roys François.

¶ Car durant ce mesme temps, enuiron l'an quatre cens quatre vingtz & sept, Clouis Roy de France voyant Siagre filz du duc Gillon, Romain, tenir & occuper Soissons, apres la mort de son feu pere, qui tousiours auoit esté ennemy de Childeric, cõme nous auons dict parcydeuant, delibera totalement le deiecter de toute la Gaule, Si leua grosse armée, & vint assaillir Soissons, laquelle ledict Siagre deffendit virilement, pour quelque temps, mais finalement, en vne bataille quilz eurent ensemble, il fut vaincu, & les gens quasi tous tuez & deffaitz, ladicte Cité de Soissons, prinse & reduite en l'obeissance de Clouis, toutefois ledict Siagre eschappa avec peu de gēs, & se retira es Citez de Metz, & Verdun, ses alliez, cuidant illec auoir secours de Hermenfroy Prince de Thoringe, ennemy de Clouis, pour l'iniure que son feu pere Childeric, auoit fait de substraire, sa mere Basine, & la desrober iadis de son pere Basin, si fut ledict Siagre, doucement & amiablement receu de ceulx de Metz & Verdun, & ledict Hermenfroy se prepara luy dõner secours & ayde, mais Clouis aduertiy de ce, prepara son armée, delibera la mener à Thoringe, & subiuguer tout le pays, parquoy Hermenfroy ne peut dõner secours à Siagre, qui comme desesperé se retira à Thoulouse vers Alaric, Roy des Visigothz regnans illec pour lors, lequel le receut. Mais quelque temps apres, sommé & admonesté par Clouis, redre ledict Siagre son ennemy, luy enuoya, auquel incontinent il feit couper la teste en prison.

¶ Clouis poursuiuit son entreprinse à Thoringe, & en passant par les pays circonuoi fins de Verdun, feit dõmages innumerables, bruslant & destruisant tout ce qu'il trouuoit deliberé, neantmoins apres ses grans affaires acheuez de destruire radicalement ladicte cité de Verdun, en hayne & despit de ce qu'ilz auoient receu Siagre son ennemy, toutefois pour lors il passa oultre, & vint iusques au pays de Thoringe, lequel il meit en feu & sang, & le rendit subiect & tributaire à son royaume de France. Or depuis ledict temps ladicte cité de Verdun demoura tousiours en grand craincte & doute, par ce qu'elle voyoit que ledict Clouis, prosperoit tousiours en toutes ses entreprinse, dilatant de plus en plus son royaume. Et à raison de ce, le bon Euesque Firminus, estoit en cõtinuelles oraisons, & induisoit son clergé & peuple à prier Dieu de moderer la fureur de Clouis, estant encores infidele & Payen. Ledit Firminus gouernoit si sagement son peuple, qu'il estoit de tous aymé, & tenu en grãde reuerence, non seulement pour ses vertus & bonnes exemplaritez de vie, qu'il monstroit à ses subiectz, mais aussi pour la grande prudence & discretion quil mettoit es faitz ciuilz & politicques, pour la nourriture & entretenement d'iceulx. En prenonçant &



# depuis Pharamond iusques à Charlemagne. F.lxj.

& prenoient les choses futures. Car on liët que de son tēps, es lieux & pays circonuoi fins de Verdū, y eut vne si grande famine, qu'en plusieurs lieux on trouuoit les paouures gens mortz par le champs, signāment en la Bourgongne. Neātmoins par la puidence, & quasi cognoissance de ladicte calamité future, il disposa & ordonna au parauant, tellement en la distribution & despence des bledz du pays, que son peuple de Verdun n'eut iamais necessité extreme: ains en baillerent en diuers lieux, à ceulx qui en auoient affaire. Entre lesquelz, en la Bourgongne y auoit vn noble homme, Senateur du pays, riche & puissant nommé Erdicius, qui durant ladicte famine, meude pitié, delibera subuenir à l'indigence & paoureté du peuple. Si enuoya ses seruiteurs avec grande somme de deniers hors du pays, pour achepter bledz & victuailles à bailler aux paouures, lesquelz vindrēt iusques a Verdun, & en retirerent grande quantité des citoyens d'icelle, en sorte que ledict Erdicius, durāt la sterilité du temps gouuerna en sa maison iusques au nombre de quatre mil personnes, hommes & femmes. Laquelle chose fut si agreable à Dieu, que ledict Erdicius oyt vne voix disant, *Erdici, Erdici, quia hanc rem fecisti, tibi & semini tuo, panis non deerit in sempiternum.* ¶ Gregoire diët en son histoire, que cestuy Erdicius fut en sa ieunesse si fort legier & puissant, qu'un iour avecq dix hommes seulement, il chassa vn grand nombre de Goths, ou ilz estoient plus de cent hommes, pillans le pays.

¶ Enuiron l'an quatre cens quatre vingtz & dixneuf, qui estoit le quinzieme an du regne de Clouis, qui desiroit tousiours de plus en plus, dilater son royaume, assembla grosse armée, & entra dedans les pays des Almans & Saxons, qui rebelloient & refusoient payer ses tributz, Si entreprendrent bataille les vnz contre les autres, tellement qu'à la fin les François n'eurent du meilleur: mais commancerent à decliner, & quasi prest à fuir. Quoy voyant ledict Roy Clouis eut souuenance & recordatiō des bones monitions que sa femme Clotilde luy auoit fait souuent, de recevoir Baptesme, en la Foy de Iesuchrist. Lors en plorās leua les mains aux cieulx, & cōmença prier Iesuchrist en promettant prendre la Foy Chrestienne, s'il obtenoit victoire contre ses ennemys. Ce fait incontinent miraculeusement commencerent à fuir, crians & demandans misericorde, furent tous vaincuz & obeissans à luy. A raison dequoy tost apres se meit au retour en Frāce, delibera se faire Chrestien, comme il l'auoit promis.

¶ En retournant il passa par Toul, ou il trouua saint Vvast, nepueu de nostre Euesque Firminus, qui viuoit illec en grande renommée & tressainte vie. Si l'enuoya que rir, & luy declara le vouloir qu'il auoit de prendre & recevoir le saint Sacrement de Baptesme, quand il seroit arriué en la cité de Reims, ou sa bonne femme Clotilde l'attendoit: & le pria le suiure iusques à tant qu'il fust illec, à fin que ce pendant en conferant avec luy, il peust estre mieulx instruit, & entendre les articles de la sainte Foy Chrestienne, à quoy le bon Vvast, obeit ioyeusement. Et vindrēt iusques au pays des Verdunoys, auquel lieu Clouis eut souuenance & recordatiō de l'iniure que ceulx de la Cité de Verdun luy auoient fait du passé, en receuant & fauorisant iadis son enne my Siagre, comme auons diët cy dessus. Et lors delibera piller & ruiner totalement ladicte Cité de Verdun. Si enuoya incontinent ses Heralux pour les sommer d'eulx rendre à sa volonté: dont ilz furent tous merueilleusement troublez, congnoissant le vouloir & maltalent que Clouis auoit contre eulx. Et ne pouuoient prendre autre esperance sinon auoir recours à leur bon pasteur Firminus. Mais fortune leur fut si contraire que la propre nuit de ladicte desiance & sommatio, ledict Euesque Firminus mourut, & rendit l'ame à Dieu, en l'an cinq cens, apres qu'il eut tenu l'Euesché, quatorze ans. Et fut inhumé comme il auoit ordonné auant sa mort en l'ancienne Eglise de saint Pierre & saint Paul. Le corps duquel depuis enuiron l'an neuf cens cinquāte, fut miraculeusement reuelé à vne sainte femme nommée Eugenia, & releué de terre, & canonisé par l'Euesque Berengarius. Et pour lors estoit Abbé de saint Venne, Humbertus qui impetra dudit Euesque que ledict corps fust trāsporté au Prioré de Flaigny, membre dependant dudit Monastere, ou est encore de present, Par les merites duquel Dieu monstra belles œuures miraculeuses, comme dirons cy apres.

*Grāde famine en Bourgongne.*

*Erdicius grād auil mosnier au paouures.*

*Force & agilité de Erdicius.*

*499 Clouis, contre les Almans & Saxons.*

*Cōuersiō de Clouis, à la Foy Chrestienne.*

*Saint Vvast, natif de Toul.*

*Clouis fait sommer Verdun de se rendre.*

*La mort de saint Firmin Euesque.*

*L'inuention du corps saint Firmin.*

# Le ij. liure des antiquitez de la gaule belgicque,

## ¶ Des Papes viuans du temps dudiect Euesque saint Firmin.

*Gelasius Pape. li.  
485.*



**G**ELASIVS natif d'Affricque, fut esleu Pape, l'an quatre cens quatre vingt & cinq, homme de tresgrād sçauoir & de sainte vie, amateur des pauures & grand extirpateur des heresies, tāt par liures que par disputations. Il declara entre les escriptures du viciil, & nouueau Testament, lesquelles sont Canonicques, ou Apocriphes, comme appert par le chapitre. *sancta Romana, decima quinta distim.* ¶ Il monstra ausy comment l'Empereur Anastase pouuoit estre declare excommunié, cōme apert au chapitre, *Duo sunt, nonagesima sexta distinctio.* Et si ordonna premierement que les Bigames ne seroient prebsters, sans pmissiō du siege apostolicque. Il mourut apres qu'il eut tenu le siege quatre ans neuf moys, & selon les autres, huit.

*Anastasius ij. Pape liij.*

**Anastasius**

Deuxieme, natif de Rome, fut esleu Pape, l'an quatre cens quatre vingt & douze. A son cōmencement fut tresbon: mais tost apres fut seduiect par l'heresie d'Acharius. A raison dequoy plusieurs Catholicques se retirent de luy. Et mourut selon aucuns, soubdainement par iugement diuin, en iectāt ses entrailles, apres qu'il eut tenu le siege vn an dix moys.

**Simmachus**

fut quelque temps Pape, durant nostre Euesque Firminus, duquel Simmachus escriurons en l'Euesque subsequnt.

## ¶ Des Empereurs regnans du temps de l'Euesque Firminus.



490.

**Z**ENO l'Empereur duquel nous auons escript en l'Euesque precedēt, regna quelque temps durant nostre Euesque Firminus: car il mourut l'an quatre cens quatre vingt dix. Et selon les autres, l'an quatre cens quatre vingt & douze.

*Anastasius. liij.  
Empereur.  
497*

**Anastasius**

apres Zeno obtint l'empire du consentemēt du Senat, & du peuple, en l'an quatre cens quatre vingt & douze. Il print a mariage Arriane veufue de deffuict Empereur Zeno. Il fut infectē de l'heresie Antichiane, & vfa de plusieurs tyrannies contre les catholicques. A raison dequoy le Pape Hormisda, enuoya ses legatz en Grece, pour le retirer a la foy, mais il leur feit plusieurs oprobres. ¶ On liēt de luy qu'il enuoya vers Clouis Roy de France, le cōgratulāt d'vne victoire obtenue contre les Visigothz qui estoient Arrians, & tira lediēt Clouis a son alliance & amitiē, le constituant Patrice de l'empire luy enuoyant vn precieux & riche vestement Imperial. Finalle ment pour ses demerites, il fut tuē du foudre du Ciel, apres qu'il eut regnē vingt sept ans, durant que Theodoric tenoit le royaume d'Italie.

## ¶ Des Roys de France qui ont regnē durant lediēt Euesque Firminus.

*Clouis v. Roy de France.*



**L**OVIS filz de Childeric, fut cinquieme Roy de France, l'an de grace quatre cens quatre vingt & quatre, & fut le premier entre les Roys de France, qui print la Foy Crestiēne, & fut homme beau, vaillant, noble de cœur, sage, fort & hardy, aymē de son peuple plus que son feu pere. Au cōmencement de son regne il feit diligence de se venger de ceulx qui auoient deiectē son pere du Royaume, & signanment contre Siagre, filz de Gillon

# depuis Pharamond iusques à Charlemagne. F. Ixij.

Gillon le Romain, qui expulsa de Soissons, & l'adiousta à son domaine. Apres il print pour femme Clotilde Chrestienne, niepce de Gondebauld, Roy de Bourgogne, qui auoit fait tuer son frere Childeric, pere de ladicte Clotilde, laquelle apres leur mariage confirmé, ne cessoit de l'enhorter & prier prendre la Foy Chrestienne: mais il ny vouloit entendre, perseuerant en la Foy payenne. Toutefois enuiron l'an quinzieme de son regne, ayant iournée de bataille contre les Almans, il fut inspire demâder ayde à Iesuchrist: tellement qu'il obtint victoire: dont il receu le saint Sacrement de Baptesme, comme auons dict cy dessus. Et par apres tellement poursuivit qu'il meit en son obeissance toutes les citez, villes, & pays que les Romains tenoient entre les fleues du Rhin & seine, & entre Seine & Loyre, & eut plusieurs autres victoire, & signanment contre Alaric Roy des Visigoths, tenant pour lors son siege à Toulouse: dont l'Empereur Anastasius regnât a Constantinoble, desira auoir ion alliance & amitié. Or combien que cestuy Clouis fust vertueux & sage prince, toutcfoys il via de grandes cruaultez contre tous ceulx de son sang & parenté, craignant de perdre son Royaume. Il eut quatre filz, à sçauoir Theodoric le premier, qui eut d'vne femme auant qu'auoir Clotilde en mariage. Les trois autres Clotaire, Clodomir, & Childert, furent enfans de luy & de ladicte Clotilde, & plusieurs filles, l vne Clotilde qu'il maria a Almaric, filz Alaric, Roy des Visigoths, l'autre Thilchilde, laquelle vesquit en virginité, au monastere de saint Pierre de Sens. Vne autre mariée en la Germanie. Et vne mariée à Gôbier, Côte de Vaucouleur. Si mourut ledict Clouis apres qu'il eut regné trente ans, enuiron l'an cing cens quatorze.

## Des Ducz de Tongre durant ledict Euesque Firminus.



**A**STRASIUS duquel nous auons parlé en la vie de l'Euesque precedent, regna par tout le temps de Firminu, nostre Euesque, lequel Austrasius mourut en l'an cing cens & quatre.

## Des successeurs du Roy Clodion qui ont esté du temps dudict Euesque Firminus.



**R**ANCHAIRE deuxieme, Richer, & Regnault: ces troys icy furent enfans de Rancheire, aîné filz de Clodion, & succederent à leurdict pere, au royaume de Cambresis, enuiron l'an quatre cés quatre vingtz & six, portant tilre de Roys. Le leur temps menerent cōtinuelle guerre contre les Meroniens, Childeric & Clouis cōme leur pere auoit fait tachans à retirer leur patrimoine, que les Meroniens occupoient, contre lesquelz ilz eurent plusieurs victoires, à la fin toutefoys ilz ne furent les plus fortz. Car apres que Clouis veint à regner, il prospera merueilleusement, & augmenta son Royaulme en diuerses contrées. Et pour son absence, meit vn gouverneur en grande partie de la Gaule Belgicque, nommé Austrasius, contre lequel lesdictz troys freres eurent plusieurs batailles, mais en vne rencontre d'icelles furent prins prisonniers, & enuoyez au Roy Clouis qui les tua tous troys de sa propre main, & applicqua tout le Cābrefis a son Royaume.

*Les troys filz de Rancheire premier du nom descē. u. de Clodion.*

*Bataill s des trois freres, contre Austrasius.*

*Les enfans du roy Clodion tuez par Clouis.*

Icy est l'opinion des Historiens de Hainau, Hugues de Toul, Almeric, maistre Jacques de Guise, confirmée par maistre Nicole Gille, & par Jacques Melerus en son histoire de Flandre, soubz l'année cinq cens & neuf, parlat de Clouis qui tua Rancheire qu'il nôme Rinacharius, ou Raganarius prince de Cabray, qui escript ce qui s'ensuit.

*Opini<sup>o</sup> des anciens Historiens sur les enfans de Clodion.*

*Necauit & eius fratres, Richarium & Lingomirum Cararicum. Item regulum & eius filium, cum alijs multis sui sanguinis, vt solus regnaret in Gallijs. Hic à nonnullis, non Rinacharius, sed Cannacarius appellatur, atque abnepos Regis Clodionis, & cetera.*

# Le ij. liure des antiquitez de la gaule belgicque,

Des successeurs de Ranchaire, premier du nom, selon Meierus.

Phimbertus, filz de Ranchaire.

§. 6.

Phimardus filz de Phimbertus, tué en la Gaule.

Gregoire Turonen. cōferme que Clodiō eut enfās.

Rancharius Roy de Cambray.

¶ Et combien que les dessusdictz Historiens de Hainau escriuent que toute la posterité dudit Ranchaire, fut alors totalement destruite, tellemēt quil ne demoura plus de son costé aucūs successeurs de Clodion, mais bien du costé de son oncle Aubron, desquelz dirons cy apres, toutefoys Iacques Meierus escript au lieu dessusdict que ledict Ranchaire ou Rinachaire eut vn filz qui eschappa, & ne fut tué, appellé Phimbertus qui s'enfuit au pays des Dannoys, vers le Roy Clochiliacque qui le receut, & depuis en faueur de luy veint en France à grosse armée, pour ayder à recouurer son pays contre Theodoric filz de Clouis, Roy de Merz & d'Austrasie, lequel resista tellement que ledict Roy Clochiliacque fut tué en bataille en l'an cinq cens & seze, ce que afferme, Sigibert en son histoire. Et par ce fut contrainct Phimberrus retourner audict pays des Dannoys, ou il mourut, & laissa vn filz nommé Phimardus, qui sui-uoit la secte Arriane, qui veint long temps apres assaillir la Gaule, vers le pays que nous appelons Flandres, gouuerné pour lors par Lidericus Buccensis, enuiron l'an fix cens vingt yn. Soubz le Roy Clotaire deuxieme, & fut iceluy Phimardus tué en bataille, par ledict Lidericus.

¶ Or fault icy noter, que Gregorius Turonensis ancien Historiographe François, à eu autre & diuerse opiniō que les dessusdictz Historiēs de Hainau: car il escript que le dict Meroneus estoit filz de Clodiō, ce que nous accordōs, pourueu qu'il entende Bastard, cōme nous auōs dict cy dessus, parlant dudit Meroneus. Et oultre plus il semble à ce qu'on peut coniecturer par son histoire assez obscure, que le dessusdict Ranchaire, qu'il nomme Renacharius, eut à la fin quelque apoinctement avec Childeric, & Clouis, tellement qu'il demoura quelque temps paisible Roy de Cambray, & qu'il milita avec Clouis, contre Siagre son ennemy, par ce que ledict Historien escript au vingt cinquieme chapitre de son histoire, ce qui s'enfuit.

¶ *Super quem Clodoueus cum regnacario parente suo, quia & ipse regnum tenebat, veniens campum pugne preparari deposcit.*

Ranachaire, Roy de Cambray, & ses freres tueez par Clouis.

¶ Et par apres ledict Historien escript comment Ranachaire Roy de Cambray fut tué, avec ses freres, par ledict Roy Clouis, au quarante deuxieme chapitre de son histoire commençant,

¶ *Erat autem tunc Rancharius Rex apud Cameracum, &c.*

Ou il narre, qu'aucuns des subiectz dudit Ranachaire fachez des luxures & paillardises diceluy vindrēt à Clouis promettant le trahir, & le rēdre en ses mains, par le moyē de certaine somme de pieces d'or qu'il leur promeit bailler, suiuant lequel cōpromis, Clouis assembla son armée, veint assaillir Ranachaire qui tost par ses gēs propres, fut trahy & rendu avecque son frere Richarius audict Clouis, qui de de sa main les tua tous deux. Et puis pour satisfaire aux traistres, leur feit deliurer le nombre des pieces promises qui estoient de cuiure dorées, dequoy ilz se apperceurent & en feirent querimonie: mais Clouis leur respōdit, que tel payment estoit conuenable à gēs qui trahissoient leur Roy & seigneur, & que bien heureux estoient d'eschapper de la mort, quilz auoient bien meritē.

Les traistres qui liurerent Ranchaire, trōpez par Clouis.

Extrait de l'histoire Turonen.

¶ Et dict oultre ledict Historien, que iceulx freres estoient prochains parēs à Clouis, ce qui est vray, supposant que Meroneus fust bastard de Clodion le Cheuelu, car par ce Clouis estoit leur cousin, non germain, & pour mieulx confermer la chose, ie mettray vne clausule que ledict Historien escript audict chapitre.

¶ *Fuerunt autem supradicti Reges propinqui huius, quibus mortuis omne regnum eorum, & thesauros Clodoueus accepit, interfecitque & alijs multis regibus & parentibus eius primo, de quibus zelum habebat, ne ei regni auferrent regnum suum per totas dilatavit.*

La crudelité du Roy Clouis.

¶ Escript oultre ledict Historien, Et conséquemment l'Abbé Tritemius, que Clouis fut si cruel & appetant dilater & conseruer son Royaume, que souuent il disoit à ses nobles, saignant estre desplaisant d'auoir tué ceulx de son sang & ses parens, ha ie suis malheu

# depuis Pharamond iusques à Charlemagne. F.lxiiij.

malheureux d'estre ainsi demouré seul de mon lignage : car ie ne ay plus parens qui me puissent ayder si ie tombe en necessité: mais ce qu'il disoit estoit par héraon, pour cognoistre si il y auoit aucuns autres qui se reputassent de son sang & parentage, à fin de les faire tuer comme les autres, de paour d'estre expulsé de son royaume. Enquoy appert qu'il cognoistoit clairement que ses predecesseurs auoient iniustement occupé le royaume, & en deiecté les vrais heritiers, & feir plusieurs autres tyrannies pour conseruer sondict royaume, comme on peult veoir par lesdictz historiens, Gregoire de Tours, & l'Abbé Triterius.

**V**aubert premier du nom, filz aîné d'Aubrô, ou Alberic, & d'Argotte seur de Thierry, Roy des Ostrogoths, qui depuis fut Roy d'Italie (comme auons dict cy dessus) (en parlans dudict Aubron) succeda aux seigneuries que son pere tenoit en la Gaule Belgicque, comme Ardenne, Alsatie, & autres. Et semblablement du costé maternel succeda en plusieurs grosses terres & seigneuries au pays de *Acquitaine*, que Theodoric son oncle, estant Roy d'Italie, auoit baillé à sa seur Argotte, Et fut enuiron l'an quatre cens quatre vingtz & huit, que son pere mourut, cōbien qu'au parauant long temps, & viuant son pere, ledict Vvaubert, eust esté marié, & auoit prins pour femme Lucille, seur de Zenon l'Empereur, par la faueur de son oncle Thierry, estant Roy des Ostrogoths, avec ledict Zenon l'Empereur. Ledict Vvaubert faisoit aucunesfoys sa residence avec sa femme en ses seigneuries paternelles de la Gaule Belgicque, ayant tousiours inimitié & haine contre les Meroniés qui auoient expulsé son pere du royaume de France. Toutefois il furent quelque temps sans mouuoir guerre, dissimulant leur haine par ce que leur oncle Theodoric, Roy d'Italie estant desia ancien print pour femme Andefiede, fille dudict Clouis, Roy de France, & Meronié. Aucunesfoys ledict Vvaubert faisoit residence en *Acquitaine*, es seigneuries maternelles, à fin d'estre plus voisin à son oncle Thierry Roy d'Italie, & aussi Alaric Roy de Visigoths, qui se tenoit à Thoulouse, & à Bordeaux, & auoit espou sé sa cousine fille dudict Theodoric.

*Vvaubert filz de Aubron; Repueu de Thierry, Roy d'Italie.*

*Les seigneuries du dict Vvaubert, tant en la Gaule qu'en Acquitaine*

¶ Si aduint quelque temps apres que Clouis Roy de France, desirant conseruer son royaume, & craignant la posterité de Clodion le Cheuelu, entreprint guerre contre Râchaire le ieune, Roy de Cambray & ses freres, lesquelz il prins prisonniers, & les tua de ses mains, comme auons dict cy dessus, qui estoient cousins germains audict Vvaubert.

¶ Dauantage ledict Clouis appetant amplifier son royaume, entreprint semblablement contre Alaric Roy des Visigoths, regnant à Thoulouse, lequel vainquit & expulsa de son pays, nonobstant qu'au parauant ilz eussent fait alliance ensemble. Et que ledict Alaric eut espou sé la fille de Theodoric Roy d'Italie, gendre dudict Clouis. Dequoy le Roy Theodoric ne fut content: mais en print vengeance contre son beau pere Clouis, comme auons dict en vne bataille, ou il demoura de mortz plus de trente mil François.

*Guerre entre Clouis & Alaric cousin de Vvaubert.*

¶ Or voyant ledict Vvaubert, le mauuais vouloir que Clouis auoit contre ceulx du sang Clodion, ensemble qu'il prosperoit en ses entreprinnes, enuoya ses deux filz qu'il auoit de sa femme, Lucille, à sçauoir Ausbert, & Vvaubert le ieune, à Rome vers leur oncle Zenon, l'Empereur, & Theodoric Roy d'Italie, qui furent receuz honorablement, & en faueur d'iceulx furent instituez Senateurs de Rome, comme dirons cy apres. Nous trouuons que cestuy Vvaubert eut de sa femme Lucille plusieurs enfans,

*Bataille entre Clouis & son gendre Theodoric.*

*Les deux filz Vvaubert instituez Senateurs de Rōe.*

à sçauoir les dessuidictz Ausbert, & Vvaubert deuxieme Deothare Euesque d'Arifidie, Firmin Euesque d'Vcecie, Agiulphe Euesque de Metz,

Gomard pere de Godin, qui fut pere de sainte Segoline. Il engendra saint Goeric, qui fut Duc

d'Aquitaine, & depuis Euesque de Metz, & si eut quatre

filles, à sçauoir

noir Ragnifride, Goda, Marie, &

Clorilde, lesquelles garderent leur virginité.

Le ij. liure des antiquitez de la gaule belgicque,

DE LA VIE SAINCT

Venne, huietieme Euesque  
de Verdun.



*La vie de saint  
Venne vij. Eues-  
que de Verdun.*

*Le Roy Clouis fait  
sommer verdun  
soy rendre à sa vo-  
lunté.*



**V**ITONVS, ou autremēt appellé VIDENVS natif de Verdun, comme ie trouue en vn ancien cartulaire de l'Eglise, & ausi escript Laurentius Leodiensis en son histoire, fut institué huietieme Euesque de Verdun, l'an de grace cinq cens & deux, en la maniere qui s'ensuyt: En supposant toutesfoys ce que nous auons escript en la fin de la vie Firminus Euesque precedent, à sçauoir que pédant, & au iour propre que le Roy Clouis retournant de l'expedition de la Germanie, eut fait sommer la cité de Verdun de se rendre à sa volunté, pour prendre vengeance de l'iniure que les citoyens luy auoient fait au parauant, en soustenant son ennemy Siagre, l'Euesque Firminus mourut: dont les habitans de Verdun furent merueilleusement esbahyz & estonnez, cognoissant la fureur dudiēt Clouis, & le maltalent qu'il auoit contre eulx. Et d'autre part voyant le bon Euesque Firminus mort, à la bonté & sainteté duquel eussent, eu quelque esperance s'il eust vesçu. Parquoy estoient totalement destituez de bonne esperance, & ne pouoient autre chose penser sinon la totale ruine & destructiō d'eulx & de leur cité.

*Euspicius saint ho-  
me resident à ver-  
dun.*

Or pour lors y auoit vn saint homme prestre, & de grand sçauoir, demourant en icelle. appellé Euspicius, que de long temps au parauant, l'Euesque Firminus auoit institué, pour endoctriner, (comme maistre d'Escolle,) les ieunes enfans de son clergé, & des nobles du pays, & les enseigner & endoctriner en la Foy Chrestienne, & tenoit soubz luy deux de ses nepueux, Vitonus, ou Videnus, & Maximian<sup>o</sup>, aliàs Maximin<sup>o</sup> qui depuis fut Euesque d'Orleans, vians avec luy, & le suiuan par exemplarité en toutes bonnes & saintes operations. Si auoit plusieurs autres disciples, tant de la cité que des pays circōuoinfins, qui pour sa grāde doctrine & sainte vie le suiuoient cōme ses auditeurs, entre lesquelz estoit vn nommé Auitus, natif du pays de Bourgogne, qui depuis fut saint personnage, & de grande literature, & composā plusieurs liures contre l'heresie Arriane (gastant & infectant pour lors en diuers lieux la sainte Foy catholicque) lequel peu de temps aptes (selon Gaguin) fut euesque de de Noyon: toutesfois Gregorius Turonensis escript qu'il fut Euesque de Vienne.

*Des nepueux &  
disciples de Euspi-  
cius.*

*Auitus disciple de  
Euspicius.*

*Le bon conseil de  
Euspicius impe-  
tra grace de Clo-  
uis pour ceulx de  
Verdun.*

Or cestuy saint homme Euspicius, voyant la desolation des habitans de la cité de Verdun, quasi par inspiration diuine, veint aux gouuerneurs & principaulx d'icelle, leur remonstrant que s'ilz auoient bonne esperance & confidence en Dieu, il pourroient auoit consolation, mitiguer & adoucir l'ire & fureur du Roy Clouis, leur dōnant & declarant les raisons & moyens cōment cela se pourroit faire, à sçauoir d'aller vers luy en grāde humilité, & le supplier en l'hōneur de Iesuchrist, en la Foy duquel le saint Baptisme il debuoit de brief receuoir: qu'il luy pleust leur pardonner l'offense & iniure qu'il auoient fait. Ce conseil fut trouué tresbon par lesdiētz gouuerneurs qui prièrent lediēt Euspicius, en prendre la charge, avec honneste comitiue, & aller

# depuis Pharamond iusques à Charlemagne. F. lxxiii.

aller vers ledict Clouis, ce qu'il accorda, & partit de la cité, pour faire sa legation, mais auant que parler au Roy, il s'adressa au bon saint homme Vaast, qui estoit son bon amy & d'ancienne cognoissance, & lequel le Roy auoit prins à Toul, & le menoit avec luy, comme auons dict en l'Euesque Firminus, & tellemēt poursuuiit son affaire, que par le moyen dudiect saint Vaast, il obtint du Roy tout ce qu'il demandoit, pardonna, & remeit tout son maltalant à ceulx de ladicte cité, & deslors la reduirent en son obeissance, en laissant totalement l'alliance & confederation qu'ilz auoient tousiours tenu souz les Romains.

¶ Et ce fait le lendemain, le Roy Clouis, avec grand honneur & triumphe entra dans la cité de Verdun, prenant la possession d'icelle, avec les sermens de fidelité des habitans. De celle victoire de Clouis, contre les Verdunois. Et du saint hōme Euspicius escript Annonius, en son premier liure, *De digestis Francorum*. Chapitre xvij. Commencant *Contra hunc Regem ciues Vuidunen.* &c.

¶ Et quand il fut aduertie de la mort de leur Euesque Firminus, delibera auant partir en faire instituer vn nouueau, & presenta ledict Euesché à Euspicius, duquel il congnoissoit la doctrine & vertu pour bien l'administrer: mais il le refusa honnestemēt, donnant ses excuses qu'il deuenoit vieil & ancien, & qu'il estoit deliberé, & auoit fait veu de viure en solitude de religion, & de iamais ne prendre charge que de son ame.

Quoy voyant le peuple de Verdun commença à crier à haulte voix, Vitonus, Viton? Si demanda le Roy qui estoit ledict Vitonus, on luy respondit qu'il estoit nepueu du diect Euspicius, declarant les mœurs, vertuz, & sainteté d'iceluy, & de son frere Maximinus: dont le Roy fut tresioyeulx. Le fait venit en sa presence le declarer Euesque de ladicte Cité, avec grand' ioye & exultation de tout le clergé, & peuple d'icelle. Et deslors Clouis ordonna audict Euesque nouueau, à son oncle Euspicius, & à son frere Maximinus, eulx trouuer & asister à Reims à son baptesme qu'il pretendoit receuoir, luy parueni illec, ce qu'ilz feirent.

¶ Ces choses ainsi faittes, Clouis partit de Verdun, & en brief arriva à Reims, ou il trouua sa bonne femme Clotilde, & saint Remy Archeuesque du lieu, auquelz il declara son veu & bon vouloir de receuoir le saint Baptesme. Ordonna faire les preparations, & assigna iour, auquel il se fit baptiser en tresgrande reuerence & deuotion par ledict saint Remy avec deux de ses sœurs, à sçauoir Albofede, laquelle mourut bien tost apres, & Andechalde, laquelle estoit infectée de l'heresie Arriane: Mais elle retourna en la credēce de la sainte Foy catholique, & oultre y eut plus de troys mil, des nobles de sa court, qui furent tous baptizez. Si assisterēt audict Baptesme, plusieurs saintz personnages, Euesques, Prelatz, Docteurs & Zelateurs de la Foy, remerciais Dieu deuotement, qu'il auoit inspiré leur Roy prendre nostre sainte Foy Chrestienne. Entre lesquelz y furent nostre Euesque Vitonus, son oncle Euspicius, & son frere Maximinus, & y monstra Dieu, de sa grace plusieurs œuures miraculeuses, cōme de la sainte Ampoule, pleine de liqueur celeste, qui fut illec apportée par vnē Colōbe blanche, la tenant en son bec, de laquelle luy & les successeurs Roys de Frāce, ont depuis tousiours esté oingt, & sacrez. Et est encotes presentemēt gardée en l'Eglise & abbaye de saint Remy à Reims.

¶ Ce fait ledict Roy Clouis bailla plusieurs grandz biens, rentes & fondations aux Eglises, signamment à l'Eglise de Reims, & à l'Eglise de Verdun, car ce fut le premier entre les Roys & princes, qui donna rentes pour la fondation d'icelle, en faueur de saint Venne, qu'il auoit fait esleu & institué Euesque en icelle.

¶ Semblablement & deslors il ordonna edifier l'Eglise de Laon, & ériger en Euesché, qui au parauant estoit de l'Archeuesché de Reims, & y donna de grans biens, avec la preeminence de duché, q̄ les Euesques tiennēt encore auourd'huy. Et pour le p̄mier y fut consacré Euesque, par ledict saint Remy, vn notable & sçauant homme Genebaldus, lequel auoit esté marié, & au parauant auoit laissé sa femme par son contentement, pour seruir à D I E U. Et dict Sigibert, de luy que pendent qu'il estoit Euesque

*L'entrée du Roy Clouis à verdun.*

*Clouis presenta l'euesché de Verdun à Euspicius.*

*Saint Venne institué Euesque de Verdun.*

*Saint Venne institué Euesque de Verdun par le roy Clouis.*

*Le Roy Clouis baptisé à Reims par saint Remy.*

*De la sainte Ampoule, enuoyée du Ciel.*

*Clouis premier Roy bienfaiteur de l'Eglise de verdun.*

*Erection de l'Eglise, & Euesché de Laon.*

*Genebaldus, premier Euesque de Laon, conuainct de fornication & de la penitēce d'iceluy.*

# Le.ii.liure des antiquitez de la gaule belgicque,

Euesque, il fut accusé & conuaincu d'auoir fornicqué avec sadiete femme, à cause de quoy il fut detenu en prison par l'espace de sept ans, pour faire penitence, au bout desquelz par reuelation diuine, il fut déclaré purgé de son peché, remis & restitué en son siege.

*Pricipe frere de Clouis, Comte & Euesque de Noio.*

¶ On liét aussi que ledict Clouis promet & accorda à son frere, nommé Pricipe, qui estoit Comte de Noyon, laisser l'estat seculier, & prendre celuy de l'Eglise, & fut Euesque de Noyon, auquel Euesché, & aux Euesques successeurs, il bailla sadiete Côte, quilz tiennent encores de present.

*Les vertuz & meurs de saint Venne.*

¶ Apres ces choses parfaites, le bon Euesque Vitonus retourna à son Euesché de Verdun, ou pour son commentement fait grande diligence reformer les meurs & estat de son Clergé, ordonnant le saint seruire diuin estre fait & celebré avec toute reuerence & deuotion. Semblablement institua son peuple, en l'amour & crainte de Dieu, non seulement par predications & corrections fraternelles: mais par bonne exemplarité de sainte vie & bonnes operations cōtinuelles, en oraisons, ieufnes, auilmosnes & afflictions de son corps, tellement que durant sa vie, par ses vertuz, Dieu monstra plusieurs belles ceures miraculeuses, qui du commencement furent redigees en vn grād volume, avec la narration de son origine, naissance & sainte cōuersation: mais tous lesdictz faitz contenuz audict volume, ont esté oblitez, perduz & bruslez par l'inconuenient des feux & calamitez des guerres, qui ont esté par plusieurs fois aux Eglises de Verdun, comme diét sera cy après, & de ce escript & témoigné le Beat Richard Abbé de saint Venne, homme de grande doctrine & sainte vie, florissant en grande renommée de vertuz, comme diét Sigibert en son histoire enuiron l'an mil vingt sept, ou il dit,

*Les miracles de S. Venne, redigez par l'Abbé Richard.*

*Florēbat hoc tempore ecclesiastica religio, per Abbates nominabiles, &c.*

¶ Et puis s'ensuyt, *In Lothoringia per Richardum Virdunen. pia grauitate & graui pietate discretum, &c.*

Et partant ce qu'on trouue par escript dudiēt Beat Richard, doit estre receu en plus grande crédece de Foy, & cætera. Lequel escript que ledict saint Venne, fut de si grā de sainteté, que viuant en ce monde, faisoit par diuine permission plusieurs miracles guarissoit & restituoit la santé aux paoures malades de toutes maladies. Et signamment s'estendoient ses vertuz sur les ladres & lepreux, qui venoient vers luy à grande confluence: dont plusieurs retournoient sains & guariz.

*Miracle de saint Venne, sur le Serpēt infectant Verdun.*

¶ Et entre autres miracles ledict Autheur recite que pendant qu'il administroit son Euesché, y auoit vn serpent de grande magnitude, en vne cauerne, assez pres de la cité de Verdun, & en vn lieu circonuoisin de l'ancien oratoire de saint Pierre & saint Paul, ou de present est l'abbaye fondée en l'honneur dudiēt saint Venne, & le lieu de la cauerne est encore presentement designé & specifié par vne colonne de pierre, portant l'effigie de la Croix Iesuchrist, qu'on voit deuant la porte dudiēt monastere. Or cestuy serpent infectoit, tellement laer des lieux circonuoisins, qu'il n'y auoit homme ny beste brute, qui peust aller sans dangier, ny prendre les pastures accoustumées. A raison dequoy les habitans de la cité, feirent grandes querimonies audict saint homme, leur Euesque, pour à quoy subuenir, ordonna à son peuple, ieufnes, & oraisons par certains iours. Et par apres en personne vestu & aorné de ses vestemens pontificaulx, tenant vne estolle en sa main, entra en ladiete cauerne, present tous les citoyens, meit icelle estolle au col dudiēt Serpent, qui par vertu diuine laissa sa ferocité, & sans nuyre à personne, mourut illec. Et partant furent lesdictz habitans, & la cité deliurez de sdietes infections: dont ilz rendirent graces à D I E U, & à leur bon Euesque.

¶ Enuiron





¶ Environ l'an cing cens & douze fut conuocqué & celebré le premier Concile de l'Eglise en la Gaule, par le Roy Clouis, en la cité d'Orleans, auquel asisterent trente deux Euesques, & plusieurs autres abbez, & gens de grand sçauoir, entre lesquelz pre fidoit saint Melon Euesque de Redō, hōme de grande literature & des principaulx Cōseillers dudit Clouis, ausi y fut saint Venne, & son bon oncle Euspicius qui de Verdun s'estoit retiré à Orleans, & print l'habit de Religion, avec saint Maximin<sup>o</sup>, que disons presentement Mamien son nepueu, & frere dudit saint Venne, lequel depuis pour ses vertus fut esleu Euesque D'Orleans, Et au iourdhuy veoit on vn grād monastere edifié pres la cité d'Orleans, que l'on appelle saint Mamen. En cestuy concile furent ordōnez & statuez plusieurs beaux decretz, pour l'vtilité & perfection du clergé, & signanment que les elections & confirmations des dignitez, & autres benefices electifz se feroient desormais en France, selon les anciens canons, comme dict Vincent au deuxieme liure de son histoire, & dict oultre qu'en ceste ppre année mourut à Paris sainte Geneuiefue pleine de vertus & merites, aagée de quatre vīgtz ans, & fut inhumée en l'Eglise saint Pierre & saint Paul, que le Roy Clouis auoit fait edifier, laquelle on appelle presentement du tiltre de ladicte sainte, & depuis ledict Clouis y fut inhumé.

*Premier Concile de l'Eglise Galice ne à Orleans, ou assista saint Venne.*

*Maximinus Euesque d'Orleans frere de saint Venne.*

*La mort de sainte Geneuiefue, à Paris.*

¶ Apres le retour dudit saint Venne à Verdun, il pericuerā tousiours en toutes bōnes & saintes oeures & operations, augmentant les Eglises de ladicte cité, & le seruice de Dieu en icelles. Et deslors ordonna certain nombre de clerz seculiers, seruāt Dieu soubz bonne regle & reformation, disāns les heures canoniales, viuans en communaulté, prenans leur refection & dormans ensemble au circuit de l'Eglise & oratoire de saint Pierre & saint Paul, entretenuz par ledict saint Venne, des biens que ledict Clouis luy auoit donnez, & portoient coronnes & tonsures, à la distinction des autres chanoines de l'Eglise Cathedrale, transportée au parauant à l'Eglise nostre dame, & scituée dedans l'enclos des murailles de Verdun, laquelle estoit le principal siege de l'Euesché, ou se faisoient les congregations populaires, pour ouyr la parole de Dieu, le saint seruice diuin, & receuoir illec les sacrement de l'Eglise. Et finalement ledict saint Venne, apres auoir vesqu en toute sainteté, cognoissant sa mort estre prochaine, disposa de son parterment de ce miserable monde, & ordonna qu'apres sa mort son corps fust inhumé en ladicte ancienne Eglise de saint Pierre & saint Paul, Au mesme tombeau & sepulture, de ses predecesseurs Euesques, Pulchrone & possessor, & mourut apres qu'il eut tenu l'Euesché vingt sept ans.

*Saint Venne institua clerz seculiers, à Verdun.*

*Le trespas de saint Venne.*

¶ En l'an cing cens vingt neuf, le corps duquel fut depuis releué de terre, & canonizé par Hatto, pour les grandz miracles qui iournellement illec se faisoient. Et continuellement par disposition diuine ont esté faitz plusieurs autres miracles, desquelz ie ne faitz icy mention, toutefoys pour ce que le Beat Richard, hōme à qui on doit adiouster Foy & credence, elcriuant la vie dudit saint Vēne. Assure & dict luy estāt Abbé dudit monastere auoir esté present à plusieurs, i'en mettray icy aucūs d'iceulx.

*Miracle de saint Venne d'un auen gle illuminé.*

¶ Premieremēt il escript qu'un iour qu'on solennisoit la feste dudit S Vēne, Auquel le peuple de Verdun en grād affluence à accoustumé asister en ladicte Eglise, pour ouyr le seruice diuin, la vigile de la solennité y entra vn citoyen nommé Aymardus, qui par l'espace de dix ans, auoit perdu la veue & clarté du monde, se fait conduire sur la tombe, ou iadis le corps saint Venne auoit esté inhumé, & illec se prosterna en oraisons par si grande foy & deuotion, perseuerant qu'il y demoura seul sans en partir: combien que tous les religieux se fussent retirez pour dormir & prendre leur repos. Quand veint à minuyct il commença à crier à haulte voix, Louange à Dieu, Louange à Dieu, ie suis guaruy par les merites de saint Venne. A laquelle voix ledict Abbé Richard, & tous les religieux se leuerent & vindrent illec, & trouuerent le fait, ainsi qu'il disoit, & le iour suiuant se congregea le peuple, tant de la cité, que des lieux cir conuoisins en tresgrand nombre, rendant grace à Dieu, & audiet saint Vēne. Et fait ledict Abbé Richard, inquisition & information du fait, & trouua le miracle estre vray, & sans fiction.

¶ Ledit

# Le.ii.liure des antiquitez de la gaule belgicque,

*Miracle de saint Venne, d'un boyteux.*

¶ Ledit Beat Richard escript, qu'un pauvre homme du pays de Bauiere nommé Fraudebertus, ayant de sa natiuité, les iambes & piedz contraietz & contrefaietz, en sorte qu'il ne luy estoit possible se soustenir ny cheminer, partit de son pays sur son Asne, esperât aller au Mont saint Michel, en Normandie: mais arriué pres de la cité de Verdun, son Asne mourut: parquoy print deux croffes ou potences, & avec peine & labeur veint iusques à l'hostel Dieu dudit monastere, ou il feit longuement sa demourance, viuât comme les paoures, des aulmosnes & biens dudit monastere, & longuement illec print si grâde deuotion & zeile à saint Venne, que tous les iours estoit continuellement sur la tumb(ou iadis le corps dudit saint auoit esté inhumé à deux genoulx) priant & plorant deuotement de sorte que l'Abbe Richard, souuent parloit, & conferoit avec luy, & l'interrogeoit par pitié du bon zeile qu'il luy veoit auoir au saint: mais il luy respondoit qu'il auoit foy, & credence certaine d'estre vne foys guarý par ses merites, & que iamais ne partiroit du monastere qu'il n'eust experimenté & receu la grace de Dieu, & d'iceluy saint. Si aduint qu'en quaresme, suyuant le iour de Dominica in passione, luy estant sur ladicte tumb, pendant que l'Abbé, & religieux faisoient la procesion en l'Eglise, le pauvre patient commença à souffrir & endurer vne douleur excessiue & extreme, iusques à redre l'esprit, & luy sembloit qu'on luy escorchoit & rompoit les os de ses membres tortuz & contrefaietz, estraignant les dentz, cryoit à haulte voix, Dieu & monsieur saint Venne, qui luy fussent en ayde, en sorte que l'Abbé & les religieux vindrent alentour de luy. Et soudainement il se leua en presence d'iceulx, sain & guarý, louant & remerciant Dieu, & ledit saint Venne, en baissant deuotement ladicte tumb, la chaffe, & le maistre Authel: dont lesdictz religieux & le peuple redirent graces à Dieu. Peu de iours apres ledit pauvre homme partit & s'en alla faire son voyage audict saint Michel, & retourna rendre graces audict saint Venne, & depuis sain & guarý en son pays.

*Miracle de saint Venne, sur un ladre guarý,*

¶ Pour le troisieme il recite qu'un ieune enfant ladre & infecté par toutes les parties de son corps, viuant des aulmosnes des bonnes gens, eut si bonne Foy & deuotion au saint, que toutefois qu'il pouuoit librement entrer en l'Eglise dudit saint Venne, sans estre empesché, il s'en alloit sur la tumb dudit saint, plourant & deuotement le priant pour sa santé. Finalement il continua tellement qu'un iour il fut trouué sain & guarý, & depuis vesquit longuement en ladicte abbaye, ce qui est aduenu à plusieurs autres infectez de ladicte maladie de lepre, tant durant sa vie, qu'apres sa mort.

*Inuocation de saint Vene, pour l'indisposition du temps.*

¶ Ledit Beat Richard, escript finalement que de son temps par plusieurs foys pour la mauuaise disposition du temps, de trop grande secheresse, ou de trop longues pluyes les citoiens de Verdun par grand zeile & deuotion venoient demander à luy, & à ses religieux, la chaffe, ou le corps du saint repose, laquelle ilz n'eussent osé refuser, pour la grande Foy & esperance que tout le peuple auoient audict saint, laquelle baissant & touchant, portoient par les Eglises & champs circonuoisins de la cité, criant & demandant ayde & misericorde, ce que infailiblement & visiblement obtenoient. Et en ce ne furent iamais frustrez de leur intention, ayans en eulx ceste confidence que toutefois qu'on portoit la chaffe, l'année estoit tressfertille pour les paoures.

*Renuoye pour les miracles faitz en la translation du corps saint.*

¶ Oultre plus, si les lecteurs veullent veoir le beau miracle qui fut fait en la translation du corps dudit saint Venne, que Cono Abbé d'iceluy monastere, feit transporter de l'ancienne fiertre ou chaffe, en vne nouvelle, richement fabricquée d'argét, par luy & son predecesseur, Segardus, laquelle translation fut faite par le

~~Pape Eugenius, troisieme du nom, estant à Verdun, faut~~

~~auoir recours ad ce que nous auons escript en la~~

~~vie de l'Euesque Aldebero, soubz~~

~~l'an vnze cens quarante~~

~~sept, ou ample-~~

~~ment auons traicté la matiere.~~

¶ Des Papes

# depuis Pharamond iusques à Charlemagne. F.lxvj.

laquelle translation fut faicte par le Pape Eugenius troisieme du nom, estant à Verdū. Fault auoir recours, ad ce que nous auons escript en la vie de l'Euesque Adelberō, soubz l'an vnze cens quarante sept, ou amplement auons traicté la matiere,

## Des Papes qui ont esté durant le temps dudiect sainct Venne huitieme Euesque de Verdun.



**S**IMMACHVS natif de Sardine, fut esleu Pape, l'an quatre cēs quatre vingtz quatorze. Et y eut grand discorde entre ceulx du Clergé: car pendant qu'on elisoit lediēt Simmachus en l'Eglise de Latran, aucuns dudiēt clergé, esleurent vn nommé Laurentius: dont sortit vn Scisme tresgrād. Et apres plusieurs cōtentions & seditions entre eulx du Clergé, & le peuple Romain, iusques à proceder par force d'armes, effusion de sang, & homicides faictz d'aucuns, le Roy Theodoric (combien qu'il teint la secte Arriane) rempera lesdictes dissensions, & voulut les differens estre traictez & terminez par le Concile de l'Eglise, sans entreprendre de son autorité. A quoy lediēt Simmachus, homme tresdocte, amateur des paoures, & grand zelateur de l'honneur de Dieu, & de son Eglise, ne contredict ne detracta: Mais en plain Concile de six vingtz Euesques, se purga des crimes à luy imposez. Et finalement il fut adiugé pour luy, & cōfermé au siege Apostolicque, & en vsant de clemence & douceur, bailla à son competitor, l'Euesché de Nuterme. Si mourut lediēt Simmachus, apres qu'il eut tenu le siege Apostolicque quatorze ans. Et les autres dient seze ans.

*Simmachus. liij.  
Pape. 494.*

**Hormisda** natif de la Campagne, fut esleu Pape, enuiron l'an cinq cens vnze, lequel aduertit de l'obstination de l'Empereur Anastasius en son Heresie Euthiciane, conuocqua par l'exhortation de Theodoric Roy d'Italie, vn Cōcile prouincial à Rome, auquel ladiēte heresie fut de nouveau condamnée, & si enuoya vers lediēt Empereur, & Jean Euesque de Constantinoble, qui persisterēt obstinez en leur Heresie, & feirent plusieurs opprobres aux Legatz dudiēt Pape: dont lediēt Empereur fut miraculeusement puny d'vn coup de foudre du Ciel, duquel il mourut miserablement. Lediēt Pape mourut apres qu'il eut tenu le siege neuf ans dix huit iours.

*Hormisda, liij.  
Pape.*

**Ioannes** premier du nom, nommé au parauant Maurus, Tusque de nation, homme tresdiligent, & obseruateur de la Foy & Eglise Chrestienne, fut Pape, l'an cinq cens vingt, selon les autres cinq cens vingt deux. Il eut grāde amitié avec Iustin Empereur, trescatholicque, qui chassa tous les Euesques & prebstres Arriens de leurs Eglises, en les donnant aux autres Catholicques, dequoy Theodoric, Roy d'Italie, aduertit ne fut content, par ce qu'il tenoit ladiēte secte. Et delibera totalement destruire Rome, le Pape & Clergé, en hayne de ladiēte ordōnance Imperiale. A raison dequoy lediēt Pape, fut contrainct aller en Cōstantinoble, vers l'Empereur, luy prier reuocquer ladiēte ordōnance, & restaurer les Arriens en leurs Eglises, pour euitter la fureur dudiēt Theodoric. Ce qu'il obtint à grand peine, & en plorant. Finalement se retira à Rauenne, vers lediēt Roy Theodoric, lequel par despit qu'il auoit amitié & intelligēce à l'Empereur Iustin, le feit metre en prison, ou il mourut de peine, famine & pauureté, apres qu'il eut tenu le siege deux ans huit moys: Mais tost apres lediēt Theodoric fut par diuin iugement puny de ladiēte offence, & de ce que tyranniquement il auoit faict mourir plusieurs Catholicques, & saintz personnages comme Boece & Simmachus. Et fut veu par vn saint homme, comme recite saint Gregoire en ses Dialogues, apres sa mort dedans les Paludz infernaulz.

*Ioannes, premier  
du nom lv. Pape*

Fœlix

# Le.ii.liure des antiquitez de la gaule belgicque,

*Fœlix iij. du nom  
lvi. Pape.*

**F**œlix quatrieme du nom, Samien de natiõ, fut esleu Pape, l'an de grace cinq cēs vingt cinq, homme tresdocte & vertueux, qui excõmunia le Patriarche de Constantinoble, perseuerant en son heresie, & ediffia plusieurs eglises à Rome, & fut le premier qui ordonna suiuant la doctrine sainct Iacques, que les malades receuoient l'extreme vñtion. Finalement il mourut apres auoir tenu le siege quatre ans deux moys.

## ¶ Des Emperẽurs qui ont regnẽ durant le temps dudiẽt Euesque sainct Venne.

*Iustin lvi. Empe-  
reur,*



**A**NASTRASIVS, duquel auons escript en la vie de l'Euesque precedent, teint quelque temps l'empire, du temps dudiẽt Euesque sainct Venne, car il mourut l'an cinq cens dixneuf.

**I**ustinus homme ancien & Catholicque, de natiõ Illiricque (cõ bien que les autres escriuent Thracien) Il fut Empereur en l'an cinq cens dixneuf. Pomponius Letus, escript de cestuy qu'il fut nay de pere & mere, ignobles & rusticques. Et estãt ieune enfant garda les pourceaulx, & les Bœufz & puis fut seruiteur d'vn Boscheron, & parueniu en l'aage de seze ans, commença à militer & suiure les guerres, homme tresvaillãt, prompt a la main, expert à frapper & vaincre ses ennemys, tellement qu'il changea d'estat, & fut esleu par fortune, & insti tuẽ Ducteur de compagnie, & puis Cõte & grand seigneur, ayant charge de l'armẽe. Aduint qu'apres la mort de l'Empereur Anastasius, vn Spado fauorit d'iceluy, nommẽ Amantius, fort riche de biens, qu'il auoit conquestẽ soubz lediẽt Empereur: veint audiẽt Iustin, avec tresgrand tresor d'or & d'argent, luy priant en prendre à son plaisir, & la reste distribuer aux gens d'armes, & à chascun d'eulx, en faueur d'vn sien amy nommẽ Theocritianus, a fin qu'il fust esleu Empereur. Lediẽt Iustin feist la distribution en son nom, à raison dequoy il fut luy mesme esleu: dont lesdiẽtz Amanti<sup>o</sup> & Theocritianus irritez, machinerent vne trahison contre luy: mais incontinent ilz furent tuez & deffaiẽtz. Plusieurs Historiens ne font mention de ce que dessus, ce ne antmoins cestuy Iustinus parueniu à l'empire, fut homẽ de tresgrand prudence, & vertu, vray Catholicque & obseruateur de la Foy Chrestienne, qui deiecta tous les Euesques Arrians, & les enuoya en exil en restituant les catholicques en leurs lieux. Toutefois il tempera son ordõnannãce par les prieres du Pape Iean, qui fut vers luy, iusques à Constantinoble, pour mitiguer & temperer l'ire du Roy Theodoric, tenãt la secte Arriane, qui de ce n'estoit content. Finalement lediẽt Iustinus quatre moys auant sa mort institua Iustinianus, filz de sa seur Auguste pour son successeur, & puis mourut apres qu'il eut tenu le siege huiẽt ans. Aucuns escriuent ynze ans.

## ¶ Des Roys de France, regnans du temps dudiẽt Euesque sainct Venne.

*Aduertissement  
aux lecteurs pour  
l'intelligence des  
Roys de France &  
d'Austrasie.*



**A**VANT que escrire des Roys de France, qui ont regnẽ du temps de nostre Euesque de Verdun, sainct Venne, fault que les lecteurs ayent intelligence de deux choses principalement.

¶ **L**A premiere est de cognoistre la difference & distinction des roys de France, à ceulx d'Austrasie.

*La seconde*

# depuis Pharamond iusques à Charlemagne F. lxxvij.

¶ LA SECONDE, est sçauoir les partages, & diuisions faitz de la Gaule, & succession du Roy Clouis, entre ses quatre filz. ¶ Et pour la congnoissance de la premiere, est necessaire reduire à memoire, ce que nous auons escript en nostre Proceme tra étant les origines des royaumes de Frâce, & d'Austrasie, & aussi à la fin de l'Euesque Possessor, parlant d'Austrasius filz de Lando, duc de Tongre, & en ce voïrons facilement la difference desdictz deux royaumes, & cōment le pays d'Austrasie print premierement le nom & denominatiō dudiēt Austrasius, Gouverneur d'iceluy, avec sa situation, & les regions qu'il contient: ensemble que apres la mort dudiēt Clouis, qui fut l'an cinq cens & quatorze, durant que lediēt saint Venne viuoit, il fut erigé, & print tiltre de royaume, duquel le premier Roy fut Theodoric aîné filz dudiēt Clouis, & durant soubz ses successeurs, qui estoient Meroniens, iusques enuiron le temps de Charlemagne, tellement toutefois que les collateraux des Roys de France, le tenoient aucunes fois particulierement. Et aultre fois par faulte d'heritiers, retour noit aux Roys de France, qui occupoient lesdictz deux royaumes ensemble, cōme nous deduirons cy apres.

*La difference du royaume de Frâce à celuy d'Austrasie.*

¶ Pour congnoissance de la seconde, fault noter que le Roy Clouis, eut quatre filz, trois de sa derniere femme Clotilde, à sçauoir Clodomire, Childeberr, & Clotaire. Et auparauant auoit eu vn filz nommé Theodoric, d'une autre femme, fust elle legitime ou concubine, & apres sa mort ses quatre filz diuiserent la succession paternelle entre eulx, prenant chascun tiltre de Roy. Tellement que Clodomire fut roy d'Orleans, & des pays circōuoisins: Childeric, fut Roy de Paris, & Clotaire, roy de Soissons, & le quatrieme frere, qui estoit aîné, & non Germain, nommé Theodoric, eut pour sa part tout le pays, que iadis Austrasius, duc de Tongre, gouernoit, soubz Clouis, & qu'on appelloit de luy Austrasie. Lequel pays reteint tousiours le nō d'Austrasie, mais deslors fut erigé en royaume, soubz lediēt Theodoric, qui meit son principal siege à Metz, à raison dequoy est appellé d'aucuns, Roy de Metz.

*Partages d'entre les quatre filz de Clouis.*

¶ Or supposées ces deux choses, pour satisfaire adce que auons prins obseruer, en l'ordre de ce second liure, nous deduirons en ce chappitre les trois dessusdictz filz, de Clouis, qui regnerent en France, & puis nous mettrons vn chappitre particulier des roys d'Austrasie, dont le premier fut lediēt Theodoric, & poursuurons d'iceulx, iusques au temps que lediēt royaume print fin.

*L'ordre cy apres obserué en la deduction des roys de France & d'Austrasie.*

**Clodomire** filz de Clouis, & Clotilde, eut pour sa part de la succession de son pere, en l'an cinq cens & quatorze, Orleans, Acquitaine, Daulphiné, & toute la Prouence, iusques à la mer, qu'il erigea en royaume tenant son siege principal à Orleans. Durant le regne d'iceluy, la royne Clotilde, sa mere, vefue, enhorta & pryâ ses trois filz, Childeberr, Clotaire, & lediēt Clodomire, venger sur les Bourguignons, la mort de ses pere & mere, que Gōdebould son oncle, auoit fait mourir, & recouurer le royaume de Bourgogne, qu'elle disoit à elle appartenir, lequel pour lors estoit possédé, par les deux filz dudiēt Gondebould, sçauoir Sigismond, & Godemar.

*Clodomire Roy d'Orleans.*

¶ Les trois freres obeirent à leur mere, & entreprirent la guerre en Bourgogne, & fut lediēt Sigismond prins prisonnier, avec sa femme & ses enfans, par lediēt Clodomire, qui les menâ à Orleans, & les feit miserablement tuer dedans vn puy, non obstant les prieres de saint Aignan, pour lors Euesque d'Orleans. Cestuy Sigismond fut reputé saint, pour les bonnes oeuvres qu'il auoit fait, durant sa vie, & les miracles subsequentz sa mort, Tost apres lediēt Clodomire en fut puny. Car en poursuivant Godemar, l'autre frere, pres de Vienne, au Daulphiné, qui senfuyoit deuant luy, il se meit si auant en la bataille, qu'il y fut tué, & laissa de sa femme Goldeacque Alias Galsonde, trois enfans. Theodal, Gotran, & Cloud, qui furent mis en la garde de sa mere Clotilde, apres quil eut regné seullement sept ans.

**Childeberr**, filz de Clouis, eut pour sa part de la succession de son pere, en l'an cinq cens quatorze, le royaume de Paris, contenant le Hurpois, Poictou, Touraine, & le Mayne.

# Le.ii.liure des antiquitez de la gaule belgicque,

*Childebert roy de Paris & vi. Roy de France.*

¶ Et fault icy noter que les Historiens François, denominent tousiours & principalement donnent tiltre de Roy de France, à celuy des freres, qui tenoit, & regnoit à Paris. Or cestuy Childebert, fut vaillant homme, & eut plusieurs guerres & en diuers lieux, sçauoir en Bourgongne, & contre son frere Theodoric, contre Almanoy roy des Visigotz qu'il tua, pource qu'il traitoit mal sa seur Clotilde, qu'il auoit espousée, & la retira en Frâce, ou elle mourut, & fut inhumée à sainte Geneuiefue à Paris. Si passa oultre en Espagne, gaigna Tollette & Sarragoce, dont il apporta plusieurs reliques, & beaulx ioyaux, qu'il bailla aux eglises de Paris, & signamēt la coste saint Vincent, qu'il meit en vne Eglise qu'il fonda en l'honneur de saint Vincent, que de present est appellée saint Germain des prez. Lediēt Childebert consentit à la mort de ses nepueux, enfans de Clodomire, tuez par Clotaire son frere, & depuis print guerre tōtre Theodebert roy d'Austrasie, son nepueu, & cōtre son diēt frere Clotaire. Mais miraculeusemēt le iour de la bataille, par les prieres de leur mere Clotilde, suruindrent tant de fouldres, pluyes, & tonnoirres, qu'ilz accorderēt & feirent paix ensemble, & puis mourut lediēt Childebert sans delaisser Heritiers de son corps, apres qu'il eut regné quarante cinq ans, en l'an cinq cens cinquante neuf, & fut inhumé en ladiēt eglise saint Vincent de Paris, qu'il auoit ediffiée.

*Clotaire premier roy de Soissons & cōsequēment. vii. roy de France.*

**Clotaire** premier du nom, eut en l'an cinq cens quatorze, pour sa part de patrimoine, le royaulme de Soissons, contenant Vermandoys, Picardie, Flandres, & Normādie. Il fut cruel homme & luxurieux, car il tua ses deux nepueux Gontier & Theodoald, enfans de Clodomire, & eust encores tué Cloud, le plus ieune, s'il n'eust eschappé de ses mains. Il eut six femmes espousées. De la premiere nommée Ingonde, eut cinq filz, Gōtier, Childeric, ou Chilperic, roy de Soissons, Gotran roy d'Orleans & Aquitaine, Sigibert, roy d'Austrasie, & Aribert roy de Paris & de Neustrie, & deux filles, Clotesinde, qui fut mariée à Albonius, dixieme roy des Lombardz, & Nigegode, femme de Engilbert Roy d'Angleterre. La seconde de ses femmes, fut Aregonde, soeur de Ingonde, delaquelle eut vn filz nommé Chilperic. De la tierce nommée Chinisena, eut vn filz, Cranus, qu'il feit brusler, & deux filles, Chinisena, & Vlside. De la quatrieme nommée Caufonne, eut Clotaire, & vne fille nommée Blitilde, qui fut mariée avec Ansebert, senateur de Rome, descendu du sang de Pharamōd, & desquelz par longue generation, vint le roy Charlemagne. Sa cinquieme femme, fut sainte Radegonde, fille de Berthaire, prince de Toringe, laquelle il laissa vierge, selon aucuns, & entra en religiō, & feit faire le monastere sainte Croix à Poitiers. La Sixieme, fut Vvaltrodade, fille de Gaston roy de Lombardie, qu'il repudia par le conseil de l'Eglise, par ce qu'elle auoit esté mariée avec Theodoald, son nepueu.

¶ Cestuy Clotaire en l'an cinq cens cinquante neuf, succeda au royaulme d'Austrasie par la mort de Thiebault, son arriere nepueu, qui mourut sans enfans, & luy bailla son royaulme & ses tresors.

*Clotaire premier Monarche en frāce & des Gaules.*

¶ Audiēt an cinq cēs cinquante neuf, il succeda par la mort de Childebert, son frere, au royaulme de Paris, par ce qu'il mourut sans enfans: Et partant il fut Monarche en toute la succession de son feu pere Clouis, par l'espace de cinq ans, & puis mourut en l'an cinq cens soixante quatre, apres qu'il eut regné (en tout) cinquante ans, fut inhumé à Compiègne, laissa quatre filz viuās, Aribert Chilperic, Gōtrand & Sigibert, lesquelz diuiserēt depuis la Gaule, entre eulx.

# depuis Pharamond iusques à Charlemagne. F.lxviij.

¶ Des Roys qui ont regnez en Austrasie durant le  
temps dudiect Euesque saint  
Venne.



**T**H E O D O R I C, filz aîné dudiect Clouis, & d'une femme qu'il eut  
auant Clotilde, laquelle aucuns dient comme Annonius Monachus,  
auoir esté sa concubine, au sixieme chapitre du second liure de sa cro-  
nicque, ou il appelle Theodoricus bastard. Les autres escriuent qu'elle  
estoit legitime, selon la Loy qu'ilz tenoient pour lors, cestasçauoir des  
Payens, auquelz estoit licite prendre plusieurs femmes, & les laisser, & repudier à  
leur plaisir. Laquelle opinion semble auoir apparence de verité, par ce qu'il succeda  
auec ses autres freres legitimes en la successiõ dudiect Clouis, aydiect an cinq cës qua-  
torze: & comme aîné, eut la meilleure part & portion: comme l'ancien & premier  
domaine des Roys de France, à sçauoir tous les pays que iadis Aufrasius gouernoit,  
soubz lediect Clouis son pere, situé en la Gaule belgicque. Lequel pays auoit prins le  
nom d'Austrasie à raison dudiect gouuerneur, & iceluy reteint tousiours, combié que  
venu au partage dudiect Theodoric, il l'erigea en royaume, & se nõma premier roy  
d'Austrasie. La situation duquel, ensemble des terres & seigneuries contenues en ice-  
luy, qui les voudra sçauoir, fault retourner ad ce que nous auons diect en la vie de l'E-  
uesque Possessor, parlant du gouuernemēt dudiect Aufrasius duc de Tongre. Il meit  
le siege principal de son royaume, en la cité de Metz, à raison dequoy est aucunesfois  
appellé Roy de Metz. Les Historiens escriuent, qu'il y eut encores autres sieges prin-  
cipaulx audiect royaume, comme Aix la Chapelle, & la cité de Reims.

¶ Cestuy Theodoric, fut tresvaillant aux armes, estant desia grant & adulte, quant  
son pere Clouis, commença à dilater son royaume, tellement qu'il fut tousiours en  
personne, portant armes, aux grandes conquestes que Clouis feit, & fut cause par ses  
proccès de l'augmentation & dilatation du royaume de France.

¶ Or quant il vint à regner, il resista vertueusement contre seldiectz freres, Childeberr  
& Clotaire, qui lassaillioient, & eurent plusieurs guerres contre luy, toutefois finale-  
ment ilz accorderent & furent amyx, & ce fait, il augmenta merueilleusement son  
royaume d'Austrasie, Car il eut pour sa part, apres la mort des enfãs de son frere Clo-  
domire, tout le pays d'Auuergne, & adiousta depuis le pays de Turinge, situé dedans  
les Almaignes, & oultre le Rhin, & ce, par l'ayde de Clotaire son frere, qui ensemble  
auec grosse armée, gaignerent lediect pays, & tuerēt Hermanfroy, qui se disoit roy du-  
diect pays auec son frere Baldric, ou Bertaire, & tous leurs enfans, excepté Radegon-  
de, fille dudiect Bertaire, laquelle pour sa beauté, Clotaire voulut auoir pour sa part du  
butin, esperant la prendre pour femme, mais Dieu la garda, & demoura vierge, pre-  
nant l'estat de religion, comme auons diect cy dessus.

¶ Finalement lesdiectz Theodoric & Clotaire, confederez ensemble, menerent leurs  
armées en Bourgongne, contre Godemar, qui fut tué en bataille, & le dernier roy de  
Bourgogne, estant de la lignée des Gothz. Et par ce moyē Theodoric, obtint la plus-  
grād part dudiect royaume de Bourgongne. Dont aduint, que par apres Theodebert  
son filz auec tiltre du royaume d'Austrasie, porta le nom de roy de Bourgongne. Si  
mourut Theodoric, en l'an cinq cens trente sept, apres qu'il eut regné enuiron vingt

trois ans, & laissa lediect Theodebert son filz seul heritier. De sa fem-  
me Esleure, fille d'Alaric roy des Gotz, il eut vne fille  
nommée Clotilde, mariée à Charles  
Hasbain, duc de Ton-  
gre.

*Theodoric pre-  
mier roy d'Au-  
strasie.*

*Sainte Radegon-  
de femme de Clo-  
taire.*

# Le ij. liure des antiquitez de la gaule belgicque,

Des ducz de Tongre, qui ont esté durant  
ledict Euesque saint  
Venne.

*Charles Nason  
duc de Tongre &  
Brabant.*

*Origine des qua-  
tre filz Aymon.*

*Turinge*

*24*



**C**HARLES NASON, filz d'Austrasius, succeda apres son pere à ladiete duché de Tongre, & Brabant, enuiron l'an cinq cens & quatre, & espousa pour femme, Vualberie aînée fillé de Berthaire, prince en Turinge, delaquelle il eut trois filz & vne fille. Laisné fut appellé Charles, surnommé Hasbain, lequel succeda à Tõgre & Brabant, les autres deux Bertaire ou Beldric, & Hermenfroy, succederent à la succession maternelle, au pays de Tongre, & eurent de grandes guerres, l'un contre l'autre, tellement qu'ilz furent cause qu'ilz furent expulsez de leurs pays, comme dirons cy apres. La fille nommée Veraye, fut maryée à vn grant prince d'Ardenne: desquelz descendirent les quatre filz Aymon. Si mourut ledict Charles Nason apres qu'il eut regné trente deux ans,

Des successeus du Roy Clodion, regnans du  
temps dudidit Euesque saint  
Venne.

*Anselbert filz de  
Vuambert.*



**A**NSELBERT filz d'Vuambert, premier, fut mené à Rome pour la crainte des Meroniens comme auons dict cy dessus, & institué Senateur de Rome, en son ieune aage, par la faueur de l'Empereur Zenõ son oncle, qui estoit frere de sa mere: & par Theodoric, roy d'Italie, qui estoit frere de la mere de sondict pere Vuambert. A cestuy Anselbert, enuiron l'an cinq cens & vingt, apres la mort de ses pere & mere, escheurent pour sa part de succession, grandes terres & seigneuries situées en Aquitaine, prouenans de sa mere grand, soeur de Theodoric roy d'Italie, & si eut avec son frere Vuambert deuxieme, les seigneuries patrimoniales situées en la Gaule belgicque comme nous dirons. Ledit Anselbert, fut homme de tresgrand prudence, sage & vaillant aux armes, militant soubz l'Empereur & ledict roy Theodoric, iusques à ce que Iustinian vint à regner & tenir l'Empire (qui fut enuiron l'an cinq cens vingt huit) lequel print en grand grace & amour ledict Anselbert, & cognoissant les oultrages & violences, que les Roys de france Meroniens, auoient auparauant faiet aux anciens progeniteurs dudidit Anselbert, en les priuant du royaume de France, escriuit en sa faueur à Clotaire, roy de Soissons, qui pour lors auoit plusieurs querelles & dissentions avec ses freres, en luy remonstrant & requerant qu'il eut à recepuoir Anselbert, & ses freres, & leurs rendre leurs terres & seigneuries paternelz, en la Gaule belgicque, que iniustement il occupoit, entre lesquelles estoit vn Marquisage du saint Empire sur l'Escault, contenant les pays ou sont de present situez Anuers, Gand & autres, & partant luy pryoit les restituer audict Anselbert. Aquoy ledict Roy Clotaire voulut bien obeir, craignant que durant les dissentions qu'il auoit avec ses freres, l'Empereur Iustinian, ne print alliance à seldictz freres, contre luy. Si manda ledict Anselbert venir à sa court, & luy redit seldictes terres, & oultre pour gaigner la faueur dudidit empereur, luy bailla sa propre fille en mariage nommée Blitilde, & selon aucuns, Vlicilde. Finalemēt Anselbert mourut apres qu'il eut regné enuiron cinquāte neuf ans, en l'an cinq cēs septāte, & eut de sa femme entre plusieurs enfās quatre filz, à sçauoir Anchi-fes, aliàs Arnoul, Feriol, Mederic & Condulphe Euesque de Treict pres Liege, &  
vne

*Anselbert marié  
à Blitilde fille de  
Clotaire.*

*La mort dudidit  
Anselbert, & les  
enfās d'icelle.*



# depuis Pharamond iusques à Charlemagne. F. lxxix.

vne fille nommée Tharsita, laquelle perseuera en virginité, fut religieuse, reputée sainte. Le corps delaquelle gist à Rènes en Bretaigne, ou se fôt beaulx miracles. Ledict Anselbert, feit tant par sa prudence & vertu, qu'il gaigna la grace dudict Clotaire premier, soubz lequel fut esleue en grans biens, terres & seigneuries, erigées depuis en Duché, appellée Mozelane, & eut grans gouuernemens en la Gaule belgicque, si-gnanment quant ledict Clotaire vint à estre Monarche de toute la Gaule.

¶ Cy fault noter, que combien que l'Abbé Tritemius à esté fort diligent, es supputations des temps de son histoire, toutefois, il à en plusieurs lieux vsé de ses propres inuentions; pour cōclure & venir à son optat, ce quil à faict au premier liure de son Cōpendium, soubz le tiltre de Lotharius, filz de Fredegonde, voulant deduire la genealogie de Charlemagne, & monstrer qu'il est descendu des Troyens, & ausi extoller l'origine des comtes Palatins, & ducz de Bauiere. Escript que ledict roy Lothaire, bailla à Pepin l'ancien (lors viuant) le gouuernement de la France Septentrionale: & dict oultre que iceluy Pepin estoit frere de saint Arnoul, qui fut euesque de Metz, & que leur pere estoit Ansigifus, qui est notoirement faulx. Car ledict Pepin l'ancien, surnommé de Laudon, fut filz de Carloman, qui eut vne fille nommée Regga, qui fut mariée à Ansigifus, filz dudict saint Arnoul, &c.

¶ Or d'auantage ledict Tritemi<sup>us</sup> tost apres cōtreuenāt ad ce q̄ dessus, escript vne grāde genealogie, ascendant & cōmençāt à Pepin filz d' Anchises filz d' Arnoul, filz d' Ansigifus, aliās Arnoaldus, filz dudict Anselbert, qu'il nōme Ansbert, & luy dōne le fut nom de Nicanor, & le dict estre filz du duc Sigilbert, filz du duc Priamus: & consequenment poursuit ladiete Genealogie, iusques à Marcomire, qui tira les profuges de Troye, de Scythie, en la Germanie. Mais a la verité ceste genealogie est faicte à son plaisir, sans tesmoignage d'auteurs ne d'historiens precedens, & sans apparence de verité. Car il est tout certain que ledict Anselbert, ou Ansbert, fut Senateur de Rome, & ainsi denominé par tous les anciens Historiēs, ce qui ne seroit, si la genealogie dudict Tritemius estoit vraye. Parquoy j'ayme mieux suiure l'auθhorité des hiltoriens & aucuns nouueaux, comme Almericus, Hugues de Toul, Jacques de Guise, qui escriuēt que ledict Anselbert est descendu des enfans Clodion, & la façon comment il fut Senateur de Rome, & depuis marié à la fille de Clotaire premier. Ce que conferme maistre Nicole Gilles, & Jacques Meicrus en leurs histoires. Ce que nous monstrerons clairement en nostre histoire, & comment d'iceluy par ligne directe, sont descenduz Charlemagne & les ducz de Mozelane, & consequenment les ducz de Lorraine à present regnans.

*Aduertissement pour les lecteurs sur la genealogie d'Anselbert.*

*Erreur euidente de l'historien Tritemius.*

*Genealogie de Anselbert & cōsequēment de Charlemagne écrite par Tritemius, faulse.*

**V**aubert, deuxieme du nom, filz de Vvaubert l'anciē & frere du dessusdict Anselbert, succeda à son pere enuivō l'an cinq cens vingt, & eut pour sa part de ladiete successiō toutes les seigneuries que son pere tenoit de par luy en la Gaule belgicque, comme Ardenne, Alsatie, & aultres, aupres du Rhin, car son frere Anselbert, auoit succedé aux seigneuries d'Acquitaine, prouenans de par leur mere. De son ieune aage il fut tiré à Rome avec son frere Anselbert, pour euer la fureur du roy Clouis, qui persecutoit toute la posterité de Clodion le Cheuelu, cōme auons dict cy dessus, & fut institué Senateur à Rome, par la faueur de ses parens, Zenon, l'Empereur, & Theodoric, comme son frere Anselbert. Il espoufa durant la vie de son pere, la fille de Almaric, soeur d'Athalaric, qui fut roy d'Italie apres Theodoric, nommée Clotilde, laquelle fut reputée sainte, pour les grans biens & abstinences qu'elle faisoit durant sa vie, & estoit soeur de Rochilde, l'une des femmes de Lothaire premier, comme aucūs ont escript. Cestuy prince apres qu'il fut restitué en ses terres & seigneuries paternelz, il les gouerna tresbiē avec l'amour de ses subiectz par l'inductiō de sa bōne & sainte fēme, & depuis q̄ son frere Anselbert fut allié par mariage au roy Clothaire, cestuy Vvaubert, fut esleue en grandes seigneuries, estatz, & gouuernemēs. Il mourut lan cinq cēs soixāte deux, auāt son frere, Anselbert: & entre autres enfans, il laissa de sa femme Clotilde, deux filz, à sçauoir Vvaubert, troisieme du nom, qui luy succeda, & Brunulphus comte de Cambresis, qui engen-

*Vvaubert. ii. du nom filz d'Vvaubert premier.*

*Vvaubert. ii. eut son partage à Ardenne.*

*Clotilde fille d'Almaric femme d'Vvaubert. ii.*

# Le.ii.liure des antiquitez de la gaule belgicque,

dra vn autre Brunulphus qui fut pere de Ydulphus, ou Lydulphus mary de sainte Aye, & si eut vne fille nommée Vvraye, laquelle fut mariée à Numolinus appellé d'aucuns Sigulphus, qui feit de grans faitz d'armes, soubz Sigisbert roy d'Austrasie, & mourut ledi& Numolinus l'an cinq cens quatre vingtz & seize.

*Auertissement aux  
lecteurs pour lin-  
telligence de la ge-  
nealogie de Char-  
lemagne & des  
ducz de Mosela-  
ne & celle des  
princes d'Arden-  
nes & de Haynau*

Icy fault noter, que deormais en la fin de noz Euesques de Verdun, nous diuise-  
rons le tiltre des succeurs de Clodion le Cheucl, en deux tiltres: dont l'un declai-  
rera seulement & poursuiura les succeurs du dessusdi& Anselbert, lequel nous  
subdiuiferons en deux, pour monstrier que de cestuy Anselbert, sont descenduz Char-  
lemagne, & les ducz de Mozelane: & consequemment dudi& costé, les ducz de Lor-  
raine, à present regnans: & l'autre tiltre declairera les succeurs dudi&

Vvaubert, deuxieme, duquel sont descendus les princes, d'Ar-  
denne, & consequemment de l'autre costé les ducz de

Lorraine, & declarera aussi comment  
d'iceluy Vvaubert deuxieme


sont descenduz

les

princes de Haynau.

depuis Pharamond iusques à Charlemagne. F.lxx.

De la vie sainct Desideratus  
neufieme Euesque  
de Verdun.



DESIDERATUS, fut esleu neufieme Euesque de Verdun, l'an cinq cens vingt neuf, de nation Germanicque, du pays de Turinge, region située, ou tre le Rhin, extrait de noblesse, des principaux gouuerneurs, soubz Hermanfroy & son frere Bertaire, & soubz leurs anciens progeniteurs roys & Princes du dict pays. Et fut cestuy Desideratus en son ieune aage, nourry, & entretenu aux escholles, ou il profitta tellement qu'il estoit réputé tresdocte, sçauant, & de grand prudence. Si print femme du pays, selon sa qualité, de laquelle il eut aucuns enfans, & puis elle mourut en

ieunesse, & demeura ledict Desideratus, en viduité, delibéré de non iamais se marier.

¶ Or pour lors audict pays de Turinge, y auoit deux freres, Hermāfroy, & Bertaire, ou Balderic, qui auoient succedé audict royaume, & pays, & l'auoient diuisé entre eulx, prenant chascun tiltre de roy. Et vesquirent pour quelque temps, en bonne paix & concorde, prindrent femmes selon leur estar, & noblesse, & eurent chascun de beaulx enfans, tant masles que femelles. Pour lesquelz gouverner, regir, & endoctriner, prindrent d'un commun consentement Desideratus, qu'ilz cognoissoient sçauāt, sage, & vertueux, pour ce faire

¶ Or aduint quelque temps apres, par enuie, ou conuoitise de regner, que entre les deux freres, y eut tresgrandes dissensions, & discordz, & eurent plusieurs batailles ensemble, à la fin Hermanfroy n'eut du meilleur, & se retira vers Theodoric, roy d'Austrasie, duquel il auoit espousé la seur, iadis fille de Clouis, & luy demāda secours, luy promedant la moitié du royaume de Turinge, s'il obtenoit victoire contre sondict frere. A quoy ledict Theodoric facilement obtempéra, & leua grosse armée, & avec son filz Theodebert entra en Turinge. Veint assaillir Bertaire, & obtint victoire en vne bataille, en laquelle ledict Bertaire fut tué, & par ce Hermāfroy fut restitué seul en tout le pays.

¶ Quelque tēps apres, ledict roy Theodoric le feit sommer, de sa promesse, à sçauoir luy deliurer la moytié de son royaume, ce qu'il refusa faire, par l'induction, & conseil de sa femme: dont Theodoric ne fut content, qui leua grosse armée, & pria Clotaire roy de Soissons (son frere) venir avec luy, & eulx deux ensemble, avec leurs gens, entrèrent en Turinge, & eurent bataille, sur le riuage d'une riuere, nommée Onestant, ou il y mourut tant de Turingeoyz, mesmes dedans la riuere, que comme dient les historiens, on passoit sur les corps des morts, cōme sur vn pont: toutefois ledict Hermanfroy eschappa, & se sauua au mieulx qu'il peut: Se retira en vn fort chasteau, & quasi imprenable, ou il se fortifia, pour quelque temps. Apres celle victoire, tout le pays de Turinge fut mis en l'obeissance du roy Theodoric, qui presenta tout le butin pour diuiser avec son frere Clotaire: toutefois Clotaire se contenta, pour sa part du butin, & ne demanda seulement que la ieune pucelle Radegonde, pour sa beaulté, sagesse, & vertu, fille du dessusdict Bertaire, demeurée seule des enfans d'iceluy, qui auoient tous esté tuez, apres sa mort. Ce qui luy fut accordé, & delibera l'amener, en son pays, & la prendre pour femme.

*Desideratus. ix.  
Euesque de Verdun*

*Bertaire, & Hermanfroy freres, en discord.*

*Victoire de Theodoric & Clotaire contre Hermanfroy roy de Turinge.*

*Radegonde veint à Clotaire pour la part de son butin.*

*Clotaire se contenta de Radegonde pour son butin.*

# Le ij. liure des antiquitez de la gaule belgicque,

*Desideratus veint au roy Theodoric pour la part de sobutin.*

¶ Sēblablement apres la dēssusdictē victoīre, furēt prins prisonniers des nobles du pays & principaulx cōseilliers, gouuernēurs & fauoritz d'udiēt Hermāfroy, & furēt presentez au roy Theodoric, entre lesqueiz y estoit Desideratus, hōme reuerēd, sage & vertueux, grādemēt estimē par tous ceulx du pays: dōt le roy Theodoric fut tres ioyeux, & le receut benignemēt. Si le deliura libremēt, sans rançon, & le retint de son cōseil, luy ordonnant suyure sa court, & estre fidelē, comme il auoit estē à son maistre Hermāfroy. Quant aux autres prisonniers, il en ordōna, & print rançon à son plaisir, & selon leurs facultez. Et ce fait les deux roys aduertiz que Hermanfroy s'estoit retirē au chasteau dēssusdict: delibererent le poursuyure, & vindtent mettre le siege deuant lediēt chasteau, de sorte que Hermanfroy n'eust sceu sortir: mais ausi estoit il difficile à eulx, le prendre soubdainement, & cogneurent bien qu'il failloit estre longuemēt illec, auant qu'il se rendist. Si se aduisa Clotaire, à qui il tarδοit retourner en son pays, & enuoya Heraux, & messāgers vers lediēt Hermāfroy, luy presentant bons appointemens, luy promectant rendre partie de son royaume, pour veu qu'il se rendist. Cē qu'il fait, comme mal conseillē, & receut les deux roys en son chasteau, esperant auoir appointement, tel qu'il voudroit. Quant il furent illec, le roy Clotaire voulut aller vn iour avec luy visiter & circuir les murailles d'udiēt chasteau, ce qu'il accorda: mais estans sur icelles, diuisāns & conferāns de la forteresse & haulteur d'icelle, Clotaire le poulsa & iecta du hault en bas, sur vn gros rocher, ou il eut le col rompu, & apres ordonnerent, tous ses enfans estre tuez. Enquoy print fin totalement le nom, & tiltre du royaume de Turinge, ce qui aduint, enuiron l'an cinq cens vingt quatre.

*Hermanfroy, & ses enfans tuez par le roy Clotaire, par trahison.*

*Le royaume de Turinge exterminē.*

¶ De ce cruel fait, ne fut contēt, le bō Desideratus, car il ayμοit les enfans, desquelz il auoit estē gouuerneur & directeur, & en mena longuemēt tresgrant dueil. Ensemble de ce qu'il veoit la ieune pucelle Radegonde, este es mains d'udiēt Clotaire, homme luxurieux & cruel, laquelle il auoit gouuernē long temps, avec ses autres freres & cousins, tous mis à mort, comme auons dict: Si scauoit le bon vouloir de ladicte pucelle, & le veu qu'elle auoit fait de perseuerer en virginitē: d'autre part cognoissoit que Clotaire la vouloit prendre à femme, dont il estoit en grande perplexitē & tristesse, & souuent rescriuoit à ladicte Radegonde, lettres pleines de bonne consolation, l'exhortant perseuerer en l'amour de Dieu, en son bon propos, & garder sa virginitē, & resister prudemment aux blandimens qu'on luy pourroit faire, de consentir à prendre lediēt Clotaire, pour mary: & le tout secretement, que toutes ces choses furent incogneues, iusques apres le retour d'ediēt roys, en leurs royaumes.

*Desideratus secretement consoloit & exhortoit Radegonde à garder sa virginitē.*

*La vertu & constance de la pucelle Radegonde.*

¶ Quant Clotaire voulut prendre pour femme ladicte pucelle Radegonde, laquelle resista si prudemment, & le pria si humblement, par les exhortations que Desideratus luy auoit dōnēes, par ses lettres, que Clotaire (combien qu'il fust luxurieux, & grant paillard) fut vaincu de pitiē, par les bonnes oraisons, & humbles prieres que faisoit ladicte Radegonde: toutefois il differa quelque temps, esperant qu'elle changeroit de propos. Et ce pendant il fut aduertiy des lettres, que Desideratus luy escriuoit souuent, pour la consermer à tousiours resister à son vouloir: dequoy il ne fut content. Si aduertit, & en escriuit à son frere, le roy Theodoric, lequel manda Desideratus, l'argua & reprint aigrement, d'auoir escript lesdictes lettres: mais Desideratus, qui estoit homme scauant, prudent, & sage, luy donna ses raisons, & s'excusa honestement, lesquelles excuses ne furent agreables audiēt Theodoric, qui se esmeut en colere, & grandes iniures: tellement que lediēt Desideratus, comme homme magnanime & vertueux, veint à deduire les faitz, & cruantez de Clotaire, cōtre Hermāfroy, quāt à la foy violē, & cōtre ses enfans tous tuez & occis. De ce fut plus irritē Theodoric, iugeāt en foy, qu'il le taxoit, quāt ausdictz crimes: & soubdainemēt le voulut faire mettre à mort: mais son filz Theodebert hōme sage, & prudent, tempera la fureur de son

*La magnanimitē de Desideratus.*

## depuis Pharamond iusques à Charlemagne. F.lxxj.

de son pere, quāt à la mort: toutefois Theodoric ordōna, qu'il fust chassé de sa court, & que iamais ne veint deuant luy: dōt Theodebert fut fort desplaisant, car il cognoif soit Desideratus estre vertueux, & prudent homme, veridic, & incorruptible, en son conseil & iugement, & l'aymoit intimement. Si le retira de la court de son pere, & l'ēnoya en la cité de Verdun, ou il faisoit ordinairement sa residence, quāt il ne suyuoit point la court de son pere Theodoric, & ordonna illec son estat, comme à l'vn de ses principaulx conseillers, vsant de son conseil, en tous ses grans affaires. Et ainsi persevera ledict Desideratus, par long temps, demeurant à Verdū, soubz le seruice dudiēt Theodebert, viuant tres saintement, & vertueusement, avec la grace de tout le peuple, subuenant aux paoures, de ses biens, & aux riches, de bon conseil, & saintes exhortations.

*Theodebert verra à Verdun, Desideratus, & son filz Siagrius.*

¶ Or auoit ledict Desideratus vn filz, nommé Siagrius, de sa femme deffuncte, lequel estoit vaillant aux armes, bien aymé dudiēt Theodebert, qui luy bailla beaucoup de biens, rentes & seigneuries, & suyuoit ordinairement sa court, pendant que son pere se tenoit à Verdun.

¶ Or pour retourner à la pucelle Radegonde. Les historiens qui escriuent d'elle, sont en diuersité, car Sigebert dict, que l'an cinq cens vingt cinq, elle fut mariée à Clotaire: Iean Boucher de Poitiers, elcript que ce fut l'an cinq cens cinquante & vn, & si y en a aucuns qui afferment, que iamais ne fut cogneue charnellement dudiēt Clotaire. Les autres semblent dire le contraire, quoy qu'il en soit il est certain, qu'elle entra en religion, premierement à Noyon, depuis alla à Chinon, puis à Poitiers, ou elle feit commencer l'ediffice de l'eglise sainte Croix, & si ediffia l'eglise Nostre Dame, audict Poitiers, en laquelle apres sa mort, elle fut inhumée, & de present est appelée sainte Radegonde, ou il y a des Chanoines seculiers, que ledict Clotaire fonda.

*Diuersité entre les historiens, de sainte Radegonde.*

¶ Pendant les choses que dessus, saint Venne, lors Euesque de la cité de Verdun, alla de vie à trespas, enuiron l'an cinq cens vingt neuf, par la mort duquel tout le clergé, & peuple demanderent le bon homme Desideratus, pour leur Euesque, à quoy Theodebert, sans le sceu de son pere Theodoric, y accorda, & par son moyen il fut institué & installé Euesque de Verdun.

*Desideratus esleu Euesque de Verdun.*

¶ Or pour lors y auoit vn noble homme de la Bourgogne, suyuant la court du roy Theodoric, nommé Sirmuldus, hayneux du bon homme Desideratus, & enuieux de ce que Theodebert le soubstenoit, & l'auoit en reuerence, mesme contre la volonté de son pere: Lequel aduertiy de la promotion de Desideratus, en l'Euesché de Verdun, se retira vers le Roy Theodoric, & luy declaira tout le fait, & oultre, accusa ledict Desideratus, de plusieurs machinations, mauuais raportz, iniures, & calumnies, qu'il disoit iceluy Desideratus auoir fait contre l'honneur & la personne dudiēt Theodoric, affermant qu'il taschoit par sinistre moyen, mettre discordz & dissensions entre luy, & son filz Theodebert. De ce fut merueilleusement irrité le Roy Theodoric, avec ce qu'il n'aymoit point Desideratus: toutefois il differa executer son courroux, & maltalent, contre ledict Desideratus, de paour de irriter son filz Theodebert, lequel il vouloit enuoyer, avec grosse armée, contre les Gothz, & Ostrogothz, tenās le royaume d'Italie, qui iournellement molestoiet en diuers lieux de la Gaule, & venoient assaillir les pays dudiēt Theodoric (auquel appartenoiēt, avec Austrasie, tous les pays d'Auuergne, & partie d'Acquitaine) cuydās iceulx Gothz recouurer plusieurs terres, qu'il auoient perdues en ladicte Gaule, du temps du feu roy Clouis, & en ce mesme temps pour mieux resister ausdictz Gothz, ledict Theodoric auoit traité le mariage de son filz Theodebert avec Guysegarde, fille de Gascon roy de Lombardie, & despescha sondict filz en ladicte expedition.

*Sirmuldus enuieux de l'Euesque Desideratus.*

*Theodoric de nouueau irrité contre l'Euesque Desideratus.*

¶ Or pendant l'absence de Theodebert, son pere Theodoric print occasion de se venger, & persecuter le bon Euesque Desideratus, & manda son accusateur, Sirmuldus, auquel il donna charge, de le prendre, & le apprehender au corps, en confiscant

# Le.ii.liure des antiquitez de la gaule belgicque,

*Desideratus, de  
rechef persecuté,  
par Theodoric.*

en confiscant tous ses biens, & les donnant audiēt Sirmuldus, avec puissance de le molester, & faire toutes les iniures, & opprobres qu'il pourroit, ou bien le dechasser hors de son lieu, & du royaume. Suyuant icelle ordonnance, Sirmuldus leua grosse bande de gens d'armes, veint à Verdun, ou il feit des maulx innumerables, executant son mandement contre l'Euesque, & ses alliez, avec toutes les rigueurs, qu'il peut, le molestant, non seulement par iniures corporelles: mais en tous les biens, rentes, & heritages, desquelz il le priua, & en print possession: tellement qu'il fut contrainct se abstenir de la cité, s'enfouyr, & retirer en la cité de Treues, secretement, vers l'Archeuef que dudiēt lieu, nommé Nicerius, aliàs Nicetius, homme de tresgrande vertu, & sainteté, qui le receipt benignement, & le reteint au pres de luy, pendant que sa maison, & ses biens estoient occupez par son accusateur, & fut illec en seureté, par bien long temps. Car le roy Theodoric auoit tresgrande reuerence, audiēt Nicerius, qu'il auoit amené pour ses grandes vertus, du pays d'Auuergne, ou il estoit Abbé, & le feit instituer Archeuefque de Treues. Car la verité est, que Theodoric, apres la mort de ses deux nepueux, enfans de Clodomire, tuez par Clotaire, obtint pour sa part d'Acquitaine, appartenāt à eulx: tous les pays d'Auuergne, & la reste des Seigneuries d'icelx, fut diuillée à ses autres deux freres, Clotaire, & Childebert.

*Le roy Theodoric  
tira d'Auuergne  
en Austrasie, plu  
sieurs scauans, &  
sainctz personna  
ges.*

¶ Et escriuent les historiens, que pour lors Auuergne floriffoit, & habondoit en gens sçauans, & catholicques, viuans en grande sainteté de vie. Tellement que Theodoric, roy d'Austrasie (a qui appartenoient les citez de Treues, Coulongne, Magonce, & autres, iusques au Rhin) tira plusieurs bons, & saintz personnages, dudiēt pays d'Auuergne, & les amena, & aduança, en dignitez, es citez de son royaume d'Austrasie, entre lesquelz, lediēt Nicerius en fut l'un, qu'il feit eslire Archeuefque de Treues. Les vertus duquel, ensemble les œuures miraculeuses, qu'il a fait, tant en sa vie, qu'apres sa mort: qui les vouldra sçauoir, fauldra veoir les gestes des Archeuefques de Treues, & Gregoire de Tours, au liure De gloria confessorum, nonante quatrieme chapitre. Ces choses sont confirmées, par l'Abbé Tritemius, en son breuiare, au chapitre de Clotaire, soubz l'an sezieme dudiēt Clotaire, ou il diēt.

*\* Claruit his diebus sanctus Nicerius, &c. & peu apres. Theodoricus Rex, Austrasie qui dominabatur Metensibus, Treueris, Leodis, Colonienfibus, Magontinis, cunctisque Cisrhaneis, ex civibus Auernis, clericos multos adduxit, quos Treuerice Ecclesia ad famulandum domino iussit ascribi.*

*La mort de Theo  
doric, roy d'Au  
strasie.*

¶ Durant ces choses, enuiron l'an cinq cens trente sept, lediēt roy Theodoric, alla de vie à trespas, son filz, & seul heritier Theodebert, estant en l'expedition dessusdicte, & aux terres, & seigneuries, que son pere auoit en Aquitaine. De laquelle mort fut aduertie Siagrius, filz de nostre Euesque Desideratus, qui militoit soubz lediēt roy Theodebert (comme auōs diēt cy dessus) Le quel impetra dudiēt roy, licence de retourner en Austrasie, & de restituer son pere, en son diēt Euesché de Verdun, aussi poursuyure l'iniure, que Sirmuldus, luy auoit fait: ce qu'il obtint facilement, car Theodebert ayuoit parfaictement, le bon Desideratus. Si partit Siagre, pour executer son entreprinse: mais auant qu'arriuer à Verdun, Sirmuldus, s'estoit retiré en sa maison, & lieu de sa natiuité, pres de la ville de Digeon, en vn chasteau appellé Floriacum. Parquoy lediēt Siagre ne trouua resistance, de restituer son pere, qui retourna de Treues, & fut receu en son diēt Euesché, en tresgrande ioye, & lyesse, du clergé, & habitans de la cité.

*Desideratus, Euesche de Verdun restitué, par son filz Siagre.*

*Siagre print par embée le chasteau de Sirmuldus, & y fut Sirmuldus tué*

¶ Peu de temps apres, lediēt Siagre, desirant se venger de son ennemy, assembla gens, & compagnons, & partit, pour aller en la Bourgongne. Si feirent tant par leurs journées, qu'ilz arriuerent au chasteau de Floriacum, ou estoit lediēt Sirmuldus. Et vn matin auant le iour, se meit en embusche allentour, de la dicte maison, attendant qu'il fortist quelqu'un, ce qui aduint. Car eulx estans illec, vn de la famille, qui estoit en bon ordre, sortit dudiēt chasteau: à raison dequoy

## depuis Pharamond iusques à Charlemagne. F.lxxij.

dequoy Siagre, & ses compaignōs, l'assaillirent cuy dans que ce fust Sirmuldus, le tuerent, & puis entrerent dedans ledict chasteau, faisant grans effortz. Si prindrent le portier, par le quel ilz sceurent, que celuy qui estoit tué, n'estoit Sirmuldus, & par tant le contraignirent a monstrier la chambre, ou il estoit couché, laquelle ilz assaillirent de toutes partz, qui oyant le bruiēt se deffendit, quelque temps: mais à la fin les murailles, & fermeture d'icelle, furent rompu es, tellement qu'il y entrerent, & le tuerent, cōme escript ledict Gregoire de Tours, au quatrieme liure de son histoire, chappitre treēte deuxieme, commençant *Desideratus autem Virdunensis Episcopus, &c.* & au chappitre trente troisieme, commençant, *Defuncto memorato Antistite, Agricus in cathedra eius subrogatur, &c.*

¶ Or pour mieulx entendre la narration subsequente, fault que les lecteurs supposent que enuiron l'expedition dessusdict, Theodebert, estant en son armée à Vesiers, & en passant deuant vn chasteau, appellé Caprasi, fut aduertty que la Dame du lieu, nōmée Danthere, qui estoit du lignage de Ronnine, estoit dedans ledict chasteau, avec son mary, ausquelz il manda rendre ledict chasteau, ce que ne vouloit le mary, & le refusoit: mais la Dame luy manda, de venir seurement, & qu'il seroit receu en paix. Si approcha dudiēt chasteau, & elle sortit, au deuant, hors de la place: mais si tost qu'il la veid, il fut espris de son amour, pour la grande beauté, qui estoit en elle. Si entra dedans, & la print pour femme, en habandonnant sa premiere Guyfegarde, fille du roy des Lombardz. Ladiēt Danthere, ne refusa: mais fut bien ioyeuse, car elle n'aymoit point, son diēt mary: combien que de luy, eust vne belle fille, qu'il amena avec elle, en Frāce. Car tost apres ce fait, les nouuelles luy vindrent de la mort, dudiēt roy Theodoric, son pere. A raison dequoy, ledict Theodebert, avec sa nouvelle femme, se retira en Austrasie, & faisoit sa principale demeurance à Verdun, ou il meit sa nouuelle femme Danthere, avec sa dessusdicte fille. Le bon Euesque Desideratus, n'estoit content de ce nouveau mariage, & de l'eiection de sa premiere femme, & en feit quelque remonstrance, audiēt Theodebert: mais ce furent peines perdues.

¶ Les historiens conuiennent tous à ce, que les deux oncles dudiēt Theodebert, à sçauoir Childebert roy de Paris, & Clotaire roy de Soissons, chercherent tous les moyēs q' ilz peurent, pour oster le royaume d'Austrasie, audiēt Theodebert: mais il fut si sage, attempé, debonnaire, grant iusticier, & aymé de ses subieētz, qu'ilz ne vindrent au bout de leur intention. Tellement que par discretion, & belles parolles, soy humiliant vers eulx, amollit leur felon courage, en telle maniere qu'il demeura paisible, de son royaume. Et depuis, son oncle Childebert, luy monstra beau semblant, feust par fiction, ou vraye amour. Car enuiron l'an cinq cens trente neuf, luy estant à Paris, enuoya prier ledict Theodebert, venir vers luy, & luy feist de grans dons, & presens, & l'enhorta faire venir sa femme à Paris, pour luy faire bonne chere, à raison dequoy Theodebert manda sadiēt femme Danthere, qu'il auoit laissée à Verdū, gouuernāt le royaume, en son absence, par le conseil du bon Desideratus, qu'elle vint à Paris, & amena sa fille, à fin de satisfaire au bon vouloir, de son oncle Childebert.

¶ Quant Danthere oyt, le mādēmēt de son mary, cōcept en elle vne paour, & crainte, que Theodebert ne voulüst auoir sa fille, pour sa beauté, & la prendre, en la delaisant. Si se aduisa d'vn cruel fait, car elle feit meētre sadiēt fille, en vn chariot, ou y auoit deux beufz, qui iamais n'auoient esté domptez, n'acoustumez aux labours, lesquels du hault du pont de Verdun, la feirent tumber dedans le fleue de Meuse, ou elle fut noyée, & apres ladiēt Danthere, partit seule, pour aller veoir son mary. Mais le bon Euesque Desideratus, desplaisant d'vn si cruel, & detestable crime, en aduertit le roy, à diligence: luy remonstrant qu'il la debuoit à iamais laisser: & reprendre sa premiere femme, ce que feit ledict Theodebert, & ne la voulut iamais veoir, en reprenant la premiere, & depuis se gouerna sagement, & sainctement, & obtint belles victoires en Italie.

¶ Enuiron l'an cinq cens quarante deux, comme recitent Gregoire, & Sigibert en leurs

*Le roy Theodebert, laissa sa femme, pour prendre Danthere, son adultere.*

*Prudence de Theodebert, roy d'Austrasie.*

*Theodebert festoie à Paris par son oncle le roy Childebert.*

*Cruauté de Danthere, enuers sa propre fille.*

*Theodebert, laissa sa Danthere, & reprit sa femme.*

*Signes prodigieux en la Gaule.*

# Le ij. liure des antiquitez de la gaule belgicque,

*Famine en la cité de Verdun.*

*Argent presté par Theodebert à ceulx de Verdun, en faueur de l'Euesque Desideratus.*

*La mort de l'Euesque Desideratus.*

en leurs histoires, par toutes les Gaules apparurent merueilleux signes, & prodiges, & fut veu le iour de Pasques, le ciel tout enflâbé de feu, & en plusieurs lieux pleut, & tumba grosses gouttes de sang, sur les vestemens des hommes. L'an suyuant furent diuerses maladies de peste, pustulles, verolles, mortalité, & famine, signanment en nostre cité de Verdun, qui fut opprescée de si longue famine, qu'apres que les habitans eurent despendu leurs biens, il mouroient de faim. Quoy voyant, le bon Euesque Desideratus, ayant compassion, de son peuple, enuoya vers le roy Theodebert, luy declarant la necessité de son peuple, & qu'il auoit desia tout despendu le sien propre, à leur subuenir, & par tant luy prioit humblement, vouloir prester ausdictz habitans de Verdun, quelque somme d'argent, en rendant tous les ans vsures, & tributz raisonnables. Ce que luy accorda, le bõ Theodebert, & feit deliurer, au peuple de Verdun, huit mil francz d'or, qui furent distribuez par ledict Euesque, à chascun des citoyens, selõ sa qualité. Tellement que comme escript Gregoire de Tours, au quatrieme liure & trentedeuxieme chappitre. par ce moyen les Verdunoys subuindrent à leur necessité, & quelque temps apres restituerent à leur Euesque Desideratus, ladicte somme, avec lesdictes vsures, pour rēdre audict roy. Ce qu'il refusa, en faueur dudit Euesque, leur quitta le principal, & les vsures. Dont aduint apres, que lesdictz Verdunoys, se meslerent de marchandise, & depuis furent riches. De ceste grande liberalité du roy fut Desideratus, de plus, en plus, accepté, honoré, & aymé, de son peuple de Verdun, & poursuyuit tousiours de bien, en mieulx, & de vertus, en vertus, iusques à sa mort. Laquelle fut l'an cinq cens & cinquāte quatre, apres qu'il eut tenu le siege, vingt cinq ans. Si fut inhumé en son eglise cathedrale, & fut le premier des Euesques, qui fut inhumé, en l'eglise Nostre Dame de Verdun.

## ¶ Des Papes, qui ont vescu, durant le temps dudit Euesque Desideratus.

*Bonifacius. ii. du nom, Pape. lvii.*



**B**ONIFACIUS, deuxieme du nom, natif de Rome, fut esleu Pape, l'an cinq cens vingt neuf. Les autres dient, vingt sept. En son election y eut contention, par ce qu'une partie du clergé, esleut vn, nommé Dioscorus: mais il ne vesquit, que vingt huit iours. Parquoy Bonifacius demeura paisible, & subuint aux paoures, durant la grand famine, qui fut de son temps, & institua que les Papes, & prelatz, ne nommeroiēt point leurs succeffeurs. Il mourut apres qu'il eut tenu le siege deux ans.

*Ioānes. ii. du nom Pape. lviii.*

**I**oannes deuxieme du nom, Romain, fut Pape l'an cinq cens trente vn, appellé par auant Mercurius. De son temps l'empereur Iustinianus, homme tres catholique, enuoya embassadeurs à Rome, pour le saluer, & gratiffier, & offrir en l'eglise saint Pierre, vne couppe d'or, enrichie de pierres precieuses, pesant six liures, & autres vaisseaux, & calices d'argēt, en grosse estimatiō. Si mourut ledict Iean, apres qu'il eut tenu le siege, deux ans & quatre moys.

*Agapitus. lxx. Pape.*

**A**gapitus, natif de Rome, fut esleu Pape, en l'an cinq cens trēte troys, qui tost apres son election, par les prieres, & en faueur de Theodatus, roy d'Italie, alla à Constantinoble, vers l'empereur Iustinianus, pour obtenir grace, & le reconcilier avec ledict Theodatus, qui par ingratitude auoit exulé, & fait mourir la Royne Amalasintha, mere de Athalaric, qui l'auoit fait regner. Et pēdant que le Pape fut à Constantinoble, Iustinianus qui aucunemēt estoit infecté de l'heresie Euthiciane, eut aucuns propos, avec luy, à fin de le faire consentir à ladicte heresie, & vsa de menaces. Quoy voyant ledict Pape, constammēt luy respondit. Je pēsoye estre venu à Iustinian,



# depuis Pharamond iusques à Charlemagne. F. lxxiiij.

à iustinian, trescatholique Empereur: mais ie suis venu à vn Diocletian. De laquelle constance, l'Empereur iustinian, fut si esmeu par vraye disposition diuine, qu'il laissa son heresie, & consentit avec les catholicques, en deposant Anthemius Euesque de Constantinoble, fauteur d'icelle heresie, & institua en son lieu vn sainct homme appelle Menna. Lediect Pape Agapitus mourut tost apres en Constantinoble: apres qu'il eut tenu le siege enuiron vn an, combien que les historiens sont en diuersité, du tēps d'iceluy Pape, dont l'Abbé Vespergenfis dict, dix ans, & Vvanclerus quatre ans.

**Siluerius** natif de la Champagne, filz du Pape Hormisda, nay en loyal mariage, fut esleu Pape, en l'an cinq cens trente quatre, par la faueur dudict Theodatus roy d'Italie, contre lequel Vigilus, Diacre, Scribe, & Notaire Apostolicque, appetant estre Pape, machina plusieurs trahisons, & sollicita Theodore, femme de l'Empereur iustinian: de contraindre ledict Pape à restituer Anthemius hereticque en son lieu & siege de Constantinoble, car elle estoit infectée de l'heresie Euthiciane, ce que Siluerius refusa, à raison dequoy elle manda à Belisarius capitaine, & lieutenant de l'Empereur, estant à Rome, de deiecter Siluerius, & en son lieu instituer Vigilus, ce que feit ledict Belisarius, contre sa volunté, prenant probation par faulx tesmoingtz, que Siluerius vouloit remettre la cité de Rome, es mains des Gothz: & par ce moyen l'enuoya en exil, en vne Isle du Ponte, ou il mourut avec grande apparence de sainteté, apres qu'il eut tenu le siege, enuiron vn an six moys.

*Siluerius. lxx. Pape*

**Vigilius** natif de Rome, en l'an cinq cens trente six, les autres escriuent cinq cēs trente huit, fut institué Pape, par le moyen de Theodore l'emperiere apres l'eiection de Siluerius, laquelle enuoya incontinent vers ledict Pape, à fin que Anthemius fust restitué en son siege de Constantinoble, ainsi qu'au parauant il auoit promis à ladicte Theodore: mais ledict Pape changea de propos, & la refusa, à raison dequoy aucuns Romains menerent ledict Pape à Constantinoble, & le rendirent à ladicte Theodore, deuant laquelle il fut si constant, qu'il respondit, plus tost mourir, que restituer ledict hereticque: dont il fut battu, & fustigé, quasi iusques à la mort: toutefois il s'enfouyt au temple sainte Euphemie, ou vindrent aucuns satellites qui luy meirent vne corde au col, & le tirerent comme vn larron par toute la cité, & puis fut mis en prison, avec du pain, & de leau, ce qu'il endura patiemment, disant qu'il auoit encores plus merité de maulx & tormentz, d'auoir poursuyui l'eiection de son predecesseur Siluerius. Toutefois long temps apres il fut deliuré, par le Patrice Narses, & retournant à Rome, passant par la cité de Siracusane, il mourut de la grauelle, apres qu'il eut tenu le siege en telles calamitez, par le temps, & espace de dix sept ans. Les autres escriuent quatorze ans.

*Vigilius. lxxi. Pape*

## Des Empereurs qui ont regné, durant le temps dudict Euesque Desideratus.

**IUSTINIANVS**, filz de la seur de Iustinus, qui entre tous les Empereurs, qui ont regné à Rome, est renommé des plus vertueux, & magnanimes. Il commença à regner seul, l'an cinq cens vingt neuf. Les autres escriuent vingt sept. Pour son commencement ordonna & reforma le gouvernement de la republicque, & institua Patrice, Bellisare, homme en toutes vertus parfait, par le moyen duquel, il subiuga les Perles, & reduict en l'obeissance des Romains les Vandalz, & print prisonnier Gelismitus, leur roy. Il vainquit les Gothz, occupans Italie passé quatre vingtz seze ans, & print

*Iustinianus le grant, lvi. Empereur.*

n prisonnier

## Le.ii.liure des antiquitez de la gaule belgicque,

prisonnier leur roy Vitigis, il chassa les Maures, d Affricque, & eut plusieurs autres victoires, par la prudence, & vertu dudit Belisarius, son Patrice: tellement qu'il fut nommé pour les victoires obtenues, contre ses ennemys. *Alemanicus, Gothicus, Alanicus, Vandelicus, & Affricanus.* Il fut prince treschrestien, & catholicque, combien que du commencement, il teint l'heresie Euthiciane: mais il retourna à la vraye cognoissance, ce que ne fait pas sa femme Theodore, qui perseueta tousiours en ladicte heresie, & perlecuta les Papes Siluerius, & Vigilius: mais elle mourut l'an cinq cens quarante quatre. De son temps Gethes roy des Heruliens, veint audict Constantinoble, & se fait baptiser. Semblablement vne Princesse vesue, avec cent mil Huns, print l'alliance de l'empereur, & receut le sacrement de baptesme, & de puis Gorda, roy des Huns, habitant au Bosphore, fait le semblable.

¶ Ledit Iustinianus, par faulx rapportz, fait emprisonner son bon Patrice Belisair: mais tost apres fut deliuré. Il constitua vn autre Patrice, nommé Narses, qui estoit chastré: mais de toutes vertus plain, & magnanime, qui depuis vainquit Torila, en bataille, & totalement deiecta les Gothz d'Italie. Finalement ledict Iustinianus, fait rediger les loix Romaines, & les abreger en vn liure appellé Code, & puis mourut avec grant gloire, le trentehuitieme an de son regne, en l'an cinq cens soixante cinq.

### ¶ Des roys de France regnans durant ledict Euesque Desideratus.



**C**HILDEBERT, filz de Clouis, duquel nous auons escript, en la vie de l'Euesque precedent, regna à Paris, du temps de nostre Euesque Desideratus. Car il mourut l'an cinq cens cinquante neuf.

**Clotaire** roy de Soissons, duquel auons escript en la vie de l'Euesque precedent, regna du temps de nostre Euesque. Car ledict Clotaire mourut, l'an cinq cens soixante quatre.

### ¶ Des Roys d'Austrasie regnans durant ledict Euesque Desideratus.



**T**HEODORIC, filz de Clouis, duquel nous auons escript, cy dessus, regna en Austrasie quelque temps, durant nostredict Euesque. Car il mourut en l'an cinq cens trente sept.

*Theodebert second roy d'Austrasie.*

*Theodebert eut trois femmes.*

**Theodebert**, filz de Theodoric dessusdict, fut second roy d'Austrasie, apres son pere, l'an cinq cens trente sept, & succeda à toutes les seigneuries de son pere: tant en Auvergne, qu'en la partie de Bourgongne. Il est d'aucuns appellé roy de Metz, pource que le principal siege d'Austrasie estoit à Metz, cō bien que cestuy faisoit plus souuent residence à Verdun: il est aussi appellé roy de Bourgongne, pource qu'il eut partie d'icelle, de par son pere, apres la mort de Gode-mar, dernier roy de Bourgongne. Cestuy fut homme fort sage, vertueux, pitoyable, & aymé de ses subiectz, & fait de grans faitz d'armes, & mesmement durant la vie de son pere, contre les Dannoys, desquelz il tua le roy Clothilaire. Il print pour femme Guysegarde, fille de Gascon roy des Lombardz, laquelle il laissa pour prendre  
vne

# depuis Pharamond iusques à Charlemagne. F. lxxiii.

vne autre femme, nommée Danthère, comme auons dict en la vie dudit Desideratus: toutefois il reprit ladicte Guysegarde, & par le moyen du droit qu'elle pretenoit en Italie, il partit avec grosse armée: passa l'Italie, & vint en Sicille, laquelle il rendit tributaire à luy, & neantmoins, pour ce que ses gens d'armes deuidrent mala des de fiebure, il retourna en France, & laissa illec vn gouverneur, nommé Bucellinus, qui conquist plusieurs pays, & en tira grās tributz, qu'il enuoya audict roy Theodebert. Finalement ledict Bucellinus fut vaincu & tué, par Narses, Patrice de Rome homme vertueux catholicque, ayant Dieu & les paoures, & qui obtenoit les victoires contre ses ennemys, plus par prieres & p̄aisons, que par armes.

*Theodebert conquesta Sicille.*

¶ Les historiens escriuent que ledict Theodebert retourné d'Italie, trouua saint Maur, disciple de saint Benoid, lequel estoit n'aguères trespaslé, & donna audict saint Maur vne terre en Aniou, appelée Gannasolium, pour faire sa residence. Auquel lieu il vesquit quelque temps saintement, faisant ceures miraculeuses, & depuis ledict Theodebert fonda vne Abbaye, pres Paris, qu'on appelle saint Maur des fossez, & feit plusieurs autres fondations, & mesmement en l'eglise Nostre Dame de Paris, à laquelle il bailla la seigneurie de Chelles, sur Seine, par saintes remonstrances, que saint Germain Euesque de Paris, lors viuant, luy feit durant vne maladie qu'il eut: dont fut guarý. Et depuis en l'an cinq cens cinquante, il mourut & laissa vn filz appellé Thiebault, qui luy succeda, apres qu'il eut regné en Austrasie quatorze ans.

*Theodebert fonda l'eglise. S. Maur des fossez, pres Paris.*

**Thiebault** filz de Theodebert, succeda au royaume d'Austiasie, & autres seigneuries de son pere, l'an cinq cens cinquante, & ce tenoit ordinairement en la cité de Metz. Cestuy fut homme fort debonnaire, bon catholicque, & plain de toutes vertus, & vaillant aux armes. Car nous lisons, qu'il enuoya en Italie grant nombre de gens, soubz la conduite de troys cappitaines, pour la deffence des Romains, contre Theyas roy des Gothz. Et depuis y alla en personne, & eut vne belle victoire contre lesdictz Gothz, pres de Placence. Et ce fait retourna en son pays, laissant ses gens, en faueur desdictz Romains: mais apres son retour, lesdictz capitaines accorderét avec les Gothz, dont mal leur print: car à la fin ilz moururét tous meschamment, & furent deiectez les Gothz d'Italie, par la prudence de Narses, lieu tenant general de l'Empereur Iustinian. Et de ce aduint que ledict Thiebault perdit tout ce qu'il auoit en Italie, & c. Il eut pour femme Vvalderade, fille du roy de Lombardie, & seur de Guysegarde, sa maratre. Il gouerna sagement son royaume, avec la grace de tous ses subiectz: mais il ne vesquit que enuiron six ans: & mourut l'an cinq cens cinquante six, comme dict Sigebert, & pource qu'il n'auoit enfans, il institua son heritier Clotaire, roy de Soissons, son oncle: & luy bailla son royaume d'Austrasie, avec tous ses tresors, & par ce moien Clotaire, fut Monarque, en France, & quatrieme roy d'Austrasie.

*Thiebault. iii. roy d'Austrasie.*

*Clotaire succeda audict Thiebault*

## ¶ Des Ducz de Tongre regnans au temps dudit Euesque Desideratus.

**C**HARLES HASBAIN, filz aîné de Charles Nason, succeda à son dict pere, audict Duché de Tongre, durant ledict Euesque Desideratus, en l'an cinq cens trente six, & donna le nom au pays de Hasbain, pour ce qu'il y frequentoit plus qu'en autres contrées de ses seigneuries, & fut fort aymé du roy d'Austrasie, Theodebert, par lequel (selon aucuns) fut enuoyé en Ambassade, vers l'empereur Iustinian, pour prendre son alliance, cōtre ses oncles Childebett, & Clotaire, lesquelz il doubtoit, & craignoit

*Charles Hasbain e Duc de Tongre, & Brabant.*

# Le ij. liure des antiquitez de la gaule belgicque,

gnoit. Dauantage il consentit que le Marquisat du saint Empire, qu'il tenoit fust restitué, au Senateur Anselbert, par le vouloir de l'Empereur Iustinian, qui vouloient gratifier audict Empereur. Si mourut ledict Charles Hasbain, apres qu'il eut regné cinquante ans. 36 sub/

## Des successeurs du Roy Clodion le Cheuelu, regnans au temps dudit Euesque Desideratus,

*Vide supra.*




**A**NSELBERT, filz de Vvaubert premier, duquel auons escript en la vie de l'Euesque precedent, regna durant le temps de Desideratus Euesque. Car il deceda en l'an cinq cens cinquante huit.

*Vide supra.*

**W**aubert deuxieme, filz de Vvaubert premier, duquel nous auons escript en la vie de l'Euesque precedent: regna du temps dudit Euesque Desideratus, ou peu moias. Car il mourut en l'an de grace cinq cens cinquante deux. Et de la posterité des dessusdictz, nous la poursuyurons, es vies des Euesques subsequentz.

¶ De la vie saint Agry, dixieme  
Euesque de la cité de  
Verdun,



**A**GERICVS, fut esleu dixieme Euesque de Verdun, en l'an de grace cinq cens cinquante quatre, du temps que Pelagius, premier de ce nom, estoit Pape de Rome, & que Iuliniâ estoit Empereur, aussi que en France Childebert, premier de ce nom, tenoit le royaume de Paris, Clotaire premier de ce nom, le royaume de Soissons, & Thiebault, filz de Theodebert, le royaume de Metz, ou d'Austrasie.

¶ Ledit Agericus fut natif d'un village, qu'on appelle de present Haruille, au territoire de Verdun, distans de ladicte cité, de quatre lieues, ou enuiron, & extraict

de parens honnestes & vertueux, viuans toutefoys de leurs labours, soubz la ctainte, & amour de Dieu, donnant de leurs biens largement aux pauures, selon leur estat, & qualité. Et pour ce que le pere & la mere auoient esté longuement ensemble, sans auoir enfans, iournellement prioient Dieu, en grande deuotion, que son plaisir fust leur donner vn filz, promettans s'ilz en auoient vn, le donner & dedier totalement à l'eglise, & à son saint seruice. Et tant continuerent leurs prieres, & oraisons, qu'un iour l'Ange du ciel, par diuine permission, leur veint annoncer, que troys ans apres suyans, ilz auroient vn beau filz, qui se nommeroit Agericus, donnant à entendre, par la signification de son nom, que ledict enfant seroit durant sa vie grand administrateur, & zelateur de cultiuer les champs de la sainte foy chrestienne, par ses bonnes doctrines, & operations. De ceste reuelation diuine, furent lesdictz pere & mere merueilleusement resiouys, & consolez, rendans graces à Dieu, perseuerans de plus en plus en leurs bonnes ceuures, ieusnes, oraisons, & aumosnes: & au bout desdictz troys ans, enuiron l'an de grace cinq cens vingt & vn, ladicte mere enceinte, estant avec son mary, aux champs, au temps de moissons, pour recueillir leurs bledz, commença sentir les douleurs, & trauail d'enfantement. Quoy voyant ledict mary, appella ses voisins, & voisines, qui estoient semblablement aux champs, pour à ladicte femme subuenir, laquelle fut incontinent deliurée d'un beau filz, & durant l'enfantement, miraculeusement y auoit vn Aigle, qui volloit par dessus l'enfant nouveau nay, qui souuent s'esleuoit en laer, & souuentefoys se rabaissoit, quasi iusques audict enfant, sans eslongner le lieu, & la place ou il estoit. Or pendant que ces choses se faisoient, le roy Theodoric, qui par la mort de son pere Clouis, premier chrestien, roy de France, auoit succédé au royaume de Metz, & d'Austrasie, enuiron le huitieme an de son regne, estoit pour lors en ceste contrée de pays, vollant, & chassant par passe temps, avec sa noblesse: Si apperceut de loing ledict Aigle, ainsi vollant, sans s'eslongner ne partir d'une place, & pour sçauoir que c'estoit, picquant son cheual veint veoir illec, ou il trouua l'enfant nouveau nay, avec les asistans, dont il fut grandement esmerueillé, & pensoit bien que c'estoit oeuvre diuine. Si delibera estre parrain dudit enfant, & le tenir sur les saintz fons de baptesme, ce qu'il feit, en la prochaine Eglise de la, & luy donna le nom Agericus, quasi in agro natus, & apres ordonna aux pere & mere, quant il seroit en aage, l'entretenir aux escholles, & au seruice diuin,

Saint Agry. x.  
Euesque de Verdun, natif de Haruille, pres Verdun.

Reuelation de la  
natiuité, dudit  
Saint Agry.

Saint Agry fut  
nay aux champs.

Theodoric roy  
d'Austrasie as-  
sista à la natiuité  
saint Agry.

# Le ij. liure des antiquitez de la gaule belgicque,

& pour ce faire leur bailla beaucoup de biens, & grosse somme d'argent, dont ilz furent grandement enrichiz, & par ce achepterent vne maison en la cité de Verdun, assise pres des murailles d'icelle, auquel lieu est de present fondée l'eglise, & monastere de saint Agry, avec autres terres & heritages circonuoisins du lieu, & veindrent illec faire leur demeure, avec leur ieune enfant Agericus, lequel fut par eulx nourry doucement, & soubz la crainte de Dieu, iusques à l'age de sept ans, & puis pour satisfaire à leurs veulx, & l'ordonance que Theodoric leur auoit faicte, l'entretindrēt aux escholles, & au seruice diuin, & profiſta tellement en vertu, & doctrine que d'un chascun estoit aymé.

*Saint Agry nourry à Verdun.*

¶ Or pour lors viuoit monsieur saint Venne, qui mourut assez tost après, enuiron l'an cinq cens & vingt neuf, & luy succēda en l'Euesché Desideratus. Lesquelz Euesques auoient tousiours durant leurs vies entretenu au seruice diuin les clerz tonsurēz, viuās ensemble, soubz reigle, & obeissance en l'eglise saint Pierre & saint Paul, qu'on dict à present saint Venne. Et par ce qu'il viuoient illec iustement, & saintement, sans auoir autre occupation, que de seruir à Dieu, Saint Agry en l'age de trente ans, delibera illec aller, & se fait tonsurer, comme les autres clerz dudit lieu, ou il commença tellement à profiter en vertus, lettres, meurs, & sainteté de vie, qu'il excedoit tous les autres, & qu'un chascun l'aymoit, & auoit grande reuerence à luy: & ainsi perseuera troys ans, auquel temps Desideratus Euesque de Verdun, alla de vie à trespas, par la mort duquel, ledict Agericus fut incontinent de tout le clergé, & citoyens dudit Verdun, vniformement, & d'un commun accord, nommé & esleu Euesque dudit Verdun: Et combien qu'il feist grande resistance de prendre ladicte charge: toutefois à la fin obtempēra aux prieres du peuple, & fut installé en l'eglise principale de Nostre Dame, & print logis pour sa residence, en vne maison, bien pres d'icelle Eglise: de laquelle, il pouuoit veoir la plus grande partie de la cité: Et illec erigea vne chappelle, ou oratoire, ou il meit & reposa portion des relictues de monsieur saint Martin de Tours, qui pour lors resplendissoit en plusieurs oeures miraculeuses.

*Saint Agry se fait tonsurer, en l'age de trente ans.*

*Saint Agry esleu Euesque de Verdun.*

*La maison de l'Euesque, saint Agry, pres l'eglise Nostre Dame de Verdun.*

¶ Aupres de ladicte maison, sur la summité de la montaigne, ordonna & fait, edifier la maison de l'infermerie de ladicte eglise, en laquelle ses confreres Chanoines estoient mis, quant ilz estoient malades, & illec les visitoit & administroit en leurs necessitez.

*Saint Agry amateur de l'eglise. S. Pierre & S. Paul*

¶ Dauantage souuent visitoit par grande deuotion ledict oratoire de saint Pierre, & saint Paul, ou il auoit esté nourry, & premierement instruit au saint seruice diuin: Et durant sa vie entteteint tousiours les clerz, viuans en iceluy oratoire, en leur subuenant en toutes leurs necessitez, & meitoit toute sa cure & sollicitude de regir, & gouverner son peuple, & sur tout augmenter le seruice diuin, & l'estat ecclesiastique.

*Des deux freres, saint Medard, & Gildard.*

¶ Or pour lors resplendissoient en France, en oeures miraculeuses deux freres d'une mesme ventree, Medard, & Gildard, qui en vn mesme iour furent Euesques, à sçauoir Medard de Noyon, & Gildard, de Rouen, & de ce siecle auoient decedé, en vn mesme iour, enuiron l'an cinq cens trente cinq. Pour les vertus desquelz, & grans miracles qui se faisoient iournellement, Clotaire premier de ce nom, roy de Soissons, pour lors regnant, auoit fait inhumer, ledict Medard, à Soissons, ou en l'honneur de luy fait edifier vne moult belle Abbaye, nommée saint Medard, laquelle il donna, & enrichit de grans biens & rentes, & si fait inhumer apres sa mort. Si estoit la renommée d'iceulx saintz si grande, que de toutes partz du royaume alloient gens à leurs sepulchres, pour obtenir santé & guarison de leurs malladies. A raison dequoy Agericus, desirant augmenter la deuotion de son peuple, print volenté de edifier vne Eglise en l'honneur dudit saint Medard, & esleut le lieu pour ce faire, en vne chappelle & oratoire qui estoit hors des portes de Verdun,

*L'Eglise. S. Medard à Verdun edifiée par. S. Agry.*

# depuis Pharamond iusques à Charlemagne. F.lxxvi.

de Verdun, iadis fondée & erigée par saint Maur, second Euesque de Verdun, en l'honneur de monsieur saint Iehan Baptiste, auquel lieu, il auoit mis hermites, comme à esté dict en la vie dudit saint Maur, & laquelle chappelle estoit pour lors quasi toute ruynée & inhabitée pour l'ancienneté d'icelle, si ordonna illec fonder & edifier l'Eglise nouvelle. Et vn iour apres que l'ediffice fut parfait, luy estant en oraisons & contemplations, luy fut reuelé, par diuine permission, le lieu, ou le corps de saint Maur estoit inhumé, auquel lieu, semblablement estoient les corps des saintz Saluin, & Arator, Euesques ses predecesseurs. Delaquelle reuelation il rendit graces à Dieu, & en toute diligence & reuerence feit ouurir lesdictz sepulchres, honorer & venerer lesdictz corps saintz, par tout son clergé & habitans de Verdun: Tellement que esdictz lieux & sepulchres, se faisoient iournellement plusieurs miracles: Toutesfois long temps apres la mort saint Agry, enuiron l'an de grace neuf cens quatre vingtz & dix, Heymo Euesque dudit Verdun, pour l'ors, durant sa vie, feit icelle eglise de saint Medard, ou saint Iehan, de nouveau edifiée, & denominer du tiltre de saint Maur, en laquelle il ordonna, filles viuantes soubz l'obeissance de religiō, & apres d'icelle fut erigée vne autre eglise, soubz le tiltre ancien, de saint Medard, comme elle est encores de present,

¶ Quelque tēps apres aduint par la permission diuine, pour les demerites & pechez des hommes, vne année de si grande secheresse, que durant icelle, iamais ne pleut ne cheut du ciel vne seule goutte d'eau: Tellement que tous les biens de la terre, furent arrestez, & n'y auoit apparence de verdure aux arbres, ny aux herbes: dont le pauvre peuple de Verdun, fut si merueilleusement estonné, qu'ilz se desesperoient totalement de leurs vies. Quoy voyant leur bon Euesque saint agry esmeu de pitié & compasison, les confortoit, & par ses bonnes monitions les incitoit retourner à Dieu, & mettre leur esperance en luy, & que si ainsi le faisoient, ilz obtiendroient sa sainte misericorde: Et ordonna à tous, eulx confesser & mettre en bon estat de grace & par trois iours ieusner, & à la troisieme journée, les cōuoqua tous avec son clergé, & les mena en personne par grande humilité & deuotion en procesion, iusques à vn village appellé Ioye, distant de Verdū, enuiron trois lieues, auquel y auoit vne eglise fondée en l'honneur de la vierge Marie, laquelle quelque tēps apres, fut denominée soubz le tiltre de saint Gregoire, qui pour lors viuoit: En faisant laquelle procesion nostre seigneur demōstra vn beau miracle, car si grande habōdance de pluye, vint, q̄ toutes les terres furent grandement arroufées, & dura par trois iours, en sorte q̄ icelle année fut merueilleusement fertile de tous biens: Et pour monstrer que Dieu auoit vsé de sa misericorde par les merites & intercessions dudit saint Agry, aduint que combien que tout le peuple assistant fut si mouillé & trempé deau qu'il n'y auoit apparence de sec en leurs habillemens, toutefois iamais goutte de pluye ne toucha ledict saint Agry, qui estoit nud teste, regardant aux cieulx, & implorant la misericorde de Dieu: Et ainsi retournerēt ladicte procesiō parfaite redans graces à Dieu iusques à l'Eglise Nostre Dame de Verdun.

¶ Auquel lieu furent encores faitz deux beaux miracles. Car entrans en icelle Eglise, y auoit vn pauvre homme appellé Iean, qui par long temps, estoit paralytique de tous ses membres, & vne fille nommée Childude, laquelle souuent fois estoit vexée du diable, & vindrent lesdictz deux patiens, eulx presenter audict saint Agry, & en foy & credence commencerent à crier & demander misericordes ce qu'ilz obtindrent & furent tous deux guariz, desquelz miracles tout le peuple de Verdun rendit graces à Dieu, & fut de plus en plus confirmé en la foy Chrestienne, & eurent à tousiours plus grand amour & reuerence audict saint Agry non scullement de Verdun, mais par toutes les contrées du royaume, furent ses saintes oeures miraculeuses publiées & magnifiées, & dict ledict Gregoire de Tours, ancien historien des gestes des François, qui viuoit du mesme tēps, que ledict saint Agry, fut de si grande sainteté de vie, q̄ les roys de France, qui de son tēps regnoient, auoient si grande reuerence à luy, que quant il estoit question de quelque chose de grand'

*Reuelatiō à saint Agry des corps saint Maur, Saluin & Arator.*

*Miracle par saint Agry prouocant la pluye en temps de secheresse.*

*Deux miracles de saint Agry, d'un paralytique & d'un demoniacque guaris.*

## Le.ii.liure des antiquitez de la gaule belgicque;

grand' excellēce, comme de la foy, ou de faire iugemēt, & cognoistre des crimes des prebſtres, prelatz, Eueſques, qui auoiet delinquē & offenſé, & feulle contre la maiestē royalle, leſdictz roys n'en prenoient congnoiſſance, mais conuoquoient par conseil aſſemblé les Eueſques des prouinces, pour iuger & determiner telles matieres, entre leſquelz estoit des premiers & principaulx ledict ſainct Agry.

*Reuerēce des roys  
aux ſainctz per-  
ſonnages d'Eglise*

¶ Dicit d'auantage icelluy Gregoire, que ſi grāde estoit la reuerēce des roys, aux prelatz & gens d'Eglise, de ſaincteté & bonne vie, que pour baptiſer leurs enfans, ilz eſſoient, & le faisoient faire par telz perſonnages, ayans ceſte credence & foy, que let merites, oraisons & ſaincteté d'eulz profiteroient à leurs dictz enfans, ad ce quilz peulleſt viure plus longuement, & iuſtement regir & gouverner leurs royaulmes.

*Le roy childebert  
baptiſé par ſainct  
Agry.*

¶ Et à ceſte raiſon Sigisbert roy de Metz, filz de Clotaire premier de ce nom, voulut & ordonna que vn filz qu'il eut de ſa femme Brunehilde, enuiron l'an de grace cinq cens ſoixante quatre, fut baptiſé dudit ſainct Agry & nommé Childebert, lequel enuiron quatre ans apres ſucceda audit royaulme, apres la mort de ſon dict pere Sigisbert, qui fut occis par trahiſon de Fredegonde, femme de Chilperic. Ledit Childebert durant ſa vie eut touſiours en ſinguliere amour & reuerence ledict ſainct Agry, l'appellāt ſon pere ſpirituel, & depuis qu'il eut aage de diſcretiō, & vint à regner, iamaſ ne refuſa choſe, que ledict ſainct Agri luy demandāt, combien que de ieuneſſe euſt eſté touſiours nourry & tenu ſoubz l'obeiſſance de ladicte Brunehilde ſa mere treſcruelle & mauuaiſe fēme, qui hayſſoit toutes gens de vertu, & leur estoit à toutes choſes contraire,

*Gontranus Boſo  
capitaine au roy  
Childebert.*

¶ Si dicit ledict historiographe, que pour lors y auoit vn grāt prince & bon capitaine en la court dudit Childebert, nommé Gontranus Boſo, qui ſelon l'hiſtoire de Gaguin ſemble auoir eſté comte de Poictiers, qui en toutes batailles auoit biē ſeruy & loyaulmēt, tant du viuant de ſon feu pere, que deſſoubz luy, au commencement de ſon regne avec les Auſtraſiens, & depuis en l'armée qu'il mena par l'enhortement de l'Empereur de Rome Mauricius, pour chaſſer les Lombardz hors d'Italie. Toutefois ledict Boſo estoit legier de parolles & auaricieux, & pour ce qu'il ne pouuoit auoir touſiours ce qu'il demandoit, obſtant Brunehilde, laquelle luy empeschoit (car elle gouvernoit le royaulme ſoubz ſon dict filz) à raiſon de quoy, ledict Boſo diſoit mal d'elle, l'arguoit & reprenoit ſes ſaietz, par tout ou il ſe trouoit, dont elle estoit aſſez aduertie. Et pour ſe venger, mena tellement ſon dict filz & le pria, qu'il fut cōclud par areſt & iugemēt, que ledict Boſo ſeroit decapité, de quoy aduertie Boſo, cognoiſſant qu'il ne pouuoit eſchapper, ſe retira vers ſainct Agry, luy ſuppliāt humblement de faire ſa paix & appointement enuers le roy & ſa mere Brunehilde. Aquoy voulut bien obtemperer, en recordation deſ ſeruites qu'il auoit ſaietz du paſſé au royaulme, & le print & l'emmena en la preſence du roy & de ladicte mere, & luy ſeit crier mercy nud piedz & nud teſte, demandant grace & miſericorde, ce qu'il obtint du roy incontinent car il auoit telle reuerence à luy, qu'il ne luy refuſoit riens. Et nonobſtant la contradiction de ſa dictē mere Brunehilde, meit ledict Boſo par aſſurance, es mains dudit ſainct Agry, qui le print en ſa charge, à raiſon de quoy ledict Boſo, remercia moult humblement ſainct Agry & depuis luy bailla beaucoup de biens & rentes, pour appliquer à la nourriture des chanoines & entretènement de ſon Eglise de Verdun.

*Machinau-  
e  
Brunehilde con-  
tre ledict capitai-  
ne Boſo.*

*Sainct Agry ob-  
tint remiſſiō pour  
le capitaine Boſo.*

*Aſſemblēe des e-  
ſtatz du Roy Chil-  
debert de verdun  
traſſerēe à Metz.*

¶ Quelque tēps apres le roy Childebert, eut volunté de tenir ſes haulx iours & eſtatz de ſon royaulme, & pource faire conuocqua tous les princes nobles, prelatz & gouverneurs des citez de tout ſon royaulme d'Auſtraſie, & leur aſſigna iournée pour ſe trouuer tous en la cité de Verdun pour illec recepuoir & oyr les ambassadeurs de pluſieurs princes de Saxonne & de la Germanie, & illec accorder & determiner aucuns grans differens qu'ilz auoient enſemble, ſi manda à ceulx de Verdun, & ordonna faire preparations de bledz, vins, & autres viures neceſſaires, pour fournir & ſouſtenir ladicte aſſemblēe. De quoy aduertie ſainct Agry, cognoiſſant la pauureté de ſon peuple, enſemble la grande cherté & ſterilité qui estoit pour lors audit Verdun, partit en diligence & ſ'en alla au roy, & impetra pour le ſoulagement de ſon peuple que l'aſſignation de ladicte aſſemblēe ſe feroit à Metz & non à Verdun, toutefois apres



# depuis Pharamond iusques à Charlemagne. F.lxxvii.

apres les estatz & haulx iours, ainsi tenuz, & que les princes & seigneurs, furent separez & chascun retourné en sa maison, ledict roy Childebert avec sa court seulement, vint en ladicte cité de Verdun, voulant par amitié & familiarité visiter ledict saint Agry, & se recreer avec luy, dont il fut tresioyeulx & le receut treshumainement en son logis, qu'il auoit pres des murailles de la cité, qui estoit sa maison paternelle, combien qu'elle fust tresmal fournie de vins. Or quant le roy fut arriué, le despensier & gouverneur de sa maison, vint anuncer audict saint Agry, qu'il n'y auoit en la caue, que la moitié d'une tonne de vin, qui n'estoit chose suffisante pour fournir à tant de gens, dont il fut soudainement esbahy, mais incontinent se conforta en Dieu, & ordonna à son despensier, apporter dudit vin, en vn vaisseau, & en beut, & apres esleua ses yeulx en hault, feit son orason à Dieu, priant qu'il luy pleust augmenter le vin qui estoit audict tôneau pour satisfaire au traitement du roy & de sa compagnie, & puis feit tirer du vin, & fournir par tout ou il en faudroit. Et aduint miraculeusement par la misericorde de Dieu, que tant plus on tiroit de vin, tant plus en sortoit du tôneau, & en distribuoit à tous venans, pauures & riches, durant le temps que le roy fut a Verdun. Duquel miracle, le roy fut moult ioyeux, en remerciant Dieu, & eut tousiours plus grande amour & reuerence audict saint Agry.

*Le roy Childebert à Verdun.*

*Multiplication de vin miraculeuse par saint Agry.*

¶ Et pource qu'il congneut que ledict saint Agry & ses confreres chanoines pour lors viuans en l'Eglise Nostre Dame, n'auoient vignes ne rentes de vins, pour leur nourriture, leur bailla deux Gaignages sur la riuere de Moselle, avec les vignes que l'Eglise tient à Luce, & à Bage, & quelques autres au territoire de Treues, esquelz y auoit plusieurs vignes & rentes de vin. Outre, leur bailla & auisina, pour la subsistentation & gouvernement desdictz chaioynes, les terres & seigneuries de Marfey Sampigny, Commeniers, Marchainville, Haruille, dont estoit natif ledict saint Agry, & si leur bailla autres villages circonuoisins de la cité de Verdun, comme Charny, Neuuilli, & plusieurs autres, qui seroient prolives à reciter.

*Dotation faite par le roy à saint Agry de plusieurs vignes, terres & seigneuries.*

¶ Apres le departement dudit roy, les citoyens & habitans de la cité, par vn commun acord, & en recordation du miracle fait de l'augmentation du vin, firent edifier vne chappelle & oratoire, au lieu ou fut fait ledict miracle, qui estoit la maison paternelle dudit saint Agry, & ou est de present son eglise. Et pource que ledict miracle fut fait le iour & feste saint André, par iceulx bourgeois ledict oratoire fut intitulé & denominé en premiere denomination la chappelle saint André, laquelle depuis eut autre nom, comme dict sera cy apres.

*Chappelle de saint André ou de present est l'Eglise saint Agry.*

¶ Quelque temps apres, enuiron l'an cinq cens quatreuingtz & douze, qui estoit de son pontificat, l'an trente huietieme, le roy d'Orleans & de Bourgongne, Gontran, filz de Clotaire premier de ce nom, & oncle paternel du dessusdict roy Childebert, manda à sondict nepueu, lequel faisoit pour la pluspart du temps sa residence es villes & citez de son royaume, à sçauoir sur le Rhin, comme Confluence, Coulongne Strabourg, qu'il auoit necessairement à parler & conferer avec luy, pour aucunes conspirations & trahisons qui se machinoient contre eulx deux, par la poursuite de Fredegonde, mere de Clotaire le ieune, & second de ce nom, laquelle gouernoit pour lors souz sondict filz le royaume de Soissons, & de Paris, & estoit enuieuse de ce que ledict Gontran, auoit fait son heritier ledict Childebert, en laissant & postposant son dict filz Clotaire, qui estoit aussi bien son nepueu que l'autre. Et par ce auoit ladicte Fredegonde machiné & conspiré avec aucuns princes de leurs courtz, les faire mourir tous deux. Lesdictes nouvelles oyés, ledict Childebert, fut trescontent se trouuer avec sondict oncle, & assigna le lieu, le plus commode pour eulx deux, la cité de Metz, ou il se trouua au iour assigné avec sa mere Brunichilde & ses enfans, & en passant par Treues, mena avec luy Magnericus, Euesque dudit lieu, & conuocqua aussi la plus grande partie de ses nobles & prelatz de son royaume, entre lesquelz fut saint Agry pour assister au conseil. Si receut son oncle Gontran qui aussi feit bon debuoir de se trouuer à Metz à l'assignation de ladicte iournée.

*Assemblée de Gontran roy d'Orleans avec le roy Childebert.*

*Magnericus Euesque de Treues.*

# Le ij. liure des antiquitez de la gaule belgicque,

*Determinatiō sur  
la mort de Boso.*

*Sainct Agry am  
bassadeur vers la  
royne Fredegode.*

*Miracle de saint  
Agry pour la de-  
liurance d'un mal  
faicteur.*

*Le duc Boso, à re-  
fuge à Magneri-  
cus de Treues.*

*La mort du duc  
Boso.*

¶ Or quant lesdictz deux roys furent ainsi assemblez, Brunéchilde, laquelle auoit tousiours desir se venger du duc Boso, pourfuiuit tellement, & sollicita lesdictz Roys Gontrā & Childebert, qu'ilz conclurent & determinerent, que ledict Boso, seroit occis & mis à mort, & pour mieux mettre en execution leur entreprinse, & à fin que ledict saint Agry, qui l'auoit prins en garde, ny veint mettre empeschement par ses prieres, fut enuoyé en ambassade, vers la royne Fredegonde, laquelle estoit fort changée desdictes conspirations & trahisons qui se faisoient, comme cy dessus à esté dict. Si partit ledict saint Agry de l'assemblée, & s'en alla faire sa legation, laquelle il feit bien prudemment, & puis en retournant, passa par la cité de Laõ, en laquelle entrāt, il trouua la iustice du lieu, qui menoit pour executer au gibet, vn malfaieteur, lyé & garroté de chaines, & cordes, lequel si tost qu'il apperceut ledict saint Agry, qu'il cognoissoit pour sa grande saincteté & renommée, commença crier à haulte voix misericorde, & en plorant piteusement, prioit le deliurer de se danger, & tellement lamentoit, que ledict saint Agry, fut esmeu de pitié, & vint à la iustice, priant humblement faire grace, & pardonner au malfaieteur, à quoy la iustice feit incontinent refus, allegant qu'il auoit meritē la mort, & partant quilz ne differeroient l'executiō, dōt il fut tout troublé & desplaisant, & parce qu'il veoit que ledict malfaieteur auoit grande contrition & repentance, leua ses yeulx en hault & pria Dieu pour la deliurāce dicelluy, & incontinent toutes les cordes & chaines, dont il estoit lyé rompirent, & n'y eut depuis homme de tous les asistans, qui eust pouuoir ne puissance prendre ny atoucher audict malfaieteur. Quoy voyant ceulx de la iustice, & tout le peuple commencerent à cryer mercy audict saint Agry, & laisserent aller librement ledict prisonnier, lequel rendit graces à Dieu & à monsieur saint Agry, & parce fut deliuré.

¶ Ledit historiographe (Gregoire de tours) escript, que pendant que saint Agry, fut absent, de l'assemblée, comme dict est, les dessusdictz roys ordōnerent que le prince Boso, feust mis à mort, & furent gens deputez pour ce faire, dequoy il fut tost aduertty par aucuns de ses amys & fut bien esbay, signanment de ce que son bon protecteur saint Agry n'estoit present, si s'en va à refuge en l'hostel ou estoit logé Magnericus Euesque de Treues, que le roy Childebert, auoit amené, comme cy dessus auons dict, entra dedans sa chambre, & fermant l'huys d'icelle, se meit agenoulx, piteusement le priant, qu'il voullist faire sa paix, enuers lesdictz roys, autrement iamais ne partiroit d'illec, & sil falloit qu'il mourust, ledict Euesque mourroit quant & quāt avec luy, si fut ledict Magnericus bien estonné, & ne scauoit comment il en eschapperoit, & pour s'en despescher luy dict, permetz que ie puisse aller aux roys, pour impetrer la grace, & ie le feray, mais Boso ne le voulut laisser partir, disant, enuoye les prestres & Abbez qui sont avec roy pour ce faire, car autremēt tu ne partiras d'icy. Si fut contrainct ledict Euesque enuoyer ses gens vers lesdictz Roys, qui ne feirent le rapport ainsi que la chose estoit, mais dirent seulement, que l'Euesque prioit pour la deliurance d'iceluy. Parquoy soubdainement les Roys irritez, ordonnerent que le feu feust mis en la maison, & que la ou l'Euesque le voudroit deffendre qu'il fust bruslé avec luy, aquoy obtempererent les commis, misrent le feu en icelle, mais les clerz & prestres asistans rompirent l'huys, & par force retirerent leur Euesque & le sauuerent du dangier du feu, voyant iceluy Boso, qu'il falloit mourir, sortit hors, l'espee au poing, pour se mettre en deffence, mais de tant de gens fut enuironné & assailly qu'en diuerses parties de son corps, fut de lances & de picques percé, en sorte qu'apres sa mort demoura de bout, & ne pouuoit cheoir en terre, qui estoit piteuse chose à veoir, toutefois par l'intercession des prelatz & princes de la court, son corps fut inhumé en terre sainte, mais tous les biens & tresors qu'il auoit en grant nombre, tant cachez en terre qu'autrepart, furent confisquees au roy, & sa femme enuoyée en exil, & deux petitz enfans destituez de leurs biens.

¶ Apres ce fait, saint Agry retourné de sa legation, fut aduertty de ce que dessus, dont il fut merueilleusement marry & desplaisant, par ce qu'on luy auoit baillé par  
asseu-

# depuis Pharamond iusques à Charlemagne. F. lxxviiij.

assurance, si feist son rapport, & puis s'en retourna bien desolé, à Verdun, delibérant jamais ne retourner à la court, & mena avec luy, les deux petitz enfans pour les nourrir sa vie durant, en recognoissance des biens que leur pere auoit faict à son eglise de Verdun, & souuentefois en plorant leur disoit. O pauures enfans, vous estes faictz orphanens, en despit & hayne de moy.

¶ Et retournant audict Verdun, passant par vn village de son Euesché appellé pour lors Scallon, & entrant en l'Eglise d'iceluy village, trouua vne pauvre femme nommée Terefinte, laquelle auoit esté auuegle par l'espace de quinze ans, si luy rendit la lumiere, & la feist veoir, dont elle rendit graces à Dieu & à luy.

¶ Or apres le depart desdictz deux roys, de l'assemblée tenue à Metz, plusieurs princes & grans seigneurs de la court de Childebert, furent trouuez coupables des trahisons qui se debuioient faire, entre lesquelz y auoit Ranchingus, qui estoit du sang royal, le duc Vrsio, & le comte Bertefredus, lesquelz auoient prins iournée ensemble, venir en court pour executer leur mauuaise intention, car ilz ne pēsoient pas que leur cas fut descouuert. Si arriua le premier, Ranchingus attendant ses compagnons & complices, mais incontinent qu'il fut arriué, le roy Childebert auant que parler à luy, enuoya à son logis & le feist iecter du hault en bas, par les fenestres, sur le paué. Et fut tué ledict duc Vrsio, & Bertefredus, qui estoient en chemin, pour venir & se trouver ensemble, furent aduertiz du faict, & incontinent se retirerēt en vn village appellé Vyabreufe, qui n'estoit sinō q̄ à six ou sept lieues de Verdun, & se mistrent en vne eglise qui estoit illec fondée en l'honneur de monsieur saint Martin, pour estre en seureté, & pour eulx deffendre se mestier en estoit: car icelle eglise, auoit esté iadis, vn chasteau de bonne deffense pour la nature du lieu, qui estoit sur vn hault rochier, que aucuns ont escript, estre Hatonchastel, qui depuis changea son nom quant l'Euesque Hato, feist edifier le chasteau & forteresse, qu'on void encores auourd'huy, environ l'an huit cens soixante.

¶ Or auoit ordonné ledict Childebert à vn sien capitaine appellé Godogifilus avec grosse armée, aller audeuant d'eulx, & les amener vifz ou mortz, qui les vint assaillir dedans l'Eglise, & parce qu'ilz se deffendoient fort, meit le feu en icelle, & lors sortit le duc Vrsio, qui feist grand debuoir de soy deffendre, & tua beaucoup de ses ennemys: Mais à la fin il fut tué. Le comte Bertefredus trouua maniere monter sur son cheual, & s'en foyr à Verdun, & pour soy sauuer, entra en l'oratoire & chappelle de la maison canoniale de saint Agry, située pres l'Eglise Nostre dame, ou y auoit plusieurs reliques, signamment de monsieur saint Martin, à raison dequoy on appelloit ledict oratoire la chappelle saint Martin. Or le roy Childebert, aduertiy de la fuyte de Bertefredus, pensant que ledict capitaine Godogifilus, qui estoit son parent, luy eust faict voye pour eschapper, fut fort marry, iurant que sil eschapoit, il feroit pendre ledict Godogifilus. Dōt il fut aduertiy, & pour eiter la fureur du roy, poursuiuit avec son armée iusques à Verdun, ledict cōte Bertefredus, & vint en Lorraine, ou il estoit, demandant ouuerture, mais saint Agri, le refusa, parquoy feist mōter ses gens sur le toit; & rōpre la couuerture, & à force de thuelles, & de trait, fut tué Bertefredus, avec deux de ses seruiteurs dedans ledict oratoire, dont saint Agry fut si triste & dolent, que par plusieurs iournées laissa le boire, & le manger,

¶ Quant le roy Childebert, fut aduertiy de tout ce qui auoit esté faict se repentit, & enuoya autres grans personnages avec beaux dons & presens pour soy excuser, & cōsoler ledict saint Agri, qui toutefois refusa le tout, & ne print autre cōsolation qu'en Dieu, & bien tost apres, partit de sa maison canoniale à raison que son oratoire estoit violé & polu du sang humain, & sen alla faire sa residence en sa maison paternelle, pres des murailles de la cité, ou les Citoyens, auoient erigé vne chappelle pour le miracle du vin augmenté, vn iour saint André, & d'icelle chappelle feist son oratoire, qui commença estre appellé soubz le tiltre de saint Martin, pource qu'il y transporta lesdictes reliques de saint Martin, qui estoient en son premier oratoire, & est le lieu ou est de present l'Eglise de monsieur saint Agry.

*Saint Agry en-  
mena les enfans  
de Rose à Verdun.*

*Miracle de saint  
Agry d'une fem-  
me auuegle, illu-  
minée.*

*Conspirateurs cō-  
tre les roys, Gon-  
tran & Childe-  
bert.*

*Ranchingus tué  
par l'ordonnance  
du Roy.*

*Le duc Vrsio tué  
en soy deffendant.*

*Le comte Berte-  
fredus, vint à refu-  
ge à saint Agry  
à Verdun.*

*Bertefredus, fut  
tué en l'oratoire  
saint Agry.*

*Saint Agry re-  
fusa les presens du  
Roy Childebert.*

¶ En ce

# Le.ii.liure des antiquitez de la gaule belgicque,

L'oratoire saint  
André appelé  
saint Martin &  
depuis saint Agry.

Fortunatus Ita-  
lien, vint visiter  
saint Agry à  
Verdun.

Épigramme faite  
par Fortunatus, à  
l'honneur de saint  
Agry

En ce mesme temps que ces choses se faisoient, y auoit en Italic, vn homme de grand litterature & de sainte vie appelé Fortunatus, qui auoit singuliere deuotion à mon-  
sieur saint Martin, Si aduint vn iour, qu'il eut vne douleur des yeulx merueilleuse, & n'y scauoit trouuer guarison, & apres quelque temps, luy vint en vision que s'il pre-  
noit de l'huile, effant en vne lampe d'une Eglise d'illec voisine, fondée en l'honneur de  
saint Martin, en la mettant sur ses yeulx, qu'il seroit guari: ce qu'il feit, & incontinent  
receut santé & guarison, dont il rendit graces à Dieu, & se delibera partir de son pays  
pour aller visiter le Sepulchre dudit saint Martin à Tours. Faisant lequel voyage  
passa par Verdun, pour visiter saint Agry, qui le receut begninement, & furent en-  
semble quelque temps, conferans choses diuines & salutaires, & puis à son departe-  
ment ledit Fortunatus, qui estoit scauant en l'art de Poesie feit à l'honneur dudit  
saint Agry, vn Epigramme en carmes, qui est tel.

*Vrbs Viriduna, breui quamuis claudaris in orbe,  
Pontificis meritis amplificata places.  
Maior in angusto præfulget gratia giro,  
Agerice tuis quem magis auxit honor.  
Plurima magnarum fudisti semina laudum,  
Que matura opere fertilitate metes.  
Tempore præsentis victum largiris egenis,  
Vnde futura dies centuplicabit opes.  
Dogmatis archani referas penetralia, pastor,  
Non solum dapibus pascis & ore greges.  
Templa vetusta nouas preciosius: & noua condis,  
Cultior est domini te famulante domus.  
Egregios fontes sacri baptismatis exple,  
Tam pia diuino fonte repletus agis.  
Candida sincero radiat hæc aula sereno,  
Et si sol fugiat, hic manet alta dies.  
Ad noua templa auide concurrunt vndique plebes,  
Et tribuis populis plus in amore deum.  
Te solamen inops meruit, te nudus amictum,  
Et solus cunctis potus & esca manes.  
Fælix qui meritis eterne lucis amator,  
Tempore tam modico non moritura paras.  
Phœbus vt elatum suspendit in ethera currum,  
Purus & igniferum spargit vbiq; iubar,  
Effusis radiis totum sibi vindicat orbem,  
Montes, plana, replens, ima vel alta tenet.  
Sic præful splendore animi cum sole choruscas,  
Ille suis radiis fulget: & ipse, tuis.  
Agerice sacer cuius sermone colente,  
Ecclesie segetes fertilitate placent.  
Terrenis sterilis rebus fœcunde supernis,  
Cuncta caduca fugis, diues iture polos.  
Illecebris mundi, mundus lasciuia repellens,  
Nil cui surripiat carnis amarus amor.  
Lubrica culpa perit, neque mors de crimine gaudet  
Cum tua delictis libera membra vides.  
In templis habitando pius, sic purus habebis,  
Vt tua corda pater sint pia templa Dei.  
Eligit in tali Christus se vase recondi,  
Quam sibi purgavit possidet ipse domum.  
Non dolus in labiis, nec sunt fera nubila menti,  
Sinceris animis vernat in ore dies.*

# depuis Pharamond iusques à Charlemagne. F. lxxix.

*Doctiloquum flumen salienti fonte refundis,  
Et sensus steriles voce rigante foves.  
Ardua caelorum pandis misteria terris,  
Per que plus dominum scit, timet, orat, amat.  
Dogmate diuino presul facunde triumphas,  
Dans pastor meritis ne premat error oues.  
Deliciis reficis caelum, quibus arma ministrat,  
Et satiat populos hinc cibus, inde fides.  
Sumit pauper opem, tristis spem, nudus amictum,  
Omnia quicquid habes, omnibus esse facis.  
Hic tibi longa salus maneat, licet inde futura,  
Atque diu pastor pro grege vot a feras.*

¶ Et de la s'en alla ledict Fortunatus, par faire son voyage à Tours, auquel lieu fut lōg temps deuotement visitant le sepulchre dudiect saint Martin. En l'honneur duquel, il feit, vng liure en vers Heroiques cōtenant quatre volumes de ses gestes & miracles, avec plusieurs Hymnes qu'on chante aux festes solempnelles: Et depuis par ses bonnes vertus, fut esleu Euefque de Poictiers. Finalemēt par ses merites reputé saint en Paradis.

¶ Apres le departement dudiect Fortunatus, saint Agry estoit tousiours perseuerant en ses bōnes oeuvres, ieunes, oraisons, & aulmōfnes: Mais cōme diect ledict historiographe Gregoire de Tours, auoit continuellemēt tristesse & desplaissance de l'iniure, qu'on auoit fait à Dieu, & aux saintes relictues de son oratoire polu & violé, avec grande compassion des pauures orphenins de Boso, & de la mort de leur pere, & du comte Bertefredus: Et sur tout luy desplaioit l'estat & gouvernement de la court du roy Childebert, son filz, par regeneration de baptesme, en laquelle faisoient iournallement nouvelles mutations, en sorte que les gens de vertu, princes & nobles du pays se retiroient d'icelle, craignans leurs personnes, pour les grandes tyrannies, violences, & oppressions, que continuellement se faisoient, par le conseil & exhortations de la mauuaise Brunehilde, mere dudiect roy. A raison dequoy saint Agry ne desiroit autre chose, fors estre hors de ce miserable monde, & viure lassus, en paradis, & de ce faisoit souuent prieres & oraisons à Dieu, & qu'il luy feist reuelation de sa mort bien prochaine: Et partant biē tost apres en l'ā de grace cinq cēs nonāte cinq, qui estoit de son aage le septāte quatrieme an, & le quarāte vnieme de son Euefché, appella son clergé, chanoynes, prestres, & clerccz, ausquelz apres plusieurs monitions salutaires anonça, que le sabmedy lors prochain ensuiuant, debuoit de son corps rendre le tribut à nature, & son ame à Dieu son createur. Ce qui aduūt ledict iour, & fut inhumé le corps en l'oratoire de saint Martin, qu'il laissa avec toutes les appartenances de sa maison paternelle, à son Eglise de Nostre Dame de Verdun.

¶ Mais depuis par succession de temps, Vvilfridus, filz du duc de Bauiere, estant Euefque de Verdū, en l'an de grace neuf cēs cinquante neuf, ediffia de nouveau, saint Paul, & y meit des religieux de saint Benoid, & si feit de ladiete chappelle saint Martin, ou estoit le corps saint Agry, vn prieuré qu'il bailla audict monastere saint Paul, du consentement des chanoines de ladiete eglise nostre Dame. Ausquelz & à leurdicte Eglise, ledict Vvilfridus, bailla grosse recompense, & augmenta merueilleusement leur reuenu. ¶ Et depuis encores quelque tēps apres, Raimbertus, qui fut esleu Euefque de Verdun, l'an mil vingt cinq, pour la deuotion qu'il auoit à mōsieur saint Agry, donna grosse recompēse au monastere de saint Paul, pour retirer ledict prioré saint Martin, auquel estoit inhumé le corps dudiect saint Agry, lequel il feit releuer, & illec ediffia vne eglise, & y meit des religieux, viuans soubz l'obeissance de l'ordre saint Benoid, & lors la feit nommer soubz le tiltre de saint Agr, y comme elle est de present, & auant la perfection d'icelle, ledict Raimbertus, entreprint le voyage de Hierusalem, auquel il mourut & feit son corps rapporter & inhumer en ladiete

*Liures composez  
par Fortunatus  
Euefque de Poi-  
ctiers.*

*Les causes de la  
tristesse saint A-  
gry.*

*Diuine reuelation  
à saint Agry de  
sa mort.*

*Saint Agry inhu-  
mé en l'oratoire  
saint Martin.*

*L'oratoire saint  
Martin donné à  
l'Eglise saint  
Paul.*

*L'Eglise saint  
Agry ediffiée en  
l'oratoire saint  
Martin par l'E-  
uefque Raimber-  
tus.*

# Le ij. liure des antiquitez de la gaule belgicque,

*Religieux de l'ordre saint Benoit fondez en l'Eglise saint Agry*

Eglise, laquelle fut depuis par les deux successeurs, Richardus, & Theodoricus, Euesques de Verdun, acheuée, & de plusieurs grans biens & rentes douée, cōme sera dict cy apres, aux gestes desdictz euesques. Et en appert aussi par les lettres & cōfirmatiōs faictes par le Pape Leon, neufuisme de ce nom, & par Henry, troisieme de ce nom, Empereur de Rome, dactées de l'an mil quatre vingtz & neufz.

*Accordāce de la natiuité saint Agry.*

¶ Pour accorder le temps & les années de la natiuité, vie & mort, dudit saint Agry, fault noter qu'il y a diuersité, entre les historiographes, & signanment entre les Cathalogues des monasteres de saint Venne, saint Paul, & saint Agry, dudit Verdū, & Gregorius Turonēsis, ancien & veritable historiographe des François, qui en son histoire souuent parle dudit saint Agry, & viuoient d'un mesme temps. Et premierement supposé ce que dient lesdictz cathalogues, que ledict saint Agry fut nay, l'an de grace cinq cens vingt & vn, & fut ordonné Euesque en l'aage de trente trois ans, qui estoit l'an de grace cinq cēs cinquante quatre, fault dont dire, qu'il fut ordōné Euesque du temps de Pelagius, premier de ce nom, qui fut ordonné Pape, l'an cinq cēs cinquāte trois, & teint le siege vnze ans. Aussi fault dire, que ce fut du tēps que Thiebault, troisieme roy de Metz, regnoit, qui commença à regner apres Theodebert son pere, l'an cinq cens cinquante & vn, & ne regna que six ans. Et si fault dire que ce fut en l'an vingtieme de l'Empire Iustinianus, qui cōmença à regner l'an cinq cens vingt huit, & regna trente neuf ans. Or pour congnoistre le temps de sa vie & de sa mort, y a aussi grande difference, entre les dessusdictz, car les cathalogues tiennēt, qu'il vesquit quatre vingtz vn an, & teint l'Euesché quarante huit ans, & mourut l'an trente quatrieme, du regne de Gontran, roy d'Orleās, & Bourgongne, filz de Clotaire premier de ce nom, qui seroit, selon iceulx cathalogues l'an de grace six cens & deux, & la treizieme année que saint Gregoire Pape tenoit le siege de Rome. Mais selon ledict Gregorius Turonensis, les dessusdictes supputations ne peuuent estre veritables: Car il dict en son histoire, au vingt quatrieme chappitre du neuuiesme liure, que saint Agry mourut, deuant Gontran roy d'Orleās, & Childebert roy de Metz, qui fut filz de Brunehilde. Or il est certain que ledict Gontran mourut, l'an de grace cinq cens nonante six, & si ne regna que trente deux ans, auquel temps, selon luy, ledict saint Agry, estoit desia mort. Et partant ne peut estre vray qu'il mourut le trente quatrieme an du regne dudit Gontran. Aussi ledict Childebert mourut, l'an six cens, & apres ledict saint Agry. Parquoy ne peut estre vray, qu'il morut, l'an six cēs & deux, ce que dient lesdictz cathalogues. Et partant si nous voulōs suiure l'opiniō dudit historiographe Gregoire de Tours, fault dire, que ledict saint Agry mourut bien tost apres ledict comte Bertefredus, qui fut enuiron, l'an de grace cinq cens quatre vingtz & quinze, vn an auant la mort de Gontran, & cinq ans auāt celle de Childebert, & partant il fut Euesque seulement quarāte & vn an, & mourut en l'an de son aage soixante quatorzieme, la cinquieme année que saint Gregoire dict le Grāt, tenoit le siege de Rome, lequel fut esleu pape l'an de grace cinq cens quatre vingtz & dix.

*Diuerfité de la date du temps que saint Agry viuoit.*

*Accordāce de la vie & mort saint Agry.*

## ¶ Des papes qui ont tenu le siege durant la vie saint Agry dixiesme Euesque de Verdun.

*Pelagius, premier du nō, Pape. lxii.*



**P**ELAGIUS, premier du nom, natif de Rome, fut esleu Pape, l'an cinq cens cinquante deux: combien qu'il se trouue diuersité entre les Historiens. Cestuy auāt son election eut plusieurs charges de legatiōs des Roys des Ostrogots, à l'Empereur Iustinian, estant à Constantino-ble, tellement qu'apres son election il fut accusé, quil auoit poursuiuy la mort de Vigilius son predecesseur qui estoit detenu en prison en la Grece, par ce qu'on voioit que ledict Empereur Iustinian luy fauorissoit plus qu'au Pape Vigilius, toutefois il s'en purgea en la presence du clergé & peuple de Rome, par iurement solem-

# depuis Pharamond iusques à Charlemagne. F.lxxv.

Iemnel, tenant les Euangilles. A raison dequoy il demoura paisible : combien que de son temps il eut beaucoup de perturbations, pour les guerres qui furent entre les Ostrogoths, & les Grecz, soubz Belissarius & Narfes Patrices de Rome, qui debouterent lesdictz Goths d'Italie. Il ordonna que les hereticques seroient poursuiuyz par iustice seculiere, & si ordonna les sept heures canoniales estre dictes tous les iours, & puis mourut apres qu'il eut tenu le siege douze ans.

**Ioannes** troisieme du nom, d'illustre & noble pgenie Romaine, fut esleu Pape, l'an cinq cens soixante quatre. Et ceste mesme année mourut ledict Justinian, & commença à regner Iustin troisieme. Cestuy Iehan fut homme tresprudent & sage, & s'excusa vers Narfes qui l'auoit suspect, & le mena à Rome, ou il mourut tost apres. De son temps les Armeniens recurent la Foy Chrestienne, & toute l'Italie fut merueilleusement vexée par les Lombardz, qui commencerēt entreprendre le regne en icelle, si mourut apres auoir tenu le siege treze ans.

*Iean troisieme du nom, Pape. lxxij.*

**Benedictus** premier du nom, Romain, fut esleu Pape l'an cinq cens septante six, homme plain de toutes vertuz, & digne de telle dignité, ay mé& reueré par l'Empereur Tiberius. De son temps y eut merueilleuse famine à Rome, mais par sa prudence il subuint au peuple, & enuoya iusques en Egipte, pour auoir des bledz. Il print tant de sollicitude & de douleur, de veoir Rome es calamitez, vexations, & miseres qui furent de son temps, qu'il mourut en l'an quatriesme de sa promotion, sur la tombe duquel furent escriptz ces vers, qui cy apres ensuiuent.

*Benoist premier du nom, Pape lxxij.*

*Magna tuis monumenta pater Benedicte relinquis,  
Virtutum titulis, ô decus atque dolor.*

**Pelagius**, Romain, deuxiesme du nom, fut esleu Pape, l'an cinq cens quatre vingtz, sans le sceu ny consentement de l'Empereur, contre la coustume qui lors estoit. Et par ce incontinent apres son election fut en grande perplexité, comment il en pourroit aduertir l'Empereur, par ce que Rome estoit assiegée par Clephis second Roy des Lombardz, par lequel (s'il n'eust esté tué de l'un de ses gens) indubitablement Romme eust esté prinse. Toutefois ledit Pape donna charge a saint Gregoire, qui lors estoit moyne de grand scauoir & reputation, aller audit Empereur Tiberius, qui le receut honorablement, & eut en Constantinoble vne disputation publique, en laquelle fut vaincu Euticius, Patrice dudit Constantinoble, hereticque. Et parfeict sa legation, ainsi que le Pape le desiroit. Finalement Pelagius mourut apres qu'il eut tenu le siege dix ans.

*Pelagius ij. du nom, Pape lxxv.*

**Gregorius**, extraict du lignage des Senateurs de Romme, fut esleu Pape maulgré luy & contredisant, en l'an cinq cens quatre vingtz & dix. Si enuoya vers Mauricius Empereur, cōme il est de coustume: Mais il luy escriuoit & prioit par ses lettres, qu'il ne cōsentist à son election. Toutefois lesdictes lettres ne paruindrent audit Empereur, mais autres escriptes au contraire, par l'ordonnance du prefest de Romme. L'Empereur fut ioyeux de son election, & ordonna qu'il feust contrainct de prendre ladicte charge, en laquelle il vesquit si prudentemēt & saintement mesprisant les honneurs mondains, subtenant aux pauures, & faisant tout ce qui appartient en perfection à vn bon pasteur. En forte que depuis luy iusques à present, on n'a trouué semblable en bonté, sainteté, humilité, doctrine, & diligence du saint seruice diuin, tant par exemplarité, que par bonnes institutions & ordonnances, comme on peult veoir par les liures qu'il a escript. Tellement qu'il merita porter le nom de Magnus, combien que par son humilité feust le premier, entre les Papes, qui print le tiltre de *Seruus Seruorum dei*, Et puis mourut en toutes vertuz & sainteté, apres qu'il eut tenu le siege treize ans.

*Saint Gregoire, premier du nom, lxxvi. Pape.*

# Le.ii.liure des antiquitez de la gaule belgicque,

¶ Des Empereurs qui ont regné durant  
la vie dudit Euesque  
sainct Agry.



**I**USTINIANVS, duquel nous auons escript en la vie de l'Euesque precedent, regna quelque temps que ledict Sainct Agry estoit Euesque de Verdun. Car il mourut l'an cinq cens soixante cinq.

*Justinus ij. du n<sup>o</sup>  
lvij. Empereur.*

**I**ustinus deuxiesme du nom, natif de Thracie, nepueu de l'Empereur Iustinianus, fut Empereur en l'an cinq cens soixante cinq, qui de son commencement fut assez bon & catholicque, fauorisant aux Eglises: mais tost apres il s'adonna à toute auarice & rapine, fut contempteur de Dieu, & des hommes, spoliateur des Senateurs, & du peuple, tellement qu'il faisoit faire des arches de fer, lesquelles il emplissoit d'or, pour satisfaire à son auarice, infecté de l'heresie Pelagienne. Toutefois il institua & crea pour Cesar, son successeur, vn vaillant homme, iuste & prudent, nommé Tiberius qui gouerna soubz luy. Il eut sa femme nommée Sophie, laquelle gouerna quelque temps, avec l'empereur Tiberius son successeur, par l'imprudence & ignorance de laquelle, le Royaume d'Italie fut separé de l'Empire de Constantinoble, par les Lombardz. Et finalement cestuy Iustin par iugement diuin perdit l'entendement & fut insensé, & mourut apres auoir regné vnze ans.

*Tiberius ij. Empe-  
reur. lvij.*

**T**iberius Constantinus, natif de Thrace, adopté filz, & successeur du deffunct Iustinus, fut Empereur lan cinq cens septanté six. A son commencement il tint en grande reuerence Sophie veufue du deffunct Empereur, la faisant participante des affaires de l'empire. Car elle auoit esté cause de son election, le pensant prendre en mariage, apres la mort de son mary, non scachant qu'il fust marié: mais il feit venir sa femme Anastasia, & la coronner Auguste: dont ladiete Sophie ne fut contenté. Cestuy fut de son temps parfait en toutes vertus, clement, catholicque, sage, constant, doux & amiable à vn chascun, grand iusticier, & sur tout, liberal aux paouures, dequoy ladiete Sophie l'arguoit & improperoit, disant qu'il reduiroit l'épire en paoureté: mais il respondit qu'il auoit sa fiance en Dieu que ses aulmosnes luy augmenteroient le bien de l'empire, ce qui aduint. Car apres auoir distribué les tresors de son predecesseur, vn iour voyant vne tombe, en laquelle estoit insculpé le signe de la Croix, la feit leuer de terre pour la mettre en lieu plus honorable, & qu'on ne marchast dessus. Et vn autre iour en feit le semblable, d'vne autre tûbe, soubz laquelle il trouua vn tregrand tresor. On liét aussi qu'il trouua aps la mort de Narses le Patrice, tout le tresor qu'il auoit assemblé en vne citerne, ou il y auoit tant d'or, & d'argent, que de long temps ne se pouoit espuiser, lesquels tresors il distribuoit aux paouures, comme il auoit accoustumé. De son temps les Persiens se rebellerent, contre lesquels il enuoya Mauricius son Patrice, qui eut victoire contre eulx. De laquelle il raporta tant d'or & d'argent, quil n'estoit possible l'estimer, & puis finalement, voyant sa mort prochaine, bailla en mariage sa fille audit Mauricius, l'instituât son successeur en l'Empire, & puis mourut apres auoir regné glorieusement par l'espace de sept ans, aymé de Dieu, & du monde.

*Mauricius Empe-  
reur. lix.*

**M**auricius natif de Cappadoce, gendre dudit Tiberius, fut Empereur, l'an cinq cens quatre vingtz & troys, homme tresvaillant en guerre, qui eut plusieurs victoires contre les ennemys de l'Empire, toutefois à la fin fut adonné à l'auarice & tyrannie. De son temps les Lombardz qui auoient esté vingt ans, sans Roy, depuis la mort de Clephis, instituerent entre culx vn nouveau Roy, filz dudit Clephis, nommé Anthaire, qui eut victoire cōtre Sigebert Roy d'Austrasie, que Mauricius



# depuis Pharamond iufques à Charlemagne. F. lxxxii.

ricius auoit follicité venir en Italie, cōtre lesdictz Lombardz, neantmoins depuis le-  
dict Mauricius obtint victoire contre lesdictz Lombardz en Heffurie: Et combien  
que du commencement, il eust aymé & fauorifé faint Gregoire Pape, toute fois de-  
puis il le molefta & perfecuta en plusieurs chofes, & vouloit qu'il obeit au Patriarche  
de Constantinoble. A quoy ledict Gregoire refifta virilement, à raifon de quoy il fo-  
licita les Lombardz eftans en Italie, affaillir Rome, foubz leur roy Agerulphus. Ce  
qu'ilz feirent, tenans le fiege deuant Rome, l'efpace d'un an, mais ilz furēt cōtrainctz  
eulx retirer, quasi par difpofition diuine: Quoy voyant Mauricius, commença à fe  
repentir & fe reconfeiller avec faint Gregoire, & ordonner oraisons & prieres en di-  
uerfes religions & hermitages, pour la remiffiō de fes pechez, & luy mefmes iournal-  
lement prioit à Dieu, qu'il luy pleuft le punir de fes pechez en ce monde & non en  
l'autre, ce qu'il obtint, & luy fut reuelé qu'il perdrait l'Empire & feroit tué, dont il re-  
mercia Dieu. Finalement il fut tué par Phocas, l'un de fes capitaines, efleu Empereur  
par les gens de guerre, apres qu'il eut regné vingt & vn an, ou enuiron. On liēt que en  
le decapitant, il rendit du lait avec le fang.

## Des roys de France, regnans au temps dudiēt Euefque faint Agry.



**HILDEBERT**, filz de Clouis, duquel auons efcrit en la vie de  
l'Euefque faint Venne, regna à Paris enuiron cinq ans, du temps faint  
Agry, car il mourut fans enfans, l'an cinq cens cinquante neuf.

**Clotaire** premier du nom, duquel auons efcrit en la vie de l'E-  
uefque faint Vene, regna à Soiffons, & fut monarche  
des royaumes de France & d'Auftrafie, durant le temps dudiēt Euefque faint Agry:  
car ledict Clotaire mourut l'an cinq cens foixante & quatre. Il laiffa quatre enfans qui  
diuiferent toute la Gaule entre eulx, dont les trois eurent France, & l'autre Auftrafie

**Aribert** autrement diēt Cherebert, fut filz dudiēt Clotaire, premier du nom.  
Il eut pour fa part de la fuccelion paternelle, Paris, avec Neuftrie, en  
l'an de grace cinq cens Soixante quatre, il efpoza Nigoberne autrement Ingebarde, la-  
quelle il repudia, pour la folle amour qu'il auoit à deux de fes damoyelles, qu'il en-  
tretien long temps, l'une appellée Marconefe, & l'autre Merofide, & felon aucūs pour  
fes pechez fut excommunié par faint Germain Euefque de Paris, qui viuoit pour  
lors. Toutefois par difpofition diuine, lesdictes deux concubines moururent de mort  
foudaine, dont il fut fi desplaisant, que bien toft apres il mourut fans hoirs de fon  
corps, & fut diuifé fon royaume entre les autres freres, dōt Chilperic roy de Soiffons  
eut Paris, à raifon de quoy aucuns hiftoriens, comme Gaguin, le nomment roy de  
France, apres Clotaire, fans faire mention de cestuy, pour ce poffible qu'il ne regna  
long temps, apres fon pere: car il ne teint ledict royaume que neuf ans. Son corps fut  
inhumé à Bloys, en l'Eglife faint Romain.

*Aribert, alias,  
Cherebert. viii.  
roy de France.*

**Chilperic** filz dudiēt Clotaire, pmier de ce nō, eut pour fa part & pottiō Soif-  
fons, apres la mort de foudict pere l'an cinq cēs foixāte quatre, apres  
la mort de fon frere Aribert. Il eut pour fa part en l'an cinq cēs trēte deux, la cité de Pa-  
ris, & par ainfi fut roy de Soiffons, & de Paris. Il fut adōné à lafcuité & luxure, & me-  
noit tousiours avec luy grād nōbre de concubines, toute fois apres quelque tēps, il fe  
maria à la fille d'Atanagilde, roy des Vifigothz, ou d'Espagne nommée Galfon-  
de, feur de Brunehilde, femme de fon frere Sigibert: mais bien toft apres la laiffa  
par ce qu'il s'enamōtra d'une ieune fille de chambre, appellée Fredegonde, de gran-  
de beaulté mais plaine de toutes mefchansetez, de laquelle il fut tellement abusé

*Chilperic premier  
du nom. ix. roy de  
France.*

## Le.ii.liure des antiquitez de la gaule belgicque,

qu'il feit tuer sa propre femme Galfonde, de nuit, qu'on estime estre sainte en Paradis, dont il fut de chascun vituperé. Et signammét de seldictz freres Sigisbert, & Gontran, qui menerent guerre contre luy: Mais la paix en fut faicte, par ce qu'il print vne autre femme nommée Sordorée, de laquelle il eut quatre enfans Theodebert, Clodomire, Meronée, & Clodoc. Il entreprint aller avec ses freres, contre Cathenus roy des Huns. Et en son absence sa femme acoucha d'un beau filz, qu'elle tint sur les fons de baptesme, par l'enhortement & malice de Fredegonde, Parquoy ledict Chilperic retourné, faignant en estre marry, la laissa, disant que c'estoit sa commere, & print à femme ladicte Fredegonde, dont depuis il luy mescheut: Car ses deux filz, à sçavoir Clodoc, & Theodebert, furent tuez en la bataille contre leur frere Sigisbert comme dirons cy apres. Et son aultre filz Meronée, fut desobeissant à luy toute sa vie: car il print à femme Brunichilde, qui estoit en exil, à Rouen, contre la volente de son pere, & aussi qu'elle auoit eu espousé son oncle Sigisbert, roy de Metz. A raison dequoy le dict Chilperic alla à Rouen, & par belles parolles & promesses trouua maniere le retirer. Et contre ce qu'il luy auoit promis, le feit moyne, & faire voeux de Religion; mais il ny demeura long temps, car il laissa ladicte religion, esperant qu'en brief son pere mourroit. Il se retira en seureté en l'eglise saint Martin de Tours: mais quelque temps apres par la cautelle & malice de Fredegonde, & par subornations des seruiteurs qui estoient avec luy en ladicte eglise saint Martin, il sortit, & vint à Tours en quelque maison ou il congneut les poursuietes qu'on faisoit contre luy. Parquoy (cōme desesperé) se feit tuer, par vn sien seruiteur, appellé Gaylde.

*Clodoc & Theodebert, enfans de Chilperic, furent tuez en bataille.*

*Meronée, filz de Chilperic se feit tuer.*

*Clodomire, iiii. filz de Chilperic tū.*

*Fredegonde feit mourir Sordorée.*

*Fredegonde, feit tuer Chilperic son mary.*

¶ Clodomire son quatrieme filz, fut par la malice & trahison de ladicte Fredegonde tué, & mis à mort: & depuis ladicte Fredegonde, feit mourir ladicte Sordorée, mere desdictz quatre enfans, que son mary auoit mis en religion en la cité du Mans. Mais tost apres par diuine punition, les trois filz que ledict Chilperic auoit de ladicte Fredegonde, moururent & demourerent sans enfans, quelque temps. Mais depuis en l'an cinq cens quatre vingtz & sept, il en eut vn, qu'il appella Clotaire, qui luy succeda: car il mourut en la mesme année, comme sensuit. Vn iour print volenté audict Chilperic, aller à la chasse, estāt à Chelles sainte Bauldour, pres Paris. Si aduint que prest à partir, il entra en la chambre de Fredegonde sa femme, & en iouant à elle, la frappa par derriere, d'une verge qu'il tenoit, laquelle ne l'aperceut, parce qu'elle pignoit ses cheueux, & pensoit qu'il feust desia party, mais cuydoit que ce feust vn Paillard, appellé Landry, qui estoit maire & gouuerneur du Palais, qu'elle entretenoit, auquel elle dist, laissez cela (Landry,) & ce disant apperceut que c'estoit son mary: parquoy ledict Chilperic, qui en auoit auparauāt fantasie, sortit de la chambre, & triste & courroucé sen alla à la chasse. Quoy voyant Fredegonde, qu'elle estoit descouuerte, appella Landry, & machinerent ensemble de tuer ledict Chilperic (ce qu'ilz feirent bien tost apres) faignans & simulans, auoir esté ce faict, par gens estranges qui auoient entré en la chambre du roy, dont son cas fut celé, & fut ledict Chilperic inhumé à Paris, en l'eglise saint Germain des prez. La mort duquel ne fut guaires plaincte: car tout son temps auoit esté grant Paillard, meurtrier de ses femmes, exacteur & destructeur de ses pources subiectz, hayneux & mocqueur de l'Eglise & des prestres, & disoit lon cōmunement que cestoit punition diuine: & par ce regna en tout vingt trois ans.

*Gontran roy d'Orleans, Bourgogne, & Prouence.*

**Gontran** filz de Clotaire, premier de ce nom, eut pour sa part & portion du royaume apres la mort de son pere, audict an cinq cens soixāte quatre, Orleans, Bourgogne & Prouence. Il fut en son viuāt, sage & vaillant prince, ayma l'eglise, loyauté, paix, & cōcorde: mais il fut trop habandonné à lubricité, & eut quatre filz de quatre femmes, lesquels comme par diuine punition moururent tous. A raison dequoy, se voyant destitué de lignée, vøulut adopter son nepueu Meronée, filz de Chilperic, que son pere auoit mis en religion: mais bien tost apres, fut tué, par Fredegonde, Parquoy appella son autre nepueu Childebert, roy de Metz & d'Austracie, & le adopta pour son heritier. Et ce faict manderent eulx deux ensemble, à Chilperic roy de Soissons, rendre en liberté Brunichilde mere dudit roy de Metz, qu'il

# depuis Pharamond iusques à Charlemagne. F. lxxxii.

qu'il tenoit en exil, & aussi rendre les terres qu'il auoit occupé sur eulx: autrement luy donneroient bataille. Et combien que ledict Chilperic eut grant despit de leur mandement: toutefois doubtant n'estre le plus fort, restitua le tout, & feit appointement avec eulx.

¶ Quelque temps apres, enuiron l'an cinq cens quatre vingtz & cinq, ledict Gontran, qui tousiours fut pitoyable aux paouures, alla à la chasse: & apres le traual, luy print volonté de dormir, se coucha au giron de l'vn de ses Cheualiers, & s'endormit pres d'vn petit ruisseau: Et luy dormant le cheualier, apperceut vne petite beste, sortant de la bouche du roy, & s'approcha dudit ruisseau faisant semblant de le vouloir passer, mais elle ne pouoit, & n'osoit. Ce voyant le cheualier tira son espee, & la meit au trauers dudit ruisseau. Incontinent ladicte beste passa par dessus, & s'en alla entrer dedans vn petit pertuys, qui estoit au pied d'vne montaigne, & puis repassa par dessus ladicte espee, & entra en la bouche dudit Gontran, qui s'esueillit tout effrayé, & dist au cheualier qu'il auoit songé qu'il auoit passé vne riuere par dessus vn pont de fer, & estoit entré en vne caue, ou il auoit veu de grans tresors. Lors ledict cheualier luy dist, ce qu'il auoit veu. Et adonc allerent à ladicte montaigne, qu'ilz cauerent, & y trouuerent grans tresors, d'or, & d'argent, lesquelz il apporta, & les aumosna aux pauures, & aux eglises. Et entre aultres feit couvrir d'or, toute la chasse saint Martial: dont il auoit fondé yng prieuré pres Chaallons sur la Saonne, & depuis mourut en l'an cinq cens quatre vingtz & seize, & laissa son heritier, ledict Childeberr, roy de Metz & d'Austrasie: & fut inhumé en l'abbaye saint Marc, pres Chaallons, qu'il auoit fondée & edifiée, apres qu'il eut regné trente deux ans.

*Vision de Gontran roy d'Orléans.*

**Clotaire** deuxieme du nom, filz de Chilperic, roy de Paris, duquel nous escriuons en la vie de l'euesque subsequent, regna du temps de l'euesque saint Agry, enuiron huit ans: car il commença à regner en l'an cinq cens quatrevingtz & sept, & mourut en lan six cens trente & deux. Auant sa mort il fut monarche en la Gaule, comme nous dirons cy apres.

## ¶ Des roys d'Austrasie regnans du temps dudit euesque saint Agry,

**THIEBAULT**, filz de Theodebert, duquel auons escript en la vie de l'euesque precedent, fut roy d'Austrasie du temps saint Agry, par l'espace de deux ans: car il mourut en l'an cinq cens cinquante six.

**Clotaire** Premier du nom, filz de Clouis, duquel auons escript en la vie de l'euesque saint Venne, fut monarche de toute la Gaule apres la mort de ses freres & nepueux: Et partant fut quatrieme roy d'Austrasie apres Thiebault, & durant ledict euesque saint Agry, enuiron dix ans: car il mourut l'an cinq cens cinquante & six.

**Sigisbert** filz dudit Clotaire, premier du nom, eut pour sa part & portion paternelle, en l'an cinq cens soixante & quatre, le royaume d'Austrasie, duquel, la ville de Metz, estoit la capitale: & en fut le cinquiesme roy. Il fut vaillant homme, qui subiuga les Huns, qui les vindrent assaillir, & print à femme la fille de Athanagilde roy d'Espaigne appellée Brunehault ou Brunichilde, qu'il feit baptiser, car elle estoit Arriane: Et tout son temps fut vne tresmauuaise femme, orgueilleuse & cruelle qui feit des maulx & homicides innumerables. Ledit Sigisbert reprint contre son frere Chilperic, la cité de Reims, en Champagne, qu'il luy auoit ostée, pendant qu'il barailloit contre les Huns, & poursuyuit tellement contre son frere, qu'il gaigna Soissons, qui estoit la principale ville de son royaume.

*Sigisbert v. roy d'Austrasie.*

# Le ij. liure des antiquitez de la gaule belgicque,

me, dedans laquelle il print Theodebert, filz de sondict frere, qu'il meit en prison: Mais bien tost apres feirent paix ensemble, le deliura & l'enuoya en prenant de luy ferment que iamais ne porteroit armes cōtre luy: ce qu'il ne obserua. Car ledict Chilperic, enuoya depuis son aultre filz Clouis, courir sur les terres dudiect Sigisbert, iusques a Bourdeaulx, duquel lieu il fut rechassé, par l'un des capitaines dudiect Sigisbert nommé Sigilphe, tous les gens mortz, & ledict Clouis tué: Et non content de ce ledict Chilperic, renuoya sondict filz Theodebert, qui auoit fait le dessusdict fermēt, avec grosse armée, es pays de Normandie, ou il exerça de merueilleuses cruaultez, & à son retour, par Reims & la Champagne: A raison dequoy ledict Sigisbert, le veint rencontrer avec son armée, & tellement besongna, qu'il desconfit tous les gens, & fut ledict Theodebert tué, & depuis cheuaucha par toutes les villes du royaume dudiect Chilperic, & les meit en son obeissance, & alla à Tournay, assaillir ledict Chilperic, & sa femme Fredegonde, & leurs enfans qui s'estoient illec retiréz, pour cuiten sa fureur. ¶ Voyant Fredegonde le danger, où estoient son mary & ses enfans, s'aduifa d'une cautelle & trahison. Si appella deux siens fidelles seruiteurs, qu'elle suborna & induict par grandes promesses, aller au camp dudiect Sigisbert, disimuler & faindre, eulx redre a luy, & vouloir declarer les secretz de Chilperic, & quant ilz voirroient leur coup, qu'ilz tuassent ledict Sigisbert, ce qu'ilz feirent, mais ilz n'en eschapperent, car ilz furent tuez par les assistans. Par ce moyē Chilperic sortit de Tournay, & fut deliuré des mains de son frere, & vint à Paris, ou il trouua ladiect Brunechilde, laquelle auoit esté aduertie peu parauant de la mort de sondict mary, & auoit enuoyé secretement par vn sien seruiteur nommé Godebault, en la cité de Metz leur petit filz Childebert, à fin qu'il feust hors des mains & dangiers de son oncle Chilperic: Toutefois ladiect Brunechilde fut prinse, & enuoyée en exil à Rouē, & toutes ses bagues, ioyaulx & richesses, prins & retenuz par Chilperic. Et telle fut la fin dudiect Sigisbert, apres qu'il eut regné enuiron quatorze ans, laissant vn seul filz son heritier, nommé Childebert, fort ieune, qui n'auoit que quatre ans, quant son pere fut tué. Le trouue qu'il eut deux filles: à sçauoir Ingonde mariée a Hormigilde, roy des Visigothz, & Clotofinde mariée à Richardus, roy des Lombardz, son corps fut inhumé à Lambrun, & depuis trāslaté à saint Medard de Soissons, pres son pere.

*Trahison de la royne Fredegode.*

*Child. bert. vi. roy d'Austrasie.*

**Childebert**, filz de Sigisbert, & de Brunechilde sa femme, fut sixieme roy d'Austrasie, en lan cinq cens septante huit, apres sondict pere, & commença à regner qu'il n'auoit que quatre ans: Car pendant que son pere fut tué deuant Tournay, par la trahison de ladiect Fredegode, comme a esté dict cy dessus, sa mere Brunechilde, estoit à Paris, par l'ordonance de son mary, avec sondict filz Childebert. Laquelle aduertie de la mort de sondict mary, pour euiten la fureur de Chilperic, descēdit de nuit son dict filz, par vne fenestre du palais en vne corbeille, & le bailla à Godebault vn sie feable seruiteur, qui l'eporra à Metz & fut illec des nobles du pays couronné roy: Ladiect Brunechilde, par ce qu'elle ne peut sortir, fut enuoyée en exil à Rouen, par Chilperic. ¶ Quelq temps apres, les nobles du pays d'Austrasie, voulans venger l'iniure faicte à leur roy par Fredegode, leuerent armée, & prindrent par force, les citez de Reims, & de Soissons, contre Chilperic, mais ilz en furent depuis deboutez. ¶ En l'an cinq cēs quatre vingtz & huit, apres la mort dudiect Chilperic, ledict Childebert, par le conseil de Brunechilde sa mere, vint à Paris avec grande armée demandant auoir le gouuernement de Clotaire, son petit cousin, & si demandoit auoir Fredegonde pour la tourmenter & punir de ce qu'elle auoit fait mourir son pere Sigisbert, & son oncle Chilperic: Mais sa demande luy fut refusée par les Parisiens, & aussi par le roy Gontran d'Orleans, qui auoit desia prins le gouuernement du ieune Clotaire, avec sa mere Fredegonde. De laquelle responce il fut marry, tellement que l'an ensuiuant assembla grande armée, & alla contre ladiect Fredegode, laquelle portoit son petit filz Clotaire, entre ses bras, en la bataille, pour dōner courage à ses gens, de sorte que ledict Childebert, fut desconfit & retourna en son royaume. Toutefois depuis par le moyen de Gontran, son oncle, appoinctement fut fait entre eulx, & adopta ledict Gontran, iceluy Childebert, pour son heritier aux royaumes d'Orleans, & Botrgongne: ausquelz il succeda apres sa mort. ¶ Pe-

*Childebert roy d'Austrasie adopté heritier de Gontran aux royaumes d'Orleans & Bourgongne.*

# depuis Pharamond iusques à Charlemagne. F. lxxxiiij

¶ Pendant que lediēt Childebert estoit ieune, il vsoit en tout & par tout du cōseil de sa mere Brunehilde, dont souuēt se faisoient beaucoup de choses mal faiētes. Quād il veint en aage in print femme, & fut vaillāt homme aux armes: Tellemēt que l'Em pereur Maurice print son aliance, & luy enuoya grans tresors pour chasser les Lombardz, hors d'Italie, ou il alla en personne, avec grosse armée, & toutefois il appoinēta avec eulx, moyennant grandz tributz qu'ilz luy promirent payer chascun an.

¶ Or depuis son retour d'Italie, il ne fut si obeissant à sa mere, qu'il auoit esté. A raison dequoy la faulſe femme, par desir de gouverner à son plaisir, feit mourir en vn mesme iour lediēt Childebert, & sa femme Faleubarde, fille du Roy des Visigoths, par poison en vn baing, en l'an six cens, qui l'aissentent deux petitz enfans, leurs heritiers, l'vn nommé Theodebert: qui eut le Royaume d'Austrasie, l'autre Theodoric, le plus ieune, qui eut pour sa part Orleans, Bourgongne, & le Daulphiné, lesquelz demourerēt foubz la tutelle de ladiēte Brunehilde leur mere grand. Et pourtant lediēt Childebert ne regna en tout que vingt deux ans.

*Division des Roys  
aulmes du Roy  
Childebert.*

## ¶ Des ducz de Tongre regnans au temps dudiēt Euesque saint Agry,



ARLOMAN, filz de Charles Hasbain, fut Duc de Tongre & Brabant, en l'an cinq cens quatre vingtz & six, apres la mort de son pere. Il fut fort aymé de Childebert Roy d'Austrasie, suyuant sa court, & toutes les batailles quil eut en Lombardie. Toutefois depuis sa mort, il se retira en sa Duché, faissant illec sa residence, pour le mechant gouuernement de ladiēte Brunehilde, laquelle gouuernoit lesdiētz deux enfans, Theodebert, & Theodoric. Apres la mort, desquelz, Carloman print apertemēt l'alliance de Clotaire deuxieme du nom, pour dechasser d'Austrasie ladiēte Brunehilde, & enuoya son filz Pepin pour donner ayde audiēt Clotaire, tellement que ladiēte Brunehilde fut prinſe, & miserablement tuée, comme elle l'auoit meritē. De cestuy Carloman escript Meierus, foubz l'an six cens quinze, ce qui s'ensuit.

*Carlomā Duc de  
Tongre, & Bra-  
bant. 560*

*Claruit in Austrasia in aula Regis Mediomatricum Carolomānus, pater Pipini viri fortissimi, in quem Carolomānum Brabantini principum suorum stemmata atque originem referunt. Et Sigebert, foubz l'annēe six cens vingt cinq, escript, Pipinus filius Carlomanni maior domus Regis Clotarij principabatur. Pipino vero in disponenda Republica, cōparabatur sanctus Arnulfus, filius Arnaldi, filij Ansberti ex Blitilde filia primi Clotarij Regis.*

Si mourut lediēt Carloman, apres qu'il eut regné trente trois ans. Auquel succeda son filz Pepin l'an six cens dixneuf.

## ¶ Des successeurs du Roy Clodion le Cheuelu, regnans au temps dudiēt saint Agry.



CY nous diuiferons la lignée des successeurs du Roy Clodion le Cheuelu, en deux lignées, suyuant ce que nous auons escript cy dessus en la uie saint Venne: dōt la premiere sera des successeurs de Anselbert, duquel par droiēte ligne sont descēduz Charlemagne, & les ducz de Mozelande, laquelle cy apres subdiuiferons en deux. ¶ La seconde, sera de Vvaubert, deuxiesme du nom, duquel sont descenduz les princes d'Ardenne, & de Haynau, laquelle nous subdiuiferons encores en deux, quand l'occasion s'y trouuera. Et premie

*L'intelligence des  
successeurs de Clo-  
dion le Cheuelu.*

# Le.ii.liure des antiquitez de la gaule belgicque,

¶ Et premierement des successeurs Anselbert, duquel sont descendus Charlemagne & les Ducz de Mozelane, regnans du temps saint Agry,

**B**VGGISVS, autrement dict Arnoaldus, lequel les autres apellent Ansigis, filz aîné de Anselbert, & de Blitilde sa femme: fille de Clotaire (premier du nom) succeda aux seigneuries de son pere, qu'il auoit en Aquitaine, & à celles qu'il auoit en la Gaule Belgicque, & Royaume d'Austrasie, aſcauoir au Marquisat de l'Empire & seigneuries de Mozelane, enuiron l'an cinq cens soixante dixneuf. Il fut nay en Aquitaine, comme dict l'historien de Metz, & faisoit illec sa residence, du temps de l'Empereur Mauricius, & vint depuis en la Gaule Belgicque, pour prendre possession de ses seigneuries paternelles, & print pour femme vne noble dame de Sueue, appellee Oda, en laquelle il engendra saint Arnoul, & autres enfans. Cestuy Buggisus fut homme prudent, de sainte vie, à raison dequoy Gontran Roy d'Orleans, son oncle de par sa mere Blitilde, le voulut faire & instituer son heritier, par ce qu'il n'auoit enfans. Toutefois fut destourné de ce faire, par son autre nepueu filz de Sigebert Roy d'Austrasie, tellement qu'il institua Childebert, filz dudit Sigebert, dont il ne fut mal content, car il desiroit plus seruir à Dieu qu'au mode. Il ediffia de son patrimoine vn monastere en l'honneur de saint Martin, qu'on appelle presentement saint Martin de Glandare, pres Longueuille, ou il fut inhumé apres sa mort. Semblablement sa femme Oda, fille de Gunzo, Duc de Suaue, ediffia vne Eglise en l'honneur de la vierge Marie, & de saint Gregoire martir, en la ville d'Amanie, en l'euesché de Tongre, ou elle fut inhumée. Finalement ledict Buggisus, entra en l'hermitage enuiron l'an six cens & vn, & puis mourut l'an six cens & neuf, apres qu'il eut regné trente deux ans, & laissa de sa femme Oda, plusieurs enfans masles, aſcauoir Arnoul, son filz aîné, qui succeda en la duché apres luy, Modoal, Brunulphus, aliàs Sigilphus, Comte de Templatée, qui eut pour femme Clotilde, sœur de sainte Aye: & Basin, euesque de Treues. Et si eut plusieurs filles, aſcauoir, Seuere, Afre, Gunza, espouse de Geruin, pere de Lutvvyn, qui fut Duc de l'anciéne lorraine, & depuis Euesque de Treues, fondateur de l'abbaye de Metheloc, & si eut vne fille nommée Oda, comme sa mere, laquelle perseuera en virginité.

¶ Les autres enfans dudit Anselbert, suiurent l'estat de l'Eglise: car Fereol, fut Euesque du Trait, martir, & reputé saint en Paradis, Moderic fut Euesque de la cité de Arisie en Aquitaine, vers Narbonne. Tharsita entra en religion & perseuera en virginité, le corps de laquelle, est à Rennes, en Bretagne, par les merites delaquelle se font illec plusieurs miracles.

¶ De la seconde lignée des successeurs du Roy Clodion le Cheuelu, descé dans de Vvaubert du nom deuxieme, duquel sont fortis les princes d'Ardenne & Hainau regnans durant la vie dudit Euesque saint Agry.

**V**VABERT, troisiemé du nô, filz de Vvaubert deuxieme, succeda à son pere, es seigneuries d'Ardenne, & Hainau, en l'an cinq cés soixante deux. Il gouerna ses pays vaillamment, & si bien, qu'il entretint paix & repos tant enuers les estrangers, qu'en sa maison. Ledit Vvaubert apres auoir eu deux filles de sa femme Gertrud, du sang de Carloman, Duc de Tongre & Brabant, à ſcauoir Vvaubert quatrieme, Brunulphus, Vvraye, & Gertrud renouça au mode, & se fit religieux à saint Mathias de Treues, & sa femme à Nostre Dame de Coulongne, l'an cinq cens septante trois, apres auoir regné vnze ans.

Vvraye

*Oda, femme dudit Buggisus, ou Arnoaldus.*

*L'eglise S. Martin de Glandare.*

*Amanie  
601  
609*

*Fondation de l'abbaye de Metheloc*

*Saint Fereol Moderic & Tharsita, enfans d'Anselbert.*

*Vvaubert troisieme du nom, comte d'Ardenne, & de Hainau.*

# depuis Pharamond iusques à Charlemagne. F. lxxxiiii.

**Vvraye** fille d'Vvaubert deuxieme, & seur d'Vvaubert troisieme, fut mariée du viuât de son pere, & eut pour mary vn noble prince de la Gaule Belgicque, nommé Sigilphus, aliàs Numolus, du sang & lignage des Pepins. En traitât lequel mariage, il eut quelques seigneuries en ladicte Gaule Belgicque, à raison de sa femme, & fut homme tresuaillât aux armes, & principal capitaine, soubz Sigebert premier roy d'Austrasie, & de luy escript Nicole Gille, en son histoire, que quant Sigibert entreprint l'expedition contre les Huns, il constitua en son absence Sigilphus, gouverneur de Bourdeaux, & pays circonuoisin. Pendant lequel gouuernemēt Chilperic roy de Paris, enuoya grosse armée soubz la conduicte de son filz Clouis, pour entreprendre sur son frere, ledict pays de Bourdeaux: Mais Sigilphus resista en telle sorte, qu'en vne rencontre, toute l'armée de Chilperic fut deffaicte, & quasi tous les gens tuez, entre lesquelz y mourut ledict Clouis, son filz. Finalemēt ladicte Vvraye mourut enuiron l'an cinq cens quatre vingtz & seize: Et n'est point trouué aux histoires que ladicte Vvraye, eust enfant de sondict mary.

*Vvraye fille d'Vvaubert. ii.*

596

**Vvaubert** quatrieme de ce nō, filz aîné d'Vvaubert troisieme, succeda aux seigneuries de son pere, en l'an cinq cēs septante trois, situées en la Gaule Belgicque, comme Ardenne, Haynau, & aultres seigneuries. Il fut homme begnin & doux, desirât plus le seruice diuin, que les armes. A raison dequoy il fut lōg temps sans prendre partie, toutefois il se maria, & print pour femme Bertile seur de Bercare, roy de Toringe, & ne laissa point sa maniere de viure, en toute saincteté, bōnes oeuvres, vertus & meurs, en quoy ladicte femme la suiuit tellement qu'à la fin ilz furent reputez sainctz en paradis. Si moururent enuiron l'an cinq cens quatre vingtz dixhuiet, & laisserent seulement deux filles, dont l'une nommée Andegonde, perseuera en virginité, & ediffia de son propre, l'Abbaye de Maubeuge, en Haynau, ou elle vesquit sainctement & y fut inhumée, au quel lieu par ses merites, Dieu à monstré beaulx miracles souentefois. L'autre fille nommée, Vvauldruide, fut mariée & succeda aux seigneuries de sondict pere, comme dirons cy apres.

*Vvaubert. iiii. cōte d'Ardenne, & de Haynau.*

*Saincte Andegonde ediffia l'abbaye de Maubeuge. 598*

**Brunulphus** filz puisné d'Vvaubert troisieme, & frere d'Vvaubert quatrieme, eut pour partage aucunes seigneuries, en Ardenne, Haynau, & Alfatie, enuiron l'an cinq cens septante vn, & print pour femme, vne noble Dame, du sang des Comtes de Boullongne sur la mer, nommée Vvraye, delaquelle il laissa deux filles, seulement, à sçauoir sainte Aye, & Clotilde, desquelles, nous escrivons cy apres.

*Brunulphus filz d'Vvaubert. iii.*

**Vvauldruide**, fille d'Vvaubert quatrieme du nom, succeda aux seigneuries de sondict pere, enuiron l'an cinq cens nonante huit, lesquelles tenoient grandes estandues de pays, comme le Haynau, Cāmbresis, Ardenne, & autres, & print pour mary vn noble prince nommé Maldegar, que nous disons à present saint Vincēt de Songnies. Si vesquirent ensemble en toute saincteté de vie, combien qu'ilz eussent de grans biens & seigneuries, faisoient grans aulmosnes & fondations aux Eglises, car ledict Maldegar, ediffia l'Abbaye Daumont, ou il fut religieux, & depuis le monastere de Songnies. On liēt aux histoires de Haynau, que le roy Clotaire luy bailla le pays d'Irlande, ou il fut en personne avec sa femme, & depuis retourna en France, viuant sainctement. Ilz eurent quatre enfans, deux filles & deux filz, qui laisserent le monde & suiuirent l'estat ecclesiasticque, dont le premier nommé Landry, fut Euefque de Metz, l'autre appellé Enclin, mourut en ieunesse, tous deux reputez sainctz en paradis: Et les deux filles Aldrude & Maldeberte, entrerent en religion au monastere de Maubeuge avec leur tante Andegonde, ou elles vesquirent si sainctement, qu'apres leur mort, elles furent aussi reputees saintes.

*Saincte Vvauldruide contesse de Haynau & d'Ardenne. 598.*

*Maldegar, mary de sainte Vvauldruide seigneur d'Irlande.*

*Les enfans sainte Vvauldruide laisserēt le monde*


¶ Quant

# Le ij. liure des antiquitez de la gaule belgicque,

*Saincte Aye heritiere de saincte Vauldrude.*

¶ Quant Vvauldrude veid tous ses enfans auoir habandonné le monde, elle ediffia & fonda vn monastere à Montz en Haynau, qu'on appelloit pour lors *Castri locus*, & institua son heritiere en toutes ses seigneuries, sa cousine nommée Aye, fille de son oncle Brunulphus, frere de son pere, & puis entra en religion, ou elle vesquit en toute perfection de vie: Tellement qu'après sa mort, qui fut enuiron l'an six cens & six, elle fut reputée sainte en Paradis. Qui voudra congnoistre sa vie & les grans miracles qu'elle à fait, faudra veoir les histoires de Haynau.

## DE LA VIE DE CARAIMERUS vnzieme Euesque de Verdun.



*Caraimerus Referendaire du roy Childebert.*

*L'office des Referendaires.*

*A qui appartenoit l'election des Euesques.*

**C**ARAIMERVS, aliàs Carinerus, comme escript Gregoire de Tours en son histoire, fut esleu vnzieme Euesque de Verdū, l'an de grace cinq cés quatrevingtz & quinze, homme desia anciē, qui auoit auparauāt son election, seruy à la court de Childebert, sixieme roy d'Austrasie, par long temps, de Referendaire, qui estoit vn office qu'on bailloit à gens prudens & sçauans, principaulx cōseillers des roys, aux grās affaires des royaumes. Et à eulx appartenoit recepuoir, toutes lettres mises, supplicatiōs, & requestes adressantes au roy, prouenātes aucunes fois des princes inferieurs, nobles, gouuerneurs des pays, ou des subiectz oppressez, complaignans, & demandans au roy, adresse de leur cas, par forme de iustice, le contenu desquelles lectres ou requestes, lesdictz referendaires rapportoient & referoient au roy, estant en son conseil, qui aduisoit & determinoit ce qui estoit à faire, ou à respondre, & selon l'aduis & arrest dicelluy, lesdictz Referendaires, fidelement faisoient les decretz & ordonnances aux parties. Oultre, lesdictz Referendaires auoient charge des finances du royaume, tellement que deuant eulx se rendoient les comptes des receptes & mises des deniers, en ce qui concernoit le domaine du royaume, faites par les recepueurs, ou tresoriers, ausquelz ilz donnoient descharges, ou defalcoient, ce qui estoit excessif, selon equité & iustice.

¶ Or aduint la vacatiō de l'Euesché de Verdū, par la mort de saint Agry, & y eut plusieurs postulās & pretēdans à iceluy. Car pour lors cōbiē q' l'electiō & nominatiō des Euesques, appartient au clergé, & cōmunaulté des citez, elles n'estoient valides ny efficaces, si le consentement & confirmation des roys ne interuenoit. Et partant plusieurs s'adressoient plustost au roys, pour auoir leur consentement, que au clergé, pour l'electiō. Ce qui aduint en ceste vacation, car entre les pretendans y aduint



# depuis Pharamond iusques à Charlemagne. F.lxxxv.

y auoit vn Abbé, nommé Bucionaldus, qui feit diligence de preuenir, pour auoir le consentement du roy par le moyen & faueur de Brunehilde mere du roy, laquelle gouuernoit pour le plus, tous les affaires du royaume. Au contraire, le clergé & communauté de Verdun, procederent à election, eleurent & nommerent Caraimerus, les vertus & meurs duquel, cognoissoient de long tēps, pour les affaires qu'ilz auoient eu plusieurs fois à la court, tant pour l'Eglise que pour la cité, & si scauoient le uoloir dudit Caraimerus, homme desia fort vieil & ancien, qu'il ne desiroit autre chose fors se retirer de la court & des affaires seculiers, & prendre l'estat de l'Eglise pour seruir à Dieu

¶ Apres ladicte election, ilz furent aduertis que l'Abbé Bucionaldus auoit la nomination de la royne Brunehilde, dont ilz furent merueilleusement troublez: car ilz congnoissoient l'orgueil, pompes & vanitez du personage, lequel comme dict Gregoire de Tours, en son histoire, on l'appelloit par derision & mocquerie, *Bucca valida*, quasi bouche enflée d'orgueil & vanité. Si aduiserent ensemble & delibererent par routes voyes empescher, que ledict Bucionaldus ne feust leur Euesque, si deputerent gens des plus scauantz d'entre eulx pour aller vers le roy Childebert, & luy remontrer les causes & raisons, pour lesquelles ilz ne uoloient ledict Bucionaldus, en le suppliant humblement en recordation de feu leur bon pasteur Sainct Agry, leur bailler, ledict Caraimerus. Quāt le roy eut ouy leurs causes & raisons, il luy souuint du bon sainct Agry, auquel luy & ses predecesseurs roys, auoient eu tousiours grand amour & reuerence. Lors commença à soupirer, & mener dueil de la mort du sainct homme, & par ce moyen accorda & consentit à tout ce qu'ilz demandoient: nonobstant quelque empeschement que ladicte Brunehilde y sceut mettre, & ordonna que ledict Caraimerus, fust institué & installé paisible Euesque de Verdun.

¶ Ce fait, commença à viure saintement, regir & gouuerner son Euesché à l'imitation de son predecesseur: En sorte que par son scauoir, & ses vertus, il fut estimé & réputé entre tous les Euesques de la Gaule belgique, homme de grāde prudhomie, & iustice: Tellement que quant quelques controuersies suruenoient, entre les prelatz, nobles, ou ceulx de l'Eglise, il estoit des premiers esleuz, pour les determiner. Ce qui aduit en l'an deuxieme de son eleiō: car Gregoire de Tours, escript en son histoire, que Egidius pour lors Archeuesque de Reims, en qui le roy Childebert se fioit, fut accusé auoir secretes intelligences avec la faulse Fredegonde, gouuernante pour son filz le royaume de Paris, & qu'ilz auoient machiné la mort dudit Childebert, ce que maintenoit & affermoit l'un des seruiteurs de ladicte Fredegonde, nommé Summigisilus apprehendé & detenu prisonnier. A raison dequoy le roy enuoya à Reims prendre au corps ledict Egidius, combien que pour lors, il fust fort debile & mallade, & ordonna le mener en la cité de Metz, & illec le detenir iusques à ce que les Euesques du royaume d'Austrasie, feussent assemblez pour congnoistre & iuger dudit fait criminel: Car pour lors la reuerence des roys estoit si grāde enuers les Euesques & personnes ecclesiastiques, q̄ iamais n'entreprenoient iugement contre eulx, pour quelque crime que ce fust: Mais en laissoient la cognoissance aux autres Euesques, & gens ecclesiastiques.

¶ Si ordonna le roy que le proces se feroit, en la cite de Verdun, pardeuant les Euesques conuocquez, entre lesquelz presideroit l'Euesque dudit lieu, Caraimerus. Suivant laquelle ordonnance, ladicte accusation fut iuridiquement discutée. Du commencement ledict Egidius niant le fait, se deffendoit virilement: Toutefois finalement il fut conuaincu de plusieurs machinations & trahisons qu'il auoit entrepris & conspiré avec Chilperic roy de Paris, quant il viuoit, & depuis avec Fredegonde sa fēme, & luy fut présenté & cōfronté Epiphanius Abbé de saint Remy de Reims, son complice & confederé ausdictes machinations, qui confessoit son cas, & maintenoit ledict Egidius auoir receu deux mil escuz, avec plusieurs autres dons de ladicte Fredegonde, pour cōsentir ausdictes conspirations & trahisons. Eten ce demoura confuz ledict Egidius, confessant son cas, se prosterna aux piedz dudit Euesque Caraimerus, & des autres illec assistants, demanda la sentence estre donnée contre luy

*Bucionaldus Abbé pretendant estre Euesque de Verdun.*

*Caraimerus confirmé Euesque de Verdun par le roy Childebert.*

*Egidius Archeuesque de Reims accusé de trahison.*

*La reuerence que les roys auoient aux Euesques & gens d'Eglise.*

*L'archeuesque de Reims conuaincu de crime de leze maiesté.*

# Le.ii.liure des antiquitez de la gaule belgicque,

plorant & disant à hulte voix. Iay offensé & commis crime de leze maiesté, & par ce suis digne de mort. Apres ceste confession Caraimerus, & les autres Euesques enuoyèrent vers le roy, luy suppliant qu'il eust la vie sauue, ce que le roy consentit de grace, & depuis fut prononcée sentence, par laquelle Egidius, fut deposé dudict Archeuesché & administration des ordres, & enuoyé en exil perpetuel en la cité de Strabourg, & semblablement Epiphanius priué de sadiete Abbaye. Et quant aux biens & tresors trouuez en leurs possessions, fut dict que tout ce quilz auoient receu en or, argent, & bagues pour faire lesdictes trahisons, sera applicqué aux coffres du roy, & le surplus des autres biens qu'ilz auoient, seroient & demoureroient au profit de leurs eglises.

*Sentence donnée contre l'Archeuesque & Abbé de saint Remy de Reims.*

¶ Enuiron cinq ans apres, ledict Childebert roy d'Austrasie, morut, & luy succederēt ses deux filz Theodebert, & Theodoric. Durant le regne desquelz, saint Gregoire, estant pour lors Pape de Rome, eut nouvelles que ceulx du royaume d'Angleterre, auoient entre eulx tresgrand scisme & diuisions. Car aucuns s'estoient retirez de la foy Chrestienne, & retournez en paganité, les autres estoient Chrestiens, mais infectez de l'heresie Arriane. Pour à quoy obuier, il deputa aucuns bons & scauās personnages pour aller de nouveau prescher & publier la foy de Iesuchrist audict pays d'Angleterre, entre lesquelz furent troys religieux d'eminente sainteté & doctrine, à scauoir Augustinus, Melitus, & Ioannes, qui entreprirent ledict voyage, auquelz ledict Pape ordonna passer par le royaume d'Austrasie, & porter certaines lettres adressantes aux deux freres, Theodebert & Theodoric, Roy d'Austrasie, & de Bourgogne, & à leur grand mere Brunehilde, par lesquelles ledict Pape les exhortoit extirper de leurs royaumes, l'heresie des Neophitiens, qui disoient & affermoient, Simonie, n'estre peché mortel, & que licitemēt on pouuoit promouuoir, & estre promu aux saintes ordres de prebstrise, & aux dignitez ecclesiastiques, par dons d'or ou d'argent.

*Les Anglois heretiques & infidelles.*

*Augustin Melitus & Jean, enuoyez en Angleterre par saint Gregoire.*

¶ D'auantage ledict Pape reprenoit & blasmoit lesdictz roys d'Austrasie, pource qu'en leurs pays les gens lais & non scauans, indifferemment estoient promeu aux Eueschez, & dignitez ecclesiastiques, pour auoir profit & vtilité priuée des fructz & reuenuz des benefices, & nō pour garder, l'honneur de Dieu, & faire le profit publicque du pauvre peuple, tellement qu'il sembloit que les saintes ordres & la reuerence de l'Eglise & siege apostolicque, feussent totalement eliminez & dechassez hors des limites desdictz royaumes d'Austrasie & Bourgogne. Finalement il admonestoit & ordonnoit telz abuz, estre reformez & ostez, autremēt ilz escherroient non seulement es censures ecclesiastiques, mais qu'ilz porteroient la peine de la coulpe au grant iugement de Dieu. Ce qui est amplement contenu es oeuvres dudict saint Gregoire, & canonisé au chapitre, F E R T V R: en la premiere question de la premiere cause.

*Lettres enuoyées par saint Gregoire aux roys d'Austrasie, & Bourgogne, pour les heresies regnantes esdictz royaumes*

¶ Or apres que les dessusdictz messagiers eurent receu lesdictes lettres du pape, partirent de Rome pour parfaire leur legation, passerent par la Lombardie, ou ilz presenterent les quatre liures des dialogues dudict Pape saint Gregoire, qu'il enuoyoit à la royne Teudeline, sainte femme, prudente & catholique, extraicte du sang royal de Baviere, & mariée pour lors à Agistilphus, roy de lombardie, lequel elle conuertit à la foy Chrestienne, & luy feit auoir paix & repos avec l'Empire Romain. Et ce fait lesdictz Legatz poursuiuans leur voyage, vindrent au royaume d'Austrasie, & presenterent leurs lettres ausdictz roys, ainsi quilz auoient d'ordonnance, le contenu desquelles fut veu & ventillé au cōseil desdictz roys, ou estoit ledict Euesque Caraimerus qui receut en grand honneur & reuerence, lesdictz legatz apostolicques, & les mena depuis, en la cité de Verdun, ou il les traicta humainement. Et trouuons dedans les anciens Cartulaires, quilz arriuerent audict Verdun, au moys d'April, & declairerent à nostre Euesque Caraimerus, & son clergé l'institution que ledict Pape saint Gregoire auoit ordonné de la grande Letanie, à cause de l'inuindation des caues qui aduindrent à Rome, des serpens & vn dragon, qui descendirent en la mer, par le Tibre, lesquelz infecterent tellement laer, que par toute l'Italie y eut grande pestilence &

*Saint Gregoire enuoya ses dialogues à Teudeline royne de Lombardie.*

*Les legatz du Pape à Verdun.*

*L'institution de la grande Letanie.*

# depuis Pharamond iufques à Charlemagne. F.xci.

& mortalité, Et pourtant que le iour faint Marc, efcheut au tēps, que lefdictz legatz apostolicques estoient à Verdun, nostre Euesque, & le clergé commencerent dellors à celebrer ladiete Letanie maior, & ordonna Caraimerus, que tous les ans on yroit en procesion, à Ioyes, distant de Verdun, pres de troys lieues, en souuenance & recordation du grant miracle que iadis son predecesseur faint Agry, y auoit fait, allāt audiēt lieu, cōme auōs dict cy dessus. Ce que depuis à tousiours à estē obseruē en nostre dicte citē de Verdun.

*Institutio premiere à Verdun, de la procesion à Ioyes*

¶ Et ce fait, lefdictz legatz apostolicques partirent pour parfaire leur voyage d'Angleterre, ou ilz conuertirent a la foy Chrestienne, le roy Athebertus & innumerable peuple, & fut institué le faint homme Augustin Archeuesque, sur les eglises Anglicanes, & luy donna le roy son palays, & maison royalle, qu'il auoit en la citē de Canturbie, pour tenir & exercer le siege principal & metropolitain de toute Angleterre, qui parauant se tenoit à Londres.

*Institutio de l'Archeuesché de Canturbie, en Angleterre.*

¶ Apres le departemēt desdictz legatz, nostredict Euesque Caraimerus, perseuerant en toutes saintes & vertueuses oeuvres, administra long temps son Euesché, & iufques à sa mort, qui fut la quatorzieme année de sa promotiō. Le corps duquel fut inhumé en son Eglise cathedrale de Nostre Dame, de Verdū, enuiron l'an six cēs & neuf.

*La mort de l'Euesque Caraimerus.*

## ¶ Des Papes qui ont tenu le siege durant ledict Euesque Caraimerus.

**G**REGORIVS Magnus, regna quelque tēps durāt ledict Euesque Caraimerus, comme auons escript en la vie de l'Euesque dessusdict.

**Sabinianus** hōme de petit estat & condition, mauuais & seditieux, le lieu de la natiuité duquel est incōgneu, succeda en la Papaulté à faint Gregoire, enuiron l'an six cēs & trois,

*Sabinianus premier du nom soixante sept. Pape.*

combien que les autres escriuent six cēs & six. Il fut adonné à toute auarice, blasphemāt & maldisant de son predecesseur, cherchāt par voyes sinistres & maūuaises, que ses liures feussent abrogues, brullez & deffenduz, en l'improperant que par vaine gloire aux aulmosnes données aux pauures, il auoit dissipé & consommé les tresors de l'Eglise. A raison dequoy Dieu luy abregea ses iours & mourut apres qu'il eut tenu le siege, vn an cinq moys.

**Bonifacius** troisieme du nom natif de Romme fut esleu Pape, l'an six cēs & six, hōme tresvertueux, & digne de telle dignité. De son tēps fut controuerfie entre l'Eglise Constantinopolitane qui se vouloit preferer à celle de Rome, par ce que le siege Imperial se tenoit à Cōstantinoble. Au contraire fut determiné en plain concille, auctorisé de l'Empereur Phocas, que l'Eglise Romaine deuoit raisonnablement estre appellée chef des autres, comme ayant origine & successiō de faint Pierre premier, & chef des Apostres: Toutefois il mourut apres qu'il eut tenu le siege neuf moys, combien que aucuns ont escript vn an cinq moys.

*Bonifacius. ii. du nom, Pape. lxxviii.*

**Bonifacius** quatrieme du nom, natif du pays de Marse, fut esleu Pape l'an six cēs six, autres escriuent six cēs & neuf. Il impetra de l'Empereur Phocas, vn ancien temple à Rome, iadis ediffié par Marcus Agrippa, en l'honneur de tous les dieux gentils, nommé Pantheon, lequel ledict Pape dedia & consacra en l'hōneur de la vierge Marie, & de tous les saintz Martirs, depuis appellé Virgo ad martires, & de present est appellé sainte Marie Rotūde. Il mourut apres auoir tenu le siege six ans huit moys.

*Boniface. iiii. du nom, Pape. lxxx.*

# Le ij. liure des antiquitez de la gaule belgicque,

Des empereurs qui ont regné durant ledict  
Euesque Caraimerus.

*Phocas. lx. Em-  
pereur.*



**M**AURICIVS duquel nous auons escript en la vie de l'Euesque precedent, regna enuiron huit ans, durant nostre Euesque Caraimerus, car il mourut l'an six cens & troys.

**Phocas** extraict de infime lieu, en sa ieunesse suiuit l'art militaire, & de petit fut esleué grant, & crée Empereur par les gens d'armes, enuiron l'an six cens & quatre, qui tuerent Mauricius son predecesseur, miserablement. Cestuy donna bonne opinion de luy, en son commencement, tellement que saint Gregoire Pape, luy escriuoit en congratulant de sa promotion, l'enthortant qu'il eust en continuelle memoire, que les roys gentils dominant sur les hommes serviles, mais les Empereurs Romains dominant sur les hommes nobles & libres. Il donna le temple de Pantheon à Boniface quatrieme Pape de ce nom, pour estre dedié en l'honneur de la vierge Marie, & tous les saintz: Toutefois il vesquit lubricquement & feir plusieurs maulx & tyrannies, ce qui fut cause que de son temps Cosroé roy des Perles, entreprint sur l'Empire, & print la cité de Hierusalem & la vraye Croix, estat au temple: Dont aduint qu'il fut hay & contépné de tous, & qu'on enuoya vers Heraclius, patrice & gouverneur de l'Affricque, pour l'expulser de l'Empire: Ce qu'il feir, & fut tué, & son corps brullé par le populaire, pres la montaigne de Thaurus, apres qu'il eut regné huit ans, enuiron l'an six cens & douze.

Des roys de France, qui ont regné du temps  
dudict Caraimerus vniésme  
Euesque de Verdun.

*Clotaire. ii. du no  
dixieme roy &  
monarche de Fra  
nce.*



**C**LOTAIRE, deuxieme de ce nom, filz de Chilperic & de Fredegonde, fut roy de France, en l'an cinq cens quatre vingtz & sept. Il n'auoit que quatre moys quant il veint à la couronne, apres la mort de son pere, & demoura soub le gouuernement de sa dicte mere Fredegonde, combien qu'elle appella Gontran roy d'Orleans pour auoir le gouuernement de son dict filz, & pour le deffendre contre Childebert, son cousin roy d'Austrasie, qui pretendoit auoir ledict gouuernement, & faire mourir cruellemét icelle Fredegonde, laquelle auoit fait meurtrir son mary Chilperic, & le pere dudict Childebert, toutefois elle se deffendit vertueusement, portant ledict Clotaire son filz entre ses bras, en la bataille, pour donner courage à ses gens. De sorte qu'elle obtint victoire, & desconfit ledict Childebert, qui fut contrainct se retirer en son pays.

¶ Apres la mort dudict Childebert, qui fut en l'an six cens, ladicte Fredegonde, au no de son filz, feir guerre contre les deux filz de Childebert, qui estoient encores ieunes enfans, dont l'un s'appelloit Theodebert, qui estoit roy d'Austrasie, & l'autre roy d'Orleans, & de Bourgogne: Et feir grande occision de gens, & gasta merueilleusement les pays desdictz ieunes enfans. Toutefois elle mourut tost apres, & fut inhumée en l'Eglise saint Germain des prez, pres de son mary Chilperic. Combié qu'elle feust femme paillarde, cruelle, meurtriere, laquelle auoit fait mourir innumerables gens, tant de noblesse que de l'Eglise.

¶ Apres la mort dicelle, les deux filz de Childebert de Metz, par le conseil de Brunehilde esleuerent grosse armée contre Clotaire, & eurent plusieurs batailles, entre les-

*Clotaire, vōtre ses  
deux cousins roys  
d'Austrasie &  
d'Orleans.*

# depuis Pharamond iusques à Charlemagne. F .xcii.

lesquelles en y eut vne, au diocèse de Sens, pres vne riuiere appellée Aysne, ou y eut si grande occisiõ de gens d'un costé & d'autre, que la multitude des corps mortz, empeschoit le cours de ladiète riuiere, & fut le nombre de trente mil hommes, & furent prisonniers Meronée filz dudièt Clotaire, & Landry maistre de son palais, qui estoit suspicionné d'auoir entretenu sa mere Fredegonde: Et fut contrainct ledièt Clotaire laisser le Camp & fouyr à Paris, & tellement le poursuiuit ledièt Theodoric son cousin, qu'il gaigna grant butin. Depuis feirent appoinctement ensemble merueilleusement dõmageable audièt Clotaire,

*Bataille des roys d'Austrasie, & d'Orleans contre le roy Clotaire, deuxiesme.*

¶ En l'an six cens dixhuièt, lesdiètz deux freres Theodebert & Theodoric, furent tuez & moururent sans hõrs legitimes, de leurs corps, A raison dequoy, ledièt Clotaire leur succeda, & obtint la monarchie de Frâce, & d'Austrasie, combiè que la faulte Brunehilde, viuante encores, feièt tous ses effortz pour empescher ledièt Clotaire en ladiète succession, voulant que les bastards de Theodoric, succedassent ausdiètz royaumes d'Austrasie, & Bourgongne, qui estoiet trois en nombre, Sigisbert laisné, Carlon & Meronée, & eurent plusieurs batailles, les vngz cõtre les autres, à raison de ladiète querelle. Finalement ledièt Clotaire fut victorieux, & ladiète Brunehilde, prinse avec la seur dudièt Theodoric appellée Endeline, le second nommé Carlon, fut decapité, & le troisieme appellé Meronée, fut gardé en prison pource qu'il estoit filol dudièt Clotaire.

*Clotaire deuxiesme monarche, fut Roy d'Austrasie xiiii. ans.*

¶ Et ce faièt ledièt Clotaire, fait cruellement mourir ladiète Brunehilde, car elle fut liée à la queue d'un cheual, trainée & desmembrée, en la presence de toute l'armée, & nõ san cause. Car outre tous les maulx & cruaultez qu'elle auoit faièt, fut trouuée coupable de la mort de dix roys, combien qu'elle auoit fõdé de son temps, plusieurs colleges & Abbayes, entre lesquelz sont encores sainct Vincèt de Lyon & vne autre à Authun, en l'honneur de sainct Martin, ou elle fut inhumée. Depuis ledièt Clotaire eut plusieurs querelles avec son filz Dagobert, auquel il bailla le royaume d'Austrasie, des son viuant, enuiron l'an six cens vingt sept. Et depuis en sa vieillesse, l'alla secourir en vne bataille qu'il auoit cõtre les Saxons, ou il tua de sa main leur capitaine Berthouald, qui en se mocquant de luy, l'appelloit vieille iument chaulue: & depuis meit tout le pays des Saxons, en feu & en sang, tuant tous les masles, plus haultz que son espée.

*Cruelle mort de Brunehilde, coul pable de la mort de dix roys.*

*Dagobert roy, ou gouverneur d'Austrasie viuant son pere.*

¶ Cestuy Clotaire mourut depuis en l'an six cens trente & vn, resplendissant en tous honours & vertus. Il laissa deux filz, à sçauoir laisné, le deussidict Dagobert, qu'il auoit eu de sa premiere femme Bertrade, lequel il ordonna regner en France, & qu'il cust à laisser le royaume d'Austrasie (qu'il gouuernoit durant sa vie) à son frere Haybert. Si ordõna pour les gouuerneurs dudièt Dagobert, Arnulphus, & Pepin l'anciè: Audièt Haybert, son plus ieune filz, qu'il auoit eu de sa seconde femme Sichilde, fille de Brunulphus comte de Templatence & de Clotilde seur de sainte Aye, princesse d'Ardenne, & de Haynau, ordonna qu'il eut pour son partage le royaume d'Austrasie, auquel il bailla pour gouuernement, deux autres princes, à sçauoir Brunulphus, comte d'Ardenne, & Haynau, & vn autre appellé Godelaud: Toutefois apres sa mort, Dagobert ne teint ce partage, & chassa son frere d'Austrasie, comme nous dirons cy apres. Ledièt Clotaire, fut inhumé à saint Germain des prez à Paris, apres qu'il eut regné quarante quatre ans, qui fut l'an six cens trente deux.

*La mort de Clotaire second, & le partage de sa succession.*

## ¶ Des Roys d'austrasie regnans durant ledièt Euesque Caraimerus,



THEODEBERT, filz de Childebert roy de Metz, Orleans, Bourgongne & Prouence, apres la mort de sondièt pere, l'an six cens, diuisa & partit le royaume avec son frere Theodoric, & eut ledièt Theodebert pour sa part, ledièt royaume d'Austrasie, duquel le principal siege estoit à Metz: Et s'estendoit icelluy royaume, par tout les pays de Cham-

*Theodebert . viii. roy d'Austrasie*

# Le ij. liure des antiquitez de la gaule belgicque,

Champagne, Lorraine, & bien auant en Almagne: Et pour ce qu'il estoit encores ieune quant il vint à regner, il demoura soubz la tutele de Brunehilde sa mere grãd, laquelle faisoit iournellement innumerables maulx, nouuelles impositiõs, trahisons, homicides & autres tyrannies, entre lesquelz fait occir vn grant prince nomme Gemortius, & deux ducz, Ratinus & Gillo. A raison dequoy, voyãt lediẽt Theodebert l'insolence, malice, & grant cruaulté d'icelle, la fait, par le conseil de ses princes, deicẽter & bannir hors de son royaume: Laquelle bien estonnée & habandonnée se retira vers Theodorice roy d'Orleans, frere dudiẽt Theodebert, qui la receut dont mal luy print, comme il sera diẽt cy apres.

*Brunehilde expulsée d'Austrasie, se retira au royaume d'Orleans.*

*Clotaire victorieux contre les deux freres.*

¶ Au commencement de ses deux freres, Clotaire roy de Paris, par l'exhortation de Fredegonde sa mere, fait guerre contre eulx, & leur fait de merueilleux dommages, & s'en retourna à Paris victorieux vers sa mere, laquelle bien tost apres mourut.

¶ Apres la mort de laquelle, les deux freres s'assemblerent, enuiron l'an six cens cinq, & assaillirẽt leur cousin Clotaire, & eurent vne grosse bataille pres de Sens, en laquelle ilz furent victorieux, comme auons diẽt cy dessus, parlant dudiẽt Clotaire, de sorte que par appointement faisant, eurent lesdiẽtz deux freres grande portion des terres & seigneuries dudiẽt Clotaire, à sçauoir le pays qui est entre Seine & Loire, & le pais qui est entre le fleuue de l'Isaire, & la mer.

*Les deux freres victorieux contre Clotaire,*

¶ Enuiron lediẽt temps, lesdiẽtz deux freres, assemblerent grande armée contre les Gascons rebellans, & les subiuguerent, en metãt vn gouuerneur soubz eulx nomme Gemauld: Et depuis pour les discordz estãs en Lombardie entre Agilulphe roy des Lombardz, & Adolardus son filz, y enuoyerent armée: Mais bien tost apres furent accordez, & print lediẽt Agilulphe la fille dudiẽt Theodebert, en mariage: Et par ce moyen fut tractée paix entre les François & Lombardz.

*Theodebert tua sa femme Velchide.*

¶ Quelque temps apres, Theodebert tua sa propre femme, nommée Velchide, que sa mere Brunehilde, auoit acheptée iadis aux marchans, pour sa beauté, & espousa vne autre nommée Chentilde, de laquelle il eut vn filz nomme Aubert, qui ne vesquit gueres: Toutefois on liẽt, qu'il eut sept Bastardz, de diuerses concubines.

*Brunehilde machina la mort de son filz Theodebert.*

¶ Or ladiẽte Brunehilde, ayant tousiours souuenance de l'iniure, que lediẽt Theodebert son filz luy auoit fait, delibera se venger, & appella vn gẽtil homme Romain nomme Prothadius, lequel on disoit estre son paillard, fugitif de la court Theodebert, estãt chargé de l'homicide du noble & loyal Cheualier Berthault, Maire du Palays dudiẽt Theodebert, qui s'estoit retiré à la court du roy Theodorice, & eut telle familiarité & cognoissance à Brunehilde, qu'ilz machinerẽt ensemble, faire mourir Theodebert: Et pour ce faire persuaderent au roy Theodorice, qu'il debuoit prendre guerre contre Theodebert son frere, luy donnant à entẽdre, qu'il auoit prins & desrobé tous les tresors de leur feu pere Childebert. Et oultre disoit ladiẽte Brunehilde, que lediẽt Theodebert n'estoit point legitime, mais bastard, engẽdré d'une concubine, laquelle l'auoit conceu d'un prestre, & non de son pere Childebert. Dequoy esmeu lediẽt Theodorice, ainsi qu'auparauant il auoit fait quelque appointement avec sondiẽt frere, par force & maũgré luy, en luy donnant partie de ses terres & pays, fut incontinent suborné, & deliberé mener guerre à son frere. Il s'allya à Clotaire son cousin, luy promettãt rẽdre toutes les terres qu'il tenoit de luy, s'il obtenoit victoire. A quoy facilement consentit lediẽt Clotaire: Par quoy assemblerent grande armée, & vint iceluy Theodorice, par Langres, & descendit cõme diẽt Gaguin, par Verdũ, laquelle cité, il diẽt, qu'on ediffioit pour lors. Ce qui ne peult estre vray, s'il n'entend de Verdũ, qui est en Bourgõgne, laquelle chose seroit plus vraye semblable: Et de la à Toul, aupres de laquelle cité, eurent grosse bataille, en laquelle moururent plus de trente mil hommes, comme diẽt Hieronimus Gebvilerus en son histoire: Et diẽt d'auantage que lors on ediffioit ladiẽte cité de Toul, ce qui ne se doit entendre de la premiere fondation: Car elle est trop plus ancienne: Mais pource que enuiron lediẽt temps, elle fut toute destruite, bruslée & r'ediffiée par l'Euesque du lieu, nomme Godo, qui lors viuoit.

*Alliance de Theodorice & Clotaire contre Theodebert roy d'Austrasie.*

¶ Finalement Theodorice, fut victorieux, & Theodebert desconfit & mis en fuite, &

# depuis Pharamond iusques à Charlemagne. F. xciii.

& veint iusques à Metz, & de la à Colongne, ou estoient ses thresors, sa fille avec ses enfans, qu'aucuns dient bastardz. L'edict Theodoric le pourfuyuit tellement qu'il assiegea ladicte cité, mādant à ceulx de dedās que s'ilz vouloient auoir paix, faillloit luy enuoyer sondict frere, ou sa teste. Si allerēt ceulx de ladicte cité audict Theodebert, & luy feirent remonstrance que son frere ne demādoit que ses thresors, & par ce luy prioient, donner argent, à fin de le faire retourner. Car il gastoit tout le pays. A lors Theodebert, voulant satisfaire à sondict frere, & aux habitās, alla à ses coffres & thresors, pour aduiser d'enuoier quelque somme, pour contenter sondict frere: Et regardant en vn coffre, vn des citoyens le tua, & en apporta la teste, qu'il iecta hors de la cité, par dessus les murs. Et incontinent entra ledict Theodoric dedans la cité, & fut en faisine d'icelle, & consequemment de tout le royaume d'Austrasie, & fut iecté la, le miserable corps dudit Theodebert, apres qu'il eut regné dix sept ans, & laissa vne belle fille legitime, & troys filz. Aucuns historiens ont escript, que lesdictz troys filz estoient bastardz: Toutefois ie les croy legitimes, suiuant l'Abbé Tritemius, & Hieronymus Gebvilerus, qui escriuent que le plus aîné desdictz troys filz, nommé Sigibert, ou Sigubert, eschappa, & ne fut prins à Colongne, & se retira en Franconie, du quel meçtrons vn chappitre particulier, apres auoir escript de Theodoric, qui succeda au royaume d'Austrasie. Car les deux autres filz dudit Theodebert, Gontran, & Lothaire, furent menez prisonniers à Metz, & tuez par l'ordonnance de la faulse Brunehilde: la fille fut reserüee, pour sa grande beauté, de laquelle ledict Theodoric fut amoureux, comme dirons cy apres.

*Victoire de Theodoric, cōtre Theodebert, son frere.*

*Theodebert tué en trahison.*

*Sigubert filz de Theodebert, dont son descenduz les Princes d'Austrasie.*

**Theodoric** le plus ieune, filz de Childebert, roy d'Austrasie & frere du desdict Theodebert, eut pour sa portion patrimoniale, apres la mort de son pere, en l'an six cens, ce que Gontran tenoit au parauāt, à sçauoir Orleās, Bourgongne, Daulphinē, & Prouēce: Et apres les partages se retira en sondict pays, ou il receut Brunehilde sa grand mere, que sondict frere auoit expulsé: L'edict Theodoric feit plusieurs faitz d'armes, & assembla de grosses armées, avec sondict frere Theodebert, tant contre son cousin Clotaire, qu'en Gascongne, & Lombardie, comme a esté dict, cy dessus, parlant de sondict frere Theodebert. Il se gouernoit la plus part, par le conseil de ladicte Brunehilde, dont mal luy en print.

*Theodoric roy d'Orleāns, & de puis, viii. roy d'Austrasie.*

¶ En l'an six cens & vnze, apres qu'il eut prins en mariage Hermemberge, fille de Bertrich, roy des Espagnes, il la renuoya à son pere: dont il en eut sa mallegrace: Cōsequemment plusieurs grans dōmages. Car pour vengeance dudit fait, conspirerēt cōtre luy, & leuerēt grosse armée, ledict Bertrich, Clotaire, & son propre frere Theodebert. A raison dequoy, feit aucuns appointemens dommageables par le cōseil de ladicte Brunehilde.

*Theodoric repudia sa femme Hermemberge.*

¶ Il enuoya en exil saint Colombain, qui estoit de ses principaulx conseillers, pour ce qu'il le reprenoit & arguoit, de ce qu'il auoit laissé sa propre femme, pour entretenir ses paillardises & concubinages.

*Saint Colombain enuoyé en exil.*

¶ Aussi à la fin print guerre contrē son propre frere Theodebert, & le pourfuyuit à Colongne, iusques à la mort (comme a esté dict cy dessus.) Apres la mort duquel il se feit roy d'Austrasie, entreprint & vsurpa les autres pays & terres, que tenoit sondict frere. Il print aussi de dans Colongne, tous les enfans dudit Theodebert, qu'il feit mener à Metz, & tuer les filz, par le conseil de Brunehilde, excepté l'aîné, Sigibert, qui eschappa, duquel nous escrirons particulièrement au chappitre subseqüent.

*Theodoric vsurpa Austrasie.*

¶ Or y auoit vne fille de singuliere beauté, qui fut reserüee: Et aduint que tost apres ledict Theodoric, en fut tellement amoureux, qu'il la voulut prendre à femme, par mariage: mais ladicte Brunehilde l'empescha, luy disant estre illicite & sacrilege, de prendre à femme sa propre niepce: Dequoy Theodoric courrocé, luy dict, O faulx & desloyalle femme, ne ma tu pas persuadé, que Theodebert n'estoit pas mon frere, & par tant l'ay persecuté, & suis homicide de mon propre frere: Et en ce disant tira son espée, & voulut tuer ladicte Brunehilde: mais elle eschappa par l'ayde de ceulx, qui estoient presens. Et deslors pensa Brunehilde se venger

*Theodoric irrité contre Brunehilde.*

# Le.ii.liure des antiquitez de la gaule belgicque,

*Theodoric empoi  
sonné par Brunil-  
childe.*

& le faire mourir. Ce qu'elle fit par poison, & par ce moyen mourut ledict Theodoric, enuiron vn an apres sondict frere, laissant aucuns Bastardz, que ladicte Brunilchilde pensa faire regner: mais ilz furent tous mortz, & vaincuz par Clotaire, roy de Paris, qui veint à succeder à tous les royaumes dudiect Theodoric, apres qu'il eut regné dixhuiet ans.

## CHAPITRE PARTICVLIER DE

Sigisbert, ou Sigubert, filz de Theodebert, duquel  
est descendu, par longue posterité,

(l'Empereur Charles cinq-  
ieme du nô, à pre-  
sent regnat)

*Sigisbert, ou Sign-  
bert premier Prin-  
ce d'Almagne.*



**N**OUS AVONS ESCRIP T, aux deux chapitres prece-  
dens, commēt Theodebert, roy d'Austrasie fut tué par son frere Theo-  
doric, qui succeda au royaume d'Austrasie, & feit tuer à Metz tous les  
enfans masles dudiect Theodebert, qui estoiet troys, à sçauoir Sigisbert,  
Gontran, & Lothaire, qui estoient bastardz de sa concubine: Toute-  
foys Ioānes Tritemus, Hieronymus Gebvverus, & plusieurs autres historiēns Ger-  
mains, escriuent qu'ilz estoient legitimes, & que lainsé d'iceulx Sigisbert aliās Sigu-  
bertus, s'enfuyt, & eschappa, & se retira en Almagne, ou il fut dixhuiet ans, avec ses  
deux oncles, Godefroy, & Genebauld, Ducz de Franconie, & demoura illec, tāt que  
son oncle Theodoric fut mort, enuiron l'an six cens dixhuiet. Auquel succeda Clotai-  
re deuxieme, qui fut Monarche & entreprint le royaume d'Austrasie, & depuis son  
filz Dagobert. Durāt le tēps desquelz, accord fut fait, avec ledict Sigisbert, ou Sigu-  
bert, en l'an six cēs vingt cinq, qu'il renōceroit pour luy & sa posterité, à tous droitz  
de regalité d'Austrasie, & qu'il se contenteroit de tiltre, de premier Duc des Allema-  
gnes, sur les villes de Chur, Laufan, Sedun, Constance, Basle, & le peuple circonuois-  
sin, Svices, & Raurices, &c. Or cestuy Sigisbert, ou Sigubert, engendra vn filz, nō-  
mé Otbert, ou selon aucuns Theodebert, qui fut Duc d'Almagne, & se nomma pre-  
mier Comte, d'vn vieil chasteau, qu'on diēt en latin Auendun, que les Almains inter-  
pretent Auensburg, & depuis le nommerent Habsburg, situé es montaignes Vosagic-  
ques, assez pres de la riuere de Moselle, & des baingz de Plumiers, es limites de la  
Bourgongne, & de Lorraine, ou iadis se tenoit sainct Romaric, disciple de sainct Co-  
lumbain, & alors se nommoient Princes d'Almagne, & heritiers de France Orienta-  
le, iusques au temps de Rapoton, qui ediffia le chasteau de Habsburg, en Ergau, & se  
tenoit la pluspart du temps à Brisagau, & Elisate. Or ledict Otbert engendra Bebo,  
Comte de Habsburg, qui engendra Robert, qui engendra Amprin, aliās Raimpert,  
qui engendra Gontran, qui engendra Luthard, qui engendra Betzo, qui engendra  
Rapoto, qui engendra Vyatengier, qui engendra Othon, qui engendra Veruher, qui  
engendra Albert, surnommé le riche, qui furent tous Comtes de Habsburg: Et ledict  
Albert le riche engendra Albert deuxieme du nom, qui fut comte de Habsburg, &  
Lantgraue Delsate: Et de cestuy les historiēns ont esté en diuersité, disans aucuns qu'il  
estoit descendu de la maison de Pierre Lyon, les succeffeurs duquel aucuns appeli-  
lent Perleones, gouuerneurs iadis de Rome, soubz plusieurs Papes: mais cela n'est ve-  
rité, cōme claiement l'ont monstré les modernes historiēns de la Germanie. Cestuy Al-  
bert engendra Rodolphe, Côte d'Abspurg, Lantgraue Delsate, & depuis roy des Ro-  
mains, qui engendra Albert, surnomé le victorieux Côte d'Abspurg, premier Duc d'Au-  
striche, en la maison de ceulx d'Abspurg, par la donatiō q̄ luy feit son pere Rodolphe  
estāt roy des Romains: Et cestuy Albert engendra vn aultre Albert, surnomé le sage,  
qui fut.ij. Duc d'Austriche, en ladicte maisō, qui eut plusieurs enfās. Entre lesq̄lz Leo-  
pold, qui fut Duc d'Austriche, & Côte d'Abspurg, surnomé le preux, qui eut plusieurs  
enfans

*Genealogie de  
l'Empereur Char-  
les. v. à present re-  
gnant.*



# depuis Pharamond iusques à Charlemagne. F. xciiii.

enfants filz & filles, entre lesqz Ernestus, surnomé Ferreus, succeda aps la mort de son frere, & de Dottes son nepueu, es Duchez d'Austriche, & de Stier, de Carinthe Côte de Tirol, & de Habsburg, & eut plusieurs enfans, entre lesquelz Frederic, surnomé le pacifique, succeda aux dessusdictes seigneuries, & fut Empereur des Romains, & engendra Maximilian, qui succeda à toutes lesdictes seigneuries, & fut aussi Empereur, & de par sa femme, eut Bourgogne, & le pays bas, & laissa son filz Philippe, son heritier, qui fut de par sa femme roy de Castille, qui engendra l'Empereur Charles cinquieme du nom, à present regnant.

## DES DUCZ DE TONGRE, ET Brabant, qui ont regné durant ledict Euesque Caraimerus.

CARLOMAN, filz de Charles Habain (duquel nous auons escript, en la vie de l'Euesque precedent) regna durant ledict Euesque Caraimerus, & dauantage. Car il mourut en l'an six cens dix neuf.

## DES SVCCESSEURS DE CLODION le Cheuelu, desquelz sont descenduz Charlemagne & les Ducz de Mozelane, regnans durant ledict Euesque Caraimerus.

**A**RNOVL, filz de Buggisus, alias Arnoaldus, succeda à son pere, es seigneuries d'Acquitaine, & au Marquisat, situé en la Gaule Belgic que, sur Lescault, & aux seigneuries de Mozelane situées au royaume d'Austrasie, enuiron l'an six cens & vn. Or combien que de son ieune aage, eust deliberé viure en religion: toutefois par les suasions & entortemens de ses parens, & des nobles du pays, il espousa vne noble Dame & de sainte vie, nommée Doda. Il fut grant Prince en Austrasie, & fauorisa apres la mort du ieune Theodoric, roy d'Austrasie, à Clotaire deuxieme. En sorte qu'il obtint la Monarchie de France, & feit mourir miserablement ladicte Brunehilde: Et depuis ledict Clotaire teint en grande reuerence ledict Arnoul. Car il le feit Maire de son Palays, & gouverneur de son filz Dagobert: Et si l'esleua en grosses seigneuries, pour ce qu'il estoit de son sang, & son parer: Car sa mere grand, femme de Anselbert estoit fille du roy Clotaire premier.

Or apres qu'il eut longuement gouverné en Austrasie, & en France, il renonça aux voluptez du monde, & du consentement de sa femme, entra en vn hermitage, ou il mena austere & sainte vie: Toutefois estant illec fut contrainct, accepter par election l'Euesché de Metz, ou il exerça & demonstra plusieurs oeures miraculeuses, comme on peut veoir, par les catalogues de l'eglise de Metz. Finalement il retourna en son hermitage, enuiron l'an six cens vingt neuf, resignant son Euesché à vn sien parent, nommé Goery, qui auoit esté Prince & Viceroy en Acquitaine. Et depuis ledict Arnoul mourut audict hermitage, enuiron l'an six cens quarante, avec indice & apparece de grande sainteté. Le corps duquel fut porté & inhumé à Metz, par son dict successeur, du temps de l'Empereur Constantinus tertius. Tellement qu'il regna plus de quarante ans, tât en son gouuernement du Marquisat, qu'en l'administratiõ de son Euesché, ou il fut quinze ans, que audict hermitage, comme on peut cognoistre par les histoires faictes & composées, par Paulus Diaconus, de l'ordonnance de Charlemagne, esquelles sont contenues, tous les faictz & miracles dudit saint Arnoul. Sa bonne femme Doda, fille de Vyberis, Comte de Boulongne, & feur de Saint Vvimer, entra en religion, & fut recluse en la cité de Treues du consecrément

*Saint Arnoul  
Marquis de l'empire,  
Seigneur de Mozelane.*

*Doda femme de  
Saint Arnoul.*

*Saint Arnoul  
Maire du Palays  
soubz Dagobert.*

*Saint Arnoul in  
stitué Euesque de Metz.*

*Saint Goery  
Euesque de Metz.*

*La mort saint  
Arnoul.*

# Le ij. liure des antiquitez de la gaule belgicque,

*Doda femme de  
sainct Arnoul, en  
tra en religion.*

*Les troys filz de  
sainct Arnoul.*

du consentement de son mary, viuant en l'hermitage. Ledict sainct Arnoul, laissa de de ladicte femme Doda, comme escript Jean le Maire troys enfans, à sçauoir Ansigi- sus, ou Anchises, qui luy succeda au Marquisat sur Lescault: Clodolphus, que ledict le Maire appelle Flondolphus, qui fut Comte Palatin, & Duc de Mozelane, & fut maryé, & apres la mort de sa femme fut Euesque de Metz, & le tiers fut nommé Vvalchilus, desquelz nous escriuons en l'Euesque subsequnt, selon l'ordre du temps.

## Des successeurs dudict Clodion, dont sont descenduz les Princes d'Ardenne & Hainau, qui ont regné dudict temps de l'Euesque Caraimerus.



**S**AINCTE VVAULDRUDE, de laquelle nous auons escrit, en l'Euesque precedent, regna en uiron vnze ans, durant l'Euesque Caraimerus.

*Saincte Aye, Da-  
me d'Ardenne &  
Haynau.*

**Aye** fille de Brunulphus, frere de Vvaubert quatrieme, & cousine de ladicte saincte Vvauldrude, succeda en toutes les seigneuries de sa feue cousine saincte Vvauldrude, par donatiō qu'elle luy feit

par ce que tous ses enfans renoncèrent au monde, & suyuirent l'estat de l'eglise, comme auons dict cy dessus: Et par tant Aye fut Dame d'Ardenne, Hainau, & autres terres & seigneuries, qui furent dictes depuis la basse Lorraine, enuiron l'an six cens six. Elle fut maryée à vn noble homme du pays, nommé Ludulphus, ou selon aucuns Hidulphus, qui estoit seigneur de la cité de Ablaton: Et vesquirent ensemble noblement & chastement, possedans grans terres & seigneuries, descēdues de Vvaubert. ij. par Brunulphus, filz de son filz Brunulphus. Car apres la mort d'iceluy, elle augmenta grandement le monastere de Montz en Haynau, que sa cousine Vvauldrude, auoit fondé, & y bailla les villes & seigneuries de Nymy, Brayme la Vvihotte à present dicte Brayme le côte: Si entra en religion, & vesquit si sainctement, qu'elle est reputée saincte en paradis: Et mourut enuiron l'an six cens dixhuiet. Et à la fin pour ce qu'ilz auoient vescu chastement, & n'auoient aucuns enfans, comme escriuent les histoires de Lobes, & Maistre Jacques de Guyse, qu'on trouue à Valenciennes escriptes de sa main, ilz adopterent pour leur filz & heritier Brunulphus, filz de Clotilde, seur de ladicte saincte Aye, laquelle saincte Aye, par ce que dict est dessus, vesquit plus que son mary.

*Ludulphus mary  
de saincte Aye.*

*La mort de sain-  
cte Aye.*

*Clotilde seur de  
saincte Aye &  
mere de Brunul-  
phus adopté par  
ladicte Aye.*

**Clotilde** fille du dessusdict Brunulphus, & seur de saincte Aye, fut maryée (comme dict maistre Jacques de Guyse en sa cronicque) au filz de Arnoaldus, nommé Sigilphus, ou selon aucuns Brunulphus, qui fut frere de sainct Arnoul, & eut pour partage cestuy Sigilphus, la comté de Templance: Et engendra en ladicte Clotilde, entre autres enfans vn filz nommé Brunulphus, & deux filles, Sigilde & Gometrude, desquelz nous escriuons cy apres, suyuant l'ordre du temps.

depuis Pharamond iusques à Charlemagne. F. xc.

DE LA VIE DE HER-  
menfredus, douzieme Euesque  
de Verdun.



HERMENFREDVS, fut douzieme Euef- que de Verdū, l'an de grace six cēs & neuf, natif aux extremités de la Gaule Belgicque, en vn chasteau pres Strabourg, extraict de noblesse, & ancienne lignée. Les parens duquel estoient des principaulx gouuer- neurs des roys d'Austrasie, qui le firent instruire en sa ieunesse en bonnes meurs, l'entretenant aux eschol- les, comme la coustume estoit, pour lors entre les no- bles du pays: Et depuis suyuit la court du roy Childe bert, qui souuent faisoit sa residence en ladicte cité de Strabourg, & en faueur de ses parés, veint à estre des

familiers & domestiques seruiteurs de Theodoric, filz de Childebert, qui estoit ieu- ne enfant, avec son frere Theodebert, soubz la tutelle de leur mere grand Brunichil- de. Et depuis parueni en aage d'homme, suyuit les armes & milita soubz eulx: com- bien que de sa nature il fut begnin & gracieux, seruant & ayment Dieu, plus dispo- sé à ce, qu'aux armes.

¶ Or apres la mort de Childebert, & que son royaume fut diuisé entre ses deux filz, dont Austrasie veint à Theodebert, & la Bourgongne à Theodoric, chascun d'eux se retira en son royaume. Lediēt Hermenfredus, suyuit la court de Theodoric, & s'en alla en la Bourgongne, avec luy, ou il fut quelque temps militant, & luyuant les guer- res. Si aduint enuiron l'an six cēs & cinq, que lediēt Theodoric, par l'induction de Brunichilde, entreprit guerre, & leua grosse armée, contre Clotaire deuxieme, son cousin, roy de Soissons, & de Paris: Et avec grand multitude de gens, entra dedans les pays, iusques à Sens, ou il trouua lediēt Clotaire, équipé pour resister. Si sortirent en bataille, & combattirent si obstinement, qu'il y eut si grande occision, sur la riuiere, nommée Aisne, que le cours d'icelle fut empesché des corps morts: tellement qu'il y mourut plus de trente mil hommes, de costé & d'autre. Et diēt Sigebert en son histo- re, que durant la Bataille, fut veu par plusieurs Cheualiers, vn Angé en laer, tenant vn glaiue sainguiolent en sa main. Entre lesquelz, lediēt Hermenfredus, estant des plus prochains du roy Theodoric, eut la vision. De laquelle il fut si estonné & esba- hy, que destors delibera en soy n'entrer iamais en bataille: mais prendre estat de ser- uir Dieu: toutefoys la fin fut telle, que Clotaire, voyant telle desconfiture, se meict en fuite, & se retira à Paris: & Theodoric demeura, gastant & brullant tout le pays, & puis retourna en son royaume, avec grant fourrage & butin.

¶ Or quelque temps apres, vn sainēt & sçauant homme, nommé Columbanus, veint de Hibernie (lieu de natiuité) en la Gaule. Qui pour le bruit de sa saincteté, & prononçoit les choses futures, fut tiré & appellé à la court dudiēt roy Theodoric, & institué entre les principaulx de son conseil, viuant religieusement, corrigeant les vi- ces, dōnant bōne exēplarité par austerité de vie. Avec lequel Hermenfredus print grā- de amytié & familiarité, cōferāt tous ses secretz, & vsant de son cōseil en tous ses affai- res. Durāt cediēt tēps, lediēt Colūbain voyāt & cōsiderāt le gouernemēt & estat dū diēt Theodoric, en toutes voluptez & paillardises, & semblablemēt de la faulse Bru- nichilde, cōtinuellemēt exercāt meurtres & tyrannies, avec oppressiōs de la noblesse

*Hermenfredus xii.  
Euesque de Ver-  
dun.*

*Hermenfredus  
nourry en la court  
des roys d'Austra-  
sie.*

*Vision de Hermē-  
fredus, durant la  
bataille.*

*Sainēt Colūbain  
venant d'Hiber-  
nie en France, fut  
conseillier du roy  
Theodoric.*

& du

# Le ij. liure des antiquitez de la gaule belgicque,

*Le Monastere de Lexeu, fondé par saint Columbain*

*Hermenfredus religieux à Lexeu.*

*Hermenfredus esleu Euesque de Verdun.*

*Saint Columbain deiection de la court du roy Theodoric*

*Prophetie de .S. Columbain à Brunichilde.*

*Perpetuel bannissement de saint Columbain.*

*Saint Columbain à Verdun.*

& du populaire, & que les monitions ne seruoient de riens, commença à se retirer de la continuelle frequentation de la court, & feit fonder vn beau monastere, en la ville de Lexeu en Bourgongne, & y meit religieux en tresgrant nombre, seruans à Dieu deuotement, avec lesquelz il viuoit saintement, pour la pluspart du temps, en frequentant & suyuant aucunesfoys la court dudiect Theodoric, pour reprendre, & redarguer les choses mal faictes. Et puis retournoit audiect monastere, lequel Hermenfredus souuent suyuoit, pour visiter lesdictz religieux, considerant leur sainte maniere de viure: tellement que tost apres, delibera totalement de laisser les Pompes du monde, & prendre l'habit de religion, audiect monastere. Ce qu'il feit, viuant en grande obeissance, soubz la crainte de Dieu. En sorte que le bruiect de sainteté, fut espan du par toute l'Austrasie, ou il estoit cogneu de tous, par ce qu'il estoit natif de gens nobles, & en icelle auoit vesçu, durant sa ieunesse.

¶ Si aduint enuiron quatre ans apes, en l'an six cens & neuf, que Caraimerus Euesque de Verdun, alla de vie à trespas. A raison dequoy, le clergé & habitans de Verdun, informez des meurs & vertus dudiect Hermenfredus l'esleurent, & nommerent pour leur Euesque, & enuoyerent vers Theodebert, roy d'Austrasie, estant pour lors à Strabourg, dicte Argentine, lequel facilement consentit, à ladicte election: mesme par l'intercession des parens, de Hermenfredus, qui de ce furent ioyeux, pour auoir occasion de le retirer dudiect monastere. Si enuoyerent semblablement vers lediect Hermenfredus, pour prendre & accepter la charge dudiect Euesché. Ce qu'il refusa du commencement: mais par les bonnes remonstrances, que luy feit le saint homme Columbain, & le commandement d'iceluy, soubz l'obeissance de religion, il accepta lediect Euesché, & d'iceluy fut institué & installé Euesque, avec tresgrande ioye de tout le peuple.

¶ De son temps il administra tresvertueusement, combié qu'il suruint plusieurs troubles & facheries: à raison des diuersitez des regnes, guerres, & diuisions, qui furent entre les roys de Gaule, enuiron la fin de sa vie. Lesquelles aduindrent par disposition, ou punition diuine, pour l'eiection & expulsion, du bon saint homme Columbain. Car enuiron ce temps Theodoric roy de Bourgongne, par l'induction & faulx rapport de sa mere Brunichilde, chassa de sa compagnie, sa propre femme Hermemberge, & la renuoya à son pere Bertrich, roy des Espaignes, pour ce qu'il auoit aucuns bastardz de ses concubines, lesquelz il pretendoit faire roys apres luy.

¶ Et pour auoir de ce plus grande occasion, Brunichilde appella le saint homme Columbain, le pria & enhorta, tant par douces parolles, que par menaces, de donner la benediction à deux desdictz Bastardz, & les declairer vrayz heritiers & successeurs du royaume. Ce que Columbain refusa virilement, en arguant & reprenant bien aigrement les vices & tyrannies dudiect Theodoric, & de ladicte Brunichilde, d'auoir ainsi expulsé sa femme legitime, & en son lieu introduict diuerses concubines, contre Dieu & equité, prenonçant & declairant par esprit prophetique, que iamais lesdictz bastardz, ne porteroient courone: mais pour l'enormité de leurs pechez, tous les royaumes de la Gaule, de bref retourneroient soubz vn seul Monarche. De telle response fut fort irritée Brunichilde: Et cōbié que par plusieurs foys, elle eust fait deiecter & expulser lediect Columbain de la court dudiect Theodoric, & puis apres le r'appeller: toutefoys elle delibera lors, pour iamais & sans r'appel, bannir lediect Columbain, desdictz pays: Et obtint mandement expres ad ce, dudiect Roy Theodoric: & soubz grosses peines d'en vuidier, sans y iamais retourner. Ce qu'il feit incontinent, & partit de la Bourgongne, & veint arriuet en Austrasie, pour le commencement, en la cité de Verdun, ou il trouua son bon amy Hermenfredus, qui le receut humainement, & fut illec quelque temps, conferant avec luy, des saintes choses: signanment des miseres & calamitez futures.

¶ Pendant qu'il estoit à Verdun, le roy Theodoric, qui tousiours l'auoit eu en grande reuerence, comença à regretter & auoit desplaisir de son exil & bannissement: Et en diligence enuoya apres luy, sans le sceu de Brunichilde, luy priant retourner: mais le saint homme refusa, & ne voulut obtempérer aux messagers. Si passa oultre, & veint en la

# depuis Pharamond iusques à Charlemagne. F. xci.

en la cité de Metz, ou il trouua sainte Glodefindis aliàs Glosine, laquelle combien qu'elle fust du sang royal, & habondante en grans biens, terres, & seigneuries: toutesfoys elle auoit tout habandonné, prins l'habit & voyle de religion, miraculeusement enuoyé & apporté par vn Ange du ciel. Si la conseilla ledict Columbain, & conferma en son bon propos.

*Saint Colübain à Metz, avec sainte Glosine.*

¶ De la passa oultre en la Germanie, voulant visiter ses deux disciples, Goar, & Gallus, saintz personnages, qu'il auoit institué des leurs ieuneses, en sainte obeissance de religion. Car Goar veint d'Acquaine en esprit diuin, pour viure soubz ledict Columbain, par l'ordonnance duquel depuis se trāsporta en la cité de Treues, aux faulx bourgs de laquelle, il ediffia vn beau monastere de religieux, viuant illec saintemēt avec eulx, en si grande perfection, que de son viuant fait plusieurs oeures miraculeuses. Et si refusa l'Archeuesché de Treues, perseuerant en saintes oeures, iusques à la mort.

*Saint Colübain en la Germanie.*

¶ Gallus semblablement, nourry & instruit dudiect Columbain, ediffia vn monastere, au diocese de Constance, ou il y auoit plus de quatre cēs religieux, lesquelz il gouuernoit, soubz reigle & obeissance de religion: tellement que pour sa grande austerité de vie, & les oeures miraculeuses, qu'il faisoit, de son viuant fut reputé saint.

*Saintz Goart, & Gallus, disciples de. S. Columbain.*

¶ Quant le bon homme saint Columbain, eut ainsi visité, consolé, & confirmé, ses disciples, il partit & s'en alla en Italie, ou il ediffia le monastere de Bobeuf, dedans les mons qui sont entre Pauye & la mer, qu'on diect maintenant le siege de Bobience. Et ne tarda gueres qu'il aduint tout ce qu'il auoit predict & prophetisé. Car l'an suyuant de son partement, qui estoit fix cens dix sept, le roy Theodoric tua son frere, le roy Theodebert, & l'année apres, fix cens dix huit, Theodoric fut tué par poison, baillée par Brunehilde: Et par ce moyen Clotaire deuxième, obtint la monarchie de la Gaule, lequel tost apres, par grans tormens, fait mourir ladicte Brunehilde, comme elle l'auoit bien deserui.

*Monastere de. S. Gallus de quatre cens religieux.*

*Saint Colübain en Italie.*

¶ Or apres que ledict Euesque Hermenfredus, suyuant les reuelations dudiect saint homme Columbain, eut veu toutes les mutatiōs dessusdictes, lesquelles ne furent sans grans emotions de guerres, extorsions, excursions, pilleries, & discordz des nobles & du populaire, signamment au pays d'Austrasie, il alla de vie à trespas, enuiron troys ans apres, en l'an fix cens vingt & vn, & fut son corps inhumé, en son eglise cathedrale de Nostre Dame de Verdun, apres qu'il eut tenu le siege dudiect Verdun douze ans. Et vn an apres, son bon maistre directeur, saint Columbain, rendit son esprit à Dieu.

*Les decez de. S. Colübain, & de l'Euesque Hermenfredus.*

## Des Papes, qui ont tenu le siege, durant ledict Euesque Hermenfredus.



**B**ONIFACIUS quatrieme du nom, duquel nous auons escript en la vie de l'Euesque precedent, teint le siege enuiron troys ans, ou selon les autres, six ans, durant nostredict Euesque Hermenfredus.

**Deus dedit** natif de Rome, fut esleu Pape, en l'an sis cēs & treze: Les autres escriuent en l'an fix cens seze. Et fut homme, bon, vertueux, ayant le clergé, & soubz lequel l'eglise Romaine prospera en biens, & honneurs. Si fut reputé de si grande sainteté, qu'un iour rencōtrant vn ladre, il le baissa, & fut guaruy de sa lepre. De son temps y eut plusieurs terremotz, & si regnoit vne maladie de scabie & rongne, qui sembloit que les gens fussent ladres, laquelle plusieurs estiment semblable à celle qui regne encores de present, que nous appellons la maladie de Naples, aliàs le mal des François, ou la grosse verolle. Si mourut apres qu'il eut tenu le siege enuiron quatre ans.

*Dieu donné. lxx. Pape.*

# Le.ii.liure des antiquitez de la gaule belgicque,

*Boniface. v. du n<sup>o</sup>  
lxxi. Pape.*

**Bonifacius** cinquieme du nom, natif de la Champagne, fut esleu Pape en l'an six cens dix sept: toute fois les autres escriuent l'an six cens vingt trois, par quoy y a grande diuersité entre les historiens, en la supputation. Car selon les premiers, cestuy fut Pape, durant nostredict Euesque Hermenfredus, & selon les secondz, il ne teint le siege, que durant le subsequent Euesque saint Paul: Quoy qu'il en soit, cestuy fut homme de grant sçauoir & doctrine, doulx, benign, & gracieux, digne de la Papauté, laquelle il administra en toute perfection, sans riens obmeestre, & institua vn canon pour l'immunité de l'eglise, à sçauoir qu'il ne fut licite à personne, par force extraire ceulx qui se retireroient en l'eglise.

## ¶ Des Empereurs qui ont regné, durant nostredict Euesque Hermenfredus.

*Heraclius Empe  
reur. xi.*



**H E R A C L I V S**, obtient l'empire, apres qu'il eut tué Phocas, en l'an six cens & douze. Ceste mesme année, il fut couronné par Sextius hereticque & Patriarche de Constantinoble, avec sa femme Eudoxia, qu'il espousa le mesme iour. L'année suyuant il eut vn filz de ladiete femme, nommé Heraclius minor, autrement dict Constantinus. Ceste mesme année mourut Eudoxia. A raison dequoy, incestueusement il print pour seconde femme Martine, sa niepce, fille de sa seur, de laquelle il eut vn filz, nommé Heracleonas. En l'année huietieme de son Empire, il enuoya Embassadeurs en Perse, pour demander paix & appointement à Cosroé, qui auoit entré en Mesopotamie, Palestine, & cité de Hierusalem, destruisant tous les temples des chrestiens, & emporté avec luy le sacré boys, de la vraye croix Iesuchrist: mais Cosroé luy respondit que iamais ne feroit paix s'il ne rençoit à la foy de Iesuchrist. Et la douzieme année de son Empire, mena grosse armée en Perse, ou il eut plusieurs batailles l'espace de six ans. Finalement obtint victoire, & fut Cosroé vaincu, & tué: Tellement qu'il rapporta, avec grande reuerence, teste, & piedz nuz, ladiete vraye croix, au temple de Hierusalem, en rendant graces à Dieu, & dont fut instituée la feste de l'Exaltation sainte croix. Finalement ledict Heraclius apres si belles victoires, cheut en l'heresie des Euticiens, & s'adonna aux ars magicques & superstition de forcerie, & inuocation des Diabes, pour cognoistre les choses futures. Entre lesquelles on luy dict, qu'il debuoit estre vaincu & expulsé de l'empire, par les circonciz. Et cuydant que ce fussent les Iuifz, ordonna par tout qu'il fussent baptizez. Mesme en escriuit à Dagobert, pour les faire baptiser en son royaume de France. Quelque temps apres les Sarrazins, & Agareniens, le veindrent assaillir es parties d'Asie, ou il perdit de ses gens, plus de cent cinquante mil: De la quelle perte il print si grant desplaisir, qu'il cheut en hydropsie: Et mourut, apres qu'il eut regné vingt sept ans: aucuns escriuent trente ans, environ l'an de grace six cens trente neuf.

*Victoire de Hera  
clius, contre Cos  
roé.*

*L'exaltation de  
la sainte croix.*

*La mort de l'Em  
pereur Heraclius.*

## ¶ Des Roys de France, qui ont regné, durant ledict Euesque Hermenfredus.



**C H A R L O T A I R E**, deuxieme du nom, duquel nous auons escript, en l'Euesque precedent, regna en France, & commença estre Monarque, du temps dudict Euesque de Verdun, Hermenfredus, & de son successeur Paul.

¶ Des

# depuis Pharamond iusques à Charlemagne. F. xciii.

## DES ROYS D'AVSTRASIE

qui ont regné du temps dudit

Euesque Hermen-  
fredus.



**THEODERIC**, duquel nous auons escript en l'Euesque precedent, regna en Austracie, du temps de nostredict Euesque Hermenfredus: Car il mourut l'an six cens dix sept.

**Theodoric** roy de Bourgogne, & frere du dessusdict, regna environ vn an, en Austracie, du temps d'iceluy Hermenfredus, scauoir depuis l'an six cens dix sept, iusques à l'an six cens dix huit, duquel auons escript en l'Euesque precedent.

**Clotaire** deuxieme du nom, roy de France, regna en Austracie, quelque temps, durant Hermenfredus, comme on peult veoir, par ce qu'auons dict de luy, en l'Euesque precedent, & fut le neuuiesme roy dudit royaume d'Austracie, qu'il teint iusques à sa mort, qui fut environ treze ans, à scauoir depuis la mort de Theodoric, en l'an six cens dix huit, iusques à l'an six cens treize & vn.

*Clotaire.ii. du no  
neuuieme roy  
d'Austracie.*

## DES DVGZ DE TONGRE

& Brabant, regnans du temps  
dudit Hermen-  
fredus.



**CARLOMAN**, duquel nous auons escript cy dessus, en l'Euesque saint Agty, regna du temps d'Hermenfredus. Car il mourut en l'an six cens dix neuf.

**Pepin l'ancien** surnommé d'aulcuns, Lauden, filz dudit Carloman, regna environ deux ans, du temps dudit Hermenfredus, comme nous escrirons amplement, en la vie de l'Euesque subsequent.

## DES SVCCESSEURS DE CLODION

le Cheuelu, qui ont regné durant ledict  
Euesque Hermenfredus.

**SAINCT ARNOVL**, Euesque de Metz, duquel nous auons escript en la vie de l'Euesque precedent, regna aussi du temps de l'Euesque Hermenfredus.

## DES SVCCESSEURS DV DICT

Clodion, desquelz font descenduz les

Princes d'Ardene, & Haynau,

regnans du temps du-

dict Hermen-

fredus.

**SAINCTE AYE**, de laquelle auons escript, en l'Euesque precedent, vesquit du temps d'Hermenfredus. Car elle mourut en l'an six cens dix huit.

Le.ii.liure des antiquitez de la gaule belgicque,  
 DE LA VIE SAINCT  
 Paul trezieme Euesque  
 de Verdun.



*Sainct Paul. xiii.  
 Euesque le Verdū*

*Situation de la ci-  
 té Augustudune  
 es mons Cymeniēs*



*Les pere, mere, &  
 freres, & seurs de  
 S. Paul Euesque  
 de Verdun.*

*Germain Eues-  
 que de Paris frere  
 de S. Paul, selon  
 aucuns.*

*Apparēce que S.  
 Paul ne fut frere  
 de S. Germain.*

**P**AUL, fut esleu Euesque de Verdun, l'an six cens vingt & yn, natif des parties inferieures de la Gaule, au territoire d'vne cité, nommée iadis Augustudune, laquelle comme escript Volaterranus, estoit située & assise, entre les montaignes Cymeniennes, assez pres des Heduoys, que nous disons ceulx d'Authun, amys & confederez des Romains: Et ne sont lesdictes montaignes Cymeniennes, fort distantes des Alpes: mais contigues, prenans leur traicte, entre Septentrion & Occident: Desquelles plusieurs fleuves prennent origine & naissance, & vont cheoir & tomber en la mer Mediterrane. Sō pere fut appellé Eleutherius, & sa mere Eusebia, nobles & extraictz de noblesse, riches, & puissans, entre ceulx du pays, viuans soubz l'amour & crainte de Dieu, lesquelz selon les anciennes histoires, eurent sept enfans, filz & filles, qui tous renoncerent au monde, & suyirent l'estat de religion. Finalement moururent tous reputez sainctz en paradis: Entre lesquelz fut sainct Germain, Euesque de Paris, lequel les cathalogues, & legendes des eglises de Verdun, dient estre frere dudiēt Paul. Ce que conferme l'histoire des Archeuesques de Treues, parlāt de Magnericus, cinquantieme Archeuesque d'icelle cité, vsant de ces termes.

*Cuius Episcopatus tempore, multi in parochia Treuerensi sanctissimi viri claruerunt, Paulus sa-  
 per montem Gebennam, germanus sancti Germani Parisien. & puis s'ensuit, Per idem tem-  
 pus defuncto Hermensredo Virdunensi Episcopo, idem Paulus subuectus est, &c.*

Toutefoys à la verité en considerant la supputation du temps & des années desdictz Germanus, & Paulus, ie trouue quasi impossible, qu'il fut frere dudiēt sainct Germain. Car certainement toutes les histoires conuiennent en ce, que sainct Germain, cogneut troys ans au parauant, le iour de sa mort, & fait escrire au cheuet de son liēt ces motz, **QVINTO CALENDAS IULII**. Dequoy ses domestiques & familiers, estoient esbahis, ignorans que cela seruoit: mais aduenant sa mort, lediēt iour, troys ans apres ilz congneurent qu'il signifioit: Et fut l'année propre, que Sigisbert roy d'Austrasie fut tué, deuāt Tournay, par la trahison de Fredegode. Ce q' lediēt sainct Germain luy auoit predict, en l'an de grace cinq cēs septāte & huit, & de son aage, quatre vingtz. Et sainct Paul mourut, selō les cathalogues de noz eglises, en l'an trezieme du regné Dagobert, qui fut l'an six cens quarante troys: Et partant y a distance entre les années, de la mort des deux, soixante cinq ans. Ce qui est difficile aduenir entre deux freres, ayant esgard à ce que le premier auoit vescu si longuement que de quatre vingt ans. Parquoy semble plustost, qu'il fust son nepuceu, que son frere. Ce que ie laisse en la disposition des lecteurs.

¶ Or quoy qu'il en soit, lediēt sainct Paul, en son ieune aage, fut par ses parēs institué en toutes vertus, & entretenu aux escholles, en sorte qu'il fut tresçauāt: mais sur tout auoit son desir à Dieu, & ne demādoit que occasion de se retraire du monde, & se rédre totalement, au seruice diuin. Ce qui aduint par la mort de ses pere & mere. Car il distribua aux pauures, & en oeūres de misericorde, tous les biens de son patrimoine: Et desirant trouuer lieu, ou il ne fust cogneu, & arriere de ses parens, se tira vers les  
 Almagnes



# depuis Pharamond iusques à Charlemagne. F. xciii.

Almagnes, & veint arriuer en vne montagne diète Vosegus (comme recitent les legends de noz eglises) en laquelle y auoit vn hermitage, contenant plusieurs cellules, ou cauernes, dedans lesquelles habitoient hermites, viuans sainctement en grande auferité de vie, ne se visitoient ny parloient iamais ensemble, que deux foys la sepmaine, sçauoir le dimenche, & le samedy, n'estoit qu'aucuns fussent mallades corporellement. Quant lediét sainct, cogneut leur maniere de viure, fut tresioyeux, entra avec eulx, delibéré perseuerer iusques à la mort, ou il fut quelque temps, viuant tressainctement, soubz leur reigle, & obseruation dessusdiète: Toutefois quelque temps apres par disposition, ordonnance, ou reuelation de Dieu, qui par sa puïssance cognoist toutes choses aduenir, & par sa bonté veult que les hommes soyent endoctrinez, & animez à bien faire, par l'imitatiõ & exemplairité des bons. Lediét sainct Paul, partit du diét hermitage, & veint (comme diét Bertharius l'historien) en vn monastere de l'ordre sainct Benoid, nouuellemét erigé au diocese de Treues, appellé Tabuleu, pource qu'il estoit ediffié de pierre de taille, en façõ de table: Autremét estoit appellé Tholey ou Theologium, pour signifier qu'en iceluy, entre les religieux, on y parloit souuent de Dieu.

¶ Icy fault que les lecteurs aduisent & notent, que de long temps, les religieux de l'Abbaye de sainct Paul, & tout le clergé de Verdun, on esté en vn erreur, qui a duré iusques à present, à sçauoir qu'il pensoyent, & affermoÿt que l'hermitage dessusdiét, ou sainct Paul arriua premierement, fut situé es montaignes de Voiges vers Osa, pource qu'il est appellé Vosegus: & autre pensoyent & affermoÿent que le monastere, ou depuis il print l'habit de religiõ, fut Stabulo, situé au diocese de Liege, ce qui est faulx & mal entendu. Car Stabulo fut long temps apres ediffié. Partant fault reformer cest ancien erreur, & suyure l'historien des Archeuesques de Treues, ou il parle de Magnericus cinquantieme Euesque du lieu: Et aussi ce que l'Abbé Tritemius, en son hittoire, soubz le tiltre de Clodoueus secundus, diét, que la montagne, ou nostre diét sainct Paul fut hermite, s'appelloit pour lors Gebenna, & que à present est nommée vulgairement Paulsberg, qui signifie Pauli mons, situé à l'opposité de la cité de Treues, oultre le fleuve de Moselle: Et si appelle le monastere, ou lediét sainct Paul se retira Dologiense, que nous appellons presentement Tholey: Et pour ce veriffier, ie mètray icy l'article en forme qui s'ensuit.

*¶ In temporibus in diocesi Treuorum, magna sanctitatis viri claruerunt, quorum è numero Paulus erat vnus, qui super montem Gebennam, in opposito ciuitatis Treuericæ trans pontem Mossellæ fluminis, vitam duxit heremiticam. Deinde veniens ad memoratum Dologiense Cœnobitium, monachus factus est, & postremo Episcopus Verdunen. ordinatus, pristinae sanctitatis normulã in omnibus fideliter custodiuit. Mons Gebenna dictus antea, nomen ab eo suscipiens, Pauli mons, vulgariter Paulsberg nuncupatur, vsque ad presentem diem.*

¶ Diét oultre lediét historien en l'article precedent, que lediét monastere Dologiense, que nous disons Tholey, fut commencé à ediffier, par Dagobert, l'an de grace six cés vingt sept, qui fut acheué & parfaict par Sigebert roy d'Austrasie, son filz. Ce qui ne peult conuenir ny adapter, à la supputatiõ du tēps. Car sainct Paul fut Euesque de Verdun, en l'an six cés vingt & vn, & au parauant auoit esté religieux au monastere, qui est celuy qu'il appelle Dologiense, ou Theologium: Et partant est impossible que le monastere fut commencé à ediffier, par Dagobert, audiét an six cés vingt sept: Parce que auant que lediét Dagobert fust roy d'Austrasie, viuant son pere Clotaire (qui fut en l'an six cés vingt huit) sainct Paul estoit desia Euesque de Verdun, à sçauoir l'an six cés vingt & vn: Et partant ie laisse aux lecteurs accorder les temps.

¶ A la verité, ie croy suyuat l'histoire de Berthaire, que lediét monastere fut ediffié, par Grimo alias Algifilus, cousin, ou parent de Dagobert, auquel appartenoit la seigneurie du territoire, ou il est fondé, que possible par apres fut augmenté en rentes & reuenues, par Dagobert, & son filz Sigebert, comme nous dirons cy apres.

¶ Quant lediét Paul fut arriué audiét monastere, de son commencement il fut receu comme homme estrangier, & passant son chemin, fust la quelque temps sainctement & prudemment, considerant les meurs & façon de viure, des religieux. D'autre costé

*Sainct Paul entra en l'hermitage du mont Vosegus, pres Treues, autremét appellé Gebenna, & à present Pauli mons.*

*Sainct Paul entra au monastere de Theologiũ, appellé de present Tholey.*

*De l'erreur de la situation du mont Vosegus & du monastere de Theologium.*

*Tritemius en son hittoire, soubz le tiltre de Clodoueus.ii.*

*Diuersité des historiens de l'edification du monastere Theologiũ.*

*L'histoire Berthaire pour accorder ladiète diuersité.*

## Le.ii.liure des antiquitez de la gaule belgicque,

l'Abbé du lieu, obseruoit la maniere de faire dudit Paul, & le bon zele qu'il sembloit auoir au seruice diuin, qui luy plaisoit tresbien: Tellemēt qu'vng iour conferāt avec luy de son estat, origine, & qualite, apres plusieurs propos, ledict Paul luy declaira tous ses secretz, comment il auoit laisē son pays, & ses biens, pour seruir à Dieu. Dōt l'Abbé fut tresioyeux, esperant le retenir à son monastere, & qu'il proffiteroit aux autres religieux, par son sçauoir & bonnes exemplaritez: Et tellement l'enhorta & pria, qu'il print l'habit audict monastere, feist professiō, & vesquit si saintemēt soubz l'obeissance de religion, que d'vn chascun estoit aymé, & si augmentoit de iour en iour, en perfection de vertu & sainteté, en sorte (comme dict Berthaire) que de son viuant, on aperceuoit par ses merites plusieurs oeures miraculeuses.

*Saint Paul religieux audict monastere Theologiu*

¶ Entre lesquelles il recite, qu'vn iour veint à son tour, qu'il debuoit paistrir, & cuyre le pain, pour la pitance des religieux, ce qu'il oublia, estant occupé en saintes contemplations, iusques quasi l'heure qu'on debuoit dīner. Quoy voyant, & se confiant en la misericorde de Dieu, alla hastifusement meētre le feu au four, paistrir le pain, & puis entra dedans le four, pour le nestoyer, sans que ses vestemens fussent bruslez, meit le pain au four, qui fut cuit à l'heure opportune, pour la refection desdictz religieux: Et en le portant, trouua vn pauvre homme debile ayant les iambes contrainctes, se traynant sur deux petitz scabeaux, demādant l'aulmosne, auquel il bailla vn des pains qu'il portoit, & incontīent ledict impotent, se leua sain & guarý: Duquel miracle tous les religieux furent grandement esmerueillez, rendans graces à Dieu, & depuis le eurent en grande reuerence.

*Saint Paul Euesque, entra en vn four chault.*

*Miracle d'vn boyseux guarý.*

¶ Si fut le bruiēt de ses vertus & saintetez, par tout diuulgú: tellement que le fondateur dudit monastere, seigneur & propriétaire d'icelluy, & des lieux & terres circōuoisines, nommé Grimo, ou Algifilus, estant ieune homme, du sang royal, & parent du roy Clotaire deuxieme & (selon Berthaire) nepueu du roy Dagobert (lequel ie croiroye plustost cousin, pour la supputatiō des années) oyant les vertus dudit Paul, print cognoissance & familiarité, se soubmettant à luy, comme disciple, duquel il fut auditeur, tellement instruit, en bonne doctrine & literature, qu'il fut reputé tresçauant, vertueux, & totalement donné à Dieu, contemnant les pompes & richesses du monde. Se feist ordonner Diacre, & depuis print si grād amour, audict saint Paul, qu'il estoit ordinairement en sa compagnie.

*Grimo nepueu de Dagobert, disciple de S. Paul.*

¶ Quelque temps apres, aduint la vacation de l'Euesché de Verdun, par la mort de Hermenfredus, en l'an six cens vingt & vn. Pendāt lequel temps le dessusdict Grimo disciple de saint Paul, estoit en la court de Clotaire second, estat pour lors en Austrasie, lequel royaume il auoit retiré à luy, peu parauant, en l'an six cens dixhuiēt, par la mort du roy Theodoric & de Brunehilde, qu'il auoit fait mourir, comme auōs dict cy dessus. Or ledict Clotaire aduertý de la vacation dudit Euesché de Verdun, vouloit instamment, que ledict Grimo, qui estoit du sang royal, en fust proueu: mais il le refusa: Neantmoins il sollicita tellement son oncle, ou cousin, Dagobert (qui pour lors estoit ieune enfant, suyuant la court de son pere Clotaire) qu'il obtint dudit roy ledict Euesché de Verdun, pour son bon precepteur & amy, saint Paul. Ce qui se feist facilement, par ce que ses vertus & saintes oeures miraculeuses, estoient desia diuulgúes, par tout l'Austrasie. Ce fait, ledict Grimo, avec les messagers du roy, sen allerent vers ledit saint Paul, & luy declairerent la volūte du roy, le priant accepter la charge dudit Euesché, & obtemperer à la volūte du roy: mais obstinément il refusa, disant qu'il n'estoit conuenable à religieux, dedié totalement au seruice de Dieu, prendre telle charge, plus onereuse & dangereuse à son salut, que vtile & profitable. A raison de quoy lesdictz messagers retournerent, & declairerent au roy la responce dudit Paul. dont il ne fut content: Et de rechef enuoya gens vers luy, ordonnant que voullist, ou non, & que par force fust extraiēt dudit monastere, & amené à Verdun, pour prendre ladicte charge. Ce qui fut fait, & par ce moyen contrainct à la prendre, laquelle il administra, par toutes voyes de sainteté, en bonnes oeures & reformation de son clergé, faisant tout ce qu'vn bon prelat doit faire.

*Dagobert, & Grimo mediateur de la promotion. S. Paul, en l'Euesché de Verdun.*

*Saint Paul contrainct de accepter l'Euesché de Verdun.*

¶ Toutefois

# depuis Pharamond iusques à Charlemagne. F. xciiii.

¶ Toutceoy il se trouua en grandz troubles & perplexitez, sur le gouuernement de son clergé, & de ses confreres Chanoines. Car pour lors y auoit si petite fondation de rentes & reuenues, que foudict clergé viuoit en grande necessité & pauureté, de sorte que plusieurs des anciens chanoines, & autres qui venoient de nouueau, desirans y faire leur residence, pour les vertus dudit saint homme, estoient cōtrainctz de laisser le lieu, par pauureté & necessité, & par ce le seruice estoit iournellement interrompu, & diminué.

¶ Icy fault que les lecteurs notent, que Berthaire en son histoire, & les legendes de noz eglises de Verdun, dient que ce fut le roy Dagobert, oncle dudit Grimo, qui enuoya, ou alla vers luy, pour la promotion & election dudit saint Paul: Mais à la verité ce ne peult estre vray, ny conuenir à la supputation du temps. Car ledict saint Paul, fut esleu, en l'an six cens vingt & vn, auquel temps Clotaire, pere dudit Dagobert, estoit roy d'Austrasie, & ledict Dagobert, estoit ieune, n'ayant encores aucune administration. Et partant les lecteurs donneront icy leur iugement: Toutceoy il aduint enuiron six ans apres, en l'an six cens vingt sept, ledict Clotaire voyant son filz Dagobert, superbe & difficile, ayant desir de regner, à fin qu'il ne print occasion de rebeller, luy bailla l'administration du royaume d'Austrasie, ou il alla faire sa continuelle residence, tenant son principal siege à Metz. Auec ce, luy ordonna, pour le conseiller, regir, & gouuerner, deux personages nobles, vertueux, & anciens, à sçauoir Arnoul, lors Euesque de Metz, & Pepin, qui fut Maire de son Palays, comme dict maistre Nicole Gille, & l'Abbé Tritemius.

¶ Quant ledict Paul fut aduert, que Dagobert estoit roy d'Austrasie, il en fut tres ioyeux, esperant par ce moyen, qu'il pourroit augmenter les rentes, & reuenues de son eglise, & subuenir aux necessitez & nourriture de ses confreres, pour mieux entretenir le saint seruice diuin. Si s'adressa à son bon disciple Grimo, qu'il sçauoit estre grant amy & fauoryt de son oncle, ou cousin, le roy Dagobert, & luy remonstra, que par son enhortement, & contraincte, il auoit prins la charge de l'Euesché de Verdun, qu'il auoit trouué tellement desolé, & si pauvre, que ses confreres ne pouuoient estre nourris, nyle saint seruice diuin fait, & entretenu: Et partant luy pryoit, pour l'honneur de Dieu, qu'il impetra enuers son cousin Dagobert, de augmenter leurs rentes, & nouvelle fondation, pour son eglise: Ce que le bon Grimo accorda de bien bon cuer: Et iournellement de son costé aulmosna, à ladiete eglise plusieurs terres, & seigneuries, entre lesquelles il bailla la ville de Fraisine, pour l'entretienement du clergé, & Chanoines d'icelle: Et oultre donna à perpetuité le monastere de Theologium, qu'il auoit fondé & ediffié, de son propre patrimoine, comme dict & afferme Bertharius en son colletoire, parlant dudit saint Paul, en ces termes.

*¶ Nepos Dagoberti regis, Grimo, Diaconus qui & Adelfisus dicitur, quum fuisset à sancto Paulo ab infantia reuerenter educatus, pro amore ipsius antistitis, suam proprietatem (id est, Theologium monasterium) sanctæ Mariæ in Verduno, suo pariter & multorum fidelium scripto, in sempiternum habendam tradidit, roborauit, & omni auctoritate firmavit.*

¶ Or apres lesdictes donations faittes, Grimo se transporta, avec son bon precepteur Paul, en la court du roy Dagobert, remonstrant l'indigence & pauureté de ladiete eglise de Verdun, lequel y bailla tresgrans biens, en terres, seigneuries, rentes & argent manuel, avec lettres & chartres, de grans priuileges, libertez, immunittez, & franchises: Et à la verité, nous lisons aux anciens registres, que nostre eglise de Verdun a esté plus augmētée de rentes & reuenues, soubz ledict saint Paul, que soubz tous les autres Euesques ses successeurs.

¶ Dauantage fut tresioyeux, veoir & conferer, avec ledict saint Paul, les vertus duquel il auoit entendu, par bonne renommée. Et deslors le receint de son conseil.

*Aduertissement aux lecteurs, sur la concordance des années.*

*Dagobert gouuerneur du royaume d'Austrasie, diuant son pere.*

*Diligence de S. Paul, en l'augmentation du reuenue de l'eglise de Verdun.*

*Fraisne, & le monastere de Tholey donnez par Grimo, à l'Eglise de Verdun.*

*Le roy Dagobert fondateur & augmentateur de l'Eglise de Verdun.*

## Le.ii.liure des antiquitez de la gaule belgicque,

*Nombre des chanoines de Verdū, augmenté par S. Paul.*

¶ Apres le retour du roy, ledict saint Paul acquesta de l'argent que le roy luy auoit deliuré, la seigneurie de Bafonuille, que ledict Berthaire appelle Bafonis villare, & augmenta le nombre des Chanoines, & assigna vn chacun pour son entretene-  
ment.

630.

*Origine de la secte de Machomet*

¶ Sigebert en son histoire, escript, que enuiron ce mesme temps, apparurēt plusieurs signes & prodiges, avec terremotz: Entre lesquelz fut veu vn glaiue sanguin olent, pendant en laer, signifiant l'origine de la principaulté des Sarrazins, & de la tresmeschante & faulx secte de Machomet, qui mourut ladicte année. Car durant sa vie, comme faulx pphete, messager du Diable, & precursor d'Antechrist (si luy mesme n'estray Antechrist) auoit semé, & demonstré ses heresies, & superstitions, en tirant premierement, & subtilement à soy les Arabes, qui estoient vexez & greuez des tributz & grâdes impositions, par l'empereur Heraclius: Leur donnant à entendre qu'il estoit saint prophete enuoyé de Dieu, & par l'ayde & induction de l'apostat Sergius, com-  
posa l'Alchoram, auquel il reiecte & efface de l'institutio & doctrine chrestienne, toutes les choses qui semblent estre difficiles à croire, & à faire: Et met tout ce en quoy les hommes sont enclins, comme gloutonnie, luxure, & rapine, leur promectāt apres la mort vn paradis, plain de toutes voluptez, & paillardises. A raison dequoy il eut grande multitude de gens, suyans leurs appetitz charnelz, qui furent sectateurs de la faulx doctrine: dont par apres s'ensuyirent innumerables maux, & diminution de la sainte foy chrestienne.

*Sergius coadiuteur de Machomet.*

*Ordonnace testamentaire de Clotaire.ii.*

¶ En l'an six cens trente & yn, mourut Clotaire deuxieme, qui tenoit toute la monarchie de la Gaule, excepté seulement le royaume d'Austrasie, laissé soubz le gouuernement de son filz Dagobert: Et auoit ordonné qu'apres sa mort, ledict Dagobert, son filz aîné teint le royaume de France, en restituāt à son frere puîné Aribert, qui estoit d'vne aultre femme, ledict royaume d'Austrasie: mais il n'en fit riens, & luy bailla seulement le royaume d'Aquitaine, qu'il teint iusques à sa mort, ayāt son siege principal en la cité de Tholouze, ou il mourut, enuiron neuf ans apres. Dequoy aduertuy Dagobert, en diligēce se transporta en Aquitaine, ou il se fit enfaîner du royaume, & de tous les thresors de son feu frere, estant à Thoulouze, visitant les eglises, pour veoir s'il y auoit relickes, ou ioyaux precieux à son plaisir, pour les prédre & les porter en l'eglise de saint Denis, en France, qu'il aymoît sur toutes les autres: Et estoit la coustume, que tout ce qu'il trouuoit excellent, precieux, ou digne de grad estime, ou reputation, il faisoit tout transporter, en ladicte eglise: Tellement que communemēt on l'appelloit le larron des saintes relickes: Entre lesquelz larrecins, il feit prendre deux portes de l'eglise saint Hilaire de Poitiers, qui estoient de cuyure doré, & faictes d'vn merueilleux artifice, de tres grand pris, & estimation, qu'il ordonna mener par mer en la riuere de Seine, & de la en ladicte eglise saint Denys: mais l'vne d'icelles tumba, en ladicte riuere, & depuis iamais ne fut trouuée, comme dict Annonius en son histoire.

*Dagobert appellé larron des saintes relickes.*

*Saint Saturnin Apostre d'Aquitaine.*

¶ Semblablement ledict Dagobert, suyuant sa façon de faire, voyant à Tholouze le corps de monsieur saint Saturnin, richemēt enchassé, auquel on auoit grande reuerence, par tout le pays, pour les miracles, qui se faisoient iournellement, & aussi que cestoit leur Apostre, & celuy qui premierement auoit presché la foy, & conuertuy le peuple d'Aquitaine à Iesuchrist. Car Anthoninus en sō histoire, au premier liure titre sixieme, escriuāt dudiect saint Saturnin, dict qu'il estoit natif de la cité de Patras, en Cilicie, & qu'il viuoit du temps saint Iean Baptiste. Duquel oyant la grande sainteté habandonna ses parés, veint en Iudée, & se rendit disciple dudiect saint Iean, qui preschoit aux desertz, & fut celuy, qui avec saint André, oyt & veid saint Iean demonstrer Iesuchrist, quant il dict, *Eccce agnus dei*. Et apres l'ascention fut enuoyé avec les autres disciples prescher l'euangile, & veint arriuer à Thoulouze, ou il fut institué premier Euesque: Et finalement pour ce que leurs Dieux Gentilz, ne donoient plus de responses, les prebstres de leur loy le precipiterent, du hault en bas, du Capitole, sur les degrez, tellement qu'il eut la teste, & le cerueau rôpu, rendāt son esprit à Dieu.

*Martire de S. Saturnin, premier Euesque de Thoulouze.*

Desquelles

# depuis Pharamond iusques à Charlemagne. F. xcv.

Desquelles choses aduertit ledict Dagobert, commāda ledict corps sainct, estre transporté en ladicte Eglise sainct Denis, en laquelle apres son retour alla pour ordonner que reueremment ledict corps y fut mis & posé en presence de plusieurs euesques & prelatz: Entre lesquelz y estoit ledict sainct Paul nostre Euesque de Verdun, qui de long temps auoit singuliere deuotion audict sainct. Si pria affectueusement son bon disciple Grimo, illec assisstant, impetret & obtenir de son oncle ou cousin le roy Dagobert, vne portion desdictes relictues. Ce qu'il feit, & les receut en grande reuerence. Incontinent qu'il fut retourné à Verdun, entreprint l'ediffice dune chappelle, ou Eglise, hors les murs de la dicte cité, en laquelle il meit la portion desdictes saintes relictues, & donna le tiltre de sainct Saturnin à ladicte Eglise nouvellement erigée, que presentement nous disons, l'Eglise sainct Paul.

*Sainct Paul obtint portion du corps sainct Saturnin,*

¶ On liēt que quelque peu de temps apres, ceulx de Tholouse enuoyerēt vers le roy Dagobert, pour repeter ledict corps, faisans grandes querimonies de la translatiō d'iceluy, affermant que depuis qu'il estoit hors de leur cité, leurs femmes n'auoient enfanté que enfans mortnaiz. A raison dequoy Dagobert leur feit rendre, moyennant qu'ilz donneroient en recompense, les corps sainct Patrocle, Euesque de Grenoble, sainct Romain moyne, & sainct Hilaire de Grenoble, qui sont encores à present audict monastere sainct Denis.

*L'eglise sainct Saturnin à Verdun de present appelée sainct Paul.*

¶ En l'an six cēs quarāte, mourut sainct Arnoul, en son hermitage, le corps duquel fut transporté & inhumé en la cité de Metz, par sainct Goery, aliās Abbo Euesque de ladicte cité, par sainct Paul Euesque de Verdun, & Teufrius Euesque de Toul, comme dict Anthonin<sup>o</sup>, en son secōd liure des histoires, soubz le tiltre trezieme. Lesquelz trois Euesques viuoiet d'un mesme temps, resplendissans en oeures de saincteté, cōme on peult premierement veoir de sainct Paul, par ce que nous auons escript.

¶ Quant à sainct Goery, ledict Anthoninus escript, qu'il estoit parēt de sainct Arnoul grant prince & lieutenant du roy, audict pays d'Acquitaine, lequel par disposition diuine deuint auengle, & eut reuelation angelicque, que pour recouurer sa santé deuoit venir à Metz, ce qu'il feit, & trouua illec son parent sainct Arnoul qui auoit esté Euesque dudict lieu, par l'espace de quinze ans, lequel luy dōna & resigna son Euesché de Metz, restitution & guarison de sa veue, & s'en alla rendre en vn Hermitage, ou il fut quelque tēps viuant en grande austerité, ou il mourut, & fut son corps translaté à Metz, par lesdictz trois Euesques, auquel iour furent faictz grans miracles, cōme recite ledict Anthoninus.

*Sainct Goery Euesque de Metz,*

¶ Au regard dudict Euesque Teufrius, les historiens de Toul, narrent, qu'il fut de si grande sainteté, que par son moyen le roy Dagobert, Sichilde sa maratre, & le filz Dagobert, Sigibert, roy d'Austrasie, donnerent & aumosnerent grans biēs, terres, & seigneuries à son Eglise de Toul. Entre lesquelz ilz nommerent Blenou, Vuoé Vichery, & autres plusieurs, qui seroit long à reciter: Tellement que ce fut celuy qui entre tous les Euesques de Toul à plus enrichy l'Eglise cathedrale de sainct Estiēne.

*Teufrius, Euesque de Toul.*

¶ En l'an six cēs quarante neuf, mourut nostre Euesque Paul, en l'age de septante deux ans, apres qu'il eut tenu ledict Euesché, vingt neuf ans. Si fut son corps inhumé en ladicte Eglise sainct Saturnin, qu'il auoit edificée, & proposé meētre aucuns prebsters & clerz pour illec celebrer le seruice diuin: Mais il fut preueni de mort: à raison dequoy son successeur Gisloaldus, institua aucūs chanoines & prebsters seculiers, qui y deseruirent long tēps, & iusques enuiron l'an neuf cēs soixante & quinze. Auquel temps Vulfredus Euesque, voyant les miracles qui se faisoient ordinairement sur le tumbeau du corps sainct, duquel sortoit liqueur en façon d'huile, le feit releuer de terre, canoniser, & reueremment mettre en vne belle chaffe d'argent, & si changea le tiltre de l'Eglise, & l'appellerēt du nō de saint Paul, cōme on voit de present. Si chassa les prebsters & chanoines seculiers, & institua religieux de l'ordre sainct Benoid: Et depuis en l'an mil cent trente sept, l'Euesque Albero, voyāt lesdictz religieux de saint Benoid desfreiglez, les expulsa du monastere, & y en meēt autres, viuans soubz l'ordre de Premonstré, qui pour lors estoient en grāt bruiēt de sainte vie, bien reformez, comme nous dirons cy apres, pour suiuant les gestes desdictz Euesques.

*Le trespas de sainct Paul Euesque de Verdun.*

*Institution de religieux de l'ordre sainct Benoid, en leglise sainct Saturnin à Verdun.*

*Albero transmua les religieux de saint Benoid en l'ordre de Premonstré.*

¶ Com-

# Le ij. liure des antiquitez de la gaule belgicque,

*Miracles de saint Paul euesque de Verdun.*

*Les religieux de Tholey deliberez transporter le corps de saint Paul de Verdun.*

¶ Combien que les liures & annales de nostre Euesché, signamment de l'Eglise saint Paul, recitent plusieurs miracles faitz & demonstrez de Dieu, par les merites dudict saint, tant en sa vie, qu'apres sa mort: Toutefois icy à cause de briefueté, me suffira en escrite vn, l'apparence & memoire duquel, dure encores auiourd'huy. A sçauoir que du temps que Charlemagne regnoit, & qu'il eut subiugué, destruit, & totalement annullé le royaume des Lombardz en Italie, fut proueu de l'Euesché de Verdun, vn nommé Petrus, de Nation Italicque, soubz lequel toutes les Eglises du diocese, endurerent beaucoup de maux, pertes & dommages. Car ledict Petrus vint en l'indignation du roy Charlemagne, par faulx raportz, en suspicion d'auoir machiné & conspiré trahyson contre ledict roy. Delaquelle toutefois long temps apres, il se purgea: Mais durant l'inquisition furent les Eglises de Verdun, quasi toutes destruites & desertes, par ce que ledict Euesque fut contrainct se absenter, avec aucuns des principaulx du Clergé: Et par ce les Eglises pillées & molestées des gés d'armes, ausquelz on ne faisoit resistance, signamment l'Eglise saint Saturnin située hors des portes de la cité, en laquelle estoit inhumé, le corps de saint Paul, en pauvre lieu, delaisé sans honneur ne reuerence: Dont furent aduertitz les religieux du monastere de Theologium, ou ledict saint durant sa vie auoit vesçu, & fait plusieurs miracles. A raison dequoy aucuns d'iceulx l'auoient tousiours eu, en singuliere deuotion, qui prindrent deliberation transporter furtiuement ledict corps saint, de Verdun, en leur monastere de Theologium. Et vindrent à Verdun visitant les Eglises comme passans & pelerins, tellement qu'ilz trouuerent l'opportunité, & entrerent vne nuit en l'Eglise dudict saint Saturnin, rompirent & ouurirent le sepulchre d'iceluy, prindrent les saintes relicques reueremment, les metans en beaulx linges. Si partirent cheminans toute la nuit, tirant vers leurdict monastere, tellement que le matin pensoient estre bien loing, mais ilz n'estoient qu'en uiron deux lieues de Verdun, dedans vn boys, en vn lieu dict à present Palecroix, ou ilz s'arrestèrent pour reposer. Ce fait, pensant partir & parfaire leur chemin, ne fut à eulx possible: Car ilz alloient & venoient retournans tousiours au mesme lieu.

*Portion du chef saint Paul donnée aux religieux de Tholey.*

*Palecroix à deux lieues pres de Verdun.*

¶ Or en ceste mesme nuitée y auoit vn saint homme à Verdun, prestre, estant en son liét en contemplation, qui ouit vne voix, disant, ô Verdunoys, trop auancieulx & addonnez à voz proffictz particuliers, vous perderes par vostre negligence le bon Patron de vostre cité, saint Paul, le corps duquel, gens estrangiers ont ceste nuit desrobé, & l'emportent. Ledit saint homme fut fort effrayé: Si se leua hastiuement, & appella les Citoyens, qui trouuerent le cas ainsi qu'il le denonçoit. Et deslors en diligence ordonnoient gens à tous costez pour poursuiuir ceulx qui emportoient ledict corps, lesquelz ilz trouuerent audict boys, qui ne pouuoient passer oultre: Si furent interrogez dont leur venoit ceste audace & temerité de faire tel oultrage: lesquelz bien estonnez respondirent que ce n'estoit pour cōtemner ou mespriser ledict corps saint: mais qu'ilz auoient ce fait par deuotion, & pour plus l'honorer & venerer, qu'il n'estoit à Verdun, à sçauoir le transporter en leur monastere de Theologium ou Tholey, ou ledict saint, durant sa vie & ieunesse, auoit esté religieux & fait de beaulx miracles: Delaquelle responce les Verdunoys, cognoissans le bon zele & deuotion que lesdictz religieux auoient, facilement leur pardonnerent: Et à fin que le bon saint, fust en plus d'un lieu honoré, leur baillerent vne partie du chef d'iceluy corps, qu'ilz porterent audict monastere de Theologium, ou elle est encores de present gardée par grande deuotion & reuerence, & la reste, lesdictz verdunoys rapporterent honorablement à grand ioye en l'Eglise saint Saturnin, & le teindrent de plus en plus en grand honneur & reuerence qu'parauant: Et pour signe & en memoire pertuelle dudict miracle, firent eriger vne belle Croix, & vn autel de pierre deuant icelle, qu'ilz appellerent par long temps, la croix saint Paul, & encores de present à retenu le nom de Palecroix, quasi Pauli crux, combien que le lieu & territoire ou fut fait ledict miracle, appartient en propriété à l'Eglise de saint Pierre & saint Paul, qu'on dict maintenant saint Venne.

# depuis Pharamond iusques à Charlemagne. F. xcvi.

Or depuis pour confirmer lediēt miracle, aduint long temps apres, que la deuotiō du peuple commença fort à diminuer (comme on void souuent) & y auoit vn homme habitant en vn village circonuoisin, dudiēt lieu Palecroix, qui eut affaire d'une pierre pour la commodité de sa maison. Si s'en alla sans auoir reuerence à Dieu, ny au saint, prendre ladiēt pierre, qui seruoit d'autel deuant ladiēt croix, & furtiuement l'emporta en sa maison, l'applicquant à vsage prophane: Dont aduint tost apres que tous ses cheuaults, boeufz, & moutons, moururent, & luy mesme cheut en vne maladie corporelle, avec debilitatiō de ses membres, qu'on n'y attēdoit que la mort. Si luy vint en souuenance quasi par inspiration diuine, du larrecin & sacrilege qu'il auoit fait: Et lors avec grande repentence, crya à Dieu mercy, & audict saint Paul. Si renuoya ladiēt Pierre en son lieu, en confessant haultement son peché, & incontinent fut guari. A raison dequoy tout le peuple comēça de nouveau à auoir grande deuotion audict saint Paul, & frequenter le lieu, ou se feirent plusieurs autres miracles: Tellement que les religieux de saint Venne, qui vn peu auparauant auoient esté fondez par l'Euesque de Verdun, Berengarius, a usquelz appartenoit lediēt lieu, ou estoit ladiēt croix, feirēt edifier vne Eglise & prioré de leur ordre saint Benoid, qui long temps à duré soubz l'obeissance, & pour subuenir à leur monastere. Toutefois aduenans les guerres, miseres & calamitez qui furent en la Gaule Belgicque, par les normans & Dannoys, lediēt Prioré fut tout ruiné & destruit: Tellement que les-

*Confirmation du precedent miracle par le suiuant.*

*Prioré ou chappel le erigée à Palecroix, en l'honneur de saint Paul.*

lediēt religieux rapporterent à saint Vēne, les propres boys, cloches & tout ce qu'ilz trouuerent apres ladiēt ruine, de sorte que à present le lieu est en desert.

## Des Papes qui ont esté durant lediēt Euesque saint Paul.

**H**ONORIVS, premier du nom, natif de la Champagne, fut esleu Pape, en l'an six cens vingt deux. Les autres comme l'Abbé Vispergensis, escript en l'an six cens vingt huit. Cestuy fut homme de grande sainteté, & sçauoir. De son temps il reforma & renouuela tout le clergé, & rediffia plusieurs eglises de Romē: Entrē lesquelles il feit couvrir l'Eglise saint Pierre, de thuelles de cuiure ou arain, lesquelles in print sur le Temple de Iupiter Capitolinus. Si mourut en sainte reputation, apres qu'il eut tenu le siege enuiron treize ans. Les autres escriuent vnze ans, seulement. Le siege vacqua apres sa mort vn an sept moys dix huit iours.

*Honorius premier du nō. lxxii. Pape.*

**Seuerinus** premier du nom, natif de Rome, fut esleu apres lediēt Honorius, homme doux, gracieux, amateur des pauures large & magnifique aux reparations des Eglises: Mais il mourut trop tost, à sçauoir vn an deux moys apres son election.

*Seuerin premier du nom, lxxiii. Pape.*

**Ioannes** quatrieme du nom natif de Dalmatie, fut esleu Pape, l'an six cēs trēte cinq. L'abbé Vispergensis & Nauclerus, escriuent l'an six cens quarante, homme plain de toutes vertus, qui distribua les tresors que Isacius Exarche d'Italie, auoiet à saint Iean de latran, en bonnes oeuvres de misericorde, pour la deliurance des Chrestiens captifz: Et ordonna que les depredateurs des Eglises, seroient puniz au quadruple. Si mourut enuiron deux ans apres son election.

*Ioannes .iiii. du nom. lxxiiii. Pape.*

# Le ij. liure des antiquitez de la gaule belgicque,

*Theodore. lxxv.  
Pape.*

**Theodorus** natif de Grece, filz legitime de Theodorus Euesque de Hierusalem, fut esleu Pape en l'an six cens tréte sept. Les autres escriuent l'an six cens quarante deux. Cestuy fut homme de bien, zelateur de l'honneur de dieu & de l'Eglise, exerçant tout ce qui appartient à vn bon pasteur, misericordieux aux pauvres, diligent aux reparations des Eglises, & expugateur des heretiques: Entre lesquelz excommunia Pirrus, Archeuesque de Constantinoble. Il institua la benediction du Cierge paschal, & mourut sainctement apres qu'il eut tenu le siege six ans cinq moys.

*Martin. i. du nom  
lxxvi. Pape.*

**Martinus** premier du nom, natif en la region de Turdaine, fut esleu Pape, en l'an six cens quarante trois. Les autres escriuent six cens quarante neuf, & incontinent apres son election, enuoya à Cōstantinoble admonester Paulus Patriarche du lieu, de desister de son heresie, ce qu'il refusa faire. A raison dequoy il fut excommunié: Dont l'Empereur Cōstans, ou Constantinus, quatriesme, fauteur de l'heresie, ne fut content, & ordonna à Theodorus exarche d'Italie, prendre ledict Pape, & le mener en Constantinoble, ce qu'ilz feir frauduleusement: Dont aduint grans discordz entre les Romains & ledict empereur, durant lesquelles, les Sarrazins s'esleuerent contre l'Empire, & prindrent la cité de Rhodes, & abatirent le Colossus qui estoit vn image & simulachre d'arain, si grant, qu'en la teste y auoit la charge de nonante Chamoy. Et nonobstant ledict Empereur ne laissa sa tiranie: Car il enuoya en exil ledict Pape, en la region du Pont, en la Cherfonnese, ou iadis sainct Clement fut mis en exil. Auquel lieu, ledict Pape endura tant de maulx & calamitez qu'il mourut apres qu'il eut tenu le siege sept ans, & fut reputé sainct & martir, combien que Vispergensis escript, qu'il regna dix ans.

## Des Empereurs qui ont regné durant ledict Euesque saint Paul.

*Vide supra.*

*Constantinus. iij.  
du nom. lxxii. Em-  
pereur.*

**HERACLIVS** (duquel nous auons escript en l'Euesque precedent) regna du temps dudiect Euesque saint Paul. Car il mourut comme auons dict en l'an six cens & trente neuf.

**Constantinus** troisieme du nom, filz d'Heraclius, & de Eudoxia sa premiere femme, fut Empereur par la mort de son pere, en l'an six cens quarante, combien que parauant auoit esté constitué par son pere Cesar, & consort de l'Empire, quant il entreprint l'expedition en Asie, contre Cosroé. Cestuy ne regna, que quatre moys apres la mort de son pere: Car il fut empoisonné par Martine sa nouerque, & Heracleon filz de ladiete Martine, par le conseil de Pirrus Patriarche de Constantinoble, hereticque.

*Heracleon. lxxiii.  
Empereur.*

**Heracleon** filz d'Heraclius & de ladiete Martine, & frere, non germain, de Constantinus, entreprint l'Empire apres la mort de son frere, enuiron l'an six cens quarante & vn, & suiuit l'heresie des Acephaliens, par l'induction dudiect Pirrus Patriarche de Constantinoble: Mais tost apres furent puniz par diuin iugement, de leurs crimes. Car le Senat & peuple de Constantinoble, ayans en horreur leurs tyrannies, coupperent la langue à ladiete Martine, audiect Heracleon le nez, & priuerēt ledict Pirrus de la dignité Patriarchale, & s'en fouyr en Affricque: depuis fut mené à Rome au Pape Martin, deuant lequel fistement & par dissimulation, feir penitence, car tost apres retourna à son heresie. Finalement fut tué, & ne regnerent, luy & son predecesseur, qu'enuiron deux ans.



# depuis Pharamond iusques à Charlemagne. F. xcviij.

**Cōstans** filz de Cōstātin troisieme, fut crée Empereur, par le Senat, apres l'execution de Heraclion, en l'an de grace fix cens quarante troys: Il fut hereticque & persecuteur des catholicques, signamment du Pape Martin, qu'il feist mourir en exil, & si feist couper la langue, & la main à Maximus, homme tresdocte & catholicque. Quelque temps apres par fiction, ou autrement, il abiura l'heresie, & se reconcilia avec le Pape Vitelianus, & enuoya plusieurs beaux dons à l'eglise saint Pierre de Rome: Et pour ce qu'il estoit hay du peuple de Constantinoble, disimuloit vouloir remettre le siege de l'Empire à Rome, & y veint visiter les eglises: mais à la verité ce n'estoit que fiction, & pour les piller & desrober, comme il le monstra par apres. Finalement retourna en Secille, ou il fut six ans. A la fin desquelz, vn iour qu'il estoit en vn baing, fut tué par ses gens: De la mort duquel tout le peuple fut ioyeux. Et contraignirent vn nommé Mitius, ou Missesius, que les autres appellent Mezentius, natif d'Armenie, à se nōmer Empereur, par ce qu'il estoit beau personnage: mais tost apres Constantinus filz dudit Cōstans, qui gouernoit l'Empire en Cōstantinoble, veint en Secille, & tua ledict Mitius. Si teint l'empire ledict Constans, hōme feure & mauvais, vingt sept ans: Et par ainsi il ne regna que cinq ans, durant la vie saint Paul, & la reste, durant la vie du subseqent Euesque.

*Constans. lxxiij.  
Empereur.*

## Des roys de France, regnans du temps dudit Euesque saint Paul.



**CLOTAIRE** deuxieme du nom, duquel auons escript en l'euesque Caraimerus, par cy deuant, fut roy de France, du temps de nostre Euesque saint Paul, iusques en l'an fix cens trente deux, auquel temps ledict Clotaire mourut.

**Dagobert** filz ainsné de Clotaire deuxieme, & de sa premiere femme Bettra de, fut vnzieme roy de France, apres la mort de son pere, en l'an de grace fix cens trente deux: Combien que au parauant en l'an six cens vingt sept, sondict pere luy eust donné administratiō du royaume d'Austrasie, en son ieune aage. Il fut fiert & orgueilleux, & feist raser la barbe à son Pedagogue, Sadragesil: Et pour euitter la fureur de son pere, se retira en l'oratoire, ou estoit le corps saint Denys, auquel depuis eut grande deuotion, & en l'honneur d'iceluy, feist fonder l'Abbaye, pres Paris. De son commencement il eut, pour ses gouverneurs de l'ordonnance de son pere, Pepin l'ancien, qui fut Maire du Palays d'Austrasie, & saint Arnoul Euesque de Metz. Apres lequel, quāt il eut laissé le mode, il print pour conseiller Cunibertus Archeuesque de Coulongne. Il repudia sa premiere femme, pour ce quelle estoit sterile, nommé Gomatrude seur de Sichilde, sa maratte, de laquelle son pere Clotaire auoit eu vn filz nommé Aribert, qu'il auoit ordonné estre roy d'Austrasie: Mais ledict Dagobert, n'en feist rien, & luy dōna pour sa part le Royaume de Tholouse. Si feist tuer Brunulphus, seigneur de Haynau, & oncle dudit Haibert, comme escribons cy apres parlant dudit Brunulphus.

*Dagobert. xi. roy  
de France, & d'Au-  
strasie.*

*L'abbaye saint  
Denys fondée par  
Dagobert.*

*Brunulphus sei-  
gneur d'Ardenne  
occis par Dago-  
bert.*

Ledit Dagobert print pour femme, en secondes nopces dame Nantilde; durant lequel mariage, il se abusa d'une ieune damoiselle, nommée Ragnetruide, de laquelle il eut vn filz, nommé Sigebert, depuis il retourna à son espouse Nantilde, de laquelle il eut vn filz, nommé Clouis, & deux filles, Irmine, & Adelle, qui furent religieuses à Treues. Par son testamēt ordōna regner en France, ledict Clouis apres luy, & q son ainsné filz Sigebert, eust pour sa portion le royaume d'Austrasie. En son temps feist plusieurs grans faitz d'armes, & fut Monarche en toutes les Gaules, apres la mort de son frere Aribert, en l'an fix cens quarante, puis mourut en l'an fix cens quarante cinq.

*Ordonnance testa-  
mentaire du roy  
Dagobert. et mor-  
t.*

Haybert

# Le.ii.liure des antiquitez de la gaule belgicque,

*Haybert roy de Thouloufe, & x. roy d'Auftrafie.*

*Haybert priné d'Auftrafie, lequel ne teint longuement apres son pere.*

**Haybert** autrement dict Aubert, filz de Clotaire deuxieme, & de sa seconde femme, nommée Sichilde, fut roy de Thouloufe, apres la mort de son pere, en l'an six cens trente deux: Combien que foudict pere auoit ordonné, qu'il eust le royaume d'Auftrafie: mais Dagobert son frere, le reteint, pour luy, & fait tuer ses principaulx gouuetneurs, comme dict Annonius, en son histoire, à sçauoir Herimarius, & depuis Brunulphus frere de Sichilde, mere dudit Haybert, qu'il auoit fuppecté, par ce quil estoit Côte en Haynau, & vouloit soustenir la querelle de son nepueu Haybert, dedans le royaume d'Auftrafie. A raison dequoy ledict Haybert, se retira à Thouloufe, ou il meit son principal siege. Il fut homme vertueux & entreprenant: Car il augmenta son royaume, & conquist toute la Gascongne: mais il mourut en la neuueme année de son regne, laissant vn petit filz, nommé Chilperic, qui mourut tost apres, pour la poursuite de Dagobert, comme aucuns historiens ont escript, lequel Dagobert succeda, aux royaumes & thresors desdictz deffunctz, audict an six cens quarante.

## Des roys d'Auftrafie, qui ont regné du temps dudit Euesque saint Paul:

*Vide supra.*



**C**L O T A I R E deuxieme du nom, duquel nous auons escript en l'Euesque Caraimerus teint le royaume d'Auftrafie, & fut monarche durant nostre Euesque Paulus, iusques en l'an six cens trente sept, auquel an, il le bailla à foudict filz Dagobert.

*Vide supra.*

**Dagobert** filz aîné de Clotaire deuxieme, duquel nous auons escript, vn peu par cy deuant, teint le royaume d'Auftrafie, depuis l'an six cés vingt sept, iusques à sa mort, qui fut l'an six cens quarante cinq, durant lequel temps nostre Euesque saint Paul viuoit.

## Des Ducz de Tongre & Brabant, regnans durant ledict Euesque saint Paul.

15

*Pepin de Landen, Duc de Tongre & Brabant.*



**P**E P I N L' A N C I E N, & premier du nom, surnommé, selo aucuns, de Landen, fut apres son pere Carloman, Duc de Tongre, & de Brabant, en l'an six cens dix-neuf: Il donna grand faueur & ayde audict Clotaire deuxieme, apres la mort du roy Theodoric, pour succeder au royaume d'Auftrafie, contre l'entreprinse de Brunehilde: Tellement que ledict Pepin & saint Arnoul, qui estoient principaulx Princes d'Auftrafie, furent cause de la victoire, que Clotaire eut contre ladicte Brunehilde, & de ce que la Monarchie des deux royaumes de France, & Auftrafie, fut reduite en la personne d'icelluy Clotaire: Qui depuis cognoissant les prudences desdictz Arnoul, & Pepin, les constitua, l'vn Maire du Palays d'Auftrafie, l'autre saint Arnoul, pour lors Euesque de Metz, & principal conseiller de foudict filz Dagobert, quant il luy laissa l'administration dudit royaume: Et vesquit en grand amour, & dilection ensemble, administrans & gouuernans tresprudemment, ledict royaume d'Auftrafie, soubz ledict Dagobert.

*Iette, femme de Pepin fondateur de Nyuelle.*

Or auoit ledict Pepin en mariage vne sainte femme, nommée Iette, fille de Godin, Comte d'Acquitaine: De laquelle il eut troys enfans, vn filz, nommé Grimoaldus, qui succeda à son pere, & ne vesquit gueres: vne fille appelée Gertrudis, laquelle garda virginité en religion, au monastere de Nyuelle, en Romanbrabant, que sa mere, Iette, autrement Yduberge, auoit fondé. Finallement fut reputée sainte: L'autre fille, nommée Begga, fut maryée à Anchises, filz de saint Arnoul, come nous dirons cy apres. Oultre

# depuis Pharamond iusques à Charlemagne. F. xcviij.

Oultre cestuy Pepin fut institué Maire du Palays d'Austrasie, en l'an six cens quarante, quant Dagobert bailla ledict royaume d'Austrasie, à Sigebert son filz: Et puis ledict Pepin mourut en l'an six cens cinquante deux, ou six cens quarante sept, selon au cuns, apres qu'il eut regné enuiron trente troys ans: Et lâissa sadiete femme, qui vesquit sainctement, & augmenta la fondation dudiect monastere de Nyuelle, par le conseil de sainct Amad, Euesque de Tôgre, auquel monastere elle deputa Abbesse, sadiete fille saincte Gertrude, & de la se trāsporta à Treues, avec son frere Modoaldus, Archeuesque dudiect lieu, & sa seur Seuera Abbesse, tous troys reputez sainctz: Les faitz desquelz pourront les lecteurs veoir dedās les histoires des Archeuesques de Treues.

*Saincte Gertrude  
Abbesse de Nyuelle.*

## ¶ Des successeurs de Clodion, dont est descendu Charlemagne, & les Ducz de Mozelane, qui ont regné durant ledict Euesque sainct Paul.



**A**RNOVL, qui fut Euesque de Metz, duquel nous auons escript en l'Euesque Caraimerus, vesquit quelque temps, durant nostre Euesque sainct Paul. Car ledict Arnoul mourut, en l'an six cens quarante.

**Anchises** ou Ansigifus, filz de sainct Arnoul, succeda à son pere, au Marquisat du sainct Empire, sur Lescault & autres seigneuries, l'an six cens seze, quant sondict pere entra en l'hermitage: Toutefois l'an suyuant sondict pere fut esleu Euesque de Metz, lequel Euesché il administra, enuiron quinze ans, iusques en l'an six cens vingt neuf: En laquelle année il renonça à son Euesché, & de rechef retourna en l'hermitage, ou il vesquit longuement, iusques en l'an six cens quarante: En laquelle année ledict Arnoul son pere morut: Mais auant sa mort il predict & reuela audiect Anchises son filz, que à la posterité & à ses enfans qui descendroyent de luy, seroyent transferez les royaumes de France, & d'Austrasie: Et partant l'enhortoit viure iustement, soubz l'amour & craincte de Dieu, & luy conseilla prendre, pour femme Begga, fille de Pepin l'ancien, par laquelle, luy & ses enfans succederoient es Duchez de Tôgre, & Brabāt, apres la mort de Grimoart, frere de sadiete femme Begga.

*Anchises Marquis de l'Empire.*

*Begga femme de Anchises.*

¶ Cestuy Anchises, fut tresbon Prince & de saincte vie, grand aulmosnier aux pauures, & mourut martyr. Car vn iour trouua vn pauure enfant delaisé, duquel on ne scauoit les pere & mere: Si le fait prendre & baptiser, le teint sur fondz, le nommant Godinus, & depuis le nourrit en sa maison, l'aduançant en grans honneurs & biens temporelz: Mais vn iour qu'il estoyent à la chasse, par trahison & mauuaisement, ledict Godinus le tua, l'an six cens quatre vingtz quatre (comme dict Sigebert) esperant par ce auoir ses offices: Mais il aduint autrement, par punition diuine: car il mourut enragé, & hors du sens. Lediect Anchises fut reputé sainct & martyr, & regna enuiron quarante ans, depuis que sondict pere eut laissé le monde. Et lâissa vn filz, nommé Pepin Heristel, qui succeda en toutes lesdictes seigneuries, comme nous dirōs cy apres: Et de cestuy Pepin descendit par ligne directe, le roy Charlemagne, comme nous deduirons.

*Anchises tué par Godinus son fillol.*

¶ Icy fault noter qu'en ces deux freres Anchises & Clodulphus, enfans de sainct Arnoul, fut diuisée la ligne Anselbert, le Senateur. Car de cestuy Anchises, auquel fut conioincte & vnie, la ligne des Ducz de Tongre & de Brabant, en traictant le mariage de luy & de Begga, fille de Pepin, descendit par ligne directe ledict roy Charlemagne. Et dudiect Clodulphus, Duc de Mozelane, au filz duquel, nommé Martin, fut conioincte la ligne de ceulx d'Ardenne, par le mariage de luy, & de Beatrix d'Ardenne, descendirent les Ducz de Mozelane, & les Princes d'Ardenne, & cōsequemment les Princes de Lorraine, à present regnans, comme clairement nous le monstrerōs en nostre ptesente cronicque, & par l'arbre de genealogie, sur ce faite: Et partant nous traicterons icy des Ducz de Mozelane, particulierement, iusques ad ce, qu'ilz soyent conioinctz avec ceulx d'Ardenne.

*Mozelane fut separé du Marquisat de l'Empire.*

# Le.ii.liure des antiquitez de la gaule belgicque,

Des successeus de Clodion, qui ont tenu le  
Duché de Mozelane, du temps  
dudiēt Euesque sainct  
Paul.

Clodulphus pre-  
mier Duc de Mo-  
zelane.



**C**L O D V L P H V S, filz de sainct Arnoul, & frere dudiēt Anchises, en sa ieunesse, suyuit la court du roy Dagobert, & de Sigisbert son filz, estant Comte Palatin, possedant grandes seigneuries audict royaume d'Austrasie, situées aux enuirs de la Moselle: Et lesquelles apres que son diēt pere entra en l'hermitage, qui fut enuiron l'an six cens seze, furent erigées en Duché, & s'en nomma premier Duc. Car parauant le pays s'appelloit Mozelane, à raison de sa situation, & sans tiltre de Duc, &c. Cestuy print pour femme Almabert, fille de Carloman de Brabant, & selon aucuns s'appelloit Marie, fille du roy Clotaire. De laquelle il eut plusieurs enfans, dont l'aîné appellé Martin, succeda audict Duché de Mozelane. Adalgesilus, fut Comte de Thoulouse, Agnorald Comte de Chauluementel. Il eut encores autres enfans religieux & religieuses. Aucuns ont escript, que durant sa vie, sa femme entra en religion à Nostre Dame située pres de Treues: Et qu'il print habit de religion à Sainct Maximin, situé de l'autre costé de Treues, &c. Les autres escriuent que cestuy Clodulphus, apres la mort de sa femme, laissa sa Duché de Mozelane & ses seigneuries à son filz, enuiron l'an six cens cinquante, & print l'estat de l'eglise, & fut Euesque de Metz, par l'espace de vñze ans: Cō bien que l'historien de Metz escript, qu'il teint lediēt Euesché quarante ans. Parquoy il faut que les lecteurs accordent les historiens. Car dauantage ie trouue aux histoires, des Archeuesques de Treues, que cestuy Clodulphus, fut le cinquante huietieme Archeuesque de Treues: ou lediēt historien escript comme s'ensuit.

Clodulphus Eues-  
que de Metz.

*Clodulphus quinquagesimus octauus eligitur Episcopus, Metensem tum regens Episcopatum, filius sancti Arnulphi etiam Metens. quondam Episcopi, cui hunc filium & alterum Anchisem pepererat uxor eius Doda, &c.*

¶ Diēt oultre cestuy historien que lediēt Clodulphus, fut chassé, contre la volūté du clergé de Treues, qui le tenoit comme sainct homme, par vn tyran nommé Milo, auquel Charles Martel fauorisoit, & donna audict Milo, les Archeueschez de Treues & de Reims. Ce qui semble difficile à croire, selon la supputation du temps. Car Clodulphus commença à estre Euesque l'an six cens cinquante: Et Martel commença à régner l'an sept cens quatorze: mais ilz répondent, que lediēt Clodulphus vesquit cent & troys ans, & que à la fin entra en l'hermitage, & mourut l'an sept cēs dixhuiēt, & que son corps fut inhumé en l'eglise qu'on diēt de present sainct Arnoul, pres le tō beau de son pere.

Aduertissement  
pour l'intelligence  
de cestuy Clodul-  
phus.

¶ Oultre fault icy notér que Ieā le Maire en son histoire, appelle cestuy Clodulphus, Flondulphus. Et semble par les histoires de Metz, que Clodulphus qui fut Euesque de Metz, ne fut iamais maryé: Toutefois à la verité il s'appelle Clodulphus, & fut Comte Palatin, suyuant les courtz desdiēt Dagobert, & Sigebert, son filz, comme apert par la teneur de la bulle d'or donnée par lediēt Dagobert, à Modoaldus Archeuesque de Treues, frere de Ietta, femme de Pepin l'ancien, & mere de Begga, femme du dessusdiēt Anchises, de laquelle bulle d'or, iay extraiēt la clausule qui s'ensuit.

*Constituimus protectorem, rectorem, & aduocatum, Illustrrem Dominum, Dominum Clodulphum, Austrasie, Mosellanica Ducem, Arnulphi Ducis filium, sanguine Regio natum.*

Extraiēt des bul-  
les d'or, données  
par Dagobert &  
Sigisbert son filz.

¶ Et semblablement en la bulle, que Sigisbert leur bailla, apert que le Duc Martin estoit son filz. En laquelle son contenuz ces motz.

*Ipsas cellas cum consilio & iudicio Episcoporum, Ducum, & Comitum nostrorum, maxime, cō sanguinei nostri Domini Martini, filij Clodulphi, filij Arnulphi Ducis Austrasie Mosellanica ac Mosellanorum, &c. Reddidimus, &c.*

¶ Aussi fault noter pour l'intelligence des choses subsequentes, que lediēt Martin Duc de Mosellane, fut maryé à Beatrix, seulle heritiere des Comtes d'Ardēne, com-  
me

# depuis Pharamond iusques à Charlemagne. F. xcix.

me nous dirons cy apres, soubz les successeurs d'iceulx.

**W**alchifus, selon Jean le Maire, fut le troisieme filz de saint Arnoul, Eues-  
dulphus: Lequel Vvalchifus, print pour femme Vvaldrada, seur de Pepin l'ancien, en  
laquelle il engendra. S. Vandregisile, en la cite de Verdun: Toutefois l'historien de  
Metz escript que ledict Vvalchifus fut filz de Vvaldrada, seur de Pepin l'ancien, non  
point mary, & qu'il engendra d'une autre femme sainte Vandregisille. Laquelle opiniõ  
semble estre la plus vraye, selon la supputation du tẽps. Nous lisons que cestuy Vval-  
chifus, faisoit sa residence, en nostre cite de Verdun, auquel lieu, & aux enuirõs, auoit  
eu son partage de succession paternel: Et si eut le gouuernement d'icelle cite, soubz  
les roys d'Austrasie, par le moyen de son pere, & de ses parens, qui gouvernoient les-  
dictz roys d'Austrasie: Et se faisoit appeller ledict Vvalchifus, gouuerneur & Comte  
de Verdun: Et pour lors les comtes des citez, estoient comme sont à present les Bail-  
liz & Senechaulx des pays, comme auons escript cy dessus, & escriurons cy apres.

*V. valchifus filz,  
ou nepueu de S.  
Arnoul.*

## ¶ Des successeurs de Clodion, dont sont descenduz les Princes d'Ardenne & Haynau, regnans durant ledict Euesque saint Paul.

**B**R V N V L P H V S, filz de Clotilde, seur de sainte Aye, fut ado-  
pté filz & heritier de ladicte sainte Aye, environ l'an six cens dixhuit.  
Au moyen dequoy il succeda à Ardenne, Haynau, & autres seigneu-  
ries appartenantes à ladicte tante, & à celles de Hydulphe, son mary.  
Cestuy suyuit la court de Clotaire, pere de Dagobert, à raison que le-  
dict Clotaire, estant desia vieux, auoit prins en secondes nopces, pour femme Sichi-  
de, seur dudit Brunulphus, de laquelle il eut vn filz, nommé Haybert; Et si mary  
Dagobert, son filz, à Gomatrude, aussi seur dudit Brunulphus. Dauantage il ordon-  
na, par son testamẽt, qu'apres sa mort Haybert eust pour sa part le royaume d'Austra-  
sie, instituant ses gouuerneurs ledict Brunulphus, & vn autre Prince, nommé Gode-  
laud. Si ordonna que ledict Dagobert, son ainsé filz, eust tout le surplus du royau-  
me de France: Mais apres la mort dudit Clotaire, Dagobert reteint le royaume  
d'Austrasie, repudia sa femme Gomatrude, allegant qu'elle estoit sterile. Desquelles  
choses Brunulphus ne fut content, & en ce qu'il peult resista & deffendit le droit, de  
son nepueu Haybert, audit royaume d'Austrasie. A raison dequoy Dagobert ordon-  
na à troys siens capitaines, Almagarius, Arnebertus, & Villebaldus, tuer Brunul-  
phus: Ce qu'ilz feirent par trahison & cauteusemẽt en la cite de Ablatõ, qui estoit  
de ses seigneuries, enuiron l'an six cens trente six, cõme escript Annonius en son qua-  
triemeliure, au chappitre dixneuuieme: Et non content de ce, Dagobert priua & des-  
hereda les quatre filz dudit Brunulphus, à sçauoir Hidulphe, Glameric, Alberic, &  
Brunulphus le ieune: Applicqua toutes leurs terres & seigneuries à son domayne.  
Toutefois ilz furent restituez quelque temps apres, enuiron l'an six cens cinquante  
deux, par Sigilbert filz dudit Dagobert, comme nous dirons poussuyuant l'histoire.  
¶ En ce fault noter qu'apres ladicte restitution, lesdictes seigneuries d'Ardenne, &  
Haynau, furent diuisées entre ses enfans. Parquoy d'icelles escriurons tiltres diuers en  
nostre presente histoire.

*Brunulphus sei-  
gneur d'Ardenne  
& Haynau.*

*Brunulphus deffẽ  
dit son nepueu  
Haybert, filz du  
roy Clotaire. ij.  
Brunulphus tue  
par trahison.*

*Les quatre filz de  
Brunulphus.*


*Aduertissement  
aux lecteurs*

Le.ii.liure des antiquitez de la gaule belgicque,

DE LA VIE DE GIS-  
loaldus quatorzieme Euesque  
de Verdun.



*Gisloaldus .xiiii.  
Euesque de Verdun*



*Intelligence com-  
ment les donatiōs  
des monasteres se  
faisoient aux Eues-  
ques.*

*Le monastere de  
Tholey, soubz  
l'administration  
des Euesques de  
Verdun.*

*Les Princes de  
France qui entre-  
prenoient l'admi-  
nistration des Ab-  
bayes.*

**G**ISLOALDVS, fut quatorzieme Euesque de Verdun, enuiron l'an six cens quarante huict, esleu luy estant religieux de l'ordre saint Benoit, au monastere, pour lors appellé Tabulcum, ou Theologium, & de present Tholey, au diocese de Treues. Lequel, l'Abbé Tritemius en son histoire, soubz le tiltre de Clouis deuxieme, appellé de present *Dologiense Cænobium*, & duquel auons escript cy dessus la fondation auoir esté faicte par Grimo, nepueu, ou cousin du roy Dagobert, de son propre patrimoine: Et aussi comment ledict Grimo le bailla & aulmosna, en propriété à saint Paul, & a ses successeurs Euesques de Verdun: Laquelle donation se doit entendre apres l'administration & gouvernement des religieux, que le surplus s'appliquoit, par la discretion des Euesques, en l'entretènement de leurs clergez: tellemēt que pour lors es premieres fondations des monasteres, la coustume estoit souuent, que les fondateurs durant leurs vies administroient aux religieux, puis disposoyent du superflu à leur plaisir, ou bien en donnoyent l'auctorité à aucuns Euesques, ou autres particuliers personages, esquelz ilz se foyent: En sorte que souuētsefoys vn Euesque, ou vn Abbé auoit l'administration de plusieurs monasteres, comme nous monstrerons cy apres. La cause estoit ad ce, que les religieux ne eussent autres occupatiōs, que de seruir à Dieu, suyuant laquelle coustume, ledict monastere de Theologium à esté plus de deux cens ans, soubz l'administration des Euesques de Verdun: Tellemēt que Laurentius Leodienſis, en l'epistre premiere de son histoire, escript que d'icelluy ont esté prins & esleuz diuerses foys six religieux pour estre Euesques de Verdun. Toutefois enuiron l'an huict cens quarante six, Lothaire premier du nom, en hayne de Hilduinus, pout lors Euesque de Verdun, retira & osta ledict monastere, de l'eglise de Verdun, & le bailla à vn homme particulier, comme nous dirons, suyuant l'ordre du tēps. Ceste coustume fut cause q̄ depuis, soubz la fin des regnes de ceulx du sang de Charlemagne, les grans Princes & les plus nobles de la court des roys, entreprendrent l'administration des grosses abbayes de France, & portoyent les tiltres d'Abbez d'icelles, avec leurs seigneuries temporelles. Ce que feit du commencement Hue Capet, son pere, & plusieurs autres, comme on peut veoir par les histoires de Gaguin & Annonius, lesquelz escriuent que ceste meschante & damnée coustume, fut totalement abroguee du temps du bon roy Robert, filz d'icelluy Hue Capet.

¶ Or pour retourner à nostre principale matiere, l'Euesque saint Paul, durant sa vie suyuant la donation que Grimo luy auoit faicte, administra & gouverna tousiours le dict monastere Theologium, tenant l'Abbé & les religieux, soubz son obeissance & correction, les visitāt souuēt, disposant & fornissant tout ce qui estoit necessaire, pour leur entretènement, tant au temporel que spirituel: La reste & superflu l'appliquoit à l'entretènement de son eglise & clerge. A raison dequoy les meurs & vertus des religieux d'icelluy, estoient manifestees & cogneues audict saint Paul, & aux Chanoynes de son eglise. Ce qui fut cause q̄ Gisloaldus religieux, & qui auoit loguemēt veu illec saintemēt, soubz l'obeissance d'icelluy saint Paul, fust esleu & nommé Euesque de Verdun

# depuis Pharamond iusques à Charlemagne. F.c.

Verdū, l'electiō duquel fut confirmée facilement & agréée par le roy d'Austrasie Sigisbert ioyeux de son electiō, lequel depuis augmenta la fondatiō de son eglise de Verdū: Et semblablement celle de Toul, soubz l'Euesque Teufrius, qui obtint de luy le village de Vichery, & plusieurs autres.

*L'electiō de Gisolaldus confirmée par Sigisbert roy d'Austrasie.*

¶ On liēt de cestuy roy Sigisbert, que toute sa vie fut vertueux & réputé saint homme, desirāt sur tout l'honneur de Dieu, & l'entretènement des eglises, aymāt & ayant en grande reuerēce les religieux, & ceux qui laissoiēt le mōde pour seruir à Dieu: Et pour ce que du cōmencemēt fut lōg tēps sans enfans, & n'auoit esperāce d'en auoir: Il ordōna heritier en son royaume Childebert, filz de Grimoart, Maire de son Palays, il fonda douze Monasteres en diuers lieux de son royaume d'Austrasie, entre lesquels fut l'abbaye de Stabulo. Il recepuoit & entretenoit en sa court, tous les saintz personages, qui viuoient de son temps, & leur aydoit à faire fondations, & viure saintement.

*Douze Monasteres fondez par le roy Sigisbert.*

¶ En ce cōmencemēt diēt to<sup>les</sup> historiēs, que de son tēps, ē Frāce & Austrasie, il y eut plus de nouuelles fondatiōs d'eglises & monasteres, & plus de saintz personages, hōmes & femmes, habandonās pōpes mondaines, & entrās en religiō, viuās en grande austerité de vie, que de lōg tēps au parauāt, ny apres, n'en furent veuz en si grāt nombre, mesmes desstrangers & de diuerses natiōs, qui venoyēt es Gaules, pour viure saintement & religieusement, du nōbre desquelz, fut saint Eloy, natif de Eymoges, qui fut Euesque de Noyon, restitua les Flamēgz, à la vraye foy de Iesuchrist, & ediffia le monastere de saint Martin à Tournay, & si trouua les corps de saint Quentin en Vermadoys, saint Anlbert Euesque de Tongre, sainte Gertrude, & sa mere Ietta, qui edifierēt le monastere de Nyuelle. Saint Fourcy, natif d'hibernie, entreprint pellerinage en Frāce, avec ses deux freres Foullan, & Vlcā, & fait ediffier l'Abbaye de Laigny sur Marne. Saint Iosse filz du roy de Bretagne, qui laissant son pays, menāt vie heremitique, vint à Pōtigny, ou il mourut saintement. Saint Landelin aliās Morafus, qui premier fut brigāt, larron, depuis cōuert y à Dieu, par saint Auspertus, Euesque de Cambray, fut enuoyé en Gaule predicateur de la foy, par le Pape Martin, ou il ediffia le monastere de Lobience, diocese de Tournay, & deux autres. Saint Remaclus, qui estoit des principaulx conseillers du roy Sigisbert, & Euesque du Traict: Il renōça au mōde, entra en religiō au monastere de Stabulo. Semblablement les troys freres, Ado, Rado, & Dado, autremēt appellé, Ouen, ou Audoenus, qui auoiēt esté referēdaire, qu'on diēt à present Chācellier, du roy Dagobert, & Archeuesque de Rouē, où il fōda le monastere saint Ouen, & celluy de Rabetz en Brye, & institua premier Abbé saint Agile, filz de Agnoaldus, conseiller du roy Dagobert, & Sigisbert. Si entra finalement lediēt Dado, en religion, viuāt si saintement, que de son viuāt & apres sa mort fait plusieurs miracles: Et de luy escript Petrus de Natalibus, en son cathalogue, qu'il vint à Verdū, luy estant religieux, visiter nostre Euesque Gisolaldus, qui estoit de son sang & lignage, en luy gratiffiāt de son electiō, l'admonestāt en oeuvres de sainte perfectiō de vie: Et pendant qu'il estoit en ladiēt cité, deliura miraculeusement, & guarit vn hōme ayāt le diable au corps. Et en ce mesme tēps, furent plusieurs saintz & saintes, desquelz seroit chose lōgue à reciter, cōme on peult veoir par les histoires dudiēt temps.

*Des saint personages, viuans du temps de Sigisbert roy d'Austrasie.*

*Saint Ausbertus de Tongre.*

*S. Iette & sa fille Gertrude.*

*S. Forcy & ses deux freres.*

*S. Iosse de Bretagne.*

*S. Landelin fondateur de Lobience.*

*S. Remaclus Euesque du Traict.*

*S. Ado, Rado, & Dado freres.*

*Saint Agile.*

¶ Apres le departemēt du saint hōme Dado, nostredict Euesque Gisolaldus vesquit saintement, administrāt son Euesché en tout ce qui appartient à vn bon Prelat: Toutefois il eut beaucoup de troubles & empeschemens: Car enuiron l'an six cens cinquāte & quatre, suruindrent plusieurs signes & prodiges, contre disposition de nature, par visions de feu, & glaiues sanguinolentz enflammez, qui cheoient du ciel: Et conséquemment vne grande pestilence & mortalité, durant laquelle (comme diēt Sigisbert) on voyoit deux Anges, l'vn bon & l'autre mauuais, qui de nuit enuironnoient les villages, villes, & citez: Toutefois que par le commandement du bon Ange, le mauuais frappoit huys, ou porte, de quelque maison, le lendemain, autant de coupz qu'il auoit frappé, autant de gens mouroient en ladiēt maison.

*Signes & prodiges merueilleux.*

¶ Dauantage en l'an six cens cinquante six, suruint vn autre grand ducil & tristesse, à

# Le.ii.liure des antiquitez de la gaule belgicque,

*La mort du roy Sigibert & trahison de Grimoart.*

nostre Euesque Gisloaldus. Car son bon amy, & bienfaicteur, le roy Sigebert, alla de vie à trespas: dont il fut merueilleusement trouble, non seulement luy: mais tous les nobles, & Prelatz d'Austrasie, irritez & esmeuz en guerres, contre Grimoart maistre de son Palays, qui apres sa mort entreprint le royaume, pour son filz Childebert, que ledict roy auoit du commencement adopte son heritier: mais depuis auoit eu vn filz nomme Dagobert, qu'il auoit ordonne regner apres luy: Ce nonobstant ledict Grimoart, ou Grimoart, l'enuoya en Escosse prendre l'habit de religion: Dont les nobles & Prelatz du pays, ne furent contentz, & s'esleuerent en armes contre luy, enuiron deux ans apres, & le prindrent prisonnier, par l'ayde dudict Clouis, deuxieme roy de France, qui le feit mourir tost apres en prison à Paris: Et nonobstant ledict Clouis ne restitua point le vray heritier Dagobert, en sondict royaume d'Austrasie, mais le bailla à son propre filz, puise, Childeric: Dont les Austrasiens, furent fort irritez, & y eut entre culx grant mutinement, & port d'armes: Mais finalement ledict Childeric, obtint ledict royaume, comme nous dirons plusampement cy apres, en escriuant desdictz roys.

*Grimoart mourut en prison à Paris.*

*luy 660  
Famine en France & Austrasie.*

¶ Apres lesdictes diuisions, suruint si grande famine, esdictz royaume de France, & d'Austrasie, qu'on trouuoit les pauures gens, par les chemins, mortz de faim. A raison dequoy le roy feit descouurer & prendre l'argent, qu'on auoit fait mettre sur l'eglise saint Denys, à l'endroit des corps saint, & le feit departir aux pauures: Combié qu'aucuns escriuent, qu'il feit ce faire, par volupte, & non pour les pauures, de misericorde: Et si feit prendre vn des bras saint Denys, & le desmembrer, du corps, pour l'enchasser & emporter avec luy. Si aduint tost apres, qu'il fut infense, & perdit son entendement, ce qu'on iugeoit estre, pour l'outrage, & iniure faicte, à ladicte eglise, & audict saint, & aussi par punition diuine, de la tyrannie qu'il auoit exercé, contre son nepueu, d'entreprendre le royaume d'Austrasie, pour son filz.

*L'eglise S. Denys en France descouuerte, par Clouis deuxieme.*

¶ Or durât ladicte famine nostre Euesque Gisloaldus, pour subuenir à la necessite, de son peuple de Verdun, exposa grans biens, or & argent, qu'il auoit obtenu, par son bienfaicteur, le feu roy Sigebert. Et oultre apres ladicte famine cessée, du reste & relicqua qu'il auoit desdictz biens, enuiron l'an six cens cinquante neuf, feit edifier maisons & habitacles, pres l'eglise saint Saturnin, que son predecesseur saint Paul, auoit faicte, & en laquelle son corps gisoit, faisant iournellement beaux miracles, & y meist des Chanoynes, lesquelz il fonda de rentes, & reuenus pour viure illec, & seruir à Dieu, ainsi qu'il cognoissoit, que sondict predecesseur auoit intentio de faire, s'il n'eut esté preuenue de mort. Ce faict, leur donna reigle & ordre de chanter les heures canonialles, & vacquer au seruice diuin: Ce qui dura iusques au temps de l'Euesque Vvilfridus, enuiron l'an neuf cens septante & cinq, qu'il institua religieux, de l'ordre saint Benoid, au lieu desdictz Chanoynes, & transmua le nom, de ladicte eglise saint Saturnin, au nom & tiltre de saint Paul: Et depuis furent transferez lesdictz religieux de saint Benoid, en l'ordre de Premonstre, comme on les void encores au iour d'huy: Et en escrirons selon l'ordre du temps.

*Gisloaldus fonda Chanoynes, en l'eglise S. Saturnin à Verdun.*

*Penitence & satisfactio. du roy Clouis deuxieme.*

¶ Enuiron l'an six cens soixante & vn, ledict roy Clouis recouura aucunement son entendement, & print desplaisir de l'outrage qu'il auoit faict, en ladicte eglise saint Denys, & du corps saint qu'il auoit mutilé. Si couocqua à Clychy, pres Paris, ou estoit sa maison royale, tous les Euesques & Prelatz, qui pour lors auoient grât bruiet de sainteté, tant en France qu'Austrasie, & en leurs presences feit reparation des excez qu'il auoit faict, cõtre ladicte eglise de saint Denys. Laquelle il doua & augmeta de grans biens, priuileges, rêtes, reuenues, & seigneuries, signamment d'exemptions. En cestuy concille asisterent Nyuardus Archeuesque de Reims, Bercharius, son disciple, qui depuis fut martyrisé, nostre Euesque Gisloaldus, & autres: Et sur tout presidoit saint Landry Euesque de Paris, pour lors, qui approuua & ratiffia, tout ce que le roy auoit ordonne, acceptant ladicte satisfaction, pour agreable, &c. Et l'an suyuant mourut ledict roy Clouis deuxieme: Et enuiron troys ans apres, à scauoir l'an six cens soixante cinq, mourut nostre Euesque de Verdun, Gisloaldus, avec pleurs & plainctes de tout son clergé, apres qu'il eut tenu le siege dix sept ans.

*La mort de l'Euesque Gisloaldus*



# depuis Pharamond iusques à Charlemagne. F. ci.

## Des Papes qui ont tenu le siege de Rome, durant ledict Euesque Gisolaldus,



**EUGENIUS**, premier du nom, natif de Rome, fut esleu Pape, l'an six cens cinquante, par la nomination du peuple & clergé. Les autres escriuent l'an six cens cinquante neuf. Cestuy fut homme misericordieux, pitoyable, ayant Dieu sur tout, & liberal aux pauvres. Il ordonna que les Euesques eussent prisons, pour corriger les malfaiteurs. Prohiba sur peine de excommuniement & deffendit que les moynes, pour quelque cause que ce fust, voire de la licence de leur Abbé, ne sortissent de leur cloistre. Il mourut apres qu'il eut tenu le siege, enuiron troys ans.

*Eugene premier du nom. lxxvii. Pape.*

**Vitalianus** natif d'Italie, en vne ville des Volques, fut esleu Pape l'an de grace, six cens cinquante troys, les autres escriuent six cens soixante deux. Si fut homme de grande bonté & perfection, diligent & curieux de l'honneur de Dieu, & de l'office Ecclesiastique, qui reforma la consonance de la chanterie, permeit l'usage des orgues. Si enuoya deux sçauans personages, Theodorus Archeuefque, & Adrianus Abbé, en Angleterre, pour entretenir les Angloys en la foy chrestienne. Il mourut apres qu'il eut tenu le siege quatorze ans six moys. Combien que l'Abbé Vispergensis escript, qu'il ne fut Pape que neuf ans six moys.

*Vitalianus. lxxxviii. Pape.*

## Des Empereurs regnans du temps dudiect Gisolaldus quatorzieme Euesque de Verdun.



**CONSTANS**, filz de Constantin troisieme, duquel auons escript en l'Euesque precedent, regna durant tout le temps de nostre Euesque Gisolaldus, & encore cinq ans, durant son successeur. Car ledict Constans mourut l'an six cens septante.

## Des roys de France regnans du temps dudiect Euesque Gisolaldus:



**LOUIS**, deuxieme du nom, filz legitime de Dagobert & de Nanthilde sa femme espousée, succeda au royaume de France, apres son pere, l'an six cens quarante cinq, qui le laissa soubz le gouuernement de Egu Maire du Palays de France, natif de Neustrie, Prince sage & droiturier en iustice: Tourefoys auaricieux, qui mourut bié tost apres & en son lieu succeda Berthinouault, parent de la mere du roy, homme vaillant aux armes, & qui amena en Frâce apres vne victoire en Saxonie, vne ieune fille, nommée Bauldour, ou Batilde, qu'on disoit estre du sang royal, laquelle fut de si bonne & sainte vie, que ledict roy Clouis, la print pour femme, & d'elle eut cinq enfans, dont les cronicques ne font mention que de troys, sçauoir, Clotaire, Theodoric, & Childeric: Et des deux autres ne se trouuēt les noms: Mais aucuns historiens escriuent, que pendant l'absence de leur pere, estāt oultre mer, contre les infidelles, lesdictz deux filz furent si desobeissans à leur mere, qu'ilz la chasserent & deiecterēt hors du gouuernement du royaume: A raison dequoy, apres le retour de leur pere, furent prins prisonniers & presentez en iugement: Et pour ce q' lesiuges craignoiēt les punir rudement, la bone dame donna

*Clouis deuxieme du nom. xii. roy de France.*

*Sainte Bauldour ou Batilde, femme du roy Clouis deuxieme.*

# Le.ii.liure des antiquitez de la gaule belgicque,

*Sentence donnée par la Royne Balthilde, contre ses deux filz. L'abbaye des Eneruez.*

donna la sentence, & ordonna les eneruer des bras & iambes, les mettre en vn bateau feulz, sur la riuere de Seine, à l'adventure. Si arriuerent en Normandie, ou furent trouuez, par vn hermite, sur le bost de ladicte riuere, qui en aduertit ladicte royne, laquelle le enuoya gēs, pour illec fonder vn monastere, qui fut appellé l'abbaye des Eneruez, de present de Iumyeges: En laquelle ilz furent faictz moynes, & y finerēt leurs iours. La dicte royne fōda encores deux autres abbayes, Chelles, pres Paris, & Corbie. Annonius en son histoire escript, que Clouis, durant sa vie, fut homme luxurieux, fornicateur, & illuseur des femmes, yurongne & gourmand. Il fit descourir de son temps, & prēdre l'argēt qui estoit en l'abbaye de saint Denys, sur la chasse des corps saintz: Et si fit arracher vn des bras d'iceluy saint Denys, qu'il fit enchasser richemēt, pour porter avec luy. Aucuns le veullent excuser, disans, qu'il le fit pour le distribuer aux pauvres, durant vne grande famine. Les autres escriuēt, qu'il le fit pour ses voluptez & volunté desordonnée, à raison dequoy fut insensé, & perdit son entendemēt, qu'il recouura aucunement apres auoir satisfait de l'offence. Cestuy Clouis, enuiron la douzieme année de son regne, deiecta du royaume d'Austrasie Grimouault & son filz Childebert, qui auoyent vsurpé ledict royaume, & les fit mourir en prison à Paris: Et si ne le restitua pas à Dagobert, son nepueu, vray heritier d'icelle, que ledict Grimouault auoit enuoyé en Escosse, & faict moyne: Mais bailla ledict royaume d'Austrasie à son plus ieune filz Childeric. Puis mourut ledict Clouis, en l'an six cens soixante deux, apres qu'il eut tenu le royaume de France, dix sept ans.

*Clouis vsurpa le royaume d'Austrasie, pour son filz.*

*Clotaire troisieme du nom. xiii. roy de France.*

*Ebroyn Maire du Palays de Clotaire.*

*Les roys de France commencerēt estre inutilles & pusillanimes.*

*Les Maires du Palays commēcerēt à prendre auctorité sur les roys.*

**Clotaire** troisieme du nom, filz de Clouis deuxieme, fut roy de France, en l'an six cens soixante & deux. Il institua Maire de son Palays, vn mauuais & cruel homme, nommé Ebroyn, de la nation d'Almagne, que l'Abbé Tritemius appelle, selon la langue Germanicque, Eberuvinus, lequel quelque temps parauant, auoit esté deiecté & expulsé d'Austrasie, par le roy Sigisbert, à la poursuite & querimonie des prelatz & gens d'Eglise, pour les grandes molestations, & tyrannies, qu'il faisoit audict pays d'Austrasie, & s'estoit retiré en France à la court de Clotaire ainsné filz de Clouis deuxieme. Auquel il sceut si bien complaire, par sa malice & faulse dissimulation, que incontinent, que ledict Clotaire troisieme, veint à regner, il le constitua Maire de son Palays de France: Et lors se voyant esleué en telle dignité, cognoissant la nature de son maistre Clotaire, adonnée aux ieux, luxures, & gourmandises, pour mieux exercer ses tyrannies, il commença à luy gratifier, en toutes ses voluptez & appetitz desordonnez: Tellement qu'il le reduict en nonchaloir & pusillanimité, qu'il n'auoit soucy des affaires du royaume: mais seulement paillarder, & gourmander, laissant à Ebroyn l'auctorité & puissance de regner, & gouverner tout à son plaisir les grans affaires du royaume. Et deslors les roys de France, depuis ledict Clotaire deuxieme, iusques à Pepin, filz de Charles Martel, suyuant les meurs & pusillanimitiez d'iceluy Clotaire, furent tous paresseux, lasches, pusillanimes, plains de lasciuitez, ayans seulement le tiltre de roy, laissant l'auctorité & administration de tous les faictz du royaume, tant en finance, comme à la guerre, aux Maires du Palays: Toute fois ledict Clotaire ne vesquit longuement: car il mourut sans enfans, l'an six cens soixante six, apres qu'il eut regné, seulement quatre ans, & luy succeda son frere Theodoric comme dirons cy apres.

## Des roys d'Austrasie, regnans du temps d'iceluy Euesque Gisloaldus.

*Sigisbert. xii. roy d'Austrasie.*



**SIGISBERT**, aliàs Sigibert, filz bastard de Dagobert, succeda au royaume d'austrasie, apres la mort de son pere, en l'an six cens quarante cinq: Combien qu'au parauant il auoit administré ledict royaume des l'an six cens quarante, viuant encores sondict pere: Et estoit frere ainsné d'iceluy Clouis: Mais de deux meres. Car Dagobert leur

# depuis Pharamond iusques à Charlemagne. F. cii.

leur pere, voyant du commencement, qu'il ne pouuoit auoir lignée de sa femme legitime Nantilde, print vne ieune damoïelle, nommée Ragnetruide, de laquelle il eut le dict Sigisbert, tenu sur les fons, par Aribert roy d'Acquidaine: Et comme l'Euesque saint Amand, le baptisoit à Orleans, quarante iours apres sa natiuité, & homme ne respondoit aux oraisons baptismales, ledict enfant respondit à haulte voix AMEN Qui fut signe des saintetez & vertus, qu'il monstra par apres.

*Miraculeux bap-  
tesme du roy Sigi-  
bert.*

¶ Or son pere luy bailla, estant encores ieune enfant, l'administration du royaume d'Austrasie, & pour les gouuerneurs assigna Cunibert Euesque de Coulongne, & Pepin l'ancié, Maire de son Palays, qui mourut tost apres, auquel succeda Grimoart, son filz, frere de Begga, homme de grans vertus, & soubz lequel Sigisbert feit beaucoup de biens. Car il fonda douze monasteres, & restitua aux enfans de Brunulphus (que Dagobert son pere auoit fait tyranniquement tuer) la comté de Haynau, & toutes les terres & seigneuries que sondict pere auoit osté & applicqué au royaume d'Austrasie, comme dirons, parlans d'icelluy: Toutefois bien tost apres mourut, Cunibertus, Euesque de Coulongne, auquel succeda Remachus Euesque du Trait. Semblablement mourut ledict Grimoart, sans enfans, auquel succeda en la Mairie du Palays, vn nommé Grimouault, aliàs Grimoart, comme dient Maistres Iean le Maire, & Nico le Gilles, en leurs histoires.

*Sigisbert restitua  
aux enfans Bru-  
nulphus les sei-  
gneuries que son  
pere leur auoit  
osté.*

¶ Quelque temps apres, voyant ledict Sigisbert, qu'il n'auoit enfans de sa femme appelée Fredeberghe, fille du Duc de Gaze, adopta pour heritier, en son royaume, Childebert, filz de Grimouault, Maire de son Palays: Mais il aduint par apres, qu'il eut vn filz de sa propre femme, qu'il nomma Dagobert, & ne vesquit long temps ledict roy. Car il mourut en l'an six cens cinquante six, apres qu'il eut regné vnze ans: Toutefois auant sa mort, ordonna à Grimouault, & le feit iurer faire regner sondict filz Dagobert apres luy: Ce qu'il promet, mais il n'en feit riens. Car en ladicte année par la suggestion de Dadon, Euesque de Poictiers, il enuoya ledict Dagobert, vray heritier, en Escosse, en vn monastere, ou il le feit tondre moyne, & institua roy d'Austrasie, son filz Childebert: Dont l'an suyuant, les Austrasiens ne furent contents, & en feirent grandes querimonies à Clouis son frere, roy de France, qui veint & print prisonniers ledict Grimouault, & sondict filz, & les feit mourir en prison à Paris: Mais ce nonobstant, il ne restitua son nepueu, le vray heritier en son royaume, mais institua son propre filz Childeric, le plus ieune, de ses enfans, roy d'Austrasie.

*Le testament &  
mort du roy Sigis-  
bert.*

¶ icy fault que les lecteurs notent qu'il y a plusieurs historiens, signamment Sigebert & les Germain, Nauclerus, & les Abbez, Vispergensis & Tritemius, escriuent, Grimoart, & Grimouault, estre vn seul, & que Grimoart, filz de Pepin l'ancien, fut celuy qui feit la trahison d'enuoyer le ieune Dagobert, en Escosse. Ce qui n'est vray, pour les raisons que dirons cy apres.

*Childeric filz de  
Clouis, vsurpa  
Austrasie.*

**Childeric** le plus ieune des enfans de Clouis deuxieme, fut institué roy d'Austrasie, par son pere Clouis, enuiron l'an six cēs cinquante & huit, apres que Childebert, filz de Grimouault, fut deiecté, comme auons dict cy dessus, escriuāt desdictz Clouis, & Sigisbert. Et print pour son Maire du Palays, vn tresvailant, & prudent Prince d'Austrasie, nommé Vvalesfroy, ou Vvolfandus, par le conseil & moyen duquel, il se gouerna tresbien, audict royaume d'Austrasie: De sorte que depuis, quant les François, eurent deiecté son frere Theodoric, hors du royaume de France, enuiron l'an six cent soixante sept, il appellerent ledict Childeric, le feirent couronner roy & Monarche de France, & d'Austrasie, comme escrirons cy apres en l'Euesque subsequent, soubz les roys de France, ensemble de la mort Childeric.

*Childeric xiii. roy  
d'Austrasie.*

*Vvolfādus Maire  
du Palays d'Au-  
strasie.*

¶ Des

# Le.ii.liure des antiquitez de la gaule belgicque,

¶ Des Ducz de Tongre & Brabant,  
regnans du temps dudiect  
Euesque Gissoal-  
dus.

*Grimoart duc de  
Tongre & Bra-  
bant.*



**G**R I M O A R T, filz dudiect Pepin l'ancien, succeda ausdictes sei-  
gneuries de Tongre & Brabant, par la mort de son pere, en l'an six cēs  
cinquante deux, autrement six cens quarante sept: Et si fut Maire du  
Palays d'Austrasie, soubz le roy Sigilbert. Il fut saint hōme, qui gou-  
uerna sagement lediect Sigilbert, avec Cunibertus Archeuesque de Co-  
longne, & fut cause de plusieurs belles fondations, que lediect Sigilbert, feit en diuers  
lieux d'Austrasie. Et induiect lediect roy à restituer aux quatre enfans de Brunulphus la  
Comté d'Ardenne, & de Haynau, toutes leurs terres & seigneuries, que son diect pere  
Dagobert leur auoit ostē, & applicqué à son royaume & domaine. Si feit plusieurs au-  
tres grans biens, pendant qu'il administra lediect royaume: Mais il mourut enuiron  
deux ans apres, l'an six cens quarante neuf, auquel succeda, comme escript maistre  
Nicole Gille, & Jean le Maire, en l'office du Palays, vn noble homme d'Austrasie, nō  
mé Grimouault, ayant vn filz, nommé Childebert, lequel le roy Sigilbert adopta,  
pour son heritier, comme auons diect cy de sus, escripuant dudiect roy.

*Grimoart Maire  
du Palays d'Au-  
strasie.*

*La mort de Gri-  
moart.*

¶ Aucuns historiens, & la pluralité d'iceulx, ont escript que lediect Grimoart, filz de  
Pepin, estoit celluy duquel le filz auoit esté adopté heritier, par Sigilbert, & qu'il a-  
uoit vsurpé le royaume d'Austrasie, pour son diect filz, contre Dagobert, filz dudiect Si-  
gilbert, & l'enuoya en Escosse, faire tondre moyne: Mais à la verité lesdictz historiēs  
ont equiuocqué, & failli, prenant les deux Grimoart, & Grimouault, pour vn seul.  
Car il est certain que Grimoart mourut, sans heritier de son corps, & que sa seur Beg-  
ga, femme de Anchises, filz de saint Arnoul, succeda aux Duchez de Tongre, & Bra-  
bant. Ce qui n'eut esté s'il eust eu vn filz, qu'il eust fait roy d'Austrasie: Et qu'ilz fus-  
sent mortz en prison à Paris. Car en ce cas, ses seigneuries eussent esté confisquées, cō-  
me furent celles de Grimouault, & de son diect filz.

*Difference entre  
Grimoart, &  
Grimouault.*

*Begga duchesse  
de Tongre & Bra-  
bant.*

**Begga** fille de Pepin l'ancien, seur de Grimoart dessusdiect, & de sainte Gertru-  
de, eut pour mary Anchises, filz de saint Arnoul, & succeda ausdictes  
Duchez de Tongre & Brabant, par la mort de son diect frere Grimoart, enuiron l'an  
six cens quarante neuf, comme seule heritiere. Car sa seur Gertrude, estoit en religio,  
& son diect frere mourut sans enfans. Elle deceda enuiron huit ans, apres son mary, à  
sçauoir l'an six cens cinquante neuf: Durant lequel temps, elle ediffia premierement  
l'eglise d'Audeuence, au Liege, ou est à present le corps monsieur saint Hubert, com-  
me diect Sigebert, en son histoire, & laissa vn filz de son diect mary Anchises, nommé  
Pepin Heristel, qui succeda en toutes les seigneuries, dudiect Anchises. On trouue vn  
ancien epitaphe de ladicte Begga, en ces termes.

*Begga fondateref  
se au monastere S.  
Hubert, & de sa  
mort.*

*Begga, Duchissa fuit, genitrix quoque germinis huius,  
Que fuit Anchiso foelici foedere iuncta.*

*Les deux lignes  
de Pepin & S.  
Arnoul vnies en  
semble.*

¶ icy fault noter, que en ces deux Begga, & Anchises, furent vnies les seigneuries de  
Tongre, & Brabant, avec le Marquisat du saint Empire: Par tant ne  
ferons plus mention desdictz Ducz de Tongre, & Brabant,  
sinon soubz le titre des successeurs de Clodion  
le Cheuelu, desquelz est descen-  
du Charlemagne.

# depuis Pharamond iusques à Charlemagne. F. ciii.

¶ Des successeurs de Clodion, dont est descendu Charlemagne,  
qui ont regné du temps dudiect Euesque  
Gisloaldus.

**A**NCHISES, ou Anchifus, filz de saint Arnoul, duquel auons escript en l'E-  
uesque saint Paul, fut Marquis du saint Empire, & regnoit durant lediect Eues-  
que Gisloaldus avec sa femme Begga, Duchesse de Tongre & de Brabant.

¶ Des successeurs de Clodion, qui ont tenu la Duché  
de Mozelane durant lediect Euesque  
Gisloaldus.



**C**LODVLPHVS, filz de saint Arnoul, duquel auons escript en l'E-  
uesque precedent, teint la duché de Mozelane, durant lediect Euesque  
Gisloaldus, enuiron deux ans, à sçauoir iusques à l'an six cens cinquante.  
En laquelle année, il laissa la Mozelane, à son filz Martin.

**M**artin filz de Clodulphus, succeda à la duché de Mozelane en l'an six cens  
cinquante, quant son pere laissa le monde, & entra en l'hermitage, Co-  
bien neantmoins depuis sondiect pere fut Euesque de Metz: Tellement, que pour  
quelque temps, lediect Martin tenoit ladiecte duché de Mozelane, & son pere estoit E-  
uesque de Metz, & prit pour femme Beatrix fille vnicque & heritiere seulle de Dul-  
phus, seigneur d'Ardenne. Par la mort duquel les seigneurs de Mozelane, & d'Arde-  
ne, furent vnies, en cestuy Martin & en sa dicte femme. Il fut tout son temps homme  
vertueux aux armés: & neantmoins grant zelateur du nom de Dieu & de son Eglise.  
Nous lifons, qu'enuiron l'an six cens quatre vingtz & sept, les princes d'Austrasie,  
voyans les tyrannies de Ebroin Maire du palais d'Austrasie, soubz Theodoric, qui en  
fut le quatorzieme roy, delibererent y resister: & pource faire, se leuerent cōtre lediect  
Ebroin, & esleurent pour Maire du palays, Pepin Heristel, cousin germain de cestuy  
duc Martin: Car lediect Heristel, estoit filz d'Anchises, frere de Clodulphus, pere du-  
diect Martin, lesquelz leuerent ensemble grosse armée, & vindrent assaillir le Tirant  
Ebroin: Mais ilz ne furent les plus fortz: Car Ebroin obtint la victoire: Toutefois Pe-  
pin eschappa, aussi fit le duc Martin, qui se retira à Laon. Quoy voyāt lediect Ebroin,  
enuoya messagers vers luy, donnant belles parolles & promesses, le priant venir par  
assurance, parler au roy Theodoric. Ce qu'il fit, dont mal luy en print. Car incont-  
inent qu'il fut arriué, lediect Tirant Ebroin, le tua inhumainemēt de ses propres mains,  
enuiron l'an dessusdiect six cens quatre vingtz & sept, apres qu'il eut regné enuiron  
trente & cinq ans. Il laissa deux filz, Eleuther & Lambert, qui regnerēt en Mozelane  
& Ardenne, lun apres l'autre.

*Martin, duc de  
Mozelane,*

*Beatrix d'Arde-  
ne, femme du duc  
Martin.*

*Le duc Martin  
tué en trahison  
par Ebroin.*

¶ Des successeurs de Clodion, dont sont descenduz les princes  
d'Ardenne, & Haynau, regnans du temps dudiect  
Euesque Gisloaldus.



**P**OUR l'intelligence des princes d'Austrasie & Haynau, fault noter  
que depuis l'an six cens trente six, auquel Dagobert, fit tuer Brunul-  
phus, comte d'Ardenne & Haynau, iusques en l'an six cens quarante  
neuf, que Sigisbert, roy d'Austrasie, restitua les quatre filz dudiect des-  
funct, en tous lesdiectz pays d'Ardenne, & Haynau, iceulx pays furent  
vniz

*Intelligence aux  
lecteurs pour les  
princes d'Ardenne  
& de Haynau*

# Le ij. liure des antiquitez de la gaule belgicque,

vniz au domaine du royaume d'Austrasie: Et lesdictz enfans, pendant ledict temps furent bannis & priuez de leur patrimoine, & se retirerent a Bar qu'on appelloit Bariuilla, par ce qui ny auoit encores chasteau, & feirent illec leur residence avec leur mere, comme dict maistre Jacques de Guise, & les historiens de Haynau. Partant nous escrirons icy desdictz enfans, commençant en l'an de leur restitution, & ne pourfuiurons, sinon ceulx d'Ardenne, & Haynau, desquelz ferons tiltres separez.

*Hydulphus comte d'Ardenne.*

**Hydulphus** filz troisieme dudiect Brunulphus, fut restitué en son patrimoine, par le roy Sigisbert, enuiron l'an six cens quarante neuf, & par le moyen de ses gouuerneurs, Cunibertus, Euesque de Coulongne, & Grimoart, filz de Pepin l'ancien: & eut pour sa portion patrimoniale le pays d'Ardenne. Cestuy fut aymé dudiect roy Sigisbert, esleué en office, & marié à vne noble dame, le nom de laquelle ie n'ay trouué aux histoires: Neantmoins il fut tousiours confederé aux Pepins, iusques à sa mort: Car Sigebert, escript en son histoire, que cestuy Hydulphus, impetra à Pepin Heristel, l'Abbaye de Bobiense, pour & au nom de saint Vrsinare. Si mourut ledict Hydulphus enuiron l'an six cens quatre vingtz, & laissa de sa femme, vne fille seule heritiere, en toutes ses seigneuries, nommée Beatrix

*Probation que Hydulphus n'engendra point Pierre comte de Metz ayeul de Guerin le Lorrain.*

¶ **A**ucun historié à escript, que cestuy Hydulphus, eut vn filz nommé Pierre, Comte de Metz, ce qui ne peut conseruer à la verité: Car ledict Hydulphus sans doubte fut Comte d'Ardenne, & n'eut qu'une fille, Beatrix, mariée à Martin, duc de Mozelanc, au moyen de laquelle, la comté d'Ardenne, fut conioincte à la duché de Mozelanc. Or s'il eust eu vn filz, certainement il eust succédé à Ardenne, auant ladicte fille, ce qui n'est vray: Car ledict Pierre de Metz, ne fut iamais Comte d'Ardenne. Dauantage ledict historien escript que ledict Pierre de Metz, engendra de sa femme Alix, Herny, Comte de Metz, ce qui est faulz: Car l'histoire de Metz intitulée les gestes de Guerin le Loran, ou Lorrain, escript expressement que ledict Pierre engendra vne fille Alix, qu'il maria, à Thierry, son preuost, homme riche, & de basse condition, lequel Thierry, engendra Herny, pere de Guerin le Lorrain qui engendra Gerbert, par la mort duquel la Comté de Metz & leurs seigneuries, retournerent aux enfans de Charlemagne. Ce qui est vray, & en ce appert contre l'intention dudiect Historien, que iamais les ducz de Lorraine à present regnans, ne descendirent par ligne directe dudiect Guerin le Lorrain, ne de son pere Herny, duquel les filles furent mariées aux princes de Haynau, comme on void par les histoires: Toutefois il est bien possible qu'ilz eurent quelques alliances par mariages entre eulx, & descentes collaterales: Car nous lisons aux chartres, saint George de Nancey, que Raoul, duc de Lorraine, fonda quatre Annuiersaires, dont l'un estoit pour Lorin Guerin, qu'il dict estre l'un des chefs de son lignage: ce qui ne se doit entendre en ligne directe: Et de cestui Guerin le Lorrain nous escrirons plus amplement au troisieme liure sequent.

*Aduertissement pour la deduction de la presente histoire.*

¶ **O**ultre fault icy noter, que nous pourfuiurons cy apres en nostre presente histoire, & ferons tiltre particulier, des princes d'Ardenne, successeurs de cestuy Hydulphus, monstrerons & deduirons, que diceulx par ligne directe & d'un costé, sont descenduz les nobles ducz de Lorraine, à present regnans: Qui est aussi l'une de noz principales intentions.

*Glomerie, comte Durbie, & de Namur.*

**Glomerie**, quatrieme filz de Brunulphus, & frere dudiect Hydulphus, fut restitué en son patrimoine, par ledict roy Sigisbert, en l'an six cens quarante neuf. Il eut pour sa portion patrimoniale tout le pays de Durbie, avec la ville de Namur: & de cestuy ne ferons autre mention en nostre histoire, & ne pourfuiurons plus ses successeurs, & qui les vouldra cognoistre fault veoir les histoires de Haynau, & de Flandres.

*Le.iii. filz de Brunulphus comte de Louvain.*

**Brunulphe** filz aîné de Brunulphus, fut restitué comme ses freres, par le roy Sigisbert, & eut pour sa portion la cité de Louvain & le pays cir  
con-

# depuis Pharamond iusques à Charlemagne. F. ciiii.

conuoisin: Combien qu'on liét aufdicteshistoires que enuiron l'an sept cens vingt, en l'obeissance de Burgardus, filz de Lidericus Buccensis, premier forestier de Flandres, soubz Clotaire deuxiemè: Et lequel Burgardus, fut tousiours confederé avec Pepin Heristel, & mesme en la bataille qu'il eut contre Theodoric roy de France, en laquelle fut prins ledict roy, & Pepin restitué en l'office de Maire du Palays: Et d'iceulx, Lidericus & Burgardus, Forestiers de Flâdres, sont descéduz par directe ligne, les Comtes de Boulongne, sur la mer, comme auons escript en l'arbre de la progenie de Godefroy de Buillon, du costé paternel & de ses predecesseurs, lesquelz qui les vouldra congnoistre, fault retourner audict arbre de genealogie: Car desormais nous ne poursuiurons plus en nostre histoire les successeurs dudiect filz alsné dudiect Brunulphus.

*Burgardus seigneur de Louvain.*

**Alberic** deuxieme fiz de Brunulphus, surnommé L'orphenin, fut restitué come les aultres freres par le roy Sigisbert, & eut pour sa portiõ, la Cõtè de Haynau, & la ville de Cambray, & print pour femme, la fille du duc d'Alfatiè. A raison de laquelle il succeda en ladiectè duché, & fut de si grant courage, que toute sa vie, eut guerre & inimitié aux roys de France, & ne voulut iamais retourner en la cité d'Ablaton, combien qu'elle fust de ses appartenâces, pour ce que son pcre y auoit esté tué, & mourut enuiron l'an fix cens quatre yingtz quatorze. Si laissa de sa femme plusieurs enfans, desquelz ne ferons mention sinon de deux l'un appellé, Vualtric, ou Vvaultier, & l'autre nommé Hugues.

*Alberic, L'orphenin comte de Haynau.*

¶ Et fault noter icy que nostre intentiõ est de poursuiure en ceste histoire, les successeurs dudiect Alberic, qui feurèt Comtes de Haynau, & en ferons vn tiltre particulier comme de ceulx d'Ardenne, qui semblablement sont descenduz de Clodion le Cheuelu: Et ce, pour monstrer que lesdictz comtes de Haynau, furent conioinctz par mariages à ceulx du sang de Charlemagne: & depuis que la posterité dudiect Charlemagne, fut priuée & deiectée par Hue Capet, hors du regne de France, par longue succession de tēps, les roys de France subsequens, vindrent à recouurer le sang & lignage dudiect Charlemagne, par vne fille de Haynau, mariée enuiron

*La mort de Alberic L'orphenin.*

l'an mil cent septante, à Pphilippe Auguste, ayeul de saint Loys, roy de France: Et lors nous cesserons escrire desdictz Comtes de Haynau.


*Aduertissement pour la deduction de nostre histoire entre les comtes d'Ardenne & Haynau.*

# Le ij. liure des antiquitez de la gaule belgicque,

## DE LA VIE DE GEREBERTUS quinzieme Euesque de Verdun.



*Gerebertus. xv.  
Euesque de Verdun.*



GEREBERTVS, fut esleu Euesque de Verdun l'an six cés soixante cinq par le peuple & clergé dudit lieu, qui incontinét apres la mort de Gisloaldus, l'esleurent & nommerent, estant pour lors Abbé dudit monastere Theologiū au diocese de Treues, subiect soubz l'administration des Euesques de Verdū, cōme auons declairé en l'Euesque precedent. Or estoit ledict Gerebertus nepueu & parét prochain dudit Gisloaldus, & soubz icelluy pendant qu'il estoit audit monastere, ledict Gerebertus auoit esté instruit & endoctriné en ieunesse, fait profession & voeux de religiō: Et depuis

*L'electiō de l'Euesque Gerebertus ratiffée par le roy Childeric.*

tellemēt vesçu, que pour ses vertus auoit esté esleu Abbé dudit monastere: Et partāt aymé & cogneu du peuple, & clergé de Verdū, qui en diligēce enuoyerēt vers Childeric, roy d'Austrasie pour ratifier & confermer leurdictē electiō & nomination: Car ilz doubtoient & craignoient qu'elle ne feust empeschée par Ebroin Maire du palays de France, soubz Clotaire, troisieme, frere aîné dudit Childeric, qui vn peu parauāt, auoit este deiecté & expulsé d'Austrasie, pour les grandes tyrannies & exactiōs qu'il y auoit fait: Et neantmoins rappellé au cōmencemēt du regne dudit Clotaire, troisieme & fait Maire de son Palays de France: Et scauoiet certainement les Verdunoys, que ledict Ebroin natif des pays circōuifins du Rhin, auoit grand hayne contre ledict monastere de Theologiū & les Eglises d'Austrasie, qui auoient esté cause de son expulsion: & partant doubtoient, que puis qu'il estoit restitué en Frāce, & qu'il auoit si grād credit qu'il gouernoit tout le royaume à son plaisir, qu'il n'obtint enuers ledict Childeric, que ladiete election ne feust confirmée: mais reiectée. Ce qui fut cause de la diligēce, que faisoient lesdictz Verdunoys: Mais les choses vindrent si bien, que ledict Childeric, estoit gouerné pour lors d'un hōme prudent, vertueux, zelateur de l'honneur de Dieu, nommé Vvalfandus, Maire du Palais d'Austrasie. Par le moyen duquel, ladiete electiō fut ratiffée & cōfirmée, & ledict Gerebertus installé & mis en possession dudit Euesché de Verdun. Auquel il se gouerna sainctemēt, suiuant les meurs & vertus de son predecesseur. Si fut fort aymé dudit roy Childeric, tout le tēps qu'il fut roy d'Austrasie, & ce par le moyen de son bon gouuerneur Vvalfandus,

*Vvalfandus Maire du Palays d'Austrasie bon amy de l'Euesque Gerebertus.*

*Après la mort de Clotaire.iii. Theodoric son frere regna en France.*

*Ebroin Maire du Palays soubz le roy Theodoric.*

*Rebellion des Frācoys contre le roy Theodoric & son Maire du Palays Ebroin.*

duquel il suiuoit le conseil: Et par ce aymé de tout son peuple, mesme des nobles de France, qui auoiet en hayne, leur roy Clotaire, troisieme, qui obeissoit tellement à ses voluptez, qu'il fut reduict en telle pusillanimité, & nonchaloir qu'il ne se mesloit des affaires du royaume: Mais laissoit le tout en la disposition & volonté dudit tirant Ebroin, qui faisoit exactiōs & tyrannies inaudictes. Pendant lesquelles, ledict Clotaire troisieme, mourut, en l'an six cens soixāte six, qui fut vn an apres l'electiō de nostre Euesque Gerebertus. ¶ Apres la mort dudit Clotaire, Theodoricus, son frere, & secōd filz de Clouis, succeda au royaume, de Frāce, par le moyen dudit Ebroin, qui gouernoit toute la gendarmerie de France, & eut autant ou plus d'auctorité, soubz Theodoric, qu'il auoit eu soubz ledict feu Clotaire, en tirānisant & pillāt les Eglises, les nobles & commun peuple, sans ce que ledict Theodoric qui viuoit en ses voluptez, luxures & gourmandises, y meit prouision, dont s'esleuerent de grādes querimonies & murmure, entre les nobles de Frāce, cōtre ledict Theodoric, & Ebroin Maire de



# depuis Pharamond iusques à Charlemagne. F. cv.

de son Palays: Delibererent ensemble, les expulser dudit royaume de France, & appeller Childeric, le plus ieune des freres qui se gouuernoit pour lors tresbié en son royaume d'Austrasie, & auoit l'amour de ses subiectz, distribuant & disposant des dignitez ecclesiasticques, & offices de sondict royaume, à gens vertueux & sçauans, vsant du cõseil d'iceluz, signamment du maire de son palays Vvalfandus, de Gerebertus nostre Euesque de Verdun, & de Lâbert, filz du cõte Aper, qui nouuellement auoit esté esleu Euesque de Tongre, aliàs Traict. Duquel on liest que durât ce meisme tẽps, il alla en la cité d'Arras, pour releuer de terre le corps saint Vvaast, appellé par Aubert Euesque du lieu, acompagnez de Gerebertus nostre Euesque de Verdun, & Audomarus Euesque de Therouane, qui par vieillesse estoit auẽgle, & en releuât ledict corps fut guarì, & veid claiement, dõt il ne fut ioyeux, ains pria Dieu, & ledict saint Vvaast, pour son salut luy oster la veue: Ce qui aduint, & de rechef fut auẽgle,

¶ Or lesdictz nobles de France, suiuant leur entreprinse, en l'an six cens soixante sept, prindrent par force ledict roy Theodoric, & ledict tirant Ebroin, & les contraindrẽt prendre habitz de religion, à sçauoir Theodoric au monastere saint Denis en Frãce, & Ebroin à Luxon aliàs Luxu, en Bourgongne, & appellerẽt Childeric, Roy d'Austrasie, & le constituerent Monarche, tant de Frãce que d'Austrasie: Ce qu'il accepta ioyeusement, & mena avec luy Vvalfandus, qu'il constitua Maire de France, comme d'Austrasie: Mais tost apres il oublia, l'ancienne obeissance & reuerence qu'il auoit eu audict Vvalfandus, & aux gens vertueux & prudentz de son royaume d'Austrasie, & l'adonna à toutes voluptez, exactions, & pilleries, comme les predeceteurs; vsant de tiranies par volunté desordonnée: Tellement qu'il feit prédre saint Legier pour lors Euesque d'Austrasie, pource qu'il luy remonstroit ses fautes, le deiecta de son Euesché, & le feict mestre & detenir prisonnier au monastere de Luxu en Bourgongne, ou estoit Ebroin. Si faisoit battre, tuer, & molester les nobles de France, par derision & moquerie pour son plaisir: Entre lesquels feit attacher à vn pillier & battre de verges, vn prince de France nommé Landille, aliàs Bodilo, lequel peu de temps apres, delibera se venger, se confedera, avec deux grans princes, Vigobertus, & Amabertus, qui espierent vn iour que le Roy & la Roynne sa femme, nommée Blitilde, estoient allez à la chasse en la forest de Bondis, pres Paris: quant vint sur le soir, qu'il estoit tard, luy & ses cõplices se iecterẽt sur ledict roy & roynne, qui estoit grosse d'enfant, & les tuerent. Dequoy aduertý le bon hõme Vvalfandus, se retira en Austrasie, dont il estoit venu: Et depuis feit edifier le monastere saint Michel au diocese de Verdun, comme nous escrirons selon l'ordre du tẽps. ¶ En l'an suiuant six cens quatre vingtz, les princes de France, & Austrasie, ensemble les prelatz & Euesques des Eglises, assignerẽt iour de Cõcille & assemblée generale, pour aduiser d'un nouveau roy: Et en iceluy concille fut present saint Legier Euesque d'Authun, reuocqué du monastere de Luxu. Lequel, sur tous autres fut d'avis, rappeller ledict Theodoric qui estoit en religion, & le restituer roy & monarche des deux royaumes, pourueu qu'il promeist de non iamais rappeller ledict Ebroin, mais faire Maire de son Palays, Landregisile, hõme de vertu, filz de feu Berthinouault, aliàs Erchenoald, qui auoit esté maire soubz Clouis deuxieme. Cestuy concille suiuirent les prelatz estans en l'assemblée: Entre lequel estoit nostre Euesque de Verdun, Gerebertus, qui sur tous craignoit la restitution du tirant Ebroin. Aussi faisoit la pluspart des nobles cõbien que aucuns fauteurs de Ebroin, y eussent voluntiers contredict. Finalement, il fut cõclud que Theodoric, seroit restitué, & Landregisile fait Maire de son Palays. Quãt Theodoric, eut esté restitué, & que ledict Ebroin le sceut, & que Landregisile estoit Maire du Palays, il trouua maniere par l'ayde d'aucuns de ses amys & confederez, sortir du monastere de Luxu, & meit sus grãde armée, & de nuict que le roy & sa court estoient à sainte Maxèce sur le fleuue d'Oyse, vint illec, tua les gardes du logis, & tous ceulx qu'il cõgnoissoit estre ses aduersaires & ennemis: Toutefois le roy eschappa, avec Landregisile, & s'en fuyrent. Si passa oultre Ebroin, iusques en vne ville nõmée Villebatius, ou il trouua tous les tresors du roy, qu'il print & emporta avec luy.

¶ Quelque temps apres il trouua maniere se reconseiller avec ledict Theodoric, au

*Le corps saint Vvaast, canonizé.*

*Le roy Theodoric & Ebroin Maire de son Palays prindrent par force l'habit de religion.*

*Childeric roy & monarche de Frãce.*

*Saint Legier deiecté de son Euesché d'Authun.*

*Le roy Childeric & sa femme, tuez retournans de la chasse.*

*Le roy Theodoric reuocqué de religion.*

*Ebroin sortit de religion, pillá les tresors du roy.*

# Le ij. liure des antiquitez de la gaule belgicque,

*Ebroin tua Landregifile, & reprint la Mairie du Palays.*

*Sainct Legier, & Guerin, freres martirisez, par Ebroin.*

*Sainct Lambert deiecté de son Euesché du Traict.*

*Sainct Amatus priné de l'Euesché de Sens.*

*Les roys adonnez à toutes voluptez & pusilanimitéz*

*Refuz des Euesques d'Austrasie aux impositions de Ebroin.*

*Gribualdus, Euesque de Toul.*

*Aduertissement pour le temps du deces de Vvolfgangus.*

*Le monastere sainct Michel, au diocese de Verdū commencé à edifier.*

lieu de Croisy: & puis par faulx semblât, trahison & dissimulatiō tua Landregifile, & reprint la Mairie du Palays, & gournemēt du royaulme: Et si tost qu'il y fut, il feit prédre sainct Legier Euesque d'Auchū, & son frere Guerin, qui sur tous autres auoiet empesché sa reuocation, & fait promeētre au roy Theodoric, de non iamais l'instituer Maire de son Palays, si les fait meētre en prison & endurer innumerables maulx & calamitez, par fain, soif, chault, froid, ordures & puantifés des lieux infectz ou ilz estoient. Finalemēt feict au bon sainct Legier, escorcher la plâte des piedz, creuer les yeulx, couper la langue, & les leures, lesquelz membres miraculeusement luy furent restituez: Quoy voyat ledict Ebroin, luy fait couper la teste, & de son frere Guerin, ordōna qu'il fut lapidé: Et pour mieulx se vēger & exercer ses tyrannies contre ceulx de l'estat de leglise, en l'an six cens quatre vingtz & cinq, fait assembler vn Cōcille de tous les Euesques du royaulme, auquel par sa sentence il ordonna & declaira vne rāçon de grosse somme d'argent par maniere de subsīde, debuoir estre prinse sur toutes les Eglises de France, & d'Austrasie, à quoy y eut plusieurs Euesques contredifans: A raison dequoy il en fait priuer & deiecter de leursdictz Eueschez, aucuns detenir en prison fermée: Entre lesquelz sainct Lambert, Euesque du Traict, fut deiecté de son Euesché, & mis reclus enfermé, au monastere de Stabulo, par l'espace de sept ans, iusques à tant que Pepin filz du duc Anchises, le deliura. Et le semblable fait de sainct Amatus Archeuesque de Sens, & fait autres maulx indicibles. Ce qui prouenoit, cōme dient les historiens, parce que durant son gournement, il auoit par sa finesse & malice, tellement reduict les roys en pusillanimité & nonchaloir, par trop leur complaire, & les entretenit, en toutes manieres de voluptez & gourmādises, qu'ilz le laissoient faire, & administrer tous les affaires du royaulme, à son plaisir: & commencerent telles pusillanimitéz & meurs corumpues, audiēt roy Clotaire, troisieme, & durerent iusques à Pepin pere de Charlemagne. Durant lequel temps les Maires du Palays, auoient auctorité & administratiō totale des tresors, & faitz des guerres: Et les roys n'auoient que le nom seullement, viuans en aucuns lieux en leurdictes voluptez & gourmādises: Toutefois ilz venoient vne fois tous les ans, aux kalendes de May, sur grans Chariotz en vne assemblée qui se faisoit à Paris, des trois estatz, pour eulx monstrer au peuple & à ceulx des estatz: Et estoient assis sur vne haulte chaire, la barbe longue sur la poitrine, les cheueulx grans, espez, estenduz sur les espauls: Et ainsi presidoient & saluoient ceulx qui venoient à ladicte assemblée, & estoient saluez d'iceulx, & sen retournoient en leur demourance iusques à l'année suiuate: Et en ceste façon les gournenoient lesdictz Maires du Palays, à fin qu'ilz n'eussent ne entreprisissent cognoissance des affaires du royaulme. ¶ **O**r ledict Ebroin, enuiron l'an six cens quatre vingtz & six, perseuerant en seldictes tyrannies, exactions, & pilleries contre les Eglises, suiuant les decretz faitz & instituez au cōcille dessusdict, enuoya vers les Euesques d'Austrasie, pour exiger les taxes imposées: Mais il trouua grande resistēce & refuz: Signamēt par Gerebertus nostre Euesque de Verdū, & par celluy de Metz qui auoient alliance & support des princes d'Austrasie, cōme de Pepin Heristel, & de Martin duc de Mozelane. Le semblable fait Gribuald°, Euesque de Toul, filz vniue de Vvolfgangus, lequel portoit encores le nom de Maire du Palays, en Austrasie, parce qu'il le auoit exercé soubz le roy Childeric, & sen estoit retourné en Austrasie, apres la mort d'iceluy, comme auons dict cy dessus. ¶ Ici fault noter, que Sigebert, & autres historiens, le suiuant, ont escript, que ledict Vvolfgangus, mourut l'an six cens quatre vingtz & sept, & que à luy succeda Pepin Heristel, en la Mairie d'Austrasie: Mais à la verité ilz ont erré, car Vvolfgangus viuoit du tēps du roy Childebert, filz de Theodoric, comme appert par la clause du testament d'iceluy, qu'auons extrait des chartres de l'Abbaye saīct Michel, ou il escript à la fin. *Facta est hac donatio, in ipso monasterio, multorū cōuentu bonorū hominū, anno quindecimo Regni Domini Nostri Childeberti regis. Signum Vvolfgangi qui testamentū donationis fieri rogauit &c.* Partant il vesquit plus que lesdictz historiens n'ont escript: Vray est que du temps que Ebroin gournenoit en France, enuiron l'an six cens quatre vingtz deux, ledict Vvolfgangus ayant vn seul filz Gribualdus, suiuant l'estat d'Eglise, estant Euesque de Toul, & qui depuis grāde-

ment

# depuis Pharamond iusques à Charlemagne. F.cvi.

ment augmenta lediēt Euesché, cōmença ediffier le monastere saint Michel au diocese de Verdun, pres la riuere de Meuse, lequel fut parfait, fondé & donné, enuiron l'an sept cens & six, cōme escrirons cy apres. ¶ Toutefois en l'an six cēs quatre vingtz & sept, les princes d'Austrasie, voyans les grandes tyrannies, exactiōs & pilleries que faisoit Ebroin, cōclurent ensemble, faire vn Maire du Palays d'Austrasie, pour resister audict Ebroin: Tellement que du consentement dudiēt Volfandus, qui estoit fort vieil, & ne pouuoit administrer lediēt office, pour resister par force d'armes, ilz nōmerent & instituerēt Pepin Heristel, Maire en Austrasie, qui leua grosse armée, soubz sa conduicte, & de son cousin le duc Martin, filz de Clodulphus, filz de saint Arnoul, contre lesquelz alla lediēt Ebroin, avec ses gens, & obtint victoire avec grande occision de leurs gens: Toutefois Pepin & Martin eschapperent, & se retira lediēt Martin à Laō, & Pepin en ses seigneuries. Quoy voyāt Ebroin enuoya vers Martin par belles parolles & promesses le feit venir en assurance vers le roy Theodoric: Mais si tost qu'il y fut, le tua de ses propres mains. ¶ En l'année suiuant, quasi par punitiō diuine vn prince de France nōmé Hermenfroy, estant du lignage saint Legier, desirant venger la mort de son parent, trouua façō d'entrer en vne maison, ou il estoit couché, vint iusques à son liēt, luy couppa la gorge, & de la s'en fuit vers Pepin en Austrasie. En ceste mesme année qui estoit l'an six cens quatre vingtz & neuf, mourut nostrē Euesque de Verdun, Gerebertus, apres qu'il eut tenu l'Euesché vingt quatre ans.

*Victoire de Ebroin contre Pepin & le duc Martin.*

*La mort du tirāt Ebroin.*

*La mort de l'Euesque Gerebertus.*

## Des Papes qui ont tenu le siege durant lediēt Euesque Gerebertus.



**D**E O D A T V S, natif de Rome, estāt religieux de l'ordre saint Benoid, fut fait Pape, l'an six cens soixante sept: Cōbien que les autres escriuent l'an six cens septante vn. Homme consummé en toute persecutiō de vertus, doux, amiable & misericordieux aux pauures: Qui ediffia & repara plusieurs Eglises à Rome, & ordonna la Letanie, oraisons, & processions estre faictes, pour les prodiges, orages, fouldres, tempestes, & pestes qui furent de son temps: durant lequel le corps saint Benoid, fut translaté, d'Italie en France, au monastere de Fleury, pres Orleans. Si mourut apres qu'il eut tenu le siege quatre ans.

*Deodatus. lxxix. Pape.*

**D**o N U S Romain de nation, fut esleu Pape l'an six cens septante deux les, autres escriuent l'an six cens septante six: Homme de grant sçauoir, & sainteté de vie. Il ordonna au clergé diuersité d'offices & dignitez, & retira à l'uniō de l'Eglise Romaine, le clergé de Rauenne, & mourut apres qu'il eut tenu le siege vn an cinq moys.

*Don premier du nom, pape. lxxx.*

**A**g a T H O N natif de Sicille, estant moyne, fut esleu Pape l'an six cens septante & quatre: Les autres dient six cens septante huit. Il fut de si grāde sainteté, qu'en baisant vn ladre, le ladre receut guarison: Et si fut si humain & gracieux, que iamais homme ne partit de luy malcontent. Il cōuocqua du temps de Cōstantin vn Concille à Cōstantinoble, ou fut tractée la cause des hereticques Monochelites: Entre lesquelz y auoit deux principaulx deffenseurs, Gregorius Constantinopolitanus, & Macharius Anthiochenus. Dont Gregorius retourna en la vraye doctrine, & lediēt Macharius demoura obstiné, & fut excommunié, priué de son Eglise, & deicté hors du Concille. Il y a diuersité entre les historiens de la mort d'iceluy. Car aucuns escriuent qu'il teint le siege, deux ans six moys;

*Agathon premier du nom, Pape quatre vingt & vii.*

**L**e O D E U X I E M E du nom, natif de Secille, fut Pape l'an six cens soixante dixsept. Les autres dient six cens quatrevingtz & trois. Il fut homme tresdocte & sçauant en grec & latin, grand musicien, lequel reforma & ordonna melodieusement

*Leon. ii. du nom, Pape. lxxxii.*

# Le ij. liure des antiquitez de la gaule belgicque,

chanter aux Eglises, & commenda donner la paix, en celebrant, & qu'en tout temps on deuoit baptiser. Ledit Leon oultre sa grande doctrine, estoit grant orateur, doux, clement, ayment Dieu parfaitement. Il mourut apres qu'il eut tenu le siege enuiron vn an.

*Benoit. ii. quatre  
vingtz & trois  
Pape.*

**Benedictus** deuxieme du nom, natif de Rome, fut esleu Pape, en l'an six cés quatre vingtz & vn. Les autres escriuent en l'an six cens quatre vingtz cinq. Homme de la ieunesse adonné totalement à Dieu, tressçauant & docte, humain à tous, & misericordieux aux pauvres, aymé de tous, grans & petitz, signamment de l'Empereur Constantin, quatrieme, qui luy enuoya vn decret & declaration du consistoire Imperial. A sçauoirq deormais, l'election des Papes appartiendroit au clergé & aux gens militaires de Rome. Et puis mourut apres auoir tenu le siege dix moys vnze iours.

*Iehan. v. du nom  
Pape. iiii xx. &  
quatre.*

**Ioannes** cinquieme du nom, natif de Sirie, en la cité d'Anthioche, fut Pape l'an six cés quatre vingtz & deux. Les autres escriuent l'an six cés quatre vingtz & six. Il fut homme vertueux, de grande doctrine & sçauoir, ayment Dieu, & les pauvres: cōposa vn liure. *De dignitate pallij*. Et mourut la premiere année de sa diète election.

*Conon, Pape qua-  
tre vingtz &  
cinq.*

**Conon**, natif en Thracie & nourry en Sicille, fut esleu Pape l'an six cés quatre vingtz & trois. Les autres escriuent six cens quatre vingtz six. Homme de singuliere bonté. A raison dequoy, d'aucuns estoit appellé Angelicque, pour les grandes vertus, prudence, sçauoir, & constance plus que humaine, qui estoient en luy: Toutefois incontinent apres son election, cheut en maladie, delaquelle il mourut le vnzieme moys ensuiuant: Combien que l'Abbé Vispergensis, escript qu'il teint le siege deux ans vnze moys.

## Des Empereurs qui ont regné durant ledict Euesque Gerebertus



**CONSTANS**, filz de Constantin, troisieme, duquel auons escript en l'Euesque saint Paul, regna cinq ans du temps de Gerebertus. Car ledict Constans, mourut l'an six cens septante.

*Constantinus. iiii.  
lxv. Empereur.*

**Constantinus** quatrieme du nom, surnommé Pogonatus, c'est à dire, barbeu, filz dudit Constans, obtint l'Empire apres qu'il eut tué Miffesius, vsurpateur d'iceluy, l'an six cés septante: Cōbien qu'au parauant ledict Cōstantinus, du tēps de son pere, eust esté Cesar, & gouuerneur dudit Empire en Constantinoble. Cestuy fut hōme plain de vertu & bōté, iuste & catholicque, qui du cōmēcemēt associa à l'Empire, ses deux freres, Heraclius & Tiberius: Iacoit ce qu'aucūns historiēs escriuēt qu'il les fait mutiler & copper le nez de paour qu'ilz ne voulsissent regner: Toutefois par apres il associa à l'Empire, son filz Tiberius, si fait reparer toutes les eglisēs ruinées du tēps de son pere, & de Heraclius. Il eut plusieurs belles victoires cōtre les Sarrazins, en sorte qu'en vne bataille mourut plus de trēte mil Sarrazins, & depuis furent cōtrainctz accorder, & demander appoinctement de paix, par trēte ans, durāt lequel tēps ilz payent tribut au romains, par chascun an, trois mil liures d'or, cinquante captiues, & cinquāte cheualx turquois. Et en ce mesme tēps cōme dict Sigibert, fut premierement trouué le feu Gregeois, ou Marin, par vn nommé Babinicus, fugitif de Sirie, qui se rēdit aux Romains: Et par ce moyé les nauires desdictz Sarrazins, furent bruslez en la mer avec ceulx qui estoiet dedans, Ledit Cōstantin reduict l'Eglise de Constantinoble à l'union de l'Eglise Romaine soubz le Pape Agathon, en vn concille congregé en la cité de Cōstantinoble, ou les hereticques furent condānez. Sur la fin du regne de cestui Constantin, les Burgares gens barbares, venans de Scithie, entrerēt dedās l'Empire, du costé de Thracie, soubz la conduicte de Bathaia leur duc: Cōtre lesquelz ledict Empereur alla, mais il perdit la bataille, & fut contrainct faire appoinctemēt avec eulx, & leur cōceder terre, pour habi-

*Sarrazins tribu-  
taires à l'Empe-  
reur Constantin  
quatrieme.*

*Babinicus, pre-  
mier inuenteur du  
feu gregeois ou ma-  
rin.*

# depuis Pharamond iusques à Charlemagne. F. cvii.

habiter. Et deffors cōmença le royaulme de Bulgaire, dōt le premier roy fut Bathaia. Si mourut finalement lediēt Constantius en gloire & honneur, apres qu'il eut tenu l'Empire dix sept ans, laissant son filz, Iustinianus, successeur en l'Empire.

## ¶ Des roys de France regnans, durant lediēt Gerebertus. xv. Euesque de Verdun.

**T**HEODORIC, ou Thierry, premier du nom, filz de Clouis deuxième, & frere de Clotaire, troisieme, fut par deux fois roy de France. La premiere l'an six cens soixante six, apres la mort de son diēt frere Clotaire, troisieme: Et reteint pour Maire de son Palays Ebroin, lequel poursuiuit par son auarice, les tyrannies & exactions qu'il auoit exercé soubz lediēt Clotaire, troisieme. Parquoy les princes & nobles de Frâce, les deiecterent tous deux, hors de l'administration du royaulme, en l'an deuxième de son regne, qui fut l'an six cens soixante sept, & feirent moyne lediēt roy Theodoric, en l'abbaye de saint denis en France, & lediēt Ebroin en l'abbaye de Luxu, en Bourgogne: Et partāt ne teit lediēt Theodoric, pour ceste premiere fois lediēt royaulme, que vn an, seulement.

*Theodoric premier du nō . xiiii. roy de France.*

**C**hilderic deuxième du nom, aussi filz dudiēt Clouis, & le plus ieune frere des dessusdiēt, Clotaire & Theodoric, pendant qu'il estoit roy d'Austrasie comme auons diēt, en escriuant de luy, en l'Euesque precedent, soubz le tiltre des roys d'Austrasie, fut rappellé par les François, en l'an six cens soixante sept, apres l'election de son frere Theodoric, & fut fait roy de France, & partant monarche des deux royaulmes, & eut pour Maire du palays Vvolfandus, homme de grande vertu & prudence, le cōseil duquel, il ne suiuit point: Mais par legereté, follie, & outrecuidance commença à tyranniser & molester les nobles de France: Entre lesquels il en fait battre de verges, vn nommé Bodilo, qui espia lediēt roy & sa femme, estans à la chasse, & les tua tous deux, en l'an six cens septante neuf, apres qu'il eut tenu le royaulme de France, enuiron douze ans, comme auons declairé plus amplement cy dessus en la vie dudiēt Euesque Gerebertus.

*Childeric. ii. du nō xv. roy de Frâce.*

**T**heodoric filz de Clouis deuxième, & frere du dessusdiēt Childeric, fut roy de France, pour la seconde fois, en l'an six cens septante neuf, apres la mort de son frere Childeric: Car les François le rappellerēt de la religion, ou ilz l'auoient mis à saint Denis, & de nouueau le cōstituerēt roy de France, & d'Austrasie. Et partant monarche, & luy donnerent pour Maire du Palays, vn vaillant & vertueux hōme nommé Lādregifile: Mais de ce aduertie le tirāt Ebroin sortit de la religion ou il estoit Moyne, & avec luy de de ses complices, cauteleusement vint assailir le roy Theodoric, print tous ses tresors, & tua lediēt Lādregifile: Et tellement fait qu'il fut restitué en son office de la Mairie de France: Mais finalement il fut tué par vn nommé Hermenfroy, enuiron l'an six cens quatre vingt & huit. Si les lecteurs veulent congnoistre les tyrannies dudiēt Ebroin, & commēt il mourut, fault recourir ad ce que nous auons escript cy dessus en la vie dudiēt Euesque Gerebertus.

*Theodoric pour la. ii. fois roy de France.*

*Ebroin tué.*

¶ Apres la mort d'Ebroin, les François feirent Maire du Palays de France, vn nommé Vvarato, & Pepin filz d'Anchises, entreprint la Mairie d'Austrasie: Toutefois finalement lediēt Pepin eut victoire contre le roy Theodoric, & obtint les Mairies desdiēt deux royaulmes, cōme dirōs amplement, en parlant dudiēt Pepin Si regna en tout lediēt Theodoric, premierement en France, vn an, auant son frere Childeric, & apres la mort d'icelluy, il regna Monarche aux deux royaulmes, quatorze ans. Et par ce, en tout ne regna, que quinze ans. Si mourut laissant de sa femme Clotilde, deux enfas, vn nommé Clouis, qui succeda en Frâce, l'autre Childebert, qui succeda au royaulme d'Austrasie. Si fut inhumé lediēt Theodoric, à saint Vaast d'Arras, enuiron l'an six cēs quatre vingtz & treize: cōbien q̄ maistre Nicole Gilles escript, que ce fut l'an six cēs quatre vingtz & douze, & laquelle opinion ie croy estre la plus veritable.

*Vvarato Maire du Palays de France.*

*Pepin Heristel Maire du Palays d'Austrasie.*

¶ Des

# Le ij. liure des antiquitez de la gaule belgicque,

DES ROYS REGNANS DV RANT  
ledict Euesque Gerebertus en  
Austraſie.



**C**HILDERIC, le plus ieune, des enfans de Clouis deuxieme, regna seul en Austraſie, iufques en l'an ſix cens ſoixante ſept, comme auons eſcript de luy, en l'Eueſque Giſſoaldus; & depuis que en ladicte année ſix cens ſoixante ſept ſon frere Theodoric, fut expulſé de France, & fait moine à ſainct Denis, ledict Childeric, fut monarche deſdictz deux royaulmes, iufques à ſa mort, qui fut l'an ſix cens ſeptante neuf, comme auons eſcript en la vie de noſtre Eueſque Gerebertus.

**Theodoric** frere du deſſusdict Childeric, apres qu'il fut rappellé du monaſtere en lan ſix cens ſoixante dixneuf, que ſon frere fut tué, il fut inſtitué roy & mōarche des deux royaumes de Frāce, & d'Austraſie, iufques à ſa mort, qui fut en l'an ſix cens nonante quatre, aliàs ſix cens nonante deux, comme auons vn petit cy deuant eſcript, en la vie dudit Eueſque Gerebertus,

DES SVCCESSEVRS DE CLODION,  
dont eſt deſcendu Charlemagne, regnans eſdictes  
duchez de Tongre, & Brabant, durant  
ledict Gerebertus.



**A**NCHISES, ou Anchifiſus, filz de ſainct Arnoul, mary de Begga, & duquel eſt deſcendu Charlemagne, obtint le Marquiſat de l'Empire, & ſi fut duc de Tongre & Brabant, de par ſa femme, quelque tēps, durant noſtre Eueſque Gerebertus. Sçauoir iufques en l'an ſix cens quatre vingtz & quatre, comme auons pluſamplement eſcript de luy, en l'Eueſque ſainct Paul.

*Voyez de ceſtuy  
en l'Eueſque ſub-  
ſequent.*

**Pepin Heriſtel** filz dudit Anchifeſ, ſucceda en toutes les ſeigneuries de ſon pere & de ſa mere Begga, l'an ſix cens quatre vingtz & quatre; & partant, regna enuiron quatre ans durant noſtre Eueſque Gerebertus, comme amplement eſcripons cy apres en l'Eueſque ſubſequent,

DES DVCZ DE MOZELANE, DESCENDVS  
dudit Clodion, Regnans durans ledict Eueſque  
Gerebertus.

**MARTIN** filz de Cloduphus, duquel auōs eſcript en l'Eueſque precedent, teint la duché de Mozelane, durant ledict Eueſque Gerebertus.

DES SVCCESSEVRS DE CLODION, DONT  
ſont deſcendus les princes d'Ardenne, regnans  
durant ledict Gerebertus

**HYDVLPHÉ**, filz de Brunulphus, apres eſtre reſtitué en ſon patrimoine par le roy Sigisbert, teint Ardenne, & ſous les pays, ou eſt de preſent, Lorraine, durant noſtre Eueſque Gerebertus, enuiron quinze ans, à ſçauoir iufques à l'an ſix cens quatre vingtz.

# depuis Pharamond iusques à Charlemagne. F. cviii.

**Beatrix** fille & seule heritiere de Hydulphe comte d'Ardenne, succeda à son di& pere, enuiron l'an six cens quatre vingtz, & fut dame d'Ardenne & mariée par auât la mort de son pere, à Martin duc de Mozelane, filz de Clodulphus, filz de saint Arnoul: & entre autres enfans eut d'iceluy, deux filz, Eleuther, & Lambert, lesquelz succederent l'un apres l'autre, aux seigneuries de leurs pere & mere: à sçauoir Mozelane & Ardenne.

*Beatrix Contesse d'Ardenne.*

¶ Icy fault noter qu'en ses deux personages Martin & Beatrix sa fême, furent vnies & conioinctes les seigneuries de Mozelane & Ardenne. Parquoy en nostre histoire subsequente, à la fin des vies de noz Euesques, ne me&trôs plus qu'un seul titre pour lesdictz princes de Mozelane, & Ardenne.

*Vniô des seigneuries de Mozelane & Ardenne.*

## ¶ Des successeurs de Clodion, dont sont descenduz les princes de Haynau, regnans durant ledi& Gerebertus.



**A**LBERIC, surnommé, L'orphenin, filz de Brunulphus, duquel auôs escript plus amplement en l'Euesque preced&, Gissoaldus, apres qu'il fut restitué en son patrimoine, obtint le pays de Haynau, & la cité de Cambray, durant le t&ps de nostre Euesque Gerebertus, & dauâtage: Car ledi& Alberic mourut l'an six cens quatre vingtz quatorze.

## DE LA VIE DE ARMONIUS seizieme Euesque de Verdun.



**A**RMONIUS, fut esleu seiziesme Euesque de Verdun, en l'an de grace six cens quatre vingtz & neuf, par le moyen de Pepin Heristel. Pour entendre laquelle election, fault supposer ce qu'auons escript en la fin de l'Euesque precedent Gerebertus, à sçauoir que des l'an six cens quatre vingtz & sept, ledi& Pepin auoit entrepris la Mairie d'Austrasie, contre le vouloir du roy Theodoric & du tirant Ebroin, qui resisterent & eurent vne victoire contre luy: Tellement qu'il fut contrain& s'en fouyr & retirer en ses seigneuries, & si fut tué le duc Martin, son cousin. Et neant-

*Armonius .xvi.  
Euesque de Verdun*

moïs au cômecem& de l'an six c& quatre vingtz neuf, aduît q' ledi& Ebroin, fut semblablement occis, par Herm&froy, côm& auôs di&. A raison dequoy l'au&torité de Pepin fut merueilleusem& augm&tée, & ne trouua point de resist&ce en l'administratiô d'Austrasie: Car apres la mort de Ebroin, les François instituerent Maire du palays de France, vn noble homme Vvarato, lequel enuoya vers Pepin & accorda avec luy, qu'il eut le gouuernement d'Austrasie, & il administroit France: Toutefois ledi& Vvarato, mourut ceste propre année par despit de ce que son filz Gislemaire, l'auoit deic&té de l'office mais tost apres quasi par punition diuine, ledi& Gislemaire mourut, & en sa place fut fait Maire du Palays, vn nommé Berthaire, son beau frere & gendre dudi& Vvarato, contre lequel Pepin eut bataille comme dirons cy apres, & entreprint l'administratiô de France.

*L'au&torité de Pepin Heristel.*

# Le ij. liure des antiquitez de la gaule belgicque,

*Vvalchifus citoyé  
& gouverneur de  
Verdun.*

¶ Pendant ces choses, en l'année six cens quatre vingtz & neuf, mourut nostre Euesque Gerebertus. Parquoy Pepin, qui gouvernoit toute l'Austrasie, ordōna ne proceder à nouvelle election sans son sceu: Par ce que à raison de son patrimoine, il auoit plusieurs seigneuries aux enuirs de la cité de Verdun: Et si auoit vn sien oncle nommé, Vvalchifus, frere de son pere, ou cousin, comme auons escript en la vie de saint Paul. Lequel Vvalchifus auoit eu son partage patrimonial audict Verdun, & de son temps auoit esté gouverneur d'icelle, soubz les roys d'Austrasie, ou depuis ledict Pepin, fut Maire du Palais: Et lequel Pepin, auoit encores plusieurs autres parens, & affins es lieux circonuifins dudit Verdun, desquelz il pretendoit quelquun d'iceulx estre pourueu d'iceluy Euesché: entre lesquelz y auoit vn sien cousin filz dudit Vvalchifus, nommé Vvaudregifile, autrement dict, Vvaudo, natif de Verdun, religieux & saint homme, pour lors faisant residence en Neustrie, au monastere de Fontenel, duquel nous escripons cy apres.

*Anglebertus Ar  
chidiacre de Ver  
dun parent de Pe  
pin.*

¶ Il auoit vn autre parent nommé Anglebertus, chanoine & Archediacre en nostre eglise de Verdun, homme de grant sçauoir, prudence, & vertu. Lequel instamment, le clergé & peuple de Verdun vouloit eslire, & demandoit pour leur euesque: Mais ledict Pepin voulut preferer, Armonius, audict Anglebertus, estat ledict Armonius, pour lors Abbé du monastere de Theologiū, au diocese de Treues, & soubz l'administration des Euesques de Verdun, comme auons par ci deuant escript. Lequel estoit aussi son parent: mais plus ancien que ledict Anglebert. Si presenta & pria, qu'il feust esleu, a quoy facilement condescendirent le clergé & populaire, tant pour luy gratifier, que aussi qu'il estoit ancien & fort reuerend, bon religieux, ayant & craignant Dieu: Et de ce fut trescontēt & ioyeux, l'Archediacre Anglebertus, & sollicita pour ledict Armonius, car cestoit son propre oncle, qui par ce moyen obtint l'Euesché: Auquel il se gouerna tresvertueusement & prudemment: Et soubz luy par l'ayde de Pepin, l'estat de l'Eglise augmēta fort en auctorité, honneur & cheuence, comme dirons cy apres. Or à la verité ledict Pepin eut mieulx aymé que son cousin Vvaudregifile eust obtenu ledict Euesché de Verdun, que Armonius, ne Anglebertus: Car combien qu'ilz feussent de son sang & parenté, si n'estoient ilz si prochains que ledict Vvaudregifile. Mais il ne le poursuiuit point, pource qu'il cognoissoit certainement, le vouloir, bon zele, & propos d'icelluy Vvaudregifile, qui pour riens n'eust laissé la vie monastique. Et à fin que les lecteurs cognoissent plus amplement la perfection de vie dudit Vvaudregifile, ou Vvaudo, natif de nostre cité de Verdun, & réputé saint en paradis: l'escripray icy ce que i'en ay trouué es histoires autentiques.

*Incident de la vie  
saint Vvaudre  
gifile natif de Ver  
dun.*

Vincent l'historien, & Anthoninus, en la seconde partie de son histoire, titre. xiii. au paragraphe commençant.

*Circa illa tempora, sanctus Vvaudregifilus, in Verdunensi regione ortus, & c.*

*Vvalchifus, pere  
de saint Vvaun  
dregifile.*

escript, que cestuy Vvaudregifilus, fut filz d'Vvalchifus, lequel estoit frere d'Anchises, pere de Pepin Heristel, qui eut pour femme & espouse Vvaldrade, seur de Pepin l'ancien dict de Lauden: en laquelle il engendra ledict Vvaudregifilus en nostre cité de Verdun, ou il fut nay & nourry: Et en icelle auoit grans terres & seigneuries à luy appartenantes à raison de son partage patrimonial: Et partant estoit cousin de Pepin Heristel: Cestuy de son ieune aage se dedia totalement au seruire de Dieu, contemnant les honneurs & biens mondains: Toutefois par l'enhortement de ses parens, il suiuit quelque tēps la court du roy Dagobert, sur la fin de son regne: Se maria & print femme de noblesse, quasi par contraincte: Car son vouloir estoit seruir à Dieu, seulement. Apres qu'il fut maryé, il feit tant, par ses exhortations & bonnes remonstrances, que sa femme fut contente de faire le veu de Chasteté, & luy semblablement, en promettant tous deux entrer en religion. Cē que sa dicte femme feit incontinent, & il se retira vers vn saint hermite, nommé Baulthfridus, qui viuoit en hermitage, au lieu qu'on dict de present Montfaulcon, à quatre lieues pres de Verdū, & fut illec quelque temps saintement, viuant en habit, & soubz les reigles de religion: Dont le roy aduertey, le manda venir en court, & par l'induction de ses parens qui n'estoient contents qu'il auoit laissé l'estat de sa noblesse, luy dict plusieurs iniures & opprobres,

*Saint Vvaudre  
gifile se maria.*

*Saint Vvaudre  
gifile & sa feme  
entrent en reli  
gion.*

en per



# depuis Pharamond iusques à Charlemagne. F. cix.

en permettant que d'un chacun fust molesté & mocqué, ce qu'il endura patiemment: Toutefois vn iour aduint que cheuauchât, avec le roy es chemins publicques, il trouuerent vn pauvre charretier, cheut en la boue, avec ses cheuaux & charrette, tout gaste d'ordure, de sorte qu'il ne se pouuoit releuer, par deuant lequel passoient ceulx de la court, sans luy faire ayde: Et lors Vandregifile, descendit de son cheual, & doucement l'ayda à releuer, ce que le roy regardoit: Et miraculeusement ledict roy veid vn Ange du ciel, qui nettoyoit & torchoit ledict pauvre homme, & ses cheuaux, tellement qu'il sembloit que iamais n'eust esté gaste: Et deslors ledict roy, eut en grâde reuerence & amour ledict Vandregifile, & comânda que homme ne luy feist opprobre ne moleste, & qu'on le laissast paisiblement mener telle vie, qu'il voudroit. Parquoy il sen retourna en son hermitage à Montfaulcon. Et de la quelque temps apres, pour ce qu'il estoit pres de Verdun, & que ses parens le molestoient, s'en alla aux limites d'Austrasie, & ediffia vn nouveau monastere en vn territoire appellé Helisgaugium, qui estoit de ses appartenances & de son patrimoine: Et assembla quelque gés pour viure illec saintement & religieusement avec luy: Et dict ledict Anthoninus, que pour ce qu'il viuoit en grande austerité de vie, le diable enuieux de son salut, luy apparut par plusieurs foys, estant transformé en diuerses formes de bestes cruelles & espouuentables, le vexant & molestant en toutes ses bonnes operations: Pour auquel obuier & resister, Vandregifile estoit en continuelles oraisons, ieusnes, & macerations de son corps: Tellement qu'une nuit qu'il auoit plus dormy que de coustume, le diable luy apparut, se mocquât, & l'improperât, qu'il estoit plus diligent, & auoit mieux veillé que luy: Auquel Vandregifile respondit, ie croy certainement que tu as esté ceste nuit plus diligent que moy, en la ruyné de plusieurs pauvres ames, & à l'augmentation de ta damnation: Mais aydant Dieu, j'en chastieray & puniray mon corps qui a esté cause que j'ay trop dormy: Et lors qui estoit temps de fort hyuer, se lieue & va exposer long tēps, son corps tout nud, en la gelée, neige, & froidure, priant & criât à Dieu mercy. Dient oultre, lesdictz historiens, qu'il maceroit tellement son corps, que iamais ne couchoit en liêt, mais sur la terre dure, & que souuent passoit les nuitz priant Dieu à deux genoulx, ne mangeoit que troys foys la sepmaine, le Dimanche, Ieudy & sabmedy. Quelque temps apres ledict Vandregifile, fut admonesté par diuine reuelation, laisser ledict monastere, & se transporter es limites de la Gaule Occidentale, ce qu'il feit, & veint à Rouen, ou il trouua saint Ouan, aliàs Audoenus, estant Euesque du lieu, qui le receut benignement, l'induct & enhorta prendre, soubz luy les ordres de soubzdiacre & diacre, ce qu'il feit: & depuis fut ordonné prestre, soubz Audomarus Euesque de Therouane: Et apres ce delibera viure en plus grande austerité, & secretement aller en quelque hermitage, sans plus estre cogneu de personne: Toutefois son entreprinse fut rompue, par vn Prince, nommé Ortinoaldus, qui luy baila vn beau lieu, & conuenable, pour edifier vn monastere, ce qu'il feit par l'ayde dudict Prince, & l'appella Fontenelle, & si assembla plusieurs religieux: Car de tous costez on le suyuoit, à raison de sa sainteté: Entre lesquelz y veint vn sien nepueu, nommé Godo, natif de Verdun, qui depuis fut Abbé, & réputé saint en paradis. Par succession de temps, le nombre des religieux augmenta si fort, que les rentes n'estoyent suffisantes, pour les gouverner: Tellement qu'un iour ilz trouuerēt que tous leurs biens estoient failliz, & n'auoyent pain, ne autre viande, pour les substantier, dont il fut esbahy: Toutefois il auoit tousiours son esperance & fiance en Dieu, qui ne laisse iamais ses seruiteurs en necessité. Ce qu'il aduint, car sainte Batilde, ou Bauldour, viuant pour lors en viduité & religion, qui auoit esté royne de Frâce, & femme du roy Clouis, deuxieme de ce nom, fondateresse des monasteres de Corbie, pres Amyens, & Chelles pres Paris, ou elle est de present inhumée, eut reuelation de Dieu, & monition de subuenir & enuoyer des biens audict Vandregifile & ses confreres religieux, ce qu'elle feit en grande habondance: Et arriuerent lesdictz biens & prouisions, le iour qu'ilz estoient en la necessité dessusdicté: Dont ilz rendirent grâces à Dieu: Et par succession de temps, ledict monastere de Fontenelle, fut augmenté de grâdes fondations, comme on void encores de present.

*Le roy cogneut par vñsio miraculeuse, la sainteté de Vandregifile*

*Le monastere de Helisgaugium edifié par S. Vandregifile.*

*Resistance de S. Vandregifile, contre les tentations du diable.*

*Austerité de vie de S. Vandregifile.*

*S. Vandregifile, ordonné prestre. Le monastere de Fontenelle, edifié par S. Vandregifile.*

*S. Gaond, fut nepueu de S. Vandregifile.*

## Le.ii.liure des antiquitez de la gaule belgicque,

¶ Or quelque temps apres, comme dict Sigebert, enuiron l'an six cens quatre vingtz & vnze, Pepin Heristel, leua grosse armée cõtre le roy Theodoric, & Berthaire Maire de son Palays, & les nobles de France, qui auoient en regret le gouvernement dudit Theodoric, & encores plus les tyrannies dudit Berthaire. Si eurent iournée de bataille, en laquelle Pepin obtint victoire, & print prisonnier le roy, avec to<sup>s</sup> ses thresors, & Berthaire fut tué des François propres. A raison dequoy Pepin facilement obtint mesme du consentement des François, la Mairie & gouvernement de la France, avec celle d'Austrasie: Et si accorda avec le roy, Theodoric, & le deliura des prisonniers, & soubz lequel depuis administra & gouverna seul, & à son plaisir lesdictz royaumes de France & Austrasie, ou il meit tel ordre, par sa prudence & diligence, qu'il meliora tous les estatz de France, mestant reigle, & police, trop mieux, qu'au parauant: Dont il fut fort aymé & prisé: Toutefois, il trouua quelque empeschement & resistance au pays de Neustrie, auquel il alla en propre personne, avec ses gens, & incontinent le reduict en son royaume, & obeissance, & adiousta la Neustrie, au royaume d'Austrasie, mestant garnison par tout, comme de son propre & particulier domaine: Et deslors bailla la Duché de Bourgogne, & Comté de Champagne, selon aucuns, à son filz Drogo, qui ne vesquit gueres longuement apres. Pendant qu'il estoit audict pays de Neustrie il alla visiter son cousin Vvandregisile, estant à Fontenelle, duquel il eut grande consolation, & confererent de plusieurs choses bonnes & viles, signamment du temps futur & aduenir: Car tous les historiens qui ont escript de la saincteté dudit Vvandregisile, conuiennent en ce, qu'il estoit grant prenonciateur des choses futures, & reputé comme prophete. Au departement, ledict Pepin laissa grande somme d'or & d'argent, à sondict cousin Vvandregisile, pour employer en oeures de misericordes & fondations d'eglises: Qui fut cause que ledict Vvandregisile, commença à edifier le monastere de Fescan, sur la Mer, en l'extremité dudit pays de Neustrie, lequel depuis fut augmenté, par les Roys, Princes, Ducz de Normandie, en grades & oppulentes fondations, comme on void presentement. Finalement il mourut en reputation de toute saincteté: Par les merites duquel, Dieu monstra plusieurs oeures miraculeuses, comme on liét aufdictes histoires.

¶ Fault icy que les lecteurs notent, que du temps de sa mort y a quelque diuersité entre les historiens: Car Meierus en son histoire escript, qu'il mourut l'an six cens soixante & cinq: Et Anthoninus escript que son corps fut translaté à Gand, en l'an six cens quatre vingtz & quatre: Et au contraire, Sigebert, en son histoire dict, que ledict Vvandregisile, florissort en vertus, en l'an six cens quatre vingtz & douze, escriuant ainsi, soubz la supputation de ladicte année.

*Sanctus Vvandregisilus, qui & Vvando, Ansegisi maioris domus ex Vvalchiso fratre nepos, hoc tempore claruit, qui cœnobium Fiscanum & Fontanellam Deo construxit.*

Ce que conferme l'Abbé Tritemius en son breuiare. Parquoy fault dire qu'il vesquit beaucoup plus longuement que n'escriuent Meierus & Anthoninus: Et à la verité, ie croy mieux ledict Sigebert, qui est plus ancien & de plus grande auctorité que les autres: Dauantage semble que ledict Anthoninus se cõtredict, parce qu'il escript au lieu dessus allegué, que Vvandregisile vesquit en tresgrande vieillesse: Tellement que estant en l'aage de quatre vingtz seze ans, il estoit fort & agile, à porter & faire les charges de religion, autant ou plus, que les ieunes: Et pourtant semble l'opinion de Sigebert, estre la plus vraye, à sçauoir qu'il florissort en saincteté en l'an six cens quatre vingtz douze: Combien qu'il eust commencé la vie monasticque des le temps de Dagobert, qui mourut l'an six cens quarante cinq.

¶ Or pour retourner à nostre principale matiere de l'Euesque Armonius, qui administroit diligemment, & vertueusement sondict Euesché de Verdun, aymé & honoré d'un chacun, sans estre troublé n'aucunement molesté: A raison que Pepin Heristel son parent, estoit paruenue en telle auctorité, que luy seul gouvernoit les deux royaumes, France, & Austrasie: Toutefois combien que ledict Pepin, fust iuste, prudent, & diligent, aymé & accepté des nobles & du peuple: Si auoit il vn vice, qui desplaisoit merueilleusement à ses parens & amys: A sçauoir qu'il entretenoit par concubinage,

*Pepin Heristel  
Maire des Palays  
de France & Au-  
strasie.*

*La Normandie  
ioincte par Pepin  
à l'Austrasie.*

*Sainct Vvandregisile  
commença  
à fonder l'Abbaye  
de Fescan.*

*Diuersité entre les  
historiens du tẽps  
de la mort sainct  
Vvandregisile.*

*S. Vvandregisile  
vesquit plus de  
quatre vingtz  
ans.*

# depuis Pharamond iusques à Charlemagne. F. cx.

bage, avec sa femme Plectrude, vne autre femme, nommée Alpaide, de laquelle il eut vn filz, nommé Charles, qui depuis fut surnommé Martel: Dont ladicte femme legitime; & les parens de luy, estoient merueilleusement desplaisans, signamment nostre Euesque Armonius, & le bon Archediacre Anglebertus; & cherchoyent tous les moyès, pour le faire desister de ceste folle amour, & deiecter ladicte Alpaide: Et pour ce qu'ilz n'en osoyent parler, aduiferent luy faire remonstrer, par Lambert, lors Euesque du Traict, saint homme, auquel Pepin auoit grande reuerence: Car vn peu paruant, l'auoit retiré de l'abbaye de Stabulo, ou il estoit par Ebroyen relegué; & l'auoit restitué en sondict Euesché du Traict.

Or cestuy saint Lambert, oulire ce, que de luy estoit grant reprehenseur & correcteur des vices, encores fut il plus animé, par les prieres desdictz Armonius & Anglebertus: Tellement qu'il entreprint faire les remonstrances audict Pepin, & continuellement luy escriuoit ou remonstroit verbalement, quant il se trouuoit pres de luy: De quoy Pepin deuint tout estonné & triste, se retirant aucunement du fol amour, & montrant meilleur signe de dilection à Plectrude sa femme legitime, qu'au parauant. Laquelle en fut fort ioyeuse, esperant que par succession de temps, il s'en retireroit totalement: Et de ce fait, print en grand amour nostre Euesque Armonius, pria sondict mary Pepin, & l'induit à faire vn eschange de la seigneurie de Parroys, à l'encontre de celle de Commynieres, fort vtile aux clerz & prestres; viuans en l'eglise saint Venne, soub l'obeissance des Euesques de Verdun. Dauantage ledict Pepin donna plusieurs autres terres, pour le proffit & à l'augmentation de leurs fondations; & honneur dudit saint Venne: Et en passerēt lettres de donation, desquelles i'ay inferé icy l'extraict, que i'en ay fait des Archives & chartulaires dudit monastere saint Vene & selon la forme que i'en ay trouué en termes barbares & incogneuz; & aucuns motz imparfaictz, rasez, & qu'on ne peut lire, pour l'antiquité de ladicte chartre qui s'ensuit.

Pepin Heristel ve  
nant en concubi-  
nage.



Pepin admonesté  
& corrigé, par les  
monitions de S.  
Lambert.

Permutation de  
Parroys & de Cō  
mynieres, pres Ver  
dun.

## IN NOMINE DOMINI NOSTRI IESU CHRISTI.

Dum inter illustro viro eiusque illustra matrona Plectrude, apud Apostolico viro Armonio Episcopo Virdunensi, vrbis seu venerabili viro, Angleberto Archidiacono, qui in ecclesia sancto Videno, vbi suus preciosus corpus requiescit praesit, esset cambatio de locella pro commutatione, titulum sibi inuicem & congrua vel opportuna facere deberent, quod ita & fecerunt. Ideo per praesentem commutationem, donat Illuster vir Pipinus, eiusque illustra matrona Plectrudis, loco nuncupante Pararico, quicquid ibidem ad diem praesentem potestur cum edificijs, pratis, siluis quae sunt in vi siluae Lupons Fontana usque, domus Fontana. Altera terminatio per infrarino usque bumiu. Tertia & quarta communis terminatio Filcalina, de Herberica villa, & sancti Mauricij, & dono in ipsis finibus pascuis, aquis, aquarumque decursibus, cum omni iure vel vnegium terminum, seu statu suo, quod praedicto loco in Dei nomine pertinet, cum mancipijs, tam rusticis quam vrbans, quicquid ibidem a die presenti dominare videmur ad partem ecclesiae domino Videno, vel qui ibidem praesuerint, aut clericis ibidem deseruientibus, in omnem soliditatem donant & affirmant, ut quicquid de his perutile ecclesiae decreuerit voluntas, faciendi liberam habeat potestatem. Similiter donat ipse Apostolicus vir Armonius Episcopus, & venerabilis vir Anglebertus, Archidiaconus, loco nuncupante Comenarias, quem ipse Pipinus eiusque illustra matrona Plectrudis, ad ipsam ecclesiam domino Videno, per chartulam cessionis eorum tradiderunt, cum edificijs, pratis, pascuis, siluis, aquis, aquarumque decursibus, cum omni termino vel statu suo, sicut ab ipsa ecclesia praesenti tempore possidetur, ad ipsam ecclesiam confirmamus, absque cuiuscunque repetitione, vel requisitione. Et si aliqua pars, aut aliqua inquietudo, aut fatigatio, nos ipsi aut heredes nostri, vel successorum nostrorum qui contra hoc facere praesumpserunt, inserant parte custodiente, auri libras tres, argenti pondera quinquaginta. Factam commutationem sub die xiii. Calendas Februarij, anno septimo regni Domino Nostro Childeberto Regis. Ego Hardricus, iubente domino Pipino, eiusque illustra matrona Plectruda, hanc chartam scripsi, & subscripsi. Signum Ansfigi suo Com. Signum Ansberto Com. Signum Harderico Com. Signum Bononi Com. Signum Grimaldo Com. Signum Ratgiso Com. Signum Conduino Com. Signum Rafrido Com.

Instrument de la  
permutation fai-  
te entre Pepin  
& l'Euesque de  
Verdun pour S.  
Venne.

## Le.ii.liure des antiquitez de la gaule belgicque,

¶ Par le contenu desdictes lettres appert, que lesdictes permutations & donations furent faictes l'an six cēs quatre vingtz dixneuf, qui estoit la septième année du regne du roy Childebert: Qui commença regner en Austrasie, l'an six cēs quatre vingtz & douze: Combien que quatre ans apres il fut roy de France, comme nous dirons.

¶ L'année ensuyuant, qui fut l'an sept cens, fut tué saint Lambert, qui pourfuyuoit tousiours ses reprehensions vers Pepin, de laisser sa concubine Alpaide, laquelle il appelloit en ses lettres exhortatiues, ordure, & empeschement infernal, & menassoit l'excommunier & interdire de l'eglise: Dequoy ladicte Alpaide (cōme femme vindicative) fut tant irritée & forcenée, qu'elle machina sa mort, escriuit & manda à vn sien frere, nommé Dodo, Prince en Ardenne, la venger dudit saint Lambert: Car elle connoissoit que ledict Dodo, hayssoit merueilleusement ledict saint Lambert. A raison que quelque temps parauant les parens de saint Lambert, qui estoient nobles, & du sang des Comtes, de Loz, en Ardenne, auoyent tué les deux freres dudit Dodo, Richoaldus, & Gallus, pource qu'ilz entreprenoyent, contre leurs seigneuries, & contre les droitz & iurisdicions de l'Euesché & eglise dudit saint Lambert. Parquoy facilement ledict Dodo, fut induict & deliberé executer son mauuais vouloir. Si leua grande multitude de meschans garçons, & gens perduz, & secretement, sans defiance, veint de nuict meure ses gens en embusche, à l'entour d'une eglise ou chappel lé, des saintz, Cosme & Damyan, en laquelle estoit ledict saint Lambert, avec deux de ses confreres, Pierre, & Andeletus, & aucuns prebstres, & clerz. Dedans laquelle entrerent, par force, lesdictz sacrileges, & tuerent du commencement lesdictz deux confreres, deuant les yeux du saint homme. Lequel depuis par l'un d'eux, fut transpercé d'un dard: Tellement qu'il mourut, comme vray Martyr, sans faire aucune resistance, tenant ses mains ioinctes, regardant vers les cieux. Et lors miraculeusement fut veu, sur l'oratoire ou gisoit le corps mort, vne croix blanche, rendant grande lumiere. Si furent oyes, voix & chantz melodieux, comme des Anges de paradis. Et telle fut la fin dudit saint Lambert, pour laquelle s'ensuyuit punition diuine: Car ledict Dodo, aucteur du malefice, tost apres veint en vne maladie, que tous ses boyaux & entrailles brusloyent, rempliz de gros vers si puantz & infectz, qu'il n'estoit possible à homme ny à femme, estre pres de luy, & l'endurer: Tellement que ses propres gens, furent contrainctz, le faire ruer & iecter dedans le fleue de Meuse. Et en ce mesme temps, celuy qui auoit iecté le dard, dont il mourut, & vn sien frere, qui l'auoit assisté, comme furieux & entagez se tuerent l'un l'autre. Et aduint que tous leurs cōfors moururent miserablement, dedans l'an de la tyrannie cōmise. Quoy voyant Alpaide, concubine dessusdicte, commença à crier à Dieu mercy & faire merueilleuse penitence, & habandonnant les pompes mondaines, feit ediffier vn monastere en la ville de Orpion, & y fonder grant nombre de religieuses, qu'elle print à Nyuelle, avec lesquelles elle se rendit religieuse, viuant en grande austerité de vie, iusques à la fin de ses iours: & si bailla la Cōté de Turne, qui estoit son propre heritage, aux Euesques du Liege.

Le Prince Pepin de son costé feit grande penitence, & pour la satisfaction de son péché, feit de grandes fondations & oeures de misericorde. Et depuis eut tousiours en grand amour & reuerence nostre Euesque de Verdun Armonius, lequel deceda l'année ensuyuant, sept cens & vn, apres qu'il eut tenu ledict Euesché, par l'espace de douze ans.

*Alpaide concubine de Pepin, machina la mort S. Lambert.*

*Dodo frere de Alpaide, interfecteur de S. Lambert.*

*La mort & le martyre de S. Lambert.*

*Dodo puny diuinement, & ses cōplices.*

*Penitence de Alpaide.*

*La mort de Armonius Euesque de Verdun.*

# depuis Pharamond iusques à Charlemagne. F. cxi.

Des Papes, qui ont tenu le siege, durant le  
temps dudict Euesque  
Armonius,

**S**ERGIUS, natif de Syrie, en la cité d'Anthioche, fut esleu Pape l'an six cens quatre vingtz & sept (l'Abbé Vispergensis escript six cés quatre vingtz dix:) & non sans controuersie, car apres la mort de Conon, les Romains esleurēt Theodore Archeueueque de Rome: & les autres qui fauorisoyent à l'Empereur, & à l'Exarche d'Italie, esleurēt vn, nommé Paschal, lesquelz chascun de son costé, feirent grans portz d'armes, pour prendre ladicte possession. Quoy voyans ceulx qui auoyent esleu, s'accorderent ensemble, & esleurent vniformement ledict Sergius, en deiectant les deux autres. Dōc l'Empereur Iustinianus, ne fut content, & tacha, le prendre par ses gens, pour le mener en Constantinoble: mais il fut deffendu, par les Romains: Car il estoit hōme de grant sçauoir, remply de toutes vertus. Il ordonna beaucoup de choses tresvtilles en l'Eglise, & republicque: Entre lesquelles il ordonna, en la fraction du corps de NOSTRE SEIGNEUR IESU CRIST, estre dict, troys foys **AGNVS DEI**, & fait plusieurs reparations aux eglises. Finalement mourut au regret d'vn chascun, apres qu'il eut tenu le siege, enuiron quatorze ans huit moys: Combien que l'Abbé Vispergensis escript feze ans huit moys.

*Sergius premier  
de ce no. iiii. xx.  
vi. Pape.*

Des Empereurs, regnans durant  
ledict Euesque Ar  
monius:

**I**USTINIANVS, filz de Constantin, quatrieme, fut Empereur en l'an six cens quatre vingtz & sept, & regna par deux foys, à sçauoir la premiere par dix ans, durant lesquelz du commencement fut vertueux, begnin, & liberal. Retira en l'obeissance de l'empire, Affricque, & Lybie, que Sarrazins auoient occupé: mais sur la fin il se tourna en auarice, faction nouuelle d'heresie, & legereté de suyure ses sensualitez & voluntez desordonnées. Il tacha perfecuter le Pape Sergius: Mais il fut empeché par les Romains & les gēs militaires estans à Rome. Il fait abatre vne eglise de la Vierge Marie pres son palais de Constantinoble, pour faire ediffice à son plaisir. Si fait plusieurs choses assez follement, & inconsultement, dont le peuple le print en hayne. Parquoy au bout de dix ans, en l'an six cens quatre vingtz dix sept, fut deiecté de l'empire, par vn nommé Leo, aliàs Leontius, qui l'auoit au parauant seruy de Preteur, & maistre de sa cheuallerie, es parties Oriētales: & lequel depuis il auoit deiecté, & mis en exil, apres longue detention de prison: De laquelle trouua maniere d'eschapper, & leuer gens qui auoyent en hayne & mespris ledict Iustinian, qu'il print, luy fait copper le nez & enuoyer en exil, en vne Isle de mer. Et entreprint l'empire, qu'il teint l'espace de troys ans: & en fut deiecté l'an sept cens, par vn nommé Tiberius Aepfimar, lequel luy fait copper le nez: comme il auoit fait à Iustinianus, & le mettre en ferme prison, en entreprenant ledict empire, qu'il teint & vsurpa par l'espace de sept ans: au bout desquelz à sçauoir l'an sept cens sept, de rechef ledict Iustinianus recouura l'empire, par l'ayde de Terbellis, roy des Bulgaires. & fut prins prisonnier ledict Tiberius & amené par deuant Iustinianus, avec Leontius, lesquelz il fait enchayner ensemble & tirer par la cité, & puis les decoller: Et exerça vne tyrannie merueilleuse, contre tous ceulx qu'il pēsoit auoir esté cause de son deictio: Car autāt de gouttes, qui cheoiēt & tumboyent de son nez coppé, autant faisoit il tuer d'hommes, qu'il iugeoit auoir

*Iustinianus deux-  
ieme du nom, Em-  
pereur. lxxvi.*

*Iustinian deiecté  
de l'Empire & le  
nez coppé.*

*Leontius deiecté  
de l'Empire & le  
nez coppé.*

*Iustinian restitué  
à l'Empire & de  
sa tyrannie.*

*Les tyrannies de  
Iustinian.*

# Le.ii.liure des antiquitez de la gaule belgicque,

*Iustinian recon-  
silié au Pape.*

*Iustinian leua ar-  
mée contre Phi-  
lippicus.*

*Iustinianus tué  
en Bataille, par  
Philippicus.*

esté ses aduersaires: & ysa de plusieurs autres tyrannies: Toutefois à la fin il en eut quelque repentance, & fait venir en Constantinoble le Pape Constantin, lequel il receut reueremment, demandant pardon de ses pechez, & restitua tous les priuileges qu'il auoit osté aux eglises. Pendant le temps que ledict Pape estoit à Constantinoble, ledict Iustinianus leua grosse armée, pour enuoyer en la region de Ponthe, contre vn nommé Philippicus, parauant enuoyé par Tiberius en exil, pour ce qu'il reféroit vn songe, qu'il auoit veu vn Aigle sur sa teste: & de paour que cela ne signifiait qu'vné foys il seroit Empereur. Laquelle craincte & paour fut semblablement à Iustinianus, apres qu'il fut restitué: & par tant enuoya ladicte armée, contre luy, pour totalement l'exterminer: Combien que le Pape luy eust plusieurs foys desenhorté, & pryé, ne molestet ledict Philippicus. A quoy ne voulut obtemperer, dont mal luy en print: Car incontinent que ses gens propres furent pres d'iceluy Philippicus, ilz se allicrent avec luy, & le constituerent Empereur: & de la veindrent assaillir ledict Iustinianus, qui fut vaincu & tué, & son petit filz, en l'an sept cens & treze, apres qu'il eut regné six ans, pour la seconde foys: depuis ladicte restitution: Et par ce regna en tout seze ans, non continuellement: car il y eut dix ans de temps intermediez, durât lesquels les dessusdictz, Leontius regna troys ans, & Tiberius Aepimarus sept ans.

## Des Roys de France, regnans du temps d'iceluy Euesque Armonius.

*Clouis troisieme  
du nom. xvi. roy  
de France.*



LOUIS, troisieme du nom, filz de Theodoric, pour son partage de la succession de son pere, obtint le royaume de France, en l'an six cens quatre vingtz & treze: Combien qu'aucuns escriuent six cens quatre vingtz quatorze. Et fut couronné roy & gouverneur, par Pepin Heristel qui estoit pour lors Maire du Palays de France & Austrasie, comme auons escript cy deuant. Lequel Pepin gouverna moult sagement, soubz ledict Clouis, qui estoit ieune, & ne se mesloit des affaires du royaume: Et selon aucuns, n'eut ia mais cognoissance de femme. De son temps, fut par ledict Pepin, vaincu en bataille Reboalde, Duc de Frise, qui estoit Sarrazin, & conuertý à la foy de Iesuchrist, luy & son peuple: & mourut ledict Clouis, sans enfans, apres qu'il eut regné quatre ans: Cõ bien que Gaguyn n'escript, que troys ans.

*pepin maire du pa-  
lays de France.*

*Childebert . xvii.  
roy de France.*

Childebert deuxieme du nom, filz d'iceluy Theodoric, & frere du dessusdict Clouis, estant roy d'Austrasie, succeda par la mort de son frere, au royaume de France, en l'an six cens quatre vingtz seze. Les autres escriuent six cēs quatre vingtz dixhuit: & partant fut Monarche es deux royaumes de France, & Austrasie. Soubz lequel eut grande auctorité Pepin Heristel, Maire du Palays desdictz deux royaumes, qu'il gouverna si prudemment, que tous les estatz d'iceulx, rāt en l'eglise, noblesse, que populaire, prindrent meilleur ordre que parauant: & estoit crainct & aymé de tous. Quant ledict Pepin commença à vieillir, il cõstitua soubz luy vn lieutenant, nommé Nordebert, pour gouverner le royaume de France, à raison que pour la pluspart du temps, il faisoit sa residence en Austrasie, ou estoient sa femme & enfans: Toutefois ledict Nordebert mourut tost apres. Parquoy il institua en chef Maire du Palays de France, son aîné filz, nommé Drogo, Duc de Bourgongne & Champagne, lequel mourut l'an suyuant six cens quatre vingtz dixneuf. Par la mort duquel Pepin institua en son lieu, son autre filz legitime Grimoart, qui depuis fut tué, l'an sept cens quatorze, comme dirons cy apres.

*Drogo & Gri-  
moart enfans de  
Pepin, Maire du  
Palays de France.*

¶ Audiēt an sept cens quatorze, mourut ledict Pepin, qui pour son testament, ordonna, que son filz bastard, Charles Martel, succedast, en la Mairie du Palays d'Austrasie, & que Theodoald, filz de son filz Druon, aliàs Drogo, eust la Duché de Brabant & Champagne.

# depuis Pharamond iusques à Charlemagne. F. cxii.

Champagne: Mais sa femme legitime Plectrude, entreprint avec ledict Theodoald la Mairie du Palays d'Austrasie, & feit prendre, & detenir Charles Martel, en prison fermée, comme dirons cy apres.

¶ En l'an sept cens & quinze, ledict roy Childebert mourut, & laissa deux filz, l'un nommé Dagobert deuxieme, ou autrement selon les autres, appellé Clouis: & l'autre filz fut nommé Clotaire quatrieme: combien qu'aucuns escriuent, que cestuy Clotaire quatrieme, estoit oncle dudit Dagobert, & filz de Thierry-premier, & dient que le second filz dudit Childebert, fut appellé Daniel, qui fut prestre, & depuis roy, nommé Childeric: Et de ceste opinion, est maistré Nicole Gilles: combien que la pluralité des historiens suyent la premiere opinion.

*Des enfans de Childebert sont les historiens en diversitez.*

## ¶ Des Roys regnans en Austrasie, durant ledict Euesque Armonius.



**C**HILDEBERT, filz puisné de Theodoric premier, duquel auons immediatement escript, soubz le tiltre des roys de France, succeda apres la mort de son pere, au royaume d'Austrasie, en l'an six cés quatre vingt & douze, ou quatre vingtz treze: Partant fut le quinzieme roy d'Austrasie. Enuiron quatre ans apres, il fut Monarche desdictz deux royaumes de France & Austrasie, & regna durant ledict Euesque Armonius. Car il mourut l'an sept cens quinze, comme auons dict au chappitre precedent cestuy.

*Childebert. xv. roy d'Austrasie.*

## ¶ Des successeurs de Clodion, estans Marquis de l'Empire, & Comtes de Brabant, dont est descendu Charlemagne, & qui ont regné durant ledict Euesque Armonius.



**P**EPI N, filz de Anchises, ou Anchisus, surnommé Heristel, à cause d'une seigneurie qu'il auoit au pays du Liege, succeda à son pere en l'an six cens ~~seize~~ quatre, & obtint pour sa portion paternelle, le Marquisat de l'Empire, sur Lescault, & autres seigneuries que son pere tenoit: & de par sa mere Begga, succeda au Duché de Brabant. Iean Tritemius escript, qu'il fut Comte de Namur, en parlant du roy Childebert deuxieme, en ces termes.

*Pepin Heristel Duc de Brabant seigneur de Namur.*

687

*Cuius maior domus fuit Pipinus, Ansigisi iunioris filius, Comes in Namur & Dux in Brabantia, vir nobilissimus & strenuus, de antiqua Regum Francorum prosapia ortus, &c.*

¶ Or cestuy Pepin du temps de Theodoric premier, & de Ebroy n son gouuerneur, entreprint la Mairie du Palays d'Austrasie, allié de son cousin Martin, Duc de Mozelane, avec grosse armée: mais ilz perdirent la journée, car il furent vaincu: en sorte que Pepin & Martin se retirerent, comme auons dict en la fin de l'Euesque Gerebertus. Toutefois depuis la mort de Ebroy n, ledict Pepin leua nouvelle armée, & eut bataille, en laquelle fut victorieux, & print prisonnier le roy Theodoric: & tellement que finalement il fut Maire & gouuerneur des deux royaumes de France, & Austrasie, ainsi que amplement auons dedui ct, en la vie de nostre present Euesque Armonius: Et depuis eut telle auctorité, soubz la fin du regné dudit Theodoric, & des regnes de Clouis .iii. & Childebert deuxieme, qu'il gouuernoit paisiblement lesdictz deux royaumes, instituât les Maires du palays, ainsi qu'il luy plaisoit, come auos dict cy dessus,

*Pepin perdit la bataille, cōtre Ebroy n,*

*Pepin Heristel Maire des Palays de France & Austrasie.*

# Le.ii.liure des antiquitez de la gaule belgicque,

soubz lediēt Childebert troisieme. Lediēt Pepin eut pour femme legitime vne noble dame, nommée Plestrude, de laquelle il eut deux filz, l'vn nommé Druon, aliàs Droggo, qui estoit Comte de Champagne & Bourgongne, qui print femme par mariage; de laquelle il eut vn filz nommé Theodoal. Et apres la mort de Nordebert, son lieutenant en France, il feit instituer Maire du Palays de France, son diēt filz Druon, qui mourut tost apres. Parquoy en son lieu, il institua Maire dudiēt Palays de France, son autre filz, nommé Grimoart, homme de sainte vie, & le maria à la fille de Baboth, ou Raboth, Duc de Frise, qu'il auoit desconfit en bataille, & contrainēt prendre la loy chrestienne. Si aduint que Pepin fut quelque temps griefuement mallade au pays de Liege. A raison dequoy son diēt filz Grimoart, l'alla visiter: & estant illec souuent alloit par deuotion faire ses oraisons, sur le tombeau de saint Lambert. Auquel lieu vn iour estant à genoulx, veint par derriere, vn nommé Raingarius, seruiteur dudiēt Raboth, & le tua, du sceu & ordonnance de son diēt maistre.

¶ En l'an sept cens & quatorze, lediēt Pepin tomba en vne autre malladie, de laquelle il mourut: mais auant sa mort, il feit son testament, & ordonna que son filz bastard, Charles, qui depuis fut surnommé Martel, ou Tutides, qu'il auoit eu de sa concubine Alpaide, succedast en la Mairie du Palays d'Austrasie, pour ce qu'il le cognoissoit vaillant pour le bien exercer: & si ordōna que Theodoal, filz de Druon, son filz, succedast es Duchez de Brabant & Champagne. Il auoit encores vn filz bastard de ladiēt Alpaide, nommé Carloman, qui laissa le monde, & fut religieux. I'ay leu qu'il eut quelques filles, à sçauoir Berthe, femme de Milo, Duc d'Auuergne, Astrude, & Elizand: & trouuē vn epitaphe dudiēt Pepin, soubz ces termes.

• *Iste Pipinus, erat Dux tertius, Austrasorum,*  
• *Austria dicta fuit tunc regnum Lothariense.*

¶ Or du testament & derniere ordonnance dudiēt Pepin, ne fut contente sa femme legitime Plestrude: Car incontinent apres la mort dudiēt Pepin son mary, elle feit prendre lediēt Charles Martel, le meēt & detenir prisonnier, & entreprint le gouuernement d'Austrasie, avec son ieune filz Theodoal, comme dirons cy apres.

## ¶ Des successeurs de Clodion, dont sont descenduz les Ducz de Mozelane, & Princes d'Ardenne.

**E**LEUTHER, filz aîné de Martin, Duc de Mozelane, & de Beatrix d'Ardenne, succeda en la Duché de Mozelane, de par son pere, enuiron l'an six cens quatre vingtz & sept: Et de par sa mere Beatrix, succeda en la Comté d'Ardenne, & autres seigneuries. Cestuy des sa ieunesse, fut plus adōné au seruice de Dieu, qu'aux armes, & faitz de guerre. Il print pour femme, la fille de Sigisbert, Comte de Hasburg, appelée Beatrix, laquelle ne vquit pas longuement: Et par ce lediēt Eleuther commença de plus fort contemner les voluptez du monde: Tellement qu'apres qu'il eut regné, enuiron dix ans, il renōça à toutes ses seigneuries, & s'en desmeit, es mains de son frere Lambert, puis entra en vn hermitage, près de la ville, nommée saint Vandelin, enuiron l'an six cens quatre vingtz & douze, ou il seruit à Dieu, continuellement, menant vie tresauſtere;

Tellement qu'à la fin fut réputé saint en paradis.

¶ Des

*no. 1. Du fuyt de  
l'epitaphe de  
l'auant l'auantelle de  
l'ap. de  
l'ap. de*

*Les enfans de Pepin, Maire du Palays de France.*

*Grimoart filz de Pepin tué en trahison.*

*Testamēt de Pepin Heristel.*

*Epitaphe de Pepin Heristel.*

*Charles Martel emprisonné par Plestrude.*

*Eleuther Duc de Mozelane, Comte d'Ardenne.*

*Eleuther print habit de religion.*





# depuis Pharamond iusques à Charlemagne. F. cxiii.

¶ Des successeurs de Clodion, dont sont descenduz  
les Princes de Haynau, regnans du temps  
de l'Euésque Armonius.



**A**LBERIC, surnommé l'Orphenin, filz de Brunulphus, duquel auons escript amplement en l'euésque Gisloaldus, obtint le pays de Haynau, & la cité de Cambray, enuiron cinq ans, durant nostre euésque Armonius.

**W**altric, ou **W**vaultier filz de Alberic l'Orphenin, succeda apres son pere, en la Comté de Haynau, enuiron l'an six cens quatre vingtz quatorze, & porta le surnom d'Orphenin, comme son pere. Il eut plusieurs freres, comme escriuent les historiens de Haynau: Entre lesquels en y eut vn, nommé Hugues, qui eut pour sa part de la succession paternelle, la cité de Cambray: Et furent maryez, ses deux freres, à deux seurs Beatrix, & Alix, lesquelles estoient filles de Heruey, Comte de Metz, pere de Guerin le Lorrain. Ilz furent vaillantz aux armes, & militoyent du commencement soubz Charles Martel, quant il expulsa d'Acquitaine les Vvandelz, & Machometistes: Et furent presens, quant les dixmes des eglises, furent accordez audict Charles Martel, & nobles de France, pour la deffense faicte de la chrestienté. On trouué aux histoires de Metz, que cestuy Heruey, Comte de Metz, fut vn des principaulx auteur & poursuyuant entreprendre lesdictes dixmes des eglises, & de ceulx qui depuis refusa, & empescha les restituer, ainsi qu'ilz l'auoyent promis, quant on leur conceda. Dont il luy en print mal: Car Maistre Jaques de Guyse, & Hugues de Toul, escriuent qu'apres la mort de Charles Martel, & que Pepin son filz regnoit en France, les Vvandelz & infideles, veindrent assieger en la cité de Metz, ledict Heruey, qui poursuiuit auoir secours dudit Pepin: mais il luy refusa, occupé en autres affaires. A raison dequoy ledict Heruey mada ses deux gendres, Vvaultier de Haynau, & Hugues de Cambray, qui le veindrent secourir. Da uantage se retira, vers Ansegis, roy ou Prince de Colongne, auquel il obligea ses terres & seigneuries pour auoir secours, ce qu'il feist: en sorte qu'ilz eurent victoires, contre lesdictz Vvandelz: Mais Heruey poursuiuit trop asprement ses ennemys, & fut tué en bataille. Quoy voyant Ansegis de Colongne, se retira dedans la cité de Metz, & entreprint la seigneurie d'icelle: Dont Guerin le Lorrain, filz dudit Heruey, ne fut content: & poursuiuit tellement, avec ses deux beaux freres Vvaultier, & Hugues, qu'il en expulsa Ansegis, & fut restitué en icelle, & de cestuy Guerin escrivons cy apres, obseruant l'ordre du temps. Et quant audict Vvaultier de Hay-

*Vvaultier Comte de Haynau.*

*Heruey Comte de Metz, pere de Guerin le Lorrain.*

*Heruey Comte de Metz, tué en bataille.*

nau, les Historiens escriuent qu'il vesquit longuement: Car il mourut enuiron l'an sept cens quarante huiet. Et

laissa vn filz, nommé Vvaultier l'Orphenin, comme son dict pere, auquel il succeda, à la dicte Côte de Haynau.

*La mort de Vvaultier, Comte de Haynau.*

¶ De la

Le.ii.liure des antiquitez de la gaule belgicque,  
**DE LA VIE DE AGREBERTUS**  
 dixseptieme Euesque  
 de Verdun.



*Agrebertus. xvii.  
 Euesque de Verdun.*



**GREBERTVS**, ou Augrebardus, fut esleu dix septieme Euesque de Verdun, l'an de grace sept cés & vn, apres la mort de Armonius. Le clergé. & peuple de Verdun, d'un commun accord & cōsentemēt nommerent & esleurent ledict Agrebertus, Archidia cre d'icelle eglise, nepueu du defunct Armonius. Ce qu'ilz auoient voulu faire parauant l'election d'Armonius, comme auons escript cy dessus. De ceste election fut ioyeux le Prince Pepin Heristel, qui facilemēt y accorda, & le confirma, comme ayant totale puissance & auctorité audict royaume d'Austrasie.

*Agrebertus nepueu de Burgardus  
 second forestier de Flandres.*

Car il le cognoissoit homme de grande saincteté, doctrine, & prudence. Si estoit son parēt & du lignage des plus anciens, nobles, & gouuerneurs, & Princes de la Gaule Belgicque: Entre lesquelz ie trouue que Burgardus Comte de Herlebecque, filz de Lidericus Buccensis, premier forestier de Flandres, estoit son oncle maternel. Lequel Burgardus eut pour fēme espousée Vvanye, seur de saint Vvādregisile: Et si fut fort confederé à Pepin Heristel, & teint son party, quant le roy de Frāce, Theodoric, fut prisonnier, comme auons dict cy dessus. Ledit Agrebertus, fut nourry en sa ieunesse avec vn Prince de Gaule, son parent, nommé Grodingus, qui habandonna le monde & mena vie tresauſtere en religion: De sorte que apres sa mort fut reputé saint en paradis. Et fonda de ses biens paternelz, vn monastere, nōmé Vvaslogium, lequel pour l'amour & dilection qu'il auoit audict Euesque Agrebertus, ordonna estre à perpetuité, soubz l'administration de luy & de ses successeurs Euesques de Verdun, cōme dict Bertarius, en son histoire. Touthoys quelque tēps apres, que Charlemagne regnoit, ledict Vvaslogium, & autres biēs, que ledict Grodingus auoit baillé a l'eglise de Verdun, furent ostez & alienez de ladicte eglise, comme dirons selon l'ordre du temps.

*S. Grodingus fonda le monastere de Vvaslogium.*

701

*S. Hubert Euesque du Trait pa rent dudit Agrebertus.*

¶ En l'an premier de nostredit Euesque Agrebertus, saint Hubert fut receu Euesque du Trait. Combien qu'un an au parauāt, son predecesseur, saint Lambert, auoit esté tyranniquement tué, comme auons dict cy dessus. Cestuy Hubert, filz de Bertrand Duc d'Acquitaine, & Comte Palatin, estoit affin & allié à nostre Euesque Agrebertus, de par sa mere, seur de S. Ode, vefue de Bogis, Duc d'Acquitaine. Lesquelles estoient cousines de Pepin Heristel, & fut inhumée ladicte sainte Ode, en l'eglise de Liege, reputée sainte en paradis, faisant plusieurs beaux miracles.

*Incident de la vie saint Hubert.*

¶ Or pour ce que entre tous les corps saintz, honorez en la Gaule Belgicque, ledict saint Hubert, est fort reclamé, j'en mettray & escriray icy vn mot. A sçauoir que luy étant ieune Prince, faisant sa residence en Acquitaine, fut maryé à vne femme, selon la noblesse: & prenoit continuellement ses deduitz à la chasse des chiens & oyseaux. Si aduint comme il chassoit en la sainte sepmaine, le iour de la Parasceue, & poursuy uoit avec ses chiens vn cerf, entre les cornes duquel il appercent Iesuchrist crucifié: & incontinent les cerf, & chiens s'arrestèrent, comme immobiles, & oyt vne voix, l'ar guant, & reprenant griefuement, dont il fut bien esbahy. Descend de son cheual, & adore Dieu, luy criant mercy: & deslors fut totalement conuertý à Dieu, metant en nonchalloit les pompes mondaines: Et en ceste mesme année mourut sa femme, de la quelle il auoit vn filz, nommé Floribertus.

*Visto à S. Hubert du crucifix entre les cornes du cerf.*

# depuis Pharamond iusques à Charlemagne. F. cxiiii.

¶ Or quelque temps apres, voyant les tyrannies de Ebroyn, gouuerneur de France, soubz le roy Theodoric, se retira en Aufrasia, ou il auoit plusieurs parés du costé maternel, & faisoit illec sa residence en Brabant & Ardenne, print grande cognoissance & amytié à saint Lambert, pour lors viuant Euesque du Traict. Par les vertus duquel, bonnes & saintes exhortations, il perseuera tousiours de vertu en vertu, en l'amour & charité de Dieu: Tellement que pour mieux parfaire son salut, alla à Rome visiter les saintz lieux du temps du Pape Sergius. Et estant illec, aduint que le bon saint homme Lambert, Euesque du Traict, fut tué, & martyrisé inhumainement, comme auons dict, en l'Euesque precedent. Et à la propre heure, par disposition diuine, vn Ange du ciel apporta la crosse & baston pastoral, duquel les Euesques du Traict, vsent en leurs pontificaux, & le presenta audict Pape Sergius, signifiant & reuelant, qu'vn homme, nommé Hubert, estoit digne d'icelluy Eueché. Si fut cherché ledict Hubert, & finalement trouué, qui longuement refusa accepter ladicte charge: Mais il en fut contrainct par auctorité Apostolicque, & sacré par le Pape, & les Cardinaux: Et pour monstrier que ceste electiō est plus diuine, que humaine, apparut au si saint Pierre, durant l'office du sacre, qui apporta vne clef d'or, avec vne estolle, de grande magnificence, pour signifier & designer la puissance & auctorité, que Dieu leur donnoit enuers les ames, pour absouldre les pechez, & enuers les corps, pour les deliurer de la piteuse & horrible maladie de rage, & furie: Ce qui a duré & perseueré iusques à present: Car on void encores ladicte clef, gardée au monastere saint Pierre, de l'ordre saint Benoit, ediffié & fondé, par ledict Hubert, en la cité de Liege, & la dicte estolle est au monastere, appellé Andagium, situé au pays d'Ardenne, où repose son corps: De laquelle estolle on baille (sans estre diminuée) quelque petite portio, à tous ceulx qui sont mordz de chiens, & autres bestes enragées, pour estre preseruez d'icelle piteuse & horrible maladie.

*S. Hubert, pelerin à Rome.*

*S. Hubert esleu & sacré à Rome Euesque du Traict*

*La clef d'or, & l'estolle miraculeusement apportées, au sacre de S. Hubert.*

*S. Hubert, preseruateur de l'horrible maladie de rage.*


¶ On trouue aux anciens registre de Liege, que à l'heure propre que le Pape Sergius consacroit à Rome, ledict saint Hubert, fut oye vne voix, au lieu du Traict, disant par plusieurs foys. *Nono Martyri Deus successorem suffect.* Les choses ainsi parfaites à Rome, saint Hubert retourna, au Traict, ou d'vn chascū fut receu à grad ioye: Et deslors ne cessa de chercher causes & occasions de pouuoir retirer le siege Episcopal du Traict, au Liege, qui estoit lors petite chose. Si comença l'augmenter de edifices, & belles eglises, en luy donnant le nom de Liege: Et si fonda douze Chanoynes, en l'eglise, qui depuis fut cathedrale, laquelle il dedia, soubz le tiltre de la Vierge Marie, & de saint Lambert, present plusieurs Euesques & Prelatz des pays circouoissins: Entre lesquelz y estoit nostre Euesque Agrebertus: Et deslors les nouveaux Chanoynes, fondez en icelle, prindrēt amytié & confraternité, avec les Chanoynes de Verdun, laquelle à tousiours duré & perseueré, entre eulx: Et fut renouuellée long temps apres, par lectres autentiques, comme nous escrirons selon l'ordre du temps.

*Fondation de l'eglise du Liege par S. Hubert.*

¶ En l'an sept cens, saint Hubert transféra le corps d'icelluy saint Lambert, du lieu ou il auoit esté inhumé, pres du Traict, en ladicte eglise nouvelle fondée au Liege: Et fut trouué le corps ausi entier, comme la journée qu'il auoit esté martyrisé: Et si institua de nouveau, le siege episcopal en icelle, qui par auant estoit en la ville du Traict. Il feit plusieurs belles constitutions, loix, & decretz, qui iusques au iourd'huy sont obseruez: & feit insculper au seau commun, l'Image saint Lambert, duquel ilz vsent encores à present, ou il y a escript en la circonférence, *Sancta Lepia Romana ecclesie filia.* Depuis par reuelation diuine, escriptes en lectres d'or, feit rediffier & fonder religieux au monastere de Andagiū en Ardēne, que iadis Begga, femme de Pepin Heristel, auoit ediffié, comme dict est dessus: Et en icelluy monastere, il feit premier Abbé, vn S. hōme son chappellain, nommé Beringerius: & feit plusieurs aultres grās biens, & fondatiōs: & puis mourut enuirō l'ā sept cēs trēte & vn. Il laissa vn filz, nommé Floribert, qui estoit Preuost de l'eglise de Liege, & Abbé de Stabulo, qui fut esleu euesque aps sondict pere. Enuirō cēt ans apres, q' ledict S. Hubert, fut esleu euesque de Liege

*Le corps S. Lambert transferé au Liege, par S. Hubert.*

*S. Hubert fonda religieux au monastere de Andagium. Floribertus Euesque du Liege, filz d'icelluy S. Hubert.*



## Le.ii.liure des antiquitez de la gaule belgicque,

son corps fut tranlaté en Ardenne, audict monastere de Andagiū, qu'il auoit edifié. Et ce par le conseil & ayde de Oger le Danoy. Aucuns escriuent ausi de Charlemagne du temps de l'Euesque Balcandus, qui augmenta merueilleusement les rentes du dict Monastere.

¶ Or pour retourner à nostre Euesque de Verdun Agrebertus, qui durant sa vie vequit tousiours sainctement, administrant son Euesché prudemment, augmentant le sainct seruice diuin en icelle, par grant zele & diligence. Nous trouuons que de son temps le Comte Vvolfandus, qui iadis auoit esté Maire des Palays des royaumes de France & d'Austrasie, soubz le roy Childeric deuxieme, & depuis retourné en Austrasie, apres la mort dudict roy, auoit commencé à edifier l'Abbaye saint Michel, au diocese de Verdun, comme auons dict aux deux Euesques precedés, fut totalement acheuée, en l'á sept cens & sept, qui estoit la quinziesme année du regne du roy Childerbert, en son regne d'Austrasie, & la sixieme année du pontificat de nostre Euesque Agrebertus, qui en ladicte année enhorta & admonesta ledict Comte Vvolfandus, en sorte qu'il luy feit fonder & douer icelle Abbaye, par son testament, lectres autentiques, & gens notables tesmoingtz ad ce appelez: Ce qu'il ne pensoit faire, mais luy sembloit qu'il suffisoit pour corroborer ladicte fondation, que la donation fust signée de sa main, attendu que c'estoit du sien propre, & de ses acquestz: Car pour lors l'usage estoit, que chascun pouuoit donner & aulmosner du sien aux eglises à son plaisir, sans grande solemnité, ny auctorité de superieurs: Et toutefoys pour plus grande asseurance nostredict Euesque luy conseilla, faire testament autentique & solemnel, ce qu'il feit, en presence de sa propre seur, qui estoit religieuse & Abbesse, & dudict Euesque, & plusieurs autres, comme appert par la teneur dudict testament commençant ainsi qui s'ensuit.

L'abbaye saint Michel au diocese de Verdun, fut totalement acheuée par Vvolfandus son fondateur

Testament de Vvolfandus fondateur, & dotaireur de l'Abbaye saint Michel diocese de Verdun.

*Cum oporteat christianis viam veritatis eligere, pro qua conditori suo possint digne miserationis munus offerre, vt oblatio proficit ad salutem, deuotio pertineat ad mercedem. Ego itaque Vvolfandus, filius Sislarumij quondam, necnon & coniunx mea Adalsinda, filia Alberti quōdam, donatores licet multarum rerum. Cum sit semper rarum quod quisque pro suis admissis facinoribus vel redimenda vltione peccaminum, de rebus suis proprijs, aut ad loca sanctorum dei, aut ipsius seruus, velit quid dare, vt ipse propria manu det scriptisque mandet, vnde & antiquitus diuini principum decreta, & legum iura sanxerunt, vt tantummodo sola manus datoris in subscriptione certa monstraretur, nec sine gestorum allegatione plenissima, voluerint firmitate mancipare, vt hoc quod vnusquisque pro arbitrio suo aut mentis suae, condonare voluisset solempnis scripturae, non confirmaret. Sed dum & nos Domini gratia inspirante (vti credimus) sicut omnium fidelium catholica ecclesia mos est, quorum deposcit benignitas, vt pro animarum salute, vel dei intuitu, domino adiuuante, Monasterium congregationemque seruorum Dei, animo deuotissimo à nouo fundamento, in iure proprietatis nostrae, in pago Virdunens. in loco qui dicitur Castellionis, in fine Vvindunaca Isuilla, vbi in ipsa radice montis, consurgit fluuiolus qui dicitur Marsupia, in honore sancti Michaelis Archangeli, & sanctae Mariae matris Domini nostri Iesu Christi, sancti Martini, & sanctorum Apostolorum Petri & Pauli, necnon sanctorum Martyrum, Confessorum, vel ceterorum ad exemplum, & iam visi fuimus edifficasse. Addidit nobis Consilius quatinus de communi substantia ad ipsum monasterium, vel ipsos seruos Dei Domino vacantes, consistendum iuxta nostrum arbitrium conscribere deberemus, quod ita fecimus. In primis itaque*

Tesmoingtz presents audict testament.

*donamus, &c. La ou consequemment il declare plusieurs grandes & belles donations, qu'il a fait audict monastere. Et à la fin dudict testament y a ce que s'ensuit.*  
*Facta est hac donatio in ipso monasterio, multorum conuentu bonorum hominum, anno decimo quinto regni Domini Nostri Childeberti Regis, Signum Vvolfandi, qui testamento donationis fieri rogauit, Ego Vvolfandis Abbatisa, signo, Signum Agrebaradi Episcopi. Signum Vvolfandi testis. Signum Condeberti. Signum Vvolfredi. Signum Cramberti. Signum Angelberti. Signum Hugonis & aliorum. Et pour le dernier s'ensuit. Ego Richranus presbiter, rogatus sub scripsi hoc testamentum donationis.*

Excuse de l'auteur trop prolix: en la deductio de la fondation de l'Abbaye S. Michel,

¶ Or icy ie supplie les lecteurs m'excuser, tant en ce lieu, que autres subsequemment, si en escriuant de l'estat & fondation dudict monastere saint Michel, ie suis trop prolixé, plus que droit: Car i'ay ce fait, pour deux raisons. La premiere pour ce que c'est le premier

# depuis Pharamond iusques à Charlemagne. F. cxv.

premier monastere, fondé de l'ordre saint Benoit, en nostre diocese de Verdun: Et la seconde raison est que ie, qui presentement escriptz ces choses extraites de l'antiquité Belgicque suis natif de la ville, ou ledict monastere, est pour l'heure situé. Et partant j'ay vouloir & desir, que mes compatriotes, ayent meilleure cognoissance de l'origine & fondation d'icelluy monastere qu'ilz n'ont eu par cy deuant. Pour laquelle auoir, en supposant ce qu'auons dessus escript, des vertus estatz & noblesse du fondateur Vvolfandus, fault oultre noter que du temps que ledict Vvolfandus gouvernoit soubz le Roy Childeric, deuxieme, estant Maire de ses palais de France, & d'Austrasie, il luy print vouloir & deuotion aller visiter l'eglise saint Michel au mont de Gargan en Italie, sur l'extremité de la Pouille: auquel lieu il fut receu en grant honneur & reuerence, des prelatz & prestres gouvernans pour lors ladicte eglise. Qui à son departement luy baillerēt plusieurs beaux dons & relictues des corps saintz estans en icelle eglise, avec plusieurs munimens & choses, designans & demōstrant l'euidence & probation des grans miracles qui journallement se faisoient, pour l'exaltation de l'honneur dudit saint Michel l'Archange: Lesquelles relictues il receut à grant ioye & deuotion. Et deslors delibera en soy que luy retourné en son pays, & lieu de sa nativité il feroit edifier vne eglise en l'honneur de saint Michel: Et print si grande deuotion esdictes relictues, qu'il ordonna à vn sien prestre Chappelain, continuellement les porter avec luy par tout ou il alloit, & les mettre tous les iours sur l'autel, quant il celebroit messe deuant luy, ce qu'il obserua longuement.

¶ Or aduint quelque temps apres que ledict Vvolfandus, fut contrainct s'en fuir de France, & se retirer en son pays d'Austrasie: Apres que son maistre le roy Childeric, & sa femme, furent tuez, par les François, comme auons amplement escript cy dessus en l'euesque Gerebertus. Quant il fut en Austrasie au lieu de sa nativité, & qu'il eut laissé les cures & sollicitudes des grâdes administratiōs qu'il y auoit eues auparauant. Il commença se deduire & prendre plaisir à chasser avec ses gens es boys & forestz de ses seigneuries: Entre lesquelles en auoit vne, en la fin dict Vindemiaca, ou y auoit grandes montagnes & boys. En laquelle vn iour en l'an fix cēs quatre vingtz & sept, comme il chassoit, fut tellement fatigué & lassé, qu'il fut contrainct luy & ses gens se reposer & prendre leur refection en la summité d'une montagne appellée Castellion: & ce pendant le prestre, qui portoit en vne cassette les relictues dessusdictes, les mit & posa à vne branche de noyer, pres du lieu ou ilz prenoient leur refection, & à son departement les oublia pendues audict arbre. Quant il vint au logis, la nuit luy souuint d'icelles: Si partit le matin en diligence pour les aller querre, & les trouua pendues comme il les auoit laissées: Si mit la main pour les prendre: Mais la branche de l'arbre se haulsa & s'esleua, de sorte qu'il n'y peut toucher: Et tant plus montoit en hault sur l'arbre, tant plus la branche s'esleuoit. Quoy voyant bien esbahy, retourna vers son maistre, luy declaira le fait comme il estoit aduenu, qui en diligence alla avec ses gens sur le lieu: Et apperceut Vvolfandus, son maistre, manifestement la chose estre miraculeuse, & quasi par inspiration diuine commença iuger, que l'Archange de Dieu, saint Michel, auoit esleu ce lieu pour fonder l'eglise qu'il luy auoit au parauant, voué & promis faire: Et deslors ordonna faire les tranchiz des fondemens à l'enuiron dudit noyer, deliberé ne cesser iusques qu'elle fust parfaicte: Et l'endemain present tout son peuple se prosterna à genoulx deuant lesdictes Relictues, fit son oraison, à Dieu, & à monsieur saint Michel & incontinent sans difficulté, print & recoura lesdictes relictues, dont il rendit deuorement graces à Dieu. Et pour memoire perpetuelle dudit miracle, delibera mettre & poser le maistre autel d'icelle eglise sur le tronc de l'arbre qu'il fit couper par bonne proportion pour seruir audict autel, & mettre ensemble les dessusdictes relictues, pour les garder en reuerence avec le tronc dudit arbre, ce que longuement à esté veu & duré en ladicte eglise par l'espace de plus de troys cens ans: Pour laquelle chose verifia j'ay leu dedans les an-

*l'abbaye saint Michel premier monastere de l'ordre saint Benoit, fondé ou diocese de Verdun.*

*Vvolfandus visitant l'eglise saint Michel au mont de Gargā receut plusieurs belles relictues dudit lieu*

*La deuotion que Vvolfandus auoit ausdictes relictues*

*Ordonnance de Vvolfandus de porter avec luy les dessusdictes relictues.*

*La montaigne de Castellion.*

*Les relictues miraculeuses recouuertes par Vvolfandus.*

*Le maistre autel de ladicte eglise, fondée sur le tronc du noyer.*

# Le ij. liure des antiquitez de la gaule belgicque,

ciens registres & chartulaires dudit monastere, signamment en vn petit traicté, composé par vn religieux, saint homme contemporain de l'Abbé Nanterus, & de l'empereur Conrarc, deuxieme, qui viuoient tous en l'an mil & trente, que durant leur temps, ledit tronc de Noyer, duroit encores, & que ses racines auoient tellement pululé, iecté & produict grans branches & rameaulx par dessoubz les murailles de ladiete eglise, qu'elles couuroiēt par dehors icelle. Et produisoient tous les ans, fruietz & noix, desquelles les malades mangeoient pour recouurer leur santé & guari-

*Premiere fondation dudit monastere.*

*Fondation de l'eglise parrochiale soubz le tiltre saint Pierre pres ledit monastere.*

*Oratoire de Nostre Dame, pres ledit monastere fondé par la femme dudit Vvolfandus.*

*Gribualdus euesque de Toul.*

*Second testament de Vvolfandus.*

*La seigneurie de Marsuppe, obtenue par eschange de l'euesque de Metz.*

*La mort Vvolfandus & sa femme.*

Or apres que ladiete eglise fut totalement parfaicte, & dediée soubz le tiltre de monsieur saint Michel, il ediffia grandes habitations & forme de Monastere, & y assemble plusieurs religieux, reueuz, viuans saintement, soubz la reigle de saint Benoid, & institua vn Abbé, sur eulx, en fournissant & administrant toutes choses necessaires pour l'entretienement diceulx, iusques ad ce qu'autrement il eut pourueu de plus ample fondation, en fondz de terre, rentes & reuenues. Et à fin que lesdictz religieux ne feussent aucunement distraictz du seruice diuin, saintes operations & contemplations, par la frequentation des gens seculiers & mondains, le bon comte Vvolfandus, feit aussi edifier, assez pres dudit monastere, du costé Meridional, vne autre eglise, soubz le tiltre de monsieur saint Pierre, laquelle luy & ses gēs frequentoient comme leur eglise parrochial. Dauantage la noble dame Adalsinda, sa femme, feit edifier vne aultre chappelle & oratoire entre lesdictes deux eglises, soubz le tiltre de la Vierge Marie, en laquelle elle se retiroit souuēt, y faisant ses saintes & deuotes oraisons. Et en icelluy oratoire, apres leurs trespas, furent tous deux inhumez, avec vn de leurs enfans qui mourut en ieunesse. Les tombeaulx desquelz on void encores auiourd'huy. Nous trouuons aussi que ledit comte, eut vn filz nommé Gribualdus, & n'est certain, sil estoit filz de sa fēme Adalsinda, ou d'une autre femme: Mais à la verité il fut euesque de Toul, & feit grans biens & fondations en son euesché du tēps du roy Childebert, deuxieme, duquel il estoit fort aymé. Or finalement apres ces choses parfaictes le bon Comte Vvolfandus, parueniu en vieillesse en l'an sept cens sept, qui estoit le quinzieme an du regne dudit roy Childebert, deuxieme, en comprenant le temps quil regna en Aultrasie, voulant meētre fin totale, & asseurer la fondation dudit monastere, ordonna son dernier testament, par le consentement de sa bōne femme, selon la forme dessusdicte: par lequel il bailla de grandes terres, rentes, & seigneuries comme on peut veoir au contenu dicelluy: Et outre bailla, tous ses biens meubles & ceulx de sa femme au proffit dudit monastere, en declairant, quil vouloit & entendoit icelluy monastere & religieux, estre à iamais exemptez de toutes iurisdictiones tant temporelles que spiriuelles: mesme de l'euesque de Verdun: & avec ce francz & libres de toutes exactions, charges, redevuances, & seruitudes quelconques. Toutefois il fault noter que parauant en l'an deuxieme du regne Theodoric, quant il regna la seconde fois, qui estoit enuiron l'an de grace six cens quatre-vingtz & deux, Vvolfandus auoit donné par vn testament precedent audict monastere de Castelion, la ville & seigneurie de Condé en Barrois, qu'il auoit acquesté de ses propres deniers: Et en la quatorzieme du regne de Childebert, ledit Vvolfandus, bailla par eschange & permutation, à Sigibaudus, euesque de Metz & à son eglise, vne seigneurie appellée, Viciacus, de ses appartenances, située sur la riuiere de Mozele: Et pour recompenser, ledit euesque bailla, audict Vvolfandus, toutes les terres prez, & seigneuries, de Marsuppe, au diocese de Verdun, situées asses pres de Castéliō, contenant tout le pays ou est le cours du petit fleueue nommé Marsuppe, depuis son origine, iusques à tant qu'il vient cheoir en la riuiere de Meuse, qui estoit des appartenances de l'eglise saint Estienne de Metz. Lesquelles permutations ainsi faictes de costé & d'autre, Vvolfandus, bailla ladiete seigneurie de Marsuppe audict monastere de Castelion, en laquelle depuis & par succession de temps, ledit monastere & eglise de Castelion, fut trāsferée comme on void de present, & dirons cy apres. Or ces choses ainsi faictes le noble comte Vvolfandus, & sa femme Adalsinte, allerent de vie à trespas bien tost apres cōme est à supposer: Car ie n'ay trouué le temps: neātmoins leurs

# depuis Pharamond iusques à Charlemagne. F. cxvi.

leurs corps furent inhumez en l'oratoire Nostre Dame dessus mentionné.

¶ Environ l'an sept cens cinquante cinq, que Pepin filz de Charles Martel, & pere de Charlemagne, regnoit, le Pape Estienne, deuxieme, vint en France, pour demander ayde contre Aistulphus roy des Lombardz, oppresseur de l'eglise Romaine. Pendant lequel temps, ledict Pape, vint en personne audict monastere de Castelion. Le dedia & consacra soubz le tiltre de saint Michel: & octroya plusieurs beaulx pardons & indulgences à tous ceulx qui le visiteroient: Et deslors ledict roy Pepin estant illec present, dona plusieurs immunitez, priuileges, franchises, & libertez, audict monastere & religieux: Confermant aussi l'ordonance & derniere voluté, du defunct fōdateur.

¶ En l'an de grace sept cens septante deux, qui estoit le quatrieme an du regne de Charlemagne, estoit Abbé d'iceluy monastere, vn saint & reueréd personnage nommé Hermangardus, qui au parauât, viuât encores Pepin, auoit tenu ladiète Abbaye: & depuis encores la tint longuement, du temps de Charlemagne, qui l'auoit en grât honneur & reuerence: car nous trouuons qu'en faueur de luy, la quatrieme année de son regne, il conferma les libertez & franchises que son feu pere Pepin auoit données audict monastere: Et si en donna plusieurs autres, signanment pour les exemptions des iurisdicions ciuiles & spirituelles: dont il en bailla lettres patentes signées de sa main & de son anneau royal, dactées en son Palays qu'il dict Driopionis. P'ay fait diligēce de chercher les anciens registres & chartulaires dudiēt monastere, pour trouuer, qui fut le premier Abbé, institué en iceluy, du tēps dudiēt fondateur, Vvolfādus: mais ilz n'en font point de mention: Combien qu'à la verité, considerant la supputation du temps, il en y eut vn, ou deux, pour le moins, auant ledict Hermagardus. Lequel Charlemagne appellé en ses lettres, Abbé & Euesque dudiēt monastere: Et suiuoit la court de Charlemagne: Car on liēt aux chartulaires dudiēt monastere: que luy estant avec ledict roy au diocese de Cahors, fait apporter le corps saint Anathole, audict monastere saint Michel: Et impetra dudiēt Charlemagne, priuilege, que les religieux esleussent leur Abbé, aduenât la vaccation de ladiète Abbaye: Et fut celuy qui, premierement ordonna la difference & distinction des offices, & ce que l'Abbé deuoit fournir: Semblablement les prouiseurs de poisson, vin, pain, luminaire: Et pour les hostes & les pauures: Et par apres qu'un chascun des officiers, fust tenu rendre cōte à l'Abbé.

¶ Or apres cestuy Abbé, succeda vn saint personnage & de grand sçauoir, nommé, Smaragdus, qui cōposa vn beau liure en la sainte escripture, intitulé *Diadema monachorum*, comme appert par les catalogues des escripuains de la sainte escripture. Cestuy vesquit du temps du roy Loys le debōnaire, filz de Charlemagne, duquel il obtint confirmation des priuileges donnez par ces predecesseurs, tant es libertez de iurisdicions, franchises des gabelles, tributz & autres impositiōs seruilēs, que semblablement des exemptions de payer noualles & decimes, comme appert par plusieurs lettres & chartres autenticques, signées de sa main & scel royal. Durant ce mesme temps, l'Abbé Smaragdus, voyant la situation dudiēt monastere, estre fort difficile en la Montagne de Castelion, tant pour la cōmodité des eaues, que pour les fournitures & prouisions des religieux, impetra par dispense Apostolicque, de transferer l'eglise & monastere dudiēt lieu, en vn autre plus cōmode de plainure: sur le ruisseau Marsupium, pres du lieu ou il entre dedans la grande riuere de Meuse, distant environ lieue & demye, de la premiere situation, ou il fait edifier vn magnifique ouürage, tant en leglise, que habitations pour les religieux, comme on void encores presentement. Toutefois en memoire de l'antiquité, il laissa l'ancienne eglise & oratoire. Si ordonna, par brief Apostolicque, soubz peine & cēsure d'excōmuniement, que à tout iamais les corps des religieux qui trespasseroient au nouveau mōastere, feussent portez & inhumez en ladiète ancienne eglise, laquelle à retenu iusques à present, le tiltre de vieulx monstier. Dauantage y assigna certaines rentes pour l'entretienement d'aucuns religieux, faisans illec leur demourance. Il obtint aussi dudiēt roy Loys & de son filz Lothaire, priuileges de recepuoit dixmes & noualles, avec confirmation nouvelle pour les religieux de faire elections de leurs Abbez, aduenant la vacatiō de

*Le Pape Estienne deuxieme dedia ledict monastere present le roy Pepin qui y donna de beaux priuileges.*

*Hermangardus ij. Abbé de saint Michel.*

*Charlemagne confirma les priuileges de ladiète Abbaye.*

*Le corps saint Anathole, apporté en ladiète Abbaye saint Michel.*

*Distinction de la table de l'Abbé, à celle des religieux*

*Smaragdus. iiii. Abbé dudiēt saint Michel.*

*Le roy Loys le debonaire confirma les priuileges de ladiète Abbaye saint Michel.*

*Translation de ladiète abbaye du mont de Casteliō au lieu ou elle est à present.*

*Le vieulx monstier reserué pour inhumer les corps des religieux.*

# Le ij. liure des antiquitez de la gaule belgicque,

l'Abbaye. Les chartres duquel priuilege cōmencēt, *IN NOMINE DOMINI &c. Ludouicus & Lotharius, diuina prouidentia imperatores &c.* Sur quoy fault noter ce que les historiens escriuent, que de l'an huit cens vingt & vn, Loys institua son filz, Lothaire, roy & empereur de Lōbardei: & ordōnā qu'il fut ainsi appellé: Et deslors cōmēça la premiere année du regne de Lothaire, cōbien q̄ son pere vesquit: Et parce Smaragdus, Abbé, viuoit encores en ladicte année, huit cēs vingt & vn: Cōbien que ie ne trouue l'année certaine de sa mort, sinon qu'il mourut enuirō vn ou deux apres: Car par autres Chartres, se fait mention de son successeur, en l'an troisieme dudiēt Lothaire. On trouue audit monastere vn epitaphe dudiēt Abbé Smaragdus comme il sensuit.

Confirmation des priuileges de l'Abbaye. S. Michel par Loys le debōnaire & son filz Lothaire.

*Cum pius imperij Ludouicus iura teneret,  
Smaragdus vixit istius Abba loci.  
Qui locus, humanis quod erat minus vsibus aptus,  
Hanc procul hinc sedem transtulit ille suam.  
Cum tamen ad regnum meruit cœleste vocari,  
Reddidit antiquo membra fouenda loco.  
Scorpio iam Phœbum duodena parte premebat,  
Sidera Theologo cum patuere viro.*

Hilduinus. v. Abbé de. S. Michel.

¶ Apres la mort dudiēt Smaragd<sup>o</sup>, fut esleu Abbé du monastere enuirō l'an huit cēs vingt trois, vn venerable religieux nommē, Hilduinus, viuant le roy Loys, le debonnaire, qui cōfirma au lieu de Compiègne, aucunes permutatiōs faites pour ladicte Abbaye, viuant lediēt Abbé, en l'année vnzieme de son regne, qui estoit lan huit cēs vingt cinq. Et semblablement en la premiere année de cestuy Abbé Hilduinus, qui n'estoit encores cōfirmé, Lothaire, l'Empereur, filz de Loys le debōnaire, passant son chemin & estāt audiēt monastere de saint Michel, cōfirma tous les priuileges, libertez, exemptions, & innumitez de tributz, en faueur des religieux dudiēt monastere, sans faire mention dudiēt Abbé, qui n'estoit cōfirmé. Et ce à la petition, & requeste d'un venerable religieux & Abbé nōmé Hermardus, Chappellain & garde de la chapelle dudiēt Empereur, cōme appert par les lettres dactées audiēt monastere saint Michel, en l'an troisieme du regne dudiēt Lothaire, qui estoit l'an huit cēs vingt trois.

L'empereur Lothaire confirma les priuileges de l'Abbaye en faueur des religieux d'icelle.

¶ Apres la mort de Hilduinus, succeda Abbé audiēt monastere de saint Michel, Hadegandus, enuirō l'an huit cēs quarāte & vn: Car on trouue qu'en l'an vingt vn du regne de Lothaire, qui estoit l'an huit cēs quarāte deux, & la deuxième année apres la mort de son pere, Loys le debonnaire, il cōfirma, par trois lettres autentiques, les priuileges d'icelle Abbaye, à la requeste dudiēt Hadegādus, estant en son palays qu'il diēt Gundulphi villa, que ie pense estre Gondreuille. Du temps de cestuy Abbé Hadegandus, Charles le Chauue en son Palays de Sélis, en l'an sixieme de son regne, qui pouuoit estre l'an huit cens quarante & six, à la petitiō des religieux dudiēt monastere, sans faire mention de l'Abbé cōfirma tous les priuileges que son feu pere Loys le debōnaire & autres roys ses predecesseurs auoient donnez audiēt monastere. Et en ceste mesme année huit cēs quarante six, & dixieme du regne dudiēt Charles le Chaulue estāt en son Palays de Compiègne, à la petition de sa mere, qu'il appelle es lettres dudiēt priuilege Adechildis, combien que tous les historiens affermēt que sa mere sappelloit Iudich, il cōferma en faueur desdiētz religieux du monastere saint Michel, pour leur entretenemēt aucunes seigneuries, villages & gaignages: Entre lesquelz sont nommez & designez, Buxier, Troignon, Reffracourt, avec le molin Sauonnier, & le village de Acce.

Lothaire, cōfirma lesdiētz priuileges en faueur de l'Abbé.

Charles le Chaulue confirma les priuileges en faueur du conuent.

La mere de Charles le Chaulue appellée adechildis.

Radulphus. vii. abbé de saint Michel.

¶ Enuirō l'an huit cens soixante & vn, mourut lediēt Handegandus, & luy succeda Abbé vn vieil religieux nommē Radulphus, durant le temps duquel Charles le Chaulue, en l'an vingt & vn de son regne, qui estoit en l'an de grace huit cēs soixāte & vn, estant au monastere de saint Arnoul à Metz, à la petition du cōte Richuinus, bailla le village de Fraisine en la montagne à vn religieux dudiēt monastere nommē Vncrinus pour reparer, rediffier & entretenir l'anciēne eglise, située en Casteliō qu'ō diēt à present vieil mōstier. Aussi lediēt Charles en l'an quatre vingtz de son regne, qui



# depuis Pharamond iusques à Charlemagne. F. cxvii.

qui estoit l'an de grace huit cens soixante neuf, au lieu de Thionville à la petition & requeste des religieux dudit monastere, & du cōsentemēt d'iceluy Radulphus, leur Abbé, confirma plusieurs terres, heritages, seigneuries, & villages donnez iadis par son frere Lothaire, pour l'entretènement desdictz religieux, separement à la table des Abbez, sans ce que lesdictz Abbez en puissent disposer, sans le cōsentement desdictz religieux: Entre lesdictz villages sont nōmez, Bonconuille, Chauuoncourt, Mannōuille, Longmont, Condé, Buxieres, Fraisine, & autres plusieurs. En l'an de grace, huit cēs septante huit, qui estoit la deuxieme année de l'Empire dudit Charles, & de son regne l'ā vingt huit, selon nostre cōputation, l'abbé Radulphus obtint de luy confirmation, de tous les priuileges que son frere Lothaire auoit au parauāt dōné aux religieux dudit monastere: Et en ceste mesme année ledict Empereur mourut

*Priuileges confirmez par Charles le Chaulue.*

¶ Environ l'an huit cens quatre vingtz & quatre, ledict Radulphus mourut, & fut esleu son successeur abbé dudit monastere, vn scientifique & notable hōme, Heynardus, Chancelier, soubz Carolus crassus, Empereur: & tint ladicte abbaye saint Michel, enuiron seize ans, du temps de Charles le gras, & Arnoul filz bastard de Carloman, frere dudit Charles le gras, qui succeda à l'Empire, & au royaume de Lorraine, par la cession de son dict oncle, Charles, en l'an huit cēs quatre vingtz & vnze: Et mourut ledict Abbé Heynardus, enuiron l'an huit cens nonante cinq.

*Heynardus. viii. abbé de. S. Michel*

¶ Au dessusdict abbé, succeda en ladicte abbaye saint Michel, vn noble & sçauant personnage, *Stephanus filius Comitis Salinensis*, cōme ie trouue aux Cathalogues des Euesques de Liege, lequel estoit grant poete & theologien, de son cōmencement chanoine de Merz, depuis esleu abbé dudit monastere saint Michel, en l'an neuf cens & vn pour sa doctrine fut esleu euesque de Tongre, que nous disons à present, de Liege, en l'an neuf cens & quatre, fort aymé de Charles le simple, qui regnoit en France:

*Stephanus. ix. abbe de. S. Michel & depuis euesque de Liege.*

Tellemēt qu'il obtenoit de luy, ce qu'il vouloit. Et lisons aux dessusdictz cathalogues qu'il cōposa tout l'office, himnes, antiennes, respons, & Versetz, de l'inuention saint Estienne, & escriuit tresdoctement, la passion & legende saint Labert, avec l'office de la solēpnité: Sēblablemēt l'office de la trinité, & vn volume des oraisons, & collectes, qu'on châte encores presentemēt aux eglises. Cestuy obtint de Loys, Empereur, filz dudit Arnoul, audit an neuf cens & quatre, en faueur de son abbaye saint Michel, la confirmation du village de Fraisine, pour vicil monstier. Si obtint en l'an neuf cens & huit, dudit Loys, confirmation de ce que Zuentibolchus, roy de Lorraine, son frere bastard, auoit donné l'an huit cēs quatre vingtz quinze ausdictz religieux, à sçauoir aucūs villages appartenāt au parauāt aux abbez, pour appliquer à la table cōuentuelle: Entre lesquelz il nōme Buxieres Trōgnō, & le moulin de Reffraicourt, l'eglise de Banoncourt laquelle il dict estre située, *In pago Virdunē. in comitatu Richuini.*

*L'abbé, Estienne cōposa l'office de l'inuention saint Estienne.*

A quoy ledict Abbé, Estienne, consentit, cōme on void par le cōtenu desdictes lettres. Il acquesta d'un noble hōme Anselinus, au proffit de ladicte Abbaye saint Michel: Saouneries, en donnant sa vie durant seulement, toutes les terres & seigneuries, ou depuis le prioré de Haruille fut fōdé, qui debuioit retourner audit monastere apres sa mort, cōme on peult veoir par les lettres & chartres redigez aux antiquitez de ladicte Abbaye es chappitres dix sept, dix huit, dix neuf, vingtieme. Si mourut ledict Estienne, euesque de Tongre, & Abbé dudit saint Michel, l'an neuf cēs vingt deux.

*Zuentibolchus roy de Lorraine confirma les priuileges de l'abbaye saint Michel.*

¶ Nous trouuōs dedans les anciens Chattulaires de ladicte Abbaye saint Michel, en vn chappitre commençant. *Anto octingentesimo septuagesimo nono &c.* Que du tēps dudit Abbé, Estienne, au circuit, & alenuirō du monastere saint Michel, entre le pied de la montagne du petit Chastel, & la riuere de Meuse, auoit trois Crouvves des appartenances d'iceluy. Lune tirant vers le village de Bisle, qu'il appelle Bislara, laquelle contenoit trentē deux iours de terre, l'autre commençant à Meuse & tirant vers l'eglise parrochial du lieu nōmé saint Estienne, Pape. La tierce cōmençant pres le four de Brouille tirāt au chemin de Verdū & à la fontaine appellée pour lors Mordōse, iusques à la riuere de Meuse, le tout du costé fenestre: Et du costé dextre, ayant la Montagne ou est située l'eglise saint Blaise, laquelle tierce crouvve, ledict abbé delibera, pour faire le proffit de son abbaye, & y faire habiter le peuple, de la dōner

*La mort dudit abbé Estienne.*

*Trois Crouvves à l'environ de l'abbaye. S. Michel.*

# Le ij. liure des antiquitez de la gaule belgicque,

*La. iij. Crouvée  
laissée aux habi-  
tans en cens & em-  
phiteose.*

*Origine de l'edi-  
fication de la ville  
saint Michel en  
la partie appelée  
la Salle.*

*La halle, lieu ou se  
tient le Marché  
saint Michel.*

*Reformation d'er-  
reurs contenues es  
registres & char-  
tulaires de l'Ab-  
baye. S. Michel.*

*Erreur en la sup-  
putation du temps  
de l'abbé Estienne*

*Erreur en un pe-  
tit traité estant  
en ladicte Abbaye  
saint Michel, in-  
titulé, Fondatio  
monasterij sancti  
Michaelis.*

& distribuer à ceulx qui voudroient illec edifier & habiter. Et laissa en tiltres de ces & emphiteose perpetuel à tous ceulx qui en voudroient auoir cent piedz de circuit, pour vn denier: Tellement que plusieurs hommes & femmes, receurent & acceptèrent ladicte admodiation. Ce fait, diuiserent entre eulx ladicte Crouvée, en appliquant la moitié d'icelle du costé de Verdun pour cultiuet & labourer, & l'autre moitié pour edifier maisons & habitations: Toutefois au meillieu d'icelle moitié, ledict Abbé reserua deux iours de terre, pour en iceulx eriger & edifier vne Halle à tenir les marchez publiques, au circuit desquelz, ya quatre rues redevables audict monastere par chascun an. La premiere de dixneuf solz huit deniers. La seconde estant du costé de la riuere de Meuse, doit vingt deux solz. La troisième du costé de midy, de dix huit solz. Et la quatrième de dixneuf solz dix deniers.

¶ Toutefois il fault icy que les lecteurs notent, qu'au dessusdict chappitre comēçant *Anno octingentesimo septuagesimo nono &c.* Il y a grandes & patentes erreurs & fautes en la supputation du temps: Car il dict que l'an huit soixante dixneuf, du temps dudiect Loys deuxieme, qui fut roy de France, & Empereur. Lediect monastere saint michel fut parfait, & dedié par Richerus, euesque de Verdū, en la presence de Iean euesque de Metz, & autres du tēps, que ledict Smaragdus estoit Abbé d'iceluy monastere. Ce qui est tout faulx, & ne se peut conformer à la verité. Car Smaragdus, cōme auons monstré cy dessus, qui ediffia ledict monastere, au lieu ou il est de present, vesquit du temps de Charlemagne, & Loys premier, diect le debonnaire, & mourut de son tēps enuiron l'an huit cēs vingt trois. Et ledict Loys, premier, roy & Empereur mourut en l'an huit cēs quarante: durant le tēps ledict monastere fut parfait, cōme appert par ses Chartres & lettres de priuileges donnez audict monastere, & redigez par escript au sixieme chapitre desdictz chartulaires, ou il dict *Quod nostro tēpore a sum damētis edificatū est.* Et partāt est impossible que Smaragdus, l'eust parfait en l'an huit cēs soixāte dixneuf. Car il estoit pieça mort. Et encores est il plus impossible, q̄ Richerus euesque de Verdū, l'eust dedié en ladicte année huit cēs septāteneuf: Car Richerus fut euesque de Verdun, en l'an mil quatre vingtz & dix: Cōme on peut veoir par les mesmes chartulaires, au chappitre .lxxii. Ou il dict, que Richerus feit vne confirmation d'aucunes donations en faueur dudiect monastere, l'an mil quatre vingtz quatorze, & oultre, Iehan, premier du nom, qu'il dict estre present, fut euesque de Metz en l'an mil deux cēs vingt quatre, cōme on void par les histoires & partāt n'y à propos. Et dauātage audict chapitre sur la fin, est diect, que ladicte diuision de la Crouve dudiect monastere, fut faite par l'abbé, Estienne, qui depuis fut euesque de Tongre ou Liege, en l'an neuf cēs cinquāte sept, le quatrième d'Octobre, du temps de l'Empereur Henry, premier de ce nom. Ce qui ne peut estre vray, car ledict Abbé, Estienne, fut euesque de Tōgre, aliàs du liege l'an neuf cēs quatre: Et parauant estoit Abbé de saint Michel: & si mourut cōme on liēt aux histoires des euesques de liege, l'an neuf cēs vingt deux: Aussi Henry premier, fut Empereur l'an neuf cēs vingt, & mourut l'an neuf cēs trēte sept. ¶ Oultre plus ie trouue autres erreurs dedās lesdictz chartulaires en vn petit traité, qu'un religieux à cōposé, intitulé, *Fōdatio monasterij sancti Michaelis*, vers le comencement, en la clause, *De notitia fondatoris*, ou il escript le tēps que viuoit Vvolfandus, fōdateur d'iceluy monastere, & de ses testamens, dactez, l'un de l'an quinze du roy Childebert, l'autre dacté de l'an. iij. du roy Theodoric: En quoy ledict aucteur monstre q̄ cōbien qu'il fut saint hōme, toutefois il auoit peu veu les histoires: Car il dict & afferme qu'il n'a trouué, qu'un roy nōmé Childebert, & vn nōmé Theodoric, contēporains: Et que partant, fault dire q̄ Vvolfandus, viuoit du tēps du roy Childebert, filz de Brunehilde, & du tēps de Theodoric, filz dudiect Childebert. Mais en ce, il à grandement failly & erré. Car le roy Childebert, filz de Brunehilde, & de Sigisbert, commença à regner en l'an cinq cēs septāte huit, & mourut l'an six cēs, auquel an, son filz Theodoric, commença à regner, & mourut l'an six cēs dix huit. Or il est certain par tous les historiens de France, escriuans que Vvolfandus, fut Maire du Palays du roy Childeric deuxieme filz de Clouis deuxieme du nom, qui commença estre monarche de France, & Austrasie, en l'an six cēs soixante sept, & fut

# depuis Pharamond iusques à Charlemagne. F. cxviii.

fut tué par les François en l'an six cens septante neuf, dont Vvolfandus, fut contrainct se retirer, en Aufrasia. Et à cestuy Childeric, monarche, succeda son frere Theodoric, qui fut rapellé de religion & fait monarche de France & Aufrasia, ladicte année six cens septante neuf, & mourut l'an six cens quatre vingtz treize; Viuant lequel Theodoric, fut fait l'un desdictz testamentz de Vvolfandus dacté de la seconde année de son regne. Et cestuy Theodoric, eut vn filz nommé Childébert, deuxieme, qui fut roy d'Aufrasia, l'an six cens nonate deux, ou six cens nonante trois; Et depuis enuiron trois ans, fut monarche: Viuant lequel Childébert deuxieme, fut fait le secod testamēt dudiēt Vvolfandus, dacté de la quinzieme année de son regne, qui estoit l'ā de grace sept cens sept. Et partant appert clairement que l'aucteur dudiēt petit traicté à grandement erré & failly, escriuant que le testament de Vvolfandus, à esté dacté du tēps de Childébert, premier de ce nom, filz de Brunehilde, qui mourut l'an six cens: Mais faul dire que lediēt testament fut dacté plus de cent ans apres: A scauoir l'année sept cens huit. Au surplus pour mieux liquider la congnoissance de nostre monastere de saint Michel, ie trouue au petit traicté dessusdict, que l'aucteur d'iceluy enuiron le meillieu du liure escript, que depuis l'abbé Estienne qui mourut comme auons dict en l'an neuf cens vingt deux, il n'a point eu de congnoissance des Abbez ses successeurs, iusques à l'abbé, Nāterus, qui viuoit de son tēps & fut esleu l'an mil & vingt. Parquoy i'ay fait diligence de lire les chartres & chartulaires, en sorte que ie trouue les intermediez Abbez de puis Estienne, iusques audict Nāterus, comme il sensuit.

**Haleuinus** Abbé, fut esleu apres Estienne, enuiron l'an neuf cēs vingt deux. Et de son temps il transigea du dixme de l'eglise saint Martin, situee à Allie, pres saint Michel, avec le possesseur qui pour lors se nommoit Hachezrus, comme appert par le vingt quatrieme chappitre des chartulaires ou il fait mention que quelque tēps apres ilz furent repetez par vn sien successeur Abbé Odo, deuxieme, &c. Et mourut lediēt Haleuinus en l'an neuf cens quarante vn.

**Odo** premier du nom, succeda en ladicte Abbaye, apres Haleuinus, en l'an neuf cēs quarante & vn. Et fut du temps de l'Empereur de Otho, premier, qui commença à regner, l'an neuf cens trente huit, & régna trente six ans: Et du temps du roy Lothaire, dernier du nō, roy de France, qui commença à regner l'an neuf cēs cinquante cinq, & du temps du duc Fredericus qui ediffia le chasteau de Bar, qui commença à regner l'an neuf cens quarante cinq, come appert par le vingt vnieme chappitre desdictz chartulaires: Et mourut lediēt Odo, enuiron l'an neuf cens soixante.

**Sarouardus** fut Abbé, apres lediēt Odo, premier, enuiron l'an neuf cens soixante. Et fut du temps de l'Empereur Otho, premier, & du Duc Frederic, comme appert par le vingt deuxieme chappitre desdictz chartulaires. Si mourut lediēt Saronardus, enuiron l'an neuf cens soixante quinze.

**Odo** deuxieme du nom succeda Abbé, apres Saronardus enuiron l'an neuf cens soixante quinze, & obtint la restitution des dixmes de l'eglise saint Martin de Allie, par la sentence d'Vvilfridus, euesque de Verdun, donnée du temps de l'Empereur Otho, deuxieme, & de Godefroy Comte de Verdun, & lieutenant dudiēt Empereur, come appert par le chappitre vingt quatrieme desdictz chartulaires: Et mourut lediēt Odo, enuiron l'an neuf cens nonante cinq.

**Albertus** fut apres l'Abbé Odo, enuiron l'an neuf cens quatre vingtz quinze, & obtint de Theodoric, duc de Mozelane & Comte de Bar, filz dudiēt Frederic, aucunes terres & seigneuries, es lieux qu'il appelle, Inuvarbodicurte, Conedoniavilla, & Cultris, comme appert par le chappitre vingt cinquieme desdictz chartulaires, & lettres dactées de l'an mil & sept, regnant Robert roy de France, & lediēt duc Theodoric, qu'il appelle esdictes lettres, Duc & deffenseur au royaulme de Lorraine. Lediēt Albertus mourut enuiron l'an mil & vingt, auquel succeda l'abbé Nanterus, viuant l'Empereur Henry deuxieme, surnommé Claudus, Robert roy de France, Theodoric duc de Mozelane, & comte de Bar, & Haymo, lors euesque de Verdun.

ib. ac. 29. 10  
ic. xxi. 100  
Haleuinus. x. ab. 10  
bé de. S. Michel.

Odo, premier du nom Abbe. xi. de saint Michel. 10/10

Sarouardus. xii. abbe de. S. Michel

Odo. ii. du nom Abbe. xiii.

Albertus. xiiii. abbe dudiēt monastere.

Nanterus. xv. abbe de saint Michel.

# Le ij. liure des antiquitez de la gaule belgicque,

*La mort de l'uef-  
que Agrebertus.*

¶ Or puis q̄ sommes paruenuz à l'abbé Nāterus ferons fin icy, à la narratiō de la fonda-  
tion diceluy monastere faint Michel, iusques à tant que nous viendrōs, suiuañt l'or-  
dre du tēps, à escrire la vie de Haymo, Euesque de Verdun, soubz lequel Nante-  
rus fut esleu abbé, & lors poursuiurons de rechef l'estat dudiēt monastere, en suppliāt  
les lecteurs supporter ladiēte longue narration qu'auons cy dessus fait & en repre-  
nant la matiere de nostre diēt euesque de Verdun Agrebertus, soubz lequel la fonda-  
tion dudiēt monastere fut auctorifēe, dirons que lediēt Euesque mourut l'an suiuant  
apres qu'il eut tenu lediēt Euesché, enuiron huiēt ans, à sçauoir l'an de grace sept cēs  
huiēt.

## ¶ DES PAPES QUI ONT TENV LE siede durant le temps dudiēt Euesque agrebertus.

*Iohannes. vi. du  
nom. iiii. xx. vii.  
Pape.*



ERGIVS, duquel auons escript en l'Euesque precedent, fut Pape,  
enuiron cinq ans, durant lediēt Euesque agrebertus.

**I**oannes fixieme du nom natif de Grece, fut Pape l'an de grace  
sept cens & six: Combien que Vispergenfis escript sept  
cēs & neuf. Cestuy fut homme doulx & misericordieux aux pauures,  
& deliura plusieurs captifz des infideles, exposant en ce les tresors de l'eglise. Il ediffia  
& restitua plusieurs Eglises à Rome, & fut curieux en la decoration d'icelles. Il eut  
plusieurs aduersitez durant l'Empereur Iustinian. Finalement, il mourut apres quil  
eut tenu le siege trois ans.

## ¶ DES EMPEREURS REGNANS durant le temps dudiēt Euesque agrebertus.

*Vide supra.*

IUSTINIANVS, deuxieme du nom duquel nous auons escript en l'Euesque  
precedent, regna du temps de nostre Euesque agrebertus.

## ¶ DES ROYS DE FRANCE, REGNANS du temps dudiēt Euesque agrebertus.

*Vide supra.*

CHILDEBERT, dessusdiēt duquel auons escript en l'Euesque precedent, tint  
le royaume de France, durant nostrediēt euesque agrebertus.

## ¶ DES ROYS D'AVSTRASIE REGNANS du temps dudiēt agrebertus, euesque.

*Vide supra.*

CHILDEBERT, dessusdiēt, duquel auons escript en l'euesque precedent, tint  
le royaume d'Austrasie, avec cely de France, & fut monarche durant nostre e-  
uesque agrebertus.

¶ Des

# depuis Pharamond iusques à Charlemagne. F. cxix.

¶ Des successeurs de Clodion, dont est descendu Charlemagne, estans Marquis de l'Empire & ducz de Brabant.

PEPIN, surnommé Heristel, duquel auons escript en l'Euesque precedent, regna du temps de nostre dict Euesque de Verdun Agrebertus.

¶ Des successeurs de Clodion, dont sont descenduz les ducz de Mozelaue & les princes d'Ardenne, regnans durant ledict Euesque Agrebertus.



LAMBERT, filz de martin duc de Mozelaue & de Beatrix d'Ardenne frere du dessusdict Eleuther, succeda aux seigneuries de Mozelaue, Ardenne, & pays ou est de present, Lorraine, en l'an six cens quatre vingtz dix sept, par la donation & celsion que fondaict frere, entrant en l'hermitage, luy auoit fait: & print pour femme comme escriuent les historiens de Lorraine, Marie fille du Comte de Boulongne sur la mer, delaquelle il eut plusieurs enfans. On liët de cestuy Lambert, qu'il estoit hault & gros, en stature de corps, fort & vaillant aux armes, ayant les cheueulx & barbe, roux, grant mangeur & sobre en boire. Il hayoit flateurs & detracteurs, & aymoït les pauvres, leur donnant voluntiers en son ieune aage. Il fut prudent, & feit beaucoup de biens aux eglises, signamment à Metheloch, Thole, saint Enchaire, saint Hilaire, saint Pâthaleon saint Arnoul: Et fonda à saint Pierre de Treues, & Coulongne, quatre prebendes. Si restaura & ediffia plusieurs chasteaulx sur les Fleuues de Saore, Mozelle, & Meuse, destruiëtz par les Meroniës. Il eut plusieurs victoires avec Charles Martel, & Pepin son filz auant qu'il feust roy: Car on liët de luy, que en sa ieunesse il suiuit Charles Martel es batailles qu'il eut contre Abidiram roy des Espagnes, & contre Gayfer, & Hunal, enfans de Hugues d'Acquitaine. Et apres la mort dudiët Martel, il suiuit Pepin son filz & fut l'un des princes d'Austrasie, qui plus sollicita & induiët, ledict Pepin d'entreprendre le royaume de France, & deiecter les Meroniens, qu'il auoit en grand hayne & desdaing, signamment la postorité de Dagobert, qui auoit fait tuer Brunulphus ayeul de sa mere, Beatrix. Il ayda au Pape Gregoire le tiers, cõtre Luytprandus, roy des Lombardz. Si restitua au Pape Zacharie, plusieurs villes occupées contre l'eglise Romaine, par les Picentiniens & Lombardz.

*Lambert duc de Mozelaue Comte d'ardenne.*

¶ Cestuy Lambert, sur sa vieillesse deuint luxurieux & tirät, occupateur des biës des Eglises: Dõt il endura plusieurs tribulatiõs: Car les Saxõs luy bruslerët grãd partie de son pays, qui fut cause le retirer en vraye cognoissance, & auoit de ses pechez cognoissance, & repentence. Car à la fin apres qu'il eut regné cinquante huiët ans, il laissa femme & enfans, & print habit de religion à Metheloch, en l'an sept cës cinquante cinq, ou il fut quatre ans menant tresauftere vie, & faisant merueilleuse abstinence, Tellement qu'on le tenoit pour saint homme. Il rendit son esprit à Dieu en grande vieillesse, & fut son corps inhumé à Metheloch, à la dextre de l'Eglise saint Lutvvin, l'an de grace sept cens cinquante neuf. Il laissa de sadiete femme, troys enfans males

# Le ij. liure des antiquitez de la gaule belgicque,

masles, entre lesquelz de son viuant, il diuisa de ses seigneuries, à sçauoir à laisné, Lo-  
hier, la duché de Mozelane, au second nommé Adeldeide, la comté d'Ardenne, &  
au troisieme nommé Vvido, luy assigna la prefecture de Guéldres, obuenue de par sa  
femme: Et de cestuy sont ysluz les Comtes de Gueldres. Aucuns luy ont donné plu-  
sieurs autres enfans, lesquelz ie laisse icy à cause de briefueté.

Des successeurs de Clodion, dont sont descenduz les princes  
de Haynau, qui ont vescu durant ledict Euesque  
Agrebertus.

**W**AVLTIER, ou Vualtric, filz d'Alberic L'orphenin, duquel auos escript  
en l'euesque precedent, fut Comte de Haynau, durant ledict euesque de Ver-  
dun, Agrebertus.

## DE LA VIE DE BERTA- lamius, dixhuitieme Euesque de Verdun.



*Bertalamius, dix-  
huitieme euesque  
de Verdun.*

*Maëtigisilus sei-  
gneur d'Estain &  
Helcia, sa femme  
tante de Bertala-  
mius.*



**B**ERTALAMIVS, fut esleu Euesque de Verdū, l'an sept  
cens huit, natif au territoire de Verdun, de parens nobles,  
les nōs desquelz, combiē que ne les aye trouuē en noz histo-  
res, toutefois il auoit vne sienne tante, seur de son pere, nom-  
mée Helcia, laquelle estoit mariée à vn noble hōme appel-  
lé Maëtigisilus, seigneur d'Estain, Fromesif, & de plusieurs  
autres seigneuries, du sang & affinité de Pepin Heristel, Mai-  
re des Palays de Frāce, & Austrasie, soubz lequel ledict Ma-  
ëtigisilus gouernoit ladicte cité de Verdū, & la contrée cir-  
conuoisine: dont aduint qu'il fut grant prince & seigneur, biē  
aymé de ceulx de son gouvernement, pour ses vertus & preudhomie.

*Bertalamius reli-  
gieux du mona-  
stere de Tholey,  
diocese de Treues.*

*Grimoald Maire  
du Palays d'Au-  
strasie estāt à Ver-  
dun.*

Or auoit esté ledict Bertalamius, nepueu de sa femme, en sa ieunesse nourry en sa  
maison, lequel il auoit & pretendoit de l'esleuer & aduancer en office & biens tem-  
porelz: Mais Bertalamius n'y vouloit entendre, en se donnant & applicquant totale-  
ment au seruice diuin, suiuant les escolles quelque temps: Et tost apres entra en re-  
ligion soubz l'ordre sainct Benoid, au monastere de Theologium, diocese de Tre-  
ues, duquel auons escript par cy deuant, & illec vesquit longuement en bonne &  
sainte reputation. Si aduint par succession de temps, la vacation dudiect Eue-  
ché de Verdun, par la mort dudiect Euesque Agrebertus, en ladicte année sept  
cens huit. Durant lequel temps Grimoald, filz dudiect Pepin, qui parauant auoit  
esté institué par son diect pere, Maire du Palays de France, apres Nordebertus, pour  
ce que Pepin estoit desia vieil & ancien, & ne pouuoit prendre les peines qu'il  
auoit prinſes du passé, vint en nostre cité de Verdun, auquel lieu la bonne dame,  
Helcia, & son mary Maëtigisilus s'adreserēt & prierēt humblemēt, qu'il luy pleust e-  
stre mediateur, q̄ leur nepueu Bertalamius fust esleu euesque de Verdū, ce qu'il feit de  
bien

# depuis Pharamond iusques à Charlemagne. F.cxx.

bien bon cueur, pource qu'il cognoissoit les vertus d'icelluy: Tellement que par son moyen il fut esleu & receu à grant ioye du clergé & populaire d'icelle cité, ou il se gouerna vertueusement, curieux & diligent de l'augmentation du saint seruire diuin, & des rétes de son eglise. Car Bertarius, en son histoire dict qu'il obtint desdictz Martigifilus, & Helcia, sa tante, plusieurs biens, rentes & reuenuz: Entre lesquelles il nomme Estain, Casse pierre, vn fief à Tilly, & la ville de Fromesy, qu'ilz laisserent & aulmosnerent à l'eglise de Verdun, pour estre participans es prieres iournallemēt faictes en icelle. ¶ Dauantage ledict Bartalamius, eust obtenu plusieurs aultres grās biēs, en faueur de ladicte eglise du dessusdict prince Grimoald, neust esté, que enuiron quatre ans apres sa promotion audict euesché, ledict Grimoald, fut inhumainement tué & martirizé, faisant son oraison sur le tōbeau saint Lābert cōme auōs dict cy dessus: Lequel auoit prins si grand amour & familiarité avec nostre euesque, qu'il luy o-ctroyoit tout ce qu'il demandoit: Et partant la mort de luy porta dommage irreparable à ladicte eglise de Verdun, & plusieurs autres: Car il estoit totalement adōné à Dieu, desirant l'augmentation des eglises & seruans d'icelles: Duquel Annonius, en son histoire escript.

*Les terres donées à l'eglise de Verdun par Martigifilus & sa femme Helcia.*

*Grimoald tué sur le tombeau saint Lambert.*

*Eratoque Grimoaldus maior domus, pius, modestus, mansuetus & iustus.*

¶ En la premiere année de la promotion de nostre euesque Bartalamius, il feit promulguer & publier par tout son diocèse de Verdun, l'institution que le Pape Sergius auoit fait & decreté en vn consistoire publicque à Rome: A sçauoir de chanter par trois fois en la messe Agnus dei, à l'heure de la confraction & diuision du corps de Iesuchrist, au sacrement de l'autel, duquel se fōt trois parties, l'une desquelles se mettoit au calice, pour signifier la resurrectiō de Iesuchrist, l'autre que le prebtre prenoit & recepuoit par commestion sacramentale, laquelle signifioit la deambulation que Iesuchrist auoit fait sur la terre: L'autre partie se gardoit iusques à la fin de la messe, pour monstrer aux asistans que signifioit la sepulture de Iesuchrist: Et toutefois au iourd'huy est autrement obserué en l'usage de l'eglise: Car l'une des parties se prend avec le sang, & les deux aultres se recoipuent toutes seiches, par le prebtre.

*L'institutio de dire à la messe trois fois Agnus dei.*

*Raison de la fraction de la sainte hostie en trois parties.*

¶ Enuiron l'an sept cens vnze, nostre euesque Bartalamius, feit fonder vne eglise ou chappelle, en façon d'un hermitage, en l'honneur de saint Michel l'Archange, sur vne montagne, à l'opposite de nostre cité de Verdun, laquelle on appelle encores à present la Coste saint Michel: Et fut induict de ce faire pour la grande deuotion, que deslors par toute la Gaule le peuple commēça à auoir à monsieur saint Michel. Car enuiron vn an parauant, ledict Archange s'estoit apparu par deux fois, à Aubert euesque d'Auranches en Normandie, l'admonestant que sur vn grand roch, qui estoit appellé, peril de mer, autrement Tombelaine; il fondaist en l'honneur de luy, vne eglise, en laquelle on luy feist telle veneration & honneur comme il se faisoit au mōt de Gargan: Et pource que ledict euesque doubtoit du lieu ou il debuoit edifier, ledict saint Michel, s'apparut à luy la tierce fois, & luy dict qu'il l'ediffiaist au lieu, ou il troueroit vn Toreau, & qu'il feist les fondementz du tour de l'eglise à l'endroit ou il verroit que ledict Toreau auoit houé & fossoyé des piedz. Ce que ledict euesque feit en grande diligence. Et deslors pour les grans miracles qui se faisoient iournallement en ladicte eglise, commēça le pellerinage du mont saint Michel, qui donna occasion à nostredict euesque fonder ladicte chappelle saint Michel, comme on la void encores presentement.

*Erectio de la chappelle, en la coste. S. Michel.*

*L'apparition saint Michel à Tombelaine en Normandie.*

¶ En l'an sept cens quatorze, le noble prince Pepin Heristel, mourut en grāde vieillesse, dont suruindrent grans troubles, tant en France qu'en Austrasie: Car vn peu parauant il auoit institué Maire du Palays de France, son petit filz Thibault, filz de son filz Drogo, & par son testament il ordonna que son filz naturel & non legitime qu'il auoit eu de sa cōcubine Alpaide, nommé Charles Tutides, ou Martel, succedast en la principaulté de la Mairie du Palais d'Austrasie, par ce qu'il le cognoissoit vertueux & digne de telle principaulté: Dont Pletrude, la femme legitime ne fut contente: Car elle vouloit que ledict Thibault, filz de son filz succedast ausdictes deux prin-

*La mort de Pepin Heristel.*

*Tibault filz de Pepin Maire du Palays de France.*

# Le ij. liure des antiquitez de la gaule belgicque,

*Charles Martel bastart Maire du Palays d'Austrasie emprisonné à Coulongne.* principaultez de France, & Austrasie: Et pour venir à chef de son intétion elle feit prendre & apprehender cautelleusement ledict ieune homme Charles Martel, le meètre & detenir en prison, en la cité de Coulongne: Combien comme recite Nauclerus que ledict Charles honoroit & veneroit, ladiète Plectrude, comme sa propre mere, & non comme maratre: Ce fait, elle entreprint lesdictz gouuernemens avec son petit filz Thibault lequelz elle ne teint longuement comme dirons cy après.

*La mort de Bartalamius Euesque de Verdun.*

En l'an suiuant sept cens & quinze, mourut ledict Childebert, auquel succeda son filz aîné Dagobert, selon la plus commune opinion: Combien qu'aucuns historiens comme Sigebert, l'appellent, Clouis. En ceste mesme année, les choses estans en telz troubles nostre euesque Bartalamius cheut en grosse maladie delaquelle il mourut apres qu'il eut tenu l'euesché de Verdun, l'espace de sept ans.

## Des Papes qui ont tenu le siege durant l'Euesque Bartalamius.

*Ioannes. vii. du nom. iiii. xx. viii. pape.*



**IOANNES**, septieme du nom, Grec de nation, fut Pape l'an sept cés trois, aliàs sept cens huiët. Il fut homme de grâde eloquence & sainte vie, & fut merueilleusement diligent de reparer, edifier & enrichir, les eglises de Rome: Mais il fut aucunement negligent de reduire les Scismes & diuisions estâs entre les eglises de Grece & de Rome. Combien qu'aucuns ont escript que Iustinianus, deuxieme, pour lors regnât, luy escriuist par plusieurs fois. Finalement ledict Iohannes septieme mourut apres qu'il eut tenu le siege enuiron deux ans sept moys.

*Sisimus quatre vingt neuueme Pape.*

**Sisimus** autrement appellé Sofimus, natif du pays de Syrie, succeda audit Ioannes, septieme, enuiron l'an sept cés vnze, selon Vespergensis: Et combien qu'il feust maladis & gouteux, toutefois il feit diligence en son commencement de bien administrer l'estat de l'eglise: Mais il fut preoccupé de la mort, apres qu'il eut tenu le siege vingt & vn iour seulement.

*Constantinus octantisme Pape.*

**Constantinus**, natif de Syrie, succeda en la Papaulté ceste mesme année sept cens vnze, aliàs sept cens huiët. Il fut homme tresça-en langue grecque & latine, misericordieux aux pauures, & si vertueux, que l'Empereur Iustinianus, deuxieme, combié qu'il fust infecté d'aucunes heresies, toutefois il honora le siege de Rome, desira veoir ledict Pape Constantinus, & enuoya gens avec grant appareil, pour faire venir ledict Pape de Constantinoble. A quoy il voulut bien obeir, & fut receu à grant honneur & reuerence dudit Empereur, qui se submeiët, & luy baîsa ses piedz: Et apres plusieurs belles collocations quilz eurent ensemble, partit de luy en tresgrande beneuolence, & l'enhorta de ne persecuter n'y enuoyer armée contre vn sien captif desobeissant nommé Philippicus, ce que l'Empereur n'obserua: Dont mal luy en print. Finalement ledict Constantinus mourut apres qu'il eut tenu le siege six ans. Aucuns escriuent sept.

## Des Empereurs, qui ont regné du temps dudit Bartalamius Euesque de Verdun.

**Iustinianus** deuxieme du nom, duquel auons escript cy dessus, en l'Euesque Armonius, regna quelque temps durant nostre euesque Bartalamius.



# depuis Pharamond iusques à Charlemagne. F.cxxi.

**Philippicus** nommé Bardanes, tyranniquement inuada l'empire, l'an sept cens douze, apres qu'il eut tué l'empereur Iustinianus, comme auons dict cy dessus, escriuant dudit Iustinianus. Si tost qu'il fut Empereur, par l'entortement d'un moyne hereticque, il declaira son mauuais vouloir, suyuit les anciennes heresies, escriuant au Pape Constantin, l'admonestant de consentir à sa faulse doctrine, ce que le Pape ne voulut faire: Mais au contraire le declaira scismaticque à la petition du clergé & peuple Romain. Si ordonna & commanda que luy & ses faitz fussent abrogez du nom & dignité Imperiale. A raison dequoy il fut tost apres miserablement prins, par un citoyen de Constantinoble, nommé Arthemius, qui entre print le nom de Anastasius, & succeda à l'empire, apres qu'il luy eut fait creuer les yeulx, & delecter en perpetuelle prison: & ne regna ledict Philippicus, qu'un an & six moys.

*Philippicus. lxxvii.  
Empereur, non cō  
prins Leon, & Ti  
bere.*

## Des Roys de France & d'Austrasie, regnans du temps dudit Euesque Bertalamius:



**HILDEBERT**, deuxieme du nom, filz du dessusdict Theodoric, duquel auons escript en l'euesque Armonius, regna du temps de nostre Euesque Bertalamius, tant en France qu'en Austrasie, & fut Monarche.

## Des successeurs de Clodion, estans Ducz de Brabant, desquelz est descendu Charlemagne, regnans dudit temps de Bertalamius.

**PEPIN**, surnommé Heristel, duquel auons escript cy dessus, en l'euesque Armonius, regna du temps de nostre Euesque Bertalamius.

## Desdictz successeurs, dont sont descenduz les Ducz de Mozelane, & Princes d'Ardenne, regnans du temps de l'Euesque Bertalamius.



**AMBERT**, filz de Mattin & de Beatrix d'Ardenne, & frere de Eleuther, succeda à Ardenne, & à la Duché de Mozelane, durant nostre Euesque Bertalamius, comme auons escript au parauant.

## Desdictz successeurs, dont sont descenduz les Princes de Haynau, regnans du temps dudit Euesque Bertalamius.



**WALTERIC, OV VVAULTIER**, filz de Alberic l'Orphenin, duquel auons escript en l'euesque Armonius, teint Haynau, du temps dudit Bertalamius Euesque de nostredicte cité de Verdun.

¶ De la

Le.ii.liure des antiquitez de la gaule belgicque,

DE LA VIE DE ABBO  
dixneuvieme Euesque  
de Verdun.



*Abbo. xix. Euesque de Verdun.*

*Abbo precepteur de l'Euesque Bertalaminus.*



BB O, fut esleu dixneuvieme Euesque de Verdun, l'an de grace sept cens & quinze, estant religieux au monastere de Theologium, au diocese de Treues, fort vieil & ancien, qui de sa ieunesse auoit tousiours vescu saintement, soubz l'obeissance de religion: & par son moye, doctrine, & saintes exhortations, nostre deffunct Euesque Bertalaminus, en sa ieunesse auoit habandonné le monde, & prins habit de religion au monastere de Theologium, suyuant les meurs & verus d'iceluy Abbo, qui estoit desia ancien religieux en sorte qu'il le tenoit & reputoit, comme son bõ pere & precepteur, luy exhibant honneur & reuerence, comme à son bon maistre: Et mesme depuis qu'il fut Euesque de Verdun, en tous ses grans affaires & de son eglise, il vsoit du conseil dudiect saint homme Abbo, lequel venoit souuent à Verdun, par l'obeissance de son Abbé. Et aussi lediect euesque, souuent le visitoit audiect monastere. Partant son estat & vertus estoient cogneuz & manifestez à tout le peuple & clergé de ladiete cité de Verdun.

*Abbo, present à la mort de Bertalaminus.*

*Bertalaminus en l'extremite de ses iours, pria pour l'election de son successeur Abbo.*

Or aduint que quant lediect Bertalaminus escheut en sa maladie derniere, qui dura assez longuement, de laquelle finalement il mourut: Pendant icelle, le bon Abbo, luy alsistoit continuellement, par grande diligence & affection, sollicitant la santé de son corps: mais encores plus la disposition finale de son esprit, luy donnant consolations spirituelles de prendre la mort en gré, & mourir en charité & vraye foy chrestienne. Ce qui augmenta audiect euesque, la reuerence, amour, & dilection, qu'il auoit par auant tousiours eu audiect saint homme, Abbo: Tellement que durant icelle maladie, il faisoit souuent appeller, tous ses confreres chanoynes, leur remonstrant le desordre, l'estat, & les troubles qui estoient pour lors au gouvernement du royaume, & consequemment de la republicque, de leur cité de Verdun, prouenans par la mort du bõ Prince Pepin, & du roy Childebert: & consequemment de l'entreprinse de Plestrude, auec son ieune filz Thibauld, sur le gouvernement des royaumes & l'emprisonnement de Charles Martel, leur declairant & prenonçant telles entreprinse ne pouuoit durer longuement: Et que apparece estoit en brieuf de plusieurs miserables & calamitez: Et par tant les enhortoit, qu'apres sa mort ilz eussent à eslire vn bon prelat, son successeur, leur declairant outre, les vertus bonnes meurs, & sainteté du bon religieux Abbo, en les induisant par prieres & bonnes monitions de l'eslire apres luy: monstrant outre qu'en ce ny auroit difficulté, & qu'ilz ne trouueroyent resistance, par les princes du pays, consideré lesdictz troubles & grans affaires, en quoy ilz estoient pour lors occupez: De telles exhortations, fut esmeu & incité le peuple & clergé de la cité de Verdun, en sorte qu'aduenant la mort dudiect Bertalaminus, ilz esleurent vniformement le bon Abbo, pour Euesque, dont il fut esbahy, & feit refus prendre la charge, soy excusant sur la vieillesse. Finalement il fut cõtrainct, & induict à ce faire, signément, pource qu'il ny auoit aucun contredisant, ny empeschant, par Plestrude, ou son filz Thibauld, regentant & gouvernant le nouveau roy Dagobert, aliàs Clouis: lesquels en ceste mesme année, eurent tant d'affaires, qu'ilz ne scauoient ausquelz entendre, comme nous dirons cy apres.

# depuis Pharamond iusques à Charlemagne. F. cxxii.

¶ En l'an suyuant sept cens seze, voyant nostre euesque Abbo, que combien que ladiete cité de Verdun, & tous les pays circouoifins, fussent troublez par nouuelles factions, & plains de gens d'armes, toute fois il demoura paisible en son euesché, sans estre d'aucuns inquieté, delibera mettre ordre en l'estat de son eglise, & augmentatiõ du seruice diuin: mais comme il commençoit à ce faire, luy suruint vne maladie, de laquelle, tant pour sa vieillesse, que par les vexations & labours, qu'il prenoit, il mourut en ladiete année, apres qu'il eut tenu ledict euesché, seulement deux ans.

*La mort de l'euesque Abbo.*

## ¶ Des Papes qui ont tenu le siege durant le temps dudiect Euesque Abbo.

CONSTANTINVS, duquel auons escript, en l'euesque precedet, teint le siege, durant ledict euesque Abbo, dixneuvieme.

## ¶ Des Empereurs regnans du temps dudiect Euesque Abbo.

**A**NASTASIYS, deuxieme, surnommé Athemius, entreprint l'empire, enuiron l'an sept cens quatre, apres qu'il eut deiecté & creué les yeulx à Philippicus: & si tost qu'il fut Empereur il escriuit au Pape Constantin à Rome, qu'il vouloit estre bõ catholicque & protecteur de l'eglise Romaine, & expugateur des hereticques. Toutefois tantost apres ses gens militaires coniuèrent contre luy, & esleurent vn nouveau Empereur, nommé Theodose, qui obtient victoire, le contraingnit estre prestre & renoncer à la dignité Imperiale, apres qu'il eut tenu l'empire vn an troys moys. Les autres escriuent troys ans.

*Anastastus deuxieme du nō. lxxviii. Empereur. lxxviii.*

## ¶ Des Roys de France, & d'Austrasie, viuans du temps dudiect Euesque Abbo.

**D**AGOBERT, deuxieme du nom, appellé selon les autres, Clouis, filz de Childeberr, fut dixhuitieme roy de France, & sezieme roy d'Austrasie, & monarche desdictz deux royaumes, en l'an sept cens quinze. Il print femme, Clotilde, de laquelle il eut deux enfans, à scauoir Theodoric, & Childeric, qui furent les deux derniers roys de la lignée Meronienne. Aucuns historiens escriuent qu'il eut quatre enfans. Quoy qu'il en soit ledict Dagobert, fut gouverné par Plectrude, vesue de Pepin, & par son petit filz Thibauld, Maire du Palays, pendant que Charles Martel, estoit en prison. Durant lequel temps les Princes de France, faschez de leur gouvernement, tant pour les tyrannies dudiect Thibauld, que par ce qu'ilz ne vouloyent estre gouvernez par femme, esleurent vn nouveau roy nommé Daniel, prestre, qui print le nom de Chilperic, le quel aucuns ont escript estre frere dudiect Dagobert, les autres non: Et si fut Maire du palays, vn Prince nommé Raimfroy, qu'aucuns dient estre celuy qui tua le tyran Ebroyne: & ce fait assembleret grosse armée, & chasserent lesdictz Plectrude, & Thibauld, & entreprirent le gouvernement desdictz royaumes, soubz leur nouueau roy. Mais tost apres Charles Martel deliuré de prison, les chassa, & obtient victoire, cõtre eux: Pendant lesquels troubles ledict Dagobert mourut, apres qu'il eut regné esdictz deux royaumes de France & d'Austrasie, quatre ans, scauoir l'an sept cens dixneuf.

*Dagobert deuxieme, aliàs Clouis xviii. roy de France, & xvi. roy d'Austrasie.*

*716.*

*Daniel prestre, es leu roy de France nommé Chilperic.*

*Victoire de Charles Martel.*

# Le.ii.liure des antiquitez de la gaule belgicque,

¶ Des successeurs de Clodion, dont sont descenduz  
Charlemagne, les Princes de Mozelane  
d'Ardenne & de Hauynau.



I LES LECTEVRS veulent cognoistre les successeurs de Clodiō, desquelz sont descēduz Charlemagne, & les Princes de Mozelane, d'Ardenne & Haynau, qui ont vescu, durant lediēt Euesque Abbo, qui ne teint lediēt Euesché de Verdū, que deux ans, ilz le pourront sçauoir & cognoistre, par ce qu'auons escript aux Euesques precedens & subseqvens.

## DE LA VIE DE PEPO vingtieme Euesque de Verdun.



*Pepo xxx. Euesque  
de Verdun.*

*Charles Martel  
delurē de prison.*

*Pepo directeur de  
Charles Martel.*

PEPO, fut esleu vingtieme euesque de nostre cité de Verdun, l'an de grace sept cens & seze, en laquelle année Charles Martel, quasi miraculeusement sortit des prisons de Coulongne, esquelles Plectrude, sa marastre l'auoit fait detenir: & vn peu apres que les nobles de France s'estoyent esleuez contre Plectrude, & Thibauld, filz de son filz, gouuernans le royaume soubz le nouveau roy Dagobert deuxieme, & auoiēt esleu vn autre roy, nommé Daniel, prestre, qu'ilz appellerent Chilperic, constituant pour Maire du Palays, vn prince, nommé Raimfroy, soubz la conduite duquel, avec grosse armée auoyent deiecté & expulsé ladiēt Plectrude & sondiēt filz, comme auons diēt cy dessus. Dequoy aduertuy Charles Martel, nouvellement sorty de prison, desirant recourir la principaulté du Palays, que son pere luy auoit donné, par son testament, commença chercher ses amys & alliez, leuant gens de toutes partz, pour resister audiēt Raimfroy. Pendant le temps qu'il faisoit ses diligences, aduint la vacation de nostredict euesché, par la mort de Abbo, ce qui donna occasion au clergé de nostre cité de Verdun, eslire Pepo, homme desia ancien, & qui auoit esté en ieunesse directeur de Charles Martel, de l'ordonnance de feu Pepin Heristel, qui l'auoit aduancé en grans biens & richesses: & partant familier dudict Martel, auquel ilz vouloient bien gratifier, par ce qu'il estoit aymé en ladiēt cité. Dauantage ilz sçauoyent & estoient aduertiz de son entreprinse & amaz de gens, qu'il faisoit contre Raimfroy, qui n'estoit de leur cognoissance, comme lediēt Martel, auquel ilz estoient affectez: Ce qui fut cause que lediēt Pepo, fut esleu & receu euesque de nostredict cité de Verdun, sans controuersie.

¶ En l'an suyuant sept cens dix sept, Raimfroy, & le nouveau roy Chilperic, aduertiz de l'assemblée, que faisoit Martel, se preparerent pour resister, & enuoyerent vers Reboald, Duc de Frise, infidèle, & Sarrazin, à fin d'auoir son alliāce, & qu'il veint avec  
ses gens

# depuis Pharamond iusques à Charlemagne. F.cxxiii.

ses gens à leur secours: Ce qu'il feit volontiers, & amena grosse armée pour foy ioin-  
dre avec les François. Dequoy aduertey Martel, combien qu'il ne fust du tout prest,  
pour batailler, toutefois il delibera auant qu'ilz fussent ioinctz; donner la bataille au-  
dict Reboald: & le veint rencôtrer sur la riuere de Meuze, en vn lieu qui n'estoit fort  
distant de nostredicte cité de Verdun, & illec eut bataille, en laquelle Reboald eut la  
victoire, & la pluspart des gés de Martel tuez, & en eschappa par fuitte: Dont aduint  
que tout le pays circonuoin de Verdun, fut tout pillé & gasté. Car en iceluy les ar-  
mées desdictz Raimfroy, & Reboald, s'assemblerét: Toutefois ilz n'assaillirét point  
ladicte cité de Verdun: mais passerent oultre par la forest d'Ardenne, iusques à Cou-  
longne, ou ilz trouuerét ladicte Plestrude, femme de feu Pepin, laquelle leur enuoya  
tant d'or & d'argent à fin de ne gaster le pays, qu'ilz furent contentz de retourner.

¶ Or Charles Martel desplaisant de la perte, qu'il auoit faict, delibera reparer son ar-  
mée, & sollicita tous ses amys, pour auoir ayde & secours: entre lesquelz nostre euef-  
que Pepo, le recupt en la cité de Verdun, & luy fournit tout ce qu'il peult, tant or, ar-  
gét, que hommes, & autres fournitures, de sorte que son armée fut réparée, par l'ayde  
de luy & desdictz Austrasiens. Ce faict, ledict Martel print son chemin vers Reims,  
esperant que l'Archeuesque du lieu, nommé Rigobertus, qui estoit son parrain, luy  
ouuriroit les portes, & bailleroit la cité: mais ledict Archeuesque, luy refusa, de crain-  
te d'iceluy Raimfroy: dont depuis il se repentit: car enuiron quatre ans apres, ledict  
Martel, le chassa & priua de son Archeuesché: Toutefois il ne laissa son entreprinse.

¶ Et en l'an suyuant sept cens dixhuiet, ses ennemis orgueilleux de la victoire suldi-  
cte, & voyant qu'ilz estoient réforcez, par les Frisons, delibererét poursuiure en tous  
lieux ledict Martel, qui ne refusa la bataille, & les veint surprendre, au pays de Cam-  
brefis, en vn estroit passage, ou il tua beaucoup de leurs gens: Neantmoins craignant  
le grant nombre de sesdictz ennemis, & que ses gens estoient fort foullez & lassez,  
leur feit demander traité de paix. A quoy ne voulurent entendre ny acquiescer, & se  
rassemblerent, deliberez totalement l'exterminer. Quoy voyant il reprint courage, &  
les receut & combatit vigoreusement & les desconfit en vn lieu, nommé Viciacum,  
pres Cambray, le dimanche de Pasques *In ramis palmarum*, audict an sept cens dix-  
huiet: Toutefois lesdictz roy, Chilperic, & Raimfroy Maire, eschapperent par fui-  
tte, mais il les suyuit iusques à Paris, ou il gagna moult de biens, & grans thresots en  
ladicte desconfiture: & touchant Reboald, autrement dict Baboth, Duc de Frise, il  
trouua maniere d'accorder avec ledict Martel, par ce qu'il promet se faire baptiser &  
tenir son alliace à iamais. Ce faict, Martel se retira en Austrasie, ou il fut receu à grand  
ioye de tous les Austrasiens, signanment de son bon directeur Pepo, nostre euefque  
de Verdun, auquel il feit de grans biens, & restitua en son eglise de Verdun, plusieurs  
terres & villages que les gens d'armes auoyent osté & vsurpé, durant les guerres des-  
suidictes: Car Bertarius, en son histoire escript, qu'il donna à ladicte eglise de Verdun,  
par lettres autêntiques, le village de Pierre pont, & si retira de ses gens d'armes deux  
villages, qu'ilz auoyent vsurpé, des appartenances de ladicte eglise, à sçauoir Merle &  
Casse Pierre, lesquelz il meit en ses mains, pour les restituer à ladicte eglise. Ce qu'il  
feit incontinent, de Merle, mais non si tost du village de Casse pierre. Dauantage le-  
dict Martel, ratiffia & confirma pour ladicte eglise de Verdun, vne emptiõ que ledict  
euefque Pepo, auoit faict à vn gentil homme de sa court, de la ville de Clermõt, que  
ledict historien Bertharius, appelle Caluomons, que noz anciens chartulaires declai-  
rent estre Clermont, au diocese de Verdun: De laquelle ledict Martel ensaifina ledict  
Euefque Pepo, & l'en feit ioyr paisiblement: & eut faict plusieurs autres grans biens  
à ladicte eglise, en faueur d'iceluy Pepo, n'eust esté les grans affaires & haultes entre-  
prises qu'il poursuiuit & acheua. A raison desquelles il fut cõttrainct se absenter d'Au-  
strasie, & militer en diuerses contrées, comme dirons cy apres.

¶ En ceste mesme année apres son retour de Paris, ou il eut la premiere victoire, cõt-  
re lesdictz Chilperic, & Raimfroy, Charles Martel, desirât l'augmētatiõ de la foy Chre-  
stienne, voulant meüre à executiõ la promesse que Reboald, ou Baboth, Duc de Fri-  
se, luy auoit faict de prendre le sacrement de baptesme, manda venir à luy vn saint

*Victoire de Ré-  
boald, cõtre Char-  
les Martel.*

*L'euefque Pepo ay-  
da à reparer par  
armee Charles  
Martel.*

*Victoire de Char-  
les Martel pres  
Cambray.*

*Reboald, accorda  
avec Charles Mar-  
tel.*

*Charles Martel  
dõna plusieurs ter-  
res & seigneuries  
à l'eglise de Ver-  
dun.*

## Le.ii.liure des antiquitez de la gaule belgicque,

*Vvolfrānus, euesque de Sens, enuoyé à Frise, pour y baptiser le duc Reboald.*

*Du duc de Frise qui se retira des fons de baptesme.*

*Guerricus Archeuesque de Sens.*

*L'euesque Pepo ordonné gouverneur de Verdun par Charles Martel.*

*Victoire de Charles Martel, contre Eude d'Acquitaine, Daniel, & Raimfroy.*

*Saint Eleuthere priué de son euesché d'Orleans par Charles Martel.*

*La mort de l'euesque Pepo.*

homme nommé Vvolfroy, ou Vvolfrannus, euesque de Sens, & l'enuoya au pays de Frise, pour baptiser ledict K eboald, precher la foy chrestienne, & induire le peuple du pays a prendre & receuoir le saint baptesme. Quant ledict Sainct homme, fut audict pays, commença prescher la foy de Iesuchrist, en sorte que plusieurs conuertiz furent baptesez, entre lequelz le dessusdict Reboald, iuyuant les promesses, qu'il auoit faictes audict Martel, ausi esmeu, & comme conuert, par la predication dudit Vvolfroy, delibera se faire baptiser: Ordonna le tout estre preparé pour ce faire: mais quant veint au iour assigné, estant tout nud & despoüillé, ayant delia vn pied dedans les fons, interroga ledict saint hōme Vvolfroy, demātant ou il auoit plus de ses parens & amys, en paradis, ou en enfer, lequel luy respondit en enfer, & lors Reboald retira le pied des fons, disant qu'il vouloit aller, ou il auoit plus de ses amys. Et par ce moyen ne fut point baptesé: mais comme par diuine punition, troys iours apres mourut soudainement, & fut damné en enfer, avec ses amys, comme depuis fut diuinement reuelé audict Archeuesque Vvolfroy, qui continua ses predications conuertissant le peuple dudit pays de Frise en Iesuchrist, par l'espace de cinq ans: Et depuis retourné en France, ordonna son successeur audict Archeuesché de Sens, vn saint hōme, nommé Guerricus: & de la s'en alla au monastere de Fontenelle, finer ses iours en grande austerité de vie, & fut son corps inhumé pres la sepulture de saint Vvādregisile, natif de nostre cité de Verdū, fondateur dudit monastere de Fontenelle, comme est dict cy deuant.

¶ En l'an sept cens dixneuf, commencerent les grās affaires de Charles Martel, pour lequelz il fut contrainct par long temps laisser le royaume d'Austrasie, & poursuyure en diuerses contrées, grans faictz d'armes. A son partement ordonna plusieurs gouverneurs & regens, en diuers lieux, entre lequelz il donna l'auctorité du gouvernement de nostre dicte cité de Verdun, a l'euesque du lieu son bon amy Pepo, qu'il auoit en grande reuerence, tant pour sa vieillesse & prudence, que ausi pour ce qu'en sa ieunesse, il auoit esté son directeur, & depuis en ses affaires tousiours vsé de son conseil, tellement qu'il partit d'auec luy en regret de bonne affection de pitié, ausi il ne le veit iamais depuis. Les causes de sondict partement d'Austrasie, furent la mort du roy Dagobert deuxieme, auquel ledict Martel, fait succeder au royaume Clotaire quatrieme du nom, sans auoir esgard aux enfans dudit defunct Dagobert. A raison dequoy ses aduersaires Chilperic, & Raimfroy, vsurpateurs du royaume, prindrent alliance a Eude, Duc d'Acquitaine, & de rechef leuerent grosse armée, & veindrent iusques a Orleans, pour combatte ledict Martel, lequel n'attendit leur venue, ains s'en alla au deuant d'eulx, & virilement leur donna bataille, en laquelle il fut victorieux, & ledict Eude, contrainct se retirer en son pays, & mena auec luy Chilperic, ou Daniel, qu'ilz disoyent roy. & Raimfroy se retira a Angiers, lequel il poursuyuit: & passant a Orleans, demanda ouerture de la cité, mais Eleuthere euesque du lieu, luy refusa, tenant le party du roy & dudit Raimfroy: Dont Martel ne fut content, & print ladicte cité, par force, & priua ledict euesque Eleuthere, qu'on reputoit homme saint, de sondict euesché & l'enuoya en exil, en vne ville d'Espagne, nommée Sarcinū, ou il vesquit long temps religieux, en vn monastere dicit Sainct Trudon. Il y a des historiens qui escriuent qu'il viuoit encores du temps de la mort dudit Martel, & eut par diuine reuelatiō que son ame estoit detenue en enfer, a raison des dixmes, qu'il auoit osté aux eglises, & baillé aux gentilz hommes layz, lesquelles il auoit promis rendre & remettre en leur premier estat, ce qu'il n'auoit fait.

¶ En l'an sept cens trente deux, apres que ledict Charles Martel eut accordé, avec Raimfroy en la cité d'Angiers, & ausi avec Eude Comre d'Acquitaine, qui luy renuoya Chilperic, entre ses mains, il retourna en Austrasie deliberé aller combatte les Saxons, qui se rebelloient: & faisant son voyage passa par Verdun, ou il trouua qu'vn peu parauant, son bon amy Pepo, estoit allé de vie a trespas, apres auoir tenu ledict euesché de Verdun, enuiron six ans, qui fut l'an sept cens deux: Dōt ledict Martel fut bien desplaisant.

# depuis Pharamond iusques à Charlemagne. F.cxxiiii.

¶ Des Papes, viuans du temps dudict  
Pepo, Euesque de  
Verdun.

**G**REGOIRE, deuxieme du nom, Romain, fut esleu Pape l'an sept cens seze, alias sept cens, & treze, homme tresbon, de sainte vie, & de grant scauoir, tellement que par la grande doctrine, & son eloquence facilement il surmontoit & confondoit en disputatiō les hereticques. Il fut premierement, soubz le Pape Sergius institue maistr de la biblioteque: & depuis soubz le Pape Constantin, mené en Constantinoble, pour disputer, contre les hereticques, ou il acquist le bruiet par ses vertus & scauoir. Au moyen de quoy, fut esleu Pape, apres ledict Constantin, combien qu'aucuns, comme Blondus, y metent Stephanus deuxieme, ce qui n'est vray semblable. Or quant il fut Pape il administra en tout ce qu'un homme parfait peult & doit faire, tant es meurs, belles institutions, que edifices & belles reparatiōs de la cité, & eglises: & entre autres il ediffia en sa maison paternelle, vne eglise en l'honneur de sainte Agathe. Il fut cause de la restitution en la foy de Iesuchrist, en grāde partie de la Germanie, qui l'auoiet laissée: & ce par la predication du saint homme Boniface, qui depuis fut Archeuesque de Magonce, & autres qu'il y euuoya. Il excommunia l'Empereur Leo troisieme hereticque, qui destruisoit les ymages. Finalement il mourut, apres qu'il eut tenu le siege seze ans & huit mois. Aucuns escriuent troys ans seulement.

*Gregoire. ii. du no  
Pape. lxx. xi.*

¶ Des Empereurs, regnans du temps dudict  
Euesque Pepo.

**T**HEODOSIUS troisieme du nom, surnommé Atramytenus, fut esleu Empereur en l'an sept cens dix sept, par vne faction des gens militaires de son predecesseur Anastasius: combien qu'il fut ignorant & peu exercé aux faitz d'armes. Car tousiours auoit esté recepueur des tributz de l'empire: toutefois il fut tresbon chrestien, pour le peu de temps qu'il teint l'empire, & fait restituer les images des saintz que Philippicus auoit osté & deffendu, par toute Grece. Finalement il fut deiecté & expulsé par son successeur Leo, qui estoit Preteur, es parties Oriētales, soubz le dessusdict Anastasius, absent, quant ledict Theodosius, fut esleu: & ne luy fait autre iniure, que de luy faire prendre les ordres de prebtrise, & à son filz aussi, apres qu'il eut regné vn an seulement.

*Theodosius iii. de  
ce nom. lxx. em-  
pereur.*

**L**eo deuxieme du nom, surnommé Isauricus, natif de Syrie, fut esleu & fait Empereur, l'an sept cens dix huit, estant Preteur es parties Orientales, soubz Anastasius, & parauant auoit esté mis en exil du temps de Iustiniā, & depuis restitué. ¶ De son commencement il declaira son heresie, & ordonna en Constantinoble toutes les images de Iesuchrist, de la Virge Marie, & de tous les saintz, estre ostées: dōt suruint si grande mortalité & pestilence, qu'il mourut plus de troys cens mil personnes: toutefois il n'en deuint meilleur, mais tousiours pire. Car il exerça les tyrannies, contre les eglises, pillant & destroubant tout ce qu'il trouuoit, & semblablement cōtre le peuple, augmenta les gabelles & tributz. Si enuoya vers le Pape Gregoire deuxieme, Embassadeurs, pour le tirer à son heresie, de abroguer les images, vsant de grosses menaces, dont le Pape ne teint compte: mais au contraire, ordōna & deffendit par toute Italie, qu'on ne luy donnast plus les tributz accoustumez: & le declaira & publia excommunié. Finalement il mourut apres qu'il eut regné vingt & quatre ans, & laissa vn filz, nommé Constantinus, plus mauuais tirant que luy mesme.

*Leon. ii. du nom.  
lxx. Empereur.*

# Le.ii.liure des antiquitez de la gaule belgicque,

¶ Des Roys de France, & d'Austrasie,  
regnans du temps de l'Eues-  
que Pepo.

**D**AGOBERT, deuxieme duquel auons escript en l'euesque precedēt, regna  
en uiron troys ans, du temps dudict Euesque Pepo.

*Clotaire. iiii. du nō  
fut. xix. roy de Frā  
ce, & xvii. roy  
d'Austrasie.*

**C**lotaire quatrieme du nom, frere dudict Dagobert, fut dixneuuieme roy de France, & dixseptieme roy d'Austrasie, en l'an de grace sept cens dix-neuf, institué & couronné, par Charles Martel, qui n'eut point esgard aux enfans de feu Dagobert, pource qu'ilz estoient ieunes, mais couronna cestuy Clotaire, & le feit monarche esdictz deux royaumes de France, & d'Austrasie: & poursuyuit tellement ses ennemys Eude, & Raimfroy, qu'ilz furent cōtrainctz luy enuoyer Chilperic, dict Daniel, occupateur du nom de roy en Aquitaine, & le feit detenir en ses prisons, iusques à la mort dudict Clotaire, qui ne vesquit que deux ans, & mourut sans hoirs de son corps, & fut inhumé à Coucy, pres son pere Childébert, en uiron l'an sept cens vingt deux. L'abbé Tritermius escript qu'il vesquit sept ans, & qu'il mourut l'an sept cens vingt six, sans faire mention de Daniel, qui regna apres luy.

¶ Des successeurs de Clodion, dont est descendu Charle-  
magne, estant Marquis, & Duc de Brabant,  
regnans du temps dudict Eues-  
que Pepo.

*Charles Martel,  
Duc de Brabant  
& Namur.*



**C**HARLES Tutides, ou Martel, filz de Pepin Heristel, & de sa cōcubine, Alpaide, fut institué par sondict pere heritier en la principaulté du Palays d'Austrasie, des l'an sept cēs quatorze: Combien qu'il n'eyoyst, iusques en l'an sept cens seze: Car sa marastre Plectrude, non cōtente du testament de Pepin, le feit detenir en prison à Colongne, de laquelle il eschappa miraculeusement ladicte année sept cens seze, & trouuant Raimfroy occupant ladicte mairie, avec le nouveau roy Daniel (alias Chilperic) lesquelz auoyēt desia chassé du gouuernemēt du royaume, ladicte Plectrude, & son filz Theodoald, ou Thibauld. Si assembla ledict Martel grosse armée en Austrasie, & print le gouuernement du roy Dagobert deuxieme, du nom, que les aduersaires vouloient priuer du royaume, & s'en alla contre eux deliberez les combattre avec Reboald Duc de Frise, qu'ilz auoyent appellé en leur ayde. Si eut la premiere bataille sur la ruiere de Meuse, en laquelle il fut vaincu & perdit beaucoup de ses gens. Depuis en l'an sept cens dixhuiet, les veint assaillir au pays de Cambresis, ou il obtint victoire, & les chassa iusques à Paris. En l'an sept cens dixneuf, mourut ledict roy Dagobert, par la mort duquel Martel feit couronner roy Clotaire, quatrieme, frere dudict defunct, & selon aucuns, oncle. A raison dequoy lesdictz Daniel & Raimfroy, prindrēt alliance à Eude, Duc d'Aquitaine, leuerent nouvelle armée, & veindrent assaillir ledict Martel, en l'an sept cens vingt, iusques à Orleans: mais ilz furent vaincuz, & se retira Eude, en son pays de Gascongne, & mena avec luy leur roy Chilperic, ou Daniel, lesquelz Martel poursuyuit, en sorte que Eude, pour accorder, fut contrainct luy enuoyer Chilperic qu'il deteint en ses prisons: & de la poursuyuit Raimfroy qui estoit retiré à Angiers, ou il fut vaincu: toutefoys par beniuolence, & grace Martel accorda avec luy, & luy donna la cité d'Angiers, & pays cirouuoisin, pour sa demeure.

*Charles Martel  
vaincu en la pre-  
miere bataille.*

*Victoire de Mar-  
tel à Orleans &  
en Aquitaine.*

*Victoire de Mar-  
tel à Angiers.*

¶ En uiron



# depuis Pharamond iusques à Charlemagne. F. cxxv.

¶ Enuiron l'an sept cens vingt & deux mourut ledict roy Clotaire, quatrieme, au lieu duquel Martel, yfant de grande clemence, retira Chilperic (alias Daniel) des prisons & le couronna roy de France. ¶ En l'an sept cens vingt & troys, Martel aduertit de la rebellion des Saxons, mena illec armée, & en passant recouura les thresors de son pere, que sa marastre tenoit à Coulongne, laquelle s'en fuit au pays de Burgarie, craignant sa fureur: Ledit Martel passa le Rhin, & subiuga les Saxons, & l'an suyuant tout le pays de Bauere: De la veint assaillir vn Prince d'Almagne, nommé Lanfredus, qu'il subiuga & vainquit, mettant l'Almagne à son obeissance.

*Victoire de Martel, contre les Saxons & en Bauere.*

¶ En l'an sept cens & vingt six, mourut le roy Daniel, alias Chilperic: Par la mort duquel, Martel feit couronner roy Theodoric, filz aîné de feu Dagobert deuxieme. L'an suyuant il passa le Danube, iusques au royaume de Burgarie, pour retirer sa marastre Plestrude, cōme fugitive, avec laquelle il accorda, & au retour gagna toute Hongrie: & de rechef subiuga les Sueues, Saxons, & Bauariens, qui s'estoyēt rebellez. Desquelz il obtint grans thresors: & puis retourna en France, ou il fut aduertit de la nouvelle rebellion de Eude, d'Acquaine, qui s'estoit allié à Abidiram roy d'Espagne, infidele, & Machometiste, luy presentāt passage, par son pays, avec innumerable peuple pour venir habiter en France: & auoit desia bruslé Bordeaux & toutes les eglises, & passé par Poitiers, iusques en Touraine. Auquel lieu en l'an sept cens trente ~~ix~~, Martel le veint rencontrer, & luy donna la bataille, en laquelle il fut victorieux, & mourut ledict roy avec troys cēs quatre vingtz cinq mil Sarrazins, & de ceulx de Martel n'en mourut, que enuiron quinze cens. Apres laquelle victoire, Eude d'Acquaine, avec ledict Martel, se reconcilia, lesquelz depuis assemblez desfirent & tuerent la reste des Sarrazins: & pource que les Barons & gentils hommes de France, auoyent bien seruy en ceste guetre, & despendu leurs biens, ledict Martel, par le consentement des Prelatz d'eglise, leur donna pour recompense partie des dixmes des eglises, promectant leur rendre, se Dieu luy prolongeoit la vie.

*Almagne en l'obeissance de Martel.*

*Martel en Burgarie, ou il eut victoire.*

*Victoire de Martel, contre le roy Abidiram Sarrazin. Les dixmes d'eglises attribuées aux nobles.*

¶ En l'an sept cens trente & vn Martel tira son armée en Bourgogne, contre Gerard de Boussillon, qu'il chassa, & conquist toute la Bourgogne, Lyon, Arles, Marseille & autres.

¶ En l'an suyuant Eude d'Acquaine, mauuais & seditieux hōme, de rechef se rebella: Contre lequel Charles Martel, mena son armée, lequel eut victoire, & ledict Eude tué. Dont ses deux filz Gayfer, & Huuald, voulans venger la mort de leur pere, leuerent armée contre luy: mais ilz furent incontinent vaincuz, & tout le pays de Gascogne, & Acquaine, redigé en l'obeissance dudit Martel. Lequel en l'an suyuant sept cens trente quatre, mena son armée en Frise, contre Pepon, filz de Radobadi, Duc du pays qui y fut tué, & tout le pays subitugé.

*Victoire de Martel en Bourgogne & Acquaine.*

¶ Pendant que Martel, estoit occupé en Frise, les roys des Visigothz, qui occupoyent les Espagnes & regions Gothicques, circonuoisines, conspirerent contre luy, & amenerent grosse armée en France, induictz & appelez, par Marantius, cappitaine, & duc de Prouence. Par le moyen duquel lesdictz Sarrazins, prindrēt Auignon, Narbonne, Arles, & toutes les forteresses d'Acquaine, Gascogne, & Prouence. Dequoy aduertit Martel, demanda ayde, & secours à Luytprandus son eopere, roy de Lombardie, & veint assaillir lesdictz Sarrazins & Visigothz: De sorte qu'il retira lesdictes citez d'Auignon, Narbone, & Arles, ou furent tuez innumerable Sarrazins, avec deux puissans roys Athimus, & Amoreus: & tellement les poursuyuit que lesdictz Visigothz, Sarrazins, Alains, & autres peuples barbares, qui par l'espace de troys cēs ans, du costé des Espagnes, & Affricque, auoyent troublé la France, & partie d'Acquaine, Gascogne, & Prouence, furent tous deffaitz, & n'oserent depuis rentrer en France, ce qui aduint enuiron l'an sept cens trente huit.

*Victoire de Martel, contre les Visigothz.*

¶ Et l'an suyuant ledict Marantius, Duc de Prouence, fut tué en bataille: Et partant toute la Gaule demoura subiecte aux Frāçoys, par les vertus & proesses dudit Charles Martel.

*Toutes les Gaules en l'obeissance de Charles Martel.*

¶ En l'an

# Le.ii.liure des antiquitez de la gaule belgicque,

*Charles Martel  
de son temps insti-  
tua quatre roys en  
France.*

*Des femmes, &  
enfants Charles  
Martel.*

*La mort dudit  
Charles Martel.*

¶ En l'an sept cens quarante & vn, le roy Theodoric trespassa, au lieu duquel, Martel couronna Childeric son frere, qu'aucuns escriuent estre son filz dernier, de la posterité des Meroniens, deposé de l'auctorité du Pape Zacharie. Et par ainsi appert que ledict Martel de son temps, crea & institua quatre roys en France, à sçauoir Clotaire quatrieme, Chilperic deuxieme, aliàs Daniel, Theodoric deuxieme, & Childeric troisieme. Si eut deux femmes, & de la premiere, nommée Geltrude, eut deux filz, Carloman l'aîné, & Pepin le Court, & de la deuxieme, nommée Symahilde, eut Grifon, qu'il passa soubz silence en son testament. Outre les dessusdictz enfans de Martel, les anciens historiens, ont escript qu'il eut de sa premiere femme, vn filz nommé Remy, qui fut Archeuesque de Rouen, réputé Sainct, & troys filles, Laudrade, femme de Sigrans Comte de Halbain, Heltrude femme de Odilio, Duc de Bauiere, & Aelix: Et outre qu'il eut de sa seconde femme, fille de Hebert de Bauyere, Charles, Lothaire, & Hiltrude.

¶ Ledit Martel, mourut en ladiète année sept cens quarante & vn, apres qu'il eut regné vingt cinq ans: & iacoit ce, qu'il ne soit point compté, entre les Roys de France, toutefois il ne teint qu'à luy: car son corps fut inhumé à sainct Denys, en France, l'image, & statue du quel, estât sur son tōbel en ladiète eglise sainct Denys, porte sceptre & couronne. Le trouue vn Epitaphe de luy, soubz les termes qui s'ensuyuent.

*Ecce Brabantinus Dux quartus in orbe triumphat,*

*Malleus in mundo, specialis Christicolarum,*

*Dux dominusque Ducum, regum quoque, Rex fore spreuit,*

*Non vult regnare, sed Regibus imperat ipse.*

¶ Des successeurs de Clodion, dont sont descenduz les Princes d'Ardenne & Ducz de Mozelane, regnans du temps dudit Euesque Pepo.



L A M B E R T, filz du Duc Martin, & frere de Eleuther: duquel auons escript en la vie de Agrebertus, euesque de Verdun, teint Mozelane, & Ardenne, du temps desdictz euesques Abbo, & Pepo.

¶ Des successeurs dudit Clodion, dont les Princes de Haynau sont descenduz, viuans du temps dudit Euesque Pepo:



W A L T R I C, O V V V A V L T I E R, filz de Alberic l'Orphenin, duquel auons escript en la vie de Armonius sezieme Euesque de Verdun, teint le pays de Haynau, durant l'euesque Pepo.

¶ De la

depuis Pharamond iusques à Charlemagne. F. cxxvi.

DE LA VIE VOLCHIS—  
fus vingtvnieme Euesque  
de Verdun.



**V**OLCHISVS, autrement appellé, selon aucuns anciens Chartulaires de nostre eglise, Melchisus, fut vingt & vnieme Euesque de Verdun, l'an de grace sept cés vingt & deux, l'an fuyuant que Charles Martel eut la premiere victoire, contre Eude Duc d'Acquitaine, & que de luy eut receu, par composition & en paix faisant Chilperic, aliàs Daniel: & la mesme année accorda, avec Raimfroy, luy donnant la cité d'Angiers, comme auons escript cy dessus. Car apres lesdictz accordz, Martel aduertiy des rebelliôs que faisoient les Saxons, delibera mener son armée, contre

eulx, & passer par Treues, pour recouurer les tresors de son pere, que sa marastre Pletrude tenoit illec. En faisant lequel voyage, passant par Austrasie & reparant son armée, fut aduertiy de la mort de son bõ amy Pepo, & de la vacation de nostre Euesché de Verdun, que luy demanda, Volchisus, natif de Germanie homme fort sçauant, qui toute sa ieunesse auoit fuyui la court de feu Pepin Heristel, & depuis celle de Charles Martel, auquel pour son sçauoir doctrine, & prudence, Martel auoit donné charge de ses deux filz, Carloman, & Pepin le Court, pour les instruire en bonnes lettres, & vertus en leur ieunesse: Dont facilement ledict Martel, luy accorda ledict euesché, ayant esgard adce qu'il estoit desia fort ancien, & que le bon homme desiroit se retirer de la court, pour viure en repos: & par ce moyen fut esleu & receu euesque de nostre dicte cité de Verdun, ou il feit sa residence, & souuêtefoys Martel en ses grans affaires, vsoit de son conseil. ¶ Durant ce mesme temps regnoit en Lombardie, le roy Luytprandus, lequel comme escript Annonius en son histoire, estoit Prince d'honneur & vertus, vñant de iustice, pitié, & clemence en tous ses faitz, & avec ce estoit beau de corps, de grande stature, qu'il sembloit estre vn Geant, fort, agile, & prompt à la main, hardy en bataille, autant que homme de son temps: & avec ce, qui estoit plus louable, tresbon chrestien, zelateur & augmentateur de l'honneur de Dieu & seruire diuin, en sorte que de son temps il ediffia plusieurs eglises en Lombardie, & signamēt à Pauye, principal siege de son royaume: & entre autres ses glorieux faitz, les historiens signamment Sigebert, escript qu'environ ce temps, l'Isle de Sardine, fut prinse, par les Sarrazins, & toutes les eglises estās en icelle, destruietes & bruslées, mesme ment celle, ou estoit le corps S. Augustin, lequel auoit esté illec porté, passé deux cens ans, & translaté de la cité de Hippone, en Affricque, au temps que les Vandales, Ariens, eurent cõquesté, & gagné ladicte Affricque, & expulsé tous les euesques catholiques. ¶ Or quāt ledict roy Luytprādus, fut aduertiy, que lesdictz Sarrazins auoyent cõquesté Sardine, il enuoya gēs vers eulx, pour rachepter les relicques & ossēmē du dict S. Augustin, moyenāt grāde somme d'or & d'argēt, & les apporterēt en Italie, au deuāt desquelles, cōme escript Vincēt l historial, Luytprādus alla par grāde deuotiō, iusques en la cité de Gēnes, & de la les apporterēt, en vne ville du diocese de Tortōne auquel lieu, ledict corps saint, se redit immobile, iusques ad ce q̄ ledict roy feit veu à Dieu, & audict saint Augustin, s'il permettoit que ledict corps saint, fust porté iusques en ladicte cité de Pauye, il la bailleroit & aulmosneroit en la fondation de l'eglise, en laquelle seroit honoré & veneré Dieu, & ledict corps saint. Apres lequel veu, ilz le porterent facilement, & le poserent en l'eglise saint Pierre de ladicte Pauye, laquelle Luytprandus, auoit parauant ediffice, & depuis l'augmenta merueilleusement

*Volchisus, ou Melchisus. xxi. Euesque de Verdun.*

*Volchisus, directeur des enfans Charles Martel.*

*Luytprandus roy de Lombardie.*

*Le roy Luytprandus rachepta le corps S. Augustin*

## Le.ii.liure des antiquitez de la gaule belgicque,

*Le corps de S. Augustin à Pauge, en l'eglise appelée le ciel d'or.*

*Le puy miraculeux en l'eglise S. Augustin.*

*Alliance, & amitié, entre Charles martel & Luytprandus.*

*Volchisus mena le ieune Pepin à Luytprandus, pour luy venir le bandeau, à la confirmation*

*L'entreprinse du roy Luytprandus, contre l'eglise Romaine.*

*Charles Martel premier prote-cteur en France de l'eglise Romaine.*

ta merueilleusemēt, des edifices, rentes, reuenuz, & sumptueux ioyaux, d'or, & d'argent, & la fait appeller le ciel d'or, ou furent faitz grans miracles: Entre lesquelz par plusieurs années, le iour de la feste & solempnité dudiēt saint Augustin, y a vn puy, es crouptes d'icelle eglise, qui se remplissoit d'eaue si habondamment qu'elle faillloit par dessus, & emplissoit toutes lesdictes crouptes, pour signifier miraculeusement, que tout ainsi que l'eaue mundifie & purifie toutes choses, aussi les escriptures & doctrine dudiēt saint Augustin, ont purifié, & extirpé des eglises, tous les erreurs & heresies estans en icelles. Dict oultre l'histoire Vrspergensis, que quelque temps apres les grandes persecutions des Sarrazins, & Machometistes, fut trouué esdictes crouptes vn tableau, auquel estoit escript ce qui s'ensuit.

*Inimicus superseminauit in potentibus superbiam, in clero auaritiam, in claustris accidiam, in populis irreuerentiam, in Rege luxuriam: Et ideo destructum est regnum christianorum & traditum Agarenis.*

¶ Or pour retourner à nostre matiere, toutes les histoires conuiennent en ce, que ces deux vaillans Princes, Charles Martel, & Luytprandus, furent tout leurs temps par grāde amitié, alliez & confederez ensemble: Tellemēt que souuentefoys ilz s'enuoyent secours de leurs gens d'armes quāt l'vn ou l'autre, estoit oppresé ou molesté, par les Sarrazins & infidelles ennemys de la foy chrestienne: & escript le dessusdict Annonius, que pour plus augmenter leurdictē amitié & confederation, ilz desirerent estre comperts ensemble. Pourquoy faire Charles Martel, fait venir à luy nostre euef que de Verdun, Volchisus, ou Melchisus, & luy donna charge de mener son filz Pepin, estāt encores ieune, aux Gaules Cisalpines, vers Luytprandus, affin qu'il luy teint le bandeau en confirmation, & qu'il luy couppast les premiers cheueux, selon la maniere & coustume, qui estoit pour lors, entre les chrestiens, & laquelle me semble estre encores à present obseruée en la premiere tonsure de clericature. Si print lediēt Euef que Volchisus, ladiēt charge, avec autres commissions de leurs affaires, & intelligēces qu'ilz auoyent ensemble, & conduiēt lediēt ieune Pepin, iusques à Luytprandus, qui tresioyeux de l'honneur, que luy faisoit Martel, receut son filz à grant honneur & reuerence, & apres qu'il eut tenu le bandeau, le renuoya, avec grans thresors, & dons magnifiques, qu'il donna au ieune enfant, & à nostre Euesque Volchisus: & tellemēt fut l'alliance entre lesdictz Princes confirmée, qu'ilz vesquirent tousiours, en bonne paix & amitié, ne faisant chose au regret, ou desplaisir l'vn de l'autre: Car nous lisons aux histoires Germaniques, que le roy Luytprandus, environ l'an douzieme, de son regne, par cupidité de regner & augmenter son royaume de Lombardie, print querelle & dissention au Pape Gregoire troisieme du nom, tellement qu'avec son armée assaillit la cité de Rome, & print par force les villes & chasteaux, & tout le pays circonuoisin de Rome: dont lediēt Pape, estant en la cité fut fort esbahy, & ne scauoit à qui demander secours, ou ayde, car au parauant les Papes oppressez, ou inquietez, par autres Princes, auoyent leurs recours, & refuge aux Empereurs de Constantinoble, qui estoient leurs protecteurs & gardiens: mais pour lors ny auoit apparence ny esperance auoir d'iceulx secours, ou radresse, par ce que l'empereur Leo troisieme, lors regnant, estoit hereticque, & mal voulant, au siege apostolicque, & si estoit à lors grandement oppresé en ladiēt cité de Constantinoble, par les infidelles & Sarrazins. Araison dequoy lediēt Pape & clergé Romain, delibererent eux soubzmeēte soubz la protection des François. Si enuoyerent vn legat, vers Charles Martel, par mer, car par terre n'estoit possible, par ce que de tous costez la cité estoit des gens dudiēt Luytprandus enuironnée. Or quant Martel, eut oy la raison de la legation & reneur des lettres Apostolicques, il receut & print en grande reuerence, la protection & defense de l'eglise Romaine, & renuoya vers le Pape deux grans personages & scauās à scauoir Grimo, Abbé du monastere de Corbie, & Sigebert, reclus en l'eglise saint Denys, en France: par lesquelz il signifia le bon vouloir, qu'il auoit à l'eglise Romaine: Et en ce cas fut la premiere foys que les François commencerent à estre protecteurs de l'eglise Romaine & siege apostolicque: Et deslors lediēt Martel enuoya par messagers expres, lectres audict roy Luytprandus, par lesquelles luy pryoit, comme

# depuis Pharamond iusques à Charlemagne. F. cxxvii.

comme à son bon compere & amy, qu'il eut à se desister de son entreprinse contre l'eglise Romaine, declairant qu'elle estoit en sa garde & protection, ce que Luytprandus accorda incontinent, & non seulement leua son siege, mais pour l'honneur de son compere Martel, rendit tout ce qu'auoit prins sur l'eglise Romaine, & retourna en son royaume. En quoy on peut veoir & cognoistre, l'amour & confederation des deux princes dessusdictz.

*Luytprandus à la petition de Charles Martel leua son siege deuant Rome.*

Et pour retourner à nostre propos, apres que nostre euesque Volchifus, eut parfait sa legation & rendu le ieune Pepin à son Pere Martel, il retourna avec grand faueur diceluy, en nostre dicte cité de Verdun, ou il vesquit vertueusement & saintement, la reste de sa vie, qui ne fut point loügee, car ledict Volchifus trespassa en l'an de grace sept cens vingt neuf, apres auoir tenu ledict euesché de Verdun, l'espace de sept ans, ou enuiron.

*Le deces de Volchifus euesque de Verdun.*

## DES PAPES QUI ONT TENU LE siege durant le temps dudiect Euesque Volchifus.

**Gregoire** deuxieme du nom, duquel auons escript, en la vie du precedent euesque, fut Pape, durant le temps de nostre euesque Volchifus.

## DES EMPEREURS REGNANS durant le temps dudiect Euesque Volchifus.

**LEO**, troisieme du nom, duquel auons escript, en la vie de l'euesque precedent, regna du temps de nostre euesque, Volchifus.

## DES ROYS DE FRANCE, ET AVSTRASIE regnans du temps dudiect Euesque Volchifus.

**D**ANIEL, prestre, autrement nommé Chilperic, qui selon la pluralité des historiens n'estoit du sang royal, combien qu'aucuns ont escript qu'il estoit frere de Dagobert, deuxieme, & filz de Childebert deuxieme de laquelle opinion est maistre Nicole Gilles, & semble auoir quelque apparence de verité, par ce que ledict Charles Martel couronna roy cestuy Daniel, en l'an sept cens vingt quatre, apres la mort de Clotaire quatrieme, En postposant les deux enfans legitimes dudiect roy Dagobert, deuxieme, ce qui semble qu'il neust fait. si cestuy Daniel n'eust esté du sang royal, Et aussi pour ce que ledict martel, le tenoit en ses prisons, & l'auoit retiré par force des mains de Eude d'Aquitaine, & Rainfroy qui au parauant en l'an sept cens & seize, l'auoit couronné roy contre Dagobert, deuxieme, par despit de Plestrude, veufue de Pepin, & de son filz Thibault, en luy changeant le nom de Daniel, à Chilperic: Mais ledict Martel, poursuivit tellement qu'il confirma le royaume dudiect Dagobert, & teint Daniel, en ses prisons comme auons dict cy dessus, iusques ad ce que Clotaire quatrieme mourut, qui fut en la dessusdicte année sept cens vingt quatre. Et lors vsant de beneuolence le retira de prison & le fit roy & monarche desdictz deux royaumes de France, & d'Austrasie, & ne vesquit depuis que deux ans, combien qu'il eust regné, quelque temps parauant. Il mourut sans hoirs de son corps, l'an sept cens vingt six, & fut inhumé en la principale eglise de Noyon.

*Daniel, dict Chilperic. xx. roy de France & xviii. roy d'Austrasie.*

# Le ij. liure des antiquitez de la gaule belgicque,

*Thierry, ou Theodoric. xxi. roy de France & . xix. roy d'Austrasie.*

**Thierry** ou Theodoric, deuxieme du nom, entre les Frâçoys, & quatrieme du nom entre les roys d'Austrasie, filz de Dagobert, deuxieme du nō, fut fait roy & monarche desdictz deux royaumes de Frâce & d'Austrasie, par Charles Martel, en l'an sept cens vingt six, apres la mort du dessusdict Chilperic ou Daniel: Et pource que ledict Thierry, durant son regne ne feit grandes choses, dignes de memoire, & estoit de petit entēdement, aussi que durant son temps ledict Charles Martel, cōme Maire du Palays, gouvernoit tous les affaires du royaume, les historiens ne font grande mention des gestes d'iceluy: Toutefois il tint lesdictz royaumes par l'espace de quinze ans, & puis mourut sans hoirs de son corps, enuiron l'an sept cens quarante & vn, & fut inhumé en l'eglise sainct Denis, en France.

**DES SVCCESSEURS DE CLODION LE CHEVELY**  
estans Marquis & Ducz de Brabant, dont est descendu  
Charlemagne & ceulx qui ont regné durāt  
ledict Volchifus.

**CHARLES** Martel, filz de Pepin Heristel, duquel nous auons escript en l'euesque precedent, regna & gouverna les royaumes de France, & d'Austrasie, durāt le temps de nostre dict euesque Volchifus,

**DES SVCCESSEURS DV DICT CLODION**  
dont sont descenduz les princes de Mozelane & d'Ardenne, regnans durant ledict euesque  
Volchifus.

**LAMBERT** T, filz de Martin, & frere de Eleuther, duquel auons escript cy dessus en la vie de l'euesque Agrebertus, regna en Mozelane & en ardenne, durāt ledict euesque Volchifus, & moururent quasi en vne mesme année.

**DES SVCCESSEURS DV DICT CLODION**  
don sont descenduz les princes de Haynau, regnans du  
temps dudidict euesque, Volchifus.

**WALTRIC**, ou Vvaultier, filz de Alberic l'orphenin, duquel auons escript cy deuant en l'euesque Armonius, teint le pays de Haynau durant nostre dict euesque Volchifus.

depuis Pharamond iusques à Charlemagne. F.cxxviii.

DE LA VIE DE AGRO  
nius vingt deuxieme Euesque  
de Verdun.



GRONIVS, fut esleu Euesque de Verdū, l'an de grace sept cens vingt neuf. Pour entreprendre laquelle election, & aussi de l'euesque subsequnt, fault reduire en memoire & suppoier ce que aucunement auos escript cy dessus. A sçauoir que des l'an sept cēs vingt huit, Charles Martel, aduertty des nouvelles rebellions, que faisoit Eude, d'Acquitaine, pendant qu'il estoit occupé contre les Sueucs & ceulx de Baviere, desquelz il eut victoire, se retira en Austrasie, ou il repara son armée, pour aller contre ledict Eude, qui auoit sollicité tellement les Sarrazins, des parties

d'Espagne, leur permettant passage par les pays, que Abidiram, roy desdictz Sarrazins avec innumerable peuple d'honneur, femmes & enfans, delibererent passer la Garonne, & entrer en France, pour illec faire leur residence. A quoy ledict Martel, vouloit obuier, & auant son partement ordonna Cappitaines & gouverneurs par les villes & citez d'Austrasie: Entre lesquelz, en la cité de Metz, fut institué vn ieune prince nommé Guerin, depuis dict Lorrain, à raison que ledict Martel menoit avec luy en l'expedition contre lesdictz Sarrazins, Herué, duc & gouverneur de Metz, & pere dudit Guerin, tresuaillant homme aux armes: Et oultre en nostredicte cité de Verdun, il ordonna & institua pour gouverneur, vn autre ieune prince nommé Anselinus, lequel print le nom de comte d'icelle cité: Et fault icy noter la difference, qui estoit pour lors, entre les ducz & Comtes, qui est telle que les ducz se constituoient, par les roys ou Maires du Palays, sur le gouvernement de certain pays & contrée, & les comtes se constituoient dedans les citez villes ou chasteaux pour gouverneur, & se nommoient Comtes, quasi Comitès & socii ducis, Ou autrement coadiuteurs des gouuernemens: & par ce moyen les cappitaines & gouverneurs ainsi commis, vsurpoient les noms dessusdictz, de ducz & Comtes: Combien que à la verité y auoit aultres princes denominez ducz & comptes, par tiltre de plus haulte seigneurie & dignité.

¶ Ce fait Martel s'en alla avec son armée en Acquitaine, ou il fut longuement, & obtint de belles victoires contre ledict Eude, & contre lesdictz Sarrazins qui auoient passé & entré en France, iusques en Touraine: Et en icelle comme auons dict, y eut trois cens quatre vingtz mil Sarrazins tuez: A raison de laquelle victoire, & pour recompenser les nobles de France, Martel applicqua partie des dixmes, aux gentilz homes: Combien que l'Archeuesque de Reims, lors viuant, nommé Henry (alias & venrius, Abel) y resista grandement: Mais les gentilz homes furent les plus fortz & l'emporterent. Entre lesquelz ie trouue dedas les histoires de Metz, que Herué, duc, & pere du dessusdict Guerin estoit au consistoire, & insista fort entre tous les autres, que les dixmes feussent applicquées aux dessusdictz gentilz hommes, dont depuis ne fut

*Agromius . xxii.  
euesque de Verdū.*

*Guerin, dict le  
Lorrain, duc &  
gouverneur de  
Metz.*

*Anselinus Comte  
ou gouverneur de  
Verdun.*

*Difference entre  
duc & comtes.*

*L'archeuesque de  
Reims, resista à  
Charles Martel  
sur l'entreprise des  
dixmes.*

# Le ij. liure des antiquitez de la gaule belgicque,

bien fortuné, & eut plusieurs aduersitez: Car son filz Guerin fut tué, comme dirons cy apres, & depuis le filz dudit Guerin, Gerbert, mourut sans heritiers; combien que de leur temps feussent tresuailans gens & militerent beaucoup contre les infidelles.

*Agronius, esleu euesque de Verdun*

*L'euesché de Verdun trouble par Anselinus.*

*La mort de l'euesque Agronius.*

*La mort de Beda, le venerable. 733.*

*Raisons pourquoy Beda est appelle Venerable.*

¶ Or pēdent labſence dudit Martel occupé aux affaires deſſusdictz, noſtre eueſque Volchifus mourut enuiron l'an ſept cens vingt neuf, par la mort duquel ledict Comte Anſelinus, commis à la garde de la cité de Verdun, eſtant ieune, & non marié, fejt grande pourſuite d'eſtre eſleu eueſque, en ſon lieu: Mais ceulx du clergé, cognoiſſans ſa ferocité & ſon orgueil, y reſiſterent en ce qu'ilz peurent, & eſleurent vn bon & ſainct homme, fort ancien nommé Agronius, qui de ſa ieuneſſe auoit eſté nourry & endoctriné en l'eſliſe ſainct Venne, & depuis faiet chanoyne de l'eſliſe cathedrale de Noſtre Dame de Verdun, en laquelle auoit touſiours ſainctement veſcu, iuſques à ſa vieilleſſe: Et combien qu'il n'appetaſt point ladiete charge d'eueſché, touteſois par zeſe & amour qu'il auoit à l'honneur & proffit de l'eſliſe, il ſy accorda, & fut inſtallé & mis en poſſeſſion par ledict clergé, & la pluspart de la cité, dont ledict Comte Anſelinus, merueilleuſement fut irrité: Et pour autant qu'il n'y auoit pour lors prince en Auſtraſie, pour reſiſter à ſes entreprinſes, il ſuſcita pluſieurs querelles contre l'eueſque Agronius, & tous ceulx du clergé, & tellement moleſta l'eſliſe, hors & dedas, qu'ilz neurent iamais paix ne repos, pour les tyrannies & grandes entreprinſes qu'il exerçoit contre eulx. Si uſurpa le nom & tiltre d'eueſque, avec l'adminiſtration de la Comté. A quoy ledict Agronius, reſiſta en ce qu'il peult, tellemēt que par faſcheries, moleſtations, peines & labeurs, en ſa vieilleſſe il mourut en la troiſieme année de ſa promotion, qui fut l'an ſept cens trente deux: La mort duquel donna plus grande occaſion au Comte Anſelinus, de pourſuiure ſeſdictes tyrannies, durant leſquelles noſtre dict eueſché demoura trois ans (vacant) ſans eueſque comme dirons en l'eueſque ſuiuant. Si eſcriuent les hitoriens que en ce meſme temps, le Venerable & ſcientifique, Beda, natif du pays d'Angleterre, qui depuis ſa ieuneſſe iuſques à ſeptante ans n'auoit ceſſé de preſcher, ou eſcripre liures & volumes en la ſaincte eſcripture pour illucider la ſaincte foy Chreſtienne, deceda le iour de l'Ascencion de noſtre Seigneur, en diſant & repetant par pluſieurs fois, ceſte Anthiphone. *O Rex gloria domine virtutū qui triumphator, &c.* On liēt auſſi, qu'il fut appelle Venerable, pour deux raiſons. La premiere, pource que luy eſtāt deuenue au eueſque, par vicilleſſe, vn de ſes ſeruireurs par mocquerie, le fejt preſcher deuant vn grant monceau de pierres, luy donnant à entendre, qu'eſtoient gēs aſſemblez pour ouyr ſa predication. Et apres ſon ſermon acheué, par ocuure miraculeuſe, fut ouye voix deſdictes pierres, diſans, *Amen venerabilis preſbiter.* La ſeconde raiſon eſt, qu'apres ſon trespas l'un de ſes diſciples, voulant compoſer ſon epitaphe, commença vn vers, par telz motz, *Hac ſont in ſoſſa.* & ne pouoit finir ny acheuer la reſte dudit vers, mais miraculeuſement le lēdemain, il trouua ces motz eſcriptz, *Beda venerabilis oſſa.*

## DES PAPES QUI ONT TENU LE ſiege durant le temps dudit Eueſque Agronius.

*Gregoire. iiii. du  
no quatre vingt  
deuxieme Pape*



REGORIVS, troiſieme du nom, natif de Sirie, homme de ſinguliere doctrine, bonté & humanité, fut creé Pape enuiron l'an ſept cens trente deux, tresçauant en langue grecque & latine, grāt preſcheur & expoſiteur de la ſaincte eſcripture, diligēt protecteur & deſſeſeur de la foy catolicque, begnin, & liberal aux pauures: & ſi parfait en toutes vertus, que veritablemēt il eſtoit appelle pere, & paſteur de tous. A ſon cōmencemēt con-



# depuis Pharamond iusques à Charlemagne. F.cxxix.

cōuoqua Concille general, à Rome, auquel fut condemné, excomunié, & priué de l'eglise, l'Empereur de Contantinoble, Leon, troisieme du nom, hereticque, & destructeur des images: Il fut grant reparateur des eglises, & constructeur des nouuelles. Si ordonna au canons de la Messe, estre dictz ces motz, *Quorum solemnitas hodie in cōspectu diuinae maiestatis tuae celebratur, &c.* Naucerus, en la vingt cinquieme generation fait mention de plusieurs epistres que cestuy Pape, escriuit à vn saint homme nommé Bonifacius, Anglois, religieux, appellé premierement Vvunefridus, & enuoyé par le Pape Gregoire, deuxieme en la Germanie, ou il conuertit les Sazons, ceulx de Bauiere, Turingeois, & autre peuple qui auoient laissé, & deuioyent de la foy Chrestienne. Il fut le premier Archeuefque de Magonce, & finalement martirizé par les Frisons: & entres autres choses cōtenues esdictes epistres, cestuy pape luy escriuit vne clause que ie me tray icy pource que de present elle n'est gueres obseruée.

*Si pestifer morbus aut mortalitas in ecclesia, vel monasterio irrepserit, quos nec dum tetigerit à loco fugere, fatuum indicatur. Non enim valet quisque Dei effugere manus, &c.*

Et finalement mourut ledict Pape, apres qu'il eut tenu le siege, dix ans. Combien que les autres n'escriuent que huit ans, seulement.

## ¶ DES EMPEREURS QUI ONT REGNE durant nostre dict euesque Agronius.

**L**EO, troisieme du nom, duquel auons escript cy dessus en la vie de l'euesque Pepo, regna du temps de nostre euesque Agronius.

## ¶ DES ROYS DE FRANCE, ET AVSTRASIE regnans du temps du dict euesque Agronius,

**T**HIERRY ou Theodoric, quatrieme du nō entre les roys d'Austrasie, duquel nous auons escript en l'euesque precedent, fut monarche, & teint les deux royaumes de France & Austrasie du temps du dict euesque Agronius.

## ¶ DES SVCCESSEURS CLODION DESQUELZ est descendu Charlemagne, regnans du temps de nostre dict euesque Agronius, estans Marquis de l'Empire, & ducz de Brabant.

**C**HARLES, Mātel, duquel auons escript cy dessus en l'euesque Pepo, fut duc de Brabant, & Comte de Namur, Maire des Palays de France & d'Austrasie, du temps du dict euesque Agronius.

# Le ij. liure des antiquitez de la gaule belgicque,

DES SVCCESSEURS DV DICT CLODION  
dont sont descenduz les princes de Mozelaue & d'Ar-  
denne, regnans durant ledict euesque  
Agronius.

**L**AMBERT, filz du duc Martin & frere du dessusdict Eleuther, teint les duchez  
de Mozelaue, & Comté d'Ardenne, durant ledict euesque Agronius. Duquel  
Lambert auons escript cy dessus.

DES SVCCESSEURS DE CLODION,  
dont sont descenduz les princes de Haynaue, regnans  
du temps dudit euesque,  
Agronius.

**W**ALTRIC, ou Vvautier, filz de Alberic L'orphenin, duquel auons escript  
en l'Euesque Armonius, regna & teint le pays de Haynaue, durant le temps  
dudit Euesque, Agronius.

## DE LA VIE DE SAINT Magdalueus vingt troisieme Euesque de Verdun.



*Saint Magdalueus, xxiii. euesque de Verdun.*



*Anselinus, usurpant tiltres d'euesque & Comté de Verdun.*

**M**AGDALVEVS, fut esleu vingt troisieme Euesque de Verdun, en l'an de grace sept cens trente cinq, apres que ledict Euesché eut vacqué enuiron trois ans depuis la mort de l'Euesque Agronius: Et la raison de la longue vacance du dict euesché, fut l'absence du prince Martel, estant hors du pays d'Austrasie occupé es grosses barailles contre les Sarrasins & infidelles. Et aussi l'entreprinse que feit Anselinus Comte & gouverneur de nostre cité de Verdun, lequel comme auons escript cy dessus, auoit vsé de grandes oppresions & violences contre le feu euesque, entreprenât les deux tiltres, d'euesque, & Comté, lesquelles forces, violences, & tyrannies, exerça plus cruellement qu'au parauât apres la mort de Agronius: Car pour auoir plus grande apparence de obtenir ledict euesché & d'estre esleu par le clergé, il se feit prestre, & neantmoins ne cessoit de faire grans portz d'armes, persistant en leurs demandes. A quoy ceulx du clergé ne voulurent entendre, & aymerent mieulx differer leur election, & laisser pour quelque temps

# depuis Pharamond iusques à Charlemagne. F.cxxx.

temps leur eglise, sans euesque, que de consentir à l'election de sa personne, qu'ilz cognoissoient tirant, oppresseur des pauvres, & destructeur futur, dicelle eglise: Toutefois quelque temps apres, Dieu regarda en partie la pauvre eglise: Car il aduint, que l'an sept cens trente quatre, apres que Martel eut obtenu la belle victoire contre les infidelles, & le duc Eude, es parties d'Acquitaine, il fut aduertiy des rebellions, que faisoient les Frisons, soubz leur duc & cappitaine Pepon, filz de feu Radeboald. Si mena son armée audict pays de Frise, passant en diligence sans faire grant arrest par le pays d'Austrasie, & reduict de rechef facilement toute la Frize, en son obeissance, ledict Pepon, mort & vaincu.

*Martel passant par Austrasie, mena son armée contre les Frisons.*

¶ Si fut aduertiy en faisant ledict voyage des oppressions entreprinſes & Tirannies que faisoit le Comte Anselinus, en nostre cité de Verdun, ensemble de la vacatiō dudiect euesché. A quoy il delibera à son retour de Frise, meſtre ordre & prouision: Mais il suruint autres grandz affaires qu'il fut contrainct se retirer en Acquitaine, pour reprimer les nouvelles entreprinſes que faisoient Gayfer, & Hunal, enfans du feu Comte Eude, pour venger la mort de leur pere: A raison dequoy il ne feit point de sejour ny demourace en Austrasie, mais toutefois pour meſtre ordre & prouision en nostre cité de Verdun, il appella Guerin, duc & gouuerneur de Metz, & luy ordonna se transporter en icelle cité, & meſtre ordre aux oppressions qui sy faisoient, & ausſi que l'election de l'euesque se feit canonicquement, en recommandant Magdalueus, qui estoit de son sang, & faisoit illec sa residence comme dirons cy apres. Ceste commiſſion & ordonnance entreprint ledict Guerin le Lorrain, duc de Metz, & vint audict Verdun reprimer les tirannies de Anselinus, & meit tel ordre que le clergé, feit paisiblement son election, & esleurent le bon saint homme Magdalueus, en l'an sept cens trente cinq. Dont ledict Anselinus, fut si irrité, & print si grande hayne & inimitié contre Guerin de Metz, que depuis iamais ne l'ayma. Et quelque temps apres comme on peult veoir aux anciennes histoires de Metz, il poursuiuit tellement, par faction & intelligence, avec aucuns Vvandelz & infidelles, que par trahison il tua Guerin, en vne eglise, ou chappelle, asles pres de la cité de Metz, dont il ne demoura impuny: Car par apres il fut tué par Gerbert, filz dudiect Guerin, ce que les lecteurs pourront veoir par lesdicteshistoires de Metz, combien qu'en plusieurs lieux & passages, on y trouue plus de mensonges & de fables, que de veritez: Iacoit ce que certainement cestuy prince Guerin le Lorrain, combien qu'il fust cruel, comme dict Gaguin en son histoire, toutefois il fut vaillant homme aux armes & eut plusieurs batailles contre les Sarrazins & infidelles, & ausſi son dict filz Gerbers apres la vengeance de la mort de son pere, il s'appliqua totalement à mener guerre contre les ennemys de la foy, tant en Asie, Affricque, que Europe. Finalement il mourut sans heritiers, dont aduint que toute la succession de ses terres & seigneuries aduindrent aux enfans de Charlemagne. Et pour confermer ce que dessus, Annonius en son histoire dict, qu'environ ce temps, les Vvandelz & gens infideles & hereticques sortirent des Espagnes, en diuers lieux, tellement que vne bande entra en France, & feit des maux innumerables, bruslant & destruisant les eglises & monasteres, violans femmes, tuant tous ceulx qui leur resistoient, & vindrent iusques à Sens. Auquel lieu y auoit pour lors vn saint homme euesque nommé Ebo, qui sortit de la cité, & miraculeusement avec ses gens resista tellemēt, que par la grace de Dieu, il deliura sa cité, & chassa lesdictz Vvandelz hors des limites de son pays.

*Martel cōtre Gāyser & Hunal en Acquitaine.*

*Guerin le Lorrain reprima les tirannies de Anselinus à Verdun.*

*Magdalueus est l'euesque de Verdun.*

*Anselinus, tua par trahison Guerin le Lorrain.*

*Gerbert, filz de Guerin mourut sans hoirs.*

*Ebo Archeuesque de Sens.*

*Magdalueus natif de la cité de Verdun.*

¶ Or pour retourner à nostre euesque Magdalueus & cognoistre son estat tant en origine que nourriture, nous trouuons par les anciens registres & Chartulaires de nostre eglise, qu'il fut natif en nostre cité de Verdū d'anciēne noblesse, & du sang des Pepins. Des son ieune aage apres l'institution des premieres escolles nourry, & poursuiuant la court de Pepin Heristel, duquel il estoit aymé & fauorit: Neantmoins il persuera tousiours, en sa premiere deliberation de suiuir & prendre l'estat de l'eglise:

# Le ij. liure des antiquitez de la gaule belgicque,

Tellement qu'auenant l'aage se fait prebstre, pour ce que de son commencement, ses pere & mere l'auoient a ce induict & instruit: Aussi de sa nature estoit plus disposé au seruice de Dieu, qu'en l'ar militaire, & fut tousiours si vertueux & prudent, que ledict Pepin Heristel vloit de son conseil en tous affaires.

Toutefois apres la mort dudit Heristel, & que les grans troubles & dissensions, commencerent entre Plectrudre & Charles Martel comme auons dict, ledict Magdalueus teint plus le party de ladiete Plectrudre, & de son filz qui estoit son parent legitime, que de Charles Martel: Mais voyant l'estat d'iceluy prosperer, & au contraire ladiete Plectrudre fugitiue, se retira à Verdun, solitairement viuant illec & seruant Dieu en nostrediete eglise. En laquelle il estoit pourueu de prebende & dignité: Et fut quelque temps, qu'il n'osoit communiquer ne frequenter avec ledict Martel, doubtant son indignation pour les causes dessusdictes: Toutefois aduint que ledict Martel se recõsilia avec sa marastre Plectrudre apres qu'il l'eut poursuiuie, iusques au royaulme de Burgaire, oultre le Danube, ou elle fut prinse par luy & ramenée en Austrasie, avec sa niepce Sonichilde, & recouura d'elle, tous les tresors de son feu pere Heristel: Ce qui fut cause de ladiete reconciliation, & de celle de Magdalueus: Et depuis fait de grans biens & marya haultement ladiete Sonichilde, & si fut cause de l'election de Magdalueus en nostre euesché, auquel il vesquit longuement & sainctement. Si procura plusieurs biens, rentes & reuenues, comme dirons cy apres, & entreteint en amour & beneuolence ledict Martel, iusques à sa mort.

¶ En l'an sept cens quarante & vn, qui estoit la sixieme année du pontificat de nostre euesque Magdalueus, mourut Theodoric roy de France, & d'Austrasie, au mois de Iuing, au lieu duquel Martel couronna roy d'iceulx royaulmes Childeric troisieme surnommé le Stupide, filz dudit Theodoric: Et en ceste mesme année au moys de Nouembre subsequent, mourut le noble prince Charles Martel apres qu'il eut gouuerné lesdictz royaulmes de France, & d'Austrasie, l'espace de vingt cinq ans, comme escript Anhomius, en la fin du chappitre cinquante septieme du quatrieme Liure, soubz ces termes. *Rexit autem utraque regna annis viginti quinque, &c.* Ledit Martel, laissa trois enfans, deux de sa premiere femme scauoir Pepin le court, le plus ieune, qui entreprint le gouuernement, & principal de la France, Bourgongne, & Aquitaine, & l'autre Carloman, plus aîné, print aussi le gouuernement d'Austrasie avec le pays d'Almagne, situé oultre le Rhin & ce par l'ordonnance testamentaire de leur pere. Et quant au troisieme filz Griffon, qu'il auoit de sa seconde femme encores viuante, il demoura sans gouuernement ne principat, dont il ne fut content comme auons dict. Ce fait, nostre euesque Magdalueus suiuit la court de Carloman, à raison qu'il estoit gouuerneur d'Austrasie: Et soubz luy, fut en grande auctorité & de son conseil, mais il ne demoura gueres audiect gouuernement: Car environ quatre ans apres, ledict Carloman, inspiré du saint esprit, habandonna le monde, s'en alla à Rome, & print habit de religion, fait les veux, es mains du Pape Zacharie, & se retira en vn monastere qu'il ediffia & fonda, au mont de Serap, ou Sorax, en l'honneur de saint Siluestre, qui estoit le lieu, ou ledict siluestre s'en alla mucer, au temps de la persecution de Constantin: Toutefois depuis, pource que ledict lieu estoit trop frequenté des passans, & estoit sur le chemin des Francoys, allés à Rome, il se retira en l'abbaye du mot de Casine, pour mieux vacquer en contemplation: & de ce aduint, que son frere Pepin le Court, print seul l'administration & gouuernement desdictz deux royaulmes de France & d'Austrasie, comme son pere Martel, les auoit euz. Et lors ledict euesque Magdalueus, fut receu en tresgrand faueur diceluy Pepin, & entre ses premiers conseillers, signanment es affaires d'Austrasie.

¶ En l'an sept cēs cinquāte, Pepin voyāt l'imbecilité du roy Childeric, appelé cōmunelement, l'insensé, delibera en luy mesme trouuer l'occasiō legitime d'entreprendre & s'aproprier l'auctorité & sceptre, des royaulmes de France, & d'Austrasie: Et pour ce faire enuoya à Rome vers le Pape Zacharie, deux tresscauās personages, scauoir Richard, euesque de Vvisebourg & Frubradus son chappellain, Abbé de saint Denis. Lesquelz

Magdalueus tenoit le party Plectrudre contre Charles Martel.

Magdalueus recõseillé avec Charles Martel.

Childeric le Stupide, roy de France & d'Austrasie

La mort dudit Charles Martel.

Les trois enfans de Charles Martel.

Carloman, print habit de religion.

Pepin, gouuerneur des royaulmes de France & d'Austrasie.

Pepin desirant estre roy, enuoya vers le Pape Zacharie.

# depuis Pharamond iusques à Charlemagne. F.cxxxi.

quelz arriuez à Rome, vindrent au consistoire, & interroguerent le pape, qui estoit plus digne d'estre roy, ou celuy qui n'auoit science ny entendement pour garder & deffendre la republicque d'u royaulme, ou celuy qui auoit sens, prudence, & vaillance pour gouverner, bien conduire, deffendre, & augmenter icelle: A quoy respondit le Pape Zacharie que celuy debuoit estre roy, qui auoit le pouuoir, & scauoir. Delaquelle responce les François, apres le retour desdictz Ambassadeurs prindrent occasion & auctorité, instituer & couronner pour leur roy ledict Pepin & contraindre ledict Chilperic comme fol & inutile entrer en religion: Et l'an suivant sept cens cinquante & vn, fut Pepin, confirmé roy par ledict Pape Zacharie, qui delegua le saint homme Boniface, Archeuesque de Magonce, pour le sacrer en l'eglise principale de Soissons. Auquel sacremēt fut present nostre euesque de Verdū Magdalueus.

¶ En l'an sept cens cinquante trois, par la mort de Zacharie pape, fut esleu Estienne deuxieme du nom qui endura plusieurs maulx, extortions, & molestations du roy de Lombardie, Aistulphus, & si ne peult trouuer secours ny ayde de l'Empereur nommé Constantinus, pour lors regnans en Constantinoble, dont aduertty secretement le roy Pepin, qui pour auoir occasion le deffendre contre ledict Aistulphus, & prendre la tutelle de l'eglise romaine, sans donner à congnoistre que ce fust à la sollicitation du Pape comme escript Nauclerus, en la generation vingtcinquieme, enuoya deux grans personnages ses Ambassadeurs: A scauoir Godegrandus, euesque de Metz & Ancharius, l'un des principaulx princes de sa court, à Rome, vers ledict Pape estienne, luy priant venir en France, pour aucuns affaires de son royaulme. Si escriuit audict roy Aistulphus, le laisser passer seurement & sans empeschement, par son royaulme de Lombardie, ce qu'il feit, non pas par bon vouloir: Mais par crainte dudit roy Pepin, qui receut le Pape en son royaulme, en tresgrand honneur & reuerence: Car aduertty, qu'il venoit, luy enuoya cent lieues au deuant, son petit filz Charles, qui depuis fut appellé le grant, pour le recepuoir honorablement, & en sa compagnie, enuoya plusieurs de la noblesse & prelatz d'eglise: Entre lesquelz y fut nostre euesque Magdalueus. Et quant il sceut qu'il estoit à trois lieues de Paris, alla au deuant avec sa femme Berthe, & ses enfans, descendit de son cheual, luy baïsa les piedz, & print le cheual sur lequel il estoit monté par la bride & le mena à Paris iusques à son logis qu'on lay auoit preparé. Quant le Pape eut esté quelque temps à Paris, il alla visiter l'eglise saint Denis, en France, ou luy survint vne grosse & longue maladie, delaquelle touttefois il fut guarý: Et deslors il oignit & sacra de rechef ledict roy Pepin, en ladicte elglise saint Denis, & donna sa benediction à ses deux ieunes enfans, Charles, qui depuis fut dict le grant, & Carloman, en les confirmant à iamais vrayz heretiers, & leur posterité, du royaulme de France, donnant malediction à tous ceulx qui desormais y voudroient contreuenir ou les empescher. Ce fait ledict Pape visita plusieurs eglises par le royaulme de France, & puis vint en Austrasie acompagné dudit roy Pepin, fut en la cité de Metz receu reuerement par Godegrandus, euesque du lieu, qui l'auoit amené en France, come auons dict, & de la vint en nostre dicte cité de Verdun, visita les eglises, & print tresgrand amour & familiarité à nostre euesque Magdalueus, pour ses vertus: Car pour lors il estoit en tresgrand bruiet de saincteté. Et de ce escript Bertarius nostre historien, qu'apres q' ledict pape eut veu & cogneu la desolation de nostre eglise, les alienations & oppressions faictes par l'entreprinse du Côte Anselinus, en forte q' les charnoynes n'auoient suffisantes rentes ne reuenues, pour leur entretenement, il procura enuers ledict roy Pepin, plusieurs terres & seigneuries, qu'il bailla & aulmosna à nostre dict euesque Magdalueus, en faueur de ladicte eglise: Entre lesquelles donatiōs ledict Bertaire nomme les seigneuries de Vvasnaum, de Vvarmenficourt, & Ramibaccium, que les anciens dient estre Rabecourt, desquelles il bailla lettres patentes soubz signes de sa main, qu'il tesmoigne auoir veu, aux coffres, & arches de nostre dicte eglise. Dauantage il escript, que ledict roy donna à ladicte cité de Verdun,

*Childeric, delecté du royaulme, & Pepin crée roy.*

*Pepin cōfirmé roy de l'auctorité apostolicque.*

*Le roy Pepin tira le pape Estienne. ii. en France.*

*Honorable reception du Pape en France.*

*Nouvelle consecration du roy Pepin par le Pape Estienne. ii. qui cōfirma sa posterité en la succession du royaulme.*

*Le Pape Estienne deuxieme à Metz & à Verdun.*

*Le roy Pepin, à la petition du Pape dōna plusieurs terres & seigneuries à l'eglise de Verdun.*

*Vvanau & Rabecourt donnez par Pepin à l'eglise de Verdun.*

# Le ij. liure des antiquitez de la gaule belgicque,

plusieurs beaux priuileges, libertez & franchises

*Le pape Estienne consacra l'abbaye saint Michel pres le roy Pepin.*

*L'eglise Romaine en la protectio du roy Pepin.*

*L'augmentatiõ de l'eglise de Verdun soubz l'euesque Magdalueus.*

*La iurisdicthõ des euesques de Verdun insques en Acquitaine.*

*Saint Magdalueus delibera entreprendre le voyage de Hierusalem.*

*L'eglise de Verdun l'itres & ioyaux totalement bruslez.*

¶ Le trouue aussi par bulles autenticques en l'Abbaye de saint Michel que ledict Pape, present ledict roy Pepin, & son filz charles, dedia en personne ladicte Abbaye, estant encorès pour lors, située sur la montagne de Castellion, au lieu qu'on appelle de present vieux montier, & y donna plusieurs grans pardons & indulgences, & le roy plusieurs priuileges & franchises. Apres toutes ces choses, & que ledict Pape eut donné à entendre les grandes molestatiõs & oppressiõs que faisoit le dessusdict roy des Lombardz à l'eglise Romaine, ledict roy Pepin, la print en sa garde & protection, comme auoit fait son pere Martel. Si leua grosse armée pour conduire le Pape, & alla iusques en Lombardie, ou il contraindit par force, ledict Aistulphus, accorder & appoincter avec ledict Pape. Auquel il bailla grosse compagnie de gens, pour le rendre seurement en son siege Pontifical à Rome. Ce fait, nostre dict euesque Magdalueus, qui l'auoit semblablement conduit, retourna en sondict euesché de Verdun, ou il meit nouvelle reformation, augmenta grandement les prebendes de ses confreres, des biens que le roy luy auoit donné: Dauantage il se occupa à reparer, & r'edifier les eglises par tout son diocese, & si retira en l'obeissance de son eglise de Verdun, aucuns monasteres & abbayes, qui festoient alienées & substraictes du gouuernement & regime que d'ancienneté appartenoit à la dicte eglise: Combien qu'elles feussent situées hors des limites de son diocese, & en pays loingtain: Entre lesquelles y auoit en Acquitaine, l'Abbaye de saint Amand, in Rodonia, ou Rotenia, & deux terres de fief, Maderniacum, & Puliniacum &c.

¶ Ledict Bertarius escript, que le saint homme Magdalueus, souuent visitoit ladicte Abbaye, & alloit en Acquitaine pour reformer ce qui estoit en desordre: Et pour mieux animer & induire les religieux d'icelle abbaye au seruice diuin, il les preschoit, & leur portoit les liures des gestes & miracles faitz, par ses predecesseurs euesques de Verdun. Dont aduint que long temps apres la ruine & destruction de nostre dicte eglise qui fut par inconuenient de feu, & à diuerses fois, tellement que les anciennes lettres, chartres, & munimens des premieres fondations, furent toutes bruslées & perdues, on en retrouua plusieurs enseignemens en Acquitaine: & dict Bertarius que pour ceste cause de son temps on trouuoit plus facilement les vies gestes & miracles, des saintz, Venne, Agry, Paul noz euesques, en la cité de Marseille, & es lieux circouoisins, oultre Loyre, qu'on ne faisoit, en nostre dicte cité de Verdun.

¶ Or nostre bon euesque Magdalueus, perscueroit tousiours de biẽ en mieulx, tant en ieunes, oraisons, aulmosnes, qu'en l'administration de sondict euesché, reformation des meurs, augmentation du saint seruice diuin, qu'en l'entretienement des rentes & reuenues, pour la substance & nourriture de ses confreres chanoynes: Tellemẽt qu'il estoit aymé, craint & honoré de tous ses subiectz.

¶ Et vn iour enuiron l'an sept cens cinquante sept, voyant son eglise en bon ordre, se delibera combien qu'il fust fort ancien, entreprendre le saint voyage de Hierusalem: Et pour ce faire, fut quelque temps, durant lequel, fait ses preparatiõs, sans declarer son vouloir à personne. Ce fait, lors qu'il pensoit partir, luy aduint vne tresgrande fortune, car son eglise fut toute bruslée par inconuenient de feu, ensemble les anciennes lettres des fondations avec les relictues, ioyaux, aornemens & plusieurs autres biens de ladicte eglise, qui fut cause retarder son voyage, sans toutefois desister de son propos, car auant son partement, il feit diligence preparer tout ce qui estoit necessaire pour r'edifier ladicte eglise, trouuer maçons & ouriers, avec lesquels il marchada, & si ordonna gens pour y assister & solliciter ledict ouurage, pendant son absence.

¶ Or pource qu'il failloit grand somme d'argent pour satisfaire & fournir à tel ouurage, & faire son voyage, & que tous les biens de son eglise estoient bruslez, perduz, & consommez, il se retira vers son Metropolitan Archeuesque de treues, & vers ses cõfreres euesques circouoisins cõme Metz, Reims, & Toul, desquelz il obtint grande

# depuis Pharamond iusques à Charlemagne. F.cxxxii.

grād somme de deniers, pour r'edifier ladicte eglise: Et pour lors estoit Archeuesque de Treues, vn sainct homme nommé Ydulphus, extraict d'ancienne noblesse de la Gaule Belgicque, du pays de Nerehis que nous disons Tournay, qui pour sa grandé litterature fut esleu Archeuesque de ladicte cité de Treues, contre sa volüté: Car tost apres, pour eiter les cures & sollicitudes mondaines, ayant desir seruir à Dieu seulement, laissa son Archeuesché & print l'habit de religion au monastere de sainct Dyé en Voige, au diocese de Toul. Si ediffia vn autre monastere en vn lieu circonuoisin nommé Mediacum. Il donna grās biés à nostre euesque Magdalueus, pour r'edifier son eglise, auant quil eut prins l'habit de religion: Et le semblable feit l'euesque de Metz nommé Godegrandus, aliàs Grodogandus, fort riche, & oppulent, natif d'Habbain, filz du Comte Sigranus, & nepueu de l'ancien Pepin (de par sa seur nommée Landrada) homme trescauant & eloquent, qui fut Referédaire, ou Châcellier, soubz Charles Martel, & depuis soubz le roy Pepin, par l'ordonnance duquel il alla à Rome, & amena en France, le Pape Estienne, deuxieme du nom. Cestuy fut remply de toutes vertus & bonté nommé le pere des pauures, & fait innumerables biens en son eglise de Metz, augmenta les rentes de ses confreres, & les fait viure en cloistre & communauté. Il ordonna en icelle eglise, les heures & offices diuins estre chantez par mesure de musique, selon la coustume & vsage de l'eglise Romaine, ce que parauant ne se faisoit. Il ediffia sumptueusement le cueur de ladicte eglise avec le Reuestiaire, & si fait faire vn Lectrié au cueur tout couuert d'or & d'argent. Il fonda deux Abbayes de l'ordre sainct Benoid audiēt Euesché de Metz. Dont l'une fut en vn village nommé Mozelen en l'honneur de sainct Pierre, & l'autre fut l'Abbaye de Gorze, qu'on void iusques auiourd'huy, fondée & douée de tresgrandes rentes & reuenues: Et depuis pour la seconde fois fut à Rome, du temps du Pape Paul, duquel il obtreint trois corps saintz, qu'il transferra de Rome, en nostre Gaule Belgicque, à sçauoir sainct Gorgon, quil meit en ladicte Abbaye de Gorze, le corps saint Avoulx, aliàs Naboris, qu'il meit au monastere dict Illiriacum. Et le troisieme fut le corps saint Anazar, aliàs Nazariū qu'il bailla à vne Abbaye, appelée Lorishan, située oultre le Rhin, que le Comte Canthur & sa bonne mere Chillifindis, auoient ediffié l'an parauant.

*Grodogandus, euesque de Metz, donna grans biés pour r'edifier l'eglise de Verdun.*

*Fondation de l'abbaye de Gorze.*

¶ Semblablement l'euesque de Toul, nommé pour lors Iacob, homme de sainte vie, imitateur dudiēt Ydulphus Archeuesque de Treues, obtit par les vertus du roy Pepin, l'abbaye de sainct Dyé, en Voige, ou lediēt Ydulphus, s'estoit retiré en religion, & par l'inductiō d'iceluy, lediēt Iacob, laissa son Euesché, Et se fait religieux à sainct Benigne, de Dyion, ou il est inhumé, réputé saint: Et si fonda vn prieuré dudiēt ordre, en sondiēt Euesché de Toul, en l'honneur diceluy saint Benigne, qu'on appelle à present sainct Belin. Cestuy fait beaucoup de biens, & donna grande somme d'argent à nostre euesque Magdalueus, pour r'edifier son eglise.

*Iacob, euesque de Toul, donna grās biens pour r'edifier l'eglise de Verdun.*

¶ Nous lisons ausi en noz anciens chartulaires, que l'Archeuesque de Reims nommé pour lors Abel, aulmosna grande somme d'argent audiēt Magdalueus. Cestuy Abel, pour ses grans vertus & doctrine, fut Archeuesque de Reims, par l'intercession que sainct Boniface Archeuesque de Magonce, fait au Pape Zacharie, quelque temps apres q̄ Rigobertus fut expulsé dudiēt Archeuesché, par Charles Martel. Laquelle prouision fut approuuée, par le roy Pepin, à la petition dudiēt Boniface, qui l'auoit de l'auctorité du Pape, couronné roy: Et par ce mesme moyen, deux saintz homes, à sçauoir Bruno obtreint l'Archeuesché de Rouen, & Heribertus, obtint celuy de Sens.

*Abel Archeuesque de reims, donna grans biens à l'eglise de Verdun.*

¶ Apres que lediēt Magdalueus, eut fait telles prouisions, & commis gens en son absence, pour besongner à son eglise, declaira son vouloir, & partit de Verdun, pour faire son voyage de Hierusalem, contre la volüté & au grant regret de tout le peuple & clergé, qui ploroit & lamentoit piteusement à son departement: Mais il les cōsola begninemēt, les exhortant auoir leur fiance en Dieu, & le prier deuotemēt le biē cōduire & ramener. Il passa par la Frâce & veit en Italie, & iusqs à Rome ou il fut benignement receu, par le Pape Paul pmier du nō, qui le retint quelque tēps à Rome,

*Magdalueus partit de Verdun pour faire son voyage de Hierusalem.*

con-

# Le ij. liure des antiquitez de la gaule belgicque,

*Magdalueus, present à Rome à la trāslatiō du corps sainte Petronille.*

conferant avec luy de plusieurs bonnes & saintes choses. Car il estoit grant zeleur de gens vertueux & sçauans: Et pēdent ce mesme temps, que Magdalueus estoit à Rome, ledict Pape translata le corps sainte Petronile, fille de saint Pierre Apostre, du lieu ou elle auoit esté premierement inhumée, appelé, *Via Appia*, au lieu dict, *Vaticanum*, dedans vne eglise illec erigée en l'honneur dudiect saint Pierre son pere. En faisant ladicte translation fut trouué comme dict Sigebert, vn Epitaphe sur le Tombeau de marbre, escript de la main saint Pierre, en ces termes; *Petronilla dilectissima filia*. Finalement apres que nostre dict euesque Magdalueus, eut longuement visité les eglises & saintz lieux de Rome, & receu benediction du Pape, il se partit pour parfaire son voyage, passa par Calabre, & Apulie, visita l'eglise de mōsieur saint Michel l'Archange, au mont Gargan: Et estant illec, coucha, par plusieurs nuitz, pres les portes de ladicte eglise, ou il eut plusieurs reuelations angeliques, des choses futures. Ce fait, s'embarqua en la mer, ou il endura merueilleuses tribulations & retardations de son voyage, par les grans perilz & tempestes de la mer: Tellement que souuenies fois les Nautonniers & mariniers, furent totalement desesperez, n'attendans que la sub-

*Saint Magdalueus au mont de Gargan.*

mersion du nauire, & consequemment la mort: Mais le bon Magdalueus, les confortoit & les radressoit en l'esperance de Dieu, de sorte qu'ilz l'auoient en grant hōneur & reuerence, estimans en croyant fermemēt, que sans ses merites ilz n'eussent iamais cuité lesdictz perilz. Si feirent tant par leurs iournées, qu'ilz arriuerent à Constantinoble, ou pour lors Constantinus cinquieme du nom surnommé Copronimus tenoit l'Empire, lequel, combien qu'il fust homme mauuais sortilege & hereticque, le feict venir vers luy: Et voynt la reuerēte vieilleſſe & grauité du personnage, le receut honorablement, & luy fait plusieurs beaux dons, lesquelz depuis il rapporta en son eglise de Verdun.

*Les perilz de la mer ou fut Magdalueus.*

*Saint Magdalueus à Constantinoble.*

¶ De la Magdalueus, vint en Ephese, qui est vne cité du pays de Lydie. Auquel lieu il visita le sepulchre saint Iehā l'Euangeliste, & luy fut monstré le corps de la Magdalene, que vn chascun pouuoit veoir facilement, en vn sepulchre sans couuerture. Si esmeut vne question & difficulté, entre les prebstres, gardiens d'iceluy sepulchre, disant & mestant en auant, que l'eglise Occidentale, & Latine, fermement tenoit & croyoit qu'apres la lapidation saint Estienne, saint Maximin, l'un des septante deux disciples de Iesuchrist, auoit amené la Magdalene, en la Gaule, & apres sa mort, auoit inhumé son corps en la cité d'Aix, aliàs Aquensis, en Prouence, laquelle cité depuis nagueres, à sçauoir l'an sept cens quarante & cinq auoit esté prise & destruite par les infideles, & le corps venu en leurs mains. Quoy voyant vn Comte de Bourgogne nomé Geraud, estant pour lors illec, auoit rachepé ledict corps desdictz infideles moyennant grande somme d'argent, & transporté en son pays de Bourgogne, en vn monastere fondé en vne petite ville nommée Vezelay, qu'on void actuellement, comme chose bien approuée, par les grans miracles qui si faisoient iournellement. Ceste question & difficulté, fut quelques iours traitée & ventilée entre ledict euesque Magdalueus, & les prebstres & docteurs Ephesiens: Et finalement fut accordé entre eulx, quil n'estoit incōueniēt q̄ miraculeusemēt & par permissiō diuine & operation supernaturelle, vn mesme corps ne fut en diuers lieux, & en vn mesme temps, & que souuent Dieu permētoit telz miracles, tant en faueur des fideles chrestiens, à fin d'augmenter le zele de leur deuotion, qu'aussi ayant esgard aux merites d'aucuns saintz, les corps desquelz il veult estre honorez & venerēz en diuers lieux, cōme on peut prouuer & monstrer du boys de la vraye croix, honoré & venerē, en tant de diuers lieux, que si toutes les portions estoient assemblées, on en trouueroit vne excēsiue quantité: Et le semblable se pourroit faire des reliques des corps saintz Iean baptiste, saint Jacques, & d'autres, qu'on monstre en diuers lieux.

*Magdalueus en la cité de Ephese.*

*Question du corps de la Magdalene trouué en deux lieux.*

*Les corps saintz miraculeusement peuuent estre en diuers lieux, en vn mesme temps.*

¶ Apres ceste disputatiō, nostre euesque Magdalueus, gaigna la grace des Ephesiens, de sorte qu'ilz luy baillerent deux dentz de ladicte Magdalene, avec quelque portiō de ses cheueux, ce qu'il rapporta en nostre cité de Verdun comme dirons cy apres. Ce fait Magdalueus monta de rechef sur mer, & vint aborder à la cité de Iaphet port de



# depuis Pharamondiusques à Charlemagne. F. cxxxiii.

de mer de la Sirie: & de la (côme dict Bertarius) print son chemin par terre, & veint en Hierusalem, ou il fut plusieurs iournées visitant le sepulchre de Iesuchrist, & les lieux sainctz, ou nostre sauveur à fait nostre redemption: & pour lors estoit Patriarche de Hierusalem Basilius: combien qu'aucuns de noz historiens, ont escript que c'estoit Eusebius: mais cela ne peult quadrer ne conuenir en la supputatiō du temps.

¶ Et fault icy que les lecteurs notent, que pour le tēps que Magdalucus, feit son voyage, ladicte cité estoit principalement tenue & occupée par les Sarrazins, qui au parauant, enuiron l'an six cens quatre vingtz, auoyēt recouuert ladicte cité, tué & deiecté tous les chrestiens, & n'auoyent laissé que le Patriarche, nommé pour lors Sophronius, premier du nom, avec quelque petit nombre de chrestiens, qui tenoyent le sainct sepulchre, soubz eux, & avec grans tributz: Tellement que quant Magdalucus, arriua illec, ledict Basilius estoit Patriarche, qui le receut en grande reuerence: & apres qu'il eut par plusieurs foys conferé avec luy, & cogneu ses vertus & son sçauoir, ensemble le bon zele qu'il auoit à l'augmentation de la foy chrestienne, print telle amitié & societé, avec luy qu'il chercha tous les moyens à luy possible de retenir ledict Magdalucus, pour demeurer & faire sa residence en Hierusalem, avec luy, vsant de vehémentes exhortatiōs, douces prieres & monitions equiuales à commandemens obligatoires, & quasi necessaires à ce faire, pour la manutention & entretenement de la foy chrestienne, audict lieu de Hierusalem: Tellement le persuada ledict Patriarche qu'il le rendit perplex & ne sçauoit qu'il deuoit faire, comme quasi conuaincu à obtempérer à ses petitiōs. Toutefois quelque iour apres, le bō Patriarche, eut par reuelation diuine, qu'il ne le deuoit retenir, mais l'induire à retourner en son pays, tāt pour le grant proffit de son peuple, qu'il auoit laissé, que pour parfaire & réedifier son eglise, qu'il auoit commencé auant son partement: A quoy ledict Patriarche humblement obtempéra: & deslors consentit son retour, & luy donna plusieurs belles reliques de la saincte cité, ensemble des corps sainctz & autres ioyaux precieux, qu'il rapporta en nostre dicte cité: entre lesquelz y auoit vn calice de cristal, qui par longues années a esté gardé au sainctuaire de ladicte eglise de Verdun.

¶ Les historiens de noz eglises, font mentiō, qu'il eut innumerables labeurs, troubles, vexations en son retour, & constitué en diuers perilz & dangers de la mer, plusieurs foys, lesquelz il euit finalement, par ses prieres, & la bonne esperance qu'il auoit en Dieu: Et retourna en nostre cité de Verdun, ou il fut receu en grande ioye, d'vn chascun: & depuis en toute diligence, feit parfaire & acheuer son eglise, & assigna iour, pour la dedier. Auquel iour il mit par grande reuerence, toutes les reliques, qu'il auoit rapportées de son voyage, en ladicte eglise, en vn lieu qu'il auoit préparé & fait voultre par maniere de crupte, en la muraille de la partie dextre du maistre autel: entre lesquelles y auoit vne des dentz de la Magdalene, qu'il auoit obtenu en Ephese, que l'on void encores presentement en ladicte eglise, & l'autre dent, avec les cheueux de ladicte Magdalene, qu'il auoit rapporté, les mit en vne petite eglise, ou chapelle, qu'il feit edifier nouvellement, en l'honneur & soubz le tiltre de saincte Magdalene, au lieu, ou on void encores au iourd'huy en nostre cité l'eglise collegiale d'icelle: & à l'enuiron feit eriger aucunes celles & maisons, esquelles il mit femmes penitentes, viuantes illec, soubz forme de religion, à l'exemplarité de la saincte Magdalene, & leur assigna rentes, & reuenues, pour viure illec sainctement & seruir Dieu. La quelle fondation dura pres de deux cens ans. Toutefois par succession de temps, aduenantes les miseres, calamitez, & oppressiōs des guerres, par les Danoys, Normans, & autres peuples barbares, ledict monastere tourna en ruine, & les rentes perdues, de sorte que les religieuses laisserēt le lieu inhabité, & n'y demeura qu'vne petite chapelle bien desolée, iusques enuiron l'an de grace mil dixhuiet, qu'vn Archediacre de nostre eglise cathedrale, appellé Hermenfredus, feit réedifier icelle chapelle, & eriger vne belle eglise, ou il fonda magnifiquement vn college de Chanoyens, soubz le mesme tiltre de la Magdalene, comme nous dirons de tout plus amplement, selon l'exigence du temps.

*Magdalucus receu en Hierusalem par Basilius Patriarche.*

*Exhortations du Patriarche de Hierusalem, induisant Magdalucus, à faire sa residence.*

*Reliques & precieux ioyaux que Magdalucus apporta de Hierusalem à Verdun.*

*Retour de Magdalucus, & de son voyage de Hierusalem à Verdun.*

*Erection premiere de l'eglise de la Magdalene à Verdun.*

*Religieuses premierement fondées en l'eglise de la Magdalene.*

## Le.ii.liure des antiquitez de la gaulle belgicque,

¶ Pour retourner à nostre euesque Magdalueus, duquel nous lifons, qu'apres les choses dessusdictes parfaites, il s'adonna totalement au seruice de Dieu, perleuerant en toutes bonnes oeures, ieunes, oraisons, & aulmosnes & maceration de son corps: en sorte que durant sa vie, par la permission de Dieu, il feit plusieurs miraculeuses oeures, signanment sur les demoniacles & possedez du diable. Finalement enuiron l'ã sept cens soixante deux, estant en vn village, pres de Verdun, appellé Neufuille, qui estoit de son ancien patrimoine, tũba en grieue maladie, de laquelle il cogneut qu'il decederoit. Si disposa saintement de tout son cas, & bailla par son testament ledict village de Neufuille, avec la seigneurie & forte maison d'iceluy, à ses successeurs euesques de Verdun, & puis rendit son esprit à Dieu, le quatrieme iour d'Octobre de ladiete année, apres qu'il eut tenu son euesché, vingt sept ans, & de son aage quatre vingtz deuxieme: & par tant on peut cognoistre qu'il veid les regnes & le temps de Pepin Heristel, Charles Martel, Pepin le court, & Charlemagne, auant toute fois qu'il fust roy. Car ledict Charlemagne commença à regner l'an sept cens soixante huit: & ledict Magdalueus mourut enuiron six ans parauant, apres la mort duquel nostre euesché vacqua enuiron douze ans, comme dirons cy apres.

*La mort de saint Magdalueus, euesque de Verdun.*

*La seigneurie de Neufuille, donnée à l'eglise de Verdun par Magdalueus.*

*L'euesché de Verdun vacqua douze ans, apres la mort de Magdalueus.*

*S. Magdalueus inhumé en l'eglise S. Venne de Verdun.*

*Des deux Colombes venues aux obseques de Magdalueus.*

*Le corps de saint Magdalueus canonizé par le Pape Leon.iii.*

*Aduertissement aux lecteurs pour la supputation du temps de la mort de S. Magdalueus.*

¶ Or quant la mort de nostre dict bõ euesque Magdalueus, fut publiée & cogneue, il y eut si grans pleurs & lamentations par tout son diocese, que c'estoit pitoyable chose à veoir la confluence & multitude du peuple, tant de la cité, que des enuironz, qui veindrent audict lieu de Neufuille: & honorablement, & reueremment porterent le corps à Verdun, pour l'inhumer en l'eglise saint Pierre & saint Paul, qu'à present disons saint Venne, comme il l'auoit ordonné. Et illec furent faitz & celebrez ses obseques & fũnerailles. Durant lesquelz miraculeusement apparurent deux Colombes blanches, sur la croix, estant deuant son corps, & demurerent illec iusques à la fin d'icelz obseques, & que son corps fust inhumé en ladiete eglise, en vn monument ad ce préparé. Pour lequel visiter des lors & par apres commencerent gens de toutes partz, venir en grande affluence, pour les miracles qui s'y faisoient iournellement, & continuerent iusques enuiron quarante ans apres, Auquel temps l'Euesque Austranuus, uant, le Pape Leon troysieme du nom, à la clameur & petition du peuple, & par autorité d'icelz Pape, feit ouuir le tombeau, leuer son corps & mettre en fierte, ou chaste d'argent, comme on void encores de presents: & pour mōstrer & verifier la sainteté de luy, & que chastement auoit vescu tout le tẽps de sa vie, on trouua son corps tout entier, & sans corruption, rendant si bonne odeur, que plusieurs malades illec assistans estoient gueriz, comme recitè Bertaire, & les anciennes histoires de nostre eglise de Verdun.

¶ Oultre fault icy noter, pour accorder les temps de la vie, & mort d'icelz Magdalueus que les lecteurs doibuent corriger & reformer les catalogues, qui sont en l'eglise de saint Venne, & autres monasteres de nostre cité. Car en iceulz y a grande diuersité & erreur en la supputation du temps, par ce qu'ilz escriuent que nostre euesque Magdalueus mourut l'an sept cens cinquante huit, & qu'il viuoit du temps des Papes Estienne troysieme du nom, & de Adrian son successeur. Ce qui ne peut estre vray, attendu que ledict Estienne troysieme, fut Pape crée l'an sept cens septante vn. Encores moins consisteroit en verité, ce que la legende d'icelz Magdalueus dict, à scauoir qu'il trouua en Constantinoble faisant son voyage de Hierusalem, l'empereur Nicophorus: Car cestuy fut Empereur l'an de grace huit cens & troyz, & pour plus amplement monstret les erreurs dessusdictes, il est tout notoire qu'apres la mort de Magdalueus, nostre Euesché de Verdun, vacqua par douze ans: durat lesquelz Amalbertus, administra l'Euesché (cõme dict Bertarius) iusques à tãt que Charlemagne la bailla à Petrus, natif d'Italie, pour recõpense du seruice qu'il luy auoit fait, à la prinse de Didier roy de Lombardie, en la cité de Paue. Ce qui fut fait l'an sept cens septante & quatre: Et en ceste mesme année ledict Petrus, fut Euesque de Verdun, lequel Euesché auoit vacqué douze ans, depuis la mort d'icelz Magdalueus: Et partant comme auons dict, fault conclure que Magdalueus, mourut l'an sept cẽs soixante deux.

¶ Des

# depuis Pharamondiusques à Charlemagne. F. cxxxiiii.

## Des Papes qui ont tenu le siege du temps de l'Euesque Magdalueus.



**REGORIVS**, troyfieme du nom, duquel auons escript en l'Euesque precedent, fut Pape quelque temps, durât que Magdalueus estoit Euesque de nostre cité de Verdun.

**Zacharias** natif de Grece, fut esleu Pape, l'an sept cens quarante, nommé entre les bons Papes. Hōme oultre ses vertus & sçauoir, doux, & amiable, zelateur de l'amour & honneur de Dieu, du clergé, & de toute la republicque chrestienne. A son commencement alla en personne, vers le roy de Lombardie Luytprandus, pour accorder la querelle qu'il auoit, au Comte de Spolete : au deuant duquel veint en grande reuerence. Lediēt roy obtempera à tout ce qu'il luy demāda. Il fut curieux & diligent aux edifications & reparations des eglises. Il prohiba aux Venitiens la coustume qu'ilz auoient de vendre les chrestiens aux infideles : & pour ce qu'il estoit doctē & sçauant es langues Grecque, & Latine, il translata de Latin en Grec, les Dialogues sainct Gregoire, & fit edifier vne eglise en l'honneur d'iceluy. Finallemēt plain de toutes oeuvres vertueuses, en beniuolence d'vn chacun, deceda apres qu'il eut tenu le siege dix ans huiēt moys.

*Zacharie. iiii. xxx. xiii. Pape.*

**Estienne** deuxieme du nom, natif de Rome, fut esleu Pape, l'an sept cens cinquante deux, du consentement d'vn chacun, sans aucune contradiction. Homme de singuliere doctrine & religion, grand predicateur de la loy euangelicque, prudēt, amateur du clergé, & grant aulmosnier & subleuateur des pauvres: Et pource qu'il ne pouuoit reprimer les molestations, & entreprises, du roy Aistulphus, Lombard, il veint en France, vers le roy Pepin, qui le receut à grant honneur & reuerence, & par luy fut sacré roy de France, & commença à transferer l'empire de Grece, aux François, ce que depuis fut consommé, & parfait, par le Pape Leo troisieme. Finallemēt apres auoir mis l'eglise Romaine en trāquillité, & tenu le siege cinq ans, deceda au grant regret de tous.

*Estienne. ij. du nō iij. xx. xiiij. Pape*

**Paulus** premier du nom, frere du dessusdict Estienne, fut esleu Pape, enuiron l'an sept cens cinquante huiēt: combien qu'en son election y eust quelque controuersie, par ce qu'aucuns vouloyent preferer l'Archidiacre Theophilactus: mais la pluspart, & la meilleure partie teint pour lediēt Paulus, qui estoit de tresgtād sçauoir & doctrine, & instruiēt soubz les Papes Gregoire deuxieme, & troyfieme, & Zacharie: Des meurs desquelz il fut imitateur, si doux & clement, que jamais ne print vengeance de ses aduersaires, & estoit si pytoyable aux pauvres, qu'il subuenoit & visitoit tous malades & oppressez de pauureté: & mourut apres qu'il eut tenu le siege dix ans, & vacqua le siege vn an entier,

*Paul premier du nom. iij. xx. xv. Pape.*

## Des Empereurs, regnans du temps de l'Euesque Magdalueus.



**LEO** troyfieme, duquel auons escript cy dessus en l'euesque Pepo, regna du temps de nostre Euesque Magdalueus, enuiron six ans, iusques à l'an sept cens quarante deux.

**Constantinus** cinquieme du nom, filz dudiēt Leon troysieme, obtint l'Empire en l'an sept cēs quarāte deux,

*Constantinus. v. du nom. lxxi. Empereur.*

## Le.ii.liure des antiquitez de la gaule belgicque,

deux, & fut surnommé Coproninus, pour ce, qu'en le baptisant il infecta les sainctz fons, par ses excrementz naturelz. Il fut imitateur, & exceda les tyrannies de son pere, tout le temps de sa vie, vsant & se delectant, des arts magicques, & malefiques inuocations des diables, homme pernicieux, cruel tyrannicque, persecuteur des sainctz canons & institutions ecclesiasticques, destructeur des images de Dieu, & des sainctz, homicide des religieux & catholicques, fauteur des hereticques, lequel fut excômu- nié & anathematizé, par le Pape, pour ce qu'il demoura obstiné en son heresie, & de- testable vie. De son temps fut si grande pestilence en Constantinoble, que les mai- sons demouroient pour la pluspart inhabitées. Finalement apres qu'il eut regné en- uiron trente cinq ans, mourut miserablement par diuine punition & maladie, qui le brusloit, comme feu, criant hurlant, ie suis exposé encores viuât en feu inextinguible. Et laissa vn filz, nommé Leo, qu'il auoit maryé à Hirenc, femme d'excellente bonté & beaulté.

### ¶ Des roys de France & d'Austrasie regnans durant ledict Eues- que Magdalucus.



**THIERRY, OV THEODORIC**, duquel auons escript en l'Euesque Volchisus, teint les deux royaumes de France & Austrasie, enuiron six ans, du commencement de Magdalucus.

*Childeric. iij. du nom. xxij. roy de France, & xx. d'Austrasie.*

**Childeric** troysieme du nom, filz du dessusdict Thierry (& selon aucuns estoit son frere) fut institué roy de Frâce, & d'Austrasie, par Charles Martel, en l'an sept cens quarante vn: en laquelle année ledict Martel, mourut, & son filz Pepin luy succeda es Mairies du Palays, & gouuernemēt desdictz royaumes: Car ce stuy Childeric, vesquit comme ses predecesseurs, en volupté & oyfueté: tellement qu'il fut hay & moqué des Princes & du peuple de Frâce, qui l'appelloient insensé, inu- til, & stupide. Et furent tant faschez de son gouuernement, apres qu'il eut regné neuf ans, qu'ilz enhorterent ledict Pepin, prendre la couronne, avec le tiltre, & nom de roy. Ce qu'il feit par l'auctorité dudit Pape Zacharie, & fut ledict Childeric cō- trainct entrer en religion, en l'Abbaye de saint Denys en France, & illec finer ses iours.

¶ En luy faillit la lignée & posterité des Meroniens, laquelle auoit duré troys cens tre- te & vn an, & commencerent en la persone de Pepin le Court, pere de Charlema- gne, regner en France, ceulx de la lignée de Clodion le Cheuelu, comme auons mô- stré cy dessus.

**Pepin le Court** filz de Charles Martel, commença à regner en France, & Austrasie, apres l'eiection de Childeric, en l'an sept cens ciquanté, duquel escrivons amplement, au liure subsequent, en l'ordre des roys.

### ¶ Des successeurs de Clodion, dont est descendu Charle- magne, regnans du temps de l'Euesque Magdalucus.



**Pepin le Court**, filz de Charles Martel, succeda aux seigneuries de son dict pere, es Duchez de Brabant, Comté de Namur, & autres, en l'an sept cens quarante & vn: Et depuis entreprint les royaumes de France & d'Austrasie, en l'an sept cens cinquante. Et si engendra Charlema- gne, comme de luy plus amplement escrivons au liure subsequent.

¶ Icy

# depuis Pharamond iusques à Charlemagne. F. cxxxv.

Icy fault noter deux choses, la premiere, que ne ferons plus mention cy apres des Princes de Brabant, iusques au quatrieme liure de nostre histoire, par ce que ladicte Duché de Brabant, fut annexée & confusée avec ledict royaume de France, en la personne de Pepin le Court, & de ses enfans, quant ilz entreprindrēt le royaume de France. La secōde chose est à noter que puis que sommes paruenuz au pere de Charlemagne, ne ferons plus mention de la lignée d'iceluy, sinon soubz les tiltres des roys de France: Toutefois pourfuyurons les successeurs de Clodion, dont sont descenduz les Princes de Mozelane, d'Ardenne, & Haynau, suyuant l'ordre de nostre histoire.

*Aduertissement pour les lecteurs de l'ordre qui se tiendra cy apres.*

## Des successeurs de Clodion, qui ont regné es Duchez de Mozelane, & Ardenne durant ledict Euesque Magdalueus:



**L**A M B E R T, filz du Duc Martin & de Beatrix, desquelz auōs escript en l'euesque Gerebertus, eut & succeda esdictes seigneuries de Mozelane, & Ardenne, durant nostre Euesque Magdalueus, iusques en l'an sept cens cinquante cinq, en laquelle année il entra en l'hermitage, & diuisa ses seigneuries à ses enfans. *mourut l'an 759.*

**Lohier** filz aîné de Lābert, eut pour son partage, la Duché de Mozelane, quant son pere entra en l'hermitage, l'an sept cēs cinquante cinq. Il milita soubz le roy Pepin, duquel il fut pour son cōmencement fort aymé. Car il estoit de son sang & par le moyen d'iceluy roy, ledict Lohier, viuant son pere, print pour femme, Tarēte, fille de Aistulphus, roy des Lombardz, enuiron l'an sept cens cinquante & troys. Du temps que ledict roy Pepin, contraingnit ledict Aistulphus, de desister d'entreprendre contre l'eglise Romaine, & laisser passer le Pape Estienne deuxieme, pour venir en France. Au deuant duquel, ledict Pepin enuoya ledict Lohier, avec grosse gend'armērie, pour assseurer son voyage, par Lombardie. Et ce pendant fut traité ledict mariage. Au moyen dequoy peu de temps apres, ledict Lohier monta en orgueil & s'adōna à toutes luxures & tyrannies, rebellant contre ledict Pepin & ses commandemens, exerçant merueilleuses cruantez, mesmes contre ses propres subiectz, par lequelz il fut expulsé de son pays, & contrainct se retirer en Lombardie, vers son beau-pere Aistulphus, qui mourut quelque temps apres, enuiron l'an sept cens cinquante huit, d'vne apoplexie, estant à la chasse: Combien qu'aucuns escriuent, qu'il fut tué de foudre du ciel. Parquoy ledict Lohier, commença de nouveau tyranniser l'eglise de Rome, durant les troubles que faisoit Desier, ou Didier, pour regner en Lombardie, auquel resistoit & empeschoit ledict Lohier: Mais non obstant ledict Desier, obtint ledict royaume de Lombardie. Parquoy Lohier estoit, comme desesperé. Car il n'osoit retourner en France, pour le roy Pepin qui le hayoit, & l'auoit chassé. Combien qu'il eut en secondes nopces, pour femme Aglis, fille d'iceluy Pepin. Parquoy de rechef poursuyuit de plus en plus, piller, brusler, & tyranniser, signamment contre les Papes de Rome, qui du commencement auoyent fauorisé audict roy Desier: Tellement que communement, de tous, ledict Lohier estoit appellé, le feu de l'humain genre: & perseuera en sesdictes tyrannies, iusques à la mort du roy Pepin, & que Charlemagne, son filz fut couronné: Car à lors il retourna en France, l'an sept cens soixante huit, & veint audict Charlemagne, estant à Metz, auquel il demanda pardon, qui le restitua en ladicte Duché de Mozelane, & autres seigneuries: & depuis yeskuit tressagement, & fait grans faictz d'armes, soubz ledict Charlemagne: car il alla avec luy en Lombardie, contre ledict roy Desier, qui fut vaincu, par ledict Charlemagne. Pendāt

*Lohier duc de Mozelane & depuis Comte d'Ardenne.*

*Lohier adonné à luxure & tyrannies, perdit la grace de Pepin.*

*Lohier par ses tyrannies, appellé le feu de l'humain genre.*

*Lohier restitué en sa duché de Mozelane.*

# Le .ii. liure des antiquitez de la gaule belgicque,

*Lohier succeda  
aux comtes d'Ar  
denne & de Buyl  
lon.*

lesquelles batailles, environ l'an sept cens septante quatre, furent tuez deuant le Chasteau de Pauye, Adelreide, Comte d'Ardene, frere dudit Lohier, & Erohengoldus, son filz. Par les mortz desquelz il succeda esdictes Comtez d'Ardenne, & de Buyllo, comme dirons cy apres.

*Lohier diuisa ses  
seigneuries, entre  
ses enfans & print  
l'habit de religion*

¶ Quelque temps apres ledict Lohier, estant retourné en son pays, environ l'an sept cens quatre vingtz & six, considerant les maux qu'il auoit faictz, & desirant en faire penitence, delibera entrer en religion, & s'en alla à Treues, ou estoit Charlemagne, & illec ordonna de ses seigneuries, entre ses enfans: dont l'aisné Frederic, eut la Duché de Mozelane, Ardenne, & la Comté de Buylon: Le deuxieme nommé Falco, eut pour son partage grande partie de la Duché de Mozelane: & d'iceluy descendit, en quatrieme generation Falco, pere de Gertrude, qui fut femme de Richninus, come dirons cy apres. Ledit Lohier auoit vne fille, nommée Hermengarde, laquelle il maria à Henry Comte de Saulme, duquel sont descenduz les Comtes de Saulme à present regnans.

¶ J'ay leu vn ancien historien, qui donne plusieurs autres enfans à cestuy Lohier, à sçauoir Albon, qui fut Comte de Haynau, de par sa femme, Astaudus, Cuno, chanoyne de Treues, Estienne chanoyne de Coulongne, & plusieurs filles. Ce faict s'en alla ledict Lohier au monastere de Tholey, diocese de Treues, ou il print en la presence de sondict filz, l'habit de religion, auquel il vesquit saintement, & deux ans apres, redit à Dieu son esprit, & son corps inhumé, en ladicte eglise, pres le grât autel, l'an sept cens quatre vingtz & huit.

*Adelreide Comte  
d'Ardenne, & de  
Buylon.*

**Adelreide** secōd, filz de Lambert, & frere de Lohier dessusdict, eut pour son partage, quant son pere entra en l'hermitage, en l'an sept cens cinquante cinq, lesdictes Comtez d'Ardenne, & Buyllo, & print pour femme la fille du Duc de Bretagne, il fut tresvaillant homme, aux armes, militant soubz les roys Pepin & Charlemagne: Lesquelz il suyuit en Lombardie, aux guerres qu'il eut, contre Desier, ou Didier, roy des Lombardz. Il mena en ladicte expedition son filz aisné, nommé Erohengoldus, ou la fortune leur fut si contraire qu'en l'an sept cens septante quatre, tenant le siege, deuant Pauye, furent tous deux tuez. Parquoy la Comté d'Ardenne, & autres seigneuries, escheurēt à Lohier, Duc de Mozelane, frere aisné dudit Adelreide, qui neantmoins auoit encores vn filz, nommé Vvalcandus, mais il suyuit l'estat de l'eglise, comme on peut veoir par les histoires de Sigibert, celles d'oruaulx & cathalogues des Euesques de Liege, qui escriuent qu'il fut le trentecinquieme euesque du Liege, desquelles histoires ay extraict ce qui s'ensuit.

*Adelreide, & son  
filz, tuez deuant  
Pauye.*

*Vvalcandus filz  
de Adelreide tre  
tecinqieme Eues  
que de Li ge.*

**Vvalcandus** filz d'Adelreide Comte de Buylon & d'Ardenne, & de la fille du Duc de Bretagne, fut esleu euesque du Liege, l'an huit cens & dix, estant Doyen d'icelle eglise. Et ediffia en Ardenne vn monastere, appellé *Audagium*, auquel il feit transporter de Liege, le corps saint Hubert, comme on le void de present, & donna grans rentes & reuenuz aux religieuz dudit monastere, & les fonda amplement des biens & richesses qu'il auoit eu par la mort de son frere Erohengoldus, & de son pere Adelreide, duquel les histoires Doruaulx escriuent ce qui s'ensuit.

*Qui cum Imperatore Carolo, patre Ludouici. In expeditione profectus in Italiam, in quodā cœmamine ante castrum quod Ticinum dicitur, interfectus est, & à la fin desdictz cathalogues est escript ce qui s'ensuit. Obijt Vvalcandus, anno administrationis decimo octauo, & floruit sub Leone tertio, Imperantibus Carolo magno & Ludouico pio &c.*

*Vvido, filz de Lambert, & frere des  
dessusdictz fut le  
premier Comte de  
Gueldres.*

**Wido** le plus ieune des enfans de Lambert, & de Marie, fille du Côte de Boullogne, & frere des dessusdictz Lohier, & Adelreide, eut pour son partage, audict an, sept cens cinquante cinq, quant son pere entra en l'hermitage, vne prefecture es pays de Gueldres, en laquelle il se gouernâ sagement & vaillamment, quant aux faictz des guerres: Et de luy comme afferment les historiens, sont sortiz les Comtes & Ducz de Gueldres, à present regnans,

# depuis Pharamond iusques à Charlemagne. F. cxxxvi.

¶ Des successeurs de Clodion, dont sont descenduz les Princes de Haynau, regnans durant l'Euesque Magdalucus.

**W**

ALTRIC, OV VVAULTIER premier du nom, filz de Alberic l'Orphenin, duquel auons escript cy deuant, en l'euesque Armonius, teint la Comté de Haynau, du temps de nostre euesque Magdalucus, iusques à l'année sept cens quarante huiet.

*Vide supra*

**V**vaultier

l'Orphenin deuxieme du nom, filz dudit Vvaultier premier, succeda en la Comté de Haynau, apres la mort de sondict pere, en l'année sept cens quarante huiet. Il auoit au parauant milité, soubz Pepin auant qu'il fust roy de France: ce qu'il feit aussi pendant qu'il teint ledict royaume. Et depuis milita quelque temps, soubz le roy Charlemagne: Hugues de Toul, parlant de cestuy Vvaultier dict qu'il estoit Comte de Haynau, & Duc d'Alsatie, & qu'il eut plusieurs batailles, deffendant le party de Pepin, contre Gayfer Comte d'Acquitaine: & qu'il print en Auvergne, le Comte de la cité de Blandin, & plusieurs prisonniers, qu'il redit audict Pepin. Aussi il print la cité d'Angolesme, & si feit plusieurs autres grans faitz d'armes: Toutefois à la fin il eut quelque question & querele, cõtre le roy Pepin, à raison de la comté Faumars, qu'il pretendoit luy appartenir. Dont Pepin irrité, luy osta la cité de Valenciennes, & la fortiffia, contre luy. Finalement ilz accorderent: mais non obstant de son temps, Valenciennes ne luy fut restituée: & mourut enuiron l'an sept cens septante neuf, & laissa vn filz nommé Vvaultier, comme luy. Le trouue en quelque histoire, que sa femme fut Berthe, fille de Lambert Duc de Mozelaue, & d'Ardene, de laquelle il eut plusieurs enfans. Et puis que sommes paruenuz au tẽps dudit

*Vvaultier l'Orphenin deuxieme du nom Comte de Haynau.*

*Vvaultier fut priuè de Valenciennes, par le roy Pepin.*

Pepin, auquel les Meroniens, furent deiectez de la coronne de France, nous ferons icy fin du deuxieme liure de nostre presente histoire.

FIN DV SECOND LIVRE

de la presente Cronicque.

z iiii

¶ S'ensuit

**S'ENSUIT LE TROISIEME**  
**me liure des Antiquitez de la Gaule**  
**Belgicque, soubz les vies**  
**des Euesques de**  
**Verdun.**



**N**OSTRE TROISIEME LIVRE  
 prendra commencement au temps que le roy Pepin  
 & son filz Charlemagne, descenduz par droicte ligne  
 du sang de Pharamond, furent restituez en la coronne  
 de France, & prendra fin au temps que Hue Capet  
 deicte & expulsa ceulx du sang de Charlemagne, &  
 entreprint par force ledict royaume de France.

¶ En iceluy troysieme liure nous deduirōs les vies des  
 Euesques de nostredicte cité de Verdun, qui aurōt ves-  
 cu, durant ledict temps. Et en escriuant en la fin d'une  
 chascune vie, les noms des Papes, Empereurs de Ro-  
 me, roys de France, & de Lorraine: pource qu'iceluy royaume de Lorraine prin-  
 commencement & fin durant cedit temps. Et laisserons à poursuyure les roys d'Austra-  
 sie, excepté du dernier roy: par ce que ledict royaume a prins fin audict temps. Et sem-  
 blablement delaisserons à poursuyure les Ducz, de Tongre, progeniteurs dudit Char-  
 lemagne, puis que sommes paruenuz audict Charlemagne: la posterité duquel nous  
 poursuyurons, soubz les tiltres des roys de France & Lorraine.

¶ Toutefois nous deduirons les autres princes & seigneuries descenduz du sang du  
 dessudict Pharamond, & de Clodion le Cheuelu son filz, à sçauoir de Mozelauc &  
 d'Ardenne: desquelz sont descenduz les Ducz de Lorraine & Barroys à present  
 regnans. Et aussi escriurons les Comtes de Haynau. Et à la fin dudit liure escriurons l'o-  
 rigine des Duchez & Comtez de Lorraine & Barroys, situez & erigez en vne partie  
 & portion des pays, contenuz dedans les limites du grand royaume de Lorraine, qui  
 pour lors print fin,

**S'ensuyuent les noms des Euesques de Verdun, les vies**  
**desquelz sont contenues en ce**  
**troysieme Liure,**

Amalbertus, xxiiii. Euef.	Hatto,	xxix.	Vvilgfridus,	xxxiiii.
Petrus Italicus, xxv.	Berhardus,	xxx.	Hugo,	xxxv.
Austrannus, xxvi.	Dado,	xxxi.	Adalbero,	xxxvi.
Herilandus, xxvii.	Harnoinus,	xxxii.		
Hilduinus, xxviii.	Berengarius,	xxxiii.		

¶ S'ensuit

*Le temps contenu  
en ce troysieme li-  
ure.*

*Les matieres con-  
tenues, en ce troys-  
ieme liure.*



depuis Charlemagne iusques à Hue Capet. F. cxxxvii.

**S E N S V I T L A V I E D A**  
malbertus administrateur vingtquatrième, de l'Euesché de Verdun.



**M A L B E R T V S**, en l'an sept cés soixâte deux succeda en l'administration del'euesché de Verdū, aps le bō Euesque S. Magdalueus. Car apres la mort d'ice luy, ceulx du clergé de Verdun desiroient bien eslire vn Euesque & Pasteur, pour succeder au lieu du defunct, comme il auoient fait du passé. mais ilz n'oserent ce faire, pour l'absence du roy Pepin, à qui seul appartenoit nōmer & meētre les Euesques par tous les pays es Eueschez vacans. Car au parauāt enuiron dix ans, que le Pape Estienne secōd du nom veint en Frā

ce: pour demander secours audict Pepin, contre Aistulphe, roy de Lombardie, qui tenoit & occupoit plusieurs terres & droictz de l'eglise Romaine: Il donna par auctorité apostolicque, puissance, priuilege, & faculté audict Pepin & à ses successeurs, roys de France, eslire & meētre les Euesques, par tout ladiēte France, quand les vacations des Eueschez escherroyent. Et ce fut pour la recordation & recognoissance du secours & singulier benefice, qu'il auoit fait à ladiēte eglise Romaine, & de la reduction dudiēt Pape en son lieu. Et le semblable, & encores dauantage fait peu de temps apres, à sçauoir en l'an sept cens septante troys, le Pape Adrian à Charlemagne, filz d'iceluy Pepin, qui deliura Rome de l'oppression, que Desiderius roy de Lombardie, faisoit en l'eglise Romaine, cōme nous dirōs en la vie de l'Euesque subsequent.

¶ Et pour les causes lefdictz Verdunoys ne procederent à nouvelle election: Car Pepin estoit pour lors absent, & occupé à plusieurs grosses guerres & batailles es pays de Guyenne & Aquitaine, contre Gayfer, filz d'Eude Comte de Guyenne, qui fort greuoit le royaume de Frāce, & les droictz des eglises: Lesquelles guerres durerēt par long temps: car ledict Pepin y mena son armée par neuff foys auant qu'y meētre fin. A raison dequoy ceulx du clergé de Verdun n'oserent faire election nouvelle: Combien que iournellement se faisoient grosses entreprinſes, contre les droictz & iurisdiction de leur eglise: & que tout fut en confusion & desordre.

¶ Or estoit pour lors audict Verdū, vn S. hōme, nōmé Amalbertus, qui viuoit en austerité de vie & solitairement en vne chappelle & oratoire, assez pres de la vieille eglise bruslée du tēps de l'Euesque Magdalueus: Laquelle chappelle estoit intitulée & dediée en l'honneur de tous les Apostres, & située (cōme on trouue en noz anciēs cathalogues) ou à present est le vieil cueur de nostre eglise. Et de ce est aduenu pour la recordatiō d'iceluy oratoire, qu'ēcores presentemēt es festes de S. Pierre & S. Paul Princes des Apostres, ceulx de l'eglise y font le seruice diuin. Si s'aduiserēt & delibererēt ceulx du clergé & citoyēde Verdun, aller vers ledict Amalbertus: & le prier humblement prendre la charge d'administrer l'Euesché & leur eglise, pēdant l'absence dudiēt roy, & iusques qu'autrement en fust disposé. Et iaçoit que le S. homme feit gros refus & difficulté de ce faire: touteſoys pour la conseruatiō de l'hōneur de Dieu & de l'eglise, print l'administratiō: pēdāt laquelle le roy Pepin estoit absent (cōme diēt est) au pays d'Aquitaine. Ou luy estāt, l'Empereur de Cōstātinoble, Conſtātin. v. de ce nō (combiē qu'il fust hereticque & tresmeschāt chrestie) luy enuoya le chef de S. Iean Baptiste: dont ledict Pepin fut tresioyeux, & le receut reuerammēt: & fonda vne eglise audict pays appellée sainct Iean d'Angely. Et ce fut fait, (comme diēt Sigibert, enuiron

*Amalbertus administrateur. xxxiiij. de l'euesché de Verdun.*

*Le roy Pepin eut priuilege du Pape Estienne. ij. du nō, nōmer les euesques aux eueschez vacans en son royaume.*

*Semblable priuilege donné à Charlemagne.*

*Raison pourquoy l'Euesché de Verdun fut vacant douze ans.*

*Amalbertus à la petition du clergé prend l'administration de l'euesché de Verdun. Le chef de S. Iean enuoyé par l'empereur Constantin. v. au roy Pepin.*

# Le .iii. liure des antiquitez de la gaule belgicque,

*Le temps auquel premierement les Turcz sortirent des monts Caspiens, pour entrer en Armenie, & Perse.*

en uiron l'an de grace sept cens soixante six. Dauantage fut aduertý lediçt Pepin par les messagers dudiçt Constantin, que les Turcz (lesquelz au parauant n'auoient bruyt ne renommée) estoient sortiz des montagnes Caspiennes, & entrez es pays d'Armenie & Perse: & apres plusieurs excursions, rapines, & inuasions, auoient fait accord & appoinçtement, avec les Sarrazins, qui estoient là. Ce que depuis veint au grand detrimet & dommage de la republicque chrestienne: Et disent les historiens, que les calamitez & misereres, qui deuoient suruenir, furent en ce mesme temps demonstrees par plusieurs prodiges & signes móstreux, qui apparurent: Car en Orient furent veues les estoilles tumber du ciel, avec grandz tonnoirres, feu, & orage: en sorte qu'il sembloit que tout le monde deust finer. Item en autre pays, comme en Italie, & signanment es pays Septentrionaux, fut si grand hyuer, gelée, & froydure, qui dura depuis Octobre, iusques en Feburier, en sorte que la mer Pontique fut engelée plus de cinquante lieues de pays, tellement que la glace estoit de trente coudées d'espeueur, & les neiges par dessus la glace, haulte de vingt coudées. Aussi fut aduertý lediçt Pepin d'aucuns discords & dissentions, qui estoient entre l'eglise d'Orient & celle d'Occident, à scauoir des Grecz & Latins, touchant le mystere de la Trinité, & de la procesiõ du S. Esprit; à scauoir s'il procedoit du filz, comme du pere. L'autre difficulté estoit de la veneration des images des sainctz. A raison dequoy lediçt Pepin feit assembler vn grand Concile de clercz & Prelatz, pour decider & determiner lesdiçtes questiõs. Et neantmoins apres lediçt concile, delibera meüre fin à la guerre d'Acquitaine contre lediçt Gayfer: par lequel il auoit esté trompé, par plusieurs foys: car de toutes ses promesses & appoinçtemens, qu'il auoit iuré, il n'en tenoit rien. Et pour venir à chef de son intention il meit son armée aux chäps, & print & subiuga tout le pays de Lymosin, Perigour, Engolesme, & autres villes & citez, iusques à la riuere de la Garonne. Et depuis tira son ost, vers la cité de Thoulouse, & de Xainctes: lesquelles il print avec la mere, seur & niépce d'iceluy Gayfer, qui fut tué en la bataille: combien qu'aucuns escriuēt, qu'il fut par ses gens mesmes occyz, cuydans par ce moyen gaigner la beniuolence dudiçt roy Pepin.

*Plusieurs grandz prodiges, entre lesquelz la mer Pontique fut gelée.*

*Concile soubz le roy Pepin, touchant la procesiõ du S. Esprit, & la veneration des sainctz.*

*La victoire du roy Pepin, contre Gayfer Prince de Thoulouse.*

*La mort du roy Pepin.*

*Partage du royaume, entre les enfans du roy Pepin.*

*Rebellion d'Hunal, contre le roy Charlemagne.*

*Les causes de la vacation de l'Euesché de Verdun par douze ans.*

¶ Apres laquelle victoire, en l'an suyuant sept cens soixante huit, vne maladie print lediçt Pepin, de laquelle il alla de vie à trespas: & fut enterré à saint Denys. Et laissa deux filz, Charles (qui depuis fut diçt le grand) & Carloman son frere: lesquelz furent tous deux, par les François instituez roys: dont Charles le plus ieune eut pour son partage Acquitaine, & toute la France: & fut coroné à Noyon. Et Carloman eut Soissons, ou il fut coroné, avec toute l'Austrasie & partie des Almagnes: Mais il ne vesiquit longuement: parquoy toute la monarchie des deux royaumes veint à Charlemagne.

¶ Or Hunal frere du dessusdiçt Gayfer, aduertý de la mort de Carloman, & de la nouvelle coronation de Charlemagne, pour venger la mort de son frere, leua grosse armée, & trouua façon par belles promesses, induire tous ceux du pays à rebeller, contre lediçt Charlemagne, qui fut contrainct aller en icelle part: Toutefois il sceut que Charles venoit avec son armée: Parquoy se retira deuers le Duc de Gascongne, appelé Loup, cuidant y estre seur: mais lediçt Loup au mandement dudiçt Charlemagne, luy enuoya lediçt Huual, sa femme, & ses enfans: qui tous furent menez en France, ou il finerent leurs iours.

¶ Incontinent apres ceste victoire, Charlemagne fut occupé en vne autre affaire, & contrainct mener son armée en Italie, contre Didier roy de Lombardie, pour la defense de l'eglise Romaine. En quoy appert clerelement, que le roy Pepin en la fin de son regne, par l'espace de six ans eut grandz empeschemens, & lediçt Charlemagne en son commencement par l'espace d'autre six ans. A raison desquelz empeschemens lediçt euesché de Verdun, demoura vacant sans Euesque, par l'espace de douze ans: durant lequel temps lediçt saint homme Amalbertus administra iceluy Euesché, sans iamais estre sacré Euesque: Mais estoit seulement appellé vicegerent d'Euesque, comme diçt Bertaire en son Collectaire. Combien que depuis, en tous les catalogues, & registres d'icelle Eglise de nostre cité de Verdun (ou est faite mention

# depuis Charlemagne iusques à Hue Capet. F.cxxxviii.

mention des Euesques) lediēt Amalbertus a tousiours esté escript & denombé le vingtquatrieme Euesque: Pource que durant les douze ans de son administratiō, sainctement & vertueusement il administra lediēt euesché, & y endura plusieurs griefues persecutions & molestations, par les nobles & gentilz hommes du pays, qui a l'absencc dudiēt roy vexerēt & molesterēt en plusieurs sortes nostre pauure eglises de Verdun, entreprenans les rentes, reuenuz, terres, & seigneuries d'icelle, les occupans par force & violence, tellement que durant ladiēte administratiō, elle perdit plusieurs villages & belles seigneuries: Entre lesquelles furent Vvaslogium, Tillicum, Stagnū, Merla, & Cassa petra: qui violentement & par force, furent rauiz & occupez, par icelx nobles & gentilz hommes, comme diēt Bertaire en son collectaite.

Or apres les douze ans de l'administratiō dudiēt Amalbertus, soit qu'il mourut ou nom (car les historiens, n'en font plus mētion) toutefoys Charlemagne qui pour lors auoit gaigné Pauye en Lombardie, bailla l'euesché à vn homme, natif d'Italie, nommé Petrus, enuiron l'an de grace sept cens septante quatre, comme sera diēt en son lieu ty apres. Et partant cessa l'administratiō dudiēt Amalbertus.

*Amalbertus, noble entre les euesques de Verdun, combien qu'il ne feust sacré.*

*Les terres & seigneuries de l'euesché de Verdun perdues du tēps d'Amalbertus.*

*L'administratiō d'Amalbertus finie.*

## Les Papes estans durant l'administratiō dudiēt Amalbertus.

**P**AULVS premier du nom, natif de Rome, fut esleu Pape l'an sept cens cinquante huit, duquel auons escript en la vie de l'euesque precedent: & regna iusques à l'an sept cens soixante huit: & par ce vesquit six ans durant ladiēte administratiō.

*Paul premier du nom, Pape xcvi.*

**E**STIENNE troisieme du nom, natif de Cecile, fut Pape en l'an de grace sept cēs soixante huit: teint le siēge, enuiron quatre ans. Il conuocqua vn Cōcile à sainct Iean de Latran, ou furent les images restituées es eglises, contre la prohibition de Constantin cinquieme Empereur: & institua plusieurs autres choses tresutiles à l'eglise chrētienne: & celebra vne procesiō generale, ou il estoit en personne, & alla nudz piedz, depuis lediēt S. Iean de Latran, iusques à S. Pierre.

*Estienne. iiii. du nom xcvi. Pape.*

**A**DRIANUS Pape, duquel nous escriuons en la vie de l'euesque subsequent, teint le siēge quelque temps, durant ladiēte administratiō de nostre euesché de Verdun.

## Les Empereurs, qui ont tenu l'empire, durant ladiēte administratiō,

**C**ONSTANTIN cinquieme Empereur de Constantinoble, regnoit du tēps de nostre administrateur Amalbertus, duquel nous auōs parlé en l'euesque precedent.

*Vide supra.*

## Des Roys de France & d'Austrasie, qui ont regné durant l'administratiō dessusdiēte.

**P**EPIIN surnommé le court, ou le bref, pource qu'il estoit de petite corpulence, à sçauoir de quatre piedz & demy de haulteur (comme diēt maistre Nicolle Gilles en son histoire) fut fait Maire du Palais de France, apres son pere Charles Martel, pendant que Childeric troysieme de ce nom (surnommé l'insensé) estoit roy en France, enuiron l'an sept cēs

*Pepin. xxiii. roy de France, & xxi. d'Austrasie, monarque.*

quarante

# Le.iii.liure des antiquitez de la gaule belgicque,

quarante vn. Lediect Pepin auoit vn frere germain, nommè Carloman, & vn autre nō germain, nommè Griffon, qui estoit de sa maratre Simahilde niepce d'Odon duc de Bauyere. Et pource que lediect Martel par son testament auoit ordonné lediect Pepin estre maieur & gouuerneur de France, & Carlomanus d'Austrasie, en ne faisant mention du plus ieune Griffon, s'emeurent plusieurs guerres par le moyè dudiect Duc de Bauyeres, auquel lediect Griffon s'estoit retiré. Car du commencement les deux freres Pepin & Carlomanus ioinctz ensemble, prindrent lediect Griffon en vne bataille pres Laon: & le constituerent prisonnier pres la forest d'Ardenne en vn chasteau, & depuis allerent assaillir Odon duc de Bauyeres, tellement qu'il fut contrainct faire apoinctement avecques eulx: & print leur seur en mariage, & par tant demourerēt en paix par quelque temps. Toutefois bien tost apres, l'an sept cens quarante six, lediect Carlomanus esmeu de deuotion, desprisant les choses mondaines, s'en alla à Rome vers le Pape Zacharie, & se fit moyne, comme auons dict cy dessus. Et par ce moyè lediect Pepin se saisit du gouuernemēt dudiect royaume d'Austrasie: & mit hors de prison son sondiect frere Griffon: & luy donna grosses terres & seigneuries, pour entretenir son estat: mais de ce ne fut content. Et secretement s'en alla au Pays de Bauyere, ou il assembla grosse armée: & fit guerre à Tassile leur nepueu, & filz de leur seur: & luy osta ladiecte Duché de Bauyere: dont Pepin ne fut content: car bien tost apres print Griffon, & restitua ladiecte duché audiect Tassile, & bailla à iceluy Griffon douze Cōtez en France, pour son estat & demaine: dequoy encores ne fut content. mais secretement se partit de France, & s'en alla prendre alliance & confederation, avec Gayfer filz d'Eude Duc d'Acquitaine, ennemy dudiect Pepin. Toutefois bien tost apres lediect Griffon fut tué & occy.

*Griffon frere de Pepin & Carloman, prins prisonnier.*

*Carloman frere de Pepin prēd habit de religion.*

*Seconde rebellion de Griffon, cōtre Pepin.*

*Troysieme rebellion de Griffon cōtre Pepin.*

*Pepin crée roy de France & Austrasie*

*Pepin restitua le Pape Estienne, en son siege, contre Aistulphus roy des Lombardz.*

*La mort du roy Aistulphus.*

*La mort du roy Pepin.*

*Berthe femme du roy Pepin, petite fille de l'empereur Heraclius.*

*Les enfans du roy Pepin.*

¶ En l'an sept cens cinquante, les nobles de France ennuyez & faschez de l'imbecilité & negligencē de leur roy Childeric, de l'auctorité du Pape Zacharie constituerēt roy es deux royaumes, France & Austrasie, lediect Pepin, comme auons dict amplement en la vie de Magdalueus. Et fut lediect Childeric fait moyne à S. Denys.

¶ Or depuis que lediect Pepin fut roy, il fit choses excellentes & dignes de memoire, pour conseruer les droitz de l'eglise Romaine, & signāment cōtre Aistulphus roy de Lombardie, à la requeste & petition d'Estienne second de ce nom Pape: qui veint en France, comme auons escript cy dessus. Et si restitua lediect Pape en son siege, deie tant lediect Aistulphus, des lieux, qu'il auoit occupé, & entrepris contre l'Eglise Romaine. Il eut plusieurs victoires contre luy: car il ne tenoit chose qu'il promist. Parquoy lediect Pepin le poursuyuit & persecta, defendant tousiours l'eglise Romaine, iusques à sa mort, qui fut enuiron l'an sept cens cinquante sept, qu'il cheut de son cheual, & mourut.

¶ Ce fait lediect Pepin retourna en Frâce, & selon aucuns, ordonna la court de Parlement, & depuis eut plusieurs guerres contre les Saxons, & contre Gayfer duc d'Acquitaine, lequel finalement il print en bataille, avec sa femme & filles, qu'il fit mourir miserablement en prison. Apres lesquelles victoires, en l'an sept cēs soixāte huit, alla de vie à trespas, apres auoir regné ~~de~~ huit ans. Et laissa deux enfans de sa femme Berthe, fille d'Heraclie Empereur de Constantinoble (comme escriuent aucuns historiens) laquelle auoit vn pied plus grād que l'autre: & par ce fut surnommé Berthe au grād piedz: Toutefois à la verité cōsiderāt la supputation des temps, il seroit plus vray semblable, que ladiecte Berthe, fut fille de la fille d'Heraclius, que sa propre fille: Car lediect Heraclius obtient l'Empire l'an six cēs douze, & mourut six cēs trēte neuf, Et Pepin succeda à son pere en l'an sept cēs quarante vn, & mourut l'an sept cēs soixante huit. Parquoy seroit difficile qu'il eut espousé sa fille. A raison dequoy autres ont escript, que sa femme s'appelloit Flore, fille de l'Empereur de Bizance, roy de Pannonie: de laquelle il eut (oultre ses deux enfans males, Charles le grand, & Carloman) plusieurs filles: à sçauoir Berthe, femme de Milo, comte du Mans, pere de Roland, Hiltrude femme de René, Comte de Gēnes, Roharde, A deline, Ydubergeviet ges, Ode Abbessē d'Argēteuil, & Alix femme de Lohier, duc de Mozelane, en secon des nopces.

¶ Charles

depuis Charlemagne iusques à Hue capet. F.cxxxix.

**Charles le grand** alias Charlemagne filz de Pepin le court, fut roy de France, en l'an sept cens soixante huit: Et partant regna six ans, durant l'administration d'Amalbertus. Et de ceüuy escriuons plus ample-  
*Carloman. xxii. & dernier roy d'Austrasie.*

### LE DERNIER ROY D'AVSTRASIE.

**Carloman** filz de Pepin le court, & frere germain de Charlemagne, eut par l'ordonnance testamentaire de sondict pere pour sa portion patrimoniale, le royaume d'Austrasie, & partie de la Germanie, & fut couronné d'iceluy en la cité de Soisson, en l'an sept cens soixante huit. Cōbien que de ce partage ledict Carloman ne fust trop content, n'ausi aucuns des nobles de son pays, qui tenoient ses parties: entre lesquelz estoit le prince Antharius. Toutefois il aduint que trois ans apres, l'an sept cens septante vn, Carloman alla de vie à trespas. Par la mort duquel Charlemagne par les François fut constitué monarche en toute la succession de feu le roy Pepin le court. Et en ce print fin le tiltre & denomination du royaume d'Austrasie: qui fut cōfuz, & vny en monarche Ioubz vn seul tiltre avec le royaume de France, en la personne dudiect Charlemagne: Et encores plus, quand il print la corōne Imperiale, & tiltre d'Empereur des Romains: Soubz lequel empire estoient contenuz les pays d'Italie, Germanie, & de toutes les Gaules.

*Carloman. xxii. Roy d'Austrasie*

*La mort de Carloman dernier roy d'Austrasie.*

*Le royaume d'Austrasie print fin.*

¶ Or ce faiect la veufue de feu Carloman, nommée Berthe, avec aucuns enfans, qu'elle auoit dudiect defunct, viuoit & tenoit son estat avec Hildegard, femme dudiect Charlemagne, comme escriuent Vispergenfis, & Nauclerus. Si deuint enuieuse & desplaisante de son estat diminué. A raison dequoy bien tost apres, par l'induction & exhortation d'aucuns princes de feu son mary, comme Antharius & Andoarius, se partit secretement avec ses enfans de la court de Charlemagne: & se retira vers Didier roy de Lombardie, esperant par ce estre soustenue, & recourir le royaume de son feu mary. Mais il aduint autrement: car depuis Charlemagne vainquit ledict roy de Lombardie & print prisonnier ladiecte veufue au lieu de Veronne, avec ses enfans: & le prince Antharius, en l'an sept cens septante cinq. Et partant il demoura paisible monarche de toute la Gaule.

*La veufue de Carloman avec ses enfans se retira vers le roy des Lombards.*

*Le prince Antharius prisonnier de Charlemagne*

### ¶ DES SVCCESSEURS DE CLODION QUI ont regné es duché & comté de Mozelaue, Buillon, & Ardenne.

**Adelreide** duquel nous auons parlé & escript en l'euesque Magdalucus, tint les Comtez d'Ardenne & Buillon du temps de l'administration d'Amalbertus.

**Lohyer** filz du dessusdict Labert, frere d'Adelreide, duquel auons escript en l'euesque Magdalucus, teint la duché de Mozelaue, durant l'administration dudiect Amalbertus: & puis teint Ardenne, apres la mort de son frere, comme auons diect cy deuant.

### ¶ DES SVCCESSEURS DE CLODION, DESQUELS font descenduz les princes de Haynau, regnans du temps de l'administration dudiect Amalbertus.

**WAVLTIER**, L'orphenin, deuxieme du nō, filz d'Vvaultier premier du nō, duquel nous auons escript en la vie de l'euesque precedēt, teint le Pays de Haynau, durant l'administration d'Amalbertus.

¶ Fin de l'administration d'Amalbertus.

A

¶ De la vie

DE LA VIE DE PETRVS  
d'Italie vingt cinquieme  
Euesque de  
Verdun.



*Pierre Italiē. xxxv  
euesque de Verdū.*

*Dydier roy de Lo  
bardie, persecu-  
teur de l'eglise Ro  
maine.*

*Bataille du Roy  
Charlemagne con  
tre Dydier roy de  
Lombardie.*

*Les cheualiers A-  
mili⁹ & Amicus.*

*Le roy Dydier as-  
siégé dedans Pa-  
uie.*

*Priuilège doné au  
roy Charlemagne  
par le concile d'es-  
lire les papes.*

*Loys debonnaire  
renonça au priui-  
lège donné à son  
pere Charlemagne*



PETRVS, natif d'Italie, fut institué vingt cinquieme Euesque de Verdun, l'an de grace sept cens septante quatre, par la nomination de Charlemagne roy de France: qui de ce auoit auctorité & puissance par priuileges du sainct siege Apostolicque:

¶ Car apres que ledict Charlemagne eut obtenu la monarchie du royaume de France, tant par la mort de son pere Pepin, que par celle de son frere Carlomā, enuiron l'an sept cens septante trois, qui estoit de son regne le fixieme, fut appellé en ayde par Adrian Pape contre Dydier roy de Lombardie, qui persecutoit l'eglise Romaine, & la Chrestienté, & auoit occupé plusieurs places & seigneuries du demaine du siege Apostolicque: & tué aucuns des principaux de Rome.

¶ A ceste cause Charlemagne prepara son armée, avec laquelle passa les montz des Alpes, & entra en la plaine de Lombardie, ou le roy Dydier vint au deuant de luy en grande puissance: & y eurent bataille ensemble, ou ledict Dydier fut desconfit en vn lieu, nommé Mortaire: Auquel par long temps on à veu deux chappelles erigées, l'une en lh'onneur de saint Pierre, (en la quelle est inhumé vn noble cheualier iadis, nommé Amilius: (l'autre est dediée en l'honneur de saint Eusebe: en laquelle est inhumé vn autre noble cheualier, nommé Amicus. Lesquelz cheualiers lors viuans, estoient si semblables d'effigie, corps & visage, qu'il n'estoit possible discernier l'un de l'autre: & s'entr'aimoiēt si parfaictement, qu'ilz n'auoient qu'un vouloir ensemble.

¶ Or apres ladiete bataille, de laquelle ledict Dydier eschappa, & comme desesperé se retira à Pauie, ou il fut poursuiuy par ledict Charlemagne, & en icelle assiégué. Et pource que ledict Charlemagne ne pouuoit assez tost à son gré prendre ladiete cité, à la persuasion du Pape laissa la son siege & ses gens soubz la conduite de son oncle Bernard, & s'en alla à Rome par deuotion, pour visiter les saintz lieux. Quant il fut à vn mil pres de la cité, il descēdit du cheual: & alla iusques en icelle à pied: Ou il fut receu ioyeusement & reueremment du Pape: duquel (maulgré luy) baïsa les piedz, & la feit ses Pasques. Et durant la sainte sepmaine gaigna les Pardons des stations, & y donna dons nobles & riches, consernant tout ce que son pere Pepin auoit donné à l'eglise Romaine: & si en donna encores dauantage, comme la comté de Spolete & autres.

¶ Et apres les Pasques, l'an cōmençant sept cens septante quatre, en presence dudict Charlemagne, fut tenu vn Concile par le Pape avec cent cinquante trois euesques & Archeuesques, auquel furent donnéz plusieurs beaux priuileges: Et signamment de pouuoir luy seul eslire le Pape & ordonner du siege de Rome, en excommuniant tous ceulx, qui voudroient contreuenir audict decret. Toutefois quelque tēps apres Loys Debonnaire son filz, renonça de sa libere & franche volunté, audict priuilege, com-

# depuis Charlemagne iusques à Hue capet. F. cxi.

comme appert par vn chappitre du Decret, qui se commence. *Ego ludonicus. li. dist.* Ce fait, ledict Charlemagne retourna pour suiure son entreprinse de Paue, laquelle estoit fort oppressée de famine & pestilence, pource que le siege y auoit desia esté six mois: & estoient les habitans en grosse controuersie avec leur roy Dydier, de rendre la cité, ou de tenir & attendre secours, qu'il esperoit auoir de l'Empereur de Constantinoble Cōstantin cinquieme, auquel s'en estoit allé Adiocefile filz dudit Dydier, qui estoit secretement eschappé de ladicte cité,

¶ Or en icelle estoient deux personnages de grant sçauoir: qui estoient des principaux conseillers dudit roy Dydier, à sçauoir Paulus Diaconus, qui estoit de ladicte nation Lombardique, & Petrus duquel nous parlōs icy: qui depuis fut euesque de Verdū, & qui estoit de nation Italicque. Ces deux estoient en diuerse opinion: Car Paulus tenoit pour le roy Dydier, qu'on deuoit tenir bon, & attendre secours, & Petrus estoit d'opinion contraire, & avec le peuple & habitans, qui consideroient les inconueniēs & necessitez de famine & pestilence, qu'on deuoit rendre la cité à la volonté dudit roy Charlemagne.

¶ Finalement l'opinion de Petrus fut tenue, & la cité rendue audit Charlemagne, le roy Dydier avec sa femme & enfans prins prisonniers, & enuoyez en perpetuel exil au Liege soubz la garde de Galfredus, qui estoit euesque dudit lieu: Et la finerēt leur vie. Et partāt cessa totalement & à iamais le royaume des Lōgobardiēs: lequel auoit duré en Italie par l'espace de deux cens quatre ans.

¶ Apres celle victoire les deux dessusdictz conseillers vindrent prisonniers es mains dudit Charlemagne, & les enuoya avec soy en France. Et audit Paulus, qui estoit Archediacre du Patriarche d'Aquilee pource nomé Paulus Diaconus, bailla liberté: Et pour sa grande doctrine l'auoit en reuerēce, & luy vouloit faire beaucoup de biens: ce que iamais ne voulut accepter, qu'aucunefois faisoit sa residence à Verdun, à raison de l'ancienne cognoissance, qu'il auoit à l'euesque Petrus, & le plus souuent en la cité de Metz, pour l'amitié & confederation d'un homme tresçauant, nommé Agelranus Archediacre dudit lieu: A la petition duquel (cōme ledict Paulus Diaconus dit en son histoire des Longobardiens. vi. liure, chapitre cinquieme parlant de saint Arnoul) il composa & escriuit les histoires des euesques de Metz, iusques à son tēps, lesquelles ne se trouuent à present. Toutefois par succession de temps ledict Charlemagne cogneut le vouloir dudit Paulus, & aucunes menées & monopoles, qu'il faisoit, pour trouuer maniere de retirer le roy Dydier de la prison, & le mettre en liberté. A raison dequoy il l'enuoya en exil en l'Isle de Diomedes: de laquelle apres il eschappa, & s'en fut en Italie, au prince de Beneuēte, appelé Arachis, qui auoit espousé Adelperge, fil le du dessusdict Didier, roy de Lombardie: & qui auoit fait paix & accord avec ledict Charlemagne, en donnant ses deux filz en ostage. Iceluy Paulus Diaconus estāt là, à la requeste de ladicte Adelperge cōposa aucuns liures d'histoires, pour adioster à ceux, qu'Eutropius auoit fait des choses Romaines, à sçauoir depuis le tēps de Iulian l'Empereur, iusques à Iustiniā secōd de ce nō. ¶ Apres la mort d'yceluy prince Arachis, ledict Paulus Diaconus s'en alla rēdre religieux au monastere du mōt de Cassine: auquel vesquit iusques à la mort saintement & religieusement, & souuent escriuoit à Charlemagne epistres & lettres elegantes & pleines de doctrine luy rendant graces de ce qu'il luy auoit pardonné, & conserué la vie: Et semblable faisoit Charlemagne, luy respondant par lettres pleines de douceur & humanité, pour la doctrine qui estoit audit Paulus. ¶ Quant au regard dudit Petrus Italicque, l'autre cōseillier dudit Dydier, roy de Lombardie, pour ce qu'il auoit esté cause de la redditiō de Paue en l'obeissance dudit Charlemagne: par cognoissance & pour recōpense luy donna l'euesché de Verdū, leq̄l cōme à esté dict par cy deuant estoit vacāt, & soubz l'administratiō du saint hōme Amalbertus, passez douze ans. Si fut institué & receu ledict Petrus audit euesché, qu'il gouerna du cōmencement sagement & vertueusement: car il estoit de grant sçauoir & doctrine, reformāt l'estat & meurs ecclesiasticques, & de nouveau ordōna en son euesché celebrer tous les ans le. v. ides de Nouēbre, la passió de l'image de nostre seigneur Iesuchrist, pour ce qu'en ce mesme tēps aduit vn mira-

*Les habitās de Paue en cōtrouersie de rendre la ville, ou nom.*

*Paulus Diaconus & Petrus Italicus conseillers du roy Didier dedās Paue.*

*Paue rendue à Charlemagne, le roy Didier, sa femme & enfās prins.*

*Fin du royaume des Lombardz.*

*Paulus Diaconus faisoit sa residence aucunefois à Verdun, aucunefois à Metz.*

*Paulus diaconus a escript les histoires des euesques de Metz.*

*Paulus Diaconus enuoyé en exil.*

*Le supplement de l'histoire d'Eutropius fait par Paulus Diaconus.*

*Paulus Diaconus se rendit religieux au mōt de Cassine.*

*Paulus diaconus souuent escriuoit à Charlemagne.*

*Petrus d'Italie cause de la redditiō de Paue en l'obeissance de Charlemagne.*

*Petrus euesque de Verdun, par la nomination de Charlemagne.*

# Le iij. liure des antiquitez de la gaule belgicque,

*Heresie de Constantin cinquieme.*

*Miracle du sang  
d'icelle image de  
Nostre Seigneur*

*Punition de l'Em-  
pereur Constans.*

*Pourquoy l'eues-  
que Pierre ne peut  
retirer les rentes  
de son euesché, qui  
estoyent alienées.*

*Premiere cōspira-  
tion ou trahison  
contre Charlema-  
gne faicte par Ar-  
dic.*

*L'euesque Pierre  
soubsonné de trahi-  
son contre Char-  
lemagne.*

*L'euesque pierre  
banny de la court  
de Charlemagne.*

de grande administration contre la faulſe doctrine, decret & ordonnance, que Cōstantin.v. de ce nō, pour lors empereur de Constantinoble, hōme melchant & hereticque, auoit ordonné sur peine de mort, à tous ceux qui estoient soubz son obeissance bruller, rompre, & annichiler toutes les images de dieu, de sa glorieuse mere, & des autres saintz. ¶ Car il aduint qu'en la cité d'Hurche, au pays de Syrie, & subiecte à Anthioche, aucuns iuifz demourans là trouuerent vne image de Nostre Seigneur en vne de leurs maisons, en laquelle au parauant aucuns Chrestiens auoient habité: Si prindrent icelle image, & furieusement la batirent, mocquerent, & crucifierent, & generalement renouellerēt sur icelle image toutes les peines & opprobres, iadis faictz à Iesuchrist par leurs predecesseurs en Hierusalem. Et finalement luy ouurirent le costé, duquel, descoula & ysit sang & eau: Et pour experimenter & scauoir si les choses qu'ilz auoient ouy dire de Iesuchrist, estoient veritables, recueillerent iceluy sang & eau en vne fiole, dont ilz oingnerent & froterent leurs malades, & de toutes leurs maladies estoient incontinent gueriz. Pour laquelle cause lesdictz iuifz, se repentās de leur peché, rapporterent ladicte image avecques ledict sang & eau à l'euesque de la cité, appelle Dieudonné, & se feirent tous baptiser. Et ledict euesque enuoya d'iceluy sang en plusieurs lieux, preschāt & annonçant le grant miracle de Dieu, admonestāt que chascun an fut faict & celebré la passion de l'image nostre seigneur, la cinquieme Ide de Novembre, qui est le dixieme iour d'iceluy mois. Ce que fut faict en plusieurs eglises, & mesme pour ce que ledict euesque enuoya d'iceluy sang de Iesuchrist en Italie en la cité de Mantoue: auquel lieu se feirent plusieurs beaux miracles. A raison dequoy ledict Petrus, venant d'Italie à Verdun, institua en son euesché celebrer ladicte feste de la passion. Et furent les miracles tant publicz & manifestez par tout, que Charlemagne depuis enuoya vers ledict Pape Leon, pour estre aduertey de la verité d'iceluy sang miraculeux. Et vn peu au parauant ledict Constantin Empereur de Cōstantinoble, fut puny par permission diuine de son erreur: car il fut espris d'une maladie de feu inextinguible, & en grande clameur mourut miserablement enuiron l'an sept cens septante cinq. Et luy succeda son filz Leo quatrieme du nom.

¶ Or depuis ledict Petrus euesque poursuiuit en ladicte administratiō de sondict euesché de biē en mieux, & sur tout auoit desir retirer les biēs, rentes, & iurisdicōns perdues, & tollies de son eglise tyranniquement, durant l'administration de son predecesseur Amalbertus. Ce que iamais ne peut obtenir, pour l'absence du roy Charlemagne, qui estoit occupé aux guerres & batailles, qu'il mena tant contre les Saxons, que contre les Sarrazins, en Espagne, & autres diuers lieux & pays. Et semblablement pour vn autre grant inconuenient qui luy suruint pour quelque suspicion de conspiration & trahison, que ledict roy Charlemagne eut contre luy par faulx rapportz. Car combien que ledict roy Charles fut vn des roys & princes du monde le plus vertueux, craint, & aymé de ses subiectz: Toutefois on trouue que plusieurs conspiratiōs furent contre luy faictes par ses propres gens, dont i'en mettray cy deux les plus fameuses.

¶ La premiere fut des princes d'Austrasie, enuiron l'an de grace sept cens octante quatre, lesquelz en l'absence du roy machinerent le faire mourir par prison: Et de ce faict estoit principal autheur vn nommé Ardic, Cōte en Austrasie, qui eut les membres detranchez apres que ladicte conspiration fut descouuerte, & plusieurs autres ses cōplices condamnez à mourir, & les autres exilez & banniz. Entre lesquelz conspirateurs fut soubsonné ledict petrus euesque de Verdun, à raison de la grande familiarité, qu'il auoit avec ledict Ardic: Et fut priué & detenu prisonnier pour quelque tēps, informations & enquestes faictes, par lesquelles on ne peut rien prouuer contre luy. A raison dequoy fut eslargy, & constitué en son euesché. Mais non obstant demoura tousiours en la malle grace & indignation du roy: & luy fut deffendue la court, & se trouuer en la presence du roy, qui dura bien par l'espace de douze ans. Durant lequel temps son eglise de Verdun eut merueilleuses tribulations & dommages: car non seulement le roy ne voulut rendre ce que ladicte eglise auoit perdu durant son predecesseur: Mais permettoit de nouveau qu'on luy feist grandes exactions & violences, sans auoir radresse.



# depuis Charlemagne iusques à Hue capet. F. cxli.

¶ L'autre conspiration fut faicte par Pepin filz bastard dudiect Charlemagne, cōbien qu'on trouue par les histoires, que lediect Charlemagne, eut trois femmes legitimes, desquelles eut enfans: & vne quatrieme, delaquelle n'eut point d'enfans. La premiere fut fille du roy Dydiere, roy de Lombardie laquelle sa mere Berthe (dicte au grand pied) femme de Pepin luy admena de Lombardie, au retour qu'elle fit de Rome, & luy feit prendre à femme: Mais bien tost il la laissa, & renuoya son pere Dydiere, pource qu'il l'auoit receu contre sa volunté la vefue & les enfans de Charleman son frere defunct.

*Seconde conspiration faicte par Pepin filz bastard de Charlemagne.*

*Charlemagne eut quatre femmes.*

¶ Il print vne autre femme, nommée Hildegarde, qui estoit de la lignée des Saxons, femme d'honneur & vertus: Et delaquelle il eut trois filz, Pepin, qui fut roy de Lombardie, Loys roy d'Aquitaine, & l'autre nommé Charles, qui estoit laisné: Et si en eut trois filles: Bertrude, Berthe, Gaste. Ceste Hildegarde mourut en l'an sept cens octante trois.

*Hildegarde femme de Charlemagne.*

*Frustrate femme de Charlemagne.*

¶ En l'an suiuant lediect Charlemagne espousa vne autre femme, nommée Frustrate, qui estoit de natiō Françoise: & de laquelle eut deux filles. Et en icelle mesme année, la royne Berthe, dicte au grand pied, mere dudiect Charlemagne trespassa: & fut inhumée à saint Denys pres Pepin son mary. On lit d'elle qu'elle fut vertueuse & de grande sainteté, desirant l'augmentation de la foy Chrestienne, que pour cuitier oyssiveté, elle s'occupoit la plus part du temps à filer & tistre de ses propres mains grande quantité de linge, dont elle faisoit faire aornemens pour seruit aux eglises.

*Les vertus de Berthe, mere de Charlemagne.*

¶ Apres la mort de ladiect Berthe, Frustrate nouvelle royne resleua en orgueil: & vfa de plusieurs grosses violences & cruaultez. A raison dequoy lediect Pepin, filz bastard de Charlemagne, bossu & contrefaict, par la suasion d'aucuns princes Françoys, feit cōiuration cōtre lediect Charlemagne son pere, laquelle fut descouuerte par vnhomme sçauant, nommé Fardulphus Longobardien: qui depuis, pour le bon seruire faict au roy, fut institué Abbé de saint Denys en France. Et lediect Pepin, conuaincu de crime, fut tonsuré, & faict moyne en vn monastere de Prumie, diocese du Liege: ou il fina ses iours saintement, & de ceulx qui estoient de ladiect cōiuration, aucuns furent decapitez, les autres banniz & exilez. Or en ce mesme temps comença à pululer l'heresie Feliciane, qui print son commencement d'un euesque d'Orgelle, cité située es montaignes Pirenées, nommé Felix natif d'Espagne, qui auoit escript plusieurs liures contre Helipradus euesque de Tolere, lequel disoit & dogmatisoit, Iesus Christ (quant à nature diuine) estre vray filz de Dieu: & quant à la nature humaine, estre seulement adoptif, en diuisant la seconde personne de la Trinité en deux personnes, ou deux hypostasies, dont par l'une estoit vray filz de Dieu, & par l'autre homme filz de Dieu adoptif. Et pource que lediect Felix demoura obstiné en son opiniō, fut enuoyé à Charlemagne, qui estoit pour lors au pays de Bauiere en Germanie. Qui pour determiner & decider ladiect question, & confondre lediect erreur, feit assembler vn Concile de tous les euesques de France en la cité de Mayence, auquel comparut lediect Petrus euesque de Verdun, par l'exhortatiō des trois filz de Charlemagne Charles, Pepin, & Loys, qui le feirent venir par assurance audiect cōcile, pource qu'il estoit homme de grand sçauoir & doctrine: Et luy promirent faire son appointement avec leur pere Charlemagne: Tellement fut disputé en iceluy cōcile, que lediect Felix hereticque fut conuaincu: & son heresie condēnée: & se reuocqua & abiura son erreur en presence de deux legatz du saint siege Apostolicque: qu'Adria Pape auoit commis, à sçauoir, Theophilactus, hōme de grand' erudition, qui à cōposé doctement sur les Euangiles & epistres de saint Paul, & estoit archeuesque de Bulgaire. Et vn autre euesque, nommé Stephanus, qui assistoient là comme vicegerēs dudiect Pape.

*Conspiration de Pepin filz bastard de Charlemagne contre son pere.*

*L'heresie feliciane*

*Concile conuogué par Charlemagne à Mayence.*

*Ladiect heresie feliciane condamnée audiect cōcile.*

*Theophilactus present audiect cōcile.*

*Pierre euesque de Verdun, presens au concile.*

¶ Entre tous les euesques assistās, lediect Petrus eut grand honneur, en sorte que pour la reuerence, que les dessusdict filz de Charlemagne eurent à luy, quelques années le menerēt en la presence du roy, ou il se purgea de la cōiuratiō, qu'on luy auoit imposée. Et pource retourna en France, ou luy fut permis habiter & conuerser & suiure la court, ce que premierement luy auoit esté defendu & prohibé par l'espace de dix à douze ans.

*Lediect Euesque reconcilié avec Charlemagne.*

# Le iij. liure des antiquitez de la gaule belgicque,

¶ Et depuis iceluy Petrus feit grosses diligences enuers ledict roy par longue espace de temps, & diuerses prieres & remonstrances pour retirer les biens & rentes, qu'on auoit par violence vsurpé contre son eglise. Mais il ne peut rien obtenir: & furent ses poursuites inutiles, dont ladicte eglise de Verdun eut grandes pertes & dommages. Finalement ledict Petrus durant lesdictes poursuites, alla de vie à trespas, en l'an de grace sept cens nonante neuf, apres auoir tenu ledict euesché de Verdun vingt cinq ans.

*La mort d'iceluy  
Euesque.*

## DES PAPES QUI ONT TENU LE siegé à Rome durant le temps d'iceluy Euesque Petrus.

*Adrian premier  
du nom. xcviij. Pa  
pe.*



**A**DRIAN premier de ce nom, Romain de nation, filz de Theodoric homme d'ancienne noblesse, fut eleu Pape, en l'an de grace sept cens septante deux. Et pour ses grandes vertuz, doctrine & sainteté de vie est comparé & réputé entre les bons Papes, & ceulx qui ont esté zelateurs de l'augmentation de la foy Chrestienne. Il refusa l'alliance de Didier, roy de Lombardie, pource qu'il cognoissoit son mauuais courage enuers l'eglise Romaine, & la mutabilité de sa foy & de ses promesses, & print alliance avec Charlemagne, qu'il tira en Italie, & iusques à Rome: Et par lequel l'estat Romain fut restitué des maux, que ledit Dydier auoit fait à ladicte eglise Romaine. Il feit plusieurs grandes reparations en ladicte eglise, tant en aornemens, qu'ediffices, & semblablement en ladicte cité de Rome: Finalement mourut apres auoir tenu le siegé vingt trois ans dix moys dixsept iours.

*Leon. iij. du nom  
pape. xcviij.*

**L**eon troisieme de ce nom, fut nonante huietieme Pape de Rome, en l'an de grace sept cens nonante cinq. Et selon Platina en son histoire, fut Romain de nation, filz d'un citoyen de Rome, nommé Arrupio: Combien que Hermānus dict quil fut Comte de Calu en Sueue. Or nonobstant est certain qu'iceluy Leo des le commencement de sa ieunesse fut si bien nourry en vertuz & disciplines ecclesiastiques, qu'il fut trouué & iugé par deuant tous autres digne d'estre Pape: Car il estoit chaste, pudique, veridique, docte, eloquent, & amateur de gens sçauans, zelateur & defendeur de la foy Chrestienne, misericordieux aux pauvres, doux, benin, & d'un chascun aymé.

¶ Toutefois pour ses graces & vertuz il eut aucuns emulateurs & enuieux, qui luy feirent gros opprobres, batures, & iniures: Parquoy fut contrainct venir en France vers Charlemagne, par lequel fut restitué en son siegé: Et ledict Charles coroné Empereur des Romains par ledict Pape, comme amplemēt est dict cy dessus. Ledit Leo vesquit tousiours saintement, & durant son temps y eut plusieurs mouuemens de terre en diuers lieux & regions, qui feirent grans dommages: Entre lesquels la couuerture de l'eglise saint Paul fut abbatue, laquelle il feit restituer. Il edifia quasi de tout neuff l'eglise saint Pierre, le grad Hostel Dieu, pour receuoir les pauvres: Et institua les trois solennelles processions des Rogations, qu'on fait auant l'Ascension. Finalement il mourut apres auoir tenu le siegé vingt ans cinq moys.

¶ Les

# depuis Charlemagne iusques à Hue capet. F. cxlii.

¶ Les emperours qui ont regné en Constantinoble, durant ledict Petrus.



CONSTANTIN, cinquieme de ce nom, Empereur de Constantinoble, du quel à esté parlé cy dessus, en la vie de l'euesque precedent, vesquit du temps dudit euesque Petrus.

**Leon** deuxieme du nom, fut Empereur de Cōstantinoble, en l'an de grace sept cēs septante six, filz de Cōstātin, cinquieme du nom: & succeda à son pere non seulement en heritages de l'Empire, mais ausi à ses mauuaises meurs, cruaultez, sacrileges, & meschante vie: En quoy il exceda son pere. Il fut si appetent & couuoiteux de gloire, or, & pierres precieuses, qu'il print vne couronne d'or remplie de pierres precieuses, que l'Empereur Mauricius auoit donné & dedié à l'eglise sainte Sophie, en l'honneur de Dieu: & la meit sur son chef: dont biē tost apres fut puny miraculeusement: Car la teste luy embla, & luy suruindrent grosses apostumes: dequoy il mourut miserablemēt, apres auoir tenu l'Empire cinq ans, ou selon aucuns historiens, vn an seulement.

Leon. iiii. du nom. lxxii. Empereur.

**Constantinus** sixieme du nom, fut Empereur en Constantinoble, l'an de grace sept cens octante vn: Il estoit filz de Leon dessusdict & d'une noble dame, nommée Irene d'Athenes, laquelle administra l'empire avec son filz dix ans. Durant lequel temps fut celebré vn Concile en la cité de Nicene, qui fut le septieme: par lequel furent les images restituées aux eglises: Toutefois en la derniere année de leur regne, ledict Constantin fasché de gouverner avec sa mere Irene, la priua & chassa du gouvernement & administration par l'espace de cinq ans: Dont la mere irritée trouua maniere de s'en venger. Car par le moyen de ses amys elle creua les yeux à son filz & le priua de l'Empire, qu'elle seule administra par l'espace de quatre ans.

Constantin. vi. & lxxii. Empereur.

¶ Or durant l'administration diceux, enuirō la sixieme année, fut trouué à Constantinoble vn sepulchre, ou estoit vn corps mort: sur lequel y auoit vne lamine d'or, en laquelle estoiet escriptz ces motz: *Christus nascetur ex virgine, & in eum credo, Constantini & Irenes imperio. O Soliterum me videbis.* Et à la fin du regne du dessusdict fut transferré l'Empire en la personne de Charlemagne. Cōbien qu'aucuns histeriographes dient, que le dessusdict Constantinus & sa mere Irene ne regnerent en tout que douze ans. Et que Nicephorus (qui fut empereur de Constantinoble apres eulx) cōmença à regner, l'an de grace sept cēs nonante deux: & partant suiuant ceste opinion, ledict Petrus euesque de Verdū mourut le septieme an dudit Empereur Nicephorus.

Lamine d'or trouuée en terre.

Nicephorus Empereur en Constantinoble.

¶ Les Roys de France, qui ont regné durant ledict euesque Petrus.



CHARLES dict le grād, filz de Pepin le Court, fut vingt quatrieme roy des François, l'an de grace sept cens soixante huit, regna quarante sept ans en tout, à sçavoir trente quatre, selon les autres, trente sept seulement roy des François, & treze ans Empereur des Romains. Il fut le premier des roys appellé, treschrestien. Du commencement de son regne il subiugua & deicta les Sarrazins d'Aquitaine.

¶ Depuis il eut plusieurs & diuerses batailles contre les Saxons, quasi par l'espace de trente ans. Lesquelz finalement vainquit, les cōtraignant à luy obeyr, & laisser leurs A. iiii idoles

Charlema. vingt quatrieme roy de France, entre les Gaulois, & septante quatrieme entre les autres. Charlemagne en Aquitaine. Charlemagne contre les Saxons.

# Le iij. liure des antiquitez de la gaule belgicque,

*Charlemagne contre les Longobardiens.*

*Charlemagne à Rome.*

*Charlemagne contre les Bauariens.*

*Le Pape restitué par Charlemagne.*

*Charlemagne couronné Empereur à Rome.*

*Le nom d'Empereur perdu par. iiii. cens. lxxviii. ans.*

*Empire Occidental & Oriental.*

*Charlem. contre les Hongres.*

*Les Bohemes subjuguez par Char.*

*Angleterre.*

*Sardinie.*

*Esclauons & Pannoniens.*

*L'apparition de S. Iacques & les vi. Etoires de Charle. en Espagne.*

*Les Gascons traistres à charlemagne.*

*Les vert<sup>s</sup> du roy charlemagne.*

*Les eglises edifiées par charlemagne.*

*Les uniuersitez & xii. pers de France ordonn<sup>ez</sup> par charlemagne.*

*Le testament de charlemagne.*

*Trois tables d'argent & la quatrieme d'or entre les tresors de charlemagne.*

idoles, & prendre la sainte foy Chrestienne. Il veint en Italie par les prieres d'Adrian Pape, & destruisit totalement le Royaulme des Longobardiens, en prenant prisonnier leur roy Dydiar, ennemy de l'eglise Romaine. Il fut à Rome, ou il restitua ladicte eglise, & l'augmenta d'autres terres & seigneuries: A raison dequoy obtint plusieurs beaux priuileges d'icelle. Il subiuga tout le pays de Bauiere, contraignant Thasilo leur duc entrer en religiō, pour les rebellions, & trahisons, que plusieurs fois luy auoit faict.

¶ En l'an trente troisieme de son regne, de rechef alla à Rome, & restitua le Pape Leō ttoisieme qu'aucūns des Romains auoient destitué, luy faisant beaucoup d'opprobres. Et par iceluy Pape en la mesme année, qui estoit huit cens de six, fut constitué & couronné Empereur des Romains: Lequel nom auoit esté perdu passez quatre cens septante huit ans, à sçauoir depuis que constantin le grand laissa Rome, & s'en alla en Constantinoble, ou il mit le siege de l'Empire. Et iusques au temps d'Irenes, mere de Constantin. Et depuis Nicephorus, qui tenoient l'Empire audict Constantinoble, consentirent que ledict Charles eut l'Empire Occidental, & culx l'Empire Oriental.

¶ Depuis ledict Charles subiuga les Huns ou Hongres par plusieurs diuerses & merueilleuses barailles, tellement qu'ilz perdirent toute noblesse, leur gloire, & richesses, dont France fut plus enrichie, que iamais n'auoit esté. Il mit en son obeissance les Bohemes, & print leur roy Lecho. Il restitua le roy Ardulf d'Angleterre en son royaulme, qui estoit dechassé. Il print l'isle de Sardine soubz la conduicte de son filz Pepin, & chassa tous les Sarrazins, qui y estoient.

¶ Il passa avec son armée oultre le fleuue d'Albion sur les Helones & Esclaves: & subiuga tous les pays des Pannoniens, tous les peuples barbares, estans entre le Rhin, la mer Oceane, & le Danube.

¶ Apres toutes ces victoires, en son dormant, mōsieur saint Iacques luy apparut, en l'admonnestant aller en Espagne, pour deliurer son corps, qui estoit en Galice entre les mains des Sarrazins & infideles. A quoy il obtempera & gaigna toutes les Espagnes & Galice de l'une mer à l'autre en mettant tout en l'obeissance de la foy Chrestienne. Et de là retourna en France, qui ne fut sans perdre beaucoup de ses gens: Entrē lesquelz furent Roland, Oliuier, & autres par la trahison des Galcons, dont en fut cruelle vengeance:

¶ Et generalement tant eut en luy de perfection, que deuant ny apres luy n'eut son semblable en bonté, vertuz, vaillances d'armes, & felicitez de victoires, n'en zele à la foy Chrestienne, en douceur & humanité, en doctrine & science de tous les artz liberaux, eloquence, tant l'une que l'autre, en largesse, liberalité, & clemēce, en beauté, force, & agilité de corps. Toutes lesquelles vertuz & perfections employa durant sa vie, singulierement & principalement pour exaulser la foy Chrestienne. Car on liēt de luy qu'il ediffia autant d'eglises, qu'il y a de lettres en l'A, B, C. Entre lesquelles y en eut sept en l'honneur de monsieur saint Iacques, à sçauoir en Galice, Aix, Tholouse, Paris, Colongne, & Bourges en Berry. Fonda trois vniuersitez, Paris, Boulongne, & Pauie: Et ordonna les douze Pers de France.

¶ Finalement apres tous ses faictz glorieux, trois ans auant sa mort, ordōna & feit son testament, par lequel il diuisa en trois parties son or, argent, robes, vesselle, & toutes ses precieuses bagues, ioyaux, & biens meubles: Dont les deux parties ordonna estre baillées & distribuées aux euesques de vingt & vne citez metropolitaines de son royaulme, pour estre employées & mises es reparations des eglises, & sustentatiōs des pauvres. Et la troisieme partie à ses filz, filles, nepueuz, seruiteurs, & chambrieres.

¶ En ses tresors y auoit trois tables d'argent, & vne d'or de tresexcellente grandeur: Dont il ordonna l'une d'argent (en laquelle estoit insculpée la similitude de la cité de Constantinoble) estre donnée à l'eglise de saint Pierre à Rome. L'autre d'argent, en laquelle estoit insculpée la cité de Rome, donna à l'eglise de Rauenne. Et la troisieme d'argent en laquelle estoit insculpée la figure de toute la terre, & celle d'or delassa à ses enfans.

# depuis Charlemagne iusques à Hue capet. F. cxliiii.

¶ Finalement en l'aage de septante deux ans, mourut en la cité d'Aix, & fut la inhumé en l'eglise de Nostre Dame, qu'il auoit richement ediffiée, en l'an de grace huit cens quinze: Et sur son tombeau fut mis l'epitaphe subseqnent

*La mort, sepulture, & epitaphe de Charlemagne.*

*CAROLI MAGNI Christianissimi Imperatoris Romanorum, corpus sub hoc sepulchro conditum iacet.*

J'ay leu qu'il eut plusieurs femmes. La premicre fut fille de Dydier, roy des Lõbardz laquelle il repudia, pource qu'elle estoit infidele. La seconde Hildegarde, fille de Godfrey duc de Zunaire, de laquelle il eut Charles & Pepin, roy d'Italie qui moururēt ieunes, & Loys debonnaire, qui luy succeda. Et si eut deux filles, Rotidrude, femme de l'Empereur Constantin, & Berthe. De la troisieme femme Frustrade il eut Thedrade, Hiltuede, Rotherde. De la quatrieme, appellée Lutdgiarde n'eut aucüs enfäs. De la cinquieme royne il eut Drogo euesque de Metz, Hugues archeuesque de Roué Balixandre, femme du Comte d'Auuergne.

*Les femmes de Charlemagne.*

*Les enfäs de Charlemagne.*

## DES SVCCESSEURS DE CLODION QVI ont regné en la duché de Mozelane, Ardenne, & Buillon durant ledict Petrus

**L**OHIER, filz de Lãbert dessusdict, & frere d'Adelreide prinée d'Ardeñe, duquel nous auons parlé & escript en l'euesque Magdalueus, estant duc de Mozelane, succeda à Ardenn, l'an sept cens septante quatre. Et teint ledict pays d'Ardeñe durãt nostre euesque Petrus iusques l'an sept cens octante six, en laquelle année il fut religieux, & mourut deux ans apres.

*Vide supra.*

*Frederic duc de Mozelane, Côte d'ardenne & de Buillon.*

**Ferry** ou Frederic, filz aigné de Lohier, succeda aux duché de Mozelane, & Cõté d'Ardenne & de Buillon, en l'an sept cens octante six, quãd son pere entra en religion au monastere de Thõsey, cõme dessus est escript. Cestuy de son temps, outre la beaulté de son corps, estant de moyenne stature, fut doux, gracieux, & affable à tous: Mais quant aux armes, vaillant, hardy, fort, outre mesure, droit en tous ses faiçtz, faisant iustice à tous sans dissimulation. Et pour ses vertuz estoit cõmunemēt appellé, Le Caste, & des autres, le bon. Araison dequoy fut fort aymé de Charlemagne, qui le constitua capitaine general de sa gendarmerie, & donna en faueur de luy grans priuileges ex pays de ses seigneuries, tellement que tous les subiectz, durãt son temps, vesquirent en grande liberte, sans oppressions n'exactions: combien qu'il fut absent de seldictz pays: Car il fut present en toutes les batailles & grosses affaires dudict Charlemagne.

*Frederic capitaine general de Charlemagne.*

¶ Nous trouuõs qu'il garda de mort par deux fois ledict Charlemagne. La premiere fut pres la riuere de Murt, ou on voit encores auourd'huy vne eglise q̃ ledict Charlemagne y fait edifier & fonder en l'honneur de sainte Marguarite: A laquelle donna autant de priuileges, cõme à Nostre Dame d'Aix. La seconde fois fut sur le Rhin, pres Mayence, ou Magonce: & si fut present en la bataille de Ronceual, ou il perdit beaucoup des ses gens & fut nauré griefuement: Et si Charlemagne ne l'eut secouru, il y fut demouré. De son temps il ayma fort ses subiectz, & ne fait iamais sur eulx exactions nouvelles, ne print vengeance de chose qu'on eut fait à son pere: Mais sur tout les exhortoit à viure en bonne amour, sans faire tort les vns aux autres, & à ymer & seruir Dieu, ce qu'il faisoit continuellement quelques grosses affaires quil eust. Il redifia plusieurs eglises, & repara villes & chasteaux en ses pays.

*Frederic garda Charlemagne de mort par deux fois.*

# Le iij. liur des antiquitez de la gaulè belgicquè,

*Frederic suiuit les  
armes soubz Loys  
debonnaire.*

*De la mort dudit  
Frederic, de ses fe-  
mes, & enfans.*

signamment à Metz, Toul, Treues, saïnt Vvandelin, Almécè, Sambrich, Andrenach, & autres. Il dōna & augmēta les biēs & gaiges des douze peres & des quatre Doyēs, q̄ son pere auoit ordōnez pour regir & gouuerner son peuple en son absence. Apres la mort de Charlemagne, le bō prince suiuit la court de l'Empereur Loys debōnaire, iusques à la fin de sa vie. Pédant le regne duquel vn iour la court dudit roy éstāt à Treues, luy surueint vne maladie, de laquelle il congneut qu'il deuoit mourir. Si fery alla cōfesser à l'archeuesque du lieu: & receut tous les sacremens de saincte eglise: Et puis estant en vne Chaire, parlant viuemēt, rendant grāces à Dieu, sans auoir regret à la mort, rendit son esprit à Dieu le iour de la feste de saïnt Mathias, en presence de plusieurs gens d'eglise, & ceulx de la noblesse, desquelz il fut grandemēt plaint & ploré: Et son corps fut inhumé en l'eglise de saïnt Mathias dudit lieu, l'an huiēt cens vingt quatre, apres auoir regné trente huiēt ans. On lit qu'il eut deux fēmes, la premiere nommée Felice, seur de Henry, Côte de Saulme: La secōde Anne, fille du duc de Bretagne: desquelles eut plusieurs enfans, dont l'un fut nommé Sadigerus, qui succeda aux seigneuries de son pere: & vne fille, nōmée Elisabeth, laquelle fut mariée au Côte de Zeringen, & vn autre filz nōmé Ethico, qui fut archediacre de Treues.

## DES SVCCESSEURS DE CLODION, QVI

ont regné en Haynau, durant lediēt.

Petrus.

*Vide supra.*

*V vaultier. iij. du  
nom côte d'Hay-  
nau.*

*Sommation de  
Charlemagne à  
V vaultier, Côte  
d'Haynau.*

*V vaultier tué en  
Saxonie.*

*Trois filles dudit  
V vaultier.*



**W**AVTIER, Lorphenin, deuxieme du nom (duquel auons escript en l'euesque Magdaluens, au second liure) tint le pays de Haynau, durant lediēt euesque Petrus iusques en l'an sept cens septante neuf.


**W**autier troisieme du nom, filz d'V vaultier deuxieme, succeda à son pere en Haynau, & Alsacie, enuiron l'an sept cēs septante neuf, & fut appellé L'orphenin comme son pere, & du temps que Charlemagne viuoit. Et pour l'intelligence de ces trois V vaultiers dessus nommez, fault noter que les histoires de Haynau & Hugues de Toul, sont en diuersité: car aucūs n'en mettent que deux, le pere & le filz: les autres en mettent trois, laquelle opinion est la plus veritable & conuenable au tēps de la succession d'iceux. Car lesdiētz historiens conuienent en ce que incontinent que le dernier V vaultier vint à succeder à son pere, le roy Charlemagne, enuoya vers luy à raison des differens, que Pepin son pere auoit heu avec le pere de cestuy V vaultier, & le feit sommer s'il vouloit tenir son alliaçe, ou non: Ensemble pour sçauoir s'il auoit intelligence avec aucuns princes d'Austrasie, qui auoient fait vne coniuration contre lediēt Charlemagne. Laquelle chose attendue, cestuy V vaultier se retira vers lediēt Charlemagne en personne, & feit ses excuses, & se purgea de ladiēt conijuration, dont il fut receu en bonne amitié, & luy donna lediēt Charlemagne charge de gens d'armes: avec lesquelz il milita en diuers lieux. Et finalement fut enuoyé cōtre les Saxōs, ou il fut tué, enuiron l'an huiēt cens: Et ne laissa que trois filles, Renée, Hiltrude, & Malbert, de Simahilde, fille Chasillō, duc de Bauiere. Ces troys filles furent mariées haultement par lediēt Charlemagne, signamment la premiere, à vn nommé Albon, qui succeda à la duché de Haynau en ladiēt année huiēt cens.

FIN DE LA VIE DE PETRVS  
d'Italie. xxv. euesque de Verdun.

De

depuis Charlemagne iusques à Hue capet. F.cxliiii.

DE LA VIE D'AVSTRANNUS  
vingtsixieme Euesque  
de Verdun.



AVSTRANNUS, vingtsixieme Euesque de Verdun, fut esleu & institué en l'an de grace sept cens nonante neuf, par la nomination de Charlemagne, qui l'auoit tiré en France par le moyen du Pape Adrian: pource qu'il estoit homme d'honneur & vertu, fort itilé à la decoratiō de l'eglise & seruice diuin, expert en l'art de musique & chanterie, en la maniere que sensuit.

¶ Charlemagne, qui sur tout desiroit l'honneur de Dieu, l'augmentation & decoration du seruice diuin, apres son premier voyage de Rome, & qu'il eut aperceu la maniere & façon de chanter es eglises Romaines, à scauoir par mesure & consonorité, eut à deplaisir la maniere de chanter es eglises de France & Germanie, ou les heures canoniales & autres seruices diuins estoient chantez si rusticquemēt & sans accordz, qu'il n'y auoit ordre, mesure sonorité, ne melodie, excepté en l'eglise de Metz, laquelle vn peu au parauant, enuiron l'an de grace sept cens soixante quatre, estoit aucunement reformée en chant, par le moyen de Grodegandus euesque de ladicte eglise, comme auons dict cy dessus. Or desirant ledict Charlemagne mettre ordre par toutes les eglises de France & Germanie, & les faire chanter & psalmodier par mesure & sonorité, selon l'usage des Romains, enuoya enuiron l'an de grace sept cens soixante, deux hommes scauans vers le Pape Adrian, pour amener gens expertz en l'art de Musique, & reformer, endoctriner, & apprendre par toutes les eglises de France, La maniere de chanter des Romains. A quoy le Pape voulut bien satisfaire pour l'honneur de Dieu & d'iceluy Charlemagne: Et luy enuoya plusieurs chantres & musiciens. Entre lesquels fut enuoyé celuy Austrannus, qui pour sa doctrine & scauoir fut fort aymé de Charlemagne, tellement qu'apres la mort du dessusdict Petrus, il luy donna l'euesché de Verdun, combien qu'il fut ia ancien: Et tant l'aymoit que ordinairement le faisoit suiure la court & le mena avec luy à Rome à son troisieme voyage, qu'il fit pour la restitution du Pape Leon troisieme de ce nom.

¶ Car ledict Pape Leon enuiron l'an huit cens, ainsi qu'il celebrait les Letanies, que saint Gregoire à instituées, & alloit en procesion de saint Jean de L'atran à saint Laurent, fut par aucuns Romains deiecté de son cheual, battu, frappé, & despouillé tout nud: & selon aucuns historiens luy coupperent la langue & creuerent les yeulx, dont il fut (selon iceulx historiographes) guery. Et depuis comme demy mort fut mis en prison au monastere saint Erasme. Mais la nuit par la diligence d'un sien cubiculaire nommé Albinus, & par l'ayde du duc de Spolete, appelé Vvinigifus; qui pour lors estoit à Rome, fut transporté par dessus les murailles de Rome & mené à seureté en ladicte cité de Spolete.

¶ Or de la en diligēce veit ledict Pape à Charlemagne, qui pour lors estoit occupé en vne bataille qu'il auoit contre les Saxons, lequel congnoissant la venue du Pape, fit assembler vn Concile general en vne cité sur le Rhin, nommée Lippia, ou il le receut honorablement: Et apres auoir entendu tout le cas des oppobres, qu'on luy auoit fait

*Austrannus bon musicien.*

*La maniere de chanter en la gaulle & Germanie rustique & sans sonorité pour lors.*

*Austrannus enuoyé à Charlemagne par le Pape Adrian.*

*Austrannus par Charlemagne nommé euesque de Verdun.*

*Miracle du Pape Leon.*

*Vvinigifus duc de Spolete.*

*Leon Pape receu reueremment par Charlemagne.*

fait

# Le iij. liure des antiquitez de la gaule belgicque,

faict, luy promet qu'incontinent son entreprinse acheuée contre lesdictz Saxons, il iroit en personne à Rome: & ce pendant le renuoya par deux de ses legatz & ambassadeurs, par lesquels il fut restitué en son siege, & de tout le clergé & peuple de Rome receu reueremment, qui luy veindrent au deuant hors la cité de Rome, iusques au pont dict Miluius, & avec grande ioye & honneur fut conduit & remis en son siege.

*Leon restitué en son siege.*

*Charlemagne à Rome.*

*Leō Pape se voulut purger des cas à luy imposez.*

*Les accusateurs de Leon pape condânez à estre decapitez.*

*La clemence du Pape Leon, qui pria pour ses accusateurs.*

*Le couronnement de Charlemagne en l'eglise de saint Pierre.*

*Charlemagne couronné Empereur, & son filz roy d'Italie.*

*Le corps de saint Magdalucus canonisé par l'euesque Austrannus.*

*Restitution du pôt des Brachieux faict à l'eglise de Verdun.*

*La mort de l'euesque austrannus.*

¶ Or bien tost apres ledict Charlemagne veint à Rome pour composer & mettre ordre aux mutineries, qui estoient à Rome, & en toute l'Italie. Et fut par ledict Pape & tout le clergé receu honorablement, en chantant & louant Dieu en l'eglise de saint Pierre: En laquelle presens tous les euesques & prelatz, tant d'Italie que de France, ledict Leon Pape se voulut purger solennellement de tous ces crimes, que luy auoient faict & imposé ses ennemyz: Mais tout le peuple & prelatz, qui là asistoient (entre lesquels estoit nostre euesque Austrannus) commencerent tous à crier d'une voix, qu'il n'appartenoit à homme viuant, signanment seculier & lay, iuger du saint siege Apostolicque & eglise Romaine, laquelle estoit chef & souueraine de toutes les autes. Laquelle responce ouye par ledict Charlemagne se tempera & desista de proceder oultre à l'inquisition des accusations faictes contre ledict Pape. Qui toutefois non obstant ce, print en ses mains les saintes Euangiles, & monta sur vn pulpitre hault, & inuocquât le nom de la sainte & benoiste Trinité, iura & afferma solennellement, qu'il estoit innocent de tous les crimes par ses emulateurs à luy imposez. Ce que fut faict aux Ides de Decembre l'an huit cens sept. Et incontinent ledict Charlemagne ordonna les accusateurs estre amenez selon les loix Romaines: Qui cōuaincuz par faulte de probations furent cōdemnez de crime de lese maiesté estre decapitez: Entre lesquels estoit vn des principaulx, Pascalis Primicerius, & Capulus chambrier apostolicque, qui auoient incitez aucuns nobles de Rome contre ledict Pape Leon, qui de sa bonté & clemence supplia audiēt Charlemagne pour ses acusatours à ce qu'ilz eussent leurs vies saulues, & feussent seulement miz en exil.

¶ Or depuis le iour de la Natiuité de Nostre Seigneur, subseqnent en ladicte année huit cens & vn, vint ledict Charlemagne en l'eglise de saint Pierre: Et estant en oraison deuant le grant autel, ledict Pape Leon luy meit la couronne Imperiale sur la teste, & fut par luy avec tout le clergé & peuple Romain proclamé par trois fois à haulte voix: A Charles auguste de Dieu couronné grand Empereur & pacifique soit longue vie & victoire.

¶ Aucuns historiographes (comme Carion & Hermannus) disent que ledict Charles respondit: Si i'eusse pensé telle chose estre faicte, ie ne feusse pas icy venu. Et des lors laissa le nom de roy & de Patrice Romain, & fut appellé Cæsar Augustus Empereur. Et son filz Pepin fut sacré roy d'Italie.

¶ Apres toutes ces choses faictes l'Empereur Charlemagne retourna en France avec sa court, entre lesquels estoit le dessusdict Austrannus, euesque de Verdun: lequel pendant qu'il estoit à Rome, obtint dudit Pape Leō troisieme, licence & auctorité leuer de terre & canoniser le corps saint Magdalucus, inhumé à saint Venne, & iadis Euesque dudit Verdun, pour les grandz miracles, qu'il monstra & prouua, qui se faisoient nouvellement sur le tombeau dudit defunct Magdalucus, tellement qu'incontinent apres son retour de Rome, il feit canoniser ledict corps saint Magdalucus & mettre en vne fierte d'argent, comme on la voit.

¶ Et oultre feit grande diligence repeter & recourir les terres alienées de son eglise de Verdun. Tellement qu'il obtint dudit Empereur la restitution du pont des Brachieux: sur lequel & aux enuiron d'iceluy demouroient gens mechanicques, qui payoient grandes rentes & reuenuz à ladicte eglise, lesquels on auoit osté & vsurpé durât le tēps de son predecesseur, Petrus Italicus. Et eut faict beaucoup d'autres groz biens à ladicte eglise, sil eut vescu. Mais bien tost apres alla de vie à trespas, apres auoir seulement tenu l'euesché par l'espace de cinq ans, en l'an de grace huit cens quatre: & fut inhumé en l'eglise saint Pierre & saint Paul, dicte à present l'eglise de saint Venne.



# depuis Pharamond iusques à Charlemagne. F. cxlv.

¶ Des Papes, qui ont tenu le siege Apolicque,  
durant ledict Euesque  
Austrannus.

LE O, troysieme du nom, duquel nous auons escript en l'Euesque precedent; teint  
le siege de Rome, durant ledict Euesque Austrannus.

¶ Des Empereurs qui ont regné du temps dudiect  
Euesque Austrannus.

**I**CY FAULT NOTER pour l'intelligence des Empe-  
reurs, desquelz cy apres nous ferons mention, que combien qu'apres la  
coronation de Charlemagne, qui fut en l'an huit cens ~~deux~~ & sembla  
blemēt apres les accordz, qui furent faitz entre luy & Irene mere de  
Constantin, plusieurs Empereurs chrestiens ayent regné en Constan-  
tinoble, & porté le nom d'empereur en Oriēt, iusques à ce qu'ilz furent totalement  
expulsez par les Turcs, & ladiēte citē prinse, qui fut en l'an de grace mil quatre cens  
cinquante & troys: Toutefois les regnes d'ediectz Empereurs de Constantinoble de-  
puis la dessusdicte Irene ont esté si plains de calamitez & miserēs: & leur puissan-  
ce tant diminuēe, par leurs pusillanimitē, auarice, heresie, & tyrannies, que le nō d'em-  
pereur en eulx sembloit plus estre en derision qu'en dignitē. Et pource les Romains  
qui ne pouuoient auoir ayde ne secours d'eux, commencerent des lors regarder aux  
Gauloys: & mettre en iceulx toute la maiestē du nom Imperial, commençans en la  
personne de Charlemagne, & consequemmēt à ses successeurs: qui pour leurs vertuz  
& forces ont tousiours defendu la chose publique Romaine & chrestienne.

¶ Parquoy deormais nous delaissetons à parler des Empereurs de Constantinoble:  
& ferons mention des successeurs dudiect Charlemagne: la coronation duquel fut fai-  
cte la seconde annēe, que ledict Austrannus fut euesque de Verdun.

*Aduertissement  
aux lecteurs, pour  
l'intelligence des  
Empereurs apres  
Charlemagne.*

*Les empereurs  
chrestiens, qui ont  
regné en Constan-  
tinoble iusques en  
l'an mil quatre cēs  
cinquante troys.  
Les Empereurs de  
Constantinoble de  
uenuz pusillani-  
mes.*

*Pourquoy les Ro-  
mains ont transfē-  
rē l'Empire aux  
Gauloys.*

¶ Des Roys de France, qui ont regné durant  
ledict Austrannus.

CHARLES le grand, autrement Charlemagne, duquel nous auons escript en *Vide supra.*  
la vie de Petrus, cy dessus, fut roy de France & empereur, durant ledict euesque  
Austrannus.

¶ Des successeurs de Clodion, lesquelz ont regné à Moze-  
lane, Buillon, & Ardenne, durant ledict  
Austrannus.



ERR Y filz de Lohier, duquel nous auons escript en l'euesque pre-  
cedent, teint la Duchē de Mozelande, & les comtez d'Ardenē & Buyl-  
lon, du temps dudiect euesque Austrannus.

B

¶ Des

# Le.iii.liure des antiquitez de la gaule belgicque,

Des successeurs de Clodion le Cheuelu, qui ont  
re<sup>u</sup> la Comté de Haynau, durant  
ledict Euesque Au-  
strannus.



**A**L B O N, autremét appellé Manafsier (comme tesmognent les An-  
nales de Metheloch, Thole, ensemble autres chartres desdictz lieux,  
pareillemét Reuerendissime Cardinal, Nicolas de Couste en son Or-  
bis) fut filz puisné de Lohier Duc de la Mozelane, & d'Aelix sa deuxie-  
me femme, fille de Pepin roy de France, seigneur de Retel & Yuoys,  
apres la mort d'V vaultier, espousa Maldebert, fille aisnée d'iceluy. Et par le mariage  
luy fut confermée la Comté de Haynau, par Charles le grad, authour de ce mariage.  
Il fut fort aymé de Charlemagne: Tellement qu'il luy restitua la ville de Vallencien-  
ne, que son pere Pepin auoit osté à V vaultier l'Orphenin, ayeul de ladicte femme &  
suyuit depuis la court de Loys de bonnaire, & iusques au commencement du regne  
de Lothaire. Car il mourut enuiron l'an huiet cens trente quatre. Et laissa vn filz, no-  
mé Albon, comme luy.

*Albon comte de  
Haynau de par  
sa femme.  
Valencienne resti-  
tuée aux comtes  
de Haynau.*

**F I N D E L A V I E D ' A V S T R A N N U S**  
vingtfixieme Euesque  
de Verdun.

## DE LA VIE DE HERILANDUS vingt septieme Euesque de Verdun.



*Herilandus, aliàs  
Crelannus. xxvij  
euesque de Verdun*

*Zacharias frere  
dudict Heriladus*

*Herilandus fut  
euesque en faueur  
de sondict frere  
Zacharias.*



**H** E R I L A N D U S autremét Crelannus, vingtseptie-  
me euesque de Verdun, fut esleu en l'an de grace huiet cens  
cinq, la quatrieme année, que Charlemagne fut cōsacré, &  
declaré Empereur des Romains, & ce par la nomination  
dudict Charlemagne: Car combié qu'iceluy Heriladus fut  
bon homme, simple, debile de corps, & peu vsité en gou-  
uernement des choses publiques & affaires ciuiles: Tou-  
tesfoys il auoit vn frere, nommé Zacharias, homme de grad  
sçauoir, & duquel ledict Charlemagne vsoit souuentefoys  
en ses legations & ambassades. Et en faueur d'iceluy, ordonna que ledict Herilandus  
son frere fut institué audict euesché de Verdun. A quoy entendre fault supposer ce  
qu'Annonius, au soupplicient de ses histoires dict, qu'environ l'an huiet cens, le  
patriarche

# depuis Charlemagne iusques à Hue Capet. F. cxlvi.

patriarche de Hierusalem aduertuy des grandes vertuz & renommée de Charlemagne, enuoya en legation, vers luy vn religieux avec plusieurs reliques du sainct sepulchre: entre lesquelles estoit vn clou, dequoy nostre seigneur Iesuchrist fut crucifié, des espines de la couronne, & grande partie de la croix.

¶ Et en ce mesme temps, Aaron roy & admiral de Perse, enuoya semblablement Embassadeurs, vers ledict Charlemagne, qui luy apporterent le suaire de nostredict Seigneur Iesuchrist, la chemise de Nostre Dame le bras de sainct Simcō: (& comme dit Sigeber) le corps de monsieur sainct Cyprian, euesque de Carthage, & plusieurs autres reliques: lesquelles ledict roy receut honorablement & reueremment: & les enuoya en diuerses eglises de son royaume, pour y estre venerées & honorées. Et apres qu'il eut quelque temps festoyé en France, & conferé avec lesdictz embassadeurs, les renuoya avec plusieurs dons nobles & magnifiques. Et pour plus amplement prendre alliance & amitié avec ledict Patriarche de Hierusalem, desiroit sçauoir l'estat, affaires, & necessitez des lieux saintz pour y subuenir & ayder, enuoya en Hierusalem avec lesdictz embassadeurs ledict Zacharias, frere dudit Herilandus, à fin de par luy estre mieux informé des choses dessusdictes.

¶ Dicit oultre ledict Annonius, qu'en l'an subsequnt, pendant que Charlemagne estoit à Rome, du temps de son coronement, ledict Zacharias de son retour arriua à Rome: & là fait son rapport de sa legation. Et luy presenta de par ledict Patriarche les clez du sainct sepulchre, & du lieu de Caluaire, avec vne banniere ou estandard de la sainte Passion de Iesuchrist, en signifiant qu'il se mettoit luy & lesdictz saintz lieux soubz sa tutelle & defense, comme à celuy, qui estoit digne entre tous les princes Chrestiens, d'estre appellé & denominé Treschrestien roy. Et de ceste heure il print ladiete denomination, & consequemment tous les successeurs roys de France ont obserué ledict tiltre. De ces beaux dons fut merueilleusement ioyeux ledict Charlemagne, & en rendit graces à Dieu. Et depuis à tout iamais eut en singuliere reuerence, & auoit ledict Zacharias, qui fut cause de la promotion de Herilandus en l'Euesché de Verdun.

¶ Apres le retour de Charlemagne en France, & qu'il eut prins le tiltre d'Empereur il fut de plus en plus affecté en l'amour de Dieu, & à l'augmentation de la sainte foy Chrestienne & des Eglises & seruices diuins. Car incontinent il enuoya par toutes les contrées de son royaume gens sçauans & vertueux, pour administrer Iustice. Et institua plusieurs chapitres de loix & decretz, tant es choses publiques, temporelles, que Ecclesiastiques. Et pour mieux confermer ses decretz, & reformer l'estat de l'Eglise, il fait conuoquer plusieurs conciles generaux par les pais de la Gaule: A sçauoir l'vn à Magonce, l'autre à Reims, le troysieme à Tours, le quatrieme à Chaalons sur la Sone, & le cinquieme à Arelate, esquelz conciles ledict Herilandus fut present. Et de son temps en l'Eglise de Verdun on commença à lire le martyrologe, environ l'an huit cens douze, que Charlemagne desirant accroistre l'honneur de Dieu & du saint seruice diuin, auoit ordonné colliger & reduire en vn volume, par vn religieux, nomme Inardus, les noms, & passions des saintz martyrs de toutes les parties du monde: Combien que Eusebe, sainct Hierosme, & Bede l'auoyēt desia commencé. Et fut trouué que des lors y auoit par chascun iour de l'an plus de trois cens festes. Et pour ce fut ordonné qu'à la fin du Martyrologe seroit dict,

*• Et aliorum plurimorum sanctorum martyrum, confessorum, atque virginum.*

¶ Item au temps de Herilandus on commença à lire en l'eglise de Verdun & autres Eglises de France, pour les leçons des matines & les legēdes à chascune feste de l'an, vn volume fait sur les escriptures des saintz peres anciens, & redigé de l'ordonnance dudit Charlemagne par Paul Diacre, qui s'estoit rendu religieux au monastere du Mont de Cassine.

¶ Semblablement du temps dudit Herilandus mourut en France Albinus: autrement dict Aleuinus, homme sçauant en toutes sciences & doctrines, tant Grecques que Latines: qui au parauant natif d'Angleterre vint en France: & pour ses vertuz & doctrine fut appellé du roy Charlemagne, & cherement tenu domestique avec

*Legation du patriarche de Hierusalem à Charlemagne.*

*Le saint suaire de nostre seigneur enuoyé à Charlemagne par le roy de Perse.*

*Zacharias frere de Herilandus enuoyé par Charlemagne en Hierusalem.*

*Zacharias retourné de son voyage.*

*Charlemagne protecteur du S. Sepulchre de Hierusalem.*

*Charlemagne & ses successeurs, les roys de France obtindrent le nom, & tiltre de treschrestien.*

*Les conciles generaux conuoquez par Charlemagne*

*Institution de lire le Martyrologe es eglises.*

*Legendaire composé par Paulus Diaconus.*

*La mort d'Aluinus precepteur de Charlemagne.*

# Le.iii.liure des antiquitez de la gaule belgicque,

*Liures composez  
par Alcuinus, sus  
la sainte escriptu  
re.*

*L'origine de l'uni  
uersité de Paris.*

*Les deux premiers  
fondateurs des v  
niuersité de Paris  
& Paue.*

*L'uniuersité de  
Paris augmentée  
par Alcuinus &  
Rabanus.*

*L'euesque Herila  
ndus present aux  
obseques de Char  
lemagne.*

*Ingratitude de  
Bernard nepueu  
de Loys debon  
naire.*

luy, comme son precepteur: Et duquel fut endoctriné en plusieurs sciences & artz liberaux. Et luy bailla la Preuosté de saint Martin de Tours: ou il residoit, quand ledit Charles estoit occupé es barailles. Et là composa sur la sainte escripture plusieurs liures, *De sancta trinitate. troys liures, de ratione animæ ad Eulaliam virginem*, & plusieurs autres. Et selon aucuns, la Glose ordinaire sur la Bible, extraicte des sentences d'aucuns docteurs.

¶ Iacobus de Colonia escript en son histoire, que pour lors l'vniuersité de Paris commença à flourir & auoir bruit. Et que les premiers fundateurs d'icelle furent quatre religieux, disciples de Beda le venerable, a sçauoir Rabanus, Alcuinus, Claudius (sur nommé Clemens) & Iohannes. Combien qu'un peu au parauant (comme dit Guaguin) les deux dessusdictz religieux, Clemens & Iohannes natifz d'Hibernie, hommes doctes & sçauans, estoient venuz & arriuez en France. Et par tout le pais (signamment à Paris) crioyent & annonçoient publiquemēt, qu'ilz auoyent science & sapiēce à vēdre. Ce que paruint iusques aux oreilles de Charlemagne, qui voulut ouïr & sçauoir d'iceux le pris qu'ilz demandoient de leur marchandise. A quoy feirent response, qu'ilz ne demandoient autre pris, sinon le lieu opportun pour endoctrinēt enfans ingenieux, d'esprit, & disposez à leur science.

¶ De laquelle response ioyeux ledit roy, les retint quelque temps avec luy, & apres en enuoya l'un à sçauoir Iohannes, en Italie au monastere de saint Augustin de Paue, pour là enseigner ceux qui vouldroient apprendre. Et l'autre, nommé Clemens, autrement dict Claudius, retint à Paris: soubz lequel enuoya plusieurs enfans ingenieux de tous estaz: & ordonna leur bailler & administrer viures, & tout ce qui leur estoit necessaire pour apprendre. Et par ceste maniere fut commencée l'vniuersité de Paris, par apres augmentée par ledit Alcuinus, precepteur dudit Charlemagne: & son compagnon Rabanus, qui feirent edifier lieux & escoles conuenables, fonder rentes, pour les Recteurs & escoliers. Et obtindrent du roy grands priuileges, frāchises, & libertez: en sorte qu'icelle vniuersité est paruenue à l'excellence & perfection qu'elle est de present.

¶ Or durant cedit temps, enuiron l'an huit cens quinze, qui estoit de l'euesché dudit Herilandus l'année vnziēme, l'empereur Charlemagne remply de tous faitz vertueux & glorieux, alla de vie à trespas, en la cité d'Aix: ou il fut inhumé reueremēt & triumphemēt: Et ses obseques faitz par les euesques & prelatz des pays. Entre lesquelz estoit ledit Herilandus, qui estoit de nation des lieux circunuoyfins de la cité d'Aix. Et disent aucuns hystoriens, que le Pape Leon troisiēme y fut present en persone: Et de la retourna à Rome, & mourut enuiron quatre ans après: Auquel succeda Stephanus quatriēme de ce nom.

¶ Apres la mort de Charlemagne: Loys son filz succeda seul tant à l'Empire, qu'au royaume de France, l'an huit cens quinze, pource qu'il estoit hōme doux, benin, & misericordieux, patient en aduersité, & deuot enuets Dieu & les saintz, fut surnommé debonnaire: Il auoit prins à femme par le conseil de son pere Charlemagne, vne noble dame, nommée Armenias, fille du conte Hildegran.

¶ Au commencement de son regne il eut plusieurs gros affaires, pour resister aux entreprises, qu'on faisoit contre luy en diuerses contrées des pays, comme en Espagne, Guascogne, Dānemarche. Et sur tout fut empesché pour resister à vne conspiration, que luy feit son nepueu, Bernard filz de Pepin son frere: Lequel Charlemagne auant sa mort auoit couronné roy de Lombardie, par les prieres & induction dudit Loys debonnaire: qui auoit porfuiuy ce bien enuers son pere pour sondict nepueu. Neantmoins ledit Bernard fut si ingrat, qu'en l'an huit cens dix huit, qui estoit la troisiēme année du regne de Loys, leua grosse armée de François, Lombards, Alle-mans, par l'aide & enhortement des euesques, Anselinus de Milan, Vualfredus de Cremone, & Theodulphus d'Orleans. Et entra dedans le pays dudit Loys, gastant & destruisant tout iusques à Chaalon en Champagne.

¶ Entre autre pays passa par Verdun, ou il feit dōmages innumerables: en sorte que ledit Herilandus, qui estoit lors euesque de Verdun, & detenu de la maladie des gauttes,

# depuis Charlemagne iusques à Huë Capet. F. c. l. vii.

gouttes, & autres infirmités & imperfections de son corps, en sorte qu'il ne pouuoit aller ne se soustenir : fut contrainct s'en fuyr, & se faire transporter iusques en la ville d'Aix, qu'on dit Aquisgranum, qui estoit territoire de sa natiuité: Et la demoura es chartres & maladies, iusques au temps de sa mort, tousiours absent de son euesché: Dont son eglise eust merueilleux & innumerables dommages: Et perdist beaucoup de rentes, terres, & seigneuries: que les nobles circonoioins entreprirent contre icelle pour son absence: Et n'y auoit personne pour resister ou empescher aux violences qu'on faisoit. Toutesfois Loys empereur resista tellement à son nepueu Bernard, qu'il deffit tous les gens: Et le print prisonnier avec les dessusdictz euesques ses fauoritz. Et pour punition fait creuer les yeux audict Bernard: Mais par apres, pource qu'il estoit impatient, & vsoit de parolles iniurieuses contre ledict Loys, par sentence eut la teste couppee.

¶ Quant aux euesques, les fait detenir prisonniers en diuers lieux. Et fut assignee à Theodulphus euesque d'Orleans, la cité d'Angiers pour prison. Mais enuiron dix ans apres que ledict Empereur estoit à Angiers le iour de Pasques flories, en faisant le procesion passant par deuant les prisons, ledict Theodulphus commença à chanter ces vers,

*Gloria, laus, & honor tibi, &c.*

Si melodieusement, que le roy s'atresta: Et par pitié & deuotion le fait deliurer de prison: Et ordonna que lesdictz vers feussent chatez chascun an le iour des rameaux à la procesion.

¶ Enuiron ledict temps, Armenias (aliàs Hilmegardis, femme de Loys empereur, mourut. De laquelle il auoit trois enfans, Lothaire, Pepin, & Loys. Il print nouvelle femme, nommée Iudith, fille d'un comte Guelphus, & selon les autres Baudoyne de laquelle il eut vn filz nommé Charles le chauue. A raison de quoy vindrent grosses dissensions par tout le royaume & empire. Et fut occasion que ledict Empereur eut & endura durant son regne plusieurs iniures, incursions, & calamitez de ses propres enfans.

¶ Or cuydant euit lesdictes dissensions de partist à ses enfans de son heritage, & enuoya chacun sur son lieu: A sçauoir Lothaire en Italie, Pepin en Guyenne, & Loys en Baïorie. Et fut iceluy Lothaire du consentement de sondict pere couronné empereur par Paschal, pape de Rome pour lors, enuiron l'an huit cens vingt trois. Et à fin d'entretenir la paix en Italie, & euit les dissensions entre les papes & empereurs, fut faicte vne declaration des villes & citez d'Heururie appartenans à l'empire ou à l'eglise Romaine. Et fut declaré, qu'Arete, Volatere, Clusy, Florence, Pistoire, Lucque, Pise, Peroufa, seroyent à l'empire: Et les autres villes & citez de ladicte Heururie partiendroyent à l'eglise Romaine: en adioustant la cité de Turdettine, située en Vmbrie. Et d'auantage oultre les montagnes pennines toutes la Romandiole avec la cité de Rauenne.

¶ Or nonobstant toutes les diligences, que ledict Loys fait pour euit les factions, inimitiez, & coniuurations de ses enfans, enuieux de leurs plus ieune frere non germain: Toutesfois il ne peut si bien faire, que par tout son royaume n'y eut grandes factions & monopoles entre les princes & prelatz. Car aucuns adheroyent audict roy Loys: & les autres tenoyent les parties desdictz enfans. Parquoy en diuers lieux se faisoient tyrannies & exactions, aux quelles estoit difficile mettre ordre, & dont consequemment aduindrent les oppobres & grandes iniures audict roy Loys empereur, comme sera dict cy apres. Durans lesquelles diuisions la cité & eglise de Verdun, située au milieu des pays endura & souffrit plusieurs maux, dommages & calamitez.

¶ Et dict Sigibert en sa cronique, qu'en ce mesme temps apparurent plusieurs prodiges & choses monstrueuses contre nature: Ce que signifioit les miseres & calamitez, qui deuoient apres aduenir. Car enuiron l'an huit cens vingt quatre tant en France qu'en Saxonie furent plusieurs mouuemens de terre, villes & maisons bruslées par feu du ciel: hommes & bestes tuez par fouldre, les bledz & biés de la terre destruitsz

*L'euesque Herila  
dusquasi tousiours  
absent de la cité  
de Verdun, par la  
malladie des gou-  
tes.*

*Punition de Ber-  
nard, nepueu de  
Loys debonnaire.*

*Theodulphus pri-  
sonnier. Theodulphus deli-  
uré de prison.*

*Institutio du ver-  
ser, Gloria laus,  
& honor, &c.*

*Iudith seconde fe-  
me de Loys debon-  
naire, mere de  
Charles le Chau-  
ue.*

*Partage entre les  
enfans de Loys de  
bonnaire.*

*Le pays d'Etrurie  
diuisé entre les  
papes & Empe-  
reurs.*

*Faction & diui-  
sions entre les Prin-  
ces & Prelatz du  
royaume de l'em-  
pire.*

*Prodiges & cho-  
ses monstrueuses.*

# Le.iii.liure des antiquitez de la gaule belgicque,

& gastez de grelle: avec lesquelles cheurent du ciel pierres de grande quantité. En la Gaule au moys de Septembre soubdainement survint vne tempeste & orage: durant laquelle il cheut vn glaçon de la longitude de quinze piedz, large de six, & espes de deux.

*Vne fille en l'aage de douze ans fut dix moys sans manger, & trois sans boire.*

¶ Et oultre dict iceluy historien qu'en ceste mesme année au diocese de Toul, en la ville de Commerce eut vne fille en l'aage de douze ans: laquelle apres auoir receu le precieux corps de nostre Saulueur Iesus Christ à Pasques, fut par dix moys sans manger pain: Et depuis fut troys ans sans boire. Et apres lesdictz troys ans: retourna à la maniere & façon des autres beuant & mangeant. L'année suiuant veint vne mortalité & pestilence si grande, qu'innombrables gens de tous estatz moururent.

*La mort de l'uef que Herilandus.*

¶ Durât les choses susdictes Herilandus estoit tousiours à Aix, absent de son euesché, & comme fugitif pour les raisons que dessus: & aussi pour l'inalitude de son corps, & maladie, qui le poursuiuit iusques à l'an huit cens vingt neuf, auquel an il mourut audiect lieu d'Aix: & ordonna son corps estre trasporté à Verdun en l'eglise de saint Vanne, pres de son predecesseur Austrannus, apres qu'il eut tenu ledict euesché de Verdun par l'espace de vingt quatre ans.

## DES PAPES QUI ONT TENU le siege Apostolicque durant ledict Herilandus.

*Vide supra.*



LEON troysieme du nom, teint le siege de Rome du temps d'Herilandus. Duquel Leon troysieme nous auons parlé en l'euesque precedent.

*Estienne quatrieme de ce nom  
xcix. Pape.*

**Estienne** quatrieme de ce nom, Romain, nommé Iulius, fut Pape en l'an de grace huit cens quinze, homme de parfaite doctrine & integrité de vie, nourry & instruit en toutes vertuz & saincteté par deux papes ses predecesseurs Adrian & Leon troysieme de ce nom: Apres son election enuiron troys moys veint en France vers le roy Loys debonnaire, qui estoit pour lors à Orleans, qui le receut tresdoulcement & tresreuerentment, desirant derechef estre de luy coronné. Ledict pape à l'exemple de Iesuschrist pria pour ses ennemis, que ledict empereur tenoit en ses prisons, pour les oultrages qu'ilz auoyent faitz au Pape Leon son predecesseur: & leur feit pardonner & deliurer: & les amena à Rome avec luy. Et obtint du dict empereur vne croix d'or de grand estimation, qu'il donna à l'eglise saint Pierre. Finalement mourut apres auoir tenu le siege troys ans sept moys: combien que Platina escript qu'il teint le siege seulement sept moys.

¶ Fault noter que cy apres est trouuée controuersie aux années de l'institution des papes, pour la diuersité du temps dudit Estienne.

*Pascalis premier de ce nom C. pape*

**Pascalis** premier de ce nom, fut semblablement pape de Rome du temps dudit Herilandus euesque de Verdun, à sçauoir en l'an de grace, huit cens seze. Et estoit Romain de nation: lequel pour l'heure de son election Estienne son predecesseur, à raison de ses vertuz & doctrine, auoit ordonné, & mis gouverneur & regent du monastere de saint estienne martyr, fondé à Rome in Vaticano. ¶ Or pource qu'il fut eleu sans l'authorité de l'Empereur Loys debonnaire, incontinent apres son election enuoya ambassadeurs vers ledict roy & empereur, pour soy excuser, declarant que cela ne venoit de sa coulpe: mais de ceux qui l'auoyent eleu.

¶ Semblablement quelque temps apres il se purgea de la mort d'aucuns Romains & confederez dudit empereur, qui auoyent esté tuez à Rome: desquelz ledict Pape estoit soupçonné. Il corona à Rome, de l'ordonnance & vouloir dudit Loys, Lothaire son filz, le declarant Auguste & Cesar, & cōpagnon de l'empire avec son pere.

¶ Du temps

# depuis Charlemagne iusques à Hue Capet. F. c. l. viii.

¶ Du temps de cestuy Pape l'Empereur renōça aux priuileges, que ses predecesseurs auoyent d'elire les Papes, iadis donné par Adrian Pape. L'edict Pascalis fut denombredé entre les bons & vertueux Papes, fort diligēt & curieux d'honorer & yenerer les corps sainctz, par toute Rome, là ou il les sçauoit estre & gesir en lieux prophanes. Il ediffia l'eglise de S. Praxide, l'oratoire de S. Agnes, l'eglise de S. Cecilé, ou sont les corps de S. Valerian, Tiburtian, & Maximin. Et restitua plusieurs autres corps sainctz en chasses d'or ou d'argent: & mourut apres auoir tenu le siege de Rome sept ans troys moys.

*Loys debonnaire renonca au priuilege de l'election des Papes.*

**Eugenius** second de ce nom, fut Pape de Rome en l'an de grace huit cens vingt quatre: qui estoit de nation Romaine, filz de Brensundus Et pour les grandes vertuz, beauté de corps, humanité, eloquence, & doctrine, fut d'un commun consentement d'un chascun esleu Pape: Et depuis meit toute son affection, en mesprisant les biens mondains à vser de liberalité, faire grādes aulmosnēs aux pauures, en sorte qu'il fut appellé pere des pauures: & tant aymé des grāds & peritz, qu'apres sa mort fut fort plainct & ploré, qui fut l'an de grace huit cens vingt sept, apres qu'il eut tenu le siege, enuiron quatre ans.

*Eugenius. ij. du nom. ci. Pape.*

**Valentinus** premier de ce nom succeda audict Eugenius l'an huit cēs vingt sept, Romain de natiō: qui auoit esté nourry & endoctriné soubz ses predecesseurs, Pascal & Eugenius, hōmes de grandes saintetez. Et par tout estoit iceluy Valentinus exercité en toutes bonnes meurs, viuant en grauité, prudence, chasteté, combien qu'il fut institué & esleu qu'il n'estoit encores que Diacre. Toutefois il mourut bien tost apres son election, & ne teint le siege, que quarante iours, dont fut dommage, pour toute la chose publicque chrestienne.

*Valentin premier du nom. cij. Pape.*

## ¶ Des Empereurs, qui ont regné durant l'Euesque Herilandus.

**CHARLEMAGNE**, teint l'empire de Rome enuiron dix ans, durant ledict euesque Herilandus.

**Loys** premier de ce nom, surnommé le debonnaire, filz de Charlemagne, fut le deuxieme empereur apres son pere Charlemagne, & le lxxvi. entre les autres empereurs, en l'an huit cens quinze: & si estoit roy de France, & par tant monarche, qui estoit la dixieme année, que Herilandus estoit euesque de Verdun.

*Loys debonnaire ij. Empereur, entre les Gauloys, & lxxvi. entre les autres.*

¶ Quelque temps apres ledict Loys fait assembler un concile à Aix en Almagne, ou fut par les assistants composé un liure des ceremonies ecclesiastiques, qu'il ordonna garder par tous ceulx du clergé de son royaume: & avec ce reforma les superfluites & pompes de gens d'eglise. Il eut troys filz de sa premiere femme, nommée Hildegard (aliàs Armenias) Pepin & Loys. De sa seconde femme, nommée Iudith, il eut un autre filz nommé Charles le chauue. Et combien qu'entre tous les Princes viuans, il fut le plus doux & gracieux: Toutefois contre luy conspirerent ses troys premiers filz Lothaire, Pepin, & Loys: & le contraingnirent de se deuestir de l'empire, & prendre habit de moyne à saint Medard de Soissons. Mais il fut depuis reuocqué & remis en sa premiere dignité imperiale. Il ouyt les Ambassadeurs de Michel empereur de Constantinoble: lesquelz luy presenterent les liures de saint Denys, qu'il auoit composé de la celeste Hierarchie. Finalement ledict Loys mourut à Magōce: & fut son corps porté par Drogo euesque de Metz son frere, & inhumé à saint Arnoul audict Metz, apres qu'il eut esté roy & empereur vingt six ans, en l'an de grace huit cens quarante vn.

*Concile sur la reformation du clergé.*

*Les enfans de Loys debonnaire.*

*Loys debonnaire, print habit de religion.*

*La mort & sepulture de Loys debonnaire.*

# Le.iii.liure des antiquitez de la gaulle belgicque,

*Les femmes de  
Loys debonnaire.*

¶ Il trouue qu'il eut troys femmes: La premiere, nommée Blanchefleur, fille d'Aymery comte de Narbonne: de laquelle il eut deux filles. La seconde femme, fut Armenias, ou Hildegarde, fille d'Vvibert Duc de Saxon: De laquelle eut Lothaire, Pepin roy d'Acquaine, & Loys, Alix, & Berthe. La troysieme fut Iudith, ou Aelheid, fille d'Ethico Duc de Bauyere: de laquelle eut Charles dict le Chauue.

## ¶ Des Roys de France, qui ont regné durant ledict Herilandus.

**C**HARLEMAGNE (duquel nous auons escript en l'euesque Petrus) fut roy de France & Empereur dudit temps.

**L**oys debonnaire, fut roy de France & empereur, durant l'euesque Herilandus, comme auons escript aux chapitres precedens cestuy euesque.

## ¶ Des successeurs de Clodion, qui ont regné & tenu les pays d'Ardenne Mozelane, & Buillon, durant ledict Euesque Herilandus.



**F**ERRY filz de Lohier (duquel auons escript en l'euesque Pierre d'Italie) teint Ardenne & Mozelane, durant ledict euesque Herilandus, iusques à l'an huit cens vingt quatre.

*Sadigerus Duc de  
Mozelane, comte  
d'Ardenne &  
de Buillon.*

*Loys debonnaire  
deliuré & resti-  
tué en l'empire,  
par le moyen de  
Sadigerus.*

*Sadigerus en la  
bataille de Fonte-  
nay, pres Auxer-  
re.*

*Appoinctement  
des enfans de Loys  
debonnaire, fait  
à Verdun.*

*Sadigerus victo-  
rieux eut deux co-  
batz.*

**Sadigerus, ou Sadigeris** filz du dessusdict Ferry, succeda apres son pere aux seigneuries de Mozelane, Ardenne, & Buillon, l'an huit cens vingt quatre: & eut pour femme Mahault, ou Methilde fille du comte d'Alsatie, nommé Ethico. Cestuy suyuit son pere en toutes bones meurs & vertuz: & semblablement en beauté de corps, force, hardiesse, & vaillance aux armes. A raison dequoy l'empereur le constitua l'un des principaulx capitaines de son armée: le seruit en plusieurs grosses affaires: Et signamment quand lesdictz troys filz dudit Empereur, le prindrent & priuerent de l'empire, en le mettant en religion à Soissons: de laquelle il fut deliuré, par le moyen dudit Sadigerus, qui estoit fort aimé de Lothaire, filz aîné dudit Loys debonnaire. Auquel ledict Sadigerus feit tant de belles remonstrances, qu'il consentit à la deliurance & restitution de sondict pere. ¶ Apres la mort duquel, & quand ledict Lothaire veint à regner & prendre guerre contre ses freres: Cestuy Sadigerus teint ses parties, mesmes à la iournée de Fontenay pres Auxerre, qu'il perdit: & se retira avec ledict Empereur à Lyon. Et depuis fut cause de l'appoinctement que fut fait à Verdun, entre ledict Lothaire & ses freres. Auquel faisant Sadigerus estoit l'un des Princes, qui soustenoit plus les parties dudit Lothaire: à raison dequoy depuis luy feit grandz biens, & donna nobles & grosses seigneuries, dedans les limites du royaume de Lorraine, nouvellement erigé par ledict Lothaire. Et d'auantage pour l'amour qu'il auoit à luy, ordonna que sa fille Hermegarde fut mariée à Ragnerus, filz dudit Sadigerus.

¶ Nous trouuons que ledict Sadigerus feit deux belles & singulieres batailles, contre deux fortz cheualiers, desquelz il eut victoire, l'une à Lucque, l'autre à Colongne.

Et si



# depuis Charlemagne iusques à Hue Capet. F. cxlix.

Et si fut ordonné capitaine & lieutenant de l'empereur en vne bataille contre les Bat-  
taviens, rebellans à l'empire. De laquelle bataille il obtient victoire de ses ennemys, *Victoire de Sadi-  
gerus, contre les  
Battaviens.*  
avec grande gloire. Et depuis veint en vieillesse, qu'il se pensoit retirer à Chaulmon-  
roys, ou il faisoit sa principale residence, pour prier & seruir à Dieu: Mais il fut man-  
dé par ledict empereur, aller à Colongne, pour resister aux Normans & infideles, qui  
assailloyent la Chrestienté de ce costé, & y alla en personne, avec plusieurs Princes  
chrestiens, qui eurent vne triumpante & vertueuse victoire, cōtre lesdictz Normās: *Sadigerus tué en  
la bataille, contre  
les infideles.*  
Mais en icelle le bō & noble Duc Sadigerus, fut tué en l'an huiet cens cinquāte troys.  
Duquel le corps fut ouuert, & les intestines mises en l'eglise de saint Pierre de Co-  
longne: & le corps porté & inhumé à saint Arnoul lez Mez, apres qu'il eut regné  
vingt neuf ans. Combien qu'aucuns historiens ont escript qu'il mourut en la ieunes-  
se, & qu'il ne regna que sept ans: enquoy ilz ont erré.

## Des successeurs de Clodion, qui ont estez comtes de Haynau, durant ledict Heri- landus.

**A**L B O N, duquel auons escript en l'euesque precedent, fut comte de Haynau, du-  
rant le temps dudiect euesque Herilandus.

## FIN DE LA VIE D'HERILANDVS vingtseptieme Euesque de Verdun:

## DE LA VIE DE HIL- duinus vingt huitieme Euesque de Verdun.



**H**I L D V I N V S vingthuitieme euesque de Verdun, fut esleu en l'an de grace huiet cens vingt neuf, apres le tres-  
pas d'Herilandus, qui pour son inualitude, goutes, & mala-  
dies auoit pour la pluspart du temps esté absent de son eues-  
ché. A raison dequoy son eglise auoit endure plusieurs mise-  
res & calamitez, avec maintes alienations de ses rentes, com-  
me nous auons dict cy dessus. Lesquelles pertes & domma-  
ges voyant le clergé de Verdū, & voulant y prouuoir à l'ad-  
uenir, & auoir euesque pour subuenir & poursuyure la resti-  
tution de l'eglise, teindrent ensemble plusieurs conseilz. Et finalement cōclurent &  
delibererēt aller vers ledict roy Loys debonnaire, qui pour lors regnoit, & luy remō-  
strerent les grandes persecutions & dommages, que leur auoyent esté faitz du pas-  
sé, prians & requerans, pour l'honneur de Dieu & conseruation de leur eglise, & du  
saint seruice diuin, en icelle, leur octroyer pour euesque ledict Hilduinus, qui estoit  
de nation Germanicque, & lequel ilz cognoissoyent homme de vertuz & bonté;  
& qui pour son sçauoir estoit pour lors conseiller dudiect Loys debonnaire, suy-  
uant sa court. A la petition & requeste desquelz, ledict Empereur plein de pitié  
& douceur (qui sur tout desiroit l'honneur de Dieu, & l'entretènement des  
eglises)

*Hilduinus. xxx-  
viij, euesque de  
Verdun.*

*Le clergé de Ver-  
dun, vers l'Empe-  
reur Loys debon-  
naire.*

# Le.iii.liure des antiquitez de la gaule belgicque,

*Hilduinus esleu  
euesque de Verdun*

eglises) facilement obtempera: Tellement que de son gré fut iceluy Hilduinus esleu & institué euesque de Verdun. En l'administratiō duquel euesché se gouerna si sainctement, que d'un chascun estoit aymé & honoré.

*Conuocatiō d'un  
concile general à  
Aix en Almagne*

¶ Et aduint que l'année ensuyuant de son election, enuirō l'an huit cēs trente, Loys empereur conuocqua à Aix cité d'Almagne vn concile general de tous les euesques de ses pays: entre lesquelz y asista ledict Hilduinus euesque de Verdun. Et disent aucuns que le Pape Gregoire quatrieme du nom, presidoit audict concile. Auquel fut procedé singulierement sur la reformation du clergé, en donnant ordre à la maniere de viure des chanoines & gens d'eglise: & signamment des religieux, à ce qu'ilz eussent rentes & prouision de biens, pour viure honnestement, sans estre occupez à autres choses, qu'au sainct seruice diuin. Et au surplus fut statué & defendu à toutes personnes ecclesiastiques d'vser d'habillemens indecens, vestemēs de soye ou precieux. Semblablement ne porter argent en leurs ceinctures, ne pierreries en leurs mains.

*Reformation de  
l'estat ecclesiastic  
que.*

¶ Apres ledict concile, Hilduinus retourna en son euesché: & fut curieux & diligenc de faire obseruer les decretz & statutz dudit concile, par son clergé, en reformant les meurs d'iceulx. Et par ses vertuz donnant bon exemple de bien viure: Commença semblablement à poursuiure la restitution des biens & rentes vsurpées cōtre son eglise durans ses predecesseurs. Mais pour ce dict temps surueindrent tant de fortunes, miserables & calamitez en la chose publicque du royaume: que sadiete poursuite demoura imparfaicte & inefficace. Et fut sadiete eglise de plus en plus inquietée & oppressee de nouvelles pertes & exactions. Car au dict temps les troys filz de l'empereur Lothaire, Loys, & Pepin, par la suasion d'aucuns grandz des pays, que ledict empereur auoit chassez, exilez, & priuez de leurs biens, conspirerent contre ledict Loys empereur: en sorte qu'ilz entreprirent le deposer de la dignité imperiale. Et pour ce faire & auoir meilleure occasion, sollicitèrent le Pape Gregoire quatrieme du nom, venir en France, pres la cité de Vorme, ou ledict empereur auoit assemblé son armée: & lesdictz troys enfans semblablement de leur costé, contre ledict pere, ou ilz furent continuellement par troys iours prestz à donner bataille.

*Conspiration des  
troys freres cōtre  
Loys debonnaire  
leur pere.*

*Les armées des  
troys freres con-  
tre leur pere Loys  
debonnaire, pres  
la cité d'Vorme*

¶ Durant lequel temps ledict Pape soubz l'vmbre de faire appoinctement, entre les parties, alla visiter le dict empereur en ses tentes. Et combien que le bruyt fut qu'il estoit venu, pour excommunier ledict empereur, & tous ceulx qui ne voudroyent obeyr aux enfans: Toutefois il declara qu'il estoit venu pour faire appoinctemēt, entre eulx, & non pour autre raison: de quoy ledict empereur humainement & doucement le pria, declairant que son costé ne demandoit autre chose. & de la s'en retourna aux tentes desdictz enfans. Mais pendant les colloquations & parlement dessusdict, la plus grande partie de gens & exercice dudit empereur, furent subornez par lesdictz enfans: & laisserent l'alliāce dudit empereur, & suyuirēt les parties desdictz enfans: & publicquement menaçoient d'assaillir la personne de l'empereur, & le tuer. A raison de quoy, le champ ou ilz estoient, fut dénommé pour lors, & iusques à present, le champ de trahison & de menterie. Voyant l'empereur qu'il estoit ainsi abandonné de ses gens, enuoya vers ses enfans, pour les prier qu'ilz eussent pitié de luy: & qu'ilz ne souffreissent que sa personne fut exposée cruellement, entre les mains du populaire.

*Le Pape visita  
l'empereur Loys.*

*L'empereur Loys  
delaisé de sa gen  
d'armenie.*

*Le champ de la  
trahison.*

*L'empereur Loys  
venant à mercy  
soubz l'obeissance  
de ses filz.*

A quoy ilz feirent responce qu'en venant à eux & laissant ses tentes, ilz le receuroyēt. Ce qu'il feit, & doucement & humainement les baïsa, leur remonstra & pria piteusemēt, qu'ilz eussent souuenāce des promesses, qu'ilz luy auoient faictes, & à sa femme & son petit filz Charles. A quoy respondirent que si feroient ilz. Mais incontinent apres qu'ilz l'eurent entre leurs mains, ilz diuiserent entre eulx tout l'empire. Et Lothaire filz aîné feit detenir estroitement son pere en prison: & enuoya Iudith sa femme en exil à Tortōne cité d'Italie. Et le petit Charles enuoya en prison au chasteau de Prouins. Lesquelles choses voyant ledict Pape, s'en retourna à Rome fort triste & dolent. Et semblablement Pepin l'un des freres s'en retourna en Aquitaine: & Loys en Bauyere.

*L'empereur Loys  
prisonnier, & sa  
femme euoyée en  
exil.*

¶ Et dict Eginaldus au supplement qu'il faict aux histoires d'Annonius, que de là le-  
dict

# depuis Charlemagne iusques à Huë Capet. F. clxx.

dict Lothaire print son dict pere: & comme prisonnier le mena avec luy, passant par les montagnes de Vvoige, Morimont, Metz, & Verdun, paruint iusques à Soissons: ou il feit tenir son dict pere bien estroitement en l'eglise & monastere de S. Medard. Et par l'aduis & conseil de ses adherens, ensemble par l'autorité & decret d'aucuns euesques, qui fauorisoient audict Lothaire: entre lesquelz estoient Ebo archeuesque de Treues, Agobertus archeuesque de Lyon, Iesse euesque d'Amiës, Helias euesque de Troyes, Vvalo, abbé de Corbie, & plusieurs autres, qui soubz couleur de publique penitence de l'eglise, condamnerent ledict Empereur, sans estre ouy ne defendu, prendre l'habit de religion, laisser les armes, & deposer ladicte dignité imperiale. Ce que ledict Empereur, doux & debonnaire, feit patiemment deuant les relictues des corps S. Medard & S. Sebastian, qui repositoient en l'eglise dudit Soissons. Et dict ledict historien Eginaldus, qui pour lors viuoit, qu'à cause des cruauitez & tyrannies faites par ledict Lothaire, à son pere, apparurent plusieurs signes prodigieux. Car tout ledict temps durant, qu'il fut ainsi detenu cruellemēt en prison, iamais ne cessa de tonner, & faire orages: & furent les vents & pluyes si impetueuses, que toutes les riuieres furent hors leur propre lieu. Et feirent dommages innumerables, & durerent iusques à la deliurance, qui fut enuiron l'an suyuant. En laquelle année aucuns de ses amys prirent courage de le deliurer, pour les grandes plainctes, pleurs, & lamentations, que faisoit le menu peuple, de veoir le bō roy & Empereur, ainsi traicté inhumainemēt. Entre les amys & adherens dudit Empereur estoient les principaulx qui procuroient sa deliurance & restitution, Eggehardus comte de Franconie, Berhardus comte de Bourgongne, Richardus & Guerinus comtes d'Austrasie, & aucuns prelatz, comme Drogo euesque de Metz, frere bastart dudit empereur, & filz dudit Charlemagne, Hilduinus euesque de Verdun, qui pour euiter la fureur dudit Lothaire, quāt il passa à Verdun, menant son pere prisonnier, s'absenta avec ledict Drogo de Metz; & se retirerent vers ledict Loys de Bauyere, qui estoit plus humain que ledict Lothaire; & tant feirent iceulx euesque Drogo & Hilduinus, qu'ilz modererent le courage dudit Loys & fut le premier des freres qui poursuyuit la deliurance dudit empereur, son pere. Le semblable feit Vvalcandus euesque de Liege, homme de noblesse & vertuz, qui vn peu au parauant auoit fait transporter dudit Liege le corps de S. Hubert, en vn monastere appellé Andagium, qu'il auoit edifié, & fondé au pays d'Ardenne; & là de present encores est ledict corps,

¶ Apres la deliurāce dudit empereur, & que sa femme Iudith & son petit filz Charles luy furent renduz, il feit par conseil de l'eglise appeler tous les euesques adherens audict Lothaire, pour rendre raison de leur sentence, par eux prononcée, contre luy. Auquel concile ne comparurent point, excepté Ebo archeuesque de Reims, qui par sa confession conuaincu, fut déposé de la dignité episcopale, & mis en exil. Aussi fut Agobertus archeuesque de Lyon, par contumace.

¶ Quant aux autres euesques coupables du faict, ne comparurēt point: mais s'en furent en Italie vers ledict Lothaire, suyuant sa court: & là moururent tous miraculeusement de peste: Car depuis l'emprisonnement dudit empereur, la pestilence suyuoit tellement la court dudit Lothaire, qu'ilz ne sçauoient ou se sauuer. Quelque temps apres Pepin roy d'Acquitaine mourut, & le bon empereur Loys enuiron huit cens trente huit se reconcilia avec son filz Lothaire. Et partit & diuisa par l'induction de Iudith sa femme, entre ses enfans son royaume. A Lothaire laissa l'empire d'Italie avec tout le pays situé depuis Meuse, tirant vers l'Orient, & toute la Germanie, excepté Bauyere qu'il laissa à son filz Loys, pour la portion, dont ne fut cōtent: & à Charles son petit filz laissa l'autre partie vers l'Occident, contenant le royaume de France, avec celuy d'Acquitaine. Ces choses ainsi faites, ledict empereur, qui estoit viel & affoiblissoit de iour en iour mettoit toute diligēce & peine à luy possible à mouoir la paix entre ses enfans: & ne cessoit d'augmēter les eglises & saint seruire diuin en icelles, en perseuerāt en oraisons & bōnes oeures, & cōferāt cōtinuellemēt des choses celestes & spirituelles avec les prelatz d'eglise, & gēs de doctrine & sainteté: entre lesquelz estoiet des principaulx Drogo euesque de Metz & Hilduin<sup>o</sup> euesque de Verdū

*La cruauté de Lothaire.*

*L'empereur Loys debonnaire condamné à laisser l'empire, & prendre habit de religion.*

*Prodige significatif des tyrannies exercées contre l'empereur Loys.*

*Les Princes amys de Loys, qui poursuyrent sa deliurance.*

*Les euesques de Verdū, Metz, & Liege, poursuiuant la deliurance de l'Empereur.*

*La punition des Euesques, qui auoyent condamné l'empereur.*

*Punition diuine contre les condamnateurs de l'Empereur.*

*Loys debonnaire ordonna les partages entre ses enfans.*

*Maniere de viure de l'Empereur en sa vieillesse.*

Orgarius

# Le.iii.liure des antiquitez de la gaule belgicque,

Orgarius Archeuesque de Magonce, & Ieth (aliàs Ietto) Archeuesque de Treues.

*L'Euésque Hilduinus obtient beaucoup de biens de l'empereur Loys.*

*Institutio en France de la feste de tous les saintz.*

*Eginaldus astrologien & historiographe, viuant du temps de l'empereur Loys.*

*La respõce de l'empereur Loys sur la signification de la comète.*

*La belle & sainte recognoissance de Dieu, qu'eut l'empereur à sa fin.*

*L'empereur à sa mort chassant les diables.*

*La sainte mort de l'empereur Loys.*

¶ Et diét Berthaire en son histoire que lediét Hilduinus euesque de Verdun fut tant agreable & aymé dudiét Loys debõnaire, qu'il obtint de luy plusieurs grandz biens & richesses: Tellement que durant le regne dudiét Loys, fonda plusieurs eglises, tant è la cité, que par son diocese, avec autres grãdz biens, aulmosnes, reparatiõs vriles, nõ seulement au clergé, mais ausi à la chose publicque de tout son euesché. Mais apres la mort dudiét Loys il endura plusieurs aduersitez, comme sera diét cy apres. Durant cediét temps par les exhortations d'iceux euesques & du Pape Gregoire, lediét roy ordonna, par toute la France & Germanie celebrer la feste de tous les saintz: laquelle seulement se celebroit à Rome par l'ordonnance iadis de Boniface Pape.

¶ Eginaldus escript en sa cronicque du supplement des histoires d'Annonius, qu'en uiron deux ans auant sa mort apparut vne comete radiante & de merueilleux regard. La signification de laquelle desirant sçauoir lediét Empereur, appella lediét Eginaldus, homme sçauant en astrologie, domesticque pour lors & suyuant la court dudiét Empereur, luy demãda que signifioit & denotoit ladiète comete. A laquelle questiõ ne respondit incontinent lediét Eginaldus, de paour de l'offenser: mais cherchant euasion & autres propoz, allegua le diét du Prophete, *A signis cæli ne timueritis, que pauentes.* A lors le bon empereur voyant les subterfuges, diét sagement & prudemmēt: Nous ne deuons autre craindre en ce monde, que le createur de nous & de ceste estoille. Et deuons louer & remercier sa bonté & clemence, qui de sa grace (combien que soyons pecheurs, & par nostre imbecillité impenitens) toutefoys nous admoneste par telz signes de la fin & de nostre salut: Et pourtant fault que moy & vn chascun (à qui il touche) fassions penitence & oeures meritoires, à fin que soyons dignes de la sainte misericorde.

¶ Diét oultre lediét historiographe, qu'en l'an huict cens quarãte vn, le diét Empereur estoit malade: & cognoissant sa fin, ordonna les dessusdiétz Archeuesques de Treues, Magonce, Metz, & Verdun, assister en sa maladie, pour prier pour luy, & remonstrer la foy, & administrer les sacremens de sainte eglise. Et diét d'auantage que par quarante iours auant sa mort il ne print autre viande, pour sustenter son corps, sinon le saint sacrement de l'autel & precieux corps de nostre sauueur Iesuchrist, qu'il receuoit tous les iours. Et quant veint au sabmedy iour precedent de sa mort, disoit: *Mort Dieu tu es iuge iuste, qui de ta grace m'as faict ieuner quarantaine, pour satisfaire à ce que ie n'ay point ieuné le quaresme precedent. Et le dimanche iour ensuyuant (qui estoit le douzieme des Calendes du moys de Iuliet) receut le saint & precieux corps de nostre seigneur Iesuchrist, par les mains de son frere Drogo euesque de Metz. Quoy faict, le pria & les autres euesques assistans, aller prendre leur refectiõ, disant qu'il attendroit à rendre l'esprit à leur retour. Ce qu'ilz feirent: & ce pendant il perdit la parole. Et quant il fut à l'article de la mort, il meit ensemble les deux poux de la main en croix, qui estoit le signe, qu'il auoit accostumé faire quand il vouloit appeler son frere Drogo euesque de Metz son plus familier, & qui plus sçauoit de ses secretz. Et quand il fut en sa presence avec les autres euesques par parolles en ce qu'il peut, & par signes se recomandoit à eux demandant leur benediction, & ce faict soudainement comme courroucé tourna sa face vers la partie fenestre: & commença à crier à haulte voix ces paroles, Hutz, Hutz, qui vault au rãt à dire que dehors, dehors. Et par ce donnant à cognoistre, qu'il auoit la vision des diables, la cõpagnie desquelz ne vouloit auoir n'en sa vie, n'en sa mort. Et tantost apres commença à leuer les yeux en hault, comme ioyeux & riant, & ainsi rendit son ame à Dieu, l'an de grace huict cens quarãte vn. Et fut son corps honorablemēt transporté audiét Metz, & inhumé en l'eglise de saint Arnoul, par le dessusdiét Drogo avec l'assistance de nostrediet euesque de Verdun Hilduinus, qui des lots & par apres entreteint tousiours lediét Drogo en grande familiarité & amitié: & sans l'ayde duquel il eut à grande peine & difficulté euadé l'indignation & haine de Lothaire, qui depuis fut Empereur, comme sera diét cy apres.*

# depuis Charlemagne iusques à Hue capet. F. clxxi.

¶ Or apres la mort du dessusdict Loys, ses trois filz, Lothaire, Loys, & Charles, prindrent les trois portions du royaume & Empire, selon que l'Empereur defunct leur pere l'auoit ordonné: Toutefois Lothaire, qui estoit filz aîné & empereur, contre les promesses qu'il auoit faictes à sondict feu pere, se delibera luy seul succeder à tous les royaumes de sondict pere. Et pour mieulx ce faire & auoir quelque apparence, appella son nepueu Pepin, ieune filz de son frere Pepin, qui auoit esté roy d'Aquitaine, & assembla grosse armée, pour venir assaillir ses deux autres freres, Loys de Germanie & Charles le Chauue. Qui semblablement assemblerent de leur costé gens en tresgrande multitude & nombre, & se veindrent parquer les trois armées en vn territoire de l'Auxerrois pres d'un village nommè Fontenay: Tellement que le iour de l'Ascension en l'an huit cens quarante deux, fut baillée la bataille entre lesdictz freres. En laquelle tant furent de gens tuez de costé & d'autre, qu'il n'est memoire que jamais y en eut tant pour vne fois. En sorte que depuis les François n'eurent telle vigueur d'hommes vertueux ne telle puissance pour eux defendre cõtre leurs ennemis comme ilz auoient au parauant: Toutefois la victoire tourna aux deux freres Loys & Charles: & fut contraint Lothaire s'en fuir. Cõbien que Guaguin en son histoire dict qu'en ladicte bataille Lothaire & Loys estoient ensemble contre ledict Charles le chauue, qui obtint victoire contre eux deux.

¶ Or en quelque sorte que ce soit, tost apres par les suasions, conseilz, & enhortemēs des princes des pays, lesdictz trois freres veindrent à appointement: Qui prindrent & nommerent de chascun costé quarante princes & plus apparens personages, pour diuiser entre eux, les royaumes & successions de leur pere. Et iurerent d'auoir ferme & stable tout ce qu'ilz feroient: Et assignerent lieu pour comparoistre lesdictz trois freres & leurs arbitres en la cité de Verdun. Et faicte ladicte diuision en la sorte que s'ensuit. Charles le Chauue eut pour sa part toutes les parties Occidentales, depuis la mer Britanicque iusques au fleue de Lescault: En laquelle partie des lors & maintenant le nom de France demoura. Et de cestuy sont sortiz les roys de France. A Loys roy de Germanie furent assignées pour sa part toutes les parties Orientales, à sçauoir Sueue, Bauiere, Boesme, Autriche, Saxonie, France Oriẽtale, & tout le pays iusques au Rhin. Et fut iceluy loys le premiet qui contraignit les Bohemes prendre la foy Chrestienne: Et de cestuy sont yssuz les ducz de Franconie. Lothaire, qui estoit l'aîné, retint le nom & dignité Imperiale, & eut pour sa part toute l'Italie, Rome, & Prouence. Et avec ce eut vne region des pays en la Gaule, qui est située entre le fleue Lescault & le Rhin, par le milieu de laquelle passe le fleue de Meuse: Et à laquelle region il donna tiltre de royaume, la denominant de son nom royaume de Lothaire ou Lorraine. Et à lors print origine le royaume de Lorraine. Apres ladicte diuision ledict Charles teint le royaume de France, trente quatre ans: Et ledict Loys le royaume de Germanie trente trois ans, & Lothaire teint sa portion, comme dict est, soubz tiltre de royaume de Lorraine, enuiron douze ans. Car en l'an huit cens cinquante cinq il diuisa ses royaumes entre ses enfans, & entra en religion: & bien tost apres mourut.

¶ Or pendant le regne d'iceluy Lothaire, & qu'il tenoit le royaume de Lorraine avec l'empire, il feit maux innumerables à Hilduinus euesque de Verdun, & à son eglise: Car de long temps il l'auoit à hayne & grande indignation: pource qu'il auoit tousiours tenu & defendu les parties de son pere defunct Loys debonnaire, en sollicitant sa deliurance. Et aussi durant les dissentions, qu'il eut avec ses freres, & signamment en la bataille de Fontenay ledict Hilduinus fauorisoit tousiours à Charles le Chauue, lequ el il aymoit pour la souuenence de feu l'Empereur Loys Debonnaire. Par quoy iceluy Lothaire par vengeance luy fut tousiours contraire. Et ce auoit assez bonne matiere & occasion: Car nostre cite de Verdun & le diocese sont situez quasi au milieu d'iceluy royaume de Lorraine nouvellement erigé & obuenu à la portion d'iceluy Lothaire: Ce que fut cause audict Lothaire faire plusieurs maux & fascheries audict euesque & à son eglise. Entre lesquelz nous lisons que pour lors ladicte eglise de Verdun auoit annexé soubz elle & en son administratiõ le monastere de Tholey

*La dissention des trois freres, apres la mort de Loys debonnaire leur pere.*

*La bataille des trois freres pres Fontenay au pays d'Auxerre.*

*Appointement faict entre les trois freres en la cité de Verdun.*

*Le partage de Loys roy de la Germanie.*

*Le partage de l'empereur Lothaire.*

*Origine du royaume de Lorraine*

*Les causes des haynes que Lothaire auoit contre Hilduinus.*

*Le monastere de Tholey osté & se paré de l'eglise de Verdun.*

# Le iij. liure des antiquitez de la gaule belgicque,

*Epistre enuoyée par l'euesque Hilduinus au Pape & aux seigneurs d'Italie.*

aliàs Theologium situé au diocese de Treues, & entre les limites du Pays nouvellement appellé Lorraine, appartenant audiect Lothaire: Lequel monastere iceluy Lothaire en hayne de Hilduinus osta & separa de l'eglise de Verdun: & le bailla à vn de ses alliez, nommé Adelnus, qui le teint par force & occupa, tant que lediect Lothaire vesquit, avec autres plusieurs rentes & reuenuz, qu'il soustrahit d'icelle eglise de Verdun. A raison dequoy lediect Hilduinus, qui estoit homme de grand sçauoir & sainteté de vie, mit grande peine & diligence d'empescher lesdictes exactions, qu'on faisoit à son eglise. Et semblablement ce qu'on auoit aliené, & pour ce faire cōposa vne epistre pleine de lamentations, laquelle il enuoya au Pape à Rome, & aux seigneurs, & princes, & prelatz d'Italie, pour induire lediect Lothaire à faire restitution à son eglise: Ce que toutefois ne peut obtenir durât sa vie. Et n'eut esté Drogo euesque de Metz, auquel lediect Lothaire auoit grande reuerence, pour ce qu'il estoit son oncle bastard, lediect Hilduinus eust esté souuentefois en danger de sa personne.

*La mort de l'euesque Hilduinus.*

¶ Finalement lediect Hilduinus apres plusieurs peines, labeurs & oppressions, qu'il endura du tēps dudiect Lothaire empereur, & qu'il eut tenu son euesché enuiron vingt deux ans, remply de toutes vertuz & sainteté, mourut en ladicte cité de Verdun, le iour des octaues de l'Epiphanie: & fut inhumé en l'eglise de saint Vēne, avec grans pleurs & gemissemens de tout son clergé & habitans d'icelle cité, enuiron l'an huiet cens cinquante.

## Les papes qui ont tenu le siege à Rome durant l'euesque Hilduinus.

*Gregorius. iiii. Pape ciii.*



REGORIVS, quatrieme de ce nom, Romain de nation, fut Pape l'an de grace huiet cens vingt sept, homme tres excellent en doctrine, sainteté, & eloquence. Qui de son temps fut si modeste, qu'il ne vouloit accepter l'election faicte de luy, que premierement elle ne fut approuuée de l'empereur Loys Debonnaire, qui pour lors viuoit. Il vint en France pour appoincter les dissensions, estās entre lediect Loys & ses enfans. Et escriuēt aucuns que de son temps les Sarrazins veindrent assaillir Rome: & entreurent dedans, faisans grandes insolences mesme en l'eglise de saint Pierre: Toutefois ilz furent reiectez hors d'Italie par layde de Guido marquis de Lombardie, enuoyé par lediect Loys empereur: combien que pour cediect temps il eut grandes dissensions avec ses enfans. Finalement lediect Gregoire mourut, apres qu'il eut tenu le siege enuiron seze ans.

*Sergius deuxieme, Pape cent quatrieme.*

*Le premier Pape qui changea son nom.*

**Sergius**

deuxieme de ce nom, Romain de nation, fut Pape en l'an de grace huiet cens quarante trois & au parauant s'appelloit Os porci, & fut le premier des papes, qui chāgea son nom: & pour la vilité & turpitude de son nō print le nom de Sergius: Et de luy est venue la coustume que les Papes changent leur nom en leur election. Lediect Sergius couronna l'Empereur Ludouicus deuxieme du nom, filz de Lothaire. Et puis mourut plein de toutes vertuz, doctrine, & sainteté de vie, apres auoir tenu le siege enuiron trois ans.

*Leo quatrieme du nom Pape. cv.*

**Leo**

quatrieme de ce nom, natif de Rome, fut Pape l'an huiet cens quarante six, homme de grande humilité & patience, large & misericordieux aux pauures, amateur de iustice, & defenseur du commun peuple, tressçauant en toutes doctrines

# depuis Charlemagne iusques à Hue capet. F. clii.

Erines tât humaines que diuines. De sa ieunesse fut nourry avec sainctz religieux de bonnes meurs & vertuz: desquelz fut toute sa vie imitateur. Il ordonna que les layz & seculiers ne seroient ny entreroient au choeur de leglise, pendant qu'on celebreroit messe. Il fu reputé de si grande saincteté, qu'à ses prieres les nauires des Sarrazins, qui auoient pillé sur les Chrestians, furent submergées & perirent en la mer. Il chassa vn serpent Basilisque, qui infectoit le peuple de Rome, d'une cauerne pres sainte Luce. Il reprima par le signe de la croix le feu du ciel, qui inuadoit l'eglise de saint Pierre: Ainsi qu'en plusieurs lieux en Saxonnie & Lombardie auoit fait le semblable. Il institua les octaues de l'Absumption estre celebrées par toute la Chrestienté. Il composa l'oraison, *Deus cuius dextera beatum Petrum &c.* Dont il fut cause de la victoire, que les neapolitains & romains eurent contre les Sarrazins.

¶ Et pource que les Sarrazins iournellement faisoient excursions & dommages à l'eglise saint pierre, qui est située hors les murailles de Rome, il parfeit ce que son predecesseur Leo troisiemé auoit commencé de l'enclorre & enfermer dedans les murailles de ladiete cité de Rome, ladiete eglise de saint Pierre: laquelle par long temps fut appellée Vrbs Leonina. Finalement apres plusieurs faitz de vertuz mourut, apres qu'il eut tenu le siege huit ans trois moys.

## ¶ Des Empereurs & roys regnans durant ledit euesque Hilduinus.

**L**OYS debonnaire (duquel nous auons parlé en l'euesque precedant) regna quelque temps, durant nostredict euesque de Verdun Hilduinus.

**Lothaire** filz aîné de Loys Debonnaire, fut troisieme Empereur de Rome apres Charlemagne, & commença à regner seul en l'Empire l'an de grace huit cens quarante vn. Combien qu'au parauant son pere l'eut associé audict Empire.

¶ Apres la mort il entreprint estre seigneur de toute sa succession: Mais les deux freres Loys roy de Germanie, & Charles dict le Chauue y restiterent & eurent vne bataille pres de Fontenay au territoire d'Auxerre: ou y eut tant de gens tuez, qu'il n'est memoire de plus, pour vne fois. Et en icelle fut ledict Lothaire vaincu, & contrainct s'en fuyr. Toutefois depuis par le conseil des princes du pays les trois freres feirent paix ensemble. Et eut iceluy Lothaire pour sa portion l'Empire d'Italie, & vne portion des pays en la Gaule, qu'il erigea en royaume, le denommât de son nom. Apres qu'il eut regné enuiron quinze ans, l'an huit cens cinquante cinq, il feit les partages entre ses trois enfans, à sçauoir à Loys l'aîné bailla l'empire de Rome & toute l'Italie. à son autre filz, nommé Lothaire le ieune, bailla le royaume de Lorraine nouvellement erigé: A l'autre, appellé Charles, bailla la Prouence, & quelque portion en Bourgongne: Mais cestuy Charles ne vesquit gueres: & retourna sa portion à Loys son frere, qui estoit Empereur: & puis entra en religion au monastere de Prumes, pour faire penitence de ses pechez, & l'année suiuant, il mourut.

¶ J'ay leu que cestuy Lothaire eut pour femme Flour aliàs Ermégarde, fille d'un cōte des Saxons, de laquelle outre les enfans dessusdictz, eut vn filz nommé Hugues, qui eut le pays de Bourgongne, les successeurs duquel possederent ledict pays, iusques à vn nommé Henry, qui mourut sans enfans bailla ledict pays à Robert roy de France son prochain parent. Item ledict Lothaire eut vne fille nommée Ermeégarde, laquelle eut

*Lothaire. iiii. Empereur entre les Gaulois, & sept à te six entre les autres.*

*Les enfans de l'empereur Lothaire.*

# Le iij. liure des antiquitez de la gaule belgicque,

*Incident des deux filz de Loys Debonnaire, & freres germains du dict Lothaire pour l'intelligēce de nostre histoire.* le eut pour mary de l'ordonnance de sondict pere, & apres sa mort, vn prince nommé Regnerus, duc de Mozclane, & Comte d'Ardenne. Les histoires du Liege disent qu'apres sa mort il fut question de son ame entre les Anges & les diables: Car les Anges demandoient l'ame du religieux, & les diables celle de l'Empereur. Notez que nous mettrons icy deux articles faisans mention de deux autres filz de Loys debonnaire, Pepin & Loys Germanicus: combien qu'ilz ne furent roys de France ny Empereurs: Mais seulement pour l'intelligence de nostre histoire.

*Incident de Pepin filz de Loys Debonnaire.* **Pepin** le second, filz de Loys Debonnaire eut pour sa portion, durant la vie de son pere, le royaume d'Aquitaine, & mourut quelque temps apres auant que sondict pere Loys fut mort. A raison dequoy ledict Loys Debonnaire bailla ledict royaume d'Aquitaine à son petit filz Charles dict le chauue: Nō obstant que ledict Pepin eut laissé deux enfans ieunes, à sçauoir Pepin le ieune, & Charles: Lesquelz venuz en aage, feirent quelque poursuite pour recourir l'heritage de leur feu pere: Mais Charles le Chauue y resista en sorte qu'il les print & fait religieux.

*Les enfans de Pepin faitz religieux.*

*Incident de Loys filz de Loys Debonnaire.* **Loys** troisieme filz de Loys Debonnaire & frere germain des dessusdictz Lothaire & Pepin, eut pour sa portion de l'ordonnance de sondict pere, le pays de Bauiere seulement. Mais apres la bataille de Fontenay, que le royaume fut diuisé, il obtint pour sa portion en l'an huiet cens quarante deux toute la Germanie depuis le Rhin iusques en Hongrie. Et fut dict roy de Germanie, homme magnanime & de grandes vertuz: Et qui premier contraignit les Bohemiens prendre la foy Chrestienne: Et eut plusieurs belles & triumpantes victoires contre les nations estranges, comme Esclauons, Vviniens, & autres. A luy apparut en dormant, l'esprit de son pere Loys Debonnaire, en le requerant en l'honneur de la sainte Trinite, luy ayder à estre deliuré & mis hors les peines de Purgatoire, ou il estoit detenu, A raison dequoy ledict Loys fait grandz & riches dons & aulmosnes aux eglises & monastres pour prier Dieu pour l'ame de sondict pere defunct. Il vesquit en son royaume de Germanie apres la mort de sondict pere par l'espace de trente trois ans, environ l'an huiet cens septante sept, faisant plusieurs œures dignes de memoire. Et puis laissa trois enfans, à sçauoir Charles dict le gras, qui fut Empereur, & Carlomanus, qui fut roy de Germanie & pere d'Arnoul, qui depuis fut Empereur, & Loys le tiers qui mourut sans enfans, & eut vne fille nommée Luydgarde, mariée à Otho le grand duc de Saxon.

*Loys roy de la germanie fait prier pour l'ame de son pere trespassé.*

*Les enfans de Loys de Germanie.*

## Des Roys de France, qui ont regné durant l'Euēque Hilduinus

*Charles le Chauue xxxvi. roy de France.*



**C**HARLES, surnomé le Chauue pour ce qu'il auoit peu de cheueux en sa teste, fut filz de Loys Debonnaire de sa derniere femme nommée Iudich. Et pourtant fut, non germain de ses dessusdictz freres. Il obtint pour sa portion tant par l'ordonnance de sondict pere, qu'aussi par la diuision faite avec ses freres Lothaire & Loys apres la bataille de Fontenay, le royaume de France, à sçauoir depuis la mer Britanique vers Occident iusques à la riuere de Lescault: Combien qu'aucuns escriuent iusques à Meuse. Ce que n'est vray, comme dirons cy apres: Et avec ledict Charles eut le royaume d'Aquitaine, que son frere Pepin tenoit au parauant: Les enfans duquel il fait religieux. Environ l'an huiet cens septante yn, ou selon Eginaldus huiet cens soixante huiet Lothaire



# depuis Charlemagne iusques à Hue Capet. F. cliiii.

Lothaire le ieune roy de Lorraine, mourut. Par la mort duquel ledict Charles le Chauue, qui estoit son oncle, se meit en possession dudiect royaume de Lorraine: Mais il fut empesché par Loys roy de Germanie son frere, qui pretendoit droit audiect royaume comme luy. Et depuis ilz s'appointerent, & diuiserent lediect royaume entre eux deux. Lediect Charles le Chauue endura plusieurs peines & Calamitez pour ses enfans: Car l'un qui auoit nom Carloman, & estoit desia clerc & diacre, proueu richement en l'eglise, fait plusieurs oppressions aux eglises & Abbayes qu'il tenoit, & ne peut iamais endurer correction de sondiect pere, pourquoy luy fait creuer les yeulx, & mettre en l'Abbaye de Corbie, pour là finer ses iours. Vn autre de ses filz deuint apostat nommé Iulian, & mourut bien tost apres. L'autre nommé Charles, fut tué par cas de fortune d'un cheualier nommé Albuinus, qu'il frappa par derriere, voulant sur luy experimenter sa force: Mais lediect cheualier pensent que ce fust vn autre qui le voulust outrager, le frappa d'un couteau, dont il mourut. Le quatrieme filz dudiect le Chauue, nommé Loys, demoura seul: & succeda au royaume de France, surnommé le Begue. Lediect Charles le Chauue eut vne fille, nommée Iudich, mariée avec Adolafus roy d'Angleterre. Apres la mort duquel, fut rauie par Baudoin forestier de Flandres, qui quelque temps apres fit son appointement avec lediect roy: qui le constitua premier comte de Flandres, comme dirons cy apres. Lediect Charles le Chauue enuiron l'an huit cens septante six, fut aduetry de la mort de Loys Empereur de Rome son nepueu, & filz de Lothaire son frere. Et incontinent s'en alla à Rome, & fit tellement qu'il fut couronné Empereur de Rome par le pape Iehan huitieme de ce nom, dequoy son frere Loys roy de Germanie ne fut content: & assembla grosse armée pour l'empescher: Mais ce pendant sondiect frere Loys mourut. Les autres disent que se furent les filz de Loys Germanicus, qui le voulurent empescher. Quoy qu'il en soit, il demoura pacifique empereur l'espace de deux ans. Finalement retournant d'un autre voyage de Rome mourut l'an huit cens septante huit, comme on diect, empoisonné par vn sien medecin Iuis, nommé Sedechias, & fut inhumé à Vercelle: Mais enuiron sept ans apres, ses ossemens furent transportez à saint Denys en France. J'ay leu qu'il eut deux femmes, la premiere Hermetrude, fille de Bruno de Saxonne, la deuxieme nommée Iudich.

*Charles le chauue entreprint le royaume de Lorraine.*

*Carloman premier filz dudiect le Chauue.*

*Le secod filz dudiect le Chauue, nommé Iulian.*

*Charles le troisie me filz dudiect le Chauue.*

*Loys. iiii. filz dudiect le Chauue.*

*Iudich premiere Contesse de Flandres.*

*Charles le Chauue couronné Empereur par le Pape Iehan huitieme d'unom.*

*Charles le Chauue Empereur par .ii. ans.*

## DE L'ORIGINE DE LORRAINE diuerses denominations tiltres & estatz en icelle.



**P**UIS que sommes paruenus au tépsque le royaume de Lorraine fut premierement erigé, & print son tiltre & denomination: Ensemble que suiuant ce que nous auons promis en nostre preface, & au commencement de ce troisieme liure, mettre & escrire à la fin d'une chascune vie de noz euesques, les Roys qui ont regné en iceluy &c.

¶ Auant que deduire l'origine dudiect royaume de Lorraine, est à noter par les lecteurs, que nous trouuons trois estatz & tiltres diuers en Lorraine asçauoir ancienne duché, royaume, & moderne duché: Et sur la denomination d'iceulx tiltres les histoires sont en diuersité d'opinion

*Origine du royaume de Lorraine.*

*Trois estatz, & diuers tiltres & denominations en Lorraine.*

# Le iij. liure des antiquitez de la gaule belgicque

Aucuns ont escript que le royaume de Lorraine a prins la denomination de l'ancienne duché ou ville de Lorraine. Les autres escriuent que ledict royaume de Lorraine a print son tiltre & denomination de l'Empereur Lothaire, filz de Loys Debonnaire. Laquelle opiniõ est plus veritable & consonante aux histoires, la plus fameuse & renommée. Pour quoy prouuer ie mettray icy vn chapitre particulier de l'ancienne duché de Lorraine, puis immediatement nous pourfuiurons l'origine du royaume: Et

consequemment quant nous viendrons au temps de l'erection, du

moderne duché de Lorraine, qui fut enuiron

l'an neuf cens octante vn,

nous escri-

rons

de l'origine d'iceluy.

## Chapitre particulier de l'ancienne duché de Lorraine ou Lotreich.

*De l'ancienne duché de Lorraine ou Lotreich.*



PAR LA lecture des histoires, chartres, lettres autentiques, fondations des eglises, villes & chasteaulx, on peut cognoistre, manifestemēt monstrer, & euidemment prouuer, qu'anciennement & long temps auant l'empereur Lothaire, y auoit vne duché de Lorraine, en laquelle plusieurs ducz ont regné, portans les vns apres les autres tiltres de ducz de Lorraine ou Lotreich, auteurs de plusieurs haultz faitz tant en armes, que fondations d'eglises: Et laquelle duché estoit située es pays bas vers Tongre, Ardenne, & l'ancienne duché de Brabant: Et est vray semblable qu'il estoit auant l'aduènement de Nostre Seigneur Iesus Christ, & possible perdit pour quelque temps son nom, comme l'ancienne duché de Brabant, asçauoir du temps de Pepin le court, pere de Charlemagne, lequel Pepin & ses predecesseurs auoient iouy, tenu, & possédé lesdictes duchez anciennes de Tongre, Brabant, & Lorraine ou Lotreich, qui perdirēt leurs noms & tiltres, quand Pepin entreprint le royaume de France: par ce qu'il furent adioinctz, meslez & confonduz avec ledict royaume de France, en la personne dudit Pepin, qui lors print tiltre de roy de France, sans plus faire mention particuliere des tiltres desdictes duchez, & de plusieurs autres principautez, qu'il tenoit au parauant, &c.

*Les predecesseurs de Charlemagne estoient ducz de Brabant & de Lotreich.*

Or de ma part i'ay fait grande diligence pour trouuer & sçauoir l'origine de la dicte ancienne duché de Lorraine, & ceulx qui ont regné par ordre en icelle: Mais ne m'a esté possible. Parquoy ie laisse la deduction de ceste chose à plus sçauant & diligent que ie ne suis: Et neantmoins ie trouue deux opinions diuerses sur la denomination de ladicte ancienne duché, que ie mettray icy. La premiere est que non seulement ladicte ancienne duché de Lorraine ou Lotreich, mais consequemment le royaume de Lorraine, & la duché de Lorraine moderne & dernièrement erigée, ont prins leurs noms & denominations d'une petite ville & chasteau nommé Lorraine, situé pres Treues sur la riuere de Sarre: En laquelle Lothaire le ieune second roy de Lorraine, & filz puisné de l'Empereur Lothaire premier, se tenoit ordinairement, & faisoit sa residence avec Vvaldrada son adultere, apres qu'il eut laissé & chassé Theodbergue sa femme legitime. Pour lequel fait il fut excommunié par le Pape Nicolas premier du nom, & Adrianus son successeur, avec aucuns euesques qui luy fauorisoient, comme dirons cy apres: Et escriuent outre, que pour ce mesme fait, ladicte ville & chasteau de Lorraine furent destruitz, & depuis ne furent iamais reedifiez, desquelz on voit encores de present les ruines. Et pour confermer leur opinion alle-

*La premiere opinion des historiens touchant l'origine de l'ancienne Lorraine.*

# depuis Charlemagne iusques à Hue capet. F. cliiii.

guent vne hystoire ancienne de Metz, parlant dudiect ieune Lothaire comme l'ensuit.  
*Lotharius apud Placentiā diuinitus percussus, moritur, cum quo pariter totum regnum (quod est eius nomine Lotharingum appellatum) corruit. Castellum etiam Lotharii non longe à Treueri super Saram, ex illo tempore omnino destructum est.*

Mais à la verité ceste opinion ne me semble suffisante, pour affermer que l'ancienne duché de Lorraine ayt prins sa denomination de ladiete petite ville ou chasteau de Lorraine: Car au contraire semble que l'hystoire, qu'ilz aleguent, face contre ce qu'ilz veulent prouuer, par ce que ladiete hystoire l'appelle Castellum Lotharii, qui notoirement estoit filz de l'empereur Lothaire: Et semble plus tost que lediect chasteau fut denommé de luy en l'appellant Castellum Lotharii &c. Et en ce qu'il diect que le royaume de Lorraine fut denommé de son nom, il a failly & equiuocqué, car ce fut du nom de son pere l'Empereur Lothaire, comme nous escriuons cy apres: Et pourtant appert celle opinion n'estre veritable.

¶ L'autre opinion est que ladiete ancienne Lorraine a print son nom d'une ville appellée Lorraine ou Lotreich, située iadis sur vne montagne, ou encores de present on voit les ruines d'icelle, assez pres de Iupile en Heristel, es pays circonuoisins du Liege, & des duchez de Tongre, & de l'ancien Brabant, en laquelle auoit vn pont pour passer la riuiere de Meule: Et estoit tenue & possédée par les anciens Pepins & leurs predecesseurs, desquelz sont descenduz Charlemagne, & consequemment les Lothaires dessusdictz.

*La seconde opinio des historiens, touchant de l'ancienne Lorraine.*

¶ D'icelle ancienne Lorraine escript Hubertus Thomas Leodius en son hystoire nouvelle intitulée *De Tungris & Eburonibus* au chapitre de *Lotharingia*, comme l'ensuit,  
*Paululum infra Iupiliam & Harstallum, in excelsa rupe rimæ risuntur arcis Lotharingia, atque eiusdem nominis oppidi (vt opinor) propter pontem, quem supra Mosam habuit: cuius nonnullæ adhuc cernuntur reliquæ. Opus autem fuisse reor Lotharii eius nominis primi, Romanorum imperatoris, qui prouinciam quoque Lotharingiam de suo nomine appellauit Et erat inter Mosam & Rhenū à foribus vsque ad vtriusque amnis confluentē, Lothariūque regnū appellabatur. Et item, Austrasiæ & Metensis ducatus, Germanice Lothreich, Gallice Lothregne, & postea concisis literis Lorraine: Leodiumque sub se comprehendebat, vti non semel refert Abbas Vrspergensis in suo chronico presertim vbi inquit, Leodium ciuitas Lotharingia est beati Lamberti martyris patrocinio satis inclita &c.*

*Hubertus Thomas historien de l'ancienne Lorraine.*

¶ Or par le contenu d'iceluy chapitre appert que lediect auther Hubertus Thomas auoit iugement & opinion, que ladiete ville de Lorraine fut denommée de l'Empereur Lothaire premier, & que iamais au parauant Lothaire ny eut tiltre de duché de Lorraine: Et se mocque & fait derision des Catalogues des euesques de Tongre & du Liege escriuans qu'aux années deux cens vingt, & six cens qu'auoit euesques à Tongre filz & enfans d'aucuns ducz de Lorraine: Car il est escript en sondiect liure ce que l'ensuit.

*Quare viderint rerum Eburonicarum scriptores, qui Nauium Tungrorum antistitem, Galliarum ducis & Tungrorum regis ex fratre nepotem faciunt. Deinde Metropolum quartum filium ducis Lotharingia ex Vngarie regis filia. Seuerum item quintum comitis Louani filium: Cuna ea tēpestare nec dux erat Gallia, nec rex Tungrorum, nec Lotharingia aut Vngaria nominata erant: sed nec Louanium comitatus. Viderint, inquam, ne dum historiam scribere se credunt, mera figmenta & naniæ occinant. &c.*

¶ Item lediect auther au chapitre intitulé *Summaria vrbis Leodii descriptio*, se moque de plusieurs escriuains ecclesiastiques, comme on peut veoir par la lecture de sondiect liure, & aussi qu'il n'est sans soubçon de l'opinion de noz nouueaux dogmatifans.

# Le.iii.liure des antiquitez de la gaule belgicque,

Raisons contre le-  
dict historien Hu-  
bertus Thomas.

¶ Toutefois & à la verité, combien que ledict autheur Hubertus soit homme sca-  
uant en lettres d'humanité, neantmoins il n'a eu congnoissance du tiltre de l'ancien-  
ne cité & duché de Lorraine, en referant icelle à l'empereur Lothaire premier, en  
quoy il a failly: Car long temps auant ledict Lothaire filz de Loys Debonnaire, le  
nom & tiltre de Lorraine auoit esté mesme en la ville dessusdicte appellée Lorraine  
située aux enuirs des anciens duchez de Tongre & Brabant, Iupille & Harstelle,  
& possédé par les Pepins & leurs predecesseurs: desquelz sont descenduz Charlema-  
gne & les Lothaires dessusdictez. Ce que ledict autheur Hubertus escript & afferme  
en sondict liure au chapitre Iupilla & Harstallo, disant.

¶ *Non procul à Leodio est villa regia Iupilla, & e regione Harestallum, pagus & cetera.*  
¶ Et puis sensuit: *Fuit Pipinorum arx & regia:* Et tost apres escript: *Ego potius id nominis*  
¶ *assequutum crederem: quia à Pipinis, Carolo-Martello, Carolo magno, & sequentibus aliquo-*  
¶ *Imperatoribus atque regibus, ob loci amoenitatem & venationis copiam culta fuerit. Subterla-*  
¶ *bitur Mosa, si usquam alibi placidissime à Leodio ad dexteram declinans paululum, & c.*

¶ Et semblablement dès lors y auoit tiltre de duché de Lorraine & des ducz regnans  
en icelle. Pour laquelle chose prouuer: (combien que ie n'aye la parfaite cognois-  
sance de l'origine diceluy ancien duché de Lorraine ne de l'ordre d'iceux, qui y ont  
regné): toutefois i'escrieray icy & monstreray assez clerement qu'il à esté, & que plu-  
sieurs princes, portans tiltres de ducz de Lorraine en iceluy ont regné.

Probations que  
l'ancienne Lorrain  
ne estoit long tēps  
deuant Lothaire  
Empereur.

¶ Et premierement ie prendz ce que ledict Hubertus reiecte, à scauoir les anciens ca-  
thalogues des euesques de Tongre, auxquels ceux du Liege ont succédé, ou il est  
escript que le quatrieme euesque dudit Tongre, nommé Metropolis, filz d'un duc  
de Lorraine, fut esleu euesque l'an deux cens vingt vn, comme sensuit.

Metropolis eues-  
que de Tōgre, filz  
d'un duc de Lor-  
raine.

¶ *Metropolis filius Metropoli ducis Lotharingia ex Vngaria regis filia, episcopus acclamatus est*  
¶ *annosalutis ducentesimo trigesimo primo, & c.*

¶ Et pour satisfaire à l'obiection, que fait icy l'autheur dessus nommé Hubertus, escri-  
uant qu'en ceste année deux cens vingt vn, le royaume de Hongrie n'estoit erigé &  
n'auoit tiltre ne denomination: Et que pourtant le contenu audict catalogue estoit  
faulx, en ce qu'il dict.

¶ *Metropolis filius Metropoli ducis Lotaringia ex Vngaria regis filia, & c.*

Deux choses à no-  
ter pour la solutio-  
de l'obiection de  
Hubertus Thomas.

221  
371  
Le dictz qu'auant que respondre à ladicte obiection, est aux lecteurs à noter deux cho-  
ses. La premiere, que vray est qu'en l'an deux cēs vingt vn, le tiltre du royaume de Hū-  
grie n'auoit encores print sa denomination: Car tous les historiens accordent en ce,  
que les Huns, que nous disons à present Hungres, anciennes gens & Barbares, pre-  
nans l'origine de Nembroth, feirent leurs premieres habitations aux enuirs des Pa-  
ludes Meotides: Et passerent en la Scytie, obtenans merueilleuses victoires contre les  
Gothz: Tellement qu'ilz les chasserent de leurs habitations. Et depuis long temps  
apres, enuiron l'an trois cens septante vn du temps du Pape Damasus premier, & de  
l'Empereur Valēs, lesdictz Huns partirēt de Scytie avec nombre innumerable, fem-  
mes & enfans, subiuguerent tous les Pays intermediez, iusques en Pannonie, laquel-  
le pour lors obeissoit aux Romains. Et en icelle pour la fertilité du pays farreste-  
rent, chasserent les habitans, & y constituerent leurs habitations & demourance,  
iusques enuiron l'an quatre cens cinquante, quilz esleurent pour Roy Attila soubz  
lequel lesdictz Huns commencerent premieremēt prendre le nō de Hungres, regnāt  
l'Em-

# depuis Charlemagne iusques à Hue capet. F. clv.

L'Empereur Theodosius le ieune, & Valentinian, du temps du Pape Leon premier du nom, & cetera.

¶ Et apres la mort dudit Attila en Hongrie ne furent roys certains: Mais y eut interregne, iusques enuiron l'an mil, du temps de l'Empereur Henry deuxieme, soubz lequel Estienne se nomma Premier roy. Et toute Hongrie receut le saint sacrement de baptesme & la foy Chrestienne. En quoy appert qu'en l'an deux cens vingt vn n'y auoit roy portant tiltre de Hongrie: Toutefois il est certain, qu'auant la venue des Huns, & deuant Attila y auoit des roys en Pannonie: Car nous lisons que du temps d'Octavian, Pannonie avec son roy Batto veint en la puissance des Romains. Et depuis Traianus conquesta Dacie, en ce qui est oultre le Danube, que nous disons à present estre portion de Hongrie. Et laquelle depuis fut perdue & apres recouuerte par les Empereurs Galienus & Aurelianus, enuiron l'an deux cens vingt sept.

*Estienne premier roy Chrestien en Hongrie. 1000*

¶ Et en l'an trois cens septante trois, comme auons dessus dict, les Romains furent deictez de Pannonie par les Huns, laquelle ilz ont tousiours occupée & obtenue soubz le tiltre de Hongrie, comme ilz font encores de present.

373

¶ La seconde chose que fault noter par les lecteurs est, que les auteurs des Catalogues des euesques de Tongre & Liege ont commencé escrire lesdictz Catalogues long temps apres que Pannonie fut appellée, Hongrie: Et du temps que la Chrestienté estoit desia fort augmentée. Car au parauant & à la primitiue eglise peu de gens escriuoient les vies des euesques, & ne les osoient publier, pour crainte des infideles, qui estoient en plus grand nombre que les Chrestiens.

¶ Or supposées les choses que dessus, ie dy & respondz à l'obiection dudit Hubertus Thomas, que les auteurs desdictz catalogues, en escriuant iceulx ont eu egard au tiltre & denomination du pays, qui estoit de leur temps, & pour lors qu'ilz estoient: Et non point au tiltre ancien, qui estoit à lors que les choses auoient esté faictes: Comme filz vouloient dire, que Metropolis estoit filz d'une fille du roy du pays, qu'on appelle à present Hongrie. Combien que du temps dudit roy on l'appelloit Pannonie & cetera. Et ceste maniere de parler est toute commune entre les historiens, qui souuent vsent des tiltres dernièrement imposez à vn pays, sans auoir egard à l'ancienne denomination, qu'il auoit du temps des choses faictes & cetera. La semblable solution se pourra faire audict Hubertus de la duché de Lorraine, & autres pays qu'il allegue pour improuer lesdictz Catalogues & cetera. Et neantmoins ie dy oultre, quant à la duché de Lorraine, qu'elle estoit en tiltre & denomination de l'an deux cens vingt vn, & depuis comme amplement nous prouons icy.

*Solution de l'obiection de Hubertus.*

¶ Pour laquelle chose encores plus amplement prouuer, j'allegue lesdictz Catalogues des euesques de Tongre, Traiect, & Liege en vn autre passage, ou est escript, qu'en l'an six cés Condulphus, filz d'un duc de Lorraine fut esleu euesque de Traiect, comme s'ensuit.

*Condulphus Euesque de Traiect filz du duc de Lorraine.*

*Condulphus ducis Lotharingia filius ex filia Clotharii Francorum regis, ordinatus est pontifex anno salutis sexingentesimo. Qui obiit anno septimo suae administrationis, &c.*

En quoy fault entendre que cestuy Clothaire estoit deuxieme du nom: & lequel aucuns appellent Lothaire: Et fut pere du roy Dagobert, & monarche es deux royaumes de France & Austrasie. ¶ Item on trouue vne ancienne table ou carte des ducz de Lorraine, l'auteur delaquelle ne se nomme: Toutefois elle fut composée du temps de Raoul & de son filz Jehan ducz de Lorraine. Et commence à Vvasqueneus ou Vvasconius, qu'il dict estre premier duc de Lorraine, infidele & non Chrestien. Et deduit en icelle trente quatre personnes qui ont regné avec

*Table ancienne de genealogie des ducz de Lorraine*

*Vvasqueneus premier duc de Lorraine, Payen.*

# Le iij. liure des antiquitez de la gaule belgicque,

auec le nombre des années, qu'un chascun d'eux à tenu ladicte duché. Desquel-  
les années montent toutes ensemble enuiron neuf cens ans, iusques audict Ican  
filz dudiect due Raoul. Lequel certainement commença à regner l'an mil trois cens  
quarante huiet. Parquoy fault dire selon icelle, que ledict Vvasquineus auec sa fe-  
me, qu'il appelle Idoine, regnoit enuiron l'an de grace quatre cens quarante deux,  
qui estoit du temps de Pharamond, ou de son filz Clodion, qui regnoient durant  
ledict temps. Pour quoy confermer aucuns ont escript, que ladicte Idoine sa  
femme estoit fille dudiect Pharamond premier roy François, & que ledict Vvas-  
quineus fut le premier aucteur de la loy Salique laquelle de son nom fut premie-  
rement appellée Lex Vasconia, comme dict maistre Nicolle Gille en ses annalles,  
& selon ceste opinion faudroit que ledict Vvasquineus tenant la loy Payenne &  
Sarrazine comme Pharamond, Clodion & leurs predecesseurs eut esté premier duc  
de Lorraine ou Lotreich depuis l'aduenement de Pharamond en la Gaule. Qui pos-  
sible auoit deiecté les anciens ducz de Lorraine de leur patrimoine, & fait regner  
ledict Vvasquineus: Car il est certain qu'auant ledict Pharamond y auoit ducz en  
Lorraine ou Lotreich. Or qu'il en soit ie ne m'aresté point à ladicte table, au con-  
tenu de laquelle sont autres fautes, erreurs, & omisions patentes & manifestes. Et me  
suffit icy donner entendre aux lecteurs, que ie l'ay veu & c.

*S. Vvaudrude  
duchesse de Lor-  
raine.*

*Vvaubert. iiii. du  
no. pere de sainte  
Vvaudrude.*

*Maldegard mary  
de S. Vvaudrude*

*S. Aye succeda à  
S. Vvaudrude.*

*Henry duc de  
l'ancienne Lorrain-  
ne du temps de  
Chilperic filz de  
Clouis.*

¶ Nous trouuons que tost apres vne noble dame, nommée Vvaudrude, sainte  
femme, descendue par ligne droite de Clodion le Chenelu, & de Vvaubert frere  
d'Anselbert le senateur (desquelz auons parlé & escript cy dessus en nostre second  
liure) estoit dame de Haynau, & duchesse de Lorraine ou Lotreich, comme escri-  
uent les historiens de Haynau: Et mesme Sigebert, qui à descript la vie d'icelle  
sainte, disant ce que sensuit. Il est assez notoire qu'Vvaubert fut duc de Lorraine.  
Laquelle duché festendoit par tout le Cambresy, par Haynau, Brabant, par Hal-  
bin, & Ardenne, iusques à la riuere du Rhin. Et de ce escript Maistre iacques de  
Guise, religieux de l'ordre saint François, en sa collection des Annalles de Hay-  
nau, & dict ce que sensuit. Vvaubert (qui se doit entendre du quatrieme du nom)  
eut de sa sainte femme Bertille deux filles, à sçauoir sainte Vvaudrude & sainte  
Adegondé & cetera. Et consequemment ledict auteur, (parlant de l'eglise, que la-  
dicte sainte auoit fait edifier à Chastelleu, qu'on dict de present Mont en Hay-  
nau) escript ce que sensuit. Comme ainsi soit que la bien heurée madame sainte  
Vvaudrude duchesse de Lorraine en ce mesme lieu tant viue que morte à esleu son  
habitation & c. Or est il certain que ceste dame Vvaudrude (de laquelle escript Si-  
gebertus en son cronicon, souz l'année six cens cinquante) & espousa vn saint ho-  
me, nommé Maldoxard, autrement saint Vincent de Sougnes, qui edifia l'abbaye  
d'Aumont. Et eurent plusieurs enfans, qui tous laisserent le monde, prenans estat  
de religion. Et si auoit vne socur, nommée Aldegonde, laquelle fonda le monastere  
de Maulberge: & perseuera en virginité. Parquoy finalement ladicte Vvaudrude  
institua heritiere sa cousine sainte Aye, femme de Ludulphus ou Ydulphus, des-  
quelz sont descenduz les princes de Haynau & d'Ardenne, comme amplement nous  
auons par cy deuant deduit, & c.

¶ D'auantage i'ay leu en vne ancienne histoire d'Ardenne, faisant mention de la  
duché de Tongre, qu'au temps de Childeric roy de France, pere du roy Clouis  
premier Chrestien, y auoit en Ardenne vn duc, nommé Henry, le plus puissant &  
riche des princes pour lors regnans, & tenoit toute l'Ardenne, Buillon, Lembourg,  
Luxembour, Lotrange, & le pays de Boëme, Gueldres, & Iulliers & à luy apparte-  
noit tout le pays, depuis Reims iusques à Treues. Et eut pour son espouse vne des  
filles du roy Chilperic. De laquelle il eut trois enfans, à sçauoir Thiery, Clouis, &  
Boudant ou Bodo. Thiery eut pour son partage Aardenne, Buillon Lembourg,  
Luxembourg, & Lotrange. Le deuxieme filz Clouis eut Boëme. Et & le troisieme  
Boudant eut Tongre, Viennes, Gueldres, & Iulliers.

# depuis Charlemagne iusques à Hue capet. F: clxvi.

¶ On lit aussi en la legende de sainte Glodfine de Metz, que Chilperic Roy de France filz de Clouis, auoit à luy subiect vn comte de Parthois, appellé Vvoro, qui fut duc de Lorraine. Et eut pour femme Godile, de laquelle engendra vne fille nommée Glodfine: laquelle print habit de religion. Et en faueur d'icelle feit edifier en sa maison, à Metz, le monastere qu'on voit a present de sainte Glodfine, lequel il fonda & y donna plusieurs terres & rentes. Entre lesquelles les religieuses tiennent encores & possèdent de present vne seigneurie en France nommée Nanfil.

*Vviro duc de Lorraine.*

¶ Semblablement on liët en la legende saint Lyuier cheualier de Metz, qui fut tué & occis des Vvandales, qu'au temps de Pelagius Pape, & de Iustinian l'Empereur, & de Clotaire premier roy de France, estans tous d'un mesme temps, enuiron l'an cinq cens cinquante trois, y auoit vn duc de Lorraine nommé Lucian: qui estoit le cinquieme en nombre entre les ducz de Lorraine, qui auoient receu la foy Chrestienne. Et eut vn filz nommé Luthaire ou Eluthaire, qui engendra vn autre filz nommé Luthier ou Eluthier, qui fut reputé saint en paradis.

*Fondation de S. Pierre de Metz.*

¶ Nous lisons aussi es cronicques de Metz, que du temps de Theodoric & Childbert, qui commencerent à regner apres leur pere Childbert roy d'Austrasie, enuiron l'an six cens, vn prince nommé Eluthier estant duc du Palays des François, fonda le monastere de saint Pierre aux Dames à Metz: Toutefois là n'est faicte mention sil estoit descendu du dessusdict Lucian duc de Lorraine.

*Modoaldus archeuesque de Treues.*

¶ On lit aux histoires de Treues, que du tēps du roy Dagobert premier du nō, qui commença à regner l'an six cens trente vn, vn euesque de Treues, nommé Modoaldus, frere de Ietta aliàs Yduberga femme de Pepin l'Ancien, surnommé de Laudon, edifia vn monastere de femmes à Treues, dedans le Palays dudit Dagobert, qu'on nommoit Horreum. Et ce par l'exhortation de Nantilde royne de France. Dedans lequel monastere elle ordonna Abbesse sainte Hyrmine fille dudit Dagobert & de ladicte Nantilde royne. Apres la mort de laquelle succeda abbesse sainte Modeste, viuāt pour lors. S. Gertrude fille des dessusdictz Pepin & Ietta. Item ledict Modoaldus edifia vn autre monastere de femmes hors Treues en vn vicil chasteau, iadis edifié par Iules Cesar. Et en iceluy fut abbesse Athela fille dudit Dagobert, & seur de sainte Hyrmine. Item ledict euesque edifia vn autre monastere sur la riuere de Moselle, en l'honneur de saint Simphorian, au quel ordonna Abbesse sainte Seuer sa seur: Et feit plusieurs autres grandz biens, fondations, & oeures miraculeuses, cōme escript Alcuin en sa cronique. Apres la mort dudit Modoaldus, son corps fut inhumé audict monastere de saint Simphorian, ou sa seur estoit inhumée, & apres la ruine dudit monastere, les corps furent translâtez, à sçauoir Modeste en l'eglise de saint Euchaire, & Modoaldus en l'eglise de saint Paulin: Le successeur d'iceluy en l'euesché de Treues fut Numerarius, saint hōme, auquel succeda Basinus, qui aparauant auoit esté abbé de saint Maximin, qu'on appelloit pour lors saint Hilaire. A cestuy succeda son nepuet de par sa seur Gunza, saint Luthuinus, qui auoit esté duc de Lorraine. Il edifia le monastere de Metheloc, que nous disons en latin Mediolanum. La ou il institua & fonda grand nombre de religieux, soubz l'ordre de saint Benoit, ou luy mesme vesquit saintement. Tellement qu'il fut appellé par le clergé de Reims & de Laon, pour estre leur euesque. Et trouuōs qu'en ce iour mesme il teint & administra les ordres es deux eueschez. Il mourut à Reims: Mais son corps fut inhumé audict monastere qu'il auoit edifié. Cestuy Luthuinus auoit heu au parauant de sa femme legitime defuncte vn filz, nommé Milo, qui entreprint tiranniquement ledict Archeuesché de Treues contre Clodulphus, filz de saint Arnoul de Metz. Et le persecuta iusques à la mort, par la faueur qu'il auoit à Charles Martel, qui lors viuoit: & vsoit de grandes tyrannies contre les eglises, comme on peult voir es cronicques de Treues, escriuans que ledict Clodulphus, qui fut aussi euesque de Metz, mourut en aagé de cent & trois ans, en l'an de grace sept cens dix huit.

*S. Hyrmine & S. Athela filles du roy Dagobert.*

*S. Luthuin duc de Lorraine.*

*Clodulphus filz de S. Arnoul euesque de Treues & de Metz.*

¶ Item

# Le iij. liure des antiquitez de la gaule belgicque,

Oacrius duc de  
Lorraine.

*bastins*

¶ Item pour plus euidemment prouuer ce que dessus, nous lisons es antiquitez de la cité de Metz, qu'en l'an huit cens cinquante six y eut vn Comte, nommé Vildericus, filz d'Oacrius duc de Lorraine, extraict de la lignée & du sang de Chilperic, ou Hilperic roy de France, lequel Vilderic espousa Berthe tante de Sigibert douzieme roy d'Austrasie & de Metz. Cestuy Vilderic auoit vne ville & seigneurie, nommée Hasteriense, qu'on dict de present Hastin située sur la riuere de Meuse. En laquelle estoit vne ancienne eglise, denominée de ladicte ville d'Hasteriense, laquelle auoit esté fondée & consacrée par saint Maternus euesque de trois citez, Treues, Tongre, & Colongne. Et en icelle eglise quelque tēps apres Serenus euesque de Treues, auoit mis & colloqué plusieurs belles & saintes reliques, qu'il auoit apporté de Hierusalem, du temps de l'inuention des corps de saint Estienne & ses compagnons, à sçauoir du sang de Nostre Seigneur Iesus Christ, du lait de la vierge Marie, & autres. Or ledict Comte Vildericus, en traictant son mariage avec sa femme Berthe, luy donna pour douaire ladicte seigneurie d'Hasteriense. Et depuis voyans qu'ilz n'auoient enfans, delibererent d'un commun consentement donner la plus grande & principale partie de ladicte seigneurie à l'eglise de Metz: laquelle entre toutes les autres estoit pour lors la plus magnifique. Et avec ce fonderēt en ladicte eglise d'Hasteriense vn monastere de religieuses, ou ilz instituerent abbesse vne sainte dame, nommée Haluitrude: Es mains de laquelle ladicte Berthe voua & promit prendre habit de religion audict lieu, si son mary Vildericus alloit de vie à trespas auant qu'elle, &c. Or à fin que les lecteurs puissent euidemment cognoistre ce que dessus, l'escriray icy l'extrait, que j'ay fait sur les chartres autentiques, qui sont encores de present, comme sensuit.

Lettres anciennes  
de l'an six cēs cin-  
quante six, faisant  
mention des ducz  
de Lorraine.

*In nomine sanctæ & indiuiduæ trinitatis, &c. Ego Vildericus comes nobili prosapia procreatus, quomodo in vita mea egi omni ventura generationi relinquendum curavi: Defuncto namque patre meo scilicet Oacrio Lothariensi duce nobilissimo, qui à stirpe processerat Hiperici Francorum regis, uxorem magnæ nobilitatis duxi nomine Bertham, scilicet Metensis regis Sigiberti amitam. Illi dotis nomine dedi allodium Hasteriensis villæ supra Mosam posite, cum omnibus appendiciis suis &c. Non pauco enim tempore cum magna leticia mortalem vitam duximus. Sed quomodo Dei iudicio heredibus terrenis priuati fuimus; nescimus. Quapropter diuino consilio tacti, allodia nostra statuimus seruire iusticie & veritati: Ita vt hereditate frueremur perenni. Erat autem Hasteriensis ecclesia à priscis temporibus à sancto Materno Petri Apostoli discipulo consecrata. In qua sanctorum multorum continebantur reliquie, super omnia de Christi sanguine, de matris eius lacte. Etenim illas sanctus Serenus episcopus, qui in Hasteriensi quiescit ecclesia, detulit ab Hierosolima eodem tempore, quo Ioannes episcopus reliquias prothomartiris Stephani inuenit reuelatione diuina. Quia ergo in Hasteriensi ecclesia maxime continebantur reliquie, et quia uxor mea erat neptis sancti Arnulphi episcopi Metensis, communi consilio decreuimus allodia nostra tradere ecclesie Metensi quæ præ omnibus ecclesiis habebatur insignis in toto regno terræ nostræ confinio. Siquidem Hasteriensis castelli villam distam. S. Stephani l. galiter tradidi, ibique locum sepulture mee & uxoris mee in monasterio Hasteriensi paravi. De quo erectis clericis (qui vice capellanorum Deo & mihi famulabatur) ibi in loco sanctimonialium congregationem statui: eisque abbatissam, nomine Haluitrudem prefeci: Cum quibus uxor mea iurabat se famulaturam Deo post obitum meum, si vita comes esset illi. Actum est hoc publicè, Metis, anno dominice incarnationis sexingentesimo quinquagesimo sexto, indictione duodecima, regnante Sigiberto filio Dagoberti regis, in ipso anno quo obiit sancta Gertrudis.*

Or par les dessusdictes lettres autentiques appert euidement, que long temps auāt l'ēpereur Lothaire y auoit des ducz de Lorraine Lotrich, tous distinguez & differās des ducz de lorraine à present regnans, tant en situatiō de pays, comme en origine & denominaton de duché. Parce que ladicte duché ancienne estoit située au pays bas, vers Tongre, & l'ancienne Brabant, tirant à la mer Oceane Britanicque. Et la Lorraine, que nous disons moderne & superieure, estant encores de present, erigée & denominée depuis l'Empereur Lothaire, est située vers l'Alsatie, tirāt en la Germanie. ¶ Pour laquelle chose encores prouuer, nous trouuōs que du temps de Pepin le court,



# depuis Charlemagne iusques à Hue capet. F. clvii.

court & Charlemagne y auoit vn duc ou gouuerneur de Metz, appellé Guerin le Lorrain, comme auons de sus escript. Et pourroit on dire qu'il estoit seigneur ou gouuerneur de l'ancienne duché ou ville de Lorraine. Combien que noz nouueaux hystoriens, Symphorian Champier & Emond de Boulay, confyderans que Lorraine moderne en ce temps n'estoit erigée, escripuent (possible ignorans ladicte ancienne duché & ville de Lorraine) qu'il se appelloit Guerin l'Austrasien. Et qu'il fut appellé le Lorrain, parce que le pays depuis fut dict & nommé Lorraine. Ce que n'est vray semblable: car par toutes les hystoires il se nommoit le Lorrain, mesme du temps de Martel & de Pepin son filz, & Charlemagne. Ce qu'on pourroit verifïer ou apparemment prouuer par ce que l'archeuesque de Reims Turpin, atteste & certifie en sa cronique escriuât de la bataille de Roncevaux &c. Et combien que Guaguin la repete fabuleuse: toutes fois Anthonius Sabellicus en ses Eneades la tient veritable, ayant reuerence à l'auteur. Aussi fait maistre Iehan Bouchet en ses annales d'Aquitaine. Or dit ledict Turpin qu'auant la dessusdicte iournée, Charlemagne restitua son armée, & assembla cent trente quatre milles combatans de diuerses nations, ou estoient les princes qui s'ensuiuent, Roland comte de Bloys, filz de Milon comte du Maine, Oluier comte de Gennes, le comte Pigmant, Arastanus roy de Bretagne, Eugeberius duc de Guyenne, Guyfer de Bordeaux, Gondehault roy de Frise, Ooel comte de Nantes, Regnault qui depuis tua Aygelant, Nesmes duc de Bauieres, Ogier roy de Dacie, Lampert prince de Berry, Sanson duc de Bourgongne, Constantin preuost ou capitaine general de Rome, Guerin le Lorrain duc de Brabant, &c. Et sur ce passage maistre Iehan Bouchet en ses Annales referant l'article dessusdicte des croniques dudiect Archeuesque Turpin, escript ce que s'ensuit. Guarinus duc de Brabant, & du pays que de present nous appellons Lorraine. En quoy on pourroit noter que ledict Bouchet à aucunemēt halluciné, & equiuocqué, tenāt l'opinion desdictz Champier, & Boulay. Et que plus veritablement & apparemment il eut escript, que ledict Guerin portoit pour lors le nom & tiltre de l'ancienne Lorraine, & de l'ancienne Brabant: desquelles possible estoit seigneur ou gouuerneur soubz ledict Pepin, & Charlemagne: soubz lesquelz lesdictes deux anciennes duchez de Brabant & Lorraine commencerent à perdre leurs nom & tiltre, quand ledict Pepin entreprint le royaume de France qui au parauant en son principal tiltre estoit duc d'icelles duchez. Desquelles apres estre roy, donna pour le commencement le gouuernement audict Guerin. Ce que confirme Symphorian Champier au quatrieme chapitre de ses Croniques, alleguāt Hugues de Toul ancien hystorien, disant de cecy Guerin, qu'au tēps qu'il gouernoit Lorraine soubz Pepin roy de France, Flandres estoit gouuernée par les fourestiers dudiect roy Pepin. Et que lors commencerent grieues dissensions entre Guerin gouuerneur de Lorraine, son frere Belghon, & Froymond le prince des Bourdeloys, comte d'Artois. Escript oultre ledict Hugues, qu'un iour au palais dudiect Pepin en la cité de Laon les Bourdeloys pour la partie de Froymond assaillirent Guerin gouuerneur de Lorraine, qui estoit seul loing de ses gens: mais il se defendit tellement qu'ilz ne luy feirent aucun mal, ains bailla tel coup sur la teste à Hardre parent de Froymond, qu'il luy espendit la ceruelle sur le paué. Et depuis les poursuivit tellement qu'ilz furent contrainctz, mesmes ledict Froymond s'en fuir aux Sarrazins en Espagne, pour auoir secours. Neantmoins ledict Guerin fut tué finalement des Vuandales par trahison, comme auons escript cy dessus au second liure. Or apres la mort dudiect Guerin les duchez de Brabant & Lorraine perdirent totalement leurs nom & tiltre de duché. Car nous ne liuons point qu'Herny de Metz pere dudiect Guerin, ne son filz Gerbus apres luy portassent iamais nom de Lorrain, comme ledict Guerin. Et si trouuons bien que lesdictz tiltres, signamment celuy de Brabant, fut renouvelé enuiron troys ou quatre cens ans apres, en la persone de Godefroy le barbu comte de Louain, qui print tiltre de premier duc de Brabant. Et si voyons que ses successeurs renouvelerent quelque temps apres le tiltre de Lorraine ou Lotrech, qu'ilz portent encores de present comme nous escriuons plus amplement cy apres suiuant l'ordre du temps, &c.

*Guerin le lorrain*

*Turpin archeuesque de Reims.*

*1092*

# Le iij. liure des antiquitez de la gaule belgicque,

¶ D'auantage pour plus clerement prouuer qu'il y auoit vne ancienne duché de Lorraine ou Lotreich, située vers le pais du liege, fault que les lecteurs ayent recours à ce que nous escrirons cy apres de l'origine de la duché moderne de Lorraine : Et comment Charles puisnay filz de Loys quatrieme, & frere de Lothaire dernier, enuiron l'an neuf cens cinquante cinq eut son partage vers Bruxelles, & aux enuiron des pais nommez de present Brabant. Dedans lequel notoirement estoit située la ville de Lorraine ou Lotreich. Ensemble ilz cognoistront comment la moderne Brabant recouura son ancien tiltre & nom de Brabant, &c.

*Les ducz de Brabant modernes portant tiltres de ducz de Lotreich.*

¶ Pourquoy confermer, le president de Luxembourg maistre Nicolle de Manes, homme tressçauant, qui mourut en l'année mil cinq cens quarate six (dont Dieu ait l'ame) m'a assureé & affermé, que tous les ducz de Brabant encores à present regnans, en prenant possession de ladiète duché, font serment solennel, qu'ilz porteront le tiltre de duc de Lotreich. Combien qu'aucuns ont escript, que Philippe duc de Bourgongne, apres Anthoine duc de Brabant son frere, print tiltre de duc de Lotreich, & consequemment ses successeurs. Tellement qu'encores l'empereur regnât à present, Charles le quint, porte en ses tiltres, & se nomme, *dux Lothoringia*, en Latin. Et quand il escript en François, il diët, Duc de Lotreich. Que se doit entendre à raison de la duché de Brabant : soubz les limites de laquelle ladiète ancienne duché de Lotreich ou Lorraine est comprinse. Et ne se doit entendre de la duché de Lorraine moderne & superieure: que noz ducz qui sont à present, tiennent & occupent iustement, &c.

## DE L'ORIGINE DV ROYAUME de Lorraine.

**R**VIS que nous auons escript de l'ancienne duché de Lorraine, ou Lotreich : icy consequemment fault escrire de l'origine du royaume de Lorraine, erigé soubz l'empereur Lothaire, filz de Loys debonnaire, & denominé de son nom, apres les partages faitz avec ses freres, Loys de la Germanie, & Charles le chauue. Pour laquelle entendre, ensemble la situation & estendue, & l'ordre des roys, qui ont regné en iceluy, fault auoir recours par les lecteurs à ce que nous auons escript au proëme de ceste Cronique, & en ce troysieme liure, signamment es vies de cestuy euesque Hilduinus, & de l'euesque Hatto subsequent. Ou nous auons manifestement monstré l'origine dudiët royaume, denomination & estendue d'iceluy. Laquelle pour euiter prolixité ne voulons icy repeter, en renuoyant les lecteurs à ce qu'en auons escript.

## DE L'ORIGINE DE la moderne Lorraine.

**P**OUR entendre l'origine, denomination, situation, & estendue de la duché moderne de Lorraine, erigée enuiron l'an neuf cés octante vn, en la personne de Charles filz du roy Loys quatrieme, & frere de Lothaire dernier, Ensemble des ducz, qui ont regné en icelle iusques à present, tous descendüz par ligne directe de Pharamond. Et fault pour euiter prolixité auoir recours par les lecteurs à ce que nous escriuons ample-ment à la fin de cestuy troisieme liure, soubz la vie de l'euesque Adelbero, & consequemment aux autres liures subsequens, iusques à la fin de la Cronique, ou nous poursuiuons es vies des euesques, & par epitomes, le temps, faitz, & gestes d'iceux ducz, iusques à ceux, qui regnent à present.

# depuis Charlemagne iusques à Hue Capet. F. clviii.

## DE LOTHAIRE PREMIER

roy de Lorraine, qui commença à  
regner du temps de l'euesque  
Hilduinus.



**S**VIVANT ce que nous auons ptomis tant en nostre preface, qu'au commencement de ce troisieme liure, à sçauoir de mettre & escrire les epythomes des roys de Lorraine, à la fin des vies de noz euesques de Verdun, quand nous serions paruenuz au temps de l'origine d'iceluy royaume, qui fut soubz Lothairè empereur, filz de Loys debonnaire, comme dessus auons dict: Et duquel ie mettray icy vn mot, pour satisfaire à ma promesse, & mettre ordre à consequemment escrire dedictz roys de Lorraine, qui ont regné apres luy, tant à la totalité dudit royaume, qu'apres la diuision d'iceluy entre les françois & Germains.

**Lothaire** filz aîné de Loys debonnaire, estant empereur des Romains, fut premier roy de Lorraine. Et erigea iceluy royaume en la portion *Lothaire premier roy de Lorraine.* que luy fut reseruée en la Gaule Belgique entre les riuieres du Rhin & de Lescault, par le partage qu'il feit avec ses freres, apres la iournée de Fontenay. Lequel royaume il teint avec l'empire enuiron douze ans, depuis l'an huiet cens cinquante cinq. Et quand il laissa le monde, & entra en religion, il feit partage entre ses troys filz, en donnant à l'aîné Loys, l'empire de Rome. Et au second filz, nommé Lothaire, dict le ieune, donna ledict royaume de Lorraine. Et à l'autre, nommé Charles, donna la Prouence: Lequel Charles mourut tost apres, comme auons dessus escript, &c.

## LES SVCCESSEURS DE

Clodion, qui ont regné en Ardenne, Mozelanne, & Buillon, durant l'euesque Hilduinus.

**FERRY** filz de Lohier (duquel nous auons escript en l'euesque Austrannus) *Vide supra.* teint Ardenne, Mozelanne, & Buillon du temps de nostre euesque Hilduinus.

**Sadigeris** filz dudit Ferry (duquel nous auons escript en l'euesque precedât) *Vide supra.* teint lesdictz pays d'Ardenne, Mozelanne, & Buillon du temps de nostre euesque Hilduinus.

## LES SVCCESSEURS DE CLO-

dion, qui ont tenu la comté d'Haynau, durant l'euesque Hilduinus.



**ALBON** premier du nom (duquel nous auons escript en l'euesque *Vide supra.* Austrannus) teint la comté d'Haynau enuiron cinq ans du temps de l'euesque Hilduinus.

# Le.iii.liure des antiquitez de la gaule belgicque,

*Albon deuxieme  
du nom comte  
de Haynan.*

**Albon** deuxieme du nom, filz d'Albon premier, & de la fille d'Vaultier Porphenin troisieme du nom, succeda à ses pere & mere en ladicte comté de Haynan l'an huit cens trente quatre. Et teint la ville de Valenciennes comme son dict pere. Et entre tous les princes du royaume de Lorraine cestuy flourissoit & adheroit à Charles le chauue roy de France: & sur tous l'induit & enhorta entreprendre le royaume de Lorraine apres la mort de Lothaire le ieune, comme nous dirons & deduirons es vies des euesques subsequens. Cestuy eut vne femme, le nom de laquelle ie ne trouue es hystoires. Toutesfois il eut vn filz, nommé Manassier, ou Manasses: qui succeda à ses seigneuries apres sa mort, qui fut l'an de grace huit cens, & huit.

FIN DE LA VIE DE  
l'euesque Hilduinus. xxviiij.  
euesque de Verdun.

## LA VIE DE HATTO vingtneuvieme euesque de Verdun.

*Hatto xxix. euesque  
de Verdun.*



**HATTO** vingtneuvieme euesque de Verdun en l'an de grace huit cens cinquante, apres la mort d'Hilduinus son predecesseur, fut esleu par le clergé & nomination de tout le peuple dicelle cité, pour obuier aux grans maux & calamitez, que l'eglise de Verdun auoit souffert & enduré par la hayne & indignatiō, que Lothaire empereur auoit contre ledict Hilduinus. Combien qu'il fut homme de grand scauoir, vertuz, & saincteté de vie, comme à eité dict cy dessus.

*Hatto es'eu euesque  
de Verdun.*

¶ Or ledict clergé, esperant auoir restitution & reparation des grans dommages, & extorsions, qu'on auoit fait en leur eglise, eleurent & presenterent iceluy Hatto pour leur euesque à Lothaire empereur & roy de Lorraine, auquel royaume de Lorraine la cité & euesché de Verdun sont situez. Ce que facilement obtindrent dudit empereur Lothaire, pource que ledict Hatto luy estoit agreable: & aussi qu'il estoit de haulte & ancienne noblesse. Et auoit esté nourry en sa ieunesse avec le ieune Lothaire, filz du dessusdict empereur, qui depuis fut roy de Lorraine. Et par son moien l'eglise de Verdun fut fort soulagée, & restituée quasi en son premier estat, comme sera dict cy apres.

*Hatto nourry en  
sa ieunesse avec le  
ieune Lothaire.*

*Hatto retira en  
son eglise les alienations  
faites au parauant.*

¶ Or l'election ainsi faite & confirmée, Hatto, qui estoit noble, riche, & puissant, allié des empereurs, roys, & princes des pays, voyant les biens de l'eglise de son euesché ainsi disipez & alienez, fait toute diligence d'entreprendre & poursuiure la restitution contre les detenteurs & vsurpateurs d'iceux biens. En sorte que peu de temps apres il retira la plus grande part des choses alienées: Et mit tel ordre, que les  
contre

# depuis Charlemagne iusques à Hue capet. F. clix.

confreteres chanoynes eurent prouision suffisante pour viure. Consequemment reformá les meurs d'iceux: & ordonna le saint seruice de Dieu estre fait & restitué en son premier estat, tellement que d'vn chacun estoit craint & aymé.

¶ Sigibert en sa cronicque dit qu'environ la deuxieme année, que ledict Hatto fut euesque de Verdū, y eut vne merueilleuse famine par tout le royaume de Lorraine & en la Germanie, tellement qu'vn homme de Germanie se mit en effort de manger son enfant. A raison dequoy les euesques des pays exposerent leurs biens pour subuenir au pauvre peuple. Entre lesquelz singulierement feirent grandes aumosnes Rabanus Archeuesque de Magunce, qui mourut ladicte année, & Hatto euesque de Verdun. Et veint icelle necessité & famine pour autant que de long temps les terres n'auoyent esté laborées ne cultiuées, pour les grandes excursions & tyrannies, que faisoient les Normans durant ce temps: qui dura bien vingt ans. Et estoient iceulx propremēt dānoys habitās deuers le Nort, qui est vn vent septentrional. Qui prindrēt le nō des Normāns, quasi hommes de Nort, pource qu'en leur langue Man, vault au tant à dire que homme. Lesquelz depuis apres plusieurs maux, qu'ilz feirent par toute la France, veindrent prendre siege au pays de Neustrie, qui de lors fut appellé Normandie: Lequel nom ledict pays à retenu iusques à present.

*Famine du royaume de Lorraine & en la Germanie.*

*Interpretation du nom des Normāns*

¶ Or leur commencement fut du temps de Hilduinus & Hatto euesques de Verdun, qu'ilz s'assemblerent à leur pays soubz deux capitaines, Hastingo & Hieroiste freres, qui n'estoyent point Chrestiens. Et entrerent par la mer de Bretagne, & feirent appointment auec Salomon, qui pour lors auoit usurpé le nom de roy de Bretagne, qui leur donna passage pour venir en France: ou ilz feirent maux, & tyrannies innumerables. Car nous lisons que la vigille de Pasques ilz prindrent la cité de Venes: tuerent l'euesque, qui faisoit le seruice diuin, & tous les prestres & clercs, hommes & femmes d'icelle cité. Puis passerent oultre contremont la riuere de Loyre, & prindrent Angiers, Tours: bruslerent l'eglise de saint Martin lors située, hors la cité dudit Tours. De là veindrent sur Seyne: destruirent la noble & belle Abbaye de Iumieges, anciennement fondée de neuf cens moynes, par la royne sainte Bathilde du temps du roy Clouys. Apres pillerent & bruslerent Rouen, & veindrent, iusques à Paris:

*Deux capitaines des Normans ou Danois infideles.*

*Salomon roy de Bretagne.*

*Tyrannies des Normans en Bretagne, Angiers, & Tours.*

¶ Et dit Eginaldus en son hystoire qu'vn capitaine d'entre eux, nommé Ragenarius, qui auoit mis le feu, & destruit l'Abbaye de saint Germain des Prez, vn iour se vantoit & glorifioit deuant ses ducz & compagnons de son meschant fait, en disant, qu'il auoit laissé plus de mortz en icelle abbaye que de viuz: & que iamais n'auoit trouué resistance, que d'vn grand vieil homme mort, en se moquant de saint Germain. Et incontinent miraculeusement il cheut en trefre, comme hors du sens: & mourut troys iours apres.

*Les tyrannies des Normans en l'abbaye de S. Germain des Prez.*

¶ Dicit aussi Sigibert qu'vne grande bende & compagnie desdictz Normans veindrent au pays d'Austrasie par dessus la riuere de Meuse: & iusques là ou elle entre dedans la mer: & bruslerent & destruirent plusieurs villes & chasteaux, comme Anuers, Dorestat, & Vitlan, qui estoit vne ville renommée, assise sur la fin de ladicte riuere de Meuse: ou se trouuent tous les marchans des pays pour leurs faitz de marchandise.

*Les Normans dedans Austrasie.*

¶ Lesdictz Normans eurent troys batailles contre les Frisons: dont en la premiere ilz feurent vaincuz, & es deux autres feurent victorieux.

¶ Dicit aussi Laurentius Leodiensis en son collectaite de Verdun, qu'iceux Normans du temps de Hatto entrerent audict Verdun: & bruslerent l'eglise de S. Venne: tuerent & martyriserent les clers tonsurez & prestres, qui faisoient l'office diuin en icelles. Auxdictes incursions & violences, que faisoient lesdictz Normans par toute France & Germanie, les roys Charles le Chauue, & Loys de Germanie, & plusieurs autres ducz & comtes desdictz pays faisoient grande resistance: En sorte qu'en plusieurs batailles, & rencontres lesdictz Normans estoient vaincuz, & grand nom-

*Les Normans à Verdun.*

# Le iij. liure des antiquitez de la gaule belgicque

bre d'eux tué. Et le plus souuent estoient victorieux.

*Baraille des Normans entre eux, en laquelle furent quasi tous tuez.*

¶ D'iceulx escript Sigibert, qu'en l'an huit cés cinquante cinq, qui estoit la cinquieme année de l'euesché dudiect Hatto, lesdictz Normans, qui auoyent bien par l'espace de vingt ans tiblé & gasté la France, retournerent en leur pays: & pour quelque temps eurent si grande mutinerie & dissension ensemble, qu'ilz feirent vne baraille les vns contre les autres: ou y eut si grand nombre de gens mortz & tuez, qu'il ne demoura qu'un seul enfant de la lignée de leurs roys. Toutefois quelque peu de temps apres ilz se rassemblerent, & prindrent alliance en France, comme sera dict cy apres.

¶ Or durant le temps que lesdictz Normans estoient en leur pays, l'euesque Hatto, qui estoit homme magnanime & vertueux, desirant l'augmentation des choses Ecclesiastiques, & du saint seruire diuin, commença à reedifier l'eglise de S. Venne, que lesdictz Normans auoyent brulée. Toutesfoys il ne la perfeit pas: mais son successeur Berhardus.

*Partages entre les enfans de l'empereur Lothaire.*

¶ En ladiete année huit cés cinquante cinq, Lothaire empereur & filz de Loys debonnaire, delibera d'entrer en religion, pour faire penitence de ses pechez, & signamment de l'ingratitude & grande offense, qu'il auoit fait & vsé contre sondict pere. Il auoit troys filz, entre lesquels il ordonna les partages comme auons dessus escript. Si escheut le royaulme de Lorraine à Lothaire le ieune lequel aima merueilleusement l'euesque Hatto, qui de ieunesse auoit esté nourry avec luy: & ordinairement suiuoit la court: En sorte que facilement obtint la restitution des rentes & autres biens, qu'on auoit entrepris & vsurpez de son eglise de Verdun. Et non seulement cela: mais de nouveau ledict Lothaire roy de Lorraine en faueur dudiect Hatto bailla plusieurs autres grands biens, rentes, & seigneuries à l'eglise de Verdun: A sçauoir (comme dict Bertaire en son collectaire) Macelliacum fiscum, Albericiuillam, Moreum, Mercuringas, Brasaidá, Vualacras, Perprecarias, Mergauisuillam, Commenarias, & Gaugiacum. Lesquelles villes & seigneuries ledict Hatto bailla & applica à ladiete eglise de Verdun, pour la nourriture & entretenement des chanoynes ses confreres. Car toute son affection estoit de magnifier & augmenter ladiete eglise: & tellement faire, que ses confreres peussent viure en paix & revoz pour seruir Dieu.

*Les grands biens, que l'Empereur Lothaire bailla à l'eglise de Verdun.*

*Hattochastel edifié par l'Euesque Hatto.*

*Translation des corps S. Maur, Saluin, et Arator.*

¶ Et d'auantage tât des grâds biens qu'il auoit de son patrimoyne, q̄ des dons que luy faisoit iournellement ledict Lothaire, il edifia en son diocese de Verdun vn fort chasteau, qu'il denomma de son nom, Hattocastel, quasi *Hattomis castellum*, lequel il donna à ses successeurs euesques de Verdun. Et si edifia en cestuy chasteau vne eglise soubz le tiltre de saint Maur, iadis euesque de Verdun: auquel auoit grande deuotion: Car au parauant il auoit trãslaté les troys corps saintz, Maurus, Saluinus, & Arator, en nouvelles fiertres & chasses magnifiques d'argent. Et si auoit ordonné par tout son diocese solenniser la feste de ladiete trãslation des troys corpz saintz le quatrieme iour de Septembre, ce qui est encores conserué presentement.

*Hatto edifia l'eglise de S. Maur, au parauant appellé S. Jehan.*

¶ Et si fait reedifier l'eglise, qu'on appelloit au parauant Saint Jehan Baptiste. Et des lors luy fait prendre le nom & tiltre de Saint Maur, comme elle a de present. Et cediect iour de la translation, il fait & ordonna prendre le bras dudiect corps Saint Maur, & le trãsporter en l'eglise qu'il auoit edifiée en sondict chasteau: lequel il fait richement enchasser en argent. Et si bailla ledict iour portion des reliques desdictz troys corps saintz, avec aucunes reliques de Saint Maurice aux religieux de Theologium, aliàs Tholey, qui pour lors estoient subiectz & soubz l'administration des euesques de Verdun. Et alors furent faitz plusieurs euidens miracles, present ledict Euesque comme auons dict en la vie de Saint Arator. Et tellement fait ledict Hatto, que durant la vie dudiect Lothaire son Eglise de Verdun fut restituée en son premier estat: & que les Chanoynes seruoient Dieu en bonne paix, & tranquillité.

# depuis Charlemagne iufques à Hue capet. F. clx

quillité.

¶ Toutefoys enuiron l'an huit cens foixante deux, lediét roy de Lorraine Lothaire qui auoit espoufé Theodebergue (aliàs Theoberga) feur de Hugobertus Abbé, & fil le du Duc de Luran, de fon auctorité priuée laiffa fadiète femme: & en print vne autre, nommée Vvaldrada, ou Galdrada fa concubine. Et par le confeil de Theogaudus aliàs Thietgaudus, ou Theogaldus, archeuefque de Treues: & de Gontharius euefque de Coulongne, frere de ladiète Vvaldrada, il l'espoufa: dequoy lefdiétz euefques par apres en eurent groffes punitions, comme fera diét cy apres.

*Le ieune Lothaire  
laiffa fa propre femme, & espoufa fô  
adultere.*

¶ Pour ce fait Hugobertus, frere de Theodebergue, s'eleua cõtre Lothaire, & tellement pourfuyuit en court de Rome, que par le Pape Nicolas (qui pour lors viuoit) fut icelle concubine Vvaldrada excõmuniée: & lediét Lothaire admonnéfé par vn legat apostolicque, fur peine de censures, laiffa icelle, & reprendre fa premiere femme. A laquelle monition lediét Lothaire, par le confeil & remonftrance de Hatto euefque de Verdun, & Arnoul euefque de Toul, obtempera pour icelle foys, & par crainté des censures ecclesiasticques deieéta ladiète Vvaldrada, & reprint fa premiere femme. Mais toft apres de rechef la laiffa, & reprint fa concubine. Et pour quelque monition, ou remonftrance, qu'on luy peult faire, ne voulut defifter de fa mauuaife opiniõ. A raifon dequoy lediét Pape Nicolas deteftât le fait l'excommunia: & escriuit par plusieurs foys aux prelatz des Gaules, Italie, & Germanie, comme il est contenu au canon Scelus. ii. q. i. & contraingnit les deffusdiétz euefques de Treues & Colongne venir à Rome qui apres leurs confessions conuaincu du fait, furent excommuniéz, & depofez de leurs dignitez epifcopales.

*Le ieune Lothaire  
excommunié  
du Pape Nicolas.*

*Les archeuefques  
de Treues & Co  
longne priuez de  
leurs dignitez.*

¶ Apres la mort du Pape Nicolas, lediét Thietgandus euefque de Treues retourna à Rome, vers le Pape Adrian, pour estre absoulz, & reftitué en fon euefché. Ce qu'il obtint pourueu qu'il feroit quelque temps penitence en vn monaftere, viuant comme les religieux. Pour laquelle accomplir s'en alla au monaftere de faint Andry, que faint Gregoire Pape auoit fait edifier. Mais toft apres luy apparurent par deux visions faint Gregoire & faint Andry, qui l'admonnéfoyent prendre autre demourance, qu'audiét monaftere. Dequoy ne teint comte: & partant en la troysieme foys ouyt vne voix, qui luy predict & signifia que iamais ne retourneroit en fon pays. Ce qui aduint: car dedans la mefme année il mourut.

*Punition diuine.*

¶ Lothaire roy de Lorraine, demourant en fon obftination, fut appellé par fon frere Loys Empereur de Rome, pour luy donner secours & ayde, contre les Sarrazins qui estoient descenduz en la comté de Beneuente, qui est en la Pouille. Ce qu'ilz feit avec groffe armée. Mais la peste se mist en fadiète armé, & quasi par punition diuine l'air fut fi infecté, qu'il y auoit de groffes mouches, qui vexerent tellement les gens, qu'il fut contraint s'en retourner. Et en retournant passa par Rome: & alla vers lediét Pape Adrian, qui auoit succedé audiét Pape Nicolas: & se veint excuser de la repudiation qu'il auoit fait de fa femme: & pour monftrer fon innocence, luy & aucuns barons de fon royaume iurerent, & feirent serment, sur le precieux corps de Iefuchrist, pour le purger: Mais le bruyt couroit qu'ilz s'estoyent pariutez: Car tous les barons, qui auoyent fait le serment, moururent. Et mefme lediét Lothaire tantost apres en retournant par Lombardie, mourut en la cité de Plaisance. Et fut enterré en l'eglise faint Anthoine.

*Le ieune Lothaire  
alla au secours de  
l'empereur fon frere.*

*Le ieune Lothaire  
obstiné, fut per  
secuté de la peste  
& des mouches.*

*La mort du ieune  
Lothaire roy de  
Lorraine.*

¶ Apres la mort duquel Lothaire roy de Lorraine, Charles le Chauué roy de France & son oncle, qui en fut aduertý, delibera de prendre possession du diét royaume de Lorraine, voyant bonne occasion de ce faire, par ce que pour lors Loys de Germanie son frere estoit occupé en vne groffe bataille, contre les Vuinides, qui est vn peuple voisin des Saxons. Et son nepueu Loys

*Le roy Charles  
le Chauué fuyt  
le royaume de  
Lorraine.*

# Le iij. liure des antiquitez de la gaule belgicque

Empereur de Rome frere dudit Lothaire de Lorraine defunct, semblablement estoit fort empesché contre les Sarrazins & infidelles, en la comté de Beneuente aux extremitez d'Italie. Car en ce mesme temps lesdictz Sarrazins auoyent fait vne course, & auoyent prins l'eglise S. Michel, en la montagne de Garganus: & la pillerent & destruirent, tuât tous les clers, prestres, & autres gens qu'ilz y trouuerét. Dont pour lors ledict Empereur Loys, ledict Pape, & les Romains estoient fort troublez. Pour ces raisons ledict Charles le chauue trouua par conseil, qu'il ne debuoit differer de ce faire coronner roy dudit pays de Lorraine: Combien qu'il eut receu lettres dudit Pape Adrian en faueur dudit Loys empereur, qu'il n'eut à entreprendre n'occuper l'heritage dudit defunct Lothaire, qui appartenoit par droit de succession à son frere Loys empereur. Et semblablement ledict Charles le chauue auoit receu lettres de son frere Loys de Germanie, qu'il n'eut à entreprendre sur ledict royaume de Lorraine sans luy: car il pretendoit droit, part, & portion à luy appartenir, cōme ledict Charles le chauue.

*Lettres du Pape, du roy de la Germanie, pour empescher l'entreprinse de Charles le chauue.*

¶ Nonobstant toutes ces choses, ledict Charles executa ses entreprinse, en la sorte que s'ensuyt, cōme dict Eginaldus historiographe (qui pour lors viuoit) en son cinquieme liure des suppliemens aux histoires d'Annonius, chapitre vingt vnieme. Premierement il delibera aller hastiuement à la cité de Metz, qui estoit le principal siege dudit royaume de Lorraine: & passa par Verdun, ou il trouua l'euesque Hatto triste & dolent de la mort de son bon amy & bienfaicteur ledict feu Lothaire. Et avec ledict Hatto appella audict Verdun tous les nobles gentilz hommes circonuoy fins de ladicte cité de Verdun. Et tellement feit qu'il gaigna & tyra si bien leurs cueurs, qu'il fut en la grace & beniuolence d'iceulx seigneurs: & promirent tenir bon pour luy, & assister & ayder à son entreprinse. Et de là s'en alla a Metz & mena avec luy ledict euesque de Verdun Hatto, & autres des nobles les plus apparens du pays.

*Le roy Charles le chauue à Verdun.*

*Le roy Charles le chauue estant à Metz.*

¶ Quand il fut arriué audict Metz, il trouua l'euesque dudit lieu, nommé Aduentius, homme de grande vertu: & qui estoit natif & extraict du plus noble & ancien lignage de la cité de Metz. Il trouua l'euesque de Toul, nommé Arnulphus, homme de grande sainteté & doctrine: & qui constamment auoit fort argué, & resisté aux adulteres & fornications dudit defunct Lothaire en medtant en execution les censures apostolicques, contre iceluy. Dont son eglise endura merueilleux dommages & violences, que ledict Lothaire luy feit: desquelz fut restituée apres sa mort. Semblablement là assisterent l'euesque de Tongre, nommé Francon, & Hincmarus archeuesque de Reims, que ledict Charles auoit amené, avec luy, avec plusieurs autres Prelatz & Abbez, & avec la plus grande part des nobles du pays: lesquelz ainsi assemblez s'en allerent à l'eglise de saint Estienne cathedrale de ladicte cité: & en presence dudit roy & des Prelatz & nobles. Aduentius euesque dudit lieu proposa & dict ce que s'ensuyt, ainsi que formellement dict ledict historiographe Eginaldus en son histoire.

*L'oraison d'Aduentius euesque de Metz au clergé & nobles du royaume de Lorraine*

¶ Messieurs & mes freres vous sçauiez, & par tous pays est tout cogneu & manifeste, quantes & quelles aduersitez, calamitez & maulx nous auons communement endurez & ioustenez (pour les causes, qui son a vn chacun notoirs) durant la vie de nostre feu roy & seigneur, iusques à present. Semblablement quelles douleurs, tristesses, & amaritudes vn chacun de nous a porté en son cuer, pour la mort d'iceluy tresmalheureuse & inopinée. ¶ Or depuis nous auons tant consideré & cherché par nous tous (qui sommes desolez & destiruez de roy) que finalement nous auons trouué vn singulier refuge & salubre conseil, à sçauoir par ieunes & oraisons retourner & mettre nostre confidence en celuy, qui peut seul ayder à ceulx qui sont en tribulation, & à qui seul appartient donner sapience & prudence, & les  
toyaumés



# depuis Charlemagne iufques à Hue Capet. F. clxi.

royaumes & biens temporelz à ceulx, qui luy plaifent, comme ayant en les mains & disposition les cueurs & penfée des roys & Princes. Et qui faiét les hommes discordans & contencieux demourer en vne mefme cité & maifon vnanimés, concors, & pacifiques, faifant des deux chofes differentes & concordantes vne feule. Le **M**ifericorde duquel nous auons tant humblement prié nous donner vn roy felon fon vouloir, & comme il congnoit à nous efre opportun & conuenable, pour nous regir & gouuerner en noz affaires, fauluer & deffendre, par bon iugement iufte & equité. Et tel que les deuons defirer pour noftré falut, & du commun peuple, & pour la conferuation de noftré mere fainte eglise. Que finalement luy qui exaulfé les prieres d'iceulx qui le craignent, & le prient deuotement, nous a elleu & enuoyé vn roy, heritier legitime de ce royaume, qui est le Seigneur Charles, icy en perfonne. Auquel nous tous euefques (qui fommes icy prefens) auons consenty, & à luy nous fommes fubmis, comme à noftré roy, pour prefider & profiter, Et comme à celuy qui est elleu & enuoyé, par la grace de Dieu. Et par tant s'il vous femble bõ, & voulez fuyure noftré confeil, faul (a fin que ne foyons ingratz) rédre graces à Dieu, du benefice, qu'il nous a faiét presentement: & le prier humblemēt qu'il luy plaife le conferuer & garder longuement, nous entretenir en amour & fidelité: à ce que noftré mere fainte eglise, & nous, foyons foubz luy gardez & deffenduz: & que viuions en paix & tranquillité. Et à fin que nous tous grans & petiz foyons plus affeurez de noftré roy nouveau treschreflié, & fidelle, prions le, que de fa propre bouche intelligible ment declare fa volunté.

¶ Apres que lediét Aduentius de Metz eut ainfi parlé & propofé en la prefence du roy, prelatz, nobles, & commun peuple là afsiftans. Le roy Charles commença à parler & dire.

¶ Mes amys, ces venerables euefques par la voix d'vn feul, vous ont diét & par certaines indices monftré l'election de ma perfonne en voftré roy efre faicte de l'ordonnance dé Dieu, & que fuis icy venu par disposition diuine pour voftré falut & prouffit. Et pour tant ie veulx que fachez certainement, & vous affeure & promectz que premierement & fur tout ie deffenderay garderay, & conserueray l'honneur & reuerence de Dieu & de noftré mere fainte eglise: & par apres vos biens, perfonnes, tant en general que particulier chascun felon fon degré, ordre & dignité, & vous adminiftray iugement & iufte de tout mon fçauoir, force, & puiffance, fuyuant voz couftumes & les droitz, tant ciuilz qu'ecclefiastiques, pourueu toutefois que de voftré part vous me exhiberes fidelement l'honneur, obeiffance, ayde & faueur qui appartient à vn roy, telz & femblables que raifonnablement vous auez faictez & exhibez à mes predeceffeurs.

*Oraifon refponfue du Roy Charles le chaune.*

¶ Quand le roy Charles eust ainfi parlé, les troys euefques de la prouince, à fçauoir Aduentius, de Metz, Hatto, de Verdun, & Arnulphus, de Toul, prièrent Hincmarus Archeuefque de Reims, homme fort fçauant & qui a composé plusieurs volumes en la fainte efcriture, & pour fon eloquence estoit des premiers confeillers du diét roy Charles, que fon plaisir fust pour mieulx contenter la noblesse & le commun peuple faire vne remonftrance de ce que auoit esté faicte & de ce qu'il failloit encor parfaire. Et alors Hincmarus feit la proteftation & puis parla comme s'enfuit.

¶ Messieurs à fin que ne vous femble que temerairement & prefumptueufement, ie Archeuefque de Treues & les venerables euefques de ma prouince, estās icy, voulions attenter & enteprendre quelque chofe contre les canons, statutz, & autorité de ceste eglise ou de la prouince, ie veulx que fachez que l'eglise de Reims est leur comprouinciale & confederée, auée l'eglise de Treues  
Metropolitaine

*Proteftation de Hincmarus archeuefque de Reims.*

# Le.iii.liure des antiquitez de la gaule belgicque,

Metropolitaine de ceste region Belgicque, en sorte que par vsages & anciennes coutumes approuuées du consentement des anciens peres, & obseruées, iusques à present, entre les archeuesques des deux eglises, Reims & Treues: quand il se trouuent ensemble, celuy qui est le plus ancien ordonne & preside deuant l'autre: & si l'un seul desdictz archeuesques passe par les limites de l'autre, il peult exercer son office en preschant & annunçant la parole de Dieu, sans en riens preiudicier à son confrere. Et ceste coutume est conforme à l'auctorité de l'euangile, qui dict.

*Si transferis permissum amici tui, colligens spicas, manu confricabis ad manducandum, falce autem non metes.*

¶ Dauantage y a autre cause: car les venerables euesques de ceste prouince, à sçauoir Metz, Verdun, & Toul, qui sont presens icy pour l'absence de leur Metropolitain de Treues, m'ont prié & exhorté en charité de Dieu, pier, proposer, & faire ce que ie diray cy apres. Dequoy auant que proceder ie demande leur tesmoingnage, &c.

¶ A l'heure lesdictz euesques de Metz, Verdun, & Toul, dirent vniformement: il est verité. Et puis ledict archeuesque de Reims commença de rechef à parler & dire.

*Poursuite de la  
raison d'Hiemarus  
archeuesque  
de Reims.*

Messieurs oultre & par dessus ce que monsieur nostre frere Aduentius euesque de ceste cité, vous a dict & remonstré de par luy & par l'aduis & consentement de nous tous euesques & prelatz, qui sommes icy presens. Encores ie vous veulx declarer & aduertir que c'est la volunté & dispositiō diuine, que ce Prince icy present Charles nostre roy de France (qui nous a tresbien & vtilement regy & gouverné) soit venu icy en ceste prouince, vers vous: & que tout ainsi que par diuine prouidence iadis les bestes de la terre entrerent en l'arche de Noe, sans contraincte de personne (qui signifie l'vnité de sainte eglise. Aussi par l'inspiration diuine vous l'avez cherché & demadé, & de vostre plain vouloir, sans contraincte auez consenty à sa personne, pour estre vostre roy.

A raison dequoy nous semble que tout ainsi que ses predecesseurs roys, cōme Clouis, de la lignée duquel il est descendu) apres sa conuersion à la foy chrestienne, fut par S. Remy baptisé la vigile de Pasques, avec troys mille François, sans les femmes & enfans, & depuis oingt & sacré du saint chresme (duquel nous auons encores) miraculeusement enuoyé du ciel, & couronné roy. Semblablement Loys debonnaire son pere descendu par naturelle propagatiō de saint Arnoul, iadis euesque de ceste cité, fut oingt, sacré, & couronné empereur, par le Pape Estienne quatrieme de ce nom, deuant l'autel de la sacrée Vierge Marie à Reims. Et depuis, comme par factiō & mutinerie d'aucuns eut esté depose de ladicte dignité royale, & quelque temps apres restitué en l'eglise de saint Denys en France, consequemment en ceste eglise de Metz deuant l'autel du prothomartyr S. Estienne, fut de rechef par les euesques & prelatz, à la proclamation & approbation du commun peuple (ou i'estoye en personne) oingt, sacré, couronné, & restitué en son empire.

¶ Et d'auantage nous voyons par les anciennes & sacrées histoires, que les roys quād ilz venoyēt à regner, estoient oingtz & sacrez, on leur imposoit diademe & couronne. Parquoy nous semble à la similitude d'iceulx, q̄ seroit chose louable & vtile (s'il vous plaist) que vostre nouveau roy Charles, que vous auez esleu & receu de vostre plain gré, fut par les reuerendz euesques & prelatz, deuant l'autel de S. Estienne icy oingt sacré & couronné: laquelle chose (s'elle vous semble bonne) dictes le presentement.

*Charles le chauue  
couronné roy de  
Lorraine en l'egli  
se de S. Estienne  
de Metz.  
Discuté entre  
les historiogra  
phes sur l'année de  
la coronation de  
Charles le chauue  
au royaume de  
Lorraine.*

¶ A lors tous les nobles & commun peuple, qui estoient presens en ladicte eglise, commencerent à demader à haulte voix qu'il fut couronné. Ce que fut incontinent fait par les mains desdictz euesques, signamment dudict Aduentius & de ses comprouinciaux, de Verdun & Toul: & puis chanterent tous ensemble ioyeusement: *Te Deum laudamus, &c.*

¶ La coronation de Charles le chauue au royaume de Lorraine fut faite, cōme dict le dessus historiographe Eginaldus, en l'an de grace huit cens soixante huit, le mardi cinquieme Ide de Septembre. Car du moys d'Aoust precedent, estoit mort ledict Lotharius le ieune, roy de Lorraine. Toutefois les autres historiés & quasi tous escriuent, que ladicte coronation fut faite en l'an de grace huit cens septante vn, au moys de Septembre.

¶ Quoy

# depuis Charlemagne iusques à Hue capet. F. clxii.

Quoy qu'il en soit de la diuersité de l'année, toute fois Bertarius diët que lediët Lotharius mourut en Aoust. Et Hatto euesque de Verdun mourut ladiët année, le premier iour de Ianuier, apres qu'il eut tenu lediët euesché de Verdun, enuiriö vingt ans: qui seroit (selon opinion) l'an huiët cens soixante neuf. Les autres escriuent huiët cens septante deux. Et fut inhumé son corps près la sepulture de son predecesseur Hilduinus, aux cruptes de l'eglise de sainët Vanne, qu'il auoit commecé à edifier apres la destruction des Normans: & laquelle n'estoit encores parfaicte.

*La mort & sepulture de l'euesque Hatto.*

## Des Papes viuans du temps del'Euesque Hatto.

**I**OANNES ANGLICVS, natif de Magonce (qui estoit femme, souz l'habit d'homme) par art diabolicque fut esleu Pape, pour sa doctrine, l'an huiët cens cinquante cinq. Et fut manifestée son offense miraculeusement: Car au theatre & place cömune, elle enfanta d'vn enfant, & mourut audicët lieu, apres auoir tenu le siege enuiriö deux ans. Et de plusieurs historiographes ne se nombre point au catalogue des Papes.

*Ioannes Anglicus femme, n'est nombrée entre les Papes.*

**Benedictus** troysieme de ce nom, Romain de nation, fut le cent sixieme Pape, l'an de grace huiët cens cinquante sept. Qui pour ses grandes merites & saincteté, fut esleu vniformement d'vn chascün, & appellé Benedictus: & par force fut tiré à la Papauté, disant qu'il estoit indigne d'icelle: & en plourant prioit humblement en eslire vn autre. Toute fois il fut contrainët l'accepter maulgré luy. Et finalement mourut apres qu'il eut tenu le siege deux ans six mois.

*Benedictus. iij. du nom. cvi. Pape.*

**Nicolaus** premier de ce nom fut le cent septieme Pape l'an de grace huiët cens soixante. Et fut de si grande saincteté de vie, qu'il estoit reputé scöd en vertu & bonté apres sainët Gregoire. Il fut esleu en son absence: & refusant la dignité, fut long temps caché en la montagne Vaticane: & depuis trouué, fut cötrainët prendre ladiëtte dignité: en laquelle il se porta si vertueusement & constamment, que d'vn chascün, grand & petit, estoit aymé & honoré. Il feit plusieurs ordonnances, statutz, & canons inferez es liures des droictz. Il excommunia le roy Lothaire le ieune, pour son concubinage. Et feit plusieurs autres faitz vertueux. Et finalement mourut apres auoir tenu le siege sept ans, selon les autres, neuf ans.

*Nicolaus premier du nom, Pape. cvij.*

**Adrianus** deuxieme de ce nom, Romain de nation, fut le cent huiëtieme Pape, l'an de grace huiët cens soixante. Homme institué par Sergius Pape, son predecesseur en toutes vertus, science, & doctrine, tresliberal aux pauures, Car de luy est diët, qu'vn iour il bailla à son despensier quarante deniers, pour distribuer aux pauures: lesquelz lediët despensier refusa, pour la multitude des pauures, & que l'argent n'estoit suffisant. Parquoy lediët Adrianus reprint lesdiëtz quarante deniers, & les distribua luy mesme, leur donnant à chascün troys deniers. Et apres ladiëtte distribution trouua en ses mains de reste semblable somme de quarante deniers, qu'il bailla à son diët despensier, pour les fournitures de la maison, disant que Dieu multiplie les biens de sa grace, de ceulx qui sont liberaulx, & donnent voluntiers, pour Dieu. Il fut tresdiligent d'augmenter le seruice diuin, & donner

*Adrianus. ij. du nom. cvij. Pape.*

*Miracle en l'auant-mosne d'Adrianus.*

bon exemple à tous de bien viure. Et apres plusieurs glorieux faitz, & qu'il eut tenu le siege cinq ans neuf mois, mourut.

# Le iij. liure des antiquitez de la gaule belgicque,

¶ Des Empereurs qui ont regné durant ledict euesque Hatto.

*Loys. ij. du nom, lxxxviij. empereur*

**L**OYS deuxieme de ce nō, filz aîné de Lothaire, frere des dessusdictz, fut quatrieme empereur de Rome, entre les François, & le septante huietieme, entre les autres, l'an de grace huiet cens cinquantesix, combien qu'au parauant, durant la vie de son pere, fut nommé & déclaré roy d'Italie par Sergius Pape. Et depuis apres que son pere Lothaire eut laissé le monde, & fut entré en religion, obtreint seul l'empire Romain & toute l'Italie. Et son frere Lothaire, dict le ieune, eut pour sa part le royaume de Lorraine. Le dict Loys du cōmencement fut assez leger & furieux: Toutefoys apres qu'il eut fait son entrée à Rome, & receu honorablement par le Pape, laissa sa ferocité, & vesquit tresuertueusemēt. Il eut plusieurs guerres contre les Sarrazins: & appella Lothaire son frere, en ayde, estant roy de Lorraine. Mais bien tost apres ledict frere mourut. Par la mort duquel il eut plusieurs questions contre Charles le chauue, qui auoit occupé le dict royaume de Lorraine, à luy appartenāt. Finalement il mourut sans enfans, apres qu'il eut regné & tenu l'empire vingt ans, à sçauoir l'an huiet cens septante six.

¶ Des Roys de France qui ont regné durant nostre Euesque de Verdun Hatto.

**C**HARLES LE CHAUVVE (duquel auons escript cy dessus en l'euesque Hilduinus) regna en France du temps de nostre euesque Hatto.

¶ Des Roys de Lorryne, qui ont regné durant l'Euesque Hatto.

*Lotharius. ij. du nom, roy de Lorryne second.*



**L**OTHARIUS, dict le ieune, filz de Lothaire empereur, & frere du dict Loys empereur, eut pour sa part de la succession de sondict pere, le royaume de Lorryne, en l'an huiet cens cinquante cinq. Et fut par le Pape Nicolas excommunié, pour ce que contre les droictz de l'eglise auoit laissé sa propre femme, & prins vne autre sa concubine. Et quelque temps apres retournant de la Pouille, ou il estoit allé, avec son armée, pour donner ayde à son frere Loys empereur, contre les Sarrazins: Veint à Rome, vers le Pape Adrian, pour s'excuser de son adultere & contumace. Et comme aucuns disent, se par iura. Parquoy en retournant en son pays mourut en la cité de Plaisance, environ l'an de grace huiet cens septante vn, ou en l'an huiet cens soixante huiet, selon Egnaldus, apres qu'il eut regné environ seze ans: & ne laissa qu'un filz bâtard, nommé Hugues qui depuis feit beaucoup de maulx en Lorryne: & lequel il auoit heu de sa concubine Vvaldrada: & vne fille, nommée Gillette, maryée à Godefroy le Normāt, comme nous deduirons es vies de noz euesques subsequens, selon l'ordre du temps. Et par la mort d'iceluy Lothaire le ieune, Charles le chauue s'enfaîsina d'iceluy royaume de Lorryne en l'adictē année huiet cens septante vn, ou en l'an huiet cens soixante huiet. Qui veult veoir plus amplement de cestuy Lothaire, fault lire ce qu'auons escript es vies des deux euesques precedenz.

¶ Des

# depuis Charlemagne iusques à Hue Capet. F. clxiii.

Les princes successeurs de Clodion, qui ont tenu le  
pays d'Ardenne, Mozelanne, & Buillon,  
durant l'Euesque  
Hatto,



**R**AGNERVS, autrement appellé par l'Abbé Vrſpergenſis en ſon hiſtoire Ragenherus, filz du deſſusdiſt Sadigeris, ſucceda a ſon pere es duché de Mozelanne, comté d'Ardenne & Buillon, & autres ſeigneuries es pays, ou eſt de preſent ſituée la duché de Lorraine, qui fut enuiron l'an de grace huit cens cinquante trois: Et depuis ſuiuit la court dudiſt ieune Lothaire roy de Lorraine par ce que tous ſes pays eſtoient ſituez audict royaume de Lorraine: Et entreteint touſiours en grace ledict ieune Lothaire, & ſon frere Loys empereur de Rome: Car il auoit eſpouſé pour femme leur propre ſœur nommée Ermégarde, que Lothaire premier leur pere, luy auoit donné à femme, en faueur de ſon pere Sadigeris, avec pluſieurs ſeigneuries & terres ſituées audict royaume de Lorraine.

¶ Or apres la mort du ieune Lothaire, qui fut l'an huit cens ſeptante vn, & auſſi apres la mort de Loys le ieune, Empereur, frere dudiſt Lothaire, qui fut l'an huit cés ſeptante ſix, que le royaume de Lorraine veint en contention & debat entre Charles le Chauue, qui l'auoit occupé, & Loys l'aiſné ſon frere, roy de la Germanie. Ceſtuy Ragnerus fut cauſe de leur appoinctement, & que diuiſion fut faite entre eulx dudiſt royaume de Lorraine, comme nous ſçauons es vies des eueſques ſubſequens: Car il eſtoit de leur ſang & allié.

¶ Item apres la mort dudiſt le Chauue & de ſon filz Loys le begue, qui mourut l'an huit cens octante, les deux baſtardz dudiſt le Begue, pour demourer paiſibles au royaume de France contre le ieune filz legitime dudiſt le Begue, appellé Charles le ſimple, baillerent la portion du royaume de Lorraine, que leur ayeul & leur pere auoient tenu, aux enfans, de l'ancien Loys de Germanie, ſçauoir Carloman, Loys & Charles le Gras. Et partant le royaume de Lorraine veint es mains des enfans de Loys l'ancien roy de Germanie, en l'an huit cens octante: Toutefois l'an ſuiuant, huit cens octante vn, toutes le ſucceſſions deſdiſt trois freres veindrent au plus ieune Charles le Gras: & ſignanment le royaume de Lorraine. Car Carloman mourut, ayant de ſa cōcubine vn ſeul baſtard, nommé Arnulphus, & mourut auſſi Loys ſon frere ſans enfãs. Depuis ledict Charles le Gras renonça à l'empire & au royaume de Lorraine & à toutes ſes ſeigneuries au profit de ſon nepueu baſtard Arnulphus, qui fut empereur & roy de Lorraine l'an huit cens nonante deux. Ceſtuy Arnulphus, mourut laiſſant deux filz, l'un legitime, Loys, auquel il bailla l'Empire de Rome: l'autre baſtard, nommé Zuendebaldus ou Zendebochus, auquel il bailla pour ſon partage le royaume de Lorraine en l'an huit cens nonanante cinq. Or ledict Zuendebaldus fut tué enuiron l'an neuf cens quatre. Parquoy le royaume de Lorraine retourna à ſon frere Loys Empereur. Lequel loys mourut en l'an neuf cens treze. Auquel Conradus prince d'Almagne, qui auoit en mariage ſa ſœur, ſucceda tant à l'Empire, qu'au royaume de Lorraine en l'an neuf cens douze.

¶ Or durant les diuerſitez des regnes deſſusdiſt, ledict Ragnerus viuoit touſiours, hōme vaillant & principal entre les princes du royaume de Lorraine: qui touſiours auoit deſſendu les roys dudiſt royaume, parce qu'il eſtoient deſcendus du roy Charlemagne, & partāt de ſon origine. Et auſſi que toutes ſes terres & ſeigneuries eſtoiet ſoubz ledict royaume de Lorraine. Mais quand il veit que Cōradus Empereur (qu'il ne le reputoit du ſang de Charlemagne, mais ſeulement allié de par ſa femme) tenoit le royaume de Lorraine, il luy deſpleut merueilleuſement, & ſe retira vers Charles le ſimple roy de France, qui auoit eſté reſtitué par ſon moien au royaume de France en

*Ragnerus duc de  
Mozelanne, &  
comte d'ardenne  
& de Buillon.*

*Narration de la  
ſucceſſion du ro-  
yaume de Lorrain-  
ne, pour l'intelligē-  
ce de Ragnerus  
duc de Mozelanne  
& d'Ardenne.*

*Ragnerus print  
l'alliance des roys  
de France contre  
Conradus Empe-  
reur.*

# Le iij. liure des antiquitez de la gaule belgicque

l'an huit cens nonante neuf, comme nous escrirons es vies subsequētes. Et print son alliance contre l'Empereur Conradus: Car à la verité il estoit plus affecté à ceulx de France, & à la posterité de Charlemagne, qu'audiēt Empereur Conradus.

*Charles le simple  
retira en son obis-  
sance le royaume  
de Lorraine.*

*Ragnerus premier  
gouverneur du ro-  
yaume de Lorrain-  
ne.*

*La mort dudiēt  
Ragnerus.*

*Gisilbert filz aî-  
né de Ragnerus  
fut institué gouver-  
neur de Lorraine  
apres son pere.  
Les enfans de Ra-  
gnerus.*

*Aduertissement  
aux lecteurs pour  
l'intelligence du  
gouvernement de  
la ducré de Lor-  
raine.*



¶ Et poursuiuit tellement que lediēt Charles le simple par son moyen retira dudiēt Conradus en son obeissance tout le royaume de Lorraine iusques au Rhin. De quoy lediēt Charles le simple se teint fort obligé à luy. Et pour remuneration du bien & plaisir, deslors luy donna le gouvernement de tout le royaume de Lorraine en l'an neuf cens seze: Et de ce fut appellé par aucuns duc de Lorraine. Ce qu'on doit entendre principal gouverneur dudiēt royaume de Lorraine, soubz lediēt Charles le simple.

¶ Toutefois ceste mesme année neuf cens seze, lediēt Ragnerus alla de vie à trespas dont le roy Charles le simple, feit grand dueil, & fut present en ses obseques & funeraillies. Et en presence de tous les princes asistans (comme dit l'Abbé Vrspergenfis en son histoire) il constitua & crea Gisilbert, filz aîné dudiēt Ragnerus gouverneur de Lorraine, au lieu de son pere, avec lequel il auoit aydé à recourir lediēt royaume.

¶ Cestuy Ragnerus laissa plusieurs enfans de la femme Ermengarde, fille de Lothaire premier: Entre lesquelz le dessusdiēt Gisilbert estoit l'aîné. Le secōd fut Ricuinus, ou Rigimirus, qui eut pour son partage Ardēne & Mozelāne. Le troisieme Otho, qui eut la Comté de Chaumontois. Le quatrieme Theodoric, qui fut duc d'Alsatie. Le cinquieme saint Vrgbert, qui entra en religion. Le sixieme Lothaire, qui fut Arche-diacre du Liege. Et plusieurs filles.

¶ Ici fault noter par les lecteurs, pour ce que nous auōs diēt, que cestuy Ragnerus fut institué premier gouverneur du royaume de Lorraine: & aussi que depuis luy plusieurs ont esté gouverneurs dudiēt royaume. Lesquelz aucuns appellēt ducz de Lorraine: Toutefois à la verité ilz nauoient point tiltre de duché: Mais seulement de gouuernemēt soubz le roy d'iceluy royaume. Item fault noter que plusieurs ducz, situez dedans les limites dudiēt royaume de Lorraine, priindrent le nom & tiltre de ducz de Lorraine. Ce qu'il fault entendre ducz au royaume de Lorraine, ce que tesmoigne Nauclerus en son histoire trēteuēieme generatiō, ou il escript de Gisilbert, filz dudiēt Ragnerus, lequel il appelle duc de Lorraine, & neātmoins à la verité le premier duc de la Lorraine moderne, qui eut vray nom & tiltre de duché, fut Charles de France, filz de Loys quatrieme roy de France: En la personne duquel fut erigée ladicte duché par Otho deuxieme, quand le royaume de Lorraine print fin, comme icy apres nous escrirons, selon l'ordre du temps.

## ¶ Les princes successeurs de Clodion, qui ont tenu la Comté de Haynau durant Hatto.

**A**L B O N deuxieme du nom (duquel auons escript en l'Euesque precedent Hil-  
duinus) teint la Comté de Haynau durant nostre euesque de Verdun Hatto.

**Fin de la vie de Hatto. xxix. Euesque de Verdun.**

depuis Charlemagne iusques à Hue Capet. F. clxvi

## DE LA VIE DE BERHARDUS trentieme euesque de Verdun.



BERHARDVS trentieme Euesque de Verdun, fut eleu l'an de Grace huiet cens soixante neuf, selon la supputation d'Eginaldus, suiuant les autres historiographes, l'an huiet cens septante deux Lediect Berhardus natif du pays d'Austrasie, & d'ancienne noblesse des lieux circonuoisins de Verdun qui de son ieune aage se donna totalement au seruice de Dieu suiuant l'estat de leglise. Si fut par les parens tenu es escoles, & instruiet en doctrine & vertu. Et faisant sa residence en l'eglise de saint Venne, ou tellement exercita sa ieunesse en bonnes lettres & doctrines, qu'il fut homme parfait & de grand sçauoir. Et s'occupoit à lire & exposer les liures de la sainte escripture à plusieurs auditeurs. Entre lesquelz estoit Dado son nepueu, qui succeda apres luy en l'euesché. & Bertarius homme sçauant, qui fut depuis chappellain de l'euesque Dado, comme il tesmoingne au collectaire des euesques de Verdun. Et tellement perseuera lediect Berhardus en ses bonnes ceures & sainteté de vie, que de chascun estoit tenu en grande reuerence & reputation comme vn saint homme.

¶ A raison dequoy apres la mort de Hatto, fut par vn commun accord tant du clergé que du peuple; nommé & esleu euesque de Verdun l'année propre que Charles le Chauue roy de France fut couronné roy de Lorraine, par la mort de Lothaire le ieune; contre la volonté de Loys Empereur de Rome, & frere dudiect Lothaire. Et aussi contre la volonté de Loys de Germanie, & frere dudiect Charles le Chauue. Ceste election fut agreable audiect Charles, & facilement s'y accorda, par ce qu'il auoit les Verdunois, qui luy auoient ayde & fauorisé à venir au royaume de Lorraine. Et aussi pour les vertuz d'iceluy Berhardus, qui estoit desia fort ancien & decrepité, lesquelles estoient si publicques & manifestes qu'un chascun l'aymoit & louoit. Ce qu'il monstra par effect, car incontinent qu'il fut institué en son euesché, il meit toute sa sollicitude à reparer & parfaire l'eglise de saint Venne, commentée par son predecesseur Hatto: Laquelle auoit esté bruslée par les incursions des Normans, comme à esté cy dessus dict, & tant fait par sa diligence, que durant sa vie elle fut parfaite:

¶ En la premiere année de son election y eut grosses controuersies & contentions audiect pays de Lorraine, pour l'entreprinse & inuasion, que Charles le Chauue auoit fait du royaume de Lorraine. Car le Pape Adrian deuxieme de ce no, qui pour lors regnoit, enuoya ses ambassadeurs & legatz vers lediect Charles le Chauue, l'admonnestant sur grosses peines & cenceures, qu'il eust à sortir dudiect royaume de Lorraine, qu'il auoit occupé contre equité & iustice, & qu'il en laissast iouyr pacifiquement Loys deuxieme Empereur d'Italie: auquel appartenoit lediect royaume par droit de succession par la mort de son frere Lothaire le ieune. Autrement le menastoit proceder oultre contre luy par excommunications & interditz. Et d'auantage

*Berhardus, xxx. euesque de Verdun.*

*Berhardus lecteur des saintes escriptures à saint Venne.*

*Dado disciple & auditeur de Berhardus.*

*Bertharius, historiographe de Verdun, disciple & auditeur de Berhardus.*

*L'electio de Berhardus agreable à Charles le Chauue.*

*L'eglise de saint Venne parfaite & acheuée par l'euesque Berhardus.*

*Monitoire du Pape Adrian contre Charles le Chauue*

# Le iij. liure des antiquitez de la gaule belgicque

lesdictz embassadeurs portoient lettres de monitions & priuations d'offices & benefices contre tous les euesques du pays, Metz, Verdun, & Toul, & tous autres, qui fauorisoient & conseileroient ou consentiroient à ladicte occupation du royaume de Lorraine: Toutefois ledict Charles ne fait grand compte desdictes monitions, & print quelque dilation, pour respondre audictz embassadeurs.

*Embassadeurs du roy de la Germanie à Charles le Chauue, à ce qu'il eust à sortir du royaume de Lorraine.*

¶ Deux ou trois iours ensuiuans, semblablement veindrent embassadeurs vers ledict Charles le Chauue de par Loys son frere, roy de Germanie. Par lesquelz il luy mandoit qu'il eust à soy desister & delaisser son entreprinse touchant le royaume de Lorraine, alleguant que mieux à luy appartenoit (comme ainsé) ledict royaume & succession de Lothaire le ieune, qu'audict Charles, le menassant oultre, que là ou il differeroit d'en sortir, il luy meneroit tant de gens & si grosse armée, que par force l'enferoit sortir. De ces nouvelles fut ledict Charles le Chauue fort estonné, & principalement pour ce que de nouveau & recentemente ledict Loys roy de Germanie, & ses enfans Loys, Charles, & Carloman auoient eu vne grosse victoire contre les Vuides, peuple voisin des Sazons: dont ilz estoient plus fiers & orgueilleux. A raison dequoy ledict Charles vfa de douces parolles, & fait offre audictz embassadeurs, en presentant de rendre la moitié dudit royaume, lequel se diuiseroit entre eulx deux. Ce que fut accordé, & iour prins entre eulx, que les deux roys se trouueroient en certain lieu dedans ledict royaume de Lorraine, & prendroient chascun dix conseillers de la noblesse, & trente vassaux, pour faire ladicte diuision, laquelle ilz auroient agreable entre eulx.

*Accord de diuiser le royaume de Lorraine.*

*Les embassadeurs du roy Charles le Chauue.*

¶ La pres ses accordz faitz, le roy Charles despescha les embassadeurs du Pape. Et renuoya avec eux deux gros personages de sa court, à sçauoir Ansigisus prebtre & abbé de saint michel d'Anuers, & vn Comte nommé Etharius avec lettres de credence, pour faire ses excuses enuers le Pape, & ledict Loys Eempereur. Et pour monstrier qu'à iuste tiltre luy & son frere de Germanie auoient occupé ledict royaume de Lorraine.

*Les causes pour lesquelles Charles le Chauue, & Loys dehonnaire entreprennoient le royaume de Lorraine.*

¶ Alleguant principalement, qu'apres le trespas de Loys Debōnaire leur pere, auoit esté faite diuision de la succession d'iceluy entre ses freres. En laquelle Lothaire, iadis Eempereur, vfa de force contre equité: Car combien qu'il eust commis cōtre l'Eempereur defunct plusieurs tyrannies, ingratitudez, & felonniez: lesquelles estoient suffisantes pour le desheriter: Toutefois oultre & par dessus son partage, qui estoit oultre & plus que suffisant, à sçauoir l'Empire de toute l'Italie, il auoit obtenu quasi par force & contre raison ledict royaume de Lorraine, situé entre la France & Germanie, duquel auoit cōtre equité iouy durant sa vie, & depuis sa mort, sondict filz Lothaire le ieune. Et que partāt puis qu'il auoit pleu à Dieu appeler ledict ieune Lothaire, ledict royaume de Lorraine deuoit bien retourner à luy & à sondict frere Loys de Germanie, qui auoient eu les moindres portions.

*Le noble & riche don que Charles le Chauue enuoya à S. Pierre de Rome*

¶ Dauantage ledict Charles pour gaigner la grace dudit Pape, chargea audict Ansigisus, Abbé dessusdict pour faire oblation à l'eglise de saint Pierre de Rome, vn drap d'autel composé & tixu de fin or, avec deux couronnes d'or, garnies de pierres precieuses de grande estimation.

*La simonie de Rolandus archeuesque d'Arclate.*

¶ L'historien Eginaldus escript que Loys l'Eempereur auoit enuoyé embassadeurs audict Charles le Chauue avec ceulx dudit Pape Adrian. Antre lesquelz y en auoit vn nommé Rolandus, Archeuesque d'Arclate, qui apres son retour, trouua maniere vers ledict Loys Eempereur d'Italie, & sa femme Angeberga par dons & force d'argent d'obtenir l'Abbaye saint Cesarien, située en leglise Camarie, fort opulente de richesses, pres vn port, que les Sarrazins souloient tenir. Et en icelle isle feit ledict Rolandus edifier vn Chastel de plaissance, qui n'estoit de grande resistance. Dedans lequel vn iour il fut assailly par les Sarrazins. Et finalement prins, & bien trois cens hommes des siens tuez. Et estant captif dedans les nauires desdictz Sarrazins, ses gens veindrent, pour suiuan sa deliurance, & accorderent avec eux de bailler. cl. liurées de fin argent. cl. robes ou manteaux. cl. espèces, & rendre. cl. prisonniers Sarrazins, que les

Chre-



# depuis Charlemagne iusques à Hue Capet. F. clxv.



Chrestiens tenoient. Et pendans ces accordz ledict archeuesque mourut dedans les nauires des Sarrazins, qui par dole & finesse le meirent en vne belle chaire; accoustré & vestu de ses vestemens episcopaulx, & receurent tout ce qui auoit esté accordé; & puis le porterent hors de leur nauire, comme par honneur, & le rendirent à ceulx qui auoient payé la rençon, qui furent bien esbahis quant ilz le trouuerent mort: Et depuis le feirent enterrer en vn sepulchre qu'il auoit ordonné. Qui est vn fait pour facilement monstrer, que le peché de Simonie ne demeure iamais impuny.

*La finesse des Sarrazins.*

¶ Or pour retourner à nostre matiere, les deux roys Charles le Chauue & Loys de Germanie suiuan les accordz faitz, se trouerent au iour assigné, pour faire leur diuision dudit royaume de Lorraine, à scauoir Charles en la ville de Heristel, & Loys en la ville de Smarne. Au meillieu desquelles villes par les commis desdictz roys fut faite la diuision, selon la forme que s'ensuit, & comme i'ay extraict du dessusdict Eginaldus en son cinquieme liure, en termes anciens barbares & corumpuz, selon que i'ay sceu le mieux faire.

*L'assemblée des deux roys, pour diuiser le royaume de Lorraine.*

¶ Loys roy de Germanie eut pour sa part & portion, Cologne, Treues, Vtrech, Strabourg Basle, l'Abbaye Suestre, Berch, Nuy, Monastere, le chastel Iudam, saint Maxilien, Epherniachum Horreum, saint Gengulphe, Fauerniacum, Polemniacum, Luxouium abbaye, Literam, Balmam Offonisuillam, Meyen, le monastere saint Dié, le monastere Bodonié, Stinagium monasteriū, Gallicé, Estinay, Remiremont, Eboresthain, Morbachum, monasterium, S. Georgii, Maurimont, Homoiuia, Masonis monasterium, Homburg, saint Estienne, Straburch, Erostein, sancti Vrsi in Saladoro, Grandinalle, Altam petram, Iustiniani Vallem, le chasteau de Clusy, Caruon, Heribodesheim, l'Abbaye de aquis, Homchirche, Augustechirche, la comté Thestebrand, Bauiam, Hatinarias, la Meuse inferieure & au bas de ceste partie aussi la Meuse superieure, de ceste partie le fleue Lingas, en tant qu'il est de ceste partie, districtum Aquense, districtum Tectis, Iuribuarias, cinq comtez Mogenesium, Bedagouuam, Methacouuam, Sarracouuam inferiorem, Blesicouua, Selme, Albecheuuā, Suentiscam, Calmontem, Sarrachouuam, la haulte, Odouése (que le comte Bernard tenoit) Solecense, Basiniacum, Eslicouue, Vvarach, Studingum, Emans, Basalcouuā; in Elisano deux côtez, de Frise deux parties du royaume, que Lothaire le ieune tenoit. ¶ Item & par dessus & oultre ceste diuision, à fin de garder paix & nourrir amour entre les deux freres, ledict Loys roy de Germanie deuoit auoir la Comté de Metz avec l'Abbaye de saint Pierre & saint Martin, & la Comté de Mouflin avec tous les villages situez en ladicte Comté tant en droictz seigneuriaux que de vassaux. Item en Ardenne tout le pays qui est depuis le fleue dict Vrcā cōmençant entre Bislane & les Tumbes, & court iusques à tant qu'il entre en Meuse, & de la droite voye tant qu'il veint à Bedusy, selon que les arbitres & gens commis des deux comtez pourroient mieux & directement trouuer & iuger, excepté toutefois ce qui est de Condustris en la partie d'Orient, oultre ledict fleue d'Vrcā, avec les abbayes Prunam & Stabolam, & tous les villages d'icelles, tant en droictz seigneuriaux que vassaux.

*Declaration des terres & seigneureries situees au royaume de Lorraine que Loys de germanie eut pour sa part.*

¶ Charles le Chauue eut pour sa portion dudit royaume de Lorraine; qui luy fut adiugé par les arbitres, ce que s'ensuit. Lyon, Besançon, Viennes, Tongre, Toul, Verdun, Cambray, Vinarias, Vzotras; Montfaulcon, saint Michel, Suldun monasteriū, sainte Marie en Bisintiono, saint Martin audié lieu, saint Augustin, saint Marceau, saint Laurent, Ledensy Sennionam, l'Abbaye de Messé, Molburium, Laubias, saint Goëry, saint Saluin, Crispinofossas, Marilias, Humulsiuat, saint Seruais, Malmes; Ledy, Suniniacum, Anthonium, Condatium, Merelecchy; Tuclinium, Luttosam; Calmontem, sainte Mariae en deonant, Echam, Audauam, Vvasloos; Altum monté; la Comté de Texandre, in Brachanto quatre comtez, Cameracéssem, Hānonem, Louiéssem, in Asbanio quatre côtez, Meuse superieure & Meuse inferieure, en tant qu'il est de ceste partie Lingas, en tant qu'il est de ceste partie de Meuse, & appartient, à Versarum, Scarpomuse, Viridunense, Dulmenfse; Aclon; Vvarense; Varennes; deux Comtez, Mofnunse, Castritium, Condrust, de l'Ardenne tout ce qui est depuis q' le fleue

*Declaration des terres & seigneureries situees au royaume de Lorraine que Charles le Chauue eut pour son partage.*

# Le iij. liure des antiquitez de la gaule belgicque

Vica commence à sortir entre Bislaine & Tombas, & qui court de ce costé de Meuse & en allant droicte voye du costé de l'ocident iusques à tant qu'il vient en Hodense, selon que les arbitres commis pourront plus directement trouuer & aduifer. Tulense aliud, Odornense, que le Comte T emarus souloit tenir, Barrense, Portense & saint Nicolas de Port, Salmoringum, Lugdunense, Viennense, Vinarias, Vzetium, de Frisia tertiam partem.

*Carloman detenu en prison fut deliuré par son pere Charles, en faueur du roy Loys de germanie.*

¶ Or ces choses ainsi faictes, Charles le Chauue (qui tenoit son filz Carloman en prison soubz garde à Senlis, pource que combien qu'il eut prins l'estat ecclesiastique & fut diacre: Toutefois il auoit apostatise, laisse son estat & fait maux innumerables, en brullant & destruisant plusieurs Abbayes, qui luy auoient esté baillées) par les prieres & intercessions de son frere Loys de Germanie, & aussi des prelatz & euesques là assistans, l'enuoya querir, & luy pardonna, apres qu'il eut fait serment & promesses que deormais il se corrigeroit: Et luy ordonna demeurer avec luy & suiure sa court: Et ce fait lesdictz roys prindrent congé l'un de l'autre.

*Carloman furtiuement laissa son pere, & vint au royaume de Lorraine.*

Charles le Chauue s'en alla à Lyon, pour visiter les pays, qu'il auoit eu en son partage: Et quand il fut là, ledict Carloman par la suasion d'aucuns prestres & mauuais garçons, se partit furtiuement de son pere, & assembla grand nombre de gens perduz & dissoluz, & s'en vint en la Gaule Belgicque au pays de Lorraine: Et entra dedans le chasteau de Monson sur la riuere de Meuse: Et iournellement faisoit cours & tyrannies par tous les pays circonuoisins, en brullant & destruisant tout. Et signamment sur les terres, villages & seigneuries de l'eglise de Verdun: Car sur tout il auoit en hayne les eglises & gens vertueux. A raison dequoy ledict Berhardus euesque de Verdun, & tout le commun peuple faisoient grandes complainctes & querimonies, tellement que ledict Charles son pere en fut aduertý, assembla grosse armée deliberé de venir à Monson, & le prendre. Pour à quoy obuier, Carloman faictement & malicieusement enuoya quatre de ses gens vers son pere en demandant pardon, & offrant restituer tous les maux, dommages, & interestz qu'il auoit fait: Et venir se rendre en personne soubz la misericorde de sondict pere, pourueu qu'il luy pleut remettre l'offense, & pardonner à ses compagnons & complices, qui estoient avec luy. A quoy Charles feit responce qu'il en estoit trescontent. Et pour le plus induire venir à misericorde, luy enuoya deux gros personages de sa court, sçauoir Gauzelius Abbé de saint Germain, & le Comte Baudoin de Fladres, qui auoit espousé la sœur dudit Carloman.

*La malice & faulxise de Carloman.*

¶ Mais de ce ne teint compte, car fraudulièrement simulât venir à son pere, s'en alla en la cité de Toul & aux enuiron exercer ses tyrannies de plus en plus. Toutefois Charles meit tant de gens sur les champs, & en diuerses compagnies, que ledict Carloman fut prins, & la plus grande partie de ses gens & compagnons. Lesquelz furent incontinent iugez & condamnez, les vns à mort, les autres qui estoient prestres & constituez en dignité par priuation de leurs benefices, & confiscation de tous leurs biens. Et quant audit Carloman, qui estoit diacre soubz l'Archeuesque de Sens, delibera ledict roy conuocquer tous les prelatz circonuoisins. Et pour mieux faire son proces, le iuger & punir selon la disposition des sacrez canons, & rigueur de iustice, comme pariure, infidele, & violateur du commun peuple. Et fut faicte l'assemblée desdictz euesques à Senlis. Entre lesquelz estoit l'archeuesque de Sens (duquel il auoit esté sacré Diacre) les trois euesques de Lorraine, Metz, Verdun, & Toul. En la province desquelz il auoit fait innumerables maux, & plusieurs autres euesques & Abbez par l'ordonnance du roy. Par lesquelz fut iceluy Carloman degradé & priué à iamais de tous les honneurs & ordres ecclesiastiques, & remis en prison pour faire penitence.

*Carloman & ses compagnons prisonniers.*

*Carloman degradé & iuge par iuges ecclesiastiques*

¶ Et de ce ne fut estonné ne corrigé, mais de plus en plus addonné à faire maux. Et mesmes ses complices & compagnons, qui estoient en diuerses cōtrées du royaume, se resiouissoient de ce qu'il auoit esté degradé & priué de l'estat ecclesiastique, disans qu'ilz le feroient leur roy, puis qu'il n'estoit plus prestre, & de ce fut si grand bruit, qu'à l'acclamation du peuple & des prelatz, qui craignoient que sil eschappoit de prison

# depuis Charlemagne iusques à Hue capet. F. clxvi.

son, il prendroit alliance avec les Sarrazins, & mettroit grand trouble en la foy Chrestienne, ledict Charles luy fait creuer les yeulx, & le tenir prisonnier en l'eglise & monastere de Corbie à iamais, pour faire penitence de ses pechez. Mais quelque tēps apres par le moyen & faction de deux religieux dudit monastere de Corbie fut extrait ledict Carloman, & mené à Metz vers son oncle Loys roy de Germanie, qui pour lors estoit audict lieu. Dont Charles le Chauue fut tresdeplaisant: Combien que ledict Roy de Germanie n'en teint grand compte. Et luy desplaisoient la meschante vie & tyrannies, que ledict Carloman auoit fait contre les eglises. A raison dequoy l'enuoya au monastere de saint Albin à Magunce, & ordonna à l'Archeuesque du lieu, nommé Lintbertus administrer ce que luy seroit necessaire pour viure: Et dist Sigibert que ledict Charles le Chauue fut infortuné en ses enfans, comme auons escript à l'histoire dudit Charles le Chauue.

¶ Semblablement Loys roy de Germanie en ce mesme temps (comme dist Eginaldus en son histoire) eut fascherie de ses enfans, qui estoient trois en nombre, Loys le ieune, Charles dist le gras, qui fut Empereur, & Carlomā, qui fut pere d'Arnulphus qui depuis fut Empereur. Car les dessusdictz, Loys & Charles eurent grande enuie sur leur frere Carloman. Et en plusieurs choses estoient desobeissans, & machinans contre leur dict pere: pource qu'il leur sembloit qu'il le vouloit preferer à eux, & les desheriter.

¶ Et pource aduint (comme dist ledict historiographe) qu'un iour que ledict Loys roy de Germanie estoit à Frauel fourt avec ses deux enfans Loys & Charles, le diable en forme d'un ange s'apparut audict Charles, & luy dist que son pere machinoit sa mort, pour preferer & aduēser son frere Carloman au royaume, & que de ce fait estoit Dieu courroucé & offensé: Car il auoit ordonné que ledict Charles deuoit regner. De ces parolles ledict Charles fut grandement estonné, & de paour s'en fuit à l'eglise, qui estoit voisine du lieu: En laquelle le diable le suiuit, & luy dist: Pourquoi crains tu, & t'enfuis. Ne pense tu pas que si mes parolles n'estoient de Dieu, q'ie feusse entré icy en ceste eglise: & pourtant croy moy, & reçois la communion par mes mains, en luy presentant vne forme d'hostie: Ce qu'il feit. Et incontinent le diable entra dedans son corps, & commença à crier & brayre piteusement vexé du diable. Dont son pere & toute la noblesse furent merueilleusement troublez & esbahiz. Et feirent chanter vne messe en sa presence: durant laquelle, signamment quand on chantoit l'Euangile, crioit horriblement, & confessoit haultement que ceste infortune luy estoit aduenue, pource qu'il auoit cōspiré contre son pere. Apres la messe, Loys son pere enuoya querir prestres, & euesques, religieux, & gens qui auoient bruiet de sainteté, pour prier Dieu pour son filz: Entre lesquelz y furent Lintbertus Archeuesque de Magunce, & Berhardus euesque de Verdun pour la renommée de sa sainte vie, & plusieurs autres de diuerses contrées: par les prieres desquelz fut guery.

¶ Et dist Sigisbertus qu'en ceste mesme année y eut plusieurs choses monstrueuses. Car en Italie en la cité de Bresle par l'espace de trois iours continuelz, plut sang. Et par toute la Gaule, commençant en la Lorraine & pays circonuoiſins de la Germanie surueindrent innombrables bestes & vermines plus grosses que sauterelles, ayans six ailes, six piez, deux dens dures comme pierres: & voloient en l'air ensemble & en si gros troupeau, qu'ilz empeschoiēt les raidz du soleil, & estoient en si grand nombre, qu'elles occupoient bien de sept à huit lieues de long, & deux de large. Et en y auoit quelque quantité, qui precedoit les autres d'un iour, comme les maistresses & ductrices des autres, cherchans lieu conuenable comme font les gens d'armes pour asséoir toute la grosse bende. Et demouroient là depuis le midy iusques au soleil leuāt, mangeās & rougeās toute la verdure des herbes & des arbres sans rien laisser. E le lendemain cherchoient autre lieu & nouvelles places, procedans & continuans ainsi par toute la Gaule, iusques à la mer Oceane Britanicque, là ou par force de ventz furent iectez & submergez au fond de la mer. Laquelle par apres les reiecta mortes sur les bors & riuages, en sorte que par la corruption & putrefaction de l'air furent engendrées si grandes pestilences & famines, qu'on estimoit

*Charles le Chauue  
fait creuer les yeulx  
à son filz Carloman.*

*Charles le Chauue  
mal fortuné en  
ses enfans.*

*Loys roy de Germanie  
mal fortuné en  
ses enfans.*

*Le diable apparut  
à Charles filz de  
Loys de la Germanie.*

*Charles, qui depuis  
fut surnommé le  
Gras.*

*Charles le Gras  
deliuré du diable.*

*Prodiges & choses  
monstranses.*

*Pestilences & famines.*

# Le.iii.liure des antiquitez de la gaule belgicque,

la troisieme partie des hommes estre morte & cōsummée. Et diēt lediēt historiogra-  
phe, que non seulement audiēt pays mais ausi par la Germanie & Lorraine fut telle  
pestilence des bestes brutes, que les chiens fuyans les charongnes, furent totalement  
perduz par la Lorraine: En sorte que long temps on n'en trouuoit ne mortz ne vifz.

*Charles le Chauue  
couronné Empe-  
reur.*

¶ Ces calamitez & prodiges precederent la mort de l'empereur d'Italie Loys deuxie-  
me, filz de Lothaire premier, qui mourut enuiron l'an huiēt cens septante six. Par  
la mort duquel Charles le Chauue roy de France, & qui festoit fait couronner roy  
de Lorraine, sen alla à Rome, & se fait couronner Empereur par le Pape Iean  
huiētieme de ce nō. Dequoy son frere Loys l'ancien, roy de Germanie, ne fut con-  
tent, & luy suscita plusieurs empeschemens en Italie, tant par ses enfans qu'en per-  
sonne au pays de Lorraine. Dedans lequel il entra avec grosse armée (comme dict-  
Eginaldus) par l'enhortement d'aucuns princes de la Gaule, qui auoient intelligē-  
ce avec luy: & fait maux innumerables, mesme en la cité de Verdun; & veint ius-  
ques à Attigny. Toutefois il fut empesché par la royne Richilde, que lediēt Char-  
les auoit laissé regente en son absence, pēdant qu'il estoit à Rome: Et ausi par Loys  
Balbus son filz, qui estoit pour lors & de l'ordonnance de son diēt pere, qui estoit au  
pays de Lorraine, Et par ce moyen Loys de Germanie retourna en son pays.

*Loys de la Ger-  
manie repoulsé de  
France par la  
royne Richilde.*

*Concile cōuocqué  
à Pontigny par  
Charles nouvelle-  
ment couronné Em-  
pereur.*

¶ Et bien tost apres Charles couronné empereur retourna en Frāce, & amena avec  
soy trois Cardinaux & legatz du Pape, sçauoir Iean de Tuscanne, Iean euesque Are-  
tinus, & Ansegisus euesque de Senes. Par le conseil desquelz fait assembler vn Con-  
cile general en la ville de Pontigny *Apud pontigonem*. Auquel concile lediēt Char-  
les se montra fort orgueilleux & pompeux: Car il estoit vestu de vestemens d'or &  
sumptueux, en façon des Grecz & contre l'usage & maniere de France. Et apres que  
son election à l'Empire par tout le concile fut confirmée, vīa de grandes rigueurs cō-  
tre les eglises & euesques de France, voulant imposer nouveaux subsides & gabelles  
contre lesdictes eglises, & pour mieux faire & venir à bout de son intention, vouloit  
que l'un desdictz legatz Ansegisus, fut president audiēt cōcile, comme ayant autho-  
rité du Pape par lettres patentes, qu'il disoit auoir, sans toutefois les montrer n'exhi-  
ber audiēt concile: Combien que par plusieurs fois fut par lesdictz euesques de Fran-  
ce prié & sommé les monstrer & en faire apparostre. A raison dequoy lesdictz eues-  
ques firent grosses resistences: Et signiamēt l'Archeuēsqe de Reims Hincmarus,  
& nostredict euesque de Verdun Berhardus, auxquels on auoit grosse reuerēce pour  
leur sainteté de vie: Et tellement firent, que lediēt concile fut leué & dissipé sans  
rien faire pour celle fois.

*Resistance des e-  
uesques de la Gau-  
le aux exactiōs de  
l'Empereur Char-  
les le Chauue.*

¶ Mais l'année ensuiuant par ce qu'il fut sommé aller à Rome par le Pape Iean, il cō-  
uoqua de nouveau vn autre Cōcile, & ordonna pour son voyage parfaire qu'vn tri-  
but fut iecté & exigé sur les habitans de la portion du royaume de Lorraine, qu'il a-  
uoit occupé apres la mort de Lothaire le ieune, en la sorte & maniere que sensuit,  
que j'ay extraict en propres termes & langage de latin, comme Eginaldus escript  
& met en sa cronicque ou supplement d'Annonius, *Scilicet vt exigeretur de mansis in-  
dominicatis solidus vnus, de vnoquoque ingenuo manso quatuor denarii de censu dominico, &  
quatuor de facultate mansuarij: De manso vero seruili duo denarii de censu dominico, & duo de  
facultate mansuarii. Et vnusquisque episcopus de presbyteris suae parochiae secundum quod cuique  
possibile erat, à quo pluri mī, quinque solidos, à quo minimum quatuor denarios episcopi de singu-  
lis presbyteris acciperent, & nunciis domincis redderent. Sed & de ecclesiarum thesauris proui-  
quiritas extitit loci, ad idem tributum exoluendum acceptum fuit. Summā vero tributi fuerunt  
quinque millia librae argenti ad pensam &c.*

*Forme de l'exactiō  
que Charles le  
Chauue leua sur  
les prestres de lor-  
raine.*

*La mort de Loys  
roy de Germanie  
& de ses heritiers.*

¶ Et peu au parauant Loys roy de Germanie son frere, estoit mort, en l'an de grace  
huiēt cēs septante sept. Et laissa pour heritiers ses trois filz, Carloman, Loys & Char-  
les, qui depuis fut appellé le Gras. De la mort duquel lediēt Charles Empereur fut  
ioyeux: Et quelque temps apres entreprint guerre contre ses nepueuz de la Germa-  
nie: mais il perdit la bataille, & fut contrainct sen retourner en son pays de France.

¶ Et

# depuis Charlemagne iusques à Hue capet. F. clxvii.

¶ Et depuis pour la seconde fois s'en alla à Rome aucc l'argent & les tresors qu'il auoit leués des tributz dessusdictz, & à son retour fut empoisonné par vn sien me decin Iuif, appellé Sedechias. Et mourut à Mantoue apres auoir tenu l'empire enuiron deux ans, en l'an de grace huiet cens septante neuf. Et laissa vn seul heritier, nommé Loys le Begue, qui succeda au royaume de France, & aspira à l'Empire, contre son cousin Charles le Gras, par la faueur que le Pape Iean luy portoit: dont ledict Pape fut contraint ladicte année venir en France, pour les iniures que les Romains luy faisoient, pour ce qu'il soustenoient les parties dudict Loys le Begue, pour estre Empereur contre ledict Charles le Gras.

*Charles le chauue empoisonné au retour de son second voyage.*

*Loys le Begue aspira à l'Empire contre Charles le gras*

¶ Quand ledict Pape Iean fut en France, il conuocqua vn Concile general à Troyes en Champagne de tous les euesques de France. Entre lesquels fut present Berhardus euesque de Verdun. Et la fut couronné Empereur Loys le Begue, filz dudict defunct Charles le Chauue. Et oultre par la poursuite des Euesques Belgicques furent declarez excommuniés de l'autorité dudict concile, tous inuaseurs, depredateurs, & destruiteurs des eglises Belgiques.

*Concille à Troyes en Châpaigne par le Pape Iean. viii.*

¶ Apres le departement dudict Pape Iean, les deux roys Loys le Begue & Loys le ieune roy de Germanie, se trouuerent ensemble à Januille & à vn lieu circonuoin nommé Furony, & là en la presence des euesques du pays de chascun costé feirent paix ensemble, & confermerent entre eux la diuision qui auoit esté faite du Royaume de Lorraine entre leurs peres, Charles le Chauue & Loys l'ancien roy de Germanie. Entre autres articles de leur appoinctement lesdictz euesques presens en ladicte assemblée les feirent iurer tous deux, que des biens appartenans aux eglises & euesques, en quelque partie de leur royaume qu'ilz fussent situez, ilz les en laissoient iouyr paisiblement.

*Les roys Loys le Begue & Loys de la Germanie confermerent la diuision du royaume de Lorraine faite iadis par leurs peres.*

¶ Or durant ces mutations de regnes, de batz, & contentions dessusdictes nostre euesque de Verdun Berhardus, qui estoit vieil & decrepit, voyant l'eglise de saint Vene estre parfaite & accomplie, desirant augmenter le saint seruire de Dieu, constitua de nouueau en icelle eglise huiet clerz ou chanoines, car les anciens auoient esté tuez & martirisez par les Normans du temps de son predecesseur, comme à esté dict. Et oultre de son patrimoine propre leurs assigna rentes pour viure audict lieu & seruir Dieu comme faisoient les predecesseurs. Et ne cessoit iournellement par bonnes monitions & exemplaritez les induire à viure saintement & religieusement. Et pour plus reueremmēt faire le seruire diuin bailla aux eglises tant dudict saint Vene, q de Nostre Dame, plusieurs beaux, dons & ioyaulz: entre lesquels fut vn encensoir d'or & vn autre d'argent. Et fait faire en son eglise vn Chasse d'argent, dedans laquelle meit plusieurs reliques des corps saintz. Bailla vn liure pour chanter les Euangiles, couuert d'or & grosses pierres precieuses. Feit faire beaucoup de vestemens pontificaux & plusieurs autres de drap d'or & de soye, pour faire le saint seruire diuin. Et sur tout estoit curieux & diligent visiter son euesché, prescher la parole de Dieu, reparer les eglises, reformer les religieux, prestres, & curez de sondict euesché: Et vn iour qu'il faisoit ses visitations, veint au monastere de Theologiū, dict à present Theoley, situé au diocese de Treucs, qui estoit soubz l'administration & gouvernement de son eglise, & en laquelle il alloit souuent, luy print vne maladie, de laquelle il mourut audict lieu en l'an huiet cens septante neuf, apres auoir tenu

*L'euesque Berhardus cy institua. viii. chanoineries à saint Vene.*

*Institution de la fiertre d'argent estant en l'eglise de Verdun.*

l'euesché vnze ans. Et fut inhumé son corps audict monastere, ou encores de present est tenu en grande reuerence.

¶ Des

# Le.iii.liure des antiquitez de la gaulle belgicque,

## ¶ Des Papes qui ont tenu le siege durant ledict Euesque Berhardus.

*Vide supra.*

*Iehan . viii. du no cent dixneuvieme Pape.*



**A**DRIANVS deuxieme de ce nom, estoit Pape quelque temps durant nostre euesque de Verdun Berhardus, & duquel auons escript cy dessus.

**Ioannes** huitieme de ce nom, ou nefuieme (si nous voulons nombrer entre les Papes Ioannes Anglicus, qui estoit femme) Romain de nation, fut le cent dixneuvieme Pape de Rome, l'an de grace huit cens septante deux, homme de grand sçauoir, & qui de son temps composa la vie de saint Gregoire en quatre volumes. Du commencement de son election il couronna Empereur Charles le Chauue roy de France, apres la mort duquel il favorisa à Loys dict le Begue, filz dudit Charles, contre la volonte d'aucuns Romains, qui vouloient que Charles, surnomme Le gras, filz de Loys roy de Germanie fut Empereur. A raison dequoy feirent beaucoup d'iniures audict pape Iean, & le teindrent en prison quelque temps: toutefois par le moyen d'aucuns siens amys il eschappa, & s'en vint fugitif en France vers ledict Loys le Begue, lequel il couronna Empereur: Et conuocqua vn Concile general à Troyes en Champagne, ou fut ordonné que les homicides seroient inhabiles aux saintz ordres. Et de la retourna à Rome, ou de nouveau (pource que Loys le Begue estoit mort) couronna Empereur le dessusdict Charles le Gras. Et puis mourut, apres qu'il eut tenu le siege dix ans, en l'an de grace huit cens octante deux.

## ¶ Des Empereurs qui ont regné durant l'Euesque Berhardus.

*Vide supra.*

*Charles le Chauue  
lxxviii. Empereur*



**L**OYS deuxieme du nom entre les Empereurs, filz de Lothaire premier (duquel nous auons escript en l'euesque Harro precedent) teint l'Empire du temps de l'euesque Berhardus.

**Charles** le Chauue, filz de Loys debonnaire, estant roy de France (comme auons escript d'iceluy en l'euesque Harro) fut esleu & créé Empereur de Rome en l'an huit cens septante six, par la mort du dessusdict Loys deuxieme, filz de Lothaire premier. Et de ceste election ne furent contens les trois roys de la Germanie, enfans de Loys l'ancien, roy de ladicte Germanie, & frere dudit le Chauue. Lesquelz trois roys l'Empeschèrent en ce qu'ilz peurent. Car ilz auoient grande faueur à Rome, & plusieurs qui appettoient que Charles le Gras, l'un des trois roys, fust Empereur: Mais le pape Iean huitieme du nom, teint bon pour ledict le Chauue, tellement qu'il obtint l'empire: Et eut querelle & noise contre lesdictz trois enfans de Loys l'ancien ses cousins: Mais il perdit la iournee. Et depuis vint à Rome, & en retournât fut empoisonné par son medecin, apres auoit tenu l'Empire deux ans, en l'an huit cens septante huit.

*La mort de Charles le Chauue.*

¶ Apres la mort duquel, ledict Pape Iean esleut & nomma pour Empereur, Loys le Begue roy de France filz dudit le Chauue, contre la volonte des Romains & aussi desdictz trois roys de la Germanie, qui tous vouloient Charles le Gras, le plus ieune desdictz trois. Et pour ceste cause lesdictz Romains feirent tant de maux & oppresses audict Pape Iean, qu'il fut contrainct s'en fuyr en la Gau-

# depuis Charlemagne iusques à Hue capet. F. clxix *Viii*

Gaule vers ledict le Begue, lequel il courōna en vn consistoire, qu'il teint à Troyes en Champagne: Toutefois ledict le Begue ne vesquit longuement, & ne teint l'Empire qu'en trouble & deux ans seulement, Parquoy il n'est mys ne comté au nombre ou cathalogue des Emperours. Et mourut l'an huiet cens octante.

## INCIDENT.

**P**OUR CE que nous auons fait mention des trois roys de la Germanie, enfans de Loys l'anciē, roy d icelle Germanie, qui estoit filz de Loys debonnaire, & frere de Lothaire premier, & de Charles le Chauue. Fault icy noter que ledict Loys l'ancien eut trois enfans, qui tous trois prindrent nom de roy en la Germanie. Et teindrent le royaume de Lorraine quelque temps apres la mort de Loys le Begue, par la cession que leur feirēt les deux bastardz Loys & Carlō, &c. Et icy nous escrirōs vn mot desdictz trois roys de la Germanie.

*Aduertissement aux lecteurs pour l'intelligence des roys de la Germanie.*

**Carloman** filz dudiēt Loys L'ancien de la Germanie, eut pour sa portiō paternelle en l'an huiet cens septante sept (comme dict Naclerus en son histoire) Bauiere, Pannonie, Corinthe, Sclauonie, & Boheme, & print tiltre de roy de Bauiere: Et eut plusieurs nobles victoires contre les Saxons, & autres nations estranges: Toutefois il ne vesquit que quatre ans apres son pere, & mourut l'an huiet cens octante vn. Et laissa vn seul filz bastard d'une concubine, nommé Arnulphus, qui depuis fut Empeur.

*Carloman roy de Bauiere & d'autres seigneuries. Arnulphus filz bastard de Carloman.*

**Loys** second filz de Loys l'ancien de la Germanie, & frere dudiēt Carloman, eut en l'an huiet cens septante sept, pour la portion paternelle, la France Orientale, Turinge, Saxonie, Frise, & vne partie du royaume de Lorraine, par la cession des deux bastardz, & se nommoit roy d'Austrasie, Il fut homme vaillant, doux, sage, & amiable, & obtint noble victoire contre son oncle Charles le chauue, qui le veint assaillir pres de Treues: Combien qu'auant la bataille ledict Loys eut prié sondict oncle de paix & concorde. Et finalement cestuy mourut sans enfans l'année propre, que son frere Carloman, sçauoir l'an huiet cens octate vn. A raison dequoy toutes successions veindrent au plus ieune, Charles le gras.

*Loys roy de France Orientale. Charles le Gras roy d'Almagne.*

**Charles** le Gras, troisieme filz dudiēt Loys l'anciē de Germanie, eut pour son partage paternel en l'an huiet cens septante sept, Almagne, que nous difons a present Sueue, & aucune partie du royaume de Lorraine vers Metz, & les montagnes d'Osay, qu'il desira auoir pource qu'elles abondoient en vignes: Et cestuy succeda a ses deux freres apres leur mort: Et fut esleu Empeur, & depuis appellé pour regenter le royaume de France, duquel tost apres fut deiecté. Finalement il ceda & se demieit de l'Empire & royaume de Lorraine es mains de son nepueu Arnulphus: Et de cestuy nous escrirons, selon l'ordre du temps, soubz les

Emperours, roys de France, & roys de Lorraine. Il

mourut enuiron l'an huiet

cens nonante

vn.

¶ Des

# Le.iii.liure des antiquitez de la gaule belgicque,

DES ROYS DE FRANCE, QUI ONT REGNE  
durant ledict Euesque Ber-  
hardus.



**C**HARLES, le Chauue (duquel auons escript en l'euesque Hilduinus, & aussi en cestuy, soubz le tiltre des Empereurs) teint le royaume de Frâce, durant l'euesque Berhardus.

*Loys le begue. xxx-  
vii. roy de Frâce.*

**L**OYS le Begue, filz dudiect Charles le Chauue, vnicque & seul heritier d'iceluy, fut roy de France en l'an huiect cens septante huiect. Et fut surnommé le Begue, à raison qu'il auoit la langue courte: Et si fut esleu & couronné Empereur en la cité de Troyes en Champagne par le Pape Iehan huiectieme, toutefois il n'en iouyt paisiblement: Car ses cousins, les Roys de la Germanie, l'empeschoient, & entreprenoient le tiltre d'Empereur. Cestuy, viuât son pere, eut deux enfans bastardz d'une concubine, qui entreprirent le royaume apres sa mort: combien qu'il laissa sa femme, nommée Richeule, fille du roy d'Angleterre, enceinte d'un filz, qui depuis fut nommé Charles le simple. Si mourut ledict Loys le Begue apres qu'il eut regné deux ans, en l'an huiect cens octante. Et son corps inhumé à sainte Corneille de Compiegne.

LES ROYS DE LORRAINE, QUI ONT  
regné durant ledict euesque Ber-  
hardus.

**L**OTHAIRE le ieune, filz de Lothaire l'ancien (duquel nous auons escript en l'euesque precedent) teint le royaume de Lorraine durant l'euesque Berhardus, sçauoir iusques en l'an huiect cens septante vn, qu'il mourut,

DIVISION DV ROYAVME DE  
Lorraine.

*Charles le Chau-  
ue roy de Lorrain-  
ne en la portion  
vers la France.*



**C**HARLES le Chauue deuxieme, estat roy de Frâce, aduertuy de la mort de Lothaire roy de Lorraine, en l'an huiect cens septante vn, entreprint seul ledict royaume de Lorraine, comme auons amplement deduiect en nostre histoire de l'euesque Berhardus, dõt son frere Loys l'ancien ne fut content. Parquoy la mesme année diuiserent ledict royaume entre eux deux. Et eut ledict Charles le chauue pour sa part depuis la riuere de Meuse iusques à Lescault, laquelle portion il teint sa vie durant, sçauoir iusques en l'an huiect cens septante huiect.

*Loys le begue roy  
de Lorraine en la  
portion vers la  
France.*

**L**OYS le Begue, filz dudiect le Chauue (duquel auons escript soubz le tiltre des roys de France) succeda à ladiect portion du royaume de Lorraine depuis Meuse iusques à Lescault: & la teint sa vie durant, qui fut par deux ans, iusques à l'an huiect cens octante: Lestuy le Begue avec Loys deuxieme de la Germanie, qui se disoit roy de la France Orientale, accorderent ensemble & ratifierent les diuisions, que leurs peres auoient faictes du royaume de Lorraine: & iurerent solennellement de les obseruer en vn chasteau nommé Furon, pres Ianuille, en presence de plusieurs euesques d'un costé & d'autre. Et dauantage promirent audictz euesques laisser les eglises en leurs libertez & franchises.

¶ Lau-



# depuis Charlemagne iusques à Hue Capet. F. elxix.

## L'AUTRE PORTION DV dict Royaume:



**LOYS** l'ancien roy de la Germanie, & frere dudiect Lothaire, diuisa ledict royaume de Lorraine contre ledict Charles le Chauue, en l'an huiect cens septante &c. Et eut pour sa part dudiect Royaume depuis Meuse iusques au Rhin. Laquelle il teint durant sa vie. Et mourut l'an huiect cens septante sept, delaisant troys enfans.

*Loys de la Germanie roy de Lorraine en la portio vers la Germanie*

**Carloman**, Loys, Charles le gras, enfans dudiect Loys l'aîné de la Germanie, succederent apres leur pere à la succession & portion susdite du Royaume de Lorraine, sçauoir depuis Meuse iusques au Rhin. Et la teindrent iusques à l'an huiect cens octante. En laquelle année tout ledict royaume de Lorraine fut remis en leurs mains par les deux bastardz de Loys le begue. Et l'année suiuant huiect cens octante vn, les deux freres Carloman & Loys moururent: parquoy tout ledict Royaume de Lorraine veint es mains du plus ieune, Charles le gras, qui le teint iusques enuiron sa mort, comme nous auons proposé, dire & declater cy apres en l'euesque subtequent.

*Les troys freres roys de Lorraine en la portio vers la Germanie enuiron quatre ans.*

*Les troys freres roys de tout le royaume de Lorraine enuiron deux ans*

## DES SVCCESSEURS DV CHE- uelu Clodion, qui ont regné en Moselanne, Ar- denne, & Buyllon, durant ledict eues- que Berhardus.

**RAGNERVS** ou Regenherus (duquel nous auons escript en l'euesque precedent) teint le pays d'Ardenne, durant l'euesque Berhardus.

## DES SVCCESSEURS DE CLO- dion, qui ont esté comtes de Haynau, durant ledict Euesque Ber- hardus.



**ALBON** deuxieme du nom, filz d'Albon premier (duquel nous auons escript en l'euesque Hilduinus) fut comte de Haynau, durant la vie de l'euesque Berhardus.

## FIN DE LA VIE DE l'euesque Berhardus xxx. eues- que de Verdun.


F Lavie

# Le.iii.liure des antiquitez de la gaule belgicque,

## 8 LA VIE DE DADO

### trantevnieme euesque de Verdun.

*Dado xxxi euesque de Verdun.*



*Controuerses entre les François pour auoir vn roy apres la mort de Loys le begue.*

*Le roy Loys de la Germanie alias de France Orientale estant à Verdun.*

*La portion du roy a me de Lorraine que tenoyent les François donnée aux germains*

*La mort de Carloman roy de Baviere auquel succeda Loys de la Germanie.*

A D O fut le trentevnieme euesque de Verdun en l'an de grace huit cens ostante, la propre année que Loys le begue roy de France mourut. Et fut esleu & proueu d'iceluy euesché par l'ayde & faueur de Loys le ieune roy de Germanie, ou de France Orientale, qui estoit cousin germain dudit defunct roy de France, ainsi qui s'ensuit.

¶ Apres la mort de Loys le begue roy de France, qui de sa concubine laissa deux filz bastardz, sçauoir Loys & Carloman. Et ne laissa point d'autre filz, sinon que sa femme legitime estoit grosse & enceinte d'un filz, à l'heure de son trespas. Apres lequel fut grande controuersie entre les princes de France, pour auoir vn roy en France. Car Bernard comte d'Auergne, Thierry, & Roufine, qui estoient des plus grands & principaux, vouloyent lesdictz deux bastardz regner. Les autres, comme Gosselin Abbé, & Conrad comte de Paris, disoyent que Loys roy de Germanie deuoit regner. Et pour ce faire luy enuoyerent messagiers, l'enhortans venir avec bonne armée: & que de leur part luy assisteroyent & aideroyent.

¶ Ce que ledict Loys feit incontinent. Et (comme dict Guaguin en son hystoire, & aussi Eginaldus) il passa par Metz, & vint à Verdun. Auquel lieu les princes qui luy fauorisoyent, estoient assemblez. Et ce pendant qu'il fut là, il trouua l'euesché de Verdun vacant par la mort de Berhardus. Auquel il feit prouueoir Dado, qui estoit nepueu du defunct Berhardus, bien aymé du dict Loys. De l'election duquel, tant pour l'amour de son oncle, que pour ses vertuz, le clergé & peuple de Verdun furent tresioyeux.

¶ Les deux bastardz, qui s'estoyent faitz coronner, & leurs alliez Bernard & Thierry, furent aduertiz, de la venue dudit roy Loys, & des menées que faisoient Gosselin & Conrad. Pour à quoy obuier, & le faire retirer en ses pays, enuoyerent en diligence Gaultier euesque d'Orleans, pour luy remonstrer les grandes confusions, & oppressions, que pour lors faisoient les Normans en diuerses parties du royaume, le priant affectueusement retourner. Et (comme dict Guaguin) luy presenterent de prendre la part du royaume de Lorraine, que Charles le Chauue auoit tenu en l'heritage du ieune Lothaire, sans iamais y requerer droit. De ceste offre fut content ledict Loys de la Germanie: & l'ailia l'alliance des dessusdictz Conrad, & Gosselin, & retourna en son pays.

¶ Lesdictz Conrad, & Gosselin, se voyans trompez & frustrez de leur intention, enuoyerent vers la femme dudit Loys de la Germanie, en faisant grandes querimones du retour dudit Loys, disans qu'il n'auoit tenu qu'à luy, qu'il ne fut roy de toute la France, desquelles parolles la femme animée, & desirant regner, inquieta & sollicita tellement son mary, qu'il promit retourner en France.

¶ Toutefois la chose fut differée pour les nouvelles qui luy surueindrent de la mort de Carloman son frere, ensemble qu'Arnulphus filz bastard de sondict frere, roy de Baviere, auoit desia occupé la plus grande partie du royaume dudit defunct. Parquoy fut contrainct aller là, & y mettre ordre tel qu'il peut. Et ce fait, suiuant ses promesses, partit ledict Loys avec grosse armée, & vint avec sa femme à Aix, alias Aquigranum & de là à Attigny, & iusques à Ripemont. Ou facilement il apper-

ceat

# depuis Charlemagne iusques à Hue capet. F. clxx

Lequel eut que ledictz Contad & Gosselin ne luy eussent peu tenir leurs promesses: parquoy retourna derechef, & passa par Verdun; ou il fut reuetement receu par ledict euesque Dado. Et auant son partement, luy bailla pour l'augmentation de son eglise & entretènement des chatoynes dudit Verdun ses conteres, vne seigneurie & terre de hief, nommée (comme dict Bertharius) Menirodum.

¶ Et estant là, fait par les embassadeurs appoinctement avec les deux filz bastardz de feu Loys le begue son cousin. Et prindrent iournée pour se trouuer ensemble au lieu de Gondreuille; au moys de Iuing suiuant, pour mettre paix entre eux à iamais.

¶ Ce pendant ledictz deux freres bastardz feirent entre eux partage du royaume de France. Et eut Loys pour sa part le royaume de France avec Neustrie. Et Carloman Bourgongne & Aquitaine. Et par après se trouuerent à l'assignation de leur iournée à Gondreuille: Toutefois Loys roy de la Germanie ne s'y trouua point en personne: car il estoit malade; & d'icelle maladie mourut bien tost après: Mais enuoyá gens pour y assister pour luy. Entre lesquels y veint son frere Charles le gras; qui venoit d'Italie: Et enuiron deux ans au parauát auoit esté esleu empereur par les Romains, Et tellement besoignerent auidict lieu de Gondreuille, qu'ilz confermerent alliance ensemble, signamment contre les Normans, & contre Boso roy de Prouence, qui auoit occupé vne partie dudit royaume du costé de la Bourgongne; & estoit dedans Vienne.

¶ Durans ces differés mourut ledict Loys de la Germanie, auquel succeda Charles le gras son frere, tant es seigneuries & royaumes de Germanie, qu'aussi au royaume de Lorraine, obtenu par les compositions & traicté de paix; cy dessus mentionnez & faitz entre les deux bastardz roys de France & son frere defunct, Loys de la Germanie. Ce fait ledict Charles le gras s'en alla à Rome; pour poursuiure son election à l'empire: & receut la couronne imperiale, par les mains du Pape Iehan huietieme.

¶ En ce mesme temps Loys bastard roy de France, après quelque expedition qu'il feist contre les Normans, en laquelle il n'eut profit ne honneur, mourut à Tours l'an huiet cens octante troys: Auquel Carlon son frere, l'autre bastard, qui estoit pour lors deuant Vienne contre Boso, succeda seul au royaume de France, & eut après vne noble & triumpante victoire contre les Normans, ou y eut bien neuf mille Normans tuez: mais il mourut incontinent après, l'an huiet cens octante cinq. Et laissa vn filz de luy legitime, appelé Loys, qui fut surnommé Fayneant, pource qu'il fut de meschant gouvernement. Et par sa lubricité tyra vne nonnain de l'Abbaye de Chelle S. Bauldout, laquelle il espousa. Et feist plusieurs exactions sur son peuple, sans auoir sollicitude de defendre ne empêcher les excursions & tyrannies que faisoient les Normans. A raison dequoy les François faschez de son gouvernement, le deposerent, & feirent moyné à saint Denys. Et en son lieu par nécessité, & pour obuier à l'oppression desdictz Normans, appellerent à leur ayde, & feirent coronner roy de France, Charles le gras, empereur de Rome, roy de la Germanie, & de Lorraine.

¶ Or pour retourner à nostre principale matiere, supposé ce que dessus auons dict de la diuersité des regnes, tant en France, Lorraine, que Germanie, fault entendre que depuis que Dado fut institué euesque de Verdun, tout le pays de Lorraine veint soubz le gouvernement de Loys le ieune roy de Germanie, & depuis soubz ledict Charles le gras empereur, par les compositions qu'ilz auoyent faités avec le roy de France.

¶ Durant lequel temps ledict pays de Lorraine eut tant de troubles, vexations, & incursions, que difficile est les nombrer. Entre lesquelles, vn nommé Hugues, filz bastard de feu Lothaire le ieune, roy de Lorraine, qu'il auoit eü de sa pellice Vualdrada, qui (selon Eginaldus) estoit abbé: Car pour lors, durant les mutations & diuersitez des regnes dessusdictz, les princes, nobles, & gentils hommes prenoyent, & occu-

*Menirodum donné à l'église de Verdun par Loys de la Germanie esté auidict Verdun.*

*Partage du royaume de France entre les deux freres bastardz.*

*Charles le gras, roy seul de la Germanie, & de Lorraine & Empereur d'Italie.*

*La mort du roy Loys bastard.*

*La mort du Roy Carlon bastard.*

*Le roy Loys Fayneant prince du royaume de France.*

*Charles le gras, empereur roy de la Germanie, & de Lorraine institué roy de France.*

*Calamitez du royaume de Lorraine Hugues l'Abbe bastard du ieune Lothaire Roy de Lorraine.*

# Le iij. liure des antiquitez de la gaule belgicque

*Damnable coustume des princes de France qui entreprenoyent les biens des abbayes et fondations des eglises* pouoyent les terres, reuenuz, possessions, immeubles delaisées & aulmosnées a ux moyennes & moniales, les attribuans & applicquans à eux, & à leurs gensdarmes: Et se nommoient abbez, commandoyent aux moyennes ce qu'ilz vouloyent, leur bailloyer moderation de viure, & vestemens. Et selon Guaguin en son hystoire, les premiers qui entreprirent ceste tyrannie contre l'eglise, furent Hugues, dict l'Abbé, vaillant capitaine soubz le roy Loys le begue, & Robert comte de Paris, & consequemment plusieurs autres qui feirent le semblable. Et dura ceste violence iusques au temps du roy Robert. Et pour mieux entendre ceste matiere, on peut veoir ledict Guaguin, au Chapitre traitant des enfans ds Loys le begue, & ledict Eginaldus en son cinquieme liure Chapitre trantequatrieme, & quarantevieme, parlant de Charles le Chauue.

*Hugues le bastard chassé par les Lorrains, se rendit avec les Normans.*

¶ Or est que ledict Hugues bastard, amassa plusieurs larrons & gens vagabons, pour cuidoer recouurer le royaume de Lorraine, avec lesquels il feit maux innumerables es pays & lieux circonuoyfins de Metz, & Verdun. A l'occasion dequoy vn iour le commun populaire s'esleua en grosse compagnie, & ruerent leur principal capitaine, nommé Thibauld (qui auoit sa soeur espousée) avec la plus grande partie de ses gens. Toutefois ledict Hugues le gaigna à fuyr: & de là comme desesperé, s'en alla rendre avec les Normans, qui soubz la conduicte de deux roys ou capitaines Godefridus, & Sigefridus, entrerent en la Lorraine, venans par Amyens, Arras, Corbie, Cambray, Therouenne, Gand, Tournay, suiuan le fleue du Scalde, gastans, & destruisans tout par ou ilz passoyent, bruslerent les eglises de saint Vualery, & de saint Richquier. Et de là l'année suiuant veindrent soubz le fleue de Meuse, passerent par le Liege, Traicte, Tungre, Colougne, Brabant: & destruisant villes & chasteaux, entrèrent en Aix par force, meirent les cheuaux dedans le palais du roy. Et (comme dict Sigebert) le bruslerent avec les monasteres de Stabulo, Malnundarium, Iudam, & Prumiam: Et tuerent tous ceux qu'ilz trouuerent dedans, combien que la plus grande partie des religieux s'en estoyent fuiz, & cachez ou ilz pouuoient mieux, avec leurs relicques & corps saintz: Et veindrent iusques à Mouzon, là ou ilz bruslerent le chastel.

*Godefridus & Sigefridus capitaines des Normans.*

*Les maulx et tyrannies que feirent les Normans au royaume de Lorraine*

*La bataille des Lorrains contre les Normans à Remich pres de Metz.*

¶ Or voyans ceux de Treues, Metz, & Verdun lesdictes tyrannies & violences, que faisoient ledict Hugues bastard avec lesdictz Normans ses alliez, s'assemblerent, & meirent vne grosse armée, en laquelle estoit l'euesque de Metz, nommé Vuallo, en persone avec Bertholph<sup>e</sup> Archeuesque de Treues, & Hebert, ou Adelbert, comte de Metz, qui donnerent bataille ausdictz Normans. En laquelle lesdictz euesques Vuallo, & Adelbert comte, furent tuez, & plusieurs autres. Et d'icelle victoire des Normans l'hystorien de Metz escript ce que s'ensuit.

*La mort de Vuallo euesque de Metz & la fuyte de celui de Treues.*

*Adelbert comte de Metz tué en la bataille.*

¶ L'an huit cens quatre vingtz & troys, le iour du grand Ieudy, fut la bataille perdue à deux heures apres midy, à Remich sur Mozelle. Et y mourut Vuallo & Adelbert comte de Metz, avec la noblesse dudiect Metz, laquelle fut prinse par les Normans. Et Bertolphus Archeuesque de Treues s'en fuyt (comme apert par les lettres de ceux dudiect Treues, qui leurs relicques cacherent) Aucuns hystoriens ont escript que le dessusdict Adelbert estoit comte de Luxembourg, Ce que ne peut estre vray: car la comté de Luxembourg fut erigée plus de cent ans apres, comme nous escrirons cy apres soubz l'an neuf cens octante huit, en parlant de Charles de France, premier duc de Lorraine, &c.

¶ Nous lifons qu'apres la mort de l'euesque Vuallo, son corps fut porté & inhumé en l'eglise de S. Saulueur à Metz, qu'il auoit fait edifier.

¶ Et de là lesdictz Normans veindrent à Metz à Verdun, ou ilz feirent maux innumerables, & semblable faisoient lesdictz Normans en diuerses bandes par tout le royaume de France. Ce qui auoit esté la cause, que les princes de France, pour la negligence

# depuis Charlemagne iusques à Hue Capet. F. clxxi.

gligence de leur roy, auoyent appellé le dessusdict Charles le gras empereur, & l'auoyent coronné roy de France.

¶ Cestuy Charles le gras pour obuier à telles violences & incursions, veint d'Italie, & assembla vne tresgrosse armée des Germains, Lorrains, & François, delibérant combatre lesdictz Normans. Et tellement ordonna & poursuivit son cas, que les deux armées estoient front à front pour donner la bataille: Mais à l'heure ledict Charles fut estonné, & le cœur luy faillit: tellement qu'au lieu de combatre commença à traicter appointement avec ses ennemis, qui fut tel: Qu'à l'vn des roys ou capitaine, nommé Godefroy, il promit donner en mariage Gila autrement dicté Gaybe, fille de feu Lothaire le ieune, avec tout le pays de Frise, duquel il iouyroit paisiblement par condition toutefois qu'il se feroit Chrestien, & tous ses gens: Ce qu'il fit, & le teint sur les saintz fons de baptesme ledict Charles. A l'autre capitaine, nommé Sigifroy, & à ses complices il donna douze mille liures d'argent, pour les faire vider hors de la terre de France: & preindrent treues iusques à douze ans.

*Puissance de Charles le gras*

*Appointement de Charles le gras avec les capitaines Normans.*

¶ Or pour payer ceste somme d'argent, il print tous les thresors de saint Estienne de Metz (comme dit Eginaldus) & toutes les autres eglises, ou il en trouuoit, exceptée, en l'eglise de Verdun: laquelle fut exemptée dudit tribut, pour l'honneur & amour qu'il auoit à Dado euesque d'icelle cité. Et non seulement exempté, mais il restitua audit Dado (comme dit Bertharius) vne seigneurie de fief, nommée Tolley: laquelle iadis auoit este ostée par violence, & demembrée de son eglise de Verdun.

*Exaction de Charles le gras sur les eglises de Lorraine exceptée celle de Verdun.*

¶ Et d'auantage ledict Charles le gras en faueur & contemplation dudit Godefroy Normand, qui auoit ladicte Gila sœur de Hugues bastard: Et qui instamment demandoit estre restitué en Lorraine, luy bailla (le pensant contenter) tout l'or & l'argent, bagues & ioyaux, & tous les biens meubles trouuez apres le trespas d'Uuallo, dessusdict euesque de Metz: Combien que de ce il ne pouuoit composer ne donner lesdictz biens, appartenans aux successeurs euesques de Metz. Et de ce ne fut content ledict Hugues bastard: car bien tost apres poursuivit la restitution dudit royaume de Lorraine, & (comme dict Sigibert) fut prins par Henry capitaine de Charles le gras Empereur, qui luy creua les yeux: & le meit au monastere de Prumic, ou miserablement fina ses iours.

*Tolley donnée par le Roy Charles à l'eglise de Verdun*

*La donation de Charles le gras à Hugues le bastard.*

*La mort miserable de Hugues le bastard.*

¶ Vincent hystorial escript que cestuy Charles empereur & roy eut vne diuine reuelation, & fut transporté en esprit par vn Ange, en sorte qu'il veit plusieurs de ses roys & empereurs, les vngs en peines infernales, les autres en purgatoire, les autres en beatitude eternelle, qui luy firent plusieurs monitions, dont depuis ne fut ioyeux: mais tousiours timide, triste, & pensif, mettant en nonchaloir tous affaires de l'empire, & du royaume de France. Et à raison de ce fut desprisé de tous les princes: en sorte que les François enuiron l'an huit cens nonante, apres qu'il eut regné sur eux cinq ans, le deposerent, & feirent vn autre roy sur eux, à sçauoir Eude comte de Paris, filz de Robert iadis comte d'Angiers: Et ce par condition de gouverner leur royaume de France, iusques à tant que Charles, surnommé le Simple, fust en aage pour regner, qui estoit filz de feu Loys le begue, & duquel sa mere estoit enceinte au temps du trespas de son pere Loys le begue.

*Vision de Charles le gras.*

*Charles le gras priné du royaume de France.*

*Odo d'Angiers: commis au royaume de France.*

¶ Or voyant iceluy Charles le gras empereur, qu'il estoit ainsi desprisé, delibera se demettre de l'empire, & de tous ses pays. Et pour ce faire couocqua vn sien nepueu, nommé Arnoul, filz de Carloman son frere, qui (selon Eginaldus) estoit bastard, & non ceu d'vne concubine: auquel il bailla l'empire, le royaume de Lorraine, & le feit Seigneur de toutes les terres & pays qu'il tenoit en la Germanie & Lorraine: en recepuant seulement pension ordinaire pour luy viure bien petitement: que ledict Arnoul luy administra tant qu'il vesquit à sçauoir enuiron deux ans.

*Arnulphus empereur & Roy de Lorraine.*

# Le.iii.liure des antiquitez de la gaule belgicque,

*Les Normans de rechefont le royaume de Lorraine*

*La victoyre d'Arnulphus contre les dictz Normans.*

*Gondebaldus bastard roy de Lorraine.*

¶ Apres telles mutations, qu'Eu-de fut coronné en France, & qu'Arnoul eut succedé à Charles le gras à l'empire & Royaume de Lorraine, les Normans entrerent de rechef en France, & furent repoullez deuant Paris par ledict Eu-de roy de France. Et de là veindrent a Troyes, à Verdun, à Toul. Lesquelles ilz destruiserent pillans & gastans tout. Et fut l'eglise dudit Verdun, & la cité toute brullée, comme on trouue dedans l'ancien registre de l'eglise de Verdun. De là veindrent deuant Liege, ou y eut grosse bataille: en laquelle ilz furent victorieux. Et de là passerent iusques à Magunce, & prindrent l'archuesque du lieu, nommé Suderobaldes, qu'ilz martyriserent piteusement. A raison de quoy le roy Arnulphus assembla grosse armée en Bauiere, & assaillit par si grande vertu lesdictz Normans, qu'il en feit telle occision, que difficile eut esté trouver homme restant pour porter les nouvelles. Apres ceste victoire ledict Arnulphus deueint fier, & orgueilleux, & pour mieux parfaire son voyage à Romme & estre coronné empereur par le Pape Formose, qui a ce l'appelloit, constitua son filz bastard nommé Gondebaldus roy de Lorraine, qui feit des maux innumrables, comme sera dict cy apres.

*Charles le simple rappelé par les François & coronné roy de France.*

*Arnulphus coronné Empereur à Romme.*

*La mort de Eu-de roy de France.*

*Les troubles que Robert d'Angiers feit pour regner en France.*

¶ En ce mesme temps les François prindrent deliberation entre eux, pédant qu'Eu-de leur roy estoit en Aquitaine, d'appeller & faire venir d'Angleterre le petit Charles troysieme de ce nom, surnommé le Simple, filz de Loys le begue. Et le coronnerent qu'il n'auoit que quatorze ans, en l'an huit cent nonante neuf, dont Eu-de ne fut content, que sans son sceu & sans en estre aduertty, on luy auoit faict ceste iniure, veu que fidelement il auoit deseruy & defendu le royaume de France. A raison de quoy il assembla grosse armée pour resister audict Charles le Simple. Et dura ceste guerre longuement, que l'un & l'autre se nommoient roy de France. Et ce pendant ledict Arnulphus alla à Rome, & fut coronné empereur par le Pape Formose, & eut plusieurs batailles contre les ennemis dudit Pape, & contre aucuns princes de Lombardie, qui troubloyent & entreprenoyent sur l'empire par la Lombardie, & l'Italie. Durant lequel temps, Eu-de roy en France mourut, & ordonna par son testament à tous ses alliez, & signamment à son frere Robert, & autres parens, qu'ilz eussent à laisser, & permettre ledict Charles le Simple iouyr paisiblement du royaume de France, comme vray heritier. Tourefoys ilz ne feirent son commandement: Car Robert son frere, qui auoit grosses alliances, pource qu'il auoit espousé la sœur de Hebert comte de Vermandoyz: de laquelle eut vn filz appelé Hugue Le grand, qui fut comte de Paris, & pere de Hue Capet (duquel sera parlé cy apres) s'ingera de vouloir regner, & se feit coronner. Et troubla si fort le royaume, que plusieurs des grôz princes furent contrainctz de s'en partir. Mais ceste presumption ne veint à bonne fin, comme sera dict cy apres.

*Gondebaldus roy de Lorraine, rebellion de son pere Arnoul.*

*Victoire de Arnulphus contre Guido duc de Spolet.*

*Arnulphus empoisonné.*

¶ Durans ces troubles & mutations, Gondebaldus, autremēt Zuendebaldus selon Sigibert, & selon les hystoriens de l'Abbaye de Sainct Miel, Zuendebaldus: qui auoit esté constitué Roy de Lorraine par son pere, & faisant grandes exactions, & pilleries contre les Eglises, & ses subiectz du pays de Lorraine, dont estoit fort hay d'iceux, & en faisoient ionnellement grandes querimonies vers son pere Arnoul, qui l'arguoit & menaçoit le priuer dudit Royaume. A raison de quoy, & par despit s'en alla Gondebaldus adioindre & associer avec Vuido, aliàs Guido duc de Spolet, ennemy de son pere. & veindrent ensemble assaillir en la Lombardie Berengier, qui pour lors estoit allié avec ledict Arnoul son pere, en sorte que ledict Berengier par deux foys fut d'iceux vaincu, & à la fin contrainct d'appeller en ayde l'empereur Arnoul, qui luy veint au secours, & conquist plusieurs victoyres en Lombardie: Entre lesquelles il gagna la cité de Pergame, & feit pendre deuant les portes d'icelle le comte Ambroyse, qui la defendoit. Et poursuiuit depuis virillement ledict Roy Vuido, la femme duquel il print prisonniere. Mais Vuido estant en desespoir, par vn de ses familiers, qui luy bailla vn breuage d'orquiture, par lequel fut troyz iours qu'on

# depuis Charlemagne iusques à Hue Capet. F. clxxii.

qu'on ne le pouoit esueiller, ne se mouuoir, ayant les yeux ouuers, & ne pouoit parler, ne veoir, ne sentir. A raison dequoy fut contrainct de retourner en son pays.

¶ Nous lifons que long temps au parauant ledict Arnoul empereur estoit tormenté d'une maladie, dicte pediculaire: car de son corps sortoit incessamment vermine de poux, sans y pouuoir iamais remédier, par art de medecine, qui sembloit estre par punition diuine: car il auoit tousiours esté fier & orgueilleux, & signanment cõtre dieu & les eglises: & partant il mourut tost apres. Et laissa apres soy vn filz legitime, nommé Loys, qui commença regner, apres luy, enuiron l'an neuf cens troys, en Germanie. Et pretendoit droit à l'empire: Mais il ne fut iamais coronné empereur en Italie, pour les empeschemens que commencerent à faire Berengarius Duc de Forli, & ses successeurs, qui pour lors se commencerent à nommer roys d'Italie. A raison dequoy ledict Loys filz de Arnoul, se disoit empereur en la Germanie: & lesdictz roys d'Italie se disoyent semblablement roys en leur pays. Et selon les histoires fut le dernier des empereurs de la lignée de Charlemagne.

*L'empereur Arnulphus mort de la maladie pediculaire.*

*Loys filz d'Arnoul fut selon aucuns, le dernier Empereur de la lignée de Charlemagne.*

¶ Et fault noter que depuis la mort de Arnoul empereur, par l'espace de plus de cinquante ans, & iusques à Otho, furent merueilleuses factions, miseres, & calamitez, scismes, cruantez, diuisions, tant à l'empire, qu'entre les Papes, depuis Formose, iusques à Anastasius troysieme, que semblablement au royaume de France & Loiraine: Tellement que c'est horreur & pitié de lire les histoires d'iceluy temps.

*Les miseres & calamitez de ce temps.*

¶ Or aptes la mort d'iceluy Arnoul empereur les Hungres, gens barbares, Sarrazins, & Mescreans, qui iamais n'estoyent fortiz de leurs pays, par les parties Meridionales & Occidentales rompirent sur la mer aucunes digues, ou escluses, & entrerent comme fouldre & tempeste, dedans le pays de Loys roy de Germanie, ou ilz feirent maulx & cruantez innumerables, & gagnerent plusieurs batailles, contre ledict Loys, ou plusieurs chrestiens furent miserablement tuez & occiz.

*Les Hungres aux pays de l'empereur.*

¶ Enuiron l'an neuf cens six, vn capitaine & duc des Normans Dannoys, nommé Rollo, entra au pays de Neustrie, & gagna la cité de Rouen, gastant & destruisant tous les pays circonuoyfins. A raison dequoy le roy de France Charles le simple, fut contrainct faire appointement, avec luy, par le moyen de Franco archeuesque de Rouen. Qui fut tel que ledict Rollo prendroit à femme Gila, fille d'iceluy roy Charles: & seroit seigneur de la terre, depuis la riuiere d'Epte, qui passe à saint Cler, six lieues pres Paris, iusques à la mer. Laquelle terre pour lors estoit appellée Neustrie, c'est à dire nouvelle Austrie. Et fut erigé en Duché, baillée audict Rollo premier duc d'icelle terre: laquelle il appella depuis Normandie, suyuant son langage, comme a esté dict cy dessus. Ledit Rollo se feit baptiser par l'archeuesque de Rouen, & fut nommé Robert, du nom du comte de Paris qui le teint sur les fons. Et de cestuy sont descendus tous les ducz de Normandie, & les roys d'Angleterre.

*Robert premier duc de Normandie baptisé, print le nom de Robert.*

¶ Durant cedit temps apres la mort de l'empereur Arnulphus, les Princes, nobles, & prelatz du royaume de Loiraine, delibererent priuer le roy Gondebalduz de son royaume, & le chasser hors de leur pays. Entre lesquelz les principaulx estoient troys comtes Stephanus Gerardus, & Manfredus, & nostre euesque de Verdun Dado, & ce en vengéce des rebellions qu'il auoit fait à son pere Arnulphus: & aussi pour les grandes exactions & pilleries, qu'il auoit fait sur eulx, les eglises, & subiectz d'iceluy pays. Et pour ce faire appellerent Loys roy de Germanie, heritier legitime du dict Arnoul, pour regner sur eulx. A quoy facilement il obtempera: car le pays estoit son vray patrimoine.

*Rebellio des Princes de Loiraine, contre le roy Gondebalduz.*

## Le.iii.liure des antiquitez de la gaule belgicque,

*Le roy Gondebaldus tué en bataille par les Lorrains*

¶ Quand Gondebaldus fut aduertty de ceste rebellion, voyant son occasion pour les troubles qui estoient tant en Germanie par les Hungres, qu'en France par les Normans, en Italie par les nouvelles factions de Berengarius: Assembla vne grosse armée avec aucuns, ses alliez & gens mal conditionnez de Lorraine, qui tenoyent ses parties: Entre lesquelz estoit le comte Boso, homme tyrânicque, mais gros seigneur, qui auoit espousé la fille de l'empereur Loys, comme dict Sigibert, soubz l'année neuf cens vnze. Et entrèrent dedans le pays de Lorraine, bruslans & gastans tout, par ou ilz passoyent. Mais les dessusdictz Lorrains, soubz la conduite de leurs comtes dessus nommez, feirent telles resistances, qu'ilz obtindrent victoire, & fut Godebaldus tué avec la plus grande partie de ses gens, & Boso le gagna à fuir.

¶ Et dict Sigibert en son histoire, que ceste bataille fut faite si obstinement, que de chascun costé les gens d'armes auoyent empoisonnées leurs espées, en sorte que tous ceulx qui furent frappez, ou blesez, moururent, ou eurent playes incurables. Et par ceste victoire fut Loys roy de Germanie paisible du pays de Lorraine.

*Loys de la Germanie roy de Lorraine.*

*Les principaulx Princes du royaume de Lorraine.*

¶ Nauclerus en son histoire en la trente vnieme generatiō dict, que du temps dudit Loys de Germanie y auoit de gros Princes en la Gaule Belgicque, sçauoir l'vn nommé Gislebertus de Lorraine, filz de Raginerus comte d'Ardenne, qui se tenoit pres du pays de Liege. Item y auoit vn autre Prince, nommé Conradus, que ledict roy Loys aymoit intimement: & qui apres luy, par les Germains, fut esleu en roy & empereur en la Germanie. Le pere duquel s'appelloit semblablement Conradus, qui fut tué au chasteau de Bambeuberg, par Albert, ou Adelbert comte dudit lieu, & filz de la seur de Henry de Saxonie. De la mort duquel le roy de Germanie fut merueilleusement courroucé, pour ce (comme dict ledict historiographe) qu'il estoit son amy & de son sang. Et depuis par le moyen de Hatto euesque de Magonce, fut iceluy Albert decapité.

*L'empereur Loys, iij. eut les yeux creuez.*

*Origine des roys de l'Italie, soubz Berengarius.*

¶ Enuiron ce temps (comme escript Nauclerus en son histoire trentevnieme generation). Loys troysieme roy de la Germanie & empereur fut aduertty que Berengarius Duc de Forli, entreprenoit contre l'empire, & se faisoit nommer empereur. Parquoy s'en alla en Italie, avec grosse armée: & pour son commencement gagna la journée, & eut victoire contre ledict Berengarius, tellement qu'il fut fugitif: mais par la trahison d'aucuns princes d'Italie. Berengarius veint surprendre dedans Veronne ledict Loys de Germanie, & luy feit creuer les yeux, & mourut tost apres enuiron l'an neuf cens dotze.

*Opinion diuerse de la mort Loys troysieme.*

¶ Icy fault noter qu'aucuns historiens (comme Sigibert) escriuent que ledict Loys troysieme, n'eut point les yeux creuez, par Berengarius: Mais par vn autre Prince, filz de Boso seigneur de la Prouence & de Bourgongne, nommé Loys, que ledict Boso auoit eu & engendré de la seur ou fille dudit empereur Loys troysieme. Qui apres la mort d'iceluy empereur en l'an neuf cens quinze, se disant auoir droit à l'empire, comme estant du sang de Charlemagne, mena grosse armée en Italie, contre ledict Berengarius, duquel il eut victoire, & le chassa. Mais tost apres fut trahy en la cité de Veronne, par les Italiens, qui l'auoyent appelé en Italie, pour regner: Et fut rendu audit Berengarius, qui luy feit creuer les yeux. Quoy qu'il en soit, en ce mesme tēps ledict Berengarius commença pour lors son regne en Italie.

*Otho l'ancien de Saxonie, refusa l'empire.*

¶ Apres la mort de Loys de Germanie, qui n'auoit enfans, les Germains & Saxons, pour auoir vn roy & empereur, desiroyent tous & appetoyent auoir Otho, qui estoit Duc en la Saxonie, homme de grande vertu, sçauant, & tresvaillant en guerre. Toutefois par sa bonté ledict Otho ne voulut entreprendre ceste charge, pource qu'ilz cognoissoit q̄ le dessusdict Cōrad estoit nepueu, ou allié du defunct roy de la Germanie.

Car



# depuis Charlemagne iusques à Hue capet. F. clxxiiii.

Car (selon aucuns) il auoit espousé la fille dudiect Loys. Les autres escriuent qu'il estoit encores du sang de Charlemagne, & le dernier entre les Germains de icelle lignée. Et partant dōna conseil, & feit eslire & instruer au royaume & empire de Germanie lediect Cōradus: Et luy assista de sa personne, durāt son regne: en sorte que tous les affaires pour la plus grande partie se faisoient par lediect Otho, qui estoit homme tressage, & qui loyallyment seruoit lediect Conradus: en sorte que par son moyen il eut plusieurs victoires contre les Hungres, qui par l'enhortement de Berengarius entrerent de rechef aux Almagnes, & iusques au pays d'Osay & de Lorraine.

*Cōradus premier  
empereur en la  
Germanie.*

¶ Sigibert escript qu'apres la mort dudiect Loys de la Germanie, plusieurs Princes, tāt Almans, Françoys, que Lorrains s'esleuerent contre Conrad nouveau empereur de la Germanie: Entre lesquelz furent les principaulx, Arnoldus de Bauiere, Richardus de Sueue, Euerhardus de Franconie, Gilbertus de Lorraine. Lesquelz toutefois par la prudence dudiect Otho qui gouernoit Conrad, firent paix & alliance avec luy. Toutefois lediect Otho mourut incontinent apres, enuiron l'an de grace neuf cens quatorze: & laissa vn filz Henry, surnommé Anceps, qui estoit Prince en la Saxonie, & qui depuis fut roy & empereur en la Germanie.

*Rebelliō des Prin  
ces de la Germa  
nie & de Lorrain  
e, contre l'empereur  
Conrad.  
La mort de l'ancien  
Otho de Ger  
manie aliās Saxo  
nie.*

¶ En ce mesme temps Charles le simple roy de France, voyant ces troubles en l'estat des Germains, delibera retirer lediect royaume de Lorraine en ses mains. Ce qu'il feit facilement, comme diect Sigibert, & aussi Vrspergensis en son histoire, ou il parle des années de l'empereur Henry premier du nom. Car audiect pays de Lorraine y auoit vn groz Prince, nommé Regenherus, ou Raginerus, qui auoit vn filz, nommé Gislbertus & estoit d'ancienne noblesse extraictz, par longue posterité de Clodion, iadis deuxieme roy de France, & partant du sang de Charlemagne: & tenoyent grandes terres & possessions audiect royaume de Lorraine, comme la Duché de Mozelan, Ardenne, l'Alsatie, & autres contrées circonuoyfines. Et combien que lediect royaume de Lorraine fut pour lors reduict en l'obeissance & subiection des roys de la Germanie: Toutefois lediect Ragenherus auoit tousiours heu son amour & affection au roy de France Charles le simple, & auoit esté cause de sa restitution, & vsa en toutes choses de grande fidelité enuers luy. Et si fut cause avec son filz Gislbert, que lediect Charles le simple recupera tout le royaume de Lorraine, pendant que l'empereur Conrad estoit empeché à pacifier les princes de son pays rebellans contre luy.

*Comment Charles  
le simple retira le  
royaume de Lorraine  
des Ger  
mains.*

*Ragnerus Duc de  
Moselane & son  
filz Gislbertus al  
lez à Charles le  
simple.*

¶ Or quand lediect Charles eut ainsi reconuert Lorraine, il constitua gouverneur dudiect royaume de Lorraine le noble Ragenherus, ou Raginerus: lequel toutefois ne vesquit gueres, & mourut tost apres, de la mort duquel lediect roy Charles le simple, mena grand dueil, & fut present à ses obseques & funerailles. Et si constitua publiquement deuant tous ses nobles, le filz du deffunct Raginerus, nommé Gislbert, gouverneur de la Lorraine. Il y auoit autres Princes en ladicte Lorraine, qui fauorifoyēt audiect Charles le simple, comme Beso noble homme du pays, qui faisoit sa residence en Bourgongne & es lieux circonuoyfins de Verdun, & qui estoit ancien ennemy de nostre eueque Dado, comme nous dirons cy apres. Aussi luy fauorisa pour lors Henry Prince de Saxonie, que l'empereur Conradus haysoit, & le craingnoit pour sa puissance: Combien que son pere Otho deffunct eut sa vie durant tresloyallyment seruy lediect Conradus & son predecesseur Loys empereurs.

*Raginerus gouver  
neur du royaume  
de Lorraine.*

*Gislbertus fut a  
pres la mort de sō  
diect pere, instrué  
gouverneur de  
Lorraine.*

¶ Sigibert & apres luy Naclerus escriuent, que lediect Conrad empereur, pour paour & enuye qu'il auoit, delibera faire mourir par trahison lediect Henry. & pour ce faire appella Harro Archeuesque de Magonce, qui estoit expert & exercité en toutes meschancetez & ars: & le sollicita de ce faire, lequel entreprint le fait

*Le collier d'or fa  
briqué par Harro  
de Magonce.*

# Le iij. liure des antiquitez de la gaule belgicque

le faict, & fait fabricquer vn collier d'or de telle façõ & artifice, que depuis qu'il estoit mis au col de quelqu'un, n'estoit possible de le defermer n'ouvrir: & failloit que celuy qui l'auoit, mourut de faim. De ceste trahison fut aduertiy le dessusdict Henry, tellement que quand il fut inuité pour venir à vn banquet, en la maison dudit Hatto, il respondit au messager: Va dire à ton maistre qu'il n'a point le col plus dur que Albert (lequel ledict Hatto auoit fait decapiter, par trahison, comme a esté dict cy dessus). Et par ceste response de Henry, Hatto cogneur bien que son cas estoit decouvert. Et de celle heure ledict Henry leua guerre contre l'empire: laquelle dura longuement, & iusques à la mort dudit Conradus. Hatto deplaisant de sa trahison cogneue, mourut bien tost apres: & disent aucuns que ce fut d'un coup de tonnoirre: & que le diable emporta son corps, iusques en Cecile, en la montagne de Actna, ou il a esté veu depuis par permission diuine tormenté & puny de ses crimes & meffaitz.

*Guerre entre Henry de Saxe & l'empereur Conrad.*

*Le diable emporta le corps de l'archuesque Hatto.*

*Dado euesque de Verdun allyé à l'empereur, cõtre le roy de France.*

*Le Prince Boso ennemy de Dado euesque de Verdun.*

¶ Durans les guerres & dissensions dessusdictes, Charles le simple roy de France feit les dessusdictes alliances. Et par ce moyen retira tout le royaume de Lorraine. Dequoy Dado euesque de Verdun ne fut content. Car de tout son pouuoir deffendoit les parties des empereurs de Germanie, pour ce que par leur moyen il auoit esté institué euesque de Verdun. Toutefois il ne peut si bien faire, que tout ledict pays ne fut rendu à la volonté dudit Charles roy des François. Dont aduint que par apres durant tout le temps que ledict Charles roy de France, teint Lorraine, iamais Dado ne fut aymé: mais toujours tenu suspect, & maloulu dudit Charles. Ce que donna occasion à son ennemy Boso, homme meschant & cruel, d'exercer ses tyrannies & cruauttez, contre luy & les terres de son euesché: & se venger de l'ancienne hayne qu'il auoit contre luy, pour la mort de Gendebaldus, que les Lothains auoyent tué, par son ayde & faueur, comme il disoit. La partie duquel ledict Boso deffendoit pour lors, de la bataille, en laquelle il fut tué: & de laquelle ledict Boso eschappa par fuycte, comme a esté dict cy dessus.

*L'eglise & cité de Verdun bruslée par le Prince Boso.*

¶ Or pour resister aux tyrannies d'iceluy Boso, l'euesque Dado, qui estoit homme magnanime & vertueux, combien qu'il fut sur aage, feit grosse assemblée de gens, dedans la cité de Verdun, pour soy deffendre, contre ledict Prince Boso, qui iournellement faisoit courses & pilleries, bruslans les villages de sondict euesché. Et tellement procederent qu'un iour par trahison en l'an trenteseptieme de son euesché, qui estoit l'an neuf cens dixsept, toute l'eglise de Verdun fut bruslée, & la plus grande partie de la cité, ensemble toutes les chartres, lettres, & monumens des fondations, priuileges, & donations faictes à icelle eglise, avec les registres, & histoires des vies & miracles des anciens saintz euesques d'icelle, dont fut vn dommage indicible, irreparable, & qui dure iusques à present.

¶ Et dict Laurentius Leodiensis, que de lors le bon euesque Dado, qui estoit homme docte & scauant, feit vne epistre ou elegie des miseres & calamitez, que la pauvre eglise de Verdun endura de son temps & du temps de ses deux predecesseurs Hatto & Berhardus. Signamment par les Normans, qui tuerent & martyriserent plusieurs clerz & prestres des deux eglises de saint Venne, & de Nostre Dame dudit Verdun: desquelz ledict Dado faict mention en son elegie, laquelle elegie ne se trouue à present, & a esté perdué, par la malignité du temps. Toutefois ie trouue vn fragment de ladicte elegie, lequel ie metray icy comme s'ensuyt.

*Fragment de l'epilogie de l'euesque Dado.*

¶ Haymo tuus Germanus obit cum cade piorum,  
¶ Pro domino moritur, & tibi iunctis adest.  
¶ Et quartodeno Martis hunc ante Calendas,  
¶ Normani iugulant, aethere martyr ouat.

# depuis Charlemagne iusques à Hue Capet. F. clxxiiii.

¶ Or nostredict euesque tost apres son eglise brullée, estant en grande vieillesse, & sollicitude de faire preparation pour commencer vn nouueau edifice de son eglise, alla de vie à trespas, apres qu'il eut tenu l'euesché quarante ans, enuiron l'an de grace neuf cens vingt. *La mort de l'euesque Dado, &c.*

¶ Nous trouuons es anciens registres de nostre eglise de Verdun, que cestuy euesque Dado en son temps, pour garder la paix & concorde des euesques, avec le chapitre, & ausi pour conseruer les rentes & reuenuz dudit chapitre, & empescher les alienations & dilapidations que pouroient faire les euesques, mauuais administrateurs, cōme on a au parauant de luy & par apres experimenté, consentit & accorda diuision estre faicte des biens, rentes, & reuenuz des euesques & du chapitre. Et renouuela les registres & terriers d'vn chascū, par lequels on pouuoit veoir & discerner ce qui appartenoit aux euesques & d'autre part au chapitre. Et dauantage il adiousta aux anciens catalogues des euesques de son eglise les faictz de ses deux immediatz predecesseurs, Hatto & Berhardus son oncle, avec la supputation du temps, que seldictz deux predecesseur teindrent nostre euesché de Verdun, & le tout en termes & forme que s'ensuyt.

*Du temps de l'euesque Dado furent les rentes & reuenuz du chapitre diuisz à celle de l'euesque.*

*Epithome faict par l'euesque Dado des vies de ses deux predecesseurs.*

## ANNO AB INCARNATIONE DOMINI NOSTRI

¶ Iesu Christi octingentesimo nonagesimotertio, regnante vero domino Arnulpho gloriosissimo rege, anno quinto, nostra autem ordinationis decimotertio, Indictione nona. Ego Dado Virdunensis ecclesie episcopus cepi tractare in animo meo varios presentis seculi casus, & priorum Pontificum facta ad memoriam reducere, & eorum à nostra ecclesia fidelibus sedulo ac salubriter iruestigare. Idcirco etenim facta orthodoxorum presulum literis annotaui, ut eorum memoria sit nobis in aeterna, quorum nomina in caelo credimus aeternaliter esse scripta.

¶ Dominus igitur Hatto antecessor noster fuit temporibus Lotharij imperatoris, & item Lotharij filij eius, & peruenit usque ad annum primi in Caroli regis, qui pontifex venerandus multa memoria digna contulit ecclesie: de quibus pauca stilo commendare commodum duximus. Obtinuit namque apud regem Lotharium res per multa loca iacentes, idest in comitatu Virdunensi, Albireuillam &c. Idem etiam venerabilis episcopus istam nouam Basilicam inchoauit: sed à successore eius, auunculo videlicet nostro domino Berthardo episcopo, honorifice perfecta est. Qui etiam temporibus Caroli regimen istius ecclesie suscepit: & usque ad tempus Ludouici Germanici regis eam feliciter gubernauit. Nam (ut pauca de felicibus eius actibus ad memoriam reducamus) iste inclitus pastor dominus Berhardus auunculus videlicet noster, in ecclesiasticis disciplinis ultra quam credi vel fieri possit firuentissimus exiit, & episcopali ministerium & religiosam vitam admodum diligens, quam plurima isti ecclesie contulit, que nunc zelo eius aeterna iter testimonium perhibent. Dedit, & cetera.

¶ In Basilica etiam sancti Petri & sancti Vtoni posuit canonicos octo, & dedit illis res que ad ipsam ecclesiam pertinent, sicut eas tunc in suo dominatu habebat, decimam quoque arriem que ad nostrum opus ex Brasensi centena congruis temporibus accipiuntur. Dedit etiam ad usum altare vnum sacerdotale vestimentum auro ornatum, flatenam scilicet, idest ex droano cum guttis, &c. Pallium quoque vnum super ipsius sancti patroni posuit glebam, &c. Nec etiam qui diuina dispositione eius successor & ipse domini Lodoici regis post auunculum nostrum istam ecclesiam gubernandam suscepimus, & post mortem eiusdem domini Carolum fratrem ipsius Imperatorem suscepimus, & usque ad tempus domini Arnulphi gloriosissimi regis, nepotis scilicet eorum, iam peruenimus, quequid mihi commissae ecclesie in rebus & familiis, in omnibus ornamentis ecclesiasticis (domino adiuuante) addere potui, huic operi addere saluberrimum duxi. Dedit, &c. Hec omnia solemniter & publice ecclesie dominus Carolus imperator delegauit, atque ad habendum perhenniter cecisset, Arnulphus quoque gloriosissimus rex dedit in proprium per autoritatis sue preceptum supradicte ecclesie abbatiam, que vocatur Montusfalco nis, quae est in honore sancti Germani constructa & in comitatu Dolinensi est sita, cum omnibus & sibi pertinentibus, &c.

*Abbaye de Montusfalco donnée à l'eglise de Verdun.*

# Le.iii.liure des antiquitez de la gaulé belgicque,

Bertharius histo-  
rien chappellain  
de l'uefque Da-  
do.

¶ On liét aufsi que cestuy uefque Dado, eut vn chappellain, nommé Bertharius, homme tresçauant, & qui depuis fut doyen de nostre eglise de Verdun: lequel en l'honneur de son maistre Dado redigea & composa vn collectaire de noz uefques de Verdun, en l'an trête sixiemè de son pontificat, comme appert par l'epistre liminaire d'iceluy collectaire, comme s'ensuit.

Extrait de l'hi-  
stoire de Berthai-  
re.

**REVERENDISSIMO** & sanctissimo seniori meo domino Dado Viridunen-  
sis, ecclesia inclito episcopo. Bertharius vester presbyter deuotè vrbis orando fœlicitatem æter-  
nam in Christo. Quoniam vestro tempore per triginta sex annos pro bono studio & inclita fœ-  
ma nobis multa venerunt prospera: Nunc autem peccatis nostris exigentibus, principalis eccle-  
sia nostra igne succensa, libri & memori e sanctorum patrum nostrorum ex magna parte eidè  
flamina sunt tradite. Ne autem penitus obliuioni traaderetur sacrosancta memoria, venerabile  
nomen, & operatio sancta, licet infirmitate & tristitia attritus, que de sanctis antecessoribus  
vestris legi & à fidelibus audui, breuiato sermone comprehendere commodum duxi, vobis qui-  
dem gratum, posteris vile, &c.

¶ Par le contenu duquel collectaire appert clerelement que du temps dudidit Dado & sur la fin de son pontificat, nostre eglise fut ruynée & bruslée, & endura plusieurs cala-  
mittez, qui furent continuées de plus en plus, soubz l'uefque subseqnent Barnoinus.

## ¶ Des Papes qui ont regné durant le desuidit. Eufque Dado.



**Q**U I O N T esté seze en nombre: Entre lesquelz y a eu plusieurs ty-  
multes & contentions, tant par leurs elections, que durans leurs vies,  
exerçans tyrannies, insolences, & meschancetez, sans reuerence ne mâ-  
suetude chrestienne. En sorte que c'est chose pleine d'horreur, de lire  
les histoires, gestes, & faitcz d'iceulx, & les maulx, heresies, scandales,  
& oppressiõs en l'eglise subseqnès. Qui fera que ie seray brief en l'enarratiõ d'iceulx,

Vide supra.

**Ioannes** huietieme du nom (duquel a esté parlé cy dessus au precedent uef-  
que) a esté du temps dudidit uefque Dado.

Martin. ij. du nō,  
cx. Pape.

**Martinus** deuxieme de ce nom, natif de Gaule, comme diét Platina, fut cent  
dixieme Pape de Rome par tresmauuais moyen, l'an de grace  
huiet cens octante deux. Et fut cause que le Pape Iean fut empoysonné. Aussi il ne  
vesquit gueres: car il mourut apres qu'il eut tenu le siege vn an cinq moys.

Adrianus. iij. du  
nom. cxj. Pape.

**Adrianus** troysieme de ce nom, Romain de nation, fut cent vnzieme Pape  
en l'an de grace huiet cens octante quatre, homme duquel tout le  
peuple Romain & le clergé auoyent bonne opinion, qu'il deuit faire grand fruit &  
reformer l'estat de l'eglise: Mais il mourut apres qu'il eut tenu le siege vn an troys  
moys.

Stephanns. v. du  
nom. cxij. Pape.

**Stephanus** cinqieme de ce nom, Romain de nation, fut le cent douzieme Pa-  
pe, l'an de grace huiet cens octante cinq. De son temps les Nor-  
manès persecutoyent fort la Gaule: en sorte que le corps de saint Martin fut transpor-  
té iusques à Auxerre, & situé pres le corps de saint Germain: entre lesquelz fut mis  
vn ladre, qui fut guarý du costé regardant ledict corps saint Martin, & le lendemain  
fut tourné, vers le corps dudidit saint Martin, & par tant fut du tout guarý. Ledict  
Stephanus mourut apres qu'il eut tenu le siege six ans.

¶ Faul

# depuis Charlemagne iusques à Hue capet. F. clxxv.

¶ Fault toutefois noter que les Hystoriographes sont fort differens touchant les supputations des dessusdictz Papes: Et pourtant les lecteurs doiuent estre prudens auant qu'y asseoir iugement.

**Formosus** fut premierement euesque de Portueuse, & puis fut crée le cent trezieme Pape, l'an huit cens nonante vn: Et en sa creation furent meuz grand discords entre les electeurs: Car aucuns vouloyent elire Sergius, qui depuis fut Pape. Mais ilz ne furent pas les plus fortz. A raison dequoy ledict Formosus appella Arnulphus roy de Germanie à Rome, & le couronna empereur, qui fut cause de l'entretenir en son election. Mais apres sa mort quelque temps Sergius fut crée Pape, qui vsa d'une merueilleuse tyrannie. Car il feit deterrer le corps dudit Formosus, & luy couper la teste, & apres par grâde ignominie le feit iecter dedans le Tybre. Ledit Formosus teint le siege de Romme cinq ans, & six mois.

*Formosus cxiiij.  
Pape.*

**Bonifacius** sixieme du nom, Tusque de natiõ, fut le cent quatorzieme Pape de Rome, l'an de grace huit cens nonante six, & ne vesquit que vingt cinq iours: Combien qu'aucuns disent qu'il vesquit douze ans, qui est chose difficile à accorder

*Bonifacius vj.  
cxiiij. Pape.*

**Stephanus** sixieme de ce nõ, Romain fut Pape cõt quinzieme, l'an de grace huit cens nonante sept, & fut si cruel ou ambitieux, que combien que le Pape Formose luy eut donné l'euesché d'Aganin, toutefois il feit tirer le corps dudit Formose hors du tumbau, & despouiller de ses habitz pontificaux, & les vestir en lay, luy couper les deux doigz sacrez & la main, & le iecter dedans le Tybre, & mourut apres auoir tenu le siege vn an trois mois.

*Stephanus vij.  
cxv. Pape.*

**Romanus** de nation Romaine, fut le cent sezieme Pape, l'an de grace, huit cens nonante sept. Et feit vn Decret, par lequel il abroga & annulla tout ce que Stephanus son predecesseur auoit fait contre Formose. Et puis mourut apres auoir tenu le siege quatre mois.

*Romanus premier  
cxvi. Pape.*

**Theodorus** deuxieme, Romain de nation, fut cent dixseptieme Pape, l'an de grace huit cens nonante sept. Il approuua tout ce que Formosus auoit fait, & reprouua tout ce que depuis auoit esté fait par les autres Papes contre luy. Et mourut le vingtieme iour de son Pontificat.

*Theodorus cxvij.  
Pape.*

**Iohannes** neuvieme de ce nom Tyburtin de nation, fut le cent dixhuitieme Pape, l'an neuf cens nonante neuf. Il restitua semblablement par concile tout ce que Formose auoit fait. Et de son temps veindrent les Hungres premierement en Italie, apres en Germanie, & depuis par toutes les Gaules, ou ilz feirent maux innumerables. Et mourut apres auoir tenu le siege deux ans.

*Iehan ix. du nom  
cxviij. Pape.*

**Benedictus** quartus fut le cent dixneuvieme Pape en l'an de grace neuf cens deux, Romain de nation: Et fut esleu par son humanité & clemence, comme dict Platina. Mais les vies & mœurs du clergé estoient si fort corrompues, qu'il ne peut en rien profiter. Toutefois il eut ceste gloire, qu'il vesquit sainctement & grauement avec gens de tous pechez corrompuz par l'espace de trois ans, & quatre mois.

*Benoist quatrieme  
cxix. Pape.*

**Leo** cinquieme de ce nom, fut le cent vingtieme Pape en l'an neuf cens cinq. Et le trentieme iour de son pontificat fut prins par son seruiteur familier Christoforus, qui fut Pape apres luy, & mis en prison, en laquelle il mourut dix iours apres. Et en luy fut obserué & accomplý le dict de Theocritus, Nourris les loups, & ilz te mangeront:

*Leo cinquieme  
cxx. Pape.*

# Le iij. liure des antiquitez de la gaule belgicque

*Christoforus cxxj.  
Pape.*

**Christoforus** homme de petit estat, & de basse condition fut crée le cent vingtvieme Pape par moyen illicite, l'an que dessus. Car il auoit fait mourir son predecesseur & maistre. A raison de quoy le septieme moys de son pontificat fut ignominieusement deiecté & priué de la Papauté, & entra en vne religion, qui est le refuge des malheureux, comme dict Platina.

*Sergius troysieme  
cxxij. Pape.*

**Sergius** troysieme de ce nom, Romain de nation, fut le cent vingtdeuxieme Pape, l'an neuf cens six. A raison qu'il fut reiecté par l'election de Formose d'essuldi. Il feit tirer hors du tombeau le corps dudit Formose, & le feit iecter dedans le fleue du Tybre. Et dict Platina. que ledict corps fut repris par aucuns pefehurs, & rapporté en l'eglise de S. Pierre, tellemēt que les images de ladicte eglise furent veues luy faire reuerence. Qui fut vn signe, que ledict Formosus auoit esté canoniquement crée Pape. Ledit **Sergius** mourut l'an septieme de son pontificat.

*Anastase troysieme.  
cxxij. Pape.*

**Anastasius** troysieme de ce nom, fut le cent vingtrosieme Pape l'an neuf cens treze. Il ne feit grandes choses en son temps: Toutefois il est prisé en ce qu'il n'vsa iamais de tyrannie ne d'iniure contre ses predecesseurs, & velquit honnestement & modestement par l'espace de deux ans, deux moys.

*Laudo premier.  
cxxxij. Pape.*

**Laudo** Romain, cent vingtquatrieme Pape en l'an neuf cens quinze: ne feit chose de memoire, & mourut enuiron le vij. moys de son pontificat.

## LES EMPEREURS QUI ONT regné durant Dado Eueque de Verdun.

*Charles le Gras  
lxxxix. empereur.*



**CHARLES** troysieme du nom, surnommé le Gras, le plus ieune des enfans de Loys l'ancien de Germanie, qui succeda à ses deux freres, Carloman & Loys, roys de la Germanie, comme auons escript en l'uefque precedent, fut empereur en l'an huit cens septante huit. Cōbien que de son commencement il eut empeschement: car Loys le begue (que le Pape Iehan couronna en France contre la volenté des Romains) luy resista grandement: toutefois veint en Italie, & eut plusieurs batailles contre les Sarrasins, & si fut cause que le Pape Iehan huitieme fut rappelé de la Gaule à Rome enuiron quatre ans. Apres fut appellé par les François, & institué roy ou gouuerneur dudit royaume, durant la minorité de Charles le Simple, pour les grands troubles qui estoient en France, comme nous auons escript en l'uefque Dado. Et finalement il fut eiecté dudit royaume de France, & s'en retourna en la Germanie & en son royaume de Lorraine. Et peu de temps apres fesché de l'administration imperiale, cures, & sollicitudes ceda tout son droit de l'empire & Lorraine à son nepneu Arnulphus, filz bastard de son feu frere Carloman, comme auōs dict cy deuant. Et mourut apres qu'il eut tenu l'empire enuiron douze ans, en comprenant le temps que le Begue se disoit empereur. Cestuy le gras mourut enuiron vn an six moys, apres qu'il eut cedé à l'Empire.

*Arnulphus lxxxix.  
Empereur.*

**Arnulphus** nepveu dudit Charles le gras, car il estoit filz de Carloman roy de Bauiere, frere dudit Charles gras, conceu d'une concubine, comme disent les hystoriciens Germaniques fut fait empereur & roy de Germanie en l'an huit ees nonante, viuant encores son oncle le gras: Et eut plusieurs batailles contte les Normans, veint à Rome, & fut coroné par le Pape Formose. Et depuis chassa vn duc de Spolette, nommé Vuido ou Guido, qui entreprenoit contre l'Empire en Italie. Toutefois en la fin il fut empoisonné par ledict Guido, qui entreprenoit contre l'empire: & puis mourut en l'an neuf cens trois, apres qu'il eut tenu l'empire douze

# depuis Charlemagne iusques à Hue Capet. F. clxxvi.

douze ans. Et laissa vn filz legitime de sa femme Luydegarde, fille d'Vuelpho dac de Bauere. De laquelle il eut plusieurs enfans, dont l'aîné, nommé Loys, succeda à l'empire. Et durant sa vie du consentement des princes de la Germanie assemblez à Barbotanage en l'an huit cens nonante cinq, il donna le royaume de Lorraine à son filz bastart, nommé Zuendeboichus, comme auons escript en la vie de l'euesque Dado.

**Loys** troysieme de ce nom entre les empereurs, filz du dessusdict Arnoul, cômeca à regner en Franconie & Germanie l'an neuf cēs troys, & se nommoit empereur, combien qu'il ne fut iamais coroné: Car de son temps veindrent les Hungres en la Germanie. Contre lesquels il eut quelque victoire: mais depuis il fut vaincu par deux fois, dont toute ladicte Germanie receut grans dommages & miseres incroyables. De son temps Berengarius prince de Foili; orgueilleux d'vne victoire qu'il eut contre les Hungres, entreprint le nom d'Empereur en Italie. A raison de quoy (comme escript Nauclerus) ledict Roy mena grosse armée en Italie contre ledict Berengarius, & eut victoire contre luy, & le chassa. Mais incōtinent apres ledict Loys Empereur par trahison des siens fut surprins en la cité de Veronne par ledict Berengarius, qui luy feit creuer les yeux, Et par tant fut contrainct se retirer en son pays, où il mourut sans enfans masculles, en l'an neuf cens treze, apres qu'il eut regné empereur en Germanie & non en Italie, par l'espace de dix ans: combien qu'aucuns y en mettent douze: Les hystoriens escriuent qu'il eut deux filles, à sçauoir Mathilde, qui fut femme de Henry empereur: Et l'autre eut nō Plaisance, qui fut mariée à Cōradus empereur. Et si sont en diuersité de la prinse à Veronne, comme auons escript cy dessus.

*Loys troysieme  
lxxxj. Empereur.*

**Conradus** selon aucuns ( parent dudit Loys troysieme, & selon les autres, seulement affin ) fut crée empereur en l'an neuf cens douze, par le moyen d'vn bon & noble prince de Saxonie, nommé Otho: Lequel les Germaines & Saxons vouloyent eslire leur roy & empereur apres la mort dudit Loys troysieme mais iceluy Otho cognoissoit que ledict Conradus, qui auoit espouse la fille dudit Loys, estoit le dernier de la lignée de Charlemagne ou bien allie, ne voutut prendre la charge: mais conseilla eslire ledict Conradus. Cē que fut fait: combien qu'Otho gouernoit soubz luy tous les affaires de l'empire, & par son moyen eut plusieurs belles victoyres contre les Hungres: & neantmoins il ne fut iamais coroné empereur: Car incōtinent ledict Otho mourut, & laissa vn filz nommé Henry: lequel Conradus auoit pour suspect, & craingnoit qu'il ne veint trop puissant. A raison de quoy eurent plusieurs guerres & dissensions. Toutefois quand ledict Conradus veint à mourir sans enfans, apres qu'il eut seulement regné sept ans: Ordonna à vn sien frere qu'il auoit nommé Ebrardus, & à toute la noblesse de Germanie, qu'ilz ceussent empereur le dessusdict Henry filz dudit Otho: Cē qu'ilz feirent.

*Conrad premier  
lxxxij. Empereur*

## I N C I D E N T.



**L**CY FAULT noter que selon aucuns en iceluy Conradus fut finie la lignée des Empereurs de la Germanie descenduz du sang du noble Charlemagne. Et fut translāté ledict empire des François aux Saxons. Les autres hystoriens sont d'opinion, que ladicte lignée de Charlemagne fut finie audict Loys troysieme.

¶ Item est à noter que ces deux empereurs, Loys troysieme & Conradus & son subsequent Henry, surnommé Anceps, ne preindrent iamais la coronne imperiale à Rome, & furent seulement nommez empereurs en Germanie: Pour autant que de leur temps y eut en Italie aucuns princes (comme les Berengiers & autres) qui entreprirent de regner en Italie, & se nommoient Roys & Empereurs de ladicte Italie. Et partant les dessusdictz troys empereurs de Germanie ne preindrent iamais la coronne, ne possederēt l'empire d'Italie. Et dura cedit temps iusques à Otho dict le grad,

*Auertissement  
aux lecteurs pour  
l'intelligence des  
Rois d'Italie en-  
trepreneurs con-  
tre l'Empire.*

# Le.iii.liure des antiquitez de la gaule belgicque,

qui restitua ledict empire à la Germanie. Si furēt en nombre sept roys ou empereurs en Italie, lesquelz ie mettray icy pour meilleure & plus facile intelligence de nostre hystoire.

*Berengier premier  
roy d'Italie.  
912 /*

**Berengier** fut le premier empereur des Italiens : Et commença à regner l'an neuvieme de l'Empire de Germanie Loys troysieme, & regna troys ans seulement.

*Berengier ij.  
916 /*

**Berengier** deuxieme de ce nom, fut le second Empereur d'Italie, commença à regner l'an premier de Conradus dessusdict. Et regna sept ans, & selon aucuns huit ans.

*Berengier iij.*

**Berengier** troysieme de ce nom, commença l'an deuxieme de Henry premier de ce nom, & regna sept ans, ou selon les autres cinq ans seulement.

**Radulphus** fut le quatrieme empereur d'Italie, & commença à regner l'an sixieme dudit Henry, & regna troys ans.

**Hugues** cinquieme empereur d'Italie, commença à regner l'an neuvieme dudit Henry, & regna vingt ans.

**Lotharius** sixieme empereur d'Italie, commença à regner l'an vnzieme d'Otho premier de ce nom, & regna vn an & demy.

*Berengier iij.*

**Berengier** quatrieme de ce nom, fut le septieme empereur d'Italie, & commença à regner l'an douzieme dudit Otho, & regna troys ans. Et par ainsi fut finē l'empire des Italiens: car le grad Otho teint en sa main tout l'empire,

LES ROYS DE FRANCE, OV BIEN  
ceux qui ont entrepris ledict Royaume ou gouvernement  
d'iceluy, depuis la mort de Loys le begue, iusques  
à Charles le simple son filz. Et tous lesquelz  
ont regné durant ledict Euef-  
que Dado.



**CARLON** avec Loys son frere, les deux filz bastardz de Loys le begue, entrepreindrent à regner l'an huit cens octante, apres la mort de leur pere: Et se firent coronner roys de France, diuisans entre eux le royaume: Combien que leur marastre, femme legitime de leur pere, grosse d'un filz qui depuis fut roy, appellé Charles le Simple. Au corōnement desdictz deux bastardz y eut dissension entre les princes de France. Car aucuns vouloyent que Loys roy de Germanie & cousin dudit defunct, fut roy: Toutefois ilz feirent appointement car ilz baillerent audict Loys de Germanie la part du royaume de Lorraine, que Charles le chauue auoit occupé apres la mort de Lothaire le ieune. Et partant ledict Loys de Germanie s'en retourna en son pays, & demourerent lesdictz bastardz roys, qui du commencement eurent aucune victoire contre les Normans: Mais en l'an huit cens octante quatre, l'un desdictz bastardz mourut, & l'année ensuiuant Carloman l'autre frere mourut, qui laissa vn filz, appellé Loys, surnommé Fayneant, qui fut vn peu de temps roy apres luy.

*Loys Fayneant  
xxx.roy de France*

**Loys** filz du dessusdict Carloman, surnommé Fayneant, fut roy apres son pere Carloman ou Carloman l'année huit cens octante cinq. Et la mesme année (pour ce qu'il fūt meschant, & tira vne nonnein d'un monastere, & la print à femme, & feit vn appointement avec les Normans de leur rendre vn grand tribut, aquoy les Fran-  
coys



# depuis Charlemagne iusques à Hue capet. F. clxvii.

coys ne vouloyent obtemperer. Parquoy enuoyerent querir Charles, qui fut surnommé le gras, & eleurent, & coronnerent leur roy) feirent tondre ledict Loys Fayneât, & fut moyne à S. Denys en l'année premiere de son regne.

**Charles**, surnommé le gras, filz de Loys de Germanie, qui estoit empereur, fut appelé par les François, & constitué leur roy l'an huit cens octante cinq, & fut priué & bouté hors cinq ans apres, pource qu'il administra mal, & fit appointement pernicieux avec les Normans, comme de luy a esté dict cy dessus en la vie de l'euesque precedent.

*Charles le Gras  
xxx. roy de France*

**Eude** comte de Paris, filz de Robert comte d'Angiers; fut coronné Roy de France par les François en l'an huit cens nonante, apres que Charles le gras fut depose, & en attendant que Charles surnommé le Simple, filz de Loys le Begue, fut en aage. Ledit Eude gouverna tresbien & fidelemēt le royaume, & eut plusieurs victoires contre les Normans par l'espace de neuf ans. Les François sans son sceu appellerent ledict ieune Charles le Simple, & le coronnerent. Dont ledict Eude ne fut content, & si fit grosse resistance contre le nouveau roy. Toutefois il mourut bien tost apres, & à son trespas ordonna & adiura à son frere Robert duc d'Aquitaine, & à tous les barons de France, qu'ilz eussent à remettre la couronne & obeyr audict Charles le Simple. Ce que sondict frere Robert ne fit, dont mal luy en print.

*Odo ou Eude  
xxxj. roy de France.*

**Charles** le Simple troysieme de ce nō entre les soys de France, filz legitime de Loys le begue, fut nay enuiron l'an huit cens octante. Et ne cōmença à regner que l'an huit cens nonante neuf, pource que sa mere estoit grosse de luy quand son pere mourut. Durant lequel temps deux de ses freres bastardz, Loys & Carloman, teindrent enuiron cinq ans ledict Royaume de France, & depuis Charles le gras, & Eude comte de Paris son tuteur, en l'absence duquel fut ledict Charles le simple par les princes de France appelé d'Angleterre, & coronné roy. Dont ledict Eude ne fut content, & mena guerre contre luy, & aussi son frere Robert duc d'Aquitaine. Mais finalement ledict Robert fut tué en bataille. A raison dequoy, quelque temps apres Hebert comte de Vermandois, pour vengeance de la mort dudit Robert, qui auoit espouse sa sœur, trouua maniere par trahison mettre ledict Charles en prison à Peronne, ou il mourut martyr l'an neuf cens vingtsix, & apres qu'il eut regné vingtssept ans: Durant le temps qu'il fut en prison, à sçauoir par deux ans, les François coronnerent Raoul, filz du duc de Bourguongne, & depuis rappellerent Loys quatrieme, filz dudit Charles, qui estoit en Angleterre avec sa mere Algine, fille d'Edouar roy de ladicte Angleterre, & laquelle auoit plusieurs filles de sondict mary le Simple, dont l'vne Hetuinge, fut mariée à Garnier, baron de saint Vallery; Alix femme de Taillefer, au baron de Cambresis, & Gillette qui fut mariée à Rollo, qui fut duc de Normandie.

*Charles le Simple  
xxxij. roy de France.*

## DES ROYS DE LORRAINE;

qui ont tenu ledict royaume en sa totalité, durant, ledict Euesque Dado.



**C**HARLES le gras, filz de Loys l'aisné, roy de la Germanie, succeda à la totalité dudit Royaume de Lorraine par la mort de ses deux freres, Carloman & Loys le ieufne de Germanie, qui fut l'an huit cens octante vn; comme auons escript soubz ce mesme tiltre en l'euesque precedent. Et aussi auons deduit cy denant en diuers lieux, comment cestuy le gras fut monarche en l'Empire en Germanie & au Royaume de Lorraine, avec le royaume & gouvernement de France. Finalement en l'an huit cens nonante, il ceda & se demit de l'empire de ladicte Germanie & dudit royaume de Lorraine es mains d'Arnulphus son nepueu, filz bastard de Carloman son frere.

*Charles le Gras  
Roy de Lorraine  
en totalité.*

# Le iij. liure des antiquitez de la gaule belgicque

*Arnulphus roy de toute la Lorraine*

**Arnulphus**, filz bastard de Carloman estant empereur & roy de la Germanie, obtint aussi le Royaume de Lorraine par la cession de son oncle Charles le Gras, en l'an huit cens nonante. Et auoit deux enfans, l'un legitime Loys, auquel il assigna pour succession l'empire & la Germanie. L'autre filz estoit bastard, nomme Zuendebaldus, auquel il bailla durant sa vie le Royaume de Lorraine, apres qu'il eut tenu iceluy enuiron six ans, en l'an huit cens nonante cinq.

*Gondebaldus roy de toute la Lorraine.*

**Zuendebaldus** ou Gondebaldus, aliàs Zuentibolchus, filz bastard d'Arnoul fut institué roy de Lorraine l'an huit cens nonante cinq, comme on peut veoir par les antiquitez des Abbaies de saint Michel, & par Sigebert en son hystoire soubz ladiete année. Et durât la vie de son pere fut desobeyssant à luy, & oppresseur des nobles de son pays, fut tué par iceux en l'an neuf cens quatre, par le moyen de son frere Loys, legitime dudit Arnoul, comme amplement auons deduit en la vie de cestuy euesque Dado. On trouue aux annales de Liege qu'il eut vne fille, nommée Cecile, sainte femme, abesse de Susterre.

*Loys filz d'Arnulphus Roy de toute la Lorraine.*

**Loys** troysieme du nom entre les empereurs, filz legitime d'Arnoul, succeda au royaume de Lorraine par la mort de son frere Zuendebaldus en l'an neuf cens quatre, & teint ledict Royaume avec l'empire & la Germanie iusques à sa mort, qui fut en l'an neuf cens treze, & luy succeda à l'Empire & à ses autres seigneuries Conradus premier du nom, qui auoit espousé sa sœur.

**Conradus** premier du nom, parent dudit Loys, ou bien affin, estant empereur & Roy de la Germanie, succeda audit Royaume de Lorraine par la mort dudit Loys, & le teint enuiron deux ans. Auquel temps se rebellèrent contre luy les princes dudit royaume de Lorraine, & signamment Ragnerus prince d'Ardenne: Au moyen dequoy Charles le Simple Roy de France retira tout ledict royaume de Lorraine de l'obeyssance dudit Conrad, apres qu'il eut tenu iceluy enuiron deux ans.

**Charles** le Simple filz de Loys le Begue, quelque tēps apres qu'il fut rappelé d'Angleterre, & restitué en son royaume de France, comme nous auons escript cy dessus, enuiron l'an neuf cens seze, fut induit & sollicité de retirer ledict royaume de Lorraine par Ragnerus d'Ardenne, principal prince entre les Lorrains, qui estoit desplaisant de ce que ledict royaume estoit hors des mains de ceux du sang de Charlemagne, tenu & possédé par Conrad empereur. Tellement que ledict Charles le Simple assembla grosse armée, & par l'ayde dudit Ragnerus & de son filz Gislbert il le retira en ses mains, & en priua totalement l'empereur Conrad, & le teint par l'espace de sept ans en sa totalité, & iusques au Rhin. Toutefois par apres il restitua à Henry empereur la portion d'iceluy, depuis Meuse iusques au Rhin, comme escrirons cy apres. Or si tost que ledict roy Charles en fut enfaisiné, il fit & crea gouverneur d'iceluy ledict prince Ragnerus d'Ardenne, en recognoissance du benefice qu'il luy auoit fait. Mais ledict Ragnerus mourut ladiete année, l'an neuf cens seze. Dont il fut merueilleusement desplaisant, comme estoit Vrspergen, en son hystoire. Et incontinent en presence de tous ses princes il bailla ledict gouvernement de Lorraine à son filz Gislbert, & le mit en tel honneur, que feu son pere estoit.

## I N C I D E N T.

*Aduertissement aux lecteurs pour l'intelligence des gouverneurs du royaume de Lorraine.*



**N** C Y F A V L T noter qu'en l'année neuf cens seze, furent premierement instituez & créez les gouverneurs du royaume de Lorraine par Charles le simple: lesquelz plusieurs equiuocquans, les appellent ducz de Lorraine, dont le premier fut Ragnerus: & le second, son filz Gislbert, desquelz nous escrirons cy apres soubz le titre des successeurs de Clodion le Cheuelu.

LES

# depuis Charlemagne iusques à Hue capet. F. clxxviii.

¶ Les successeurs de Clodion, qui ont tenu Ardenne  
Mozelane, Buyllon, & autres seigneuries  
durant l'euesque  
Dado.



AGNERVS, duquel auons escript en l'euesque Hatto, teint les seigneuries d'Ardenne & plusieurs autres, du temps de l'euesque Dado. Et laissa plusieurs enfans, comme auons dict: desquelz nous ferons mention icy. *Vide supra.*

**Gisilbert** filz aîné dudit Ragnerus, succeda au gouvernement dudit royaume de Lorraine, comme nous auons escript cy dessus. Et eut pour sa portio patrimoniale tous les pays de Juppille & aux enuirs du Liege, avec tout le pays, ou de present est située la duché de Lorraine, en l'an neuf cens seze. Il teint tous iours les parties de ceulx du sang de Charlemagne: car il estoit forty d'une mesme source, & sa mere estoit fille de Lothaire premier. Et pour ce de tout son temps estoit mal affecté aux empereurs de Saxonie. Il eut en mariage Gerberge, fille de Henry de Saxonie empereur, & feur de Otho le grand, comme auons amplement escript en la deduction des vies des euesque Dado & Barnoinus. *Gisilbert second me de Lorraine, comme nous auons escript cy dessus. Et eut pour sa portio patrimoniale tous les pays de Juppille & aux enuirs du Liege, avec tout le pays, ou de present est située la duché de Lorraine, en l'an neuf cens seze. Il teint tous iours les parties de ceulx du sang de Charlemagne: car il estoit forty d'une mesme source, & sa mere estoit fille de Lothaire premier. Et pour ce de tout son temps estoit mal affecté aux empereurs de Saxonie. Il eut en mariage Gerberge, fille de Henry de Saxonie empereur, & feur de Otho le grand, comme auons amplement escript en la deduction des vies des euesque Dado & Barnoinus.*

¶ Cestuy esmeut grosse guerre contre ledict Otho son beau frere, & fut noyé passant le Rhin en vne bataille qu'il eut encontre luy, l'an neuf cens quarante troys, & laissa vn filz de sa femme, & partant nepueu dudit Otho appellé Henry, comme dirons selon l'ordre du temps. Il eut aussi vne fille, comme escript Sigebertus en son histoire, laquelle apres sa mort l'empereur Otho oncle de ladicte fille, bailla en mariage à Bertrad, duc de Bauiere & Zuuanne. Le corps dudit Gisilbert fut inhumé honorablement à Romarimont au monastere de saint Pierre.

**Ricuinus ou Richimirus** fut filz dudit Ragnerus & frere de Gilsilbert, & eut pour sa portio patrimoniale Ardenne, Buyllon, Luxembourg, & autre pays circonuoysin, appellé Guerrie, en l'an neuf cens seze. Et combien que son frere Gilsilbert teint les parties de Charles le simple, toutefois cestuy Ricuinus depuis que Charles le simple eut restitué à Henry empereur, pere de Otho, la portio dudit royaume de Lorraine, depuis Meuse iusques au Rhin, il teint tousiours les parties dudit Henry, & de Otho son filz empereur, par ce que ses seigneuries estoient situées soubz ladicte portio. Et le semblable firent ses enfans. Car il espousa Gertrude, fille de l'ancien Falco duc de Mozelane. Il eut en secondes nopces Mechilde, fille de Eurard, duc de Fräconie & d'Vvormes. Et eut troys filz, dont l'aîné fut Godefroy, qui eut Ardenne & Buyllon & la comté de Verdün, que l'empereur auoit donné à son pere. Le second filz Odo, ou Otho, eut ladicte duché de Mozelane. Et le troysieme nommé Sigifridus, ou selon aucuns, Gilsilbertus, eut le pays appellé pour lors Guerrie: dedans lequel estoit situé le chasteau de Luxembourg, qui fut erigé en comté. Et fut le premier comté de Luxembourg (comme nous dirons cy apres) le quatrième filz, nommé Falco. Le ieune eut le pays de la Marche, sur la mer, & la cité d'Anuers, & fut Marquis. Et de cestuy Falco fait mention Irenicus en son histoire, & l'Abbé Vrspergen. Et semblablement de son filz Henry Parquoy ie ne feray mention que seulement des deux premiers: Ledict Ricuinus eut aussi vne fille nommée Bonne: laquelle fut mariée à Charles de France filz de Loys quatrième roy de France, qui fut le premier duc de Lorraine. Et mourut ledict Ricuinus en l'an neuf cens quarante cinq, alias neuf cens trente neuf. Et ne ferons cy apres mention que de ses enfans, qui plus seruiront à nostre histoire.

*Ricuinus seigneur de Mozelane d'Ardenne & de Buyllon.*

*Ricuinus tenant les parties des empereurs, contre les François.*

*Les enfans de Ricuinus. Bonne, fille de Ricuinus.*

*La mort de Ricuinus.*

# Le iij. liure des antiquitez de la gaule belgicque

Des Princes descenduz de Clodion, qui ont regné  
Comtes en Haynau, durant  
l'euesque Dado,

*Manasses comte  
Et de aynau.*



**M**ANASSES, OV MANASSIER, filz d'Albō deuxieme du nom, succeda à la comté de Haynau & autres seigneuries, sur la riuiere de Meuse, en l'an huit cens octante. De cestuy escrit Bauldoir en son histoire, qu'il fut seigneur de Retel & Yuoy, & qu'il entreprint plusieurs choses contre l'eglise sainct Vvauldrude, & vouloit chasser hors les Nónains pour y mettre chanoines: mais mal luy en print, car il mourut soudainement enuiron l'an neuf cens & quinze. Il laissa plusieurs enfans: entre lesquelz Regnier fut l'aîné, surnommé au long col, qui succeda à la comté dudiect Haynau. Et si en eut vñ autre, nommé Manasses comme le pere, qui succeda aux Reteloy, dont puis aduint que plusieurs comtes de Retel ont porté le nom de Manasses.

**Regnier** au long col succeda à la comte de Haynau, l'an neuf cens quinze. Et de cestuy escritons amplement en l'euesque subseqent.

## EIN DE LA VIE DE L'EVESQUE Dado trentevnieme Euesque de Verdun.

## LA VIE DE BARNOI nus trentedeuxieme Eues- que de Ver- dun.

*Barnoinus trente  
deuxieme euesque  
de Verdun, nepueu  
du deffunct Eues-  
que Dado.*



**B**ARNOINUS, trentedeuxieme euesque de Verdun, fut esleu en l'an de grace neuf cens vingt. Et estoit nepueu du deffunct euesque Dado: & de sa ieunesse familiar & amy du gouverneur du royaume de Lorraine, nommé Gifilbertus, qui estoit du sang royal. Par l'ayde & moyen duquel, enuiron quatre ans au parauant Charles le simple roy de France, auoit recuperé & recouuert le royaume de Lorraine, contre Conradus empereur & roy de Germanie, comme à esté dict aux gestes & faitz de l'Euesque precedent. Et par tant lediect Gifilbert, qui gouernoit lediect royaume de Lorraine, soubz lediect Charles le simple, pour lors de la vacation obtint enuers luy que lediect Barnoinus fut esleu & confirmé audiect

# depuis Charlemagne iusques à Hue Capet. F.clxxix.

audict euesché de Verdun. Dequoy le clergé & peuple d'icelle cité furent ioyeux: A raison que l'eglise & ladicte cité estoient desolées, & en diuers lieux ruynées, par excursions des Normans.

¶ Et dauantage en ceste mesme année le bruyt estoit par tout (comme dict Sigibert) que les Hungres: (qui auoyent desia estez en Italie & en aucunes parties de la Germanie) vouloyent descédre, par le pays d'Aulsay au royaume de Lorraine: Parquoy ledict clergé & peuple de Verdun auoyent grande esperance en luy, à ce qu'il reduist leurs eglise & cité en meilleur estat, & aussi qu'il les deffendist contre les insolences & tyrannies desdictz Hungres, s'ilz venoient en leurs pays. Car ledict Barnoinus estoit riche & puissant, & si auoit la faueur des princes des pays, signamment dudiect Gifilbert qui dispoisoit & ordonnoit le tout à son plaisir.

¶ Car nous lifons qu'environ ce temps cestuy Gifilbert prince & gouuerneur de Lorraine, soy confiant en son autorité, & à la faueur qu'il auoit enuers le roy Charles le simple, venant la vacation de l'euesché du Liege, par la mort de l'euesque Estienne, y meit par force & le donna à vn prestre riche & opulent, de la Gaule Belgicque, nommé Hilduinus, qui auoit donné audict Gifilbertus grosses sommes d'or & d'argent. Dequoy tout le clergé & peuple du lieu faisoient grosses murmures & querimones contre ledict Gifilbertus & leur euesque Hilduinus ainsi proueu par Simonie.

*Gifilbert donna pour argent l'euesché de Liege. Hilduinus euesque de Liege par simonie.*

¶ Or pour lors viuoit au royaume de Lorraine vn saint Homme, nommé Vvicbertus, ou Vvipertus, extraict de l'ancienne noblesse des roys d'Austrasie, qui florissoit en vertus & sainteté de vie, & de propre patrimoine & richesses, ediffia vn monastere, appellé Gemelocense Caenobium, en Franconie, ou il meit plusieurs religieux, viuans souz la reigle d'obeissance, & leur donna grosses rentes & reuenuz, en decorant ledict monastere de grandes richesses & ioyaux. Et auoit ledict Vvicbertus grande autorité, vers les roys de France & Germanie. A raison dequoy aduertit & desplaisant de la promotion dudiect Hilduinus, fait tant par les prietes enuers Charles le simple, qu'il fut deposé & priué dudiect euesché: & en son lieu fut mis vn saint homme, nommé Richarius, qui fut ordonné euesque à Rome, par l'autorité du Pape: Combien que ledict Charles le simple vouloit instamment que ledict Vvicbertus, print la charge d'iceluy euesché: mais il le refusa totalement: car il auoit deliberé laisser le monde, & entrer en religion. Ce qu'il fait apres qu'il eut fondé le dessudict monastere. Et s'en alla rendre & prendre l'habit au monastere de Goze, qui pour lors florissoit en l'obseruance des regles & vie monastrique: Auquel monastere il demoura longuement, viuant saintement, iusques à la mort, qui fut apres environ l'an neuf cens soixante troys. Et fut transporté son corps du monastere de Goze audict monastere de Gemelance, qu'il auoit fondé, reputé entre les saintz, pour raison des grans miracles qu'il faisoit par chascun iour.

*S. Vvicbert natif de Lorraine fondateur de l'abbaye de Gemelance.*

*Richarius euesque de Liege au lieu de Hilduinus.*

*S. Vvicbertus religieux en l'abbaye de Goze. La mort de Vvicbertus.*

¶ Et dict Sigibert que Hilduinus ainsi expulsé du Liege, s'accompagna avec vn religieux du monastere de Lobienfe, nommé Raherius, filz du comte de Vienne, homme de grande simplicité, mais de tresgrand sçauoir, & experimenté en toutes sciences & arts liberaux. Et s'en allerent ensemble, environ l'an neuf cens vingt huit, en Italie, vers Hugo roy d'Italie, qui pour lors auoit deiecté Radulphus, & tenoit le royaume. Et par le moyen dudiect Hugues, fut iceluy Hilduinus, fait archeuesque de Milan, & ledict religieux Raherius institué euesque de Veronne. Ou il eut beaucoup de fascherics: car il fut expulsé de son euesché, par deux foys, pource qu'il estoit accusé auoir fauorisé aux Bauariens, ennemys dudiect Hugues. Et fut enuoyé en exil à Pauye: ou il escriuit vn liure de ses calamitez & miseres, & plusieurs autres liures de grande doctrine. Entre lesquelz il escriuit contre vne heresie, qui commençoit à pulluler, & ia regnoit merueilleusement en Italie, nommée Heresis Antropomorphitarum: qui affermoient Dieu auoir forme corporelle, &c.

*Hilduinus euesque de Milan & Raherius euesque de Veronne.*

¶ Cestuy

# Le.iii.liure des antiquitez de la gaule belgicque,

*Raherius esleu euesque de Liege.*

¶ Cestuy Raherius pour raison de sa grande doctrine long temps apres, fut rappelle au royaume de Lorraine, par Bruno frere de Orho, qui estoit archeuesque de Colongne, & fut ordonne euesque du Liege apres Sarabertus. Et depuis en fut priue, à raison des liures d'inectiues, & mordacite, qu'il escriuoit contre les Liegeois.

*La mort de l'empereur Conrad & de son ordonnance donnee.*

¶ Or pour entendre les maux & persecutions que nostre euesque Barnoinus souffrit durant son temps, & semblablement son eglise de Verdun, fault noter & presupposer les regnes des roys & empereurs, & l'estat du royaume de Lorraine: Qui est que premierement l'an premier de l'euesche dudit Barnoinus, sçauoir l'an neuf cens vingt, Conradus roy & empereur en la Germanie mourut. Et combien que durant la vie il eut hay Henry de Saxonie, & eut poursuyui sa mort: dont guerres & dissensions durerent tousiours entre eux, comme a este dict cy dessus. Toutefois ledit Conradus à sa mort appella vn sien frere, nomme Ebrardus, & les princes du pays: & leur ordonna qu'incontinent apres sa mort les diademes & couronne imperiale, fussent portez audit Henry de Saxonie, disant que c'estoit celuy qui par ordonnance diuine deuoit estre roy & empereur de Germanie. A laquelle ordonnance ledit Ebrardus & tous les princes de Germanie obtempererent. Et fut par ce moyen ledit Henry paisiblement institue roy & empereur de la Germanie. Et par tant paix & appointement fut fait entre les Germains & Saxons.

*Henry anceps roy & empereur de la Germanie.*

*Rebellion de Robert d'Acquitaine, contre Charles le simple.*

¶ Durant ce mesme temps, enuiron l'an neuf cens vingt deux (comme dict Sigebert) Robert duc d'Acquitaine & frere du defunct Eude, comte de Paris, qui auoit este couronné roy de France, durant la minorite de Charles le simple, s'esleua contre ledit Charles, esmeut & sollicita la plus grande partie des princes dudit royaume de France à tenir son party. Et feirent grosse armee, deliberez de combattre contre ledit Charles, & auoir le gouuernement dudit royaume, comme son frere Eude auoit eu.

*Les Princes de France occupants des benefices.*

¶ Eginaldus en son histoire apres Annonius au cinquieme liure, chapitre quarante-vnieme & quarantedeuxieme, dict que la cause de la rebellion d'iceluy Robert, furent les grandes & opulentes richesses qu'il auoit, prouenans des Abbayes & benefices qu'il tenoit, comme pour lors faisoient les Princes du royaume de France, qui occupoyent les benefices & abbayes, & prenoyent les noms d'Abbez, receuans les rentes & reuenuz d'icelles, & mettoyent aucuns doyens ou receueurs qui gouuernoient les moyens & religieux à leur plaisir, comme a este cy dessus dict. Suyuant laquelle coutume ledit Robert duc, auoit occupé l'abbaye de saint Germain des prez, & se nommoit Abbé d'icelle abbaye, non point pour zele de deuotion, ne desir de l'augmentation du seruice diuin: Mais de cupidite d'auoir & faire son profit des rentes d'icelle abbaye. Et oultre auoit par auarice & importunité impetree du roy Charles le simple que les Abbayes de sainte croix & saint Ouyn, aliàs dict Audoenus (en laquelle iadis saint Liefort auoit este Abbé) fussent annexées & adioustées par droit royal à la dicte abbaye de saint Germain des prez, à fin que d'icelle ainsi vniues il feist son profit plus grand, prenant sa couleur, pour ce que le corps dudit saint Liefort estoit inhumé en ladicte abbaye de saint Germain des prez.

*Auarice de Robert d'Acquitaine.*

*Entreprise de Robert pour regner en France.*

¶ Et par ce moyen ledit Robert se sentant fort riche, print occasion de rebeller: Tellement qu'environ deux ans apres la mort de son frere Eude, pour l'ayde de sesditz allies, se feit couronner roy, par aucuns euesques, ses adherens: Et demandoit partie du royaume & regner, comme sondit frere Eude auoit fait. Entre lesquels allies estoit Hebert comte de Vermandois, homme trahistre & mauuais, qui luy fauorisoit pour ce que ledit Robert auoit espouse sa seur: En laquelle il auoit engendré Hue le grand, qui apres fut comte de Paris, & espousa Argonde, fille de l'empereur Henry premier: en laquelle il engendra Hue Capet, qui depuis fut roy de France.

¶ Or

# depuis Charlemagne iusques à Hue capet. F. clxxx.

¶ Or iceluy Robert pour mettre à fin son entreprinse, veint avec son armée & ses aliez au pays de Soissons. Dequoy aduertiy Charles le simple, voyant que la plus grande partie des Princes de France tenoient les parties de son ennemy, se retira au royaume de Lorraine, & fit vne grosse armée de Lorrains. Et avec ce enuoya, vers Henry roy & empereur de Germanie, pour auoir secours. Ce que ledict Henry fit volūtiers & y veint en personne. Et assemblerent leurs armées pres de Soissons, ou il fut tellement combattu, que par le moyen desdicts Lorrains (cōme dict Sigebert) le roy Charles obtint victoire, & fut Robert tué en la bataille. Et ledict Charles le simple restitué en son royaume de France. Qui pour la recognoissance du plaisir & bien que Henry empereur luy auoit fait, luy bailla par signe d'amour & cōfederation perpetuelle, la main du precieux martyr sainct Denys de France, enchassée & garnie d'or & pierres precieuses. Henry accepta le don, mais il fit remonstrance audict Charles le simple qu'à luy appartenoit la moitié du royaume de Lorraine, par les partages & accordz que Charles le chauue auoit faitz avec les roys de la Germanie: ensemble par le don que les deux filz bastardz du Begue auoient faitz à Loys troysieme, luyuāt lequel & par long temps les roys de Germanie ses predecesseurs, auoyent paisiblement iouy dudiect pays de Lorraine, iusques à l'empereur Cōradus son predecesseur: Lequel auoit esté malicieusement & contre equité spolié par ledict Charles le simple. A raison dequoy demandoit instamment ledict Henry, que pour le moins ladicte portion du royaume luy fut restituée: & que par ce moyen ilz demoureroyent perpetuellement confederez ensemble. A ceste petition & remonstrance obtempera ledict Charles le simple, & fit alliance avec luy, remettant en ses mains ladicte portion du royaume de Lorraine: A sçauoir depuis la riuere de Meuse iusques au Rhin. Et (comme dict Naclerus en la trentevnieme generation) cest appoinctement fūt iadis fait en la ville de Brune en Altois l'an neuf cens vingt quatre. Par lequel ledict Henry obtint le pays, ou de present est la duché de Lorraine & Bourgongne, & Arles, qu'il adiousta à l'empire de Germanie.

*La bataille pres Soissons, contre Robert & Charles le simple, avec les Lorrains.*

*Robert tué en la bataille & Charles restitué par les Lorrains.*

*La portion du royaume de Lorraine restitué par Charles le simple à Henry empereur*

¶ Et à fin que leur appoinctement fut stable & confirmé, manda les princes & euesques du pays, qui feirent serment de fidelité es mains dudiect Henry. A ce mandement ne voulut obeyr Gifilbertus duc & seigneur en iceluy pays de Lorraine restitué: Car entre tous les princes dudiect royaume de Lorraine il estoit le plus grand & principal gouuernant d'iceluy, soubz le roy Charles le simple. Et fut merueilleusement indigné & courroucé de ceste donation. Aussi fut Barnoinus euesque de Verdun, qui estoit des principaulx confederez, avec ledict Gifilbertus. Toutefois il dissimula, & fit le serment avec les autres euesques, dont bien luy en print par apres, pour les resistances que fit ledict empereur Henry aux grandes persecutions & tyrannies, que feirent les Hungres en son eglise & cité de Verdun.

*Le duc Gifilbert refusant faire serment de fidelité à l'empereur Henry.*

*L'euesque de Verdun, faisant serment de fidelité à Henry l'empereur.*

¶ A pres ceste victoire obtenue par ledict Charles le simple: Hebert comte de Vermandoys, delibera venger la mort de son beau frere Robert. Et à ce faire, enuiron l'an neuf cens vingt quatre: s'aduisa d'une trahison, & inuita Charles le simple, passant par ses pays, avec les princes de sa court, pour loger en son chasteau à Peronne. Qui veindrent la en bonne foy & sans mal penser: Lesquelz incontinent furent prins & mys en prison, mais bien tost apres il deliura lesdicts barons & cheualiers, par le moyen qu'ilz feirent serment que pour ce cas, contre luy iamais ne prendroient armes. Et demoura seul Charles le simple prisonnier, ou mourut audict Peronne, enuiron deux ans apres, en l'an neuf cens vingt six, en telle calamité & misere, comme vn martyr. Pendant lequel temps les Princes de France esleurent & coronnerent roy & pour gouuerneur du royaume Raoul, filz du duc Richard de Bourgongne, que ledict Charles le simple auoit leué sur les fons de baptesme: & disent aucuns que ledict Charles, estant prisonnier, donna à ce son consentement.

*La mort de Charles le simple en prison.*

*Raoul de Bourgogne coronné roy de France.*

¶ Or

# Le iij. liure des antiquitez de la gaule belgicque

¶ Or auoit iceluy Charles le simple (de sa femme nommé Ogyne fille du roy d'Angleterre) vn ieune filz, nommé Loys quatrieme. Laquelle voyant que les François auoient fait ledict Raoul roy, se retira secretement avec son filz Loys en Angleterre, ou pour lors regnoit son oncle Adelstam, frere de son pere, qui estoit trespasé.

*Les Hungres descendirent au roy aume de Lorraine*

¶ Durans icelles diuisions en France, les Hungres (qui auoyent tout gasté & pillé en Italie) par l'induction des roys d'Italie (qui vouloyent empescher que ledict Henry empereur de Germanie ne veint en ladicte Italie, pour occuper l'empire) descendirent en la Franconie au pays d'Aulsay: & finalement en Lorraine, ou ilz pillerent, bruslerent, & destruisirent tout ce qu'ilz trouuoient. Ilz furent à Verdun, ou ilz feirent maux innumerables. Et fut contrainct l'euesque Barnoinus & tout son clergé laisser leur eglise & cité inhabitée, & s'en foyr là ou chascun se pouuoit mieux sauuer. Et apres que lesdictz Hungres eurent pillé, & bruslé tout ce qu'ilz trouuerent, ilz tuerent tout le reste des hommes, ou les menerent prisonniers. Et comme dist Laurentius Leodienfis en son histoire, ilz furent iusques à l'Abbaye de Beaulieu, qui est fondée au diocèse dudit Verdun, en l'honneur de saint Maurice, de laquelle miraculeusement furent reboutez par les merites de saint Basol, qui auoit esté premier Abbé dudit monastere, bien par l'espace de quarante ans, durans les persecutions d'Atille, & duquel le corps gist audit monastere.

*La tyrannie des Hungres, à la cité & aux eglises de Verdun.*

¶ Or lesdictz Hungres exercerent si grandes insolences & tyrannies, que les pauvres laboreurs des champs, laissoient & habandonnoyent leurs maisons & labourage: en sorte que les terres, pour ceste année ne furent labourées, ny cultiuées, dont veint par tout le pays si grande cherté de blez, que le rez mesuré de Verdun, valloit en aucuns lieux plus de quarante liures tournoises.

*Famine par toute la Gaule.*

¶ Henry empereur voyant telles calamitez & miseres, & desirant y prouoir & trouuer gens pour y resister, fait crier & publier, qu'à tous malfaitteurs, larrons, meurtriers, gens banniz des pays, puyssans à porter armes, il donnoit pardon & remission, pourueu qu'ilz viendroyent à son seruice: & qu'ilz leur fourniroit armures & argent, pour resister à ses ennemys. Item entre les laboureurs des champs il meit tel ordre, qu'il establit aucuns, pour aller en guerre, les autres pour cultiuier les terres, les autres pour habiter & garder les citez, & faire prouisions de tout, ce qui estoit necessaire, pour les gens d'armes & pour iceulx qui seroyent, avec luy, en sorte qu'il feist vne grosse armée, & delibera combattre contre lesdictz Hungres, qui estoient desia entrezbié auant en la Germanie. Et se rencontrerent les deux armées, pres de la cité de Merseburch. Et à lors ledict Henry fait veu à Dieu, s'il obtenoit victoire, il extirperoit totalement de son pays le peché de Simonie, qui pour lors regnoit merueilleusement.

*L'edict de l'empereur Henry, pour resister aux Hungres, & trouuer gens.*

Et apres son veu il se prosterna deuant sa lance, qu'il faisoit porter en bataille: en laquelle estoit attaché, par oeuvres riches & sumptueuses le clou de Iesuchrist, laquelle Constantin le grand faisoit porter deuant luy. Et l'auoit recouuert ledict Henry, par prieres, dons, & menace, de Radulphus duc de Bourgogne. Et apres son oraison faite, il donna courage & anima ses gens, & leur ordonna que quand il entretroyent en bataille ilz criassent à haulte voix, *Kyrie eleyson, Kyrie eleyson*. Ce qu'ilz feirent. Et les Hungres au contraire crioient, *Huy, Huy*. Et tellement batailla ledict Henry, avec ses gens que lesdictz Hungres furent mis en fuyte, & iusques à quarante mille hommes des leurs tuez & occiz. Dequoy il rendit graces à Dieu. Et ordonna, que le tribut que les Germains auoyent accoustumé payer ausdictz Hungres, par appointement fait au parauant, fut desormais distribué aux eglises ruynées & aux pauvres. A raison dequoy fut iceluy Henry d'un chascun appelé, *Pater Patriæ*.

*L'oraison & le veu de l'empereur Henry, voulant combattre aux Hungres.*

*Victoire de l'empereur Henry premier, contre les Hungres.*

¶ Durant les empeschemens que ledict Henry auoit, aucuns Princes de Lorraine, aduertis de la mort de Charles en prison commencerent à mutiner, & secretemēt rebeler contre ledict Henry empereur, desirans eulx soustraire de son obeissance: entre lequelz le principal estoit Gisilbertus, qui pretendoit regner & dominer en Lorraine. De ces monopoles & entreprinsees sectettes, fut aduertis vn noble homme dudit pays de Lorraine, appelé en son propre nom Romain, lequel tenoit les parties dudit Henry empereur, & luy pensant faire chose agreable, faingnit & di simula estre malade.

*L'empereur Henry appelé pater patriæ. Rebellion du duc Gisilbert, contre l'empereur Henry.*

Et soubz



# depuis Charlemagne iusques à Hue Capet. F. clxxxii.

Et soubz ceste couleur, comme voulant disposer de son cas, pria le duc Gifilbert venir en sa maison. Ce qu'il feir: Mais incontinent fut prins & apprehendé par l'ordonnance dudit Romain, & enuoyé à l'Empereur, Henry, luy mandant que s'il vouloit iouyr paisiblement dudit pays de Lorraine, il estoit necessité tuer ou detenir prisonnier à jamais ledict duc Gifilbert. L'empereur Henry qui estoit sage & vertueux, eut plusieurs parolles avec ledict Gifilbert. Et finalement apres auoir cogneu sa prudence, son autorité, & puissance, il le deliura de ses prisons, & luy bailla en mariage sa propre fille, nommée Gerberge, & le constitua son lieutenant general & gouverneur audict pays de Lorraine: à raison de ce est par plusieurs appellé duc de Lorraine, en administrant & gouvernant soubz ledict Henry Empereur. Combien qu'il tenoit tousiours en son cuer plus les parties des roys de France, que celles des empereurs de Germanie.

¶ Et durant son administration feir beaucoup de biens à Barnoinus, pour lors euefque de Verdun, qui estoit de ses anciens amys & familier. Et par son moyen & ayde ledict Barnoinus repara & r'edifia fort son eglise & cité dudit Verdun. Et repara les groz dommages que les Hungres y auoient faitz.

¶ En ce mesme temps, enuiron l'an de grace neuf cēs vingt huit, mourut Raoul, filz de Richard de Bourgogne, qui auoit esté coronné roy de France, apres l'emprisonnement & mort de Charles le simple. Combien que les autres histoires disent que ledict Raoul fut roy douze ans. Et partant selon icelles, vesquit iusques à l'an neuf cēs trente huit, en quoy y a erreur. Pourquoy nous suiurons icy l'histoire de sainct Denis, qui dict que ledict Raoul ne vesquit que deux ans, & mourut d'une maladie merueilleuse, c'est qu'il fut mangé des cyrons, & fut son corps inhumé en l'eglise de saincte Columbe de Sens.

¶ Apres la mort duquel Raoul, voyans les François (entre lesquelz estoit le principal Hugues le Grand, comte de Paris) qu'ilz n'auoient point de roy, enuoyerent l'euefque de Sens, nommé Guillaume, en Angleterre vers la royne Ogine, à fin de ramener son filz Loys, filz dudit Charles le simple, luy promettant le faire roy. A laquelle promesse ne fesoit bonnement fier ladiete royne Ogine. A raison dequoy son oncle Adelstan, roy d'Angleterre, manda à Guillaume, surnommé Longue espée, duc de Normandie, le priant qu'il voulsist ayder à restituer Loys son nepueu en son royaume paternel. A quoy tresuoluntiers s'accorda ledict Guillaume. Par l'ayde duquel, & ausi dudit Hugues le Grand, Comte de Paris, fut iceluy Loys dict le quatrieme, coronné roy de France, l'an neuf cēs vingt huit, selon nostre supputation.

¶ Or incidentement icy fault noter que le dessusdict Adelstā roy d'Angleterre, mourut l'année propre, & luy succeda son filz Emond, qui fut miserablement tué en son pays par vn Larron, à qui il auoit sauué la vie. Cestuy Emond eut vne fille, nommée Edich, qui fut mariée à Othon le grand, Empereur de Rome, & vn filz qui luy succeda, nommé Eldier, homme tresdocte & scauant en toute doctrine, qui composa & trāslata doctement plusieurs liures.

¶ Item fault icy noter, & puis que nous auons fait mention du duc de Normandie, que Guillaume, surnommé Longue espée, fut second duc de Normādie, filz de Rollo premier duc, qui print au baptesme le nom de Robert, duquel nous auons parlé cy deuant. Et fut iceluy Guillaume homme tresprudent, vaillant & vertueux, qui augmenta le seruice diuin par toutes les eglises de Normandie, & fut tué traistrement par arnoul Côte de Flandres. Apres la mort duquel on trouua en ses coffres & lieux secretz les habitz & accostremens de religion, en laquelle il auoit deliberé entrer, & laisser l'estat du monde. Il laissa vn filz nommé Richard, & surnommé aux Longues iambes, aliàs Sans paour. Cestuy eut vn autre filz, nommé encorés Richard: Et cestuy cy encorés vn tiers Richard, fut frere de Robert, qui conquesta Sicile, la Pouille, & Calabre. Et surmonta en bataille les Venitiens, & Alexandre Eempereur de Grece: Cestuy Robert engendra Guillaume le bastart, qui conquist Angleterre. Et par ainsi appert que dudit Rollo sont descenduz les ducz de Normandie, & les roys d'Angleterre.

*Gifilbert prins & apprehendé par la trahison de Romain & enuoyé à Henry l'Empereur.*

*La mort de Raoul roy de France.*

*La restitution de Loys. iiii. en son royaume de France.*

*De la mort Adelstan roy d'Angleterre auquel succeda Emond son filz & de ses enfans*

*De Guillaume Longue espée. ii. duc de Normandie.*

H ¶ Apres

# Le iij. liure des antiquitez de la gaule belgicque

*Hebert Comte de Vermandois, pendu de Lordonnan ce du roy de France.*

¶ Apres que ledict Loys quatrieme fut couronné roy de France, il meit toute diligence au commencement de son regne d'auoir l'amour de tous les princes de son royaume. Toutefois il n'auoit mis en oubly l'iniure que Hebert Comte de Vermandois, auoit faict à son pere. Parquoy vn iour que les princes estoient assemblez, à vn festin, que ledict roy faisoit en la cité de Laon, il feit prendre ledict Hebert, & le condemna à estre pendu & estranglé sur vne haulte montagne, laquelle encor ce iourd'huy s'appelle le mont Hebert.

*Le duc Gislebert. sollicitant Loys. iiii. retirer des germains la portio du royaume de Lorraine.*

¶ Naclerus escrit en son histoire que du retour du roy Loys quatrieme en France & de son couronnement fut fort ioyeux Gislebertus qui gouernoit le royaume de Lorraine soubz l'Empereur Henry. Car combien qu'il eut espousé Gerberge sa fille, toutefois il tenoit tousiours les parties des roys de France & auoit esperance remettre ledict Loys en la possession de tout le royaume de Lorraine: Et à ce souuēt le sollicitoit, mais ledict Loys differoit tousiours, pour les grâdes affaires qu'il eut au commencement de son regne, & aussi pource qu'environ l'an neuf cens trente quatre, Henry Empereur auoit marié son filz Otho (qui depuis fut Empereur) à la fille d'Emöd roy d'Angleterre, nommée Edich, cousine dudict Loys. Et partant il n'osoit rompre les alliances faittes entre iceux.

*Prodiges & signes merueilleux*

¶ En l'an neuf cés trente six en la Germanie & royaume de Lorraine apparurent plusieurs prodiges & choses aduenantes cõtre commune disposition naturelle: Car en plein iour le soleil fut obscurcy, & iectoit par les fenestres des maisons ses raidz, qui sembloient estre sang. Aussi en ladicte année vn hõme eut la main sinistre toute couppee, & la porta vn an durant en tel estar, toutefois au bout de l'an en son dormant sa main par ceure miraculeuse luy fut restituée, & demoura tant seulement vne cicatrice d'une ligne rouge comme sang, au lieu ou ladicte main auoit esté couppee.

*La mort de l'Empereur Henry premier du nom.*

L'année ensuiuant neuf cens trente sept, mourut l'Empereur Henry, hõme plain de gloire & vertüz. Il laissa de sa femme legitime Methildis, plusieurs enfans, dont les aucuns furent engendrez deuant qu'il fut roy de Germanie, à sçauoir Gerberge, qu'il donna en mariage à Gislebert, duc & gouuerneur de Lorraine, & laquelle depuis fut mariée à Loys quatrieme, roy de France, & Otho dict le Grand, surnommé les delices du monde. Et apres qu'il fut fait roy de Germanie, il eut de sadicte femme deux filz, l'un nommé Henry comme luy, & vn autre appellé Bruno, qui fut Archeuesque de Colongne. Il eut encores vne autre fille, nommée Argonde, & qu'il bailla en mariage à Hue le Grand, Comte de Paris, & fut mere de Hue Capet

*De Methilde femme dudict Henry & de la sainteté d'icelle.*

¶ De la femme dudict Empereur Methildis sont les historiens en diuersité. Car aucuns ont escript qu'elle estoit fille de Theodoric prince de Saxonie. Les autres escriuent qu'elle estoit fille de l'empereur Loys filz d'Arnulphus. Quoy qu'il en soit, elle demeura veufue apres luy, & vesquit longuement en humilité, piété, & sainteté de vie. Fonda plusieurs monasteres & hostelz Dieu, pour les pauures. Estoit trespatiente en aduersité, vigilante & cõtinuelle en oraison. Et tous les iours auoit dict le psaultier auant qu'il fut iour. Et ainsi perseuera iusques à la mort: Laquelle elle predit en esprit de prophetie. Et finalement rendit son ame à Dieu, reputée entre les saintes en Paradis.

*La mort de l'uefque Barnoinus.*

¶ Apres la mort de Henry, en l'an neuf cens trente neuf, mourut ledict Barnoinus uefque de Verdun, apres qu'il eut tenu le siege episcopal dix neuf ans, Et fut inhumé avec ses predecesseurs en l'eglise de saint Venne. Nous trouuõs es anciens chartulaires de nostre eglise, que les miseres & calamitez furent si grandes en nostredicte eglise de Verdun, en la cité, & par tout le diocese, durant l'uefque Dado, & du commencement de l'uefque Barnoinus, que toutes lettres, registres, chartres, tiltres, & instrumens des premieres fondations & priuileges apostolicques & donations imperiales, acquisitions de terres & seigneuries de nostre eglise furent routes perdues & brullées par incursiõs des gens barbares & guerres qui regnoient pour lors. A raison dequoy & à fin que les rentes & reuenuz dudict chapitre & college ne fussent totalement oblitérées, incogneues, & perdues de la memoire des hommes, ceulx dudict cha-

*Aduertissement pour l'intelligence des miseres de l'eglise de Verdun.*

# depuis Charlemagne iusques à Hue capet. F. clxxxii.

chapitre & clergé de Verdun aduiferent d'un commun conseil, & eleurent gens prudentz & bons personnages avec aucuns anciens laboureurs, pour rediger & mettre en vn registre autentique, qu'ilz appelloient Pulegium, toutes les rétes, reuenuz, terres, & seigneuries, qui demeurerent des appartenances dudit chapitre apres lesdictes miseres & calamitez, à fin qu'à iceluy on peut adiouster foy, comme aux lettres perdues & bruslées. Et fut ordonné à ce faire vn notable personnage, nommé Sarouardus, chancelier de ladicte eglise, avec le premier, doyen & archediacre d'icelle, comme appert par ledict registre de Pulegium à lors fait, que nous trouuons encores en forme ancienne & termes difficiles pour leurs antiquitez. Duquel Pulegium ie mettray icy l'epistre liminaire.

*Pulegium autrement Terrain des reuenuz & reuenuz de l'eglise de Verdun fait apres la mort de l'uefque de Verdun Barnoinus.*

## FRATRIBVS VIRDVNENSIS ECCLESIAE SUBCANONICA auctoritate in domo beate virginis Christo seruientibus salus continua.

Cum multe tribulationes temporibus nostris istud Verdunense pregrauarent episcopium, maxime tamen duo immanissimi casus (nostris prauis exigentibus meritis) à proprio deiecerunt statu. Quorum vnus accidit quando tempore venerabilis memorie Dadonis episcopi ignis exosus totam pene ciuitatem cōcremanit, & ecclesiam sancte Marie solo tenus prostrauit. Et prohi dolor, omnia ornamenta ecclesiastica, cum armario & apostolicorum priuilegiis & episcoporum decretis & chartarum rerum ecclesiasticarum instrumentis atque scriptis, vulgo Pulegiis nominatis flamma consumpsit. Ad cumulum vero tanti mali succedēte in eodem loco nepote domini Dadonis, venerabili episcopo Barnoino, primo eius ordinationis anno, crudelissima gens Hungarorum improvisa ipsum adiit episcopium, & incensis pene omnibus villis, homines extra oppida repertos aut neci dedit aut captiuitati destinauit. His grauibus duabus pressa calamitatibus, congregati simul eiusdem venerabiles & maiores natu canonici, scilicet Euenardus prepositus, Bertarius decanus, cum archidiacono Leufredo & Odilone, & cum paucis villanis, qui in fratrum villis de predicta vastatione remanserant. Ne institutio antiqua & redditus villarum atque census earum prorsus ignorando aboleretur, ad communem vilitatem presentium & futurorum solerti indagatione hoc pulegium super res canonicorum condere opere precium duxerunt Pulegium autem (vt mihi videtur) nil aliud significat aut latialiter sonat, quam publica lex vel popularis lex, siquis rectius hoc commentatus fuerit: Ego Sarouardus cancellarius iussis preceptorum meorum obtemperans, qui huic operi me prefecerunt, intellectui eius humiliter concedo.

*Barnoinus episcopus.  
Euenardus prepositus.  
Bertarius decanus  
Leufredus & Odilo Archidiaconi.  
Pulegium quid significet.  
Sarouardus cancellarius.*

### Les Papes qui ont tenu le siege durant l'Euêque Bar noinus.



**I**OANNES dixieme de ce nom, qui fut le cent vingtcinquieme Pape l'an de grace neuf cens seze, Romain de nation, filz (comme dict Platina) de Sergius pape, homme plus donné à l'art militaire, que discipline ecclesiasticque. Et combien que du commencement il fut vsurpateur en l'eglise: Toutefois en la fin il y profita. Car par son conseil les Sarrazins, qui pour lors dominoient en toute l'Italie, furent vaincuz pres la cité de Rome. Et depuis ledict Pape appella avec luy le Marquis Alberic, & poursuiuit lesdictz Sarrazins en sorte qu'en la Pouille furent tous vaincuz & defaictz. Et puis retournerent à Rome victorieux, receuz en tresgrande gloire & ioye d'un chascun. Toutefois bien tost apres y eut dissension entre eux deux, & fut Alberic expulsé de Rome. A raison dequoy par vengeance fait descēde les Húgres en Italie, qui feirēt plus de maux q̄ les Sarrazins. Parquoy les Romains irritiez trouuerēt maniere

*Ioannes. x. cxxv. pape.*

# Le.iii.liure des antiquitez de la gaule belgicque,

*Le Pape Iehan estrā glé en prison.* de tuer ledi& Marquis Alberic. Et ledi& Pape Iehan quelque temps apres fut prins par les gens du compte Guido, qui l'estranglerét en prison. Et par ainsi mourut apres qu'il eut tenu le siege treze ans deux moys.

¶ Apres la mort y eut vn autre Iehan, qui entreprint la Papauté : Mais incontinent il fut deiecté, & n'est nommé entre les Papes.

*Leo. vi. du nom. cxxvi. Pape.*

**Leo** sixieme de ce nom, Romain de nation, fut le cent vingt sixieme Pape l'an de grace neuf cens vingt neuf, esleu canonicquemēt, & qui vesquit honnestement & vertueusement, mettant peine & diligence reuocquer les citoyens de Rome avec le clergé en bonne paix & vnion. Toutefois il fut trop tost surprins de mort, à sçauoir le septieme moys quinziesme iour de son election, au grand regret de tout le peuple.

*Estiene huitieme cxxvii.*

**Stephanus** septieme du nom, fut le cent vingt septieme Pape, l'an de grace neuf cens trente, Romain de nation, homme tresbenin, religieux, & de toute vertu remply. Durant son temps (comme di& Platina) saint Vgibertus, extraict de noblesse de Lorraine, qui ediffia le monastere de Genblacense fut canonizé. Et les Bohemiens receurent la foy Chrestienne soubz leur prince, nommé pour lors Spiréneus, qui commencerent à se denōmer Loys. Ledi& Stephanus Pape mourut apres auoir tenu le siege deux ans vn moys douze iours.

*Ioannes. xi. cent vingt huitieme. Pape.*

**Ioannes** vnzieme du nom, fut le cent vingt huitieme Pape, l'an neuf cens trente trois, Romain de nation, & selon Platina, filz de Sergius Pape. De son temps sortit vne fontaine de sang à Gennes, qui dura long temps, & signifioit les calamitez que ladicte cité endura par apres: Car elle fut prinle des Sarrazins Aphricains, par lesquelz fut quasi toute destruite. Ledi& Pape mourut apres qu'il eut tenu le siege quatre ans dix moys.

*Leo. vii. cxxix. pape.*

**Leo** septieme du nō, natif de Rome, fut le cent vingt neuuiesme, en l'an de grace neuf cens trente sept, du temps que Hugues & Lothaire regnoyent en Italie. Et mourut apres qu'il eut tenu le siege trois ans six moys.

## ¶ Les Empereurs, qui furent du temps de Barnoinus euesque de Verdun.

*Henry premier octate troisieme Empereur.*



**HENRY** premier de ce nom, fut nommé Anceps, filz d'Otho prince de Saxonne, fut esleu roy & Empereur de la Germanie l'an de grace neuf cens yingt. Et ce par l'ordonnance que son predecesseur Conrad feit en sa mort. Et fut cestuy Henry le premier Empereur créé en la Germanie de la natiō de Saxonie, & hors de la ligne de Charlemagne.

*Henry refusant la courōne imperiale*

¶ Durant son Empire il n'eut iamais benediction Imperiale, non plus que ses predecesseurs Loys & Conrad, iacoit que le Pape l'eut aucunesfois appellé en Italie, & luy eut presenté la courōne Imperiale & diademé royal. Toutefois il respondit, il me suffit que moyennant la grace de Dieu ie suis roy, & que ie suis icy en ses pays pour defendre la foy Chrestienne contré les ennemys d'icelle. De ceste responce fut tout le monde esbahy, & remercièrent Dieu du bon vouloir qu'il auoit. Et le monstra par effect: Car il eut plusieurs victoirés par oeuvres miraculeuses, sçauoir contre les Esclauons & Danoys, qu'il rendit tributaires contre les Hungres, qui de son temps furent tous defaictz. Il conuertit à la foy Chrestienne les roys de Norues & Abrodiciens.

# depuis Charlemagne iusques à Hue capet. F.clxxxiii.

Il eut deux femmes. En premieres nopces il espousa Mathilde, ou Mahault, fille de Loys Empereur. Delaquelle il eut Guillaume duc de Brunsvuich, Berte femme de Ebles duc d'Aquitaine, Adelle femme de Vdo duc de Turinge. En secondes nopces il espousa Mathilde fille de Theodoric duc de Saxe. Delaquelle il eut Otho le grand Empereur, Henry qui espousa Luka fille d'Arnoul duc de Bauiere, Bruno Archeuesque de Colongne, Horuinge, aliàs Haygende, femme de Hugues le Grand Comte de Paris, Gerberge mariée en premieres nopces à Gifilbert Gouverneur de Lorraine, & en secondes nopces à Loys quatrieme, roy de France, Gertrude femme de Henry Comte Palatin, Adeline femme de Rodolphe duc de Zuuane, & Mathilde femme de Sigifride de Saxe. Cestuy Henry mourut avec toute gloire & honneur apres qu'il eut regné dixhuiét ans. & à luy succeda Otho, diét le grad, son filz, en l'an neuf cens trente huiét.

*Les enfãs de l'Empereur Henry.*

## Les roys de France regnans du temps de l'Euésque Barnoinus.



**C**HARLES le simple teint le royaume de France quelque temps pendant que Barnoinus estoit euésque de Verdun, cõme dessus à esté diét en l'euésque precedent, iusques à l'an neuf cens vingt six, qu'il mourut en prison.

*Vide supra.*

**R**AOUL filz de Richard duc de Bourgongne (lequel Charles le simple auoit leué des fons de baptesme) fut esleu pour gouverner le royaume du consentement dudiét roy par les François en l'an neuf cens vingt quatre, durant le temps que lediét Charles le simple estoit detenu prisonnier à Peronne par Hebert de Vermandois. Lequel fut depuis couronné roy en l'an neuf cens vingt six, apres la mort dudiét Charles le simple. Finalement lediét Raoul mourut, apres qu'il eut tenu le royaume deux ans, en l'an neuf cens vingt huiét, selon les histoires de saint Denys. Cõ bien que les autres disent qu'il regna douze ans. Ce que peult estre vray.

*Raoul de Bourgogne. xxxiii. roy de France.*

De cestuy Raoul les histoires de Germanie disent qu'auant qu'il fut roy de France il mena grosse armée en Italie par l'entortement de ceulx du pays, & de son comment eut vne victoire contre Berengier deuxieme, & le deicta, en sorte qu'il obtint le royaume d'Italie deux ans. Mais depuis finalement il en fut deicté, & retourna en son pays. Entre lesquelz historiographes est Eginaldus, qui afferme, que durant qu'il fut roy, il fut homme tresseuere en execution de rigueur de iustice & principalement contre les occupateurs des eglises.

*Raoul fut roy de l'Italie auant que de France.*

**L**OYS quatrieme de ce nom, filz de Charles le simple, fut trente quatrieme roy de France en l'an de grace neuf cens vingt huiét. Car apres que son diét pere Charles le simple fut emprisonné à Peronne par Hebert de Vermendoys, & que les François eurent crée Raoul de Bourgongne, la royne Ogine, aliàs Algine voyant les grandz troubles en France, s'en alla secretement en Angleterre vers le roy son oncle, & emmena avec elle Loys son filz.

*Loys. iiii. du nom. xxxiiii. roy de France.*

Or apres la mort de Charles le simple, & aussi celle de Raoul, qui regna seulement deux ans: Iceluy Loys fut rappellé par les François, & couronné roy de France, qui tost apres fait prendre Hebert, qui auoit enprisonné son pere. Il eut plusieurs guerres & diffensions avec les Normans, & fut par eux arresté à Rouen & depuis rendu es mains de hue le Grand, qui le teint quelque temps en prison à Laon. Mais pour le deliurer vint Otho l'Empereur de Germanie avec grãde armée en France, qui fut cause que lediét Hue deliura lediét roy Loys, qui mourut en l'an neuf cens cinquãte cinq. Et laissa deux filz legitimes de Gerberge seur dudiét Otho, à sçauoir Lothaire, qui fut roy apres luy: & Charles, qui fut duc de Lorraine, & vn bastard, nommé Arnoul, qui fut euésque de Reims. Il regna ving six ans, combien qu'aucuns escriuent qu'il regna dix sept ans seulement. Son corps est inhumé en l'eglise de saint Remy audiét Reims.

# Le.iii.liure des antiquitez de la gaule belgicque,

## ¶ Des Roys qui ont regné en Lorraine durant l'Euesque Bar noinus.

*Charles le simple  
restitua à Henry  
l'Empereur la por  
tion du royaume  
de Lorraine vers  
la Germanie.*



**C**HARLES le simple (duquel auons escript cy dessus soubz le tiltre des roys de France) teint lediēt royaume de Lorraine en totalitē enuiron trois ans, du temps de nostre euesque Barnoinus, à sçauoir iusques à ce qu'on bailla la moytiē à Henry l'empereur, apes le secours qu'il luy feit enuiron l'an neuf cens vingt trois. Et depuis ladiēt celsion lediēt Charles teint l'autre portion dudiēt royaume, à sçauoir depuis la riuiere de Meuse iusques à Lescaut, tant qu'il fut mis en prison par Hebert l'an neuf cens vingt six.

*Raoul roy de Lor  
raine en la portio  
vers France.*

**R**AOUL de Bourgongne, qui fut gouverneur dudiēt royaume de Lorraine, & depuis couronné roy, teint ladiēt portion dudiēt royaume de Lorraine iusques à sa mort, qui fut l'an neuf cens vingthuit.

*Loys. iiii. roy de  
Lorraine en la por  
tion vers la Fran  
ce.*

**L**OYS quatrieme du nom, filz dudiēt Charles le simple, estant roy de France teint ladiēt portion du royaume de Lorraine, sçauoir depuis Meuse iusque à Lescaut, tout le temps qu'il vesquit. Combien qu'il leua armée, & feit grosse poursuite par l'induction de Gislebertus, de recouirir l'autre portion de Lorraine contre l'Empereur Otho le Grand. Mais il ne peut, comme nous auons aucunement escript en cest euesque Barnoinus, & en l'euesque Berengarius plus amplement nous escriuons. Cestuy Loys mourut l'an neuf cens cinquante cinq.

## ¶ Diuision du royaume de Lorraine.

*Henry premier  
Empereur roy en  
la portion de Lor  
raine, vers la Ger  
manie.*



**H**ENRY premier du nom, surnommé Anceps, estant Empereur en la Germanie, recouura la portion dudiēt royaume de Lorraine de Charles le simple, à sçauoir depuis Meuse iusques au Rhin, enuiron l'an neuf cens vingt trois, en recompense de ce qu'il auoit aydé audiet Charles contre les princes de France, Robert frere de Eude, & autres, &c. Ec fut fait appointement (cōme diēt Nauclerus) en vne ville du pays d'Aulsay nommée Brunna. Dont le prince Gislebertus ne fut content, & empescha ce qu'il peut. Mais il fut prins par trahison, & mis entre les mains dudiēt Henry, qui appointa avec luy, & le constitua gouverneur dudiēt royaume soubz luy en la portion qu'il recouura du roy Charles le simple. Et luy bailla sa propre fille en mariage, soeur d'Otho le Grand. Et partant lediēt Henry empereur teint ladiēt portion de Lorraine iusques à sa mort, qui fut en l'an neuf cens trente huit.

# depuis Charlemagne iusques à Hue Capet. F. clxxxiiii.

## ¶ SENS VIVENT LES PRINCES DESCENDVS

De Clodion, qui ont regné & tenu le pays d'Ardenne,  
Mozelane, Buillon, & le pays ou de present  
est la duché de Lorraine, durant  
ledict euesque Bar-  
noinus.



**G**ISILBERTVS dessusdict, filz de Ragnerus (duquel auons escript en l'euesque precedent) regna du temps de nostre euesque Barnoinus. Et tenoit de son patrimoine toutes les terres & seigneuries, ou de present est la duché de Lorraine, & gouuernoit le royaume de ladicte Lorraine, soubz les orys d'iceluy.

*Vide supra.*

**Ricuinus**

filz dudit Ragnerus & frere dudit Gisilbert (duquel nous auons escript en l'euesque precedent) tenoit les seigneuries d'Ardenne, Mozelane, & autres, durant nostre euesque Barnoinus.

*Vide supra.*

## ¶ SENS VIVENT LES PRINCES DESCENDVS DE

Clodion, qui ont tenu la Comté de Haynau durant  
l'Euesque Barnoinus.



**R**E GNIER au Long col filz de Manassier, succeda à la Côte de Haynau & autres seigneuries, apres la mor de sondict pere, en l'an neuf cés quinze. Et suiuit tousiours l'alliance des roys de France Loys quatrieme & Lothaire son filz, contre les Empereurs de la Germanie. Aussi ses terres & seigneuries estoient situées au royaume de Lorraine entre la Meuse & Lescault. Cestuy (selon les histoires dudit Haynau) fut homme tresuaillant aux armes, signamment contre les infideles. Mais il estoit fort cruel à ses subiectz. Et si fut heureux en sa ieunesse, & malheureux en sa vieillesse: Enuirō l'an neuf cés cinquante cinq il entreprint guerre contre Conradus le Sage, gendre de l'Empereur Otho premier, auquel ledict Empereur auoit donné le gouuernement de Lorraine, apres la mort du ieune Henry filz de Gisilbert. Mais ledict Regnier fut vaincu & contrainct de s'en fuyr. Depuis en l'an neuf cés cinquante huiet il feit nouvelle entreprinse contre Bruno Archeuesque de Colōgne & frere dudit empereur Otho, qui l'auoit constitué gouuerneur & Archeueue soubz luy du pays de Lorraine apres ledict Conradus. Mais pour reprimer ladicte entreprinse Bruno assembla tant de gés qu'il obtint victoire, & ledict Regnier deffait, & toutes ses terres & seigneuries prises & confisquées par ledict Bruno. Lesquelles il bailla à deux princes dudit royaume de Lorraine, Garnerus & Raynoldus. Et par ainsi ledict Regnier fut desherité, & ses deux filz qu'il laissa, à sçauoir Regnier le ieune & Lambert qui depuis eurent grande peine à recouurer leur patrimoine, comme nous escrirons en l'euesque subsequent. Il eut vn autre filz nommé Ricarius, qui fut euesque du Liege, & mourut auant son pere, l'an vngt quatrieme de l'administration de son euesché, & l'an de grāte neuf cés quarante six.

*Regnier au long col Côte de Haynau.*

*Les entreprinse de regnier au long col contre Bonno gouuerneur de lorraine.*

*Les seigneuries de Regnier au long col confisquées.*

¶ Fin de la vie de l'euesque Barnoinus vingt deuxieme euesque de Verdun.

H iiii

¶ De

DE LA VIE DE BERENGARIUS trentetroysieme euesque de Verdun.



*Berengarius natif de Saxonie & du sang de l'Empereur Otho.*



BERENGARIUS trentetroysieme euesque de Verdun, fut esleu en l'an de grace neuf cens trête neuf, enuiron vn an apres que Otho le grand fut Empereur en la Germanie. Et estoit iceluy Berengarius Saxon de nation, extrait de d'ancienne noblesse, & parent prochain dudit Otho. Par le moyen duquel il obtint ledict euesché de Verdun. Car pour lors ledict Otho tenoit le royaume de Lorraine avec l'Empire, signamment la portion rendue à son pere Henry premier, en laquelle estoit située nostre cité de Verdun, comme à esté dict cy dessus.

¶ Or apres que ledict Berengarius fut institué euesque, il commença reformer l'estat ecclesiastique, reparer les ruines de son eglise, augmenter le seruice diuin, & viure saintement donnant bonne exemplarité au peuple & à son clergé.

*Gisilbertus plus affecté aux roys de Frâce que aux Empereurs.*

Neantmoins durant son commencement l'estat de la cité de Verdun & de tout le royaume de Lorraine fut en grand trouble & question. Car Loys quatrieme roy de France, auoit tousiours regret à la donation que son pere auoit faicte de ladicte portion de Lorraine, & si estoit fort sollicité de retirer icelle en ses mains par Gisilbertus gouverneur dudit pays. Car combien que ledict Gisilbertus eut espousé la sœur dudit Otho: Toutefois il estoit tousiours affecté, & tenoit les parties de Loys roy de France: & auoit regret que l'Empire estoit escheu à ceulx de Saxonie & que ceux du sang de Charlemagne (dont il se reputeoit) en estoient deboutez & priuez. Et pour ceste cause print alliance avec vn Comte Palatin nommé Ebrardus, lequel Otho auoit vn peu au parauant offensé: pource qu'il l'auoit reprins publiquement & argué rudement d'une iniure qu'il auoit faicte à vn autre noble de la court.

*Gisilbert & Ebrard allies ensemble assaillirent & prindrent par force Henry frere de l'Empereur Otho*

¶ Ces deux icy Gisilbert & Ebrardus avec l'intelligence qu'ilz auoient avec Loys quatrieme, roy de France, deliberent mener guerre contre ledict Otho, & luy nuire par tout ou ilz pourroient. Et du commencement veindrent assaillir Henry frere dudit Empereur Otho. Lequel ilz prindrent par force en vn sien Chasteau. Et depuis par adulations & vaines parolles le subornerent, & le tirerent en leur alliance, luy donnant à entendre qu'il deuoit demander l'Empire contre Otho, & qu'à luy appartenoit, combien qu'il fut le plus ieune, par ce qu'il auoit esté nay & engendré de son pere Henry, durant quil estoit roy & Empereur, & que ledict Otho son frere, combien qu'il fut plus aisné, auoit esté nay & engendré auant que son pere fut empereur. A quoy facilement ledict Henry accorda: & feit alliance avec eux contre son frere Otho. Et sur ceste querelle assamberent trois grosses armées, deliberez de combattre Otho. Qui de ce aduertie de son costé feit le semblable, & veint en vne partie de Lorraine pour attendre ses ennemys iusques en vn lieu nommé Capremont.

*Henry frere de Otho allié avec gisilbert & le Cote Eberard.*



# depuis Charlemagne iusques à Hue Capet. F. clxxxv.

¶ Or pendant que ces choses se faisoient, Loys roy de France, qui auoit intelligence avec les dessusdictz, veint d'un autre costé, & entra dedās la Lorraine iusques au pays d'Aulsay, & print alliance secrette avec l'euesque de Magunce nommé Federic, qui fainctement disoit tenir les parties dudiēt Empereur Otho. Et par ce moyen meit lediēt roy Loys garnifons & gens d'armes en plusieurs villes & chasteaux, signanment dedans vne ville du pays d'Aulsay nommée Brisaga, ou Brisagogia, qui estoit des appartenances dudiēt Ebrardus, & gastoit tout le pais circonuoisin.

*Loys roy de France entra par force iusques au pays d'Aulsay.*  
*Les deux armées sur le Rhin prestes donner bataille.*

¶ Euuiron vn an apres les deux armées, à sçauoir celle de Otho, & celle de ses aduersaires se veindrent rencontrer pour donner bataille sur le Rhin, en sorte que lediēt Otho & vne partie de son armée auoit passé lediēt Rhin du costé de ses ennemys, & l'autre partie estoit encores de l'autre costé du Rhin, & ne pouuoit facilement passer par ce qu'ilz n'auoient bateaux suffisans. Dequoy lediēt Otho fut fort esbahy & estonné, & mettant son esperance en Dieu descend de son cheual, & à deux genoux se prosterne en oraison deuant la lance, en laquelle estoient les sacrez cloux de la croix de Iesus Christ, qu'il souloit porter ordinairement deuant luy. Et commença à prier deuotement. Et durant ses prieres, miraculeusement les ennemys commencerent à fuyr, sans sçauoir pourquoy ilz s'en fuyrent. A lors les gēs dudiēt Otho les poursuuiurent, & fut blessé Henry frere dudiēt Otho d'une playe, de laquelle iamais il ne peut estre guaruy. Toutefois il eschappa, & se retira avec neuf hommes en vne sienne cité du pays de Soxonne, nommée Mersburg, en laquelle l'Empereur Otho le veint assieger: Mais par composition il eschappa, à condition de sortir de la Saxonie. Ce qu'il feit, & depuis se veint rendre en la Lorraine, pour trouuer ses alliez Gifilbertus & Ebrardus, qui de nouueau l'estoient assemblez, & auoient leué nouvelles armées pour aller contre lediēt Otho, qui tenoit assiegée ladiēt cité de Brisaga. Avec Otho estoit le dessusdict Frederic Archeuesque de Magunce, & ses gens faignans estre du costé dudiēt Otho: Mais quand lediēt Frederic fut aduertuy du secours qui venoit à ceulx de Brisaga, vne nuit luy & ses gens laisserent l'Empereur au champ, & s'en retournèrent. A quoy fut manifestement congneue sa trahison.

*Victoire miraculeuse de l'Empereur Otho & son frere Henry blessé*

*Henry deliuré par composition vint en Lorraine.*

*La trahison de l'euesque de Magunce descouuerte.*

*Responce magnanime de l'Empereur Otho.*

¶ Quand les gēs d'Otho veirent icelle trahison, & mesme q̄ Gifilbertus & Ebrardus venoient avec grosse armée au secours dudiēt chasteau, dirent & enhortèrent lediēt Otho soy retirer. Mais il respondit que nonferoit. Et que s'il deuoit mourir il aymeroit mieux mourir glorieusement pour la defense d'une iuste cause, que de viure ignominieusement & honteusement s'en fuyr.

*Victoire de l'Empereur Otho.*

¶ En ceste responce prindrent ses gens courage, & signanment deux nobles capitaines Vto & Conradus, qui fut nommé le Sage, frere d'Hermanus duc de Sueue, qui fidelement reindrent les parties dudiēt Empereur Otho. Et combien qu'ilz fussent en moindre nombre que les ennemys: Toutefois ilz donnerent la bataille, en sorte que leursdictz ennemys furent mis en fuiete, & Ebrardus l'un des capitaines tué. Gifilbert pensant se sauuer, en passant le Rhin fut noyé: Et par tant Otho obtaint victoire contre eulx & gaigna le chasteau de Brisaga. A raison dequoy le roy de France Loys quatrieme se retira hors des pays d'Aulsay.

*Gifilbert noyé en passant le Rhin & Ebrard tué.*

*Frederic de Magunce se retira vers Albert euesque de Metz.*

¶ Frideric Archeuesque de Magunce & Henry frere dudiēt Otho, qui auoient ensemble prins conclusion se trouuer à Metz, & mener grosse armée de leurs pays, pour eulx ioindre auidiēt Gifilbert & Ebrardus, & aller assaillir lediēt Otho auidiēt pays d'Aulsay, furent aduertiz de la victoire & de la mort desdictz Gifilbert & Ebrardus: parquoy furent du tout desesperéz. Frideric pensoit se retirer à Magunce: Mais les portes luy furent fermées & refusées par les habitans, de paour d'auoir la mate grace de l'Empereur: Et fut cōtrainct se retirer à Metz vers Albero, ou autrement Adelberto premier du nom, son cousin, euesque de ladiēt cité. Henry se retira vers sa focur veue de feu Gifilbert, pēsant estre en seurté aupres d'elle, & euter la fureur de Otho

*Gerberge veue de Gifilbert chassa de son pays son frere Henry.*

Empe-

# Le iij. liure des antiquitez de la gaule belgicque

Henry reconcilié  
à son frere Otho  
par le moyen de  
Berengarius euesque  
de Verdun.

Empereur son frere: Mais elle le chassa, & ne le voulut recevoir, disant & impropere-  
rant qu'il estoit cause de la mort de son mary, & aduersaire de son frere Otho, & par-  
tant ne vouloit que par luy le pays ou elle estoit, fut destruit. Et par ce fut contrainct  
venir au refuge vers Berengarius euesque de Verdun, qui estoit son parent, & bien-  
aymé de Otho, pour estre mediateur de se reconcilier avec sondict frere. Ce que fait  
Berengarius, & le mena en la presence dudit Otho, & luy fait crier mercy, & de-  
mander pardon & misericorde. Auquel respondit l'Empereur Otho: Ton Peché &  
offense est si grande, que ce ne merite point pardon ne misericorde: Mais pour l'hon-  
neur de Dieu & de cestuy qui prie pour toy, ie te pardonneray, & te rendray le bien  
pour le mal. Et à lors luy donna pardon, & ordonna demourer quelque temps à Ver-  
dun avec ledict Berengarius, en luy donnant & assignant pour son estat aucunes vil-  
les au pays de Lorraine.

Henry institué par  
son frere Otho duc  
de Bauere.

¶ Mais quelque temps apres par la mort de Bartholdus, qui mourut sans enfans mas-  
les, estant duc de Bauere: & a l'intercession & prieres de la bonne Mathilde leur me-  
re, luy bailla la duché de Bauere. Et depuis fut tousiours fidele à son frere: & print en  
mariage Iudich fille du defunct duc de Bauere. Delaquelle eut vn filz, qui fut pere  
de Henry deuxieme de ce nom, surnommé Claudus.

Resistâce de l'eues-  
que de Metz con-  
tre l'Empereur O-  
tho.

¶ Otho poursuiuit sa victoire, & de nouveau meit en ses mains & recouura la cité de  
Metz, en laquelle s'estoit retiré le dessusdict Fridericus de Magunce. En faueur du-  
quel Adelbero euesque de Metz, resista & teint bon longuement contre ledict Em-  
pereur. Toutefois quelque temps apres Adelbero de Metz mourut, & partant Fride-  
ricus fut cōtrainct sortir hors de ladicte cité, & pensant se retirer en son pays, fut prins  
par les gens de Otho, & mené prisonnier au pays de Saxonie, ou ne fut gueres que le-  
dict Empereur, qui estoit misericordieux, luy pardonna, & fut restitué en son eues-  
ché.

Frederic de Ma-  
gunce restitué en  
son euesché.

¶ Or pour entendre qui estoit cestuy Adelbero premier du nom, euesque de Metz,  
& pourquoy il sousteint & defendit ledict Fridericus de Magunce cōtre l'Empereur  
Otho: Nous trouuons que ledict Adelbero estoit filz de Otho filz de Richuinus, fre-  
re de Gifilbert dessusdict qui fut noyé. Ce que conferme Nauclerus en la trente deu-  
xieme generation, folio cent trente neuf, ou il diét: *Presfecit autem rex regioni Lothario-  
rum Othonem filium Ricuini, vt Henricum pnerum sororis & Gifilberti filium de regno pro-  
uideret*

Item ledict Adelbero estoit frere de Frederic duc de Mozelane, comme escript Sigi-  
bert soubz l'année neuf cens quarante quatre, disant.

¶ *Otho Imperator Lotharingiam sibi subiungant, resistente sibi solo Metensium episcopo Albe-  
rone, fratre ducis Frederici.*

Et combien, que pour lors ledict euesque Adelbero fait resistance audit Empereur  
Otho, comme estant allié du defunct Gifilbert Frere de son ayeul Ricuinus: Tout-  
fois à la verité si estoit il parent dudit Empereur Otho de par sa mere, & fut com-  
pere dudit Empereur comme appert par vne Chartre & lettres de confirmation, q  
fait ledict Empereur à saint Pierre aux Dames de Metz, commençant *In nomine  
sancte, &c. Otho diuina prouidente clementia rex Lothariensium, Francorum, atque Germanie-  
sum. Si locis diuino cultui &c. Et Ideo nouerit omnis sancte ecclesie conuentus &c. qua-  
liter compater noster Adelbero, egregius videlicet sancte Metensis ecclesie presul, vna cum  
germano suo Frederico duce adierunt nostram serenitatem &c.* Et sont icelles lettres dat-  
tées de l'an neuf cens soixante. Cestuy Adelbero premier fait r'edifier l'abbaye de  
Goze, & l'eglise de saint Arnoul à Metz.

Appoinctement  
faict entre Otho  
l'Empereur & Loys  
quatrieme roy de  
France.

¶ Apres la victoire dessusdict, enuiron l'an neuf cens quarante, Otho fait appoinct  
ment avec Loys quatrieme, roy de Frâce: Et luy bailla en mariage Gerberge la soeur  
vesue de feu Gifilbert gouverneur de Lorraine: Et si bailla le gouvernement dudit  
pays de Lorraine en garde à Otho, homme du pays, pour garder ledict gouvernement  
& les terres du patrimoine du petit Henry, filz dudit Gifilbert, & nepueu dudit  
Empereur iusques à tant qu'il fut en aage pour administrer ses biens.

Loys roy marié à  
la vesue de Gisle-  
bert.

# depuis Charlemagne iusques à Hue capet. F. clxxxvi.

¶ Lediēt Otho mourut l'an neuf cens quarāte six. Aufsi le diēt ieune Henry quelque tēps apres. A raison de quoy l'Empereur bailla le gouuernement de la Lorraine à son gendre nommé Conradus, surnōmé le sage, qui auoit espousé Lingarde, fille dudiēt Empereur, duquel nous escrirons cy apres.

*Les gouuerneurs de Lorraine apres Gifilbert.*

¶ Or pour entendre qui estoit Odo ou Otho, auquel l'Empereur bailla le gouuernement de Lorraine, & administrer les biens du ieune Henry, filz de Gifilbert: Certainement nous trouuons qu'il estoit duc de Mozelanne, filz de Ricuinus, & frere de Godefroy l'ancien d'Ardenne, & par tant cousin germain dudiēt ieune Henry: Et si auoit pour femme la fille du Comte de Babemburg, parent prochain dudiēt Empereur Otho, de laquelle il laissa plusieurs enfans: Entre lesquels laisné s'appelloit Adelbero premier du nom, qui fut euesque de Metz, comme dessus auons escript. Lequel mourut l'an neuf cens soixāte quatre, comme escript Sigibertus soubz ladiēt année. Et à luy succeda son parēt Theodoricus, nepueu de l'Empereur Otho. Lequel Theodoric de son temps fut fort aymé & familier d'iceluy Empereur, & suiuoit ordinairement sa court. Car il fut en Italie & à Rome avec le diēt Empereur. & rapporta innumérables relicques & corps saintz en son euesché, lesquels il distribua par tout le pays de Lorraine.

*Odo ou Otho, duc de mozelāne filz de Ricuinus, & nepueu de Gifilbert.*

*Theodoric euesque familier de Otho l'Empereur.*

¶ Nous lifons de cestuy euesque de Metz Theodoric, qu'vn iour estant à Rome, adueint qu'vn seruiteur familier de l'Empereur Otho, en sa presence deuint demoniacle criant brayant piteusement, qui par l'ordonnāce dudiēt Empereur fut mené au Pape Jean vnziesme, viuant pour lors, à fin de luy mettre la chaine de saint Pierre au col: Mais les seruiteurs dudiēt Pape par malice apporterent vne autre chaine adulterine, que celle dudiēt saint Pierre, parquoy le patient ne peut obtenir guerison. Finalement la vraye chaine dudiēt saint Pierre fut apportée, & mise au col du malade, qui fut incoutinent guery. Quoy voyant le bon euesque Theodoric meit la main dessus ladiēt chaine par zele de deuotion, & diēt hautement en la presence du Pape & Empereur, q̄ iamais ne la laisseroit, & que plustost on luy couperoit la main, qu'il n'en eut quelque portion. A raison de quoy par les prieres de l'Empereur le Pape luy donna vn des chaînons d'icelle, qu'il rapporta par grande reuerence en son eglise de Metz, à laquelle il fit groz biens.

*Le miracle de la chaine saint Pierre, dont portio fut rapportée à Metz.*

¶ L'autre filz de Odo ou Otho, appelé Frederic, fut frere dudiēt Adelbero, & suiuit l'estat de noblesse, & succeda à son pere en la duché & seigneurie de Mozelane. Et fut celuy qui enuiron l'an neuf cens cinquante feit edifier le chasteau de Bar, & pource nommé par aucuns premier comte de Bar. Et eut pour femme Beatrix, sœur de Hue Capet, de laquelle eut plusieurs enfans, comme nous dirons selon l'ordre du temps.

*Frederic frere de Adelbero fut duc de Mozelane.*

¶ Pour retourner en nostre matiere, Sigibert & les aures historiens apres luy disent qu'apres la mort des dessus diēt Gifilbertus & Ebrardus, veint vne grosse question pour leurs successions pardeuant Otho Empereur, entre les princes de son pays, a sçauoir si les enfans d'un pere mort deuoient succeder à leur pere, grand avec leurs oncles, en sorte que le diēt Otho pour decider la question, & en faire loix pour le temps à venir: meit la matiere en vn duel entre deux contendans à coups d'espées & cousteaux, par conditiō que la loy se meit en faueur de celuy qui obtiendrait victoire, laquelle aduint à celuy qui deffendoit pour les pupilles, qu'ilz deuoient succeder avec leurs oncles.

*Le differēt de la succession des freres avec leurs neupueu, decidé par vn diceile.*

¶ Pendant ces choses, Loys quatrieme, roy de France, estant occupé au pays de Lorraine aux affaires que dessus, en l'an neuf cens quarante huit, Guillaume surnommé Longue espée. ii. duc de normandie, filz de Rollo premier duc de Normandie, fut trehisteusement tué par Arnoul Comte de Flandres, pource qu'il l'auoit contraint restituer le chasteau de Montereul au Comte Heloyn, que le diēt Arnoul auoit contre equité & iustice occupé. Apres la mort duquel on trouua en ses cofres & lieux secrets les habitz & accoustremens de religieux & qu'il auoit préparé pour bien tost apres laisser le monde, & faire en icelle profersion.

*Guillaume Longue espée duc de Normandie tue par traison par Arnulphus Cōte de Flandres.*

¶ Cestuy

# Le.iii.liure des antiquitez de la gaule belgicque,

*Richard sans Paour duc de Normandie.* ¶ Cestuy laissa vn ieune filz Richard, surnommé aux longues iambes, & selon les autres Richard sans paour, qui succeda apres luy: Combien que le roy Loys apres son retour de Lorraine, par l'enhortement dudit Arnoul de Flandres meit toute diligēce de recourir le pays de Normandie, & prier ledict ieune filz Richard de la succession

*Le Roy Loys pris prisonnier par les Normans.* de son pere. Et pour ce faire assembla grosse armée, & veint iusques à Rouen, & eut plusieurs batailles & rencontres, ou il ne gaigna gueres. Car les Normans aydez des Danoys, qui veindrent au secours, feirent tellement, que finalement ilz prindrent ledict Loys & le reindrent prisonnier à Rouen.

*Gerberge royne poursuiuit la deliurance de son mary Loys.* ¶ A raison dequoy la royne Gerberge enuoya vers son frere Otho empereur, pour auoir secours, & retirer son mary de prison: Mais pour la premiere fois il fait refus, disant que c'estoit la faulte dudit roy Loys, qui auoit esté ingrat des biens & plaisirs, que le duc Guillaume luy auoit fait. Ouye ceste responce elle se retira vers Hue le

*Le roy Loys deliuré des Normans fut retenu prisonnier par Hue le grand.* Grand, luy promettant grādes choses, s'il pouoit retirer son mary. Qui fait telle diligēce, qu'en baillant aux normans en hofage vn des filz dudit Loys, nomme Carloman, qui y mourut quelque temps apres, il retira entre ses mains ledict roy Loys quatrieme. Et ce nonobstant il ne le deliura point; & le tenoit tousiours souz sa garde.

*L'empereur Otho pour la seconde fois veint en France deliurer ledict roy.* ¶ Ce voyant ladicte Gerberge renuoya de rechef son filz, le ieune Lothaire, vers son dict frere Otho Empereur, luy promettant la duché de Normandie, & renoncer à iamais au droit pretendu par eux à la portion du pays de Lorraine, s'il venoit deliurer le roy son mary. Quant l'Empereur ouit telles promesses il assembla grosse armée, & veint en France. Dequoy aduertiy Hue le Grand deliura le roy par crainte dudit Empereur & contre sa volonté: Car tost apres que ledict Empereur fut retourné en son pays, ledict Hue le Grand fit vn apoinctement avec le ieune duc de Normandie & assemblerent grosse armée, & coururent les terres du roy Loys en diuers lieux du royaume de France. Qui fut cause que ledict Otho retourna pour la seconde fois en France, ou il fit gros dommages, & veint avec ledict roy Loys iusques à Paris assaillir ledict Hue le Grand, qui se deffendit & ne rendit point la cité de Paris

A raison dequoy ledict empereur & roy s'en allerent en Normandie, ou ilz prindrent plusieurs villes & chasteaux, qui furent remis es mains de Loys, cōbien que les Normans se deffendirent vaillamment: Et y eut vn des nepueuz dudit Empereur tué, dont il fut merueilleusement marry.

*Appoinctement entre L'Empereur Otho & le Roy Loys & Hue Cōte de Paris.* ¶ Finalement (comme dict Sigebert en son histoire) Hue le Grand poursuiuit apoinctement avec ledict Empereur Otho, & se trouuerent au pays de Lorraine en vn lieu assigné entre eux sur la riuiere de Chaire qui passe pres Chauuency, Yuoy, & Verton. Et la fut l'appoinctement fermé entre eux à la volonté dudit Empereur.

*La mort du roy Loys.iii. qui laissa deux filz.* ¶ Or bien tost apres mourut Loys quatrieme roy de France, enuiron l'an neuf cens cinquāte cinq & laissa deux filz, Lothare qui fut roy apres luy, & Charles qui fut duc de Lorraine, comme sera dict cy apres.

*La mort de Hue le grand qui laissa trois filz & vne fille.* ¶ Semblablement enuiron trois ans apres mourut Hue Le Grand Comte de Paris, qui (selō le supplement des Cronicques d'Annonius) tenoit l'Abbaye de saint Germain des prez & autres Abbayes, cōme la coustume estoit entre les nobles d'icelluy tēps. Il laissa trois filz & deux filles, dōt le premier fut Hue surnommé Capet, qui depuis fut roy de France. Et ses autres deux filz Othon & Henry succederent l'un apres l'autre à la duché de Bourgongne. Et l'une des filles, nommée Anine ou Agnes, fut mariée audict Richard duc de Normandie, surnommé sans Paour, Et la deuxieme nommée Beatrix, fut mariée à Frederic duc de Mozelane, & parent de l'Empereur Otho premier. Et dict ledict supplement d'Annonius, que quand ledict Hue Capet veint à succeder à son pere Hue le grand à la Comté de Paris, il succeda aussi bien à l'Abbaye de saint Germain. Mais enuiron vn an apres il meit son courage à penser choses plus grandes, que d'occuper les Abbayes & biens de l'eglise. Et eut vn remors de conscience de veoir l'abbaye dudit saint Germain quasi reduicte à rien. Tellement que par disposition diuine il se demit & laissa ladicte Abbaye, & la bailla à vn saint homme, nommé Gualo, qui la refusa. Mais par les prieres de luy & du roy Lothaire,

*Hue capet ayant remors de conscience laissa l'Abbaye de saint Germain des prez.* filz

# depuis Charlemagne iusques à Hue Capet. P. clxxxvii.

filz de Loys quatrieme, qui pour lors viuoit, il en print la charge. Dequoy fut grande ioye & profit aux eglises & à tout l'estat Ecclesiastique. Car quelque temps apres, à scauoir du regne de Robert, filz d'iceluy Capet ceste coustume damnable entre les nobles fut totalement extirpée & abolie.

¶ Or supposé ce que dessus est dict des diuersitez des regnes: Et pour retourner à Berengarius euesque de Verdun, lequel de son institution premiere auoit vn zele merueilleux à son eglise de Verdun, à ce que le seruice diuin fut augmenté, & que les mœurs & vices des meschans fussent reformez, & que les bons eussent occasion en plus grande tranquillité de seruir Dieu. D'auantage il luy desplaisoit qu'en sondict euesché de Verdun n'y auoit aucunes religions soubz profession de regles monastiques: Et souuentefois aucuns chanoines de son eglise de nostre dame de Verdun, qui desiroient laisser la secularité & vie actiue, pour viure solitairement en contemplation, estoient contrainctz sortir hors de sondict euesché, & chercher ailleurs monasteres pour y prendre habit de religion. Et partant luy sembloit sondict euesché de Verdun & ladicte eglise estre fort endommagée de perdre & estre priuée de telz bons personnages, qui estoient la lumiere & donnoient exemplarité aux autres de bien viure. Oultre luy desplaisoit que l'ancienne eglise de saint Pierre, & saint Paul, en laquelle estoient inhumez tant de corps saintz & bons personnages, qui iournellement resplendissoient en miracles, estoit seruiue par chanoynes & clerics seculiers, viuans en liberté, & sans reigles d'obeyssance ny reformatiō. Combien qu'en plusieurs autres dioceses circunuoysins y auoit monasteres & gens en iceux, viuans soubz reigle d'obeyssance, & florissoient en toute saincteté. Parquoy se delibera de iecter d'icelle Eglise de S. Pierre & S. Paul les clerics qui y estoient. Et mettre en leur lieu & fonder religieus & gens viuans soubz l'ordre de saint Benoist, qui pour lors florissoit en grand bruit & renommée de sainte religion. Et pour venir au chef de son intention, à parfaire ce qu'il auoit deliberé, declara son vouloir à Otho Empereur, son parent, qui souuent passoit par Verdun, & le visitoit en traictant & accordant les differens tant au Royaume de Lorraine, que semblablement en la Gaule, pour les discordz qui estoient entre le roy Loys & les Princes du pays, cōme a esté cy dessus dict.

¶ Ledit empereur fut ioyeux de son bon vouloir, & luy accorda & promit donnet ayde & faueur pour ce faire. Le semblable feit Conradus, gendre de l'empereur, qui pour lors estoit gouuerneur du royaume de Lorraine.

¶ Apres qu'il eut l'authorité des dessusdicts environ l'an neuf cens cinquante deux, qui estoit la douzieme année de son pontificat, il conuoqua les chanoynes les confreres, & demanda leur consentement, pour autant qu'entre les biens qu'il vouloit donner du sien propre pour fonder le nouueau monastere, il vouloit encores donner aucunes rentes & fondations appartenantes à son eglise de Verdun & à ses successeurs euesques, mettant en fait & allegant que ce qu'il faisoit, estoit en faueur de ses confreres chanoynes d'icelle eglise, à fin qu'ilz n'eussent occasion sortir de la cité de Verdun, & chercher lieux estranges, s'ilz auoyent intention mener vie contemplatiue. Ensemble qu'ilz entendoit que ledict monastere ainsi fondé seroit membre de leur principale Eglise de Verdun. Aquoy ledict clergé facilement consentit. Car pour lors les prestres & gens de l'estat Ecclesiastique auoyent plus de zele & deuotion d'entrer en religion, & prendre l'estat de vie contemplatiue, qu'ilz n'ont eu depuis. Aussi le monde auoit plus de reuerence aux religieus, qu'aux autres prestres, à raison de la saincteté & austerité de leur vie, & bonnes exemplaritez qu'ilz donnoient au peuple.

¶ Ce fait ledict Berengarius, pour mettre bon fondement, & trouuer homme qui fut Abbé propre & cognoissant à donner & tenir forme de religion & reigle monastique, enuoya à Toul vers vn saint homme, nommé Hubertus, qui estoit religieus à saint Epure, natif & baptisé au diocese de Verdun, de son ieune aage florissant & endo

*Raisons parquoy  
L'euesque Berengarius fonda  
premierement  
religieux en l'Eglise  
de saint Venne:*

*L'empereur Otho  
frequentoit souuent  
la cité de Verdun*

*Berengier prent  
le consentement de  
chacun pour fonder  
les religieus  
de saint Venne.*

*Le monastere de  
S. Venne fondé en  
faueur des chanoines  
de Verdun.*

*Hubertus premier  
abbé de S. Venne.*

# Le.iii.liure des antiquitez de la gaule belgicque,

& endoctriné & chanoine en l'eglise dudit Verdun. Lequel esmeu par deuotion de mener vie contemplatiue, auoit laissé ladicte prebende, & auoit prins l'habit de religion audit saint Epure. Et tellement fait ledict Berengarius par ses prieres & bonnes exhortations, que ledict Hubertus print la charge d'estre premier Abbé en ladicte Eglise & monastere nouveau de S. Pierre, & S. Paul. Et de lors passa lettres & chartres de plusieurs donations de rentes & grandes iurisdiccions, qu'il assigna audit abbé & religieux. Lesquelles lettres & chartres de plusieurs donations sont encores de present en icelle eglise de S. Pierre, & S. Paul, dicte de present S. Venne. Et desquelles ie mettray icy aucunes clausules du contenu en icelles pour verifier ce que dessus a esté dict. Et signamment du temps de ladicte fondation, des causes d'icelle, des princes qui viuoient, d'Ocho Empereur, & Conradus gouverneur & duc en Lorraine. Semblablement se peult par icelles chartres prouuer que la comté de Bar estoit pour lors erigée. Aussi se prouuent les iurisdiccions, données auxdictz Abbez & religieux, tant en matieres criminelles que ciuilles, les tesmoings d'icelle donation. Entre lesquelles estoit Godefroy l'ancien comte de Verdun.

*Les articles faictes à nostre hystoire contenues aux lettres de la fondation de S. Venne.*

*Lettres de fondation du monastere de S. Venne.*

**NOVERINT OMNIVM CATHOLICORVM TAM**  
*presentium quam futurorum, &c. Quod ego Berengarius, sancte Virdunensis Ecclesie nomine non merito Episcopus, Anno mea ordinationis duodecimo, memor nostra Ecclesia & fratrum nostrorum quorum maxima pars dominica verba sepius sequebatur, dicentia: Vendite que possidetis, & date pauperibus, & habetis thesaurum in celo, fugientes terrena & amantes caelestia: nostra congregationis locum deserere, & monachicam vitam sumentes, caenobia extra nostram parochiam consueta tentabant adire: Ne postmodum nostra Ecclesia de proprio thesauro pateretur damnum, fauente seniore nostro gloriosissimo rege Othone ac Conrado Lotharij regni duce magnifico, congregatisque nostra Ecclesia fidelibus clericis & laicis, pari voto atque communi consilio decreuimus in nostro episcopio quoddam monasterium (Deo annuente) stabilire: in quo nostra Ecclesia fratres, actiuam vitam fugientes, contemplatiue vita solatium futuris temporibus valeret inuenire. Tunc communi consilio conuocauimus Dominum Hubertum religiosum abbatem, qui ab ipsis infantie rudimentis in nostra Ecclesia fuerat educatus, & prebenda nostre canonice perfruitus, nostri etiam episcopij baptisatus atque parochianus, donec infrascriptum aliorum fratrum sequutus exemplum, pro eterna retributione monachicam vitam sumpsit. Et communi cleri & plebis concordia, concessimus ei quoddam monasterium ad construendam congregationem monachorum in honore S. Petri & sanctorum confessorum Vitoni, Pulchronij, Possessoris, atque Firmini stabilitum, cum omnibus rebus ad eandem abbatiam pertinentibus. Aspiciunt ad id monasterium iuxta Scautiam Mense sex molendina, quatuor cum bauno ipsius villule, quod hactenus tenemus. Et pro Dei amore loco ex toto concessimus, iustitiamque latronum, qui in bannum inciderint, vel sanguinis qui effusus fuerit, &c. Placitum & cursum aque seu correptionem omnium mensurarum, exceptis alodijs, que homines tenent ad placitum generale respicientes, & vie publice transitum. &c*

*Hubertus primus abbas monasterij.*

*Patroni dicti monasterij.*

*Dos monasterij in rebus & iurisdictionibus.*

*Comitatus Barrensis tunc erectus.*

*Annus fondationis nongentesimo quinquagesimo secundo.*

*Berengarius fundator.*

*Testis Godefridus com. Virdun.*

¶ Sensuyuent dedans lesdictes lettres & chartres plusieurs autres donations particulièrement declarées. Entre lesquelles y a ceste,  
**I N Barrensi comitatu Mansa duo in villa villare nominata. &c.**  
 Et autres plusieurs amplement cōtenues esdictes lettres, & à la fin y a ce que s'ensuit:  
**V T. autem hec nostre authoritatis traditio firmitorem vigorem obtineat: nostrorum fidelium manibus presentialiter corroborari decreuimus, Anno incarnationis Domini nongentesimo quinquagesimo secundo, indictione decima concurrente, Hec charta confirmata atque descripta est, regnante Othone Imperatore Anno decimosexto, Episcopatus vero nostri anno duodecimo. Ego Berengarius presul indignus subscripsi, &c.**  
 ¶ Et plusieurs autres tesmoings soubscripiz esdictz chartres. Entre lesquelles y a celui de Godefridus, comte de Verdun.  
 Apres la fondation du creation dudit monastere, faicte par ledict Berengarius, il la fait confermer & ratifier par le Pape Iehan douzieme de ce nom, & obtint bulles & lettres apostolicques. Desquelles nous mettrons icy aucunes clausules contenues en icelles, pour verifier qu'iceluy monastere a esté faict & erigé en faueur des chanoines de l'egli

# depuis Charlemagne iusques à Hue capet. F. clxxxviii.

de l'Eglise cathedrale de Nostre dame: Et en partie des biens & reuenuz appartenans à icelle eglise cathedrale. Et partant ledict monastere est reputé membre d'icelle eglise cathedrale, & ausi que les sainctz euesques, à scauoir S. Venne, S. Pulchro-ne, Possessor, Firminus, soyent di&z euesques de l'eglise de Nostre Dame de Verdū, comme s'enfuit.

*IOHANNES SERVVS SERVORVM DEI BERENGA-  
rio fratri nostro Verdunensis Ecclesie episcopo cum omnibus sibi à Deo commissis, brauium ater  
nae remunerationis. Conuenit apostolico moderamini, &c.*

¶ *Itaque qui te frater charissime, inter cetera sancte conuersationis exercitia comperimus quod-  
dam monasterium in tuo episcopio iuxta ciuitatem Verduni, in Ecclesia uidelicet beati Petri, pro  
amore Dei construxisse. In qua requiescunt corpora sanctorum confessorum atque praesata eccle-  
siae sanctae Mariae quondam episcoporum, Viconi, Pulchronij, Possessoris, atque Firmini. Et de rebus  
tuae Ecclesiae prouida consideratione subleuasse: Vt si quando filij tuae Ecclesiae diuino compuncti  
amore, terrena despicientes ad contemplatiue vite perfectionem confugere desiderarent, ne à tua  
Ecclesia penitus dissociati uiderentur, in monasterio (quod membrum eiusdem Ecclesiae) solatij  
refugium sub habitu religionis sibi inuenerint, & Deo tranquillitate quietamibi famulentur.*

¶ *Noverrint omnium fidelium, &c.* Et à la fin desdictes bulles, Datum quinto Idus Ianua-  
rij, per manum Marini episcopi, sancte sedis Apostolice bibliothecarij, Anno pontificatus domi-  
ni Iohannis Summij Pontificis & vniuersalis duodecimi Pape, in mense & indictione xiiij.

¶ Semblablement ledict Berengarius feit ratifier ladicte fondation dudi&t monaste-  
re par l'Empereur Otho premier. Duquel il obtint lettres patentes, par lesquelles sem-  
blablement appert, que ledict monastere en partie a esté fondé des biens, rentes, &  
reuenuz de l'euesché de Verdun. Et du consentement de Conradus duc de Lorrain-  
ne. Et commencent lesdictes lettres.

*IN NOMINE SANCTAE ET INDIVIDVAE TRINI-  
tis, Otho Dei gratia rex Francorum & Italicorum. Si petitionibus seruorum Dei, &c. Et s'en-  
fuit apres vne clausule, Necnon & alias res, quas ad augmentandum eiusdem monasterij fun-  
damentum ex rebus sui episcopij delegauerat, &c. Item en vne autre clausule, Deditimus  
preterea ad augmentandum huius monasterij fundationem de rebus nostre Ecclesie, Ad flami-  
niacum piscatoriam totam, & alteram ad Tylliacū pertinentem, & decimā arietum qui no-  
stre ecclesie persoluantur. Ex Bracensi centena & decimam partem vini ex mansis ad nostram  
cameram pertinentibus, quod vinum foraticium vocamus. Nos denique iuste petitioni prelibati  
Berengarij Episcopi nostri fidelis fauentes, consultu fidelium nostri regni procerum, Conradi Io-  
tharij quidem ducis magnifici, necnon Roberti vel Ruthberti Trenerice sedis archiepiscopi, &  
Adelberonis Metensis Ecclesie Archimandrite, Goldicij vel Gouzlini Leucorum urbis antisti-  
tis, res prescriptas caenobio sancti Viconi cōcessas nostre auctoritatis precepto corroboramus. Et  
manu nostra & annulo, &c. Et puis s'enfuit à la fin.*

*S. Domini Othonis serenissimi regis H. Visfridus Cancellarius ad vicem Brunonis Archican-  
cellarij recogno i, Anno incarnationis Domini nostri Iesu Christi nongentesimo quinquagesimo  
secundo, indictione decima, Anno Domini Othonis, in Italia primo, in Francia decimo sexto, Da-  
ta duodecimo Calendae Februarij, Actum Papie, in Dei nomine. Amen.*

¶ Durant le temps que ledict Berengarius euesque de Verdun sollicitoit l'erection  
dudi&t monastere, aduindrent plusieurs murations tant à l'empire, qu'es royaumes de  
France & Lorraine. Car le dessusdict Otho empereur s'en allà en Italie, pour recou-  
urer & mettre entre ses mains l'empire d'Italie, que ses predecesseurs auoyent negli-  
gé. Et ce par l'exhortation du Pape Agapite & du peuple d'Italie qui le prioient al-  
ler audict lieu, pour les deliurer des tyrannies, que Berengier quatrieme & son filz  
Albertus faisoient tant à Rome, que par toute l'Italie.

¶ En ce mesme temps, enuiron l'an neuf cens cinquante cinq, apres la mort de Loys  
quatrieme, commença à regner Lothaire son filz, en France, qui de son commen-  
cement feit beaucoup de troubles en Normandie. Semblablement Conradus le  
Sage, gendre de l'Empereur ( duquel par succession sont descenduz les comtes

*Litere confirma-  
tionis dicti mona-  
sterij per Iohannē  
xii. Episcopum.*

*Monasterij Do-  
Viconi fundatum  
de rebus Ecclesie  
cathedralis Vir-  
dunensis.*

*Confirmation de  
dicti monastere  
par l'Empereur  
Otho premier.*

*Conradus duc en  
Lorraine.*

*L'empereur Otho  
en Ita i.*

*Lothaire dernier  
commença à re-  
gner en France.*

*Conradus duc &  
gouuerneur de  
Lorraine.*

# Le iij. liure des antiquitez de la gaule belgicque

*Victoire de Conrad gouverneur de Lorraine cõtre Raginerus l'õg col*

de Vaudemont, comme nous escrirons au liure subsequnt, estoit pour lors duc & gouverneur de Lorraine en l'absence de l'Empereur, estant en Italie, comme à esté dict) eut vne grosse bataille sur la riuere de Meuse, contre le comte de Mont en Hay nau, nommé Raginerus au grand col, à qui desplaisoit que ledict Conradus estrangier auoit le gouvernement dudit Royaume de Lorraine, qu'il estimoit estre vray heritage de ceux du sang de Charlemagne. Toutefois ledict Conradus eut victoire, & chassa ledict Raginerus hors du pays.

*Berengarius iij. et son filz Albert roy d'Italie furent vaincuz par l'empereur Otho.*

¶ Et apres ceste victoire ledict Conradus partit du pays de Lorraine, & s'en alla apres l'empereur Otho en Italie: Lequel auoit desia defaict l'armée de Berengier quatrieme, & d'Albertus son filz, qui vsurpoyent l'Empire en Italie. Et se faisoit nommer ledict Berengarius Auguste, & son filz Albertus Roy d'Italie. Car vn peu au parauãt ledict Berengarius & son filz auoyent eu victoire & chassé Lothaire filz de Hugo, soy disant roy d'Italie. Et luy auoyent donné pour toute recompense la cité de Pauc, pour faire residence avec sa femme Adelherda. En laquelle il mourut tantost apres. Quoy voyant ledict Berengarius, il retient la dicte femme vesue en prison fermée, dedans ladicte cité de Pauc, à fin qu'elle ne se mariait à quelque autre, qui à raison de son douaire pretendit droict au royaume d'Italie.

*L'empereur Otho deliura Adelherda de prison & la prit pour femme en secondes nopces.*

¶ Mais quand l'Empereur Otho eut chassé ledict Berengarius & son filz, il deliura de prison ladicte Adelherda vesue dudit Lothaire, & la print pour femme en secondes nopces, pource qu'elle estoit fille de Raoul, roy de Bourgogne, & sortie d'ancienne noblesse. Et depuis mit en garnison dedans la cité de Pauc ledict Conradus duc de Lorraine son gendre.

¶ Ce faict l'Empereur Otho retourna en Almagne avec sa nouvelle femme en grand triumphe. Et bien tost apres Conradus gouverneur de Pauc mena par assurance Berengarius & son filz Albertus en Almagne vers l'Empereur Otho. A qui ilz crierent mercy à ioinctes mains. Et se demirent à luy de tous droictz qu'ilz prenoyent en Italie, excepté de la Marche de Veronne, & Aquilee, que Otho leur laissa. Et par tant demoura l'Empereur paisible d'Italie.

*Bruno frere de l'empereur Otho fut Archeuesque de Cologne.*

¶ Enuiron ce mesme temps, l'an neuf cens cinquante troys, Vinfridus archeuesque de Cologne mourut, & en son lieu fut institué Bruno frere de l'Empereur Otho, homme de tresgrande perfection, doctrine, & vertu: & qui a faict innumerables biens à l'Eglise Chrestienne, & signamment à Cologne, ou il edifia le monastere de saint Panthaleon, & y transporta de Rome plusieurs corps saintz avec le baston de saint Pierre.

*Otho ij. déclaré successeur à l'Empire.*

¶ Otho empereur en ce mesme temps eut vn filz de sa seconde femme Adelherda, nommé Otho deuxieme, lequel il declara son heritier pour succeder à l'empire. Ce que fut cause que par enuie Luytolphus son filz de sa premiere femme Edith, fille du Roy d'Angleterre, Et ledict Conradus gouverneur de Lorraine, son gendre (qui auoit espoulé Lingarde sœur dudit Luytolphus) esmeurent guerre contre l'empereur leur pere, dont vindrent beaucoup de maux, miserres, meurtres, & occisions de plusieurs. Neanmoins ledict Luytolphus apres qu'il fut vaincu par deux foys tant à Magunce, qu'à Ratispone, vint teste & piedz nudz crier mercy à son pere; & obtint grace, iacoit qu'il mourut tost apres en Italie.

*Rebellion de Luytolphus & Conradus contre l'empereur Otho.*

*Conrad obstiné tira les Hungres contre son beau pere Otho.*

¶ Ledit duc Conradus, qui estoit homme vaillant & de grand cœur, obstiné en faict, se retira en Hongrie, & s'allia avec eux. Tellement que par son moyen vindrent les Hungres en tresgrand nombre, & entrerent dedans le pays de Lorraine, jusques à la forest, dicte la charbonniere. Mais par la vertu de Dieu & quasi par miracle quand ilz veindrent au monastere de Lobience, ne peurent oultre passer. De la reuõrnerent dedans le pays de Bauiere, auquel lieu l'Empereur Otho auoit assemblé vne armée bien grosse pour le resister. Et combien que lesdictz Hungres fussent en tresgrand nombre, & plus beaucoup que ceux de l'empereur: toutefois apres qu'il eut donné couraige à ses gens, & eu deuotement salué la lance portant le saint clou, par l'enhortement d'vn saint homme, nommé Vdabricus euesque d'Augusten: estant



# depuis Charlemagne iusques à Hue Capet. F. clxxxix.

Estant avec luy en la bataille, il donna contre ses ennemis, qui feirent grande resistance. Et en bataillant ledict Conradus gouverneur de Lorraine, qui estoit avec lesdictz Hungres, eut vn remort de conscience, & commença à se repentir, ayant grand regret d'auoir entrepris contre l'empereur. Tellement qu'estant au plus fort de la bataille, commença prier à Dieu deuotement donner victoire audict empereur. Et que luy mesme deuit mourir en icelle. Et ce faict, il se retourna du costé dudit Empereur, & commença à batailler contre lesdictz Hungres. En sorte qu'ilz se mirent en fuite, & d'iceux en mourut tant & si grand nombre, que de lors toute leur vertu fut abaissée, & n'eurent iamais puissance d'entreprendre contre les empereurs. Et mourut en icelle bataille ledict duc Conradus, ainsi qu'il l'auoit prié à Dieu, comme escript Nauclerus (combien que l'Abbé Urspergen. escript au contraire, disant que ledict Conradus fut tousiours fidele à l'empereur) furent en icelle bataille prins troys roys desdictz Hungres. Lesquelz Otho fait pendre au gibet.

*La responce de Conrad & la priere qu'il feut à dieu.*

*La mort dudit Conrad ainsi qu'il auoit prié à Dieu.*

¶ Et retourna Otho victorieux en grand triumphe. Et depuis donna ledict gouvernement de Lorraine à Bruno son frere, & le gouvernement du pays de la Germanie pourtant qu'il vouloit retourner pour la seconde fois en Italie: Car combien que ledict Bruno fut prestre & Archeuesque de Cologne: Toutefois il estoit de si grande prudence, & tant aymé d'un chascun, que ledict empereur luy donnoit puissance & autorité tant en l'eglise, qu'au temporel. Et comme dict Sigibertus en son hystoire, ledict Bruno estoit appellé archeueue de Lorraine.

*Bruno Archeueue que de Cologne, gouverneur & Archeduc de Lorraine.*

¶ Nous lisons qu'environ l'an neuf cens quarante, que Bruno gouvernoit Lorraine, le chasteau de Luxembourg fut erigé en comté en la personne de Sigifridus, alias Gilbertus. qui estoit filz de Ricuinus duc de Mozellane & d'Ardenne. Lequel auoit eu pour son partage apres la mort de sondict pere, vne seigneurie, nommée Gueric, aupres de laquelle estoit situé ledict chasteau de Luxembourg, que ledict Bruno luy donna par permutation avec l'Abbé de saint Maximin de Treues, & l'erigea en comté du consentement de Frederic cousin dudit Sigifridus, qui pretendoit droit en iceluy, & estoit duc de Mozellane, au Royaume de Lorraine, comme appert par lettres sur ce faictes, l'an neuf cens soixante troys. Cestuy Sigifridus fut premier comte dudit Luxembourg, & de luy sont sortiz les subsequens comtes de Luxembourg. Et fait edifier l'eglise de Nostre Dame dudit Luxembourg, & mourut environ l'an neuf cens septante. Et laissa vn filz nommé Gisilbertus, qui luy succeda en la comté dudit Luxembourg, comme nous escriuons selon l'ordre du temps.

*Sigifridus premier comte de Luxembourg.*

*Bruno comte de Luxembourg.*

¶ Neantmoins à fin que les lecteurs puissent mieux entendre l'origine de la comté de Luxembourg, ie mettray icy partie des lettres de l'acquisition dudit chasteau de Luxembourg, contenans ce que s'ensuit:

*IN NOMINE VNIGENITI DEI FILII, CERTVM  
sit omnibus populis in Christum credentibus tam presentibus quam futuris, clericis atque laicis,  
& Sigifridus comes de Guerram nobiliter natus, castellum (quod dicitur Luxemburgus) in  
proprietatem desiderans adipisci, perrexit ad dominum Brunonem archiepiscopum, fratrem vi-  
delicet imperatoris Othonis, qui tunc principatum totius regni post ipsum tenebat, atque suum ei  
manifestauit desiderium. Cuius scilicet episcopi accepto consilio & impetrata licentia ab eo, ve-  
nit ad abbatem Vuillemum & ad reliquos sancti Maximini monachos in quorum predio ibi-  
dem castellum fuerat positum, petens ut eis liceret cum suo allodio illud commutare. &c.*

Et puis sur la fin s'ensuit.

*Acta est namque hec mutatio siue etiam traditio publice in ciuitate Treuerensi in monasterio  
dicti patroni memorati in die palmarum decimo quinto Calendas Maij, cum consensu & col-  
laudatione Frederici ducis Lothariensium. Opus stud peractum est, Anno dominice incarnat-*

# Le.iii.liure des antiquitez de la gaule belgicque,

*tionis nongentesimo sexagesimo tertio, indictione sexta, regni Othonis regis tertio de patris sui Cesaris principatum tenentis secundo, &c.*

*Otho ij. coronné roy de Germanie*

¶ Ce fait l'Empereur Otho voyât la France quasi oppressée, s'en alla à Aix la chapelle. Et en son palais feit oindre & coronner roy de Franconie, & Germanie son filz Otho, qui n'auoit que sept ans. Et le bailla en gouuernemēt & soubz la garde dudiēt Bruno son frere, & partit pour s'en aller en Italie pour la seconde foys, à fin de la mettre paisible du tout. Apres le partement de l'empereur en Italie, qui fut enuiron l'an neuf cens cinquante huiēt, le dessusdict Raginerus au Long col comte de Haynau, desplaisant d'auoir esté vaincu au parauant & dechassé du pays de Lorraine, par feu

*Entreprinse de Raginerus au Long col contre Bruno gouuerneur de Lorraine.*

Conradus, esperant qu'il auroit meilleure fortune contre Bruno l'Archeuesque, & nouveau gouuerneur de ladiēt Lorraine, assembla de rechef grosse armée avec ses deux filz Raginerus le ieune, & Lambert: & entra audict pays de Lorraine, faisant iournellement courses & pilleries, signamment sur les terres & seigneuries, que feu le duc Gisilbert auoit assigné pour douaire à sa femme Gerberge, sœur de l'Empereur & vefue de feu Loys quatrieme, roy de France. Dequoy aduertty Bruno ordonna aux capitaines, qui estoient commis pour garder les pays en l'absence de l'Empereur, aller assaillir ledict Raginerus dedans ses pays, & iusques aupres de Valenciennes, ou ilz combatirent en telle sorte que tous les gens de Raginerus furent defaictz & se sauuerent à fuyr, luy & ses deux filz. Et ce fait Bruno le feit bannir hors des pays, & declara tous ses biens confisquezz. Et bailla la comté de Mont en Haynan, & les autres seigneuries dudiēt Raginerus à deux princes du pays, à sçauoir Garnerus & Raymoldus.

*Victoire de Bruno contre Raginerus au Long col, & tous ses biens confisquezz.*

¶ Quoy voyant les deux filz du vieil Raginerus à sçauoir Raginerus le ieune & Lambertus son frere, se retirerent à Lothaire roy de France, qui les receut benignement, car ilz estoient du sang Royal, & auoit encores esperance ledict Lothaire par leur moyen recouurer le pays de Lorraine.

*Les enfans de Raginerus se retirerent au Roy Lothaire.*

¶ Apres la victoire dessusdict Bruno retourna en Almagne, & passa par Verdun, visitant son bon parent Berengarius, fort ancien, euesque dudiēt Verdun, auquel lieu il demoura par quelque temps avec luy.

¶ Pendant lequel temps aduint qu'une bonne sainte Dame, & vertueuse femme, nommée Eugenia, citoyenne & habitante dudiēt Verdun: laquelle iournellement frequentoit & visitoit par grande deuotion l'eglise de S. Venne, continuellement faisant ses deuotes oraisons à Dieu & aux saintz, desquelz les corps gissoient en icelle eglise. Si aduint vn iour elle estant en contemplation, luy apparut vne vision par reuelation diuine, & luy sembloit qu'elle estoit en ladiēt eglise de saint Venne, & veoit vn lieu qui rendoit grande lumiere, & ouyt vne voix disant. Icy est le corps de saint Fremy, euesque & protecteur de la cité de Verdun. De ce fut estonnée, & n'osoit à personne reueler ladiēt vision. Combien que par troys foys & en diuers temps la vision luy fut appareue. Finalement par le conseil de son confesseur veint à l'Euesque Berengarius, & luy declara lesdictes visions. Dequoy il fut ioyeux, & en aduertit ledict Bruno, qui pour lors estoit audict Verdun. Et eux deux ensemble se deliberent aller au lieu, ou ladiēt bonne femme les mena en ladiēt eglise. Et apres qu'ilz eurent ordonnez aux religieux ieunes & oraisons, ilz feirent ouuerture en la terre, & trouuerent ledict corps saint, redant si grand odeur & suauité, que sembloit estre vn paradis. Et avec grande reuerence fut releué de terre, & mis sur le maistre hautel de ladiēt Eglise, ou ledict iour furent plusieurs beaux miracles faitz: Dont ledict Euesque, tout le clergé, & le commun peuple rendirent graces à Dieu.

*La reuelation faite à Eugenia du corps S. Fremy iadis euesque de Verdun.*

¶ Et ce

# depuis Charlemagne iusques à Hue Capet. F.clxxx.

Et ce fait Humbertus premier abbé dudit monastere de saint Venne, obtint par ses prieres & par le moyen dudit Bruno, qu'il luy fut permis transporter ledict corps saint en vne nouvelle eglise qu'il auoit fait eriger au lieu de Flaigny, membre dependant de l'abbaye de saint Venne, & qui souloit estre vn fisque royal, que le dict Berengarius auoit obtenu de Ocho l'empereur & doné à ladicte abbaye de saint Venne, à fin que les vertuz & merites dudit saint Fremy, fussent augmentées & publiées en plusieurs & diuers lieux. Bertharius l'historien en son collectaire qu'il fait des euesques de Verdun, dict qu'en l'an neuf cens soixante, vn iour que ledict euesque Berengarius venoit dudit monastere de saint Vene, entra en son eglise Nostre Dame à Verdun, rencontra par ou il passoit, vn clerc seruiteur de l'eglise, prosterné à deux genoux en terre, & priant la Vierge Marie. Et pour ce qu'il ne se leuidit assez tost du chemin, l'euesque possible par despit, ou irrité d'autre chose, le frappa de son pied rudement, en l'arguant & commandât fierement se leuer. Ce qu'il fit incontinent humblement & patiemment portant ce que l'euesque luy auoit fait. Mais la nuyt suyuant Berengarius estant en son liét, non dormant luy apparut la Vierge Marie, disant à S. Teclé, estant avec elle, frappe le pied de cest euesque, qui a fait iniure à mon clerc & seruiteur. Et ce fait ledict Berengarius incontinent sentit vne douleur merueilleuse, & deuint son pied aride & tout sec. A raison dequoy il cria mercy à Dieu, & à la Vierge Marie, & se repêtit de son peché, fait veu de prendre l'habit, & entrer en religion au monastere de saint Venne. Et pour disposer son cas, & accomplir son veu, bailla le village de Belleuille, qui estoit de son patrimoine, à ses confreres chanoines de son eglise de Nostre Dame. Et bien tost apres en ceste mesme année neuf cens soixante, il rendit son esprit à Dieu. Et fut inhumé son corps en l'eglise de saint Venue, ou il vouloit prendre ledict habit de religion, dedans le cueur, en la partie fenestre. Sur lequel depuis & long temps apres fut mis & apposé vn autel par maniere de sepulchre.

*Le corps S. Fremy transporté à Flaigny membre dependant de S. Venne*

*L'apparition de la Vierge Marie à S. Teclé à l'euesque Berengarius.*

*Le veu de Berengarius d'entrer en religion. Belleuille donnée à l'eglise de Verdun.*

*La mort de l'euesque Berengarius.*

## Des Papes qui ont regné durant l'Euesque Berengarius.

**S**T E P H A N V S huitieme de ce nom, natif de Germanie, cent trentieme Pape l'an de grace neuf cens quarante, eut tant de persecution en son temps, que par la faction d'aucuns Romains fut blessé & mutilé en son corps. Tellement que pour les playes qu'il auoit au visage, il n'osoit se monstrier publiquement. Hugo qui tenoit pour lors l'Italie, auoit deliberé venger les iniures: mais il mourut incontinent. Et son filz Lotharius qui vint apres, n'en teint compte. Et partant mourut cestuy Estienne, apres qu'il eut tenu le siege troys ans quatre moys dix iours.

*Estienne viij. cxxx. Pape.*

**Martinus** troysieme (aliàs Marinus) Romain, cent trentevnieme Pape, l'an neuf cens quarante troys, fut homme doux & amiable, esleu en temps de guerres & dissensions. Mais il mit toute sa cure & sollicitude à augmenter & reformer la chose publique chrestienne, reparer les eglises, & faire oeures de misericorde, induire les princes d'Italie & de Constantinoble à bonne paix & ynion. Ce qu'il ne peult faire: car il mourut l'an troysieme & six moys de son pontificat.

*Martin iij. cxxxj. Pape.*

I iiii Agapitus

# Le.iii.liure des antiquitez de la gaule belgicque,

*Agapitus.ij.  
cxxxij.Pape.*

**Agapitus** deuxieme de ce nom, cent trente deuxieme Pape en l'an neuf cens quarante six, natif de Rome, fut esleu durant que les grans troubles de guerres estoient en Italie, tant par Hungres, que par Berengarius & son filz, qui se nommoient empereur & roy: & faisoient maulx innumerables en ladicte Italie. A raison de quoy ledict Agapitus avec les princes d'Italie appellerent premierement Otho, dict le grand en Italie, qui les deliura des tyrannies d'iceulx. Et depuis ledict Agapitus, homme de sainte vie & zelateur de la chose publique chrestienne, mourut apres qu'il eut tenu le siege neuf ans sept moys.

*Ioannes.xij.  
cxxxiiij.Pape.*

**Ioannes** douzieme de ce nom, & selon les autres historiens, qui mettent Iean l'Anglois entre les Papes trezieme, fut le cent trentetroysieme Pape en l'an neuf cens cinquante six, natif de Rome, filz du comte Alberic, appelle au parauant Octouianus, homme plein de toutes lubricitez, meschant & pernicieux, addonne à la chasse plus qu'à deuotion. A raison de quoy deux cardinaulx escriuirent à l'empereur d'un tel monstre, dont ledict Pape fut aduertie. A raison de quoy à l'un fait couper le nez, & à l'autre la main. Apres la venue de l'empereur aucuns disent que ledict Iean luy donna la couronne imperiale. Et fut le premier qui fut couronné de tous les Germains Empereur en Italie. Car au parauant ceulx qui auoient esté couronnez, estoient descenduz de Charlemagne.

¶ Ledit Otho empereur apres qu'il eut admonesté ledict Iean de reformer sa vie, & qu'il cogneut qu'il estoit incorrigible, par l'enhorrement d'aucuns Romains il le deposa: & en son lieu fut esleu par le peuple Leon huitieme du nom. Mais tost apres lesdictz Romains deposerent ledict Leon, & en firent vn nouveau, Benedictus cinquieme, lequel depuis Otho eiecta, & remeit ledict Leon. Toutefois les deux, Leon & Benoist, moururent l'année premiere de leur election. Et par tant ledict Iean douzieme (selon aucuns historiens) fut de nouveau restitué par l'ayde de ses parens: Et selon l'opinion d'iceulx, Iean teint le siege neuf cens, selon les autres quatre ans dix moys seulement. Lesdictz historiens sont en ce cas si diuers, qu'il est difficile les accorder.

*Benoist.v. cxxx-  
iiij.Pape.*

**Benedictus** cinquieme, fut durant ces troubles, le cent trentequatrieme Pape, environ l'an neuf cens soixante deux, & teint le siege six moys.

*Leo. viij. cxxxv.  
Pape.*

**Leo** huitieme, fut semblablement durans ces troubles le cent trentecinquieme Pape, ladicte année neuf cens soixante deux, teint le siege vn an quatre moys.

## ¶ Les Empereurs qui furent durant le temps de l'Euesque Berengarius.

*Otho premier qua-  
tre vingt quatrie-  
me empereur.*



**O**THO premier de ce nom, qui depuis fut surnommé le grand, filz de Henry dict Anceps, roy & empereur de Germanie, succeda à son pere audit royaume de Germanie en l'an neuf cens trente huit. Du commencement de son regne il eut plusieurs mouuemens de guerres contre luy, dont le premier fut par Gisilbertus gouverneur de Lorraine, & Ebrardus comte Palatin, qui firent alliance encontre luy avec Henry son frere. Mais finalement ilz furent vaincuz. Car Ebrardus fut tué, Gisilbert noyé, & Henry veint à mercy. Semblablement son filz Ludolphus, qui estoit de sa premiere femme, fille du roy d'Angleterre, & Conradus son gendre, s'esleuerent contre luy par indignation qu'ilz eurent contre sa seconde femme, qu'il auoit

# depuis Charlemagne iusques à Hue capet. F. clxxxxi.

auoit prinse en Italie. Mais tost apres ledict Ludolphus fut vaincu, & constraint te-  
ste & piedz nudz demander misericorde. Conradus suscita les Hungres venir en  
tresgrand nombre dedans le pays de Otho: mais finalement ledict Cōradus fut tué,  
& tous lesdicts Hungres defaictz, en sorte que depuis n'osèrent entrer aux Almagnes:

¶ Il fut en France par deux foys, & deliura son beau frere Loys quatrieme, des  
mains & prisons des Normans, & de Hue le grand, comte de Paris. Il subiuga le pays  
de Boesme, & print prisonnier Boleslaus, qui auoit tué son frere à fin de regner,

¶ Ledict Otho feit troys voyages en Italie, pour retirer en ses mains l'empire de ladi  
de Italie, que ses predecesseurs auoient negligé. Tellement que depuis Arnulphus  
les empereurs n'auoient esté coronnez en Italie. Et y auoit enuiron soixante ans, que  
les Berengaires & aucuns princes des Gaules, comme Hugues, Rodulphe, Lothaire,  
auoient tousiours inquiété l'empire, & royaume d'Italie.

*L'empire de Rome  
retiré par Otho,  
avec celuy de la  
Germanie.*

¶ A raison dequoy Otho qui florissoit en vertuz, fut appellé par les Papes & les Prin  
ces Romains, pour les deliurer des tyrannies d'iceulx. Ce qu'il feit par plusieurs ba  
rilles & victoires, qu'il obteint contre le dernier Berengarius & son filz Albertus: aus  
si contre les Sartazins, les Grecz, qu'il chassa hors de la Calabre & de la Pouille. Et fut  
coronné à Rome, par le Pape Iean douzieme de ce nom: Toutefois depuis il le de  
posa, pour ses vices & pechez. Et institua Pape du consentement du clergé, Leon  
huietjeme de ce nom, qui fut en son absence de posé, & en son lieu mis vn autre, nom  
mé Benedictus cinquieme. Lequel ledict empereur de posá, en restituant ledict Leon,  
& mena en Germanie Benedictus, qui mourut tost apres. Otho apres auoir gloriéu  
sement regné & tenu l'empire trentesix ans, mourut à Vienne (selon aucuns, les autres  
disent en vn petit Chasteau, pres de Meresburg) l'an de grace neuf cens septante  
quatre.

*La mort de l'empereur Otho.*

¶ Cestuy Otho eut deux femmes: la premiere Edith, fille d'Emond roy d'Angleter  
re, de laquelle eut Luydolpus, qui espousa Ide, fille de Herman duc de Zuane, &  
vne fille, nommée Ludgarde femme de Conrad, surnommé le saige. en secondes nop  
ces il eut pour femme Adhelheide, fille de Rodulphe roy de Bougongne. de laquel  
le il engendra Ocho deuxieme, qui regna & succéda à l'empire apres luy, Henry,  
Vuillaume archeuesque de Magonce, Bruno, Iudith femme de Vualric roy de Boef  
me.

*La mort de l'empereur Otho.*

## ¶ Les roys de France, qui ont regné durant que ledict Berengarius estoit Euesque de Verdun:

**L**OYS quatrieme du nom, teint le royaume de France durant nostre  
euesque Berengarius, iusques en l'an neuf cens cinquante cinq, comme  
de cestuy auons escript en l'euesque precedent.

**Lothaire** filz dudit Loys quatrieme & de Gerberge, feut de  
l'empereur Otho le grant, fut roy de France, l'an de  
grace neuf cens cinquante cinq. Il mena guerres contre les Normans. Et de puis esp  
tant retirer en ses mains la portion du royaume de Lorraine, que les empereurs te  
noient, il mena guerre à Otho deuxieme, & le veint assaillir dedans son palais à Aix.  
Tellement qu'il fut contraint eschapper par suiète: A raison dequoy ledict empe  
reur Otho assembla grosse armée, & entra au royaume de France, iusques à Paris, de  
struyfant ce qu'il trouuoit. Mais tost apres fut deschassé par les François, & les gens  
quasi tous tuez & defaictz, sur la riuiere d'Oyse. Et ce nonobstant l'an suyuant neuf  
cens octante, lesdictz roy & empereur accordèrent ensemble. Et proutir par serment  
ledict

*Vide supra.*

*Lothaire dernier,  
xxxv. roy de Fra  
ce.*

# Le iij. liure des antiquitez de la gaule belgicque

ledict Lothaire, ne iamais inquieter ne demander ladicte portion de Lorraine: Toutefois il ne teint sa promesse: car aduenant la mort dudiect Otho deuxieme, de rechef Lothaire entra en Lorraine contre Otho troysieme, & print Verdun. Mais ledict Otho troysieme le veint assaillir, & le contraingnit retourner en son royaume. Finalement Lothaire mourut, apres qu'il eut regne trente & vn an. Et laissa vn filz nommé Loys cinquieme du nom, qui luy succeda en l'an neuf cēs oētante six. Et si laissa ledict Lothaire vn frere, nommé Charles, qui fut le premier duc de Lorraine, comme nous dirons cy apres, suyuant l'ordre du temps.

*La mort du roy  
Lothaire dernier.*

## ¶ Les Roys qui ont regné en la portion du royaume de Lorraine depuis Meuse iusques à Lescault, du temps de l'Euësque Berengarius.

*Vide supra.*



**L**OYS quatrieme du nom, roy de France, teint ladicte portio de Lorraine, durant nostre euësque Berengarius, iusques en l'an neuf cēs cinquante cinq, comme nous auons escript en l'euësque precedent.

*Lothaire de Lorraine en la portio vers France.*

**L**o<sup>thaire</sup> filz dudiect Loys quatrieme, estant roy de France teint ladicte portion de Lorraine apres son pere, depuis l'an neuf cens cinquante cinq iusques à sa mort. Et tascha retirer en ses mains l'autre portion dudiect royaume, contre les empereurs Otho deuxieme & Otho troysieme. Mais il fut rechassé, comme nous auons amplement escript es vies de nostredict euësque Berengarius & de son successeur.

## ¶ Les roys qui ont tenu l'autre portion du royaume de Lorraine depuis Meuse iusques au Rhin, durant ledict Euësque Berengarius.

*Otho premier roy de Lorraine, en la portio vers la Germanie.*



**O**THO premier du nom, empereur, teint ladicte portion dudiect royaume de Lorraine, durant nostre euësque Berengarius, iusques à sa mort qui fut l'an neuf cens septante quatre: & la deffendit vertueusement contre les François, comme nous auons escript en la vie dudiect euësque Berengarius & au subsequent.

### I N C I D E N T.

*Intelligence aux lecteurs pour les gouverneurs de Lorraine.*

*Gisilbert.  
Henry son filz.  
Otho, ou Odo.  
Conradus.  
Bruno.*



**I**CY FAULT NOTE R, que combien que l'empereur Otho premier teint la portion du royaume de Lorraine dessusdict, & fut roy d'icelle: Toutefois durant sa vie il y eut plusieurs gouverneurs de ladicte Lorraine, soubz luy, qu'aucuns historiens appellent ducz: Sçauoir le dessusdict Gisilber. Et depuis sa mort, Henry son filz eut le tiltre: Mais pource qu'il estoit trop ieune, Otho filz de Ricuinus fut gouverneur. Et apres eulx (pour ce qu'ilz moururent incontinent) Conradus gendre dudiect empereur fut crée gouverneur en chef. Finalement que ledict Conradus fut tué, l'empereur institua gouverneur de ladicte portion de Lorraine, Bruno son frere archeuësque de Colongue, qu'on appelloit archeduc de Lorraine. Et d'iceulx gouverneurs ou ducz auons amplement escript es vies de noz euësques de Verdun, suyuant l'ordre du temps.

¶ Les

# depuis Charlemagne iusques à Hue Capet. F. clxxxii.

¶ Des Princes descenduz de Clodion, qui ont tenu la duché de Mozelande, Ardenne, Buillon, & tout le pays, ou de present est la duché de Lorraine, durant l'euesque Berengarius.



**G**ISILBERT, filz de Ragnerus d'Ardeue, duquel nous auõs eſcript en l'euesque Dado, qui tenoit pour ſon patrimoine tous les pays, ou de present est la duché de Lorraine, regna quelque temps durant nostre Euesque Berengarius, à ſçauoir iusques en l'an neuf cens quarante troys.

**Henry** le ieune, filz dudiect Giſilbert, descendu des princes de Mozelande & d'Ardenne, ſucceda à ſon pere en toutes les terres & pays ou de present est la Duché de Lorraine. Et ſi eut eſté gouverneur de Lorraine comme ſon pere, ſ'il fut venu en aage: mais il mourut deux ans apres ſon pere, enuiron l'an neuf cens quarante cinq. A raiſon dequoy l'empereur Otho premier, qui eſtoit ſon oncle de par ſa ſeur Gerberge, meit en ſes mains toutes les tetres & ſeigneuries dudiect petit Henry, & le teint longuement: Combien que les vrays heritiers dudiect Henry, comme Ricuinus d'Ardeue, frere de ſon pere, & ſes enfans demãdoient icelles terres & ſeigneuries. Mais il les refuſa, à raiſon du douaire que Gerberge ſa ſeur, & mere dudiect Henry auoit ſur leſdiectes ſeigneuries.

*Henry le ieune, gouverneur de Lorraine & ſeigneur des pays, ou de present est la duché de Lorraine. Otho empereur occupa quelque tẽps les pays, ou de present est la duché de Lorraine.*

**Ricuinus** filz de Ragnerus d'Ardenne, & frere dudiect Giſilbert (duquel nous auons eſcript en l'euesque Dado) teint le pays d'Ardenne & Mozelande, quelque temps durant nostre euesque Berengarius, & iusques à l'année neuf cens quarante cinq. Et combiẽ qu'il eut vne fille, nommée Bonne, mariée à Charles frere de Lothaire roy de France: & quatre filz, comme nous auons eſcript cy deſſus. Toute fois icy ne ferons mention, ſi non de deux, pour la raiſon que dirons cy apres.

**Godefroy** l'ancien, ſurnommé à la barbe, filz aĩné dudiect Ricuinus, ſucceda à ſon pere en l'an neuf cens quarante cinq, & eut pour ſon partage la comté d'Ardenne, Buillon, & celle de Verdun, que l'empereur luy bailla. Il fut très vaillant aux armes, come diect Sigebert, & milita ſoubz les empereurs Otho premier, deuxieme, troysieme, en reſiſtant aux enfans du comte de Haynau, Regnier au long col: & contre Lothaire roy de France, comme nous deduirons en nostre hiſtoire es vies de ceſtuy euesque & des ſubſequens.

*Godefroy l'ancien, comte d'Ardenne, de Buillon & Verdun.*

¶ Meyerus en ſon hiſtoire eſcript, qu'il print pour femme en ſecondes nopces Mathilde, fille de Herman comte de Saxonie, veſue de feu Baudoyn, le ieune, comte de Flandres. Duquel eſte eut yn filz nommé Arnulphus le ieune, comte de Flandres. Ceſtuy Godeffroy fut prins priſonnier, defendant la cité de Verdun, contre Lothaire roy de France: mais Otho troysieme le deliura. Et puis il mourut enuiron l'an neuf cens octante cinq. Lailſſa cinq enfans mâles, à ſçauoir Godeffroy le ieune, Adelbéro qui fut euesque de Verdun, Frederic comte de Verdun, Hermannus & Gozelo, come appert par l'hiſtorien de nostre cité. Et auſſi le deduirons es vies de noz euesques ſubſequens.

*Mathilde femme de Godeffroy l'ancien. De la mort de Godeffroy l'ancien.*

¶ Le corps dudiect Godeffroy fut inhumé à ſainct Venne au cloiſtre dudiect monaſtere, avec ſa femme Mathilde. Combien que Meyerus en ſon hiſtoire afferme, ſoubz l'année mil & neuf, qu'ilz ſont inhumez en vne abbaye en Flandres, eſcriuant come ſ'enſuit. *Mathildis ſepult a in Flãndrenſi ecclia ſubio in xra Godeffredum Arduennatẽ, maritum.* Mais en ce il a failly & erré, car on voit au iourd'uy la tumbes, avec l'epitaphes de deux perſonnages, en vne chappelle dudiect ſainct Venne du coſtẽ du cloiſtre, edifiée nouvellement au lieu ou eſtoit anciennement lediẽt cloiſtre, &c.

*Les enfans de Godeffroy l'ancien.*

# Le.iii.liure des antiquitez de la gaule belgicque,

*Odo, ou Otho duc de Mozelane.*

**Odo ou Otho** filz de Ricuinus d'Ardenne, & frere de Godefroy l'ancien dessusdict, eut pour son partage la duché de Mozelane en l'an neuf cens quarante cinq, & print femme auant la mort de son pere, Helene fille du comte Hermant de Sueue, & comte de Babeuburg, niepce ou prochaine parente de l'empereur Otho, premier. A raison dequoy il eut grande faueur, soubz ledict Otho, & fut constitué gouuerneur de Lorraine apres la mort de Gifilbert, iusques à tant que le ieune Henry, son filz, fut en aage. Mais cestuy Otho ne vesquit gueres, & mourut l'an suyuant, neuf cens quarante six. Et laissa plusieurs enfans de sadiete femme: lesquelz appelloient ledict empereur Otho, leur oncle. Desquelz ferons icy mentiõ, seulement de deux, à sçauoir Adelbero premier du nom, qui fut euesque de Metz, & Frederic qui succeda à son pere en la duché de Mozelane.

*La mors d'Odo duc de Mozelane*

*Frederic duc de Mozelane.*

**Frederic** filz dudiect Otho, succeda à son pere en la Duché de Mozelane, enuiron l'an neuf cens quarante six, & estoit fort ieune, & partat il regna du temps de nostre euesque Berengarius & de son successeur. Il print pour femme Beatrix seur de Hue Capet. Il ediffia le chasteau de Bar. Il entreprint la Vvourie de l'abbaye de S. Miel, & print la troysieme partie du reuenu de ladicte abbaye pour appliquer à son chasteau de Bar: & pource d'aucuns est appellé premier cõte de Bar, combien qu'il portoit tiltre de duc de Mozelane, & de Vvourie d'icelle abbaye: & se nommoit es fondations qu'il faisoit, duc de Lorraine, qui est à dire, duc au royaume de Lorraine. Il mourut en l'an neuf cens octante quatre. Il eut quatre enfans dont les deux Hezelinus & Henry moururent ieunes enfans, comme appert par les antiquitez de l'abbaye de saint Miel, chapitre vingt & vn & vingt deuxieme. L'autre appelé Adelbero, fut premierement euesque de Verdun, apres de Metz. L'autre filz nommé Theodoricus, succeda à son pere, comme nous dirons cy apres. Et de cestuy nous escrirons plus amplement es vies des euesques subsequens.

*Beatrix seur de Hue Capet, femme dudiect Frederic.*

*Frederic ediffia le chasteau de Bar*

*De la mors des enfans dudiect Frederic.*

*Ad vrtissement aux lecteurs pour l'intelligence des ducz de Lorraine & Bar.*

**Icy fault** noter par les lecteurs que de ces deux freres dessusdictz descenduz des princes d'Ardenne, à sçauoir Godefroy l'ancien, dict à la barbe, qui succeda es comtez d'Ardenne. Buyllon, & Verdun. Et Otho, ou Odo, qui succeda à la duché de Mozelane, tous deux filz de Ricuinus dessusdict, sont descenduz les ducz de Lorraine à present regnans. Et aussi les comtes & ducz de Bar, comme nous monstrerons clerement en la deduction de nostre histoire, suyuant l'ordre du temps.

## Les Princes descenduz de Clodion, qui ont tenu la comté de Haynau, durant l'euesque Berengarius.

*Garnerus & Raymoldus, quelque temps teindrent Haynau.*

**R**E G N I E R premier du nom, dict au lög col, duquel nous auõs escript en l'euesque precedent, teint Haynau du temps de nostre euesque Berengarius, & iusques en l'an neuf cens cinquante huit, ou il mourut. Et depuis les deux princes Garnerus & Raymoldus teindrēt quelque temps ladicte comté de Haynau, par la donatiõ. que leur feit Bruno. Et puis elles retournerent au filz dudiect Regnier, & enuiron l'an neuf cens octante & yn, comme dirons cy apres.

## EIN DE LA VIE DE BERENGA

re trentetroysieme Euesque de Verdun.

L'avis



depuis Charlemagne iusques à Hue capet. F. clxxxiii.

LA VIE DE VVILGFRIDVS  
dus trentequatrieme Euesque de Ver-  
dun.



VILGFRIDVS trentequatrieme Euesque de Verdun, fut esleu en l'an de grace neuf cens soixante yn natif de Germanie, extrait de noblesse & lignée du pays de Bauiere, parent de Bartholdus iadis duc dudiect pays de Bauiere, qui mourut sans hoirs males, parquoy la duché fut baillée par Otho l'Empereur a son frere Henry, qui auoit mené guerre contre luy au commencement de son regne, & luy feit espouser Iudith fille dudiect defunct, dont succeda à ladiecte duché de Bauiere. Et le tout par le conseil de Vuilgfridus, qui estoit homme de grande doctrine, & principal conseilier dudiect duc de Bauiere. Dequoy aduint par apres qu'il fut en grande fa-  
ueur & fort aymé de l'Empereur Otho, & aussi de l'Archeuesque de Cologne Bruno, frere dudiect empereur, qui gouernoit tous les pays de Lorraine, & Germanie, durant le temps que lediect Empereur estoit en Italie. Et si estoit son Archichancelier, gardant les seaulx de l'Empire par le conseil duquel toutes les affaires se passoyent. Et pource que souuent lediect Bruno estoit absent de la court de l'Empereur, occupé en autres affaires, il constitua lediect Vuilgfridus Chancelier, ou Vicechancelier soubz luy, comme peult apparoir par les lettres & charttes de l'empereur, données pour la confirmation de la fondation de l'Abbaye Sainct Venne faicte par Berengarius des-  
susdict, desquelles sont ces motz.

*Vuilgfridus xxx-  
iiij. euesque de ver-  
dun.*

*Vuilgfridus du  
sang des ducz de  
Bauiere.*

*Bruno Archichā  
celier de l'empire.*

*Vuilgfridus chan-  
celier de l'empire.*

*VVILGFRIDVS Cancellarius ad vicem Brunonis Archecancellarij signauit.*

Et pour ces raisons apres la mort de Berengarius lediect Vuilgfridus obtint l'euesché de Verdun. Auquel il feit des biens beaucoup, & signamment à l'augmentation de l'Abbaye dudiect S. Venne, pour l'honneur de Dieu & la bonne recordation de Bruno, qui l'auoit ayde à fonder, & auoit deuotion au lieu.

Or nous lisons qu'environ deux ans apres l'electio de nostre euesque Vuilgfridus, Otho receut la couronne imperiale en Italie par le Pape Iehan douzieme, & retourna victorieux en Germanie. Et pour redre graces à Dieu, & se resiouyr aués ses amys & parens, feit vn festin tresgrand & magnifique au lieu d'Aix la chapelle, si excellent, qu'il n'est memoire de plus grand. Et ne furent iamais lesdictz parés si resiouiz, & ne preindrent ensemble durant leur vie si grande delectation par bon amour & be-  
neuolence, qu'en cestuy festin. Auquel entre plusieurs autres auoit appellé & conuocqué de France ses deux soeurs, à sçauoir Gerberge mere de Lothaire Roy, & Hauuye femme de feu Hue le grand, comte de Paris, mere de Hue Capet, qui regna depuis en Frâce. Et en ceste assemblée estoit Otho le ieune, filz de l'empereur, Bruno Archeuesque & Archeduc de Lorraine son frere, Guillaume filz bastard dudiect empereur, Archeuesque de Magunçe, qui mourut l'an apres lediect festin. Semblablement Theodoric euesque de Metz son nepueu, Vuilgfridus euesque de Verdun, & plusieurs autres groz princes, seigneurs d'Ardenne, du sang & alliez audiect empereur.

*Le festin de l'Em-  
pereur Otho, ou fu-  
rent appellez tous  
ses parens.*

*Ce berge et Hau-  
uye soeurs d'Otho,  
presentz audiect  
festin.*

*S. Gerard euesque  
de Toul par le  
moyen de Bruno.*

Nous trouuons que quelque temps au parauant, l'Empereur Otho bailla à la priere du sainct homme Bruno son frere, l'euesché de Toul à Gerardus, qui fut le trente-  
deuxieme

# Le iij. liure des antiquitez de la gaule belgique

# deuxieme euesque dudiect Toul, & vesquit si sainctement, qu'il est reputé entre les sainctz de Paradis. Lequel de son ieune aage auoit estudié à Cologne, durant que lediect Bruno estoit Archeuesque. Et depuis feit du bien innumerable à Toul, signamment aux eglises S Mansuy, & S. Gigoul.

*Bruno allant en France, passa par Verdun.*

*La mort de Bruno reputé saint en Paradis.*

*N Rogerus Euesque du Liege escriuain de la vie de Bruno.*

*Le corps de Bruno porté & inhumé à Cologne.*

*Prodiges.*

*Pepo du pays de Franconie.*

*Disputatiõ de Pepo et des Danoyz.*

*Alardus Roy des Danoyz.*

*Miracle en probatiõ de la foy Chrestienne.*

*Le roy & peuple des Danoyz faitz Chrestiens.*

*Pepo depuis Euesque de Treues.*

¶ Apres le festin furent tenues paroles d'aucunes questions & differens, qui estoient suruenuz au royaume de France entre les enfans de feu Loys quatrieme, roy de France, & Hue le Grand, qui tous estoient nepueuz & niepces dudiect empereur, & de Bruno Archeuesque dessusdict. A raison dequoy aux prieres des dessusdictes deux sœurs Gerberge & Hauuie lediect Bruno se trāsporta avec elles en la court de Lothaire roy de France, pour pacifier & accorder lesdictz differens. Et passerent par Verdun, accompagnez de Theodoric euesque de Metz, & Vuilgfridus euesque dudiect Verdun. Et de là s'en allerent à Compiègne, ou le roy estoit pour traicter lesdictz appointemens. Auquel lieu suruint vne maladie audiect Bruno, à raison de laquelle il vouloit retourner en son pays, & veint iusques à Reims, ou il fut arresté de la maladie aggrauante, & feit son testament donnant tous ses biens aux eglises, & aux pauures, & puis mourut Dont fut grand dommage. Car il estoit homme tresuertueux, zelateur de l'honneur de Dieu, de l'eglise, & de la sainte Foy Chrestienne, qui par ses glorieux faitz est denombé entre les sainctz en Paradis. Les gestes & vie duquel sont escriptz aimplement par vn docte homme, qui pour lors viuoit, nommé Rogerus, qui depuis fut euesque du Liege, ou il feit beaucoup de biens, comme enuironner la cite de murailles, edifier la grand' Eglise de S. Lambert, & le monastere de S. Iehan l'Euangeliste.

¶ Apres sa mort son corps fut porté reueremment par lesdictz euesques Theodoricus de Metz, & Vuilgfridus de Verdun, iusques à Cologne, auquel lieu dedans son eglise honorablement fut inhumé. En laquelle il auoit la vie durant translaré de Rome plusieurs corps sainctz, à scauoir Elysijs, Patrocli, Priuati, Gregorij, avec le baston de saint Pierre.

¶ Sigibert escript qu'environ ce temps apparurent plusieurs choses horribles & monstrueuses & contre nature, qui induisoient les gens à bien faire, & les retiroient de mal. Car en plusieurs & diuers lieux cheoyent des signes de croix, qui s'attachoyent aux vestemens des gens, & se conuertissoient en putrefaction, comme tasche de Ladrerie. Il y eut tant de fouldres & tonnoirres, que plusieurs eglises & edifices grandz & magnifiques furent abbatuz & ruinez, & iournellemēt les prebstres & religieux estoient tuez de coupz de foudre & tonnoirre.

¶ Toutefois il suruint vn miracle au pays de Danoyz, qui cõfirma fort le peuple en la foy Chrestienne, enuiron l'an neuf cens soixāte six. Car en vne assemblée desdictz Danoyz, qui estoient idolatres, & ne croyoient en Dieu, se trouua vn clerc, nommé Pepo, natif du pays de Franconie, & tenu aux escolles à Ratispone, qui par sa doctrine (combien qu'il fut ieune) auoit esté appellé au pays de Danoyz par aucuns qui desiroient estre Chrestiens. Car pour lors le roy & la plus grande partie dudiect pays n'estoyent Chrestiens. Or vn iour suruint vne altercation en vn banquet ou estoit lediect Pepo. Et en iceluy aucuns Danoyz affermoient que combien, que Iesus Christ fust Dieu: toutefois si y auoit il autres dieux plus puiffans, anciens, & grands que luy. Lediect Pepo soustenoit le contraire: car il affermoit Iesus Christ estre seul & vray Dieu en vne substance, & troys personnes. Le roy desdictz Danoyz, qui pour lors regnoit, nommé Alardus, fut aduertiy de ceste question, & les feit venir deuant luy. Et quand il veit lediect Pepo arresté en son opinion, il commanda & contraingnit prouuer son dict manifestement. A raison dequoy lediect Pepo va prendre en sa main nue, vn grand & pesant fer tout ardent, & l'apporta deuant le roy, & le teint si longuemēt qu'il pleut audiect roy, sans que lediect fer ardent luy feist aucun mal ou lesion. Et ce voyant lesdictz Alardus roy & les autres Danoyz ses subiectz, delaisserent du tout leur Idolatrie, & furent conuertiz à croire & adorer vn seul Dieu. Depuis retourna en son pays, ou il fut long temps apres esleu euesque de Treues, comme sera dict cy apres en la vie de S. Richard, Abbé de S. Venne.

¶ Apres

# depuis Charlemagne iusques à Hue Capet. F. cxciiii.

¶ Apres que Vuilfridus euesque de Verdun fut retourné des obseques de Bruno, il commença à mettre toute son affection à reformer l'estat ecclesiastique, & augmenter le seruice diuin. Or auoit il grands biens & grosses possessions, qu'il auoit effemblez & gaignez par sa doctrine & industrie du temps qu'il estoit Vicechancelier soubz ledict Bruno, & comme luy mesme le tesmoigne es lettres & chartres des donations qu'il feist au monastere de S. Venne, pour l'augmentation de la pitance des religieux d'iceluy monastere. Car il leur donna & aumosna du temps d'Adelmorus, & Adelardus abbez dudit monastere, & successeurs de Hubertus premier abbé, la seigneurie de Rarecourt, celle de Gilecourt sur le fleuue de Heyram, vulgairement Here, situé au bout & à la fin de la forest d'Argonne. Item par autres lettres leur donna tout ce qu'il auoit gagné par son industrie & labeur, & que luy auoyent baillé les fideles François, subsignées Vuilfridus, S. Adelmorus Abbas sancti Vironi S. Godefridus comes. Item par autres lettres leur donna vne eglise située In Petri villa, qui estoit de la propriété de son euesché, Datté de l'an neuf cens soixante sept, subsignées, Vuilfridus Episcopus, Godefridus comes, S. Richerus Archidiaconus, approuées par Raginerus, au lieu de Bernerus archechancelier.

Adelmorus & Adelardus abbez de S. Venne.

Rarecourt & plusieurs autres seigneuries données par Vuilfridus à l'abbey S. Venne, pour entretenir les religieux.

¶ Ledit Vuilfridus auoit yn comte sien parent, nommé Radulphus, homme de bien & de sainte vie, qui auoit desir estre inhumé & prendre la sepulture en l'eglise dudit S. Venne. Lequel par les bonnes exhortations dudit Vuilfridus bailla à ladicte eglise vne seigneurie ou terre de fief située au territoire de Verdun, au lieu dict, Gendulphi villa. De laquelle donation ne fut content le comte Sigibert, parent & heritier dudit Radulphus, comme sera dict cy apres.

Le comte Radulphus parer de l'euesque Vuilfridus

¶ Durant ce temps en l'an neuf cens seprante, Sigifridus comte de Luxembourg, alla de vie à trespas, auquel succeda son filz Gifilbert, d'aucuns appellé Guichard. Lequel fut homme vertueux & belliqueux. Car nous trouuons qu'à la fin de ses iours il feist la guerre avec son filz Conrad, contre Megigandus archeuesque de Treues, pour soubstenir & defendre son aultre filz Adelbero, preuost de S. Paulin, de Treues, qui auoit esté esleu par aucuns chanoynes archeuesque dudit Treues contre ledict Megigandus. Et tellement poursuiuit ledict Gifilbert, qu'il print & gaigna le palais dudit Treues & plusieurs autres chasteaux & places de l'archeuesché. Neantmoins l'Empereur Henry, qu'il pensoit estre de son costé, & qui estoit son affin, l'empescha merueilleusement, car il tenoyt le parti de Megigandus, sa partie aduerse, faisant sa residence pour lhors à Confluence. Et vint ledict empereur assieger ledict Gifilbert, & son filz Adelbero, dedans ledict palais de Treues, ou il fut tenant siege depuis May iusques au moys de Septembre. Et à la fin leua son siege.

Gifilbert second comte de Luxembourg.

¶ Nous trouuons que ledict Gifilbert feist en son temps plusieurs fondations es eglises, dont aucunes furent confirmées par l'Empereur Otho troysieme par lettres authentiques, datées comme s'ensuit,

*Actum publice, Anno nongentesimo nonagesimo primo, In palatio Thionisvilla,* Subsignées, Otho, des Lotharinges, des François, & des Germains roy. Or finalement cestuy Gifilbert mourut enuiron l'an mil quinze, & laissa plusieurs enfans. Entre lesquelz i'en trouue quatre, à sçauoir Conrad, Godefroy, Frederic, qui tous troy portèrent le tiltre de comte de Luxembourg. Et le quatrieme fut le deslusdict Adelbero, qui suiuit l'estat de l'Eglise. Et desquelz enfans nous ferons mention cy apres en la vie de l'Euesque Haymo, obseruant l'ordre du temps, &c.

Otho pour la troy sieme fois estant à Rome, feist coroner empereur son filz.

¶ Environ deux ans au parauant, l'an neuf cens soixante huit, Otho premier Empereur retourna pour la troy sieme fois à Rome, appellé par le Pape Iehan trezieme, & chassa des extremitez d'Italie les Sarrasins, feist coroner Empereur son filz le ieune Otho par ledict Pape Iehan, & le maria à Theophane, sœur ou niepce de Iehan Empereur de Constantinople. Et puis retourna en son pays d'Almagne, ou il mourut tost apres, à sçauoir l'an neuf cens seprante troy. Auquel succeda sondict filz Otho deuxieme. Mais au commencement de son regne il eut groz empeschemens, & euenes de guerres par Henry son cousin duc de Bauiere, filz de Henry frere d'Otho premier, qui auoit fait la guerre contre luy, comme a esté cy dessus dict.

Theophane femme d'Otho ij.

La mort d'Otho premier.

# Le.iii.liure des antiquitez de la gaulle belgicque,

*Henry duc de Bauiere vaincu par Otho.* Et tellement que cestuy Henry deuxieme vouloit empescher ledict Otho deuxieme pretendant estre empereur contre luy, & feit grosses assemblees: Mais finalement il fut vaincu.

*2<sup>o</sup> 973*  
*Les enfans de Ragnerus se retirerent vers le Roy Lothaire, pour retirer leurs seigneuries.* ¶ Durans lesquelles dissensions estans audict pays de Bauiere & Saxonie les deux filz de Ragnerus au Long col comte de Haynau, à sçauoit le ieune Ragnerus & Lambertus son frere expulsez & banniz par Bruno archeuesque, qui auoit donne les terres & seigneuries de leur feu pere & leurs propres heritages à Garnerus, aliàs Vuarnerus & Raymoldus, delibererent recouurer leursdictes seigneuries par force, prenās de ce faire bonne opportunitē & occasion, pource qu'Otho le grand estoit trespasē, & que son filz nouueau Empereur estoit empeschē es guerres de Bauiere. Et se retirerent à grosses prieres & requestes vers Lothaire, Roy de France, à fin de les ayder de gens & d'argent pour recouurer leursdictes seigneuries & patrimoyne. A quoy facilement ledict Lothaire obtempera, soubz l'esperance ausi qu'il auoit de recouurer toute la Lorraine, qu'aucuns de ses predecesseurs auoyent tenue. Et bailla gens d'armes pour ce faire, Tellement qu'ilz yindrent iusques à Peronne, ou ilz eurent grosse bataille sur le fleuue d'Aisne. En laquelle furent iceux comtes Garnerus & Raymoldus tuez, & les deux freres victorieux.

*Garnerus & Raymoldus tuez par les deux freres, princes de haynau* ¶ Apres laquelle victoire gaignerent vn groz chasteau, nommé Buxide, qu'ilz fortifierent & garnirent de ce qu'il falloit en defense de guerre. Et de là iournellement venoyent faire courses & pilleries dedās le Royaume de Lorraine. A raison de quoy Otho Empereur ordonna assembler grosse armee, soubz la conduite de deux comtes, Godefroy de Verdun, & vn aultre nommé Arnoul. Qui feirent telle diligence, qu'en bref fut ledict chasteau de Buxide assailly, expugné, prins, & totalement ruinē & destruiēt. Et pour leur recompense ledict Otho bailla auxdictz deux comtes, Godefroy & Arnoul, toute la comté de Mont en Haynau, qui estoit la principale seigneurie dudiēt Regnier au Long col. Et dit Sigibert en son hystoire, qu'en ceste propre année (qui estoit neuf cens septante cinq) fut si grande gelée qu'il n'est memoire de plus grāde. Car elle dura depuis le premier de Nouembre iusques au moys d'April suyuant sans cesser.

*Le chasteau de Buxide prins par Godefroy comte de Verdun.*

*2<sup>o</sup> 973*  
*Mōt en Haynau baillē à Godefroy comte de Verdun* ¶ Or les dessusdictz deux freres se voyans ainsi vaincuz & deiectez de leurs heritages, furent esbahiz & estonnez. Et de rechef retournerent vers le roy Lothaire pour auoir secours. Ce qu'il feit voluntiers. Et pour leur donner meilleur courage, les feit prendre alliance par mariage au sang Royal de France. Car il bailla à Lambert pour femme Gerberge, fille de son frere Charles, qui depuis fut duc de Lorraine. Et à Regnier, ou Ragnerus l'autre frere, bailla pour femme Hauuye, fille de Hue Capet. Les alliances ainsi faictes, leur bailla grosse armee, & avec Charles son frere, & beau-pere dudiēt Lambert, vindrent assaillir les dessusdictz comtes Godefroy de Verdun, & Arnoul, en vn chasteau nommé Castrilocus, qui est selon Iagues Meyerus, mont en Haynau. Auquel lieu y eut grosse bataille, & plusieurs gens de costē & d'autre tuez. En sorte que la victoire estoit bien douteuse, & ne sçauoit on qui en eut du meilleur. Toutefois l'honneur d'icelle bataille (comme dit Sigibert) demoura aux deux comtes, qui estoient dedans: car le siege fut ostē, & se retirerent.

*Mariage des deux freres de Haynau.*  
*Lambert espouse Gerberge, fille de Charles frere du roy Lothaire.*

*Resistance vertueuse de Godefroy comte de Verdun, contre les deux freres.* *2<sup>o</sup> 978* ¶ De ce faict fut merueilleusement irritē & corroucē Lothaire Roy de France, & delibera mener guerre contre Otho deuxieme Empereur, & repeter le Royaume de Lorraine. Et secretement sans faire grande emouion ne bruyt, feit vne grosse armee, & vint à Aix la chappelle, ou l'Empereur Otho deuxieme estoit en son palais avec la femme, qui ne se doubtoyent de l'entreprise dudiēt Lothaire, parquoy furent bien estonnez, quand ilz se veirent ainsi assailliz sans auoir preparations de guerre pour resister. Tellement qu'ilz furent contrainctz eschapper avec sadiēt femme par quelque lieu secret, & laisser son palais, & tout son bagage en la direption dudiēt Lothaire & de

*L'assault de Lothaire cōtre Otho sans desience*

# depuis Charlemagne iusques à Hue capet. F.cxcv.

& de ses gens, qui pillerent tout ce qu'ilz peurent trouver au palais, en la ville, & toute la region: & s'en retournerent en France avec grandes richesses.

¶ Lediēt Otho fut moult courroucé de l'oultrage que le roy Lothaire luy auoit fait, & fait veu de s'en venger. En sorte que bien tost apres assembla grand oist & grande puissance de gens Romains, Almans, & autres, & entra en France, gastant par feu & glaiue les prouinces de Reims, Soyssons, Laon, & aux enuiron. Et vint iusques à Paris, ou il brusla les fauxbourgs. Et s'en retourna apres qu'il eut destruit & pillé le pays, depuis le premier d'Octobre iusques à Decembre suyuant. Ceux qui estoient dedans Paris, à sçauoir Lothaire, Hue Capet, Henry son frere, duc de Bourgongne, fortrirent & suyirent lediēt Otho & ses gens iusques à la riuere d'Aiēne, ou ilz eurent grosse bataille, & y eut tant de gens tuez du costé de l'Empereur, que ladiēte riuere perdit son droit cours, & la plus grande partie de son bagage perdu. Et diēt Sigibert, que durant lediēt temps y auoit vn saint homme viuant recluz, qui predit que tous ceux qui auoyent esté cause de telle diuision, mourroyent dedans sept ans prochainement venans. Aussi furent veuz au Ciel la cinquieme Calende de Nouembre par vne nuit entiere bataille & gens tous en feu & sang.

*Otho deuxieme avec son armée iusques à Paris.*

*Victoire des François contre Otho deuxieme.*

¶ Tost apres ladiēte bataille, l'an neuf cens octante, ne sçay qui meut Lothaire, ilz se tronuerent soubz la riuere de Chise, qui passe pres d'luoys & Chauēcy, fait appoinctement avec lediēt Otho contre la volenté de tous ses princes, luy donna & delaiſſa toute la prouince de Lorraine, en ce qui estoit litigieux entre les Empereurs & les Roys de France, à sçauoir depuis Meuse iusques au Rhin. Avec ce fait solennel serment de ne iamais contreuenir ny repeter lediēt Pays de Lorraine. Laquelle chose contritta & despleut moult à tous ceux du Royaume & specialement à Hue Capet & a son frere Henry duc de Bourgongne. Et de lors commença lediēt Hue Capet a machiner d'auoir le Royaume de France.

*Appoinctement du roy Lothaire, qui bailla à Otho ii. c. ceda la portio de Lorraine vers la Germanie.*

¶ De ceste donation fut marry & desplaisant Charles frere dudiēt Lothaire, & en faisoit par tout grosses querimonies, pource qu'il luy sembloit & à la verité que la ou lediēt Royaume ou Prouince de Lorraine eut esté recouuerte & vnice au Royaume de France, comme elle auoit esté parauant soubz aucuns Roys de France, lediēt Royaume ou Prouince eut esté deūe a luy, cōme au plus ieune des filz de roy. Et le droit escheut a son partage de la succession de leur pere, puis que son frere aisné Lothaire auoit obtenu le tiltre de Roy. Car le semblable auoit esté fait du passé, en l'an de grace huit cens cinquante cinq, apres la mort du premier Lothaire, filz de Loys Debonnaire, qui tenoit l'Empire d'Italie & le Royaume de Lorraine. Car les deux filz firent leur partage, que l'aisné Loys eut l'Empire d'Italie, & Lothaire le plus ieune obtint pour sa part ladiēte prouince de Lorraine, comme a esté diēt cy dessus. D'auantage lediēt Charles estoit fort irrité, & faisoit grosses menaces contre Otho Empereur de ce qu'il tenoit par force la cōté de Mont en Haynau, & les seigneuries de feu Regnier au Lōg col. Et que en ce auoit desherité Lambert son gendre filz dudiēt Regnier au Long col: Tellement que iournellement se complaignoit & arguoit son frere Lothaire, tant à raison de ladiēte donation, qu'aussi pource qu'il n'aydoit point son gendre Lambert a recouurer son patrimoine. Et souuent vſoit de propos, par lesquels on pouuoit entendre qu'il n'estoit content, & qu'il auoit desir faire quel que grand emeute de guerre. Et combien que Guaguin en son hystoire, & autres Hystoriographes François dient que lediēt Charles estoit simple & de petite conduite, & qui ne se sçauoit defendre: Il n'est pas vray, comme on peult veoir par Sigibert en son hystoire, qui est plus ancien & veritable qu'autres.

*Charles desplaisant de la donatio que son frere Lothaire auoit fait à Otho.*

¶ Or aduint en ce mesme temps, enuiron l'an neuf cens octante & sept, que lediēt Otho eut vouloit d'aller en son Empire d'Italie. Mais auant que partir, aduisa mettre

*Otho ii. voulant entreprendre le voyage d'Italie.*

# Le iij. liure des antiquitez de la gaule belgicque

ordre & trouuer moyen d'appaifer en son absence les choses de la Germanie & de la Gaule: Car sur tout il craignoit les nouvelles factions de Lothaire & de Charles son frere. Pour à quoy obuier, il appella ledict Charles, qu'il scauoit estre fort indigné de la donation, que Lothaire luy auoit faicte du Royaume de Lorraine. En oultre esperant que s'il appoinctoit avec luy, il reprimeroit & empescheroit toutes les nouvelles factions & entreprinſes durant son absence. Et tellement poursuiuit l'affaire enuers ledict Charles, qu'il feit paix, & accorda avec luy en la maniere que s'ensuit.

*Les articles de l'appoinctement entre Otho & Charles freres de Lothaire.*

¶ Premièrement il restitua à son gendre Lambertus & à son frere Regnier la comté de Haynau, & tous les pays de feu leur pere, Regnier au Long col, qui auoyent esté confisquez par Bruno du temps d'Otho premier du nom. Et lesquelz pays depuis auoyent possédez les Empereurs, nonobstant qu'ilz fussent situez en la partie du Royaume de Lorraine, appartenant aux Roys de France, entre les riuieres de Meuse & L'escault.

*Les deux freres de Haynau restitués en leurs terres & seigneuries*

¶ Secondement il print & designa aucunes terres & seigneuries en la partie qu'il tenoit du Royaume de Lorraine, à scauoir entre les fleues de Meuse & le Rhin, es lieux circunuoysins de Metz, Toul, Nancey, & iusques à l'Alsacie, & signamment celles que le duc Gisilbert tenoit de son patrimoine, & sa femme Gerberge, tante dudit Otho Empereur, & mere dudit Charles, auoit tenu en douaire, apres la mort dudit Gisilbertus. Et icelles terres & seigneuries erigea en duché. A laquelle il bailla le nom de Lorraine, qui estoit cause des dissensions entre les Empereurs de la Germanie & les Roys de France. Et aussi pour mettre les limites entre la Gaule & la Germanie, la riuere de Meuse.

*L'erection de la duché de Lorraine, donnée par Otho ij. à Charles frere du Roy Lothaire.*

*Charles prenant tiltre de premier duc de Lorraine.*

¶ Or ce fait, Otho bailla ladicte duché, ainsi nouuellement erigée, audit Charles. Le quel la receut sur nom & tiltre de duché de Lorraine. Et d'auantage il adiousta à ladicte duché & soubz le mesme tiltre tout ce qu'il tenoit au parauant de son patrimoine, à scauoir Bruxelles & tous les pays circunuoysins, ou est de present Brabant, prenant de tous les pays assemblez le nom & tiltre de duc de Lorraine. En faisant tousiours distinction telle que s'ensuit: Car on appelloit la duché nouuellement erigée es terres & seigneuries que tenoit feu Gisilbertus, La haulte Lorraine: Et tous les pays du patrimoine dudit Charles qu'il tenoit au parauant vers Bruxelles, estoient appellez la Basse Lorraine: Et est ce que dict Guaguin obscurément en son hystoire, qu'environ cent ans apres les princes de Brabant, descenduz dudit Charles, retirerent des mains des comtes d'Ardenne, Lorraine ce que fault entendre de la basse Lorraine, à scauoir ce qui estoit du patrimoine dudit Charles, duquel ilz se reputoyent vrais heritiers, & non point de la haulte Lorraine, duché erigée nouuellement es terres dudit Gisilbert, & donné par Otho audit Charles. Car icelle haulte Lorraine demoura aux princes d'Ardenne, qui estoient vrais heritiers dudit Gisilbert, comme nous dirons cy apres.

*La distinction de la haulte Lorraine & de la basse.*

*La duché de Lorraine erigée avec toute souueraineté sans reconnaissance de personne*

¶ Oultre fault icy noter, que ledict Otho bailla icelle duché audit Charles avec toutes les preeminences de haulteur & souueraineté, sans en recognoistre de personne, & de qualité semblable, comme iadis l'ancien Lothaire empereur tenoit ledict Royaume de Lorraine, apres le partage qu'il feit avec ses freres. Et à la verité des lhors, le nom du Royaume de Lorraine commença à cesser & estre aboly, tellement que le nom & tiltre de Lorraine fut transferé de Royaume en duché. Et depuis à tousiours ainsi perseueré, & perseuere encores presentement. Et ont les ducz en icelle duché longuement iouy des preeminences & souuerainnetez dessusdictes sans recognoissance de personne. Et combien que de present les ducz de Lorraine font aucunes reprinſes aux Empereurs touchant les haulx chemins & bastardz: toutefois à esté par force & entreprinſes des Empereurs, plus fortz & puissans que les ducz, comme en plusieurs autres choses est aduenu le semblable. Et oultre pour monstrer cecy estre vray, ie mettray ce que Sigibert en son hystoyre escript, ou il semble confermer ce que dessus, comme s'ensuit.

*Les reprinſes que font les ducz de Lorraine aux empereurs, sont contre droit.*

# depuis Charlemagne iusques à Hue capet. F. cxcvi.

• *DVCATVS Lotharingie datur Carolo, fratri Lotharij regis Francorum, Multis insuper  
• conducto beneficijs, ut & ipse ab insolentijs desistat & fratris sui Lotharij motibus obsistat.*

¶ Et dauantage ie le prouue par raison: Car il est tout apparent, que iamais Charles, filz de roy & du sang de Charlemagne, n'eut receu ladicte duché en foy & hommage dudiect Otho: car la cause principale & plus apparente que les roys de France pretendoient audiect royaume de Lorraine, & qu'il le vouloient retirer des empereurs de la Germanie, depuis Henry pere du premier Otho, estoit en ce qu'ilz alleguoient lediect royaume de Lorraine estre en foy de son commencement vray heritage & de la successiõ de Charlemagne, & dõt partage auoit esté fait, entre ses enfans. Et que par tant il ne pouuoit venir n'escheoir sinon aux heritiers & à ceulx du sang dudiect Charlemagne, comme estant d'autre nature & qualité, que l'empire de Germanie, qui se faisoit par election &c. Disans oultre que le droict de succession, estoit failly en Conradus & Henry, pere de Otho, natif de Saxonie, qui furent premiers esleuz empereurs, hors du sang & lignage de Charlemagne dessusdict.

*Le royaume de Lorraine vray heritage de Charlemagne, & d'autre nature que l'empire.*

¶ Item & pour ce confermer on trouue dedans les anciennes histoires de Lorraine, qu'en ceste donation que fait Otho deuxieme à Charles de France, il y eut grosses oppositions & empeschemens par l'ancien Godefroy à la barbe, comte d'Ardene, & de Verdun, qui allegoit & pretendoit en droict de succession toutes les terres & seigneuries de feu son oncle Gislebert gouverneur & premier duc du royaume de Lorraine. Les enfans duquel estoient tous mortz, & le douaire de sa femme Gerberge finy & expiré, à luy appartenir comme le plus aîné & habile à succeder entre les nepueux dudiect Gislebert. Toutefois ceste querelle fut accordée en faueur dudiect empereur Otho deuxieme qui auoit fait ladicte donatiõ, pour mettre paix es pays, pendat l'absence de son coronnement, & qui promettoit recompenser lediect Godefroy, avec condition accordée entre les parties: Que si lediect Charles de France alloit de vie à trespas sans hoirs males de luy & de ladicte Bonne sa femme & seur dudiect Godefroy: Icelle duché de Lorraine nouvellement erigée, avec ses préeminences & souuerainetez dessusdictes retourneroient à Godefroy ou à ses enfans. Ce qui aduint, comme nous dirons. Ceste conditiõ ainsi faite & composée, vn ancien secretaire de feu René, roy de Secile & duc de Lorraine m'a affirmé l'auoir veu & leu en vn historien des pays, escript en ancienne lettre & langage.

*Opposition de Godefroy l'ancien à la donation que faisoit Otho.ij. à Charles.*

*Conditions opposées en la donatiõ que Otho fait à Charles.*

¶ Et fault icy noter que Symphorianus Camperius, historien nouveau de Lorraine, en plusieurs lieux a esté peu diligent à veoir les histoires, & signamment en son douzieme chapitre du premier liure, ou il diect que Eugebergue, femme de Loys quatrieme du nom, pere de Lothaire & de Charles de Lorraine, estoit seur de Otho troysieme: Car il n'est pas vray: mais elle estoit seur de Otho premier, diect le grand. Item audiect chapitre, il diect que la donatiõ de la duché de Lorraine fut faite audiect Charles par Otho troysieme, qui n'est vray: Car elle fut faite par Otho deuxieme, en l'an neuf cens octante & vn. Et Otho troysieme ne commença à regner ieune enfant, qu'en l'an neuf cens octante quatre. Au mesme chapitre diect que lediect Charles n'ayma point les armes, & menõit vie solitaire. Ce que n'est vray: car il fut homme vertueux, & qui fait diligence de deffendre la succession au royaume de France, comme diect Sigebert: Mais fortune & la mort suruenans empeschèrent ses vertuz & son bon vouloir. Et aussi s'il n'eut esté bellicqueux, iamais Otho deuxieme par crainte ne luy eut fait ladicte donation de la duché de Lorraine, comme apparostrera cy apres des faitz & gestes d'iceluy.

*Aduertissement aux lecteur, pour entēdre les serreurs de l'historien Camperius.*

*Charles homme bellicqueux, qui fut premier duc de Lorraine.*

¶ Quand Otho deuxieme eut fait les dessusdictes donations & appointemens, il s'en alla à Rome, & mena sa femme Theophane avec luy, & Theodorice euesque de Metz son grand parent & familier. Or durat ce tēps nostre euesque Vvilgfrid pseuera tousiours es bones oeures & operatiõs, s'estudiāt à l'augmētatiõ du seruice diuin.

# Le iij. liure des antiquitez de la gaule belgique

*S. Paul entre tous les euesques a plus fondé & donné à l'eglise de Verdun.*

*Le sepulchre de S. Paul rendant liqueur, dont malades estoient gueris*

*Vvilgfridus ediffia de neuf l'eglise de S. Paul.*

*Religieux de l'ordre S. Benoist instituez en l'eglise de S. Paul.*

*L'eglise S. Paul fondée des biens de l'eglise de Verdun.*

*Blicherius premier abbé du monastere de S. Paul.*

*Le comte Sigebertus ennemy de Vvilgfridus.*

Si aduint vn iour lisant les vies & gestes de ses predecesseurs euesques de Verdun, il consideroit les biens donatiōs, & fondations, que les empereurs, roys, princes, & euefques ses predecesseurs auoient faitz du passé en son eglise: Et trouua qu'entre tous autres euesques saint Paul y auoit plus donné & fondé. Et que par son moyen l'eglise du commencement pauvre, estoit deuenue riche & opulente. Ce que luy augmenta le zele de deuotiō qu'il auoit à saint Paul. Et de lors delibera & fit veu reparer & réediffier l'eglise, ou le corps dudit saint estoit inhumé, située hors des murailles de la cité dudit Verdun, pres la riuere de Meuse, & ediffiée, soubz le nom & tiltre de saint Saturnin: En laquelle iournellement le peuple dudit Verdun alloit & frequentoit pour visiter par reuerence le sepulchre dudit saint Paul, par les merites duquel ordinairement se faisoient plusieurs beaux miracles. Entre lesquelz estoit chose digne de grande admiration. Car visiblement on veoit que le tumbau dudit saint corps rendoit vne liqueur comme huille. De laquelle les pauures malades en vsoient pour leurs maladies, & en estoient gueriz. Et si couroit vn bruit entre le peuple de la cité, & vn commun dict, que ledict sepulchre ploroit pource qu'il estoit vilement & ignominieusement laissé sans honneur ny reuerence. De telz & semblables propos ledict Vvilgfridus, qui estoit pitoyable, fut esmeu: & avec la deuotion qu'il auoit audict S. Paul, mit en execution sa deliberation, & fit réediffier ladicte eglise tout à neuf iusques aux fondemens: & fit releuer reueremment ledict corps saint du sepulchre, & mettre en vne chaise & fierte d'argent, qu'il fit faire & fabricquer en l'honneur dudit saint Paul.

¶ Et ce fait suyuant son veu osta aucuns clerz seculiers, qui residioient en ladicte eglise, & institua des religieux, soubz l'ordre de saint Benoist, qui pour lors estoit en grand bruyt & renommée de grande religion, & assigna grosses rentes & reuenuz, pour l'entretènement d'iceulx, tant en pitance, qu'autres necessitez. Et comme dict Bertharius en son collectoire, leur bailla grande partie des seigneuries, villages eglises parochiales, & autres biens des appartenances de l'eglise. Entre lesquelz fut Vvanau terre de fief de son euesché, qu'ilz tiennent encores presentement. Et generalement tout ce qu'il pouuoit tyrer & prendre sur son euesché, il applicqua à la fondation d'iceluy monastere. Et outre les fournir de tous aornemens, tant calices, liures, vestemens, qu'autres choses, enquoy on peut decorer vne eglise. Et au surplus leur institua vn Abbé, nommé Blicherius, homme de vertu, qui fut le premier abbé dudit monastere, qui leur bailla & monstra ordre & reigle de sainte vie, laquelle ilz obseruerent long temps. Et de lors ordonna que ledict monastere, qui au parauât estoit de saint Saturnin, fut denommé desormais soubz le tiltre & nō de saint Paul. Ce qu'on a obserué iusques à present. Et depuis succeda audict Blicherius vn abbé second, nommé Garduinus, enuiron l'an neuf cens nonante,

¶ Bertharius escript dudit Vvilgfridus. qu'un iour par aucuns negoces de son euesché partit de Verdun & s'en alla en vn village, appartenant à son eglise, nommé Vvau dresaulx situé pres de Seury sur Meuse.

¶ Or pour lors y auoit vn comte, nommé Sigebertus malueillant d'iceluy Vvilgfridus, pource qu'il auoit induit le comte Rodulphus (duquel ledict Sigebertus estoit heritier de par sa femme) donner à l'eglise saint Venne vne terre de fief, nommée Gedulphivilla, comme a esté cy dessus mentionné. Et dauantage ledict comte Sigebertus tenoit les parties de France, contre l'empereur Otho, durant l'absence duquel en la prouince de Lorraine se faisoient beaucoup de mutations & nouvelles entreprin-fes. Et sembloit audict Sigebertus qu'en faisant dommage & iniure audict Vvilgfridus, qui tenoit les parties de l'empereur, il seroit chose agreable à Lothaire roy de France, qui se repentoit & auoit regret à la donatiō, qu'il auoit faite du pays de Lorraine: & volontiers eut trouué moyen de retirer ledict pays de Lorraine. Mais il n'osoit & differoit pour les sermentz qu'il auoit faitz audict Otho.

¶ A ceste



# depuis Charlemagne iusques à Hue Capet. F.cxcvii.

¶ A ceste raison ledict comte Sigibertus aduertit que l'euesque Vvilgfridus estoit au dicit village de Vvaudresfaulx, assembla grosse compaignie de meschans garçons: & de nuit veint circuir & environner la maison ou il estoit, faisant grands efforts en assaillant ladicte maison, dont les gens dudit euesque qui dormoient s'esueillierent, & se leuerent, faisans resistance aux assaillans, à ce qu'ilz peussent. En faisant laquelle resistance Richerius nepueu dudit euesque, archediacre de l'eglise de Verdun, fut tué, de quoy fut domage: car il eust fait de gtans biens aux eglises. Et desia il auoit subigné les donations faites par son oncle au dicit saint Vene, comme a esté dict cy dessus. Finalement l'euesque Vvilgfridus fut prins & detenu prisonnier par ledict comte Sigibertus.

*Richerius archediacre de Verdun tué.*

*Vvilgfridus prisonnier par le comte Sigibertus.*

¶ De cest outrage furent la cité de Verdun & tout le clergé fort estonné & marri. Et en toute diligence enuoyerent à Rome vers l'empereur Otho & Theodorice euesque de Metz, qui estoit avec luy. Et obtindrent mandement apostolicque, adressant à l'archeuesque de Treues, nommé Eckbertus de nation bretonne, homme de grande sainteté, confederé par amitié au dicit Theodorice euesque dudit Metz: & aussi à l'euesque de Toul, à sçauoir Gerardus qui pour lors viuoit. Auxquelz fut mandé de proceder contre ledict comte par monitions & censures. Ce qu'ilz feirent virilement: en sorte qu'il fut excommunié & interdict de l'eglise. Et finalement contrainct à deliurer ledict euesque, & demander de son peché pardon. Et pour auoir absolution, luy fut enioinct par ledict euesque penitence corporelle, & condamné en vne tresgrande somme d'argent, pour applicquer à la decoration de l'eglise de Verdun, par l'aduis & deliberation dudit Vvilgfridus, qui depuis employa & exposa ledict argent en plusieurs reparations de l'eglise de Nostre Dame. Et entre autre fait faire vne table couverte d'or à mettre deuant le maistre autel de ladicte eglise de Nostre Dame, qui depuis fut perdue & consummée par inconuenient de feu, l'an de grace mil quarante sept, quand la cité & l'eglise furent bruslées par le comte Godefroy, ayeul par mere de Godefroy de Buillon. Dauantage il fait fabricquer vne grande corone de cuyure dorée, ou il y auoit plusieurs autres petites coronnes seruans de chadeliers, faite par vn tel artifice, qu'en touchant l'vne toutes les autres se mouuoient & toutnoient. Laquelle il fait mettre au meillieu du chœur d'icelle eglise: & de laquelle corone ie (qui ecris ceste presente histoire) en ay veu encores de mon temps aucunes reliques en nostre eglise de Verdun.

*Le comte Sigibertus excommunié par autorité apostolicque.*

*Table d'or deuant le grand autel de Verdun.*

*La corone de cuyure dorée estée en l'eglise de Verdun.*

¶ Durās ces poursuites, Otho deuxieme estant en Italie avec grosse armée d'Almans, Gauloys, Romains, & Beneuentanoys, veint en la Calabre pour retirer aucunes villes & places à l'empire Romain, que les empereurs de Grece tenoient. A raison de quoy les Grecz prindrent alliance, avec les Sarrazins, leurs voyfins, & bataillèrent si tresbien, que toute l'armée dudit Otho fut defaite, & moururent innumerables gens de son armée. Et fut contrainct s'en fuir, & se jeter dedans la mer, & nager, pour euitter d'estre prins. Toutefois il fut rencontré par aucuns nauonniers & pirates, qui ne le cognoissoient: car il parloit si parfaitemēt Grec, qu'on n'eut sceu iuger s'il en estoit natif ou non. Combiē qu'entre eulx y auoit vn esclauois qui le cogneut: Mais il le ce la, & partant composa à quelque somme d'argent pour sa rançon, & par ce moyen eschappa: & à courle de cheual veint en la cité de Rosan, ou il trouua sa femme Theophane & Theodorice euesque de Metz, qui attendoient la fin de la bataille. Ladicte Theophane oyant la defaite des Romains & le tresgrand dommage de l'empereur son mary, commença par legereté feminine à soy resiouyr de ce que les gens de son pays auoient eu victoire. Dont aduint que tous les assistants conceurent grande hayne contre elle: Et depuis ceste bataille ledict Otho deuxieme n'eut iamais bien: Mais de tristesse mourut à Rome, apres qu'il eut tenu le siege imperial dix ans, en l'an neuf cens octante troys. Combien qu'aucuns disent qu'il mourut par venin, & qu'il fut par les Romains empoisonné, pour la grande seuerité qui estoit en luy.

*La victoire de l'empereur de Grece contre l'empereur Otho. ij.*

*Otho. ij. eschappé par rançon des pirates de la mer.*

*Malice de Theophane emperiere.*

*La mort de l'empereur Otho.*

¶ Cestuy

# Le.iii.liure des antiquitez de la gaule belgicque,

¶ Cestuy Otho. deuxieme laissa vn filz ieune, qui nauoit que douze ans: Lequel fut nomme Otho troysieme, qui succeda à l'empire apres son pere, en l'an neuf cens octante quatre. Et combien que de son commencement il y eut grosse cōtrouersie de le faire succeder à l'empire: car aucuns des principaulx de la noblesse vouloient (par hayne & despit de sa mere Theophane) qu'on esleut Henry duc de Baviere, filz de feu Henry frere du premier Otho: Toutefois la pluralité teint pour Otho le ieune, & son election fut approuuée par Benoist septieme. Et depuis fut couronné par le Pape Gregoire cinquieme, qui fut depuis tresvertueux, & pour ses grans faictz surnommé *Mirabilis mundi.*

*Otho. iij. couronné  
empereur par Gre  
goire. v.*

*Le roy Lothaire ex  
cusant son serment  
entreprint de non  
neau retirer des  
Germain la por  
tion de Lorraine.*

*Verdun assailly &  
assiegé par le roy  
Lothaire.*

*Godefroy comte  
de Verdun prins  
par le roy Lothai  
re.*

*Cité de Verdun ra  
due au roy Lothai  
re.*

*Verdun ne fut ia  
mais compris en  
la duché de Lorrain  
ne nouvellement  
erigée.*

*Godefroy comte  
de Verdun, de iuré  
par l'empereur O  
tho deuxieme.*

*La mort du roy  
Lothaire.*

*La mort de l'euef  
que Vvilfridus.*

¶ Quant Lothaire roy de France fut aduertiy de la mort de Otho deuxieme, & que Otho troysieme ieune enfant estoit esleu empereur: Il delibera retirer à son royaume toute la prouince de Lorraine, prenant occasion & excuse de son serment en la mort dudit Otho deuxieme, disant que sa promesse estoit seulement faicte audist Otho deuxieme durant sa vie, & non des autres ses successeurs. Et partant assembla grosse armée, & entra dedans ladicte prouince de Lorraine, gastant & pillant tout par ou il passoit, & vint assieger la cité de Verdun. En laquelle estoit Godefroy comte d'icelle, qui se deffendoit tresvaillamment. Car pour lors Vvilfridus s'estoit absenté, & retiré pour quelque temps en son pays en Almagne. Et en diligence auoit enuoyé vers Otho troysieme, estant en Italie, pour l'aduertir desdictes entreprinles.

¶ Durant le siege tout le pays circonuoyfin de Verdun fut pillé & brulé. Et les villages, terres, & seigneuries de l'euesché & de l'eglise données & butinées, entre les gens d'armes dudit Lothaire. Finalement Godefroy comte se voyant si fort oppressé, & que viures commençoient à faillir, & aussi qu'il n'esperoit secours si tost: delibera faire vne saillie contre ses ennemis. Ce qu'il fit: mais fortune ne luy fut propice: car la plus grande partie des Verdunois, furent tuez, & les autres prisonniers: entre lesquelz fut prins ledict comte Godefroy. Or dedans la cité y auoit vn vaillant cheualier, nommé Gobert, que ledict comte Godefroy auoit laissé pour la garde d'icelle. Lequel voyant la detention dudit comte & de plusieurs gens de bien, & aussi que longuement n'eut scéu resister aux assaux du roy Lothaire, composa avec luy de rendre les clefs de la cité, pourueu que tous les prisonniers, excepté ledict comte, seroient renduz & deliurez, & que ladicte cité seroit gardée de feu. Ceste composition ainsi faicte & accordée, ledict Gobert rendit la cité à la volonté dudit Lothaire, qui entra dedans, avec ses gens, & fit maulx innumerables, & la teint quelque temps, mettans bonne garnison dedans.

¶ Or icy fault noter par les lecteurs, que cōbien que l'empereur Otho deuxieme eut erigé vne duché en Lorraine, pour donner à Charles frere de Lothaire: Toutefois la cité de Verdun ne fut iamais comprise en icelle duché: car si elle y eut esté comprinse, Lothaire ne l'eut assailly contre son propre frere Charles: Combien toutefois il est bien vray que ladicte cité de Verdun estoit située en la prouince de l'ancien royaume de Lorraine.

¶ Otho troysieme nouveau empereur, combien qu'il fut ieune, toutefois estoit plain de prudence & vertuz, aduertiy des courtes que Lothaire faisoit au pays de Lorraine, & contre ses promesses: assembla grosse armée, & vint d'Italie pour secourir & deliurer ladicte cité de Verdun. Dequoy aduertiy Lothaire n'attendit point la venue dudit Otho: mais luy deliura la cité, & le comte Godefroy. Et ne vesquit gueres apres ledict Lothaire: Car il mourut l'année suyuant, neuf cens octante six, apres qu'il eut régné trente vn an, & fut inhumé à Reims en l'eglise sainct Remy. Et laissa vn seul filz, nommé Loys, qui fut le dernier roy de la lignée de Charlemagne. Et ne teint le royaume de France qu'vn an. En ceste mesme année, scauoir neuf cens octante sept, le deuxieme des Calendes de Septembre mourut le bon euesque Vvilfridus, apres qu'il eut tenu l'euesché vingt six ans, ou enuiron. Et fut inhumé son corps

(ainsi


# depuis Charlemagne iusques à Hue capet. F. clxxxviii.

(ainsi qu'il auoit ordonné) en l'eglise de sainct Paul, qu'il auoit fait edifier, près du maistre autel à la partie dextre pour lors. La sepulture duquel on voit encores au bout de ladicte eglise de sainct Paul, pres du grand portail d'icelle eglise à la main fenestre. *sepulture d'iceluy euesque.*

¶ Icy fault que les lecteurs retournent à la fin des deux euesques, subsequens, pour trouuer les Papes, empereurs, roys de France, & autres princes, qui ont regné du tēps d'iceulx troys euesques. A raison que lesdictz deux derniers n'ont tenu nostredict euesché de Verdun qu'environ vn an. *Aduertissement aux lecteurs.*

FIN DE NOSTRE EUES  
que de Verdun Vvilgfridus  
trentequatrieme,

## DE LA VIE DE HUGO trentecinquieme euesque de Verdun.



**HUGO** trentecinquieme euesque de Verdū, obtint l'euesché l'an de grace neuf cens octante six. Car apres la mort de Vvilgfridus son predecesseur, le clergé d'icelle Verdū ne feit point d'election, ny semblablemēt nomination de nouveau euesque, tant pour raison de l'absence de Otho empereur (qui estoit retourné en Italie apres que Lothaire roy de France eut restitué la cité de Verdū, & deliuré le comte Godefroy, qu'il auoit prins prisonnier) que aussi par l'absence du clergé d'icelle Verdun, ou de la plus grande partie d'iceulx, qui s'estoient retirez & absentez de leur eglise & cité pour les grandes troubles des guerres, dommages, & destrucōs, & aussi detentiō de leurs terres, villages, & seigneuries, que ledict Lothaire auoit prins & gastez, pendant qu'il auoit assiegé ladicte cité, comme dessus a esté dict. Dont aduint que long temps les rentes & reuenuz de ladicte eglise ne furent suffisantes pour entretenir les chanoines. A raison dequoy plusieurs d'eulx furent long temps absens.

*Hugo. xxxv.  
euesque de Verdū*

*Desolatiō & pau  
uere de l'eglise  
de Verdun.*

¶ Or ledict Hugo estoit pour lors de la vacation en Italie ieune escolier mignon de court, & bien aymé d'iceluy empereur, à cause qu'il estoit sorty de noblesse, & que ses parens suyuoient la court. Si fut aduertiy de la mort d'iceluy Vvilgfridus. Et fait tāt par ses amys enuers ledict empereur, qu'il luy bailla ledict euesché de Verdun. Et en diligence veint pour prendre la possession, esperant viure & gaudir des rentes, fruietz, & reuenuz d'iceluy: & peu curieux de l'honneur de Dieu, reformation & reparation des eglises. Et pour son cōmencement māda venir vers luy les officiers & receueurs d'iceluy euesché. Et pour sçauoir la valeur & reuenū d'iceluy euesché, les places & lieux ou ce prenoient icelles rentes. Qui luy feirent respōce, & remōstrerent les grandes desolations des villes & villages ruinez & destruietz par tout son euesché. Esquelz lieux du passé les euesques & chanoines souloient prendre leurs rentes & prouisions de viure, que de present estoient tous destruietz par lesdictes guerres. Et n'estoit possible pour lors en faire son profit. Oultre plus luy remōstrerent les dispositions & preparations des guerres, qui se preparoient par la mort de Loys roy de France, filz d'iceluy Lothaire, qui estoit nouvellement mort en ceste mesme année: pour ce que Hue capet comte de Paris, se dispoisoit à vsurper le royaume de France, cōtre Charles duc de Lorraine. Partant disoient iceulx officiers & receueurs, qu'il n'y auoit grande esperance, qu'il peult de long temps faire profit d'iceluy euesché.

*Hugo prouueu de  
l'euesché de Ver  
dun.*

¶ Quand

# Le iij. liure des antiquitez de la gaule belgicque

*L'euesque Hugo* ¶ Quand ledict Hugo eut ouy les respōses & remonstrances d'iceulx officiers, & auſi aduertis de la desolation & destruction des terres de l'euesché avec la dispositiō des guerres futures, declara qu'il renonçoit à iceluy euesché, & au don que l'empereur de Verdun ceda luy auoit donné & octroyé. Et esperant de mieulx auoir s'en retourna incontinent, avec les gens en Italic, vers ledict empereur, apres sa prouision, enuiron troys moys. Et partant demoura l'euesché de Verdun, sans pasteur.


*Hugo ne teint l'euesché de Verdun que troys moys*

## FIN DES FAICTZ ET GESTES de Hugo, trentecinquieme euesque de Verdun.

### DE LA VIE DE ADELBERO trentesixieme euesque de Verdun.



*Adelbero. xxxxi. euesque de Verdun.*



DELBERO (ou selon les autres Albero, ou Adalbero) trente sixieme euesque de Verdun, filz de feu Frederic Duc de Mozelane, qui feit edifier le chasteau de Bar, & estoit yslu des princes d'Ardenne, & frere de Theodoric duc de ladicte duché de Mozelane, qui pour lors viuoit, & nepueu cōme dist le collectaire, des euesques de Metz, de Theodoric euesque d'iceluy lieu, & partant prochain parent de Otho troysieme, empereur, comme dirons cy apres, fut esleu euesque de Verdun en l'an neuf cens octante sept. Car apres que le desuldiet Hugo (qui auoit obtenu l'euesché de Verdun, par Otho) eut renoncé à iceluy, & declaré qu'il n'en vouloit point: Le clergé & citoyens d'iceluy Verdun voyans leurs cité & eglise sens pasteur, & les grandes ruines & destructions des terres d'icelle: S'assemblerent & aduiserent en leurs necessitez vrgentes eslire & faire vn euesque conuenable & propre pour repater & restituer leur eglise & cité en meilleur estat. Et conclurent ensemble que sans attendre l'autorité ne la nomination de l'empereur absent, ilz esliroient quelque homme vertueux & scauant allié aux princes du pays, & qui seroit agreable audict empereur. Si esleurēt ledict Adelbero, qui estoit à la verité tel que leur faillloit, pour parfaire ce qu'ilz desiroient. Et ce fait luy porterent leur election, avec le baston pastoral, mitre, & aornemens episcopaux, prians humblement qu'il voulsist accepter la charge. Ce qu'il feit benignement par le conseil & aduis de sa bonne & sainte mere Beatrix vesue, seur de Hue capet. Laquelle estoit deuote & ecclesiastique, & qui en son viuant feit beaucoup de biens aux eglises.

*Adelbero esleu euesque de Verdun*

*Beatrix seur de Hue Capet, mere de Adelbero.*

¶ Bien tost apres au commencement de l'année suyuant neuf cens octante huiet, apres la mort

# depuis Charlemagne iusques à Hue Capet. F.cxcix.

la mort de Loys roy de France, & dernier de la lignée de Charlemagne; decedé sans enfans: Aduint vne grosse cōtentiō entre Charles duc de Lorraine, oncle du defunct Loys, & Hue Capet comte de Paris. Car ledict Charles duc de Lorraine, se disoit estre oncle paternel & seul heritier du defunct son nepueu Loys cinquieme, decedé sans hoirs de son corps: Et que partant à luy appartenoit ledict royaume de France: Ce qui estoit vray. Et neantmoins Hue Capet, comte de Paris & cousin dudit Charles; pretendoit droict audict royaume, prenant son occasion en allegant le droict pretendu iadis par son grād pere Robert duc d'Aquitaine, qui fut tué à la poursuite dudit royaume de France, qu'il pretendoit par la mort de son frere Eude, qui auoit esté roy en Frāce du temps de Charles le Gras & Charles le Simple, l'an huiēt cens nonāte, cōme dessus à esté dict.

¶ Oultre disoit ledict Hue Capet estre de par sa mere de la lignée de Charlemagne. Car sa mere Hauuie femme de Hue le Grand, estoit soeur de Gerberge femme de Loys quatrieme de ce nom, & que partāt estoient cousins ledict Hue Capet & ledict Charles de Lorraine, filz des deux soeurs filles de Héry duc de Saxonie, qui regna en Almagne apres Cōradus. Car Loys troisieme de Germanie filz d'Arnoul fut le dernier des François venuz en hoirie male de la lignée de Charlemagne. Apres lequel l'Empire fut transporté aux Saxons: Car cedit Loys troisieme n'eut que deux filles; l'aînée nommée Plaisance, & la seconde Mathilde. Plaisance fut mariée à Conrad; qui estoit d'Almagne, & fut Empereur apres ledict Loys, & n'auoiēt aucuns hoirs. Mathilde (qui estoit sainte femme) fut mariée à Henry duc de Saxonie, qui fut Empereur de Germanie apres ledict Cōradus. Diceux Henry & Mathilde ou Mahaut, ysit Otho le grand, qui fut empereur de Rome, & deux filles, l'aînée nommée Gerberge ou Gerberge, fut mariée en premieres nopces, à Gislebert; duc ou Gouverneur en Lorraine, qui fut noyé dedans le Rhin: Et depuis à Loys quatrieme de ce nom, roy de France. Desquelz isit Lothaire pere de ce Loys cinquieme; & Charles; qui fut duc de Lorraine. La seconde fille de Henry & Mathilde fut nommée Hauuie; aliàs Heluide, & fut mariée à Hue le Grand, Comte de Paris, dont ysit le dessusdict Hue Capet, qui ysurpa le royaume de France contre son cousin. Et estoit fort de par mere de la lignée de Charlemagne.

¶ Vincent de Beauuais en son histoire dit, que la translation faicte du royaume de France à Hue Capet, fut faicte par permission diuine: pour ce que les roys descēduz en la generation de Pepin & de Charlemagne, permettoient à leurs princes & gentils hommes, pour entretenir leurs estatz, par force & illicitement oster les donations, dotations, & libertez faictes aux eglises de France, & eux denommer abbez ou prieurs des monasteres. Les fruiēt desquelz ilz occupoiēt, en donnant quelque chose à leur plaisir pour l'entretenement des religieux, cōme cy dessus à esté dict en plusieurs lieux. Racompte aussi ledict Vincent que miraculeusement auoit esté reuelé audict Hue Capet par saint Valery, saint Rignier, à fin d'oster & reformer les tyrannies qui se faisoient par les eglises de France. Ce que fut faict apres par Robert roy de France, filz dudit Hue Capet. Telz exemples peuuēt donner monitiōs & terreur aux princes regnans à present, qui font le semblable & encores pis.

¶ Or pour ces causes que dessus, chascun desdictz deux princes Charles de Lorraine & Hue Capet delibererent entreprendre le royaume, & regner: Mais ledict Hue Capet fut le plus diligent, & attira à soy par alliance tous les princes de France. Et print possession des principales villes & citez du royaume des François. Et soubz luy defendoient icelles lesdictz princes de France, excepté Arnoul Comte de Flādres, qui tenoit les parties dudit Charles de Lorraine. Et par son moyen Charles cuidant recourir ledict royaume, assembla grosse armée contre ledict Hue Capet. A raison dequoy ledict Capet par apres quand il fut paisible, osta la Comté d'Artois audict Comte de Flandres. Laquelle depuis il restitua par le moyen de Richard duc de Normandie.

¶ Enuiron ce tēps apparurent plusieurs signes & prodiges. Car la famine fut si grāde que les pāures gens mouroient par les chemins. Et prouint ladicte famine par l'in-

*Contention du royaume de Frāce entre Charles de Lorraine & Hue Capet.*

*Hue Capet issu par mere du sang de Charlemagne.*

*Les deux filles de l'Empereur Loys: ij. de la Germanie.*

*Charles de Lorraine & Hue Capet cousins germains*

*Les causes de la translatiō du royaume de France à Hue Capet.*

*La diligence & faueur de Hue Capet en entreprenāt le royaume.*

*Arnoul Comte de Flandres tenāt la partie de Charles de Lorraine, fut priuē d'Artois.*

*Famine & prodiges.*

# Le iij. liure des antiquitez de la gaule belgicque

dispositiō du temps: Car quand on semoit les bledz, il feit tresgrande secherresse. Et en Automne vindrent tant de pluyes & neiges, quil ne fut possible recueillir lesdictz bledz, Combien que Sigebert dict qu'en aucuns pays il plut du ciel des bledz & des poissons.

*La mort de Theodorice euesque de Metz.*

¶ Pendent que lesdictz princes Charles de Lorraine & Hue Capet preparoient leur cas pour regner en France, & Adelbero eut accepté l'euesché de Verdun: Theodorice (duquel auons escript en la vie de Berengarius) euesque de Metz, & parent dudit Adelbero, estant en Italie avec l'Empereur Otho troisieme, alla de vie à trespas, desia fort ancien, & qui auoit fait plusieurs voyages audict pays d'Italie avec les deux Otho precedens Empereurs ses parens, comme auons escript cy dessus.

*L'euesque de Verdun Adelbero. ij. du nom, prouueu de l'euesché de verdun.*

¶ Apres la mort de Theodorice, l'Empereur Otho troisieme, qui estoit à Rome, baila l'euesché de Metz audict Adelbero, qui nouvellement auoit esté esleu euesque de Verdun, sans son sceu. Et cōbien qu'il fut absent, toute fois luy voulut gratifier, pour ce qu'il estoit son parent, & parent dudit defunct Theodorice, qu'il ayroit affectueusement. Et si estoit remply de toutes vertuz, réputé saint homme, comme escript Sigebertus en son histoire soubz l'année neuf cens octante six, disant.

*Adelbero saint homme.*

*Theodoricus Metensis episcopus obiit, &c. Et s'en suit: Episcopatum Metensem suscepit Adelbero vir sanctus & nobilis, filius Frederici ducis, &c.*

Quand ledict Adalbero fut aduertý de la donation que l'Empereur luy auoit faite, delibera (comme vn saint homme) ne tenir point deux eueschez ensemble. A raison de quoy manda querir les principaux du clergé de l'euesché de Verdun: auxquels fait remonstrance du vouloir de l'Empereur, & humblement les remercia, restituant les aornemens episcopaux, crosse, & mitre. Et remit reueremment en leur disposition droict de faire nouvelle election. Et print l'administration de l'euesché de Metz, ou il fut institué quarante sixieme euesque, & deuxieme du nom. Et comme disent les historiens, se gouerna tresprudement & saintement, conseruant l'honneur de Dieu & l'augmentation du seruice diuin & de son eglise. Car il edifia plusieurs eglises, parfeit celle que ses predecesseurs auoient encommencées, & repara les anciēnes. Entre lesquelles signamment renouuella le monastere de saint Symphorian. Et finalement mourut, apres qu'il eut tenu ledict euesché de Metz par l'espace & temps de vingt sept ans. Fut inhumé en ladicte eglise de saint Symphoriā, en laquelle aupara uant auoient estez inhumez plusieurs autres corps de ses predecesseurs, euesques de Metz, à scauoir Expletius, Papolus, Godon, Aptadius: & Fœlix.

*Adelbero ceda à l'euesché de Verdun, prenant celui de Metz.*

*La sepulture de Adelbero.*

¶ Et fault ici noter que pour autāt q̄ les deux dessusdictz euesques de Verdun, Hugo & Adelbero, ne teindrent long tēps ledict euesché de Verdun (Car ilz n'y furēt point vn an entier eux deux) En beaucoup de Cartulaires & registres de Verdū ilz ne sont escriptz ne denombrez entre les euesques dudit Verdun.

*La progenie de Adelbero euesque de Verdun, & Metz.*

¶ Or pour plus facilement entendre la progenie du dessusdict Adelbero, qui fut sleu euesque de Verdun, & depuis teint l'euesché de Metz: fault reduire en memoire ce que nous auons escript cy dessus des successions & posteritez des Comtes d'Ardenne. Et signāment reprendre à Ricuinus, prince & seigneur d'Ardenne, & frere de Gilsibert noyé dedans le Rhin, duquel nous auons escript en l'euesque Dado & aux subsequens iusques à cestuy. Par lequelz pourions veoir que ledict Ricuinus eut deux filz, dont le premier Godefroy à la barbe, eut pour son partage les Comtez d'Ardenne, Buillon, & Verdun: Et de luy sont descenduz les princes & ducz de Lorraine à présent regnans. L'autre filz de Ricuinus fut nommé Odo ou Otho, qui eut pour son partage la duché de Mozelane, que Sigibertus en son histoire appellé Moselanorum ou Moselanus. Laquelle duché (selon ce qu'on peut tirer des histoires) estoit située sur la Mozelle entre Metz & Treues, & si eut encores vne Comté située pres de saint Mihel en Barrois, appellée Comitatus Ricuini. Soubz laquelle sont situéz les villages de Döpfuerain & Refracourt & autres, comme on peut veoir par les antiquitez de ladicte Abbaye Saint mihel. Cestuy Otho filz de Ricuinus print femme la niece

*Godefroy à la barbe.*

*Odo ou Otho duc de Mozelane.*

au

# depuis Charlemagne iusques à Hue Capetii. F. cc.

au parenté de l'Empereur Otho premier, & mourut en sa ieunesse, laissant plusieurs enfans, qui appelloient ledict Empereur Oncle. Entre lesquels y auoit Adelbero, qui fut euesque de Metz premier du nom. Et Frederic qui succeda aux seigneuries de son dict pere: Et duquel presentement voulons escrire, pour monstter que de luy sont descenduz les Comtes de Bar.

¶ En quoy fault noter pour entendre les histoires que cestuy Fredericus est au cunefois appellé duc de Lorraine, cōme appert par les antiquitez de ladicte Abbaye de saint Michel. Ce que ne fault entendre qu'il fut duc de Lorraine de la duché erigée par Otho deuxieme, & donnée à Charles frere du roy Lothaire: Mais pource qu'il estoit duc de Mozelane, laquelle duché estoit située dedans le royaume de Lorraine. Parquoy on l'appelloit duc de Lorraine, c'est à dire duc en Lorraine. Aussi on trouue que l'historien de Verdun Laurentius Leodiensis appelle cestuy Fredericus duc de Bar: non pas que Bar fut duché pour lors: Mais pource que luy estant encores ieune (combien quil fut duc de Mozelane) toutefois souuent faisoit sa residence en la Comté de Ricuin, située pres saint Michel. Et si auoit aucunes terres pres la ville de Bar, appellées pour lors Barreuil, située entre les limites du royaume de Lorraine & de la Champagne. Auquel lieu enuiron l'an neuf cens cinquante fait edifier le chasteau de Bar, qu'on voit encores de present. Lequel pour gratifier à l'Empereur son parent, disoit l'auoir edifié pour plus facilement resister aux incursions & entreprises, que faisoient souuent ceulx du pays de Champagne, qui estoient soubz le pays de France contre le pays & prince de Lorraine, qui estoit soubz l'obeissance des Empereurs. Et disoit iceluy Fredericus que ledict chasteau seroit quasi comme vne barre entre les deux pays.

¶ Et pource qu'il n'auoit point de seigneuries pres dudit chasteau nouvellement erigé, il trouua maniere acquester & achapter par eschange & permutation ladicte ville de Barriulla, & quelques autres terres circunuoisines, qui pour lors appartenoient à l'eglise de saint estienne de Toul, & donna par eschange d'icelle à saint Gerard, pour lors euesque dudit Toul, vn village situé en Almagne nommé Berkem avec deux Abbayes en la prouince de Loiraine, à sçauoir Moyen monstier, & vne autre pour lors appellée Galilea, autremēt Dieudonné, que ie pense estre saint Die.

¶ Dauantage voyant ledict Fredericus que ses seigneuries estoient voisines de l'abbaye de saint Michel, il entreprit par force la Vvourie de ladicte Abbaye de saint Michel, soubz l'ombre de garder icelle. Ce que facilement il feit, pour autant que les Empereurs & roys de France faisoient leurs residences, & estoient occupeés en autres contrées & pays fort distans dudit saint Michel. Et partant ne pouuoient donner ayde aux religieux, pour resister à telles entreprises. & dauantage soubz couleur de ladicte Vvourie print & vsurpa la troisieme partie de toutes les rentes & reuenuz d'icelle Abbaye: & les applicqua à son chasteau de Bar, disant l'auoir fait & edifié pour la tuition & defense de ladicte Abbaye. Et par ce moyen luy & ses successeurs furent Vvouriez & comme seigneurs de ladicte Abbaye. Et à raison de ce aucuns historiens appellēt cestuy Frederic premier Comte de Bar. Cōbien à la verité qu'il ne print du commencement tiltre de Comté: Mais seulement Vvourie. Ce que firent par apres ses successeurs, comme nous escrirons cy apres selon l'ordre du temps.

¶ Or cestuy Frederic estoit marié & auoit prins pour femme Beatrix, soeur de Hue Capet, qui fut roy de France. En traittāt le quel mariage, ledict Hue bailla à ladicte soeur plusieurs seigneuries situées pres de Paris, & de son patrimoine: Car son pere en son viuant se nommoit Maistre du Palays de Paris. Lesquelles terres & seigneuries ledict Fredericus changea & permuta avec l'Abbé & conuent de saint Denys en France. Et eut pour recompence autres terres & seigneuries situées pres son chasteau de Bar, qui appartenoient au monastere dudit saint Denys, à sçauoir Neufuille, Reuigny, & Laymont, comme plus amplemēt on peut voir es registres de l'Abbaye de saint Michel.

¶ Ledit Fredericus ne vesquit longuement, & eut de la femme Beatrix plusieurs enfans. Entre lesquels furent Hezelin & Henry qui moururent en ieunesse, comme

*Frederic filz du dessusdict Core de Mozelanne.*

*Frederic de Mozelanne appellé au cunefois duc de Lorraine, & duc de Bar.*

*Bar appellée Barreuil.*

*Barreuil acquisite par le duc Frederic.*

*Le chasteau de Bar edifie par Frederic duc de Mozelanne pere de l'euesque Adelbero.*

*Comment le duc Frederic acquesta la ville de Barriulla de .S. Gerard euesque de Toul.*

*Frederic vsurpāt par force en l'Abbaye de .S. Miel.*

*Le duc Frederic applica la troisieme partie du reuenu de l'Abbaye de saint Michel.*

*Frederic prit pour femme Beatrix soeur de Hue capet.*

*Frederic acquesta de l'Abbaye de .S. Denys de France plusieurs villages pour son chasteau de Bar.*

*La mort de Frederic & enfans.*

# Le iii.liure des antiquitez de la gaulle belgicque,

on voit par les antiquitez de l'Abbaye de sainct Mihel. Et si en eut vn autre nommé Theodoricus, qui succeda à son pere Fredericus tant en la duché de Mozelane qu'à la seigneurie dudiect chasteau de Bar, la Vvourie de l'Abbaye de sainct Mihel. Et duquel ensemble de ses enfans sont sortiz les Comtes de Bar, comme nous escrivons cy apres selon l'ordre du temps. Item il laissa cestuy nostre euesque Adelbero ou Albero, comme on trouue es registres dudiect Sanct Mihel, qui fut apres la mort de son pere, viuât sa bonne mere, esleu euesque de Verdun & depuis de Metz, cōme dessus à esté dict.

## ¶ Fin de la vie Albero, trente sixieme Euesque de Verdun.

## ¶ Sensuiuent les Papes, qui ont tenu le siege de Rome, durant la vie dudiect Vvilgfridus & des deux autres subsequens.

*Iehan trezieme.  
cxxxvi. Pape.*

**I** E O N huitieme fut Pape quelque temps durant lediect Vvilgfridus comme nous auons escript en l'euesque precedant.

**I**oannes trezieme de ce nom, natif de la cité de Narniense, cent trentesixieme Pape, fut eleu en l'an neuf cens soixante quatre. Et gouerna l'eglise Romaine en paix & tranquillité: Toutefois il eut des aduersaires, Petrus Patrice de Rome, & Iofredus Comte de la Champagne, qui le constituerent prisonnier au chasteau saint Ange: & depuis enuoyerent en exil en la Champagne: Mais vnze moys apres fut deliuré par l'Empereur Otho premier. Et furent les aduersaires grieuement punyz, les vns tuez, les autres peduz & les autres exilez & bannyz. Et mourut lediect Ioannes apres qu'il eut tenu le siege six ans vnze moys.

*Benedictus. vi.  
cxxxviii. Pape.*

**B**enedictus sixieme de ce nom, Romain, cent trenteseptieme pape en l'an de grace neuf cens septante & vn. En l'absence d'Otho premier fut prins par vn citoyen, nommé Cinthius, & fut mis en prison au chasteau saint Ange ou il mourut de fain, ou selō les autres, fut illec estranglé par lediect Cynthius, apres qu'il eut tenu le siege de Rome vn an six moys.

*Donus. deuxieme  
cxxxviii.*

**D**onus deuxieme du nom, Romain, cent trentehuitieme Pape, en l'an neuf cens septante trois, homme de grande mansuetude & douceur, ne feit grandes choses en son temps, aussi ne feit iniure ne iniustice à personne, & partant n'eut point d'aduersaires ny d'ennemys. & mourut apres qu'il eut tenu le siege vn an.

*Bonifacius. vii.  
cxxxix. Pape.*

**B**onifacius septieme de ce nom, fut cent trente neu uisime Pape, l'an de grace neuf cens septante quatre, homme de meschante vie, & partat hay des Romains. Et pour euitter la fureur d'iceulx s'en fuit en Constantinoble, & emporta avec luy tous les precieux ioyaux & thresors du siege apostolicque, qu'il vendi, & retourna à Rome avec grosses sommes d'argent, qu'il donna aux Romains pour se reconcilier avec eulx. Combien qu'un homme de grande vertu, nommé Ican Diacre,



# depuis Charlemagne iusques à Hue Capet, F.cci.

Diacre, l'empescha en tout ce quil peut: Auquel ledict Pape feit crener les yeux, & selon les aucuns, le feit tuer: Mais par punition diuine mourut de mort soubdaine le septieme moys & cinquieme iour de son pōtificat. Apres la mort duquel le peuple lya son corps à vne chorde, & fut trayné en la place de sainct Iean de Latran, & persé de lances & d'espées.

**Benedictus** septieme de ce nō, cent quarentieme Pape, Romain de natiō, en l'an neuf cens septante cinq, homme de bonté & vertu. Durant son temps Otho deuxieme mourut, & Otho troisieme fut esleu Empereur. L'electiō duquel il confirma pour euter les dissensions en la chose publicque Chrestienne. Et mourut apres auoir tenu le siege huiēt ans six moys.

*Benedictus. vij.  
cxi. Pape.*

Enuiron ce temps fut Berengier de Tours, Archidiaque d'Angiers, homme scauant & grant philosophe, qui errā en la foy touchāt le sainct sacremēt de l'autel. Et depuis corrigea son erreur, & reuocqua en plain concile à Rome, & fut si tresparfaict en vertuz qu'il labouroit de ses propres maīs, & tout ce qu'il auoit (excepté son viure & vestemens) donnoit aux pauvres.

**Ioannes** quatorzieme de ce nom, Romain, cent quārente vnieme pape, en l'an (selon aucuns) neuf cens octante trois. Car entre les Papes precedēs & subsequens les historiographes sont en grandes diuersitez tant du temps que de l'ordre & nombre desdictz Papes. Et dict Platina, que le troisieme moys que cestuy fut Pape, il fut prins par les Romains, & emprisonné au chasteau sainct Ange, ou il mourut de pauureté miserablement.

*Ioannes. xliij.  
cxi. Pape.*

**Ioannes** quinzieme de ce nom, Romain, filz de Leon prebstre fut cent quārante deuxieme Pape, en l'an neuf cens octante trois, homme superbe & orgueilleux, qui de son commencement eut en hayne tout le clergé & estat ecclesiasticque, aussi fut il hay dun chascun. Car il corrompoit tous les droitz diuins & humains, & destruisoit tout pour donner & enrichir ses parens, & mourut par disposition diuine le huietieme moys de son pontificat.

*Ioannes. xvj.  
cxlij. Pape.*

**Ioannes** sezieme de ce nō, Romain, cent quarantetroisieme Pape en lan neuf cens octante quatre, homme trescauant & de grāde doctrine. Et qui a composé plusieurs liures. Il eut vn aduersaire patrice de Rome, nommé Crescentius, pour les factiōs duquel euter le Pape laissa Rome, & sen alla au pays de Tuscie: Mais ledict Crescentius craignant qu'il ne deut appeller en Italie l'Empereur Otho troisieme, qui pour lors estoit en Germanie, & n'estoit encores couronné, enuoya gēs vers ledict pape pour le faire retourner à Rome. Ce qu'il feit, & fut receu honorablement de tous les Romains, en luy crians mercy. Soubz cestuy Pape fut reuocqué Arnoul euesque de Reims; & deieēté Gilbertus le Magicien: Et mourut ledict pape apres qu'il eut tenu le siege dix ans six moys.

*Ioannes. xvi.  
cxliij. Pape.*

## Les Empereurs qui ont estez durant le temps que Vvilgfridus & les deux autres subsequens viuoient.



**O**THO premier, surnommé le Grand, teint l'Empire durant ledict Vvilgfridus, iusques en l'anneuf cens septante trois. Duquel Otho à esté escript cy dessus au precedent euesque.

**Otho** deuxieme filz de Otho, premier, succeda à l'Empire, apres son pere l'an de grace neuf cēs septante quatre. Combien qu'un an au parauant, durant la vie de son pere, il auoit esté par l'authorité du Pape

*Otho deuxieme  
octante cinquieme  
Empereur.*

# Le iii. liure des antiquitez de la gaule belgicque,

associé avec son pere à l'Empire, & receu la benediction & coronation avec sa femme Theophane, soeur de l'Empereur de Constantinoble. Au commencement de son regne il subiuga son cousin Henry duc de Bauiere, qui luy estoit rebelle. Il se vengea de Lothaire roy de France, qui sans le deffier, lauoit assailly en son Palays d'Aix. Et depuis mena trèsgrant exercite iusques à Paris, & brusta les faulxbourgs: Mais au retour sur le fleuve D'aisme il perdit la plus grande partie de son armée. Toutefois à la fin il obtint dudit roy Lothaire toute la prouince de Lorraine, estant en question avec serment de jamais ne la repeter.

*Erection de la duché de Lorraine*

¶ Il erigea vne prouince dudit royaume de Lorraine, que tenoit Gislbert dessusdict en duché, & la bailla à Charles frere dudit Lothaire. Laquelle depuis a tousiours retenu le nom de Lorraine, & le retient encores de present. Il fut en Italie, & perdit vne grosse journée en Calabre contre les Grecz & Sarrazins, qui eurent victoire contre luy. Et fut contrainct pour eschaper, se iecter en la mer avec les Nautonniers & pyrates de mer, qui ne le cognoissoient.

*La mort de Otho deuxieme. Alaranus marquis de môsferrat.*

¶ Finalement mourut à Rome quasi par desplaisir: & fut inhumé à l'entrée de saint Pierre, apres qu'il eut regné dix ans. Laisa vn filz, nommé Otho troisieme, qui luy succeda, & vne fille Adelisia ou adeline, qui fut mariée à Alaranus Marquis de Môsferrat. Il eut plusieurs autres enfans, comme Ludos, Henry, Ementrude, femme de Lothaire roy de France.

*Otho. iij. du nom iuxxvi. Empereur.*

**Otho** troisieme de ce nom, filz de Otho deuxieme, fut élu Empereur en l'an de grace neuf cens octante quatre, ieune enfant en l'aage de douze ans, combien qu'en son election y eut grosses controuersies: nonobstant fut confirmé par le Pape Benoist septieme du nom. Et enuiron vnze ans apres fut couronné par le Pape Gregoire cinquieme, il pacifia par fors d'armes les affaires de la France, & de la Germanie. Et puis sen alla en Italie, ou il feit plusieurs grandz faitz d'armes pour l'entretènement & augmentation de la chose publique de leglise Romaine. Toutefois apres son retour premier de Rome en ladiete Germanie, les Romains chasserent le Pape Gregoire cinquieme, & esleurent vn Pape nouueau, qu'ilz nommerent Jean, & constituerent Crescence patrice de Rome. Dequoy aduertiy Otho retourna à Rome, & en sa fureur mena avec luy si grande armée, qu'il assiegea Rome de tous costez: & fut rêt contrainctz les Romains ouurir leurs portes & luy crier mercy. Apres il feit creuer les yeulx au Pape Jean nouuellement eleu, & pendre au gibet ledict Crescētius, & restitua ledict Gregoire, en la Papauté. Et disent les historiographes que les deux derniers Otho furent si vaillans & magnanimes, que l'un fut appellé la mort ou le meurdrier des Sarrazins. Et le dernier fut surnommé Mirabilia mundi.

*Crescence esleu patrice par les Romains, dechasse Gregoire.*

*Electio des Empereurs est instituée par Otho. iii.*

¶ Ledit Otho à la fin de son regne feit vne loy sur les elections des Empereurs, à fin qu'on n'y pretendist plus droit par succession d'heritage: Et fut icelle loy autorisée par le Pape Gregoire cinquieme, & par tout le senat Romain. La teneur de laquelle loy est telle, comme recite Jean Baptiste Egnace.

*Imperatorum nullus hereditariam dignitatem vendicet. Principes sex, sacri ordinis tres, prophetae ni totidem deligunt. Hi si discordes fuerint, Boemiam regem cooptato.*

*La mort de Otho troisieme.*

Finalement ledict Otho mourut à Rome par poison en l'an de son regne (selon aucuns) dixneufieme, selon les autres vingtieme, en l'aage de trente ans. Et porté son corps par ses gens en Almagne, inhumé à Auguste.

# depuis Charlemagne iusques à Hue Capet, F.cciij.

¶ Les roys de France qui ont regné du temps de  
Vvilfridus & des euesques.  
suiuans,



**L**O THAIRE, filz de Loys quatrieme, regna du temps dudiect euesque Vvilfridus. Car il mourut en l'an neuf cens octante six. Duquel nous auons escript en l'euesque Berengarius.

*Loys. v. xxxviij.  
roy de France.*

**L**OYS cinquieme du nom, filz de Lothaire dessusdict dernier de la lignée de Charlemagne, laquelle auoit duré l'espace de deux cens trente trois ans, succeda au royaume de France apres son pere l'an de grace neuf cens octante six, en l'aage de dixsept ans. Et selon aucuns auoit espousé Blanche fille du roy de Navarre. Combien que les autres (comme maistre Nicoles Gilles) disent qu'elle estoit fille de Otho deuxieme. Et que lediict Loys mourut par poison, apres qu'il eut regné dixhuiet moys ou enuiron, à scauoir en l'an neuf cens octante sept, sans hoirs yllans de luy. Et fut inhumé à sainte Cornille à Compiengne. Par la mort duquel Hue Capet Comte de Paris, vsurpa lediict royaume, & s'en mit en possession, combien qu'il appartenoit par droict de succession à Charles duc de Lorraine, quien feict quelque poursuite, comme sera dict cy apres, en parlant dudiect Charles de Lorraine.

**I**cy fault noter qu'en cestuy Loys cinquieme fut la dernière ligne de Charlemagne. Apres lequel Hue Capet vsurpa lediict royaume de France Auquel commença la quatrieme lignée des roys de France. Desquelles la premiere commence à Pharamond, la seconde à Meroneus, la troisieme à ceulx de Charlemagne, & ceste quatrieme audiect Hue, qui dure encores presentement.

*Quatre lignées  
des roys de France,  
dont la quatrieme  
commence à Hue  
Capet.*

¶ Des roys de Lorraine, qui ont regné durant  
les troys euesques dessus  
dictz.



**L**E ROYAVME de Lorraine, qui auoit prins commencement & origine à Lothaire premier du nom, filz du roy Loys Debonaire, prin fin totale du tēps de l'Empereur Otho troisieme & de Loys cinquieme roy de France. Tellement qu'en iceulx le tiltre & nom d'iceluy furent aboliz & exterminiez par ce que la portion d'iceluy (que tenoient les roys de France depuis Meuse iusques à l'Escault fut vnie & annexée audiect royaume de France. Et l'autre portion occupée par les Empereurs, scauoir depuis Meuse iusques au Rhin, excepté le pays contenu presentement en ladiecte duché, fut semblablement vnie & annexée à l'Empire de la Germanie. Et partant les noms & tiltres dudiect royaume furent confonduz. Tellement que depuis on n'a trouué princes portans tiltre de roy de Lorraine. Mais bien aucuns princes ont retenu le nom & tiltre de duc de Lorraine comme nous dirons cy apres. A raison dequoy desormais en nostre histoire ne ferōs mention desdictz roys: Mais au lieu diceux escriuons les ducz de Lorraine, qui aurōt regné durant noz euesques de Verdun.

*La fin totale du  
royaume de Lorraine.*

*Le nom de Lorraine  
changé en  
duché.*

Liiij Origine

# Le .iii. liure des antiquitez de la gaule Belgicque,

## ¶ Origine de la duché de Lorraine. supericure.

*Estédu du royaume de Lorraine.*



**L**A DVCHE de Lorraine receint le nom de royaume de Lorraine en tiltre de duché, & nom & tiltre de royaume, avecques l'estandue, terres, & seigneuries d'iceluy. Car ledict royaume contenoit depuis le Rhin iusques au fleuve de Lescault, ayâr la riuere de Meuse quasi courante par le meillieu, comme auons dict cy dessus. Et ladieste duché en

*Les villes capitales de Lorraine.*

son crection contient seulement vne portion dudit royaume, laquelle a pour ses limites & extremités diuerses principautez & seigneuries, comme celles de l'Archeuesque de Treues, de Luxembourg, de Metz, de Barrois, de Toul, la Côté de Bourgogne, & partie d'Almagne vers Aulsay & Ferrer. En quoy appert que cōbien que la totalité d'icelle soit située entre Meuse & le Rhin, toutefois elle ne contiēt pas tous les pays contenuz entre les deux riuieres, comme on voit facilement.

*Les fleuves fontaines sortās de Lorraine.*

¶ Et d'icelle prouince de Lorraine sortent plusieurs nobles & grandz fleues, comme la Sone qui descend à Lyon, & est ioinct au Rosne, Meuse, Meselle, Marne, & plusieurs autres. Pareillement y à en icelle beaucoup de manieres de fontaines froides & chaudes & medicinales, comme font à Plumiers. Et en aucunes on trouue belles & nobles perles, les autres sont fallées, desquelles on fait le sel pour fournir ledict pays & les circonuoisins. Et si a moult de manieres de mines, comme argent, azur, fer, & vif argent. Et au surplus fertiles de bon blé, vin, & fruitz, en grande abondance de bestes tant domestiques que sauages. Et est le pays solatieux en toutes manieres de chasses. Et sont les gens hardiz & belliqueux, aymans leur prince, prestz à mourir pour lui. Et pource qu'ilz moyennent des francoys entre France & Almagne, ilz tiennent des François humanité, liberalité, & solertie de guerre. Et des Almans force, corpulence, & ordre en guerre.

*Les mines en la duché de Lorraine.*

*Les causes de l'erection de la duché de Lorraine.*

¶ L'erection dicelle duché fut faite & instituée par l'Empereur Otho deuxieme l'an neuf cens octante & vn, quil dispoit d'aller à Rome pour prendre la couronne Imperiale. Et auant que partir desirant mettre paix en la Germanie durant son absence. Et craignant de l'ancienne querelle des François sur la repetitiō du royaume de Lorraine, aduisa accorder & appointer avec Charles frere de Lothaire lors regnant, qui estoit celuy entre les François, auquel desplaisoit plus la donation de sa portion de Lorraine faite par son frere Lothaire audict Empereur Otho deuxieme. Et pour ce faire, & à fin de denoncer son amy, & empescher qu'on ne luy feist troubles en son absence, il print & designa toutes les terres & seigneuries, ou est de present ladieste duché de Lorraine, qui estoient le vray patrimoine de feu Gislbert, gouverneur de ladieste Lorraine, descendu des princes d'Ardenne, comme auons monstré. Et lesquelles seigneuries apres la mort dudit Gislbert & de son filz Henry, les Empereurs Otho premier & deuxieme auoient tousiours possedées & trouuées en leurs mains, comme leur vray heritage. Combien que les heritiers dudit Gislbert eussent fait plusieurs poursuites pour les retirer. Apres ceste designation faite, ledict Otho deuxieme erigea toutes icelles terres & seigneuries en vne duché avec grosse preeminence, & luy donna tiltre de duché de Lorraine: & la bailla audict Charles frere dudit Lothaire, qui en fut le premier duc, & duquel escrirons.

*Charles premier duc de Lorraine.*

¶ Et si les lecteurs veulent plus amplement cognoistre de l'erection d'icelle duché, & des causes, avec les qualitez, modifications, oppositions des princes d'Ardenne, accords, & conditions interposées: fault voir ce que nous auons dict tant au prologue de nostre histoire, qu'aussi en la vie de l'euesque Vvilgfridus, enuiron le meillieu.

¶ Le

# depuis Charlemagne iusques à Hue Capet F.cciij.

## ¶ Le premier duc de Lorraine.



**C**HARLES filz puisné de Loys quatrieme, frere de Lothaire dernier, roy de France de la lignée de Charlemagne, obtient apres la mort de sa mere pour sa portion en l'an neuf cens cinquante cinq, Bruxelles & le pays circouoisin, ou est de present Brabant, faisant le plus souuent sa residence en la ville de Bruxelles, comme escriuent les historiens de France. Il print pour femme en premieres nopces Bonne, fille de Ricuinus Comte d'Ardenne & de Mozelane, soeur de Godefroy l'ancien, dict à la grand Barbe. De laquelle eut vn filz nommé Otho, & deux filles, lune nommée Gerberge, laquelle fut mariée à Lambert, filz de Regnier au long col, Côte de Haynau: l'autre nommée Ermengarde, qui fut mariée à Albert Comte de Namur, comme nous deduirons en nostre histoire & monstrerons cy apres, que par le moyen d'icelle Ermengarde & des Comtes de Namur. Les roys de France retournerent & recouurerent lang & lignage de Charlemagne.

¶ Aucuns historiens ont escript que la seigneurie de Bruxelles estoit aduenue audit Charles de par sa premiere femme fille de Ricuinus. Mais eela n'est verité, cōme on peut veoir par la deduction de nostre histoire, ou se mōstre que Bruxelles & la basse Lorraine se retira par les successeurs & heritiers des filles dudit Charles. Et que la haulte Lorraine venant du costé des Ardennoys, demoura aux successeurs desdictz Ardennoys.

*Bruxelles patrimoine du duc Charles.*

¶ EN secondes nopces ledict Charles print pour femme Agnes fille de Hebert Côte de Troyes en Champagne, Delaquelle eut deux filz qui moururent en ieunesse avec luy en la prison d'Orleans en l'an neuf cens octante & vn. De ceste seconde femme de Charles duc de Lorraine les historiens font en diuersité. Car ie trouue en vne histoire de Luxembourg, qu'elle estoit fille de hebert ou adelbert Comte de Luxembourg, lequel fut tué contre les Dānoys à la journée de Remich avec Vvalo euesq de Metz. Ce qui est difficile à croire: Car ladicte journée de Remich deuant Metz fut faite en l'an huit cens octante trois. Et pour lors n'y auoit Comte à Luxembourg Car ladicte Comté fut erigée par Sigifridus long temps apres, à sçauoir l'an neuf cēs quarante. Et ledict Charles qui fut marié à sa seconde femme deux ou troys ans deuant sa mort, laquelle fut l'en neuf cens octante & vn. Aussi l'historien de Metz parlant de ladicte journée, escript que Hebert ou Adelbert, qui mourut en icelle, avec l'euesque Vvalo, estoit Comte de Metz, &c. Item l'historien de Haynau en second volume escript que ladicte secōde femme de Charles estoit fille du Comte de Treues. Et Annonius vray historien, en son cinquieme liure quarante sixieme chapitre escript qu'elle estoit fille de Hebert comte de troyes en Champagne, cōme se ensuit.

*Eodem anno rebellauit contra Carolum dux Francorum Hugo, eo quod accepisset Carolus filiū Heberti comitis Treuarum.*

¶ Au surplus iceluy Otho deuxieme bailla à cestuy Charles la duché de Lorraine, qu'il auoit nouvellement erigée es terres & seigneuries de feu Gislbertus, cōme amplement auons deduit cy dessus. Apres laquelle donation il assēbla les terres & seigneuries de son patrimoine, à sçauoir Bruxelles & les pays circonuoisins avec ladicte duché de Lorraine nouvellemēt erigée. Et print de tout ensemble tiltre de duc de Lorraine. Toutefois il y auoit difference en cō qu'on appelloit la nouvelle duché erigée, Lorraine la superiure, & les seigneuries de son patrimoine. La Lorraine inferiure.

*Charles priué du royaume de France par Hue Capet.*

¶ En l'an neuf cens octante sept le roy Loys cinquieme mourut, à raison dequoy le royaume de France luy appartenoit, duquel il fut par force & trahison deiecté par Hue Capet, prins & mis en prison à Orleans, ou il mourut, luy, sa derniere femme, & ses deux petiz enfans engendrez d'elle, en l'an neuf cens nonante trois. Et partant ne teint ladicte duché que quatorze ans. Et si laissa son filz Otho, qui succeda à la duché de Lorraine. Et ses deux filles de sa premiere femme, mariées comme dessus est

*De la mort de Charles premier duc de Lorraine est*

# Le iij. liure des antiquitez de la gaule belgicque

est dict. Enquoy appert qu'aucuns historiens, qui ont escript que sa fille Ermengarde estoit de sa seconde femme, ont erré griefuement, & ne peult conuenir a la supputation des temps.

**¶ Les princes d'Ardenne & de Mozelane descenduz de Clodion le Cheuelu, qui ont regné durant noz trois euesques dessusdictz.**



**G**ODEFR OY l'ancien, dict à la grand Barbe, filz de Ricuinus, teint la Comté d'Ardenne durant nostre euesque Vvilgfridus, iusques en l'an neuf cens octante cinq. Et de cestuy nous auons escript en l'euesque precedent, & de ses cinq enfans masles, qui diuilerēt ses seigneuries entre eux, comme auons amplement dict en nostre histoire. A raison dequoy ne ferons icy mention que de son filz aîné, qui succeda en Ardenne apres luy.

*Godefroy le ieune  
Côte d'Ardenne.*

**Godefroy** le ieune, dict a la barbe, cōme son pere, succeda à la Côte d'Ardenne en l'an neuf cens octante cinq. Et fut homme vaillant aux armes, & milita soubz l'Empereur Otho troisiemē & Henry deuxieme, surnōmé Claudius. Et en l'an mil & quatre, il succeda à la duché de Lorraine par la mort de Otho filz de Charles premier duc de Lorraine. A raison dequoy nous ne ferons icy plus grāde mention de luy iusques à nostre quatrieme liure subsequent soubz l'euesque Haymo. Ou nous deduirons & monstrerons, que cestuy fut le premier de ceulx d'Ardenne, qui furent ducz de Lorraine.

**Frederic** filz de Otho duc de Mozelane & cousin germain de Godefroy le ieune, Comte d'Ardenne dessusdict, duquel nous auons escript en l'euesque Berengarius, teint la duché de Mozelane durant l'euesque Vvilgfridus, iusques à sa mort, qui fut l'an neuf cens octante quatre. Et partant mourut auant son oncle Godefroy l'ancien d'Ardenne. Et pourcē fut le premier qui edifia le chasteau de Bar, & qui achapta la ville, & augmenta les rētes. Les historiens l'appellent premier Comte de Bar. Si laissa entre autres enfans (comme auons escript) vn filz nommé Theodoric, qui succeda à ses seigneuries.

*Theodoric duc de  
Mozelane.*

**Theodoric** premier du nom, filz dudiēt Frederic, succeda à son pere en l'an neuf cens octante quatre, es duchez de Mozelane & à la Vvourie de saint Mihel & à la seigneurie dudiēt chasteau de Bar, dont aduint que de plusieurs est appellé Comte de Bar, cōme appert par les antiquitez dudiēt saint Mihel, Neantmoins que Sophie fille de son filz, fut appellée par aucuns premiere Cōtesse de Bar, comme nous deduirons cy apres. Et combien que cestuy Theodoric fut descendu du costé paternel des Comtes d'Ardenne: toutefois de par sa mere il estoit neveu de Hue Capet roy de France. Et de par sa mere grande estoit du sang des Empereurs Otho. Et si eut vn frere Adélbero euesque de Verdun, & depuis de Metz.

¶ Cestuy fut homme vertueux, & feit aucunes fondations en l'Abbaye de saint Mihel, en l'an mil & sept, duquel lieu il estoit Vvourie comme appert aux antiquitez, d'icelle Abbaye chapitre vingt cingieme, ou il se nomme, *Dux regni Lothariensis*, qui est pour prouuer qu'il n'estoit duc de Lorraine, mais que c'est à dire duc en l'ancien royaume de Lorraine, comme auons escript de son pere. Il eut d'une noble dame, nommée Scōneildis, d'angleterre, vne fille nommée Gifila, laquelle fut mariée à l'Empereur Cōrad. Et si eut deux filz, dont le plus ieune fut euesque de Metz, & en fut deiecté comme nous dirons cy apres. De l'autre filz les historiens sont en controuerse: Car Laurentius Leodienfis au supplement de Berthaire escript que

# depuis Charlemagne iusques à Hue capet. F. cc iiiij.

que cestuy filz aîné de Theodoric s'appelloit Fredericus, lequel engendra de sa femme deux filles, Sophie & Beatrix, & puis mourut auant son pere, en escriuant comme sensuit: *Filius huius Theodorici fuit iunior Fridericus, qui mortuus est ante patrem suum in primo flore iuuentutis. Cuius Frederici filie due post obitum eius nobiliter educate, Beatrix data est à rege vxor Bonifacio Montisferrati marchioni. Et Sophia Ludouico de Monzione comiti. Ducatus autē patris earū quia neutri earū cecidit, sed datus est à rege Gerardo Castinēsi comiti, &c.*

L'autre opinion est que le filz dudit Theodoric premier s'appelloit Theodoric deuxième, qui mourut auant son pere: Et laissa vn filz nommé Frederic, & trois filles. Cestuy Frederic mourut bien tost apres, deuant son pere grand Theodoric premier. Sa premiere fille Sophie fut mariée à Loys Comte de Ferrette & de Mousson: La seconde Beatrix, fut mariée à Boniface Marquis de Montferrat. Et la troisieme Petronille, fut mariée à Gerard Comte d'Alsatie inferieure. Et celle opiniō semble estre la plus veritable, comme nous prouuerons au liure subsequnt en la vie de Peuesque Raimbertus, au chapitre de Beatrix, &c.

*Theodoric. ij. filz du premier Theodoric.*

¶ Icy fault noter que desormais au liure quatrieme de nostre histoire subsequnte ne mettrons plus de tiltre des princes d'Ardenne. Mais au lieu dudit tiltre nous mettrons leurs successeurs par droicte lignée, & en autre qualité, à sçauoir de Lorraine & de Bar. Et en ferons deux tiltres distinctz, l'un des ducz de Lorraine, qui descendirēt du dessusdict Godefroy le ieune, Comte d'Ardenne. Et l'autre des Comtes de Bar, descendirent du dessusdict Frederic & Theodoric duc de Mozelane & seigneur du chasteau de Bar.

## ¶ Les princes descenduz de Clodion, qui ont tenu les Comtez de Haynau & Louvain, durant leldictz Vuilfridus & les deux autres subsequns euesques.



**R**E GNIER Au lōg col le ieune filz de l'ancien Regnier au long col, succeda à son pere, enuiron l'an neuf cēs cinquante huit: Et eut pour son partage la Comté de Haynau: Delaquelle il ne iouit incontinent apres la mort de sondict pere: Car elle fut occupée par l'Archeuesque Bruno, Gouverneur du royaume de Lorraine, qu'il bailla à Garnertus & Raymoldus, cōme auōs escript cy dessus. Cestuy print pour femme Hauuie, fille dudit Capet: & teint tousiours les parties de Lothaire roy de France contre les Emperereurs: Toutefois quelque temps apres, enuiron l'an neuf cens octante & vn, il fut restitué en la Comté de Haynau par l'empereur Otho deuxième, comme auons escript en ce present euesque. Et finalement mourut en l'an mil & deux: Et laissa vn filz, nommé comme luy, Regnier.

*Regnier au long col.*

*Hauuie fille de Hue Capet, femme dudit Regnier. ij.*

**L**ambert premier du nō filz de Regnier au lōg col, l'anciē, & frere du dessus dict Regnier le ieune, fut Côte de Lorraine. Delaquelle ne iouit iusques en l'an neuf cēs octante vn, par ce qu'il auoit esté priué quelque tēps de sondict patrimoine, cōme son frere Regnier. Et semblablement fut restitué par l'Empereur Otho deuxième, cōme auons escript amplement. Cestuy print pour femme Gerbergue la deuxième, & plus ieune fille de Charles, qui fut le premier duc de Lorraine. A raison de laquelle apres la mort de Otho deuxième duc de Lorraine, & frere de ladicte femme, il poursuiuit de retirer ladicte duché de Lorraine, ou portion d'icelle que Henry empereur auoit donē à Godefroy, Comte d'Ardenne. Et de ce eurent grosses batailles. Mais finalement en vne rencontre ledict Lambert fut tué en l'an mil & quinze, par ledict Godefroy & son frere Gozelo. Et laissa deux filz, l'un appellé Héry, qui succeda à son pere, & l'autre appellé Lambert deuxième, desquelz nous escrirons cy apres. Et d'iceux enuiron cent ans apres, sortit vn filz, nommé Godefroy le barbu, qui recouura ladicte portion de Lorraine, & print le premier, le nom de duc de Brabant, comme escrirons en noz euesques selon l'ordre du temps.

*Lambert Comte de Louvain.*

*Lambert marié avec Gerbergue.*

*Les successeurs dudit Lambert.*

¶ Les

# Le.iii.liure des antiquitez de la gaule belgicque,

La Comté de Louvain escheue à Lambert.

¶ Les historiens en escriuant de cestuy Lambert, sont en diuersité touchât la seigneurie & principaulté de Louvain. Car aucuns escriuent (comme dessus) que luy aduint de par son pere en portion patrimoniale. Les autres escriuent, qu'il obtint Louvain de par sa femme Gerbergue, fille de Charles, qui fut premier duc de Lorraine, disant que la Comté de Louvain estoit des appartenances dudit Charles, &c. Et celle opinion sembleroit estre la plus veritable, suiuant ce que Moyerus escript soubz l'année neuf cens septante cinq, ou il di&: *Lambertus vero adiit comitatu Louaniensem iure uxorio, &c.* Ce qui est confirmé par les historiens, qui escriuent qu'apres la mort du ieune Otho, filz de Charles premier duc de Lorraine, l'Empereur Héry deuxieme bailla la duché de Lorraine à Godefroy d'Ardéne, & en priua les deux soeurs d'iceluy defunct. Toutefois il laissa Gerbergue & son mary Lambert iouyr de la Comté de Louvain. Ce qu'escript ledict Meyerus soubz l'année mil cinq, parlant de la mort du ieune Otho duc de Lorraine & de ses deux soeurs disant *His spretis foeminis, Henricus Cesar quum in eam proninciam sanum haberet iudicium, Godefredo duci Arduenne Godefredi filio Lotharingiam dedi, adsignato Gerbergue Lamberto nupte Louaniensium tantummodo comitatu, qui cum Lauanio Bruxellam, Antuerpnam, Niuegelam amplectebatur, &c.*

Aduertissement aux lecteurs.

¶ Icy fault noter par les lecteurs, pour entēdre les successeurs de ses deux dessusdictz freres de Haynau, & aussi la posterité des deux soeurs Ermengarde & Gerberge, fille de Charles premier duc de Lorraine: Que lesdictz deux freres de Haynau prindrent alliance par mariage d'eulx ou de leurs successeurs audictes deux soeurs ou à leurs successeurs. Car premierement Lambert eut pour femme Gerberge, la plus ieune desdictes soeurs. Et diceux sont descenduz ceulx de Louvain, & consequemment par succession de temps ceulx de Brabant, qui sont à present, dont le premier portant nom de Brabant, fut Godefroy le Barbu, qui retira des Ardennois la portion de la basse Lorraine, prouenant de Charles premier duc de Lorraine son predecesseur. Et quant à l'autre frere de Haynau, Regnier deuxieme, cōbien qu'il fut marié à la fille de Hue Capet cōme auons di&: Toutefois ses successeurs en la cinquieme generation, & en la personne de Baudoyne troisieme du nom, Comte de Haynau, surnommé l'edifieur, prindrent alliance par mariage aux successeurs d'Ermengarde, l'autre soeur & fille dudit Charles, premier duc de Lorraine. Laquelle Ermengarde auoit esté mariée à Albert Comte de Namur, & lesquelz en deuxieme ou troisieme generation engendrèrent vn filz, nommé Godefroy Comte de Namur, qui entre autres enfans eut vne fille nommée Alix, laquelle fut mariée au dessusdict Baudoyne troisieme, Cōte dudit Haynau: Et en elle engendra Baudoyne quatrieme, Comte de Haynau, qui fut pere d'Ysabeau de Haynau, laquelle fut mariée à Philippe Auguste, roy de France. Et par le moyen d'icelle Ysabelle descendue par droicte ligne d'Ermengarde & de Charles les premier duc de Lorraine, & consequemment de Charlemagne les roys de France successeurs dudit Philippe Auguste, recouurerent le sang & lignage dudit Charlemagne: Car elle engendra dudit Auguste, Loys huitieme du nom, pere de saint Loys, comme plus amplement deduirons en nostre histoire.

Les princes de Namur descenduz de Charles premier duc de Lorraine.

¶ Or pour les causes dessusdictes nous sommes deliberez en nostre liure quatrieme subsequent varier & muer aucunement le tiltre des princes en Haynau. Et deduire avec iceux la posterité desdictes deux soeurs, filles de Charles, premier duc de Lorraine: tellement que soubz le tiltre de ceux de Haynau, nous escrirons comment la posterité d'Ermengarde fut conioincte auxdictz de Haynau, & que par elle les roys de France retournerent au lignage de Charlemagne. Et à lors nous cesserōs faire mention desdictz de Haynau. Et outre nous adiousterons vn autre tiltre pour la posterité de l'autre soeur, à sçauoir Gerberge mariée au dessusdict Lambert d'Haynau, dont vindrēt les princes de Louvain & de Brabant à present regnans. Lesquelz nous deduirōs iusques à Godefroy le Barbu, qui print le premier tiltre de duc de Brabant, & à lors nous cesserons mettre tiltre particulier diceulx.

Aduertissement pour l'intelligence de la deduction du quatrieme liure subsequent.

¶ Fin du troisieme liure de nostre Cronicque des antiquitez de la Gaule belgicque extraictes soubz les vies des Euesques de Verdun.



PROEME DV QVATRIEME liure des antiquitez de la Gaule belgicque extraictes soubz les vies des Euesques de Verdun.



**L**E QVATRIEME liure de nostre Cronicque contenant environ deux cens quarante ans, commença au temps que Hue Capet deicta du Royaume de France, ceux du sang de Charlemagne, en la personne de Charles filz de Loys quatrieme, & frere de Lothaire dernier. Et prendra fin au temps de Loys pere de saint Loys, en la personne duquel les roys de France retournerent au sang & lignage du susdict Charlemagne par le moyen d'Yzabeau de Haynau femme de Philippe Auguste & mere dudit Loys huitieme. Laquelle estoit descendue par droicte ligne dudit

Charles expulsé par Hue Capet.

¶ En cestuy quatrieme liure nous escrirons les Euesques de nostre Cité de Verdun, qui auront vescu durant ledict temps, & à la fin de chascune vie poursuivrons consequemment les Papes, Empereur, & Roys de France qui auront regné durant ledictz Euesques.

¶ Lors nous laisserons à faire mention des Roys de Lorraine, pource que ledict Royaume aura pris fin, aussi que les pays contenuz en iceluy seront diuisez entre lesdictz Empereurs & Roys de France (comme auons monstré en la fin du precedent liure.)

¶ Toutefois nous escrirons au commencement de ce liure, les deux premiers ducz qui ont regné en la duché de Lorraine, lors premierement instituée & erigée, & encotes presentement durant, à sçauoir dudit Charles quatrieme filz de Loys quatrieme, premier duc de Lorraine, & d'Otto son filz apres la mort desquelz ladite duché a esté transferée aux princes d'Ardenne descenduz de Clodion le Chevelu.

¶ Ce fait nous laisserons par apres en cestuy liure & aux subsequens à mettre les tiltres des princes d'Ardenne, & de Mozellane. Lesquelz toutefois nous poursuivrons soubz deux tiltres nouueaulx, à sçauoir le tiltre des ducz de Lorraine: laquelle duché pour lors fut transferée auxdictz princes d'Ardenne en la personne de Godefroy de Ardenne le ieune. Et l'autre tiltre sera des comtes de Bar. Lequel comte pour lors prit origine auxdictz princes de Mozellane en la personne de Fredericus duc de Mozellane (comme auons monstré en la fin du precedent liure. Et d'iceux poursuivrons iusques à la fin de nostre hystoire.

¶ Finalement quant au tiltre des princes de Haynau, suyans ce que nous auons escript, & noté en la fin du precedent liure, nous deduirons lesdictz princes de Haynau, ensemble la posterité des filles de Charles premier duc de Lorraine, à sçauoir Gerberge & Ermégarde, lesquelles furent conioinctes par mariage d'elles ou de leurs successeurs aux princes de Haynau. Car combien que l'une desdictes filles dudit Charles à sçauoir Ermégarde, ne fut conioincte à ceux de Haynau pour le commencement. Toutefois elle espousa Albert de Namur, duquel mariage en troysieme, ou quatrieme generation descendit Godefroy comte de Namur, qui (entre autres enfans) engendra en sa femme contesse de Luxembourg, vne fille nommée Alix, laquelle

*Aduertissement aux lecteurs pour l'intelligéce de ce quatrieme liure.*

*Années cōtenues en ce iij. liure.*

HHH

*Argument du present iij. liure.*

*Intelligence pour la poursuite des princes de Lorraine & Bar.*

*Intelligence pour la poursuite des deux freres de Charles de Lorraine.*

# Le iiii. liure des antiquitez de la gaule belgicque,

*Ceux de Hay-* quelle fut mariée à Bauldouyn troysieme du nom comte de Haynau, en laquelle il  
*nan.* engendra Bauldouyn quatrieme de Haynau, qui fut pere d'Yzabel de Haynau, la-  
 quelle fut mariée à Philippe Auguste Roy de France. Et par elle les Roys de France  
 retournerent au sang de Charlemagne. Et partant en nostre present quatrieme liure  
 nous mettrons vn tiltre particulier de ceulx de Haynau descenduz de Raginerius au  
 Long col le ieune. Et le deduirons iusques à tant que venions à ladicte Yzabelle, la-  
 quelle estoit du sang de Charlemagne par le moyen de ladicte Ermengarde fille de  
 Charles de Lorraine. Puis cesserons d'en escrire & faire mention particuliere.

*Ceux de Louain.* ¶ Quant à l'autre fille dudit Charles nommée Gerberge. Elle fut mariée du com-  
 mencement à Lambert de Haynau frere de Raynerius le ieune, & obtint la comté  
 de Louain de par sa femme. Et d'iceulx sont descéduz les princes de Louain, & ceulx  
 de Brabant. Et pourtant en ce present quatrieme liure, nous mettrons vn tiltre par-  
 ticulier des successeurs desdictz Lambert de Louain & de Gerberge sa femme, &  
 pourfuiurons ledict tiltre iusques à ce que venions à Godefroy le Barbu qui fut celuy  
 qui retira la basse Lorraine, & le premier qui preint tiltre de duc de Brabant la mo-  
 derne, & dont sont descenduz les ducz de Brabant à present regnans. Et quand nous  
 serons paruenuz audit Godefroy le Barbu, nous cesserons d'escrire, & faire mention  
 d'iceux de Louain en tiltre particulier.

FIN DV PROEME.

## S'ENSUIVENT LES NOMS, des Euesques de Verdun, les viez des- quelz sont contenuz en cestuy I I I I. Liure.


Adelbero Euesque	xxxvij.	Richard ij.	xliij.
Heymo	xxxviiiij.	Henry j.	xliiij.
		Vrsio	xlv.
La vie du beat Richard, Abbé de		Albero de Chiny	xlvj.
sainct Venne.		Albertus de Marcy	xlvij.
		Richard iij.	xlviiiij.
Raimbertus	xxxix.	Arnulphus de Chiny	xlix.
Richard j.	xl.	Henry de Castres	l.
Theodoricus	xli.	Albert de Chirgis	lij.
Richerus	xliij.	Robert de Grandz prez.	liij.

L A

depuis Hue capet iusques à Loys, viii. du nom. F. cc vi.

## DE LA VIE DE ADELBERO

ro trenteseptieme Euesque  
de Verdun.



**A**D'ELBERO XXXVII Euesque de Verdun fut esleu en l'an de grace neuf cens octate huit, homme de tresgrande bonte, prudence, & humillite. Tou-  
tefois fort maladicieux, debile du corps, & de trespeti-  
te complexion. Son pere estoit comte d'Ardene, Baul-  
lon, & de Verdun, nomme Godefroy l'ancien dict à  
la Barbe, prince tresvaillant aux armes, & fut celuy  
qui fut prins prisonnier par Lothaire Roy de France,  
deffendant sa cite de Verdun enuiron l'an neuf cens  
octante quatre. Et depuis rendu à Otho iij. Empereur  
(comme dessus à esté dict) Ledit comte Godefroy

*Adelbero xxxvij  
euesque de Verdun.*

*Godefroy l'ancien,  
pere de l'Euesque  
Adelbero.*

mourut l'année neuf cens octante cinq, laissant sa bonne & sainte femme Mathilde, Comtesse, natieue de Saxonie. Laquelle auoit esté mariée en l'an neuf cens cinquante vn, en premieres nopces à Bauldouyn le ieune, filz d'Arnoul le grand, comte de Flandres, duquel elle eut vng filz nomme Arnulphus le ieune, qui fut comte de Flandres. Et apres la mort de sondict premier mary: qui mourut l'an neuf cens soixante quatre, elle print pour mary en secondes nopces ledict Godefroy à la barbe, comte d'Ardenne, & de Verdun, duquel elle eut cinq enfans males, qui furent tousiours confederes aux comtes de Flandres pource qu'ilz estoient parens & freres du ieune Arnoul comte de Flandres.

*Mathilde de Sa-  
xonie mere de l'E-  
uesque Adelbero.*

¶ Le premier filz de ladicte Mathilde, & de Godefroy l'ancien fut nomme Adelbero, qui fut euesque de Verdun, & duquel nous parlons icy. Il fut aussi abbé de saint Germain.

*Des cinq enfans  
du cose Godefroy*

¶ Le second fut nomme Frederic, qui succeda à son pere en la comté de Verdun, homme totalement donne à Dieu, & à l'exaltation de l'Eglise. Car il restitua paisiblement aux chanoynes de l'Eglise de Verdun, les droictz, & priuileges des Centeniers que ses predecesseurs leurs auoyent ostez. Et durant sa vie fait beaucoup de biens en l'abbaye de saint Venne. Il bailla pour l'entretènement des religieux, deux villages. L'un dict Baracum, & l'autre Forbacum. Ce fut luy qui donna & transporta à Haymo Euesque de Verdun, & à tous ses successeurs Euesques les droictz & préeminences de la comté de Verdun (comme nous dirons en l'Euesque subsequent Haymo.) Apres laquelle donatiō, s'en alla à Hierusalem, au retour duquel voyage fait edifier les deux tours de pierre, qui sont en l'Eglise de S. Venne. Depuis print societé avecques saint Richard, qui peu apres fut abbé dudit S. Venne. Et de fait abandonnant le monde, se fait religieux en ladicte Eglise, ou il fait des biens innumerables (comme sera dict cy apres en traictant la vie dudit saint Richard).

*Frederic frere de  
l'Euesque Adelbe-  
ro dona la comté  
de Verdun aux  
euesques du lieu.*

¶ Le troysieme filz nomme Hermānus exerça la comté de Verdun, par la donation dudit Haymo. apres que Fredericus son frere eut laissé le monde. Qui semblablement avecques sa bonne mere Mathilde, confirmèrent la donation que ledict Fredericus auoit fait pour la reuerence qu'ilz auoyent en l'Eglise de Nostre Dame de Verdun. Il bailla aussi à l'Eglise de S. Venne plusieurs beaux ornemens, croix, calices, tables d'or, & d'argent, mesmes le texte Euangelicque, richement & magnifiquement

*Herman frere de  
l'Euesque Adel-  
bero.*

*Dons faitz à S.  
Venne par Her-  
man & sa mere  
Mathilde.*

# Des antiquitez de la gaule belgicque,

## Quatrieme liure.

aorné pour decorer le saint seruire diuin. Oultre pour l'entretènement des religieux dudiect saint Venne, bailla à leur abbaye plusieurs villages & seigneuries, comme escript Laurentius Leodien. en son hystoire, entre lesquels, il met Rogericourte, Feliscam, avecques vn autre gaignage nommé Hasluch. *In comitatu Brabantino* : & Munau avecques la moytié du marché de Mouzon. *Item in hernia xxx. maçons*, avec grand nombre de gens de seruire condition. *Item in geania duas Ecclesias cum capella indominicata*, Et autres plusieurs grandz biens, rentes, & reuenuz. Le tout en l'honneur de Dieu, & en faueur dudiect Comte Frederic son frere estant en ladicte abbaye (comme nous dirons plusampement en l'Euesque Raimbertus. P'ay trouué en vne hystoire ancienne de nostre Eglise de Verdun que lediect Hermānus eut plusieurs enfans entre lesquels en y eut vn nommé Gregorius, qui fut Archidiacre du Liege, & depuis religieux à S. Venne de Verdun. D'auantage y est escript que des enfans dudiect Hermānus sont descenduz les Comtes de Dasburg, Luneuille & Metz. Et qu'il mourut enuiron l'an mil vingthuiet.

*Godefroy le ieune  
frere de l'Euesque  
Adelbero.*

¶ Godefridus quatrieme filz, succeda à son pere en la comté d'Ardenne. Il fut homme tresuillant en faitz de guerre, & par sa proüesse succeda en la duché de Lorraine apres Otho filz de Charles de Lorraine premier duc (comme sera diect cy apres en l'Euesque subsequent, il bailla à l'Eglise saint Venne vng village nommé Fontagiavilla, en recordation & memoire de ses freres, qui estoient inhumez en ladicte Eglise.

*Gozele frere de  
l'Euesque Adel-  
bero.*

¶ Gozele qui fut le cinquieme filz, & le plus ieune suiuit les armes soubz Otho iij. Henry ij. & Conradus Empereurs, tant en Italie, que es pais de deça. Et par succession de temps veint à succeder en la duché de Lorraine apres son frere Godefroy. Il feit plusieurs grandz faitz de guerre (comme sera diect cy apres, selon l'ordre du tēps.)

*Itte fille de Gode-  
froy, femme de Ra-  
poto, comte de  
Hasburg.*

¶ Nous lifons ausi que lediect Godefroy l'ancien, eut vne fille nommée Itte laquelle fut mariée à Rapoto comte de Hasburg. Lequel Rapoto fut filz d'Vverto, & eut vn frere nommé Vuarengier ij. euesque de Strasbourg, aux despens duquel lediect Rapoto feit edifier le chasteau de Hasburg: Et est inhumé avec sa femme Itte au cloistre de Muren en Zvicho, qu'il auoit fondé en l'honneur de S. Martin.

*L'euesque Adelbe-  
ro vad en Italie,  
pour recouurer  
santé.*

¶ Or pour retourner à nostre euesque Adelbero qui fut esleu pour ses vertuz, combien qu'il fut maladif, & de long temps n'auoit eu iour de santé. Apres son election, desirant recouurer sa santé delibera aller en Italie. Car pour lors Gozele le plus ieune de ses freres auoit tellement fait par sa vaillance, qu'il estoit gouverneur soubz l'Empereur Otho iij. de Salerne cité belle, & opulente, située au pays de la Pouille, pres Naples, en laquelle d'ancienneté y auoit tousiours gens scauans, & experimentez en medicine. A rayson dequoy Adelbero partit de Verdun, en ladicte premiere année de son election, scauoir est neuf cens octante huiet. Et feit tant par ses iournées qu'il arriua audiect Salerne, avecques aucuns de ses confreres chanoines de son Eglise de Verdun qu'il mena pour luy tenir compagnie. Et là trouua son frere Gozele qui gouuernoit ladicte Cité de Salerne qui le receut honorablement. Il demeura illec enuiron deux ans entre les mains des medecins qui ne luy profiterent en rien pour sa santé. Et partant delibera retourner en son euesché de Verdun. En retournant passa par Italie, ou sa maladie commença à s'augmenter de sorte qu'il apperceut sa mort estre prochaine. Parquoy disposa de son cas, & feit son testament comme vn homme vertueux. Mais auant que mourir resigna son abbaye de S. Germain de Montfaucou, à vn sien nepueu qui estoit avecques luy, nommé Rodolphus, qui depuis estant fait abbé d'icelle abbaye, la gouerna par long temps tresprudement, & saigement. Ce Rodolphus vesquit iusques au temps de S. Richard abbé de S. Venne, & de Richard euesque de Verdun.

*L'euesque Adelbe-  
ro à Salerne.*

*Rodolphus Abbé  
de S. Germain  
par resignation  
de l'Euesque A-  
delbero.*

*Adelbero inhumé  
pres son frere  
Frederic comte  
de Verdun.*

¶ Le corps dudiect Adelbero fut apporté par ses confreres qui estoient avecques luy, en tresgrand dueil, & reuerence iusques à Verdun, ou il fut inhumé par son frere Frederic comte dudiect lieu, & mis en son eglise de nostre Dame, au chœur, deuant les degrez du maistre autel. Apres qu'il eut tenu lediect Euesché troys ans & demy, enuiron l'an neuf cens nonante deux.

¶ Durant

# depuis Hue Capet, iusques à Loys viij. du nom F. ccvii.

¶ Durant que ledict Adelbero estoit euesque, à sçauoir l'an neuf cens octante huit, Charles duc de Lorraine poursuiuant son droit de succession au Royaume de France, contre Hue Capet (comme dessus auons dit) veint avecques ses gens, & print la cité de Laon, ou il se fortifia. Dont Hue Capet aduertie mena grosse armée deuant la dicte cité de Laon, l'assiegea de toutes pars, & fut bien deux moys en ce siege. Quoy voyans ceulx qui estoient dedans craignans que viures leurs faillissent, sortirent de ladicte cité, & virillement assaillirent leurs ennemis, desquelz ilz tuerent grand nombre. En sorte que Hue Capet fut contrainct leuer le siege, & s'enfuit honteusement. Charles de Lorraine poursuiuit sa victoire, print toutes les tentes, & bagaiges de ses ennemis, puis rompit, & brulla tous les rempars & munitions qu'il auoyent dressez pour prendre la cité. De la avecques ses gens, s'en alla tout gastant & destruisant iusques à Soisson. En laquelle course, il print par force la ville & forteresse de Môtagu. Depuis veint à Reims, & print la cité par l'intelligence qu'il auoit avecques vn prestre fort riche & puissant, nommé Adalgarius qui estoit des familiers d'Arnoul Archeuesque d'iceluy lieu filz bastart de feu Lothaire & nepneu d'iceluy Charles, qui luy ouurit les portes, au moyen de quoy entra en icelle, la pilla, & print prisonniers tous les principaulx de la cité, & avec gros butin, s'en retourna à Laon ou sa femme estoit.

¶ Hue Capet voyant la grosse resistance que faisoit Charles, environ l'an neuf cens nonante, assembla nouvelle armée, print intelligence avec l'euesque de Laon nommé Anselinus qui estoit du conseil d'iceluy Charles. Et par gens interposez conuint avec luy, de rendre par trahison ledict Charles. Ce qu'il fit: Car vne nuit secretement il ouurit les portes. Fut Charles & sa femme prins, & menez prisonniers à Orleans, ou ilz furent mis en vne tour en laquelle ilz demeurerent bien l'espace de deux ou troys ans (cōme dit le supplémēt des cronicques d'Annonius). Ce pēdant sa femme eut de luy deux enfans, Loys & Charles (cōme afferme Gaguin) qui ne vesquirent long temps. Car auant les troys ans finiz environ l'an neuf cens nonante troys, ledictz Charles sa femme, & ses enfans moururent, feust par poison ou aultrement. Combien que Symphorianus en sa Cronicque de Lorraine, dit le contraire, mais son opinion n'est vraye. Car contre iceluy y a trop d'Hyistoriographes trop plus veritables. Toutefois ledict Charles apres sa mort laissa de sa premiere femme nommée Bonne sœur du fudict Godefroy l'ancien d'Ardenne, vn filz & deux filles. Le filz se appelloit Otho, qui estoit au pays de Lorraine, pendant l'emprisonnement de son pere, apres lequel, il luy succeda au duché (comme tesmoigne Sigibert) Et les deux filles, l'vne nommée Gerberge, laquelle au parauant auoit esté mariée à Lambert filz de Raynerus comte de Haynau (comme a esté dict cy dessus) L'autre nommée Ermengarde fut mariée à vn comte de Namur nommé Aubert. Les hyistoriens dient que d'icelle Ermengarde par succession de temps, mesmes environ cent ans apres descendit vn comte de Namur nommé Bauldouyn, qui eut vne fille nommée Yzabelle, laquelle fut mariée à Philippe Auguste Roy de France, surnommé Dieudonné, qui estoit le septieme roy de la lignée d'iceluy Hue Capet. Et d'eulx deux ysit le Roy Loys, pere de saint Loys. Par ainsi la lignée de Charlemagne fut renouuellée par femme es Roys subsequens.

¶ De la seconde femme d'iceluy Charles, fille de Hebert comte de Troye en Champagne, laquelle il print en despit de Hue Capet (comme dist le supplement d'Annonius au cinquieme liure. chap. xlvj. Il eut deux filz en prison, Loys & Charles (cōme dist Gaguin) Lesquelz ensemble ledict Charles & sa femme moururent tous en prison. Et pourtant ne demeura que les enfans de sa premiere femme.

¶ Quand Hue Capet eut ainsi mis Charles en ses prisons. Il delibera exterminer & destruire tous ceulx du lignage de Lothaire. Or à Reims y auoit vn bon & saint homme archeuesque nommé Arnoul, filz bastart d'iceluy Lothaire, pour lequel degrader, & déposer ledict Hue Capet conuoca vn concile des Euesques du pays, ausquelz il ordonna de ce faire: allegant qu'il estoit bastart. Partāt inhabile à estre Euesque. Entre les Euesques assistans en ce Concile comparut Segnirius archeuesque de Sens, qui virilement resista à executer la volūté damnée d'iceluy Capet, dont fut en gran-

*Charles de Lorraine, se fortifie à Laon.*

*Victoire de Charles contre Hue Capet.*

*Charles de Lorraine, preint par force la cité de Reims*

*Charles de Lorraine prins par trahison à Laon.*

*Charles estāt prisonnier à Orleans eut deux enfans de sa 2<sup>e</sup> femme.*

*Mort de Charles de sa 2<sup>e</sup> femme, & de ses deux plus petis enfans.*

*Erreur de Symphorianus hyistoric.*

*Les enfans de Charles de Lorraine, tant de sa premiere femme, que de la seconde.*

*Concile par Hue Capet pour degrader l'Archeuesque de Reims.*

*Segnirius Archeuesque de Sens.*

# Des antiquitez de la gaule Belgicque,

Quatrieme  
liure.

*Arnoul Arche-  
uesque de Reims,  
degradé & empri-  
sonné à Orleans.*

*Gilbert le Nigro-  
mâcien, fait Ar-  
cheuesque de  
Reims.*

*Arnoul restitué  
en son Archeuesché  
& Gilbert deposé*

*Gilbert fait Pa-  
pe, par sinistre  
moyen.*

de indignation du Roy. Toutefois les autres Euesques (combien qu'ilz sceussent ce estre contre equité & raison) de paour, & pour obtempérer au roy Capet, deposerent & degraderent ledi&t Arnoul, & le condamnerent à tenir perpetuelle prison, à Orleans avec son nepueu Charles (comme dit le supplement d'Annonius) auquel lieu il fut par troys ans durans, lequelz donna beaucoup de consolation à son nepueu Charles.

¶ Pour lors y auoit au monastere S. Benoid le Flory sur Loyre, vn religieux nommé Gilbert, grand Philosophe, & Nygromancien, lequel pour sa prudence, doctrine, & sçauoir auoit esté precepteur d'Othon troysieme Empereur, et de Robert filz dudi&t Hue Capet: Si fut appellé ledi&t Gilbert, & de l'ordonnance dudi&t Capet, fut institué Archeuesque de Reims en la place d'Arnoul. Mais le Pape Iehan vj. aduertuy du fait enuiron troys ans apres, enuoya expres en France Leon abbé, homme de tres-grand sçauoir, qui de l'authorité Apostolicque, assémbla à Reims vn Concile, ou en deposant ledi&t Gilbert restitua Arnoul en son siege, avec grand honneur & grace d'vn chascun. Et furent les Euesques qui l'auoyent deposé tous interdits. Gilbert lors s'enfuit en Italie vers Otho Empereur, duquel il auoit esté precepteur, qui le feit Archeuesque de Rauennes. Et par son moyen quelque temps apres fut Pape appellé Syluester. De cestuy on lit beaucoup de meschâcetez, mesmes qu'il s'estoit baillé au diable, pour paruenir à la dignité Papale. Toutefois à la fin, il en feit grande apparence de penitence (comme sera dict cy apres, en parlant de luy, en son ordre, de luy fut fait le vers qui s'en suit.


*Transit à R. Gilbertus ad R. fit Papa vigens R.*

FIN DE LA VIE ADELBERO  
xxxvij. Euesque de Verdun.

## LA VIE DE HAYMO trentehui&tieme Eues- que de Ver- dun.

*Haymo xxxvij.  
euesque de Verdun*

*Haymo cōseillier  
du duc Henry de  
Bauere.*



sain&tz de Paradis.

¶ Or pendant que ledi&t Henry duc de Bauere guerroyoit en Italie soubz l'Empereur Otho troysieme son parent. (Car il estoit filz du filz de Henry, frere du premier

**HAYMO XXXVIII** Euesque de Verdun, fut esleu en l'an de grace, neuf cens nonante deux, il estoit natif de la Germanie, du pays de Bauere, hōme d'ancienne noblesse prudent & de grand sçauoir. Ses vertus l'appellerent en la court de Henry duc de Bauere, qui depuis fut Empereur, & estoit de ses principaulx conseilliers & gouuerneurs. Tellement que par ses bonnes mœurs, honneste conuersation, & sainteté de vie, ledi&t Henry print en luy exemple de vertus, en sorte que depuis quand il fut fait Empereur, il vesquit si saintement qu'il fut reputé au nombre des

# depuis Hue Capet, iusques à Loys viij. du nom F. ccviii.

premier Otho qui rebella du commencement, contre son frere, par l'induction & conseil de Gislebertus gouverneur de Lorraine & d'aucuns princes du pays comme dessus auons dict) aduint que ladicte année neuf cens nonante deux Adalbero euesque de Verdun, retournant de Salerne d'aupres son frere Gozelo, mourut en Italie, de la mort duquel aduertit Henry duc de Baviere, impetra enuers Otho empereur, ledict euesché au nom dudiect Haymo, qui sur tout desiroit se retirer de la court, des affaires seculiers, & temporelz. viure en estat ecclesiastique, & vacquer au seruice diuin. Ce qu'il obtreint facilement dudiect empereur, avec l'authorité du siege apostolicque. Et par ce moien veint à Verdun, print possession, & fut reueramment receu du clergé, signamment du comte de Verdun, Frederic frere dudiect deffunct Adalbero son predecesseur, qui aussi estoit homme de Dieu, plein de toutes vertuz & bontez. Ensemble de sa bonne mere la comtesse Mathilde: laquelle viuoit encores audict Verdun faisant en viduité grandes aulmosnes & oeuvres de misericorde, tant aux eglises, comme aux pauures du pays.

*Haymo euesque de Verdun par le moyen de Henry duc de Baviere.*

*Haymo ioyeusement receu par Frederic comte de Verdun, & par sa mere Mathilde.*

¶ Lediect Haymo du commencement de son institution visitoit iournellement les eglises de la cité de Verdun, & de son diocese, reformant les meurs du clergé mal viuant, augmentant le saint seruice diuin, réedifiant & reparant les anciennes ruynes des eglises, il augmenta & fit plus grandes les eglises de Nostre Dame & de saint Venne, qui estoient lors petites. Il administroit iustice à chascun, selon equité, accordoit les differens querelles, & questions qui se mouuoient entre les eglises, les nobles, & le peuple: Entre lesquelles l'an troysieme de son pontificat, il fit restituer plusieurs reues & reuenuz, qu'aucuns mauuais & tyrans auoient usurpé durans les guerres sur le monastere de saint Venne. Aussi feit appointement & certaines commutations, avec vn noble homme, nommé Arnulphus pour aucunes eglises du paisé données & aulmosnées audict monastere, lesquelles il tenoit soubz tiltre de benefice, sçauoir à Butineuille, Harbodiuille, & Maureuille. Par telle condition toutefois que durant sa vie ledict Arnulphus les tiendroit & apres sa mort ledict monastere les reprendroit, comme appert par certaines lettres & chartres trouuées aux arches & coffres dudiect monastere: Desquelles i'ay bien voulu icy transcrire quelques clauses, pour cognoistre dudiect temps, les années dudiect Haymo, ceulx qui estoient lors comtes de nostre cité de Verdun, vuez & maistres escheuins en icelle. Ensemble monstrent que nostre dicte cité de Verdun estoit située au royaume de Lothare, ou Lorraine, ainsi mesmes que le contiennent lesdictes chartres qui commencent.

*Haymo gouverne en paix son euesché.*

*Haymo aggrandit les eglises de Nostre Dame & S. Venne à Verdun.*

**I N N O M I N E S A N C T E E T I N D I V I D V A E T R I**  
*nitatis. Quicumque fidelium ad expectationem futurorum bonorum toto mentis desiderio nititur  
 ascendere, per scalas virtutum, &c. Et vn peu apres y a. Quare nouerint vniuersi catholice  
 fidei cultores, tam futuri quam presentes me dictum non merito sed nomine episcopum Haymo  
 nem sancta Viridunen. ecclesia, &c. Et à la fin desdictes lettres y a. Signum domini Hay  
 monis gloriosissimi pontificis. S. Frederici comitis Godefridi com. Signum Roberti aduocati. S.  
 Roberti Scabini primi, &c. Acta Viriduno publicè in regno Lotharij regnante Othone rege An  
 gusto Anno ab incarnatione Domini nostri Iesu Christi. D. ccccxcv.*

*Chartres prouués que durans les comtes de Verdun y auoit vuez, & maistre escheuins à Verdun. Verdun situé au royaume de Lorraine.*

¶ En la seconde année que l'euesque Haymo fut institué à Verdun, Charles de Lorraine mourut en prison à Orleans, l'an neuf cens nonante troys: Et luy succeda en sa duché Otho son filz de sa premiere femme, qui estoit au pays de Lorraine, pendant que son pere fut prisonnier (comme dessus a esté dict, en l'euesque precedent.) Cestuy Otho fut marié avec vne noble dame, nommée Sidone, ainsi que dient Simphorian, & Volquier historiens de Lorraine: lesquelz aussi escriuent que ledict Otho regna trente ans: mais il n'est pas vray: Car il ne vesquit en sa duché que quinze ans, come dict Sigibertus historiagraphe trop plus croyable: La cause de l'erreur d'iceulx Simphorian & Volquier se dira cy apres quand nous parlerons de Godefroy d'Ardenne successeur d'iceluy en la duché de Lorraine.

*Mort de Charles à Orleans.*

*Otho filz de Charles luy succeda en Lorraine.*

*Sidone femme de Otho duc de Lorraine.*

*Otho duc de Lorraine ne regna que xvi. ans.*

# Des antiquitez de la gaule belgicque;

## Quatrieme liure

*Otho. iij. coronné  
empereur par le  
Pape Gregoire.*

*Institution pre-  
miere, sur les ele-  
ctions des Empe-  
reurs.*

*Electeurs de l'Em-  
pire en la nation  
Germanicque.*

*Gilbert le magi-  
ciē succeda à Gre-  
goire. viij.*

*Frederic comte de  
Verdun entreprēt  
le voyage de Hieru-  
salem.*

*Pourquoy Frede-  
ric transférē la com-  
té de Verdun, aux  
euesques d'audiēt  
lieu.*

*Le comte Frede-  
ric & Haymo à  
Rome.*

¶ Durant ce mesme temps, enuiron l'an neuf cens nonante quatre, Otho troysieme de ce nom empereur, estant à Rome receut la couronne imperiale, par le Pape Gregoire huitieme de ce nom, parauant nommē Bruno, qui estoit son prochain parent, & qui par la faueur d'audiēt Otho empereur auoit esté esleu Pape, contre la volunté des Romains: lesquelz tost apres en l'absence d'audiēt empereur, estant retourné en Germanie, firent vn nouveau Pape, qu'ilz nommerent Iean. Et vn Patrice de Rome, nommē Crescentius, qui fut cause que lediēt Otho retourna à Rome, avec grosse armée, par le moyen de laquelle restitua lediēt Gregoire en son siege, fait mourir lediēt Crescentius, & creuer les yeux d'audiēt Iean Pape. Puis traicta avec lediēt Pape Gregoire de mettre ordre pour le temps aduenir aux elections des empereurs, à fin qu'on n'y veint plus par succession de lignage: mais par elections d'aucuns princes, qui auroiēt esgard aux capacitez des personnes, qu'ilz esliroient. Et possible faisoit ce lediēt empereur, pource qu'il n'auoit enfans. Sur ce furent faitz loix & decretz apostolicques confirmez au consistoire du Pape & Cardinaulx, lesquelz transfererent deslors toute l'authorité & puissance electiue desdiēt empereurs en la nation Germanicque. Si furent nommez certains electeurs en icelle nation, pour faire lesdictes electiōs, quād le cas aduendroit, à sçauoir troys ecclesiasticques, qui furent les Archeuesques de Magonce, Treues, & Colongne. Et quatre princes seculiers, le comte Palatin, le comte de Saxonie, le Marquis Brandeburg, & le duc de Boesme, qui pour lors n'estoit encores roy, mais depuis il fut institué par l'empereur en telle dignité. Et pour faire ladiēt election, fut ordonné la cité de Francfort.

¶ Tost apres ces choses, lediēt Pape Gregoire mourut, sçauoir l'an neuf cens nonante sept: Auquel par le moyen d'audiēt Otho empereur succeda Gilbert magicien, archeuesque de Reims, qui auoit esté expulsé (cōme dessus a esté diēt.) Ce Gilbert, qui fut nommē Siluester deuxieme, estoit homme de grand sçauoir, mais ambicieux & mauuais. Il s'estoit donné au diable (comme lon a voulu dire) pour paruenir en telle dignité, desloubz luy, comme Pape fut derechef approuée l'institution de l'election des empereurs, & la translation de l'empire en la Germanie: combien qu'il fust de nation Françoyse. En quoy il voulut gratifier aux Germains, pource que par leur moyen il auoit obtenu la Papauté, chose qui desplaisoit tresfort aux Romains. Lediēt Pape Siluestre mourut, enuiron l'an mil, avec vne fin miserable, & douteuse: combien qu'il y eust en luy quelque apparence de penitence.

¶ En ladiēt année neuf cens nonante sept, Frederic comte de Verdun, qui estoit (cōme auons diēt) plus adonné aux choses spirituelles, que temporelles, entreprit le saint voyage de Hierusalem. Toutefois auāt son partement, considerant que les predecesseurs comtes de Verdun, auoient fait plusieurs entreprises contre l'eglise de Verdun, sur les terres, rentes, & reuenuz de la fondation d'icelle: Aussi que du passé lesdiēt comtes & ceulx de l'eglise auoiēt tousiours eu querelles & dissentiōs, entre eulx pour la diuersité des iurisdictiones, tant personnelles que réelles, craignant encores le temps aduenir, telles diuisions estre cause de la diminution du saint seruice diuin, de libera par le conseil de sa bonne mere Mathilde, obuier à ce, & à ceste fin de se demettre de la comté de Verdun, & la transposer en la totale disposition de l'euesque Haymo, & de ses successeurs euesques de Verdun, soubz les conditions cy apres declarées, à quoy s'accorda facilement la bonne comtesse Mathilde: Laquelle viuant en viduité auoit singulier zele & deuotion aux eglises de Verdun, & augmentation du saint seruice diuin. Et par ce ne voulut contredire d'audiēt comte Frederic son filz. Qui lors appellant nostre euesque Haymo, luy declara son intention, pour laquelle mettre à effect & à fin d'auoir sur ce l'authorité & consentement de l'empereur Otho. iij. estāt pour lors en Italie, aduiserent que lediēt euesque Haymo tiendroit compagnie d'audiēt comte Frederic estant sur son voyage, iusques à Rome: & en passant par la court de l'empereur, feroient emologuer & authoriser ladiēt donatiō & translation.

Ce qu'ilz



# depuis Hue Capet iusques à Loys viii. du nom F. ccix.

Ce qu'ilz feirent facilement, pour la faueur qu'auoit lors ledi& Haymo enuers iceluy empereur Otho, & à son maïstre Henry duc de Bauiere, qui adonc estoit principal gouuerneur capitaine, & lieutenant de l'armée dudi& empereur. Duquel ilz obtindrent lettres patentes, soubz seaulx d'or, par lesquelles ledi& Otho confirma la donation d'iceluy comté & marquisat de Verdun, faicte audi& Haymo & à tous ses successeurs euesques de Verdun: voulât à ceste fin qu'il eussent à perpetuité puissance, tenir au profit de leur eglise icelle comté, pour en disposer, ensemble eslire & commettre telz personages que bon leur sembleroit à l'exercice d'iceluy: Sans toutefois qu'iceulx commis la peussent trāsferer à leurs heritiers: mais qu'aux euesques appartene les eslire & reuoquer tout à leur plaisir: Auecques puissance de mettre ban imperial, gabelles, forger monnoye, brief exercer toutes iurisdicions, tant criminelles que ciuiles par toute la comté dudi& Verdun: Soubz condition toutefois & à la charge de ceste reserue que ledi& Frederic, apres son retour de Hierusalem, & durant sa vie exerceroit ladi&te comté, vsferoit & ioyroit des droitz & préeminences d'icelle, comme parauant ladi&te donation. Ces choses ainsi faictes, retourna ledi& Haymo en son euesché & Frederic s'en alla parfaire son voyage.

*Confirmation imperiale du comté de Verdun transférée aux euesques du lieu.*

¶ Icy notent les lecteurs (s'il leur plait) que combien qu'à présent on ne trouue les lettres & chartres, sur ce faictes, es arches, & tresor de nostre euesché (aussi seroit il fort difficile, par ce qu'elles ont esté bruslées) Neantmoins on les trouuera en propre forme confirmées par l'empereur Frederic Barberouffe, du temps de l'euesque Albertus en l'an mil cent cinquante six (comme nous dirons cy apres en l'ordre du temps.)

*Auvertissement aux lecteurs.*

¶ En l'an suyuant neuf cent nonante hui&, Hue capet mourut, laissant son successeur au royaume de France Robert son filz, qui fut remply de toutes bontez & vertuz, doulx, amyable, docte, & sçauant, ainsi qu'il appert par plusieurs beaux dictz, qu'il cōposa en Latin, en l'honneur & pour la decoration du sain& seruice diuin: Entre lesquels sont, la prose. *Sancti Spiritus gratia, &c.* Les respons. *O Iuda & Hierusalem, &c.* *Cornelius Centurio, &c.* Il eut en secondes nopces vne femme, nommée Constance, fille du comte d'Arles, & de Geofroy comte d'Aniou, en faueur de laquelle, il composa le respons. *O constantia Martyrum.*

*Hue capet meurt & laisse son successeur au royaume, Robert son filz.*

¶ Otho troysieme empereur mourut en l'année suyuant mil & ~~xx~~ <sup>xxi</sup>, par poyson (comme aucuns veulent dire.) Apres sa mort luy succeda Henry duc de Bauiere, qui fut le premier esleu empereur, suyuant l'institution susdicte, faicte entre Otho & le Pape Gregoire hui&tieme. Ce Henry est nommé deuxieme, par les Germain, ayās esgard à Henry premier empereur de Germanie, qui ne receut la benediction à Rome. L'outrage les Italiens l'appellerent Henry premier du nom, pourcè qu'il fut le premier Henry, qui receut en Italie la couronne imperiale. Cestuy Henry fut homme magnanime & fort heureux en bataille. Il estoit de sainte vie & en prudence tres excellent: Il eut vne femme Kundegundis, reputée sainte en paradis, par l'enhortement de laquelle, ilz feirēt ensemble veu de garder virginité. Ce qu'iz obseruerēt iusques à la fin: Combien que quelque temps apres, ledi& Henry eust fantasie de ialousie, sur la bonne & sainte femme. Mais par oeuvres miraculeuses elle donna à cognoistre, le faict contraire & son innocēce à cest esgard.

*Mort de l'empereur Otho iij.*

*Henry duc de Bauiere, succède à l'empire.*

*Sainte Kundegundis femme de l'empereur Henry premier du nom.*

¶ Or nostre euesque de Verdun Haymo aduertie de la promotion de son bon maïstre & seigneur Héry duc de Bauiere qui estoit esleu empereur, en fut mēueilleusement ioyeux, & de ce print plus grād vouloir & courage d'augmēter les eglises de son euesché, tāt en biēs & reuenuz, qu'en reparatiōs & erectiōs nouvelles: esperāt q le bō empereur Héry en recordatiō du tēps passé, l'ayderoit & fauoriserait à ce faire, ce qu'il fit. Car du cōmēcemēt de son regne obtint de luy pour l'augmētatiō des prebēdes de ses cōfreres & cōchanoines de Nostre Dame de Verdū, le village de Seury, avec vn autre, nōmé Iupile pres du Liege. Ensemble plusieurs autres biēs tāt en or qu'argēt.

*Seury & Iupile données par l'empereur Henry à l'eglise de Verdun.*

Ce qui

# Le iiii. liure des antiquitez de la gaule belgicque

Ce qui fut cause que ledict euesque Haymo delibera fonder vn monastere de religieuses de l'ordre saint Benoit, en la cite de Verdun: ayant esgard à la fondatiō d'hommes religieux d'iceluy ordre, que Berengarius l'vn de ses predecesseurs en auoit parauant fait en l'eglise de saint Venne. Et pour la deuotion qu'auoit ce bon Haymo à saint Maur deuxieme euesque de Verdun, delibera faire ledict monastere en son eglise, laquelle de premiere institutiō auoit esté fondée, soubz le tiltre de saint Jean baptiste. Et depuis par l'euesque Harro reparée & de nouveau erigée, soubz le tiltre dudit saint Maur, pource que son corps glorieux, avec ceulx de saintz Arator, & Saluin auoient miraculeusement esté releuez & trouez illec, comme dessus est dict. Si augmenta ledict Haymo l'eglise, ediffia à l'entour cloistre, & habitatiōs propres pour les religieuses, à ce que plus aysément, elles peussent seruir Dieu, soubz la profersion dudit ordre saint Benoit. Dauantage fait grosses acquisitions de rentes, & reuenuz avec donations du sien propre, pour fournir aux viures, estarz & entretenemens d'icelles: Combien que pour la parfaire fut fort aydé par l'empereur Henry, & par la bone comtesse Mathilde veue de Godefroy comte de Verdun, & d'Ardenne, lors encores viuant, en viduité audict Verdun, avec deux de ses enfans, scauoir Fredericus qui auoit translaté le droict du comté audict Haymo, & son frere Hermānus. Ses deux autres enfans, scauoir Godefridus qui auoit succedé à la comté d'Ardenne, suyoit la court de l'empereur Henry en Almagne. Et le plus ieune Gozelo, ou Gothelo estoit en Italie, comme dessus a esté dict.

*Religieuses de S. Maur, fondées à Verdun, par Haymo.*

*L'empereur Henry & la comtesse Mathilde aydent à la fondation de S. Maur.*

*Le cōte Frederic estât à Reims prēd cognoissance à S. Richard.*

*Frederic laissa à Herinan son frere l'administratiō du comté de Verdun.*

¶ Nous lisons que durant ce temps, le comte Fredericus retourné de son voyage de Hierusalem administroit la comté de Verdun, soubz l'euesque Haymo, & s'en alla pour quelque affaire en la cite de Reims, ou il print cognoissance & societé, avec vn saint homme, nommé Richard chanoine de l'eglise de Reims, ou ilz furent quelque temps ensemble, conferans choses bonnes & salutaires, mesmes du voyage d'iceluy Frederic en Hierusalem. Et tellement s'accorderent ensemble, par zele de deuotion, qu'ilz promeirent l'vn à l'autre laisser le monde, & prendre l'habit de religion au monastere de saint Venne. Ce qu'ilz feirent quelque temps apres, & enuiron l'an mil & cinq. Toutefois auant qu'entrer en ladicte religion, Fredericus laissa & ceda l'administration de ladicte comté à son frere Hermānus, du consentement de l'euesque Haymo. Bailla aussi plusieurs biens aux eglises de Nostre Dame, & saint Venne dudit Verdun.

¶ Si les lecteurs veulent plus amplement cognoistre les oeures & perfections de ces deux personages, leur plaise auoir recours à la vie de saint Richard abbé, laquelle nous auons particulièrement escript en nostre presente histoire.

*La mort de Otho duc de Lorraine.*

*Godefroy d'Ardenne fait duc de Lorraine, apres Otho filz de Charles.*

¶ En ce mesme an, mil & quatre, Otho duc de Lorraine, filz du deffunct Charles, alla de vie à trespas, sans hoir male de son corps, par la mort duquel, Godefroy le ieune deffunct, comte d'Ardenne fut enfaïné dudit duché de Lorraine, par la declaratiō que luy fait l'empereur Henry, suuant le droict que y pretendoient ceulx d'Ardenne, selonc aussi les conditions opposées en la donation que fait Otho deuxieme, de la duché de Lorraine à Charles premier duc dudit pays de Lorraine & pere de cestuy otho deffunct.

*Querelle pour le duché de Lorraine entre ceulx d'Ardenne & les gendres de Charles de Lorraine.*

¶ Lābertus comte de Louvain, Bruxelles, & Niuelle, de par sa femme Gerberge, fille de Charles de Lorraine & seur dudit Otho deffunct, ne fut content de telle entreprinse, l'empescha, & y resista en ce qu'il peut, allegant Lorraine luy appartenir, à raison de sa femme, qui estoit seur & legitime heritiere dudit Otho deffunct: Le semblable faisoit Aubert comte de Namur qui auoit espousé Hermengarde: L'autre fille de Charles de Lorraine y pretendait droict à cause d'elle.

¶ La querelle de Lābertus soustenoit Raginerius le ieune, son nepueu, filz de son frere Raginerus. ii. comte de mōs en Haynau. Lequel Raginerus deuxieme estoit mort & auoit

# depuis Hue Capet iusques à Loys viii. du nom F. ccx.

& auoit eu espousé Hauuie, fille de feu Hue Capet. Et par tant estoit nepueu de Robert lors roy de France. Au contraire l'empereur Henry deuxieme deffendoit ledict Godefroy d'Ardenne, pour la donation qu'il luy auoit fait suyuant laquelle, le vouloit maintenir en sa possession, disant que ledict duché de Lorraine auoit esté erigé & donné à feu Charles de Lorraine par l'empereur Otho deuxieme, à condition que si ledict Charles ou ses enfans decedoient sans hoirs masculins, ledict duché de Lorraine ainsi nouvellement erigé es terres de feu Gislebertus, deuoit retourner à ses heritiers qui estoient vrayement les enfans de Godefroy l'ancien, nepueu dudit Gislebert. Par tant luy comme empereur auoit iustement rendu audict Godefroy ledict duché puis que l'heritier dudit Charles, Otho estoit decédé sans enfans masculins. Dauantage ledict empereur n'aymoit Lambert ne son nepueu, pour ce qu'ilz estoient yssuz du vicil Regnier, ou Raginerus au long col, comte de mons en Haynau qui auoit toujours tenu le parti des roys de France, contre les empereurs, cōme dessus a esté dict: Et parce soustint & deffendit tellement Godefroy d'Ardenne qu'il demoura paisible du duché de Lorraine. La querelle toutefois demoura toujours entre eulx. Car soubz couleur de ceste institution, Godefroy ne print seulemēt le duché de la haulte Lorraine, en ce qui estoit de la succession de Gislebert: mais aussi print vne portion de la basse Lorraine que Charles tenoit de son patrimoine, parauant l'erection dudit duché: enquoy lesdictes filles furent frustrées. Neantmoins long temps apres les comtes de Brabant, fortiz desdictes filles recouurerent ladicte portion, sur les ducz de Lorraine, comme nous dirons cy apres, quand viendrons au temps que ce fut fait. Cey est confirmé par celuy qui a fait les additions, & supplement en l'histoire de Gaguin ou il dict qu'environ cent ans apres Godefroy le barbu yssu de ladicte Gerberge, recouura grande partie dudit duché de Lorraine. De ce Godefroy le barbu sont yssuz iusques à present les ducz de Brabant.

*Le droit que pre-  
tendoient les Ar-  
dennois, au duché  
de Lorraine.*

*Godefroy d'arden-  
ne ne print seule-  
mēt la haulte Lor-  
raine, mais aussi  
portion de la basse.*

¶ Environ ce temps, en l'an mil & six, Bauldouyn comte de Flandres, surnommé bel lebarbe, qui suyuoit le parti de France, ne fut content qu'on auoit priué les deux seurs de Otho duc de Lorraine, de leurs successiō paternelle, à raison dequoy (comme dict Iacobus Meyerus en son histoire) leua grosse armée & vint assaillir le pays de Lorraine, contre Godefroy qui l'occupoit: combien qu'il fust son oncle de par Mathilde sa mere grande, & de son premier mary. Laquelle Mathilde fut mere d'iceluy Godefroy de par son second mary. Cestuy Godefroy deffendit vaillamment sondict pays de Lorraine. Quoy voyant Bauldouyn le laissa & en retirant son armée de Lorraine, entra au pays de l'empereur Henry, ou il ne trouua grande resistance, parquoy il print sur ledict empereur le chasteau de Valenciennes qui est situé (comme dict Sigebertus) sur les marches & limites de France & du royaume de Lorraine. Qui fait à noter icy que le duché de Lorraine lors nouvellement erigé, fut tenu par Godefroy d'Ardenne. Toutefois le reste dudit royaume de Lorraine estoit occupé par les Empereurs en partie, & l'autre partie par les roys de France.

*Bouldouyn de Flā-  
dres mena guerre  
contre son oncle  
Godefroy, pour  
deffendre les deux  
filles de Charles de  
Lorraine.*

*Valenciennes prin-  
se, sur l'empereur,  
par Bauldouyn.*

¶ L'empereur Héry aduerry de l'entreprinse de Bauldouyn, assembla grosse armée & le vint assaillir dedans ledict chasteau, ou il ce deffendit quelque temps, & iusques à ce que le roy Robert, & Richard, duc de Normandie veindrent à son secours. en sorte que ledict empereur fut cōtrainct retirer son armée, sans riens faire. Toutefois il s'en alla de là assaillir le chasteau de Gand appartenant au frere dudit Bauldouyn comte de Flandres, destruisant tout le pays, ou il passoit. Quoy faisant print plusieurs prisonniers des principaulx du pays de Flandres. Au moyen dequoy ledict Bauldouyn fut cōtrainct rendre Valenciennes, donner ostages, & faire serment de fidelité es mains de l'empereur. Neantmoins tost apres, par l'induction & remonstrances des princes & nobles du pays, l'empereur bailla liberallement audict Bauldouyn, ledict chasteau de Valenciennes, avec vne autre forteresse, nommée Vvalachre. Soubz condition toutefois qu'à jamais il tiendroit & deffendroit le parti de l'empire, contre tous, & envers tous.

*Robert roy de Frā-  
ce, & Richard  
duc de Norman-  
die, deffendēt Baul-  
douyn, contre l'em-  
pereur Henry .ij.*

*Bouldouyn de Flā-  
dres rend Valen-  
ciennes, & fait ser-  
ment à l'empereur*

¶ Bien

# Le iii. liure des antiquitez de la gaule belgicque,

*Pourquoy l'empereur Henry assailit Metz.* ¶ Bien peu apres enuiron l'an mil neuf, l'empereur Henry veint assaillir la cité de Metz pource que suyuant ce qu'auons dict en la vie de Adalbero, qui fut euesque de Verdun & de Metz, & estoit filz de Frederic duc de Mozelane & de Beatrix sa femme seur de Hue capet, ledict Adalbero, peu au parauant estoit decedé, & du consentement de l'empereur auoit resigné son euesché de Metz a vn sien nepueu ieune enfant filz de Theodoric son frere qui auoit succedé au fustidit duche de Mozelane & seigneurie de Bar, par la mort de son pere Frederic. Apres laquelle resignation ain si admise, ledict Theodoric pour ce que son filz estoit trop ieune bailla à garder ledict euesché de Metz à vn prestre noble hōme & du sang royal à qui il se fioit, pour ce qu'il estoit frere Germain de Brandegundis femme dudiect empereur Henry. Lequel prestre nommé Theodoric apres qu'il fut ensaisiné d'iceluy euesché, chassa hors la cité le ieune enfant, & meit en prison fermé le duc Theodoric: se declarant vray euesque de Metz & ennemy dudiect empereur, allegant pour sa deffense vne autre cause qui estoit, que ledict empereur voyant qu'il n'auoit nulz enfans, auoit doné le plus apparent de ses biens, signamment les seigneuries sur lesquelles le douaire de sa femme estoit assigné, pour fonder vne eglise cathedrale, euesque, & chanoines en la cité de Habemburgense en Germanie: & que par tant sa seur l'imperatrix estoit frustrée de sondict douaire: combien que la bonne dame n'en faisoit querele ne question, ains toutes lesdictes fondations auoient esté faictes de son gré & consentement.

*Appoinctement entre l'empereur Henry, & l'euesque de Metz.*

*La mort du filz de Theodoric seigneur de Bar.*

*Le bras S Estienne a porté de Constantinoble à Metz.*

¶ De telles entreprinse nō cōtent l'empereur Henry assembla grosse armée, & veint assieger la cité de Metz, deuant laquelle il fut si longuement que tout le plat pays d'enuiron, fut destruit & totalement gasté, & la cité fort desolée. Finalement par l'intercession de l'imperatrix Cunigundis seur dudiect prestre Theodoric, la paix fut traitée, entre luy & l'empereur Henry. Et ce faisant ledict duc Theodoric deliuré de prison. Et pour ce que son ieune filz à qui la resignation auoit esté faicte dudiect euesché, mourut durant ceste rebellion, qui dura bien dix ans, fut appoincté entre eulx que ledict Theodoric frere de l'imperatrix demoureroit paisible d'iceluy euesché, ou il se gouuernoit tant bien & si vertueusement que l'honneur de Dieu, & le saint seruire diuin en furent grandement augmentez. De son temps fut l'eglise principale de S. Estienne de Metz construite, & réedifiée de nouueau. En laquelle par sa diligence fut mis & posé le bras dudiect glorieux martyr saint Estienne, qu'on auoit apporté de Constantinoble.

¶ *Après cest appoinctement, enuiron l'an mil douze, l'empereur Henry delibera aller à Rome receuoir la benedictiō & couronne imperiale du Pape Benoist huitieme, qui à ce le sollicitoit. Aussi pour ayder & subuenir à l'Italie, signamment au pays de la Pouille & Naples, que l'empereur de Grece oppressoit, & auoit ia gasté & destruit tout es enuiron de Beneuente, Capua, & Salerne, dedans laquelle estoiet Gozelo, cōme dessus a esté touché.*

*Prodiges.*

*Entreprinse de Lambert comte de Louvain, pour recouurer la duché de Lorraine. Gerard de Castinach cousin de Lambert.*

¶ L'année deuant ce dict voyage apparut au pays de Lorraine, vn prodige grand & monstrueux: car il y auoit vne fontaine située pres la mōtaine de Castrilocque, dict à present mons en Haynau, fort salubre à boire, & laquelle par l'oppinion, & relation des habitans cirouoifins guerissoit de plusieurs maladies. Si aduint qu'vn iour quelques femmes veindrent à ladicte fontaine, pour y prendre de l'eau, mais elles la trouuerent couuerte en sang: Dont prindrent iugement & signification des guerres futures, aussi veindrent elles audict pays tost apres. Car Lambert comte de Louvain, homme vaillant & belliqueux, duquel auons parlé cy dessus: indigné de Piniure que luy auoit faict l'empereur, priuant sa femme Gerberge du duché de Lorraine à elle escheu, par la mort de Otho, son frere, delibera se venger & recouurer iceluy duché. Pourquoy faire appella à son ayde Raginerius comte de mons en Hauynau, & son cousin le comte Gerard de Castinach. Lesquelz si tost qu'il furent aduertiz du departement de l'empereur, assemblerent gens de tous costez, chascun selon sa puissance. Auec

# depuis Hue Capet, iusques à Loys viii. F. ccxi.

Auec lesquelz ilz faisoient iournellement courses, & pilleries en diuerses parties du pays de Lorraine, en sorte qu'il n'y auoit homme qui eust osé aller seurement par pays.

¶ L'empereur Henry estant sur son voyage d'Italie, eut aduertissement de l'entreprinse du comte Lambert & de ses alliez. Si ordonna à Godefroy duc de Lorraine qu'il menoit avec luy, retourner, assembler gens & sans deport ne delay, aller assaillir ledict Lambert dedans son chasteau de Louain. Ce qu'il feist, mais Lambert resista si tresbien, & tua tant des gens de Godefroy, qu'il feut contrainct leuer le siege, & s'en retourner sans rien faire.

*Godefroy duc de Lorraine assiegé Lambert en son chasteau de Louain.*

¶ Lambert orgueilleux de ceste victoire mena son armée au pays du Liege contre le venerable Euesque Baldricus qui tenoit le party de l'Empereur. Et le veint assaillir en vne ville nommée Hugardis (~~que l'on dit estre Huz~~) en laquelle il auoit fortifié vn chasteau lors bien garny de gens & autres munitions de guerre, qui n'empeschent neantmoins que ledict chasteau fust prins, la plus part des gēs y estans occis, & les autres resistans cōstituez prisonniers, dont ledict Euesque, & tout son Euesché fut fort endommagé.

*Lambert prend le chasteau de Huz sur l'Euesque du Liege.*

¶ Quand l'Empereur fut de ce aduertuy, estant à Rome, & ayant ia chassé ses ennemis de la Pouille, deliuré ceulx qui estoient assiegez dedans les citez de Beneuente, Capua, & Salerne. Et d'auantage receu à Rome la couronne imperiale par le Pape Benoid viij. en l'an mille & quatorze, delibera en diligence obuier & resister audict comte Lambert. Si enuoya à ceste fin Gozelo qui gouernoit la cité de Salerne vers son frere Godefroy duc de Lorraine, avec commission, & ordonnance expresse de leuer grosse Gendarmerie, & aller assaillir le comte Lambert, ensemble ses alliez. Ce que feist en diligence ledict Godefroy duc de Lorraine, accompagné de son frere Gozelo, nouuellement retourné des Itales. Auec lequel veint rencontrer l'armée de Gerard d'Alsatie, comte de Castiniense, cousin de Lambert. Et tellement bataillèrent ensemble, que le comte Gerard fut defaict, & cōtrainct de s'enfuir, ayant perdu beaucoup de ses gens: Entre lesquelz son propre filz fut tué, comme escript Sigibert en son hystoire, loubz l'année mille & quatorze.

*L'empereur enuoye Gozelo en Lorraine pour de fendre la duché avec son frere Godefroy.*

*Gerard de Castinach vaincu, & son filz tué par Godefroy duc de Lorraine.*

¶ Or auant que passer oultre, les Lecteurs noteront, que de cestuy Gerard d'Alsatie premier du nom, & de ses predecesseurs, sont descenduz les comtes de Vvaudemōt à present regnans, pour intelligence dequoy fault reduire en memoire ce que nous auons escript au liure precedent, d'vn noble prince nommé Cōradus le Saige, seigneur de Vvormatie, & Alsatie, descendu de l'ancien lignage de Charlemagne, qui eut espousée Lutgarde fille de l'Empereur Otho premier. Defendit l'Empereur en plusieurs batailles, & soubz luy fut constitué gouuerneur de la portion du Royaume de Lorraine apres la mort d'Otho filz de Gislebert. Ainsi qu'amplement auons dict cy dessus, parlant de l'année neuf cens quarante troys, soubz laquelle Sigibert escript ce que s'ensuit. *Otho dux Lothariensium obiit, Conradus gener regis Otthoni succedit, &c.*

*Les comtes de Vvaudemōt ont pris origine des princes d'Alsatie.*

*Theodoric d'Alsatie.*

¶ Si trouuons que cestuy Conrad le Sage, entre aultres enfans eut vn filz nommé Theodoric, qui eut son parraige en Alsatie, Il fut appellé des Hystoriens *Præses Alsatie*. Et engendra cestuy Gerard d'Alsatie premier du nom, qui tenoit deux comtez en Alsatie, l'vne nommée Longcastre, l'aultre Castinach. Il entrepreint guerre en faueur de son cousin Lambert de Louain, ou son filz nommé Richard d'Alsatie; fut tué ceste dictte année mille & quatorze, comme auons dict, & ainsi l'escrit ledict hystorien Sigibert. Or laissa cestuy Richard de sa femme sœur de l'Empereur Conrad ij. deux filz, à sçauoir Albert comte ou duc de Longcastre Et Gerard comte de Castinach. Duquel sont descenduz les comtes de Vvaudemont, comme nous escriuons selon l'ordre du temps.

*Gerard d'Alsatie*

*Richard d'alsatie.*

¶ Apres ceste victoire obtenue sur Gerard d'Alsatie, le duc Godefroy vint avec son armée en la comté de Mons en Haynau, gastât tout le pays où il passoit. Pour à quoy obuier lesdictz Lambert, & Raginerus le poursuivirent en diligence, de sorte qu'ilz eurent bataille ensemble pres Florines. En laquelle furent tuez plus de quatre cens hommes, mesmes y mourut ledict comte Lambert. La aduint chose merueilleuse. Le-

*Bataille pres Florines, ou le comte Lambert fut tué.*

# Le iiii. liure des antiquitez de la gaule belgicque,

*La vertu de l'escharpe du comte Lambert.*

*L'escharpe du cõre Lambert vient es mains de Gozelo.*

*Des comtes de Luxembourg.*

*Conrad comte de Luxembourg.*

*Frederic comte de Luxembourg.*

*Godefroy comte de Luxembourg.*

dict Lambert n'auoit iamais esté vaincu en bataille, pource qu'il portoit sur luy & à son col, vne escharpe en laquelle estoient enchassées plusieurs saintes reliques, par le moyen desquelles il auoit esperance d'estre tousiours victorieux. Or la iournée de la bataille ainsi qu'il batailleoit, & que la victoire sembloit estre pour luy, son escharpe (en laquelle il auoit toute sa fiance) cheut à terre sans qu'il s'en aperceust, & tout incontinent il fut tué. Ladiete escharpe vint ez mains d'un seruiteur de Gozelo, qui la cacha secrettement dedans ses chausses. Ou elle ne fut plustost que la cuisse & iambe dudict seruiteur luy enflerent si fort qu'il fut contrainct le declarer & restituer à son maistre Gozelo frere dudict duc de Lorraine, auquel elle seruit depuis en plusieurs batailles pour la foy & esperance qu'il y prenoit.

¶ Nous lisons que durant ce temps, enuiron l'an mille & quinze, mourut Gifilbert ij. comte de Luxembourg laissant plusieurs enfans qui succederēt à leur pere. Lequel d'entre eulx succeda en la principaulté de Luxembourg est difficile escrire. Car en ce les hystoires sont fort confuses, obstant que troys desdictz enfans porterent le tiltre, & nom de comte de Luxembourg, & le quatrieme fut de l'Eglise. Toutefois ie diray icy vn mot de chascun desdictz enfans. Et premierement.

¶ Conrad filz dudict Gifilbert print le tiltre de comte de Luxembourg, viuant encores son pere, enuiron l'an neuf cens nonante, eut guerre contre Megigandus Archeuesque de Treues qu'il print prisonnier dont il fut excommunié. Cecy faisoit ledict Conrad en deffendant son frere Adelbero, qui pretendoit droit en l'Archeuesché de Treues, contre la volonté de l'Empereur Henry qui defendoit ledict Megigandus, après la mort duquel, ledict Empereur feit eslire le saint homme Pepo, iaçoit que ledict Adelbero feust son parent. Sur ce on peut veoir les hystoires de Treues.

¶ Nous trouuons ausi que ledict Conrad feit confirmer par l'Empereur les donations que son pere Gifilbert auoit fait aux eglises, comme apert par lettres surce expedies en l'an mille & quarante deux. Cestuy Conrad mourut enuiron l'an mille & cinquante. Laisa vn filz nommé Conrad, & tint les seigneuries d'Arlon, Espinau, & autres.

¶ Frederic filz de Gifilbert succeda à son pere enuiron l'an mille & quinze, print tiltre & nom de comte de Luxembourg, & semble qu'il fut l'ainé. Car Meierus en son hystoire l'appelle comte de Luxembourg, & escript de luy souz l'anné mille & quarante, qu'il estoit oncle de Bauldoyn le piteux, comte de Flandres. Et que l'Empereur Henry iij. luy bailla la duché de Lorraine, Mozelanicque, apres que Godefroy filz de Gozelo eut tué Albert. Item ledict Meierus escript de luy, que l'an mille & cinquante cinq. Ledit Godefroy & iceluy Bauldouyn de Flandres, Passallirent dedans Anuers, mais il fut deffendu par les Lorrains. Sigilbert en son hystoire escript que cestuy vesquit longuement, & mourut l'an mille & soixante six.

¶ Iay leu en l'hystoire Iehan Placentin, que cestuy Fredericus eut pour femme Geltrude, sœur de Godefroy le Breux filz de Gozelo duc de Lorraine, delaquelle il eut deux filz. L'ainé Frederic, & le deuxieme Gifilbert qui moururent en ieunesse. Le troysieme nommé Henry fut Euesque du Liege, lan mille & septante six. Il fut surnommé le pacifique pour la bonté & prudence. Et estoit parent de par sa mere, à Godefroy de Buillon, comme on trouue es catalogues des Euesques de Liege, ainsi qu'il s'ensuit : *Henricus filius Frederici Lotharingia ducis, ex matertera ducis Godofridi Buillonensis, &c.*

Ce que toutefois on doit entendre de Lorraine Mozelanicque. Ce Frederic eut vne seule fille nomée Ermenon, premiere du nom, laquelle succeda à Luxembourg, & eut pour mary Godefroy comte de Namur, qui engendra en elle Henry, surnommé l'Aueugle, pere d'Ermenon ij. du nom, desheritée de Luxembourg. Laquelle espoula Thibauld comte de Bar, comme nous escrirons cy apres en l'ordre du temps.

¶ Godefroy filz de Gifilbert porta le tiltre de comte de Luxembourg, encores que ses deux freres le portassent. Ce qui se peut prouuer par la fondation du prioré de Roussel, que luy & sa femme Mathilde feirent edifier pres sainte Barbe, en la preuosté de Thionuille. Laquelle fondation fut confirmée par l'Empereur Henry, estant lors à

# depuis Hue Capet, iusques à Loys, viii. du nom F. ccxii.

lors à Yuoy avec le Roy Robert sur le fleuve de chere, ladicte fondation datée de l'an mille vingt & deux.

¶ Adelbero ou Albero filz de Gifilbert, suiuit l'estat de l'Eglise, fut preuost de saint Paulin de Treues, & au temporel eut la seigneurie de Roucy au comte de Luxembourg. Il pretendit droit par election en l'archeuesché de Treues par la mort de l'archeuesque Ludolphus, mais l'Empereur Henry luy empescha enuiron l'an neuf cés nonante, en faueur de Megigandus partie aduerse dudit Albero. Duquel Megigandus ledict Empereur tenoit le parti.

*Albero de Luxembourg, Archeuesque de Treues.*

¶ En ce mesme temps ledict Empereur Henry, retourna d'Italie en la Germanie, enuiron l'an mille & dixhuiet, auquel temps veindrent vers luy les Embassadeurs de Theodoric comte de Gand qui faisoit guerre contre les Frisons pour venger la mort de son pere Arnoul frere de Bauldouyn comte de Flandres, qui auoit esté tué peu au parauant, par lesdictz Frisons. Contre lesquelz à ceste occasion, il demandoit ayde au dict Empereur Henry, avec lequel les Flamens estoient pour ce temps confederéz par l'appoinctement fait avec Bauldouyn leur oncle, quand l'Empereur luy laissa paisiblement Valenciennes, ainsi que dessus a esté dict. A ceste demande s'accorda assez facilement le bon Empereur, non sçachant si à tort ou à droit ledict comte Arnoul auoit esté tué. Et ordonna à Godefroy duc de Lorraine mener gens au secours dudit Theodoric. Ce qu'il fit : mais aduint que le iour de la bataille, vne voix fut ouye sans sçauoir de qui, disant: fuyez, fuyez, fuyez, à laquelle voix tous ceulx du costé du duc Godefroy s'enfuirent. Au moyen dequoy en y eut beaucoup de tuez, mesmes ledict duc Godefroy fut prins prisonnier par lesdictz Frisons, combien qu'ilz feussent en plus petit nombre que les aultres.

*L'Empereur s'allie aux Flamens contre les Frisons*

*Voix ouye le iour de la bataille.*

*Godefroy duc de Lorraine pris par les Frisons.*

¶ Quelque temps apres, il fit son appoinctement avec lesdictz Frisons, ausquelz il paya la rençon, & leurs restitua les dommaiges & pertes qu'ilz auoyent receuz. Enquoy faisant fut deliuré de prison. Tost opres, laquelle il mourut sans hoir de son corps apres auoir tenu xv. ans la duché de Lorraine, auquel succeda Gozelo ou Gothelo son frere, enuiron l'an mille & dixneuf.

*La mort de Godefroy duc de Lorraine.*

*Gozelo succede à son frere godefroy*

¶ En cest endroit, s'il plaist aux lecteurs, ilz noteront l'erreur & faulte de Symphoriam, & aultres hystoriens de Lorraine, qui dient qu'apres Otho filz de Charles de Lorraine succeda Godefroy comte d'Ardenne, grand pere de Godefroy de Buillon. Enquoy ilz errent grandement. Car ilz laissent deux ducz qui ont regné audict pays de Lorraine, entre ledict Otho & iceluy Godefroy pere grand de Godefroy de Buillon. Ce qu'on pourra plus facilement cognoistre par nostre arbre de Genealogie. Et ne se fault arrester audictz hystoriens de Lorraine, qui me semblent auoir esté peu diligens à veoir les hystoires.

*Erreur de Symphoriam & aultres hystoriens Lorrains.*

¶ Or pour retourner à la matiere de Haymo nostre Euesque de Verdun, qui estoit grand zelateur de l'honneur de Dieu, & de l'Eglise. Il mettoit toute sa cure & diligence à tirer & retenir aux Eglises de son Diocese, gens de lettres & de vertus, & les pour ueoir, & promouuoir aux offices, benefices, & dignitez d'icelles. Aussi pour le bon bruit de ses vertuz, & sainteté de vie, les gens de bien de diuers lieux desiroyent faire residence pres de luy, & es Eglises, sur lesquelles il auoit autorité, & regime. Comme on peut congnoistre par les deux saintz personages dessus nommez, Fredericus comte de nostre cité de Verdun. Et le bon abbé Richard, lesquelz tout le temps qu'ilz furent residens audict monastere de saint Venne, eurent continuellement grande familiarité & amitié avec iceluy Haymo, & luy avec eulx : Tellement que nous trouuons plusieurs lettres & chartres de confirmations faictes par ledict Euesque Haymo à la petition desdictz deux bons personages, pour les rentes & reuenues dudit S. Venne, Entre lesquelles i'en ay trouué vnes aux arches dudit monastere de S. Venne, desquelles ie transcriray icy quelques clauses pour monstrer que Frederic estoit comte de Verdun, auant qu'il fut religieux audict saint Venne, avec saint Richard du temps dudit Haymo, & qu'il viuoit l'an mille & vingt. Lesquelles lettres commencent.

*Amitié & familiarité entre Haymo, Frederic, comte de Verdun, & Richard abbé de S. Venne.*

*IN NOMINE sancte, & indiuidue Trinitatis. Nouerint presentes & futuri, quod*  
N ij ego Hay

# Le.iii. liure des antiquitez de la gaule Belgicque,

*Frederic cõte de Verdun, religieux à S.V enne.* ego Haymo Dei gratia præsul Viridunen. hanc chartam composuerim, & confirmauerim ad deprecationem Domini Abbatis Richardi, dominique Frederici, qui comes existens nostræ ciuitatis postpositis secularibus pompis in cœnobio sanctorum Apostolorum Petri & Pauli, sanctique Vitoni monachus est factus, pro quodam concambio, &c. Puis à la fin y a, Anno incarnationis dominicæ millesimo vigesimo. Episcopatus nostri anno vij.xx. &c.

*Dudo grand preuost en l'Eglise de Verdun.*

*Erection & fondation de l'Eglise sainte Croix à Verdun.*

¶ Semblablement l'Euesque Haymo pour tousiours augmenter le saint seruice de Dieu, & donner exemplaire de vertus à ses confreres chanoynes, tira en son Eglise de nostre dame de Verdun, vn sien amy & familier homme de noblesse, nommé Dudo auquel il bailla la preuosté de Montfaulcon, en son Eglise de Verdun. Ce Dudo estoit si riche & opulent de son patrimoyne, que combien qu'auparauant il eust edifié du sien propre vne Eglise en l'honneur de S. Laurens, au chasteau Desluimartha lieu de sa natiuité, ou il auoit fondé certain nombre de chanoynes, à fin d'y faire l'office diuin: Neantmoins luy venu à Verdun, par l'induction & salutaire monition du dict Haymo y edifia l'Eglise Sainte Croix. En laquelle il fonda xij. chanoynes, avec l'office d'vn thesaurier, auquelz il assigna rentes pour viure. Et depuis pour l'amour & reuerence qu'il auoit audiect Euesque Haymo, & en faueur de ce qu'il auoit fondé le monastere des moniales & religieuses de S. Maur, voulut & ordonna icelle Eglise de S. Croix, ensemble les chanoynes d'icelle estre subiectz audiect monastere de saint Maur, & illec celebrer par chascun iour de la sepmaine certaines messes. Aussi voulut qu'à l'aduenir la collation des prebendes dudiect sainte Croix, appartuendroit à l'abbessé dudiect monastere.

*Concile conuocqué par l'Empereur, sur la reformatiõ de l'estat Ecclesiastique.*

*Robert Roy de France prié d'assister au Concile.*

*Chaleurs & seicheresse extremes l'an M. xxij.*

*Le Concile transféré à Yuoy, ou se trouua le roy Robert.*

*Liberalité tresgrande de l'Empereur Henry.*

*Le grand sçauoir de Ermenfridus, depuis Archeuesque de Verdun.*

¶ Durant le temps que l'euesque Haymo poursuiuoit de mettre gens vertueux, & sçauans en son Eglise. Aduint enuiron l'an mille & vingdeux, que l'Empereur Henry ij. assembla vn Concile general en la cite d'Aix, ou furent appelez & cõuocquez, tous les Archeuesques, Euesques, Abbez, & Prelatz, des pays circonuoyfins, sur la reformation de l'estat de l'Eglise. L'empereur pour mieux venir à chief de son intention, auoit enuoyé Embassadeurs vers le Roy de France, Robert, le prier se ioindre avec luy, & assister audiect Concile. A fin que la reformation qui s'en ensuiuroit fust generale, tant es pays d'Almagne, Lorraine, que de Frâce. De ce fait fut tresioyeux le bon Roy Robert: Toutefois il s'excula pour ceste foys, à raison des grandes & extremes chaleurs qui eurent courts en ladiect année, & dont les pareilles n'auoyent encores esté veües n'y ouyës. Pour preuue dequoy les hystoriens dient que l'ardeur du soleil estoit si vehemente, & les seicheresse si grandes qu'on trouuoit hommes & bestes, mortz par les chemins. Dauantage les pauemés colõnes de pierre, & de marbre, rendoyent à force de chaleur, humidité si grande, qu'il sembloit qu'on les eust arroulé d'eau. Ce qui causa que le Concile fut retardé, & remis au commencement de l'yuier prochain suyuant. Et lieu assigné en vne ville du Royanme de Lorraine, lors nommée Ehasium, aliàs Yuoy, assise sur la riuere de Chere, pres de Chauancy. Ou le Roy Robert se trouua comme il auoit promis. La furent faitz beaulx Decretz, & ordonnâces sur la reformation de l'estat Ecclesiastique. Puis lesdictz, empereur Henry, & roy Robert, preindrent iour pour se trouuer à Pauie en Italie, ou estoit le Pape, à fin d'auoir de luy confirmation, de ce qui auoit esté fait audiect Concile. Sigibert dict qu'audiect Concile, se trouuerent gens innumerables, tant de ceulx qui estoient appelez pour y deliberer, qu'aautres qui y estoient venuz, seulement pour veoir le triumphe, & la magnificence de l'Empereur, & du Roy. Dit oultre que le Concile finy l'Empereur vsa de si grande liberalité & magnificence, en dons, tant d'or, argent, que pierres precieuses, enuers le Roy, & tous les assistants, qu'on iugeoit qu'il excédoit en richesses les Roys de Perse, & Arabic.

¶ Entres tous les assistants reputez en sçauoir, eloquence, & doctrine, y eut vn nommé Ermenfridus, lequel combien qu'il feust de pauore lieu, simple, & petite parenté: Toutefois excédoit tous les autres en reputation d'eloquence & sçauoir. Au moyen dequoy l'Empereur vsoit ordinairement de luy, en ses grands affaires: notamment pour porter legations & embassades, par tous pays. Car il sçauoit parler en perfectiõ plusieurs langues, cõme Latin, Grec, Alman, François, Italien. Tellement qu'il estoit riche, &



# depuis Hue Capet, iusques à Loys viij. du nom. F. ccxiii.

riche, & opulent à merueilles, par les grands dons & presens, qu'on luy auoit fait & legations & embassades qu'il auoit porté en diuerses regions & contrées.

*Richesses de Ermenfridus.*

¶ Cestuy Ermenfridus pendant ledict Concile, print congnoissance au bon Euesque Haymo, & au saint homme Richard abbé de saint Venne, qui aussi assisterent audict Concile, avec lesquels, conféroit iournellement Ermēfridus. En sorte qu'ayāt congneu leurs vertus, prudence, & sainteté de vie, delibera se retirer à Verdun, & la yser sa vie au seruice diuin, avec eulx, dont ilz furent tresioyeux. A leur retour l'emmenèrent avec eulx. Et pour miculx le retenir, l'euesque Haymo luy bailla l'archidiaconé de son eglise de Verdun, ou il vesquit iusques au temps de l'Euesque Theodoric, durant lequel il feit œures vertueuses & dignes de memoire, entre lesquelles, voyāt la ruine, & eminente desolation d'une chapelle, appellée ordinairement, *Vetus monasterium*, iadis edifié en la cité de Verdun, par saint Magdalueus, en l'honneur de la Magdelene. En laquelle du commencement estoient femmes penitētes viuās soubz reigle de religion, lesquelles par faulte de rentes pour viure, auoyent laissé le lieu vague, desert, & sans habitation. Ledit Archidiacre Ermenfridus par les bonnes exhortations de l'euesque Haymo, & du saint homme Richard, Abbé de S. Venne, print deuotion de faire reedifier, & agrandir ladicte chappelle de la Magdalene, dont il feit vne eglise collegiale, ou il fonda xxiiij. chanoynes, avec vn Preuost, & vn Doyen. Et du sien propre qu'il auoit gagné par son industrie, & sçauoir, acquesta rentes, & reuenuz pour l'entretienement d'iceulx chanoynes. En sorte qu'encores à present dure ladicte fondation, où le saint seruice de Dieu se fait reuerēment & continuellemēt.

*Ermenfridus fait Archidiacre de Verdun par Haymo.*

*Ermenfridus fonda l'Eglise collegiale de la Magdalene à Verdun.*

¶ En l'an mille & vingtcing, le dessusdict Empereur Henry ij. surnommé Claudus, qui auoit vesçu saintement, obseruant chasteté, & virginité avec sa sainte femme Cundegundis, & partant sans enfans, escheut en maladie, au moyen de laquelle congnoissant sa mort prochaine, appella les Princes de l'Empire, & leur donna vn Prince le plus propre & ydoine qu'il luy sembloit, pour succeder à l'Empire. Les enhortant d'eslire Conradus, qui estoit de nation Sueue, comme escriuent aucuns hystoriens. Toutefois les autres tiennent qu'il fut de Franconie, & eut espousé Gifelle noble dame yssue du sang de Charlemagne, niepce ou parēte dudit Henry empereur: Laquelle auoit parauant eu à mary Heruestus duc de Sueue. Ledit Conradus ainsi esleu fut couronné à Aix, par Pilegrinus Archeuesque de Cologne.

*La mort de l'Empereur Henry ij.*

*Gifelle femme de l'empereur Conrad.*

*Conrad ij. esleu Empereur.*

*La mort de Haymo Euesque de Verdun.*

¶ Enuiron vn an apres à sçauoir mille & vingtsept, mourut le bon Euesque de Verdun, Haymo. Apres qu'il eut tenu l'Euesché enuiron xxxvj. ans, il fut inhumé en l'Eglise de nostre Dame de Verdun.

## LES PAPES QUI TINDRENT

le siege durans les Euesques, Adelbero, & Haymo.

**Iehan XVI.** de ce nom (duquel auons escript en l'Euesque, & fin du liure precedent) fut Pape durans les Euesques Adelbero, & du commencement de Haymo.

*Vide supra.*

**Gregorius V.** de ce nom, fut le CXLIII. Pape, en l'an de grace neuf cēs nonante quatre. Il estoit natif de Saxonie, & parēt bien prochain de l'Empereur Otho ij. par la faueur duquel il fut crée Pape, mais quelque temps apres, fut expulsé de Romme par le patrice Crescentius, & depuis restitué par ledict Otho.

*Gregoire V. cxliij. Pape.*

¶ Du temps d'iceluy Gregoire furent premierement instituez les electeurs de l'empire en la Germanie, lequel Decret fut confirmé & mis en vſage, par le Pape Syluester ij. en l'an mille & deux. Ledit Gregoire mourut apres auoir tenu le siege deux ans, & cinq mois.

# Le.iii. liure des antiquitez de la gaule Belgicque,

*Iehan xvij. du no.  
cxlv. Pape.*

**Iohannes** XVII. du nom, natif de Plaisance, fut cent quarantecinquieme Pape, durant le temps, que le susdict Gregoire estoit fugitif de Rome. Il veint en la papaulté par force d'argent. Parquoy plusieurs hystoriens ne l'ont escript au nombre des Papes. Il ne tint que dix moys la papaulté, de laquelle il fut expulsé par ledict Otho iij. Aucuns escriuent qu'il fut tué.

*Siluester ij.  
cxlvj. Pape.*

**Siluester** II. de ce nom, parauant appellé Gilbertus, Gauloys de nation, fut le cent quarantefixieme Pape, en l'an neuf cens nonantesept. Il estoit homme scauant en toutes sciences, mesmes grand magicien. Il fut precepteur en ieunesse de l'Empereur Otho iij. & de Robertus Roy de France, filz de Hue Capet, par la faction duquel il veint à l'archeuesché de Reims, puis à celuy de Rauennes par le moyen dudiect Empereur Otho iij. En fin il fut Pape de Rome. On tient qu'il s'estoit donné au diable pour paruenir à ceste dignité. Vne grâde hystoire à esté faicte de sa vie, ensemble de sa mort, qui fut tresignominieuse. Toutefois lon veid en luy grande apparence de penitence, comme dient Platin & Antonius Florétinus. Il mourut apres auoir tenu le siege deux ans, les aultres dient quatre ans vn moys. Aucuns escriuent sept ans.

*Iehan xvijij.  
cxlvij. Pape.*

**Iohannes** XVIII. fut le cent quaranteseptieme Pape, en l'an de grace, mille & vn, selon aucuns, selon les aultres, mille & quatre. Il mourut la propre année, six moys apres son election.

*Iehan xix.  
cxlvij. Pape.*

**Iohannes** XIX. Romain de nation, fut le cent quaratehuietieme Pape, l'an mille & deux, ou mille & cinq. Cestuy fut tousiours oyseux, & ne fait rien digne de memoire. Il teint le siege quatre ans, puis mourut.

*Sergius iij.  
cxlix. Pape.*

**Sergius** Romain, IIII. de ce nom, fut le cent quaranteneufieme Pape, l'an de grace, mille & cinq. Toutefois les aultres dient mille & dix, ausi y a il diuersité entres les Hystoriographes, tant pour les années de Siluester, que parce qu'aucuns ne mettent au nombre des Papes, les deux derniers susdictz. Mais mettēt seulement ledict Sergius incontinent apres Siluester. Iceluy Sergius fut homme de sainte vie, auant qu'il fust Pape, & apres zelateur de l'honneur de Dieu, & d'entretenir la paix entre les princes Chrestiens. De son temps Guillaume surnommé Ferrebach, filz du duc Tancredus de Normâdie chassa les Sarrazins de la Cecile, avec Molochus capitaine de Michel Cataloicus Empereur de Constantinople, qui les trompa en faisant les partages de la victoyre. Dont ledict Guillaume indigné, chassa peu apres les Grecz de la Poüille, & s'en fit Roy. Lediect Sergius mourut, ayant tenu le siege deux ans quinze iours.

*Benoid viij.  
CL. Pape.*

**Benedictus** VIII. de ce nom, Tusculan de nation, fut le cent cinquantieme Pape, l'an de grace selon aucuns, mille & huit. Les aultres tiennent mille & deux. De son temps Henry ij. homme vertueux & de grande sainteté, receut de luy la couronne imperiale, en Italie. Apres la mort duquel Henry, il fut chassé de la papaulté, vn aultre mis en son lieu, ou toutefois tost apres il fut restitué. Il mourut apres qu'il eut tenu le siege xj. ans & vn moys.

¶ Les hystoriens parlans de cestuy, dient qu'apres sa mort, il s'apparut sur vn cheual noir, à vn Euesque, qui l'interoga (comme il luy estoit, mal respondit il, car ie suis tormenté ez peines de purgatoire, desquelles toutefois j'espere deliurance par prieres & aulmosnes. A ceste cause dis à mon successeur le Pape Iehan, qu'il distribue aux paoures l'argent que j'ay caché en vn tel lieu. Aultrement mon torment ne cessera, parce que les aulmosnes faictes auant ma mort ne me seruent de rien, obstant qu'elles ont esté faictes d'argent desrobé, & mal acquis.

*Iehan xx.  
CLI. Pape.*

**Iohannes** XX. de ce nom, natif de Rome, fut le cent cinquantevieme Pape, l'an de grace mille vingtyvn, selon aucuns. Soubz luy print la couronne imperiale Conradus ij. de ce nom, qui le deliura des persecutions que les Romains luy faisoient. Il mourut ayant tenu le siege vnze ans, saintement, & religieusement. Aultres dient neuf ans, neuf moys.

# depuis Hue Capet, iusques à Loys, viii. du nom F. ccxiiii.

¶ Les Empereurs regnans du temps de Adalbero  
& Haymo Fuesques de  
Verdun.



**O** T H O troysieme du nom (duquel auons escript en l'euesque precedent, & en la fin du troysieme liure) teint l'empire durās noz euesques Adalbero & Haymo, iusques en l'an mil & troys. *Vide supra.*

**Henry** deuxieme de ce nom (combien que les Italiens le nōment premier du nom, à raison que le premier Henry ne fut cōtonné à Rome) fut empereur l'an mil & troys. Iacoit que les historiens sont de ce en diuersité d'opinions: Ce fuy fut le premier esleu, selon les ordonnances & decretz, faictz par le siege apostolicque. Il estoit parauant duc de Bauiere & comte de Bambergue & surnommé Claudus. Il differa aller en Italie apres son electiō l'espace de douze ans. Sur la fin desquelz fut coronné par le Pape Benoist huietieme. Il eut plusieurs guerres, en la Gaule, cōtre ceulx de Metz, & les Escauōs en Italie, cōtre les Sarrazins qu'il deicta de la Pouillē. Il fut prince treschrestie, de sainte vie, & vesquit avec sa femme Cunegūdis en chasteté, gardans reciproquement leur virginité. Par leur moyen le roy Estienne de Hongrie (à qui il bailla sa seur en mariage) receut la foy chrestienne, ensemble tout le peuple du pays. Finalmente il mourut apres auoir tenu l'empire vingt deux ans. Tous deux sont reputez saintz en paradis, par la demōstrāce de plusieurs ocuures miraculeuses. *Henry ij. du nom iiii. xx. vij. Empereur. Henry surnommé Claudus. Henry ij. obserua chasteté en mariage. Estienne roy d. Hongrie & tout le dict pays receyut la foy chrestienne. Mort de Henry Claudus.*

**Conradus** deuxieme de ce nom, Sueue de nation, selon aucūs, les autres diēt de Franconie, extraict de par sa mere des anciens roys de France, descenduz de Troye la grande. Fut esleu empereur, par les electeurs en l'an mil vingt cinq. Il estoit homme tresvertueux, & belliqueux, & parauant auoit esté capitaine, soubz ledict empereur Henry. Il retarda son voyage en Italie, par troys ans apres son electiō. Puis fut coronné par le Pape Iean vingtieme. Il assiegea Milā, brussa les faulx bourgs de la ville, & feit grands faictz d'armes en Italie. Il receut Bourgōgne du roy Rudolphus, qui s'en desmeit, pour les oppressions que luy faisoient ses subiectz du dict pays de Bourgogne, lequel commença d'estre subiect aux empereurs, es mains desquelz il demoura longuement. Ce Conradus ij. vesquit tresvertueusement & saintement, & mourut ayant tenu l'empire quinze ans. *Conradus ij. du nō; iij. xx. vij. Empereur. Bourgōgne qu'on diēt la comté annexée, à l'empire*

¶ Les Roys de France qui regnerent durans  
noz deux Euesques Adalbero  
& Haymo.



**H** V E C A P E T filz de Hue le grand, comte de Paris & d'Argon de ou Hauuye seur de Otho le grand, & de Gerberge femme de Loys troysieme, mere de Lothaire & de Charles premier duc de Lorraine, & partāt cousin Germain desdiēt Lothaire & Charles de Lorraine. Vsurpa le royaume de Frāce apres la mort de Loys. v. filz dudiēt Lothaire, cōtre ledict Charles de Lorraine, qui estoit vray heritier, & par droit deuoit succeder audiēt Loys cinquieme, son nepueu. En iceluy Charles faillit la lignée de *Hue capet. xxx. vij. roy de France. Hue capet cousin germain de Charles de Lorraine.*

# Le iiii. liure des antiquitez de la gaule belgicque,

*Hue capet vsurpateur du royaume de France.*

Charlemagne: & commença la troysieme lignée des roys de France, laquelle dura droitement de peres aux filz, iusques à Philippe de Valoys. Ladiète vsurpation aduint en l'an de grace neuf cens ostante sept. Ce Hue capet print lediét Charles son cousin, en la cité de Laon, par la trahison de l'euesque du lieu, & le constitua prisonnier à Orleans, ou il mourut, avec sa femme & ses deux petitz enfans. Si fut Hue nommé capet, pour ce que luy estant ieune enfant, estoit par accoustumance aux autres enfans leurs chapperons: Apres qu'il eut regné neuf ans il mourut, laissant vn filz nommé Robert, qui luy succeda: Lequel il auoit au commencement de son regne fait coronner roy de France. Il fonda l'abbaye de saint Magloire à Paris. Et fut inhumé à saint Denys en l'an neuf cens nonante sept.

*Robert. xxxviij. roy de France.*

**Robert** filz dudiét Hue capet, fut coronné roy de France, viuant encores son diét pere, & succeda au royaume de France apres la mort d'iceluy, l'an neuf cens nonante huit. Il fut plein de bonnes meurs & conditions, ayma & honora gens scauans. Aussi estoit il trescauant, de sorte qu'il composa plusieurs hymnes & profes, comme auons diét cy deuant. Il estoit piteux, debonnaire, aymant Dieu & les eglises auxquelles il feit de grands biens. Il fonda saint Nicolas des champs, à Paris, pres son Palays, qui lors estoit ou de present est saint Martin des champs. A Orleans fonda aussi Nostre Dame de bones nouvelles, saint Aignan: & plusieurs autres, tant à Poictiers, Vitry, Austu, que Senlis. Lediét roy Robert eut plusieurs enfans de sa femme, nommée Constance, fille de Guillaume comte d'Arles: lesquelz enfans furent nommez, l'vn Hue qui fut coronné roy du viuant de son pere, auant lequel toutefois il mourut, l'autre Henry, qui fut roy apres son pere, le tiers Robert, qui fut duc de Bourgogne: Le quart Eude, qui fut euesque d'Auxerre. Et vne fille nommée Alix, ou Alizon, laquelle fut mariée à Regnaud comte de Neuers, qui apres fut comte de Flandres, surnommé bellebarbe, lequel engendra en elle Bauldouyn comte de Flandres & de mons, Robert comte de Frize, & vne fille nommée Mahauld, qui fut femme de Guillaume le bastard duc de Normandie, lequel cōquist Angleterre. Ce roy Robert apres auoir regné trentetroys ans mourut, en l'an de grace mil & trente vn, selon aucuns, les autres escriuent mil & trente. De sorte qu'en la supputation des regnes de ce stuy Robert & de son filz y a quelque diuersité. Sa femme Constance mourut auant luy, au moyé dequoy se remaria à Agnez, fille du comte de Noyon, de laquelle il eut Amaulry comte de Montfort, & vne fille nommée Agnez.

*Eglises fondées par le roy Robert.*

*Les enfans du roy Robert.*

*La mort du roy Robert.*

## Des deux premiers Ducz de Lorraine.

*Aduertissement aux lecteurs.*



**CY SVYVANT** ce que nous auons escript en la n. du troysieme liure, & au proème de cestuy, ne ferons plus mentiō des roys de Lorraine, mais mettrons les deux premiers ducz qui ont regné au duché de Lorraine, lors qu'il fut premierement erigé. Dont le premier fut

*Vide supra.*

**Charles** filz du roy Loys quatrieme, duquel auons parlé amplement en l'euesque Vvilgftidus: Il fut duc de Lorraine, le premier apres l'erectiō d'icelluy duché en l'an neuf cens ostante vn, & mourut en prison l'an neuf cens nonante troys. Ainsi comptant le temps de sa captiuité, il teint lediét duché enuiron treze ans. Il laissa seulement de sa premiere femme vn filz & deux filles, cōme auōs diét cy dessus: Car sa secōde femme & les enfans qu'il eut d'elle moururēt en prison, avec luy. Si les lecteurs veulent veoir plus amplement la verité de Charles de Lorraine, & de son filz Otho, lisent (s'il leur plait) vn ancien historien appellé André de Marsiennes, en la dernière partie de son liure, lequel l'historien de Haynau allegue en son second volume, vers la fin. Voyent aussi l'histoire de l'abbé de saint Trudon, escripte en vers Lequel abbé viuoit lors.

Otho

# depuis Hue Capet, iusques à Loys, viii. du nom F. ccxv.

**Otho** filz dudit Charles & de sa premiere femme obtint ladicte duché de Lorraine des le temps que son pere fut mis en prison par Hue capet, qui fut enuiron l'an nonante huit. Pendant que sondict pere estoit captif il demoura au dict duché duquel il iouyt paisiblement, mesmes de la basse Lorraine, lors s'extendat vers Bruxelles, qui estoit du propre patrimoine de son pere. Aussi de la haulte Lorraine, que son pere auoit obtenu par celsion & donatiō que luy en feit l'empereur Otho deuxieme. Ce deuxieme duc de Lorraine print pour femme Blanche, ou Sydoine, fil le du ieune Guillaume comte d'Arles, & niepce de Constāce Royne de France, avec laquelle Sydoine on luy bailla Tournay: Ilz feirent quelque accord ensemble, quasi par force. Finalement sa femme ne luy ayant fait enfant mourut sans hoirs de son corps, l'an mil & quatre: Ainsi il ne teint ledict duché depuis la mort de son pere, que enuiron vnze ans, & par auant enuiron quatre ans. Il laissa deux feurs germanes, Gerberge l'ancienne, qui fut mariée à Lambert de Haynau Seigneur de Louvain. Et Hermengarde mariée à Albert de Namur: Lesquelles furent toutes deux desheritées dudit duché de Lorraine, tant en ce qui estoit de la donation de l'empereur Otho deuxieme, qu'aussi en ce qui estoit du patrimoine propre de leur dict pere, situé en la basse Lorraine. En escriuant cy apres des comtes de Haynau, nous deduirōs les successeurs de ces deux filles de Charles, Gerberge & Hermengarde,

*Otho duc de Lorraine.*

*Sydoine femme de Otho duc de Lorraine.*

*Les deux feurs de Otho desheritées du duché de Lorraine.*

## Les Ducs de Lorraine successeurs des Princes d'Ardenne qui succederent audict duché de Lorraine, depuis le deces de Otho filz dudit Charles.



**G** O D E F R O Y le ieune dit à la Barbe, filz aîné de l'ancien Godefroy à la barbe comte d'Ardenne, Buillō, & Verdun (desquelz auons escript cy dessus en l'euesque precedent) succeda avec ses freres à sondict pere en la principaulté d'Ardenne l'an neuf cens octante cinq. Quelque tēps apres, mesmes en l'an mil & quatre, aduertiy de la mort de Otho duc de Lorraine, poursuyuit vers l'empereur Henry deuxieme, de retirer en ses mains ladicte duché de Lorraine iadis erigée par l'empereur Otho deuxieme, es terres & seigneuries de son grand oncle Gislebert, iadis gouuerneur du royaume de Lorraine, & frere de Ricuinus pere grand d'iceluy Godefroy. Et tellement pourchafsa iceluy Godefroy, que ledict empereur luy accorda ledict duché de Lorraine, pour les causes dessus escriptes, non seulement en ce qui estoit du duché de Lorraine superieure, mais aussi de l'inferieure, qui estoit du vray patrimoine des filles dudit Charles premier duc. Dauantage ledict empereur donna ayde & faueur audict Godefroy le ieune pour deffendre ledict duché contre Lambert cōte de Louvain mary de Gerberge, fille de Charles de Lorraine, en sorte que ledict Lambert y fut tué. Finalement cestuy Godefroy mourut en l'an mil dix neuf, apres auoir tenu ledict duché en uirō quinze ans. Et pour ce qu'il n'auoit enfans mâles, son frere Gozelo luy succeda. Nous trouuōs par noz histoires qu'il eut à femme Geltrude, fille de Berégarius. iij. du nō, roy de Lōbardie, ou selon aucūs, estoit icelle Geltrude fille du duc de Baviere. De laquelle ledict Godefroy eut vne fille, nommée Itte, laquelle fut mariée à Rapoton comte de Hasburg & frere de Varenghier. ij. euesque de Strasburg. Lequel Rapoton ediffia

*Godefroy premier duc de Lorraine, entre ceulx d'Ardenne.*

*Godefroy d'Ardenne succeda en Lorraine l'an mil & quatre.*

*Godefroy deffend à l'espée le duché de Lorraine.*

*Godefroy mourut sans enfans.*

*Geltrude femme de Godefroy.*

## Le.iiii. liure des antiquitez de la gaule Belgicque,

ediffia aux despens de foudict frere le chasteau de Halsburg en Argauls la ville de Bruch au plus hault de la montagne. Ces deux mariez, Rapoton & Itte, furent inhu mez au cloistre de Muren en Vzorce, qu'ilz auoient fondée en l'honneur de saint Martin: Aulcuns ont escript que ladicte Itte estoit fille de Gozelo, mais cela ne peult conuenir à la supputation du temps.

*Gozelo estant co  
re de Buillon, est  
fait duc de Lor  
raine*

*Gozelo fait duc  
de Mozelane.*

*De la femme &  
des enfans de Go  
zelo.*

*La mort de Goze  
lo.*

**Gozelo** ou Gøthelo, aliàs Ezzo filz de Godefroy d'Ardenne l'ancien & frere dudit Godefroy le ieune, succeda à foudict pere, au comté de Buillon qu'il eut pour son partage. Il mena guerre en sa ieunesse, soubz l'empereur Otho troy sieme, & depuis soubz Henry deuxieme, par apres en l'an mil dixneuf succeda au duché de Lorraine, par la mort de son frere Godefroy le ieune. Il tacha retirer & remettre en ses mains la comté de Verdun que son frere Frederic auoit doné aux euesques dudit lieu: En quoy l'empescha l'empereur Conradus deuxieme, qui depuis luy bail la en recompense la duché de Mozelane, ainsi qu'auons amplement escript en nostre histoire. Le trouue que sa femme nommée Iunca fut fille de Berengier roy d'Italie: De laquelle il eut troy filz, l'vn nommé Fredericus, qui fut Pape nommé Estienne neufieme du nom, l'autre Gozelo, qui estoit aucunement insensé & quasi fol, comme dict Hermānus contractus. Le tiers nommé Godefroy le breux, succeda aux seigneuries de foudict pere Gozelo, lequel en fin mourut l'an mil quarante quatre.

### **Les Comtes & Seigneurs de Bar, successeurs des Princes d'Ardenne & de Mozelane, qui tenoient Bar durans les euesques Adalbero & Haymo.**

*Vide supra.*

**T**H E O D O R I C filz de Frederic duc de Mozelane (desquelz auons escript en l'euesque precedent) teint le chasteau de Bar, la Vvorie de saint Mihiel, avec la duché de Mozelane, durans noz euesques Adalbero, & Haymo, gouverna les deux filles de son filz, qui mourut auant luy (comme auons escript cy dessus) & succeda à la côté d'Aman ce pres Nancey, par la mort de Folmarius, ainsi qu'on liét aux antiquitez de l'abbaye de saint Mihiel, chapitre ostante quatre.

### **Les successeurs des Comtes de Haynau, qui estans conioinctz au sang de Hermengarde fille de Charles premier duc de Lorraine, regnerent du temps desdictz Euesques.**

*Vide supra.*

**R**E G N I E R au long col, le ieune, deuxieme du nom, filz de l'ancien Regnier au long col, duquel auons dict en l'euesque precedent, teint la comté de Haynau, durans nosdictz euesques Adalbero, & Haymo, iusques en l'an mil & deux.

Regnier

# depuis Hue Capet, iusques à Loys viii. F. ccxvi.

**Regnier** troysieme du nō filz du dessusdict Regnier deuxieme, succeda à son pere au comté de Haynau en l'an mil & deux, & print pour femme vne noble dame d'Alsatiē, nommée Allide. L'histoire de Toul dict qu'on appelloit le pere de ceste Allide, Hugo, qui estoit parent & consobrin de l'empereur Conrad, & sa mere Heruide, lesquelz Hugo & Heruide eurent vn filz, nommé Bruno, qui fut euesque de Toul, & estoit frere de ladicte femme d'iceluy Regnier troysieme: escript oultre que Bruno fut hōme saint, à la natiuité duquel apparurent par tout son corps plusieurs taches en forme de croix, signifians la bonté, vertu, & scauoit qui seroient en luy: Ce qui luy acquist telle reputation, qu'estant en son euesché de Toul, fut en son absence esleu Pape, dict Leo neuysieme. Il feit plusieurs oeures miraculeuses: Et estant fait Pape veint en Germanie & en Gaule, ou il visita sa niepce Rigilde, fille de ladicte seur & dudidt Regnier. Nauclerus en sa trentecinzieme generation escript de luy, ce qui s'ensuit.

*Regnier. iij. comte de Haynau.*  
*De la sainteté de Bruno euesque de Toul, depuis Pape dict Leon. ix.*

*Hunc Leonem nomine, ex comitibus de Egisheim in Elisatie partibus natum atque Adalberti comitis de Calu auunculum fuisse annales verissimi tradunt.*

¶ Pour retourner au susdict Regnier troysieme du nom, nous lisons qu'il ayda à son oncle Lambert comte de Louvain, pour recouurer Lorraine des Ardennois. Mais ilz perdirent la journée, en laquelle ledict Lambert fut tué, comme nous auōs escript cy dessus. Finalement ledict Regnier mourut, l'an mil vingt neuf, laissa de ladicte femme vne seule fille, nommée Richilde laquelle succeda à Haynau.

## Des Comtes de Louvain, regnans du temps desdictz. Euesques Adalbero & Haymo.

**L**A M B E R T filz de l'ancien Regnier au long col, qui eut la comté de Louvain de par sa femme Gerberge, fille de Charles de Lorraine (duquel auons escript en l'euesque precedent) regna du temps de noz euesques Adalbero & Haymo, iusques en l'an mil & quinze.

*Vide supra.*

**Henry** filz aîné de Lambert premier dessusdict, & de Gerberge fille de Charles, succeda au comté de Louvain, l'an mil & quinze, & poufuyuit le droit que son pere pretendoit au duché de Lorraine, contre Gozelo duc de Lorraine, que l'empereur Henry deuxieme deffendoit. Au contraire les François soustenoient cestuy Henry, qui de son temps feit plusieurs beaux faitz d'armes, avec Odo duc de Champagne. Toutefois il fut tué en son chasteau de Louvain, en l'an mil treize huit, par vn nommé Hermannus, qu'il tenoit prisonnier en sa maison. Il laissa vn filz nommé Otho qui luy succeda bien peu, pource que tost apres la mort de son pere, & l'année mesme il mourut. Au moyen dequoy Lambert deuxieme du nom frere dudidt Henry succeda au comté de Louvain, comme nous dirons cy apres.

*Henry premier comte de Louvain*

*Henry comte de Louvain tué par vn sien prisonnier*

## EIN DE LA VIE HAYMO trentehuitieme euesque de Verdun,

Le iiii. liure des antiquitez de la gaule belgique,

LA VIE DE SAINCT RICHARD Abbé de saint Venne à Verdun.



*Richard Abbé de S. Venne à Verdun, natif du diocèse de Reims.*

*Richard prechantre de l'église de Reims & depuis doyen.*



**R**ICHARD natif de la Gaule Belgique en vn village lors appellé Banton, situé au finage de Montfaulcon, diocèse de Reims, fut de noble lignée & parens trescatholicques: Son pere nommé Valterus, & sa mere Theodora, le meirent en sa ieunesse aux escolles en l'église Nostre Dame de Reims, ou il fut instruit en bonnes meurs, vertuz, doctrines & sciences, tant humaines que diuines. Estant paruenue en aage legitime fut prouueu aux saintz & sacrez ordres de prebstrise. Et peu apres pour ses meurs & doctrine fait prechantre de ladite eglise: Depuis aduenant la vacation du doynné fut vniformement esleu doyen d'icelle eglise, En l'administration & exercice desquelles dignitez se gouerna tant bien & si vertueusement que d'vn chascun estoit aymé & tenu en grande reputation & reuerence. Toutefois luy desplaisoit les pompes & vanitez du monde: en sorte qu'il deliberoit souuent en soy mesme laisser le monde & vie actiue, & prendre la contemplatiue & estat de religion, pour totalement vacquer, & avec plus de liberté s'employer au saint seruice diuin, cherchant de iour en iour les moyens de ce faire.

*Frederic comte de Verdun donné à Dieu.*

*Les biens que le comte Frederic fait aux églises de Verdun.*

*Sainte entreprinse du comte Frederic & de Richard.*

*Fingenius Abbé de S. Venne.*

¶ En ce mesme temps estoit en la cité de Verdun, vn comte nommé Fredericus filz de Godefroy l'ancien comte de Verdun, & d'Ardenne, & de Mathilde sa femme, lesquelz auoient plusieurs autres enfans tous gros princes & grands seigneurs, comme a esté dict cy deuant en la vie de l'euesque Haymo. Ledit Fredericus estoit totalement donné à Dieu & trop plus disposé à la vie contemplatiue qu'aux negociés mondaines. Qui fut cause de luy faire faire grands biens aux eglises de Verdun, comme de transporter le droit de la comté audit Haymo & à ses successeurs euesques, & edifier du sien propre deux grosses tours au monastere saint Venne, l'église de saint Remy, & restituer entierement aux chanoines de l'église Nostre Dame dudit Verdun, le droit & seigneurial des centismes de leurs possessions, esquelles ilz auoient parauant tousiours esté inquietez, par les comtes dudit Verdun ses predecesseurs.

¶ Aduint quasi par disposition diuine qu'environ l'an mil & cinq, ledit comte estant de retour de son voyage de Hierusalem, ou il auoit esté en grande deuotion, passoit par la cité de Reims, & veint loger en la maison dudit Richard, ou il fut quelques iours, durans lesquelz ilz eurent ensemble plusieurs salutaires parolles, conferans les calamitez miseres & imperfections du monde, aux choses celestes diuines & contemplatiues, esquelles ilz prindrent tant de goust, par l'operation & inspiration du Saint Esprit, qu'ilz s'accorderent ensemblement, & par vne charité & amour indissoluble, delibererent viure à iamais l'vn avec l'autre au saint seruice diuin. Pourquoi mieux executer eslurent l'estat de religion en l'ordre saint Benoist, qu'il prédroient au lieu & monastere de saint Venne de Verdun, assignans à ceste fin iour certain, pour recevoir l'habit ensemble. Ce qu'ilz feirent tost apres.

¶ Lors estoit Abbé dudit monastere de saint Venne vn bon ancien & simple religieux, nommé Fingenius, qui estoit le septieme Abbé, depuis l'erection & fondation dudit monastere faite par Berengarius euesque de Verdun, en l'an neuf cens cinquante



# depuis Hue Capet, iusques à Loys viij. du nom. F. ccxvii.

quante deux. Lequel Berengarius y institua premier Abbé vn saint homme nommé Hubertus, auquel succederent l'un apres l'autre les Abbez qui l'ensuiuent Adelmarus, Adeldardus, Ermenticus, Lambertus, & ledict Fingenius. Lesquels auoient vescu saintement & religieusement parquoy ledict monastere auoit tousiours esté en gros bruit de sainte religion & bonne reputation. Combien que plusieurs foys il eut esté destruit par les Huns Normans, & guerres intestines. Toutefois du temps de Fingenius, qui lors de la profession desdictz Comte Frederic & Richard, estoit ia fort ancié & la pluspart du temps faisoit sa residence au monastere saint Fœlix hors la cité de Metz, alias medionatrics, duquel il auoit charge & gouvernement comme de celuy de saint Venne, n'y auoit que sept religieux lesquelz estoient tous de nation d'Escoffe & ne tenoient pas grande forme de religion ny obseruance de leur regle pour l'absence de leurdict Abbé & la simplicité d'icelluy, iacoit qu'il fut sainte personne & tresvertueux. A raison dequoy le bon loz, bruit & reputation de sanctimonie qui iusques adonq auoit continué audict monastere de saint Venne, commençoit ia à s'appetisser & deuenir moindre entre les hommes. Ce nonobstant lesdictz Richard & Frederic suiuant leur entreprinse prindrent l'habit & feirent les saintz Voëuz de religion audict monastere de saint Venne. Ou tost apres leur reception & profession cōgneurent l'estat & maniere de viure des anciens religieux estre totalement desreglez, dont trop mal contents, les admonesterent par bon zele de charité, reprindrent & corrigerent à leur pouuoir. Mais ilz n'en tenoient compte, & ne vouloient obeïr à raison, dequoy ces bons personnages estés fort contristez & desplaisans delibererent ensemble changer de lieu, & chercher autre monastere mieux reformé, à fin de plus librement seruir à Dieu, faire le saint seice diuin avec plus de deuotion, & leurs sauement.

¶ Or en cedit temps florissoit en bruit de sainteté religion & bonne reformation. L'abbaye de Clugni soubz l'Abbé Odilo homme de tressainte vie & bonne cōuersation duquel en passant nous dirons ce que Sigebert dict de luy en son histoire. C'est qu'il estoit de nation d'Auuergne, fut fait Religieux à Clugni du temps de l'Empereur Otho troisieme, & depuis pour les grâdes vertus & sainteté esleu Abbé dudict monastere, qu'il regit & gouverna l'espace de cinquante six ans, non seulement en bōne exemplarité austerité de vie, & operations miraculeuses durant sa vie, mais aussi en tresgrande charité, amour, & pitié vers ses religieux. Les fautes & vices desquelz il corrigeoit plus par douceur, que par rigueur, en sorte qu'on le reprochoit souuent d'estre trop misericordieux vers eux mais il respōdit que s'il falloit qu'il feust damné, ayroit mieux l'estre de trop de misericorde que de trop de rigueur. Il escript en sa vie que pendant qu'il estoit Abbé de Cluny vn de ses religieux retourne du saint voyage de Hierusalem, & passant par la Secile Vint loger avec vn saint homme hermitte la cellule ou maisonnette duquel estoit pres d'une montagne que les habitans à l'environ appellent les potz & chaudières de Vleā, pource qu'elle iectoit tousiours feuz & flammes. Ledict hermite interrogé sur ce par le religieux luy dist & afferma qu'en ce lieu les ames des trespassez sont par permission diuine tormentées par diables, pour les pechez desquelz n'ont suffisamment satisfait en ce monde: Et que souuent il oyoit les pleurs criz & complainctes desdictes ames demandans & requerans les prieres & aumosnes des Catholiques & fideles Chrestiens. Signant mēt les prieres des religieux de Cluny, quilz imploroient instamment pour leur deliurance. Ces choses rapporta le religieux pelerin à son abbé Odilo qui des l'heure ordonna & institua à tous les monasteres subietz à son Abbaye & ordre de Cluny, que tout ainsi que le premier iour de novembre on solemnise chascun an la feste de tous les saintz, aussi ilz feissent le iour ensuiuant memoire, prieres & oraisons generales pour toutes les ames des pauures trespassez estans detenues es liens de purgatoire. Laquelle constitution premiere a esté causé que de present par toutes les eglises Chrestiennes, on fait commemoration de tous les trespassez. Pour laquelle chose approuuer & confirmer, dict l'historien Sigebert Que le Pape benoid huitieme de ce nom, du temps duquel Odilo auoit esté à Rome, l'apparut apres sa mort à vn sien frere nom-

*Noms des Abbés de saint Venne predecesseur de fingenius.*

*Fingenius. Abbé de S. Fœlix à Metz & de saint Venne à Verdun.*

*Sept religieux escossois à S. Venne.*

*Le Comte Frederic & Richard religieux à saint Venne.*

*Odilo abbé de cluny.*

*Douceur & mansuetude de L'abbé Odilo.*

*En sicile est la montagne de la chaudiere de Vulcan.*

*Purgatoire trouué par vn religieux de Cluny.*

*Institution de la commemoration des trespassez apres la toussaintz.*

# Le.iii. liure des antiquitez de la gaule Belgicque,

*Probation de purgatoire par l'apparition du Pape Benoid. viii.*

mē Iean euesque de Portuense, auquel il dist qu'il estoit detenu es peines de purgatoire. Desquelles toutefois il esperoit deliurāce par les prieres d'Odilo Abbé de Cluny. Laquelle apparition & vision ledict euesque notifia au saint homme Odilo qui pria Dieu pour l'ame dudict defunct Pape Benoid iusques à ce qu'il eut reuelatiō de Dieu, quelle estoit deliurée desdictes peines de purgatoire. De telles reuelations miraculeuses est venu qu'entre tous les ordres de religion, ceulx du monastere de Cluny sont plus affectez & acoustumez prier Dieu pour les trespassez, que les aultres. Et continuellement ont vn messagier deputé de lordre qui va par toutes les eglises de Chrestienté, portāt vn role ou il escript tous les noms des mors, qui ont esté habitez Signamment es eglises cathedrales & monasteres, qu'il rapporte fidelement en ladicte Abbaye de Cluny, à fin de prier Dieu pour eulx

*Priores de Cluny pour les trespassez*

*Le Comte Frederic & Richard, à Cluny cherchans plus grande reformation de viure.*

¶ Donques pour retourner à nostre premiere matiere, lesdictz Richard & Frederic religieux deliberez (comme dessus à esté dict) de changer de domicile & monastere Aussi aduertiz par le bruit commun des bonnes meurs, vertuz, & sainte reformatiō de reigle qu'on obseruoit au monastere de Cluny soubz le saint homme Odilo, laisserent leur monastere de saint Venne, vindrent en zeile de deuotion à cluny, ou arriuez declarerent les causes de leur departement audiect Odilo le priant humblemēt les vouloit recepuoir & leur donner lieu pour viure soubz luy en toute obeissance de religion. Ayant le saint homme Odilo ouy leur demande, y feit respōce cōme inspiré de Dieu, leur remonstrant doucement les imperfections humaines l'utilité des corrections fraternelles & bonnes exemplaritez avec les iugemens de Dieu, souuent diners & incongneuz, les admonnestant & persuadāt de retourner au lieu de leur premiere professiō. Auquel il disoit scauoir en esprit diuin dieu les auoir enuoyez pour reduire leur monastere en bon ordre & sainte reformation. Brief il les persuada en charité & par salutaires monitions en sorte qu'ilz retournerent à Verdun en leurdict monastere. Ou arriuez, esperans en Dieu qu'ilz profiteroient à leurs confreres ne cessent prier nostre seigneur Iesus, pour eulx, les enhortant d'entretenir l'obseruance de leur reigle, & leur donner par abstinence & austerité de vie, exemplaire de bien faire. Mais de plus en plus les trouuerent obstinez & rebelles. Parquoy desperans totalement de leur correction, delibererent de rechef laisser leur societé, & aller prédre nouvelle habitatiō, au monastere saint Paul pres des murs de Verdun. Les religieux duquel estoient lors de lordre saint Benoid viuans regulierement soub le saint homme Heruinus leur Abbé. Toutefois la disposition & prescience diuine reiglāt toutes choses es cieulx, & en terre, en ordonna tout autrement comme vous entendrez presentement.

*Prudente responce de l'Abbe Odilo.*

*Le Comte Frederic & Richard veulnt aller à S. Paullez Verdun pour mieulx viure Heruinus. Abbe de S. Paul.*

¶ En ce mesme tēps dedans l'enclos de leglise nostre dame de Verdun, estoit vne sainte femme religieuse ia fort ancienne, recluse en ce lieu ou elle auoit vescu long tēps, en ieunes oraisons & sans sortir de son habitacle. Si aduint q la nuit prochaine precedente le iour q les susdictz Richard & Frederic religieux deuoient sortir pour aller à saint Paul, qui estoit le iour de la trāslation saint Benoid en iuillet, s'apparut à ladicte recluse vn ange qui luy dist par diuine reuelation. Sor d'icy, & t'en va dire à l'Abbé Fingenius qu'il se garde bien de prendre les deux religieux, Richard & Frederic, que Dieu luy a enuoyez pour l'utilité & reformatiō de son monastere. La recluse voulāt obtēperer à la reuelation diuine sortit le matin miraculeusement & sans clef de son habitacle qui estoit asseurement fermé, alla denoncer audiect abbé Fingenius ce q diuinement luy auoit esté ordonné, & de la retourna en sondict habitacle, qui se referma comme parauant: L'abbé Fingenius aise & ioyeux de la reuelation diuine & visitation miraculeuse appella lesdictz religieux & secretement leur declara la volunté de Dieu, les priant & admonnestant charitablement d'obeir & eulx conformer au vouloir de Dieu & ne resister au saint esprit: En somme il feit tant qu'ilz, obtempererent à Dieu & à luy demeurans en leur monastere.

*Reuelation a la recluse de nostre dame de verdun.*

*Le Côte frederic & Richard retenez au monastere de S. Venne par disposition diuine*

*La mort de l'Abbe Fingenius.*

¶ Enuiton trois moys apres le bon Abbé Fingenius estant en son Abbaye de saint Fœlix pres de Metz, alla de vie à trespas & fut inhumé reuerenment en icelle. Apres sa mort les religieux de saint Venne de Verdun craignans la reformatiō de leur monastere

# depuis Hue Capet, iusques à Loys, viii. du nom F. ccxviii.

naistere & desirans viure en liberte comme parauant vouloient instamment eslire vn de leurs compaignons de ceulx qui estoient desreiglez. Mais Haymo euesque de Verdun qui lors viuoit, congnoissans les meurs & vertuz du bon Richard voulut assister à ladicte election par l'induction & prieres dudiect Frederic religieux iadis Comte de la cite, & partant tenu de tous en plus grande autorite & reuerence. Et combien que du commencement lesdictz religieux desreiglez feissent gros murmures, & grands clameurs, demandans l'un d'eulx: Toutefois si tost qu'ilz eurent receu le saint sacrement de l'autel, faictz les sermens accoustumez, & interrogez par lediect euesque Haymo, quel d'entre culx ilz vouloient auoir pour leur abbé, responderent tous vniformement quasi par inspiration diuine nous elisons & demandons nostre bon confrere Richard. Dequoy lediect Euesque & tous les assistants furent tresioyeux, & en renderent graces à Dieu. Lediect Richard feit grande difficulte sur ce & refusoit prendre la charge. Neantmoins par les bonnes exhortations desdictz euesques, & Frederic, il condescendit à leur vouloir, & fut institué & sacré Abbé dudiect saint Venne (auec la ioye & grace d'un chascun) le iour de feste saint Iude & saint Simon:

*L'euesque Haymo assiste à l'election de l'abbé de saint Venne.*

*Election miraculeuse de Richard en Abbé de saint Venne.*

¶ On lit es anciens registres du monastere dudiect saint Venne, que du commencement de l'institution d'icelluy Abbé Richard, vn iour (entre autres) aucuns de ses religieux celebrans & consacrans le precieux corps & sang de Iesu-christ par leur negligence & irreuerence, offenserent griefuement, & trop lourdement traicterent le saint sacrement de l'autel: Car vne partie du san consacré cheut & fut respandu sur l'autel. Ce qu'aperceut visiblement lediect Abbé Richard, qui toutefois n'en feit propre punition mais la differa au temps aduenir: Dont aduint la nuit prochaine sublequente que luy estant sur son liect enuiron minuit faisant ses prieres & oraisons acoustumées s'apparut à luy vn ange tenant vn glaue nud en ses mains, qui le menassa. Dequoy il fut si esperdu & estonné, que sortant de son liect se iecta à deux genoulx deuant luy, demandant en quoy il auoit offensé. A quoy respondit l'ange, en ce qu'il auoit veu l'iniure faicte au saint sacrement, dont neantmoins il n'auoit encores faict correction. Lors le bon homme criant mercy à Dieu promest la faire sans dilation, & à l'heure mesme feit conuoyer ses religieux en leur chapitre, declarant la merueilleuse vision qu'il auoit eu. Pour à laquelle satisfaire se feit battre iusques à grande effusion de sang, & à ceulx qui auoient delinqué infliger plus legere punition que la sienne propre: Se gouernant de la en auant tant bien & si vertueusement qu'on ne pourroit estimer les peines & deligences qu'il mettoit continuellement à la prouision de l'estat dudiect monastere, reparacion de l'eglise, reformatiō des meurs, par ieusnes, oraisons, aumosnes, prieres, & grande austerite de vie. En sorte que tost apres les vertuz, prudence & doctrine furent publiées par tous les pays de France, Germanie & Lorraine. Tellement que Henry deuxieme Empereur, successeur de Otho troisieme aduertey de la saintete de sa vie, l'appelloit souuent en sa court, vsoit de son conseil es gros affaires de l'Empire, & auoit si grande reuerence à luy qu'il le renuoyoit en son monastere, auecque dons & presens magnifiques, de sorte qu'vn iour entre autres, apres longues colloquations familiaires qu'ilz eurent ensemble luy & l'Empereur, icelluy Empereur voulut sçauoir de luy, l'estat de son monastere, le fondateur, & le temps de la fondation des rentes & reuenuz d'icelluy. Ce que luy declara prudemment le saint homme Richard mesme la dignite du lieu, ou plusieurs corps saintz estoient inhumez. Ensemble les grandes persecutions que les religieux auoient endure & receu des Barbares & infidelles par lesquelles leglise auoit esté plusieurs foys ruinee, & encores lors estoit fort petite & estroicte. Quoy entendu par le bon & saint Empereur Henry, il ordonna grosse somme d'argent estre distribuée audiect Richard pour reparer & agradir ladicte eglise. Ce qu'il feit en toute diligence soubz le commencement dudiect Empereur, & edifia tout de neuf le choeur de l'eglise, & les criptes par dessoubz. En faisant les fondemens duquel edifice furent trouuez les corps de deux euesques inhumez ensemble: Sçauoir de Hilduinus & de Hatto, qu'il fit reueremment remettre en la dextre partie de l'autel saint Iean Baptiste.

*Reuelation diuine cōminatoire à l'abbé Richard, d'auoir differé la Punition de ses religieux.*

*Les vertus de l'abbé Richard publiées par tout.*

*Familiarite de l'empereur Henry. ij. avec l'abbé Richard.*

*L'eglise de saint Venne r'edifée de l'ordonnance de l'Empereur Henry deuxieme.*

# Le iiii. liure des antiquitez de la gaule belgicque,

Les corps de sept euesques de Verdun trouuez par l'abbé Richard.

Diuine monition à ce que l'abbé Richard laissast les sept corps saintz en leurs lieux.

Sigebert escript de la sainteté de l'abbé Richard.

L'Abbé Richard a. xxi. Abbayes soubz son administration.

Le Comte Lietardus religieux à S. Venne.

La seigneurie de Baileu donnée à saint Venne.

Gislebertus Côte de luxembourg amy de l'abbé richard.

Sentence obtenue pour la seigneurie de Baileu contre le Comte Manegardus.

¶ Semblablement en faisant les fondemens au circuit de l'ancienne eglise pour l'agrandir, furent trouuez sept corps de sept euesques tous inuhumez en sept cercueilz ioinctz bien pres l'un de l'autre. Lesquelz le bon Abbé Richard delibera leuer de terre le lendemain, & les mettre en autre lieu plus reueréd & honorable: Toutefois par reuelation diuine la nuit propre s'apparut à vn religieux dudit monastere nommé Paranomarius vn desdictz euesques defunctz, vestu d'ornemés pontificaulx, qui dist à haulte voix audit religieux, va à l'Abbé Richard & luy dis de par moy & mes compaignons, qu'il nous laisse attendre le grad iugement au lieu ou nous sommes inuhumez par la volonté de Dieu. Et en signe de verité, on trouuera les mains dextres d'un chacun de nous entieres & sans corruption, sur noz poiétrines & couuertes de gands blâcz. La reuelation declarée audit Abbé, voulant experimenter la verité, trouua le fait comme son religieux le luy auoit rapporté. Au moyen dequoy rendant graces à Dieu laissa lesdictz corps saintz sans changer de lieu. Et depuis enuiron quatre cens ans apres, fut fait vn tombeau esleué sur eulx à fin que les passans y eussent plus grand de reuerence, enuiron l'an mil quatre cens soixante deux comme appert encores de present. Sigebert en son histoire, & les autres historiens parlâs du bon Abbé Richard de Verdun dyent, que combien que de son tēps fussent plusieurs bons & saintz personnages, euesques & Abbez viuans en diuerses parties & regions des royaumes de France, Germanie, Italic, & Lorraine, resplendissans, & renommez en vertuz doctrine & sainteté de vie, comme en Italic Vvillermus, en l'Abbaye de Cluny Odilo, de Colōgne, Heribertus: En liege Vvobodo, à Verdun Haymo, à Cambray Gerardus, à Chartres Fribertus. Toutefois ledict Richard Abbé estoit entre eulx tous cōme lestoille Lucifer entre les autres petites: Tellement que pour le grand bruit de ses vertuz, doctrine, prudence, douceur, amitié, diligence, sainteté de vie, & gracieuse conuersation, vn chacun tant religieux, clercs, prestres, seculiers & lays desiroient viure avec luy. En sorte qu'il eut soubz son administration & gouvernement, vingt vne Abbayes, tant es pays de France, Germanie que Lorraine, esquelles il auoit esté appellé & euocqué, ou par ordonnance des roys ou Empereurs, ou par postulations & requestes des religieux d'icelles Abbayes. Pour ces mesmes causes le Comte Lietardus prochain parent de Otho troisieme, s'estant alié au bon Abbé Richard par bōne amour & charité, laissa le monde, & prit soubz luy l'habit de religion, en l'eglise dudit saint Venne. A laquelle il bailla deslors vne sienne seigneurie nommée Ballodiū que disons Bailleu, de laquelle donation son filz le Comte Manegardus ne fut contēt, & l'empescha de tout son pouuoir, faisant plusieurs molestations forces & violences: En sorte que pour la deffendre en iustice, ledict Lietardus fut contrainct poursuir en personne la cause, & reprimer les violences de son filz en la court mesme de l'Empereur Henry. Faisant laquelle poursuite par labours & peines, mourut à Treues, ou il fut inhumé en l'eglise de saint Maximien. Apres sa mort le bon Abbé Richard par l'ayde & faueur de Gislebertus Comte de Luxembour, son amy, & fauorit, feit desferer le corps dudit defunct Lietardus, & icelluy rapporter par les subiectz de ladicte seigneurie de Ballodium, au cloistre de saint Venne, ou il fut honorablement inhumé comme appert par l'epitaphe escript sur sa tombe, en ces motz.

*Lietardus comes, & monachus qui nobis dedit Ballodium cum Banno.*

Depuis la poursuite dudit proces intenté contre le Comte Manegardus, qui violemment tenoit ladicte seigneurie, fut continuée par ledict Abbé Richard en la court Imperiale, estant lors à Thiouuille, où sensuiuit sentence diffinitiuē au profit dudit Abbé Richard & de son Abbaye, laquelle ledict Comte Manegardus eust destruit de fond en comble, sans les grans labours & extremes diligences que feit ledict Abbé Richard à luy resister & soubstenir la donation dudit Lietardus: Laquelle neantmoins la mere dudit Comte Manegardus nommée Emmehildis auoit auāt sa mort ratiffiēe & eu pour agreable, mesmes fait plusieurs autres grans biens & donations à ladicte eglise de saint Venne comme les Dalmaticques d'or frisé.

¶ Sem-

# depuis Hue Capet, iusques à Loys, viii. du nom F. cccxix.

¶ Semblablement la Comtesse Mathildis veufue de l'ancien Godefroy, & mere dudit Frederic, de Hermanus & des autres enfans dessus nommez mourut enuiron l'an mille neuf, & se fait inhumé avec son mary Godefroy au monastere de Blandinense, qu'il auoit fondé. Comme dict iacobus Meyerus en son histoire: Mais il a en ce iourdemēt failly: Car à la verité ladicte Mathilde fut inhumée au cloistre de l'eglise saint Venne ainsi qu'il appert par son epitaphe estant sur sa tombe duquel enluit la teneur.

¶ *Mathildis Comitissa Saxonie Mater domini Adalberonis Verdunensis episcopi, Godefredi & Gozelonis ducum, Herimanni & Frederici comitum, &c.*

Lequel epitaphe on void encores de present en l'une des nouvelles chapelles de ladicte eglise lesquelles on a depuis edifié dedans l'ancien cloistre en élargissant icelle eglise. Ceste bonne Contesse Mathilde, viuant à Verdun avec les enfans, auoit grande reuerence audit Abbé Richard, & du consentement de sesdictz enfans fait grosses donations à ladicte eglise de saint Venne, tant en tables d'or, croix d'argēt, ornemens d'autelz que rentes reuenuz, edifices & reparations, entre lesquels fut l'oratoire saint Laurens en icelle eglise Ses deux filz Frederic & Hermannus impetrerēt de l'Abbé Richard que leurs corps seroient inhumés en ladicte eglise: Car il aduint que ledict Frederic ayant pris l'habit de religiō mourut auāt ses freres en la sorte que sensuit, Le bon Abbé Richard qui comme à esté dict, auoit charge de plusieurs abbayes congnoissant les vertus & sainteté dudit Frederic: L'enuoya, en l'Abbaye de saint Vaast d'Arras, pour gouverner comme prieur & commis soubz luy ladicte abbaye, en laquelle il demeura, quelque temps viuant vertueusement & faisant son deuoir selon la charge à luy baillée. Puis par disposition de Dieu, mourut tressainctement audit Arras enuiron l'an mil vingt deux, & fut son corps inhumé au monastere dudit saint Vaast. Dequoy aduerty le bon Abbé Richard receut grand douleur, & tristesse pour auoir perdu son confrere & amy, auquel voulant tenir promesse s'en alla à Arras en toute diligēce, fait desterrer le corps dudit Frederic, les entrailles duquel il fait laisser audit lieu, & ledict corps reporter honorablement en son monastere de saint Venne, ou il fut de rechef reuerement enterrer, present son frere Hermannus Comte de Verdun, non toute fois sans grans pleurs gemissemens & regretz de tous les religieux, & citoyens de Verdun.

¶ Quelque temps apres le filz dudit Comte Hermannus nommé Gregorius qui estoit archediacre de saint Lambert du Liege, par zele & deuotiō qu'il auoit audit Abbé Richard, ensemble au defunct Frederic son oncle, laissa le monde & se fit religieux audit saint Venne.

¶ Ceste année propre que le Comte Frederic religieux mourut, fessmeur querelle & question entre les deux bons prelatz Haymo euesque de Verdun, & Richard Abbé de saint Venne: Sur ce que Haymo qui estoit allié de parens riches & d'ancienne noblesse, partant fort opulent en richesses, delibera, pour aggrandir & augmenter sa cité de Verdun enclorre de murailles l'eglise & monastere de saint Venne. Ce qui desplaisoit fort au bon Abbé Richard lequel par prieres & remonstrances, incitoit Haymo à se desister de ce propos, disant estre chose, non conuenable à vn monastere & aux religieux, estre enfermez dedans vne cité pour ce que iournellement ilz seroient distraictz de leur deuotion & seruice diuin, pour le bruit des trompettes tabours, menestriers, chansons & propos layz & dissolutz qu'ilz pourroient ouyr d'heure à autre. Toutefois Haymo ne vouloit entendre ne recevoir ses raisons, mais sans y auoir egard poursuiuoit au fait de la closture ia commencée. Dequoy le bon Richard faisoit grandes querimonies. Et pour ce empescher s'en alla en personne vers l'Empereur Henry qui l'auoit en grande reuerence, ou il feir tellement qu'il obtint de luy messagiers & lettres adressentes à l'euesque Haymo par lesquelles l'ouurage entrepris & commencé, luy fut interdit & desfendu ne passer oultre à l'acheuement d'icelluy: Dont Haymo non content, mais fort indigné, vsant de grosses parolles & rigoureux termes cōtre l'Abbé Richard lequel pour euitier plus grande noyse, delibera s'absenter pour vn tēps de son monastere, &

La mort de Mathilde femme de Godefroy l'ancien.

Donations de la Contesse Mathilde.

Le Côte Frederic religieux enuoyé à saint vaast d'Arras pour gouverner les religieux.

Le corps du Côte Frederic apporté d'arras à Verdun.

Gregoire archediacre du Liege fait religieux à saint Venne.

Question entre Haymo & l'Abbé Richard sur la closture du monastere saint Venne.

L'abbé Richard empesche Haymo d'enfermer l'eglise saint Venne dedans la cité.

# Le iiii. liure des antiquitez de la gaule belgicque,

L'abbé Richard  
laisse son Abbaye  
& s'en va secre-  
tement en vn her-  
mitage.

chercher quelque lieu secret, & solitaire, ou (postpôcées & negligées toutes cures & sollicitudes seculieres & mondaines) il peust prier Dieu plus librement. Et desist s'en aller à ceste fin pres Remiremont en vn lieu desert nommé Runibech du tout separé de l'habitude des hommes, ou arriué fit edifier quelque habitacle en façon d'hermitage pour luy & deux ou trois qui l'auoient suivy. Auecques lesquelz viuoit en ce lieu si sainctement & austerement qu'incontinent le bruit de ses vertus, paruint à la notice de tous ceulx des pays circonuoyfins, lesquelz alloient par troupeau visiter le bon Abbé en grande admiration, pource mesmes, que plusieurs oeuvres miraculeuses se faisoient la, souz les prieres & oraisons (comme ilz croyoient) dudict bon Abbé. Entre lesquelz semble notable celuy qui s'ensuit.

Miracles faitz  
par l'abbé Ri-  
chard estant en  
l'hermitage.

¶ Pres du lieu ou estoit ce sainct homme Richard demouroit vn ladre, qui voyant sa saincteté & austerité de vie, prit en luy vne confiance & creance telle qu'il luy sembloit, que s'il se pouoit lauer & baigner en l'eau ou ledict Richard, eust esté baigné, incontinent il seroit guarý de sa maladie. Et en ce auoir si grande foy que iournellement & instamment. Il sollicitoit l'ung des freres religieux, lors estant avec icelluy Richard, pour auoir de ladiete eau. Le religieux esmeu de compassion & pitié déclara à son bon maistre la demande du Lepreux, & sa foy & assurance. Et tant le pria qu'il se baigna en eau, que le religieux bailla audict ladre lequel s'en estant laué fut incontinent guarý.

¶ Le semblable aduint à vn pauvre homme qui de long temps auoit perdu la veue. Car ayant la mesme foy & confiance que le precedent, auoit eu, du bon Richard, luy sembla que s'il lauait ses yeulx de l'eau dont ledict Richard eust laué ses mains, il seroit incontinent guarý. Ce qui aduint & recouura la veue.

¶ Or ne tarda longuement que par telles oeuvres miraculeuses, sa renommée paruint à l'euesque Haymo, qui estoit fort triste & desplaisant de l'auoir perdu au moien de quoy fut tresioyeux d'en ouir nouvelles. Et pour le r'auoir enuoya messagers tât de par luy que des cõmunautéz des monasteres qu'il auoit parauât pris en charge, avec l'expressé ordonnance de l'Empereur, qui luy mandoit retourner incontinent au lieu d'ou il estoit parti, aquoy il obeit & obtempéra humblement, & reuint en son monastere de saint Venne, environ vn an apres son departement d'icelluy, qui fut l'an mil vingtroys. La arriué fut receu d'un chacun ioyeusement.

L'abbé Richard  
contrainct retour-  
ner en son Abba-  
ye.

¶ Tost apres le retour du bon abbé Richard, l'Empereur Henry susdict, qui viuoit sainctement & chastement, gardant sa virginité avec sa bonne & sainte femme Cunigundis vint à Verdun visiter ledict bon abbé Richard, & conferer avec luy du vouloir & deliberation qu'il auoit de long temps de prendre l'habit de religion. Si tost qu'il fut arriué, s'en alla au monastere de saint Venne, ou acompagné de Haymo Euesque du lieu, visita les reparations de l'eglise que ledict abbé Richard auoit fait faire de l'argent & des biens que ledict Empereur luy auoit donné, puis vint au cloistre dudict monastere auquel le bon Abbé Richard le vint saluer. Et pource qu'il sçauoit de long temps la volonté & desir qu'auoit l'empereur d'entrer en religion, luy dit (entre aultres propos) ces beaulx motz du Psalmiste Dauid. *Hec requies mea in seculum seculi, hic habitabo quoniam elegi eam.* L'euesque Haymo entendit bien ces paroles auoir esté dittes expressément pour plus induire ledict Empereur à entrer en religion: Si tira à part le bon abbé Richard, luy disant. Si tu retiens ce prince icy & il prent l'habit de religion tu seras cause de la ruine & perdition de tout L'empire. Car il n'a heritiers ne successeurs procréés de luy: Ceste monition & ce conseil prit en bonne part l'abbé Richard considerant en luy prudemment comme il pourroit satisfaire audict Empereur, & n'estre cause de si grand dommaige à l'Empire. Aquoy il pourueut sagement en ceste sorte.

L'abbé Richard  
incitant l'Empe-  
reur à prendre l'ha-  
bit de religion.

L'euesque Haymo  
reprenant l'abbé  
Richard insiste que  
l'Empereur ne  
prenne religion.

¶ Quand ledict Empereur demandoit instamment estre receu religieux, disant qu'il vouloit laisser le monde & seruir à Dieu seul, souz l'obeissance dudict abbé Richard, il luy respondit prudemment. Qu'il falloir doncques par l'institution de la reigle & ordre de religion, fondée à l'exemple de Iesuchrist, qu'il promist luy obeyr cõme abbé iusques, à la mort à tout ce qu'il luy com-  
mande.

Prudente respõce  
de l'abbé Richard  
à fin d'empescher  
que l'Empereur se  
feist religieux.

# depuis Hue Capet, iusques à Loys viij. du nō. F. ccxx.

manderoit : Aquoy respondit L'empereur. Je prometz à Dieu d'ainfy le faire. Lors luy dist l'Abbé Richard. Je vous reçoys mon religieux suyuant vostre promesse. Et comme vostre Abbé des ce iourd'huy ie prens en ma charge vostre ame & conscience : Neantmoins, pour autant que des'apresent par le veu & promesse qu'avez fait à Dieu, vous estes obligé & tenu m'obeyr comme à vostre Abbé. Je vous commande par ceste obeissance que me deuez, de retourner à l'estat Imperial, & au gouvernement de vostre royaume & Empire, l'administration duquel vous continuerez en lamour & crainte de Dieu & soubz mon obeissance (comme l'avez commencée) iusques à vostre mort. De ce commendement l'Empereur fut fort esbay & estonné, par ce qu'il estoit entierement contrariât à sa deliberation & volonté : Neantmoins par les bonnes exhortations prieres & remonstrances, que luy firent lors les deux bons prelatz Haymo & Richard, ensemble toute la noblesse de l'Empire il'y obeir, retournant à son premier estat, qu'il administra encores trois ans, puis mourut enuiron l'an, mil vingtcinq apres auoir regné vingt deux ans. Le bon euesque Haymo ne vefquit gueres apres, ains mourut l'an mil vingt sept. En son euesché luy succeda Raimbertus duquel nous parlerons cy apres.

*La mort de l'Empereur Henry.*

*Celle de l'euesque Haymo.*

¶ L'historien qui a escript la vie du bon Richard Abbé de saint Venne, diē qu'a l'heure mesme, que l'Empereur Henry estoit en l'agonie & destroit de la mort, s'apparut vn grand nombre de diables faisans gros bruit & murmure, à vn saint hermite viuant lors en austerité de vie en vn lieu solitaire assez pres de Verdun, nommé Bonne vallee ou à l'heure de minuit ledict saint hermite estoit en deuotion & sainte contemplation, en laquelle estant empesché par l'apparition de ces diables grand bruit & tumulte qu'il faisoient en passant ne se peut tenir ledict saint hermite, de leur demander ou ilz alloient si hariuement: Aquoy le dernier diceulx diables luy respondit, seulement que l'Empereur Henry estoit à l'article de la mort, passant oultre avec les autres, sans tenir aultre propos audict saint hermite. Lequel deslors commença à prier Dieu par grand zele & deuotion, quil luy pleust luy reueler la fin du bon Empereur Henry. En quoy nostre seigneur voulant monstrier sa puissance ineffable, exaula la priere dudit saint hermite: Car enuiron les neuf heures du matin, il veid de rechef les susdictz diables menans entre eulx vn ours enchainé, passer au deuant de son hermitage, & faisoient clameurs de ioye comme il sembloit. Ce bon hermite sans aucune crainte, les interroga encores, que c'estoit qu'ilz menoient, ilz respondirent que c'estoit l'Empereur Henry qu'ilz conduisoient au iugement de Dieu. Adonc le saint hermite se prosterna en plus profonde oraison qu' auparauant, priant Dieu, son plaisir estre luy reueler quel iugement seroit fait de l'ame d'vn si bon & saint Empereur. Ceste tierce requeste & priere du bon hermite fut exaulée à heure de vespres, enuiron laquelle il veit, lesdictz diables retourner & repasser, tristes & marrys ce sembloit: Dont leur demanda l'occasion, & qu'ilz auoient fait de l'ame dudit Empereur Henry, ilz luy firent responce qu'vn grand vieil Abbé l'auoit deffendu au iugement de Dieu de sorte qu'il le leur auoit osté. Ce que plusieurs foys, il auoit ia fait d'autres ames d'hommes & femmes, à eulx appartenans (ainsi qu'ilz disoient) en quoy il leur faisoit grand tort. A lors le saint Hermite rendit graces à Dieu, & à monsieur saint Benoid par les prieres duquel, il se persuadoit l'ame de l'empereur Henry, estre deliurée, & de la s'en alla diligemment à Verdun vers le bon Abbé Richard, auquel il denonça les susdictes reuelations & visions dont il fut tresioyeux, & en rendit graces & gloire à Dieu.

*Vision & reuelation du iugement de l'ame de l'Empereur Henry.*

*L'ame de l'Empereur deliurée des diables par les prieres. S. Benoid.*

¶ Apres la mort dudit Empereur Henry qui deceda sans enfans, succeda à l'Empire par la nomination & l'election des princes de Germanie Conradus prince de Franconie, extraict (comme aucuns veulent dire) de l'ancien linaige de Charlemagne. Durât le temps de quinze ans, que ce Conradus teint l'Empire. Il eut tousiours grād' reuerce au bon Abbé Richard de sorte qu'en aulcū cōcilles sinodaux qu'il cōuoqua

*Conrad. ij. amy de l'abbé Richard esleu Empereur.*

# Le.iii. liure des antiquitez de la gaule Belgicque,

*Gozelo duc de Lorraine recõsilié avec l'Empereur Cõrard par le moyen de l'Abbé Richard.*

*Raimbert euesque de Verdun amy de l'abbé Richard.*

*L'abbé Richard entreprend le voyage de Hierusalem.*

*Hierusalem retirée des Sarrazins par les Turcz.*

*L'abbé Richard & Euvinus de treues sen vont en Hierusalem.*

*L'abbé Richard en Constantinoble.*

*Dons de l'Empereur de Constantinoble à l'Abbé Richard.*

*L'abbé Richard en Hierusalem.*

*L'abbé Richard se l'aua au fleuve de Iourdain.*

& fait avec les prelatz de ses pais, ledict Abé Richard estoit tousiours des premiers. Du commencement de son regne il eut gros differens & emotions de guerre contre Gozelo duc de Lorraine, frere de Fredericus religieux, & de Hermannus Comte de Verdun, lesquelz differens prindrent fin quelque temps apres par le moyen dudiçt Abbé Richard, qui traicta l'appoinctement entre l'Empereur Conradus & icelluy Gozelo, comme plus amplement dirons aux gestes des euesques de Verdun subsequens.

¶ Semblablement apres la mort de Haymo euesque de Verdun succeda à l'euesché Raimbertus homme de bon sçauoir, & magnanime en la deffence & tuition des droitz ecclesiasticques, Cestuy teint ledict euesché l'espace de quatorze ans durans, lesquelz entreteint en amour & beneuolence le bon Abbé Richard, qui luy faisoit le reciproque en sorte que leur amitié estoit mutuelle.

¶ Enuiron ce mesme tẽps qui estoit l'an mil vingt sept le bon Abbé Richard delibera entreprendre le saint Voyage de Hierusalem, lequel lors plusieurs prelatz nobles, gentilz hommes & autres gens de bien entreprenoient souuent, & facilement, à raison que l'Empereur qui lors tenoit Constantinoble, estoit reschrestien: Ioinct qu'à Hierusalem le Patriarche & ceulx qui gouernoient le saint sepulchte, estoient pareillement chrestiens. Partant estoit lors le lieu, de trop plus seur & facile acces, qu'en uiron quinze ou seize ans parauant, mesmes l'année septieme du regne dudiçt Empereur Henry deuxieme. Auquel temps la cité de Hierusalem & pays circonuofins furent pris par les turcz sur les Sarrazins qui lors les tenoient du patriarche Sophronius. Neantmoins par permission diuine le saint sepulchre fut gardé, eussemble l'eglise de Bethleem. Esquelz les turcz permirent demeurer ledict patriarche, à la charge de quelque tribut. Ceulx toutefois qui auoiet violé & polu le saint lieu, moururent par famine ou glaiue, dedans les trois prochains ans suiuan.

¶ Estant doncques le bon Abbé Richard ainsi affectioné audict saint voyage auant que partir pour le parfaire, commist & ordonna gens & religieux les plus sçauas, qu'il peult recouurer pour gouuerneur & regir pendant son absence les monasteres estans soubz sa charge, les enhortât & admonestât en faire leur deuoir, cõme s'il y estoit present, au reste, prier Dieu luy donner la grace de parfaire sondict voyage. Ce fait partit, & sen alla par treues ou il associa pour compaignon vn saint homme nommé Euvinus Abbé dudiçt lieu, qui durant ledict voyage luy teint bonne & fidelle cõpagnie. Eulx doncques ainsi associez arriuerent à Constantinoble, ou ilz allerent saluer l'Empereur de Grece, & luy demander congé de mõter sur mer, à fin de parfaire leurdict voyage. Semblablement au patriarche du lieu demanderent sa benediction, comme estoit de coustume aux pellerins qui vouloient acheuer tel voyage. L'empereur, & icelluy patriarche, ayans entendu la prudence, doctrine, & eloquence dudiçt Abbé Richard, furent ioyeux de leur venue & bonne intention, les receurent treshumainement, leur ottroyerent ce qu'ilz demandoient & leur feirent dons, & presens bien beaulx, entre lesquelz, baillerent audict Abbé Richard vne piece de pourpre, delaquelle il feit à son retour faire vnze ornemẽs, pour son eglise, ausi luy baillerẽt deux pieces de la vraye croix lesquelles il feit enchasser en or, en façon d'une croix, qu'il pendit dess'heure à son col, ou il la porta tresfreuerement durant son voyage, de Hierusalem. Continuant lequel il paruint finalement au lieu desiré, ou il demoura par longs iours, visitant par grande deuotion, les lieux sacrez, esquelz les vestiges & enseignes de nostre redẽptiõ apparoißoient, & ou nostre sauueur Iesus auoit souffert mort & passion pour nous.

¶ Depuis ayant le tout veu, delibera avec aucuns compaignons aller au fleuve Iourdain, pour en icelluy se lauer en recordation du lauement que saint Iean Baptiste, y feit à nostre sauueur Iesuchrist en confirmation du saint sacrement de baptesme. Si aduint que le bon abbé Richard se l'auant audict fleuve Iourdain & estant possible trop attẽtif à contẽplation, cheut de son col en l'eau (sans quil s'en aperceust) la vraye croix qu'on luy auoit baillé à Constantinoble delaquelle, estât desia biẽ auant de son retour



# depuis Hue Capet, iusques à Loys viij. du nō. F. ccxxi.

retour saduisa, & ne la trouua comme de coustume pendue à son col, dolent & marry retourna par grande diligence au lieu ou il festoit laué approchant duquel Veid de loing par disposition diuine & oeuvre miraculeuse que ladicte croix nageant sur leau venoit à luy, dont receut ioye incredible, remerciât & louant Dieu. Puis pleurant deioye la prit & remeit à son col en grande deuotion.

*Miracle de la croix que portoit l'Abbé Richard, qui fut au fleuue Iourdain.*

¶ Ce fait, luy & son compaignon Eurinus retournans de leur vōyage passerent par la cité d'Anthioche visitans les lieux sainctz, ou sainct Pierre auoit premieremēt esté institué & esleu vicaire de Dieu. Audict lieu d'Antioche trouuerent vn sainct hōme religieux nommé Simeon, qui ainsi que dient les cronicques des euesques de Treues estoit natif de la cité de Siracuse en Secille. Le pere duquel, qui estoit homme de noblesse, l'auoit (n'ayant encore plus d'vn an) mené aux escolles à Constantinople, d'ou il partit apres y auoir estudié par quelques années, s'en alla de là au mont de Sinay ou il fut religieux quelque temps. Puis dechassé de ce lieu vint en Hierusalem, ou il habita, & en lieux circonuoisins, mesmes aucunesfois en Antioche. Autrefois es enuirōs du fleuue Iourdain, conduisant & cōfortant en ces entrefaictes les pellerins du sainct voyage de Hierusalem. A quoy faire il festoit continuellement employé ia par l'espace de sept ans viuant tousiours ce pendant en grande austerité de vie, qu'il continuoit encores quand il vint rencontrer lesdictz pelerins Richard & Eurinus de Treues. Aufquelz il feit tous les seruices consolations, & douceurs qu'il peut ainsi qu'il auoit de bonne coustume faire aux autres. Pendant qu'il fut avec eulx, il considera les grandes vertuz prudēces & sainctetez qui estoiet esdictz Abbez, desquelz il fut aduertty qu'ilz deuoiet passer par Treues ou estot lors Euesque vn sainct homme nommé Pepo qui estoit de son ancienne amitié & congnoissance, & avec lequel il auoit conuersé & pris grande familiarité durant qu'il estoit religieux au mont de Sinay, ou ledict Pepo faisant ledict voyage de Hierusalem & dudiect mont de Synay, l'auoit trouué prenans ensemble telle & si grande mutuelle amitié qu'estant de fortune icelluy Pepo detenu prisonnier en Babilone, il fut deliuré de prison par la bonne sollicitation dudiect Simeon, qui depuis le departement dudiect Pepo auoit tousiours eu regret qu'il ne l'auoit suiuy à fin d'vser sa vie avec luy. A raison dequoy ce sainct homme Simeon delibera lors s'en aller avec lesdictz Abbez pellerins, & ne les abandonner iusques à ce qu'il eust trouué son bon & ancien amy Pepo, dequoy lesdictz Abbé furent tresioyeux & en rendirent graces à Dieu, soubz la garde duquel se meirent en chemin faisans tant par leurs iournées qu'ilz arriuerent ensemble à Treues ou ilz furent benignemēt receuz par l'euesque Pepo. Signanmēt le sainct hōme Simeon, lequel depuis (ainsi qu'escriuent les histoires de Treues) fut de son consentement voire à sa poursuite, mis par ledict Pepo son compaignon, en la sommité d'une tour estant à Treues nommée la porte des mors, ou il feit penitence austere se tenant tousiours de bout sans se coucher, & endurant tant de persecution des hōmes & tentations des diables que cest chose merueilleuse de lire ce qui est escript de luy. Et ainsi perseuerant mourut illec, en reputation de grande saincteté & resplendissant en plusieurs oeuvres miraculeuses, au moyen desquelles fut canonizé de l'autorité de leglise à la poursuite de son bon amy & compaignon Pepo duquel, & des grandes oeuvres qu'il feit en sa ieunesse, nous auons parlé cy dessus en la vie de Vvilgfridus euesque de Verdun, à ce moyen n'en ferons à present autre mention: Mais retournās à la matiere du bon Abbé Richard, qu'apres auoir pris cōgé de ses fideles cōpagnons Simeō & Eurinus, ensemble dudiect Euesque Pepo, arriua à Verdun de son retour de Hierusalem enuiron l'an mil & trente, ou il fut receu ioyeusement de l'euesque de Verdun Raimbertus de tous les religieux, & des habitans de ladicte Cité, Semblablement furent tresioyeux de son retour & en rendirent graces à Dieu tous les religieux des monasteres & Abbayes desquelles il auoit charge (cōme dessus à esté dict): Principalemēt ceulx du monastere de Beaulieu à cinq lieues de Verdū, fōdé & erigé en l'honneur du martyr sainct Maurice, & du cōfesseur sainct Crodinus. La vie duquel

*Du sainct homme Simeon trouué en Antioche par l'abbé Richard.*

*Le sainct homme Simeon consolateur des pellerins de Hierusalem.*

*Pepo prisonnier en babilone.*

*Le sainct homme Simeon delibéré aller à treues pour trouuer son amy Pepo.*

*Penitence austere du S. homme Simeon à Treues.*

*S. Simeon canonizé.*

*Du ioyeux retour de l'Abbé Richard de son voyage de Hierusalem.*

# Le.iiii. liure des antiquitez de la gaule Belgicque;

*Biens faitz à l'abbaye de Beau-lieu par l'Abbé Richard.*

duquel ledict Abbé Richard composa elegammēt, feit faire la chasse d'or & d'argēt ou repose le corps dudiēt sainct confesseur & plusieurs autres grandz biens, comme d'edifier de nouveau le cloistre dudiēt monastere, augmenter les rentes, orner & enrichir leglise d'icelluy.

*Nanterus Abbé de. S. Michel ioyeux du retour de l'abbé Richard.*

¶ Le Semblable feit en son abbaye & monastere Nanterus Abbé de sainct Michel diocèse de Verdū & ses religieux en icelle Abbaye:es cronicques & antiquitez de laquelle on trouue escript que du temps de Theodoricus duc de Mozelane Comte de bar, Voué de l'abbaye dudiēt sainct Michel, & filz du duc Frederic & de Beatrix seur de Hue Capet (desquelz auons parlé cy deuant en l'euesque Adalbero) Lediēt Nanterus fut esleu Abbé de sainct Michel, estant lors de son election simple religieux d'icelle abbaye. Il estoit homme tresdocte & scauant, de sorte que pour sa doctrine lediēt Theodoric l'enuoyoit souuēt embassader vers Robert roy de France, son parent de par sa mere, ensemble vers l'Empereur Henry deuxieme successeur de Otho. iiii. Apres laquelle election dudiēt Nanterus dont fut mediateur lediēt Theodoric, pour les causes qu'auetz entendu mesmes de la confirmation d'icelle faicte par Haymo lors euesque de Verdun, disrant icelluy Nanterus reformer & mettre bon ordre de religion sur les religieux de son Abbaye de sainct Michel, se retira vers le bon Abbé Richard, auquel il bailla toute la charge de reformation, tant de ses religieux que de l'ordre & maniere de viure d'iceulx, luy baillant, laissant, permettant, pour ses grâdes vertuz & sainctetez de vie, toute puissance de chāger oster & trāsporter ses religieux en diuers monasteres, ou luy plairoit, & en disposer à sa volūte: Notamment durant vn voyage que lediēt Nanterus feit à Rome & de là à sainct Michel au mont de Garganus. Duquel voyage il r'aporta le corps sainct Calixte Pape & martyr, lequel quelque temps apres il meit en vn prioré qu'il edifia & cōstruit expres par le conseil dudiēt Abbé Richard, au lieu de Haruille dependant de son Abbaye de sainct Mihiel. Auquel prioré furent depuis faitz plusieurs grandz miracles par les merites dudiēt sainct Calixte.

*Nanterus homme docte & eloquēt.*

*Nanterus baillē à l'Abbé Richard la charge de reformer ses religieux.*

*L'abbé Nanterus aporte a. S. Mihiel le corps S. Calixte.*

*Nanterus fondateur du prioré de Haruille.*

*Volbodo euesque du liege & Roger euesque de Chaalons amy de l'abbé Richard.*

¶ Sur tous autres furent ioyeux du retour de l'Abbé Richard ses deux bons & anciēs amis, Vvolbodo euesque du Liege, & Rogerus premier de ce nō euesque de Chaalons en Champagne. Le commencement de l'amitiē & congnoissance desdiētz Abbez Richard & Vvolbodo euesque du Liege, fut deslors que le bō abbé Richard (duquel le zele d'augmenter l'ordre & religion sainct Benoiēt croissoit de iour à aultre) auoit aux prieres & despens dudiēt Vvolbodo, fait edifier & fonder le monastere sainct Laurens en la cité du Liege, ou lors de la construction de l'edifice, ce bon Abbé assista en personne, ordonnant comme Abbé, les lieux pour les religieux disposant des rentes & reuenuz, pour iceulx, leur instituant & donnant vn prieur claustral & officiers, ensemble sur tous vne forme & reigle de saincte religion. Et generalement prit la charge de l'estat gouvernement & reformation dudiēt monastere, cōme Abbé d'icelluy. Le tout toutefois par consentement & les prieres dudiēt euesque Volbodo qui fournissoit aux despenses, lequel finalement pour ses bonnes oeures fut reputé entre les sainctz de Paradis.

*L'Abbe Richard edifie saint pierre à Chaalon aux despens de l'euesque du lieu.*

¶ Le semblable feit lediēt Abbé Richard à Chaalons en Champagne ou il edifia le monastere de sainct Pierre, prit la charge de tout ordonner tant aux edifices, institutions, que reformations des religieux, par les prieres & aux despens du dessus nommé Rogerius euesque dudiēt Chaalons.

¶ Pour resolutiō, si grāde estoit la perfection prudence & sainctetez dudiēt Abbé Richard q̄ tous les pries des pays voisins, grās & petitz obtēperoiēt & obeissoiēt à luy, luy accordās tout ce qu'il demandoit. Et pour la reuerāce qu'on auoit à luy souuēt les princes, grans seigneurs & nobles qui estoient en guerre & dissentions faisoient paix & accord entre eulx par ses bonnes monitions & remonstrances, pour lesquelles leur faire faisoit diligence de sa part aller vers eulx ou il scauoit qu'ilz estoient en discord, comme aduint l'an mil trente sept, ou enuiron, auquel tēps Odo Comte de Cham-

# depuis Hue Capet,iusques à Loys,viii.du nom F.ccxxii.

Champagne, & nepueu de Rodulphus roy de Bourgongne qui assambla grande armée contre Cōradus Empereur, qui tenoit lors dudit Rodulphus oncle d'icelluy Odo quelques seigneuries, lesquelles il vouloit repeter. Et à ceste fin vint assieger sur ledict Empereur le chasteau Cammercy dedans lequel y auoit vne ancienne chapelle, ou estoient plusieurs anciennes reliques & corps sainctz. Pour le recouremēt desquelles l'un des religieux dudit abbé Richard, nommé Geruinus, scribe du monastere de saint venne meu de Pitié & compassion: Et à fin de sauluer & euter la perte de ses saintes reliques, vint anoncer à sondict Abbé Richard comme ledict chasteau de Gommercy ou estoient icelles reliques, estoit assiegé. Si tost que le bon Abbé eut son aduertissement partit en diligence avec sondict religieux, pour s'en aller audict Commercy, esperant par ses prieres & remonstrances, faire leuer le siege. Toutefois son intention fut frustrée pour ce coup, pource qu'il trouua à son arriuee le chasteau estre ia tout en feu, dont il fut triste & dolent: Neantmoins voulant sauuer lesdictes saintes reliques sans craindre la violence du feu & de la flamme entrerent dedans ou ilz rencontrerent vn homme d'armes, qui les emportoit soubz son manteau. Le bon Abbé s'enquist que c'estoit qu'il emportoit ainsi. Il leur mōstra lesdictes reliques, & leur vendit sur le champ argent comptant au moyen dequoy les emporterent & mirent reueremment en l'eglise de saint Venne ou elles demurerēt tousiours iusques au tēps de l'Abbé Laurens, lors duquel vne partie desdictes reliques fut transportée en l'eglise saint Panthaleon à Coulongne.

¶ Apres que ledict chasteau de Commercy fut brulé, le Comte Odo assailit le chasteau de Bar & le prit, dequoy Gozelo lors duc de Lorraine ne fut cōtent, mais receut desplaisir de voir ainsi iournellement destruire & gaster son pays & celuy de l'Empereur Conradus par les François soubz la conduicte dudit Odo. Audeuant duquel, Gozelo ayant assemblé grosse armée, marcha & le vint rencontrer pres de Bar, ou il cōbatit si vertueusemēt, qu'il meit en fuite les gens dudit Odo lequel mesmes y fut tué, ensemble Manasses Comte de Dāpmartin & beaucoup des gens de leur troupe.

¶ Ceste bataille & iournée ne faisoit que prendre fin quand le bon Abbé Richard accompagné d'un sien religieux nommé Vvalerianus Boniface, suruint au camp ou estoit la bataille auquel auoit entrepris le chemin si tost qu'il en auoit esté aduertty en intention & esperance d'accorder les parties: Mais ilz arriuerent trop tard, & trouuerent la victoire estre demourée aux Lorrains, dont le bō Abbé se trouua fort perplex, au moyen de l'effusion de sang & recision illec faicte: Et ayant pitié & cōpalsion des mortz prit le corps mort dudit Manasses Côte de Dampmartin, le faisant honorablemēt porter en son monastere de saint Vēne, ou il le feic enterrer. A raison dequoy la Comtesse sa veufue feic depuis plusieurs grāds biēs à l'Abbaye, ou elle laissa (entre autres choses) vn riche tapis pour la decoration de l'eglise. Ainsi en feic la femme dudit Comte Odo, en reconnoissance des humanitez & seruices que ledict Abbé Richard & son religieux auoient faict à ceulx qui reporterent le corps mort dudit Cōte Odo.

¶ Davantage ledict iour mesme d'icelle bataille & peu apres le confliet, le bon Abbé Richard, & son religieux trouuerent de fortune entre les mortz le Cōte de Breteul nommé Vvalerant, qui estoit si griefuement blessé en plusieurs parties de son corps qu'il n'eust peu s'ayder ne sauluer. Quoy voyans ce bon abbé & son religieux, meuz d'une pitié & compassion naturelle, à fin qu'il ne vint es mains desdictz ennemis victorieux luy vestirēt vn habit de religieux, soubz vmbre duquel le deffendirēt contre lesdictz ennemis, puis le menerēt à Verdun, en leur monastere ou il fut si diligemmēt mediciné, q̄ sa guarison s'en ensuiuit. depuis pour les bons traictemens & douceurs qu'il auoit receu audict monastere, n'en voulut sortir mais y feic profession & profita tellement en doctrine vertus, & saincteté de vie qu'apres la mort dudit Richard, il fut esleu son successeur Abbé en ladicte abbaye. Le pareil feic son propre pere le Cōte Gelduinus desia ancien & decrepit: Car pour l'amour de son filz, & à l'ocasio des grandes verruz dudit Richard, laissa le monde, prit l'habit de religion audict monastere, ou apres y auoir donné grans biens, rentes & reuenuz, vesquit saintēment iusques à la mort.

*Commercy assiegé  
Par odo comte de  
Champagne.*

*L'abbé Richard  
alla à Commercy  
esperant mettre  
paix entre les prin  
ces.*

*Les reliques de cō  
mercy recourées  
par l'abbé richard*

*Odo Comte de  
Chāpagne & ma  
nasses de Damp  
martin tuez de  
uant Bar par Go  
zelo.*

*L'Abbé Richard  
faict emporter le  
corps de Manasses  
& l'enterrer à S.  
Venne.*

*L'abbé Richard  
saulue le Comte de  
Breteul.*

*Le Cōte de Vale  
ran faict religieux  
à saint Veune &  
depuis fut Abbé.*

*Le Cōte Geldui  
nus religieux à S.  
Venne.*

¶ Ecuiron,

# Le iiii. liure des antiquitez de la gaule belgicque,

*La mort de Conrad. ij. à qui succeda son filz Henry troisieme.*

¶ Enuiron trois ans apres la iournée de Bar l'Empereur Conradus mourut, qui au- parauant, apres la mort de Herinianus auoit donné la Comté de Verdun à l'euesque Raimbertus, pendant que l'Abbé Richard estoit à Hierusalem comme amplement sera dict en la vie dudit Raimbertus. Audit Conradus succeda son filz Henry troy sieme, surnommé le noir. Le regne duquel commença en l'an mil & quarante. Cestuy tenoit en telle & si grande reuerence ledict Abbé Richard qu'il le reputoit saint homme, à raison dequoy se confioit en ses prieres & oraisons, l'appellant souuent en ses grosses charges & affaires, esquelles il vsoit de son conseil, en faueur de ce bon Ab bé, il bailla plusieurs biens à saint Venne.

*L'Abbé Richard impetra de l'Empereur Henry. iij. l'euesché de Verdun pour vn sien filienl.*

¶ L'année premiere du regne dicelluy Henry troisieme mourut Raimbertus euesque de Verdun, Incontinent apres le deces duquel le bon abbé Richard se transporta vers ledict nouveau Empereur Henry troisieme, duquel il impetra l'euesché de Verdun, vacant au nom d'un sien filieul nommé Richard natif de Lorraine, & yssu d'anciēne noblesse, lequel il auoit tenu sur les fons de baptesme, puis à la requeste de ses pere & mere l'auoit tousiours nourry avec luy, enseigné & induit en toutes sciences diuines & humaines, en sorte que par sa bonne institution, sainte conuersation & exemplarité de vertus, ce ieune Richard estoit réputé entre les plus doctes sçauāt, & vertueux du pays. Au moyen dequoy son parrain le bon Abbé Richard obtint facilement le dict euesché pour luy, & non seulement icelluy euesché mais encores ledict Empe- reur Henry troisieme confirma le don que son pere auoit fait au defunct euesque Raimbertus, qui estoit le Comte de Verdun, lequel il luy donna de rechef avec au- thorité & pouuoir de prendre & eslire quelque noble personnage du pays, tel qu'il luy plairoit, pour soubz luy exercer le fait de la iustice ciuile & criminelle en tout son euesché, comme sera dict cy apres, lors que traicterons dudit euesque Richard.

*L'empereur Hen ry. iij. confirma le Comte de Verdū à l'euesque richard*

¶ Ce fait ledict Abbé richard ioyeux de veoir son filieul Euesque de Verdū, duquel il esperoit grand fruit à la chose publicque & ecclesiasticque, mesme l'augmentation du saint seruice diuin, ne desiroit plus autre meilleure chose sinon (avec saint Paul) la dissolution du corps & de l'ame & estre avec Iesuchrist en la compaignie des ames bien heurées, attendent la fruition & ioyssance desquelles, encores qu'il feust fort vieil, il perseueroit tousiours en ses bonnes oeures & operations faittes par ieusnes- oraisons, aulmosnes, abstinenes, monitions & reformations salutaires. En sorte que combien qu'il fust viuant entre les hommes. Toutefois par saintes contemplations oeures miraculeuses & reuelations diuines, il sembloit estre desia viuant ex cieulx.

*Plusieurs visions diuines à l'Abbé Richard.*

¶ Nous lisons es anciens liures & chartulaires du monastere de saint Venne, que sur ses vicilz iours & approchant sa mort. Il eut plusieurs visions diuines d'aucunes des- quelles nous ferons presentement mention.

*Premiere vision en laquelle luy ap parurent. S. Pierre & S. Venne.*

¶ La premiere est quand vn iour (entre autres) ledict saint homme Richard estant en son liēt vn peu auant Matines veillant en sainte contemplation & pensant à cho- ses diuines, s'apparurent à luy saint Pierre & saint Venne lesquelz il salua reuerem- ment leur demandant pourquoy ilz estoient la venuz si familièrement, toutefois leur fait telle demande qu'il sembloit qu'il les eust ia veu ailleurs & parlé à eulx plusieurs autre foys. Ilz luy feirent respouce qu'ilz venoient de visiter toutes les chambres des freres religieux, ensemble le cloistre dudit monastere, ou n'auoient trouué que tout bien, fors que les religieux ne sonnoient encores matines, & neâtmoins l'heure estoit passé. Lors le bon Abé se leuāt, luy mesmes alla sonner matines pour faire leuer les religieux. Or y auoit vn religieux qui pour la vieillesse dudit Abbé Richard cou- choit en sa chābre, lequel ne dormāt lors, d'icelle vision ouit les voix desdictz saintz mais il ne vit les personnes.

*Seconde vision en laquelle apparut S. Estienne martyr.*

¶ La seconde vision aduint vn autre iour audict Abbé, en ceste sorte. Comme il estoit curieux & sollicitieux de faire les reparations necessaires, en l'eglise, augmenter le ser- uice diuin en icelle, & eut fait edifier les corptes, en l'honneur de nostre dame & de tous les saintz. Il mit des relicques de saint Nicaise Archeuesque de Reims, dedās vn autel erigé en l'honneur de saint estienne prothomartyr. La feste duquel il ordō na deslors à ses religieux solemniser tous les ans, & chanter le propre seruice avec  
l'histoire

# depuis Hue Capet, iusques à Loys viij. du nom. F. ccxxiii.

l'histoyre & vie du martyr, qu'il auoit composé. Si aduint que la premiere foys que la solennité de ladicte feste, fut faicte & celebrée par les religieux, incontinent apres les matines, le bon Abbé estant encores en son siege, & les religieux en leurs places, apparut ledict saint Estienne, vestu d'ornemens episcopaux, qui visiblement sortant des criptes de ladicte Eglise, entra au chœur d'icelle. Vint saluer le grand autel, ainsi reueremment que font les religieux, de là, au bon abbé Richard, luy faire reuerence, & consequemment aux religieux, à dextre, & à senestre, comme s'il leur eust voulu rendre graces de la solennité qu'ilz auoyent de nouveau institué. Puis s'en retourna ausdictes criptes, d'ou il estoit sorty. De ceste uisitation diuine, rendirent graces à Dieu, lesdictz abbé & religieux. Lesquelz des lors continuerent tousiours chascun an ladicte solennité. Et pour reuerence, & memoire d'iceluy miracle, les religieux du monastere de Beaulieu instituerent entre eulx la solennité annuelle de ladicte feste.

¶ La tierce vision fut telle. Suyuant ce qu'auons dict cy dessus, que le bon Abbé Richard auoit administration, & superintendance sur vingt & vne Abbayes, & monasteres, esquelz il auoit ordonné & député soubz luy aucuns religieux, vertueux, qui en son absence les administroient, comme abbez en iceulx. Or quant il vint en sa vieillesse, pource qu'il ne les pouoit visiter en personne, il ordonna ausdictz abbez ses commis, venir en certain temps de l'année, vers luy en son abbaye de S. Venne, à fin d'estre informé de leur estat. Si aduint qu'un iour il celebrait en la presence de sept abbez, desdictz monasteres, qui estoient venuz pour la raison que dessus. Et chantoit la grâde messe en vne chappelle qu'il auoit fondé en sondict monastere, en l'honneur de S. Nicolas. La dedicasse de laquelle chappelle se faisoit tous les ans, ledict iour, qui estoit le quinzieme des Calendes de Novembre. Apres qu'il eut dict la preface de la messe, ainsi que les religieux commencerent à chanter, *Sanctus, Sanctus, &c.* Tous les assistans veirent oculairement, que ledict saint homme, & tout son corps fut esleué de terre, de la haulteur d'une coudée. De quoy furent merueilleusement esbahiz, monstrans l'un à l'autre, la vision qu'ilz receurent, comme chose miraculeuse, rendans à Dieu actions de grace, & estimant beaucoup la grande sainteté de leur bon abbé Richard.

*Troisième visio,  
en laquelle l'Abbé  
Richard cele-  
brât messe fut esle-  
ué vne coudée de  
hault.*

¶ La vision quatrieme, luy aduint en l'an mille quarante six, auquel il rendit son ame à Dieu. Il auoit ceste année la icusné le quaresme, nonobstant sa vieillesse. Et venant le iour du Vendredi saint, combien qu'il feust fort extenué, & debilité, ordonna à vn sien religieux, son familier en ses saintes oeures, & austeritez de vie, qu'à son dîner, il luy presentast seulement pain & eau, avec des cendres. Ce qu'il feit, neantmoins quand le bon abbé vint à prendre sa refection, & eut mis les cendres sur son pain, cuydant diminuer la saueur d'icelluy, il trouua en sondict pain, goust de sel, & l'eau estant en son gobelet, luy sembla tresbon vin. Dont tout estonné appellait sondict religieux, le reprit aigrement pource qu'il n'auoit fait son commandement (au moins ainsi qu'il disoit) A quoy ledict religieux respondit, auoir executé son ordonnance. Ce que ne pouant croire, le bon abbé ordonna de rechef eau & cendres luy estre apportées. Ce qui fut fait sur le champ. Mais par la voluente de Dieu, il y trouua pour la seconde foys, tout tel goust de vin, & sel, qu'il auoit fait à la premiere. Lors rendit graces à Dieu, congnoissant son vouloir estre qu'il prist sa refection en ceste sorte. Long temps depuis lequel miracle, & pour recordation d'iceluy, a esté gardé adict monastere le gobelet, ou iceluy miracle auoit esté fait.

*Quatrième visio,  
de l'eau muée en  
vin, & la cendre  
en sel.*

¶ On trouue ausdictz anciens Chartulaires d'iceluy monastere, que le saint homme Richard auoit rapporté de son voyage de Ierusalem, vn ymage de crucifix, selon la forme & figure que Nicodemus en auoit sculpté vn, de laquelle ymage le bon abbé baifoit souuent les piedz, par grande deuotion. Dont aduint qu'un iour entre aultres, estant ia malade, de maladie, de laquelle il mourut, il baifoit les piedz d'icelle ymage, par grand zele de deuotion, pleurant à grosses larmes, tellement, que lesdictz piedz  
P d'icelle

# Le iiii. liure. des antiquitez de la gaule belgicque,

*Cinquieme vision de l'ymage du cru cfix pleurant larmes qui tumboyēt sur le chef de l'abbé Richard.*

*Maladie extreme du bon Richard.*

d'icelle ymage estoient tous arroufez de ses larmes. Fut lors veu par les afsistans, que ladiete ymage ictra larmes qui tumboyent, & mouilloyent la teste du saint Abbé.

¶ Durant ceste maladie, qui fut asses longue, le bon Abbé congnoissant qu'elle augmentoit de iour en iour, partant sa fin prochaine, estoit continuellement en sainte contemplation, rendant graces a Dieu, & le priant conseruer & garder en sainte perfection ses religieux, lesquelz il appelloit souuent, leur remonstrant l'instabilité, miseres, & calamitez du monde, les enhortant en charité, & amour de Dieu, & perseverance de sainte religion, à fin de paruenir en gloire perdurable.

*L'euesque richard assistant à la maladie du bon abbé.*

¶ A ladiete maladie afsistoit iournellement son bon disciple, filleul, & loyal amy, Richard Euesque de Verdun, le visitant, & confortant doucement, & par pitié, amour & reuerence qu'il auoit en luy, pleuroit incessamment, reduisant en memoire, tant de grands biens & benefices qu'il luy auoit fait, en sa nourriture, & en l'institution des bonnes doctrines, vertuz, & sciences : Mesme que par son moyen auoit obtenu l'Euesché de Verdun, en l'administration duquel auoit tousiours vsé de son bon conseil, le reputant par singuliere reuerence, son propre pere.

*Trespas du bon Abbé Richard.*

*Obseques, & funeraillles de l'Abbé Richard.*

¶ En fin, venu le iour que ce saint Abbé deuoit rendre l'ame, il dist à Dieu audict Euesque Richard son filleul, qui l'estoit venu visiter de grand matin, puis à ses religieux entierement, estantz là presens. Lors ledict Euesque meu de plus grande pitie, qu'auparauant, s'en alla celebrer messe, & prier Dieu pour luy en la chappelle saint Laurens, don retournant pour de rechef le visiter, trouua qu'il auoit rendu son esprit à Dieu. Dequoy il fut bien dolent, pleurant, & le baisant doucement. Et luy mesme le l'aua, & acoustra d'ornemens pontificaulx : ne voulut neantmoins permettre qu'il feust si tost inhumé, mais demeura en cest estat par troys iours durans, lesquelz ce bon Euesque feit en personne celebrer les obseques, vigiles, anniuersaire, es Eglises de Saint Venne, Saint Maur, & Saint Paul. Lesquelz acheuez, feit le troysieme iour conuocquer toutes les Eglises de Verdun, & tout le peuple : avec lesquelz marchant en procession, feit porter le corps dudit saint Abbé, en l'Eglise Nostre Dame, ou furent reueremment celebrez aultres obseques d'iceluy saint homme, lequel fut de là raporté deuottement en son Eglise de saint Venne, ou il fut honorablement inhumé : Toutefois auant que le mettre au tumbau, le bon Euesque Richard avec grands pleurs & lamentations, baissa sa poitrine, & ses mains, puis pria Dieu haultement, & deuant tous, qu'il luy pleust l'appeller auant que l'an feust passé, puis qu'il auoit prins son bon pere, & precepteur. Ce qui aduint tout ainsi qu'il l'auoit requis. Car ledict saint Abbé Richard, ayant tenu l'Abbaye quarante deux ans, mourut le X I I I. de Iuin, L'an mille & quarantesept. Et iceluy Euesque Richard son filleul, le V I I. de Novembre prochain ensuiuant audict mesme an.

*Priere de l'Euesque Richard, de mourir l'année du trespas du bon abbé.*

FIN DE LA VIE DV BON  
Richard Abbé de Saint Venne,  
à Verdun.

depuis Hue Capet, iusques à Loys, viii. du nom F. ccxxiiii.

LA VIE DE RAIMBERT-  
tus trenteneufieme Eues-  
que de Ver-  
dun.



RAIMBERTVS XXXIX. Euesque de Ver-  
dun, fut esleu en l'an de grace, mille vingtsept, apres la  
mort du bon Euesque Haymo, duquel il auoit touf-  
iours esté familier, & bon amy. Et combien qu'il ne  
feust extrait de grande noblesse, il estoit toutefoys  
homme de tresgrande doctrine, & vertuz, zelateur de  
l'honneur de Dieu, & de l'Eglise Chrestienne. Des sa  
ieunesse, il auoit tousiours vescu par grande societé, &  
familiarité avec l'Abbé de S. Venne, le bon Richard,  
duquel il auoit suiuy les meurs & saincteté. Ce qui fut  
cause de son election. Apres la mort de Haymo le bon

*Raimbert xxxix.  
euesque de Verdun*

*Raimbertus disci-  
ple du bon Abbé  
Richard*

*L'abbé Richard re-  
fusant l'Euesché,  
procure que Raim-  
bertus soit esleu.*

Abbé Richard fut prié, poursuiuy, & pressé, non seulement du populaire & clergé  
de Verdun, mais d'un chascun, mesmes de l'Empereur Conradus, & de tous les no-  
bles du pays, de prendre la charge dudit Euesché. Qu'il refusa plusieurs foys, s'ex-  
cusant sur les autres grands charges qu'il auoit en l'administration de plusieurs Ab-  
bayes & monasteres, comme nous auons dict cy dessus. Au moyen dequoy, ne pou-  
uoit accepter telle charge: mais induist & procura par grande diligence vers le clergé,  
& les princes du pays, que ledict Raimbert feust pourueu d'iceluy Euesché. Ce  
qu'il obtint, à raison dequoy durant l'administration qu'en eut iceluy Raimbertus, il  
n'entreprendoit rien sans l'aduis & conseil dudit abbé Richard, qui incessamment  
luy alsistoit, le conseillant en tous ses affaires, dont bien print audict Raimbertus,  
pource que durant son temps, aduindrent plusieurs grandes aduersitez, miseres, & ca-  
lamitez en son Eglise, & à la chose publique de sa Cité, au moyen des grandes mu-  
tations, discordz, & guerres, qui s'esmeurent lors entre les Princes du pays, mesmes  
entre l'Empereur, & le Roy.

¶ Enuiron deux ans auant son election, à sçauoir en l'an mille vingtcinq, l'Empereur  
Conradus ij. de ce nom, fut esleu Empereur, lequel combien qu'au commencement  
de son regne, il eust grandz affaires, à desmesler, & plusieurs aduersitez, retint toute-  
foys tousiours en singuliere amour & reuerence, l'abbé Richard, en faueur de qui  
Raimbertus obtint d'iceluy Empereur ledict Euesché.

*La mort de Her-  
man vicomte de  
Verdun.*

¶ Auint qu'enuiron l'an mille vingthuit, Hermannus, qui auoit exercé la comté  
de Verdun, apres son frere Fredericus, alla de vie à trespas, sans enfans de son corps:  
à raison dequoy l'Euesque Raimbertus voulant disposer de la comté de Verdun com-  
me à luy appartenant par la donation cy deuant mentionnée, sans auoir esgard à Goze-  
lo duc de Lorraine, frere dudit Hermannus bailla l'exercice d'iceluy comte à Loys  
filz d'Otho comte de Chiny, lequel Loys fut pere d'un autre Loys, qui par successio  
de temps fut grand pere d'un Euesque de Verdun, appellé Albero deuxieme de ce  
nom. Ce fait ledict Euesque Raimbertus, par le conseil, & souz la faueur du bon ab-  
bé Richard se retira vers l'Empereur Conradus, duquel il obtint derechef confir-  
mation, pour luy, & ses successeurs Euesques, des droictz, & préeminences de ladi-  
te com

*Loys de Chiny vi-  
comte de Verdun  
Nouvelle confir-  
mation du comte  
de Verdun, aux  
Euesques par l'em-  
pereur Conrad ij.*

# Le iiii. liure des antiquitez de la gaule belgicque,

ete comté de Verdun, en vertu & suyuant le contenu de la susdicte donation faicte d'iceluy, à son predecesseur Haymo. Oultre, doubtant (ce qui aduint depuis) que par apres Loys de Chinoy son vicomte, fut inquieté par Gozelo duc de Lorraine, feit approuver par iceluy Empereur l'election qu'il auoit faict dudit Loys, en l'exercice d'iceluy comté de Verdun, à fin que telle election eust plus grande autorité. Aussi que par ce faict, il entretint, & maintint sa possession, & de ses successeurs Euesques de pouruoir à ladicte comté, quand le cas aduendroit.

*Gozelo duc de Lorraine, irrité contre l'Euesque de Verdun.*

¶ Quand Gozelo duc de Lorraine, & frere dudit Hermannus dernier comte de Verdun, fut de ce aduertiy, il n'en fut content, mais fort indigné, obstant qu'il s'estimoit desherité du patrimoine de ses predecesseurs: Aussi qu'il se sentoit desprisé de aultant, que Raimbertus Euesque auoit appellé vn aultre que luy, à l'administration & gouvernement de ladicte comté, qui venoit de ses predecesseurs. A raison de quoy se retira vers l'Empereur Conrad, lors occupé en plusieurs grosses batailles, contre les Bohemiens, & Poloniens, auquel il remonstra l'iniure qu'on luy auoit faict, demandant & requerant estre remis en son patrimoine de la comté de Verdun, & que les donations & confirmations sur ce, feussent reuocquées, & declarées nulles. A quoy l'Empereur ne voulut entendre, mais au contraire luy declara qu'il vouloit entretenir les dons & confirmations qu'auoyent faictz ses predecesseurs aux Euesques de Verdun. Ceste responce, & declaration entendue par Gozelo, se retira trop mal content en ses pays de Lorraine, ou ne fut plustost arriué, qu'il y dressa vne grosse armée avec laquelle, en l'absence de l'Empereur, il entra en ses pays circunuoisins, de sa

*Gozelo demande estre restitué au comté de Verdun.*

*Gozelo sollicite Robert roy de France, d'entreprendre contre l'empereur.*

duché, gastant & pillant tout ce qu'il trouuoit. Mesmes (comme tient Sigibert) ledict Gozelo se retira des lors vers Robert Roy de France, qu'il induist & persuada leuer armée contre ledict Empereur, luy donnant à entendre que facilement il pourroit lors recouurer sur luy tout l'ancien Royaume de Lorraine que ses predecesseurs auoyent autresfoys tenu. A quoy presta l'oreille ledict roy Robert, de sorte que pour ce faire il feit grands preparatifz, qui neantmoins ne luy seruirent gueres, parce qu'il ne poursuiuit longuement son entreprinse. Aussi le bon Roy ne demadoit que paix & equité. Gozelo pourtant ne se desista de son entreprinse, ains la suiuant, vint assaiit les terres de l'Euesché de Verdun, ou il feit maux innumerables, puis poursuiuit tant (comme dit Laurentius Leodien. en son collectaire) qu'à l'ayde d'vne grosse armée qu'il leua en sa comté de Buillon, entra à Verdun, & tua le comte Loys de Chinoy, qui fut tresgrand dommage. On trouue es antiquitez de l'abbaye d'Oruaulx que cestuy Loys filz du premier Otho, comte de Chinoy, eut vn filz nommé Loys, comme luy qui engendra Arnoul, lequel eut deux filz, Albero qui fut Euesque de Verdun. L'autre de sa premiere femme nommé Otho deuxieme, lequel Otho engendra Albert, qui edifia l'abbaye d'Oruaulx, de l'ordre de Cisteaux, au diocèse de Treues. Tous ces dessusnommez furent comtes de Chinoy.

*Loys de Chinoy vicomte de Verdun tué par Gozelo.*

*Aduertissement aux lecteurs pour les comtes de Chinoy.*

*La maison episcopale de Verdun bruslée par Gozelo.*

¶ Or pour retourner à Gozelo, combien qu'il eust tué ledict Loys de Chinoy, comte de Verdun, ne fut pour cela content. Mais en haine de l'Euesque Raimbertus, brulla la plus part des salles habitations & maisons episcopales, qui furent depuis reedifiées par l'Euesque Richard subsequnt dudit Raimbertus comme sera dict cy apres.

*Appointement entre l'Empereur Conrad & Gozelo duc de Lorraine.*

¶ L'empereur Conrad fut aduertiy assez des violences & oultrages que faisoit Gozelo, mais il n'y pouuoit lors donner ordre, obstant qu'il estoit par trop occupé ez guerres susdictes. A ceste cause les princes, & nobles de ses pays luy conseillerent pointer & faire paix avec Gozelo, mesmes le retirer vers luy, & des siens. Ce qu'il trouua bon, & à ceste fin enuoya gens vers iceluy Gozelo, pour traicter la paix, & appointement, qui en fin fut faict entre eulx, reprenant en ce faisant Gozelo l'alliance de l'Empereur: chose qui veint à grand proufit à tout le pays (ainsi que dit Sigibert en son hystoire) mesme audit Empereur. Car depuis son estat prospera tousiours, de sorte qu'il eut plusieurs belles victoires contre les Esclauons, & Hungres, par le



# depuis Hue Capet, iusques à Loys, viii. du nom F. ccxxv.

par le moyen dudit Gozelo:

¶ Environ le temps, sçavoir l'an mille & trente, le bon Robert roy de France, deceda, laissant de sa femme Constance plusieurs enfans (comme dessus à este dict) Entre lesquelz luy succeda audit Royaume, Henry premier du nom, à qui du commencement de son regne, aucuns Princes de son Royaume donnerent plusieurs empeschemens. Entre autres Eude comte Palatin de Champagne, & Brie, entreprit sur la comté du Mayne. Gaguin escript que Constance sa mere, luy donna aussi empeschement, en ce qu'elle vouloit faire coronner son frere puisné. Mais cela est faulx, car ladicte Constance mourut avant son mary le roy Robert, qui print vne seconde femme, depuis la mort de ladicte Constance. Quoy qu'il en soit le roy Henry, qui estoit homme assez sage, & hardy pour resister à ses ennemis, se retira vers Robert duc de Normandie lors estant à Fescam, duquel il eut ayde & secours, en sorte qu'il preuint les entreprinse de ses ennemis. Contraingnit tous les princes de France a luy obeir & retira du comte Odo ce qu'il auoit vsurpé sur la comté du Mayne, ensemble quelques autres choses dependans de sa comté de Brie, comme Gournay sur Marne.

*La mort de Robert Roy de France, auquel succeda son filz Henry.*

*Henry roy de France troublé des le commencement de son regne.*

¶ Durans ces dissensions en France, mesmes l'an mille trentevn; suruint vne heresie nouvelle. Car aucuns Euefques de la Gaule, affirmoyent auoit miraculeusement receu du ciel, lettres contenans mandemens, & ordonnances diuines, à sçavoir premierement, que nul Chrestien eust à porter armes, n'y repeter par force, ce que violemment on leur auoit osté, ou osteroit. Secondement, ne demander vengeance de la mort de son prochain, ou du sang humain espandu, mais pardonner aux malfaieteurs. Tiercement qu'un chascun Chrestien eust à ieufner en pain, & eauce, tous les vendrediz de l'an, & s'abstenir de manger chair tous les Sabmediz. Quartemét affirmoyent telles ieufnes estre suffisantes pour la remission de tous pechez, de sorte qu'il n'estoit mestier d'aultre penitence, pourueu toutefois, qu'un chascun promeist par veu & serment ainsi le faire. Quintement disoyent, les refusans de ce faire, deuoirestre priuez du merite de la foy Chrestienne, & des sepultures Ecclesiastiques. Aussi qu'on les debuoit laisser, en l'article de la mort, sans visitations des sacremens.

*Heresie nouvelle en France, contenant n'estre licite de defendre le sien par armes.*

¶ Ceste nouvelle doctrine fut receüe de plusieurs, tant en France, Lorraine; que es pays subiectz à l'Empereur Conrad, lequel à ce moyen, & pour traicter plus amplement d'icelle doctrine, & d'aultres differens estans lors entre les Ecclesiastiques, sur le fait des ieufnes, conuoca vn Concile general en la cité de Triburie, pres Magonce, ou comparut le bon abbé Richard, Raimbertus nostre Euefque de Verdun, & aultres prelatz, sur tous lesquelz, eut grand honneur Gerardus Euefque de Cambray homme des plus sçauans de son temps. Lequel resista fort à ladicte nouvelle doctrine, affirmant au contraire d'icelle, que des le commencement, & creation du monde, tout le genre humain fut d'ordonnance, & disposition diuine, diuisé en troys especes & manieres de viure, & d'operations. A sçavoir qu'aucuns adonnez à Dieu, & au saint seruire diuin prieroient Dieu tant pour eulx, que pour leurs prochains, les autres seroyent duietz à l'art militaire, parquoy porteroient armes pour la defense d'eulx, & leurs prochains. Et les aultres laboureroient les terres pour la nourriture d'eulx, & leurs prochains, esquelles troys manieres d'estat differetes, l'une de l'aultre y auoit si grande communication, que l'un auoit affaire des deux aultres; & les deux de l'aultre, Partant estoit licite porter armes, pour suiure la restitution des larcins, & violences par voye de iustice, & soy reconcilier aux malfaieteurs selon la doctrine Euangelicque. Quant aux ieufnes, & abstinences des vendrediz, & sabmediz, ne se deuoyent ordonner à tousiours, n'y à vn chascun, car la possibilité n'est tousiours es personnes n'y ou temps. Au regard de la remission des pechez, & penitence d'iceulx suffisoient en ce les ordonnances canons, & decretz de l'Eglise; & des saintz docteurs. Parquoy seroit chose cruelle, & inhumaine, priuer les contreuenans de visitation en leurs maladies, des sepultures, & sacremens Ecclesiastiques. Brief ledict Gerardus Euefque de Cambray, & ceulx de son party, firent tellement en iceluy Con-

*Concile general, conuocqué par l'empereur Conrad.*

*Deliberation, & aduis de Gerard Euefque de Cambray.*

*Troys estatz de hommes instituez des la creation du monde.*

# Le.iii. liure des antiquitez de la gaule Belgicque,

*L'heresie susdicté* cile, que par decret, & ordonnance d'iceluy, ladicte heresie nouvelle fut interdite,  
*condamnée.* condamnée & abrogée.

*Gozelo duc de* ¶ Tost apres ce Concile, mesmes enuiron l'an mille trentetroys, Gozelo duc de Lor-  
*Lorraine, fait duc* raine, qui estoit reconcilié avec l'Empereur Conrad, lequel par l'appoinctement des-  
*de Mozelane.* susdict, luy auoit fait plusieurs promesses, fut fait duc de Mozelane, dont auons es-  
script assez amplement cy deuant. Il obtint pardon dudiect Empereur Conradus, icel  
le duché de Mozelane avec celle de Lorraine, apres la mort de Theodoric, & Fre-  
deric son filz ducz d'icelles duchez, en la sorte que s'enfuit, comme dict Sigibert.

*Repetition des* ¶ Theodoric filz de l'ancien Frederic, duc de Mozelane, qui auoit edifié le chasteau  
*duc de Mozela* de Bar (ainsi qu'auons dict cy dessus, en la vie de l'Euesque Albero, qui estoit son fre-  
*ne, & de leur suc* re) succeda à son pere, tant à ladicte duché de Mozelane qu'au chasteau de Bar, & à  
*cession.* la Vvourie de l'abbaye de S. Mihiel. Il eut deux filz d'ont l'vn fut Euesque de Metz  
estant ieune enfant, & ne vesquit gueres. L'autre nommé Theodoricus fut marié,  
& eut vn filz nommé Fredericus, & deux filles, l'vne nommée Beatrix, l'autre So-  
phia, desquelles nous parlerons cy apres. Ce ieune Theodoricus, & son filz Frederi-  
cus, moururent en la fleur de ieunesse, laissant lesdictes deux filles, encores ieunes. Or  
ledict Theodoricus aîné viuoit encores, qui gouerna lesdictes filles quelque tēps,  
les nourrit en sa maison, & vesquit ce pendant avec elles en sa duché de Mozelane, &  
à la comté de Bar, se tenant la plus part du temps en l'Abbaye de S. Mihiel, de laquel  
le (comme dessus a esté dict) il estoit vvoüé, des la mort de son pere.

*Theodoric duc de* ¶ Pendant ce temps ledict Theodoric auoit grande familiarité, & amitié à vn sca-  
*Mozelane, amy* uant, & prudent religieux d'icelle abbaye nommé Nanterus, duquel il vvoit en tous  
*de Nanterus ab-* ses affaires, mesmes es legations, & embassades qu'il enuoyoit vers le roy Robert, qui  
*bé de S. Mihiel.* estoit son cousin germain. Car la mere d'iceluy Theodoric estoit sœur de Hue Ca-  
pet pere dudiect roy Robert. Ceste grande familiarité & dilection, d'entre Theodo-  
ric, & iceluy Nanterus, feit qu'aduenant, & occurant la vacation de ladicte Abbaye

*Nanterus Abbé* de S. Mihiel, iceluy Theodoric, en pourueut ledict Nanterus, enuiron l'an mille, &  
*de S. Mihiel fami-* vingt. Qui fut beneist, & installé Abbé par Haymo lors Euesque de Verdun, en  
*lier de l'Abbé Ri-* presence du bon Abbé Richard, qui estoit grand cōpagnon, amy, & familier d'iceluy  
*chard.* Nanterus, lequel (comme dient les cronicques de ladicte Abbaye de S. Mihiel) des le

*Nanterus Abbe* cōmencement qu'il fut abbé bailla la totalle charge & administration de son abbaye,  
*de S. Mihiel, cōsti-* pour quelque temps, audict Abbé de S. Venne, lequel pour bien reformer lesdictz re-  
*tue l'abbé Richard* ligieux de S. Mihiel transporta aucuns d'eulx en son Abbaye de S. Venne, & en print  
*son vicaire, pour* d'autres en ladicte abbaye, qui estoient bien reformez, & les mena audict saint Mi-  
*reformer ses reli-* hiel, à fin de donner ordre & exemplarité de bien viure, aux religieux dudiect S. Mi-  
*gieux.* hiel, qu'il visitoit souuent comme les siens propres, principalemēt durant vn voyage

*L'eglise parrochia* que feit Nanterus à Rome, & à saint Michel du mont Garganus, duquel voyage il  
*le de S. Mihiel de-* rapporta plusieurs belles reliques, entre lesquelles estoit le corps saint Calixte Pa-  
*dic en l'honneur* pe & martyr (comment ia auons dict & dirons) Ensemble des reliques de S. Estien-  
*de S. Estienne Pa-* ne, Pape & martyr. Qui sont encores de present reueremment gardées en l'Eglise  
*pe.* parrochiale de S. Mihiel, pres de ladicte abbaye, laquelle Eglise parrochiale auoit lon-  
guement au parauant esté dediée, & fondée en l'honneur dudiect saint Estienne Pa-  
pe, & martyr.

*La mort de Theo-* ¶ Or aduint quelque temps apres, que ledict duc Theodoric alla de vie à trespas en-  
*doric, duc de Mo-* uiron l'an mille, & trentedeux, ne laissant nulz enfans males de son corps, mais bien  
*zelane.* lesdictes Beatrix, & Sophia, lors encores ieunes, filles de son filz Frederic, aliàs Theo-  
doric. Dequoy aduerti l'Empereur Conradus, enuoya querir icelles deux ieunes fil-  
*Beatrix et Sophie* ler, le gouuernement, & instructions desquelles il chargea, & laissa à sa femme Gise-  
*mencees à l'Empe-* la, qui les receut voluntiers (aussi estoient elles ses niepces) puis les maria haulte-  
*reur Conrad.* ment, comme sera dict cy apres. Toutefois pource qu'il n'y auoit enfans males  
*Beatrix et Sophie* dudiect Theodoric, l'Empereur Conradus donna la duché de Mozelane (qui estoit  
*deshéritees du du-* du patrimoyne desdictes filles) au duc de Lorraine Gozelo, à fin de l'entretenir touf-  
*chede Maxelane* iours en son alliance, & le recompenser (suyuant les promesses qu'on luy auoit  
fait

# depuis Hue Capet, iusques à Loys, viii. du nom E. ccxxvi.

fait par l'appoinctement dessus mentioné) de la comté de Verdun, qu'il auoit laissé, par ledict appoinctement aux euesques dudict lieu, & s'estoit desisté de la poursuite & querelle ia par luy commencée, pour raison de ladicte comté, à l'occasion duquel don, d'iceluy duché de Mozelande, ainsi fait à Gozelo il triumphoit grandement entre tous les princes de l'empire (cōme tient Sigebert) en partie toutefois aux despēs desdictes deux filles, qui demurerent priuées de leur heritage paternel.

¶ Environ l'an mil trente quatre les Bourguignōs, qui (ainsi que dict iceluy Sigebert) sont d'anciēne accoustumance, faciles à rebeller, reuolter, mutiner & entreprendre cōtre leurs roys, susciterēt plusieurs nouuelletez, entre eulx, & en leur royaume, qui lors s'estendoit iusques à Lyon, Besançon, & contenoit les pays qu'on diēt à present la Franche comté. Et iaçoit que depuis l'empereur Arnoul, iusques au tēps de leur roy lors regnant, nommé Rodulphus, ilz eussent tousiours esté subiectz voire obeissans à leurs roys particuliers, qui auoient regné entre eulx l'espace de cent & trente ans. Toutefois environ cediēt an mil trente quatre, aucuns d'iceulx Bourguignons s'esleuerent contre ledict roy Rodulphus, & prirent pour leur duc Odo, comte de champagne, son nepueu: Aucuns neantmoins ont voulu dire & escriuent que ce fut Robert frere de Henry roy de France. Semblablement feirent lesdictz Bourguignons plusieurs rebellions à leur dict roy en diuerses contrées de son royaume de Bourgongne: duquel pour ces causes & se voyant malmené par les siens propres, se desmeit tant par donation, que par son testament: & en uestit l'empereur Conradus qui print possession de la plus grande part d'iceluy royaume de Bourgongne, lequel des ce temps là (ainsi que tient Sigebert) fut diuisé en deux partz, l'une qui touchoit au pays de champagne, ont tenu les François, & l'autre regardant Besançon, les empereurs d'Almanac. Aucuns historiens François ont escript, que les Bourguignons rebellans se donnerent à l'empereur Conradus: mais cela est faulx. Car au contraire leur roy Rodulphus s'y donna, à raison que lesdictz Bourguignons rebelloient à luy. Voyez à ceste fin (s'il vous plait) & pour preuue de ce Sigebert, soubz l'année mil trente quatre, & mil trente cinq: Ensemble Naclerus en la trentecinquieme generation.

¶ De ceste donation ne fut content Odo, comte de Champagne & Brie, nepueu dudict Rodulphus, & duquel auons parlé cy dessus, par ce qu'il pretendoit droit à la succession de son oncle, & au royaume de Bourgongne. Au moyen dequoy, assembla grosse armée, entra es pays subiectz & tenuz de l'empereur Conradus, & pour la premiere entreprinse assiegea la cité de Toul, ville limitrophe de France, & de Bourgongne, au deuant & entour de laquelle il fut longuement campé, parce que ceulx de dedans se deffendirent vaillamment: mais au dehors n'y auoit empeschement ne deffence, obstant l'absence de l'empereur, qui lors estoit occupé es autres contrées de l'empire en diuerses barailles. Pour ceste cause ledict comte Odo fait maulx innumerables, par tout le pays circonuoyfin, bruslant & destruisant villes chasteaulx, eglises, & monasteres, sans exception, reuerence, ne remission. Entre lesquelz fut bruslé & rasé le chasteau de commercy, & l'eglise d'iceluy, comme auons dict en la vie du bon Abbé Richard.

¶ L'empereur Conrad certioré de telles violences & tyrannies, y voulant resister prépara en Germanie vn gros exercite, avec lequel vint en Lorraine deliberé leuer le siege de deuant Toul, mesmes combatte ledict Odo comte de champagne: d'entré il meist son camp & armée composée de gens de diuerses nations, au lieu de saint Mihiel prenant logis, pour sa personne dedans l'abbaye & monastere dudict lieu, ou il fut receu humainement, par le surnommé Abbé Nanterus. Pendant troys iours entiers, qu'il fut illec, avec tout son camp, tout le pays (ainsi qu'en tel cas aduient ordinairement) fut tout destruit, par ses gés d'armes, qui mägerēt tout, sans qu'on y peust mettre ordre, pour ce que c'estoit en tēps de moisson. A raison dequoy vn iour entre autres q̄

*Nouvelles factiōs au royaume de Bourgongne.*

*Estleū du royaume de Bourgongne*

*Rodulphus roy de Bourgongne.*

*Rebelliō des Bourguignōs.*

*Bourgongne diuisée en deux parties.*

*Odo cōte de champagne poursuit le royaume de Bourgongne, contre l'empereur Conrad.*

*Odo de Champagne assaille Toul & brusla le chasteau de commercy.*

*L'empereur Conrad met son camp à S. Mihiel.*

# Le.iii. liure des antiquitez de la gaule Belgicque, 16

*L'empereur Conrad baille vne bague d'or à l'eglise de l'abbaye de S. Mihiel.*

*Appoinctement entre l'empereur Conrad & Odo de champagne.*

*Nouvelle rebellio d'Odo de Champagne contre l'empereur.*

*Odo de champaigne fut deuat Bar, par Gozelo.*

ledict empereur visitoit ladicte abbaye, l'eglise, cloistre, & couuent d'icelle l'Abbé Nanterus, homme fort scauant & eloquent, luy remōstra les pertes & dommages que son armée auoit fait, durant qu'elle se r'afreschissoit, & encore faisoit de iour en iour: Luy priant humblement vouloir auoir pitié de son abbaye & le recompēser au cunement. A quoy l'empereur feit responce, contenant promesse, que si tost que son entreprinse, contre Odo son ennemy auroit prins fin, il luy donneroit telle recompense qu'il seroit content. Et deslors bailla vne bague d'or enrichie de pierreries audict Abbé, pour la decoration de son eglise. Puis apres que ses gens furent reposez & rafreschiz, se partit amiablement de ladicte abbaye, faisant marcher son armée, vers Toul, contre son ennemy le comte Odo, lequel aduertiy de sa venue, & de la grosse puissance qu'il menoit, fut bien estonné, estant bien assure qu'il n'auoit armée & force egale à celle dudict empereur. Vers lequel à ce moyen il enuoya deux grands personages, qu'il reputoit ses amys & fauoriz, pour le prier & estre mediateurs de paix & appoinctement, avec luy. Ces deux Embassades, dont l'vn estoit Gozelo duc de Lorraine: L'autre Theodoric deuxieme de ce nom, euesque de Metz, celuy mesmes qui vsurpa l'euesché de Metz, sur le ieune filz de Theodoric, duc de Mozelane ( comme auons escript cy deuant) firent tant vers l'empereur que l'appoinctemēt dudict comte Odo fut fait, entre eulx. Parquoy cesdictz Embassadeurs & mediateurs menerent iceluy Odo à l'empereur, qui le receut, luy pardonnant: Apres toutefois auoir fait serment solemnel de à l'aduenir n'entreprendre, ne porter armes contre luy. Soubmettans au reste leurs differens à la congnoissance deliberation & aduis des comtes Palatins de la court imperiale. Par ce moyen l'empereur retirant son armée hors des pays, s'en alla en Germanie poursuiure ses premieres entreprinse, & guerres qu'il y auoit discontinuē empesché par celles dudict comte Odo, lequel tost apres mettāt en oubly les sermens solemnelz & promesse qu'il auoit fait: & voyant l'absence de l'empereur, assembla de nouveau grosse armée de François, avec laquelle print à force le chasteau de Bar, qui appartenoit aux deux filles du duc Theodoric. Desquelles l'empereur auoit crée tuteur Gozelo duc de Lorraine, qui aduertiy de ce, voyant les terres desdictes filles, & celles de l'empereur estre iournellement destruites & gastées, par ledict comte Odo, pour l'appoinctement duquel dessus déclaré, il s'estoit entremis, & d'iceluy esté mediateur, assembla gens de son pays de Lorraine, avec lesquelz veint rencōtrer en bataille rengée, ledict comte Odo & les princes François, ses alliez, lesquelz par la vaillance dudict Gozelo, furent deffaitz, & rompuz demourant à Gozelo la victoire & iournée en laquelle mourut ledict comte Odo, & plusieurs princes de France, ainsi qu'auons dict en la vie du bon abbé Richard, qui se trouua à ladicte iournée, pensant mettre paix entre les deux ostz, mais il arriua trop tard. Il fut cause & moyen toutefois d'en sauuer plusieurs. Ceste victoire qui aduint enuiron l'an mil trēte sept admena plaisir à l'empereur, pour ce signamment qu'elle auoit esté obtenue en son absence. Et tost apres icelle veint es pays de Lorraine, esperant s'y disposer à fin d'aller en Italie reprimier les Lombards, qui rebelloient contre luy: & tandis que ses preparatifz se faisoient remecia bien fort le duc Gozelo, de la belle victoire qu'il auoit eu, soubz son nom, en faueur & tution du bien de ses niepces, luy promettant de ce grosse recompense.

¶ Or pendāt que l'empereur estoit es marches de Lorraine, Nanterus abbé de saint Mihiel se souuenant tresbien des promesses dudict Empereur de recompēser son abbaye des pertes & dommages qu'elle auoit souffert durant le seiour fait par son armée audict saint Mihiel & es enuiron (comme dessus a esté dict) delibera aller vers luy, & le solliciter sur l'effect desdictes promesses. Toutefois auant que partir, aduisa que demander grosse somme d'argent audict Empereur, ne luy seroit possible agreable, obstant que iournellement il assembloit deniers de toutes pars, à fin de parfaire son voyage d'Italie. Par tant trouua par le conseil de ses bons amys,

mesme

# depuis Hue Capet, iusques à Loys viij. du nō. F. ccxxvii.

mesme du bon Abbé Richard, qu'il debuoit demander audiēt Empereur la restitution d'aucūns villages & terres, estans au pays qu'ō disoit lors Sainctise, à present Hareuille distant dudiēt sainct Mihiel, enuiron douze lieues, que Frederic & Theodoric ducz de Mozelane auoient par force occupé & entrepris, sur son abbaye, comme auons dict cy deuant. Pour doncques mieux & plus facilement obtenir & impetrer ce qu'il entendoit demander, il se retira vers lesdictes Beatrix & Sophia, ieunes filles du duc Frederic, lors nourries en la court de l'empereur, noblement & comme filles de roy, avec leur tante Gisela femme dudiēt empereur Conradus, les priant luy prester ayde en ceste part, & leur consentement sur ladiēt restitution, qui luy estoit necessaire, par ce qu'elles ioyssioient & auoient tousiours ioy desdictes terres & seigneuries depuis le trespas des ducz de Mozelane, leurs ancestres vsurpateurs d'icelles. Les prieres & remonstrances dudiēt Nanterus donnerent tant de lieux aux consciences de ces deux ieunes princesses, que meues de zele, & deuotion, à fin ausi de donner occasion de prier Dieu, pour les ames de leurs predecesseurs, elles furent contentes, icelles terres & seigneuries estre rendues audiēt Abbé. Et elles mesmes en firent la demande à l'empereur, qui facilement leur accorda, donnant audiēt Abbé, pour executer ladiēt restitution, le maintenir & garder en possession d'icelles terres & seigneuries, son propre nepueu Gerard d'Alfatie deuxieme du nom, comte de Castinach, filz de Richard d'Alfatie (duquel auons ia parlé) & de la seur de l'empereur Conrad, lequel Gerard estoit grand prince, & puissant entre ceulx du pays, comme est escript es antiquitez de l'Abbaye de sainct Mihiel, parlans de l'abbé Nanterus, en l'erection du prioré de Hareuille, soubz ces motz.

*D A T O sibi defensore, & in rerum redditarum adiutore Gerardo Comite, Augusti nepote in illis regionibus, oppidis, possessionibus, diuitijs, pre cunctis potente.*

¶ Ce Gerard auoit vn frere, nommé Albert d'Alfatie, qui fut duc de Mozelane, ausi eut vn filz, nommé Gerard comme luy, qui semblablement fut duc de Mozelane, ainfi que nous dirons, selon l'ordre du temps.

¶ Ces deux filles Beatrix & Sophia, apes auoir esté noblement nourries & entretenues, par leur tante Gisela imperatrix, furent haultement mariées par l'empereur, cōme dict Laurentius Leodien. La premiere Beatrix, eut pour mary vn noble & riche Marquis d'Italie, nommé Boniface, Marquis de Montferrat. Sophia l'autre fille fut mariée à Loys de Monzion, ou Monsson (ainsi que l'escript lediēt Laurentius Leodien.) à qui pour la portion patrimoniale d'icelle Sophia sa femme, fut donné le chasteau de Bar, la Vvourie sainct Mihiel, & la comté d'Amance, pres Nancey. Cestuy Loys, selon aucuns se nommoit comte de Ferrette: & sa femme Sophia cōtesse de Bar. Elle fut la premiere (cōme dient aucuns) qui print le nom de comtesse de Bar, enuiron l'an mil soixante fix. Et eut de sondiēt mary Loys de Monsson deux filz, dont l'vni fut nommé Theodoric, qui succeda à son pere, tant à Monsson qu'à la comté de Bar: L'autre nommé Frederic mourut ieune. Apres la mort duquel & d'iceluy Loys son pere icelle Sophia sa vesue, fonda vn anniuersaire en l'abbaye de sainct Mihiel, comme appert par les antiquitez dudiēt monastere au chapitre quarantequatrieme.

¶ Ladiēt Sophie se tenoit la pluspart du temps à sainct Mihiel & es lieux circōuoyfins, à raisō de la Vvourie de l'Abbaye dudiēt lieu, ausi qu'elle s'y aymoient plus qu'à autre. De sorte qu'assez pres de ladiēt abbaye, & en l'enclos mesmes d'icelle ville de sainct Mihiel, elle feit edifier & construire vn chasteau & forteresse puissant assez pour resister aux ennemys & à ceulx qui entreprendroient sur ladiēt Abbaye de sainct Mihiel, à laquelle pour l'amour & deuotion qu'elle y auoit, feit plusieurs grāds biens: Entre autres apres le deces de son mary Loys, en la presence de son filz Theodoric, elle associa l'Abbé & le couuent dudiēt sainct Mihiel à la seigneurie dudiēt chasteau, comme nous dirons cy apres en l'euesque Theodoric, qui fut enuiron l'an mil septante sept, du temps du Pape Gregoire septieme du nom.

*La seigneurie de Sainctise à present dite Hareuille, vsurpée sur l'abbaye de S. Mihiel par les ducz de Mozelane.*

*L'abbé Nanterus obtient le consentement de Beatrix & Sophie pour la restitution de Hareuille.*

*Gerard de Castinach, nepueu de l'empereur Conrad*

*Beatrix mariée, à Boniface Marquis de Montferrat.*

*Sophie mariée à Loys de Monzion ou Monsson.*

*Sophie premiere comtesse de Bar.*

*Sophie ediffia le chasteau de sainct Mihiel.*

¶ Or pouf

# Le.iiii. liure des antiquitez de la gaule Belgicque,

*L'Abbé Nanté-  
rus feut ediffier le  
prioré de Haruil  
le diocefe de Toul.*

*Partie des rentes  
de Haruille appli-  
quée à l'eglise col-  
legiale de la Mot-  
the.*

¶ Or pour retourner à nostre premiere matiere, Nantérus Abbé, ayāt obtenu ce qu'il de mandoit, & considerant lesdictes deux filles estre mariées à princes & hōmes de quelz la mutabilité estoit a craindre à fin d'obuier que lesdictes terres luy fussent de rechef ostées, feut comme prudent & sage, ediffier vn monastere dependāt de son abbaye, au lieu plus conuenable d'icelle seigneurie recourée, ainsi que dict a esté cy dessus: lequel monastere il feut appeller Haruille, & en iceluy feut transporter le corps & reliques de saint Calixte Pape & Martyr, qu'il auoit rapporté de Rome, instituant & ordonnant audiēt monastere certain nombre de religieux, pour y seruir Dieu à tousioursmais, & pour lesentretenir, applica toutes les rétes & reuenuz desdictes terres & seigneuries nouuellement recourées: desquelles les Abbez & religieux du monastere de saint Michel, ioyrent iusques enuiron l'an mil cinq cens, que le roy René duc de Lorraine, de l'autorité du saint siege apostolicque, applica la plus grande partie desdictes rentes & reuenuz d'iceluy monastere de Haruille, à la fabricque de l'eglise collegiale de la Motthe en Barrois. laissant seulement en iceluy prioré, ou monastere de Haruille l'eglise ancienne, avec quelque portion des rentes d'iceluy, pour gouverneur vn prieur religieux de ladicte abbaye.

*Deuotio de l'eues-  
que Raimbertus à  
S. Agry.*

*La chappelle S.  
Martin, ou estoit  
le corps S. Agry.*

¶ Or pour retourner à nostre euesque Raimbertus, il viuoit pendans les choses susses en tresgrande perfection de vertuz, sollicitant & diligemment poursuuant l'augmentation de l'hōneur de Dieu, vsant en tous ses affaires & aduersitez du conseil du bon Abbé Richard. Ce bon euesque Raimbertus auoit eu tousiours de son institutio en deuotion & singuliere reuerence, saint Agry, le corps duquel gisoit sans reuerence en vn petit prioré de l'ordre saint Benoist, fondé en l'honneur de saint Martin. Lequel lieu combien que d'ancienneté, eust esté la maison paternelle dudiēt S. Agry, & que durant sa vie qui estoit en l'an cinq cens nonante y eust premierement erigé vne chappelle (comme nous auons dict cy dessus en traitant sa vie) Toutefois enuiron l'an neuf cens soixante, Vvilgfridus euesque, filz du duc de Baviere, auoit baillé icelle chappelle au monastere de saint Paul de Verdun, qu'il auoit reduit soubz l'ordre & reigle de saint Benoist, à fin d'augmenter l'entretenement des religieux dudiēt monastere.

*L'euesque Raim-  
bert<sup>s</sup> retire le prio-  
ré S. Martin, du  
monastere S. Paul  
pour ediffier l'ab-  
baye S. Agry.*

*Baldricus premier  
Abbé de S. Agry*

¶ Si delibera l'euesque Raimbertus enuiron l'an mil trente sept, eriger vn monastere en l'honneur dudiēt saint Agry. Et pour ce que lediēt prioré de saint Martin luy sembla lieu plus conuenable à ce faire, a raison que le corps dudiēt saint Agry estoit encores inhumé en icelluy. Trouua maniere par grosse recōpense & permutations d'autres rentes, de retirer iceluy prioré des religieux de saint Paul du consentement desquelz lesdictes permutations furent par apres authorisées & emologuées, par le Pape Leon neuuiesme de ce nom, & par l'empereur Henry troysiesme, soubz la date de l'an mil octante neuf. Puis ayant lediēt Raimbertus iceluy prioré en sa disposition, y feut en toute diligence ediffier vne eglise, avec habitations conuenables à religieux. Ce fait institua là premierement pour Abbé, vn homme de sainte vie, nommé Baldricus: ensemble certain nombre de religieux, soubz luy, qui prindrent l'habit de l'ordre, reigle, & profession de saint Benoist. Et incontinent apres telles institutions, feut iceluy Raimbertus, esleuer de terre, par grand honneur, & reuerence le corps dudiēt saint Agry, le mettant en vne chasse, & changeant deslors le nom dudiēt prioré soubz le tiltre & inuocation de saint Agry, qu'il a retenu iusques à present.

*L'euesque Raim-  
bertus entreprend  
le voyage de Hier-  
usalem.*

¶ Ce fait, auant toutefois que lediēt Raimbertus eust entierement pourueu de rentes & reuenuz suffisans, pour entretenir, nourrir & alimenter celdictz Abbé & religieux, aisi par luy fondez: Luy print deuotion de visiter le saint Sepulchre de Iesuchrist, en Hierusalem. Pour faire lequel voyage, print avec luy deux de ses confreres chanoines de son eglise de Verdun, l'vn nommé Bernerus, l'autre Bernardus, ses bons amys, fidelles, & familiers: Avec lesquels il partit de Verdun au grand regret de tout le clergé & des citoyens de sa cité: Laisant toutefois la charge & gouuernement de sondiēt euesché au bon Abbé Richard, & à son filleul le ieune

# depuis Hue Capet, iusques à Loys viij. du nō. F. ccxxviii.

ieune Richard, qui deslors resplendissoit en toutes vertuz. De la print son chemin par la Germanie & Hongrie, pour passer à Constantinople, differant aller par l'Italie, Rome, & Sicile, qui neantmoins estoit lors le chemin plus frequenté: Mais il feit ceste difficulté à raison des grandes guerres que faisoit en ce temps là en Lombardie, Romanie, Sicile, Pouille, & Calabre, l'empereur Conradus, reprimant la rebellion des Princes desdictz pays, mesmes des Lombards, qui auoient tous coniuéré ensemblement ne permettre iamais Prince dominer sur eulx, s'il ne faisoit du tout à leur volonté. A raison dequoy ledict Conrad empereur, print quelques euesques du pays, lesquels conuaincuz du cas, il feit mettre en prison, entre autres l'euesque de Milan, qui toutefois eschappa. Au moyen dequoy l'empereur ordonna à ses gens la vigile d'une feste de Penthecouste, de brusler les faulxbourgs dudict Milan: ce qu'il feirent, & eust continué à opprimer la ville, d'auantage, n'eust esté que le iour de ladicte solemnité, pendât que ledict empereur faisoit celebrer la messe, par Bruno Archeuesque de Colongne, furent ouyz fouldres, & tonnerres merueilleux. Et qui luy fut rapporté, par ledict Bruno & deux ou troys tesmoins dignes de foy, qu'il auoient veu en celebrant la messe, par vision saint Ambroise, qui sembloit estre irrité & indigné contre luy, à raison de quoy craignant la fureur de Dieu, il laissa l'assault de Milan, prenant le chemin de Rome, ou il receut la coronne imperiale, puis retourna en son pays d'Almagne, ou l'année mesme de son retour, qui estoit l'an mil quarante, il mourut, & fut inhumé à Spire. En son lieu succeda, & fut esleu son filz Henry troysieme de ce nom, surnommé Niger.

*Raimbertus prend son chemin par Hongrie.*

*Coniuration des Lombards, contre l'empereur Conrad.*

*Apparition de S. Ambroise, menasant l'empereur Conrad.*

*L'empereur Conrad mourut l'année mesme de son coronnement.*

¶ Semblablement audict temps, tout estoit en troubles de guerres, & grandes dissensions es pays de la Pouille & Sicile. Car peu auant vn vaillant homme, natif de Normandie, nommé Robert Guichard, seigneur de Hauteuille, pres Coustances, partit de son pays, avec grande multitude de Normans, en intention d'augmenter son nom & son bien: Et cherchant sa fortune veint au pays de la Pouille, la plus grande partie duquel il conquesta, faisant lors telz & si grands faitz d'armes, que tout le pays estoit en gros troubles & discors, pour la crainte que chascun auoit de luy. Brief il feit tant par succession de temps qu'il conquesta vertueusement la Pouille, Calabre & Sicile. Il eut troys nobles & vaillans filz, nommez Boëmon, Tancre & Roger, qui furent par leurs vertuz grandement renommés au pays. Cestuy Robert Guichard, fut le premier (comme on trouue par les histoires) qui recongneut & feit foy & hommage à l'eglise Romaine, des terres qu'il auoit conquestées en l'Isle de Sicile, la Pouille, & Calabre, Tuscanie, & Lucanie. Laquelle recongnissance il feit soubz le Pape Nicolas deuxieme, qui à ce moyen luy bailla en Calabre l'enseigne de l'eglise Romaine, le reuestant comme son homme des terres susdictes. La raison pourquoy ledict Guichard feit ce serment de feaulté à ladicte eglise de Rome, fut par ce qu'il scauoit icelles terres auoir esté données à saint Siluestre Pape, par l'empereur Constantin. Et apres elles estans occupées, partie par les Sarrazins, partie par les Lombards auoient esté reconquestées, par Charles le grand, qui les auoit restitué es mains de l'eglise. Depuis à l'occasiō dudict Guichard ceste reprise ainsi faicte par luy a esté cōtinuée, par plusieurs detenteurs & seigneurs d'icelles terres.

*Dissensions & guerres en Sicile & la Pouille.*

*Robert Guichard avec ses Normans en la Pouille, Calabre & Sicile.*

*Pourquoy Robert Guichard feit hommage au Pape, de Sicile & Calabre*

¶ Sigebert parlant d'iceluy Guichard, diēt qu'au pays de la Pouille, enuiron le temps que l'euesque Raimbertus entreprint son voyage en Hierusalem, y auoit vne statue & ymage de marbre, ayant autour de sa teste vn chappeller, ou cercle d'arain, ou estoient grauez & escript ces motz. *Calendis Maij Oriente Sole, habebō caput aureum.* Si auoit ledict Guichard en ses prisons vn Sarrazin lequel aduenant le premier iour de May, print intelligence de l'oracle & signification de l'ymage, de sorte que ayant considéré & noté le lieu de l'ymage d'icelle statue spécialement de son chef: Feit illec fouyr & caua en terre, ou il trouua vn infiny thresor, duquel il paya sa rançon.

*De l'ymage de marbre, soubz l'ymbre de laquelle fut trouuē vn grand thresor.*

¶ Pour

# Le iiii. liure des antiquitez de la gaule belgicque,

*L'euesque Raimbertus mourut & fut inhumé à Belgrade cité de Hongrie.*

¶ Pour doncques retourner à nostre premiere matiere de l'euesque Raimbertus, qui pour les causes cy dessus recitées, n'auoit voulu prendre le chemin d'Italie, pour aller en Hierusalem: Estant sur son voyage, fait tant par ses iournées, qu'il arriua avec sa compagnie à Belgrade cité située en Hongrie, ou fut surprins d'une maladie de laquelle tost apres il mourut en l'an de grace mil quarante vn & de son euesché le quatorzieme. Son corps fut la inhumé reueremment, avec grand ducil de ceulx de sa compaignie, qui sans parfaire leur voyage retournerent tristes & dolens à Verdun, ou furent faitz grands pleurs & gemissemens, de la mort dudit Raimbertus, tant du clergé que des citoyens: Principalement pource qu'ilz estoient priuez de la sepulture d'iceluy. Toutefois quelques iours depuis ilz furent à cest esgard aucunement cōsolez, ainsi que vous entendrez presentement.

*Les ossimens de l'euesque Raimbertus rapportez à Verdun, & inhumez à saint Agry.*

¶ Si tost qu'ilz eurent fait election d'un successeur euesque, qui fut le ieune Richard filleul du bon abbé Richard (comme sera dict cy apres) ilz delibererent par l'aduis de leur nouveau euesque, enuoyer gens expres à Belgrade, pour rapporter le corps dudit Raimbertus. Dequoy faire prindrent la charge & commission les deux tresvertueux personages chanoines de l'eglise de Nostre Dame, Bernerus filz d'un noble homme du pays, nommé Constantius, & Bernardus, ceulx mesmes qui auoient entrepris le voyage de Hierusalem, avec Raimbertus, lesquelz par grand zele d'amour & charité allerent à Belgrade, tirerent ledit corps de terre, bruslerent (selō la coustume d'adōc) la chair d'iceluy corps mort (Combien que de present telle maniere de faire soit abrogée & deffendue par le chappitre *Inhumanum*) les ossimens duquel rapporterent audit Verdun, ou il furent reueremment receuz du peuple, & avec grādes lamentations de nouveau inhumez en l'eglise de saint Agry, que ledit Raimbertus auoit nouvellement erigée, pres du maistre autel, presens & assitans l'euesque nouveau Richard & le bon abbé dudit saint Agry, nommé Baldricus.

*L'Abbaye S. Agry acheuée par les deux prochains subsequens euesques.*

¶ Or pour ce que ledit Raimbertus auoit esté preueni de mort, auant qu'il eust acquēte & assigné rentes, pour l'entretienement des religieux & monastere dudit S. Agry, ses deux prochains successeurs, Richard, & Theodoricus, acheuerent ladicte fondation: En sorte que depuis le saint seruire diuin y a esté tousiours deuotement continué, iusques à present. De nostre temps mesmes enuiron l'an mil cinq cens, pour certaines reparations qui se faisoient en ladicte eglise, a esté ouuert le monument dudit Raimbertus, par l'euesque & y furent trouuez ses ossimens encors tous noirs, & comme bruslez de feu, pour la raison que dessus.

## ¶ Les Papestenans le siege durant l'Euesque Raimbertus

*Vide supra.*



**I** O A N N E S vingtieme du nom, teint le siege de Rome quelque temps, durant nostre euesque Raimbertus.

*Benoist neuvieme du nom. clij. Pape*

**Benedictus** neuvieme de ce nom, Tusculain de nation, nepueu du Pape Iean vingtieme, fut le cent cinquante deuxieme Pape, l'an de grace mil trente deux. Les Lecteurs doyent icy noter qu'entre les historiographes, y a grā de diuersité des temps des Papes. Ledit Benedictus estoit hōme ignaue & indocte. Il vesquit selon aucuns trentequatrieme ans en l'estat Papal. Durant lequel y eut plusieurs Scismes. Car il fut deicté par les Romains qui en esleurent d'autres, puis fut remis par ses adherens, en la dignité Papale, en laquelle à ceste occasion scismaticque n'y auoit

*1000 ans de mort  
9 iours*



# depuis Hue Capet, iusques à Loys viij. du nō. F. ccxxix.

n'y auoit lors ordre aultre, ne meilleur, sinon que les plus fors tenoyent le lieu.

¶ On lit de luy, qu'apres sa mort, il s'apparut en forme de beste monstrueuse, & horrible, disant & publiant Dieu auoir ordonné & permis, qu'il feust veu, & s'apparust aux hommes en telle sorte monstrueuse; pource qu'il auoit vescu en la papaulté sans loy, raison, & comme vne beste.

**Siluester** III. de ce nom, fut esleu par force des Romains, au temps dudiect Beneditus neuuiesme, qui fut lors par eulx deiecté, touteuoyz lediect Siluestre ne vesquit que quarante neuf iours, apres lesquelz lediect Benoid neuuiesme fut restitué à force d'argent.

*Siluester iij.  
cliij. Pape.*

**Gregoire** VI. de ce nom, premierement archidiacre de saint Jehan à la porte Latine, fut fait Pape, cent cinquantequatre, du temps mesmes dudiect Pape Benoid, lequel se sentant beste, & inutile en l'administration de la dignité, consentit à l'election & reception dudiect Gregoire. Aucuns dient que lediect Gregorius acheta dudiect Pape Benoid la papaulté qu'il administra deux ans, & sept moys soubz lediect Benoid, lequel ensemble iceluy Gregoire, l'Empereur Henry iij. deietta, & mit par force au siege, l'Euesque de Bambergense nommé Sindegerus, qu'il fait appeller Clement deuxieme: Touteuoyz Martinus en sa cronicque, & Anthonius Florentinus dient, que iceluy Gregorius fut hōme magnanime, & qui profita beaucoup à l'estat de l'Eglise: reformant les faitz; & gestes de ses predecesseurs qui auoyent esté cause de la diminution de la dignité Papale. Il réduist tous les Romains à l'obeissance de l'Eglise, fait mourir, & extirper par ordre de iustice tous les larons vagabondz, & meschans gens, qui tenoyent & occupoyent lors toute l'Italie: dequoy lesdictz Romains, qui ia estoient accoustumez, & addonez à pilleries, & larrecins, n'estoyent contens, mais l'appelloyent l'homicide, & appetant sang humain. Et soubz couleur de ce, quand il veint à l'extremité de sa vie, les Cardinaulx là assistans, murmuroyent entre eulx, & disputoyent, qu'il n'estoit digne d'estre inhumé en sainte terre. Ce qu'il entendit, & encores qu'il feust au plus fort de sa maladie, tourna ses yeulx vers eulx, & les reprenant, & arguant griefuement, & robustement, leur remonstra & dist, que ce qu'il auoit fait estoient actes plus vertueux, que viceulx, allegant plusieurs raisons suffisantes pour sa iustification, pour preuue plus ample, de laquelle apres leur auoir dit & remonstré qu'ilz ne feussent si cruelz de le priver de sepulture Ecclesiastique les pria experimenter le iugement diuin, & qu'à ceste fin ilz laissassent son corps mort deuant le portail de l'Eglise, icelle preallablement bien fermée, & attendissent sur ce le vouloir de Dieu. Ce qu'ilz firent, mais incontinent s'esleua vn grand, & impetueulx vent, qui ouurant les portes de l'Eglise, ietta en icelle, le corps dudiect Pape Gregoire, lequel à raison de ce miracle, fut reuerement inhumé, en icelle Eglise, tellement qu'vn chascun eust estimation, & assurance, qu'il estoit decedé en tresbonne fin.

*Gregoire V I.  
cliij. Pape.*

*Diversité d'opinions du Pape Gregoire.*

*Experiance par iugement diuin, si la fin de Gregoire vj. estoit bonne ou mauuaisse.*

## LES EMPEREURS RE- gnans durant lediect Euesque Raimbertus.



**CONRADVS** II. de ce nom (duquel auons escript cy dessus, au precedent Euesque) regna du temps de nostre Euesque Raimbertus.

*Vide supra.*

¶

Henry

# Le iiii. liure des antiquitez de la gaule belgicque,

*Vide infra.*

**Henry** III. du nom, filz dudiect Conrad, succeda par election à son pere, en l'an mille, & quarante, en traitant duquel temps sera dict de luy, en l'Euesque subseqent.

## LES ROYS DE FRANCE, qui regnerent du temps diceluy Ra- imbertus Euesque.

*Vide supra.*



**ROBERT** premier du nom (duquel auons parlé, en l'Euesque precedent) regna enuiron quatre ans, durant nostre Euesque Raimbertus.

*Henry premier du nom xxxix. Roy de France. Erreur de Gaguin*

**Henry** filz de ce Roy Robert, regna apres son pere, en l'an mille & trente. Gaguin en son hystoire escript, que la Royne Constance sa mere, luy fut fort contraire, en ce qu'elle taschoit à faire roy son aultre filz puisné, Robert duc de Bourgongne. Mais à la verité Gaguin a erré en cest endroit. Car selon Sigibert en son hystoire, Constance mourut l'an cinquieme, du regne de Robert son mary, lequel print en secondes nopces (comme escript le suplemēt d'Annonius) La comtesse de Noyon, de laquelle il eut vn filz nommé Amaulry, qui engendra deux filz, Symon, & Amaulry, Symon engendra Amaulry de Montfort. Et Bertrande, qui fut comtesse d'Aniou, laquelle eut vn filz nommé Foulques, qui fut comte d'Aniou, & Roy de Hierusalem. Ce Foulques eut deux filz, Amaulry, & Bauldouyn, qui l'un apres l'aultre, furent roys de Hierusalem.

*Progenie de Foulques, Roy de Hierusalem.*

¶ Quoy qu'il en soit, le dessusdict Henry, par l'ayde de Robert duc de Normandie, iouyt, & obtint paisiblement le Royaume de France, puis apres reconnoissant les plaisirs receuz de Robert, fait tant que Guillaume filz bastard d'iceluy Robert duc de Normandie, succeda audiect duché, malgré tous les contredifans, & mena à ceste fin grosse guerre contre Guy de Bourgongne, qui pretendoit droict audiect duché, & la quereloit contre lediect Guillaume bastard, soubz couleur qu'il auoit espouſé Alix, sœur dudiect Robert de Normandie. Le semblable fait lediect Roy Henry, contre les princes & barons de Normandie, qui rebelloyent audiect Guillaume, contre lequel il eut bataille, en laquelle vn cheualier nommé Guillerein Constantin, donna au roy Henry vn tel coup de lance, qu'il l'abbatit, mais il fut incontinent releué, & remontré, & lediect Guillerein tué, neantmoins la renommée de son beau coup de lance, ne perist quant & luy, ains de la veint vn proverbe tel. De Constantin partit la lance, Qui abbatit le Roy de France. Depuis lediect Henry mena guerres, contre lediect Guillaume bastard, qui obtint plusieurs belle victoires, contre iceluy roy Henry, lequel finalement fait paix avec luy : Voyant qu'il prosperoit en tous ses faitz. De ce Guillaume sortit vne grande genealogie, & noblesse, car il engendra en Mathilde fille de Bauldouyn le piteux, comte de Flandres, troys filz, & quatre filles. L'ainné de ses filz nommé Robert, fut duc de Normandie, & conquesta Hierusalem, avec Godfrey de Buillon. Le second filz nommé Guillaume le Roux, fut roy d'Angleterre. Le tiers nommé Henry, fut aussi roy d'Angleterre, apres son frere. Les filles furent haultement mariées avec gros princes, & Seigneurs. Le susdict roy Henry eut deux femmes, en la seconde desquelles, nommée Agnez, fille du roy de Russie, il engendra troys filz, & vne fille. Le premier des filz, nommé Philippe luy succeda au Royaume, le second Robert, mourut ieune. Et le tiers Hue, fut comte de Vermandois de par sa femme. La fille fut mariée à Robert duc de Normandie. Puis ayant iceluy roy Henry, regné & tenu le Royaume enuiron trente ans, mourut l'an de grace, mille, & soixante. Et gist à S. Denys. En la supputation du temps de cestuy roy ya quelque diuersité entre les hystoriens.

*Le roy Henry abbatu d'un coup de lance.*

*Posterité de Guillaume bastard de Normandi.*

*Les enfans du roy Henry.*

depuis Hue Capet, iusques à Loys, viii. du nom F. ccxxx.

LES DVCZ DE LORRAINE

qui regnoyent du temps de l'Euesque Raimbertus.



GOZELO, ou Gothelo (duquel auons parlé au précédent Euesque) regna tout le temps de cest Euesque Raimbertus, & mourut enuiron troy ans, du temps du subseqent.

*Vide supra.*

LES COMTES DE BAR,

qui regnerent durant nostredict Euesque Raimbertus.



THEODORIC premier filz de l'ancien Frederic, duc de Mozelane, & comte de Bar (duquel auons escript en la fin du III. liure, en la vie de Vvilgfridus, & de Haymo) teint la comté de Bar, quelque tēps, durāt l'Euesque Raimbertus: A sçauoir, iusques à l'an mille, & trente deux, auquel temps mourut, laissant ses heritiers les deux filles de son filz, qui estoit mort auant luy, desquelles filles l'hystoire est telle, qui s'ensuit.

*Vide supra.*

**Sophie** fille du ieune Theodoric, ou du ieune Frederic, qui mourut auant iceluy Theodoric, premier du nom, succeda audiēt an, mille, & tētedeux audiēt Theodoric son ayeul, aux comtez de Bar, & d'Amance, ensemble à la vourie de l'Abbaye de S. Mihiel, elle fut toutefois desheritée du duché de Mozelane, que l'Empeteur Conrad bailla à Gothelo, ou Gozelo, duc de Lorraine, comme auons cy deuant amplement deduit. Elle fut selon aucuns hystoriens, la premiere comtesse de Bar, parce que ses predecesseurs portoyent le tiltre des ducz de Mozelane. Elle edifia le chasteau de S. Mihiel, & fit plusieurs fondations en l'abbaye dudiēt lieu. Son mary fut Loys comte de Mousson, & de Ferrette, duquel elle eut plusieurs enfans, qui moururent tous, excepté Theodoric, qui luy succeda. Depuis le deces de sondiēt mary, elle vesquit long temps en viduité. Puis mourut l'an mille nonantedeux, voyez nostre presente hystoire, & les antiquitez de l'abbaye de S. Mihiel.

*Sophie comtesse de Bar.*

*Pourquoy Sophie est diēte premiere comtesse de Bar.*

*La mort de Sophie.*

**Beatrix** sœur de ladiēt Sophie, fille du ieune Theodoric, aliās du ieune Frederic, fut semblablement desheritée comme ladiēt sœur du duché de Mozelane, l'an mille trentedeux.

¶ Pour l'intelligence de quoy fault noter, que les hystoriens sont en diuerses opiniōs; du pere desdiētes Sophie, & Beatrix, car aucuns ont escript, que le dessusmentioné Frederic l'ancien, premier du nom duc de Mozelane, qui edifia le chasteau de Bar. Entre aultres enfans, eut vn filz nommé Theodoric, premier du nom, qui luy succeda audiēt duché de Mozelane. Lequel Theodoric engendra vn filz nommé Frederic ij. du nom, qui fut pere desdiētes deux filles, Sophie, & Beatrix. Ce Frederic ij. mourut auant son pere Theodoric premier, en la tutelle duquel partant, demeurèrent icel les deux filles. De ceste opinion est le supplement de Bertharius en son collectaire, au chapitre commençant, *Igitur anno incarnationis, secundum Dionysium, millesimo, quadragesimo octauo. &c.* Ou il diēt. *Post obitum Theodorici ducis Barrensis, qui fuit filius nobilissimi ducis Frederici & Beatrix Hugonis Capitonis Francorū regij, sororis filius huius, Theodorici fuit iunior Fredericus qui mortuus est ante patrē suū. Cuius Frederici, dua filia post obitū eius, nobiliter educata, Beatrix data est vxor Bonifacio Marchioni Montisferrati. Sophia au-*

*Beatrix sœur de Sophie, mariée au marquis de Montisferrat.*

*Opinions diuerses sur ceste Beatrix.*

# Le.iiii. liure des antiquitez de la gaule Belgicque,

*tem Ludonico de Mouziane comiti. &c. De semblable opinion semblé estre Sigibertus Gemblacensis, soubz l'année mille trentetroys, ou il escript, Frederico Mozelanorum, duce mortuo, quia mares filios non habebat, quibus ducatus cōpeteret, Gothelo dux, impetrato ab Imperatore etiam Mozelanorum ducatu, in Lothoringia potentius principatur.*

Seconde opiniō de ladiēte Beatrix.

¶ L'autre opinion des hystoriens est, que Theodoric premier du nom, duc de Mozelane, eut vn filz nommé Theodoric ij. non pas Frederic, lequel Theodoric ij. engendra lesdites Sophie, & Beatrix, & vne aultre fille nommée Petronille, ensemble vn filz nommé Frederic, lequel Frederic, & leur pere Theodoric ij. moururent en ieunesse auant leur pere Theodoric premier, qui à ce moyen print la charge, & tutelle desdites filles, Sophie, & Beatrix, apres la mort duquel Theodoric premier ayeul, d'icelles filles, elles furent nourries soubz leur tante Gisela, femme de l'Empereur Contad, qui les maria: à sçauoir Beatrix, à Boniface de Montferrat, Sophie, à Loys de Mousson. Et petronille à Gerard comte d'Alsatie inferieure. Celle derniere opinion suyuent la plus part des hystoriens d'Italie, entre lesquelz Hubert Cardinal de Sicile, qui iadis fut religieux à Moyenmoutier, escript ce qui s'ensuit.

*H A C tempestate Theodoricus iunior comes Almaniae Theodorici senioris, Mozelanorum, ducis, ac Scenebildis, Angliae filius fato cessit. Cui Fredericus filius succedens, paucis diebus Lotharingis praesuit. Huius Frederici sorores fuerunt Sophia, quam Ludouicus comes, Beatrix quam Bonifacius marchio Monferraten. Petronix quam comes Elisatij uxores duxerunt.*

Quoy qu'il en soit appert, que ladiēte Beatrix est descēdue des ducz Mozelanicques, qui ausi portoyent tiltre de ducz de Lorraine, pour les raisons qu'auons souuent repeté cy dessus. Appert semblablement qu'elle fut mariée à Boniface, Marquis de Montferrat, &c.

Erreur en aucūns extraictz des hystoires de Luxembourz.

¶ On trouue es antiquitez de Luxembourg, qu'elle eut pour son partage, le comté de Brie, diocesse de Metz, & qu'elle eut vne fille nommée Mathilde, laquelle espousa Regnauld premier du nom, comte de Bar. Toutefois à la verité cela est faulx. Et ont equiuocqué les hystoriens, traictans ce passage, en prenant celle Beatrix, qui regnoit l'an mille, & quarente, pour vne aultre Beatrix, fille de Thibauld comte de Brie, diocesse de Metz, & femme de Sigifridus, filz de Theodoric, dernier du nom, duc de Mozelane. Laquelle Beatrix, eut vne fille nommée Mathilde, qui fut comtesse de Brye, & mariée à Regnauld comte de Bar, qui mourut enuiron l'an mille cent quarante & neuf, laissant plusieurs enfans, à sçauoir, Regnauld ij. comte de Bar, Theodoric qui fut primcier, & Euesque de Metz. Et Berthe comtesse de Brye, comme nous dirons suiuant l'ordre du temps.

Mathilde comtesse de Brie, femme de Regnauld comte de Bar.

¶ Vray est que ceste Beatrix, de laquelle nous parlons icy, eut des enfans de son mary Boniface, marquis de montferrat. Comme escriuent Petrarcha en ses elegies, Paulus Narrus. en son Cronicon, & Guillaume de montferrat, soubz ces mortz.

Genealogie des Marquis de montferrat.

*MORTVO Guillelmo Bonifacius eius nominis, primus fratrum maximus patri successit. Hic ex Beatrice Frāca filia comitis Lothoringiae Theodorici, ac Sigellae Conradi imperatoris uxoris nepitis, genuit Guillelmū qui patri successit, Bonifacium, Conradum, Beatricem, & Iudithā.*

¶ Et à fin d'entendre plus facilement, les successeurs de ladiēte Beatrix, j'escriray icy en brief la genealogie des marquis de montferrat, qui est cōme s'ensuit. ¶ Alaranus de Saxe, qui fut premier marquis de Monferrat, eut de sa femme Alix, fille d'Othon deuxieme, plusieurs enfans, entre lesquelz, Guillaume premier du nom, succeda au marquifat. Cestuy engendra en sa femme Helene, fille du duc de Cloestre, Boniface premier du nom, qui espousa Beatrix, fille de Theodore comte d'Amanse, filz de Theodoric duc de Lorraine Mozelanicque. Ce Boniface premier engendra en icelle Beatrix (qui est celle dont entendons parler) cinq enfans Boniface, Conrad, Beatrix, Iudith, & Guillaume, qui succeda à montferrat. Cestuy Guillaume eut deux femmes, Iulie fille du duc de Zvvaue, & Iudith, fille de Lupold, marquis d'Austrie, desquelles il eut plusieurs enfans: A sçauoir Guillaume Longue espée, qui print pour femme Sibile, fille d'Emeric, roy de Hierusalem, Raynerus qui fut roy de Thesalie, espousant à ceste occasion la fille d'Emanuel Empereur de Constantinoble. Et Boniface ij. du nom, lequel succeda à Mōtferrat, eut deux femmes, dont l'vne Agnez fille du

# depuis Hue Capet,iusques à Loys viij. du nō. F. ccxxxj.

filles il engēdra Cōrad de Mōtferrat, qui espoufa Yzabeau fille d'Emeric roy de Hieruſalem. Et ſi eut Guillaume iij. du nom, Marquis de montferrat, qui espoufa Agnez de Lorraine, fille du duc En laquelle il engendra Boniface iij. du nom, qui eut pour femme, Conſtance fille d'Aymé comte de Sauoye. De ceſtuy veint Boniface iij. du nom, marquis de Montferrat, qui espoufa Beatrix, fille du roy d'Espagne, en laquelle il engendra Iehan, premier du nom, Marquis de montferrat. Et deux filles: à ſçauoir Beatrix, femme d'Alphonſe Roy d'Espagne, & Agnes, femme de Vrſus patrice de Rome de la maiſon des Vrſins. Lediſt Iehan premier, laiſſa vne fille, nommée l'anne, laquelle fut marquieſſe de Montferrat, & eut pour mary Androuich Empereur de Conſtantinople, qui engendra en elle Theodoric, lequel ſucceda à Montferrat. Ce Theodoric eut de ſa femme Argentine, fille de Spinula, vne fille nommée Yoland, femme d'Aymé comte de Sauoye. Et vn filz nommé Iehan ij. du nom, qui fut marquis de Montferrat, lequel eut de ſa femme Elizabeth fille du roy de Majoric, troys filz, ſçauoir eſt, Orho, Iehan, Guillaume, & Theodoric qui ſucceda au marquiſat de Montferrat, ceſtuy Theodoric eut deux femmes, la premiere, Ieanne fille de Robert, premier duc de Bar. La ſeconde, Marguerite fille d'Aymé, prince d'Achaie, deſquelles il engendra Sophie, femme de l'Empereur de Conſtantinople, & vn filz nommé Iehan Iacques, Marquis de Montferrat, qui eut de ſa femme l'anne fille d'Aymé, premier duc de Sauoye, pluſieurs enfans, qui furent nommez l'vn Iehan de Montferrat, lequel eut à femme Marguerite fille de Loys, duc de Sauoye, l'autre Theodore qui fut Cardinal, Guillaume de Montferrat, Elizabeth femme du marquis de Saluces, qui engendra Amadea femme du roy de Cypre, & Boniface cinquieme, qui ſucceda à Montferrat. Ceſtuy eut deux femmes, Beatrix fille du duc d'Arminac, & Marguerite fille d'Eſtienne Deſpot de Saruie, eſquelles il engendra George, (qu'aucuns appellent ſainſt) & Guillaume à preſent marquis de Montferrat.

## LES SVCCESSEURS DES COMTES

de Haynau, qui eſtans conionctz au ſang d'Ermen-  
garde, fille de Charles premier duc de Lor-  
raine, regnerent durant noſtre E-  
ueſque Raimbertus.



EGNIER III. du nom (duquel auons ia parlé en l'Eueſque precedent) teint la comté de Haynau enuiron deux ans, durant l'Eueſque Raimbertus.

*Vide ſuprà.*

**Richilde** fille vnicque de ce Regnier iij. ſucceda de par ſon pere à la comté de Haynau. Elle fut mariée en premieres nopces, à Herman prince de Turinge, qui de par elle print tiltre de comte de Haynau. Il mourut l'an mille, cinquantevn, laiſſant de ſadiſte femme Richilde, vn filz nommé Robert, qui fut Eueſque de Chaalon, & vne fille Gertrude, laquelle fut religieuſe voilée. Parquoy leur mere Richilde, print en ſecondes nopces Bauldouyn, filz de Bauldouyn le piteux, comte de Flandres, duquel elle eut deux enfans, l'aiſné nommé Arnulphus fut tué par ſon oncle Robert, qui occupa la comté de Flandres, l'autre fut nommé Bauldouyn qui ſucceda à la comté de Haynau. Ladiſte Richilde eut pluſieurs batailles contre lediſt Robert Friſius, à fin de retirer Flandres, pour quoy faire, print vn troysieme mary nommé Guillaume Osbernius Normant, qui fut tué en pourſuyuant lediſt Robert, l'an mille, ſeptantevn. Finalement ladiſte Richilde mourut en l'an mille octante ſix. Voyez fut ce Meyerus en ſon hyſtoire.

*Richilde comteſſe de Haynau. Herman premier mary de Richilde. Bauldouyn de Fla- dres ſecond mary de Richilde.*

*Guillaume osber-  
nius ij. mary de  
Richilde.*

# Le iii. liure des antiquitez de la gaule belgicque,

## LES SVCCESSEURS DES COM-

tes de Louain, & de Gerberge fille de Charles, premier duc de Lorraine, qui regnoyent du temps dudit Euefque Raimbertus.

*Vide supra.*



**H**ENRY filz de Lambert premier ( duquel auons escript en l'Euefque precedent ) teint la comté de Louain, iusques en l'an, mille trentehuiet.

*Otho comte de Louain.*

**Otho** filz de Henry de Louain, succeda à son pere, à ladicte comté, en l'an mille le trentehuiet, auquel temps son pere fut tué ( comme nous auons dict cy dessus ) il ne teint longuement icelle comté, mais auant l'an finy de la mort de son pere, estant en la fleur de ieunesse, mourut sans enfans, parquoy son onclé Baldricus aliàs Lambertus deuxieme, succeda à Louain, comme tesmoigne Sigibert en son Cronicon, souz ces motz.

*HENRICVS Louaniensis comes, domi sua perimitur, à captiuo hermanno, eique succedit, filius eius Otho, cui immatura morte preuenito, successit patrum eius Baldricus, qui & Lambertus.*

*Lambert ij. comte de Louain.*

**Lambert** I. du nom, aliàs Baldric, filz de Lambert premier, succeda à la comté de Louain, l'an mille, & trenteneuf, apres la mort de son nepueu Otho decedé sans hoirs. Cestuy teint le party de Balduynus, puis comte de Flandres, contre l'Empereur Henry troysieme, le pays duquel ilz bruslerent, & gasterent en diuers lieux. A raison dequoy ledict Empereur, en l'an mille, & cinquantequatre, assembla grosse armée, avec laquelle veint assaillir Tournay, dedans laquelle estoit ledict Lambert, qui la gardoit pour ledict Baulduyn de Flandres, sur qui en fin iceluy Empereur print ladicte ville, quelque resistance que luy sceut faire ledict Lambert, qui y fut tué, ensemble plusieurs Flamans ( comme escript Meyerus, & Sigibert souz ladicte année ) Ce Lambert laissa de sa femme Ode, fille de Gozelo duc de Lorraine, entre aultres enfans, vne fille, & deux filz, desquelz l'aîné nommé Henry, luy succeda à la comté de Louain, l'autre nommé Regnier, fut tué à Hasburg. La fille nommée Ida fut mariée à Baulduyn comte de Haynau, filz de Richilde. Meyerus dit toutefois, souz l'année mille, & septantedeux, qu'elle estoit sœur dudit Lambert deuxieme, ce qui ne se peut prouuer. Aucuns historiens ont escript, que ledict Lambert deuxieme, estoit filz de Henry de Louain, dessus mentionné, non par son frere. Mais en ce ilz ont erré, comme on peut veoir par Sigibert dessus allegué, souz l'an mille, & trentehuiet, ensemble par vn viel historien nommé Gilles, Abbé de saint Trudon, en Halbin, qui viuoit du temps d'iceluy Lambert deuxieme, duquel il escripuit entre aultres choses, quelques vers, dont ie mettray icy vn petit extrait, par lequel, on pourra congnoistre de Charles de Lorraine, de son filz Otho, & de sa fille Gerberge, mariée au premier Lambert comte de Louain. Lesquelz vers contiennent.

*Ode fille de Gozelo, femme de Lambert ij.*

*Sic tua*


# depuis Hue Capet, iufques à Loys viij. du nō. F. ccxxxij.

*Sic tua res agitur dux Carole, sicque ducatum,  
Lotharicum perdis, dum tua regna petis.  
Filius Otho, tamen tibi dux successit in illo.  
Quem sibi confirmat imperialis apex.  
Huic quoque Germanam dant chronica scripta sororem,  
Nomine Gebergam, quæ mihi visa fuit.  
Hanc sibi Lambertus despondit quem Raginærum,  
Hannonia comitem, progenuisse ferunt.  
Huic quoque Henricus successit filius: Otho  
Qui sequitur frustra, nam sine prole fuit.  
Hunc quoque subsequitur Lambertus patruus eius,  
Qui regit has terras, Louanioque præest.  
Nonne vides igitur quàm clari sanguinis istos  
Vena venustavit? Troica quippe fuit, &c.*

*Extrait du secōd  
liure de l'Abbé de  
S. Trudon.*

FIN DE LA VIE DE  
Raimbertus trenteneufieme  
Euesque de Ver-  
dun.

## LA VIE DE RICHARD quarantieme Eues- que de Ver- dun.



**R**ICHARD quaratieme euesque de Verdun, & premier du nom, fut esleu l'an de grace mil quarante vn apres la mort de Raimbertus son predecelleur. Il estoit filz d'un noble comte, nommé Hildradus, surnommé Herebinus, de la Gaule Belgicque & de l'ancien royaume de Lorraine, es pays subiectz aux empereurs d'Almagne, assez voyfin de la cité de Verdun: Lequel Hildradus auoit des saieunesse tousiours suyui les armes, soubz les Empereurs Otho troysieme, & Henry deuxieme. Il estoit vaillant homme de sa personne, ayant tousiours deuant les yeulx, l'amour & crainte de Dieu. Et pource qu'il auoit des biens, terres, & seigneuries, pres de Verdun, frequentoit souuent en la cité, prenant en ce faisant grande amitié & familiarité au bon Abbé Richard, qui de son temps viuoit en grand bruit de vertuz & de toute saincteté. A duint que ledict comte eut de sa femme vn beau filz: & pour les vertuz, amour, & reuerce qu'il auoit audiect Abbé Richard, le pria tenir son enfant sur les saintz fons de baptesme: Ce qu'eut agreable ledict bō abbe, qui le nōma de son nom

*Richard premier  
du nom. xl. Eues-  
que de Verdun.*

*Hildradus pere  
de l'euesque Ri-  
chard.*

*L'abbé Richard  
parrain de l'eues-  
que Richard.*

Q iiii son nom

# Le iiii. liure des antiquitez de la gaule belgicque,

*L'euesque Richard en ieunesse nourry à Verdū, & fait chanoine de l'eglise cathedrale.*

*Donation de Hildradus à S. Venne ou il fut inhumé.*

*Richard euesque par le moy de son parrain l'Abbé Richard.*

*La côté de Verdū confirmé par Héry. iij. à Richard.*

*Dös de l'empereur Henry. iij. à l'eglise de Verdun.*

*Reparation de la maison episcopale, par l'euesque Richard.*

*L'office de l'anonciatiō Nostre Dame fondé par l'euesque Richard.*

son nom Richard. L'enfant fut nourry en son enfance, & iusque à l'age de sept ans, ou enuiron, en la maison de son pere, lequel desirant icelluy estre institué & endoctriné en vertuz & sainctes sciences. L'enuoya à Verdū, pour y suiuir les escolles, pres son bon parrain l'Abbé Richard, qui le receut doucement, le traita & endoctrina, de sorte qu'il veint en grande perfection de bonnes meurs & lettres, prenant ce pendant si grand amour à son bon parrain l'Abbé, que iamais depuis ne voulut laisser sa compagnie: Mais à fin d'y assister & la continuer sans cesse eueut l'estat ecclesiastique. Puis fut proueu de la prebende de l'eglise de Verdun, faisant sa continuelle residence, avec ledict abbé Richard. Quoy voyant son bon pere Hildradus, en rédit graces à Dieu, & à ceste occasion feit de grands biens à l'abbaye de saint Venne: entre autres il y bailla de son propre heritage vn village & seigneurie, que les chartres de saint Venne appellent Thermiscurté, avec toutes ses dependences. Et deslors eueut sa sepulture en l'eglise dudit saint Venne. En laquelle perseuera son filz Richard, en la compagnie de son dict parrain, profitant de vertuz en vertuz, tant qu'il print les sainctes ordres de prebstrise, suyuant tousiours les vertuz de son bon parrain, en sorte qu'il estoit aymé & honoré d'vn chascun.

¶ Or aduenant la vacation de nostre euesché de Verdun par la mort de Raimbertus. Le bon abbé Richard ia fort vieil & ancien, à la petition & prieres instantes de tous ceulx du clergé & citoyens de Verdun, s'en alla à l'empereur Henry troysieme (qui nouvellement auoit succédé à l'empire, apres Conrad) duquel il obtient icelluy euesché, pour son fillen le ieune Richard. Au profit duquel ledict empereur Héry, soubz la faueur & reuerence qu'il portoit audict bon Abbé Richard, confirma de nouveau, de puissance & auctorité imperiale, le droit à la comté de Verdun, avec pleine puissance à l'euesque dudit lieu de commettre & de puter tel qu'il luy plaitoit, pour l'exercice d'iceluy comté. Et ce conformement à la donation que le comte Fredericus cy deuant mentionné, auoit fait à l'euesque Haymo de ladicte comté: Ensemble suyuant la confirmation d'icelle donation faite par son dict pere Conrad, au profit & a la diligence de Raimbertus predecesseur & dernier euesque. Dauantage ledict empereur Henry, pour le bon amour qu'il auoit audict Richard, bailla à l'eglise de Nostre Dame deux croix d'or aornées de pierres precieuses, six chandeliers d'argent, vn encensier d'or, pesant troys liures: & autres biens, comme escript Laurentius Leodienfis.

¶ De ceste prouision faite dudit euesché, audict ieune Richard, furent grandemēt restouyz les gens du clergé, & citoyens de Verdun, & en rendirent graces à Dieu: Soubz le bon vouloir & plaisir duquel ilz esperoiēt la chose publique de l'eglise, voire celle du temporel d'icelle deuoir accroistre & augmenter, par l'administration de leur nouveau euesque: En quoy ilz ne furent frustréz de leur intention & esperance. Car incontinent apres la reception d'icelluy Richard, il meit en toute diligence, ordre de reformer l'estat ecclesiastique, d'augmenter le saint seruice diuin, reparer & decorer les eglises, qu'il enrichit de plusieurs precieux aornemens, y faisant beaux dös comme fera dict cy apres.

¶ Semblablement feit reparer & de nouveau edifier aucunes chambres & salles de la maison episcopale, lesquelles auoient esté bruslées, par Gozelo duc de Lorraine, au temps de son predecesseur Raimbertus. Il ne cessoit de poursuiure continuellement le bien & vtilité de l'eglise, deffendant les droitz d'icelle, cōtre les ennemys & illicites, vsurpateurs, & acquistāt de nouveau, pour l'augmētatiō d'icelle, plusieurs reuenuz, & rentes. Entre autres il achepta de son propre, d'vne noble vesue, nommée Raignarde la terre & seigneurie de sief (que Bertaire appelle en son collectoire Vnosphia elle a de present autre nom) laquelle il bailla à ses confreres chanoines de Nostre Dame, avec toutes ses appertenance. A la charge de celebrer chascun an, en l'eglise la feste de l'anonciation Nostre Dame, laquelle parauant n'estoit solemnisée ne celebrée en icelle eglise.



# depuis Hue Capet, iusques à Loys, viii. du nom F. ccxxxiii.

¶ Les vertuz d'iceluy euesque Richard, furent si grâdes que tous ceulx du clergé prenoient vouloir de bien faire à l'imitation de luy. Entre lesquelz estoit vn homme de sainte vie Doyen de son eglise, nommé Vvarimundus, qui bailla à ladicte eglise, vne chappe precieuse & de tresgrand pris, que le roy de France luy auoit donnée, par excellence, & pour remuneration d'aucuns seruices, qu'il auoit receu de luy.

*Vvarimundus  
doyen de Verdun*

¶ L'an mil quarante quatre, enuiron troys ans apres l'institution & reception de nostre euesque Richard, surueint si grâde famine en la Gaule, & en Germanie, que plusieurs pauures gens moururent de faim.

*Famine en France & Germanie.*

¶ Ceste mesme année Gozelo duc de Lorraine, qui tenoit la duché de Mozelane, alla de vie à trespas, apres auoir tenu la duché de Lorraine vingt quatre ans, ou enuiron. Et celle de Mozelane enuiron dix ans. Il laissa troys enfans males, l'vn desquelz nommé Frederic, print l'estat ecclesiastique, fut chanoine & archidiaque de Liege, depuis religieux & abbé du mont de Casine: Et finalement Pape de Rome, comme nous dirons en l'euesque subsequnt. Le second filz appellé Godefroy, surnomé le Breux succeda à la duché de Lorraine apres son pere. Le tiers filz, nommé le petit Gozelo, estoit fol & quasi incensé, neantmoins l'empereur Henry (ainsi que dict Hermanus contractus en sa cronicque) vouloit qu'il eust la duché de Mozelane, que son pere auoit tenu: mais sondict frere Godefroy le Breux l'empeschant, la demanda pour luy mesmes, allegant & remonstrant l'imperfection de sondict frere Gozelo: Toutefois l'empereur ne voulut accorder la demande d'iceluy Godefroy, ains luy refusa & bailla des l'heure ladicte duché de Mozelane à vn sien nepueu, homme noble, nommé Albertus d'Alfatie, autrement Adalbertus, qui estoit duc de longui castre aliàs de l'og castre, frere germain de Gerardus d'Alfatie comte de Castinach deuxieme du nom, duquel auons escript cy dessus. Ce que confirme Laurentius Leodien, vers le commencement de l'additiō, qu'il a fait en l'histoire de Bertarius. Sigebert ausi le tesmogne soubz l'année mil quarante quatre. Et Meyetus, en l'an mil quarante six, en ces motz.

*La mort de Gozelo duc de Lorraine, & de ses enfans.*

*Frederic filz de Gozelo.*

*Godefroy le breux filz de Gozelo.*

*Le petit Gozelo incensé.*

*Le duché de Mozelane refusé à Godefroy, & baillé à Albert comte de longcastre.*

*CAVS A eius discordia exiit Mozelanorum ducatus à Conrado Augusto Gotheloni duci attributus, sed ab Henrico Conradi successore Gothofredo Gotheloni filio ablatas, Alberto que cuidam traditus, &c.*

¶ Cestuy Albert estoit duc de longcastre deuxieme, qui est vne duché situé en Alfatie, tirant vers Strabourg assez pres d'une comté appellé Castinach.

*Situation de la duché de longcastre.*

¶ De ce refus Godefroy le breux trop mal content se declara des l'heure rebelle & en nemy d'iceluy Empereur. Puis se retirant en sa duché de Lorraine, assembla gens, avec lesquelz faisoit ordinairement courses & pilleries, sur les pays de l'empereur. Ce Godefroy durant la vie de son pere Gozelo auoit prins femme en premieres nopces, laquelle en ce temps dont nous parlons mourut, laissant à son mary troys enfans, vne fille & deux filz, de l'aisne, duquel ne se trouue es histoires autre chose si nō qu'il mourut en la court de l'empereur, ou il estoit en ostage, pour son pere. Le second fut nommé Godefroy au gros col autrement le bossu. La fille nommée Idain fut mariée à Eustace comte de Boulongne. Desquelz enfans nous parlerons cy apres.

*Godefroy le breux rebelle & ennemy de l'empereur Henry. iij.*

*Les enfans de Godefroy le breux.*

¶ Aduint en l'année subsequnte, à scauoir mil quarante cinq, que l'empereur Henry (comme dict Nauclerus) teint vn grand concile, & assemblée generale de tous les princes & nobles de l'empire, au lieu de Treues, ou il traita plusieurs gros affaires, tant sur l'entreprinse de son voyage en Italie, pour son couronnement, que de prendre femme, & se remarier. Pour autant que sa premiere femme, fille de Conto, roy d'Angleterre, qu'il auoit prinse du viuant de son pere Conradus, femme de grande beauté singuliere. Fut accusée d'adultere, par vn noble de la court, homme vaillant aux armes, & de stature de Geant, du moins si grande

*Cécile general de l'empereur à Treues.*

*L'impératrice accusée d'adultere & deffendue par vn ieune enfant.*

# Le.iiii. liure des antiquitez de la gaule Belgicque,

qu'on ne pouuoit trouuer homme qui oſast entreprendre le combat cõtre luy, sur la deſſe de l'imperatrix. Pour laquelle à la fin vn ieune enfant qu'elle auoit admené d'Angleterre se veint presenter, offrant deſſe de l'innocence de sa dame & maistresse, à quoy fut receu. Au moyen dequoy luy & l'accusateur furent mis en plain camp de bataille, ou ce ieune enfant feit tant par l'ayde de Dieu, qu'il vainquit l'accusant, luy couppa les nerfz des genoulx Et finalement le tua, rendant par tel fait & acte tant vertueux l'imperatrice innocente & deſchargée du crime à elle imposé. Toutefois elle demanda peu apres diuorſe de l'empereur, avec lequel quelques remonſtrances ny menasses qu'on luy sceust faire, elle ne voulut oncques puis demourer, mais entra en religion, ou tost apres elle mourut, ne laissant nulz enfans à son mary l'empereur Henry, qui à ceste occasion & pour auoir lignée estoit ſolicité de se remarier. Si fut conclud audict concile que l'empereur pren droit pour sa femme Agnez fille de Guillaume duc de Poiſtou. Laquelle ſuyuant ce il espouſa tost apres en la ville de Magonce. A la fin d'icelluy concile, deſirant l'empereur mettre paix, par toute la Germanie, & en tous ſes pays ſituez deça les monts: à fin de plus facilement parfaire son voyage à Rome, feit crier par edictz publicques, qu'il pardonnoit à tous ſes malſaicteurs, & remettoit toutes iniures & haynes à ſes ennemys & malueillans: de clarant paix generale, avec chaſcun.

*Edict de l'empereur de general pardon & abolition de tous crimes.*

¶ De cest edict & promulgation de paix, furent plusieurs ioyeux. Signamment le bõ Abbé Richard, son filleul nostre eueſque Richard, & l'archidiacre Hermenfridus leſquelz, pour leur ſaincteté de vie, vertuz & bonnes doctrines, estoient lors en grande reputation, & reuerence de l'empereur, & des princes, meſmes de Godefroy le Breux duc de Lorraine, auquel à raison dudit edict de paix: Ilz conſeillerent se retirer vers l'empereur & se reconcilier à luy. Chose qui luy ſeroit aiſée à obtenir, attendu la paix promulguée: combien que iournellement ledict duc feist plusieurs queſtions & querelles, contre l'eglise de Verdun, entreprenant sur la iuriſdiction de la cité que ſes predeceſſeurs auoient baillé aux eueſques, comme deſſus a eſté dict: auſſi qu'il eust fait plusieurs courſes & pillages es pays dudit empereur, notammēt depuis qu'il s'ẽtoit rebellé contre luy, pour le refus de la duché de Mozelan. A l'occasion de laquelle rebellion & reuolte il auoit renouuellé les anciennes queſtiõs & querelles, entreprenāt tout ce qui luy ſembloit eſtre contre la volonté de l'empereur. Partant les habitans de Verdun, craignans eſtre piremēt traittez ne deſiroiẽt autre chose, que Godefroy eust paix, avec l'empereur, à fin que de leur coſtẽ ilz demourassent paisibles, & ſans eſtre inquietez. Ce qui estoit la cause pourquoy leſdictz Eueſque, Abbé & Archidiacre, induiſoient, ſollicitoient, & enhortoient ledict Godefroy à ſoy reconcilier avec l'empereur. Vers lequel en fin icelluy Godefroy, prenant en bonne part les remonſtrances, qu'on luy faiſoit meſmes ayant eſgard à ladiſte publication de paix & abolition des inimitiez paſſées, se retira accompagné de l'eueſque Richard, & de Hermenfridus archidiacre, qui le presenterent à l'empereur, enuers lequel ilz feirent ce qu'ilz peurent pour traitter la paix & reconciliation, avec icelluy Godefroy. Toutefois ce duc Godefroy homme fier & haultain, fut impatient, & ne pouuant prendre en bonne part les remonſtrances que l'empereur luy feist du commencement, des oultrages & dommages qu'il auoit fait en ſes pays, s'eſleua contre l'empereur an fieres & haultes parolles, trop plus ſentans menasses, que prieres. A raison dequoy l'empereur irrité, ordonna qu'il fut arreſté en ſa perſonne. Et de fait fut mis en priſon, en vn fort chasteau, nommé Sigisheſtein, ou il fut quelque tẽps. Toutefois à la ſollicitation & pour ſuite deſdictz eueſque, Abbé Richard, & Archidiacre, il fut deliuré, en donnāt pour oſtage son filz aiſné, le nom duquel ne se trouue es historiens (comme ia a eſté dict) à condition auſſi de iamais porter armes, contre l'empereur. Dauātage (ainſi qu'eſcript Laurẽtius Leodien.) qu'il reſtitueſtoit & remettrait en poſſeſſiõ l'eglise de Verdun des Centeners de Vvaudelecourt & renonceroit à tous droitz de iuriſdiction, qu'il auoit occupé & entrepris sur l'eueſché de Verdun, & eglise d'icelluy. Ce qu'il feist.

*Godefroy présenté à l'empereur, pour auoir paix à luy.*

*Orgueil du duc Godefroy.*

*Le duc Godefroy arreſté priſonnier puis apres deliuré & comment.*

Partant

# depuis Hue Capet, iusques à Loys viij. du nō. F. ccxxxiii.

Partant fut deliuré, demeurant neantmoins sondict filz aîné en la courr imperiale, pour ostage des choses prementionées. Mais l'année suyuant mil quatre cens six, de male fortune sondict filz aîné tenant ostage pour sondict pere mourut. Dont Godefroy plus marry, que parauant, print couleur & occasion de se rebeler & declarer ennemy de l'empereur. Pour auquel plus nuire & faire de dommage, print l'aliance de Bauldouyn Comte de Flâtres, son affin (comme dessus a esté dict) qui estoit le septieme comte de Flandres & filz de Bauldouyn, surnommé bellebarbe. Ce Bauldouyn septieme comte, auoit espousé Athile, fille du bon Robert roy de France, à l'ocasio de laquelle de son temps, eut tousiours alliance, avec Henry roy de France, son beau frere, luy gardant bonne fidelité, en sorte qu'après sa mort, il eut en garde & conduite, son filz Philippe, qui succeda au royaume de France. Icelluy Bauldouyn, teint la comté de Flandres trente deux ans: durans lesquels fonda sainct Pierre de l'Isle, ou il fut inhumé. Il laissa troys enfans: Le premier Bauldouyn, fut comte de Haynau: Le deuxieme Robert comte de Frise: & vne fille, nommée Mathilde, qui fut mariée à Guillaume le bastart duc de Normandie.

¶ Ces deux princes ainsi alliez & confederez, feirent grans preparatifz de gēs & toutes autres choses necessaires, pour mener guerre es pays de l'empereur, lequel estoit lors en Italie, ou il trouua grande cōfusion & desordre en l'eglise Romaine, en laquelle estoient lors troys Papes, qui quasi d'un commun accord voire par intelligence finistre & collusion mauuaise, estant entre eulx occupoient le Papat: duquel il auoient diuisé les rétes & patrimoines, par maniere de Patriarchie, l'un de ses Papes se tenoit à sainct Pierre, l'autre à saincte Marie la ronde: & le tiers, nommé Benedictus neufieme se retiroit au Palays de sainct Iean de Latran. Les deux autres Papes estoient appellez Siluester troysieme, & Gregoire sixieme. Voyant doncques l'empereur ce scism & dereglement, desirant y mettre ordre conuoca les Prelatz de l'eglise, ensemble les plus sçauans gens qu'il peut recouurer, tant à Rome qu'ailleurs: Par l'aduis desquelz & suyuant leur deliberation, fut esleu vn nouveau Pape, nommé Singerus euef que de Beubergenfe, qu'on appella Clement deuxieme. Par lequel l'empereur Henry troysieme, & sa femme Agnez, furent corōnez le iour de la feste de la Natiuité de nostre Saulueur, l'an de grace mil quarante sept. Apres le couronnement l'empereur du consentement dudict nouveau Pape, contraingnit & força les Romains de iurer que deslors en auant ilz ne feroient election de Pape, sans l'expres cōsentement & permission des Empereurs.

¶ Durant que l'empereur estoit à Rome, luy veindrent nouvelles que l'empereur de Constantinoble Michael & Constantin son filz auoient traité & accordé paix avec Dobir filz de Caliphe, prince d'Egypte, nouuellement decedé, & au lieu duquel iceluy Dobir auoit succedé. Et par icelluy nouveau traité & accord, auoient entre eulx confirmé les treues & anciens appoinctemens, faitz du viuant d'icelluy Caliphe. Permettoit oultre ledict Dobir que l'eglise du sainct sepulchre en Hierusalem, fust de nouveau ediffiée. Pour quoy faire l'empereur de Constantinoble fornissoit du fiē propre, à Nicophorus lors Patriarche, & aux chrestiens habitans en Hierusalem par la bonne diligence, desquelz ladicte nouvelle eglise, qui est celle mesme, qui y est encores de present, fut parfaicte l'an ensuyuant mil quatre cens octante.

¶ Pour reprendre la matiere commencée de nostre euefque Richard. Il decora & enrichit de son temps les eglises de plusieurs beaulx dons & ornemens: entre lesquels il bailla à son eglise de Nostre Dame deux chasubles, avec les estolles, battues en or. Et autres sept chasubles de soye, sans or, fournies de manipules & estolles, avec admictz & autres draps d'autel. Semblablement bailla des courtines tresprecieuses, deux banieres, vn calice de pierre d'onix, & vn de cristalin, avec les deux buirettes de memes, & semblables, lesquels il fait enchasser en fin or. Il rachepta & retira vn precieux parement d'autel de fin or, qui auoit esté parauant engagé pour les necessitez de l'eglise. Il fait faire vn grand encécier d'argēt doré, & deux autres plus peritz de fin argent. Par son moyen & à la faueur l'empereur Henry bailla à ladicte eglise Nostre Dame vne grande pierre precieuse, nommée Agathe, qu'on y void encores de present.

¶ Semblablement

*La mort du filz de Godefroy estant en ostage.*

*Rebellion de Godefroy contre l'empereur.*

*Bauldouyn. vij. cōte de Flandres allié avec Godefroy le Breux, contre l'empereur Henry. ij.*

*Confusion en l'eglise Romaine, de troys Papes, regnans par symonie.*

*Les troys Papes deposes par l'empereur & le concile*

*Institution entre les Romains de ne faire Pape, sans le consentement de l'empereur.*

*Accord entre l'empereur de Constantinople & le Caliphe, sur l'edifice de l'eglise de Hierusalem.*

*Dons de l'euefque Richard à son eglise de Verdun.*

*L'agate baillée à l'eglise de Verdun par l'Empereur Henry troysieme.*

# Le iiii. liure des antiquitez de la gaule belgicque,

*Les grands biens que l'euesque Richard bailla à S. Venne.*

*Le corps S. Sanctin apporté à Verdun, du temps de l'euesque Richard.*

*Tiltre ou superscription apposée par l'euesque Richard, sur la chasse de S. Sanctin.*

*La chasse ou est de present le corps S. Sanctin faitte par l'Abbé Mathieu*

*La maladie de l'Abbé Richard.*

¶ Semblablement de son tēps bailla icelluy euesque Richard plusieurs terres & seigneuries à saint Venne, pour l'honneur de Dieu, & en recordation de son bon maître parrain & precepteur l'Abbé Richard, qui lors viuoit encores. Entre lesquels donna audict saint Venne la terre de fief de Baroncourt & tout ce qu'il auoit à dame Marie. Nous trouuons aussi qu'il fut le premier, qui feit mettre en fierre, ou chasse d'argent le corps saint Sanctin, lequel auoit esté rapporté de Meaulx à Verdun, du tēps de Raimbertus son predecesseur, comme est contenu en aucuns registres de l'Abbaye de saint Venne: lesquels toutefois semblēt auoir erré en cest endroit. Car si nous cōsiderons attentiuement les vrais historiens, comme le supplement d'Eusebius; & Sigebert, nous dirons avec eulx que ledict corps saint fut rapporté de Meaulx à Verdun du temps dudit euesque Richard, meimes en l'an mil quarante quatre. Non pas au temps contenu & déclaré esdicts registres, qui est l'an mil trēnte deux, ce qui n'est à croire. Car à la verité est, qu'il fut apporté à Verdun, par quelques notables marchā de la ville qui l'acheterent de ceulx de Meaulx, durant la grande famine, laquelle veritablement estoit en la Gaule, & en la Germanie, audict an mil quarante quatre. Aussi est certain que ledict euesque Richard le feit premierement enchasser & mettre en vne fierre, autour de laquelle estoit escript ce qui s'en suit.

*H I C I A C E T S A N T I S A N C T I N I P R A E C I O -  
sissimum corpus, qui fuit sancti & Verdunen. ecclesiae doctor, & Episcopus primus. Meliensium quoque & sancto Dionysio Areopagita pastor consecratus, dum ipse iussu post martyriū eius cū Antonino Romam tenderet, & per hanc ciuitatem transitum facerent. Verbumque vitibus praedicaret, & quā plurimos ad fidem Christi conuertisset Dei nutu in ecclesia sancti Petri in qua primum baptismi sacramentum fecerat. Ipsamque episcopali benedictione deo consecraturat omnibus christianis applaudentibus episcopus est electus. Postea secundum Dionysij sancti preceptum Romam tendens in Italia condiscipulum Antoninum Febre valid a defunctum meritis resuscitauit, & cum ipso perfecto spiritali negotio ad urbem Verdunensem est reuersus, Melisique plenus virtutibus in pace defunctus est. Cuius haec praeciosissima ossa Verdunenses negotiatores post multa tempora praecio comparauerunt. Indeque huc detulerunt & in hoc monasterio honorabiliter recondiderunt ubi etiam fulget extunc multis miraculorum signis eternalis eius memoria, & permanebit in seculorum secula.*

¶ Ceste description en forme d'Epitaphe, mise en ceste premiere chasse, par l'euesque Richard, fut trouué depuis en l'an mil cent trente deux, par l'euesque Adalbero, ou Albero deuxieme de ce nom, qui le iour d'vne ascension transporta ledict corps saint de la vielle chasse, en vne nouvelle qu'il auoit faitte faire. Et encores depuis en l'an mil quatre cent septante sept, ledict corps saint fut trāslaté de la chasse que Adalbero auoit faitte faire, & mis en la fierre & chasse, ou il est de present. Laquelle est sumptueusement fabricquée, & richement ouurée d'argent. Le venerable Abbé Mathieu de donnemarie la feit faire à ses despens: Puis de son ordonnance, estant absent Guillaume de Haraucourt, euesque de Verdun. Fut faitte ladiete transposition dudit corps saint vn iour de dimenche, ou à l'introite de la messe on chantoit, *Letare Hierusalem*, en presence des Doyen & chappitre de l'eglise cathedrale dudit Verdun. Si les lecteurs veulent plus amplement veoir les gestes & translations dudit saint Sanctin, lisent cy dessus en sa vie.

¶ Nous trouuons (à fin de suiure nostre histoire) qu'en l'an mil quarante sept, survint vne maladie au bon & ancien Abbé Richard, laquelle le poursuiuit & luy diminua ses forces & vertuz corporelles, en sorte que facilement il iugea sa mort prochaine, & que de brief tendroit l'esprit à Dieu, à raison dequoy appelloit iournellement ses religieus, leur remonstroir la fragilité du monde, au contraire la perpetuité & stabilité de la vie eternelle, les enhortant à bonne & sainte obeissance & perseuerance de religion. Durant ceste maladie son bon disciple nostre euesque Richard le visitoit continuellement pleurant par grande pitié & ducil, qu'il auoit d'estre priué de la cōpagnie de son

# depuis Hue Capet, iusques à Loys, viii. du nom F. ccxxxv.

de son bon precepteur souuent reduisant en memoire, les grans biens & benefices de doctrine & nourriture qu'il auoit receu de luy, ce qui luy caufoit augmentation de tristesse, laquelle estoit telle, & son regret si grand qu'il ne desiroit plus viure au monde sans luy & apres luy. Si aduint vn iour entre autres, q̄ ledict euesque le visitant de grad matin come il auoit de coustume, & le voyât decliner de plus en plus, fut meū par deuotiō de dire messe ce iour, laquelle sur lheure il alla celebrer en la chappelle saint Laurēs, & pria Dieu pour le bon abbé, vers leq̄l la messe acheuée retourna diligēment, Toutefois ce ne peult estre si tost qu'il ne le trouuaſt ia expiré & auoir redū son ame à Dieu, dōt ledict euesque mena grad dueil, pleurāt sur le corps & le baisant rēdremēt avec regretz & souſpirs profōdz & telz qu'on ne pourroit dire, & desquelz meſme on ne le pouuoit faire abſtenir. En fin toutefois luy meſmes l'aua le corps ſelō l'ancienne coustume obseruée entre les religieux & prelatz, l'acouſtra de ſes propres veſtemēs. Puis en perſonne feit chāter & celebrer deuotemēt ſes obſeques, es trois abayes de Verdun ſaint Vēne ſaint Paul, & ſaint Marc, & le troiſieme iour d'apres le trespas fut ledict corps porté en l'eglise catedral de Noſtre Dame, ou fut celebrée la meſſe: Apres laquelle, preſens & aſiſtans, le clergé & le peuple de la cité feit reporter ledict corps en l'Abbaye dudit ſaint Venne, en l'eglise de laquelle il fut honorablement & reueremment inhumé. Neantmoins auant que le mettre au tombeau l'euesque Richard baïſa les mains & poiſtrine du bon Abbé. Puis deuāt tous & haullement, pria Dieu qu'il luy pleuſt par les merites d'icelluy l'appeller de ce monde à luy auant que l'année feust paſſée, à fin de viure perpetuellement avec luy en la gloire eternelle. Ce qui aduint: Car ledict bon Abbé mourut le quatorzieme iour de Iuin, mil quarante ſept, & noſtre euesque Richard le ſeptieme iour de Novembre au dict an enſuiuant, dedans la demie année du trespas dudit bon Abbé. Noſtre dict Euesque Richard teint l'eueſché de Verdun enuiron ſept ans. Son corps fut inhumé reueremment en la partie fenestre de ſon eglise de Noſtre Dame, aſſez pres du choeur en la chappelle ſaint Nicolas & ſaint Germain, qu'il auoit parauāt dediée & conſacrée en l'honneur de ſaint Nicolas & de tous ſainctz cōſeſſeurs. Ou il ne demoura que iusques à ce que ſon ſucceſſeur euesque nommé Theodorice le feit tranſlater & mettre au milieu de l'eglise de Noſtre dame, avec grande reuerence & deuotiō faiſant & repetant de rechef ſes obſeques comme le iour de ſon premier enterremēt.

*Obſeques & ſuneraillies de l'Abbé Richard.*

*Priere de l'euesque Richard à fin de mourir l'an meſme du trespas du bon abbé Richard*

*La mort de l'euesque Richard.*

*Le corps de l'euesque Richard inhumé au milieu de l'eglise Noſtre Dame.*

## Les papes tenans le ſiege du temps de Richard euesque de Verdun.

**B**ENOID, neuſieme de ce nom, Silueſter troiſieme, & Gregoire .vi. (desquelz à eſté parlé en l'euesque precedent) teindrent le ſiege de Rome durant noſtre euesque Richard, en meſme tēps au moyen dequoy y eut grand ſeiſme & deſordre, ainſi qu'auons dict cy deuant,

*Vide ſupra.*

**Clemens** deuxieme de ce nom, Almant, parauāt appellé Sindegerus euesque de Bembergenſe en Almage, fut le cent cinquante cinquieme Pape l'an de grace Mil quarante ſept, quaſi par force & par commendement de Henry. iii. Empereur qui receut dudit Clement la couronne Imperiale, à Rome, & cōtraignit les Romains iurer n'eſlire iamais Pape ſans l'expres conſentement des Empereurs. Ledit Clement incontinent apres que l'Empereur eut laiſſé Italie, mourut par poiſon à luy donnée (comme aucuns dient) par Damasus ſon ſucceſſeur. Il ne teint le ſiege que neuf mois.

*Clemēt deuxieme. clv. Pape.*

R

DA-

# Le iiii. liure des antiquitez de la gaule belgicque,

*Damasus ij. clvi.  
Pape.*

**D**amasus deuxieme du nom, natif de Bauiere parrauant nomm  Stephanus Bagniarius, ou Pepon fut le. clv. Pape l'an de grace mil quarante sept Cestuy obtint la Papault  par voye sinistre, & contre les sermens qu'auoient faict les Romains, aussi ne vesquit il long temps, ains mourut le xxiiii. iour de son pontificat.

## Les Empereurs qui regnoient durant ledict Euesque Richard.

*Hery. iij. quatre  
vin & nesimo  
Empereur.*



**H**ENRY troisieme de ce nom selon la computation des Germains, & deuxieme selon les italiens, surnomm  Niger filz de l'Empereur Conradus, ou selon les autres, son gendre, obtint l'Empire apres ledict Conrad l'an mil quarante, il suiuit les meurs paternelz en toutes vertuz & noblesses, il estoit b , ioyeux, affable, humble, & liberal aux pauures, terrible & espou table   ses ennemis. Cestuy subiuga Oldeheric roy de Boeme, Rendit les Boemiens tributaires   l'Empire, restitua en son royaume Pierre roy d'Vngarie, vint   Rome ou il prit la couronne Imperiale, reform  le grand scisme de tordre & diuision, qui estoit entre les trois Papes dont auons faict mention, feit vn Pape   sa volont . Puis retourna en la Germanie, ou apres auoir tenu l'Empire dixsept ans, il mourut, & fut son corps inhum    Spir l'an mil cinquante sept.

*Boeme subiug e  
& faict tributaire  
re   l'Empire.*

## Les roys de France regnans du temps de l'euesque Richard.

*Vide supra.*

**H**enry filz du roy Robert, regna en France depuis l'an mil trente trois iusques en l'an mil soixante. Nous auons escript de luy au precedent euesque part t n'vicerons icy de Repetition   son esgard.

## Les ducz de Lorraine qui regnerent durant ledict euesque Richard.

*Vide supra.*



**G**OZELO, ou Gothelo (duquel auons escript en l'euesque precedent) teint Lorraine enuiron trois ans du temps de l'euesque Richard. Puis mourut l'an mil quarante quatre.

*Godefroy le breux  
duc de Lorraine.*

*Godefroy brusla  
l'eglise & cite de  
Verdun.*

*La premiere femme  
& les enfans de  
godefroy le breux.*

**G**odefroy surnomm  le Breux ali s le barbu, filz de Gozelo luy succeda au duch  de Lorraine l'an mil quarante quatre il rebella contre l'Empereur Henry, troisieme pour ce qu'il luy refusa la duch  de mozellane, durant sa rebellion il feit beaucoup de maux es pays dudict Empereur avec Bauldouin Comte de Flandres, brusla la cit  de Verdun, ensemble l'eglise de Nostre Dame pour ce que l'euesque Theodoric luy refusa la Vicont  de Verdun que ses predecesseurs, mesmes les Empereurs auoient donn  & confirm  aux euesques de Verdun Puis reprit par force, & remeit en ses mains ledict Comt . Toutefois il feit grosse penitence, mais petite restitution, pour les dommages qu'il auoit faict   l'eglise, il eut deux filz de sa premiere femme, desquelz l'aissn  mourut en ostaige pour luy, le puisn  nomm  Godefroy au gros col luy succeda au duch  de Lorraine. Aussi eut vne fille nomm e Idain qu'il maria   Eustace C te de Boul gne sur la mer, auquel

depuis Hue Capet, iusques à Loys viij. du nō. F. ccxxxvj.

en traitant le mariage il bailla le Comté de Buillon, dont aduint que son filz aîné Godefroy porta le nom de Buillon. En secondes nopces il eut à femme Beatrix veuve de Boniface Marquis d'Etrurie, de laquelle n'eut aucuns enfans: Mais il maria son filz Geofroy le bossu à la fille de ladicte Beatrix nommée Mathilde. Icelle beatrix selon aucuns estoit fille de l'Empereur Conrard & de Gisele fille de Theodoric duc de Mozelane, & consequemment soeur de Henry troisieme du nom, surnommé Nigler. Et selon les autres estoit fille d'iceluy Empereur Henry troisieme. Ce Godefroy le breux teint le duché de Lorraine vingt six ans, puis mourut l'an de grace mil septante. Son corps fut inhumé en l'eglise de Verdun, comme il l'auoit ordonné. Nous auons plus amplement escript ses faitz es vies de noz euesques, parquoy n'en ferons icy autre mention. Iay leu que depuis & apres sa mort ladicte Beatrix sa seconde femme, fina ses iours en religion.

*Beatrix seconde femme de Godefroy.*

*La mort de Godefroy.*

**¶ Les comtes de Bar regnans durant l'euesque Richard.**

**SOPHIE** qui succeda à Theodoric son ayeul (ainsi qu'auons ia escript en l'euesque precedent) teint le Comté de Bar du temps de nostre euesque Richard, & lōg temps apres son deces.

*Vide supra.*

**¶ Les successeurs des Comtes de Haynau, qui estants conioinctz au sang d'Ermengarde fille de Charles premier duc de Lorraine, regnoient durant nostre euesque Richard.**

**RICHILDE**, fille de Regnier. iiii. du nom, de laquelle auons escript en l'euesque precedent, teint le Comté de Haynau du temps d'iceluy euesque Richard.

*Vide supra.*

**¶ Les successeurs des Comtes de Louain & de Gerberge fille d'iceluy Charles premier duc de Lorraine, qui ont vescu du tēps d'iceluy Richard euesque.**

**LAMBERT** deuxieme filz de Lambert premier, duquel aussi auons parlé en l'euesque Raimbertus, teint Louain, pēdant que nostre euesque Richard tenoit Verdun.


*Vide supra.*

**¶ FIN DE LA VIE DE RICHARD PREMIER du nom, quarantieme euesque de Verdun.**

LA VIE DE THIERRY  
quarantevnieme Eues-  
que de Ver-  
dun.



*Thierry, xli. euesque  
de Verdun.*



THEODORICVS quarante vnieme euesque de Verdun, fut esléu en l'an mil quatre cens deux, apres l'euesque Richard. Il estoit de nation Germanicque, extraict de grosse noblesse filz du Côte Guezelo qui tout son temps auoit eu charge de gens d'armes soubz les Empereurs Conrardus deuxieme, & Henry troisie me du nom, tant en Italie comme en Germanie. En la faueur d'icelluy Comte Guezelo son filz Theodoric qui estoit chanoyne en l'eglise de Basle homme tres vertueux riche, scauant & magnanime, obtaint par la nomination dudit Empereur Héry l'euesché de Verdun, duquel il prit possession ensemble du Comté dudit lieu, dont il feit reprise dudit Empereur, duquel & de ses predecesseurs Empereurs, les euesques de Verdun tenoient lors ledict Comté comme nous auons amplement escript cy deuant.

*Thierry estoit cha-  
noyne de basle a-  
uant son election,*

*Valeran iadis cõ-  
te de Bretueil esléu  
Abbé de. S. Venne*

¶ En ceste mesme année mil quarate deux, quelque peu auât l'election dudit Theodoric Vvaleranus religieux du monstere de saint Venne fut esléu Abbé d'icelluy monastere, pour ses vertuz & sa sainteté de vie. Cestuy des son ieune aage estant Côte de Bretueil en France vint à l'ayde d'Odo Comte de Champagne assaillit le chasteau de Bar contre Gozelo duc de Lorraine & son filz Godefroy, avec lesquels icelluy & Odo, & ledict Vvaleranus tenant lors son party, eurent bataille. En laquelle le Comte Odo fut tué, & icelluy Vvaleranus blessé mortellement en diuerses parties de son corps, mesmes les nerfz des talons coupez de sorte quil fut laissé au camp pour mort, mais il fut secouru par l'Abbé Richard, estant la venu pour mettre paix entre les deux ostz. Car ce bon Abbé pour le garder des mains de ses ennemys, le couruit d'un habit de religion, le mena à Verdun, ou le feit traicter tellement qu'il fut guery. A raison dequoy il se feit religieux au monastere de saint Venne, ou peu apres son propre pere Gelduinus lors ia fort ancien & decrepit, prit semblablement l'habit pour la reuerence qu'il auoit audié Abbé Richard, & l'amour de son filz, avec lesquels, f'estant ainsi fait religieux il vesquit saintement le reste de sa vie laissant plusieurs grans biens, rentes & reuenuz en ladicte Abbaye en laquelle son filz Vvaleranus enuiron dix ans apres, fut successeur Abbé dudit Abbé Richard, à quoy ses vertuz & sainteté de vie le conduirent: Il vesquit en icelle Abbaye enuiron quinze ans, durant lequel temps obtaint encores vne autre Abbaye nommée Armarense, que le Comte Thiebault filz de Odo Comte de Champagne qui fut tué deuant Bar, luy feit bail-  
ler pour recongnissance des anciennes amitez & confederations, qu'ilz auoient eu ensemble, & des seruices qu'il auoit fait à son feu pere Odo.

*Le Comte Geldui-  
nus religieux à. S.  
Venne.*

*Vvaleran Abbé  
d'Armarense, oul-  
tre saint Venne.*

*Amitié de l'eues-  
Thierry avec  
Valeran.*

¶ Nous lisons qu'icelluy Vvaleranus mourut en ladicte Abbaye d'Armarése, & y fut inhumé, que durant sa vie il fut tousiours confederé & amy de nostredict euesque Theodoricus, & que de leur temps leurs eglises souffrirent plusieurs grans troubles & persecutions par le fait de Godefridus duc de Lorraine filz de Gozelo, lequel  
ainsi



# depuis Hue Capet, iusques à Loys, viii. du nom F. ccxxxvii

(ainsi qu'auons dict en l'euesque precedent) allié de Bauldouin Comte de Flandres, pour soy venger de la mort de son filz aîné sur l'Empereur Henry, iii. surnommé Niger, entra avec grosse armée l'année mil quatre huiet que ledict Theodoric auoit esté receu euesque es pays dudit Empereur es lieux plus voisins de Flâdres pres des Frizôs, que de present on dict Gueldres, ou ilz prindrent par force d'armes la principale cité du pays nommée Numeche diète en latin Neomagum; en laquelle estoit vn palais de grande sumptuosité & magnificence qu'ilz bruslerent & arraserent totalement faisant au surplus maux innumerables. De là vindrent ces deux princes assieger & assaillir la cité de Verdun par l'induction dudit duc Godefroy qui estoit grandement irrité contre icelle pour deux causes. La premiere, pour ce que l'euesque Theodoric en son aduenement auoit repris & fait hommage du Côté de Verdun à l'Empereur, non à luy qui tousiours quereloit le droit en icelluy Comté à raison de ces predecesseurs. Dauantage il se reputoit contemné & mesprisé dudit Euesque, en tât qu'il auoit cômisi à l'exercice du Côté aultre que luy & sans son consentement. La seconde cause estoit pour plus se venger de l'Empereur & par hayne d'icelluy, qu'il cõgnoissoit estre totalement affecté au bien & vtilité de la cité de Verdun. Soubz couleur & vmbre de quoy ilz assiegerent la cité, pillerent & gasterent le Pays circonuoisin, appartenant à l'euesque & à son eglise. Puis la prindrent à force, tuant tous ceulx qu'ilz rencontroiēt. Ledit duc Godefroy feit mettre le feu en la cité es lieux ou luy sembloit qu'il ne feroit dommage aux eglises, lesquelles il entendoit garder mais il en aduint aultrement. Car incontinent que le feu eut pris sa force & vigueur aux maisons & habitations episcopales, il faillit & volla en l'eglise cathedrale de Nostre Dame: de quoy il fut bien esbahy & marry, & ordõna à ses gens d'armes le garder, & estaindre le feu, mais il fut impossible pour la force & vehemence du feu, lequel continuant & s'augmentant de plus en plus cõsomma & brusla toute ladicte eglise, avec tous les ioyaulx, reliques, aornemens & richesses estans lors en icelle, voire (qui pis est) toutes les lettres, donatiõs, registres, chartres, munimens & enseignemens de ses fondations & priuileges, sans iamais en pouuoir rien sauuer ne preseruer.

*Godefroy duc de Lorraine & Bauldouin Comte de Flâdres, cõtre l'empereur Henry. iij.*

*Verdun assiegé & prise par Godefroy de Lorraine & Bauldouin de Flâdres.*

*L'eglise Nostre dame de Verdun bruslée.*

¶ Laurentius Leodiensis dict sur ce en son histoire que telle fut la destruction de l'eglise & cité, que plusieurs chanoines, voire iusques au nombre de. xxiiii. laisserent & abandonnerent leurs prebendes & habitations, en icelle eglise, & comme dispersez fugitifz & exilez s'en allerent cherchans leurs aduentures & fortunes iusques en Vngarie sans iamais depuis retourner audict Verdun.

*Plusieurs chanoines fugitifz de l'eglise de Verdun.*

¶ Ledit duc Godefroy voyant le dommage irreparable & l'offense qu'il auoit fait, fut tellemēt desplaisant qu'avec grande contrition de cueur craignant l'ire & vengeance diuine en feit de son propre mouuement penitence solemnelle & publique. En ceste forme il veint teste, espauls, & piedz nudz par my la cité deuant tout le peuple iusques deuant ladicte eglise. Et de la porte dicelle sur ces couldes & genoulx quasi rompant & se trainant iusques au grand autel de ladicte eglise, qu'il auoit ainsi bruslé en quoy faisant pleuroit & gemissoit ameremēt se faisant oultre battre de verges, demadant & implorant misericorde & pardon de l'offense par luy cõmise à Dieu premieremēt, puis à l'euesque Theodoric: Auquel en faueur de son eglise, & des successeurs euesques, restitua deslors & rendit les droitz & iurisdicions des centismes, ensemble autres terres & seigneuries qu'il auoit vsurpé & entrepris sur icelle eglise, il se reserua toutefois, reprit & reteint en son obeissance, tout le droit qu'il pretendoit par succession de pere & freres au Comté de verdun & patrimoine d'icelluy, duquel il se meit de nouveau en possession. Neantmoins par maniere de restitution du dommage qu'il auoit fait, donna grosse somme d'argent pour r'edifier ladicte eglise ensemble deux villaiges, qui estoient du sien propre, sçauoir Peuillers & arey pres Metz avec les appartenances seigneuries & droitures qu'il auoit, sur la riuere de Moselle, tât en passaige que pescherie, laquelle recompense toutefois n'estoit equivalente, satisfactoire ne suffisante au dommage qu'il auoit fait. Bien est vray qu'il feit deslors

*Penitence solemnelle de Godefroy duc de Lorraine*

*Godefroy duc de Lorraine reteint en ses mains le Cõté de Verdun.*

*Peuillers & arey donnez en recompense à l'eglise de Verdun.*

# Le iiii. liure des antiquitez de la gaule belgicque

Paix entre les ducs de Lorraine & l'eglise de Verdun.

paix avec l'euesque & son eglise contre lesquelz iamais depuis ne fait entreprinse, ny fut cause de dommage, ne qu'ilz receussent de son costé aucun desplaisir, pendans les guerres qu'il eut contre l'Empereur, lesquelles durerent en son pays de Lorraine plus de vingt ans.

¶ Semblablement son filz & successeur Godefroy le bossu, durant huit ans ou enuiron qu'il regna apres luy, ne fait oncques dommage, à ladicte eglise ny à l'euesché de Verdun, mais au contraire tous deux entreteindrent paix & amitié leurs vies durans, avec icelle eglise & son euesque. Alaquelle tousiours depuis ilz eurent si grande reuerence que finalement ilz y furent tous deux inhumez, y ayans auant leurs decés donné beaucoup de leurs biens comme sera dict cy apres.

¶ Apres q̄ ce duc Godefroy eut fait la reparation de l'office susdicté, il delibera avec le Comte Bauldoun poursuiure son entreprinse de vengeance contre l'Empereur Héry, qui l'auoit irrité pour deux causes, ainsi que dessus auons dit parlans de l'euesque Richard. A sçauoir pour le refus du duché de Mozelane que l'Empereur auoit donné à Albert d'Alsatie duc de Longcastre aliàs de Longuicastro. Et pour le filz dudit Godefroy qui estoit mort en ostage, en la court dudit Empereur, en hayne duquel & à son despit, ces deux princes Godefroy & Bauldoun, executans leur deliberatiõ assaillirent ledict duc Albert de Mozelane, contre lequel eurent plusieurs batailles & rencontres, au moyen desquelles tous les pays de Lorraine estoient iournellement gastez & ruinez par feu, meurtres, & pillages. Finalement le duc Albert ne fut le plus fort, mais fut tué en vne rencontre, ou demeurèrent occis beaucoup de ses gens. Ce qui aduint (comme tient Nauclerus) pour l'absence de l'Empereur, qui lors estoit occupé en vne guerre qu'il auoit en Vngarie, ou il fessorçoit à son possible, restituer en son royaume Pierre roy dudit Pays, & en deicter vn nommé Aba occupateur par tyrannie d'icelluy royaume. Aussi d'appointer autres factiõs & mutineries lors estés entre les Vngres, qui auoient renoncé & delaisé la foy Chrestienne, & repris la secte Payenne.

¶ Lesquelles guerres & diuisions d'ungarie appaisées par l'Empereur, il retourna en Lorraine à fin de resister aux entreprises & courses que faisoient sur ses pays, ledict Godefroy & Bauldoun. Lesquelz si tost qu'il fut arriué il fait à force retirer en leurs pays, puis proucut aux deux duches vacans par la mort du duc Albert au frere duquel nommé Gerard d'Alsatie deuxieme du nom Comte de Castinach il bailla ledict duché de Longuicastro ou Longcastre, & le duché de Mozelane à Frederic Côte de Luxembourg, qui (comme dict Iacobus Meyerus en son histoire) estoit ia fort ancié, & oncle de Baudouin surnommé de l'isle, ou le piteux, Comte de Flandres.

¶ Pour confirmer ce que dessus i'allegue Sigebert soubz l'année mil quarante neuf, ou il escript ce qui s'ensuit.

*Albertus qui ducatum, Mosellanorum Godefrido negatum susceperat à Godefrido perimitur, ducatum eius Gerardus de Alsatia, alterum vero ducatum Fredericus obtinet &c.*

¶ Pourront icy les lecteurs noter que ce Gerard surnommé d'Alsatie par Sigebert & Meyerus en leurs histoires, est appellé par laurentius Leodiensisen la sienne, de Castinach, ou Castiniensis, &c.

¶ Pour mieux encores verifier ce que dessus i'escriray icy ce que ledict Iacobus Meyerus, allegue en son histoire, soubz l'année mil quarante huit disant.

*Albertum ducem de quo iam commemorauimus Godefridus Lotharingus occidit. Eius ducatum quem Mozglanicum vocant Henricus Augustus Gerardo Elsatensi, Lothoringiam vero Frederico Lutzelemburgensi Balduini Flandrensis Auunculo attribuit, &c.*

Toutefois ledict Meyerus me semble soubz sa correction auoir equiuocqué : Car à la verité Frederic de Luxembourg fut lors proueu du duché de Mozelane: vray est neantmoins qu'apres le trespas d'icelluy Frederic Gerard de Castinach ou d'alsatie troisieme du nom & filz dudit Gerard d'Alsatie deuxieme de ce nom, eut & obtint icelluy

Albert duc de longcastre & mozellane assailli par Godefroy & Bauldoun de Flādres 1048

Albert duc de Longcastre & de Mozellane tué par Godefroy de Lorraine.

Gerard d'Alsatie aliàs de Castinach fait duc de longcastre.

Frederic Comte de Luxembourg fait duc de Mozelane par l'Empereur Henry. iij.

Probatio que Frederic de Luxembourg fut duc de Mozelane.

# depuis Hue Capet,iusques à Loys viij.du nō.F.ccxxxviij.

icelluy duché de mozellāne,cōme escriuēt les dessus nōmez historiens années mil soixante cinq,& mil septante & ainsi que nous dirons selon l'ordre du temps.

¶ Pendant que ces choses se faisoient,nostre euesque de verdun Theodoric homme magnanime & vertueux feit extreme diligence de r'edifier son eglise de Verdū,tout à neuf.Semblablement les murailles forteresses & maisons de la cité, qui auoient esté brullées par la maniere deuant dicte.Pour à quoy luy ayder & subuenir cherchoit par tout ses amys implorant leur faueur & secours,qu'il obtint d'aucuns d'iceulx.Le premier fut Vvaso euesque du Liege, qui pour ses vertuz fut reputé fait en paradis.Cestuy luy bailla cinquante liures d'argent blanc.Nous lisons es catalogues de Liege que ce Vvaso estoit filz du Comte de Iulliers,qu'il auoit cent & cinq ans quand on l'esleut euesque de Liege,& qu'il teint le party de l'empereur contre le Iudict Godefroy duc de Lorraine:Combien que Frederic frere dudit Godefroy feust lors Archediacre de Liege.Le second qui ayda & subueint audict euesque Theodoric, en la reedification de ladicte eglise,fut Frederic Comte de Toul lequel luy bailla l'usage de ses boys d'Argonne tant pour r'edifier ladicte eglise que l'entretenir à l'aduenir & à iamais.Le bon Archediacre de Verdun Ermenfridus homme de grande doctrine, vertu & saincteté, voulant estre le tiers biēfaicteur,& du nombre des fauorables & aydans à ladicte restauration, en subside delaquelle il bailla audict euesque Theodoric grande somme de deniers combien que lors il acquesta rentes & reuenuz pour la fondation des chanoines qu'il auoit institué en l'eglise de la Magdaleine par luy edificée à Verdun.Toutefois il estoit si riche & opulent des grans biens & tresors qu'il auoit receu des princes & roys, vers lesquelz il auoit autrefois & de sa ieunesse, esté enuoyé Embassadeur,qu'il auoit moyen de faire les biēs qu'il faisoit aux eglises.Laurentius Leodiensis parlant de luy dict, que le bruiet & reputation de sa perfection en bonnes & sainctes doctrines,meurs & exemplaritez de sainte conuersation, estoit si grand,que de diuers pays & contrées,gens clerz & sçauans emulateurs de sa doctrine venoient à Verdun faire leurs demeurances,y apportoint leurs biens voire patrimonialux,qu'il donnoient aux eglises de nostre dame & de la Magdalene,à fin d'estre receuz en icelles,& viure avec icelluy Ermenfridus,durāt la vie duquel, lesdictes deux eglises florissoiēt à son occasion,& pour les causes cy dessus alleguées excelloiet en grand nombre de gens sçauans & vertueux.Entre lesquelz ledict Leodiensis fait recit & narration expresse d'un miracle veu & adueni en la personne de l'un des disciples dudit Ermenfridus nommé Martin l'escolier homme de grand saincteté de vie, lequel detenu de longue maladie deueint aux destroiēt & articles de la mort & fut par deux iours sans parler,se leua de son liēt vn matin,entre autres,dist deuotement toutes ses matines & heures Canoniales de Nostre Dame,de là s'en alla celebrer messe, en laquelle consacra & receut le corps de Iesuchrist, distinctement sans varier & comme s'il eust esté tout sain.Puis à la fin de la messe disant & proferant ces motz *Illumina faciem tuam super seruum tuum*,rendit son ame à Dieu.

*L'euesque Thierry re'difia l'eglise de Verdun.*

*Vvaso euesque de Liege bailla.ij. liures d'argent blanc pour ayder à r'edifier l'eglise de Verdun.*

*Frederic Cōte de Toul bailla l'usage des boys d'Argonne pour aller à l'edifice de l'eglise de Verdun.*

*Ermenfridus archediacre de Verdun bailla grande somme d'argent pour r'edifier l'eglise dudit lieu.*

*Les vertus de l'archediacre Ermenfridus.*

*De la mort miraculeuse de Martin disciple de l'archediacre Ermenfridus.*

*le Vouē de Verdū aulmosna grans biens pour ayder l'edifice de l'eglise.*

¶ Lors que nostre Euesque Theodoric r'edifioit son eglise, vn homme d'ancienne noble Vvouē de la cité de Verdun voulut estre du nombre de ceulx qui aydoient audict euesque en cest endroiēt:Cestuy avec sa bonne & deuote femme nommée Bertrande baillerent lieu & place pour augmenter,agrandir & eslargir l'eglise,ou elle est de present:Aussi donnerent plusieurs terres & seigneuries d'hommes & femmes de mortes mains & de serue condition pour ayder & parfaire l'oeuvre commencé. Au moyen desquelz dons,& bienfaictz dessus recitez & d'autres,iointz les labours & sollicitations continuelles dudit euesque Theodoric,ladicte eglise fut en Brief r'edifiée & parfaite.

¶ En ce temps qui estoit enuiron l'am mil cinquante, le Pape Leon neuueme de ce nom vint en Gaule & de la en Germanie.Peu auant lequel voyage & luy estant euesque de Toul,appelé Bruno auoit esté esleu Pape par la nomination de l'empereur Henry, & election vniforme de tous les Romains, congnoissans & estans

*Le Pape Leon.ix. premierement Euesque de Toul vint en Gaule.*

# Le.iiii. liure des antiquitez de la gaule Belgicque,

*Concile general à Reims ou l'euesque de Lagres fut depose.*

bien assurez de sa grande doctrine, bonté, meurs louables, sciences tant diuines que humaines, & saincteté de vie. Luy doncques estant en Gaule conuoca à Reims vn Concile, ou feit plusieurs articles sur la reformation de l'eglise, deposant & destituât l'euesque de Langres nommé Hugo frere de Valeranus Abbé de saint Venne chargé & conuaincu d'aucuns cas criminelz. Audiect Concile assisterent nostre euesque Theodoricus & le bon Archediacre Ermenfridus, lesquelz apres lediect concile pri-

*Le Pape Leon à Verdun dedie l'eglise de la Magdaleine.*

rent tellement lediect Pape (qui estoit de leur ancienne congnoissance) qu'il vint à Verdun, ou il dedia en personne l'eglise de la Magdalene nouvellement fondée & parfaicte par lediect Ermēfridus: Aultant en eust il fait à l'eglise cathedrale de nostre Dame dudiect Verdun si elle eust esté acheuée mais elle ne l'estoit parquoy ne le dedia. Il ne s'en alla toutefois sans y faire du bien beaucoup & tel que s'enfuit.

*Le Pape Leon, vailde & approuué la fondation de l'eglise de Verdū, nonobstant que les lettres & chartres d'icelle eussent esté bruslées.*

¶ Voyant les grandes ruines dōmages & desolations aduenues en ladicte eglise par le feu qu'y auoient mis les duc Godefroy & Comte Bauldouin, mesmes que toutes les lettres de fondations d'icelle estoient bruslées & perdues: Ce bon saint Pape meu de tresgrande pitié & compassion causée de la paureté de l'eglise, decreta vne bulle autenticque narrative des rentes & reuenuz que ladicte eglise possédoit lors de sa ruine & desolation, confirmant, validant & aprouuant, par autorité apostolicque les donations priuileges & acquetz faitz du passé comme si actuellement lesdictes lettres perdues eussent esté en nature & essence: Aussi leur bailla de nouveau plusieurs autres beaux priuileges. Il feit le semblable au monastere de saint Venne, qu'il visita ensemble les reliques & corps saintz y estans.

*Le Pape Leon à Liege.*

¶ De là s'en alla en la cité de Liege ou il trouua vn vertueux & sçauant homme de sa congnoissance: C'estoit Frederic archediacre en l'eglise sain Lambert, frere de Godefroy duc de Lorraine, qui auoit bruslé l'eglise de Verdū, lequel Frederic le Pape emmena avec luy tant pour son sçauoir, que parce qu'il estoit son allié & parent, Quel que temps apres neantmoins laissant Frederic la suite dudiect Pape se feit religieux au mōt de Cassine, d'ou le retirant depuis le Pape le cōstitua Cardinal & septieme leuite de la chambre apostolicque, vsant de luy comme son legat en plusieurs grans affaires de l'eglise Romaine, finalement il paruint à la papauté cōme nous dirons cy apres.

*Frederic frere du duc de Lorraine cardinal à Rome*

¶ De liege lediect Pape Leō sollicité & poursuiuy d'aller à Treues, par les prieres de l'Archeuesque du lieu nommé Eberardus, qui l'auoit assisté & suiuy à Reims, Verdū & Liege, s'en alla audiect Treues ou il dedia l'eglise de saint Paulin y baillât & laissant plusieurs beaux priuileges & pardons.

*Le Pape Leon à Treues.*

¶ On lit es histoires de Treues q̄ lediect Eberardus Archeuesque, feit quelque temps apres promulguer vne ordonnance contre les iuifz lors habitans audiect Treues, contenant en somme qu'ilz eussent à se faire Chrestiens & prendre le sacrement de baptesme dedās le sabmedy vigille de Pasques prochain lors suiuaūt, autrement vuidassent & sortissent de la cité sans iamais y retourner. Les iuifz ne furent peu irritez de ce cōmandement & ordonnance, en hayne, mespris & contemnement duquel l'vn d'eulx par art diabolicque feit vne image de cire, qu'il feit à force d'argent baptiser, par vn meschāt prestre de l'eglise saint Paulin. En ceste ymage y auoit vne mesche artificiel le que ce iuif feit allumer lediect iour de samedy vigille de pasques, lequel iour estoit assigné ausdictz iuifz, ou pour se faire baptiser, ou s'ilz ne vouloiēt estre, partir & s'en aller hors de Treues suiuant l'ediect & cōmandemēt dudiect archeuesque Eberardus. Si aduint, que tandis q̄ le bon Archeuesque estoit occupé à baptiser sur les sons, ayant ses accoustremens & aornemens episcopaux, ladicte ymage de cire se consumma iusques à la moytié: Lors prit vne si grande maladie audiect Archeuesque que se mettant à deux genoux deuant vne ymage du crucifix, mourut là subitement & rendit son esprit à Dieu. Cecy aduint l'an mil soixante sept.

*De l'image de cire faite par les iuifz pour faire mourir l'euesque de Treues.*

*Godefroy duc de Lorraine reconcilié avec l'empereur.*

¶ Pour reprendre nostre propos & matiere, le Pape Leon accompagné de plusieurs prelatz: Signamment de Frederic Archediacre de Liege, & du venerable Ermenfridus Archediacre de Verdun (comme diect Laurent Leodiensis) vint vers l'Empereur Henry l'année mil cinquante, & par bonnes remōstrāces, fut fait l'appointemēt dudiect Godefroy de Lorraine avec lediect Empereur. A cest appointemēt & paix ne voulut

# depuis Hue Capet, iusques à Loys, viii. du nom F. ccxxxiiij

voulut lors consentir Bauldouin de Flandres, ains demeura obstiné & pertinax en son opinion: Toutefois tost apres par les remonstrances dudit Pape Leon hōme saint & de grande bonté, iceluy Bauldouin vint à Aix la chappelle se recōcilier avec l'Empereur. Leur accord neantmoins ne dura gueres mais enuiron vn an apres (cōme dit Sigibert) lediēt Bauldouin, apres le retour dudit Pape, se rebella de nouveau contre l'Empereur: Sur lequel il prit le Comté de Hagueno, feit plusieurs courses, inuasiōs, excursions & pillages es pays d'icelluy Empereur circōuōisins de Lorraine, mesmes brusla la ville de Horne ou Honne.

¶ Apres donques que le bon Pape Leon eut visité en la sorte deuant dictē, l'Empereur en la Germanie & en France le roy Henry premier de ce nom, il delibera s'en retourner en Italie: Toutefois auant que partir feit assigner iournée à Berengarius de Tours, au lieu de Verfelles, pour decider de son heretic delaquelle il infectoit & gastoit tout le royaume de Frāce. Ce Berēgarius affirmoit le corps de Iesuchrist n'estre vraiment au sacrement de l'autel, mais seulement par figure. A la iournée assignée ne se trouua Berēgarius, au moyen dequoy luy absent & vray contumax, son erreur fut condanné par lediēt Pape Leon. Apres le deces duquel, lediēt Berengarius se reuoca publicquemēt & confessa sa faulte soubz le Pape Nicolas successeur dudit Leō.

*Berengarius de Tours condanné de son heresie.*

¶ Retournant donques à Rome lediēt Pape Leon passa par la cité de Toul en Lorraine, delaquelle auant son election au papat, auoit esté euesque. Là teint vn Concile avec les prelatz, ou fut deliberée & ordonnée la canonization de saint Gerard, qui aussi auoit esté euesque de Toul. Laquelle canonization fut faicte solemnelemēt par lediēt Pape, pour les grans miracles qui se faisoient iournellement par les merites dudit saint Gerard. De là prenant ce bon Pape le chemin d'Italie s'y retira, au plustost qu'il peult, menant avec luy Frederic Archediace de Liege, & son frere Godefroy duc de Lorraine, qui lors estoit veuf. La cause qui le mouuoit les emmener avec luy en Italie estoit pource qu'ilz estoient ses parens & alliez. Aussi à fin d'euiter les dissensions & rebellions que faisoit & auoit continuellement le duc Godefroy contre l'Empereur, en la male grace duquel ilz estoient à ses occasions.

*S. Gerard Canonisé à Toul par le Pape Leon.*

*Godefroy de Lorraine & son frere Frederic archediace de Liege, vont en Italie avec le Pape Leon.*

¶ Quant le Pape fut retourné en Italie Godefroy qui estoit tresvaillant aux armes ne voulant demeurer inutile ny oyseux, se retire vers vn puissant & noble Marquis d'Italie nommé Boniface, qui lors auoit plusieurs querelles & cōtrouersies cōtre Robert Guichard, ses filz & freres, & autres Normans de leur sùitte, lesquelz (comme auons ia diēt) auoiēt gaigné partie de la Pouille, Calabre & Sicille, au moyen dequoy entre prenoient iouruellement sur les pays dudit Boniface, qui vertueusement leur resistoit. Ce Marquis fut sur tout ioyeux de la venue dudit Godefroy. Aussi luy venoit il lors bien apoint pour resister aux Normans ses ennemis, cōtre lesquelz Godefroy luy seruit tant de par luy que par l'alliance qu'il auoit au Pape Leon son parent, de sorte qu'apres plusieurs batailles & rencontres, les Normans furent repoussez & deiectez des pays dudit Marquis.

*Godefroy de Lorraine allié au marquis de mōiserrat.*

¶ Or pour auoir plus facile intelligence de ce que nous deuidrōs cy apres. Fault icy noter que les historiēs escriuent, que cestuy Boniface estoit natif de Lucque, descendu par longue posterité du sang & lignaige des Roys de Lombardie, ayant tousiours tenu & possédé (mesmes depuis l'expulsion d'iceulx roys) grandes terres & seigneuries en diuerses partie de l'Italie. Il estoit Marquis d'Etrurie en la partie que nous appellons à present le patrimoine de saint Pierre. Aussi estoit Commarche de Mantoue, Ferrare, Lucque, Parme, Reges, & autres villes: Tellement que pour ses richesses & grandes possessions, il espousa & en eut pour femme Beatrix fille de l'Empereur Henry surnommé Niger. iii. du nom selon les Germans: Les Italiens dient deuxieme du nō, aucūs toutefois l'appellent fille de Cōrard Empereur & soeur dudit Henry surnommé Niger, comme fait Naclerus, les autres là dient sa niepce. Quoy qu'il en soit lediēt Boniface engēdra en elle vne fille nommée Mathilde, delaquelle nous escrirons selon l'ordre du temps. Ce confirme Naclerus en son histoire en la. xxxvi. generation: Combien qu'aucuns historiens, comme les antiquitez de l'Abbaye d'Oruault, ayent escript que ladiēt Beatrix tua son mary Boniface, puis apres prit à mary Godefroy le barbu duc de Lorraine: Toutefois cela

*Boniface Marquis d'Etrurie.*

*Beatrix fille de l'Empereur Henry deuxieme.*

est

# Le iiii. liure des antiquitez de la gaule belgicque

*Probatio que Beatrix ne fait mourir son mary.*

est faultz, & ont grandement erré, ou du moins equiuocqué d'une autre beatrix, laquelle eulx mesmes ilz afferment estre fille de Sigifridus. Parquoy ne se doit entendre de ceste cy dont nous parlons, laquelle veritablement estoit soeur de l'Empereur Héry. iiii. femme vertueuse & magnanime entre toutes celles de son temps. Comme on peut veoir par vne clause extraicte d'une epistre, que de son temps le Pape Gregoire septieme escriuit à Anselme euesque de Lucense, contenant ces motz.

*Haec namque persona pacem conantur efficere charissima filia nostra Agnes Imperatrix, necnon gloriosa Beatrix cum filia Mathilde &c.* Aussi pource qu'escrit Jacques Bergomensis en son. xii. liure, ou il dict. *Bonifacius Mathilde comitissa pater vir quidem nobilissimus & multarum facultatum potentissimus hoc anno 1060 apud Mantuam gloriose & sancte excedens ibidem maxima cum funeris pompa sepelitur, qui propter eius ingentes virtutes atque diuitias Beatricem Henrici. iij. regis & Caesaris sororem habere promeruit uxorem. Sed eo mortuo (vt presertur) Beatrix eius coniunx illustris foemina magistratum ipsius matua, Ferrarie ac Camuscij opidi quindecim annis obtinuit. Et unicam filiam suam Mathildem rite sancte iue secundum dei legem educavit.*

*La mort du Marquis Boniface.*

¶ Si tost doncques que godefroy duc de Lorraine fut arriué avec le Marquis Boniface homme ia fort vieil & ancien, & pris alliance & amitié à luy, on luy bailla toute la charge de la gendarmerie dudit Marquis avec lequel il se porta si vaillamment qu'en brief fut victorieux sur les Normans ennemys dudit Boniface, des terres & pays duquel il deiecta & chassa lesdictz Normans. En quoy il acquist grand bruit los & honneur. Ce pendant ledict Marquis Boniface mourut laissant de sa femme Beatrix vne seule fille nommée Mathilde. Neantmoins auant que rendre l'ame, il conseilla à ladicte beatrix sa femme (comme aucuns diēt) qu'elle prist pour mary le duc Godefroy. Ceulx qui tiennent ceste opinion dient aussi que ledict Marquis trespassa enuirō l'an mil cinquante trois. Les autres qui semblablement ont escript dient l'an mil soixante. Ladicte Beatrix suiuant le conseil de son feu mary, espousa le duc Godefroy lequel depuis maria son filz Godefroy le bossu à Mathilde, fille de Beatrix sa femme, ce Godefroy surnommé le bossu, combien quil feust aucunement difforme de corsage ne laissoit d'estre tresuertueux sage & vaillant aux armes.

*Godefroy prend femme Beatrix vfeue du Marquis Boniface.*

*Godefroy le bossu prêt à femme Mathilde fille de ladicte Beatrix.*

¶ Apres ces mariages Godefroy le bossu du consentement de son pere retourna en Lorraine, ou il mena avec luy sa femme Mathilde. Et eulx deux ensemble gouuernerent paisiblement quelque temps le pays de Lorraine, & le Côté de Verdun. Pendant lequel temps (comme on trouue es histoires de l'Abbaye d'Oruaulx) vn iour entre autres que ladicte Mathilde chassoit es boys & forestz du Comté de Chiny, elle se trouua de fortune en vne plaisante vallée, ou estoit vne bien belle fontaine, sur laquelle se reposant & voulant boire de leau d'icelle, y laissa par mesgarde cheoir vn anneau d'or qu'on ne peut depuis iamais retrouver. Au moyen dequoy ladicte vallée & fontaine prit deslors le nom d'Aureavallis, qu'elle a depuis tellement continué qu'encores de present l'Abbaye depuis fondée audict lieu s'appelle Aureavallis ou Oruaulx.

*Comme Mathilde donna le nom de l'abbaye d'Oruaulx.*

*Frederic frere du duc de Lorraine Abbé du mont de Cassine.*

¶ En ces entrefaites le bon Pape Leon retournant à Rome & passant par le monastere du mont de Cassine, en feit religieux & Abbé d'icelluy Frederic, frere dudit Godefroy duc de Lorraine: De là arriua à Rome ou fut aduertiy de plusieurs heresies qui lors Pulluloient & infectoient la Grece, par la faction & moyen d'un moine nommé Nicetas Pictoratus, lequel auoit escript plusieurs liures diffamatoires pleins de blasphemés, libelles scandaleux contre l'eglise Romaine, voire (qui pis estoit) d'heresies & doctrines non moins damnables que reprobées, desquelz neantmoins l'Empereur de Constantinoble nommé Michaël Paphlagon, l'imperatrix Zoe sa femme, & quasi tout le peuple estoient infectez & rempliz. Et encores l'eussent esté dauantage si le bon Pape Leon n'y eust mis ordre, mais ne voulant telle peste & infection s'augmenter plus oultre, ains obuier à telz habuz & erreurs damnables, conuoca vn Concile de tous les prelatz & docteurs de l'Eglise. En ce Concile comparut Hugo frere de Valeranus Abbé de saint Venne, qui par decret du Concile parauant tenu à Reims, par ce mesme Pape Leon, auoit esté depose & priué de son Euesché de Langres ainsi que dessus à esté dict. Cestuy Hugo pour se pur-

*Herésie de Nicetas Pictoratus, à Constansinoble.*

# depuis Hue Capet, iusques à Loys viij. du nō. F. ccxl.

purger & reconcilier à l'eglise, auoit suiuy ledict Pape iusques à Rome, ou attendant l'opportunité s'estoit tousiours tenu secret, iusques à ce qu'il entra au concile, duquel entendons parler. Là deuant tous les assistants teste & piedz nudz portant verges en ses mains pour estre batu, se prosterna humblement, pleurant & genissant amèrement, & profondement demanda aux assistants misericorde criant à haulte voix l'auctorité de l'Euangile en se passage, *Dedit Pater penitenti filio stolam primam pariter & annulum* &c. Le Pape & tous les assistants, le voyant en tel deuoir de contrition, humilité & cō

punction, furent par pitié & compassion emeuz à pleurs & larmes, & eurent tant d'égard à sa penitence & satisfaction qu'il fut sur l'heure absout par le Pape & concile de son offensē, restitué en l'estat & dignité episcopale, reuestu de nouueau d'ornemens episcopaulx avec puissance d'exercer tous actes d'euesque comme parauant, & restably en son eglise de Langres, pourueu toutefois qu'il ny eut surce opposition ou empeschement par le clergé dudit euesché en retournant auquel luy suruint vne maladie, à l'occasion delaquelle detourna son chemin, & vint tout droit au monastere de saint Venne à Verdun, ou il prit l'habit de religion soubz son frere Vvaldranus Abbé d'icelle Abbaye, en laquelle ayant vescu saintement mourut quelque temps apres rendant son esprit à Dieu, son corps fut inhumé en icelluy monastere.

¶ Apres doncques l'absolution & rehabilitation de Hugo euesque de Langres. Ledict Concile de Rome ayant fait venir à Rome Frederic Abbé de Cassine homme de grand sçauoir, le Pape en plain consistoire l'ordonna Cardinal septieme leuite de la chambre apostolicque & chancelier d'icelle. Puis l'enuoya Embassader en cōstantinoble pour reprimer & confondre les heresies y semées par ledict Nicetas. Lequel Frederic en presence de l'Empereur de Cōstantinoble avec deux sçauans & experts docteurs du siege apostolicque nommez, l'vn Hubertus cardinal Euesque Silue eandide, l'autre Pierre Archeuesque Amalitanorum, vainquirent en pleine dispute & cōconturerent par viues raisons ledict Nicetas de sorte que son liure fut bruslé, & lesdictes heresies cōdamnées avec suppression & abolition des articles d'icelles, qui estoient telz:

¶ Premierement que vendre les dons du saint esprit, ensemble les choses ecclesiastiques & sacrées estoit licite.

¶ Secondement le Baptisme des Romains latins deuoit estre reiteré & recommencé, encores qu'il fust au nom de la trinité.

¶ Tiercement l'eglise de Grece estre chef des autres, & à laquelle partant on deuoit obeyr.

¶ Quartemēt que les prestres feussent mariez, & ou se trouueroient euesques ou prestres latins refusans de prendre femme, iceulx deuoient estre chastrez.

¶ Quintement disoient la loy de Moysse estre maudite.

¶ Le sixieme article nyoit le saint esprit estre procedé ne proceder du pere & du filz.

¶ Par le septieme les prestres latins estre azimitez, & ne deuoit entrer en leur eglise.

¶ Soustenoient au .viii. article la consecration se deuoit faire de pain leué.

¶ Brief affermoient & soustenoient plusieurs autres opinions erronees meschantes hereticques diffamantes & entierement contraires aux decisiōs Romaines & faites es conciles.

¶ Quelque temps apres le retour desdictz legatz & ambassadeurs le bon Pape Leon alla de vie à trespas enuiron l'an mil cinquante cinq, en son lieu succeda à la Papaulté Victor deuxieme de ce nom de nation de Baviere.

¶ L'empereur Henry troisieme aduertuy de la mort d'icelluy Leon Pape, ensemble du mariage de Godefroy duc de Lorraine avec sa soeur Beatrix veue de Boniface Marquis d'Etrurie, en fut troyt marry, car il hayoit mortellemēt le duc Godetroy, l'ayant tousiours à suspect & malueilēce pour les rebellions q̄ luy faisoit iournellemēt & bauldouin Cōte de Flādes son cōfederé, à raisō dequoy ledict Empereur desirant la ruine de Godefroy suscita les Lombars, & autres Italiens de mener guerre contre luy

*Rehabilitation de Hugo en son euesché de Langres.*

*Hugo euesque de Langres prêt l'habit de Religion à S. Venne de Verdun.*

*Frederic Abbé de Cassine créé Cardinal & enuoyé legat apostolicque à Constantinoble.*

*Heresies de Nicetas confondues par Frederic Abbé de Cassine.*

*L'Empereur desplaisant du mariage du duc Godefroy avec beatrix.*

Et

# Le.iiii. liure des antiquitez de la gaule Belgicque,

Et de son costé assembla gens, à fin d'inauder & mener guerre sur les pays de Lorraine & de flandres contre Bauldoun.

*Le duc Godefroy & Beatrix retournent en Lorraine*

*Godefroy le bossu & sa femme Mathilde s'en vôt en Italie.*

¶ Dequoy assure Godefroy estât lors en Italie delibera laisser les Itales & retourner en Loraine à fin de se ioinde avec le Comte Bauldoun & deffendre son pays. Pour quoy executer, luy & sa femme Beatrix doueriere du marquisat terres & seigneuries appartenans au feu Marquis Boniface, aduiserent de laisser le tout à Mathilde fille d'icelle beatrix, seule & vraye heritiere dudit feu Boniface, & femme de Godefroy le bossu filz dudit duc de Lorraine, lesquelz Godefroy le bossu & Mathilde sa femme suiuant ce & du consentement d'icelle beatrix leur mere, laisserent Lorraine & s'en retournerent en Italie, pour y gouverner le Marquisat d'Etrurie & autres terres & seigneuries à eulx appartenans de succession paternelle. Au contraire, iceulx duc Godefroy & sa femme Beatrix veindrent en Lorraine à la fin & pour la raison quauz entendu.

¶ On trouue es antiquitez d'Oruault que ladicte Mathilde fut tresioyense & contente de son retour en Italie, & d'abandonner Lorraine, ou elle se hayoit fort & auoit en grand desdain & mespris tout le pays de lorraine & lieux circonuoisins, à raison qu'un sien seul filz qu'elle auoit de son mary Godefroy le bossu, auoit miserablement esté tué en temps d'yuer sur le fleuve desumoy qui est vne riuere passant par la Comté de Chiny & enuironant l'ancien chasteau dudit Chiny.

¶ Auant que godefroy le Barbu duc de Lorraine feust arriué en son pays de Lorraine, ou (ainsi qu'auz entendu) il se retira en l'an mil cinquante cinq. l'Empereur auoit de sorte poursuiuy Bauldoun Conte de Flandres qu'il l'auoit chassé oultre & de la le fleuve de Lescault, destruisant & gastant à feu & sang, pendant ladicte chasse, tous les pays dudit Bauldoun. Puis vint assieger l'un des capitaines dudit Bauldoun nommé Lambert tenant lors la cite de Tournay, lequel en fin il prit par force, ensemble aucuns des principaux du pays de Flandres.

*Frederic Côte de Luxembourg & duc de mozellane assiege à Anuers par Godefroy de Lorraine & Bauldoun de Flâdres.*

¶ Tost apres ce, suruint à layde & secours de Bauldoun le susnommé Godefroy duc de Lorraine tout freschement venu d'Italie, lequel l'estant ioinct avec icelluy Bauldoun, & eulx deux ensemblement ayans grosse armée veindrent assaillir & assieger Anuers ou estoit le duc Frederic Comte de Luxembourg oncle dudit Bauldoun a qui l'Empereur auoit donné la duché de Mozellane, au secours duquel Frederic vindrent ceulx de sa dicte duché voisin des Lorrains, en sorte (cōme dict Sigebert soubz ceste mesme année mil cinquante cinq) que Godefroy & bauldoun furent contrainctz leuer le siege.

*La mort de Godefroy & Conrard freres de Frederic de Luxembourg.*

*Conrard ij. duno Comte de Luxembourg.*

¶ Nous trouuons que les deux freres dudit Frederic nommez Godefroy & conrard premier, qui portoient le nom & tiltre de Comtes de Luxembourg comme luy & desquelz auons escript cy deuant en l'euesque haymo, estoient mortz des l'an mil cinquante. Aussi que audit Conrard premier, succeda son filz Conrard deuxieme du nom enuiron ledict an mil cinquante, prenant & portant ce tiltre & nom de Comte de Luxembourg comme sondict pere faisoit: Nonobstât que ledict Frederic son oncle encores viuât le portast. Cestuy Conrard deuxieme edifia à Luxembourg vn monastere en l'honneur de saint Pierre & saint Paul, qu'on dict à present Nostre Dame. Puis feit le voyage de Hierusalé, au retour duquel mourut en chemin. Son cueur neantmoins fut aporré & inhumé audit monastere en lan mil octante six, estant presente sa femme Clemence, à laquelle il laissa entre autres enfans, Adelbero, qui fut Primicier de Metz, vn autre filz nommé Henry, & le tiers Vvilamme aliàs Conrard, troisieme du nom, lesquelz porterent le tiltre & nom de Comtes de Luxembourg, nonobstant les successeurs du susnommé Frederic de Luxembourg, qui tascherent l'empescher au moyen dequoy y eut entre eulx plusieurs dissentions, qui depuis furent appointées & cesserent par le moyen des Empereurs comme escrirons cy apres.

¶ Durant ces grans troubles & diuisions, le Cardinal Frederic septieme, leuite de la chambre apostolicque, & frere de Godefroy duc de Lorraine, sachant & assure de la hayne & inimitié que l'Empereur auoit à sondict frere Godefroy, & à ce moyé craignant de sa personne, laissa Rome & se retira en son Abbaye de Cassine. Toutefois auant



# depuis Hue Capet, iusques à Loys, viii. du nom F. ccxli.

auant que partir. Le Pape Victor nouvellement esleu, qui desiroit venir en Germanie, & en Gaule, visiter l'Empereur, le pria trouuer moyen quand il seroit là, d'accorder, & pacifier lesdictz princes, Godefroy, & Bauldouyn avec iceluy Empereur. Ce que ledict Pape promet d'en faire tout debuoir, mais il n'y peult besongner, iusques en l'année, mille & cinquantesept, qu'estant en Germanie, conuoqua a Cologne vn Concile general, auquel (entre aultres choses) fut traité l'appoinctement, & la paix faicte, entre iceluy Empereur Henry troysieme, & lesdictz princes Godefroy, & Bauldouyn. Peu apres cest accord, mesmes ledict an, mille cinquantesept, mourut iceluy Empereur, auquel succeda en l'Empire Henry quatrieme son filz, qui ratifia ledict appoinctement. Ce Henry quatrieme, se gouerna du commencement de son Empire, par le conseil de sa mere Agnez, femme tresprudente, craignant & ayant Dieu. Aussi lors de son election, n'estoit encores qu'un ieune enfant, au moyen de quoy n'eust sceu bonnement s'aquitter du faix & charge de l'Empire, mais estant venu en aage, laissa & s'aliena de sa bonne mere, & de ses bons enseignemens. Et par le conseil d'aucuns meschans, vfa de plusieurs tyrannies, contre l'Eglise Romaine, comme dedurons en parlant de luy.

¶ Sur la fin de ceste mesme année, mille cinquantesept, mourut ledict Pape Victor, auquel succeda par election canonicque, Fredericus Abbé de Casine, frere de Godefroy duc de Lorraine, hōme de grādes vertu & doctrint, lequel pout le peu de tēps qu'il vesquit depuis son election, feit grandz biens, & moyenna beaucoup d'vtilitez en l'Eglise Chrestienne. Il y en eust fait d'auantage, s'il eust longuement vescu:

¶ Ces accordz ainsi faictz qu'auetz entendu, entre l'Empereur Henry iij. & lesdictz princes Godefroy & Bauldouyn, & depuis confirmez, & ratifiez par l'Empereur Henry quatrieme, successeur du precedent. Godefroy duc de Lorraine (comme recite Laurentius Leodien. en son hystoire) veint en la comté de Verdun, & y amena la bonne & sainte femme Beatrix, laquelle aduertie des grands dommages aduenuz en l'Eglise de Verdun, les années precedentes par le faict de son mary, induist, & enhorta sondict mary, satisfaire de nouveau, & soy reconcilier à l'Euēque, & au clergé de Verdun. A quoy presta si bien l'oreille le duc Godefroy, que meū d'un remort de conscience, & d'un vouloir de faire satisfaction plus grande qu'il n'auoit faict, conuoça à ceste fin vn Concile general, en la cité de Verdun, ou conueindrent, & assisterent plusieurs comtes, & nobles barons des lieux circunuoysins, ses amys, en presence de quelz, entē dues les grandes cōplainctes, & querimonies du clergé de Verdun, chanoynes, & abbez dudit lieu, sur les oppressions qu'on leur auoit faict, & faisoit encores: Ordonna ledict duc Godefroy, & institua plusieurs choses vtils, & necessaires pour la conseruation des priuileges, & biens d'icelle Eglise, lesquelz il feit rediger par escript, en perpetuelle memoire. Et en signe de bonne paix, requist este apres la mort inhumé en ladicte Eglise de Verdun, ce qui luy fut accordé benignement. Des lors ladicte sainte femme Beatrix eut, & tousiours depuis durant sa vie, continua d'auoir en singuliere recommandation ladicte Eglise, entretenant sondict mary en bonne amour enuers icelle, en sorte que iamais depuis n'y feit dommage.

¶ Entre toutes les bonnes reformations, constitutions, & ordonnances que feit ledict duc Godefroy, en iceluy Concile au profit de l'Eglise, celle fut singuliere, & louable, contre les gardians vuoiez des Eglises, lesquelz mangeoyent, & opprimoyent par exactions nouvelles icelles Eglises. Pour à quoy obuier dicerna lettres patentes, contenant les droictz, & iurisdiccions, que lesdictz vuoiez prendroyent, & auoyent sur lesdictes Eglises. La teneur desquelles lettres, qui sont transcriptes es registres du monastere de saint Venne, j'ay bien voulu mettre icy es propres termes:

**I N N O M I N E S A N C T A E E T I N D I V I D V A E** *Letres du duc Gode-  
Trinitatis, Notum facimus, tam presentibus, quam futuris Ecclesie Dei fidelibus, quant a necessi-  
tate compulsus. Ego dux & Marchio Godefridus, Virduni palatio sedens, diebus sanctis Penhe-  
costes hoc rescriptum posteris mandare voluerim. Multotiens clamores congregationum sancta  
Virdunen. Ecclesie Canonici, Abbates quoque de monasterijs sanctorum Vitoni, Pauli, Mauri ses de Verdun.*

*Appoinctement  
de Godefroy, &  
Bauldouyn, avec  
l'Empereur Hen-  
ry iij.  
La mort de l'Em-  
pereur Henry iij.  
auquel succeda son  
filz Henry iij.*

*Frederic frere du  
duc de Lorraine,  
esleu Pape, apres  
Victor ij.*

*Le duc Godefroy  
par l'hortement  
de Beatrix sa fem-  
me, se recocilia au  
clergé de Verdun*

*Ordonnace de ce  
que les vuoiez  
doibuent prendre  
sur les Eglises.*

# Le.iiii. liure des antiquitez de la gaule Belgicque,

Beatrix femme du  
duc Godefroy.

Gozelo pere du  
duc Godefroy.

Prepositus etiam de Abbacia sancti Germani, insuper etiam abbatissa sancti Mauri, super tor-  
turas subuocatorum, quibus quotidie affligebantur, grauer conquesti, quod ego audiens, & diu-  
tius ferre non valens, valde condolui tristis, & sepius super oppressionibus eorum corde ingemi-  
scens, quod remedium tam miserabili malo inuenire possem pro salute anime mee antecessorum-  
que meorum, maxime vxoris mee Beatricis monitu, & intercessione pulsatus, consilio quoque eius  
& non paruo labore adiuuatus: fauore quoque comitis Manasse, aliorumque nobilium meorum,  
ipforumque subuocatorum adiuuante iudicio fretus cogitavi eorum clamoribus acquiescere, & re-  
quisita ab antiquis temporibus causa sicut viuente patre meo Gozelone meque astante coram Do-  
mino Richardo Episcopo, sicut a nobis acta & definita est presentibus tam clericis, quam laicis  
quid aduocatis iuste prouenire deberet, scripto confirmare.

Concessimus igitur, ut aduocatus ad tria annualia placita veniat, & cum maiore potestatis  
atque scabinis, aliisque ministris ea legitime insimul teneant, & iustitias ibi factas, communiter  
ipse & ministeriales pro posse pauperum determinent, & de communi acquestu, ipsa die victum  
accipiat & de eo quod remanserit suum tertium habeat. Si quid vero de iusticijs ibidem factis, vel  
causis ibidem comotis, aliquid ad persoluendum remanserit, a ministerialibus tertium aduocati re-  
seruetur. Quod si aduocatus dubium habuerit, quod ipsi ministeriales causam annuali placito dif-  
finiendam aut ante determinare, aut post reseruare voluerint, eos super hac re si voluerint sacra-  
mento astringat. Delende vero, & de sanguine facto aliisque iniurijs, si Abbas vel Prepositus sine  
adiutorio aduocati per se rectum inquirere potuerit, inde aduocatus nihil habeat. Si forte vero ne-  
cessaria causa poscente idem aduocatus a preposito, vel Abbate in eadem potestate inuitatus fue-  
rit, vel pro defensione patrie transitum habuerit, de potestate victum competentem accipiat. Si ve-  
ro pro sua ipsius causa idem aduocatus in eandem villam deuenit, aut transitum habuerit, non  
de re fratrum, neque de rebus pauperum sed de suo proprio viuat, neminem forinsecus manere alicui in be-  
neficio tradat. Cum ad annuale placitum venerit de suo tertio quod de eo sibi prouenerit, siue sibi reti-  
nere, siue alteri dare qualiter voluerit disponat. In siluis vero, vel in sartis aut dandi, aut accipiendi  
nullum ius habeat praeter hoc quod premisimus, aduocatorum iuri nihil concedimus. Palefredos vero  
a villanis nullomodo accipiat. Hoc igitur decreti pactum, consilio atque iudicio nobilium meorum  
confirmavi, & episcoporum assensu corroboravi. Atque ut in posterum ratum & inconuulsum per-  
maneat, placuit testes denotari, & nomina eorum subscribi, qui presentes interfuerunt, & assen-  
sum praeberunt huic diffinitioni. Signum comitis Manasse, & filij eius Rainaldi. Signum Hese-  
lini comitis, Arnulphi de Chineio. Signum Vridonis de Quarnario. Signum Milonis de Vienna.  
Signum Angelberti Vicedonij. Signum Vvenzeli de Claromote. Signum Milonis fratris Hai-  
berti. Signum Engobraini Mosomensis. Signum Ingonis aduocati. Signum Riculphi de homis ca-  
stro. Signum Olrici nepotis eius. Signum Lebdonis filij Varneri. Signum Theodorici filij Isambar-  
di. Signum Haiberti filij Haiberti. Clericorum vero nomina. Signum Milonis primicerij. Signum  
Ermenfridi Archidiaconi. Signum Adeldardi Prepositi, & Archidiaconi. Signum Gepuini eco-  
ri. Signum Henrici nobilis Ecclesie nostrae canonici. Nomina vero Abbatum. Signum Gnomi-  
moldi abbatis sancti Vitoni. Signum Folcandi abbatis sancti Pauli. Signum Richardi abbatis san-  
cti Mauricij. Signum Gerbergæ abbatissæ sancti Mauri. Ego dux & Marchio Godefridus hanc  
diffinitionis chartam signi mei impressione signavi.

Les suscriptes  
lettres expedies  
pendant le voya-  
ge de l'Euésque  
Thierry, en Ieru-  
salem.

¶ Or fault icy noter, qu'en ceste assemblée ainsi faite à Verdun, ou lesdictes lettres pa-  
tentes furent decretées par ledict duc Godefroy, ne se trouua nostre Euésque Theo-  
doric, au moyen dequoy ne subigna comme les aultres deuant nommez, icelles le-  
tres patentes. Et s'il eut esté au pays n'eust voulu faillir à se trouuer en si bonne com-  
pagnie, mais il estoit lors au sainct voyage de Hierusalem qu'il auoit entrepris, &  
commencé quelque temps auant ledict concile, & incontinent apres l'acheuement  
de son Eglise, qui fut enuiron l'an mille soixante, la cause qui meut ledict Euésque  
Theodoric à faire ledict voyage, fut pource que de nouueau l'Eglise du sainct Sepul-  
chre auoit esté reedifiée par l'Empereur de Constantinople. Et la paix faite entre  
ledict Empereur, les Chrestiens estans en Hierusalem, & les Soldan & roy d'Egypte,  
ainsi qu'auons dict cy dessus, à raison dequoy plusieurs Chrestiens entreprenoyent  
lors ledict voyage de Hierusalem.

¶ Sigi

# depuis Hue Capet, iusques à Loys viij. du nō. F. ccxliij.

¶ Sigibert dit qu'environ ce temps, au moyen de ce que dict est, & de la facilité du d'iceluy voyage, se trouuerent vn iour du grand vendredy, & s'assemblerent bien sept milles pelerins Chrestiens en vn chasteau assez pres de Hierusalem, ou ilz furent assailliz par les Arabiens, qui en tuerent tant, qu'il n'en demeura pas deux milles.

*Occision de cinq mille Chrestiens pellerins en Hierusalem.*

¶ Nostre Euesque Theodoric esmeu de deuotion de voyager en Hierusalem, partit en ceste intention prenant le chemin de Rome, par l'Italie. Passant laquelle & arrivant à Vincense cité des Venitiens, trouua la saint Thibauld, qui ayant laissé le monde, & negligé l'estat d'iceluy, faisoit sa residence, & penitence en ce lieu, encores qu'il fut gentilhomme, possédant auant sa retraite beaucoup de biens, & grandes seigneuries en Gaule. L'euesque Theodoric fut ioyeux au possible de l'auoir trouué, à fin de conferer avec luy, & r'afreschir leur ancienne congnoissance & amitie: enquoy ilz s'aquiterent volontairement & de grand zele, comme lon peut coniecturer. De la ledict Euesque veint à Rome, visita le Pape Nicolas deuxieme, lors tenant le siege, auquel il feit plusieurs beaulx dons & presens, à raison dequoy il obtint dudit Pape plusieurs beaulx priuileges pour son Eglise de Verdun. Puis ayant receu sa benediction, & prins congé de luy, passa par la Grece, ou il feit le semblable qu'il auoit fait à Rome, à l'Empereur de Constantinople. Laurentius Leodien. dit en cest endroit, qu'il fut si agreable, tant audict Pape, qu'à l'Empereur de Grece, qu'ilz le louerent sur tous aultres de sa munificence, & liberalité. Apres auoir visité Constantinople, s'en alla en Hierusalem, parfeit deuotement son voyage, puis s'en retourna en son pays & Euesché, ou il arriua non moins dispos, mais en aulant bonne santé que lors de son departement d'icelluy. Aussi estoit il homme fort bien complexione, & grand voyageur.

*S. Thibauld faisoit penitence en Italie.*

*Priuileges du Pape Nicolas ij. à l'Euesque Thierry pour son Eglise de Verdun.*

*Theodoric feit le voyage de Hierusalem.*

¶ Les hystoires parlans de luy, dient qu'en son temps il feit plusieurs voyages à Rome, & ailleurs suyuant la court des Empereurs, signamment celle de l'empereur Henry iij. Auquel il fauorisa tousiours, & tellement qu'il obtint de luy plusieurs biens, pour les Eglise de sa cité de Verdun, comme le fief & seigneurie de Dure, avec toutes ses appartenances. Semblablement vn chasteau lors nommé Miroalht, mesmes vne grande forest, toutes lesquelles choses, ledict Euesque Theodoric bailla, & laissa à son Eglise cathedrale de nostre Dame.

*Les biens que l'empereur Henry iij. bailla à l'Euesque Thierry.*

¶ D'auantage feit ledict Theodoric beaucoup de biens au monastere de S. Venne, confirma au profit de l'Eglise d'iceluy, toutes les fondations, donations, dixmes, & collations des cures estans en son diocese, que ses predecesseurs Euesques auoyent fait audict monastere, auquel il donna toute la iurisdiction du Ban, qu'on dit à present le mont saint Venne. D'auantage pour l'amour, & reuerence qu'il portoit à l'Eglise de S. Venne, print tout son temps, peine, & meit diligence & sollicitude, de bien faire entretenir ledict monastere, seust en ceremonies de la religion, & ordre, feust pour l'entretien nourriture, & traictement des religieux.

*Le ban S. Venne donné au monastere par l'Euesque Thierry.*

¶ Environ l'an mille soixante deux, mourut le bon Valeranus abbé dudit S. Venne, au moyen dequoy l'Euesque Theodoric institua abbé en son lieu, vn nommé Grimoldus, qu'il cuidoit homme digne & capable de telle dignité & charge. Mais se sentant deceu, & voyant sa negligence, par laquelle les religieux estoient desreglez soubz luy, ne viuans comme appartenoit à leur ordre, & profession, le deposa environ xvj. ans apres son institution, luy ostant ladicte Abbaye, laquelle il bailla à vn venerable religieux de l'Abbaye Saint Agry; nommé Rodulphus homme de grand sçauoir, & parfait en sainte religion. Cestuy incontinent apres son institution, & reception, meit si bonne reformation audict monastere de S. Venne, que de toutes pars venoyent gens de bien, prendre l'habit de religion audict S. Venne.

*Grimoldus depose de l'Abbaye de S. Venne.*

*Rodulphus institué abbé de saint Venne, au lieu de Grimoldus.*

¶ Laurentius Leodien. recite en son hystoire, que lors le monastere saint Agry de Verdun florissoit en si grand bruit & renommée de sainte religion, que de diuers monasteres qu'on desiroit reformer, on venoit prendre & eslire pour abbez des religieux dudit monastere saint Agry, en sorte que pour ledict temps on en print dou

*L'abbay S. Agry à Verdun, florissait en sainte religion.*

# Le iiiij. liure des antiquitez de la gaule belgicque,

ze d'iceulx, qui furent faitz abbez, en diuers monasteres, à fin de mettre reformation en icelles.

*Scisme en l'Eglise du tēps d'Alexandre ij. Pape, & de Henry iij. Empereur.*

¶ En l'an suyuant mille soixantedeux, Alexandre deuxieme, natif de Milan, succeda à la papaulte par election des Romains seulement, & sans le consentement, mais contre le vouloir de l'Empereur Henry iij. Au moyen dequoy, aduint vn scisme en l'Eglise, d'aultant que tous les Euesques de Lombardie, non seulement en faueur, mais ausi par commandement dudit Empereur Henry, feirent election nouvelle, par laquelle ilz instituerent vn aultre Pape, nommé Cadolus euesque de Parmense, qui à force d'armes, vint deux foys, iusqu'à Rome, ayans grosse suite de gens de la Lombardie, lesquelz luy donnoyent obeyssance, par force d'argent, le benefice duquel, & de ses grandes richesses, & opulences, ensemble pour la faueur que le pere luy portoit.

*Godefroy le bossu, & sa femme Mathilde à Rome pour la defense du Pape.*

¶ Toutefois Godefroy le Bossu, & sa bonne femme Mathilde, princesse magnanime, & vertueuse, qui lors estoient en Italie (comme ia auons dict) ou ilz tenoyent le party de l'Eglise Romaine, resisterent & empescherent les entreprinſes de l'Empereur, & du nouveau Pape. Et à ceste fin allerent tous deux à Rome, ou ilz defendirent le Pape Alexandre, ainsi que presentement pourrez entendre. Ce Godefroy le Bossu, & sa femme arriuerent de fortune à Rome, le iour mesmes d'une bataille que les Romains auoyent contre les gens dudit Candolus. Lequel à l'heure que ledict Godefroy suruint estoit prest d'obtenir victoire, & les Romains de se mettre en route, & prendre la fuite. Quoy voyant Godefroy entra en la bataille, ou il feit en sorte & tant d'armes, que la chance, & fortune tournée, Candolus fut contrainct s'en fuir, & retirer à Milan, non sans grande perte, & desfaiete de ses gens.

*La mort de Frederic de Luxebourg duc de Mozelande Gerard d'Alsacie alias de Castinach fait duc de Mozelande.*

¶ En l'an suyuant surueindrent plusieurs choies nouvelles es pays de Lorraine, & lieux circunuoysins, ensemble plusieurs troubles, & molestations, contre la liberte de l'Eglise de Verdun.

*Ermenſon comtesse de Luxebourg.*

¶ Enuiron l'an mille soixantefix, Frederic de Luxembourg, comte de Mozelande, oncle de Bauldouyn de Flandres, estant fort ancien, alla de vie à trespas, au moyen dequoy l'Empereur Henry iij. donna le duché de Mozelande à vn sien parent, nommé Gerard d'Alsacie troysieme du nom, filz de Gerard d'Alsacie ij. du nom, lequel le supplement de la cronicque de Bertaire, appelle comte de Castinach. La cause qui meut ledict Empereur faire ledict don audict Gerard d'Alsacie, fut pource que ledict Frederic n'auoit heritier male, mais seulement auoit vne fille nommée Ermenſon, premiere du nom, laquelle print possession du comté de Luxembourg, & fut mariée à Godefroy de Namur, filz de Gilbert comte de Namur. Lequel Godefroy auoit parauant eu vne aultre femme. Nous ecriuons de luy, & ladiete femme Ermenſon, selon l'ordre du temps.

*Verdun bruslé par Rodulphus comte de Crespy.*

¶ Rodulphus comte de Crespy en France, veint vers ce temps assaillir la cité de Verdun, ou il meit le feu, tellement, qu'il en brusla grande partie. Cestuy quelque temps parauant auoit espousé la Royne blanche, nommée Agnes, vesue du roy Henry, & mere de Philippe premier de ce nom, roy de France, lors regnant. Icelle Agnes, ou Anine, fonda a Senlis, vne bien belle Eglise, en l'honneur de saint Vincent le martyr, ou elle meit chanoynes, auquelz ordonna porter robes, & scapulaires de couleur de sang, à la difference des aultres, & ce pour memoire du martyre souffert par saint Vincent.

*Fondation de S. Vincent à Senlis.*

¶ La cause pour laquelle Rodulphus eueut guerre cōtre la cité de Verdun, estoit, par ce que nostredict Euesque Theodoric, homme magnanime, & desirant la liberte de son Eglise, luy auoit peu auant refuse, & denié le payement, & continuation d'une pension, que ledict Rodulphus maintenoit les Euesques de Verdun, auoir du passé payé, & continué à ses predecesseurs comtes de Crespy, & à luy par chascun an, laquelle pension estoit de vingt liures d'argent blanc, & auoit esté crée & assignée, par composition forcée, & contraincte, du temps que la cité, & l'Eglise de Verdun estoient opressees des guerres, & par leurs ennemis. Et soubz couleur de ladiete composition Rodulphus demandoit instamment ladiete pension, laquelle cessa, & fut assopie

# depuis Hue Capet, iusques à Loys viij. du nō. F. ccxliij.

assopie par la magnanimité, & bonne conduicte dudit Euesque Theodoric, lequel reprima de sorte & si vaillamment l'entreprinse de Rodulphus, qu'a force de gens qu'il auoit assemblé, il le contraignit retourner en son pays, voyre soubz pact & promesse, de ne iamais quereller, ne demander ladicte pension.

*Victoire de l'Euesque  
Thierry cōire  
Rodulphus comte  
de Cressy.*

¶ Nostre hystorien Leodien escript, qu'environ ce temps (combien qu'à la verité semble, que ce fut apres le decés de Godefroy le bossu) Nostre Euesque Theodoric alla assaillir le chasteau de Rouuille, ou de Rouue (car il l'appelle en Latin de Roronic) appartenant à son eglise, lequel le comte Halo auoit vsurpé, l'occupoit lors, & y auoit mis gens en garnison, qui le tenoyent par force, toutefois, ilz ne peurent soustenir l'effort des gens de l'Euesque Theodoric, mais furent en partie tuez, & les autres le gaignerent à la fuite, au moyen dequoy le chasteau fut recouuré sur ledict comte Halo, qui aduertý de la perte dudit chasteau, & recouurement qu'en auoit fait sur luy, nostredit Euesque Theodoric, espia vn iour entre autres, que ledict Euesque n'y ses gens, n'estoyent à Verdun, laquelle n'estoit encores reedifiée, ne remparée, de puis que le comte Rodulphus y aaoit mis le feu. Si entra ledict Halo avec grosse compagnie en la cité, meit derechef le feu en icelle, & y fait gros dommages. Enquoy lon peult veoir nostre cité de Verdun auoir esté bruslée troys foys du temps d'iceluy Euesque Theodoric, lequel print grosse vengeance contre ledict Halo, destruisant toutes ses terres & seigneuries, sur lesquelles fait tant de courses, & inuasions, qu'en fin iceluy Halo, fut forcé & contrainct crier mercy audict Euesque, voyre appoincter à luy tout à son plaisir.

*Le chasteau de Rouuille  
recouré par  
Thierry sur Halo  
le comte de Dun.*

*Verdun bruslée  
par Halo.  
Verdun bruslée  
troys foys, du tēps  
de l'Euesque  
Thierry.*

¶ Dicit outre nostre dict hystorien Leodien. que cestuy Halo se nommoit vvoué de Dun le chasteau, soubz vmbre qu'il le tenoit & gouernoit en l'absence & au nom de Mathilde femme de Godefroy le Bossu. Lesquelz (comme auons ja dit) estoyent en Italie, defendans le Pape, & l'Eglise Romaine, contre l'Empereur Henry iij. Neant moins est certain, que lors ledict Halo n'estoit seigneur dudit chasteau de Dun, qui appartenoit ausdictz Godefroy le Bossu, & Mathilde sa femme, lesquelz veritablement l'auoyent eu par succession de leur oncle Frederic, qui fut Pape, ou bien par acquest de Frederic duc de Mozelande, comme on peult veoir par la donation que ledict Empereur Henry iij. en fait aux Euesques de Verdun, en priuant ladicte Mathilde, & fondict mary dudit chasteau, pour auoir commis crime de lese maiesté contre luy, ainsi que dirons tout presentement.

¶ Nous lisons qu'en ce mesme temps, l'Empereur Henry iij. bailla audict Euesque Theodoric ledict chasteau de Dun, lors situe au comté de Doux, ensemble toutes ses appartenances, terres, riuieres, & autres droictz seigneuriaux, telz & tout ainsi que le souloit tenir parauant le duc Frederic. Lequel bail, & don, il passa lettres autentiques au profit des Euesques de Verdun, des l'an mille soixantefix. Lesdictes lettres se trouuent encores aux arches de l'Eglise de Verdun. Ledit Empereur print occasion de faire ladicte donation & de priuer icelle Mathilde dudit chasteau, pource qu'elle auoit commis, comme il disoit crime de lese maiesté. Et tant qu'elle soustenoit avec son mary l'Eglise Romaine, & le Pape Alexandre, contre icelluy Empereur, qui empeschoit iceluy Pape, en la iouissance du Papat.

*Le chasteau de  
Dun, donné aux  
euesques de verdun  
par l'Empereur  
Henry.*

¶ L'an suyuant qu'on comptoit mille soixantesept, ledict Empereur manda à nostre Euesque Theodoric (qui estoit des plus familiers & fauoritz) qu'il se trouuast en vn Concile general accordé entre luy & le Pape Alexandre ij. estre tenu en la cité de Mantua, ou se deuoyent trouuer tous les prelatz Cisalpins, & Transalpins, pour decider & terminer le different de la Papauté lors estant entre ledict Alexandre, & Candolus, cy deuant nommé. A ce mandement, voulant obtemperer l'Euesque Theodoric s'appresta, toutefois auant que partir, aduertý qu'un sien bon amy, & ancien confederé Geruafius Archeuesque de Reims, ouy & receu le message, en fut tresioyeux, & suyuant icelluy veint à Verdun accompagné de plusieurs gentilzhomes, & nobles du pays de France, qui le veindrent conduire, iusques audict Verdun, ou ilz furent receuz magnifiquement, sumptueusement, avec grande ioye, & festin

*Concile general à  
Mantua.*

*Geruafius archeuesque  
de Reims, &  
l'Euesque Thierry  
vont au Concile.*

# Le iiii. liure des antiquitez de la gaule belgique

*Otho archeuesque de Cologne, scismaticque, contre l'eglise Romaine.*

de la part de l'Euesque Theodoric, lequel les ayant benignement traictez quelques iours, partit de Verdū avec ledict Archeuesque Geruasius, à fin d'aller audict Cōcile. Ilz prindrent le chemin de la Germanie, expressement pour conferer avec les prelatz du pays, qui tenoyent les parties de l'Empereur Henry, signamment avec Otho Archeuesque de Cologne, qui auoit esté cause de faire oster à la bonne Agnes mere dudit Empereur, l'administration & gouvernement de son filz. Aussi auoit esté à Rome, remonstrer & sommer au Pape Alexandre, de la part d'iceluy Empereur, de soy deslister de l'occupation du Papat, dont estoit succedé, que ledict Concile accordé entre eulx se tiendroit à Mantua, pour discuter l'affaire.

*Le corps du saint homme Cono, inhumé en l'Abbaye de Toley par l'Euesque Thierry.*

¶ Les hystoires de Treues dient, qu'en faisant ledict voyage, ou du moins bien peu apres icelluy, nostre Euesque Theodoric passant par vn village de la Germanie, fut aduerti que le corps du bon & saint homme Cono martyr, parauant trouué par vn pouure, & simple homme soubz des fueilles en vn boys, tué & meutry, auoit esté inhumé audict village. Si fit ledict Theodoric leuer de terre ledict corps, puis reuerentment le porter au monastere de Theologū, ou Tholey, ou il fut de nouveau inhumé, & fit plusieurs beaulx miracles.

*La mort du saint homme Cono.*

¶ Sigibert escript que Cono, ou Conradus estant princier de Cologne, & aduenant la vacatiō de l'Archeuesché de Treues, fut pour sa sainteté nommé Archeuesque de Treues par l'Empereur Henry, soubz l'authorité duquel & pour en prendre possession, ce saint homme Cono se meit en chemin, dont aduerti vn comte de Treues nommé Theodoric, pour ce empescher fit prendre ledict Cono par ses sergens, & satellites qui à son mandement le menerent en vn boys, sur le sommet d'un hault rocher, d'ou par troys foys le precipiterent en bas. Toutefois il n'eut aucun mal, quoy voyans les meurdriers, luy coupperent la gorge, puis le cachèrent soubz les fueilles des arbres, au lieu meisme, au quelque temps apres le trouua le poure homme, duquel auons n'aguères parlé. De ce cas enorme & meschant, fut ledict comte conuaincu finalement & banny du pays par ordonnance de l'Empereur, au moyen dequoy entreprint le saint voyage de Hierusalem, & depuis ne fut veu.

*Accord entre le Pape Alexandre & Candolus.*

¶ Or pour retourner à nostre matiere, le Concile general accordé entre le Pape Alexandre, & Henty iiii. Empereur, fut tenu à Mantua, y assistant personnellement ledictz Pape, & Empereur, ensemble les prelatz, susmentionnez. Par deliberation & decret desquelz fut confirmé, & approué vray Pape, ledict Alexandre ij. & Candolus reiecté & improué comme symoniacle, scismaticque, & ambitieux. Toutefois par l'intercession de l'Empereur, le Pape luy pardonnant l'institua en dignité Episcopale, & par instantes prieres, voire quasi force & contraincte ledict Pape bailla l'archeuesché de Rauennes, à Gilbert homme seditieux & mauuais, qui mesmes auoit esté motif, & autheur du scisme susdict.

*Entreprise de Robert Guichard, contre les prestres de l'Eglise Romaine.*

¶ Durant cedit Concile, veindrent nouuelles (comme dit Platin) que Robert Guichard, son frere Richard, Guillaume son filz, & aultres Normās, sentās le Pape occupé en icelluy Concile, auoyent prins Tarente, & plusieurs aultres terres de l'obeyssance de l'Eglise Romaine. A raison dequoy, & à fin de resister auxdictz Normās, ledict Pape enuoya le Cardinal Hildebrandus Archediacre du siege Apostolicque homme de grande doctrine, vertu, & magnanime, qui fit diligence de se retirer vers Godefroy le Bossu, & sa femme Mathilde confederes de l'Eglise, lesquelz leuerent grosse armée, donnans secours au Pape, & à son Eglise, de sorte qu'ilz contrainquirent iceulx Normans d'eulx retirer hors les terres de l'Eglise, puis le tout recouré, & remis en l'estat precedent, iceulx Hildebrandus Cardinal, Godefroy le Bossu, & sa femme Mathilde veindrent à Rome, ou furent receuz dudit Pape, & de tous en general, avec grand honneur, & ioye d'un chascun. ¶ Le susdict Concile de Mantua, finy, nostre euesque Theodoric, retourna à Verdun avec son bon amy Geruasius, archeuesque de Reims, qu'il traicta humainemēt quelques iours audict Verdū, puis on persone le conduict iusques audict Reims, ou il fut receu magnificquemēt, & festoyé grandemēt par ledict Geruasius de l'ordonāce, vouloir, & mademēt duquel fut faicte entrée

*Victoire de Godefroy le Bossu, & de sa femme Mathilde, contre Robert Guichard, et les Normāns.*

*L'euesque Thierry honorablement receu à Reims.*

# depuis Hue Capet, iusques à Loys viij. du nō. F. cccxliij.

entrée à nostre dict euesque, comme à vn prince, ou bien grand seigneur. Car entrât en la cité estoient sur les portes, ieux, esbastemens & chantres, chantans melodieusement diuers moterz, & entre autres vn contenant. *Commonisti terram & conturbasti eam.* A quoy ledict Theodoric respondit ausdictz chantres. *Sana contritiones eius quia cōmota est.* De là veint icelluy Theodoric en l'eglise saint Remy, ou il chanta solemnellement la messe: A pres laquelle, par sa liberalité & munificence, donna à ladiète eglise saint Remy, sa chappelle d'argent, qui estoit de gros pris, & qu'il portoit ordinairement, avec luy. Puis visiterent, luy & Geruasius, l'eglise de saint Denys: en laquelle nouvellement icelluy Geruasius auoit fondé chanoines reguliers. Et ayant seiourné à Reims quelques iours, print congé amyable de l'archeuesque Geruasius, apres auoir de nouveau confirmé leur amitié & alliance, & s'en tetourna à Verdun.

*Dons de l'uesque Theodoric à l'eglise de Reims.*

¶ Quelque temps apres ce retour dudit euesque Theodoric à Verdun (comme dict Sigebert) enuiron l'an mil soixante neuf, mourut Gerardus d'Alsatie troysieme du nō comte de Castinense & duc de Mozelande, laissant (entre autres enfans) deux filz, l'aîné desquelz nommé Theodoric, eut pour son partage le duché de Mozelande. Cestuy au commencement de son regne, fut difficile, fier, & orgueilleux. Toutefois grād zelateur de l'honneur de Dieu & de l'eglise. Pour preuue de quoy nous lisons qu'enuiron l'an mil septante, il feit quelque fondations en l'eglise: entre lesquelles s'en trouue vne faicte en faueur du prioré, situé en Lorraine de la collation de l'abbaye saint Denys en Frâce. En ceste fondatiō icelluy Theodoric se dict descendu de la lignée de Charlemagne, & se nomme duc de Lorraine, pource que ledict duché de Mozelande estoit situé es parties & limites de l'ancien royaume de Lorraine. Combien qu'à la verité durant le temps d'icelluy Theodoric, Godefroy le bossu, & apres luy son nepueu Godefroy de Buillon, regnassent en Lorraine, que nous disons Moderne, ou la hualte Lorraine. Et ledict Theodoric tenant le duché de Mozelande, qui se peut prendre & appeller Lorraine Mozelanique.

*La mort de Gerard de Castinense, duc de Mozelande.*

*Theodoric duc de Mozelande prenoit tiltre de duc de Lorraine.*

¶ A raison duquel duché & soubz le pretexte d'icelluy, ledict Theodoric se nommoit en plusieurs fondations qu'il feit, duc de Lorraine, c'est à dire duc au royaume de Lorraine. Enquoy il ensuyuoit ses predecesseurs ducz de Mozelande, lesquelz iaçoit que lors de leur temps & regne, ledict royaume de Lorraine fust supprimé & terminé totalement (comme auons ia dict) neantmoins auoient d'ancienneté tousiours porté tiltre de duc de Lorraine, c'est à dire en Lorraine. Lequel tiltre ancien à ce moyen ceulx qui succederent audiect duché de Mozelande, reteindrēt tousiours. Toutefois ilz adioustoient en plusieurs lettres tiltres & chartres, ce mot, Mozelanique, pour monstrier la difference du duché de Lorraine erigé premierement, soubz Charles premier duc d'icelluy.

*Pourquoy les ducz de Mozelande portoiēt le tiltre de duc de Lorraine.*

¶ Les lecteurs entendent (s'il leur plait) ceste difference & distincō, mieulx que n'ot fait Simphorianus & autres historiens Lorrains, qui me semblent auoir grandemēt erré & equiuocqué en ce qu'ilz ont prins cestuy Theodoric duc de Mozelande, pour vn autre Theodoric, filz de Guillaume, frere de Godefroy de Buillon, qui fut duc de Lorraine (comme esctirons cy apres). Et de ce sont ces historiens venuz encores en plus grande erreur. Car, soubz vmbre qu'ilz trouuent les fondatiōs faictes par cestuy Theodoric, estre datées de l'an mil septante & de l'an mil nonante: Il ont escript Hierusalem auoir esté conquestée, par Godefroy de Buillon en l'an mil septante, ou en l'an mil nonante, cuydant s'accorder à la supputation du temps, & faire à croire que ce Theodoric fust filz de Guillaume frere d'icelluy Godefroy de Buillon, chose nō moins ridicule que faulse. Par ce qu'à la verité Hierusalem fut conquestée l'an mil cēs ou enuiron. Aussi Theodoric duc de Lorraine Mozelanique, ne fut filz dudit Guillaume: mais bien vn autre Theodoric duc de Lorraine, qui veritablement commença à regner & prendre le tiltre de Lorraine, l'an mil cēs dixhuiet seulement du moins vers ce temps là.

*Differēce de Theodoric duc de Mozelande & de Theodoric duc de Lorraine, filz de Guillaume frere de Godefroy de Buillon.*

*L'année que veritablement Hierusalem fut conquestée par Godefroy de Buillon.*

# Le .iiii. liure des antiquitez de la gaule belgicque,

**Gerard premier comte de Vvaudemont.**

¶ Pour n'elongner nostre matiere, ce Theodoric de Mozelane eut vn frere, nommé Gerard, qui apres la mort de son pere eut grosse question & querelle, contre son frere Theodoric, pour la succession paternelle: tellement qu'ilz eurent grâdes guerres ensemble: mais finalement l'empereur Henry les accorda. Enquoy failant Gerard eut pour son partage les terres de Vvaudemôt & Suniace, que l'empereur erigea premierement en comté l'an mil septante deux.

**Gerard de Vvaudemôt prisonnier.**

¶ Ce Gerard premier comte de Vvaudemont & ses appendences à l'ocasio de ladite erection monta de son commencement en orgueil, vlt de grande tyrannies, contre les eglises & nobles de son pays, voire contre ses voyzins, vltirpant par force & violence les biens & heritages d'autruy, battant l'vn, tuant l'autre, brief faisant mauix & extorsions innombrables: Entre lesquelz se trouue l' homicide qu'il feit en la personne de Huges, filz du filz de Sophie cōtesse de Bar, dont il endura beaucoup de mauix & encores plus de persecutions. Car le ieune Hubert filz de Huicbert duc de Bourgogne & nepueu de Huges de Bar, esmeut guerre, contre ledict Gerard, qui fut prins prisonnier & perdit ses gens. Toutefois quelque temps apres au moyen de son frere

**Hauue de Bourgongne femme de Gerard de Vvaudemont.**

Theodoric duc de Mozelane, il fut deliuré de prison & retourna en son pays: aussi tost qu'il y fut arriué commença à se reduire en toutes vertuz & prudence, restituant ce qu'il auoit des eglises, & d'autruy. Au moyen dequoy eut pour espouse Hauue, fille de Huicbert de Bourgongne, de laquelle eut plusieurs enfans, l'ainné desquelz, nommé Huges, luy succeda au comté de Vvaudemont.

**Fondation faicte par Theodoric duc de Mozelane.**

¶ Or pour monstrer que ces deux freres Theodoric de Mozelane & Gerard premier comte de Vvaudemôt, n'estoient enfans de Guillaume, frere de Godefroy de Buylon, ie transcriray icy quelques clauses, que j'ay extraict des lettres des fondations, qu'ilz feirent. Et premierement d'une fondariō faicte par le duc Theodoric, ou Thierry, à saint Mathias, lez Treues commençant.

*In nomine, &c. Puis contient. Hinc est quod ego Theodoricus filius Gerardi ducis Lothoringia, ex antiqua Caroli magni progenie geniti, dux Lothoringia pace habita per misericordiam Dei cum fratre meo domino Gerardo primo comite Vvadanimontis, do fratribus ecclesie beati Mathi apostoli, &c. Eadem forma sicut pater noster Gerardus & propatruus noster Albertus seu Albertus dux Lothoringia, & vxor eius Iutta dederunt. Data Anno domini millesimo nonagesimo.*

**Fondation de Gerard premier comte de Vvaudemôt.**

¶ Secondement à fin de monstrer que ledict Gerard frere de Theodoric, tenoit le comté de Vvaudemôt du temps mesme, que Guillaume frere de Godefroy de Buylon gouernoit Lorraine: le mettray aussi vne autre clause extraicte de la fondation faicte à Belleual, par icelluy Gerard contenant.

*Ego Gerardus comes Vvadanimontis, filius domini Gerardi ducis Lothoringia, de voluntate & assensu vxoris mee, domina Hiluidis & filij mei Hugonis, do cella & fratribus ecclesie Belleuallis, decim as castelli de Raucourt, Vvalerij, &c. Data Anno millesimo centesimo septimo.*

**Confirmation des fondations de Gerard de Vvaudemont.**

¶ Par autres lettres de cōfirmation des priuileges du monastere de Moyenmouftier, ottroyés & expediés par l'empereur Henry quatrieme, appert dauantage & plusfort de ce qu'auons ia dict desdictz Theodoric & Gerard freres. Car esdictes lettres de confirmation est apposée clause contenant.

*Cellam que dicitur Belleuallis cum suis appendencijs ea libertate habeant qua comes Gerardus comes Vvadanimontis prefati Theodoric ducis Lotharingie frater & vxor sua Hiluidis, cum filijs suis donauerunt, quia nec aduocationem, &c. Dato decimoquinto Calen. Februarij, Indictione septima. Anno incarnationis domini millesimo centesimo decimoquarto.*

**La mort de Gerard premier comte de Vvaudemôt.**

¶ Ledit Gerard comte de Vvaudemont, mourut en l'an de grace mil cent & vingt, apres auoir regné quarante ans. Son corps fut inhumé en l'eglise de Belleualle, & luy succeda audict comté de Vvaudemôt son filz Huges, ainsi qu'auons ia escript.

**La mort de Theodoric duc de Mozelane.**

¶ Son frere ainné Theodoric duc de Mozelane, mourut enuiron l'an mil cent quinze laissant plusieurs enfans, desquelz l'ainné, nommé Symō luy succeda audict duché de Mozelane. Et son troysieme filz nommé Sigifridus, fut marié à Beatrix comtesse de Brye



# depuis Hue Capet, iusques à Loys viij. du nō. F. ccxlvj.

de Brye diocese de Metz: De laquelle & dudit Sigifridus sont descenduz les comtes de Brye, comme amplement nous dirons, selon l'ordre du temps.

¶ Durant ce temps, de l'an mil soixante neuf, la comtesse Sophie tenoit encores le cōté de Bar. Nous liſons d'elle es annales de l'abbaye de ſainct Mihiel, notamment au vingthuitieme chappitre d'icelles, qu'elle eſtant en viduité exerçoit par ſucceſſion paternelle la Vvourie d'icelle abbaye, à raiſon de laquelle, quand venoit la vocation de ladicte abbaye, elle nommoit vn Abbé à ſon plaisir, qu'elle inſtituoit en l'abbaye, par la tradition du baſton paſtoral, ſans que les religieux y meiſſent, ou donnaffent aucun empeschement. Auſſi lors eſtoit la couſtume obſervée inuiolablement au prece dent par les predeceſſeurs d'icelle Sophie, laquelle ſuyuant ladicte ancienne couſtume & maniere de faire des Vvouez de ladicte abbaye, aduenant en ce meſme temps la vacation d'icelle par la mort de l'abbé Albertus, elle y inſtitua & en prouueut par tradition dudit baſton, vn notable & vertueux religieux, nommé Sigifridus, qui la receut d'elle en la qualité deſſus recitée. Mais quelque temps apres congnoiſſant Sigifridus nouveau abbé ceſte couſtume eſtre damnée & reprouuée par les ſainctz canōs & decretz de l'eglise catholique, ſeit ſur ce grande conſcience & eut vn remort, qui tant le ſtimula, qu'il delibera ſoy faire abſouldre & prendre nouvelle inſtitution du Pape Gregoire ſeptieme du nom, lors tenant le ſiege, duquel il eſperoit l'obtenir facilement, pour ce que ledit Pape auoit toujours eſté & encores lors eſtoit grand zelateur de l'eglise & perſecuteur des princes lays & ſeculiers qui entreprenoient ſur l'autorité d'icelle. Soubz la cōſiance de quoy & à la fin que deſſus, ledit abbé Sigifridus s'en alla à Rome, ou il obtint rehabilitation & nouvelle prouiſiō de ſon abbaye. Dōt aduertie la bonne comtesse Sophie n'en fut d'entrée contente, pensant auoir eſté & eſtre contemnée & meſpriſée, par ledit abbé. mais apres deüement informée de la verité, meſmes des inhibitions, deſſences & cenſures de l'eglise catholique, infligée contre telles entreprinſes, fut ioyeuſe, accorda & conſentit a ce que ledit abbé auoit fait en ceſte partie, voire à l'occaſion de ce: enſemble de ſes vertuz & ſaincte vie: Le teint deſlors en auant en plus grande reuerence & reputation,

¶ Dauantage pour oſter de ſa conſcience le ſcrupule qu'elle faisoit à l'occaſion de l'inſtitution, par elle faicte dudit abbé de ſainct Mihiel ſelon l'ancienne couſtume de ſes predeceſſeurs Vvouez: Elle s'en alla à quelque temps depuis à Rome, à fin d'obtenir dudit Pape Gregoire abſolution de ſon peché de ſymonie, qui luy fut remis apres qu'elle eut volontairement promis n'vſer iamais de ladicte couſtume.

¶ Ladicte Sophie peu apres ſon retour de Rome, conſiderant qu'elle auoit fait edifier vn chasteau pres d'icelle abbaye de ſainct Mihiel, pour la garder & deſſendre, à quoy elle ſe ſentoit tenue, à raiſon qu'elle eſtoit Vvouere d'icelle: Voyāt dauantage les excuſions, entreprinſes, & dommages, que iournellement faiſoient pluſieurs tyrans & ennemys de l'eglise, ſoubz le pretexte & vmbre du ſciſme, lors eſtās entre l'eglise Romaine, & l'empereur Henry quatrieme, & ſes adheſrens: Entre leſquelz eſtoit noſtre eueſque de Verdun Theodoric, & pluſieurs autres nobles du pays circonuoyſin dudit ſainct Mihiel, qui ſouuent inſeſtoient & moleſtoient les religieux de ladicte abbaye, pource qu'il tenoient pour l'eglise Romaine, contre l'empereur. Doubtant auſſi ceſte bonne dame Sophie, qu'apres ſa mort ledit chasteau fuſt cauſe de la ruine & deſtruction d'icelle Abbaye: appella du conſentement de ſon filz le duc Theodoric, ledit abbé Sigifridus, & les plus apparens de ſes religieux, auſquelz elle pria aſſigner ſur le reuenu de leur abbaye, certaines rentes, & reuenués, pour l'entretènement dudit chasteau & des gardes & chaſtellain d'icelluy: promectant en recompence de ce rendre, & aſſigner audict monaſtere ſur ſon patrimoine, & en autre part de ſa ſeigneurie, ſemblables rentes à l'equiualence de celles que leſdictz Abbé & religieux preſigeroient aux chaſtellain & garde dudit chasteau, pour leur entretènement. Outre accorda que en ce faiſant iceulx chaſtellain & gardes dudit chasteau, ſeroient ſerment ſolēnel de n'entreprendre iamais guerre ſi nō pour la deſſence d'icelle abbaye. Semblablement de n'exercer actes de iuriſdiction, ſans le congé & conſentement d'icelluy.

*Sophie cōteſſe de Bar Vvouere de l'abbaye de ſainct Mihiel.*

*Sophie nommoit & inſtituoit les abbez de ſainct Mihiel.*

*Sigifridus inſtituē abbé de ſainct Mihiel par Sophie.*

*L'abbé Sigifridus prent nouvelle prouiſion de l'abbaye de ſainct Mihiel.*

*Sophie entreprend le voyage de Rome.*

*L'eueſque Theodoric tenāt le party de l'empereur, contre le Pape.*

# Le iiii. liure des antiquitez de la gaule belgicque,

*L'abbé Sigifridus assigne rētes pour le chastelain de S. Mihiel.*

*Le chastelain de S. Mihiel fait serment es mains de l'Abbé Sigifridus*

*Sophie inhumée en l'abbaye de S. Mihiel.*

*Theodoric son filz luy succede au comté de Bar.*

*La mort de Godefroy duc de Lorraine, le corps duquel fut inhumé à Verdun.*

*Godefroy le bossu successeur au duché de Lorraine.*

*Beatrix retourne en Italie.*

*La mort de Bauldouyn de Flādres.*

*Les deux filz de Bauldouyn desheritez.*

*Le roy Philippe & Godefroy le bossu descendent les enfans de Bauldouyn.*

*Victoire des Flamans contre Richilde & ses allies.*

celluy abbé, avec autres modifications plus amplement cōtenues audict vingthuitième me chappitre des antiquitez de ladiète abbaye de saint Mihiel. L'abbé Sigefridus & ses religieux ayans entendu la demande & requeste de la contesse Sophie : Combien qu'il leurs semblaist l'effect d'icelle estre bien difficile, dōmageable, & odieux à leur monastere: Toutefois pour luy gratifier, aussi qu'il craignoient auoir pis, luy accorderent ce qu'elle demandoit, & a ceste fin assignerent & baillerent la moitié de la ville de Ruth, le tribut & droit du passage du pōt sur Meuze lez & ioignāt ledict saint Mihiel, avec la moitié du four Bannal dudiēt saint Mihiel. Par le moyen de laquelle assignation, & en faisant icelle receurēt deslors lesdictz abbé & religieux de saint Mihiel, le sermēt solemnel, desdictz chastelain & gardes dudiēt chasteau: Lesquelz des ceste heure là, promeisrent d'accomplir ce que dessus, & donnerent aucuns d'eulx ostages, qui obligerent corps & biens, ausquelz lon se pourroit adresser à faulte d'observer les conditions susdictes, & conuenues entre les parties.

¶ Depuis ces choses icelle contesse Sophie feit encores plusieurs autres grans biens, & donations à ladiète abbaye de saint Mihiel: Ou finalement elle fut enterrée, avec son feu mary Loys comte de Bar & Mousson. Elle mourut l'an mil nonante deux, laissant son filz Theodoric, qui des le deces de son pere Loys auoit succedé audictz comté de Bar & Mousson. Cestuy Theodoric feit beaucoup de fondations, es eglises, comme nous dirons cy apres.

¶ Ladiète mesme année mil & septante, mourut aussi Godefroy duc de Lorraine, filz de Gozelo, apres auoir ordōnné son corps estre inhumé en l'eglise Nostre Dame de Verdun, lors de nouveau réediffiée, & par luy mesmes parauant bruslée. Et nommé pour son successeur & heritier en Lorraine, Godefroy le bossu son filz, lors estant en Italie: reseruant toutefois sur icelluy duché, le doüaire de sa bonne femme Beatrix à laquelle il ordonna declarer de par luy à sondict filz, son uoloit, qui estoit d'entretenir & conseruer, tant qu'il viuroit la paix & accordz faitz, par luy, avec les euesques de Verdun. En quoy luy obeit sondict filz, durant sa vie, sans y contreuenir.

¶ Incontinent apres la mort dudiēt Godefroy, son filz aduertiy d'icelle, veint d'Italie en Lorraine, ou arriué print possession dudiēt duché, ensemble du comté de Verdun. Puis assigna le doüaire à sa belle mere Beatrix, laquelle ce fait retourna en Italie vers sa fille Mathilde, avec laquelle elle gouerna vertueusement le Marquisat & seigneuries, qu'elles auoient en Italie, faisans ce pendāt beaucoup de proffit, faueur & secours à l'eglise Romaine.

¶ Deux ans apres, ou enuiron, qu'on comptoit mil septante deux Bauldouyn comte de Flandres & Haynau, surnommé Motensis, filz de Bauldouyn de l'Isle, qui auoit tousiours esté cōfederé audict Godefroy duc de Lorraine: alla semblablement de vie à trespas, laissant en la garde de Richilde sa femme, deux filz qui debuoiēt succeder apres luy esdictz comtez. L'vn desquelz estoit nommé Arnoul: l'autre Bauldouyn, qui furent empeschez en la iouissance desdictz comtez, par Robert Frison, leur oncle, frere dudiēt Bauldouyn. Lequel Robert du consentement des Flamans se feit cōtē de Flandres: à raison dequoy ladiète Richilde se retira vers le roy de France Philippe, pour auoir de luy secours, aussi alla vers Godefroy le bossu, lors duc de Lorraine, parent de ses enfans, & qui ensemble ses predecesseurs auoient tousiours esté confederéz & allies dudiēt Bauldouyn, leur deffūēt pere. En faueur & recōgnissance duquel, & à fin de restituer ses enfans en leur propre heritage, lesdictz roy Philippe, & Godefroy le bossu duc de Lorraine, à l'instance priere & poursuite de ladiète Richilde, assemblerēt gēs desquelz ilz feirēt deux armées, qu'ilz conduirent en diuers lieux assaillans à deux costez ledict Robert Frison. Car le duc Godefroy (comme dict Sigebert) mena ses gens en Frise, ou il bataillèrent si vaillamment que le pays fut entièrement destruit & quasi laissé inhabité. D'autre part ledict roy Philippe veint, avec Arnoul & sa mere Richilde, donner la bataille en Flandres, contre ledict Robert, qui enfin y fut prins prisonnier. Toutefois les Flamans obtindrent victoire, fut Arnoul tué, sa mere Richilde prinse prisonniere, & le roy Philippe contrainēt se sauuer à la fuytte. Peu apres ceste iournée, ledict Robert Frison fut deliuré en rendant

# depuis Hue Capet, iusques à Loys, viii. du nom F. ccxlii.

dant ladicte Richilde. Et entre eulx quelques treues accordées, au moyen desquelles cessa la guerre par quelque temps.

¶ En l'an mil septante roys, apres la mort d'Alexandre deuxieme, fut esleu Pape vni formement, & par acclamation du peuple, clergé, & noblesse de Rome, Hildebrandus Cardinal & Archidiaque de la chambre apostolicque, qu'on nomma Gregorius septieme, homme de grande literature, vertueux, & magnanime. Les historiens neât moins escriuent de luy diuersement: Mais est certain que de son temps y eut en l'eglise grands scismes & diuisions: Par ce que contre luy s'esleuerent plusieurs aduersaires & ennemys, auquelz il resista vertueusement, mesmes & principalement (comme dict Nauclerus) aux roy & euesques de France: lesquelz toutefois il contenta en brief si bien qu'ilz receurent & agréerent son obeissance. Il eut aussi plusieurs autres controuersies & haynes intestines, contre l'empereur Henry quatrieme, au moyen desquelles il endura beaucoup de maux & d'aduersitez (ainsi qu'on peult veoir en Platin, & autres historiographes, desquelz nous nous ayderons icy en ce que les vertons seruir à nostre matiere.

¶ Au commencement du pontificat d'icelluy Pape Gregorius, il enuoya admonnester l'empereur Henry quatrieme, de soy desister & abstenir des simonies qu'il faisoit iournellement, en vendant à beaulx deniers comptés, les eueschez & abbayes de son empire, & disposant d'icelles à son plaisir, sans l'authorité du siege apostolicque. A ces monitions n'eut lors aucun esgard ledict empereur, & pour icelles ne se desista ny abstint de ses acoustumées simonies: Mais au contraire, combien qu'au commencement il eut agréé l'election d'icelluy Pape Gregoire, les continua de plus en plus, & deietta de son conseil sa bonne mere Agnes, pource qu'elle tenoit l'obeissance & par ty de l'eglise Romaine. A l'occasion dequoy le Pape conuoca vn concile à saint lea de Latran, ou il feit plusieurs decretz, tant cōtre les prestres symoniacs, que les prestres concubinaires: Lesquelz il priua de leurs benefices & offices, deffendāt aux gēs layz ouyr messe d'iceulx: Ce que toutefois fut depuis raisonnablemēt reuocqué. En fin il excommunia ledict empereur Henry quatrieme: ensemble tous ceulx qui auoient esté par luy instituez euesques & abbez, & autres adherens à luy.

¶ En icelluy concile (comme escript Nauclerus) assista la bonne princesse Mathilde, tenant les parties de l'eglise Romaine, & d'icelluy Pape, contre l'empereur, pēdant que son mary Godefroy le bossu estoit en Lorraine, & deffendoit les oppressions & entreprinſes, que Robert de Frise faisoit lors contre ses nepueux, enfans de Bauldouyn cōte de Flandres.

¶ L'an mil septante sept, Bauldouyn le ieune, frere d'Arnoul, qui (ainsi qu'auons dict n'agueres) fut tué en la bataille cy deuant mentionnée, assembla grosse armée, avec la quelle vint iusques à Donay en Haynau, contre son oncle Robert, qui tousiours occupoit Flandres. Si eurent ensemble bataille, ou ledict Robert perdit beaucoup de ses gens.

¶ En ce mesme temps Godefroy le bossu allié d'icelluy Bauldouyn, mena ses gens en Frise pays appartenant audict Robert, qui y auoit laissé vn Capitaine, nommé Ricarius, lequel par l'intelligēce & enhortation (cōme aucuns soustiēent) de l'empereur Henry, & soubz vmbre d'appoinctement, meurdrit & tua en trahison ledict duc Godefroy, dont fut dommage. Ce prince quelque temps parauāt la fortune & malheur, voyant qu'il n'auoit enfans de sa femme Mathilde, nomma son heritier & successeur au duché de Lorraine Godefroy de Buillon, son nepueu, filz de sa seur Idain, laquelle (comme dessus auons recité) auoit esté mariée à Eustace comte de Boulongne sur la mer, qui en icelle auoit engendré plusieurs enfans mesles desquelz nous traiterōs cy apres.

¶ Le corps d'icelluy Godefroy le bossu, fut honorablemēt apporté à Verdū, & inhumé en la grāde eglise Nostre Dame, pres sō feu pere Godefroy le breux, filz de Goze lo. Aussi auoit il ordonné là sa sepulture, & à ceste fin auoit baillé à ladicte eglise, vne terre de fief, lors nommée Gemmacium (ainsi que tient Laurentius Leodien.) & à present Iaymais.

*Hildebrādus Pape, appellé Gregoire, vij.*

*L'empereur Henry quatrieme dispose des benefices à son plaisir.*

*L'empereur Henry desobeissant au Pape.*

*Agnes mere de l'empereur chassée de son conseil*

*Concile à S. Iean de Latran, contre les prestres symoniacs & concubinaires.*

*Mathilde à Rome durant le concile.*

*La mort de Godefroy le bossu.*

*Godefroy le bossu nōme son heritier en Lorraine Godefroy de Buillon son nepueu.*

*La seigneurie de Iaymais, donnée à l'eglise de Verdun par Godefroy le bossu.*

¶ Par

# Le.iiii. liure des antiquitez de la gaule Belgicque,

*Godefroy de Buillon empesché par l'empereur en la possession de la duché de Lorraine.*

¶ Par le decès dudit Godefroy le bossu, adueint & s'esmeut lors grosse controuersé & altercatiō pour raison de la duché de Lorraine, entre ledict Godefroy de Buillon & l'empereur Henry, lequel pretendoit auoir droit de nommer & y mettre vn duc à son plaisir, à raison que ledict Godefroy le bossu estoit mort sans hoir de son corps. Aussi que de tout temps, luy & son pere auoient tousiours esté contraires à l'empereur, tant es pays de Lorraine, qu'en Italic, ou ilz tenoient pour le siege apostolicque contre icelluy empereur, soubz couleur & pretexte dequoy ladicte duché de Lorraine demoura sans aucun duc es mains dudit empereur, l'espace de douze ans (ainsi qu'escript Sigebert) iacoit que Godefroy de Buillon poursuyuiſt tousiours, pendant ce temps, s'efforcast la recouurer, voire entreprist sur ladicte duché en diuers lieux, neantmoins il n'en iouyt ce pēdant paisiblement, au moyen que l'empereur l'empeschoit en ce, tenant tousiours en suspens, ladicte duché, & sans le donner, ne commettre à nul. Combien que plusieurs princes de sa suite & de ses pays, la luy demandassent, disans que ledict Godefroy de Buillon n'estoit heritier direct, pour y succeder par sa mere.

*Thierry retire le comté de Verdun contre Godefroy de Buillon.*

¶ Non seulement Godefroy de Buillon, fut inquiet & empesché à la duché de Lorraine, apres la mort de sondict oncle Godefroy le bossu, mais aussi à la comté de Verdun, voire en son propre patrimoine, qui estoit la comté de Buillon. Car incontinet que nostre euesque Theodoric eut aduertissement du trespas d'icelluy Godefroy le bossu: voyant aussi que l'empereur empeschoit Godefroy de Buillon à la duché de Lorraine, print couleur & occasion de retirer, & retenit en se mains la comté de Verdun, duquel ses predecesseurs auoient iouy par la donation de Frederic d'Ardenne. Nonobstant laquelle donation Godefroy filz de Gozelo, pere dudit bossu, l'auoit depuis retiré par force, & vsurpé sur lesdictz euesques de Verdun, comme auons dict. Soubz le pretexte doncques & ombre d'icelle donation, ledict Theodoric reprit ladicte comté de Verdun, duquel il print possession, nonobstant & sans auoir esgard au droit qu'y pretendoit ledict Godefroy de Buillon. Qui lors n'y sceut mettre ordre, ou donner empeschement, par ce que l'empereur Henry tenoit bon pour ledict euesque Theodoric.

*Albert comte de Namur pretendit droit au comté de Buillon.*

¶ Dauantage en ce mesme temps, le comte de Namur nommé Albert, qui prétendoit droit à la comté de Buillon. Voyant icelluy Godefroy empesché es affaires susdictes leua grosse armée, avec laquelle ayant les gēs de nostre euesque Theodoric, qui estoit son allié, assaillit le chasteau de Buillon: mais il fut deffendu vaillamment, par ledict Godefroy, estant lors dedans: Tellement (comme escript Laurētius Leodien. en son histoire) que ledict comte de Namur & les gens de nostre euesque, furent cōtrainctz eulx retirer.

*Albert de Namur estoit du sang de Charlemagne.*

¶ Nous lisons que cestuy Albert de Namur troysieme du nom, estoit filz du filz de Hermengarde, fille de Charles premier duc de Lorraine, & d'Albert premier du nō, comte de Namur. Partant extraiēt & descendu de la posterité & du sang de Charlemagne, du costé de sa mere. Outre trouuons que cestuy Albert troysieme engendra vn filz, nommé Godefroy de Namur, qui fut duc de Luxembourg de par sa femme, ainsi comme nous escriuons, selon l'ordre du temps.

*Albert de Namur vicomte de Verdun soubz l'euesque Thierry.*

¶ Le deuant nommé historien Laurētius Leodien. escript que le cōte de Namur, Albert troysieme, fut tousiours grand amy & allié à nostre euesque de Verdun Theodoric, lequel à ce moyen & pour mieulx entretenir leur amitié & alliance, si tost que ledict Theodoric eut retiré & reprins en ses mains la comté de Verdun. Bailla la Vicomté de la cité audict comte de Namur, & de Luxembourg, qui l'exerça, soubz luy & deffendit la cité, ensemble l'eglise, contre ses ennemys, ainsi que traicterons, selon l'ordre du temps.

¶ Godefroy de Buillon qui lors de ces choses estoit encores ieune homme, toutefois magnanime, considerant ses aduersaires & ennemys auoit gros support & alliance de l'empereur, delibera dissimuler quelque temps, & pendant icelluy gaigner la grace dudit empereur, à fin par apres de venir & plus facilement à chef de ses affaires. Pourquoy faire trouua moyen d'estre receu au seruice & soule dudit empereur

# depuis Hue Capet, iusques à Loys, viii. du nom F. ccxlvii.

reur Henry iiii. lequel estoit lors enuolopé en grosses guerres, & dissensions, contre le Pape, & siege Apostolicque, aussi contre plusieurs princes de Saxonie, & Germanie, qui adheroyent avec le Pape contre icelluy Empereur, obstant qu'il estoit scismaticque, pour laquelle cause l'Empereur recut des lors tresuolontiers ledict Godefroy de Buillon, qui soubz luy feit plusieurs vaillances, ainsi que dirons cy apres.

*Godefroy de Buillon vicomte de Verdun, soubz le Euesque Thierry.*

¶ Enuiron l'an mille septantehuit, l'Empereur irrité de ce que le Pape Gregoire l'auoit excommunié, conuoca en la cité de Vvorme vn Concile, de tous les princes de ses pays, & iusques au nombre de xxiii. Euesques, entre lesquelz estoient principaulx & premiers, l'Archeuesque de Magonce, & nostre Euesque Theodoric, tenans formellement les parties de l'Empereur contre le siege Apostolicque. En ce Concile furent par les asistans reuocquez, & annullez tous les decretz d'excommuniemens, que le Pape auoit fait contre ledict Empereur, & les Euesques à luy adherens. D'auantage la pluspart d'iceulx abiura ledict Pape, le declarant inhabile, & priué de la Papaulté: mesmes se substrahans de l'obeyssance d'iceluy.

*Concile à Vvorme par l'Empereur contre le Pape. Thierry de Verdun tenant pour l'Empereur contre le Pape.*

¶ Semblablement fut traitée audiect Concile la cause de la princesse Mathilde veufue de Godefroy le Bossu, à laquelle appartenoyent plusieurs terres, & seigneuries, es pays circonuoyfins de Lorraine, & Verdun, tant par acquestz faitz avec son mary Godefroy le Bossu que pour son douaire. Et pource qu'elle tenoit le party de l'Eglise Romaine contre l'Empereur, elle fut par sentence declarée conuaincue de crime de lese maiesté, & par consequent tous ses biens estans en Lorraine, au comté de Verdun, & es enuiron vacans, & confisquezz à l'Empereur.

*Mathilde declarée conuaincue de lese maiesté, & ses biens confisquezz.*

¶ A telle sentence & decretz, resisterent quelques gens de bien, tant de Saxonie, que de Germanie, entre aultres & principalement les Euesques d'Herbipolence, & de Metz, mais ilz ne furent ouyz pour la multritude & confusion. Ioinct que l'Euesque de Metz, nommé Hermānus, encores qu'il feust homme vertueux, & de grande sainteté, n'estoit fort aymé ne bien voulu de l'Empereur, au moyen qu'il estoit confederé avec ledict Pape Gregoire d'une amitié indissoluble, au contempt & hayne, de quoy mesmes qu'il tenoit les parties du siege Apostolicque, ledict Empereur luy feit depuis endurer plusieurs aduersitez, & tribulations. Du temps d'iceluy Hermānus Euesque de Metz, le corps S. Clement premier Euesque dudit lieu fut par reuelation diuine, releué de terre, & porté en l'Eglise Cathedrale dudit Metz.

*Herman Euesque de Metz, tenoit le parti du Pape contre l'Empereur.*

¶ Quand le Pape fut aduertit des decretz, ensemble de l'abiuratiō faite contre luy audiect Concile de Vvorme, il conuoca de rechef vn Concile a saint Iehan de Latran, ou il excommunia tous les Euesques qui auoyent asisté à celuy de Vvorme, les priuant de leurs benefices, aussi excommunia de nouveau ledict Empereur, puis le priua de la dignité Royale, & Imperiale, absoluant en consequence de ce, tous les subiectz de l'Empire de l'obeyssance & sermens de fidelité qu'ilz auoyent faitz & presté audiect Empereur, mesmes leur donnant pouuoir & autorité d'eslire vn aultre roy & empereur sur culx.

*Concile à S. Jehan de Latran, ou l'empereur fut excommunié. & priué de la dignité Imperiale.*

¶ De ceste priuation, & abrogation ainsi faite par le Pape contre l'Empereur, furent grandement scandalisez plusieurs princes, & prelatz, tant de la Germanie comme de Saxonie, & fort murinez contre ledict Empereur en sorte qu'ilz assemblerent entre eulx encores vn aultre concile en vne ville nommée Oppenthain, ou fut en personne Hermānus euesque de Metz lors deictté de son euesché. Aussi y asisterent plusieurs princes, les principaulx desquelz estoient vn comte de Saxonie nommé Rodulphus, & vn aultre d'Almagne nommé Theodoricus. Si fut decreté, & conclud entre eulx qu'on feroit venir en Germanie ledict Pape Gregoire, & ou l'Empereur Henry ne luy voudroit crier mercy, & prendre absolution de luy, ilz esliroyent vn aultre Empereur.

*Concile des princes de la Germanie, contre l'Empereur Henry iiii.*

¶ Le Pape aduertit de ceste conclusion & decret, par l'Archediacre de Treues, con-

T sentit

# Le.iiii. liure des antiquitez de la gaule Belgicque,

*Le Pape venant en Germanie, aduerty du mauuais vouloir de l'Empereur, se retire es seigneuries de Mathilde.*

sentit venir en Almagne, à fin d'y trouuer l'Empereur, traicter & faire paix entre eulx, comme mesmes l'auoit promis icelluy Empereur. Et de fait icelluy Pape accompagné de ses Cardinaulx, vint iusques à Verceilles, ou ne fut plustost arriué qu'il eut aduertissement, l'Empereur faignant venir pour faire paix, & estre absoulz, auoir deliberé soubz l'ayde d'une grosse armée qu'il conduisoit, prendre ledict Pape, lequel à raison de ce, par le conseil de ses amys, se retira en vne ville nommée Canossum, en la seigneurie de Rheges, appartenant à la marquise Mathilde, vesue de Godefroy le Bossu duc de Lorraine.

*Le Pape, & l'Empereur ensemble.*

¶ L'empereur Henry fait certain de ceste retraite, changea d'opinion craignant la rebellion des princes de son pays, si passa les monts durant l'hyuer, & en tresgrande difficulté vint ou estoit le saint Pere, auquel il demanda humblement l'entrée de la ville, vers luy, pour absolution. Le Pape du commencement fit quelque refus, tousiours par les prieres de la bone dame Mathilde, & d'Adelay comte de Sauoye, l'empereur fut en fin absoulz, puis fit serment solennel d'obeyr à iamais au siege Apostolicque. Combien que ce fut contre son vouloir, & eust intention autrement faire, comme il le monstra depuis par effect.

*L'euesque Thierry destroussé sur les champs.*

*L'euesque Thierry en l'assemblée du Pape, & de l'Empereur.*

¶ Nauclerus dit en son hystoire, que nostre Euesque Theodoricus, qui tenoit le party de l'Empereur suyuoit son trayn audict voyage, à fin de se trouuer à l'assemblée, & veüe desdictz Pape & Empereur, mais il fut rencontré par Albert comte du Chastel du Calu, qui le desponilla, & destroussa de tout ce qu'il portoit avec luy, puis le mit en prison, de laquelle ne fut deliuré, iusques à ce qu'il eut fait serment solennel, de ne faire iamais question ne repetition de ce qu'on luy auoit osté, & oultre payé grosse rançon moyennant laquelle il fut mis en liberté. Et de là vint trouuer l'Empereur estant encores es faulxbourgs de la ville de Canossum, ou il demandoit instamment l'entrée à la fin qu'aucz entendu.

*Acquest que feit l'euesque Thierry de la Princeesse Mathilde.*

¶ Durant ladicte assemblée, & reconciliation desdictz Pape & Empereur, la bonne & deuote dame Mathilde, conféra longuement avec l'Euesque Theodoric, de son estat, & de la succession & acquestz faitz avec sondict mary Godefroy le Bossu, tât au duché de Lorraine, comté de Verdun, que es pays circonuoyfins, luy declarant que nonobstant la sentence donnée contre elle en cas de crime de lese maiesté, elle n'entendoit pour ce les perdre, mais pretendoit les recouurer, si tost que les dissensions & guerres qui regnoyent lors, auroiét prins fin. Pourquoy faire estoit bien delibérée de se transporter en Lorraine, & y arriué les repeter. A ce ledict Euesque luy respondit pertinemment, l'aduertissant de l'estat, & gouvernement du pays, & apres plusieurs propos sur ce, l'Euesque Theodoric acheta d'elle (comme dit Laurent Leodien.) vne terre & seigneurie, ou est de present l'Abbaye de Iuingney, ensemble plusieurs autres gaignages & rentes, qu'eile auoit pres de Verdun, d'aucunes desquelles elle receut argent, les autres elle les bailla à l'Eglise de Verdun, au profit de laquelle, ledict Theodoric faisoit, & feit lors lesdictes acquisitions.

¶ D'auantage ledict Euesque print confirmation d'elle, d'aucunes donations que sa mere Beatrix, son beau pere Godefroy le Breux, & son feu mary Godefroy le Bossu auoyent parauant faitz à l'Eglise de Verdun.

*Confirmation par l'Empereur des acquestz faitz par Thierry, de la Princeesse Mathilde.*

¶ Aussi quelque temps apres ces choses, icelluy Theodoric trouua maniere d'obtenir de l'Empereur confirmation de toutes donations & venditions faittes par ladicte Mathilde, tant auant la sentence de lese maiesté donnée contre elle, qu'apres icelle. Dequoy luy furent expediees lettres & chartres patentes dudit Empereur, signées à seaulz d'or, lesquelles encores à present sont aux arches de l'Eglise de Verdun, datees à Metz, l'an mille octantefix, du regne dudit Henry xxx. Et de son Empire. I. L. Et intitulée sur le doz comme s'ensuyt.

*Confir*

# depuis Hue Capet, iusques à Loys viij. du nō. F. ccxlvij.

*Confirmatio de Musaco maiori, & minori: De Sattinaco, Lunniaco ac Mirenaule cum foresto, de Bono villari, & Genniaco. &c.*

¶ Puis que l'occasion se presenté de parler particulièrement de ceste noble dame Mathilde, qui de par elle estoit Marquise d'Italie, & du costé de son mary Godefroy le Bossu, duchesse de Lorraine & comtesse de Verdun, ie diray d'elle avec Naclerus en ses trentesix & trentesept generations, que tout son temps elle fut si riche & puissante, qu'elle desfraya & soubsteint plusieurs grosses guerres & armées pour la deffence de l'Eglise Romaine contre l'Empereur Henry, & son filz, mesmes contre les Normans qui regnoyent de son temps en la Pouille, & Calabre. Elle print en secondes nopces Afo, marquis d'Estense duquel elle se fait separer par l'autorité du Pape Gregoire septieme, pource qu'il estoit parent de son premier mary Godefroy le Bossu, au quart degré de consanguinité. L'euesque Anthonin en son hystoire dit qu'elle se faisoit appeller la fille de saint Pierre. Aussi qu'en la fin de ses iours, obstant qu'elle n'auoit enfans, se voyant posseder tant de richesses, & seigneuries, offrit & bailla sur l'autel de Saint Pierre à Rome, tout son patrimoyne, lequel deslors & iusques au iourd'huy à esté appellé le patrimoyne saint Pierre. Blondus en son hystoire, & apres luy Naclerus dient, & escriuent que le Pape Gregoire parlant d'elle l'appelle tousiours Gloriosa. Et se trouuent deux epistres escriptes par ledict Pape, l'vne à Beatrix, & à Mathilde, esquelles sont contenuz ces motz:

*De rege autem ut antea in literis nostris accepistis, hac est voluntas nostra, ut ad eum religiosos viros mittamus, quorum admonitionibus inspirante Deo ad nos sancta Romana Ecclesia reuocare eum, & ad condignam formam suscipiendi Imperij instruere, ac expolire valeamus.*

¶ Aussi se trouue encores vne aultre epistre dudiect Pape à Anselmus Euesque de Lucques, à qui il escript entre aultres choses ces termes.

*Haenamque persona pacem conantur efficere, charissima filia nostra Agnes imperatrix, necnon gloriosa Beatrix, cum filia Mathilde. &c.*

¶ Doncques pour retourner à la premiere matiere, l'Empereur Henry, se sentant abfoulz, & voyant que paix sembloit estre entre luy & le Pape, ne tarda gueres à retirer de sa faction les Euesques sy moniacles & seditieux qu'il l'auoit abiuré. Avec lesquels commença à machiner & solliciter aucuns princes d'Italie contre le Pape, voyre faire pis que deuant, à raison dequoy, les princes de Saxonie (qui ia pour les causes prealleguées sentoient mal de luy, & y estoient mal affectionnez) sollicité par les legatz du siege Apostolicque de luiure leur premiere deliberation, s'assemblerent en la cité de Forchehn, ou ilz esleurent roy de Saxonie, vn prince de Sueue nommé Rodulphus homme tres prudent & benin. A ceste election qui fut faite enuiron l'an mille septantehuit, estoient present lesdictz legatz du Pape, ensemble l'archeuesque de Magonce, & les Euesques de Metz, & Viceburgence.

¶ L'empereur aduertuy de ces nouuelles fut fort esbahy & estonné de prime face neantmoins il enuoya Embassadeurs vers le Pape, pour luy requerir instamment qu'il cust par censures Ecclesiasticques à deietter ledict Rodulphus de son Royaume. A quoy ne voulut le Pape obtemperer, s'excusant sur ce qu'il disoit, les parties estre à ouyr sur ce auant qu'y donner aultre ordre. Et toutefois voyant l'Empereur obstiné confirma l'election dudiect Rodulphus, enuoyant des lors dyademe pour le coronner de l'autorité Apostolicque.

¶ Dequoy l'Empereur de plus en plus irrité, print occasion & couleur d'enuoyer en la cité de Noricque, tous les Archeuesques, Euesques, & Prelatz de son pays, qui luy obeyrent, lesquels esleurent là vn nouveau Pape d'vn nommé Gilbert archeuesque de Rauennés homme seditieux, & celuy mesmes qui auoit esté cause de tous les maulx precedens qu'ilz nommerent Clement troysieme. En ceste assemblée faite

E ij à Noric

*La princesse Mathilde alliée à l'Eglise Romaine contre les ennemis de icelle.*

*Mathilde diuorsée de son second mary print le nom de fille de S. Pierre.*

*Mathilde donne à l'Eglise de Rome ses seigneuries, que on appelle à present le patrimoyne S. Pierre.*

*Epistre du Pape de Beatrix, & à Mathilde sa fille.*

*L'empereur de rechef desobeissant au Pape.*

*Les princes de Saxonie, esleurent pour leur roy Rodulphus de Sueue.*

*Le Pape confirma l'election de Rodulphus.*

*L'empereur & ses alliez esleurent antipape Gilbert de Rauennés qu'ilz nommerent Clement iij.*

# Le iiii. liure des antiquitez de la gaule belgique

à Noricque enuiron l'an mille octante, estoit Theodoric Euesque de Verdun.

*Bataille entre l'Empereur & Rodulphus.*

¶ Incontinent apres ledict Empereur continuant en son mauuais zele, & vouloir inique assambla grosse armée avec laquelle vint assaillir Rodulphus es pays mesmes de Saxonie, ou cestuy Rodulphus luy vint au deuant, & se rencontrans eurent grosse bataille ensemble. Aulcuns Hystoriciens dient, mesmes Platina, que Rodulphus fut victorieux. Les autres, signamment les Almans, tiennent le contraire. Quoy qu'il en soit Rodulphus fut blessé en icelle bataille, de sorte que tost apres il mourut, dont l'Empereur receut plaisir non moindre, que son desplaisir auoit esté grand pour son election. Et delibera de plus en plus persecuter, & molester le siege Apostolicque, & vint assieger Rome par tel fureur qui la print à force, l'an mille & octantetroys, contraignant le Pape Gregoire se retirer avec ses Cardinaulx au chasteau saint Ange, ou s'estant sauué, il fut assaillly de toutes pars en sorte qu'il n'eust sceu sortir. Embassade luy fut enuoyé par l'Empereur, le priant le vouloir coronner à saint Iehan de Latran, quoy faisant feroit paix avec luy. Mais ledict Pape refusa vertueusement ce faire, si premierement ledict Henry ne se corrigeoit & purgeoit de ses erreurs, & satisfaisoit aux opprobres & iniures par luy faictes au siege Apostolicque. A raison duquel refus l'Empereur feist coronner & inthroniser au siege Apostolicque son Antipape Gilbert, qu'il nomma Clement, duquel puis apres receut la couronne Imperiale.

*Magnanimité du Pape Gregoire septieme.*

*L'antipape Clement coronné Pape, donne la couronne à l'Empereur.*

¶ Ce fait les nouvelles luy veindrent, que Robert Guichard Norman duc de la Pouille, venoit au secours dudit Pape Gregoire, avec grosse & puissante armée, au moyen dequoy ledict Henry ayant avec luy son Antipape, se retira de Rome à Senes, & de la en son pays, quasi en fuyant & de peur. Par ainsi fut le pape Gregoire deliuré de prison, & peu apres mené à Salerne, ou il demeura iusques à sa mort.

*Robert Guichard deliura le Pape des mains de l'Empereur.*

*Godefroy de Buillon entra le premier par force à Rome.*

*Veut premier de Godefroy de Buillon, d'aller en Hierusalem.*

*Le scisme qui dura sept ans.*

¶ Les Hystorographes escripuent, que le noble duc Godefroy de Buillon, militant pour l'Empereur lors dudit assaut de Rome, fut le premier qui de son costé rompit les murailles, & entra à force dedans Rome, enquoy faisant il print tant de peines, labeurs, & traualx, qu'il tomba en maladie telle qu'on esperoit en luy mieulx la mort que la vie, & alors feit vn veu à Dieu, que s'il retournoit en santé, il feroit le saint voyage de Hierusalem. Peu apres lequel veu fut guery.

¶ Deslors de ceste prise de Rome, election & creation dudit Antipape, commença en l'Eglise Chrestienne vn gros scisme, & trop grandes diuisions entre l'Empire, & l'Eglise Romaine, car aulcuns suyuant l'Empereur, donnoyent obeissance à l'Antipape. Les autres adheroyent à l'Eglise de Rome, faisans & rendans obeissance audit Pape Gregoire VII. Et dura ce mauidict scisme & trouble plus de sept ans, pendant lequel temps, le siege Apostolicque procedoit contre ses rebelles, par censures, excommunications, execrations, & priuations des benefices, & dignitez tant temporeles, que Ecclesiasticques. L'empereur au contraire y besongnoit par armes, forces, violences, & bannissemens contre ceulx qui suyuoient les parties de l'Eglise.

*Diuision entre le clergé de Verdun*

*Hayne & dissension entre l'Euesque Theodoric, et l'Abbé de S. Venne à Verdun.*

¶ Soubz couleur & pretexte dequoy, sortit & s'esleua à Verdun vne pernicieuse diuision entre les Prelatz & Eglises de la Cité, enuiron l'an de grace mille & octantecinq, & de la Prelature de l'Euesque Theodoric trenteseptieme, car iceluy Theodoric tenoit avec la plus part de son Eglise Cathedrale, pour l'Empereur, & le bon Rodulphus Abbé de saint Venne, qui auoit esté pourueu de ladicte abbaye par le moyen dudit Euesque, adheroit au siege apostolicque, ensemble tous ses religieux, dont adueint que l'ancienne amitié & confederation qu'ilz auoyent eu ensemble, fut desioincte, & reduicte en grande hayne & inimitie, durant laquelle ledict Euesque ayant main forte, & support de l'Empereur, persecuta ledict Rodulphus abbé tellement



# depuis Hue Capet, iusques à Loys, viii. du nom F. ccxlix.

Tellemét qu'il le contraingnit & ses religieux, laisser son Abbaye de S. Venne & s'en aller à Diion en l'abbaye sainte Benigne, ou ilz furent receuz benignemét & doulcement par Geronto Abbé dudiect saint Benigne, qui semblablement tenoit pour l'Eglise Romaine. Là demeurèrent lesdictz Abbé & religieux, l'espace de sept ans, & tandis que les perturbations & diuisions durerent en l'Eglise Romaine:

*L'abbé Rodulphus fugit de S. Venne se retire en l'Abbaye sainte Benigne à Diion.*

¶ L'euesque Theodoric fut fort irrité du departement dudiect Rodulphus, & de son absence trop longue, à raison delaquelle il induist & enhorta Fulcradus abbé de S. Paul lez Verdun, de l'ordre regle & obseruance de Sainct Benoid, d'entreprendre & vsurper l'abbaye de saint Venne, a quoy il donna prompt consentement, & ce faisant avec aucuns de ses religieux gouuerna ladiete Abbaye de saint Venne, quelque temps durant lequel elle encourut & endura plusieurs gros dommages, car elle perdit deux paremens d'autel & deux chappes riches & de grand pris. Plus deux chandeliers d'argent, pesans six marcz, avec le droit qu'elle auoit de la forature des vins en la cité, & de leuer la cuillerie sur les bledz, ensemble les presentations des deux Eglises parrochiales de Marie & de Menon, & plusieurs aultres biens, rentes, & reuenues.

*Fulcradus abbé de S. Paul vsurpe le Abbaye de saint Venne.*

¶ Toutefois Laurent Leodien. dit, que pendant l'absence desdictz religieux & abbé de saint Venne, estoient en l'Eglise de Verdun gens vertueux & prudens, zelateurs de l'honneur de Dieu, & de l'Eglise, qui curieusement & diligemment sollicitoyent le saint seruice de Dieu estre fait en ladiete Abbaye, contraingnans sans excuse ceulx qui estoient deputez, obseruer l'ordre Ecclesiastique, tant au chœur, & office diuin, comme au cloistre, dortoir, & à la fourniture de la pitance nécessaire. Entre ces personnes qui estoient moyen & cause de telz actes louables, lediect Leodienis nomme singulierement Richerus doyen de l'Eglise nostre Dame, Eugebertus & Hayricus.

*Le doye Richerus & aultres chanoines, curieux du bien de l'Abbaye de S. Venne en l'absence des religieux.*

¶ Du discord & diuision des prelatz & du clergé de Verdun, sortirent & aducindrēt mutineries & rebellions en diuers lieux du diocèse de Verdun, entre aultres en la ville de saint Mihiel, les habitans de laquelle sont d'ancienneté dudiect diocèse de Verdun. Ceulx cy qui adheroyent lors au siege Apostolicque, par despit de leur Euesque Theodoric, renoncerent à son obeysance, & pource qu'il suiyoit la partie de l'Antipape rendirent leur Eglise parrochiale à l'Euesque de Toul, dequoy aduertiy icelluy Theodoric Euesque de Verdun enuoya vers eulx à saint Mihiel ses vicaires & commis, qui estoient l'abbé Fulcradus & le doyen Richerus, auxquelz ordonna contraindre ceulx de saint Mihiel par monitions & censures obeyr à l'Eglise de Verdun, comme ilz faisoient parauant leur mutinerie & reuolte. Mais au lieu de ce faire le populaire d'icelle ville s'effuant dauantage en rebellion, print lesdictz Fulcradus & Richerus commis, ou vicaires dudiect Theodoric, & les enuoya prisonniers au chasteau de Bar. A raison dequoy l'Euesque Theodoric, qui auoit main forte par l'alliance de l'Empereur enuoya gens en armes assaillir saint Mihiel, laquelle fut contraincte rendre lesdictz prisonniers, & outre furent ladiete ville ensemble l'abbaye d'icelle en partie gastées & brullées.

*Ceulx de S. Mihiel laissent l'obeysance de l'euesque de Verdun, & prennent celle de Toul*

*Les vicaires de Verdun prins prisonniers par ceulx de S. Mihiel. S. Mihiel brulé par l'Euesque Thierry.*

¶ Semblablement en ce mesme temps du diuors & controuersie de Verdun, Manasses comte de Castro retexto (qu'on dit à present Rethel) qui auoit espousé la sœur de Henry l'aveugle comte de Luxembourg, & estoit ennemy ancien de Theodoric Euesque de Verdun, print occasion pour les diuisions estans lors à Verdun (comme dit à esté) assaillir molester & enuahir les terres de l'Euesché dudiect Verdun, metant à teste fin en son chasteau de sainte Menehould voyfin de l'Euesché, garnison de gés qui iournellement faisoient courses & pillages sur lesdictes terres & pays d'icelluy Euesché de Verdun, au moyen dequoy l'Euesque Theodoric, homme (comme i'ay ia dit) magnanime & grand protecteur de la liberté de son Eglise, assembla grosse

*Manasses comte de Rethel entreprend contre l'Euesque Theodoric*

# Le.iii. liure des antiquitez de la gaule Belgicque,

*Saincte Menchault prins par l'Euesque Thierry.*

armée avec laquelle vint assaillir & assieger le chasteau de Saincte Menchault de quoy les habitans de la ville & ceulx qui estoient audict chasteau furent si estonnez, surpris & esperduz qu'auant coup frapper donnerent les clefz dudit chasteau audict Euesque Theodoric, le suppliant à ioinctes mains, ne leur mesfaire dauantage, & demandans paix, qui leur fut ottroyée, & le chasteau mis en son obeyssance y ayant laissé gens pour le garder, partit de là menant hâtivement son armée deuant le chasteau de Sampigny, qui lors appartenoit audict comte Manasses, lequel chasteau il print par force & le ruina totalement. On trouue que depuis ceste prise, & ruine dudit chasteau, les Euesques de Verdun l'ont tenu longuement.

*Sampigny prins par l'Euesque Thierry.*

*Clermôt destruit par l'Euesque Thierry.*

¶ Enuiron vn an apres, vn noble homme des pays circonuoyfins dudit Euesché nommé Dudo, & ses deux freres enfans du comte Vvambert Seigneur de Clermôt & vassaulz dudit Euesque Theodoric à cause de son Euesché de Verdun, rebellerent contre luy, & parauant auoyent adheré à ses ennemis, parquoy ledict Theodoric bien équipé & garny d'artillerie, & munitions de guerre, vint assaillir le chasteau de Clermôt, qu'il print à force le confisqua à luy, puis l'adioura à son domaine par droit de confiscation soubz le pretexte de laquelle luy & ses successeurs Euesques, ont iouy longuement depuis d'icelluy chasteau.

*Le corps saint Nicolas transporté de Mirrhe en la ville de Bar en Cecile.*

¶ En l'année suyuant mille octantesept, le corps de saint Nicolas, qui depuis sa mort & par l'espace de sept cens quarantecinq ans, auoit esté gisant en vn monument en la Cité de Mirrhe en Licie, laquelle cité les Turcz auoyent peu auant pris & destruit, fut esleué & extrait dudit monument lors rendant, & iectant liqueur semblable en huille. Et ce par quarantesept marchans venans d'Antioche, qui le transporterent en la ville de Bare, en Pouille pres Cecile. Les Venitiens auoyent parauant intention de faire ledict esleuement & translat, mais ilz furent preuenuz par la maniere cy dessus recitée.

*Après la mort de Gregoire viij. & de Victor iij. fut esleu Pape Urbanus ij.*

¶ Enuiron l'an precedent mille octantefix, le Pape Gregoire VII. apres auoir tenu le siege xij. ans mourut, en son lieu fut esleu Pape vn Cardinal, abbé de Cassine nommé Didier, dict Victor III. du nom, cestuy ne vesquit qu'vn an & quatre moys. Urbanus II. du nom, homme vertueux, & de grande literature, luy succeda par election du clergé de Rome, en l'an mille octantesept.

*Le scisme perseuera longuement soubz l'Antipape Clement.*

¶ Durant le temps des Pontificatz d'iceulx troys Pape, le scisme susdict, & les diuisions de l'Eglise augmentoyent de plus en plus en censures fulminations & execrations qui se faisoient & continuoient de costé & d'autre, car l'antipape Clement viuoit tousiours, & s'estoit retiré en vne cité dicté Alba, au pays des Marfes, ou il vesquit longuement & iusques à l'huietieme an du Pontificat de Pascal, vsurpa tousiours la dignité Papale (comme tient Nauclerus) par l'ayde & faueur de l'Empereur Henry, qui cependant faisoit grandes guerres, & plusieurs oppressions en diuerses parties de Germanie, & Saxonie contemnant les censures Ecclesiastiques, & perseuerant en son obstination, toutefois plusieurs gros princes & Prelatz zelateurs du siege Apostolicque luy resistoyent, entre lesquelz & des premiers (comme dit Sigibert) estoit Hermannus Euesque de Metz peu auant expulsé de son Euesché, & pour ceste cause allié & confederé avec lesdictz Princes & Prelatz de Germanie, & Saxonie, lesquelz à fin de soustenir tousiours le siege Apostolicque, voyans que Rodulphus par eulx au precedent ordonné & esleu roy de Saxonie estoit mort (ainsi qu'auons iadis dict, feirent coronner en son lieu vn autre Roy nommé Hermannus, qui pour vn temps resista audict Empereur, toutefois il fut tué par fortune d'vne pierre iectée de hault sur sa teste, lors qu'il assailloit vn chasteau appartenant audict Empereur.

*Les Saxons esleurent vn nouveau roy qui tost apres fut tué.*

1089

¶ Ceste mesme année Godefroy de Buillon, qui de long temps quereloit & pretendoit droit au duché de Lorraine, & auoit serui l'Empereur en plusieurs grosses batailles & affaires, tant à la prise de Rome, que depuis en Sueue & Allemagne, gaigna si bien ledict Empereur, qu'il luy bailla main leuée dudit duché de Lorrain

# depuis Hue Capet, iusques à Loys, viii. du nom F. ccl.

Lorraine & osta tous empeschemens, en sorte que ledict Godefroy de Buillon, print pacifique possession & actuelle d'icelle duché. Ce qu'il n'auoit encores peu faire de puis la mort de Godefroy le bossu son oncle (ainsi que dist Sigebert.)

¶ Incontinent apres ceste possession de Lorraine, Godefroy desirant recouurer les autres terres & seigneuries que tenoit son feu oncle Godefroy le bossu, veint à Verdun à fin de prendre possession du comté dudit lieu: Mais il trouua à ce grosse resistance tant de l'euesque Theodoric que d'Albert, ou Godefroy comte de Namur & Luxembourg, que ledict euesque auoit parauant commis au gouvernement & administratiō d'icelluy comté.

¶ A raison dequoy Godefroy se voyant contrainct de la recouurer à force, fortifia à ceste fin la vilie de Sathenay, qui estoit de ses appartenâces, mesmes y fait edifier vn fort chasteau, tel qu'on le void encores de present, situé aux extremités & limites du comté & euesché de Verdun. Puis fait amas de gens qu'il meit en garnison en icelluy chasteau, par le moyen & secours duquel ses gens faisoient de iour en iour courses & pillages innombrables, es terres dudit euesché de Verdun.

¶ Durans lesdictes courses, & en vne rencontre que firent le gens de Godefroy, sur leurs ennemis, ledict duc Godefroy print prisonnier Henry comte de grand pré, tenant lors le parti de l'euesque Theodoric: Mais tost apres pour plus nuire & endommager ceulx de Verdun, fait appointement avec luy, & le deliura de prison. A condition toutefois qu'il seroit de la en auant son allié, contre ledict euesque de Verdun, le persecuteroit comme son ennemis. Ce qu'il fait depuis en plusieurs fortes, pillât brulant & gastant les terres d'icelluy euesché, sans intermission, ne pitié.

¶ A quoy voulât obuier l'euesque Theodoric & icelluy Godefroy, ou Albert de Namur commis par luy en l'exercice dudit comté de Verdun, assemblerent grosse armée, avec laquelle veindrent assaillir le chasteau de Sathenay, dont aduertit le duc Godefroy, veint avec grosse puissance leuer le siege. Si eurent ensemble bataille, en laquelle furent tuez plusieurs gens de bien de l'vne & l'autre part. Ce qui n'empescha toutefois que ceulx qui estoient ne bataillassent si obstinément & vaillamment de costé & d'autre, qu'on ne sceut à qui donner la victoire, laquelle demoura par ce moyen reciproque à l'vn & l'autre costé, & les deux armées estans si lassées que plus n'en pouuoient, se retirerent en fin arriere l'vne de l'autre, rentrant Godefroy en son chasteau, avec ses gens, & l'euesque Theodoric & les siens demourez au lieu, ou auoit esté le conflict, auquel il firent dresser leurs tentes & pavillons.

¶ Le duc Godefroy voyant ses ennemis à l'environ de son chasteau, qu'ilz ne s'estoient retirez & vouloient continuer l'assiegement d'icelluy, enuoya secretemēt messagiers vers ses freres Eustace & Bauldouyn, lors estans l'vn en France, l'autre en Germanie, lesquels assemblerent gros exercites, qu'ilz admenoiē au secours de leur frere, quand l'euesque Theodoric aduertit de ce, leua le siege & se retira.

¶ Tost apres lesdictz duc Godefroy & euesque Theodoric, firent paix & appointement par le moyen de Henry euesque de Liege, qui estoit amy des deux parties, par ce qu'en son ieune aage il auoit esté archidiacre de Verdun, par la donation que luy en auoit fait l'euesque Theodoric, & apres fait euesque de Liege, par la poursuite & faueur du dict Godefroy de Buillon, auquel à ce moyen aussi qu'il estoit son parent, il portoit reuerence & bonne amitié, combien que lors troys de ses freres teinsent le party de Theodoric de Verdun, contre ledict Godefroy: entre lesquels, estoit Frederic comte de Toul, & ses deux filz Regnaud & Pierre, qui depuis teindrent compagnie audit duc Godefroy & avec luy acquerent grand honneur en l'expedition & voyage de Hierusalem, & recouurement de la terre sainte.

¶ Par cest accord fait entre iceulx duc Godefroy & l'euesque Theodoric, l'an quarantiesme du pontificat d'icelluy euesque, & environ l'an de grace mil octante neuf, ledict Godefroy de Buillon demoura paisible du comté de Verdun.

*Godefroy de Buillon voulant iouyr du comté de Verdun, & se repouse par l'euesque Thierry*

*Godefroy de Buillon edifie le chasteau de Sathenay*

*Godefroy de Buillon prend prisonnier le comte de grand pré qui s'allie avec luy, contre l'euesque de Verdun.*

*Bataille deuant Sathenay entre Godefroy de Buillon & l'euesque de Verdun, avec son Vicomte.*

*Appointement entre Godefroy de Buillon & l'euesque de Verdun, par le moyen de l'euesque de Liege. Le comte de Toul & ses deux filz aliez, avec l'euesque de Verdun.*

*Godefroy de Buillon paisible du comté de Verdun.*

## Le.iii. liure des antiquitez de la gaule Belgicque,

*Rodulphus abbé de S. Venne penitencier apostolicque.*  
¶ En ce mesme temps estoient encores absens de Verdun l'abbé Rodulphus & les religieux de son abbaye de saint Venne, fugitifz au lieu de Diion, ou icelluy Rodulphus abbé viuoit en si grande & bonne repute de doctrine & sainteté de vie que le Pape Urbain luy enuoya par lettres apostolicques puissance & autorité de pouuoir rehabiliter & receuoir en l'vniõ de l'eglise Romaine, tous ceulx des troys diocesses de Lorraine, Verdun, Metz, & Toul, qui estoient scismaticques, & auoient suyui les parties & erreurs de l'empereur & de l'antipape Clement. Consequẽment de leur donner absolution des censures, & les rehabiliter, comme si actuellement ilz eussent esté à Rome.

*L'archeuesque de Lyon Legat apostolicque.*  
¶ Dauantage pour plus facilement retirer à l'vniõ de l'eglise les scismaticques, icelluy Pape Urbain crea son Legat à latere, le Cardinal Hugo, lors archeuesque de Lyõ & parauant euesque de Dieuse. A qui semblablement il delegua puissance generale de rehabiliter tous ceulx qui viendroient à luy.

*Famine & maladie du feu sacré, en Lorraine.*  
¶ En l'an mil nonante fut grande famine, par tout le pays de Lorraine, pour la sterilité des terres qui n'auoient rapporté. Puis suruint vn air corrompu, par tout le dict pays qui engendra vne maladie, nommée le feu sacré. Par lequel les bras, iambes, & autres membres des personnes, estoient enflammez, de sorte qu'il le corrompoient & deslechoient comme noirs charbons: Brief ce mal tormentoit tellement ceulx qui en estoient entachez, que les vns mouroient miserablement, les autres se faisoient par cõtrainte couper les membres, asseichez par ce mal, & les autres estoient contrefaitz par retraicte & contraction de nerfz, viuans en tourmens & langueurs le surplus de leur vie miserable.

*L'abbé Rodulphus enuoya visiter l'euesque Theodorice estant en extremité de vie.*  
¶ L'année suyuant mil nonante vn, nostre euesque Theodorice desia fort viel & deffailly deueint mallade, de sorte que declinant de iour en iour on iugeoit de sa prochaine mort. Dequoy aduerty l'abbé Rodulphus estant lors (comme dict a esté) fugitif à Diion, considerant qu'il n'auoit personne pres de luy, pour l'induire à penitence & à se reconcilier au siege apostolicque, meü d'vn souuenir de leur ancienne amitié, & d'vn zele de charité, vers son prochain, enuoya vers luy à Verdun deux de ses religieux, l'vn nommé Gerardus, qui parauant auoit esté archidiacre de l'eglise Nostre Dame de Verdun, puis auoit prins l'habit de religion à saint Venne, l'autre appellé Gerbertus, qui depuis fut abbé de saint Maurice à Beaulieu, lesquelz venans deuant le lict dudict euesque Theodorice, furent receuz de luy treshumainement, & pource qu'il ne pouuoit plus parler, les salua par signes & mouuemens de son corps tresenuidens, leur demandât, soubz le ministere & office d'iceulx, absolution & penitence, avec reconciliation de l'eglise.

*Repentances finale de l'euesque Thierry.*  
¶ Ce voyans lesdictz religieux, luy proposerent & meirẽnt au deuant par articles toutes les offenses & erreurs, qu'il auoit commis, & en quoy il auoit esté deiobrillant à l'eglise Romaine: A chascun desquelz articles frapportoit sa poitrine, & par signes des yeulx & mouuemens des mains sembloit à l'homme, qui avec grand remort, & contrition confesse ses pechez & d'iceulx demande absolution.

*L'euesque Thierry absoulz de ses pechez, rend son ame à Dieu.*  
¶ Dauantage luy proposerent le mal & faulte qu'il auoit fait, iettant & expulsant de l'abbaye de saint Venne les religieux d'icelle, & les dommages qui en estoient yf fus. Lors frappât plus fort que deuant sa poitrine cryoit à haulte voix, soupirant en sorte que ceulx qui estoient presens à ses exclamations, plouroient trefondamment & à chauldes larmes, à raison dequoy lesdictz religieux le voyant en si bon estat luy donnerent l'absolution. Tost après laquelle rendit son esprit à Dieu, apres auoir tenu l'euesché de Verdun quarante troys ans.

¶ Lesdictz deux religieux, Gerardus & Gerbertus le voyant expiré, s'en retournerent à Diion vers leur abbé Rodulphus, qui peu apres à leur rapport, proposa deuant Hugo Legat general du Pape, lors scãt en plain cõsistoire à Lyon, la penitence & satisfaction qu'auoit

# depuis Hue Capet, iusques à Loys viij. du nō. F. cclj.

qu'auoit fait l'euesque Theodoric, ensemble la teconciliation qu'on luy auoit donnée, laquelle fut approuuée & ratifiée par tout le concile, rendans les assistants en icelluy graces à Dieu, de si belle & honorable fin, qui les resiouyt grandement, pour ce mesmes que l'euesque Theodoric auoit de son temps tousiours esté vertueux, magnanime, grand deffenseur & protecteur de l'eglise & sa liberté, voire d'un chacun prisé & honoré, sans la macule dudict scisme qui denigra aucunement son honneur.

¶ On liēt es antiquitez de l'abbaye d'Oruault, diocese de Treues, que ce Theodoric suyuant le party de l'empereur Henry scismaticque, estant vn iour à Treues & voulant rompre & prendre les reliques de saint Mathias apostre, perdit vne main.

*L'absolution donnée à Thierry, ratifiée par le legat apostolicque.*

## ¶ Les Papes tenans le siege à Rome du temps de l'euesque Theodoric.

**L**E O neuuiesme de ce nom, fut le cens cinquante septiesme Pape l'an mil quarante huit, il estoit de nation Alman & euesque de Toul en Lorraine appelle Bruno, son sçauoir & sa sainteté de vie le feirent nōmer Pape, par l'empereur Héry troysiesme, à qui les Romains auoient prié leur en enuoyer vn, mais quand il fut à Rome, il renonça à la nomination de l'empereur, remettant la puissance d'eslire au siege apostolicque, par lequel fut vniformement esleu. Il vesquit si saintement en son estat, que les historiēs parlans de luy, recitent plusieurs miracles auoir esté faitz & estre aduenuz, soubz ses merites & prieres. Il eut en grande amour vn religieux, nommé Hildebrandus, hōme vertueux, qui depuis fut Pape, nommé Gregoire septiesme. Lediēt Leo mourut apres auoir tenu le siege cinq ans deux mois seulement.

*Leon neuuiesme, clviij. Pape.*

**Victor** deuxiesme du nom, natif de Bauiere, fut le cens cinquante huitiesme Pape, l'an mil cinquante trois. Cestuy fut plus esleu par crainte & faueur de l'empereur Henry, que canonicquement. Il crea & nomma roy des Romains Henry depuis dict quatriesme, filz dudict empereur. Puis ayant tenu le siege deux ans trois mois, mourut.

*Victor deuxiesme, clviij. Pape.*

**Stephanus** neuuiesme du nom, Lorrain de nation, & filz de Gozelo duc de Lorraine, fut le cens cinquante neuuiesme Pape, l'an mil cinquante six. Cestuy estant abbé de Casine en Italie, fut esleu canonicquement. Il reforma toute l'Italie & la Bourgongne extirpant la symonie qui y pulluloit. Et eust fait plusieurs autres grands biens en chrestienté & en son eglise, mais il mourut le huietesme de son Pontificat & election.

*Estiene neuuiesme, clx. Pape.*

**Benedictus** dixiesme du nom, fut esleu Pape l'an mil cinquante sept. Toutefois est controuersie, entre les historiēs, sçauoir si son election fut canonicque, ou nō, mais cela ne me semble beaucoup disputable, par ce qu'il mourut le neuuiesme mois de son election. Ainsi ne scauroit ce pendant auoir fait chose digne de grande louenge.

*Benedict dixiesme, clx. Pape.*

**Nicolaus** deuxiesme du nom, Sauoien de nation, parauant appelle Gerardus, homme tres vertueux & sçauant, fut esleu pendant la controuersie de son predecesseur Benedictus, en l'an mil cinquante huit. Il teint à Mantoüe vn concile, ou fut declaré l'election des Pape appartenir à l'eglise Romaine, non aux empereurs. Soubz luy fut publicquement abrogué & confondu l'erreur des Berengariens. Il mourut apres auoir tenu le siege trois ans six mois.

*Nicolas deuxiesme, clxi. Pape.*

Alexander

# Le iiii. liure des antiquitez de la gaule belgicque

*Alexandre. ij. du nom. clxij. Pape.*

**Alexander** deuxieme, Milanoys, fut le cent soixante deuxieme Pape, en l'an mil soixante vn, esleu en son absence, pour ses vertuz & bones doctrines. Toutefois deslors de son election, du moins peu apres icelle, aucuns euesques Cisalpins ses ennemys, par l'intelligence de Henry quatrieme, contre la volonte d'Agnes, mere d'icelluy Henry, esleurent vn Antipape, nomme Candolus, qui neantmoins ne fut receu, ains en fin fut ledict Alexandre restitué par ledict mesme empereur. Durant la controuersie d'entre luy & icelluy Candolus, ledict Alexandre fut tousiours ayde deffendu & secouru, par le noble duc Godefroy & la bonne Mathilde sa femme. Puis iouyssant paisiblement de la dignite Papale, & l'ayant tenu vn ans mourut.

*Gregoire. vij. du nom. clxiiij. Pape.*

**Gregorius** septieme de ce nom, cens soixante troysieme Pape, parauant appelle Hildebrandus, de nation d'Errorie, de son ieune aage religieux, & depuis cardinal & archidiacre du siege apostolicque, fut canonicquement esleu à l'acclamation vniuerselle du clergé & peuple Romain, l'an mil septante troys. Cestuy estoit homme à Dieu & aux hommes agreable, prudent, iuste, clement, magnanime & protecteur de la liberte de l'eglise, en son temps y eut plusieurs persecutions, & grand scisme en l'eglise. Il feit des decretz merueilleux, contre les symoniacs & concubinaires, excommunia & priua de son royaume & de l'empire Henry quatrieme de ce nom, Empereur scismaticque, qui à l'occasion de telle priuation assiegea dedans le chasteau saint Ange, ou iacoit qu'il y fust bien enfermé & à destroit, neantmoins persista tousiours, contre l'empereur & ses erreurs, iusques à ce qu'il fut secouru & deliuré, avec ses gens, par les Normans, qui lors tenoient la Pouille. Ou s'estant en fin retiré apres sa deliurance, mourut glorieusement, ayant tenu le Papat douze ans. Aucuns historiens Almans, signamment les Lutheriens denigrent toutefois & diffament les faitz & gestes d'icelluy Pape. Mais ilz ont mal digeré les vrayes histoires esquelles on void le contenu.

*Victor. iij. du no. clxiiij. Pape.*

**Victor** troysieme du nom, cens soixante quatrieme Pape, parauant appelle Diderius, estant Cardinal & Abbé de Cassine, fut esleu, contre sa volonte l'an mil octante cinq. Cestuy estoit homme de tresgrande vertu. Aucuns dient qu'il mourut par poyson mis au calice. Soit ainsi, ou non, ie m'en rapporte à la verité, tant ya neantmoins, qu'il ne teint le siege, qu'vn an & quatre moys.

*Vide infra.*

**Urbanus** vingtdeuxieme du nom, luy succeda du temps mesmes du Pontificat de nostre euesque Theodoric. Toutefois pource que cy apres nous parlerons de luy en lieu plus conuenable, nous n'en ferons à present autre mention.

¶ Les empereurs regnans du temps d'icelluy Euesque Theodoric.

*Vide supra.*



**HENRY** troysieme du nom, regna environ neuf ans du temps de nostre euesque Theodoric, comme nous auons escript, parlans de luy au precedent euesque.

Henry

depuis Hue Capet, iusques à Loys, viii. du nom F. cclii.

**Henry** quatrieme du nom, roy de Germanie, & troysieme du nom, entre les *Henry. iij. du nō.*  
empereurs coronnez à Rome, filz du susdict Henry, cōmença à regner *ij. xxx. x. Empe-*  
l'an mil ~~cinq cens~~ septante, estant encores ieune enfant. Au moyen dequoy se gouuer *reur.*  
na quelque temps tresbien, par le conseil de sa bonne mere Agnes, femme prudente  
& vertueuse, laquelle depuis negligée par sondict filz fut deiectée de sa court, par le  
conseil d'Orho Archeuesque de Colongne. Parquoy se retira la bonne Dame à Ro-  
me par deuotion, ou en fin elle mourut sainctement & fut inhumée à saint Pierre.  
Aupres d'elle quelque temps apres fut inhumé Cōradus filz aîné dudiect Empereur  
Henry & par luy enuoyé en Italie. Ce Henry quatrieme fut beau, gracieux, magni-  
fique & victorieux en plusieurs batailles. Toutefois il entreprint vendre les eues-  
chez, & disposer des abbayes & benefices à son plaisir. Laurent Leodiēse dict en son  
histoire, qu'il deietta sa propre femme, nommé Praxedis, voire ( qui est detestable )  
l'exposa à stupre & volupté à ses seruiteurs. Et pour ce qu'il ne voulut recevoir corre-  
ction ne prendre absolution du Pape Gregoire septieme, fut declare priué de son roy-  
aume. En hayne & au contemp dequoy, il feit vn Antipape, qu'il nomma Clemēt,  
parauant appellé Gilbert. Puis vint à Rome, la print à force & contraignit le Pape  
soy sauuer dedans le chasteau saint Ange, ou le teint enfermē & enfermé, iusques à *Rome prinse par*  
ce qu'il en fut deluré par les princes Normans, qui lors tenoient la Pouille. De son *force.*  
temps la cité de Hierusalem, fut recourée & reprise, sur les Turcs & infidelles, par  
Godefroy de Buillon & ses consors. Finalement soy sentāt ia caduc & vicil, crea son  
filz Henry, depuis dict cinquieme du nō, roy des Romains. Six ans apres laquelle crea-  
tion & institution, sondict filz mesmes le persecuta, tellement que par despit il mou-  
rut à Liege, ou il fut inhumé premierement. Toutefois auant que mourir il se feit ab-  
soudre, par le siege apostolicque, Depuis mesmes enuiron six ans apres son premier  
enterrement, il fut enleué de Liege, & transporté à saint Pierre, ou il fut secondemēt  
inhumé. Il regna cinquante ans, & mourut l'an de grace mil cens sept. *La mort de l'empereur Henry. iij.*

Les roys regnans en France durant  
l'Euesque Theodoric.



**HENRY** filz de Robert roy de France, regna enuiron quatorze ans  
du temps d'icelluy Theodoric, comme appert par ce qu'est escript de  
luy en l'euesque precedent Raimbertus:

*Vide supra*

**Philippe** premier du nom, filz dudiect Henry, commença à regner en France  
l'an mil soixante. Cestuy fut homme bien fortuné & debonnaire. Il  
espousa Berthe fille de Florent duc de Frise, en laquelle engendra troys enfans: sça-  
uoir Loys surnommé le gros, qui succeda au royaume apres luy: vn autre filz nommé  
Henry, & vne fille nommée Constance. Toutefois quelques temps apres il repudia  
sa femme Berthe, & print pour concubine Bertrande, femme de Foulques, comte  
d'Angiers, de laquelle il eut deux filz, l'vn se nommoit Philippe, & l'autre Fleury,  
& deux filles. Durant son temps le Pape Urbain vint en France, & teint vn  
concile à Clermont en Auvergne, ou assisterent quatre cens & dix Prelatz, par l'ad-  
uis & decret desquelz approué dudiect Pape, fut excommunié lediect roy Philippe,  
iusques

*Philippe premier du nom. xl. roy de France.*

# Le.iiii. liure des antiquitez de la gaule Belgicque,

iufques à ce qu'il eust repris la propre femme Berthe. En icelluy concile fut accordé entre les princes la croysade & entreprinse sur l'ex pdition & recouurement de Hierusalem, foubz Godefroy de Buillon, avec lequel alla Hue le grand, frere dudit Philippe & y mourut. Ledit roy Philippe mourut l'an mil cens septante, & regna quarante six ans. Aucuns touteſoys ont eſcript qu'il fut excommunié, par le Pape Paſcal deuxieme, & qu'il regna quarante neuf ans: Et mourut l'an de grace mil cens neuf, ie m'en rapporte a ce qui en eſt: mais la plus ſaincte & grãde opinion des hiftoriographes s'accorde à ce que i'en ay dict.

## ¶ Les ducz de Lorraine qui y regnoient du temps dudit Eueſque Theodoric.

*Vide ſupra.*



**G**O D E F R O Y le Breux, filz de Gozelo (duquel ia auôs eſcript en l'eueſque precedent) regna du temps dudit eueſque Theodoric, en uiron vingt deux ans.

*Godefroy le boſſu  
duc de Lorraine.*

**G**odefroy le boſſu autrement dict au gros col, filz dudit Godefroy le breux fut duc de Lorraine & comte de Verdun, apres ſon pere l'an de grace mil ſeptante. Ceſtuy combien qu'il fuſt aucunement difforme de corps, eſtoit neantmoins tresvaillant aux armes, & de bon eſprit. Il print pour femme vne noble dame & belle, nommée Mathilde, fille de Beatrix, ſeconde femme de ſon pere Godefroy, à raiſon de puoy il fut Marquis d'Etrurie. Puis ſeit beaucoup de faitz d'armes, avec ſadite femme pour la deffenſe de l'eglife Romaine. Apres la mort de ſon pere, veint prendre poſſeſſion du duché de Lorraine, lequel il teint ſeulement huit ans, au bout deſquelz il fut inhumainement & en trahiſon tué, eſtant en Friſe en la deffenſe des enfans de Bauldouyn comte de Flandres. Auant que mourir, pource qu'il n'auoit enfans, nomma ſon heritier au duché de Lorraine Godefroy de Buillon ſon nepueu filz de ſa ſeur Idain, & d'Eufſace de Boulongne ſur la mer, ſon mary: Auſſi ordonna ſon corps eſtre inhumé en l'eglife Noſtre Dame de Verdun, à laquelle il ordonna le fief de Iaymais, comme dict le ſupplement de l'eueſque Ioannes de Seraponte. Il mourut enuiron l'an de grace mil ſeptante huit. Vous verres plus amplemēt ſes faitz es vies de noz eueſques precedens.

*Godefroy le boſſu  
teint le duché de  
Lorraine ſept ans  
ſeulement.*

*Vide infra.*

**G**odefroy ſurnommé de Buillon ſucceda au ſusnommé le boſſu, l'an mil ſeptante neuf, es duché de Lorraine & comté de Verdun, de par ſa mere Idain ſeur dudit le Boſſu. Touteſoys il ne iouyt ny fut paiſible qu'en uiron douze ans apres, ainſi que dict Meyerus. Parquoy nous differerons, quant à preſent eſcrire de luy & n'en dirons rien iufques en l'eueſque ſuſſequent.

## ¶ Les comtes de Bar, qui y regnerent durant l'eueſque Theodoric.

*Vide ſupra.*



**S**O P H I E de laquelle auons eſcript en l'eueſque Raimbertus teint le comté de Bar, avec la Vvourie de l'abbaye de ſainct Mihiel du temps d'icelluy eueſque Theodoric.

¶ Les



# depuis Hue Capet, iusques à Loys viij. du nō. F. cclij.

## LES SVCCESSEURS DES PRINCES

de Haynau, qui depuis estans conioinctz au sang d'Ermengarde fille de Charles I. duc de Lorraine regnoyent en Haynau, du temps du dict Euesque Theodoric.



**R**ICHILDE (de laquelle auons fait mention en l'Euesque Raimbert) posseda la comté de Haynau l'espace de trêtehuiet ans, & mourut l'an mille octantseix, auquel temps nostre Euesque Theodoric tenoit Verdun.

*Vide supra.*

**B**auldouyn premier du nom entre ceulx de Haynau, surnommé Motenlis comme son pere, estant le plus ieune des deux filz de ladicte Richilde, luy succeda en Haynau, l'an mille octantseix. Son frere aîné Arnulphus auoit succedé par la mort de son pere au comté de Flandres, mais il en feut expulsé par son oncle Robert Frison, qui depuis le tua en vne bataille qu'ilz eurent ensemble comme auons amplement deduit en nostre hystoire: Cestuy Bauldouyn viuant encores sa mere, print à femme Ida fille ou sœur de Lambert II. comte de Louain; de laquelle il laissa plusieurs enfans, desquelz l'aîné luy succeda en Haynaud, toute sa vie il mena forte guerre contre son oncle Robert Frison & les successeurs, pour retirer la comté de Flandres que sondict oncle auoit à force & contre droit vsurpé, sur son feu frere Arnoul & depuis sur luy, à qui il appartenoit. Ledit Bauldouyn; selon l'hystoire de Haynau entreprint le voyage de Hierusalem avec Godefroy de Buillon, de la part duquel & des Chrestiens estant enuoyé Embassader à l'Empereur de Constantinople, ainsi qu'il estoit en chemin fut epicé, rencontré & tué par les Turcs qui le surprindrent, cecy adueint enuiron l'an mille cent vingtsix, son corps fut perdu & ne le sceut on iamais recouurer.

*Bauldouyn le ieune comte de Haynau.*

*Bauldouyn priné du comté de Flandres.*

## LES SVCCESSEURS DES COMTES

de Louain, descenduz de Gerberge fille de Charles I. duc de Lorraine, qui tenoyent Louain du temps de l'Euesque Theodoric.



**L**AMBERT II. du nom (duquel auons escript en l'Euesque Haymo) teint & posseda la comté de Louain enuiron vj. ans du commencement du Pontificat de nostre Euesque Theodoric. Puis mourut l'an mille cinquante quatre.

*Vide supra.*

**H**enry II. filz de Lambert II. succeda à sondict pere au comté de Louain, l'an mille cinquante quatre, il estoit homme vaillant aux armes. Au commencement de son regne il adhera à Richilde & à son filz Bauldouyn contre le ieune Robert Frison filz de l'ancien Robert, & tascha à leur faire recouurer sur l'vsurpateur le comté de Flandres, poursuyuant le recouurement duquel les Frisons qui l'empeschoyent donnerent bataille à ladicte Richilde, & son filz Bauldouyn en faueur desquelz ledict Henry se trouua en la iournée, qui fut en l'an mille septantedeux.

*Henry II. comte de Louain.*

¶ Meyerus escript que Richilde, estant pour la mort de son filz, deuenue en desplaisance telle, qu'elle estoit quasi furieuse, mesmes voyant ne pouoir auoir ayde des François, obligea son comté de Haynau à Theoduinus Euesque de Liege, pour auoir argent & ghes à fin de rechef combattre son ennemy Robert Frisius, contre lequel elle eut bataille, ou furent presens pour elle (comme tient icelluy Meyerus) Godefroy de Buillon, Albert de Namur, cestuy Henry II. comte de Louain, & plusieurs

V autres

# Le iiii. liure des antiquitez de la gaule belgicque

autres princes qui perdirent la iournée contre ledi&t Robert Frison. Oultre escript Meyerus qu'après ladi&te iournée Bauldouyn de Haynau filz d'icelle Richilde se retira en son pays, & print pour femme Ida sœur dudi&t Henry, que l'estimeroye plus tost sa fille : Au moins la supputation du temps s'y consent & donne trop meilleure occasion d'ain&si le penser.

*Diuersité des Hystorians de Héry ij. & Henry iij. comtes de Louain*

¶ Les hystorians sont en diuersité de ce Henry de Louain ij. Car aucuns escripuent qu'il mourut l'an mille septantecinq, laissant vn filz nommé Henry iij. qui mourut l'an mille octantetroys, laissant aussi deux filz, à sçauoir Henry iij. & Godefroy le Barbu. Les autres hystorians tiennent que cestuy Henry ij. fut pere desdi&tz Henry & Godefroy le Barbu. Suyuât laquelle dernière opiniõ, i'ay escript ce qui s'ensuyt.

*Héry iij. du nom comte de Louain.*

**Henry** III. filz aîné de Henry II. ou de Henry III. quoy que ce soit frere de Godefroy le Barbu succeda au comté de Louain l'an mille octantetroys, il print à femme Geltrude sœur du ieune Robert Frison comte de Flâdres. Cestuy Henry estant l'an mille nonantefix en la cité de Tournay appella à la iouste vn gentilhomme nommé Goscequinus qui estoit des gens du prince Guerdard seigneur dudi&t Tournay, & ne vouloit iouster contre ledi&t Henry qui neantmoins l'y contraignit dont mal luy en print, car il aduint par mesauenture & cas fortuit, qu'en ioustant ledi&t Henry fut tué, qui fut dommage & le pleurerent plusieurs gens. Après sa mort son frere Godefroy le Barbu succeda au comté de Louain, ain&si qu'escript Meyerus soubz l'an mille nonantefix.

FIN DE LA VIE DE THEODORIC, quarantevieme Euesque de Verdun.

## LA VIE DE RICHERUS quarantedeuxieme Euesque de Verdun.

*Richerus xliij. Euesque de Verdun, parauant Doyen de Metz.*

*Les troys freres de l'Euesque Richerus fideiusseurs d'icel luy.*



**R**ICHERUS fut esleu quarantedeuxieme Euesque de Verdun enuiron l'an mille nonante, incontinent après le decés de l'Euesque Theodoric. Il estoit lors de son election Doyen de Metz, homme vertueux, doux, humble, & sçauant, extrait d'ancienne noblesse des pays de l'ancien Royaume de Lorraine. Il auoit troys freres nobles barons estans ordinairement au seruice de l'Empereur Henry IIII. d'ont l'vn s'appelloit Albert de Brie, le second, Bezelin, & Jehan de Thionuille, en faueur desquelz ledi&t Empereur accorda à Richerus l'Euesché de Verdun, à la charge cy après declarée. Pource que en ce mesme temps le scisme, & la diuision en l'Eglise

# depuis Hue Capet, iusques à Loys, viii. du nom F. ccliiii.

L'Eglise Romaine continuoit entre ledi& Empereur, soustenant l'Antipape Clement, & l'Eglise Romaine en laquelle presidoit lors Urbain ij. du nom, fut contrain& Richerus receuoir l'Euesché de l'Empereur, contre les defences & prohibitions de l'Eglise Apostolicque. Et furent ses troys freres pleges & fideiusséurs vers l'Empereur, qu'il tiendroît les parties d'icelluy Empereur, & demeureroit tousiours soubz l'obeyffance de l'Antipape Clement. Sans lesquelles conditions & promesses, Richerus n'eust obtenu ledi& Euesché, car la cité de Verdun, & l'Euesque Theodoric auoit tout son temps avec son clergé tenu le party dudi& Empereur, contre l'Eglise Romaine, laquelle au contraire auoyent soustenu, & encores soustenoient Rodolphus abbé de S. Venne & ses religieux, à raison dequoy, ilz estoient en exil, & fugitifz à Diion, comme auons escript en l'Euesque precedent.

*L'Eglise de Verdun scismaticque.*

¶ Richerus doncques ayant aux charges prealleguées obtenu de l'Empereur le don, & collation dudi& Euesché fut receu honorablement par ceulx de Verdun qui tous estoient lors scismaticques, mais il ne fut sacré du commencement selon l'ordre, & coustume de l'Eglise, obstant que tous les aultres Euesques circonuoyfins de Verdun, comme Metz, Toul, Treues, ceulx de France & la plus part de Germanie tenoyent pour l'Eglise Romaine, au moyen dequoy fut l'espace de six à sept ans apres sa prouision & collation sans estre sacré, dont il estoit grandement desplaisant, & encores plus marry qu'il n'osoit prendre l'obeyffance de l'Eglise Apostolicque; pource ses freres auoyent à ce obligé leurs corps & biens pour luy. Et combien que par faicte & apparence exterieure, voyre par parolles, il teint le party dudi& Empereur, tousiours il estoit en son cœur, fort irrité & marry qu'il ne pouoit executer le contraire, & se renger à l'Eglise de Rome. En faueur de laquelle neantmoins & pour monstrier son bon vouloir vers icelle, incontinent qu'il fut receu en son Euesché de Verdun, fait par grandes prieres reuenir & retira en l'abbaye de S. Venne l'Abbé Rodolphus, & tous ses religieux qui en auoyent esté expulsez par son predecesseur Theodoric, & depuis le retour dudi& Abbé vsa vers luy de grande amitié, conuersation, & familiarité honnesté, & enuers tout le monde fut si doux & bening, que chascun l'aymoit.

*Dilation de la consecration de l'Euesque Richerus.*

*Rodolphus Abbé de saint Venne, & ses religieux r'appelez par l'Euesque Richerus.*

¶ Des l'entrée de son Pontificat accorda & fit paix avec Godefroy de Buillon, & aultres nobles barons & seigneurs ses voyfins, qui parauant auoyent querellé, & estoient ennemis de son predecesseur, tous lesquels il trouua moyen d'appaiser, & pacifier avec luy; de sorte qu'il n'eut plus à faire qu'à Henry comte de grand Pré, lequel ne cessoit de vexer & molester iournellement les terres, & subiectz de l'Euesché, pillant & destruisant par courses secretes tout ce qu'il pouoit trouuer, puis soubdain se retiroit en son chasteau, ou il se gardoit tant bien qu'il estoit difficile le rencontrer pour le prendre.

*Henry comte de Grand Pré persecuteur de l'Eglise de Verdun.*

¶ Or adueint enuiron l'an mille nonantetroys, que ledi& comte Henry estat à Chalon en Champagne, trouua la le comte Pierre filz de Frederic comte de Toul, amy de nostre Euesque, & fiefé de son Euesché. Si eurent ensemble parolles rigoreuses, & pleines de menasses & reproches, car ledi& comte Pierre impropetoit & reprochoit audi& comte Henry les courses & pilleries qu'il faisoit occultement sur les terres, & subiectz de l'Euesché de Verdun, voire quasi sans desfiance luy disoit & soustenoit qu'il n'eust osé ce faire apertement, dequoy ledi& comte Henry irrité & scandalizé assigna iournée, ou il promit se trouuer avec ses gens deuant Verdun, & en plein iour, donnant enseigne & deffie au comte Pierre de s'y trouuer, s'il estoit assez hardy, ce qu'il accorda & promit ioyeusement se trouuer & comparoir à la iournée, attendant laquelle, chascun d'eulx fit ses apprestz, puis le iour assigné venu, le comte Pierre avec les barons & nobles de l'Euesché, ensemble les citoyens & bourgeois de la cité sortirent aux champs, ou bien equippez & prest de combatre, attendirent la venue de leur ennemy, lequel aduertty par aucuns traistres demourans en la cité, ses amys & alliez, qui de heure à aultre luy faisoient secretement entendre ce qu'on fai-

*Iour assigné entre le comte de grand Pré, & Pierre filz du comte de Toul.*

# Le iiii. liure des antiquitez de la gaule belgicque

soit en la cité, que noz gens estoient ia aux champs differa longuement sa venue, & de se monstret: à raison dequoy noz gens quasi desespererz de sa venue, apres l'auoir longuement attendu, faignirent retourner en la cité. Dont ledict Henry certioré par les explorateurs, veint soudain avec ses gens entrer es villages de l'euesché, pillant & robant tout ce qu'ilz trouoiēt, puis s'en retourna (comme il auoit de coustume, menant gros butin, qui toutefois ne luy demeura entierement, mais fut sur luy rescoux en ceste sorte.

*Victoire des vir-  
dunois contre le  
Comte de grand  
Pré.*

¶ Noz gens aduisez de ce, diuiserent l'armée en deux moitiéz de laquelle enuoyerēt en diligence & par chemins obliques, au deuant d'iceluy Henry & ses gens, & l'autre moitié ou reste d'icelle armée le poursuiuit par derriere, tellement que presque à vn mesme instant le comte Henry & ses gens furent enfermez & de toutes pars assailliz si viuement que d'iceulx moururent plus de six vingtz hommes de nom, plusieurs furent prins prisonniers, & les autres montez à l'aduantage, comme le comte Henry, le gaignerent à la fuite, demeurans ceulx de Verdun victorieux avec gros butin, de cheuaults, armures, & autres munitions de guerre, dont les Virduuoys furent tous riches. Deslors de ceste desfaiete fut l'inimitié d'iceluy comte Henry contre la cité plus grande que iamais, & telle que depuis iusques à sa mort il ne cessa de vexer & molester ladicte cité, & les subiectz de l'euesché, qui en fin en furent venggez par sa mort miserable, laquelle sept ou huit ans apres, adueint quasi miraculeusement commē vous entendrez.

*La pitieuse mort  
de Henry Comte  
de grand Pré.*

¶ Du temps que les Chrestiens estoient à l'expedition de Hierusalem & recouurement de la terre sainte, le bruit veint pour la seconde fois es pays de Lorraine, que noz gens auoyent desia beaucoup gaigné sur les infidelles, par la prudence, prouesse & vaillance de Godefroy de Buillon, les triumpantes victoites duquel furent aussi publiées par toute Lorraine & pays circonuoylins, en sorte qu'aucuns princes & nobles seigneurs desdictz pays stimulez d'vn esguillon de bonne enuie & emulation s'assemblerent de nouveau pour aller secourir & donner ayde à ceulx qui ia estoient en Hierusalem, ou es enuironz, entre lesquelz ledict comte Henry se trouuant delibera y aller, mesmes ayant ce vouloir, veint à Verdun afin de prédre la croix avec les autres. Mais cuydant la receuoir, deueint illec insensé & furieux, de sorte qu'il mourut là miserablement, laissant à tous iugement & soupçon qu'il n'estoit digne de telle sainte entreprise, & dun voyage tant salubre.

*Dudo de Clermōt  
arresté prisonnier  
à Verdun.*

¶ Apres la susdicte victoire obtenue contre ledict Côte Héry par les Virduuoys: Ilz s'esleuerent en orgueil, tellement qu'un iour (entre autres) Dudo de Clermont confederé & alié d'iceluy Comte Henry, passant son chemin & estant logé à Verdun, teint quelques propos de l'euesque Richerus, se mocquant de sa doctrine & humilité, en presence d'aucuns du clergé, lesquelz se mutinerent contre iceluy Dudo, si bien qu'avec l'ayde des souldoyers du clergé qu'ilz s'assemblerent, le constituerent prisonnier en vne tour de la cité. De quoy les Barons & nobles du pays ne furent contens, mais beaucoup indignez cōtre le populaire qui auoit fait tel oultrage, duquel ilz requirēt reparation & poursuiuirent en sorte la deliurance d'iceluy Dudo enuers l'euesque Richerus homme bening & gracieux, qu'ilz obtindrent, voyre que incontinent apres la deliurance d'iceluy Dudo, ledict euesque Richerus ordonna que par forme de restitution de l'offence, les gens du clergé iroient au deuant d'iceluy Dudo, le long d'un quart de lieue: Et en signe d'honneur & reuerance luy porteroient le liure scolasticque de l'eglise. Chose notable pource que c'estoit vne maniere d'amende honorable obliuée de ce temps là & au precedent.

*Famine & mor-  
talité en Lorraine*

¶ Es années mil nonante quatre & mil nonante cinq (cōme dict Sigebert) par toute Germanie & Lorraine, furent grands vens, tremblemens de terre, famine, & mortalitez en plusieurs lieux: En sorte que par necessité les pauures desfroboient & pilloient tout ce

# depuis Hue Capet, iusques à Loys, viii. du nom F. cclv.

tout ce qu'ilz pouoient trouuer. A raison de quoy l'Euesque Richerus craignant d'auantage l'ire de Dieu, & voyant les miseres & calamitez qui regnoient, concepuoit en son cuer vn grand desplaisir & vn remord de cōscience, pource qu'il auoit desia longuement tenu son euesché sans estre sacré, ne receuoir la benediction episcopale, accoustumée & ordōnée de l'Eglise Romaine. Si appella le bon Abbé de saint Véné Rodulph°, avec lequel cōfera du bō desir & vouloir qu'il auoit de retourner à l'vniō de l'Eglise. Ce que ledict Abbé luy conseilla, si biē qu'il delibera prendre l'obeissance apostolicque, à laquelle fin partirent ensemble de Verdun avec l'hōneste cōpagnie de leur clergé, & vindrēt à Lion vers le Cardinal Hugo, Legat du saint siege Aposto-

*L'euesque Richerus repren l'obeissance de l'Eglise Romaine & se fait ordonner prestre & sacrer Euesque*

¶ On lit es histoires & gestes des Euesques de Metz, qu'apres la mort de Hermānus Euesque dudit lieu & de tout son temps protecteur & deffenseur de l'Eglise Romaine contre l'Empereur Henri: l'Euesché de Metz vacqua longuement à cause dudit scisme, aussi que l'empereur y vouloit mettre vng nommé Adalbero, qu'il seforça pouruoir dudit Euesché, mais les citoiens qui tousiours parauant auoient esté catholicques ne le vouleurent receuoir sans l'expresse nomination & autorité du siege apostolicque. Partant demeura le spirituel d'icellui Euesché sans pasteur assez long temps, en fin duquel les Citoiens de Metz trouuans mauuais n'auoir prelat en leur Eglise, esleurent leur Euesque ledict Pepo lors estant chanoine de Treues lequel contre la volonté Imperiale fut sacré par le Legat Hugo Archeuesque de Lyon.

*Pepo institué euesque de metz: contre la volonté de l'empereur.*

¶ Semblablement Pibo (duquel nous parlions n'agueres) fut le trentehuitieme Euesque de Toul, & tandis qu'il presida audit Euesché, teint tousiours le parti de l'Eglise catholique, administrant tout le temps de son pontificat son Euesché, en sorte qu'apres sa mort il obtint & merita estre appellé par son clergé de Toul, le venerable Pibo.

*Pibo Euesque de Toul, surnommé le venerable tousiours Catholique*

¶ L'année mesme que nostre Euesque Richerus fut sacré qu'on comptoit l'an milno nantefix selon Sigibert (que ie suiuray en ce passage pource qu'il viuoit lors, laissant & ne m'arrestant aux aultres historiographes qui sont en diuersité sur la supputation de ce mesme temps) Le pape vrbain secōd, homme de grande doctrine sainteté de vie, & digne de la dignité papale, apres auoir tenu aulcuns Conciles generaulx tant à Melphe Cité de la Pouille, qu'à Plaifāce Cité d'Italie, esquelz il feit plusieurs decretz, de censures, execrations contre l'Antipape Clement & l'Empereur Henry quatrieme, veint en France, en la Cité de Clermont en Auvergne ou il conuoca vng concile general auquel se trouuerent troiscensdix prelatz.

*Concile general à clermont, par le Pape vrbain deuxieme*

¶ Ce qui meut ledict Pape Vrbain de faire ledict concile, fut le grand zele de charité & affection qu'il auoit à l'augmentation de la foy Crestienne, suppression & abolition de la loy païcne & mahumeticque. Aussi la pitié & compassion qu'il auoit des opprobres, miseres & calamitez, que les Infidelles Turcz & Sarrazins faisoient aux pures crestiens habitans au sepulchre de Hierusalem, dont il auoit esté aduertit par lettres de Symon Patriarche dudit lieu, que luy auoit apporté vng pellerin nommé Pierre l'hermite venāt du Saint voayge, de l'estat auquel Pierre ie diray vng mot en passant, sans touteffoys eslongner nostre matiere de beaucoup.

*Pierre l'hermite zelateur de l'ētre prise du voiage de Hierusalem.*

# Le.iii. liure des antiquitez de la gaule Belgicque,

¶ Selon les histoires Pierre l'Hermitte estoit de nation d'Amiens homme extrait de noblesse, prudent, ingenieux, magnanimē & zelateur de la foy Chrestienne. Toute fois petit de corpulence & aucunement difforme de membres. Il auoit en son ieune aage suiuy les armes en plusieurs batailles, au moien dequoy estoit trefvtile, experimentē à tous actes belliqueux. Depuis deuenu homme parfait & ayant congneu l'estat du mode, eueut par zeile de deuotion la vie cōreplatiue, pour en laquelle mieulx & plus aisēment vacquer, se retira en vng hermitage, ou il vesquit solitairement & en grande saintetē de vie. Vn religieux de saint Remy de Reims, nommē Robert qui assista audict concile de Clermōt, recite que ledict Pierre obseruoit & viuoit en si grande abstinence qu'il ne mangeoit pain ne chair, bien beuuoit vin, & vsoit de toutes aultres choses propres à la nourriture de l'homme.

*Institution du petit Office de Nostre Dame.*

¶ En icelluy concile de Clermont (pour reprendre la matiere d'iceluy) ledict pape Urbain fit plusieurs belles constitutions: Entre aultres celle par laquelle il ordonna & institua le petit office des heures Nostre Dame, lesquelles (selon Anthonin) il comanda à tous prestres dire chascun iour de l'an, avec leurs heures canoniales, sur peine de peché mortel: Nauclerus toutefois en son histoire, tient le cōtraire de ce, disant qu'icelluy Urbain pape, ordonna seulement ledict office de Nostre Dame estre dict chascun iour de Samedy.

*Philippe Roy de France excommuniē par le pape Urbain. ij.*

¶ En ce mesme article ledict pape Urbain excommunia Philippe premier du nom Roy de France, pource qu'il ne vouloit reprendre ne receuoir en sa cōpagnie Berthe sa femme legitime, qu'il auoit parauant delaissee & repudiee de son autoritē, à fin de satisfaire à sa luxure avec Bertrande femme de Fulco Comte d'Angiers, qu'il tenoit & receuoit lors en son liēt comme s'elle eust estē sa propre femme: Toutefois en fin soy sentant contrainct par les censures ecclesiasticques, obeit au comandement du pape.

*Entreprise du voyage de Hierusalem soubz le pape Urbain ij.*

¶ Dauantage ledict pape Urbain remonstra singulierement en icelluy concile la desolation de la terre sainte, les grandes calamitez & infiniz maulx qu'enduroient les pauvres Chresties y habitans: Brief par son parler elegant, fait en sorte avec les pleurs & testifications que faisoit ledict Pierre l'hermite de ce qu'il auoit veu, que plusieurs princes, Ducz, Cōtes, Barōs, Nobles, Roturiers, riches & pauvres, ieunes & vielz, tant de France, Acquitaine, Normādie, Bretagne, Lorraine, Bourgogne, Prouēce, Espagne, Italie, Sicile, Almagne, Angleterre, Escosse, & d'aultres nations & contrēes, se croiserent pour aller audict voyage. Entre lesquelz estoit premier & principal Godefroy de Buillon, Duc de Lorraine & Comte de nostre citē de Verdun: avec lequel allerent audict voyage aucuns princes de l'ancien Royaume de Lorraine: Sçauoir ses deux freres, Bauldouyn & Eustace, Iecerin Comte de Hainau, Hugo Cōte de saint Paul, le Comte de Grēes, Fredericus Comte de Toul, Lancelin Comte de Richemōt Bauldouyn de Bourg Comte de Rethel, nepueu du Comte Manasses (duquel auons n'agueres fait mention) & cousin du vaillant Godefroy de Buillō, Bauldouyn Cōte de Mons, & plusieurs aultres grandz seigneurs des pays de l'ancien Royaume de Lorraine.

*Les principaulx princes entreprenans ledit voyage*

¶ Semblablement l'accompagnerent de la France Hugues le grand, Comte de Vermādoys, frere de Philippe Roy de France, Estienne Comte de Chartres & de Bloys, Remōd de Tholouse Comte de saint Gille, Isuardus Comte de Dieuse, Guillaume Comte de Forestz, Rotholdus Comte de Portoys, Robert Duc de Normandie, frere de Guillaume le Roux Roy d'Angleterre, Robert Comte de Flandres: Et beaucoup d'aultres qui seroit difficile nommer.

¶ De l'Italie Bremundus Comte de Tarente, Robert Comte de la Pouille, freres nō germains, & filz de Robert Guiscardus, Tancredus filz de leur seur, ensemble plusieurs aultres seigneurs & nobles hōmes vaillās & adroitiz aux armes. Tous lesquelz assemblez

# depuis Hue Capet, iusques à Loys, viii. du nom. F. cclvi.

blez avec leurs soldatz, faisoient le nombre de trois cens mil combatans & plus. Auquelz de la part dudit Pape Urbain, fut donné, comis & enuoyé pour Legat & conseiller apostolicque Adamarus, Cardinal & Euesque de Podienſe, ou du Puy en Auvergne. De ceste assemblée & des glorieux faitz de tant de princes & grâs seigneurs en l'expedition d'oultre mer, nous ferons cy apres plus ample mention, en parlât du noble Duc Godefroy de Buillon.

*Adamarus Legat apostolicque audit voyage.*

¶ Audiât concille ne comparut en personne nostre Euesque Richerus, de peur de desplaire à l'Empereur Henry, scismaticque: mais y enuoya pour faire ses excuses ses Legatz & embassadeurs, le bon Abbé de saint Venne Rodulphus & aultres gens sçauans de son Eglise de Verdun.

¶ Les Euesque de Metz & Toul en Lorraine, assauoit Pepo & Pibo, cy deuant nommez, assisterent personnellement audiât concile. Semblablement vn sçauant homme nommé Richardus, natif de nostre cité de Verdun, qui estant chanoine de Metz des le temps de Hermannus Euesque dudit lieu, auoit esté priué de sa prebende & expulsé de Metz par l'Empereur Henry, avec ledit Euesque Hermannus, pource qu'il auoit virilement tenu & deffendu, & lors de son exil tenoit encore & deffendoit franchement l'Eglise catholique contre les scismaticques, Henry Empereur & l'antipape Clement, pour doubte desquelz s'estoit à ce moyen retiré à Rome des le temps de Gregoire septieme pape, qui pour son sçauoir & ses vertuz luy auoit donné l'Euesché d'Albanie.

*Richard Euesque d'Albanie institue Legat apostolicque en Germanie, & Lorraine.*

¶ Cestuy Ricardus fut fait & crée Cardinal audiât concile de Clermont, puy institué Legat apostolicque es parties de Lorraine & Germanie. Il auoit vn frere nommé Arnulphus, homme des son ieune aage tresuaillant aux armes, & militant pour la defence de l'Eglise Romaine. Lequel esmeu de deuotion, bailla à l'Eglise de saint Venne à Verdun, vn gaignage qu'il auoit au territoire de Bouconuille. Puis se feist Conuers audiât saint Venne, ou en fin mourut religieux soubz l'Abbé Laurentius.

*Arnulphus cheualier frere dudit Richard mourut religieux à saint Venne.*

¶ Aussi assista audiât concile vn religieux sçauant homme, nommé Lauzo, Abbé de saint Vincent de Metz, lequel semblablement auoit esté dechassé de Metz, avec l'Euesque Hermannus, parce qu'il deffendoit & soustenoit l'Eglise catholique contre le scisme susdict. Et s'estoit retiré à Diion avec Rodulphus Abbé de saint Venne, qui à ceste occasion mesme estoit là fugitif. Ce Lauzo (ainsi qu'il se trouue escript de luy) vn iour entre aultres estant sur les champs, trouua vn religieux nommé Cono, que l'Empereur Henry & ses consismaticques auoient constitué Abbé dudit saint Vincent en son lieu, dont ledit Lauzo irrité, prit par force iceluy Cono, le lya & garota tresbien, puis l'amena à Diion, deuant le Legat apostolicque.

*Lauzo Abbé de saint Vincent à Metz.*

¶ Apres le concile finy clos & arresté, le noble Duc Godefroy pour se preparer, mettre ordre à son cas & soy disposer au saint voyage, veint à Verdun ou il se reconcilia avec nostre Euesque Richerus, duquel parauant il auoit retiré le Comté de Verdun, (comme dessus auons dict) Et à fin d'amasser & recouurer argent pour fournir à son entreprise, il conueint avec ledit Euesque & luy vendit à perpetuité au profit de son eglise Cathedrale de Nostre Dame, le village de Mousa, avec la ville de Sathenay & le chasteau adiacent, qu'il auoit nouvellement fait enclore & fortifier contre ledit Euesque & clergé de Verdun, à cause des questions & querelles qu'ilz auoient eu ensemble, peu au parauant.

*Godefroy de Buillon vend à l'Euesque Richerus & à ses successeurs euesques, Sathenay & Mousa.*

¶ Pour satisfaire au payement des grosses sommes de deniers qu'il failloit bailler & deliurer audiât Duc, suyuant le contenu des lettres d'acquest passées avec luy: l'Euesque Richerus leua vn gros emprunt, ayde, & subside sur toutes les eglises: Ensemble sur tous les prestres de son Euesché. Par le moyen duquel il acquitta son Eglise, & paya ledit Duc Godefroy: Lequel en presence dudit Euesque ayant

# Le.iiii. liure des antiquitez de la gaule Belgicque,

*Les usurpateurs* les habitz & àornemēs pontificaulx, ensemble de tous les confreres & de son clergé  
*futurs de Sartenay* à ceste fin cōuocquez & assemblez, conferma & tatiffia à iamais la vendition par luy  
*& Mousa, excō-* ainsi faiçte au profit de l'Eglise Nostre Dame de Verdun, & en donna lettres autenti  
*muniez & anate* cques pour seruir au temps aduenir. Consentāt par icelles lettres, que tous ceulx qui  
*matizez du con* à l'aduenir y contrenuendroient empescheroient, ou entreprendroient sur les choses  
*sement de Go* ainsi vendues à ladiçte eglise, fussent excommuniez & anathematizez.  
*defroy de Buillon.*

*Le chasteau de* ¶ Dauantage ledit duc Godefroy, auant son partemēt pour faire son voyage en Hie  
*Montfaulcon ab* rusalem, feit en faueur dudit Euesque, de ses successeurs & de son Eglise, abbātre &  
*batu du consente-* raser vng chasteau & forteresse qu'il auoit nouuellement edifiē au lieu de Mōtfaulcō  
*mēt de Godefroy* estant lors du diocese de Verdun, afin de nuire & molester le clergé & cité de Ver-  
*de Buillon, en fa-* dun, durans les differens & querelles parauāt estās entre eulx. Ce qui meut ledit duc  
*ueur du clergé de* Godefroy de faire destruire & demolir ledit chasteau, fut à fin qu'en son absence ny  
*Verdun.* au futur, il ne feist dommage ou ennuy à ladiçte Eglise de Verdun.

*Le Cōté de Verdū* ¶ Quant au Comté de Verdun pour raison duquel longues & grandes querelles &  
*baillé par godefroy* questiōs auoient esté faiçtes du passé entre les predecesseurs dudit duc Godefroy &  
*de Buillon à son* les Euesques de Verdun, & lequel Comté icelluy meisme duc Godefroy auoit peu  
*frere Bauldouyn* auant retirē & remis par force en ses mains (comme nous auons dit en l'Euesque  
Theodoric) il le bailla & laissa à Bauldouyn son frere, pour en disposer à son plaisir  
(au moins ainsi que dit Laurent leodien) en recompente de son partage & succes-  
sion paternelle.

¶ Suyuant ce que nous auons escrit cy dessus, ie repeteray (par maniere de recapitu-  
lation) vng mot sur la vraie & saine congnoissance du furnom dudit Godefroy de  
Buillon. Lequel Simphorian en son hiltorie, dit estre faulcement surnommē de Bul-  
*Pourquoy le duc* lon, soustenant qu'on doit dire, de Bolongne, ce que nest vray. Par ce que certaine-  
*Godefroy portoit* ment son pere Eustace estoit Comte de Buillon, à cause de sa femme par la mort de  
*le furnom de Bul* laquelle cestuy Godefroy son filz prit tiltre & furnom de Buillon, voire viuant encore  
*lon.* sondict pere Eustace, qui semblablement estoit Comte de Boulongne comme Iacobus  
Meyerus en son hiltorie de Flandres recite en plusieurs endroiz d'icelle soubz  
ces termes *Godefridus Bulonensis filius. Eustacii comitis Bononi.* Ce qui est ausy confir-  
mé par la vendition que feit ledict Godefroy de Buillon de sondict comté de Buillō  
aux Euesques de Liege, lors & peu auant son partement pour aller à l'expedition de  
Hierusalem. Dauantage ce appert clairement par l'hiltorie de Sigebert historien ve-  
ritable, viuant mesmes du temps d'icelluy Godefroy, ausy par Laurent leodien qui a  
escrit succinçtement des Euesques de Verdun, & qui semblablement viuoit en ce mes-  
me temps. Oultre par les anciens registres lettres & Chartres du monastere de Saint  
Venne à Verdun, esquelles ledict Godefroy est appellē Bulionensis. Parquoy ne font  
à receuoir ny probables les raisōs sur ce cōtraires dudit Simphoriā, escriuain (soubz  
sa correction) peu diligent en tout ce qu'il a escrit. Encores qu'il soustienne n'estre  
vray semblable que ledict Godefroy qui estoit duc de Lorraine, eut pris son tiltre d'ū  
si petit lieu qu'estoit Buillon. Car à prendre tiltre ou furnō on ne regarde tousiours  
la puissance & abondance des seigneuries & possessions paternelles, mais aulcunnes  
fois les tilres maternelz ou des terres & seigneuries venans d'iceulx quand mesmes  
on ioyt d'icelles viuant encores le pere. Veritablement le pere dudit Godefroy fut  
Comte de Boulōgne, mais sa mere Ydain ou Yda fille de Godefroy de Lorraine sur  
nommé le breux, porta avec elle par traitē de mariage ledict Comté de Buillon, que  
son mari Eustace posseda à ce moien tāt qu'elle vesquit. Neantmoins apres son decez  
qui adueint auāt celuy de sondict mary Eustace, ledict Godefroy sō filz ainsné succeda  
audit Cōté, duquel à ceste occasiō il porta le tiltre qu'il reteint toute sa vie, pour les  
raisōs cy dessus alleguēs & aultres qu'auōs escrit en noz arbres de la genealogies des  
ducz



# depuis Hue Capet, iusques à Loys viij. du nō. F. cclvij.

ducz de Lorraine, & princes de Boulongne: Desquelz arbres, suyuant ce qu'auons ia dit cy deuant nous môstrerons ledit Godefroy auoir succédé à cause de sadiete mere audit duché de Lorraine: D'ou vient qu'aucunessfoys est appellé Godefroy de Buillon, aultressfoys duc de Lorraine: Toutessfoys Paulus Emilius l'appelle en son histoire Bononiensis, suiuant en ce l'opinion seule dudit Simphorian, duquel il semble approuuet l'intentiō en cest endroit, sans auoir esgard aux raisons susdictes, ny à tous les autres plus anciens & precedens historiens, qui vrayement l'appellent Buloniensis.

¶ Pour retourner à nostre propos & le continuer: Cestuy Godefroy (comme i'ay dit) auoit trois freres, les deux plus aisnez desquelz nommez Bauldouin & Eustace le suiurent en l'expeditiō du Sainct voyage de Hierusalem: toutefois auant que partir icelluy Godefroy bailla audit Bauldouyn (ainsi que tient Laurent leodien.) le Comté de Verdun qui de long temps estoit contentieux & en differant entre les euesques de Verdun, & les predecesseurs dudit Godefroy, au moien de la donation dudit côté faicte par iceulx predecesseurs & les empereurs au profit desdictz Euesques desquelz assez long temps auant ledit parremēt dudit Godefroy pour aller en Hierusalem le dit Côté auoit esté retiré à force par Godefroy le breux filz de Gozelo, & Godefroy le bossu son filz, oncle dudit Godefroy de Buillō, ensemble par icelluy Godefroy de Buillon, de sorte qu'eulx trois successiuemēt teindrent ledict côté iusques à ce que le dit Godefroy le laissa audit Bauldouyn son frere, lequel si tost qu'il l'eut en ses mains, le remeit de nouveau es mains dudit Euesque Richerus, moyennant grande somme d'argent qu'il receut de luy pour parfaire sondit voyage. Le dy eecy avec ledit Laurent Leodien.

*Des trois freres de Godefroy de Buillon.*

*Le comté de Verdun vendu par Bauldouin, à l'euesque Richerus.*

¶ On lit en la seconde partie du Rozier de France, compilé à la requeste du Roy Loys vnzieme, que ce Bauldouyn suiuit du commencement de son aage l'estat ecclesiastique & fut chanoine du Liege, Cambray & Verdun, mais il abandonna tout affin d'aller audit voyage de Hierusalem.

¶ Parce que dessus est recité, peult clairement apparait les predecesseurs de Godefroy de Buillō auoir longuement possédé & tenu ledit Comté de Verdun, toutefois pour encores mi'eulx le verifiser & afin qu'on ne m'estimé parler par volonté, ie transcriray icy vne clausule que Laurent leodien. à mis par forme d'epitaphe en son histoire, ou sont tenuz ces morz.

¶ *Itaque insignis ille Bulloniensium principatus primum à comite Godefrido patre Adalberti nostri presulis, & duorum ducum Godefridi & Gozelonis, duorumque comitū Herimanni & Frederici, qui omnes cum sua numerosa progenie vel fortitudine in bello vel religione, in ecclesia pre ceteris claruerunt. Istum quoque locum cum matresua Mahilde precunctis mortalibus ditauerūt, feliciter ceptus, in isto Godefrido felicitus & sanctius est finitus & per multos diuisus. &c.*

*Les princes de Buillon bienfaiteurs de l'eglise de Verdun.*

¶ Ledit Bauldouyn durant l'expedition de Hierusalem conquesta sur les turcz le Côté d'Ediffe ou Rehges en Mesopotamie, puis fut Roy de Hierusalem après le décès de son frere Godefroy de Buillon,

*Bauldouin frere de Godefroy.*

¶ L'autre frere Eustace alla quand & ses freres en ladicte expedition, toutefois n'est faicte grande mentiō de luy ne de ses faictz: Bien dit Simphorianus qu'après la prise de Hierusalem & que son frere Godefroy en fut coronné roy, il s'en retourna en son pays, & depuis succeda à son pere au Comté de Boulongne. Selon ledit autheur il eut vne seule fille nommée Mahauld, laquelle fut mariée à Estienne Roy d'Angleterre.

*Eustace frere de Godefroy.*

¶ Le troisieme & plus ieune des freres dudit Godefroy nommé Guillaume demoura au pays de Lorraine, duquel en l'absence dudit Godefroy son frere il fut institué gouverneur: Il n'en fut neautmoins iamais Duc en chef, mais seulement le gouverna sa vie durant. Toutefois après sa mort: & de ses freres, ses enfans furent ducz de Lorraine, desquelz par succession de temps sont yssuz, les aultres ducz dudit pays en semble les Barons de Iaynuille qui ont regné depuis, & sont encores de present.

*Guillaume frere de Godefroy.*

¶ Au

# Le.iiii. liure des antiquitez de la gaule Belgicque,

*Le cōté de Buillon  
vendu par Gode  
froy aux euesques  
de Liege. 10 5*

¶ Au regard du comté de Buillon premiere seigneurie patrimoniale d'icelluy Godefroy de Buillon, il le vendit (ainsi qu'auons ia dict) avec le chasteau de Buillon, & toutes les appartenances, au bon Albertus euesque du Liege, & à son eglise saint Lambert dudit lieu, laquelle (comme dict Laurentius Leodien.) paya & deliura pour le dict comté audit Godefroy mil quatre cens mars d'argent, avec vne liure d'or. Aucuns historiens toutefois dient que ledict Godefroy en receut vn liuroir plain de florins d'or, qui seroit la quatrieme partie d'un septier mesure de Paris.

*Metz ne fut ia  
mais vendue par  
Godefroy de Buil  
lon.*

¶ Semblablement quelques historiens (du nombre desquelz est Guaguin) dient que ledict Godefroy vendit la cité de Metz aux habitans de la ville mesmes ce que ie n'ay trouué en autres histoires plus autentiques & anciennes, n'y mesmes es faitz & gestes des euesques de Metz. Aussi n'est vray semblable. Car on ne liét que ledict Godefroy ait iamais eu seigneurie à Metz, durant ledict temps: Mais au contraire se trouuent plusieurs lettres & chartres en ladicte cité de Metz datées du temps de Henry quatrieme empereur regnant lors, par l'inspection & lecture desquelles est facile à iuger & coniecturer, qu'ilz n'auoient lors pour seigneur ou duc ledict Godefroy. On trouue dauantage en l'histoire frere Gerard Fraget religieux, qu'un comte de Metz, nommé Bauldouyn suyuit en l'expedition de Hierusalem Godefroy de Buillon & ses freres. A ceste cause ie laisse aux lecteurs diligens le iugement de ce, & n'en feray autre recit quant à present.

*Hierusalē conqui  
se par Godefroy de  
Buillō, l'an mil no  
nante neuf.*

¶ Ces choses ainsi qu'auent entenduz expedies, ledict duc Godefroy partit de Lorraine, avec lesdictz freres & grande compagnie pour faire son voyage, l'an susdict mil nonante six. Puis ayant passé la mer & fait plusieurs belles & glorieuses conquestes sur les infideles, print par force la cité de Hierusalem, de laquelle à ce moyen il fut d'un commun accord esleu & couronné roy, l'an mil nonante neuf, des lequel temps commença à fonder les eglises du saint sepulchre & temple de Dieu, esquelles il institua chanoines reguliers, leur donnant plusieurs grands biens, qu'il eust augmenté, mais il mourut l'an suyuant mil cens. J'ay escript particulièrement des faitz & gestes d'icelluy Godefroy, en ladicte conqueste de Hierusalē. Parquoy n'en feray icy autre plus ample mention, à fin de n'user de redicte & repetition.

*Theodoric filz de  
Sophie, obtient l'e  
xercice du comté  
de Verdun.*

¶ Peu apres le parterment de ces princes susnomez, nostre euesque Richerus qui (ainsi que j'ay dict) auoit recouré le comté de Verdun, par le moyen dessus recité, bailla le Vicoté pour l'administrer & exercer, souz luy à Theodoric, filz de Loys de Mousson, & de la comtesse Sophie, lequel Theodoric (comme dict Laurentius Leodien.) estoit comte de Bar & dudit Mousson. Ce lais, bail, ou donation, fut faite du contentement de tout le clergé de Verdun, & aux modifications anciennes, en reconnoissance des bons seruices, que ledict Theodoric auoit parauant fait aux euesques de Verdun, en esperance aussi qu'il profiteroit & ayderoit la cité de là en auant, comme cestes il en auoit le pouuoir, car il estoit homme riche & puissant.

*Hermétrude fem  
me de Theodoric  
comte de Bar, &  
de leurs enfans.*

¶ Ceste Theodoric (cōme trouuons par les antiquitez de noz eglises) viuant encores sa bone mere Sophie, print pour femme la fille du duc de Bourgogne, nommée Hermétrude, seur du Pape Calixte secōd, & de Clemēce qui fut cōtesse & depuis doüairiere de Flādres à cause de son mary Charles dict le bon. Ledit Theodoric eut de ladicte femme plusieurs enfans, & entre autres deux filz, dont l'un nomé Raynaldus luy succeda au comté de Bar, seigneurie de Mousson Vvourie de S. Mihiel & comté de Verdun, auquel il feit maulx innumerables, ainsi que dirōs es euesques subsequés: l'autre filz nommé Estienne, fut euesque de Metz. Nous parlerons de luy es euesques Ursio & Alberto.

*Entreprinse de  
Theodoric comte  
de Bar, contre l'ab  
baye de S. Mihiel.*

¶ Dauantage on liét au xxxii. chapitre des antiquitez de saint Mihiel, que le susdict Theodoric, apres la mort de sa bonne mere Sophie, vaccāt l'abbaye de S. Mihiel enui ron l'an mil nonante troyz, par le deces de l'abbé Sigefridus, voulut disposer à son plaisir d'icelle

# depuis Hue Capet, iusques à Loys viij. du nō. F. cclviiij.

d'icelle abbaye, & y mettre vn nouveau abbé par la tradition du baston pastoral, comme iadis ses predecesseurs vouez auoient fait, nonobstant la renouciatiō de ce fait par ladicte mere Sophie (ainsi qu'auōs dict en l'euesque Theodoric) mais les religieux de ladicte abbaye remonstrerent que c'estoit chose prohibée & deffendue de droit, voire mesmes par les decretz de l'eglise catholicque, parquoy ne voulurent permettre que ledict Theodoric leur baillast vn abbé à sa poste, disans au contraire l'election & institution d'icelluy leur appartenir: surquoy s'esmeut debat & grande contention entre eulx, mettans fin auquel, finalement accorderent par les moyē & faueur de leurs amys interposez, qui rapporterent surce par arbitrage, que aduenant d'oresenauant la vaccation d'icelle abbaye appartiedroit audict Theodoric & à ses successeurs, de porter le baston pastoral sur l'autel, au deuant duquel admeneroit celluy qui seroit esleu à fin de prendre ledict baston sur ledict autel, non pas le receuoir manuellement d'icelluy Theodoric. A quoy lesdictz religieux donnerent consentement par leur simplicité & ignorance, combien que ce fust contre disposition de droit. Et suyuant ce instituerent deslors abbé vn nommé Ornatus, qui ne vesquit longuement. Et depuis luy encores vn autre, nommé Vlricus, le tout du temps d'icelluy comte Theodoric.

*Appoinctement entre les religieux de S. Mihiel & le comte de Bar, sur l'institution des nouveaux abbez.*

*Ornatus abbé de S. Mihiel.*

¶ Cestuy Vlricus abbé deffendit de tout son temps, & sousteint virillement les parties de l'eglise Romaine, contre l'empereur Henry quatrieme scismaticque, retirāt en son abbaye & conteillant tous ceulx qui estoient persecutez par les scismaticques. Signamment ceulx de la cité de Verdun qui en furent chassez & deiectez, par aucuns euesques adherans audict empereur Henry, durant son scisme (comme appert par ce qu'auons escript sur ce.)

*Vlricus abbé de S. Mihiel zelateur de l'autorité apostolicque.*

¶ Dauantage icelluy abbé Vlricus enuiron l'an mil nonante huit, impetra du Pape Urbain deuxieme, dispense & permission d'eriger & instituer vn cimetiere pour enterrer & inhumier d'oresenauant les religieux de ladicte abbaye de saint Mihiel: combien que parauant ilz fussent obligez par serment & suyuant l'autorité & ordonnāce apostolicque porter les corps mortz desdictz religieux, au prioré de vieil moustier distant de ladicte abbaye enuiron deux lieues: Ainsi qu'il appert par les antiquitez d'icelle abbaye es chappitres dixieme, trentieme, & trentevnieme.

¶ Pour mieux entendre ce que dessus, & congnoistre la diuersité de la supputatiō des années depuis l'incarnation de Iesuchrist, & à fin que les lecteurs prouides & diligēs iugent plus facilement de ladicte diuersité d'ans, i'escriray icy la pluspart de la teneur de la bulle & indult que ledict Pape Urbain deuxieme decreta & expedia sur la petition de l'abbé Vlricus,

*Urbanus episcopus, &c. Dilecto filio Vlrico abbati sancti Michaelis salutē, &c. Benignitati tuę gratias agimus, quia venerabilibus fratribus & coabbatibus Rodulpho & Lāzoni fraternę charitatis tuę expēdis, & persecutionis astu laborātes tuę quietis umbraculo protegis, sicut nos ex ipsorum relatione comperimus, vnde & rogamus vt quo incepisti nunc magis pro nostra postulationis reuerentia vigilantius & deuotius prosequaris. Quod vero nobis legatione petitoria suggestisti de construendo v' delictet circa nouam ecclesiam cenobij vestri cimiterio, siquidem fratribus laboriosum & religioni contrarium est vt scripsisti ad veteris (ecclesie locum) quia longius sita est fratrum funera deportare. Nos presentium literarum autoritate concedimus. Data Laterani. vij. Cal. Aprilis, Anno incarnationis domini, secundum Dionysium, millesimo nonagesimo octauo. Secundum vero certiore[m] Euangelij probationem, millesimo centesimo vigesima primo, indictione sexta. Epacta. xv. concurrente. iij. &c.*

*Letres du Pape remerciāt l'abbé Vlricus, des biens qu'il faisoit à ceulx qui estoient persecutez par les scismaticques.*

*Dispense à l'abbé Vlricus de faire vn cymistere pres son Abbaye de S. Mihiel.*

¶ Le lecteur par la date de ces bulles peult veoir la diuersité des supputations, esquel les le plus souuent nous suyuous celle de Dionysius, pour ce mesme que la pluspart des historiens, estans de present plus autorisez & dignes de foy, le font ainsi, supputatiōs dureps entre

# Le iiii. liure des antiquitez de la gaule belgicque

*De la mort de Theodoric comte de Bar, & de son successeur Raynaldus.*

entre lesquelz sont notamment Eusebe Sigebert & Laurent Leodien. selon lesquelz le dict cōte Theodoric mourut enuiron l'an mil cēs cinquante, laissant son successeur es cōtez de Bar, Verdū & seigneurie de Mousson, son filz Raynaldus, qui venāt au gouuernemēt, & si tost qu'il eut print possessiō desdictes seigneuries, viuāt encores sa mere Hermentrudis renonça à ladicte coustume & forme de instituer abbé en ladicte abbaye de saint Mihiel, comme nous dirōs cy apres, en l'euesque Richardus deuxieme, & soubz l'an mil cent dixsept.

*Les tyrannies du cōte Raynaldus.*

¶ Ce Raynaldus doncques estant encores ieune, lors du trespas de son pere Theodoric, & partant encores peu sage: mais plain de sa volenté & plaisir, commença à viure à son plaisir, s'accompagnant de gens de son aage & mal conditionez, comme luy, lesquelz iournellement viuoient & prenoient ce qu'il pouuoient sur le bō homme, sans espargner les terres & hommes de l'abbaye de saint Mihiel, de laquelle neantmoins il estoit Voué, dont plusieurs plainctes & queremonies venoient souuent à l'abbé Vlrucus & à ses religieux, voire qui pis estoit le chasteau & les gardes du chasteau, estā pres de ladicte abbaye, combien qu'ilz fussent entretenuz des biens & reuenuz d'icel luy monastere à eulx assignez du temps de la comtesse Sophie (ainsi qu'auons recité en l'euesque Theodoric) estoient toutefois ceulx qui plus molestoient, pilloient, & endommageoient ladicte abbaye. A raison dequoy l'abbé Vlrucus desirant reprimer les insolences & entreprinſes d'icelux, se retira à ceste fin vers le comte Raynaldus, estant lors à Commercy, ou il luy feit plusieurs remonstrances des violences, pertes, & dommages que leur faisoient ceulx dudit chasteau, lesquelz neantmoins auoient esté là mis & ordonnez, par sa mere grande Sophie, à fin de les garder & deffendre, au lieu dequoy faire les endommageoient par tout. Partant le pria humblement en l'honneur de Dieu, & pour l'entretienement de son eglise, qu'il luy pleust rendre les rentes & assignations que ceulx dudit chasteau prenoient annuellement sur l'ancien domaine & reuenue de ladicte abbaye.

*Remonstrances de l'abbé Vlrucus au cōte Raynaldus.*

*La vendition du chasteau de S. Mihiel à l'abbé Vlrucus & à ses successeurs abbez.*

¶ Ayant Raynaldus aucunement esgard aufdictes remonstrances, apres plusieurs propos, il accorda par le consentement de tous les nobles du pays rendre audict abbé & à sondict monastere de saint Mihiel ledict chasteau, ensemble toutes ses appartenances & dependances, avec les rentes & reuenuz assignez aufdictz chastellain & gardes, pour leur entretenement: Moyenant & à la charge de deux cens mars de fin argent que ledict Raynaldus en receut manuellement dudit abbé & couuēt. Au profit desquelz à ce moyen il promet lors par sa foy, qu'il iura & presta solennellement, que iamais luy ne ses successeurs ne repeteroient ny querelleroient ledict chasteau ne ses appendances. Aussi de iamais ne faire edifier autre chasteau, ou maison de deffense & munition, es lieux circonuoisins d'icelle abbaye de saint Mihiel. Outre s'il aduenoit de là en auant que ledict Raynaldus veint à saint Mihiel & fust par ledict abbé receu audict chasteau, il seroit tenu d'en sortir & partir d'icelluy, toutefois & quantes qu'il plairoit audict abbé, sans toutefois rien prendre, emporter, ny exiger sur les biens & seigneuries d'icelle abbaye, fust pour viure ou autrement.

*Conditions apposées & iurées es lettres de la susdite vendition.*

¶ Dauantage si aucūs nobles des pays, ou des heritiers d'icelluy Raynaldus, par eulx ou par autres occupoient de là en auant violemment ledict chasteau, ou en faisoient vn nouveau es enuiron, ledict comte & ses successeurs seroient tenuz dedans quatre vingt iours apres les faire sortir, ou cesser & desister de leurs entreprinſes, ensemble rendre les dommages & interestz, pour ce soustenuz. Pour plus grande preuue & confirmation de laquelle paction & conuention, ledict comte feit comparoir du moins baillet consentement par plusieurs nobles de ses pays, lesquelz mesmes sa propre mere qui s'y trouua, iurerent tous avec luy de garder & obseruer les choses susdictes, qui furent expediees l'an de grace mil cens six, comme appert par les antiquitez d'icelle abbaye chappitre. trente neuf.

¶ Environ

## depuis Hue Capet, iusques à Loys, viii. du nom F. cclix.

¶ Enuiron ce mesme temps mil nonante sept, l'Empereur Henry aduertit que nostre euesque Richard auoit laiffé son alliance, & pris l'obeissance de l'eglise & siege apostolicque, vers laquelle festoit reconcilié & fait rehabiliter par le legat apostolicque (ainsi que dessus auons dict), irrité & tresmal content de ce fait appeller deuant luy en sa court les trois freres dudict Richerus, sçauoir Albert, Bezelin, & leā, qui estoient pleiges & fideiussieurs pour ledict euesque. Et apres leur auoir fait entendre q̄ leur di& Frere Richerus auoit contreuenu a ce que luy & eulx, comme les cautions & pleiges, auoient promis. Iceuluy Empereur à raison de ladi&te contrauention & par faulte d'auoir continué & entretenu son alliance, fait prendre & mettre en forte prison Jean le plus ieune d'iceulx trois freres, dequoy les deux autres ne furent moins esfbays que marris. Si vindrent aussi tost vers l'euesque leur frere luy requerir que suiuant le droit naturel & equité d'entre les hommes, il teint les premieres promesses touchant l'obeissance & alliance premiere de l'empereur, a fin que leur frere fust deliuré de prison.

*L'empereur Henry irrité vers l'Euesque Richerus,*

*L'un des freres de l'euesque Richerus retenu en prison.*

¶ Le bon euesque Richerus fut fort estonné & perplex de prime face sur ce qu'il deuoit faire en cest endroit: Toutefois finalement le tout bien debatue en son esprit conclud & resolut la deliur&ce de son frere. Pour laquelle impetret & obtenir s'en alla en court vers l'Empereur, fait avec luy son appointement puis reprit l'obeissance scismaticque, satisfaisant en tout à la volonté d'iceuluy Empereur qui par ces moyens deliura son frere. De là en auant demeura ledict euesque en ceste obeissance scismaticque iusques enuiron l'an mil & cent, que Pascal fut fait Pape de Rome. Pendant lequel temps ledict Richerus vint en grand regret & desplaisance pour auoir laiffé l'alliance catholicque encores qu'il en feust aucunement excusable attendu que c'estoit contre sa volonté. Voire se despleut tant à ceste occasion, que de son mouuement seul & propre, se suspendit luy mesmes & substrahit de l'office diuin laiffant entierelement la communication de son eglise & l'exercice mesmes des sacremens, desquelz il se reputoit indigne, comme estant rebelle & inobeissant ce luy sembloit au siege apostolicque. Plus obseruoit si grande patience & vsoit de telle humilité que quand ses domesticques ou familiers luy rapportoient les iniures & contumelies dont aucuns catholicques le chargerent, il ne les reprenoit, mais disoit au contraire. Mes amis laissez les dire & parler contre moy, ilz en ont occasion: Car ilz sont meilleurs que ie ne suis, ne prenant iamais autre vengeance de ceulx qui parloient mal de luy.

*L'euesque Richerus reprit l'obeissance scismaticque*

*Patience de l'euesque Richerus.*

¶ L'an mil & cent le bon Pape Urbain deuxieme alla de vie à trespas peu apres auoir receu nouvelles certaines du recouurement & reprise de la cité de Hierusalem aduenue par son moyen & à sa poursuite. En son lieu fut esleu Pascalis aussi deuxieme du nom qui des le commencement de son Papat poursuiuit par censures & execrations l'antipape Clemēt, avec tous les scismaticques & ennemis de l'eglise Romaine.

¶ Ceste mesme année le bon Abbé de saint Vēne Rodulphus alla semblablement de vie à trespas: En son lieu fut institué Abbé vn notable & sçauant religieux nommé Laurentius homme fort catholicque & de tressainte vie. Il estoit de nation Germanicque des sa ieunesse prit l'habit de religion à saint Agry de Verdun. Depuis pour ses vertus fut appellé en l'Abbaye de saint Venne par ledict Rodulphus Abbé avec lequel fut enuoyé en exil du temps de l'euesque Theodoric. Au moyen dequoy ilz se retirerent à Diion en l'Abbaye saint Bēgigne ou ledict Laurentius fut esleu prieur claustral, laquelle charge & office il exerça tousiours durât son exil & iusques apres la mort dudict Rodulphus, que l'euesque Richerus qui l'aymoit parfaitement le fait reuenir en l'abbaye dudict saint Venne, de laquelle peu apres son retour il fut vnanimement esleu Abbé par ses coreligieux mesmes. Combien que lors de ladi&te election l'euesque Richerus sabsteint encore du tout de l'administration des sacremens pour les causes cy deuant alleguées. Toutefois cestoit contre son vouloir & intention, & quelque acte ou apparence exterieure qu'il monstroit, si auoit il tousiours

*La mort de Rodulphus Abbé de saint Vēne à qui succeda l'abbé Laurentius.*

# Le.iiii. liure des antiquitez de la gaule Belgicque,

*Labbe Laurès & Parchediacre Guido vont à Rome, pour obtenir la rehabilitation de l'euesque Richerus.*

en son cueur grand desir de retourner à l'union de l'eglise catholique, cōme certes il le mostra bien peu apres l'election dudiēt Laurentius, lequel ensemble l'archediacre de son eglise nommé Guido homme vertueux & scauant il enuoya ladiēt mefine année mil cent vn, à Rome vers le Pape Pascal, pour obtenir son absolution & rehabilitation du siege apostolicque, duquel ilz obtindrent lettres adressantes à Hugo archeuesque de Liō & legat apostolicque, à fin d'absouldre & rehabiliter lediēt euesque Richerus qui a ceste fin vint à Lion en personne, ou il fut absoulz & reintegré en l'union de l'eglise Romaine. Puis s'en retourna à Verdun accompagné desdiēz Laurētius & Guido Archediacre. En presence desquelz si tost qu'il fut arriué audiēt Verdun conuoca tous ses confreres chanoines, ensemble les religieux de sainēt Venne & tous autres avec lesquels il auoit frequenté & communicque durant qu'il estoit excommunié & suspendu de son office par les censures apostolicques: Tous lesquelz il feit deslors absouldre & rehabiliter en vertu des lettres patentes qu'il auoit à ce moyen obtenu dudiēt legat, leur faisant faire serment solemnel d'obeir de là en auant à l'eglise Romaine, & abiurer l'obeissance de l'antipape.

*L'euesque & clergé de Verdun restitués en l'union de l'eglise.*

*L'empereur Henry quatrieme desherite son filz aîné pour ce qu'il fauorissoit à l'eglise Romaine.*

*Vertus de cōrad filz aîné de Henry quatrieme.*

¶ Parauant ceste reintegration, mesmes enuiron l'an mil nonante neuf, l'Empereur Henry quatrieme, qui auoit deux filz l'aîné nommé Conradus, l'autre Henry, estant en la cité d'Ays la chappelle vn iour d'Épiphanie nostre seigneur declara roy son diēt filz Hēry le plus ieune, pour regner apres luy, desheritāt & reprouuāt deslors, de sa succession son autre plus aîné filz Conradus lequel parauant il auoit couronné roy en Italie. Ce qui le meut d'user de tel rigueur & priuation fut pource que le bruit estoit que icelluy Conradus luy rebelloit se nommant roy audiēt pays d'Italie. Aquoy il ne songea iamais comme ie pēse. Car à la verité tous les historiens conuiennent, que lediēt Cōradus estoit homme vertueux, catholicque, grand deffenseur de l'eglise Romaine, trop plus adonné à l'obseruance de la religion & foy Chrestienne mesmes aux lectures des sainctz Euangilles, qu'aux pompes mondaines. Il estoit bien cōposé de corps beau de viaire, de grande stature, fort & vaillant de sa personne, doux, affable, gracieux, humble, aymé de Dieu & des hommes, liberal aux pauures, point mespriseur de personne. Estant encores ieune auoit deliberé garder cōtinance & virginite, mais il fut contrainct par ses gens prendre en mariage la fille de Rogerius duc de Secille.

¶ Toutes lesquelles conditions louables, me font estimer qu'il ne fut iamais de mauuais affaire vers son pere. Bien est vray toutefois que sur tout luy desplaisoit l'obstination de son diēt pere contre l'eglise Romaine. Chose qui possible estoit cause de le faire quelque fois rebeller & vser d'inobedience contre son diēt pere, voire prendre le tiltre & nom de roy, dont son diēt pere le craignoit aucunement, laissant à ceste occasion à faire beaulcoup de tyrannies qu'il eust exercé n'eust esté la reuerēce de son diēt filz. On ne trouue toutefois, que iamais icelluy Conradus vlast vers luy de parolles superbes, ou meschantes, mais l'auoit & l'eut tousiours en tresgrand honneur, & reuerence, l'appellant Empereur son seigneur & son pere, & traitant benignemēt tous les seruiteurs d'icelluy qu'il appelloit compaignons & amys.

*Cōrad allié avec la Marquise Mathilde.*

*La mort de Cōrad.*

¶ Pendant qu'il estoit en Italie, gouernant icelle & quasi regnant li, il viuoit ordinairement en confederation & amitié avec la bonne Mathilde sa parēte faisant beaulcoup par son conseil: Aussi estoit elle dame de grande prudence & affectionnée à la protection de l'eglise Romaine dont estoit mal content lediēt Empereur Henry qui haïssoit à mort icelle Mathilde la reputant son ennemie pour les causes cy deuant touchées. Et en despit & desdain de ce exhereda son diēt filz Conradus, lequel ou par maladie ou de regret & desplaisir qu'il peut prendre à ceste occasion, trespassa l'an mil cent & vn, non toutefois sans laisser entre ses amis suspicion sa mort auoir esté precipitée par venin & poison. Ce fut dommaige & fut beaulcoup plaint de plusieurs, notamment de la Cōtesse Mathilde, qui mena grand dueil, mais au contraire son diēt pere

# depuis Hue Capet, iusques à Loys viij. du nō. F. cclx.

pere l'Empereur Henry s'en demonstra iocieux, dont mal luy en prit & paya l'vsure du plaisir desordonné qu'il auoit eu en la mort de son filz Conradus, en ce que tost apres son aultre filz Henry qu'il aymoit se rebella cōtre luy, par le cōseil & induction d'aucuns princes & Euesques de Germanie: Entre lesquelz estoient premiers & principaulx, Diepoldus Marquis, Berengarius & Otho Comtes, Henry aussy Comte de Lemburg, & aultres qui remonstrerent audiēt Henry les grandz maulx & dommages que son pere Henry quatrieme auoit fait à l'Eglise catholique, soustenant obstinément le scisme qui auoit si longuement duré, duquel ne s'estoit iamais voulu desister ne substraire, encores que plusieurs fois on luy eust remōstré. En somme feirent ces princes & seigneurs tant d'aultres remonstrances audiēt Henry estant encore ieune qu'il feist instituer à Magōce vn cōcile general. Ou ayās esté sur ce disputées diuerses matieres en presence des princes & prelatz de la Germanie, ensemble de Richardus Euesque d'Albanie, natif de Verdun (comme nous auōs diēt cy dessus) l'à enuoyé Legat par le Pape Paschal: Fut finalement conclud, que lediēt Richardus Legat apostolicque, & Gerbertus Euesque de Cōstance, iroient vers l'ancien Empereur, estant lors en vn chasteau nommé Iugelherin, luy remonstrerent son obstination, les censures & execrations esquelles à l'occasion d'icelle il estoit encouru par autorité du siege apostolicque, & que les princes & prelatz assistans audiēt concile auoient sequestré sa dignité imperiale es mains de son diēt filz Henry, declarans qu'il n'entendoient ne vouloient plus estre soubz l'obeissance: sinon & iusque à ce qu'en plein cōcile general il feust absoulz & rehabilité par le siege apostolicque. Si feirent les susnommez, Richardus, & Gerbertus Legatz, leur embassade, de laquelle l'Empereur fut bié estonné, & tellement induit par ses embassades, mesmes par ses gens propres, qu'il se demist volontairemēt de l'empire, le cedant deslors es mains de son filz Henry le ieune, auquel il enuoya les aornemens Imperialux, sçauoir la Croix, la Lance, le Sceptre, le Monde, & la Corōne. Puis plorāt & recōmandant son diēt filz aux princes & prelatz de l'empire, promeit soy recōcilier à l'Eglise catholique, & prouoir à sa consciēce & au salut de son ame: Et par ce moyen son diēt filz Henry cinquieme de ce nom, fait Roy de Germanie, & quatrieme dudiēt nom entre les Empereurs Romains, commença à regner enuiron l'an mil cent six, viuant encore son diēt pere Henry.

*Rebelliō de Henry v. cōtre son pere Henry iij.*

*Concile à Magōce ec par les princes de Germanie cōtre l'Empereur Henry iij.*

*L'Empereur Henry iij. cede l'empire à son filz Henry v.*

¶ Apres que lesdiēt Richard & Gerbertus Legatz, eurent fait leur rapport audiēt Henry le ieune, ensemble au concile congregé à Magonce, du vouloir du vieil Empereur Henry, & de la cession qu'il auoit fait de l'empire au profit de son filz, ilz eleurent & deputerent gens sçauans & d'authorité pour aller à Rome declarer au Pape Paschal tout ce qu'auetz entendu, & obtenir de luy quelques priuileges & prerogatiues, tant pour l'Empereur nouueau, que pour la nation Germanique. Les nōs des eleuz & commis à ladiēt legation sont (cōme dit Nauclerus) Bruno Archeuesque de Treues pour le royaume de Lorraine, de la part de Saxonie, Henry Euesque de Magdeburgence, Otho Euesque de Babengense au nom de Franconie, pour Baviere Eberardus Eichstellersis, de la part de l'Almagne, Gebhardus Euesque de Constance, l'Euesque de Curienſe pour Bourgongne, avec aucuns princes & nobles desdiēt pays, lesquelz ensemblément entreprendrēt lediēt voyage, auquel ilz furent empeschez ainsi qu'entendez presentement.

*Legation des princes de Germanie au Pape paschal.*

¶ Tost apres que les susnommez Richardus Euesque d'Albanie, & Gehebettus Euesque de Constance, Legatz & Embassadeurs de la part dudiēt concile, vers lediēt Empereur Henry iiii. l'eurent laisſé, & qu'ilz furent de retour à Magonce vers leursdiēt cōfreres. Lediēt Empereur se repēt de ce qu'il auoit fait, & d'auoir cedé l'empire. De sorte qu'il enuoya à tous ses amys & alliez, signamment à Philippe Roy de France, lettres pleines de lamentations & complaints qu'il faisoit des violences & tyrannies sur luy exercées par son filz & les princes mesmes de son pays. Soubz couleur desquelles lettres Adelbertus prince de Tarente tenant les parties dudiēt vieil Henry, arresta prisonniers lesdiēt embassadeurs allans à Rome, ainsi qu'ilz passioient

*L'Empereur Henry iij. se repēt d'auoir cedé son royaume à l'empire.*

# Le.iii. liure des antiquitez de la gaule Belgicque,

par son pays. Tous lesquelz il receut excepté Gebhardus Euesque de Cōstance, qui passant par autre chemin, & aduertuy du cas se retira en seureté vers la bōne princesse Mathilde alliée du siege apostolicque, à la diligence de laquelle & par son aduertissement les autres embassadeurs arrestez par ledict Adelbertus furent tost apres deliurez par Guelpho duc de Noric.

*Armée de l'Empereur Henry iij. cōtre son filz, & les princes de Germanie.  
Henry de l'Emburg obtient partie de la basse Lorraine par l'Empereur Henry iij.*

¶ Ce pendant le vieil Empereur Henry assembloit grosse armée contre son filz. Entre ceulx qui lors vindrent à son ayde, sont nombrez tout le pays de Liege, les citez de Colongne, Iulliers & Henry comte de l'Emburg, auquel ledict vieil Empereur enuiron deux ans deuant auoit donné vne grande partie du duché de Lorraine située dans le pays qui depuis a esté appellé Brabant, & lors se nommoit basse Lorraine, laquelle donation auoit esté faite par ledict Empereur audict côte de l'Emburg, incontinent apres le deces de Godefroy de Buillon, à fin de retirer en son alliance iceluy comte Henry qui parauant auoit tousiours tenu le party de son filz.

¶ Les lecteurs pourront icy noter qu'apres la mort dudit Godefroy de Buillon, qui deceda en Hierusalem l'an mil cent vn (cōme auons ia escrit) son frere Bauldouin qui luy succeda au royaume de Hierusalē pretendoit droit, & poursuyuit le tiltre du duché de Lorraine, combien qu'il en feust abiēt. Parquoy l'autre frere Guillaume laissé par Godefroy au gouuernement d'icelluy duché, n'osoit ny s'en vouloit nommer duc, ains seulement gouuerneur, dont ledict Empereur Henry prit pretexte & vmbre de faire ladiete donation audict comte Henry de l'Emburg: lequel à ce moyen inquieta & troubla beaucoup ledict Guillaume gouuerneur de Lorraine, signamment en ce qui estoit es parties & pays de Brabant. En cecy ie parle avec Sigebert & Naclerus qui en leurs histoires en dient de mesme.

¶ Quand le ieune Henry feut aduertuy de l'entreprise nouvelle, grosse armée & apparat que faisoit son pere contre luy, il delibera le preuenir, & aller au Liege pour reprimer ses ennemys rebellans. Si enuoya à ceste fin & en diligence trois cens hommes d'armes, pour occuper & prendre les passages d'un pont assis sur la riuere de Meuse au lieu dict Verfal, lequel ilz ne garderent longuement par ce que ledict Henry comte de l'Emburg & duc de la basse Lorraine, avec l'armée du vieil Empereur, les veint assaillir & enuahir de sorte qu'il en y eut plusieurs tuez, les autres furent ietez en la riuere, & le reste pris prisonniers, demeurant le passage du pont es mains & au pouoir dudit Henry de l'Emburg. Entre ceulx de nom qui moururent en ceste rencontre & conflict, l'on met le Comte Bruno.

*Henry de l'Emburg priuē de la basse Lorraine par l'Empereur Henry v.  
La basse Lorraine donnée à Godefroy le barbu comte de Louvain.*

¶ De ce, Héry le ieune trop desplaisant & marry cōuoca ses princes & alliez au lieu de Bōne, ou du consentemēt & conseil d'iceulx princes, declara ledict Héry de l'Emburg priuē de la donation que son pere luy auoit fait en Brabant partie du duché de Lorraine, de laquelle comme cōuaincu de crime de lese maiesté ne deuoit plus iouyr attendu mesmes qu'au precedent suyuant les parties dudit ieune Henry l'auoit conseillé & induit prendre les armes contre son dict pere, l'alliance duquel il auoit depuis repris, contre ses promesses, pour la contrauention desquelles feut de lors baillée ladiete basse Lorraine, en ce qui estoit au pays de Brabant, à Godefroy comte de Louvain dict le Barbu. En faueur duquel & afin de le faire iouyr dudit don, feut la guerre publiée contre icelle partie de Lorraine la basse par tous les alliez dudit ieune Henry: Lesquelz tost apres partie par force & autrement meissent en possession d'icelle portio ledict Godefroy le barbu, gastāt & destruisant ce faisant tout ledict pays.

¶ Au moyen dequoy ledict Henry de l'Emburg desirant repeter ledict pays de la basse Lorraine, veint (comme dict Sigebert) assieger la cité d'Ais qu'il prit par force. Toutesfois il occupa peu, car Godefroy le barbu conduisant l'armée du ieune Henry, assiegca peu apres ladiete cité d'Ais, & y bailla tant d'assaulx qu'il la prit à force

*Saint Louis le comte de Liege  
Vifet*



# depuis Hue Capet, iusques à Loys viij. du nō. F. cclxi.

force avec plusieurs prisonniers des plus nobles dudit pays de la basse Lorraine, qui tenoient les parties dudit Viel empereur contraignant icelluy comte de Lemburg & ses deux filz se fauluer à la fuite. Apres ladicte victoire Godefroy vsant de douceur & clemence laissa aller franchement la femme dudit Henry de Lemburg prise prisonniere à l'assault de ladicte ville. Aussi deliura tous lesdictz nobles de ladicte basse Lorraine pris prisonniers comme auez ouy, à cōdition toute fois que de là en auant ilz obeiroient & soustiendoient le party dudit ieune Henry. Ce qu'ilz iurerent & promirent par serment.

¶ Or iacoit que par la donation ainsi faicte audict Godefroy d'icelle portiō de la basse Lorraine, il se peust dire duc de Lorraine en partie oultre son tiltre de comte de Louvain: neantmoins il ne le feit, mais au lieu dudit tiltre prit en sa personne le nom de premier duc de Brabant, en quoy il ensuyuit les progeniteurs de Charlemagne qui anciennement estoient appelez ducz de Brabant. Lequel tiltre ilz continuerent iusques à Pepin, pere de Charlemagne, qui estāt duc & seigneur du pays de Brabāt, en reprit le royaume de Frāce, au moyen de quoy auoit estē cōfus en luy & perdu de son tēps le nō & tiltre de duc de brabāt, lequel fut renouuellē en cestuy Godefroy le barbu cōte de Louvain, qui trouua maniere retirer ladicte basse Lorraine, parce que c'estoit son propre heritage, cōme luy estant yssu & descendu successiuelement de l'une des filles de Charles premier duc de Lorraine, lequel auoit annexē audict duchē de la haulte Lorraine nouuellement erigē icelluy pays de Brabant, qui alors estoit de son patrimoine.

¶ En quoy est verifiē ce que dict Guaguin, en son histoire ou il escript que cent ans apres la mort dudit Charles de Lorraine, les enfans de sa fille retirerent ladicte basse Lorraine, laquelle ilz auoyent tousiours querellē contre les princes d'Ardenne & de Lorraine, depuis le trespas d'Odo, filz d'icelluy Charles iusques audict temps qu'elle reueint es mains dudit Godefroy le Barbu comte de Louvain, qui prit le nom de Barbu (ainsi que dict Adrian Barlādus en son histoire de Brabant) pour ce qu'il auoit faict serment à son pere de iamaiz ne faire sa barbe qu'il n'eust premierement retirē ladicte basse Lorraine, & icelle revny à son domaine. Ce qu'il feit en la maniere susdicte: au moyen de quoy deslors prit fin le nom de la basse Lorraine.

¶ Pendans ces choses mesmes en l'an mil cent & sept le vieil empereur Henry (ainsi que conuient surce la pluspart des historiens) fut pris prisonnier & rudement traitē par son filz Henry cinquiēme du nom, iusques à sa mort. Les aultres histoires dient toute fois qu'il mourut de tristesse & desplaisir en la citē de Liege, en l'eglise cathedrale, dans laquelle fut inhumē, & depuis par ordonnance des prelatz catholicques du pais desenterrē & laissē sur terre sans sepulture saincte & accoustumēe, à raison qu'il estoit mort en sentence d'excommuniement, en laquelle il estoit encouru pour le scisme susdicte. Quelque temps apres toute fois par ordonnance de son filz fut son corps portē à Spire, ou il fut mis en sepulture sumptueuse comme on void encores de present.

¶ Peu apres le deces dudit Empereur ledict Henry comte de Lemburg priuē de son duchē de la basse Lorraine pour la cause cy deuant recitē veint à mercy vers l'empereur nouveau Henry cinquiēme: mais il fut retenu & mis en prison, de laquelle il eschappa par subtil moyen, puis feit sa paix avec ledict Empereur, qui le receut à mercy, pource qu'il accusa deuant luy en la ville de Francfort vng comte Palatin nommē Sigefridus, qui auoit entrepris contre l'empereur.

¶ L'an mil cent & six au mois d'Octobre, le pape Pascal se trouua à Gardacastelle, ou selon les aultres Vualecastelle, ville de Lōbardie assise sur la riuere du Pau: en laquelle il auoit conuocquē & assemblē vn concile general, auquel assisterent lesdictz ambassadeurs du ieune empereur Henry, ensemble la bonue princesse Mathilde: avec lesquels furent là faictz & instituez plusieurs beaulx decretz, sur la reformatiō de l'eglise, & des scismatiques. Aussy y fut deliberē qu'aucunes citez de Lōbardie: sçauoir Emilia, Plaifance, Parme, Regium, Mutina, Bononia, & aultres qui auoient estē du passé soubz l'obeissance de l'eglise de Rauenne n'obeiroient plus à icelle eglise,

X iii pource

*Victoire de Godefroy le Barbu cōtre Henry de Lemburg.*

*Godefroy de Louvain dict le barbu premier duc de Brabant.*

*La fin du nom de la basse Lorraine.*

*La mort de l'empereur Henry quatriēme, le corps duquel demoura quelque tēps sans estre inhumē.*

*Concile general du pape à vuallecastelle.*

# Le iiii. liure des antiquitez de la gaule belgicque

pource qu'elle auoit longuement esté scismaticque, & tenu contre l'eglise Romaine, partant soupçonneuse & aucunemēt reprobuée.

*L'euésque Richerus enuoye Embassadeurs vers la Cōtesse Mathilde.*

¶ Nostre Euesque Richerus scachant que la bonne princeesse Mathilde asistoit audit concille, enuoya vers elle deux tressçauans & prudens personages. Sçauoir, Gebert Abbé de saint Maurice de Beaulieu, & Anzelin Châtre de son eglise: Ensemble sō propre frere Albertus, pour traicter & pacifier avec elle touchant plusieurs terres & reuenuz que l'Empreur Henry quatrieme auoit donné à l'eglise de Verdun, tant par confiscation qu'aultremēt. Aussi d'aultres terres, rentes & reuenuz que Godefroy de Buillon auoit vendu audiēt Richerus, esquelles ladiète Matilde pretendoit droit, & les maintenoit à elle appartenir, à raison d'acquêt fait avec sō feu mary Godefroy le Bossu, oncle d'iceluy Godefroy de Buillon. Si feirēt en sorte lesditz Gebert, Anzelin, & Albert, qu'ilz traicterēt & cōposerent avec icelle Mathilde, de toutes les querelles & differens qu'elle pouuoit auoir & pretēdre contre l'eglise de Verdun, & luy baille rent ce faisant (ainsy que tient Laurent leodiē) & paierent lors grosse somme d'argēt pour aucunes terres & seigneuries qu'elle leur vendit & laissa. Et pour d'aucunes ne voulut la bonne dame prendre argent ains les bailla librement & franchement à ladiète eglise de Verdū afin de prier dieu pour elle & les ames de ses ancestres.

*Appointemēt entre l'euésque Richerus & la Cōtesse Mathilde.*

¶ On trouue encores de present es archiues de l'eglise Nostre dame de Verdun certaines Lettres & chartres soubsignées de la main d'icelle Mathilde par lesquelles elle donna à l'eglise de Verdun, les villes de Sathenay & Mousa avec toutes leurs appartenāces de seigneuries, rétes & reuenuz. Icelles lettres datées de l'an mil cent sept, & expediées en vne ville de Lombardie nommée Turicelle, en presēce de Hue Euesque de Mantoue. Aussi se trouue esditz archiues la confirmation d'icelle donatiō faicte deslors par le Pape Paschal: & sellée soub feaulx de plomb. Toutelsois Godefroy de Buillon auoit par auant vendu icelles villes audiēt Richerus Euesque & à son eglise de Verdū & d'icelles receu grosse sōme de deniers cōme auons ia deduiēt cy dessus.

*Nouvelle donatiō de Sathenay, & Mousay, à l'eglise de Verdun, par la Cōtesse Mathilde, avec confirmatiō du Pape.*

¶ Cefait Albert l'vn desditz embassadeurs qui estoit vouē dū chasteau de Brie diocese de Metz & frere de nostre Euesque Richerus trouua moiē enuers ladiète Marquise Mathilde à laquelle appartenoit lediēt chasteau de Brie d'auoir la propriété d'iceluy & s'en faire seigneur à la charge de le tenir en fief d'icelle marquise. Comme escrit Laurent leodiensis au supplement de Bertaire soub ces motz.

*Le chasteau de Brie donē par Mathilde, à Albert frere de l'euésque Richerus.*

*, Briacem quoque potestatem Albertus Frater Episcopi sub fide Marchise Mathildis relict Godefridi Gibbosi sibi vendicauit &c*

*Fondatiō de saint Pierre mont.*

¶ Depuis iceluy Albert erigea en cōtē lediēt chasteau avec ses appartenāces & en fut le premier cōtē car auparauant n'estoit que chastellenie appartenante à ladiète Mathilde. Pour quoy prouuer & monstret ie prēdray les chartres de la fondation & creatiō de L'abbaye de Saint Pierre mont située pres lediēt Brie faicte quelque peu de tēps parauāt. Esquelles chartres sont contenuz ces motz.

*Tempore quo ius Imperij quartus Henricus Rex tenuit in vrbe Metensi, quidā Clericus Lubricus nomine &c* & là est amplement declaré que Hermānus Euesque de Metz, par l'inductiō & conseil de deux saintes personnes nommées Lubricus & Vvacelinus feit commēcer lediēt monastere de saint Pierre au mont au lieu mesmes ou il est encores de presentituē, auquel lieu estoient lors grands boys & forestz. Depuis croysāt lenōbre des Religieux fut aussy de necessitē augmenter leurs habitations. Pourquoy faire lesditz Lubricus & Vvacelinus se transporterent en Lōbardie vers ladiète dame Mathilde à laquelle appartenoit lediēt chasteau de Brie ensemble tous les lieux circōuoyfins. Si obtēdrēt d'elle du contentemēt dudiēt Albert vouē d'iceluy chasteau & seigneurie vn lieu lors diēt Scandelmont qui depuis fut nomme par le Pape Paschal le Mōt Saint Pierre ainsy que plus amplement est declaré esdites lettres de donatiō & es lettres de donation d'icelle Mathilde don la teneur ensuit.

*Letres de donatiō de Mathilde, du lieu ou est edifiée l'abbaye de S. Pierre mont.*

*IN NOMINE SANCTE ET INDIVIDVE TRINITATIS Anno ab incarnatione domini, millesimo nonagesimo sexto. &c. Ego Matildis Comissa dei gratia, si quid sum, filia Bonifacij Marchionis & Ducis que professa sum, ex natione nostra, legem viuere*

# depuis Hue Capet, iusques à Loys viij. du nō. F. cclxii.

viuere Longobardorum, religiosis clericis Lubrico & Vvacelino, alijs, Guacelino: ceterisq; dei seruis, tam clericis quàm laicis secum manentibus ad ecclesiam faciendam mihi petentibus salua reuerentia, saluo honore sanctæ Romanæ ecclesiæ, cui dominus Urbanus venerabilis Papa, iuste presidet per presentis chartæ oblationem, mea bona & spontanea voluntate, timore & amore dei suorumq; sanctorum ac remedio animæ meæ, & dominæ charissimæ matris meæ Beatricis spectabilis Comitissæ irrefragabiliter absq; omnium hominum contradictione in perpetuum dono locum qui dicitur Scadalmont. Cuius fines sunt &c. Et à la fin d'icelles lettres est ce qui s'ensuyt.

Ego Mathilda dei gratia siquid sum, in hac charta à me facta subscripsi. Ego Bonus senior presbiter sanctæ Romanæ Ecclesiæ Cardinalis, huius chartæ traditioni interfui. Ego Vvarnerus Presbiter interfui. Comes Ludouicus filius Theodorici Comitis de Montbeliard, & comes Petrus frater Raynardi Tullensis Comitis, & Iannes de Theonivilla, frater Alberici de Brie, & Drogo dapi fer, Theodorici Ducis Lotaringiæ, huius chartæ inuestitura fideiussores & testes fuerunt. Dudo de Claromonte, Albertus filius Comitis Bozonis de Montclar, cum alijs multis. Puy s'ensuyt, Constatinus & Raynaldus, de familia de Brie à supradicta Comitissa admoniti huius chartæ ordinatores fuerunt & scriptores &c.

Reprobation d'aucunshistoriës pour cognoistre l'origine de Beatrix & de Mathilde sa fille.

¶ Par les dictes lettres de donation appert clairement que ladiète Mathilde estoit extraicte des lombards fille de Boniface & de Beatrix laquelle estoit seur de Henry iii. Empereur comme auons ia prouué cy dessus es vies des Euesques Raimbertus & Theodoric. Partant fault conclure necessairement qu'aucuns historiens qui ont escrit Theodoric duc de Lorraine Mozellanique filz de Ferri auoir engendré Sigefride & Adelain & que ledict Sigefride engendra Beatrix femme de Boniface de Mantoue, & mere d'icelle Mathilde fondateresse de Sainct pierre au mont, ont grandemēt erré & lourdement equiuocqué ainsi mesmes qu'auons ia dit,

¶ Appert aussi par les susdictes lettres de donatiō que dutemps de la date d'icelles qui fut l'an <sup>mil</sup> cēnsnonantefix y auit vng duc en Lorraine nommé Theodoric, l'Escuier du quel nommé Drogo fut present à ceste donation que feit ladiète Mathilde. Ce qui se doit entendre de Theodoric dernier du nom duc de Lorraine Mozellanique duquel auons escript cy dessus en la vie de l'Euesque Theodoric. Cestuy n'estoit duc de Lorraine superieure erigée par l'Empereur Orho deuxieme, & restituée aux Ardenoys, car en ladiète année cēnsnonantefix Godefroy de Buillon tenoit ladiète duché de Lorraine auquel il auoit succedé par la mort de Godefroy le Bossu mari d'icelle Mathilde: lequel mourut l'an cēnsseptantesept & ledict Godefroy de Buillon dece da l'an. 1100. En quoy appert que l'an de la datte desdictes lettres de donation y auoit en Lorraine Mozellanique vn duc nommé Theodoric, du viuāt mesme dudiēt Godefroy de Buillon duc de Lorraine superieure.

Probatō de la disferce des ducs de Lorraine moderne & Moselanique.

¶ Plus appert esdictes lettres de donatiō qu'Albert frere de l'Euesque Richer<sup>e</sup> estoit vvoué de Brie ce qui est encores plusfort approuué par aultres lettres que ladiète Mathilde escriuit audict Albert à fin de faire iouyr les dessusdictz religieux des choses cōtenues en sa donation. Lesquelles lettres sont intitulées comme l'ensuyt.

Albert premier vvoué de Brie.

¶ *Scriptum Mathildis Comitissæ ad advocatum de Rvairo, pro ecclesia sancti Petri in monte. Et commencēt. Mathildis dei gratia siquid est suo fidelissimo Alberto salutem & omne bonum uxoriq; eius Idæ fidelissima seruitia &c.*

¶ Dauantage le supplement de Bertaire au lieu dessus allegué escrit qu'en ce mesme temps Nostre Euesque Richerus bailla à sondict Frere Albert vne forteresse des appartenances de son euesché lors appellé Ronuille, en vsuffruiēt seulement & sa vie durant. Toutefois apres la mort dudiēt Albert ses heritiers la reteindrent iniustement, & l'ont tousiours depuis occupé sans la rendre à l'Eglise de Verdun: Ensuuians aucuns termes des lettres faisans de ce mention,

Les heritiers Albert de brie vsurpateurs des biens de l'Eglise de Verdun.

*Idem Albertus episcopo Richerio in rebus agēdis vt ei adesset Ronvunicum episcopi in vita sua ex vsufructuario accepit quem nunc iniuste sibi vendicant eius posteri.*

# Le iiii. liure des antiquitez de la gaule belgicque

*Posterité & source d'aucuns comtes de Brye,*

¶ Pour auoir congnoissance de la posterité dudit Albert premieremēt Vvoué & de puis premier comte de Brye diocèse de Metz, lequel eut trois freres, comme auōs escript cy dessus. Assauoir l'euesque Richerus, Ian de Theonuille & Bezelin. Nous trouuons que ledict Albert eut pour femme vne noble dame appelée Ide aliàs Ita, delaquelle eut vn filz nommé Thiebault comte de Brye, qui engendra en sa femme Lorette vne seule fille nommée Beatrix, laquelle fut mariée à Sigifride troysiesme filz de Theodoric dernier du nom, duc de Lorraine Mozellanicque, qui fut comte de Brye de par sadicte femme. Eulx deux engendrerent vne fille Mathilde femme de Raynault comte de Bar, & vng filz nommé Thiebault, qui succeda à Brye & espousa Lorette fille de Loys comte de Los, de laquelle ce Thiebault eut deux filles, l'une Mathilde & lautre Agnes, qui fut femme de Ferry duc de Lorraine.

¶ En ceste lignée & descende des comtes de Brye on trouue grande diuersité entre les historiens, la pluspart desquelz toutefois conuient en ce que Mathilde comtesse de Brye eut vne fille nommée Berthe, qui fut femme à Regnault comte de Bar: lequel engendra en elle Regnault & Theodoric primicier de Metz, comte de Brye & ledict Regnault engendra Henry pere de Thiebault comte de Bar & seigneur de Brye, qui eut pour femme Ermenfon, fille vnicque du comte de Namur. Neatmoins sont en ce quelques difficultez, que ie laisse à demesler aux lecteurs diligens.

*Donation de Palecroix à saint Venne par l'euesque Richerus.*

¶ Afin de n'eslongner dauantage nostre matiere mais la continuer, nous trouuons qu'en l'année mil cent & sept, ia cy deuant mentionnée, au moys de Iuin, le bon euesque Richerus alla avec son clergé celebrer la messe en l'eglise de saint Venne le iour de la feste saint Pierre & saint Paul, lequel iour est la feste de la premiere institutio d'icelle eglise. Puis apres la messe, estant au deuant du grant autel appella l'abbé Laurentius, & les religieux d'icelle abbaye. Ausquelz en l'honneur desdictz apostres & de saint Venne bailla le gaignaige de Palecroix lez Verdun, avec le ban & finaige de Merculficatis, que ie pense estre Maulcourt, leur recommandant en leurs prieres son ame, & la sepulture de son corps qu'il eleut deslors en icelle eglise.

*Donations de l'euesque Richerus à l'abbaye de saint Venne.*

¶ Quelques iours apres partit de Verdun ledict Richerus avec ses gens: & menant avec luy l'archidiacre Guido qu'il aymoit affectueusement, s'en alla en vne prouince d'Almagne, qu'on appelloit lors Vosagum, ou est assise à present la cité de Vorme, afin de là visiter vne terre de fief à luy appartenante, nommée Valdence. Ou estat arriué luy surueint vne maladie, à raison dequoy se fait mener sur la riuere de Mozelle iusques à Treues, ou il fut humainemēt receu de Bruno archeuesque dudit lieu, à la benediction & consecration duquel (comme dient les historiens des archeuesques de Treues) nostredict euesque Richerus auoit assisté avec autres euesques & prelatz. Entre lesquelz estoient Adelbero de Metz, qui depuis fut déposé par ceulx mesmes de la cité de Metz. Jean de Spire, Richardus de Magonce, & Frederic de Coulogne, qui lors tenoit encores les parties de l'Empereur Henry quatriesme scismaticque, le party duquel soustenoit semblablement ledict Bruno Archeuesque: mais il fut rehabilité par le Pape Pascal cōme nostredict euesque Richerus, & depuis fait de grands biens & fondations en son eglise de Treues.

*La maladie de mort suruient à Richerus au lieu de Valdence lez Treues.*

¶ Bruno doncques voyant ledict Richerus ainsi maladiſ, le consoloit & traitoit iournellemēt par grād amour & affectiō, tāt que dura sa maladie, laquelle augmēta si fort que finalement il en mourut à Treues mesmes, apres auoir receu tous les sacremēs de sainte Eglise, notamment le sacré corps de Iesus, ensemble l'extreme vnctiō que l'Archeuesque Bruno en personne luy administra. Apres qu'il eut rédu son esprit à Dieu, le dict Archeuesque le vestit reuerēment de ses propres ornemens pōtificaulx, puis deliura son corps à l'archidiacre Guido estat là present, lequel le fit honorablemēt amener à Verdun en l'eglise saint Venne, ou il fut inhumé vis à vis de l'autel S. Laurent, ainsi

# depuis Hue Capet, iusques à Loys, viii. du nom. F. cclxiiij.

ainsi qu'il auoit ordonné auant sa mort, aquoy toutesfois ne vouloient consentir: mais resisterent grandemēt ceulx du clergé de Nōstre Dame, qui le vouloient enterrer en l'esglise. Mais ilz ne furent maistres par ce que Richard Euesque d'Albanie legat du siege apostolicque es parties de Germanie, singulier amy dudiēt Richerus & qui auoit conduict le corps de Treues a Verdum (comme nous auons dict cy dessus) voulut & ordōna que la volunté du defunct feust accompli. Et luy mesme en personne feit l'office de l'enterrement, & des obseques dudiēt Richerus, lequel deceda ladiēt année mil cent sept, apres auior tenu l'Euesché de Verdum, xviii. ans.

*Richard d'Albanie Legat apostolicque present aux obseques de l'euesque Richerus.*

¶ On trouue es anciens registres de l'abbaye de Sainct Venne que lediēt Euesque Richerus, feit & composa quelques iours auant son deces, vn epitaphe qu'il ordonna estre mis sur son tombeau dont ensuyt la teneur.

*Presulis indigni Iesu miserere Richeri,  
Quem reprobum meritum vergit ad interitum  
Nempe le ui cura neglexi publica iura.  
Inuigilans legi segniter atque gregi  
Perie spero tamen veniam scelerumque leuamen,  
Qui legis hoc carmen dic rogo (lector,) Amen.*

*Epitaphe de Richerus composé par luy mesme.*

## ¶ Les Papes tenans le siege du temps dudiēt Euesque Richerus.

**V**R B A N V S ii. du nom, parauant nommé Odo, & religieux de Cluny fut cent soixante & v. Pape de Rome, l'an mil octante & sept. Anthonius dit qu'il estoit homme tresuertueux, de grande doctrine & sainteté, & qui endura plusieurs persecutions pour l'extirpation du scisme regnant en l'esglise de son temps, entre luy. Et l'Empereur Henry, iiii. & l'Antipape Gilbert ou Clement, ausquelz il resista de tout son pouoir, & en escriuit plusieurs liures tresdoctement composez selon la sainte escriture, de sorte qu'encores de present on trouue plusieurs epistres trespasamment par luy esrites à la princesse Mathilde.

*Vrbain. ii. clxv. Pape,*

¶ Entre ses glorieux faitz est singulierement commandé & loué, comme chose miraculeuse le cōcile qu'il assembla en Gaule à Clermont en Auvergne, auquel par son oraison trespasamment, il induict & exhorta les princes chrestiens à eulx croier à l'entreprise du Sainct voyage de Hierusalem cōtre les Turcs soub la cōduite de Godefroy de Buillon, voire vsa en son parler & par ses remonstrances de propos si saintz & elegans que plus de trois cent mil hommes se croiserent, & depuis passans la mer deliurerent la terre sainte de la captiuité des Sarrazins. Lediēt Urbannusteint le siege douze ans & cinq moys puis mourut.

*Concile à Clermont sur l'entreprise du voyage de Hierusalem.*

**P**ascalis ii. de ce nō parauant appelé Raynerus, fut esleu le cēt soixāte vi. Pape l'an mil cent. Il estoit de nation Italicque. Luy estant en sa religion fut euoque a Rome par le Pape Gregoire vii. pour ses vertus & grande doctrine, depuis eleu Pape p le peuple & clergé de Rome, cōtre sa volūté neantmoins & luy refusant la papaulte, laquelle toutefois ne peult euader, ains en sō electiō fut trois foys proclamé Pape soubz ces motz *Sanctus Petrus Raynerium virū optimū pōrsicē elegit* Incōtinēt apres son coronement, il attira en son alliāce Rogier, lors nouveau cōte en Sicile qui à son occasiō esment guerre & psecuta l'Antipape Gilbert surnommé Clemēt, lors encores

*Pascal. ii. clxvi. Pape.*

viuant

# Le iiii. liure des antiquitez de la gaule belgicque

*De la mort de Gilbert dict Clemēt anti-pape*

viuant, lequel tost après mourut de mort soubdaine. Au moyen de quoy on estimoit le scisme de l'eglise estre finy & cessé, mais le contraire se monstra aussi tost: Car aucuns malvueillans & hayneux dudiēt Pape Pascal, (entre lesquelz estoit Richardus comte de Capua,) Feirent eslire vn autre anti-pape nommé Albertus. Aussi ceulx de la region Prenesse, en esleurent semblablement vn autre nommé Theodoricus: toutesfois lesdiētz deux nouueaulx Antipapes ne durerēt gueres, mais furent deposez & contrains renoncer à la dignité papale, en sorte que icelluy Pascal demeura seul & paisible pontife, avec grande ioye de toute la Chrestienté. Cestuy en son temps feit plusieurs choses dignes de memoire, profitables & vtils à la chose publique Chrestienne. Puis ayant tenu le siege dixhuiēt ans six moys mourut en bruit & reputation de toutes vertus & sainteté.

## ¶ Les Empereurs qui regnerent du temps dudit Richerus euesque de Verdun.

*Voyez cy deuant*



**HENRY** iiii. de ce nom roy de Germanie & iij. du nom entre les Empereurs coronnez à Rome (duquel auons escript en l'euesque precedent) regna du temps que Richerus estoit euesque de Verdun, & mourut quasi l'année mesme que lediēt Richerus deceda, qui fut l'an mil cent & sept.

## ¶ Les Roys de France.

*Voyez cy deuant*



**PHILIPPE** premier du nom (duquel auons parlé au precedent euesque) regna en France audiēt temps que l'euesque Richerus presidoit en l'euesché de Verdun. Selon aucuns ilz moururent presque ladiēt & mesme année mil cent sept. Les autres tiennent que lediēt Philippe mourut l'an mil cent neuf.

## ¶ Les ducz de Lorraine regnans durant nostre euesque Richerus.

*Godefroy de Buillon duc de Lorraine.*



**GODEFROY** de Buillon filz d'Eustace de Boulogne & d'Idain feur de Godefroy le bossu duc de Lorraine fut institué heritier audiēt duché de Lorraine lan mil.lxxvij. par son diēt oncle Godefroy le bossu qui mourut ladiēt année sans hoirs de son corps. Toutefois il eut grande peine d'auoir la pleine & paisible ioyssance d'icelluy duché à raison que plusieurs princes le requeroient à l'empereur Henry iiii.

*Empeschement donné à godefroy de Buillon en la succession de lorraine.*

*Godefroy de Buillon paisible Duc de Lorraine & Comte de Verdun.*

qui prentoit auoir droit d'en disposer & le bailler à qui bon luy sembleroit, parce que lediēt Godefroy le bossu estoit decedé sans enfans. Au moyen de quoy Godefroy de buillon, pour acquerir grace vers l'empereur prit son alliance, pendant laquelle milita long temps soubz luy tant contre les Saxons qu'en Italie contre les Romains: comme auons diēt plus amplement en la deduction de la vie du precedent euesque. Finalement il feit tellement enuers lediēt empereur qu'environ .xi. ans apres son institution audiēt duché, & mesmes l'an mil. lxxxix. il eut main leuée & pleine ioyssance dudiēt duché de Lorraine, duquel suyuant ce il prit peu apres possession reelle, actuelle, & personnelle.

¶ Ce fait il retyra des mains de Theodoric euesque de Verdun, le comté dudiēt lieu, duquel son oncle Godefroy le bossu: & le pere de sa mere Idain nommé Godefroy le breux filz de Goz elo, tous ducz de Lorraine auoyent iouy.

¶ L'an mil. xcvi. selon la plus grande & saine opinion des historiens lediēt Godefroy se croysa au concile tenu l'année mesme à Clermont en Auvergne par le pape Urbain ii. & entreprit l'expedition de Hierusalé avec plusieurs princes Chrestiens, desquelz il fut

# depuis Hue Capet, iusques à Loys, viii. du nom F. cclxiii.

Si pourſuiuit tellemēt ſon entreprinſe que l'an mil nonante neuf, il prit la cité de Hieruſalem, delaquelle il fut eſleu roy par tous les princes Chreſtiens: Toutefois il ne veſquit qu'un an apres ſon election, mais mourut glorieuſement l'an mil & cent

¶ Iay trouué vn hitorien qui eſcrit ledict Godefroy de Buillon auoir eu deux femmes. La première fut Sibille fille de Folques Comte d'Aniou, delaquelle il eut vn filz nommé Godefroy, & vne fille appellée Ide, qui moururent en ieuneſſe: La ſeconde femme eſtoit Flore fille d'Oloferne roy de Calabre, dont il n'eut aucun enfant.

¶ On void encores autourd'huy ſa ſepulture dans le temple de Hieruſalē pres du lieu ou eſtoit iadis poſée la croix de Jeſuchriſt: Combiē que les carateres des lettres de ſon epitaphe ſoyent preſque effacez & corrumpez par l'iniutē du temps: Ce que m'a affirmé vn religieux natif de Damas nommé Ioachin, qui a eſté gardian dudit temple l'eſpace de dix huit ans, & depuis enuoyé es pays de deça la mer par le Patriarche de Hieruſalem, a fin de recouurer par auolmoſnes des Chreſtiens argent pour ſatisfaire au payement d'une rançon & tribut impoſé par le Turc aux religieux dudit temps. Ledit Ioachin eſtoit en la cité de Verdū l'an 1540 & 1541

*Sepulture de Godefroy de buillon*

*Bauldoin duc de Lorraine.*

**Bauldoun** de Boulongne frere dudit Godefroy luy ſucceda tant au royaume de Hieruſalem qu'audit duché de Lorraine l'an mil cent vn iacoit qu'il fuſt abſent du pays de Lorraine, lequel gouuernoit ſoubz luy le plus ieuné de ſes freres nommé Guillaume à qui ledict Godefroy de Buillon auoit auſſi laiſſé le gouuernement d'icelluy duché quand il partit du pays pour faire ſon voyage audit Hieruſalem. Ledit Bauldoun ſuiuſt premièrement l'eſtat de l'eſglife, fut chanoyné de Liege & Cambray, comme eſcrit le Roſier ſoubz l'année mil cēt, puis laiſſant l'eſtat eccleſiaſticque ſuiuſt en l'expedition de Hieruſalem ſon dict frere Godefroy: Apres la mort duquel il teint le duché de Lorraine en titre & en nom avec le royaume de Hieruſalem ſa vie durant l'eſpace de dix huit ans, & iusques à l'année qu'il mourut ſans hoirs de ſon corps.

*Sepulture de Bauldoun frere de buillon.*

¶ Encores de preſent on void ſon tombeau dedans le temple de Hieruſalē aſſes pres de celui de ſon dict frere Godefroy. Et combien que l'eſcriture de ſon epitaphe inſculpé ſur ledict tombeau ſoit effacée beaucoup par vicilleſſe & pour le long tēps, neantmoins on lit encores aſſez aiſément ce mot Bauldoun. comme ma teſmogné le ſuſdict religieux Ioachin. J'ay leu que ledict Bauldoun eut deux femmes, dōt la première eſtoit Anda fille de Choros, prince d'Armenie. La deuxième fut Conſtance fille de Rogier duc de Sicile. Aucuns eſcriuent qu'il en auoit ia eu vne autre parauant ces deux.

¶ Durant que cé Bauldoun regnoit en Hieruſalem & que ſon frere Guillaume gouuernoit en ſon nō & ſoubz luy ledict duché de Lorraine, ainſi qu'il auoit fait ſoubz Godefroy de buillon: L'empereur Henry quatrieme aduertty du trespas d'icelluy Godefroy, bailla grande partie dudit duché de Lorraine à Henry Comte de Lemburg contre la volunté, touteſois & maulgré Guillaume frere d'icelluy Bauldoun & ſon gouuerneur en Lorraine, maulgré auſſi Godefroy le barbu Côte de Louvain qui pretenoit droit à la portion dudit duché de Lorraine baillée par icelluy Empereur audit Comte de Lemburg (laquelle partie & portion on appelloit lors la baſſe Lorraine ainſi qu'auōs dit cy deuant) & eſtoit iadis du patrimoine de Charles premier duc dudit pays comme eſcript Sigebert: A raiſon dequoy ledict Godefroy le Barbu yſſu de l'une des filles d'icelluy Charles querelloit ladicte baſſe Lorraine laquelle toſt apres le don d'icelle ainſi fait audit Comte de Lemburg, l'Empereur Henry v. oſta à icelluy Comte, & la bailla & rendit audit Godefroy le Barbu Comte de Louvain comme auons eſcript cy deſſus, & dirons encores cy apres.

*Du temps de Bauldoun Lorraine la baſſe ſe parée de la haulie.*

¶ LES

# Le.iii. liure des antiquitez de la gaule Belgicque,

¶ Les Comtes de Bar regnans du temps dudiect  
Richerus Euesque de  
Verdun.

*Vide supra.*

*Theodoric filz de  
Sophie Comte de  
Bar*

*Theodoric Cōte  
de Bar, viconte  
de Verdun.*



OPHIE (de laquelle auons escript en l'euesque Raimbertus) teint le Comté de Bar enuiron deux ans durant l'euesque Richerus.

**Theodoric** filz de Loys de Mousson & d'icelle Sophie succeda à son pere, ensemble esseigneuries de sa mere l'an mil nonate deux, mesmes es Comté de Bar, Vvourie de saint Michel. En l'an mil nonante six quand l'euesque Richerus eut achepté le Comté de Verdun de Bauldoin frere de Godefroy de Buillon, icelluy Richerus bailla l'administratiō d'icelluy Comté auidiēt Theodoric de Bar pour ce qu'il estoit homme vertueux & faige. Cestuy Theodoric eut pour femme Ermentrudis fille d'Estienne duc de Bourgonne & soeur du Pape Calixte deuxieme, en laquelle il engendra trois filz l'un nommé Estienne fut euesque de Metz, l'autre frederic, Comte de Ferrettes & l'aîné Raynaldus succeda à Bar, Mousson, la Vvourie de saint Michel, & à l'administratiō du Comté de Verdun. L'an mil cēt cinq mourut lediēt Theodoric, parquoy fondiēt filz Raynaldus teint le Comté de Bar enuiron deux ans du temps dudiēt euesque Richerus. J'ay leu que lediēt Theodoric eut plusieurs aultres enfans, sçauoir Loys, Theodoric, Beatrix, Sophie & Berthe laquelle fut femme de Simon dernier duc de Mozelanne qui engendra en elle vne fille seule aussi appellée Berthe mariée à Theodoric premier du nom duc de Lorraine, ainsi que deduirons cy apres.

¶ Les successeurs des Comtes de Haynau qui estans conioinctz au sang d'Emengarde fille de Charles premier duc de Lorraine, regnoient en Haynau du temps dudiēt Euesque Richerus.

*Vide supra.*

**BAVLDOVIN** le plus ieune des deux filz de Richilde (duquel auons escript en l'euesque precedent) posseda le Comté de Haynau durant nostre diēt euesque Richerus.

¶ Les successeurs des comtez de Louvain & de Gerberge fille dudiēt Charles de Lorraine, qui regnoient du temps dudiēt euesque Richerus.

*Vide supra.*

*Godefroy le Barbu  
Comte de Louvain.*



ENRY filz de Henry deuxieme ou troisieme (duquel auons escript en l'euesque precedent), teint le Comté de Louvain durant nostre diēt euesque Richerus iusques en l'an mil nonante six.

**Godefroy** le Barbu succeda au Comté de Louvain en l'an mil nonante six, comme Meyerus escrit en son histoire Cestuy estoit Frere dudiēt Henry, & eut deux femmes, la premiere estoit soeur de l'Em-



# depuis Hue Capet, iusques à Loys, viii. du nom. E. cclxv.

L'Empereur Henry v. La seconde fut Clemence de Borgongne seur du Pape Calixte & parauant vesue de Robert comte de Flandres. Ce Bauldouyn retira & reunit à son patrimoine la basse Lorraine, qu'il nomma deslors Brabant, dont il feit vn duché auquel comme duc il presida premierement. Il ne nomma de son nom ledict pays de Brabant encore qu'il feust surnommé barbu lequel surnom luy fut mis & donné pource qu'il auoit iuré à son pere (ainsi que recite Berlandus en son histoire) de iamais ne faire sa barbe iusques à ce qu'il eust retiré ladiet portion de Lorraine qui estoit son vray patrimoine à luy appartenant & aduenu de son grand ayeul Charles premier duc de Lorraine: mais il appella ledict pays Brabant, renouellât en ce l'ancienne denomination que ledict pays auoit du temps de Pepin le court & ses predecesseurs, comme auons escript en plusieurs endroitz de nostre presente histoire. Anisi fut retirée & remise es mains dudict Godefroy ceste portion qu'on appelloit la basse Lorraine, durant mesmes la dissention qui fut entre lesdictz Empereurs Henry iiiij. Henry v. pere & filz, incontinent apres la mort de Godefroy de Buillon qui parauant tenoit icelluy pays, comme portion du duché de Lorraine. La cause de ceste restitution fut que l'Empereur Henry iiiij. bailla ceste portion de Lorraine à Henry comte de Lemburg qui luyuant ce en prit possession enuiron l'an mil cent trois. Et soubz couleur de ce don, ledict Empereur retira icelluy comté de son party contre son filz Henry v. Lequel depuis aduenant la mort de son pere Henry iiiij. la retira & osta audict côte de Lemburg puis la bailla à icelluy Godefroy le barbu, sachant bien qu'elle luy appartenoit plus raisonnablement, voire à ceste occasion, la deffendit vaillamment comme plus amplement auons déclaré es vies de noz precedens Euesques.

*Godefroy le barbu premier duc de Brabant.*

*Brabant la moderne.*

¶ Or puis que sommes paruenuz audict Godefroy le barbu descendu en ligne de la dicte Gerberge, fille de Charles premier duc de Lorraine: Et que sommes au temps qu'il prit le premier le nom de Duc de Brabant, nous ne ferons deormais plus de tiltre particulier des successeurs de ladiete Gerberge. Toutefois s'aucuns les desirent congnoistre, voyent (s'il leur plait) & lisent Berlandus & aultres historiens lesquelz en font mention soubz le nom des ducz de Brabant.

¶ **Fin de la vie de Richerus xliij. Euesque de Verdun.**

## LA VIE DE RICHARD xliij. Euesque de Verdun.



**R**ICHARD deuxieme du nom, quarantetroisieme Euesque de Verdun, filz du Côte de grand Pré, obtient l'euesché dudiect Verdun par la donation inuestiture & collation de l'Empereur Henry cinquieme, sur la fin de l'année qu'onc omptoit mil cent sept, incontinent apres le deces de Richerus precedent Euesque. Lors de l'election & receptiō dudiect Richard il estoit Archidiaque en l'eglise de Verdun, & neantmoins gouernoit le Comté de grand Pré, au nom de ses nepueux enfans mineurs de l'vn de ses deux freres nommé Bauldouin de grand Pré, lequel auoit acōpaigné Godefroy de Buillon en la premiere expedition de Hierusalem, ou il fut pris prisonnier par les Turcz qui le martiriserent miserablement, au moien de quoy ledict comté de grand Pré veint à seldictz enfans, tant par la mort que par succession de leur oncle Henry de grand Pré

*Richard de grand Pré ij. du no, xliij. Euesque de Verdun*

*L'Euesque Richard gouverneur du comté de grand Pré.*

Y frere

# Le iiii. liure des antiquitez de la gaule belgicque

*Des deux Comtes de grād préfreres dudit Euesque Richard.*

frere dudit Bauldouyn qui mourut sans hoir, Cestui Henry (comme auons diēt cy deuant en l'Euesque Richerus) fut tousiours & tout son temps ennemy de l'Eglise de Verdun, feit plusieurs dommages à icelle, pilla, destruisit & feit infiniz mauix es terres & sur les subiectz d'icelle. Toutefois vn iour entre aultres qu'il faisoit ses courses acoustumées il fut vaincu deuant Verdun & la pluipart de ses gens occis, les aultres pris prisonniers, à l'aide & secours de Pierre filz de Frederic Comte de Toul allié, confederé, & fieffé, des Euesques de Verdun.

*Causes de dissension entre le Pape Pascal & l'Empereur Henry cinquieme.*

¶ Quelque temps apres ceste deffaiete lediēt Henry mourut miserablement quasi furieux, insensé & hors du sens, estant lors à Verdun & se preparant à la seconde expedition pe Hierusalem que les princes Chrestiens faisoient lors pour donner secours à Godfroy de Buillon & aux aultres menās la guerre outre mer & pourfuiuans le recouurement de la terre sainte. Ainsi donques mourant lediēt Henry sans enfant la cōté de grād pré veint à ses nepueux enfans de son frere Bauldouyn lors encores en bas aage, parquoy lediēt Richard deuxieme gouernoit leur biē & patrimoine à l'heure qu'il eut la collation dudit Euesché.

¶ Pour mieulx entendre comme il fut pourueu dudit Euesché de Verdun, soient presupposées les dissentiōs estās lors entre le Pape Pascal & l'Empereur Henry cinquieme peu auant ce temps venu à l'Empire. Lesquelles dissensions estoient, quapres que lediēt Henry cinquieme eut succedé à l'Empire par la mort de son pere Henry quatrieme qu'il auoit fait mourir en prison soubz vmbre qu'il estoit scismaticque & desobeiysant à l'Eglise Romaine. Iceluy mesme Henry cinquieme venant à regner suiuit les meurs & arrogances paternelles entreprenant contre l'Eglise catholique aux mesmes articles & causes pour lesquelles son diēt pere auoit esté cōdēné & excommunié signamment sur les prouisiōs des Eueschez & abbayes de Germanie, disposant d'icelles & les donnant à son plaisir, par la tradition d'un anneau, sans l'authorité ecclesiasticque, allegant pour ses moiēs & raisons tel priuilege auoir esté donné par les Papes & eglise Romaine à Charlemagne consequenment aux Empeurs ses successeurs.

¶ Telles entreprises ne pleurent au Pape Pascal qui desirant la suppression d'icelles & y obuier, enuoya aulcū legatz audiēt Empereur, luy remonstrer icelles estre simoniacques contre dispositiō de droit & les Empeurs ses predecesseurs (entre lequelz il nommoit Loys debonnaire) auoir renoncé au priuilege dont s'aydoit lediēt Empereur. Aussi que tel priuilege auoit esté abrogué & reuoué par les papes ses ancestres en plusieurs decretz des Sainētz cōciles. Partant le prioit soy desister de plus faire tel les prouisions autrement il seroit contrainēt proceder contre luy par censures ecclesiastiques comme il auoit fait contre son feu pere, l'Empereur Henry quatrieme.

*Dissimulation de l'empereur Henri cinquieme vers le Pape.*

¶ Quand Henry cinquieme eut entendu lesdictes remonstrances diceulx legatz du siege apostolicque combien qu'il n'eust vouloir de soy departir desdictes entreprises: Toutefois parce qu'il estoit encore nouveau Empereur, & n'auoit encores receu du Pape la Couronne Imperiale, delibera dissimuler son intention mauuaise & donner en payement au Pape parolles bonnes & doulces iusques à ce qu'il feust couronné. Si respondit gracieusement aux Legatz du Pape les traictans à la fin susdicte amiablement. Puis enuoya ses Embassadeurs vers lediēt Pape auquel ilz donnerent à entendre qu'il auoient bien bon vouloir obeir au siege apostolicque. Besongnans tellement au reste avec icelluy Pape & le poussant de tant belles parolles qu'il conclud venir en personne en Germanie, conférer, faire paix & accord avec lediēt Empereur. Pour le faire court il partit à ces fins de Rome avec ses Cardinaulx Pan mil cent sept & se meit en chemin droit à Magūce Cité d'Allemagne ou il esperoit trouuer lediēt Empereur. Toutefois estant sur son voyage fut aduertiy par aulcuns prelatz & princes de Germanie du mauuais vouloir & de la simulation damnable dicelluy Empereur

# depuis Hue Capet, iusques à Loys, viii. du nom. F. cclxvi.

reur, qui ne desiroit fors tenir ledict Pape affin de receuoir de luy la corōne imperiale & puis poursuiure ce qu'il auoit entrepris. A raison dequoy icelluy Pape changeant propos prit son chemin par Bourgogne, veint à Cluny, & de la a Troye en Champagne ou il conuoca vng concile, durans lequel il feit plusieurs decretz pour la reformation de l'Eglise chrestienne notamment contre les concubinaires & simoniacs deffendant par autorité apostolicque & soubz peine d'encourir les césures ecclesiastiques infligées & cōmuniées par les decretz de ses predecesseurs à tous lays de s'en tremettre n'entreprendre de bailler nul benefice ecclesiastique.

*Le Pape Pascal en France tint cōcile à Troyes en Champagne.*

¶ En ce concile assisterent le Roy de France Philippe premier du nom lors fort viel, & Buymūds Prince d'Anthioche peu auant venu en Frāce avec quelques princes Chrestiens retournez de l'expeditiō de Hierusalem. Pendant que ce prince d'Anthioche fut en France il espousa Cōstance fille dudiēt Roy Philippe, laquelle il emmena avec luy à son retour qui fut l'an mil cent huit, vn an apres ledict cōcile. Puis arriuant en son pays eut aduertissement que l'Empereur de Grece Alexius greuoit fort & faisoit beaucoup d'outrages à ceulx qui alloiēt oultre la mer. Au moien dequoy assembla grosse armée avec laquelle alla assaillir & courir sus audiēt Empereur auquel il mena si dure & forte guerre qu'il le contraignit promettre ne souffrir de la en auant mal ne outrage estre fait en ses terres à ceulx qui voudroient aller en la terre saincte, mais leur ayderoit & fauoriferoit.

*Buimundus d'Anthioche espouse la fille du Roy de France.*

*Alexius empereur de Constantinople.*

¶ L'empereur Henry cinquieme estant à Magonce ou il auoit assemblé les prelatz & princes de son pays à luy adherans & confederez, n'assista en personne audiēt concile mais par l'aduis desdictz prelatz & princes de sa lignée y enuoya ses embassadeurs qui de sa part protesterent & alleguerent les priuileges & droiz anciennement donnez par les Papes & eglise Romaine à Charlemagne & ses successeurs touchans les investitures des Abbayes & Eueschez. Declarās neantmoins icellux embassadeurs que leur maistre l'Empereur ne pouuoit estre audiēt concile obstāt qu'il estoit tenu en aul tre Royaume qu'au sien & hors ses pays, mais qu'il auoit bonne intention le Pape estāt de retour à Rome l'aller trouuer la en personne & faire tellement avec luy que tous les discords s'accorderoient & demeureroit obeissant à l'Eglise catholique. Partant & soubz l'esperoir de l'effect de telle declaratiō demeura en suspens la question desdictz Pape & Empereur lesquelz à ceste occasion prindrent treues iusques à ce que ledict empereur yroit à Rome suiuant sa promesse.

*Protestation des embassadeurs de l'Empereur Henry cinquieme au concile à Troyes.*

¶ J'ay fait ce precedent discours à propos (encores qu'il touche moins que rien la matiere de nostre euesque Richard) & pour plus facile intelligence de l'occasion & cause par laquelle ledict Richard obtint l'Euesché de Verdun laquelle cause vous pourrez entendre parce que vous declarerons reprenant ladicte matiere & la poursuiuant comme l'ensuit:

¶ Du commencement dudiēt cōcile de Troye Manasses archeuesque de Reims tref passa de ce siecle, dont le Pape Pascal fait certain aduisa qu'il seroit bon & vtile donner l'Arceuesché de Reims audiēt Richard lors encores estant Archidiacre de Verdun aiant esgard qu'il estoit yssu d'ancienne & grande noblesse, filz d'vn Comte de grad prè, ausly ayāt esgard aux faitz de ses predecesseurs, mesmes de son frere Bauldouyn qui estoit mort martir entre les Tuers pendant l'obsidion & expeditiō de Hierusalem. dauantaige & principalement trouuoit bon ledict Pape Pascal, Presenter ledict Arceuesché audiēt Richard pour le retirer en l'obeyssance Romaine & luy faire laisser le party de l'Empereur Hery cinquieme, auquel seurement & notoirement il adheroit. A ces causes & raisons ledict Pape Pascal bailla de fait & conféra audiēt Richard estant absent ledict Arceuesché de Reims luy escriuant expressement le prendre & receuoir, & luy enuoiant les lettres de ladicte prouision par l'Euesque d'Albanie, aussi nommé Richard qui lors estoit Legat du siege apostolicque es parties de Germanie &

## Le.iiii. liure des antiquitez de la gaule Belgicque,

*L'euesq Richard refuse L'archeuesché de Reims.*

Lorraine, (comme nous auons dit cy dessus) Auquel Legat ledict Pape Pascal donne mandemens expres d'ordonner Diacre icelluy Richard de grand pré lors encores soubz diacre seulement, puis le consacrer Archeuesque de Reims. Pourquoy exécuter l'en alla ledict Legat euesque d'Albanie vers icelluy Richard auquel il feit entendre le vouloir dudit pape mais il n'y voulut obtemperer. Ains refusa ledict Archeuesché pource qu'il adheroit audit Empereur Henry cinquieme, contre la volonté duquel il ne vouloit rien faire craignant l'irriter.

*L'euesque Richard prouueu de L'euesché de Verdun par L'empereur Henry cinquieme.*

¶ Tost apres mesmes durant ledict concile de Troie auant que Richerus Euesque de Verdun deceda, au moien dequoy le clergé de Verdun ne voulant demeurer sans pasteur, eleut ledict Richard de grand pré qui accepta ladicte election, parquoy fut mené à Metz vers ledict Empereur Henry lors estant là lequel suyuant le droit & priuilege qu'il se disoit auoir, l'investit dudit Euesché par la tradition d'un anneau & en fa maniere acoustumée, puis le feit ramener à Verdun iusques en laquelle le conduisit Bruno Archeuesque de Treues qui en ce temps tenoit les parties dudit Empereur contre l'Eglise Romaine, & au precedent du temps de Henry quatrieme auoit aussi tousiours soustenu ledict Empereur Henry quatrieme, lequel à ce moien luy auoit baillé l'Archeuesché de Treues cõtre les decretz de l'Eglise catholique. A raison dequoy estoit ledict Bruno d'un nombre des Scismaticques lesquelz en fin il laissa abjurer, & s'en alla à Rome ou il fut rehabilité par ledict Pape Pascal demeurant deslors en auant tres catholique.

*L'euesque Richard excommunié par le Pape Pascal au concile de Troye*

¶ Richard doncques arriué à Verdun y fut ioyeusement receu de tout le clergé & peuple de la Cité dont peu apres aduertit le Pape Pascal seant encores au concile à Troyes vn iour entre autres qu'il s'enqueroit des scismaticques tenans le party de l'Antipape Clement ou Gilbert decedé quelque temps parauant fut aduertit & eut recordation le refus que ledict Richard de grand pré auoit fait de l'Archeuesché de Reims & l'acceptation au contraire de l'Euesché de Verdun contre & par dessus les decretz de l'Eglise: Choses qui l'esmeurent de sorte qu'en presence de tous les assistans audit Concile il excommunia L'euesque Richard, soubz ces termes, *Richardum Verdunen. qui se tradidit regie curie, nos tradidimus Sathane.* Laquelle excommunication il feit depuis promulguer & publier à Treues & à Verdun.

*Henry cinquieme prent à force Clairmont & le redõt à l'euesque de Verdun.*

¶ Pendens ces choses l'Empereur Henry cinquieme qui n'auoit encores esté à Verdun y feit son entrée qui fut magnifique & y fut receu en grande ioye & honneur tant dudit Euesque que de ceulx de la Cité & plus nobles de l'euesché en faueur desquelz trois iours apres sa venue ledict Empereur par l'hortement dudit Euesque Richard alla assaillir le chasteau de Clermont en Argonne qu'il prit à force puis le rendit à l'obeyssance de l'Euesque de Verdun deiertant & expulsant d'icelluy Guido ou Dudo, qui le tenoit: Ce qui meu ledict Empereur à prendre ledict chasteau estoit pource que continuellement icelluy Dudo vexoit & tormétoit les terres & subiectz de l'Eglise de Verdun. Ce fait ledict Empereur Henry.v. retourna en Almaine, & le Pape Pascal apres la dissolution du concile, de Troye, à Rome.

*Laurens Abbé de Saint Venne & ses religieux euitent la communication de l'euesque & son clergé scismaticques.*

¶ Enuiron l'an mil centnonante, au temps de quaresme Laurentius Abbé de Saint Venne homme de grande sainteté & hault sçauoir & qui tousiours auoit suiuy & adheré à l'Eglise Romaine, assés des censures & interdictz fulminez par le pape Pascal contre l'euesque Richard, commença avec ses religieux, d'euitter & fuit la communication & frequentation d'icelluy Euesque, ensemble de son clergé, en sorte que lesdict Abbé & religieux ne leur assistoient aux stations & processions qu'ilz auoient de coustume faire en l'Eglise Saint Venne, voire quand ilz estoient yssus d'icelle & retournez en leur Eglise cathedrale iceulx religieux mondifioient & nettoient par nouvelle benediction & aspersion d'eau benie tout ce qu'ilz auoient touché & les lieux de leur Eglise ou ilz auoient marché, dequoy s'engendra gros murmure & scandale entre les deux Eglises & le peuple de la Cité. De ce adueint que ledict Eueque Richard

# depuis Hue Capet, iusques à Loys viij. du nō. F. cclxvii.

Richard prit vng regret & remord de conscience qui le stimula en sorte qu'il delibera aller à Rome obtenir du Pape absolution avec permission de se faire consacrer. Ce qu'il n'auoit encores peu obtenir au moien dudit scisme.

*Deliberation de l'uefque Richard sur sa rehabilitation en l'Eglise Romaine.*

¶ Pour l'accompagner audict voyage prit avec luy vng tresçauant homme Archidiaque de son eglise nommē Guido, son amy & bien familier. Toutefois auant que partir ordonna à tous ceulx de son clergé eulx faire absouldre & rehabiliter par Bruno Archeuesque de Treues n'agueres retiré & reduy soubz l'obeissance de l'Eglise Romaine. Laquelle à ce moien l'auoit constitué Legat du siege apostolicque pour absouldre & rehabiliter ceulx qui voudroient retourner à l'vniō de l'Eglise catholique. Du nombre desquelz furent ceulx de Verdun lesquelz se feirent tous rehabiliter incontinent apres le partement de leurdict Euesque Richard & selon son ordonnance.

*Rehabilitation du clergé de Verdun en l'obeissance Catholique.*

¶ Ainsi doncques partit de Verdun ledict Euesque Richard en la compagnie dudit Guido Archidiaque avec lequel quelzques iours apres il arriua à Rome ou il poursuiuit & demanda plusieurs fois son absolution au Pape Pascal assistant au consistoire avecque grand nombre de Cardinaulx Suiuant l'aduis desquelz luy fut finalement respondu qu'il n'obtiendroit absolution, encores moins permission de soy faire sacrer Euesque si premierement il ne renonçoit à l'investiture que l'Empereur hōme Jay luy auoit fait de l'Euesché de Verdun, & promeist au reste estre de là en auāt obeysant à l'Eglise Romaine: Si demanda iour pour auoir conseil de ce qu'il auoit à faire sur telle responce. Sa requeste luy fut enterinée & iour à luy assigné auquel toussefois ne comparut. Ains sortant du cōstitoire ou depuis ne retourna l'en reueint en son pays & Euesché tresmal content du siege apostolicque sans dire à dieu ne prendre congé de nul, mais vsant de menasses contenans en somme que si son clergé & ses subiectz l'irritoiēt apres son retour comme excommunié il les destruiroit par prise de leurs corps & biens. Le Pape aduertiy de son retour si brief & sedoubtant de la verité enuoia en diligence vng mandement & rescript à Laurentius Abbé de Sainct Venne par lequel il declaroit ledict Richard excommunié ensemble tous ceulx qui communiqueroient avec luy. La forme dudit mandat estoit.

*Euesque Richard obstiné en son premier propos retourne de Rome en sō Euesché sans estre reduy à l'Eglise Romaine.*

*Mandement du Pape contrel'Euesque Richard.*

¶ *Pascalis episcopus seruus seruorum dei dilecto filio Laurentio abbati sancti Vitoni salutē & apostolicam benedictionem. Richardus Verdunensis ad nos veniens reatus sui satisfactionem ecclesie non fecit unde nec a nobis in communionem susceptus, nec a vinculo excommunicationis absolutus est. Quapropter dilectioni tue mandamus vt illius consortium omnino deuities, & tam eum quam factores eius a nobis excommunicatos esse denuncies & omnes qui ei scienter communicant. &c.*

*Rescript apostolique enuoyé à Verdun contre l'Euesque Scismaticque*

¶ Iagoitq̄ le cōtenu en cest escript feut assez patēt & cōgnu par tout Verdū & en l'Euesché dudit lieu & q̄ tout le clergé dudit lieu eust esté rehabilté peu apres le partemēt dudit Richard pour aller à Rome par l'Archeuesque de Treues: toutefois à sō retour dudit voyage il fut receu par ledict clergé & tout le peuple de la Cité en grād honneur, & cōmunicqrēt tous avec lui cōme parauāt: Voire (qui pis est) l'aulcū estoiet qui en feissēt difficulté ou refus on les molestoit en tāt de sortes qu'ilz estoiet contrainctz obeyr à la volōté dudit Euesque. Du nōbre de ces molestez & traueillez futēt le bō Abbé de Sainct Venne Laurentius hōme vertueux zelateur de l'honneur de dieu & Eglise catholique: ensemble tous ses religieux lesquelz ensemblement resistoient audict Euesque Richard ne voulans communiquer hanter ne frequenter avec luy ne son clergé mais les fuioient & abhorroient tout ainsi que parauant ledict voyage de Rome. De quoy l'Euesque Richard irrité & marry soy sentans fort par la faueur de l'Empereur, entreprit & occupa les plus part des rētes & reuenues dudit monastere: voite priua ledict Laurentius Abbé de l'administratiō des biens de son Eglise. vsant contre luy tel tyrannie qu'il nō soit partir de son logis ny aller par les rues.

*Le clergé de Verdun de rechef scismaticque.*

*Constance de l'abbé de saint Vēne & les persecutiōs qu'il endure.*

## Le.iiii. liure des antiquitez de la gaule Belgicque,

¶ Guido Archidiacre de l'Eglise de Verdun que ledict Euesque Richard auoit mené à Rome avec luy endura depuis & souffrit merueilleux maulx & vexations cōme nous escriuons en apres.

*L'archidiacre Guido malade à Boulongne.*

¶ Ce bon archidiacre ayant accompaigné son Euesque iusques à Rome en allant & au retour iusques à Boulongne, deueint malade d'une fieure si forte ague & vehemēte qu'il fut contrainct de demeurer là pour soy faire penser & guerir. En quoy on traualloit assez par administration de tout ce qu'on pensoit luy estre propice, mais la maladie fut si aspre qu'on n'y esperoit sinon la mort. Par apprehensio & representation de laquelle ledict Archidiacre Guido (comme vn bon chrestien) fut meū de disposer de sa conscience par sainte confession & reception du corps de Iesuchrist & autres sacremens de sainte Eglise, lesquelz il demanda humblement & instamment, Mais il ne trouua qui les luy vouleust administrer parce qu'il estoit excommunié, qui estoit cause de le fuir & qu'on ne communiquoit avec luy: mesmes luy fut dict & rapporté par troys chanoines de l'Eglise de Mutinense lors estans à Boulongne & desquelz il estoit par foys visité durant sa maladie que s'il ne se desistoit de la communication & alliance de son Euesque Richard ensemble du clergé de Verdun, & n'obtenoit absolution du siege apostolicque iamais son corps (ou cas qu'il mourust là) n'auroit sepulture en terre sainte ains seroit delaisé en lieu profane.

*L'archidiacre Guido rehabilité en la communio de l'Eglise Romaine.*

¶ Telles parolles contristerent & estonnerēt de sorte ledict Guido Archidiacre qu'avec grande contrition & repentence feit veu à Dieu presens lesdictz chanoines de iamais ne communiquer ne frequenter ledict Euesque Richard ne son clergé de Verdun plustost & premierement qu'il feussent absoubz & reintegrez en l'obeyssance de l'Eglise catholique. A l'ocasion duquel veu & promesse lesdictz chanoines ioyeux au possible du bon vouloir d'icelluy Guido luy donnerent bonne esperance & consolation telle que tost apres il retourna en santé & conualescence de corps laquelle recourée se retira soudain vers l'euesque de Parme, lors Legat apostolicque en la contrée d'Italie, duquel il obtint absolution se reduisant deslors en l'vniō & alliance de l'Eglise Romaine. Puis en ceste bonne volonté se mit en chemin pour s'en reuenir au pays, mais il fut aduertiy en chemin que tout le clergé de Verdun auoit repris de nouveau la communication d'icelluy Guido contre les censures apostolicques. Parquoy conclud n'y aller mais se retirer aultre part ou il feroit sa residence iusques à ce que les choses feussent reduites en meilleur ordre: Neantmoins il enuoya à ses amys & confreres chanoines lettres gracieuses par lesquelles il l'excusoit prudement de sa non residence à Verdun & les aduertissoit de la cause de sa demeure en aultre lieu, leur priant humblement pour beaucoup de bonnes raisons contenues en ses missiues, Permettre qu'il ioyst durant son absence & receust les rentes & reuenuz de ses benefices & d'autres ses biens propres.

*L'euesque & chapitre de verdun irrités contre l'Archidiacre Guido.*

¶ L'euesque Richard & son chapitre entendu le contenu des lettres & requestes que faisoit en icelles icelluy Guido ne furent moins irrités que mutinez contre luy, tellement que pour tous delays luy donnerent seulement quarante iours dedans lesquels luy manderent venir & comparoistre en personne pour respondre plus amplement & alleguer les causes pour lesquelles il euiroit la communication, habitude, cōsuetude d'entre eulx. Ce pendant icelluy Guido se retirāt à Metz y feit sa residence & ne voulut approcher Verdun de plus pres: Bien que plusieurs fois luy feust ordonné & commandé par lesdictz Euesque & chapitre de Verdun s'y retirer & y aller. A raisō dequoy ledict Richard Euesque feict prendre, saisir, & rauir tous les biens estans à Verdun & es lieux circonuoisins, mesme rompre sa maison, dissiper & appliquer lesdictz biens à son fisque. Voire decerna prise de corps sur ledict Guido par tout ou il seroit trouué.

*Les maulx & persecutions q̄ firent l'euesque & chapitre de Verdun à l'Archidiacre Guido.*

¶ Ayant L'archidiacre Guido entendu telles violēces de fait fait grāde diligēce d'ē faire faire la reparatiō & raison par le moiē de ses parens & amys, ausquelz il cuydoit bien

# depuis Hue Capet, iusques à Loys, viii. du nom. F. cclxviii.

bien estre differé & en leur faueur luy estre ses biés renduz parce qu'il estoit extraict d'ancienne noblesse mesmes des Comtes de Bar & seigneurs de Mousson, aussi qu'il auoit des amis grands seigneurs, nobles personaiges, Euesques & Abbez. Aufquelz il feit entendre sa fortune & mesauanture, signammét à son metropolitain l'archeuef que de Treues Bruno, les priant en general vouloir estre mediateurs du recouremét de ses biens & du moien de paix & accord entre luy & le dictz Euesque & clergé de Verdun. Plusieurs en escriuirent & feirent grand deuoir sur ce mais ce ne profita en riés audiét Guido, & ne trouua que rigueurs & refus sans aucunes raddresses de iustice en ses parties aduerses: Au moien de quoy conclusion arrestée d'aller à Rome pour impetrier prouision prit auant que partir atestation soubz lettres autentiques des iures, violences & opprobres qu'on luy auoit fait. Puis vint en Bourgongne ou passant chemin assez pres de l'Abbaye de Cluny recôtra de fortune le venerable Richard Euesque d'Albanie, legat apostolicque es parties de Germanie (comme auôs dict cy dessus) lequel l'interroga de la cause de son voiage. Guido l'informa au vray de tout le cas par le recit duquel fut esmeu à grande compassion & deplaisance. Et iaçoit que l'archidiaque Guido affecté eut desir & affection de parfaire son voyage, sans autre delay ne retardation: Neantmonis ledict Legat le receint avec luy quelque temps durant, lequel il escriuit audiét Euesque de Verdun & son clergé leur enuoyant en faueur dudiét Guido, homme & messagier expres qui leur porta lettres gracieuses amiables & cōtenantes plusieurs exhortatiōs & priertes tres affectueuses de restituer audiét Archidiaque Guido ses biens. Aussi leur escriuit par mesme moien lettres semblables en faueur de Laurentius Abbé de Sainct Venne leur mandant & priant luy rendre ses biens qu'il occupoient violétement & contre toute equité. Toutelfois ilz ne teindrent conte ny feirent cas de tous ce: Mais au contraire refusans y obtemperer vsoient de plus en plus de grosses parolles & menasses. A raison de quoy ledict Legat apostolicque si tost que son messagier fut de retour vers luy conseilla audiét Guido de parfaire son voyage luy donnat a ceste fin lettres adressantes au Pape Pascal à qui il madoit tout le fait tel que ie l'ay recité cy deuant & le prioit y pouiruoir de grace.

*l'archidiaque Guido allât à Rome trouue l'Euesque d'Albanie qui feit differer son voyage*

¶ Si vint Guido quelques iours apres à Rome ou ledict Pape. Le receut de tref benigment, le receint dix sepmaines entieres le traitât ce pédât treshumainemét & luy baillât durât ce tēps plusieurs audiēces au cōsistoire de la chābre apostolicque. Finalemét il fut de l'ordonnacedudiét Pape sacré Diacre, & réuoyé en sō pays avec deux lettres en forme de rescriptz ou mādēmēs apostolicques. L'vn adressât à Rainald<sup>o</sup> Cōte de Mousson (que Richard euesque de Verdū auoit priuē de l'administration du cōté dudiét lieu ainsi que traictērons cy apres,) ensemble à Rainaldus Comte de Toul, & à tous les prestres & clerz de l'archidiaconé dudiét Guido. Aufquelz ensemblement ledict Pape mandoit, commādoit, & prioit sçauoir ausdictz prebstres & clerz, obeir audiét Archidiaque, sur peine d'excommunication, suspension des choses diuines & sacrées, & priuation de tous biens temporelz, notamment de receuoir les dixmes. Et ausdictz Cōtes & princes seculiers, en faueur de charité & iustice deffendre & donner ayde par armes audiét Archidiaque contre tous ses aduersaires. Semblablement à Laurentius Abbé de Sainct Venne à ce que les biés de son Eglise, & Abbaye (desqu ilz estoit iniustement spolié) luy feussent renduz & restituez. Le contenu de l'vn desdictz rescriptz est tel.

*L'archidiaque Guido estant à Rome obtient deux rescriptz contre l'Euesque & chapitre de Verdun.*

¶ *PASCALIS* Episcopus Seruus Seruorum Dei, Abbatibus & ceteris clericis, Raynaldo de Mozione comiti Reynardo Tullen. & ceteris laycis de Archidiaconatu Guidonis, salutem & apostolicam benedictionem. Pro Catholice unitatis dilectione Guidonem Archidiaconum vestrum à Richardo Verdunēsis ecclesie inuasore bonis suis expoliatum audiuimus. Quāobrem charitati vestre nostris eum presentibus literis commendamus. Precipimus enim ut ipsi de ecclesijs ad monasteria pertinentibus consueta iusticia & à clericis seu à laycis obedientia debita sicut Archidiacono impendatur. Alioquin donec obediant diuinis officijs careant & decimas suæ plebis amittant.

*L'un des mandemens obtenuz par l'archidiaque Guido.*

Vos

# Le iiii. liure des antiquitez de la gaule belgicque

*Vos autem filij quibus Deus secularem potestatem dedit, & qui armis iustitiam contuemini, pro beati Petri reuerentia eius adiutores existite & eius aduersarios viriliter cohibete. Illipsum de venerabili viro abbate Sancti Vironi tam vobis quam reliquis Verdunensium partium precipimus qui pro eadem catholice vnitatis dilectione loco suo rebusque suis priuatus est. Prefatum vero Guidonem noueritis apud vos diaconum ordinatum &c.*

¶ Quand l'archidiacre Guido fut arriué au pays apres son retour de Rome il presenta au Comte de Mousson Rainaldus le suscript rescript apostolique à luy entre aultres adressant, le priant suyuant le contenu en icelluy & pour les causes y mentionnées prester ayde & secours à luy & audiēt Laurentius Abbé de Sainct Venne. Quand à l'autre mandat ou brief que ledict Guido auoit semblablement obtenu du siege apostolique adressant aux Euesque & chanoines de Verdun & contenant l'interdict de leur Eglise : il ne l'osa de prime face leur presenter mais attendit à leur monstrier iusques a tant quil veit son oportunité. Et duquel mandement & interdict le cōtenu est tel comme sensuit.

*L'autre rescript obtenu par Guido cōtenant l'interdict de l'Eglise de Verdun.*

¶ *Pascalus Episcopus, seruus seruorum dei, fratribus Verdunensis ecclesie catholicis salutem & apostolicam benedictionem. Richardum vestre occupatorem ecclesie à Sancta Romana ecclesia pro suis meritis excommunicatum & si hactenus non legistis, certius tamen & audisse & scire credimus. Nunc autem vobis omnibus scripto nunciamus vt eum excommunicatum scientes communionem eius omnibusmodis caueatis. Sanē abbatem Sancti Vironi & Archidiaconum Guidonem pro catholice vnitatis dilectione dignitatibus & rebus suis priuatos audiuimus. Precipimus ergo (si quā penes vos & beati Petri & nostri obedientia est) vt locis suis bonisque restituantur. Si autem presentibus literis obedere contemnitis nos ecclesiam vestrā à diuinis officijs interdiciamus. Qui vero ab huius erroris macula resipuerit cōfratris nostri Archiepiscopi Treuerēnsis seu supradicti abbatis consilio catholice vnitati recōcilietur. Prefatum autem Guidonem noueritis apud nos diaconū ordinatum. Datum Lateranis xv. kalendas Aprilis.*

*L'archidiacre Guido caché à Sainct Venne de Verdun*

¶ L'archidiacre Guido quelzques iours apres son retour de Rome veint secretemēt à Verdun au monastere de Sainct Venne ou il se cacha par aucun temps: durant lequel taschoit (occultement & prudemment) gagner les couraiges d'aucuns du clergé & par remonstrances fraternelles les induire en sa faueur, deffence & soy reconcilier avec eulx, mais il ne trouua sinon toutes rudesse, rigueurs, obstination, indignation & hayne qu'il auoient conceu contre luy & laquelle s'augmentoit & allumoit plussort de iour en iour. Parquoy pour soustenir l'honneur de l'Eglise catholique se resolut avec vne constance esmerueillable publier contre eulx l'interdict de leur Eglise en leur presence, ce qu'il feiten la sorte luyuante.

*Executio par l'archidiacre Guido de l'interdict contre le clergé de Verdun.*

*Violences en l'archidiacre Guido au choeur de l'Eglise de Verdun.*

¶ Il aduisa estre le plus oportun & leur de faire ladicte publicatiō à l'heure qu'on chatoit matines, auquel temps il cuydoit mieulx euitter danger de sa personne qu'en vne autre heure pource que l'Euesque Richard menoit ordinairement avec luy pour l'agard de gros nōbre de gēs d'armes: la fureur desquelz estoit à craindre & fuir. Quoy voulāt faire l'archidiacre Guido vng iour de feste Sainct Jacques que les chanoines estoient assemblez incontinent apres matines audiēt iour entré en l'Eglise Nostre Dame & fait en sorte qu'il veint au deuant & au plus pres du grand autel sur lequel meit & posa ledict brief ou interdict du pape. Puis soudain dist tout hault. Messieurs icy sont lettres apostolicques à vous adressantes Partāt s'aucū de vous est qui ayme l'Eglise catholique Viēne icy les lire & y obeyr. Incōtinēt tous les assistās esmeuzen ire & despit cōureurent sur luy furieusement & iacoit qu'il teint ledict autel embrassé, le tirerent neantmoins & arracherent de la violēment par les cheueux frappans sur luy à grands coups de piedz & poings & le traynans iusques au melieu du choeur. Ou se desmessāt d'eulx trouua maniere d'eschapper de leurs mains & s'en fuir à grāde cour se & hastiuement iusques en l'Eglise de la Magdalene ou il esperoit estre en seureté pource



# depuis Hue Capet, iusques à Loys, viii. du nom. F. cclxix.

pour ce qu'on auoit lors grande reuerence à ladicte eglise à cause qu'elle auoit esté dediée par le Pape Leon, aussi que iournellement s'y faisoient diuers miracles. Toutefois deceu de son espoir fut poursuiuy par le clergé tousiours frappant sur luy criant & incitant le peuple contre luy comme sil eust esté vn larron. Brief & finalement il fut pris, arresté lié de cordes & présenté à l'Euesque Richard qui luy dist plusieurs grandes iniures & luy feit de grosses menaces. Puis ordonna le mener prisonnier au chasteau de grand pré en vne grosse tour, y estant en laquelle estoit vne fosse obscure & tenebreuse ou suiuant le mandement dudiect Euesque il fut deuallé & y demeura plusieurs iours & aultant de nuitz, ayant les piedz & mains es sceptz endurât froid, faim, soif & aultres semblables miseres, voire sans consolation d'aucun de ses amys ny d'aultre personne, oyoit d'heure à aultre grosses contumelies oprobres & menasses contre luy. Somme, il fut si longuement là affligé tormenté & vexé sans esperance de iustice ne misericorde qu'en fin il fut contrainct pour euitter la mort promettre de faire la volonté dudiect Euesque Richard, prendre son obeysance luy crier mercy & communicquer avec luy & son clergé, partant fut deliuré.

*L'archediacre  
Guido en prison  
tenebreuse.*

*Guido pour euitter  
la mort prend la  
conuention de l'E  
uesque Richard.*

¶ Toutefois tost apres sa deliurance voyant son oportunité se partit secretement de Verdun & se retira en diligence vers Richard Euesque d'Albanie Legat apostolicque auquel il recita toutes les violences tyrannies & molestes qu'on luy auoit fait pour lesquelles euitter auoit esté forcé & contrainct communicquer avec lediect Euesque Richard & son clergé de Verdun. A ceste cause demandoit absolution & reintegratiō en la communaulté de l'Eglise catholique ce qu'il obtint facilement.

¶ De quoy aduertiz l'Euesque Richard & lediect clergé de Verdun desplaisans au possible de l'auoir lasché, enuoyerent vers luy plusieurs messagiers avec lettres dont les aucunes estoient douces & gratieuses les aultres rigoreuses & pleines de menasses le priant neautmoins & enhortant de retourner vers eulx, prometans luy rendre les biens le restituer, & bien traiter tout à son vouloir: mais ilz l'auoient parauant traité de sorte qu'il n'auoit fiance en eulx. Au moie de quoy leur demandoit ostage en assurance de son corps & de ses biens ce qu'ilz promettoient assez de parolles mais en effect n'en faisoient rien. Dōt s'ensuiuit que là chose demeura pour l'heure en tel estat: se faisans neantmoins plus grandes de iour à aultre les haynes & inimitiez: Tellemēt que l'Euesque Richard bailla sa prebende ensemble son Archidiaconé à vn aultre qui fut receu & installé en iceulx par les chanoines & Chapitre de Verdun, esquelz depuis escriuirent par haine & malleueillance plusieurs lettres diffamatoires & inuectiues pleines de crimes & opprobres contre lediect Guido qui leur respondit doctement & prudemment confondant leurs erreurs par argumentz & raisons tresmilitātes chose à luy assez facile parce qu'il estoit hōme de grād & hault sçauoir ainsi qu'il apparut lors par vne Apologie & oraison en maniere de defence qu'il composa elegāment, en laquelle il escriuit tout le fait, cause & motif de leurs differans & dissensions puis quelque temps apres s'en alla à Rome en la compagnie du sus surnommé Legat apostolicque Richard Euesque d'Albanie, avec lequel estant là arriué fut honorablement receu bien traité & finalement pour ses vertus & bonne doctrine fait Euesque comme nous dirons cy apres.

*Guido rehabilité,  
& absolz.*

*Guido priué de son  
archidiaconé &  
de ses benefices.*

*Guido retourne à  
Rome.*

¶ Or pour plus clairement entendre & deduire le reste des faitz & gestes de nostre Euesque Richard. ii. nous retournerons au discours & intelligēce de l'estat & vie de l'Emperur Henry. v. Qui suyuant & pour accomplir la promesse faite par ses ambassadeurs au Concile de Troie en Champaigne, se mit en chemin en l'an. iiii. faisant tant par ses iournées qu'il arriua en Italie avec grosse & puissante armée qu'il conduisit iusques à la Cité de Sutrium. Il se disoit faire lediect voyage tant pour mettre fin & ordre aux dissensions & discors estans lors entre l'Eglise Romaine & l'Empire & qui auoient continué depuis le commencement du pontificat de gregoire septieme iusques adoncques qu'ilz duroient encores, que pour receuoir la Corone Imperiale par les mains du Pape auquel si tost qu'il arriua es Itales il enuoya ses ambassadeurs l'aduertir de sa venue vers luy le prier de l'attendre & l'asseurer par promesses & sermens bien expres que luy ne ses gens ne feroient nulles violences aux Romains

*Le voyage de l'Em  
pereur Henry cinquieme,  
à Rome.*

ny au

# Le.iiii. liure des antiquitez de la gaule Belgicque,

ny au siege apostolicque mais donneroient ordre que tous les prelatz prouuez & inuestez par ledict Empereur sans autorité du siege apostolicque renonceroient à leurs prouisions. Puis que de la en auant il ne feroit prouisions ne inuestitures des eueschez & Abbayes de ses pays soubz ombre de priuilege & droit qu'il pretendoit auoir esté au tresfois donné à ses predecesseurs mais renonceroit de fait audict droit sans plus en vser.

*Promesses fraudulentes de l'Empereur Henri cinquieme.*

¶ Des promesses & douces parolles (qui neantmoins estoient fraudulentes & simulées) reduirent le Pape & les Romains en telle ioye, qu'ilz assignerent iour audict Empereur pour faire son entrée à Rome ou le iour venu il fut receu avec grosses pompes & grands honneurs à luy faitz depuis qu'il fut entré iusques à l'entrée de l'Eglise Saint Pierre: A la porte de laquelle baifa les piedz du Pape, puis passa outreuint iusques au grand autel au deuant duquel il fit son oraison qui ne fut si tost acheuée qu'il demanda au Pape (contre ses promesses & sermens toutefois) la confirmation & ratification des prouisions par luy faittes à tous les Euesques & Abbez qu'il auoit instituez & inuesty en Germanie en vertu de son pretendu droit & priuilege de ce faire. De ce le Pape bien esbahy le refusa de prime face & incontinent l'Empereur fit signe à ses gensdarmes & soldarz lors estans tous prestz lesquelz soudain meirēt par force & violence la main au Pape & sur ses Cardinaulz, pillerent tout ce qu'il auoient sur eulx & les menerent prisonniers en leurs tentes dressées en vne partie de la Cité de Rome vulgairement nommée la Cité Lermine.

*L'empereur Henri cinquieme cõtre sa foy devient en prison le Pape & ses Cardinaulx.*

¶ Les Romains voyans l'outrage & violence commise es personnes du Pape & de ses Cardinaulx s'esmeurent incontinent en armes avec lesquelles veindrēt par grande fureur assaillir l'Empereur & ses gens qui bon gré malgré furent contrainctz sortir de la Cité Lermine & eulx retirer avec leurs prisonniers iusques à la montaigne de Sorette, dite Saint Siluestre, ou ilz preparerent & disposerent leurs armées pour venir assaillir Rome. Quoy voyant le Pape qui estoit prisonnier craignant l'oppression plus grande des Romains accorda (malgré luy toutefois) avec l'Empereur, confirma tous les Euesques & Abbez par lui instituez, & peu apres couronna en l'Eglise Saint Pierre à Rome ledict Empereur Henry du diademe Imperial, apres l'apposition duquel confirma de nouveau (touours cõtre son vouloir) les susdictes prouisions & inuestitures. Voire recongneut, eut agreable & de rechef confirma en la personne dudict Empereur le priuilege que iadis Charlemagne auoit obtenu à Rome contenant le pouoir droit & autorité de donner & disposer des Eueschez & Abbayes de Germanie par la tradition de l'anneau avec deffence & prohibition à tous metropolitains & superieurs dudict pays de consacrer aulcun Eueque ou Abbé sans le consentement dudict Empereur & auoir son inuestiture: mesmes donna ledict Pape audict Empereur lettres & bulles soubz signées & scellées autentiquement, contenant les dictes confirmation & ratification.

*Le pape prisonnier accorde par force à l'Empereur Henri cinquieme.*

*La mort de la princesse Mathilde.*

¶ Ceste mesmes année.iiii. la bone princesse Mathilde iadis duchesse de Lorraine & Marquise d'Italie alla de vie à trespas, ayant attainct l'age de septante ans. Auant sa mort pource qu'elle n'auoit enfans laissa par testament ses seigneuries & patrimoine d'Italie à l'Eglise Romaine. Lequel patrimoine (cõme escrit Platine) se extendoit depuis le fleue lors nomme Pisia & de la ville Saint Quiricque située au territoire de Senes iusques à la Cité de Coperanum assise entre les Mõs Appenins & la mer. Tout lequel pays qu'on appelle de present le patrimoine de Saint Pierre appartenoit lors à ladicte Mathilde, laquelle semblablement laissa à l'Eglise Romaine la Cité de Ferrare qui à ce moien est touours depuis demeurée tributaire & soubz la reprise d'icelle Eglise Romaine. Outre par sondict testament elle ordonna tous ses subiectz de serue condition estre mis en liberté. Elle donna aussy aux Eglises en diuers lieux toute sa vaisselle d'or & d'argent ses bagues ioyaulx & precieux vestemēs, elle edifia & fonda en sa vie trois monasteres en Italie l'vn à Canuse l'autre à Frixere que l'on dit en latin Frixionarium: & le tiers en l'honneur Saint Benoid au territoire de Mantouie ou elle fut honorablement inhumée par Anselme Euesque dilectue homme plain de sainteté duquel elle receut saintement & deuotement les Saintz sacremens de l'Eglise.

*Donations de Mathilde à l'Eglise Romaine.*

*Du testament & des fondations de Mathilde.*

Opinions

# depuis Hue Capet, iusques à Loys viij. du nō. F. cclxx.

Opinions diuerses se trouuent de la mort de ceste noble dame. Car aucuns (desquelz est Vincent l'istorien) dient qu'elle mourut à Florence par vn inconuenient de feu, aduenu en la ville, la plus grande part de laquelle fut brulée avec plus de deux mil personnes entre lesquelles estoit par fortune ladicte bonne dame Mathilde dont le corps fut porté audict monastere de Saint Benoid situé à douze mil pres Mantoue. Les Lucquoys au contraire dient son corps estre inhumé en leur Eglise. Mais ilz s'abusent, parce que la plus vraye & saine opinion tient qu'elle mourut à Mantoue, & fut enterree en l'Eglise dudit monastere Saint Benoid qu'elle auoit fondé & fait edifier: au moyen dequoy aussi que possible elle y auoit eleu sa sepulture son corps y fut porté par le conseil & ordonnance dudit Saint homme Anselme Euesque de Lucques qui ainsi le voulut, toutefois il fut depuis translaté en l'Eglise cathedrale de Mantoue (cōme dit platine) pour les grands miracles qui se faisoient audict monastere Saint Benoid qu'on croyoit aduenir par les merites d'icelle bonne princeesse Mathilde.

*Diuerses opinions del a mort & sepulture de Mathilde.*

¶ Quand l'Empereur se veid à chef de son intention & auoir ce qu'i auoit tousiours iusques là desiré & preté du, il l'en retourna en Germanie & si tost qu'il y fut arriué enuoia par tout les doubles & copies des bulles & lettres qu'il auoit à force obtenu du Pape faisant & commandant publier & promulguer par tout son couronnement & priuilege de disposer des Eueschez & Abbayes de son pays, dont tous ceulx qui tenoient son parti signamment les Euesques & Abbez prouueuz & institutez par luy furent fort ioyeux, louans & magnifians ses faitz & entreprises qui pluriēt tant à aucuns nobles ensemble à quelzques vns du clergé de ses pays que follement & imprudemment ilz l'appelloient souuerain prestre & souuerain Empereur aiant puissance de disposer à sa volonte de tout, tant en l'Eglise comme au temporel

*L'orgueil & pompes de l'Empereur Henry cinquieme en Germanie*

¶ Entre tous ceulx cy nostre Euesque de Verdun Richard sebloit le premier, menoie & demonstroit grande ioye en son cueur pēsant estre au bout de son intention & auoir obtenu la meillieure part de tout son desir. Si fait transcrire & copier le double des bulles obtenues par ledict Empereur, veint au monastere de Saint Vene fait conuocquer tous les religieux dicelluy (non pas l'Abbé Laurentius ausly n'y estoit il) en la presence desquelz fait lire le contenu es copies & doubles d'icelles, puis leur dist plusieurs iniures & contumelies leur impropereant leur obstinatio qu'il restoient cause des tribulations & dommages receuz & souffertz par eulx & leur Eglise l'espace de trente ans ou enuiron. Ausly qu'ilz veoyent lors clairement toutes les rebellions & contradictions dōt ilz auoient vŕe du passé estre nulles, cassées & venues en derision moquerie & sans profit. Parquoy leur commandoit & ordonnoit en vertu desdictes bulles obeyr de là en auant à l'Empereur & à ses ordonnances.

*L'Euesque Richard improperie à ceulx de Saint Venne l'obeissance qu'ilz auoient tenu à leglise Romaine.*

¶ De telz comādemēs & publicatiōs furent fort esbayz lesdictz religieux qui auoient tousiours tenu pour le siege apostolique & leur bon Abbé Laurentius fort triste & dolent si tost qu'il en eut aduertissement toutefois il persevera constamment esperant que de brief les choses changeroient & auroit lieu verité. Comme veritablement adueint & ne fut frustré de sa bonne esperance mais bien consolé.

¶ Car incontinent que l'Empereur eut laissé l'Italie & fut de retour en son pays de Germanie tout le clergé de Rome & plusieurs gens scauans zelateurs de l'honneur de l'Eglise catholique entre lesquels estoiet le susnōmé Richardus Euesque d'Albanie & Guido Euesque de Venne frere du duc de Bourgongne qui depuis fut Pape nommé Calixtus second, lors estans à Rome remonstrerent au Pape Pascal le grand scādale & abus qu'il auoit fait en l'Eglise Catholique donnant & conferant le priuilege que l'Empereur Henri auoit (bien que ce feust à force) obtenu de luy. A quoy donnant lieu ledict Pape Pascal conuoca à Rome à saint Iean de Latrà, vn concile general auquel il reuoca ledict priuilege declarant icelluy auoir esté donné par cōtraincte & tyrannie luy estant detenu prisonnier par celuy mesmes qui l'en poursuivoit qui estoit ledict Empereur Henry, lequel partant il excommunia & anathematiza ensemble ses adherens & tous aultres qui auoient receu & receuroient à l'aduenir inuestitures de luy en benefices ecclesiastiques.

*Concile general à Rome ou furent reuocqez les priuileges donnez à l'Empereur Henry cinquieme.*

*L'Empereur Héry excommunié ensemble ses adherēs*

¶ Ceste

## Le.iii. liure des antiquitez de la gaule Belgicque,

¶ Ceste reuocation ainsi faicte & publiée par toute la Chrestienté, signamment es pays de Germanie, Lorraine & France, causa nouvelles dissentions & querelles, entre lesdictz, Pape, Empereur, & l'Eglise Romaine, avec rafreschissement des anciennes noises & diuisions: Car les adherens de l'Empereur recommencerent à sa suscitation & instigation à molester, vexer & troubler de plus en plus les catholiques. Et sur tout en nostre cité de Verdun, en laquelle l'Euesque Richard & son clergé defendoient oultre mesure & iniustement les parties dudit Empereur, de sorte qu'il n'y auoit personne en la cité (exceptez le bon Abbé Laurentius & ses religieux) qui eust osé obeir à l'Eglise Romaine ou communiquer avec les catholiques. Voire si aucuns seculiers & lays visitoient par deuotion l'Eglise, Abbé, ou religieux dudit saint Venne, ilz estoient molestez, batuz, ou bien publicquement tirez en iugement deuant le iuge episcopal qui leur faisoit deffenses de plus communiquer avec eulx, sur peines & amendes insupportables. D'auantage s'aucun prestre mesmes de leurs cōfreres & conchanoines se vouloit par bon zele & deuotion retirer à l'vniō de l'Eglise & conferer avec ledict Abbé Laurentius, qui de par le siege apostolicque auoit autorité & mandement les absouldre, incontinent on le cōtraignoit à force & violence renoncer à ce qu'il auoit faict. Ensemble à reprendre l'obeissance & ligue d'icelz scismatiques.

*Tyrannie de l'Euesque de Verdun contre les catholiques*

¶ Entre aultres (pour exemple & preuue de ce) vng bon & saint homme chanoine de Verdun nommé Hayricus qui auoit faict plusieurs grands biens & fondations en l'Eglise dudit lieu: Venant par maladie à l'extremité de ses iours cōgnoissant sa mort prochaine, & à ce moien desirant estre absoubz, demanda instamment l'Abbé Laurentius afin de receuoir par ses mains l'absolution, les saintz sacremens de l'Eglise, & estre inhumé en l'Eglise de Saint Venne, mais l'euesque Richard de ce aduerti luy en uoya deffēdre d'ainsi le faire soubz grosses peines, mesmes le faisant menasser de faire mettre son corps en lieu prophane, tellement que le poure homme Hayricus lors estant aux arcicles & traitz de la mort, n'osa poursuiure sa bonne deliberation. Le semblable feit en plusieurs autres ledict Euesque Richard. Voire empeschoit par violence & tenoit enfermez lesdictz religieux de Saint Venne en leur abbaye, à ce qu'ilz ne donnassent secours aux malades ny les inhumassent en leur eglise.

¶ Or ce pendant il aduient des faictz nouveaux, pour lesquelz entēdre fault supposer par les lettres que d'anciēnēte le clergé de l'Eglise cathedrale de Verdun à acoustumé aller chacun an le iour de la feste Saint Venne chanter la messe en l'Eglise dudit Saint Venné, & la vigille dudit iour les premieres vespres. Si aduint suiuant ce pendant les dissentions cy deuant mentionnées que la vigille de ladicte feste les religieux dudit Saint Venne anticiperent leurs vespres tant pour euiter la communicatiō du clergé de Nostre dame & n'assister avec eulx à l'heure qu'ilz chāteroient lesdictes premieres vespres, qu'aussy afin de leur donner plus de lieu en ladicte eglise laquelle ilz auoient fermée pour n'estre empeschez pendant qu'il chāteroient: Toutefois ilz ne sceurent tant se diligenter en l'expedition de leursdictes vespres pource qu'elles estoient solennelles que auant l'acheuement dicelles ledict clergé n'arriuaist audict Saint Venne, mesmes auant l'heure acoustumée & que les cloches eussent cessé & acheué de sonner tous les coups de vespres sans à quoy auoir esgard ledict clergé entra en l'Eglise dudit Saint Venne, & trouuant le petit huis du chœur d'icelle encores fermé s'esmeut soudain à gros murmure & mutinerie frappant à grandz coups & par grande impetuosité contre l'huis criant tout hault & demandant ouuerture: laquelle toutefois fut differée iusques à ce que la collecte derniere desdictes vespres feust dicté & chantée par lesdictz religieux qui ne vouloient communiquer ne chanter en la presence dudit clergé: dont ilz congneurent lors la malice & mauuaise pensée en ce qu'il auoit acceleré sa venue expressement & de propos deliberé afin de troubler l'office diuin & durant icelluy soy mesler avec eulx. Mais il fut pource coup preuenu de quoy irrité prit occasion d'executer l'insolence que vous orrez.

*Insolences en l'Eglise Saint Venné par le clergé de l'Eglise cathedrale.*

¶ Toit

# depuis Hue Capet, iusques à Loys, viii. du nom. F. cclxxj.

¶ Tost apres l'acheuement desdictes vespres d'iceulx religieux; l'huys du choeur de leur eglise fut ouuert par vng conuers de ladicte Religion, qui soudainement fut empoigné par lesdictz du clerge, battu, frapé & tiré par la barbe & ses cheueulx en presce mesmes desdictz Religieulx, lesquelz regardoient le fait & neanmoins ne l'osoient deffendre ny empescher ledict clerge & lesdictz chanoines qui tous sans chanter vespres retournoient en l'Eglise cathedrale, avec grandes plaintes & clameurs non moindres comme si violemment on les eust rechasséz. Puis continuant le murmure veindrét presenter à l'Euesque Richard estant en son domicile, vng des ieunes clerics de l'Eglise tout sanguinolent, disant faulcement que ledict cōuers l'auoit ainsi battu, oultragé & mutilé, demandât à ce moyē Iustice & vengeance en estre fait. Soub couleur duquel faulx raport ledict Euesque semblât furieux & plein d'ire veint subitemēt au dict monastere avec leurs gens de sa garde, esmouuant en y allant tous ceulx de la cité qui à sa parole veindrēt aussy en ladicte Abbaie voir & entendre leurs debatz & cōtentions. Et le lendemain icelluy Euesque retourna de rechef avec plus grosse compagnie audiēt monastere, au mylieu du cloistre duquel feit vne grande & longue harangue pleine d'opprobres & contumelies contre lesdictz Religieux & leur Abbé, les accusant de plusieurs crimes & mechâcetez: Notamment de crime de lese maiesté, rebellion & infidelité contre les Emperours & luy qui estoit leur Euesque & reformateur. Concluant contre eulx à ces causes & moiens qu'ilz deuoient estre priuez de biens temporelz & des fondations que les Emperours & ses predecesseurs Euesques leurs auoient faitz & doné à leur eglise. Ce dict les suspendit de l'exercice de l'office & seruite diuin & interdit leur eglise, combien qu'il n'en eust la puissance.

*Harangue de l'euesque Richard au cloistre de .s. Venne.*

¶ Finalement il priua par sa sentēce lesdictz Abbé & religieux de toutes authoritez, iurisdiction & administration des biens de l'eglise. Ensemble de toutes leurs terres, possessions, rentes, & reuenuz qu'ilz auoient, tant en la cité que dehors. Brief il prit par force & violence les clez de leur thesor, librairie, caues & greniers: Les bailla en garde à aucuns layz & seculiers, & celles de l'glise & du cloistre, commeit à aucuns clerics & prestres pour administrer ce qui concernoit le fait de l'eglise & de la religio. Le tout iusques ad ce qu'il y est aultrement proueu. Dauintage, il leur deffendit sortir du cloistre n'y aller au marché, ou ailleurs en la cité, n'y par voye ou chemin public que de son euesché. Ordonnant expressement que là ou ledict abbé ou ses adherés se roient trouuez ilz feussent pris & apprehēdez au corps, enquoy il fut obey: Tellemēt qu'à aucuns religieux dudict saint Venne, au moyen de son ordonnāce on feit plusieurs grandes iniures, opprobres, & contumelies, qui donnerent telle crainte aux autres qu'ilz n'osèrent bouger de l'abbaye.

*L'abbé & religieux de saint Venne, suspendus & priuez, tant du spirituel que du temporel de leur abbaye.*

¶ Ceulx du clerge, chapitre, chanoines, & habituez de leglise cathedrale, qui suiuoient & tenoient formellement les parties dudict Euesque, non contens de toutes les susdictes miseres & calamitez, feirent plusieurs libelles diffamatoires, escriuirēt lettres mistiues en diuers endroiz, à grands personnages, communautez des chappitres & aux eglises circonoisines, cōme Chaalons, Reims, Toul, Metz, par maniere d'incitures & pour scandalizer lesdictz abbé & religieux de saint Venne, & leur donner le tort, & au contraire excuser les tyrannies & maulx qu'ilz leurs auoient fait. A raison de quoy ledict abbé Laurentius homme (comme iay dict) trescauāt, & de grande estime & reputatiō, composa vne epistre par maniere de purgation & excuse, de ce qu'à tort on impropéroit à luy & à ses religieux, laquelle il adressa au clerge de Verdun, en la forme que ie l'ay transcripse icy apres, à la fin de la vie de cestuy euesque Richard.

*Libelles diffamatoires du clerge contre les religieux de saint Venne.*

¶ En fin ledict abbé Laurentius voyant tant de violences & impresions, delibera ceder & obeir à fortune, pour vn temps, & s'absenter secretement, à fin d'euiter toute occasion de plus grands maulx entre gens tant malings & sedicieux, & qui d'heure à aultre luy en donnoient l'occasion. ¶ Prenant donc pour compagnie aucuns des principaulx de son monastere, & commādant à ceulx qui y demcuroient le suyure le plus tost qu'ilz pourroient trouuer l'opportunité, partit en cachette de Verdun & s'en alla à Diion en Bourgogne, au monastere de sainte Benigne, ou luy & les siens qui

*L'abbé Laurent se retire à Diion.*

# Le iiii. liure des antiquitez de la gaule belgicque

l'auoient suiui furēt humainemēt receuz par l'abbé Gerōte, qui ia autrefois les auoit receu en son monastere quand ilz furēt expulsez par l'euesque Theodoric, pendant q̄ le saint hōme Rodulphus estoit Abbé de .S. Venne & du tēps que lediēt Laurentius abbé, estoit simple religieux dudiēt Rodulphus qui le mena à Diion, ou durāt le tēps qu'ilz furent là fugitifz, lediēt Laurentius fut fait prier claustral dudiēt monastere de sainte Benigne. Lequel office & clerge il administra vertueusemēt & prudēment reformant & reiglant par bon exēple, soubz l'Abbé Geronte les meurs & vices des religieux dudiēt monastere, iusques à ce qu'il fut mādē & appellé pour estre abbé de saint Venne. Partant il estoit cōgneu & aymé dudiēt abbé de sainte Benigne, qui viuoit encores lors de leur seconde expulsion & euasion.

¶ Peu apres le partement dudiēt abbé Laurentius de son monastere de saint Vēne, les religieux qui y estoient demeurez trouuerent maniere d'eschapper petit à petit les vns apres les aultres, quelque bōne garde que les cōmis de l'euesque Richard feissent sur eulx, en sorte qu'il ne demoura audict monastere, sinon aucuns clerics & nouices, qui tost apres furent contrainctz tant par menasses, adulations, que par lettres à eulx enuoyées par Robert abbé de saint Hubert, prēdre lobeissance, & cōmuniquer avec lesdiēt scismaticques euesque & clergé de Verdū. Dequoy aduertty leur abbé Laurentius estāt lors à Diion fugitif fut triste & dolent au possible, si despecha secretement messagier vers eulx avec lettres, par lesquelles leur mandoit, cōmandoit & ordonnoit laisser incontinent la cōmunication desdiēt scismaticques & se retirer vers luy.

*L'abbé Laurentia  
dis prier de .S. Be  
nigne a diion.*

It

*Aucuns nouices  
de .S. Venne sui  
uent leur abbé à di  
ion.*

¶ Entre eulx estoit vn ieune nouice nōmé Hugo, de bōn esprit, feruent au zele de religion, & auquel tous les aultres à ceste occasion auoient grand amour & reuerence. Cestuy l'estoit par deux fois mis en voye & deuoir deschaper & l'en fuir à Diion avec les aultres: Mais il auoit tousiours esté repris par les gardes, ramené au monastere & en icelluy detenu en prison, sortant delaquelle, finalement & poursuiuant son entreprise, la troisieme fois, eschapa avec vn sien cōpaignon nōmé Riczo, en la cōpagnie duquel se retira vers son abbé Laurentius. Les aultres leurs cōpagnōs, qui estoiet demeurez, voyans qu'ilz estoient ainsi eschapez, prirent conseil entre eulx deliberans resoluement en faire autant. Pour quoy executer vn iour entre aultres estans reueftuz d'ornemens d'eglise & ayans la croix, sortirent d'icelle & veindrent iusques à vn lieu appellé Pallecroix ou estoit ediffiēe vne cellule, ou prioré mēbre deuant de leur abbaye de .S. Venne. Auquel lieu ilz entrerent deslors en intention d'y faire de là en auant la residence, & ce faisant euter la communication dudiēt clergé.

*Les nouices de .S.  
Venne se retirent  
à pallecroix, & y  
font residence.*

*Commencement  
de repentence de  
l'euesque Richard*

*L'euesque Richard  
de nature benign  
& bon.*

*Le princier Theo  
doric sedicieux &  
scismaticque.*

¶ De ce departement d'iceulx religieux ou nouices de leurdicte abbaye, ensemble de leur retraicte audict Pallecroix, furent tous ceulx de la cité fort emuez, & en firent grands regretz & lamentations, detestans & mauldissans la prelatore & le gouuernement de l'euesque Richard, ses adherans & cōseillers: dont lediēt euesque fort desplaisant & meū à pitié par les regretz piteux & lamentations populaires, commença à reconnoistre son cas, les grands maulx, scandalles & dommaiges aduenus aux eglises, par la coulpe & obstination d'auoir suiuy les parties de l'Empereur cōtre l'eglise Romaine, l'alliance de laquelle il auoit laissé contre sa propre sciēce & nature par laquelle il estoit doulx noble & benign & neantmoins trop facile à croire, dont procedoit par tout vne opinion & iugement de luy ce qu'il auoit fait & faisoit contre l'eglise catholique n'estre de son propre & seul mouuement, mais par l'induction & exhortations de ses domesticques & familiers. Entre lesquelz estoit le principal & plus fauorit Theodoricus princier de son eglise de Verdū qui continuellemēt l'entretenoit & nourrissoit en l'alliance de l'empereur contre l'eglise Romaine. Au contēpt & mespris delaquelle assure du plaisir qu'il faisoit à l'Empereur, auoit induit & cōseillé lediēt euesque, à faire les dessusdictes tyrannies, violences & oppressions contre l'abbé de saint Venne, ses religieux, l'archidiaque Guido & contre tous les aultres. Brief ce Theodoric estoit le motif principal & cause efficiente de tout le mal cy deuant recité.

¶ Pour

# depuis Hue Capet, iusques à Loys viij. du nō. F. cclxxii.

¶ Pour entendre la qualité de ce Theodoric princier de Verdun, ie vous en diray ptesentement ce que Laurentius Leodiēsis en escript en son collectoire des euesques de Verdun. La ou est faite mētion que ledict Theodoric estoit de natiō Germanique extrait de noblesse anciēne & nepueu de Theodoric euesque de Verdun (dōt auōs cy deuāt traitté) homme neantmoins sedicieux, fier & orgueilleux, comme certes il le monstra bien en ce que vous orrez maintenant.

¶ Du commencement de sa ieunesse aduenant la vacation de la princerie de l'eglise de Verdun, entreprit sur icelle, l'occupa par force & tyrannie, deiectant d'icelle vn notable chanoine de ladicte eglise, qui neantmoins en estoit canonicquemēt pourueu, mesmes rompant violenment sa maison, pillant & gastant tous ses biens, ensemble ceulx de plusieurs chanoynes qui deffendoient ledict prouueu. Et combien qu'à ces causes icelluy Theodoric, eust esté par deux sentences de la Rotte à Rome cōdamné & conuaincu, voire eust encouru les censures & excommunication, contre luy fulminées: Toutefois il ne desista de son entreprinse, mais fit pis, cōtemnāt & mesprisant les excommunications ecclesiastiques & n'en faisant cas pour ce qu'il se sentoit soutenu et supporté par l'Empereur Henry quatrieme, au moyen du scisme de l'eglise cōmencé du temps de Gregoire septieme, lequel excōmunia ledict Henry. iiii. l'Antipape Gilbert, diēt Clement, & tous leurs adherans, entre lesquelz estoient lesdictz Theodoric euesque & cestuy Theodoric princier de Verdun son nepueu, lequel depuis & tout son temps demeura si pertinax & obstiné en son opinion contre l'eglise Romaine, que mesmes quād son oncle l'euesque Theodoric vint à mourir, se voulut recōcilier à l'vnité de leglise catholique & estre absoulz (cōme auons diēt cy dessus) Lediēt princier son nepueu empescha de toute sa puissance sa bōne volonté, l'induisant à demeurer obstiné soubz l'obeissance de l'atipape. Toutefois il ne fut creu pour ce coup: Mais au contraire son conseil reiecté, receut sondict oncle l'absolution & reconciliation requise aux articles de mort. Dont ledict princier fut si desplaisant qu'il en escriuit audiēt Empereur Henry, pour mettre en son indignation & hayne Herimānus euesque de Metz qui auoit asisté à la reconciliation & absolution de sondict oncle. En somme icelluy princier perseuera toute sa vie en son obstination & rebellio contre l'eglise catholique, au contempt delaquelle (cōme i'ay ia dit) principalement & auant tout aultre il induisit & conseilla l'euesque Richard à inobedience, & faire les tirānies susdictes quasi mesmes malgré ledict Richard, qui en fin voyāt les maulx, dissensions, scandalles, pertes & dommages aduenuz & infligez par sa faulte aux eglises de son euesché, se repentent griefuement veint à congnoissance de son mesfait.

*Malignité & obstination du princier Theodoric.*

¶ Dauantage enuiron l'an mil cent quatorze, luy surueindrent aultres causes & occasions, pour lesquelles de iour en iour l'augmentoit son desplaisir & repentir de sorte qu'il delibera absolument laisser totalement l'alliance de l'Empereur.

*Pourquoy l'euesque Richard laisse l'alliance de l'Empereur.*

¶ Les lecteurs pour l'intelligence facile desdictes causes & raisons pourront icy supposer & reduire en memoire ce qu'auons aucunemēt touché en l'euesque precedēt: sçauoir que lors de la prouision faite à nostre euesque Richard de l'euesché de Verdun par la nomination de l'empereur Henry cinquieme, y auoit vn comte ou vicōte en nostre cite de Verdun nommé Raynaldus, qui estoit ausi Comte de Bar & filz de Theodoric, auquel Richerus precedēt euesque auoit donné l'administration dudict Cōté de Verdun si tost qu'il l'eut acheté de Bauldouin frere de Godefroy de Buillon ainsi qu'il est deduit cy deuant en la vie dudit euesque Richerus. Dauantaige conuēt supposer, que cestuy Raynaldus le ieune, auoit vn frere nommé Estiēne qui estoit euesque de Metz en ce mesme temps. Si adueint quelque temps apres la reception & entrée dudit euesque Richard en sondict euesché de Verdun, que les habitans du chasteau Deulevart appartenant à l'euesché de Verdun eurent grosse querelle & cōtention contre les citoyens de Metz, l'un desquelz en hayne & despit dudit debat & à l'ocasion d'icelluy, ceulx de Deulevart prindrent & arresterent par maniere de gaigne ou ostage, puis le meisrent en prison ferme, dont ceulx de Metz irritez, apres quelques sommations faites de le rēdre, voyans qu'on n'en vouloit rien faire par amour assemblerēt grosse compaigne de gens, avec lesquelz veindrēt assaillir ledict chasteau

*Raynaldus Comte de Bar & de Verdun.*

*Dissentio de ceulx de Deulevart contre ceulx de Metz.*

# Le.iiii. liure des antiquitez de la gaule Belgicque

de Deulevart, q̄ ceulx de dedás deffendirēt quelque tēps, attédans & esperās d'heur à aultre secours de la part dudiēt Raynaldus Viconte de Verdū: lequel neātmoins disimulant & differant la deffēce dudiēt chasteau, en faueur de son frere Estienne euesque de Metz, ny alla, ne voulut prendre querelle cōtre son frere, iacoit qu'il eust le serment à la deffēce de l'euesché dudiēt Verdū, des appartenāces duquel estoit lediēt chasteau, qui en fin par sa negligēce & faulte d'estre secouru, fut pris à force, ruiné, desmoly & destruiēt par ceulx de Metz. Dequoy l'euesque Richard deplaisant, & congnoissant telle perte estre aduenue par la coulpe dudiēt Raynaldus, conclud le priuer de l'administration du comté de Verdun. Pour quoy faire l'enuoya adiourner à cōparoir deuant luy, à fin de se veoir priuer d'icelle administratiō dudiēt Cōté & declarer pariure. A l'assignation sur ce donnée ne cōparut lediēt Raynaldus, au moyē dequoy l'euesque Richard proceda par default contre luy, le priuant par sa sentence de l'exercice & gouuernement d'icelluy Cōté, en presence mesmes des nobles & gentilz hōmes du pays. Par l'aduis desquelz, bailla deslors & cōmeit lediēt Cōté ou vicōté de Verdun à Guillaume Comte de Luxembourg, pour ce qu'il luy sembloit for riche & puissant, partant le pourroit mieulx deffendre.

¶ Raynaldus aduertty de ce, en fut tresmalcontent. Si assembla grosse armée avec ses parens & alliez à l'ayde desquelz veint assaillir les terres de l'euesché de Verdū, pour la deffēce desquelles l'euesque Richard & icelluy Guillaume Cōte de Luxebourg firent en toute diligence amas de gens de leur part, puis veindrent au deuant de leurs ennemis, avec lesquelz ilz eurent plusieurs rencontres faisans tandis courtes infinies l'un sur l'autre, gastans & bruslans le pays circōuoisin. Toutefois en fin le Cōte Raynaldus n'eut du meilleur, mais perdit la ville de saint Michel, delaquelle il estoit voué ensemble le chasteau d'icelle qui fut pris quant & la ville: demeurant tout le plat pays d'alentour, quasi destruit & bruslé. Tellement que Raynaldus fut cōtrainct se retirer en son chasteau de Bar, & sy sauluer, neantmoins il n'y demeura lōguemēt en paix: Car l'euesque Richard non content de ce qu'il auoit ia sur luy obtenu mais desirant poursuiure son entreprise, & la mener à son but, enuoya vers l'Empereur hēty. v. duquel il estoit fauorit, à fin d'auoir secours & ayde contre icelluy Raynaldus. L'empereur donnant lieu à la supplication dudiēt euesque Richard, fut incontinent meul'ayder & secourir tant à cause de la faueur qu'il luy portoit que par ce qu'il hayoit le Cōte Raynaldus, & les habitans de saint Michel, obstant que combien qu'ilz feussent du diocese de Verdū, toutefois ilz auoient tousiours tenu l'obeissance de leglise Romaine cōtre lediēt empereur & ses cōfederez scismaticques, chose qui prouoca dauātage icelluy Empereur au secours dudiēt euesque Richard. Voire de sorte qu'il veint en personne avec grosse armée assaillir le chasteau de Bar, ou festoit retiré le Comte raynaldus lequel fut pris prisonnier, & son chasteau de Bar reduiēt au pouuoir dudiēt Empereur. ¶ Aucūs historiēs toutefois (entre lesquelz est Sigebert en son supplement) ont escrit, lediēt Raynaldus auoir esté pris prisonnier par lediēt Empereur dedans le chasteau de Mousson, nō pas en celuy de Bar, ie m'ē raporte à ce qui en est, mais quoy qu'il en soit la verité est q̄ tost apres l'emprisonnemēt Raynaldus, par l'intercession, prieres & faueurs des princes & nobles de la court dudiēt Empereur, il feit sa paix & appoinctement avec luy. A quoy aussi luy ayda beaucoup l'a proximité de lignaige & parētaige d'entre icelluy Empereur & luy: car il fut deliuré sans payer rācon: Toutefois il feit lors foy & hommaige de son chasteau de Bar audiēt Empereur, duquel il promet de là en auant le tenir en fief comme nous trouuons en l'histoire de la cité de Verdun. Es anciēs registres delaquelle, on trouue semblablement sur ce mesme passaiage, que pour fournir aux despens & fraiz qu'il conueint faire durant ladiēte guerre & poursuite faicte cōtre le Cōte Raynaldus, mesmes pour souldoyer les gens d'armes, l'euesque Richard engaigea es mains dudiēt Guillaume Comte de Luxebourg, les villes de Sathenay & Mousay pour la somme de deux cens liures de rente: Combiē qu'à la verité il ne le peust faire bonnement ne iustement: Car son predecesseur euesque Richerus, quand il acquesta de la princesse Mathilde & de Godefroy de Buillon lesdiētes villes de Sathenay & Mousay (ainsi qu'auōs cy deuant recité) obtint expresse

deffense

*Raynaldus frere de Estienne euesque de Metz.*

*Le chasteau de Deulevart ruiné par ceulx de Metz.*

*Raynaldus Comte de Bar priué du cōté de Verdun par sentence de l'euesque.*

*Victoire de l'euesque cōtre Raynaldus Comte de Bar & la ville de S. Michel bruslée.*

*ceulx de S. Michel tenoient pour leglise Romaine cōtre les scismaticques*

*Raynaldus de bar pris prisonnier par l'Empereur henry*

*Le chasteau de bar repris en fief de l'empereur.*

*Guillaume de Luxembourg insitue Comte de Verdū teint Sathenay & Mousay.*



# depuis Hue Capet iusques à Loys. viii. du nō. F. cclxxiiij.

deffense & prohibitiō soubz peine d'excōmunicacion, à tous ses successeurs euesques de Verdū, de aliener n'y engager l'esdictes villes hors leuesché. Chose toutefois que n'obserua icelluy euesque Richard, dont s'ensuiuit grand dommaige & detrimēt à l'euesché. Ce qu'ayant cōgneu l'euesque Richard en porta la penitence sur la fin de ses iours. ¶ Puis qu'il vint a propos traicter encore vn mot du Côte Raynaldus, nous le ferons auant que passer oultre, & nous eslongner dauantage de la matiere poursuiuant laquelle l'escriray de luy par maniere d'incident ce que i'en ay trouué aux anciens chartulaires de l'abbaye de saint Mihiel. Là dōcques est faicte mētion qu'environ ce temps de la guerre meüe par la maniere susdictē entre ledict Raynaldus & l'euesque Richard, adueint & felsement nouvelle questiō & differant entre les religieux de l'abbaye de saint Mihiel & icelluy Côte Raynaldus vvoué d'icelle sur ce que occurrāt & aduenant la vaccation & prouision de ladicte abbaye & institution d'un nouveau abbé, au lieu d'Ulricus abbé d'icelle qui mourut audiēt mesme temps, le Côte Raynaldus vouloit disposer, dōner le bastō pastoral & installer l'abbé nouvellemēt esleu, suiuant l'accord faict sur ce par lesdictz religieux avec le Côte Theodoric son pere, ainsi qu'auons declairé en l'euesque precedēt: Mais lesdictz religieux ne vouloiet endurer ne permettre telle chose, allegans tel accord estre simoniacque & contre disposition de droit. Soubz couleur dequoy procederent à electiō nouvelle, & sans appeler ledict Côte Raynaldus suiuant leur election, instituerent abbé & meirent en possession de leur abbaye vn religieux nōmé Lauzo, dont le Côte ne fut contēt. Et pour ce qu'il soubsteuoit auoir le droit dessus mentionné, par ledict accord & en vertu d'icelluy, & lesdictz religieux au contraire, furent finalement du consentemēt reciproq des parties appelez gens scauans au lieu de saint Mihiel pour decider & terminer ledict differant. Ces iuges ou arbitres accordez (du nōbre desquelz estoit Laurentius abbé de saint Venne lors fugitif à Dilon) ayans ouy les parties, declarerent par sentēce arbitrale que l'accord iadis faict avec les vvouez de ladicte abbaye sur l'instalatiō des nouveaux abbez, estoit nul & simoniacque. partant que de là en auuāt les futurs vvouez n'en vseroiet, ne iouyroient plus, mais suffiroit a l'aduenir incontinent apres les electiōs des nouveaulx abbez, que les religieux se retirassent vers le V voé qui lors seroit, luy declarassent celuy qu'ilz auroient esleu, le priant au surplus luy dōner ayde faueur & conseil en toutes ses necessitez, laquelle sentēce, encores qu'elle derogeast aux preeminences dudiēt Raynaldus vvoué, toutefois il l'accepta & eut pour agreable, en faueur & hōneur des assistās, voire ceda au susdict accord, & quitta ledict droit cōme appert ez antiquitez de ladicte abbaye de saint Mihiel chapitre. xxx ii.

¶ Il m'a semblé n'estre raisonnable, passer oultre en nostre matiere, sans incidemment escrire en cest endroit quelque mot des Côtes de Luxēbourg & de ceulx qui en portoient le nō du tēps des choses cy dessus narrées, & premierement de Guillaume Côte dudiēt lieu, duquel auons nagueres faict mētion, & qui fut institué Vicôte de Verdun contre Raynaldus Côte de Bar. Ce Guillaume dōcques, ou Vuillaume n'estoit en chef Côte de Luxēbourg, (biē qu'il en portast le nō), il estoit filz de Cōrard. ii. du nom, qui ausi portoit le nom de Luxēbourg (cōme auons escript en leuesque Theodoric). Nous traicterons encores cy apres d'icelluy Guillaume quād il restitua le Cōté de Verdun audiēt royaume de Bar. Il eut pour sa part de la succession paternelle, la seigneurie de Guerrye, fut vvoué de saint Maximiā de Treues, ensemble de l'abbaye de Metheloch, enuiron l'an mil octante six. Lediēt Guillaume eut vn frere nōmé Henry de Luxēbourg, qui n'estoit en chef Côte dudiēt Luxembourg nom plus que son frere Guillaume: Toutefois il en portoit le nō, cōme appert par plusieurs lettres autentiques passées soub ledict Henry en date de l'an mil & cent. Nous trouuōs que de son tēps vne veufue Cōtesse d'Arton nōmée Adela dōna l'eglise de Treues, le Cōté d'Arton du consentement de deux ses freres nommez Falco & Valeran. Laquelle donation neātmoins fut depuis querelée par vn Côte de Lēbourg qui auoit espoulé la fille dudiēt Valerā frere de ladicte Adela donatrice, dont sortit & s'ensuiuit grosse guerre, entre ledict Comte de Lēbourg, & l'archeuesque de Treues.

¶ A fin d'entendre & scauoir qui du temps d'icelluy Guillaume, tenoit le Comté de

*Nouvelle querelle entre Raynaldus & les religieux de S. Mihiel, sur les elections des nouveaux Abbez.*

*Lauzo eleu abbe de S. Mihiel apres la mort d'Ulricus*

*Les droitz que les vouez de S. mihiel ont sur les electiōs des nouveaulx abbez.*

*Guillaume de Luxembourg viconte de Verdun.*

*Henry de Luxembourg frere dudiēt Guillaume.*

# Le iiii liure des antiquitez de la gaule Belgicque

*Ermenfon premie  
re du nom cōteſſe  
de Luxembourg.* Luxembourg en chef, est neceſſaire reduire en memoire en ceſt endroit ce que nous auons eſcript deſſus, de Frederic Comte de Luxēbourg, auquel l'Empereur auoit dōné le duché de Mozellanne. Ce frederic mourut l'an mil ſoixāte trois laiſſant vne ſeu-  
*Godefroy de Na-  
mur comte de Lu-  
xembourg de par  
ſa femme.* le fille nōmée Ermenfon premier du nō, aliàs Yoland, laquelle ſucceda audiēt Cōté de Luxembourg, & fut mariée enuirō l'an mil ſoixāte ſix à Godefroy de Namur filz d'Albert deuxieme Comte de Namur. Au moyen dequoy ilz teindrent enſemble les deux Cōtez de Namur & Luxēbourg. Ladiēt Ermenfon mourut enuiron l'an mil cent vingt, auquel temps elle eſtoit fort vieille. Son mary Godefroy de Namur (q̄ Meyerus diēt auoir eu vne aultre femme auant Ermenfon) eſtoit deſcendu en ligne directe d'Emengarde fille de Charles premier duc de Lorraine, conſequemment du ſang de Charlemagne, Ceſtuy eut de ſadiēt femme Ermenfon vn filz & deux filles, le filz nōmmé Henry L'auogle qui ſucceda es deux Comtez de Namur & Luxembourg, ainſi que dirons cy apres. La premiere fille fut mariée à Manaffes Comte de Retelois en Chāpaigne qui querella le Cōté de Namur apres la mort de ſon beau frere Henry l'auogle, toutefois il en fut debouté par l'Empereur Henry. v. encores que le peuple de Namur fauoriſta audiēt Manaffes. La ſecōde fille Alix fut mariée à Bauldouin. iiii. du nom Comte de Haynaud ſurnōmé L'edifieur, & par elle les Comtes de Haynaud furent cōioinctz au ſang de Charlemagne, conſequement de ceulx de Haynaud & d'elle les Roys de France retournerēt au ſang de Charlemagne, cōme nous dirons ſelon l'ordre dū tēps. Nous liſons que ceſtuy Godefroy de Namur eut encores vne autre fille nōmée Elizabeth ou Yſabeau (& ſemble que ſe fut de ſa premiere femme) laquelle fut mariée à Conrard. iiii. du nom qui depuis fut en chef Cōte de Luxembourg par l'authorité de l'Empereur Barbetouſſe, ainſi q̄ dirōs cy apres.

*La repentence de  
l'eueſque Richard*

¶ Pour retourner à la matiere principale de l'eueſque Richard, qu'auons aucunemēt diſcontinuē, & neantmoins neceſſairement, & à fin de plus facilement entendre les cauſes qui le meurent laiſſer l'alliance de l'Empereur & reprēdre celle de legliſe Catholique: Entendez que lediēt eueſque Richard, voyant l'Empereur auoir accordé en la maniere deſſus declarée avec ſon ennemy le Comte Raynaldus de Bar, & iceluy deliuré de priſon, fut grandement trouble, marry & deſplaiſant: meſmes commēça à ſoy deſſier de l'Empereur craignāt (ce qui adueint) que Raynaldus repetaſt le Comté de Verdū duquel il l'auoit priuē, de ſorte que deſlors ſaugmenta & feit plus grand le deſplaiſir & remort de conſcience qu'il auoit ia en ſon cueur d'auoir ſuiuy l'obeiſſance de l'Empereur contre l'egliſe Romaine, dont il eſtoit reputé d'un chacun, ſciſmaticque, au moyen dequoy n'auoit eſté ſacrē eueſque cōme les aultres eueſques. Dauantage luy deſplaiſoient les groſſes alienations des biens de ſon eueſché & les grans dommaiges que ſon egiſe & ſubieētz auoient enduré. Outre apparceuoit que la plus part de la Germanie & aultres princes laiſſoient l'alliance dudiēt Empereur pour retourner en l'obeiſſance de l'egliſe Romaine. A riſon dequoy il delibera, l'abādoner cōme les aultres, reformer ſa vie, & ſon eſtat: Enſemble ſe deliurer de tāt de māulx. Si entreprit à ceſte fin le Voyage de Hieruſalē avec aucuns princes Chreſtiens qui eſtoient preparez pour aller ſubuenir & ayder à Bauldouin Roy de Hieruſalem frere de Godefroy de Buillon, que les turcs & infidelles auoient de nouveau affailly & moleſtoient lors la terre ſaincte. Entre leſdiētz princes & ſeigneurs eſtoit principal, Hugues Comte de Troye en Champagne, pour avec lequel partir l'Eueſque Richard aſſembla groſſe ſomme d'argent delibérant paſſer à Rome en allant, à fin de veoir le Pape, & de luy impettrer abſolution & reintegration en l'Egliſe Catholique, toutefois auant que partir, pour mieulx faire ſon cas quand il ſeroit à Rome & donner apparence de iuſte cauſe de ce qu'il auoit fait, à fin auſſi d'obtenir plus facilement du Pape, ſon abſolution & reintegration en l'Egliſe Catholique, enuoya à Diion certains grands perſonnages, qui à ſa requeſte citerent Laurentius Abbé de ſainct Venne, lors eſtant là fugitif, & ayant puiſſance de Legat Apoſtolicque, es parties de l'Eueſché de Verdun, luy donnans iour certain à ſe trouuer en l'audi-  
dience

*L'eueſque richard  
entreprēt le voya-  
ge de Hieruſalem*

*L'eueſque richard  
fait citer à Rome  
l'abbé Laurens.*

# depuis Hue Capet iusques à Loys. viii. du nō. F. cclxxiii

dience de la Chambre apostolicque pour respondre à ce que ledict Euesque Richard voudroit contre luy proposer, mesmes dire & alleguer les causes pour lesquelles luy & ses religieux l'auoient fuy & reputé excommunié & scismaticque, A ceste citation & sommation l'abbé Laurentius respondit ne luy estre possible aller à Rome ne l'y trouuer obstant qu'il n'auoit faculté de biens pour faire tel voyage: Toutefois si l'euesque Richard qui l'auoit spolié & priué de tous les biens luy vouloit fournir argent necessaire à ce, il se trouueroit à la iournée. Leuesque Richard entendue ceste response & offre, promet de premiere face luy ayder de deniers, mais il n'en fait riens.

Neantmoins ledict abbé Laurentius pour soy iustifier enuoya en diligence à Rome vn sien religieux nommé Rodulphus, bien scauant, qui arriua à Rome plustost que ledict euesque Richard. Et là arriué ledict religieux se retira incontinent, comme il auoit d'ordonance vers l'archediacre Guido faisant illec sa residence, qui en diligence aduertit le Pape Pascal de la venue & entreprise de l'euesque Richard, lequel tost apres le retour de ceulx qu'il auoit enuoyé vers l'abbé Laurentius, estoit party de Verdun en grande pompe & s'estoit ioinct à la compagnie dudit Côte de Troye, marchoit droit à Rome avec les autres pellerins, lesquels aduertiz que le Pape estoit en la cité de Tiburtine ou Tiguli distant de Rome d'environ quatorze mil adrefferent leur chemin celle part, ou arriuez ledict Comte Hugues & tous les autres de sa troupe & suite, s'estans presentez audit Pape, pour auoir sa benediction & permission comme estoit de coustume à tous pellerins allans en Hierusalem, furent humainement receuz dudit Pape & receurent de luy benediction avec licence de parfaire leur voyage: Mais il ne fit grand Comte de l'euesque Richard, dedaignant lequel luy refusa ce qu'il auoit accordé à ses compagnons, par ce qu'il le reputoit rebelle & scismaticque. Dõt il fut beaucoup troublé. Peu apres ce refus l'euesque Richard estât ainsi deiecté hors la maison papale veit d'auenture le Pape regardât par les fenestres, dõt emeu, de grād zele de cōtrition & repēte se prosterna soudain en la place toute boueuse & fangeuse, puis pleurant & soupirant à chaudes larmes & en grande amertume de cuer cria à haulte voix *Miserere mei Miserere mei pie pater*. Lors le Pape emeu à pitié & compassion, combien qu'il eut esté assez aduertiy par l'archidiacre Guido & Rodulphus religieux, susnommé, des grosses oppressions & rebellions que l'euesque Richard, auoit fait cōtre l'eglise Romaine, luy respondit neantmoins, demain en faueur de toy, ie retourneray à Rome, viens avec moy au cōsistoire, là en presence des cardinaulz, ie te donneray absolution & te feray misericorde selon leur aduis & conseil. A quoy Richard dist ie me desmetz presentement de leuesché & bastō pastoral, & te requiers seulement me donner icy absolution sans me contraindre retourner à Rome: Car ie ne puis laisser ma cōpagnie avec laquelle ie me suis mis pour faire le voyage par moy entrepris en Hierusalem. A ce ne luy fit le pape aultre response que la premiere. Quoy voyant, & qu'il persistoit de le tirer à Rome, se leua triste & dolent, & entra en sa litiere, en laquelle il se faisoit porter, par ce qu'il estoit malade d'une fiebure qui l'auoit empoigné par les champs, & iacoit que son mal s'augmentast iournellement de pis en pis neantmoins delibera de suiure sa compagnie se meit desl'heure sur les champs.

*L'abbé Laurentius enuoye son procureur à Rome.*

*L'euesque richard mesprisé & reiecté du Pape.*

*Grande contrition de l'euesque Richard.*

¶ Ou le iour suiuant rencontra d'auenture Richard euesque d'Albanie, qui n'ague- res estoit retourné de sa legation de Germanie, en son euesché d'Albanie. Il ne congneut de prime face ledict Richard euesque de Verdun à l'occasion de sa maladie, mais l'apperceuant estre euesque luy demanda qui es tu, qui presentement vas si malade, par les champs. Je suis (respondit il pleurant à grosses larmes & soupirant du profond du cuer), le miserable banny & deiecté, Richard euesque de Verdun: Dõt l'euesque d'Albanie esbay, & emeu à pitié pource qu'ilz estoient du mesme pays, aussi qu'il estoit de son ancienne congnoissance & amitié, luy demanda cōme il auoit besongné avec le pape. Il luy fit response. Helas, Helas! ie n'ay rien fait & auoit

*Consolation faicte à l'euesque richard par l'euesque d'albanie.*

# Le iiii liure des antiquitez de la gaule Belgicque

*Extreme contrition & repentence de l'uefque Richard.*

*La mort de l'uefque Richard inhumé au môr de Calsine.*

*L'uefché de Verdun vaccant trois ans.*

*Trespas de l'uefque d'Albanie & de l'Archidiaque Guido.*

encores moins trouué misericorde en luy. Voycy la mort qui m'approche de sorte que ie mourray en mes pechez si brief toy mesmes ne me secours. Ce entendu par l'uefque d'Albanie, mesme le recueil fait par le Pape audiēt Richard qui le luy declaira amplement, il le consola, l'enhortant demeurer au mont de Calsine qui estoit pres de la, ou le pria l'attendre quelques iours, pendens lesquelz iroit à Rome, obtiēdroit son absolution, puis retournant vers luy, incontīnēt la luy rapporteroit. A quoy s'accorda l'uefque Richard, au moyen dequoy celuy d'Albanie alla à Rome pour l'effect que dessus & en reucint en grāde diligence: Toutefois il ne sceut tant se hastier, qua son retour à Calsine il ne trouuast mort nostredict eufque Richard, lequel en memoire du passé il feit inhumer en l'eglise du mont de Calsine. Ainsi mourut nostre eufque Richard l'an sept de son institution qu'on cōptoit mil cēt quatorze, sans iamais auoir esté sacré eufque. Depuis son trespas l'uefché de Verdun demeura vaccant & sans pasteur plus de trois ans pour les discords estās lors entre l'eglise Romaine & l'Empire. Semblablement Richard eufque d'Albanie (duquel auons souuēt parlé cy deuant) ne vesquit gueres apres le dict Richard. Au moyen dequoy le Pape bailla l'uefché d'Albanie à l'archidiaque de Verdun Guido, qui pareillement mourut auant qu'il en feust sacré Eufque.

## ¶ QUEL PAPE TENOIT LE SIEGE A ROME du temps de nostre dict eufque Richard deuxieme du nom.

*Vide supra.*

**P**ASCALIS deuxieme du nom (duquel auons escript en l'uefque precedent) teint le siege apostolicque du temps dudit eufque Richard. Il fut eleu l'an mil cent, & deceda l'an mil cent dix huit.

## ¶ QUEL EMPEREVR REGNOIT DV RANT ledict eufque Richard.

*Henry. v. iiii. xx. xi. Empereur.*



**H**ENRY cinquieme de ce nô filz de Henry. iiii. Cōmença à regner l'an mil cent sept, cōbien que son pere l'eust parauant declaré voire coroné roy des Romais. En quoy il se monstra ingrat vers son dict pere, contre lequel enuiron. v. ans auant sa mort, il fessleua par la suggestiō d'aucūs princes & prelatz de Germanie, à l'ayde et faueur desquelz mena grosse guerre à son dict pere soub vmbre de deffendre le Pape & l'eglise Romaine qui l'auoit excommunié cōme scismaticque. Ilz eurent ensemble plusieurs batailles signamēt es pays & cité de Liege, ou en fin le pere mourut de desplaisir laissant Empereur en son lieu son dict filz Henry cinquieme, qui tost apres son deces entreprit cōtre l'eglise Romaine, ainsi que son pere faisoit mesmes pour le regard des inuestitures & institutions des eufchez & abbayes de ses pays, desquelles seul il dispoisoit à son plaisir sans l'authorité de leglise, vsurpāt de son propre mouuement le droit & priuilege qu'on pretendoit lors auoir du passé esté donné à Charlemagne, à l'egard desdictes inuestitures prouisions & collations. Au moyē dequoy ledict Henry. v. fut excōmunié du Pape Paschal, vers lequel quelque peu apres se retira en Italie, simulāt & faignāt vouloir faire paix avec luy, à fin qu'il peust de luy obtenir la couronne imperiale, laquelle il obtient cōme vous sera recité apres auoir fait serment solemnel de n'vsfer plus du dict priuilege pretendu, ny vsurper de là en auāt le droit desdictes inuestitures des benefices. Il fut receu à Rome bien honorablemēt, tāt du Pape q̄ des Cardinaulx au deuant de l'eglise de saint Pierre, entrent en laquelle quand & le pape, contre son serment & promesse fait tiranniquement & violemment prendre ledict Pape & ses cardinaulx, spolier & piller tous leurs biens, & les mettre en prison fermée, d'ou ne partirent iusquēs à cē que le Pape l'eut coronné, & par force confirmé le priuilege qu'il pretendoit es inuestitures des benefices deses pays, esquelz peu apres s'en retourna, puis prit à femme Mathilde fille du roy d'Angleterre nommē Henry filz de Guillaume, le conquerant, laquelle il feit coronner Imperatrix en la

# depuis Hue Capet, iusques à Loys, viii. du nō. F. cclxxv.

en la cite de Mayance par l'archeuesque de Coulōgne. Ceste Mathilde fut bonne & sainte femme tant qu'elle vesquit iacoit que son mary ne luy en donnast occasion: mais plustost de mal & mauuais gouuernement, dont les subiectz desplaisans scandализez & irritez vserent vers luy de plusieurs rebellions, tellement que la plus part des terres & seigneuries de l'Empire en Germanie fut diuisee entre les princes rebelles, si bien q̄ deslors l'empire commença fort à diminuer. Finalement lediēt Empereur Hēry fut contraint renōcer es mains du Pape Calixte, & soubz luy ceder à tous les priuileges & droitz qu'il auoit à force extorqué du Pape Pascal, touchāt la nominatiō des eueschez, abhayes & aultres benefices ecclesiasticques de Germanie. Puis mourut l'ā de grace mil cēt vingt sept, apres auoir regné vingt ans. Son corps fut inhumé à Spire avec ses predecesseurs.

## QVI REGNOIT EN FRANCE DV

temps de l'euesque Richard.

**L**Oys. vi. du nom surnommé le gros filz du roy Philippe premier de ce nom, veint à la couronne de France l'an mil cent sept selon aucuns, les aultres dient l'an mil cent neuf. Le m'en remetx à la verité. Ce roy Loys fut couronné à Orleans par l'archeuesque de Sens, iacoit que l'Archeuesque de Reims, eust enuoyé vers luy embassade luy remonstrer, que selon l'ancienne coustume, il se deuoit faire sacrer à Reims. Il fut vertueux prince tout son temps & vainquit plusieurs fois les Anglois. Au commencement de son regne il eut plusieurs aduersaires, ses parens mesmes, & aultres princes de Frāce, qu'il subiuuga finalement & les renga en son obeissance. Entre ceulx cy, estoient Philippe, son frere bastard, Tiebauld cōte de Chāpagne, chartres, & Bloys, Eude Cōte de Corbeil Hugues seigneur du Puiset en Beauſſe Guide Rochefort, Hugues decrecy & Aymō Noirevache seigneur de Bourbō. Les places & seigneuries desqz il attribua à sa iurisdiction & les reduisit en sa souueraineté. En reconnoissance de la victoire qu'il obtint contre ces deuāt nōmez & leurs alliez, il fōda l'Abbaye de saint Victor lez Paris Sa femme nōmée Alix fille du Cōte de Vertus luy fit six filz & vne fille. Laisné Philippe fut corōné roy, & regna deux ans seulement. Au bout desquelz mourut d'une cheutte de cheual. Le. ij. Loys, surnōmé le ieune, succeda au royaume. Le. iii. appelé Pierre fut seigneur de Courtenay, Le. iiii. Robert qui estoit laisné apres Philippe fut priué de la couronne par ce qu'il estoit insensé: Toutefois on le fit Cōte de Dreux. Le. v. nōmé Henry, se rendit chartreux, depuis fut euesque de Beauuais, & quelques ans apres archeuesque de Reims. Le. vi. Philippe ainsi que l'aisné obtint l'archidiaconé de Paris, & quelques iours depuis refusa leuesché dudiēt lieu pour la bailler à Maistre Pierre Lōbard celuy mesmes qui fit le liure des sentēces. Lediēt Roy Loys mourut ayant regné trente ans, & fut inhumé à saint Denis, l'an mil cēt trente sept.

*Loys. vi. xli. Roy France.*

## QVEL DVC TENOIT LORRAINE DV

temps de l'euesque Richard.

**B**AVLDOVIN frere de Godefroy de Buillon, & .ii. roy de Hierusalē, se disoit duc de Lorraine par la mort de son diēt frere Godefroy (cōme à esté diēt au precedent euesque) & pour ce que force luy estoit de mourir en son royaume de Hierusalē ou il regnoit du tēps d'icelluy nostre euesque Richard. Le duché & pays de Lorraine estoit ce pēdāt gouuerné soubz sa main & autorité par Guillaume le plus ieune de ses freres, duquel escrirons plus amplement en leuesque subsequent.

*Vide supra.*

## QVI POSSEDOIT LE COMTE DE BAR DV RANT

le pontificat de l'euesque Richard.

**R**E G N A V L D aultrement Raynaldus, filz aisné de Theodorice susmentioné succeda apres son pere au comté de Bar & seigneurie de Mousson, l'an mil cent cinq, aussi eut du commencement de son regne administration du comté de Verdun soubz lediēt euesque Richard. ij. qui depuis l'en priua pource qu'il n'auoit satisfait au serment par luy presté,

*Regnald ou rai- naldus. i. du nom Comte de Bar.*

# Le iiii. liure des antiquitez de la gaule belgicque

*Raynaldus Comte de Bar à verdun edifie le chasteau de la Courtlouue*

*Les enfans de Raynaldus de Bar.*

presté, de deffendre l'euesché, ensemble ses appartenances, la tuitiō & garde desquelz fut à ce moyen baillée avec l'administration d'icelluy comté de Verdun au côté de Luxembourg; dont ledict Raynaldus eueut grosse guerre laquelle cessée il retira par force l'administratiō d'icelluy comté: Puis edifia le chasteau de la Courtlouue, & feit maulx innumerables à Verdun & en l'abbaye de saint Michel, ainsi qu'on peult voir parce qu'auōs escript cy deuant en cest euesque Richard. ij, & que traiterōs cy apres, es euesques Héry, vrsio & Albero. Toutefois il rédit aux religieus dudiēt saint Michel le chasteau dudiēt lieu, moyēnant quelque argent qu'ilz luy en baillerēt auant sa mort quelques iours. Il diuisa & distribua ses seigneuries à ses enfans, entre lesquelz i'en ay trouué quatre, dont l'aîné s'appelloit Hugo, cestuy eut Bar, à Rainaldus le iune bailla la Vvourie de saint Michel. Et le troisieme filz, nommé Theodoric, fut Euesque de Metz. Sa fille, nommée Sophie, maria à vn Côte de Chisny, nommé Arnoul, nepueu d'Albero, Euesque de Verdun. De tous ceulx cy nous escrivons selon l'ordre du temps. Finalement le Côte Rainaldus estant fort viel, viuant quasi solitairement, & ayant fait plusieurs donations aux eglises, mourut l'an mil cent quarente neuf.

¶ Iay trouué en vne histoire autentique, que oultre les quatre enfans susnommez cestuy Regnauld de Bar eut de sa femme Gisla fille de Sigifride Comte de Briey diocese de Metz: Encores aultres cinq enfans à sçauoir Tiebauld qui fut seigneur de Sathenay, Monzay & Clermont. Henry Côte de mouzōn. Loys qui fut chanoine de Liege & Abbé de l'Abbaye dicte Amaniensis. Adelle faite religieuse voylée, & Berthe mourut ieune.

¶ Dauātage on trouue es catalogues des euesques de Liege es chapitres traités des euesques Alexandre & Albero deuxieme, que ce Regnauld de Bar, vn iour entre aultres prit d'amblee le chasteau de buillon sur ledict euesque Alexandre, & l'occupa depuis iusques au tēps dudiēt euesque Albero son successeur, qui le veint assaillir dedans ledict chasteau, ou il se deffendit vaillāment, tellemēt que les Liegeois ne pouuoient mordre sur luy. Au moyen de quoy voyans ne pouuoir faire aulre chose porterent avec eulx le corps saint Lambert en vne bataille & rencontre qu'ilz eurent avec ledict Raynaldus. Si aduint durant le confliēt vn grand miracle, ce fut que Hugues filz dudiēt Regnauld ieune enfant regardāt lors l'assemblée par vne fenestre, deueint soudainement insensé & enragé tombāt comme mort en la place. Quoy fait chāt son pere rendit le chasteau paisiblement, suppliāt en grāde deuotion au benoid saint rendre la santé à son filz, ce qu'il obtint depuis. A l'occasion & reuerēce de tel miracle fut instituée au diocese de Liege la feste de la translation saint Lambert qu'on obserue & solemnize encores auiourdhuy.

*Regnauld prit le chasteau de Buillon par force lequel il rendit miraculeusement.*

¶ LES SVCCESSEURS DES PRINCES DE HAYNAULD conioinētz au sang d'Emengarde fille de Charles premier duc de Lorraine qui tenoiet Haynauld, du temps de nostre euesque Richard.

*Vide supra.*

BAVLDOVYN le plus ieune des deux filz de Richilde (duquel auōs ia escript en l'euesque Theodoric) teint le côté de Haynauld durant nostredict euesque Richard deuxieme du nom

¶ FIN DE LA VIE DE RICHARD quarante troisieme euesque de Verdun.

# depuis Hue Capet, iusques à Loys viij. du nō. F. cclxxvj.

**S**ATISFAISANT à ce que iay promis, ie trāscriray icy l'epistre ou Apologie en forme de defenſe, enuoyée par l'abbé Laurentius lors expulsé de son abbaye, aux euesques Richard. ii. & son clergé de Verdū, auxquelz s'excusant des iniures, opprobres & crimes, par eulx imputez & qu'ilz auoiēt obiecte audiēt abbé & ses religieuz, il mōstre cleremēt n'auoir esté cause des controuerses, debatz, & dissentions estās lors entre eulx, mais ce qu'il auoit fait estre de iustice & equité, ensemble pour la defenſe de Dieu & de son eglise Catholique.

## MIRABILIS EPISTOLA LAURENTII

*Abbatis sancti Vironi.*

**F**RATER. L. Catholicus domino miserēte, Abbas, deo disponente, abbatia pulsus, homine persequente, clericatis Viridunen. quod merentur. Litteras non ad nos sed de nobis & cōtra nos, vos cōperimus edidisse, editas emisisse, & emissis nil quidpiā respondisse. Vnde potestis conūcere quomodo recepta sunt. Nos autem vobis respondendū censuimus, vestra potius saluti prospicientes quā nostrā innocentiam (quā deo satis nota est) defendentes. Et nos quidē decreueramus vobis nihil pœnitens scribere, & persecutiones vestras taciti potius tollerare, ne nos verbo salte videremur vlesci, exēplo prophetæ dicētis. Cū consisteret peccator aduersū me obmutui, & humiliatus sum & silui. A bonis domini etiā verbis nos consolantes, quibus ait. Beati eritis cum maledixerint vobis homines & persecuti vos fuerint, & dixerint omne malū aduersum vos mentientes propter me. Sed quia ipsi nos prouocastis ignaros verum in nos concitantes obiectionibus vestris respondere cōpellimur, vobis ipsis in hoc etiā profuturi si ea que scribimus legere ad finē vsque dignemini. Aliquoties nouimus euenisse, vt qui iniuriā irrogauit, prior properauerit ad tribunal, prior arbitros instigari, prior expetierit vliōnē, hoc in vestra innocentia ipsi nuperrimē admisisistis cū Remensi & Cathalaunensi ecclesie vestras litteras destinastis quicquid vobis in buccā ascendit in nos eructantes ad excusandas excusationes in peccatis cor vestrū in verba malitiæ declinātes, iniurias quas nobis ipsis infertis, nos vobis inferre culpātes. Ad quæ omnia si pro vt cōpetit rescribamus, frustra forsitā faciemus, cū qui nos ipsos abūcūis, apices vtiq; nostros nec lectione quidē dignos estimabitis. Suspiciamur enim quia scripta nostra & si quidā odio nostri despiciunt, quidā legendi saltē curiositate respicient. Qua de causa vestris calūnijs non subsanatione ironica sed ratione veridica respondemus, in ipso vestrarū primordio litterarū me & monachos nostros erga vos immoderatos & indiscretos per antiphrasim dicitis extiuisse & querimonias nostras ab omni veritate alienas existere. Et ego & monachi nostri, imo nobis cōmissi modū & discretionē erga vos eo vsque tenuimus, quo vsque salua animarū nostrarū salute & salua sedis apostolicę obedientia, immoderata & indiscreta audacia despexistis. Immoderati & indiscreti vobis videmur, quia modo & discretioni vniuersali ecclesie cōcordare malui. us, preceptis apostolicis obediēdo, quā vobis cōmunicare immoderate & indiscrete eadē contēnendo. Querimonie autem nostrę quas ab omni veritate dicitis alienas vtinā non tā verę vtinā non tā omni veritati vicinę contigę & indiuiduę essent. Quas si vniuersas enumerare conemur in ipso nostro conatu deficiemus. Sed sicut omnes replicare non est possibilitatis, ita omnes pretermittere nō vtiq; conueniat, vt autē plurimis omisissis ea tantū ponamus quæ conquerendi nobis materiā maximā inuēsserūt. In festiuitate beati Vironi, vespertinā horā nobis canentibus vos de industria nos turbare volētes super nos irruistis. Et quia nō statim ostiis reſeratis vos excepimus, ire vestre offensā incurrimus, cū nos non ob aliud distulerimus vos statim recipere, quia necdū pulsatis vespertinis si quando (vt moris erat) aduentū vestrū prestolabamur nec cōmunionē vestrā nisi offenso vniuersitatis domino poteramus habere. Tūc vnū conuersorū nostrorū à quibusdā vestrū impelli, distrahi, vellari caput barbāque aspeximus aspicientes doluimus dolentes ei subuenire nequiuimus. Tūc ipse (vtinā nunquā abbas) congregationē mihi cōmissā patroni letā festiuitatem vidi cū perturbatione incipere, cū ieiunio deducere, cū luctu finire. Tūc nobis clauēs erarij ac non multo post armarij sunt albate quas ipse acceperā quando à congregatione concorditer sum electus, à catholico episcopo canonice consecratus & totius abbatię potestate donatus. Ea tūc potestate priuatus sum, nulla legitima accusatione pulsatus, nullo crimine conuictus, nullo canonico iudicio cōdēnatus. Nos ob id tā rē quod sedi apostolicę parebā, quia excommunicatis cōmunicare timebā, & commissos mihi non permittebā facile purgari posse dicitis quod neque scandalo lingua neque actu commissum est. O si ea que vtroque modo in nos commissā sunt sigillatim recensere velimus & nos in scribendo

## Le.iii. liure des antiquitez de la gaule Belgicque,

Et lector deficit in legēdo. Vt enim omittā quod ego ipse non abbas, non frater, nō saltem Laurētius sed Laurētius nominabar, rogo nōne scandalū lingua erat, quando fratres nostros non monachos sed rusticos, gardones, pautonarios, aduenas, penuria cōgregatos vocabatis? Aut nūquid nō immērito scādaliari poterāt qui de seculo cōuersi alibus se vocabulis denotari audiebāt? Actū etiā ipso, nōne magnū in nos scandalū cōmisisistis: quando nos potestate abbatiæ & intus & extra priuastis: quādo custodiā claustrī vobis vsurpastis: quādo quosdā conuersorū & monachorū colaphizabatis: quando eis orātibz iuxta eos accubantes orationes eorū prepediebatis: quādo ancillis dei cū accensis luminaribus psalmos cātantibus & orantibus quidā vestrū cum risibus & cachinnis eas infestabat, & exsufflantes earū luminaria extinguebāt: rogo, nōne magnū inferebatis nobis scādaliū: quādo quosdam confratres nostros qui ob deuotionem à nobis se communicari petiuerant, postquam à nobis fuerant communicati ipsi eos confraternitatem nostram negare coegistis & communioni à nobis datæ vestram supposuistis. Hanc violentiam intulistis Ioanni de Arubus, Luzoni & Herico canonicis. Si conscientiam vestram coram deo in veritate conuenire velitis hæc omnia vera esse ac per hoc querimonie patere cognoscitis. Sed forte opponitis nostrum non fuisse canonicorum vestrorum confessiones recipere nec eos communicare debuisse, nec plane fecissemus, si vos quorū officij confessiones recipere gradu presbiterij preditos esse & gratiam sedis apostolicæ habere sciremus, sed eum vtrūq; vobis deesse constat. Rogo, quæ fuit illa immanitas qua in animas confratrum nostrorum odio nostri in tantum scāuisistis vt eos communionem nostri, qui catholice & apostolice sedi communicamus ac per hoc catholici sumus compuleritis negare? & cum tanto periculo ad illud tremendi iudicis examen feceritis exire? O quicumque hæc nobis referentibus audunt stuporē pro admiratione concipiunt, & hoc vos fecisse, vos factum non dolere, vehementissime dolent. Quid etiam de Aselino precentore dicam? qui cum in ipso mortis articulo animam suam electo nostro committere vellet, & ille eam suscipere nolisset, necessitate suprema compulsus Torpinum pictorem misit ad accersendum me, ad quem cum venissem, ex precepto vestro Hebertus filius Gundaldi, a mihi ostium obserauit, vt me ad eum qui me rogauerat, qui me desiderabat, nullatenus ingressurum sacramento interposito testaretur. Ludonem quoque & Valterum & quoslibet alios quomodo possumus preterire? qui quia deuotionis causa ad nos veniebant publicæ quibusdam causis denunciastis ne ad nos vt pote hereticos ulterius venire auderent. Quibus cognitis quilibet arbiter estimet, qui hæc & his deteriora nobis intulistis vtrum contra nos aliquid iniurie machinam erexeritis, an sicut ipsi vestre interrogationi respondentes, subiunxistis nullam. Ac nos contra multam enormemq; intolerabilem nisi per hanc iniuriarum machinam nos cælum scansuros speramus. Nam vt adhuc de iniuriarum machina erecta contra nos pauca ponamus, rogo quid minus antiquis martirum persecutoribus in nos fecistis? Antiquitus martires verborum conuicijs dehonestabantur, colaphis cedebantur, patrimonis priuabantur, de loco ad locum fugere cogebantur, in vias publicas progredi vetabantur, emere vel vendere non permittiebantur, ad vltimum vario mortis genere necabantur. Hoc postremo excepto superiora omnia et in eorum passionibus legimus & in nostris tribulationibus experti sumus, nisi quod illi passi sunt pro suorum augenda gloria meritorum, nos vtinam patiamur pro nostrorum munienda ignominia peccatorum. Hæc sunt que non vt ipsi dicitis de quasi exilio, sed (de re vera) exilio nostro vos accusabiles, & nos reddunt excusabiles. Quod autem in diffamatione vestri nostram sanctitatem nos dicitis confregisse, sed scriptori vestro condonandum est qui verbum quod aptius poneret, ignorauit. Verum vt quod dixit contemnamus, & id quod dicere voluit condemnemus, nobis non opus est vt vos diffamemus. Nam ipsa vita vestra vos vbique diffamat & si patienter auditis diffamando infamat. Vbi enim nō diffamatiū est, quod cū sacri canones censeant ecclesiam vltra tres menses episcopo vacare non debere, nos iam quinto anno sine episcopalibus officijs esse patimini. In tanto annorum spatio quis apud vos criminofus pœnitentiæ est submissus? quis pœnitens? quod oleum consecratum? quod crisma consecratum? qui sacri ordines distributi? quis ignorat quod is ipse quem pastorem elegistis, non ut pastor ouem pascit, sed vt tyrannus cædibus, rapinis, incendijs in nos oēs defeuit vt lupus, dispargit, lacerat, consumit qui etiam limitē potestatis vtcunq; acceptæ excedit, qui cum non nisi dominiū temporalium de manu regis acceperit, ipse cum infra ordines sit, ordines ecclesiæ spernens ordinare presumit, dans vel auferens archidiaconatus, preposituras, precenturas, decanias, abbatias, quibus vult, & quomodo vult. In quibus est ille qui abbatia Flammacensi repudiatus ab ecclesia Diuionēsi, cui iubente domino abbate suo Rodulpho professionem



# depuis Hue Capet, iusques à Loys, viii. du nō. F. cclxxvij.

professionem fecit fugitiuus, ab abbate Diuionensi excommunicatus, virgam pastoralem (qua in aeternum verberandus) suscipere presumpsit. Cuius praesumptionis se participes effecerunt, & illi qui tam infami personae curam pastoralem commiserunt, & qui se ei committi perpessi sunt, qui ipsi quoque contra eos qui Rom. ecclesiae resistunt librum auctoritatibus multum confecerunt, & credimus quia modo iuxta quod rustici dicunt cultum duas leges habere alium librum complicabit subiturus sententiam apostoli dicentis. Si ea quae destruxi reedifico iterum preuaricatore me ipsum constituo. Huc accedit etiam, quod qui Virdunensem ecclesiam nouerunt, vniuersi sciunt, scientes mirantur, mirantes detestantur, quod vos ipsi decani dicimini, contra canones agitatis, cum & officium decanorum tenetis, & officij gradum, id est, presbyteratum suscipere recusastis, unde prudentes quique conueniunt, aut vos Episcopos habere suspectos à quibus ordinari refugitis, aut tale quid admisisse propter quod ad gradum officij nostri accedere non audetis. Haec sunt quae vos nobis etiam tacentibus ubique diffamant. Sanè de Archiepiscopi Treuironum epistola ad communionem nostram commonitoria cui consultu abbatis Roberti fratres assenserunt, absit ut quemadmodum dicitis, ab hac concordia, ab hoc osculo ut vobis videtur, sancto, ut ego affirmo, illicito, consensus noster non discrepauerit, semper enim discrepauit & nunquam concordabit. Quod euidenter tristendi cum fratres qui se tali osculo contaminauerunt ad poenitentiam prouocauimus. Et hoc feci Dei spiritu tactus, de quo notarius vester bene dixit: Nescio quo spiritu. Si enim eo spiritu quo ecclesia catholica per rectores suos penitentes ad poenitentiam exhortatur plenius esset quo spiritu tactus sum utique non nescisset. Sed animalis homo non percipit ea quae sunt spiritus Dei. Nōne enim spiritus Dei me tetigit cum fratres mihi commissos quia excommunicatis excommunicare pati nō cogerebantur communicasse cognoueram poenitentiae subdidi, & ne iterum communicare pati non cogerebantur, locum mutare praecipui. Hoc inquam feci spiritu Dei tactus, cui ipsi audacissime restitistis cum literis Apostolicis infra scriptis obedire contempsistis, & in hoc contemptu usque hodie perduratis.

**PASCALIS EPISCOPVS** Seruus Seruorum Dei: fratribus Virdunen. ecclesiae catholicae, salutem & apostolicam bened. Richardum ecclesiae vestrae occupatorem à sancta Romana ecclesia pro suis meritis excommunicatum, & si haec tunc non legistis certius tamen scire & audisse nos credimus. Hoc autem scripto vobis denunciamus quatenus eum excommunicatum scientes communionem eius omnino deuiteris. Sanè abbatem sancti Vitoni, vel & Guidonem Archid. pro catholice veritatis dilectione dignitatibus rebusque suis spoliatos audiuimus. Praecipimus ergo si qua penes vos beati Petri & nostri obedientia est, ut bonus suis restituantur. Si autem praesentibus literis obedire contempseritis nos ecclesiam vestram à diuinis officiis interdicimus. Quis vero ab huius erroris macula resipuerint confratris nostri Treuiren. archiepiscopi supradicti abbatis consilio catholice unitati reconcilientur. Praefatum Guidonem noueritis apud vos diaconum ordinatum. Datum latum xv. Kalend. April.

Paschalis papae epistola.

**HAS LITERAS CVM IS QVI** attulerat super altare posuisset, vos non solum eas recipere & relegere despexistis, sed insuper in eum vnanimiter irruentes & capillos eius vellentes iuxta altare matris misericordiae eum sine misericordia caecidistis, casum ab ecclesia extraxistis, extractum vincistis, vincitum ad aliam compedibus alligandum & carcere detrudendum destinastis. Sed ad haec (quod soletis) apponitis. Canonicus noster erat, Papam illicenter adierat, & ideo nihil cupiam deliquimus, si in clericum nostrum nostram iniuriam vlti sumus. Vox ista, vox vestra est, sed non vox rationis, non iudicij, non aequitatis. Concedamus enim quia canonicus vester erat, cur ergo eum canonicè non tractastis? Canonicè autem tractauissetis si tunc quidem quando nobis literas, & mandata Domini Papae deserebat & à quo veniebat reuerentiam seruaretis, & literas apostolicas ut filij vniuersales ecclesiae reuerenter susciperetis, susceptas legeretis, lectis obediretis, aut si vos sentiretis obedire non posse, causas vestrae impossibilitatis ei qui iusserat suggereretis, & suggerentes ut praecipuum superaret humiliter poscentes. Deinde si aduersus illum vestrum canonicum aliquid querimoniae vos habere crederetis inter confratres & pares eum conuenientes iudicio eorum quod deliquerat corrigeretis. Quis catholicorum neget hoc totum ita fieri debuisse? & ita factum esse si corde vestro dominam rationem, ira ancilla non praerisset? Si qua penes vos reuerentia Dei & beati Petri mansisset, si tanto ausu vestra fraternitas à fraternitate totius ecclesiae diuidi timuisset. Cum vero sedes apostolica iussis suis vos obedire monuisset comperisset has literas ad me iterum destinauit.

Finis epistola.

# Le.iii. liure des antiquitez de la gaule Belgicque


Alia epistola.

**P**ASCALIS Episcopus Seruus Seruorum Dei, dilecto filio Laurentio abbati sancti Vito-  
ni, salutem & apostolicam benedictionem. Richardus viridanen. ad nos veniens, nullam reatus sui  
satisfactionem ecclesie fecit, vnde nec a nobis in communicationem susceptus, nec a vinculo ex-  
communicationis absolutus est. Quapropter dilectioni tue mandamus, vt illius consortium omni-  
no deuities, & tam eum quam fautores eius a nobis excommunicatos esse denuncies & omnes qui  
ei scienter communicant, &c. Accepis litteris apostolicis, non eis non potui parere, ne si vestram  
communione contra Domini pape interdictum haberem, eiusdem totius ecclesie communione ha-  
bere non possem. Vnde pacem vniuersalis ecclesie vestra pace feci pluris, & fratres mihi commis-  
sos vt quietius & Christianius vincerent consilio catholicorum, & ipsius domini pape migrare ad  
alia precepi. Qui autem intra prouincia adhuc a me retenti sunt, non sicut vos improprie dixistis,  
& per lucos sine iugo vagantur: sed ideo ad alia nunc vsq; differunt transmigrare, vt si Deus omnipo-  
tens cor vestrum ad penitentiam emolliret, eo citius ecclesiam suam reintroirent, quo non longius  
discessissent. Quod si nos in incepto viderimus perdurare quo alios illo & istos erasducemus, &  
quosquos nobis inobedientes extiterint per potestatem a domino papa nobis indultam a corpore ca-  
tholice ecclesie precipiantur. Quod autem dixistis de stabilitate quam fratres iurauerunt beato  
Vitono, & non beato abbati Laurentio, hanc ironiam vestra frater qui dictauit tacitus preterire  
non potuit, etiam me volente. Nunc itaque respondete obsecro absque preteritione. Iustum est an  
iniustum est, vt sedi apostolice obediatur? vt excommunicatorum communio caueatur? Nullus ius-  
tus negat. At nos apostolice sedi obedimus, ac nos communionem excommunicatorum cauemus:  
quia hoc iustum esse testimonio omnis iusti probamus. Dominus autem in euangelio dicit. Beati qui  
persecutionem patiuntur propter iustitiam. Si hoc verum est, immo quod veritas dicit, verum non  
esse non potest. Beatos videlicet qui persecutionem patiuntur propter iustitiam. Nos autem propter  
eam iustitiam, qua iustum est, vt sedi apostolice obediatur, vt excommunicatorum comunio cauea-  
tur, persecutionem patimur. Ergo beati sumus, ergo fratri quoque Laurentio nomen huius beatitudi-  
nis non immerito coaptatur, quia & ipse propter iustitiam persecutionem patitur. Fratres autem  
qui propter stabilitatem quam iurauerant exire timuerunt, vel se timere sinxerunt, vere ibi trepi-  
dauerunt timore, vbi non erat timor. Recte enim hoc dicerent, si non propter illos locum, sed pro-  
pter locum illos dominus elegisset. Recte hoc dicerent, si vt beato Vitono, sic & parietibus ecclesie  
iurauissent. At non excelsus in manufactis habitat. Recte, nunquam habitatione loci sui mutare ti-  
merent, si salua pace apostolice sedis ibidem consistere possent. Super cuius nimirum fundamentum  
vniuersalis ecclesia fundata subsistit, domino testante, qui ait. Tu es Petrus & super hanc pe-  
tram edificabo ecclesiam meam. Vnde monachus quisque tandiu peccat, si loci suam habitationem  
mutat, quandiu ibi stabilitas fidei generalis nomen mutat. Tandiu ecclesie sue parietibus stabili-  
tatem promissam debet, quandiu ibidem bonos mores super vniuersalis fidei fundamentum stare sta-  
biliter vider. Ceterum si hac ibi ceperit vacillare, scilicet profecto est ibi cum anime pericu-  
lo parietes obseruare, qui certe pro periculo corporis fugere festinaret, si ei proxime ruituros  
paulisper cerneret titubare. Quod illis qui ad faciendam penitentiam de seculo conuersi sunt, ma-  
xime expedire beatus Hieronymus ostendit, dicens. Si volueris perfecte penitentiam agere, segre-  
gare te debes a consortio peccatorum vel omnium malorum, & fugere in alium locum vt per-  
fecte agere possis. Si iuxta tanti doctoris consilium acturus perfecte penitentiam, vitandum est  
consortium peccatorum & omnium malorum, & fugiendum in alium locum, nemo magis ma-  
lus est quam qui a corpore ecclesie catholice, merito inobedientie sue Anathematis gladio pre-  
cisus est. Rogo, non bene fecerunt fratres nostri qui se a talium peccatorum consortio segregan-  
tes, ad locum alium profugerunt? At quod agendum beati etiam Cipriani magisterio roboramur,  
magno presbytero, ita scribentis. Ecclesia vna est, quae intus & foris esse non potest. Si enim apud  
Novatianum est, apud Cornelium non fuit. Si vero apud Cornelium fuit qui Fabiano episcopo le-  
gitima ordinatione successit, Novatianus in ecclesia non est: nec Episcopus computari potest. Et  
Paulo post. Inuenimus in talifacmore, non solum duces & authores, sed & participes petus de-  
stinari nisi se a crimine malorum separauerint precipiente domino per Moysen. Separamini a  
tabernaculis hominum istorum durissimorum, & nolite tangi ab eis omnibus ne simul pereatis in  
peccatis eorum. Et quod comminatus per Moysen fuerat impleuit, vt quisquis se a Chore & Da-  
tam, & Abiron non separasset penas pro impietate persolueret. Quo exemplo ostenditur, &  
probatum obnoxios culpe, & pena futuros qui se scismaticis contra prepositos, & sacerdotes irre-  
ligiosa temeritate imiscuerint. Quis vero sit scismaticus beato Isidoro demonstrante in proprio est.  
Scif.

depuis Hue Capet, iusques à Loys, viii. du nō. F. cclxxviij.

scismaticus (inquit) est qui quidem rectam confiteri se simulat fidem: sed sanctorum patrum traditiones superbe contemnit & se aliqua maleuolentia ab unitate ecclesie scindit. Obsecramus vos per Christum hanc sententiam diligentissima intentione notate, notantes intelligite, intelligentes caueate. Sanctorum patrum traditiones sunt ante omnia, ut fides catholica obseruetur, ut eadem fides bonis operibus exornetur, ut sedi apostolicæ quæ mater est omnium ecclesiarum ab omnibus ecclesie filiis obediatur, ut eorum communio qui ab ea excommunicati sunt, deuictur, ut honores ecclesiastici absque interuentu simoniæ dispensentur, ut libera mater ecclesia sub nulla seruitute laica ancilletur, ut ministri eius à canonibus non discordent, ut usuris non intendant, ut nulla se succubarum pollutione commaculent. Ecce istæ sunt traditiones sanctorum patrum quas omnes euangelicis, apostolicis, prophetis & canonicis testimonijs comprobare facillimum esset, nisi nos epistolæ breuitas coarctaret. A quibus quicumque discordare se sentit, si non dolet, omnem profusus sensum doloris amisit. Qui nimirum sensus ut in eo aliquatenus reuiuifcat acriori stimulo pungendus est, ut deprehendatur si forte membro quid exterius obstupuit aliquis in intimis sensus dolendi remansit. Pelagius papa V iatori & Pancratio: Inter cetera à scismaticorum sacrificijs, potius autem sacrilegijs abstinere debetis. Idem in eadem epistola. Non est corpus Christi quod conficit scismaticus: nec etiam diuisum Christum poterit quisquam, sine apostolici reprobatione cõfringere. Vnã (ut saepe dictum est) quæ corpus Christi est, esse constat, ecclesiam, quæ in duo vel in plura diuidi non potest. Similiter verò cum ab ea quisquam discesserit, esse desistit ecclesia, vnum Hierusalem templum est. Idolis necesse ut immolet qui semetipsum diuifert. Gregorius in registro. Nos cõsecrationem nullo modo dicere possumus, quæ ab excommunicatis est celebrata. Notate rogamus vos, notate quæ legitis quia non sunt nostra, sed Pontificum illius ecclesie verba sunt, à cuius ecclesie unitate quicumque separatur, membris vniuersalis ecclesie, cuius ipsa caput est, non vnitur. Tam autem patentia sunt ipsa ut dilucidari non egeant. Manifestimè namque demonstrat, quod eorum sacrificia qui extra ecclesiam sunt, irrita sint & nullius omnino momenti. Extra ecclesiam autem sunt omnes heretici, scismatici, simoniaci, & quicumque ab ecclesia per excommunicationis gladium præcisi. Quod euidenter Augustinus ostendit Valeriano Patricio scribens ita. Vide vtrum scismatici non sint qui se ab eminentissima & manifestissima autoritate apostolicarum sedium separauerunt. Apostolicas autem sedes appellat, quæ vel apostolicas epistolas acceperunt, vel in quibus apostoli sederunt, sicuti Hierosolimam, vbi Iacobus, vbi Ioannes. Antiochia, vbi primo Petrus. Alexandria, vbi Marcus, Roma vbi itidem Petrus sedit, &c.

## LA VIE DE HENRY quarantequatrieme Euesque de Verdun.



**HENRY PREMIER** du nom, quarantequatrieme euesque de Verdun, obtint l'euesché l'an de grace mil cent dixsept, apres qu'il eut vacqué de pasteur enuiron trois ans & demy, depuis le deces de l'euesque Richard deuxieme du nom, son predecesseur dernier.

*Henry premier du nom. xliij. euesque de Verdun.*

¶ Pour mieulx entēdre ses faitz & gestes, & declarer le moyen de sa promotion audict euesché, m'a semblé bō, voire necessaire deduire par maniere de presuppotion, l'estat & gouuernemēt de nostre cité de Verdun pēdant la vocation de l'euesché dudiēt lieu. Des le commencement de laquelle (comme dit Laurent Leodien.)

Aa ij en son

# Le iiii. liure des antiquitez de la gaule belgicque

en son histoire. Et si tost que les chanoines & clergé de Verdun furent assurez de la mort de l'euesque Richard: mesmes de la contrition & desplaisir qu'il auoit eu à la fin de ses iours, d'auoir si longuement demeuré obstiné contre l'eglise catholique, & que de ce, il auoit obtenu son absolution & rehabilitation du siege apostolicque, delibere-  
berent faire le semblable, & reprendre l'obeissance du siege Romain. De fait ex-  
curans leur deliberation, enuoyerent vers Bruno archeuesque de Treues, leur Me-  
tropolitain & Legat apostolicque, duquel ilz obtiendret absolution & rehabilitations: Consequemment furent reduictz à l'vniõ de l'eglise catholique.

*Le clergé de Ver-  
dun retourne en  
la cõmuniõ de l'e-  
glise catholique:*

¶ Dequoy aduertit le bon Laurentius abbé de saint Venne, qui (ainsi qu'auons dict en l'euesque precedent) estant deietté de son abbaye, y auoit lors plus de trois ans, s'estoit retiré avec la pluspart de ses religieux en l'abbaye de .S. Benigne à Dyion, ou par la permission de Geronto abbé dudit lieu, luy & sesdictz religieux fugitifz, faisoient leur residence, retourna à Verdun avec sesdictz religieux. Si fut avec grande ioye tant du clergé que du peuple, remis & reintegré en son monastere: ou peu apres son retour, trouua les tresors, reliques, lettres, chartres & plusieurs autres bonnes bagues & biens tant meubles qu'immeubles d'icelle abbaye, estre allienéz & occupez par diuerses personnes: mais signamment par les alliez & fauoritz de l'euesque Richard, lesquelz il poursuyuit par monitions, citations & voyes de Justice, à fin de restitution d'icellx biens, deuant ledict archeuesque de Treues Metropolitain: tellement qu'il recouura la pluspart desdictz biens: notâment ceulx qui estoient es mains des chanoines, officiers, seculiers & seruiteurs dudit euesque Richard. Reseruant toutesfoys & remettant iusques au temps du prochain euesque, la poursuite des autres biens qu'i celluy Richard auoit applicqué à luy & à son fisque, ainsi que sera dit cy apres.

*L'abbé Laurer &  
ses religieux, re-  
tournerent à Ver-  
dun, & sont resti-  
tuez en l'abbaye  
de saint Venne.*

¶ Pendant ce mesme temps de la vocation du siege Episcopal de Verdun, Raynaldus comte de Bar, a qui l'euesque Richard auoit osté le comté de Verdun, & Guillaume comte de Luxembourg, auquel icelluy mesme euesque auoit donné ledict comté, dont procederent entre eulx grosses guerres & dissensions, feirent paix & accord ensemble par le moyen de leurs amis: notâment de l'empereur Henry cinquieme, qui auoit deliuré de ses prisons ledit comte Raynaldus, luy restitué son chateau de Bar, & icelluy remis en sa grace: comme auons dit dessus.

*Accord entre  
Raynaldus de Bar,  
& Guillaume de  
Luxembourg, tou-  
chant le comte de  
Verdun.*

¶ Par la cõposition & traité faitz entre ces deux comtes, l'administratiõ du comté de Verdun, fut restituée audict Raynaldus: moyennant le payement qu'il feit au cõte Guillaume de tous les fraiz, despens, dommages & interestz, par luy soustenuz durans leurs susdictes guerres & dissensions. D'auantage ledict comte Raynaldus rendit audict Guillaume de Luxembourg l'argent qu'il auoit baillé & aduancé audict euesque Richard au commencement desdictes guerres, & pour fournir aux fraiz d'icelles. Pour seureté duquel argent icelluy euesque auoit engagé les seigneuries de Sathenay & Mousay es mains dudit comte Guillaume. Qui au moyen dudit remboursement, restitua & remeit es mains dudit Raynaldus icelles seigneuries de Sathenay & Mousay: lesquelles deslors ledict comte de Bar applica & vnit à son domaine, ou tousiours depuis elles ont demeuré, & encores de present en sont: iacõit que la premiere acquisition ait esté faite au profit de l'euesché de Verdun.

*Comment Sathenay & Mousay  
veindret aux cõ-  
tes de Bar.*

*Les Citoyens de  
Verdun empeschent  
que Raynaldus soit  
comte de Verdun.*

¶ Les citoyens de Verdun aduertiz de tel accord & composition ainsi faitz entre lesdictz deux princes, n'en furent moins contens que beaucoup irritez: car ilz ne vouloient que le comte Raynaldus teint ny administrast le comté de Verdun. Si delibere-  
rent ensemblement y contredire & l'empescher, aduisans à ceste fin de refuser l'ou-  
uerture des portes & l'entrée en la cité, audict comte Raynaldus quand il y viendroit. Chose qu'ilz meirent en effect: A raison dequoy lesdictz deux comtes de Bar & Lu-  
xembourg

# depuis Hue Capet, iusques à Loys, viii. du nom. F. cclxxij

xembourg, voulans reciproquement fuyure & executer le contenu de leur appoinctement, assemblerent grosse armée avec laquelle veindrent assaillir la cité de Verdun, s'efforçans y entrer par force, ce qu'ilz eussent fait à la fin : mais les citoyens qui auoient conclud & arresté de leur resister, aduisans la force n'estre de leur part, & qu'il estoit necessaire les surprendre par finesse ou trahison, demãderent trefues, avec assignation de iour, pour respondre aufdictz côtes & aduiser entre eulx s'ilz rendroient la cité ou non. Ce qu'ilz requeroiēt leur fut accordé : & leuans le siege iceulx deux princes se retirerent & s'en retournerent iusques au iour de l'assignation qu'ilz reuindrent deuant la cité, afin d'entendre le vouloir des Citoyens, lesquels assurez du retour de leurs ennemis ensemble de leur desordre, sortirent en bon ordre & bien equipez de la cité : puis les veindrent assaillir par derriere sans que les autres s'en donnassent de garde, de sorte qu'il y eut grosse batterie, & plusieurs gens tuez & blesez de costé & d'autre : Mesmes le comte Raynaldus y fut grandement blezé, dont s'ensuyuirent depuis plusieurs haines & inimitiez, qui causerent & moyennerent mauix infiniz, guerre ouuerte entre ceulx de la cité & lesdictz deux comtes. Ce qui fut occasion que si longuement l'euesché demeura vaecant & sans pasteur.

*Trahison des Citoyens de Verdun & le comte de Bar blezé.*

¶ Peu auant ce temps, mesmement enuiron l'an mil cent douze, l'empereur Henry huitiesme, nouuellement lors retourné de son premier voyage d'Italie, prit à femme Mathilde ou Mahaulde fille de Henry, premier du nom, roy d'Angleterre, qui succeda audict royaume par la mort de son frere Guillaumé le Roux, en l'absence de son autre frere aisné Robert duc de Normandie, qui n'estoit encor retourné du voyage de l'expedition de Hierusalem : en sorte que ledict Henry au preiudice de son frere Robert, s'empara tres bien du royaume d'Angleterre : & pour se fortifier contre sondict frere absent, espousa la bonne royne Marguerite, fille de Mader, roy d'Escoffe, qui luy fait deux filz, l'un Guillaume, l'autre Richard : & ladicte Mathilde qui fut mariée audict empereur Henry cinquiemesme : les nopces duquel furent magnificquemēt celebrées à Magonce, ou pendāt icelles veint Lothaire duc de Saxonie, qui tousiours par auant auoit este rebelle à l'empereur, à qui s'estant ietté à ses piedz, & seulement vestu de robe sans ceinture, il cria en fin mercy.

*Mathilde fille du roy d'Angleterre femme de l'empereur Henry. v.*

¶ Or l'imperatrix Mathilde sortant d'Angleterre & venant en Germanie espouset ledict empereur, admena avec elle de son pais plusieurs de ses seruiteurs & domestiques. Entre autres vn sien chapelain & aumosnier nômé Henry homme trescauar es lettres humaines, & qui pour lors en Angleterre estoit archidiacre en l'eglise dicte Guimitouiensis alias Vvintonēsis audict pais d'Angleterre. Cestuy aduertiy de la lōgue vacation de l'euesché de Verdun, qui estoit de trois ans & plus, sceut tant bien iouer son roole vers sa maistresse l'imperatrix Mathilde, qu'elle impetra & obtint de l'empereur Henry son mary, l'euesché de Verdun, au nom de sondict aumosnier Henry : qui pour mieulx venir au but de son intētion, ayant esgard aux troubles, guerres & dissentions qui lors estoient à Verdun, y enuoya aucuns embassadeurs, avec grands dons & presens pour corrompre les Citoyens dudit Verdun, & les induyre à luy estre favorables. Il obtint facilement ce qu'il desiroit : parquoy veint à Verdun ou les Virduinois le receurent en grande ioye, honneur & reuerence, l'an mil cent dixsept.

*L'euesque Henry Anglois chappelain de l'imperatrix.*

*Henry receu euesque de Verdun, par les Citoyens du lieu.*

¶ Peu apres son entrée & reception, il enuoya vers Bruno archeuesque de Treues son Metropolitan, à ce qu'il feust par luy sacré & cōfirmé euesque de Verdun, soubz la donation & inuestiture que luy en auoit fait l'empereur : mais Bruno en ce temps bon catholicque, & viuant soubz l'obeissance de l'eglise Romaine, refusa le sacrer & confirmer, improuuant consequemment sa prouision, laquelle ne fut moins mal receue par Guido archeuesque de Vienne (duquel cy dessus auons parlé) qui semblablement estoit lors Legat apostolicque es parties de Gaule, & depuis fut pape nommé Calixte deuxiesme.

# Le iiii. liure des antiquitez de la gaule belgicque

*L'uefque Henry  
excommunié par le  
legat apostolique.*

¶ Car si tost qu'il eut aduertissement de ladiète prouision d'icelluy Henry faicte par l'Empereur contre les decretz de l'Eglise Romaine, il interdiét & excommunia icelluy Henry nouveau Euesque: Dôt assurez le venerable Laurentius Abbé de Saint Venne, ses religieux & tous ceulx de Verdun qui tenoient pour l'Eglise catholique euitent la communication. Dequoy il n'estoit moins marry & ne viuoit en moindres regretz & peines que de se voir non sacré, auquel estat il demoura l'espace d'un an, & iusques à ce qu'il se retira vers le bon Abbé Laurentius pour aduiser & auoir conseil de son affaire.

*L'uefque Henry  
allant à Rome re-  
contré par les gés  
darmes de L'empereur.*

¶ L'abbé Laurent l'ayant entendu luy conseilla se remettre soubz l'alliance & obeissance de l'Eglise catholique, & à ceste fin s'en aller à Rome vers le Pape, de qui facilement il obtiendroit absolution ensemble confirmation dudiét Euesché. Ce conseil & aduis receu par l'uefque Henry, il se meit en chemin en intention de visiter le siege apostolicque, mais en allant fut de fortune rencontré par vn capitaine & quelques gensdarmes de l'armée que l'Empereur Henry conduisoit pour la seconde foys en Italie & à Rome, ou ceste mesme année il alla de rechef esperant induire le Pape par amour ou parforce à reuoker les censures & excommuniemens promulguez contre luy & pour lesquelz toute la Germanie l'esmouuoit en rebellion contre luy, voire se vouloit substraire de son alliance & obeissance.

*L'uefque Henry  
rehabilié & con-  
sacré à Milau par  
le Legat aposto-  
licque.*

¶ Ce capitaine doncques & ses gensdarmes informez des causes du voyage dudiét uefque Henry le prindrent & detindrent quelque temps prisonnier. Toutefois il trouua maniere d'eschapper de leurs mains & se retirer à Milan ou il trouua vn Cardinal de Rome Legat du siege apostolicque & uefque de Cremonne nommé Ioannes, auquel il declara les causes de son voyage comme il auoit esté pris & arresté prisonnier sur les chemins par les gés de l'Empereur & depuis eschappé de leurs mains, le tout entendu par lediét Legat apostolique & eu egard que lors toute l'Italie estoit pleine des gés d'armes dudiét Empereur, parquoy si lediét Henry Euesque qui cherchoit la reception en l'obeissance catholique se mettoit en chemin plus auant il pourroit tomber en danger de sa personne, il le receut pour ces causes audict Milan ou peu apres comme ayant puissance du Pape luy donna l'absolution puis le sacra Euesque de Verdun. Luy conseillant s'en retourner en son euesché de Verdun. Ce qu'il feist le plus tost qu'il peult.

¶ Toutefois il ne sceut tant se diligenter qu'auant qu'il y arriuaist l'Empereur Henry peu auant certioré de ce qu'il auoit repris l'obeissance de l'Eglise Romaine contre luy & le priuilege par luy pretendu & querellé n'eust ià enuoyé messagiers à Verdun avec lettres par lesquelles il commandoit à ceulx de la cité prendre & arrester prisonnier lediét uefque, puis luy enuoyer & mener soubz seure gardé pour en faire la punition telle que le cas requerroit.

*Les citoyens de Ver-  
dun de lordonnā-  
ce de L'empereur  
refusent les portes  
à l'uefque Henry.*

¶ Au moié dequoy & soubz le pretexte desdictes lettres, quād lediét uefque cuidoit estre ioieusement receu des siens, les portes de la cité luy furent fermées par les citoyens qui luy en refuserent l'entrée luy faisant entendre le mandemēt de l'Empereur & luy declarant qu'il vouloient y obeyr, consequenment tenir contre luy pour la part d'icelluy Empereur. Partant fut l'uefque Henry contrainct soy retirer à Hatonchastel ou tost apres il assembla grosse armée avec laquelle menassant & deffiant ceulx de la cité faisoit iournellement courses & pillages sur eulx, en sorte qu'il n'osoient sortir de leur cité. Brief il feist tant de maulx aux citoyens ensemble à ceulx de l'Eglise & du chapitre qu'il le prindrent en grande haine & desdain, mesmes escriuirent contre luy plusieurs articles pour l'accuser tant deuant les Legatz apostolicques des pays de deça les Montz, qu'au consistoire de Rome, allegās esdictes articles que par simonie & voyé inique il auoit obtenu l'uefché de Verdun, comme plus aulong sera deduiét cy apres.

*L'uefque Henry  
faict guerre à ceulx  
de la cité & du  
clergé.*

¶ Pendans

# depuis Hue Capet, iusques à Loys viij. du nom. F. cclxxij

¶ Pendans ces choses enuiron l'an mil centdixneuf, mourut Bauldouyn second Roy de Hierusalem frere de Godefroy de Buillon. Peu auant sa mort s'appareurent plusieurs prodiges & choses monstrueuses signifians & denotans assez son trespas, & d'autres qui moururent enuiron ce mesme temps. Audiēt Bauldouyn succeda en Hierusalem Bauldouyn surnomé du Bour, seigneur d'Edisse ou Rages, en Mesopotamie, filz de Hugues conte de Rethel alias de Roussi, cousin desdiētz Godefroy de Buillon & Bauldouyn deuxieme Roy de Hierusalem.

*La mort de Bauldouyn Roy de Hierusalem.*

¶ Nous trouuons que tost apres le deces dudiēt Roy Bauldouyn, Eustace comte de Boulongne sur la mer, son frere mourut semblablement. Il auoit succedé audiēt comte de Boulongne par la mort de l'ancien Eustace son pere & selon le partage fait du consentement de ses freres en l'an cent nonantesept. Sediēt freres eurent autres seigneuries, comme le duché de Lorraine, le Royaume de Hierusalem, la Baronnie de Iaynuille, & autres. Cestuy Eustace teint tout son temps l'alliāce de Bauldouyn Securis comte de Flādres. Tellement qu'apres sa mort il deffendit Clemēce mere dudiēt Bauldouyn douairiere de Flandres contre Charles le bon nepueu d'icelluy mesme Bauldouyn, touteffois lediēt Charles demeuravictorieux & ses ennemis deffaiēt. A raison dequoy le pays de Boulōgne fut quasi tout destruit, pillé & gasté soubz lediēt Eustace qui deceda quelque temps apres laissant de sa femme fille du conte de Mortaing vne seule fille nommée Mathilde, laquelle espousa Eatiēne comte de Bloys qui succeda au Royaume d'Angleterre comme nous escrirons cy apres.

*La mort d'Eustace comte de Boulongne.*

*Mathilde fille d'Eustace deuxieme comte de Boulongne.*

¶ L'an precedent mil centdixhuit mourut pareillemēt Guillaume le plus ieune des freres de Godefroy de Buillon. Cestuy auoit eu pour son partaige la baronnie de Iaynuille & autres seigneuries circonuoyines, aussi auoit gouuerné le duché de Lorraine en l'absence & soubz les noms cōsecutiuetment de ses deux freres Godefroy & Bauldouyn. Pour la reuerence desquelz ne porta iamais ny se voulut attribuer le tiltre de duc de Lorraine au moins appertement: combien qu'on trouue en quelques actes de fondatiōs qu'il se nommoit duc de Lorraine, ensemble gouuerneur, ainsi mesme qu'on peut voir par vne donation qu'il feit à Saint Maximian de Treues, de laquelle donation, j'ay quelque fois extraict vne clause qu'il m'a semblé bō inferer en cest endroit. Ladiēt donation commence.

*La mort de Guillaume gouuerneur de Lorraine & Baron de Iaynuille.*

¶ **IN NOMINE PATRIS &c.** Puis ladiēt clause est telle. *Saluti nostre prouidere volētes. &c. Nos Guillelm<sup>o</sup> pia memorie domini Eustacii comitis Bolognie ac domina Ida ducisse lothoringie filius & dominorū meorum regum pariterque ducum Godefridi videlicet & Balduini frater &c. Dux lotharingie, Marchio & rector, damus hoc presenti scripto singulis annis in perpetuum, quinque plaustra vini que capiāt &c. ut orent pro salute nostra vxoris nostre filiorumque nostrorum, Theodorici primogeniti nostri &c. Datum octauo Kalēdas Ianuarij. Anno millesimo centesimo decimo secundo.*

*Guillaume Barō de Iaynuille eut deux femmes.*

Nous trouuons qu'il eut deux femmes, Dont la premiere fut Geltrude fille du comte de Los, la deuxieme Mathilde fille de Gerard duc de Mozellanne. Il laissa trois filz qui lui succederent comme s'ensuit.

*Theodoric duc de Lorraine premier du nom.*

¶ Theodoric le premier & aîné succeda au duché de Lorraine duquel il prit le nom & tiltre en l'an mil centdixneuf, incontinent apres la mort de, son oncle Bauldouyn duc de Lorraine & Roy de Hierusalem. Nous escrirons plus amplement des faitz dudiēt Theodoric en la fin de la vie de nostre present euesque Héry en l'ordre des ducz de Lorraine.

¶ Godefroy le second filz dudiēt Guillaume eut pour son partaige la barōnie de Iaynuille. Nous trouuons que viuant encores sondiēt pere mesme enuiron l'an mil centhuit ou plustost selon aucuns il entreprit le voyage de Hierusalem tant pour visiter son oncle Bauldouyn lors Roy de Hierusalem, que pour avec luy deffēdre la terre sainte, ce qu'il feit durant la vie de sondiēt oncle, de sorte que de son temps s'augmenta de beaucoup lediēt Royaulme de Hierusalem, car icelluy Bauldouyn conquesta la cité d'Assur, aliās Antipatride appartenant iadis à Herode, située entre Iappe & cesarée, & depuis Cesarée Palestine & la cité de Tholomaide, soubz la dominatiō de la cité de Thir metropolitaine de la prouince de Phenisse ou il eut victoire contre les Egypciēs

*Godefroy premier du nom Baron de Iaynuille.*

## Le.iii. liure des antiquitez de la gaule Belgicque

*Conquestes faictes par Godefroy de Iainuille avec son oncle Bauldouyn Roy de Hierusalé*

qui le veindrét là assaillir, mais leur Caliphe y fut tue. Estdictes cōquestes ou à la plus part d'icelles assista ledict Godefroy de Iainuille. Puis quelque tēps apres la mort de sondict oncle Bauldouyn qui adueint l'an mil cētdixneuf, il reueint en sa baronnie de Iainuille qu'il gouerna iusques enuiron l'an mil cēt vingthuit auquel tēps alla de vie à trespas laissant vn filz nōmé Godefroy deuxieme du nō duquel nous escrirons selon l'ordre du temps. Le n'ay trouué ou son corps fut inhumé, toutestois il est vray semblable que ce fut à Cleruault ou lors de sa mort & auparauant saint Bernard estoit abbé florissant en toutes vertuz comme escrit Meyerus en son histoire soubz l'année mil centquinze, soub ces motz. *Diuus Bernardus Burgundio genere hoc anno fit primus Abbas Clara uatis.* I'ay leu que cestuy Godefroy premier du nom baron de Iainuille eut plusieurs enfans de sa femme Iehanne fille de Iean de Harcourt.

*Henry de Iainuille ou de Lorraine filz dudidit Guillaume.*

*Les Roys de portugal ont pris origine de Henry de Lorraine ou de Iainuille.*

¶ Henry troisieme & plus ieune des filz dudidit Guillaume, baron de Iainuille, estant encores en fleur de ieunesse & voyant plusieurs princes & cheualiers entreprendre le voiage de Hierusalé delibera y aller pour veoir ses oncle & frere, Bauldouyn Roy de Hierusalem & ledict Godefroy premier du nom baron de Iainuille De fait l'an mil centdix s'embarqua à Marseille, en intention de faire voile en terre sainte mais la tempeste & fortune de mer ou bien par deliberation de ceulx qui le conduisoient fait que les nauires veindrent aborder es parties de Galice. Ou Henry aiant pris terre trouua Alphonse sixieme du nom lequel depuis la mort de Sanctius son frere qui l'auoit expulsé d'Espaigne, auoit ia recouré les Royaumes de Leon & Castille, Etlors de l'arriuee d'icelluy Henry poursuiuoit le reste. Au moien dequoy Henry prit alliance & partie soubz luy faisant de là en auant tant d'armes & de prouesses contre les Sarrazins & Arabiens qui occupoient le Royaume de Tollette qui finalement en furent chassez, & la pluspart des faictz par le moien dudidit Henry qui lors estoit capitaine general de l'armée dudidit Alphonse qui peu apres en reconnoissance des seruices & plaisirs receuz dudidit Henry luy fait espouser sa fille Therasia qu'il auoit engendrée en vne sienne concubine, lui baillant pour le douaire de ladicte Therasia & en faueur de son mariage, vne portion du pais de Galice de present appellée Portugal. Ainsi d'iceulx Henry & Therasia sa femme ont pris origine les Roys de Portugal à present regnās, au moins comme l'a escrit Michaël Ricci<sup>s</sup> en son quatrieme liure des Roys d'Espaigne, ou il dict. *Suscepit Alphonfus ex pellice Therasiam qua nupsit Henrico comiti Lotharingia, dotata Gallacia parte quo Portugalia nūc appellatur unde Portugalia reges originem trahunt.* Si les lecteurs veullent voir plus amplement les faictz & gestes d'icelluy Henry aient recours aux histoires de Portugal.

*Hugues premier du nom secd cōte de Vvaudemont.*

¶ L'an mil centvingt ou enuiron, mourut semblablement Gerard premier comte de Vvaudemōt (duquel auons escrit en l'Euesque Theodorice: partant n'en feray aultre mention. Son filz Hugues premier du non luy succeda au côté de Vvaudemont. Cestuy prit pour femme Anne fille de Simon premier du nom duc de Lorraine comme appert par les lettres de confirmation des priuileges du monastere de Dellevalle: lesquelles se trouue escripte ceste clause.

*Ego Hugo comes Vadamontis filius Gerardi quondam &c. Nouerit vniuersitas vestra quod ego deum habens pre oculis omnes elemosinas & donationes vniuersas quas pater meus Gerardus & mater mea Heluidis ecclesie Bellæ uallis & fratribus ibidem deo seruiantibus pro remedio &c. Ego etiam Hugo de salute mea sollicitus, de uolūate & assensu uxoris mee Anne de Lotharingia & filij mei Gerardi, vniuersa laudo, approbo & confirmo acrum anno domini millesimo centesimo trigesimo quarto.*

¶ On trouue encores vne aultre confirmation qu'il fait à l'Abbaye de Beaupré lez l'Enneuille ou est escrit ce qui l'en suit. *Quoniam mundus in maligno positus legitimas*



# depuis Hue Capet, iusques à Loys viij. du nō. F. cclxxxi.

*mas fidelium donationes impie conatur infringere. Idcirco ratio postulat ut ea que pro augmento ecclesiarū rationabiliter donata sunt nos quoque rationabiliter confirmare curemus &c. Nouerit igitur vniuersitas fidelū quod ego comes Vvodonis mōtis filius domini Gerardi Comitis Vvodonis assensu vxoris mee & dominæ Annæ de lotharingia & filiorum meorum Gerardi, & Vvrici &c. Quod nos pro salute animarum nostrarum concedimus & confirmamus dilectis fratribus Belleprati quicquid &c. Actū anno ab incarnatione domini millesimo cētesimo sexagesimotertio.*  
Enquoy meſmes lon peult facilement inferer que lediēt Huges estoit aſlez viel lors qu'il mourut qui fut l'an mil cent ſoixāte. Il laiſſa pluſieurs filz & filles l'aiſné deſquelz nommē Gerard luy ſucceda au comté de Vvau demont.

¶ Enuiron l'an mil cent dix huit (aſin que reprenons noſtre matiere) mourut le pape Paſcal. Toſt apres la mort duquel les Romains d'un commun accord & aſſentement eleurent pape en ſon lieu vng nommē Jean natif de Cayette homme de grand ſeauoir & de ſaincte vie, qu'ilz appellerēt Gelafius deuxieme du nom. Ceſtuy eut au commencement de ſon pontificat pluſieurs aduerſitez & tribulations par le faiēt de l'em pereur Henry cinquieme qui feit elire antipape vng nommē Mauricius Burdinus, lequel parauant auoit comme Scifmatique eſtē depoſé & prouué de l'Eueſché de Bra carente, en Eſpagne. Et fut appellé par l'Empereur & ſes adherens Gregorius, puis toſt apres ſon election mis & inthroniſé à force au ſiege papal de Rome. A raiſon de quoy le bon ſainct homme Gelafius apres pluſieurs ſuittes fut en fin contrainēt venir en France faire ſa reſidēce en l'abbaye de Cluny, ou lui ſurueint vne maladie dont il mourut vn an apres ſon election. Quoy voiant les Cardinaulx qui estoient à ſa ſuitte & preſens à ſa mort eleurent d'un commun accord Guido Archeueſque de V iē ne qu'ilz nommerēt Calixte homme vertueux, ſcauant, magnanime extraiēt d'anciē ne nobleſſe & tresgrande comme du ſang Royal de France d'une part & parent de l'Empereur Henry lors regnant d'autre part. Jacques Meyerus dit en ſon hiſtoire de Flandres qu'il estoit frere d'Eſtienne duc de Bourgōgne, & de Clemēce vſufructiere de Flandres: Cōſequentment oncle, à Bauldouyn dit Securis comte de Flandres bien prochain parent des Roys de Hieruſalem & de leur ſang.

*La mort du pape Paſcal.*

*Gelafius ū. ſucceſ ſeur du Pape Paſ cal.*

*L'antipape Burdi nus appellé Gre gorius.*

*Calixte eleu Pape apres Gelafius.*

*Concile à Reims par le Pape Calix te.*

¶ Ledict Guido dit pape Calixte feit d'entrēe grande difficulté de prendre la charge du papat: tout eſſoys ayēt toſt apres receu aduertissement que les autres cardinaulx eſtans à Rome auoient ratifié & confirmé ſon electiō prit couraige ſi bien qu'il delibe ra aller à Rome. Neātmoins auant ſon partement teint concilē ſinodal à Reims (com me diēt Laurent leodien. en ſon collectoire) ou il institua pluſieurs beaux decretz Anatematizant de noueveau tous layz qui ſ'entremettoient faire inueſtitures des be nefices eccleſiaſtiques & les conſerer contre les precedens decretz de l'Egliſe.

*Frederic eueſque du Liege.*

¶ En icelluy concile le pape consacra eueſque de Liege vn bon & ſainct homme nom mē Frederic qui pour ſes merites fut nombrē entrē les ſainctz de Paradis.

*L'eueſque Henry confirmé par le Pape Calixte.*

¶ Semblablement Henry noſtre eueſque de Verdun y obtieint en perſonne confirma tion de ſon eueſché, & ce aſſez facilement: & parce qu'il auoit repris l'obbeiffance de legliſe Romaine, choſe qui cauſa que l'on n'eut egard à tout ce que ſes parties aduer ſes tant du clergé que de la cité de Verdun auoient allegué contre luy. Il obtieint ou tre dudiēt pape vn reſcript ou mandat adreſſant à ceulx de Verdun & au bon abbé Laurent à ce qu'ilz obeiffent audiēt Henry comme eueſque: mais ceulx de la cité non obſtans les commandemens du pape le reſuferent & ne voulurēt le receuoir pour ce qu'ilz tenoient le party de l'Empereur Henry. Le bon abbé Laurētius ne feit difficul té ains obtemperant au ſiege apoſtolicque le receut combien que ce ne luy feust ag greable d'autant qu'il auoit vn gros proces contre lediēt Henry ſur la repetition des biens de ſon eglise & abbaye de ſainct Venne qu'il tenoit & vſurpoit par force.

¶ Quand l'Eueſque Henry veit le refus que ceulx de la cité faiſoient de le receuoir, il ſe retira vers Raynaldus comte de Bar qu'il ſcauoit auoir querelle contre la diſte ci té à

# Le.iii. liure des antiquitez de la gaule Belgicque

*Leuefque Henry & le comte Raynaldus gaignerēt par affaulx la citē de Verdun.*

*Verdū, en la partie de ſainct Agry ſouue brulēe.*

té à raiſon du comté d'icelle. Si feirent enſemble alliance, par le moyen de laquelle drefſerent vne groſſe armée, puis veindrent aſſaillir la citē, qui du commencement fut aſſez bien deffendue, & leur reſiſterent vaillamment les Virduuoys, pour vn temps, & en pluſieurs barailles: Toutefois finalement furent vaincuz, & ſur eulx priſe & gaignēe par leſdictz eueſque & cōte, la partie de la citē qu'on dit oultre les pons, laquelle ilz pillerēt, tuās & mettās à mort inhumainemēt tout ceulx qu'ilz y trouuerēt: puis bouterent le feu en icelle partie en forte que les eglifeſ, ſainct Agry, ſainct Saulueur & ſainct Pierre le Cheury, furent toutes brulēes, qui donna tant de crainte & frayeur, à ceulx de la citē que le iour ſuyuant le reſte d'icelle citē ou eſt ſituēe l'eglife principale, ſe rendit au vouloir deſdictz eueſques & comte Raynaldus.

*L'eglife de Verdū priſe par le comte Raynaldus & tous les Citoyens Rançonnez.*

¶ Or la plus grande part des Citoyens, meſmes des plus apparens, feſtoit retirēe en ladiēte eglife Cathedrale, pour la crainte de la fureur dudiēt comte Raynaldus, & ſoubz eſperance que luy & l'eueſque Henry auroient reuerence à la vierge Marie, en l'honneur de laquelle ladiēte eglife eſt dediēe & fondēe, partant ſeroient en ſecurētē de leurs perſonnes: Toutefois icelluy comte veint aſſaillir ladiēte eglife, la prit à force, & les Citoyens eſtans dedans, qu'il contraignit payer rançon, ſelon la valeur de leurs biens, puis remeit en ſes mains l'adminiſtration du comté. Pareillement l'eueſque Henry ſe feit le iour ſuyuant receuoir en l'eglife, & y chanta ſolennellement en pontificat, la Meſſe. Ainſi furent icelux eueſque & comte ioyſſans de leur entrepriſe.

*La citē de Reims aſſegēe par l'empereur Henry.*

¶ Ce meſme an mil cent vingt, ſeſmeurent pluſieurs guerres & diſſentions entre les princes Chreſtiens: notamment entre l'empereur Henry cinquieme, & Loys le gros roy de France, lors regnant: Car l'empereur marry de ce qu'il veoit que le roy Loys auoit fauoriſe au defunct pape Gelafius deuxieme, & depuis à Calixte nouuellemēt eſleu, les receuant en France contre l'intention dudiēt Empereur, aſſembla groſſe armée, avec laquelle veint en France deliberē d'aſſieger, prendre & ſaccager la citē de Reims: mais ſa deliberation fut renuerſeē, en forte que par la grande reſiſtance dudiēt roy Loys, il fut contrainct ſe retirer en ſes pais ſans autre choſe faite: voire ce fut cauſe qu'en uiron deux ans apres, il ſe reconcilia avec le pape Calixte.

*Inſtitutiō de l'ordre de Premonſtrē par le ſainct hōme Norbertus.*

¶ Durant ce temps, l'ordre de Premonſtrē fut nouuellement inſtituēe par vn ſainct homme extraiēt de nobleſſe du pais de Lorraine, Norbertus nommē, qui par zele de charitē & amour de Dieu, auoit laiſſe les biens & honneurs mondains, & ſ'eſtoit reduit entierement en la vie contemplatiue, viuant en icelle ſoubz grande auſteritē de vie. Ceſtuy obtint du pape Gelafius, & depuis du pape Calixte deuxieme, durant qu'ilz eſtoient en France, puiffance & authoritē de preſcher la parole de Dieu, avec permiſſion d'aſſembler gens pour l'inſtitution, augmentation, & propagation dudiēt nouveau ordre de Premonſtrē, ſoubz la reigle de ſainct Auguſtin. Ayāt Norbertus impetrē ce que deſſus, feit en forte qu'il amalla bon nombre de ſainctz & deuotz perſonnages, qui ſoubz luy receurent & prindrent lediēt ordre & reigle: Dont Bartholomeus eueſque de Laon, aduertiy & ioyeux au poſſible, leur aſſigna lieu en ſon diocēſe, ou lediēt Norbertus fonda l'eglife de Premonſtrē, en laquelle les nouveaux abbē & religieux faiſoient tel deuoir de ſeruir Dieu, & viure en telle obſeruance de leur nouvelle reigle, que lediēt ordre commença deſlors à ſ'augmenter grandement en diuers pais de la chreſtientē: meſmes pour les vertuz & auſteritē de vie que faiſoient ces religieux: pluſieurs gens de tous eſtatz confluoyent & ſe retiroyent en ladiēte nouvelle religion, & deſiroyent y viure avec leſdictz religieux, ſoubz reigle de ſaincte Religion. Entre ceulx qui ayderent & ſubueindrent à l'erection & fondation de ladiēte nouvelle abbaye de Premonſtrē, furent Godefroy comte de Vvaſtephalie & ſa femme: parce qu'ilz baillerent pluſieurs groſſes terres & ſeigneuries à la fin ſuſditiē.

*Le cōte de Vvaſtephalie religieux de Premonſtrē.*

¶ Semblablement Thiebault comte de Champagne par la bonne conuerſation & familiaritē qu'il auoit iournellement avec lediēt Norbertus, fonda pluſieurs eglifeſ, tant dudiēt ordre nouveau que d'autres.

¶ Sans

# depuis Huc Capet, iusques à Loys, viii. du nō. F. cclxxxij.

¶ Sans grā desloignement de nostre subiect principal ie feray en cest endroit vn mot de mention dudict comte Thiebault & des siens. De luy sortirent plusieurs beaulx enfans qui tous vesquirent soubz la crainte & amour de dieu en grande peosperité & honneur entre les hommes. Il eut quatre filz & aulcāt de filles. L'aisné de ses filz nommé Henry fut comte de Champagne apres luy, & espousa l'vne des filles du Roy Loys fixieme surnommé le piteux. Le second filz nommé Thiebault comme son pere obtint le comté de Bloys, & espousa l'aultre fille dudict Roy Loys. Le tiers filz nommé Estienne estant iā fait comte de Sanxerre, renonça au monde, & se rendit Chartreux. Le quarieme desdictz filz appellé Guillaume fut p̄mieremēt euesque de Chartres, puis apres Archeuesque de Sēs, & apres Archeuesque de Reims. L'vne des filles dudict comte Thiebault fut Roïne de France: l'aultre comtesse de Partoys: la tierce comtesse de Bar, & la derniere ou quarieme duchesse de Bobrgongne.

*De la lignée du bō cōte Thiebault de Champagne.*

¶ Reprenans nostre matiere trouuons qu'en l'an mil cent vingtdeux le pape Calixte arriva à Rome ou il fut receu de tous ioieusement & en grande obēissance. Sa venue n'apporta rien de bon à l'antipape Burdinus. Car il fut pris, mené honteusement par Rome sur vn Chameau, ayant le visaiqe tourné vers la queue & par derriere, & finalement contrainct entrer en religion. Dequoy aduertiz tous les prelatz & princes catholicques de Germanie & Saxonie, commencerent à murmurer & rebeller contre l'Empereur Henry cinquieme par ce qu'il demouroit seul tousiours obstiné & desobeissant à l'Eglise Romaine.

*Le pape Calixte receu à Rome & l'antipape deicté.*

¶ L'empereur aduisé du mauuais vouloir & cuēur que luy porttoient lesdictz princes & prelatz à raison de ce que dict est, & voulant obuier à l'effect de leur murmuration & preuenir leur arrestée rebellion fait par le conseil de ses amis assembler vn concile à Vorme. Ou fait deputer gens seruans pour aller vers le pape & siege apostolicque traicter paix, entre l'eglise Romaine & l'Empire, & accorder les dissentions qui auioent duré entre eulx depuis le pape Gregoire septieme iusques à lors. Doncques furent commis de sa part, Bruno euesque de Spire & Arnulphus Abbé de Fuldense, qui venuz à Rome y poursuiuirent leur commission & legation tellement qu'ilz auerent avec eulx l'euesque d'Ostiensé nommé Lambertus: legat apostolicque: ensemble deux cardinaulx, surnommez, l'un de saint Ange & l'aultre de saint Estienne in Celio monte, ayans ces legat & cardinaulx toute puissance du pape & siege apostolicque. En faueur duquel & pour le soustien de ses droiz & libertez estans assemblez en plein concile audict Vorme, iceulx legat & cardinaulx ensemble tout le reste des assistans procederent tellement que paix & accordz s'en ensuiuirent & furent publiez entre l'eglise Romaine & l'Empire: renonçant ce faisans l'Empereur es mains dudict legat apostolicque, tant pour luy que ses successeurs à toutes inuestitures & prouisions des benefices ecclesiastiques & aultres choses cōcernantes la spiritualité. Toutefois ledict legat apostolicque au non du pape reserua à l'empereur & ses successeurs les droitz Royaulx & imperiaulx resultās & depēdās desdictes prouisions en ce qui ne touchoit le spirituel. De ceste paix ainsi faite quasi miraculeusement & par disposition diuine fut resiouie toute la chrestienté, signamment l'Italie & l'Allemagne. Et à bon droit certes estoit elle beaucoup desirée veu les mauux & inconueniens inexplicables aduenuz durans les dissentions. & cismes precedens qui partant prindrent lors fin & cesserent toutes rancunes qui parauant pulluloiet entre les catholicques & leurs contraires.

*Gens commis par l'empereur & la Germanie pour traicter paix avec le pape*

*Accordent reseruer Henry v. & le siege apostolicque.*

*L'empereur Henry à Liege.*

*Embassadeurs de l'eglise & cité de Verdū vers l'empereur contre l'euesque Henry.*

¶ Quelques iours apres ce concile de Vorme, l'empereur Henry veint celebrer la feste de Pasques à Aix la chapelle & de là descendit à Liege. Dont le clergé & citoiens de Verdun certioiez, enuoierent secretement embassadeurs vers sa maiesté, à laquelle ilz remonstrerent les grandz oultraiges, pertes & dommages par eulx, leur eglise & cité soustenuz & endurez de leur euesque Henry & du cōte de Bar Raynaldus, pour ce qu'il auoient tenu son parti, & obtemperans à son commandement refusé l'ouuerture des portes & entrée de la cité à leurdict euesque.

¶ L'empereur

# Le.iiii. liure des antiquitez de la gaule Belgicque

*L'empereur institue le comte de grand Pré, deffenseur & vicomte de Verdun.*

¶ L'empereur ayant bien au long entendu les remonstrances, plainctes & doléances des Citoyens & clergé de Verdun, desirant leur pouruoir & subuenir, escriuit bien expressement au ieune comte de grand Pré nommé Henry, nepueu de l'euesque Richard dernier, prochain predecesseur dudict euesque Henry, & filz de Bauldouin de grand Pré, qui mourut martir en l'expedition de Hierusalem, le priant deffendre & soustenir les Virduois contre & enuers tous: signamment contre lesdictz euesque Henry & Raynaldus comte de Bar. Et pour luy donner meilleur courage à entreprendre telle charge, le commit deslors d'authorité Imperiale, administrateur du comté de Verdun.

*Gothuinus seigneur de Montfaulcon, Tirant.*

¶ En ce mesme tēps tenoit & occupoit le chasteau de Montfaulcon vn noble homme du pais nommé Gothuinus, qui soubz la couerture & assurance d'iceluy chasteau faisoit iournellement tirannies, pillages, violences & oppressions innumerables es pais circunuoisins: dont l'empereur receut les plainctes & doléances qui l'esmeurēt de sorte qu'il ordonna ledict chasteau de Montfaulcon estre destruit & razé & demoly. Chose qui fut mist à execution, iacoit que ledict Gothuinus fust allié & confederé du duc Godefroy le barbu, à qui n'y auoit long tēps que l'empereur auoit rendu la basse Lorraine: comme auons dict cy dessus.

*La cité de verdun reprise par le cōte de grand Pré contre l'euesque Henry & le comte de Bar.*

¶ Ayant le comte Henry de grand Pré receu les lettres & mandemēt de l'empereur, il communiqua incontinent & secrettement l'affaire avec les principaulx Citoyens & gens du clergé de Verdun: par le moyen desquelz entreprit & resolut reprendre la cité & comté d'icelle que l'euesque Henry & Raynaldus conte de Bar tenoiēt lors. Or aduiserent ensemblement le moyen de ce faire, qui fut tel. Vn iour entre autres le cōte Raynaldus n'estoit à Verdun, mais en son comté de Bar ou il s'estoit retiré pour le visiter & mettre ordre en icelluy: ayant neantmoins donné la charge de la garde de Verdun audict euesque Henry. Le comte de grand Pré de ce aduisé, acompagné d'assez gros nombre de gens, veint au matin auant le iour aux portes de la cité: lesquelles par l'intelligence qu'il auoit aux Citoyens, & soubz le benefice des faulces clefz d'icelles portes, luy furent ouuertes: au moyen dequoy entra luy & ses gens en la cité: en laquelle a ceste occasion & comme souuent aducint en cas semblable, s'esleua le bruit des gens de guerre, en sorte que l'euesque Henry encores dormant en son liēt, seueilla en sursault & bien esbahy, & craignant auoir pis, si tost qu'il fut aduertuy du fait, sans auoir loysir de prendre sa chemise s'enfuit soubdainement tout nud, passa la Meuse a nager, & eschappa des mains de ses ennemis.

*Bataille deuant Verdun entre le cōte de Bar & les Virduois qui par fuite se sauluerent en la cité. Verdun assillie en deux en trois par le cōte de Bar.*

*Grandes diuisions en Flandres entre Charles le bon & Clemence douaiuiere*

¶ Tost apres le comte Raynaldus fait certain de tout, en fut fort triste & desplaisant, si assembla diligemment grosse armée avec laquelle veint assaillir la cité de Verdun, en laquelle estoit Henry de grand pré, qui avec ses gens & les Citoyens d'icelle, sortit en bon equipage de la cité, assaillit & rua sur le conte Raynaldus & les siens, de sorte qu'il y eut d'entrée grosse batteric & plusieurs gēs tuez de costé & d'autre: mais finalement ledict comte Raynaldus obtint victoire, contraignēt le cōte Henry, & les Citoyens luy laisser le camp, & eulx sauuer en la cité, laquelle ilz deffendirent lors si vaillammēt qu'elle ne peult estre prise d'assault. A raison dequoy le comte Raynaldus y meit le siege en deux endroitz, tenant les habitans de si court qu'a grande difficulté pouoient ilz sortir d'icelle. Si ne sceut il toutefois faire si bon guet que le cōte de grand Pré ne trouuast maniere secrettement d'en yssir quelques iours apres, laissant la cité en esperance, que tost apres il reuiendroit avec secours: pour lequel recouurer il s'en alla en Flandres, ou à force d'argent il assembla gros nombre de gens: encores que lors y eut grandes diuisions & emotions de guerre entre les princes dudict pais: car Charles surnommé le bon filz du roy des Dannoys auoit nouuellement succedé & occupé le comté de Flandres qu'il disoit luy appartenir à cause de sa mere: nonobstant l'empeschement & contre la volonté de Clemence mere de Bauldouyn

# depuis Hue Capet, iusques à Loys viij. du nō. F. cclxxxiii.

douyn Securis dernier comte de Flandres, laquelle vouloit & s'efforçoit faire succeder audict comté vn bastard de Flandres qui auoit espouſé la niepce. Et pource faire & paruenir à son but elle mesme s'estoit remariée au duc de Louain nommé Godefroy. Au moyen dequoy donna plusieurs grands empeschemens audict Charles qui luy resista vertueusement à l'ayde, secours & faueur de Loys le Gros roy de France, avec lequel ledict Charles fut tousiours allié, mesmes teint son party contre l'Empereur Henry cinquieme, quād il asiegea la cité de Reims cōme dessus est dict. Ainsi doncques se nourriſſoyent lors entre lesdictz princes & nobles de Flandres, plusieurs querelles diuisions & factions, car aucuns tenoyent le party de Charles avec le roy de France, les aultres au contraire, celuy de ladiete Clemence, douairiere dudiect comté, laquelle tost apres fut contrainte faire paix avec le dict comte de Flandres, le remboursant & satisfaisant des dommages & interestz qu'il auoit soustenu, aussi feirent tous les princes qui auoyent tenu son party contre ledict Charles, entre aultres Eustace de Boulogne, & Bauldouyn de Haynau, combien qu'il sembloit que ladiete Clemence deust plus longuement soubstenir la guerre qu'elle ne feit, veu qu'elle estoit fille d'Estienne duc de Bourgongne, & sœur du Pape Calixte lors tenant le siege, par tant auoit grande puissance faueur & autorité, qui neantmoins ne sceurent empeschier que le comte Charles n'obteint à son intention, & demeurast en fin paisible du comté de Flandres, qu'il posseda seulement huit ans. A la fin desquelz vn nommé Bouchard & ses complices, enuieux de ses vertus, liberalité, clemence, & bonté, le meirent à mort inhumainement & le martyriserent, vn iour entre aultres du quaresme, luy estant à genoux en l'Eglise de saint Donast de Bruges, & là oyant la messe.

*Victoire de Charles de Flandres contre Clemence.*

*La mort pitieuse de Charles le Bon comte de Flādres* 1127

¶ On lit de luy que le propre iour de sa mort se feirent par ses merites plusieurs beaux miracles, à l'occasion desquelz on le surnomme Charles le bon. Dauantage se trouue que durant son temps fut vne grande famine au pays de Flandres, pendant laquelle, il faisoit tous les iours distribuer aux pauures sept mil huit cens pains, sans l'argent & les vestemens qu'il donnoit aux pauures, en faueur desquelz feit tuer tous les chiens de Flandres, meit ordre & police es greniers dudiect pays, & pris raisonnable sur les bledz. Dont aucuns auaricieux vsuriers & mauuais riches, conceurent contre luy telle hayne, qu'ilz moyennerent sa mort. Si les lecteurs veulent veoit quel le punition fut faicte des homicides, lisent l'hyſtoire de Jacques Meyerus au chapitre dudiect comte Charles nommé le Bon.

¶ Doncques le comte de Grand pré (pour retourner à nostre matiere) amassa gens en Flandres, puis avec eulx veint en diligence donner secours à la cité de Verdun. Aprouchant laquelle, d'entrée pilla gasta & brusla tout le plein pays dudiect comté de Verdun, puis veint assaillir le comte Raynaldus, tenant lors le siege en deux lieux deuant la cité (comme a esté dit dessus). Si luy donna beaucoup d'affaires par assaulx & rencontres frequentes de sorte que iournellement il luy tuoit ses gens ou les prenoit prisonniers. Brief il luy eust faict encores pis, mais les deux armées prindrent & s'assignerent iour de bataille rengée, laquelle fut tenue pres Oscarauilla maintenant appellé le lieu Ousche.

*Le comte de grand Pré assemble gens en Flandres pour secourir ceulx de Verdun.*

¶ Plusieurs tant d'vn costé que d'aultre moururent au conflict, mais finalement le comte Raynaldus demeurant vaincu fut contrainct leuer le siege & se retirer au chasteau de Clermont, ou il feit nouvelle assemblée de gens, lesquelz sortans souuent du chasteau faisoient courses & pillages par trop domageables à ses ennemis, & leurs en eussent faict dauantage, mais le comte de Grand pré les en garda. En ceste sorte il s'aduifa de donner à ses ennemis vne finesse, & leurs iouer d'vne ruze & astuce de guerre, qui fut telle. Il diuisa ses gens en deux pars l'vne desquelles il enuoya deuant le chasteau de Clermont voltiger, molester ceulx de dedans par assaulx legiers, & à fin de les attirer à se ietter aux champs. L'aultre partie & reste de ses gens il reteint

*Le comte Raynaldus vaincu par le comte de Grand pré, & les Verdunoys pres Ousche.*

# Le iiii. liure des antiquitez de la gaule belgicque

avec soy, embuschant en quelque lieu fort secret, & neantmoins assez prochain du chasteau. Ceulx de dedans voyans les assaillans n'estre en grand nombre, sans se doubter de l'embusche, & cuidans, que ce qu'ilz en voioyent feust là tout, sortirent incontinent du chasteau, & veindrent chocquer les gens du comte de grand Pré, qui d'entrée les receurent virilement soustenans quelque temps leur effort soubz l'assurance & appuis de leur embusche, qui peu apres se descourant se veint ietter sur ceulx du chasteau, lesquelz pour estre ia lassez de combattre furent facilement mis en desordre, & prindrent la fuitte vers leur chasteau, toutefois ilz furent suiuz de si pres, que les gens du comte Henry, entrerent pelle mesle avec eulx audict chasteau qui à l'instant fut mis en feu, & le reste des gens du comte Raynaldus tous tuez ou pris.

*Aultre victoire du comte de grand Pré sur le comte Raynaldus.*

*Le chasteau de Clairmont prins & bruslé.*

*Appoinctement entre les comtes de grand Pré, & celui de Bar.*

¶ Dont le comte Raynaldus cuida desesperer, aussi auoit il receu vn gros dommages & perte quasi inestimable, craignant l'augmentation de laquelle tomba deslors en vouloit & enuie de traicter paix avec le comte de grand Pré. De fait pour mediateur d'icelle mit en œuvre Frederic comte de Toul filz de Thierry duc de Loiraine, & aultres nobles du pays, amys des deux parties, lesquelz prindrent iour pour ce faire, au lieu de la Chalade, ou finalement accorderent ensemble, que le Comté de Verdun seroit restitué & demurerait au comte Raynaldus, par condition toutefois qu'il ne prendroit tant soit peu de vengeance des citoyens de Verdun qui auoyent rebellé contre luy à la charge aussi que le comte Henry de grand Pré pour ses dommages & interest prendroit a son plaisir par maniere de rançon la confiscation de tous les biens des prisonniers qu'il auoit prins durant la guerre.

*Alienations faites au profit du comte de Bar par l'Euesque Henry.*

*Le chasteau de Dun aliéné avec quatre villages pres Sampigny.*

*Les hommes de Domp Remy & Ernecourt aliénez.*

*Asanne soubzmasanne & Romme ville aliénez.*

¶ Par ce moyen nostre Euesque Henry demeura paisible de son Euesché, & le comte Raynaldus du comté de Verdun. Peu apres le retour dudit Euesque audict Verdun, il bailla audict comte Raynaldus pour recompense de ce qu'il auoit fourny en nom & aidé à recouurer la cité, aussi à fin d'estre à l'aduenir soubz sa garde & alliance, la ville & chasteau de Dun, avec quatre villages situez pres de Sampigny, qui estoient de l'ancien patrimoine de son Euesché, sçauoir Malaumont, le mont saint Lucien, Rouure & Courcelles. D'auantage engagea en ses mains pour trente liures de rente annuelle & perpetuelle, les hommes qu'il auoit es villages d'Ernecourt & Domp Remy, appartenās à son Eglise de Verdun. Plus ledict Euesque bailla deslors à vn noble homme du pays nommé Pierre Miruault en recompense de ce qu'il l'auoit aydé & secouru durant les guerres susdictes, tout ce qui appartenoit à luy & à son Eglise es lieux de Rommeville, Asanne & Soubmasanne, exceptez quelque gainage & maisons que tenoyēt les anciens seruiteurs & laboureurs de son Eglise. Les hystoires d'Oruault contiennent qu'en ce mesme temps, ledict Euesque Henry sacra l'Eglise d'Oruault, & qu'environ quatre ans apres l'Abbaye de la Chalade fut fondée.

*L'euesque Henry accusé deuant le Pape par le clergé & citoyens de Verdun.*

¶ Apres que l'Euesque Henry eut fait lesdictes alienations, pensant estre bien asseuré en son Euesché contre tous, commença à viure voluptueusement & à son plaisir, entretenant femmes & filles dissolues contre son estat & l'honneur de l'Eglise, disposant des offices & benefices par or & argent, & autrement comme bon luy sembloit. Au moyē dequoy enuiron deux ans apres, mesmes l'an mille cent vingt & quatre, tout son clergé & les citoyens de Verdun, ausquelz sa vie desplaisoit, commencerent deslors à se mutiner & murmurer contre luy, si que pour trouuer moyen de le deietter dudit Euesché, l'accuserent en plusieurs sortes, deuant le siege Apostolique, à qui ilz enuoyerent diuers articles contenans ses meurs, vie, & mauuais gouvernement. Puis le feirent citer à Rome deuant le Pape Calixte, auquel ilz enuoyèrent vn libelle contenant l'estat dissolu, les alienations & plusieurs crimes dudit Euesque Henry. Entre aultres choses l'accusoyent de rebellion contre le siege Apostolique, parce qu'il auoit ordonné & sacré Euesque vn nommé Conradus, prouueu de l'E-

# depuis Hue Capet, iusques à Loys, viii. du nō. F. cclxxxiiij.

de l'Euesché de Toul par la nomination de l'Empereur Henry cinquieme par dessus les Decretz de l'Eglise Romaine, aussi l'accusoyent d'incontinence, de symonie, & d'auoir aliené & dissipé les biens de son Eglise. Semblablement le bon Abbé de saint Venne Laurentius, n'auoit de son chef matiere de luy vouloir bien mais tout le cōtraire, parce que combien que long temps auant il l'eut poursuiuy tant en court de Rome que celle de l'Empire sur la restitution des biens de son Abbaye de saint Venne que ledict Euesque occupoit iniustement, & des le temps de son predecesseur Richard, mesmes durans les diuisions & scismes de l'Eglise iusques à lors, les auoit tousiours detenu à force, aussi qu'il eust pour raison d'iceulx biens obtenu sentence contre ledict Euesque, auquel en vertu d'icelle commandemens eussent esté faitz de restituer, Toutefois ledict Henry demeurant obstiné, & continuant en ses voluptez, ne voulut iamais venir à raison, & moins comparoir au iour de l'assignation à luy donnée, au moyen dequoy fut déclaré contumax & inobedient, chose qui anima d'auantage contre luy les citoyens de Verdun & ledict Abbé Laurentius, lesquels tous ensemble resolurent faire plus grande poursuite contre luy que parauant, voire de persister en son endroit à toutes rigueurs de iustice. Et fault croire, qu'ilz l'eussent ainsi fait, n'eust esté les obstacles & empeschemens qui les en garderent, car ceste mesme année mille cent vingt quatre le bon Pape Calixte alla de vie à trespas. Et l'an prochain suiuant mille cent vingt cinq l'Empereur Henry cinquieme mourut aussi. Parquoy les poursuites commencées contre l'Euesque Henry, furent retardées & differées à aultre temps.

*Sentence contre l'Euesque Henry, obtenu par l'Abbé Laurent.*

*La mort du Pape Calixte.*

*Celle de l'Empereur Henry v.*

¶ Tozt apres la mort de Calixte fut esleu Pape Honorius deuxieme du nom, homme tressçauant, & qui sur tout se delectoit en la frequentation, & familiarité de gens doctes & sçauans. Pareillement les Electeurs de l'Empire, peu apres le deces dudit Empereur Henry cinquieme, mort sans enfans, voulans proceder à l'election nouvelle d'un aultre, proposerent entre eulx quatre princes pour de l'un d'iceulx nommer vn nouveau Empereur. Ces quatre princes estoient Lothaire duc de Saxonie, Frederic (ou selon aucuns Conradus) duc de Sueue, Luitpoldus Marquis d'Austriche, & Charles comte de Hlandres surnommé le Bon. Les grands moyens, biens, vertus & capacitez desquelz bien debatues & alleguées par les electeurs, en fin par la diligence & grâde sollicitation d'Albert Archeuesque de Magonce, Lothaire duc de Saxonie fut déclaré & proclamé Empereur de Rome. Et peu apres son election obtint les ornemens Royaulx & Imperiaux qui lors estoient encores entre mains de Mathilde vesue dudit Henry cinquieme dernier Empereur. Ce Lothaire troysieme du nom fut tout son temps prince vertueux & catholicque grand zelateur de l'honneur de Dieu & de l'Eglise. Dont s'ensuiuirent tandis qu'il impera, choses louables, & actes non moins vertueux, que de grand fruit.

*Horo ius esleu Pape.*

*Lothaire ij. esleu Empereur.*

¶ Si tost que lesdictes elections de nouveau Pape & nouuel Empereur, furent faites, le clergé & les citoyens de Verdun ensemble l'Abbé Laurentius reprindrent & rafreshirent la poursuite de l'accusation intentée & commencée contre leur Euesque Henry, le faisant de nouveau citer à Rome deuant le Pape Honorius, tant sur la reformation de sa vie, meurs & estat dissolu, qu'a l'esgard dudit Abbé Laurentius, pour auoir l'execution reale & actuelle de sa sentence, sur le restablissement des biens de son Abbaye, mais l'Euesque Henry perseuerant en son obstination & contumace, ne comparut, ny enuoya a l'assignation à luy donnée, & moins restitua audict abbé ce dont il le poursuiuoit. A raison dequoy l'Abbé Laurentius grand protecteur & deffenseur de son Eglise, enuoya diligemment à Rome vers le nouveau Pape Honorius duquel il obtint vn brief ou mandat adressant audict Euesque Henry, qu'il enhortoit amiablement & doucement par ledict rescript de restituer les biens qu'il auoit vsurpé & detenoit de ladicte Abbaye. Aussi de reprimer & faire cesser les entreprinnes & molestations, que faisoit en sa faueur & instance audict Abbé & son Ab

*Le proces du clergé & citoyens de Verdun recommencé à Rome contre l'Euesque Henry.*

*Contumace de l'Euesque Henry.*

# Le.iii. liure des antiquitez de la gaule Belgicque

baye, vn gentilhomme du pays nommé Richier du Bu, trauaillant & vexant d'heure à aultre à sa suggestion les subiectz de la seigneurie de Baroncourt, appartenant à l'Abbaye de saint Venne. Le contenu dudit brief enuoyé par le Pape audiēt Euesque Henry (que j'ay bien voulu transcrire en cest endroit à fin que les lecteurs connoissent le droict de l'vn, & le tort euident de l'autre, mesmes le motif de leur different) est tel.

**Brief du Pape Honorius à l'Euesque Henry en faueur de l'abbé Laurēt.** *HONORIVS SERVVS SERVORVM &c. Venerabili fratri Henrico Viridunensi Episcopo salutem & Apostolicam benedictionem. VENIENS ad nos filius noster Laurentius Abbas sancti Vitoni, conquestus est mercatum de monte sancti Vitoni & The loneum cum pugillo frumenti placitum, & correctionem mensurarum, decimas foratici vini ciuitatis qua amisit tempore discordie à predecesore tuo sibi fuisse ablata. Vnde tue fraternitati mandamus, vt ei ablata restituas de Richerio du Bu, qui allodium suum in Baronis curte inuasit, & alias ei nonnullas molestias intulit debitam iustitiam facias, quod si iura monasterij sui, qua à predecesoribus nostris confirmata sunt reddere neglexeris nobis hoc esse graue non dubites. Grauamur autem vehementer quod à predecesore nostro felicitis memoria Papa Calixto, & à nobis vocatus, venire ad nos & ad Romanam Ecclesiam contempsisti. Datum Lat. xiiij. Calend. April.*

**Obstination de l'Euesque Henry.**

**L'abbé Laurēt escript à l'Archeuesque de Magonce, pour auoir redresse des oppressions de l'Euesque Henry.**

¶ Quand ce brief fut presenté à l'Euesque Henry il n'en feit cas voyant qu'il contenoit seulement exhortations & prieres, non pas comminations & menasses de peines & rigueurs, combien qu'il n'eust comparu à l'assignation à luy donnée à Rome, mais en deueint plus fier & orgueilleux. Si que par despit & contemnement des lettres Apostolicques, ne restitua seulement les biens de l'Abbaye iniustement occupez, mais au contraire il entreprint de nouveau & vsurpa sur les aultres biens & iurisdicions du monastere de saint Venne, dequoy l'Abbé Laurentius se trouua tant triste & marry qu'il vouloit quasi iouer à la desperade d'auoir iamais l'adresse de iustice, par mandemens Apostolicques. Toutefois ne voulant ainsi laisser la chose là, escripuit & enuoya vne Epistre à Albert Archeuesque de Magonce, legat Apostolicque, homme de grande vertu & autorité, son amy & fauorit, & par le moyen duquel l'Empereur Lothaire auoit obtenu le sceptre Imperial. Si luy manda par ceste epistre toutes les oppressions & violences que luy auoit fait & faisoit ledict Euesque Henry, ensemble les rebellions & mespris des lettres Apostolicques, outre les nouvelles entreprinse & molestes qu'il auoit en despit d'icelles fait sur son Abbaye. Plus la necessité extreme en laquelle estoient lors reduictz les religieulx de son monastere de saint Venne, tant à l'occasion de la sterilité & penurie des frui&z de la terre, aduenue l'année mesme, que pour lesdictes oppressions & vexations que leur infligeoit ordinairement l'Euesque Henry, en sorte qu'à peine lesdictz religieulx auoyent seulement pain suffisant pour viure. Partant suplyioit humblement audiēt Archeuesque de Magonce d'estre intercesseur & mediateur vers l'Empereur Lothaire, à ce de mettre & donner ordre, que les religieulx, Abbaye & monastere feussent restituez des biens que l'Euesque Henry vsurpoit sur eulx. Plusieurs aultres remonstrances estoient aussi contenues en ladicte Epistre, laquelle commençoit ainsi.

**Clauses de l'epistre de l'abbé Laurent à Albert archeuesque de Magonce.**

*ALBERTO amico suo Dei gratia Magontino venerabili Archiepiscopo, sedis Apostolica legato, Laurentius & congregatio sancti Vitoni in suburbio Viridunensi, deuotam subiectionem & fideles in Deo orationes. Nouit terra & omne imperium, &c.* Entre aultres clauses d'icelle Epistre estoit celle qui s'ensuit.

*ROGANTES eminentissimam pietatem vestram vt inter maximos honores vestros, humilitatem nostram valde vobis deuotam respicere dignemini, & pro salute animæ vestræ, nobis in causa nostra subueniatis. Quatenus qui tantorum honorum & dignitatum prudentissimum iudicem & potentissimum dominum interpellare presumimus, non repulsam sed iustitiæ misericordiam nos inuenisse gaudeamus, & quidem nunc pro malis patriæ, nunc terræ continua sterilitate ad tantam inopiam redacti sumus, vt etiam panem, vix cum discrimine Ecclesiæ nostræ habeamus, &c.*

¶ Ayant



# depuis Hue Capet, iusques à Loys viij. du nō. F. cclxxxv.

¶ Ayant l'Archeuesque de Magonce receu & leu les lettres de l'Abbé Laurentius fut esmeu à telle pitié compasison & charité, qu'en faueur dudit Abbé, & plus de iustice & equité, se retira incontinent vers l'Empereur Lothaire, duquel il obtint lettres adressantes à l'Euesque de Verdun, à qui par icelles il commandoit bien expressement restituer audit monastere de saint Venne les biens à luy appartenans qu'il auoit occupé & occupoit iniustement. Ainsi qu'il est plus au long déclaré esdictes lettres Imperiales dont la teneur est.

*LOTHARIVS Dei gratia Romanorum rex, Henrico Viridunensi Episcopo gratiam suam & omne bonum. Veniens ad nos Laurentius Abbas sancti Vitoni, conquestus est quadam bona tempore discordie inter regnum & sacerdotium Ecclesia sua fuisse ablata. Et quia diuina opitulante gratia illa discordia est sedata, volumus ut vnaquaque Ecclesia ius suum recipiat & priuilegia. Mandamus ergo dilectioni tue, & sicut nostram diligis gratiam precipimus, ut omnia que tempore discordie Ecclesia beati Vitoni amisit, scilicet mercatum in monte sancti Vitoni, & cetera, siue que in priuilegijs habentur siue que per viuentes adhuc testes probare potest, integre ei restituas. &c.*

Letres de l'Empereur Lothaire à l'Euesque Henry en faueur de l'Abbé Laurent.

¶ Ces lettres de l'Empereur furent présentées à l'Euesque Henry, toute fois il ne voulut obtemperer au contenu d'icelles, mais les dedaigna perseuerant comme deuant en son obstinée pertinacité. Quoy voyant l'Abbé Laurentius, il s'associa de nouveau avec le clergé & citoyens de Verdun, qui de long temps (comme ray dict cy deuant) auoyent accusé de plusieurs crimes icelluy Euesque en la chambre Apostolicque. Et estant ainsi ioinctz ensemble enuoyerent de rechef à Rome vers le Pape Honorius, duquel ilz obtindrent vn rescript rigoureux contre ledict Euesque, contenant nouuel le assignation de iournée à Rome, tant pour respondre aux articles des accusations dudit clergé & citoyens, que sur le refus qu'il auoit fait de rendre les biens de l'abbaye de saint Venne. Et neantmoins le Pape le suspendit des lors de l'office diuin, comme appert par ledict rescript dont la teneur est.

Accusations renouvelées à Rome contre l'Euesque Henry

*HONORIVS Episcopus seruus seruorum Dei. Venerabili fratri Henrico Viridunensi Episcopo salutem & Apostolicam benedictionem &c. Predecessor noster pie memorie Papa Calixtus suus teliteris euocauit, ut ad eum mediante quadragesima preterita venires. Et de ordinatione illius Conradi Tullen. intrusi rationabiliter responderes, nos quoque post eius obitum pro eadem causa veniendi ad nos tibi terminum dedimus. Tu vero elationis tumore inflatus venire ad nos penitus contempsisti. Præterea ut Abbati sancti Vitoni quod iuris erat sui monasterij restitueres tibi præcepimus, & ei ablata redderes. Postmodum auferre illi ea ipsa & quadam insuper alia præsumpsisti. Pro tantis igitur excessibus per presentia tibi scripta precipiendo, mandamus, ut proxima Epiphaniarum festiuitate ad nostram presentiam venias responsurus. Interim vero ab Episcopali officio prorsus abstineas. Datum Beneuenti v. nonas Octobr.*

Mandement & citation Apostolicque, avec suspension d'office contre l'Euesque Henry.

¶ Voyant l'Euesque Henry les poursuittes que faisoient contre luy son propre clergé & ses citoyens avec l'abbé Laurentius, mesmes les rigoureuses lettres du Pape, contenâtes (entre aultres) termes rudes & de fascheuse digestion, suspension de l'office de sa dignité episcopale, delibera soubz le conseil de ses amys aller à Rome & là comparoit à l'assignation y donnée. De fait pour executer sa resolution fait gros amas d'or & d'argent, esperant par le moyen d'icelluy gagner la faueur des Cardinaulx de Rome, & en faire à sa poste. Puis partit & s'en alla à Rome, ou ses accusateurs, ensemble l'abbé Laurentius ne faillirent à se trouuer au iour assigné, si que les parties comparurent respectiuellement au consistoire en la presence du Pape & de ses Cardinaulx, deuant lesquels furent proposez contre ledict Euesque plusieurs articles d'accusations de crimes tres enormes, assez suffisans pour le deposer & deietter de sondict Euesché de Verdun. A chascun desquelz articles & poinctz les aduocatz & deffenseurs de la cause dudit euesque respondirent assez longuement, insistans en fin & singulierement les accusateurs ne deuoit estre receuz, mais reiettez comme inhabi-

L'Euesque Henry compare à Rome contre l'abbé Laurent & ceulx de Verdun.

# Le iiii. liure des antiquitez de la gaule belgicque

les & indignes d'accuser leur Euesque selon la deposition de droit, & neantmoins proposerent semblables, voire plus enormes crimes contre lesdictz accusans, en sorte qu'en traictant & debatant la matiere de part & d'autre, les parties veindrent & tomberent reciproquement en tresgrandes & atroces iniures, l'vne contre l'autre, en la presence mesme du Pape & de tout le consistoire, qui en furent grandement troublez & scandalizez, obstant mesmes qu'ilz n'y pouoyent mettre ordre, voire feussent possible les parties contendentes venues des parolles, aux armes ou oultrages, defaict n'eust esté que le Pape se leuant appella le bon Abbé Laurentius là present pour plaider sa cause, & l'interroqua par maniere de serment ainsi. Beau pere Abbé tu oy les crimes cy presentement obiectez cõtre vostre Euesque, est il vray ce qu'on luy impose? dis moy ce que tu en sçais. Lors l'Abbé sans premediter respondit, Pater sancte ie ne luy ay veu faire ne commettre lesdictz crimes, fautes & maluerfations, mais les fame & renommée du peuple sont telles. Ceste response ayda grandement à l'Euesque, car le Pape & les Cardinaulx, signamment ceulx qui fauorisoient audict Euesque, la prenaus à son profit, dirent n'y auoir rien certainement prouué contre luy, parquoy ne pourroyent asseoir sain & entier iugement sur la matiere, attendu mesmes l'incertitude des faitz d'icelle. Ainsi demeura pour l'heure la chose sans aultre diffinition ou prouision de iustice, sinon que le Pape & les auditeurs decernerent commission pour informer & decider la matiere des susdictes accusations, à l'Euesque d'Albanie nommé Mathieu, qui auoit succedé audict Euesché d'Albanie, apres le deces de Guido iadis Archidiaque de Verdun, duquel auons souuent parlé en l'Euesque precedent. Ce Mathieu estoit legat Apostolicque es parties de la haulte Lorraine & Champagne, ou tost apres le plaidoié de la cause susdicte à l'audience de laquelle il assista, se retira à fin d'executer le contenu de la commission à luy decernée par le siege Apostolicque, soubz ceste forme.

*Le Pape interro-  
gue l'abbé Laurēt  
qui respondit as-  
sez simplement.*

*La cause commise  
par le Pape, &  
renuoyée deuant  
le legat Aposto-  
licque.*

*Commission Apo-  
stolicque pour cõ-  
gnoistre sur les  
lieux de la cause  
de l'Euesque &  
son clergé.*

*Lieu assigné à Cha-  
alon en Champa-  
gne pour terminer  
ladicte cause.*

*Assignation de  
iour aux parties à  
Chaalon en Chã-  
pagne.*

*HONORIVS EPISCOPVS seruus seruorum Dei &c. Venerabili fratri  
Matheo Albanensi Episcopo sedis Apostolicę legato, salutem &c. Quemadmodum tua no-  
uit fraternitas Virdunenses canonici olim ad nostram presentiam venientes Episcopum suum  
Henricum de dilapidatione bonorum Ecclesię & thesauri & symonia inculparunt. Nos autem  
quia tantum flagitium silentio preterire non potuimus, terminum vtrique parti prefiximus, ipse  
vero die statuta se nostro conspectui presentarunt. Tandem accusatores per aduocatum  
suum quedam de electione Episcopi & vite incontinentia interloquentes, demum inscriptione  
facta de symonia & dilapidatione bonorum & thesauri Ecclesię, Episcopum presentem per pro-  
prios personas accusarunt. Ceterum pars altera que cum Episcopo venerat unum de accu-  
satoribus illis quod in Diaconatu concubinam habuerit per scriptum accusans repellere nitetur.  
Econuerso autem qui cum accusatoribus venerat istum ab accusatione imponendo cri-  
men periurij repellabant. Quia igitur in contumeliosa verba nimis irrationabiliter prorump-  
bant, ne propter tot replicationes accusationum lis extenderetur in infinitum causam expe-  
rientię fraternitati tuę commissimus terminandam. Tu vero tam predictum Episcopum quam  
partem aduersariam ad tuam presentiam euocans Cathalanuum adeas, ibique ascitis tibi Treue-  
rensi Archiepiscopo & alijs episcopis sapientibus etiam & religiosis viris negotium studiose au-  
dias & diligenti indagatione perquiras. Quod si accusatores & testes idonei apparuerint com-  
municato fratrum consilio canonice causam diffinias, alioquin in facie quam læsit Ecclesie, iu-  
xta tuum & aliorum fratrum qui tecum erunt consilium, innocentiam suam euidenter osten-  
dat. Postmodum vero de querimonijs suis per iustitiam aut concordiam pacem inter eos  
componas.*

¶ La congnoissance & decision de la cause ainsi commise par le siege Apostolicque audict Mathieu Euesque d'Albanie, il assigna aux parties auant leur partement de Rome iour competant à comparoir à Chaalon en Champagne lieu designé exprefsement par la susdicte commission, au moyen de laquelle la cause finit à Rome, & fut renuoyée ad partes à Chaalon, ou suyuant la teneur du rescript, Mathieu legat Apo-  
stolicque

# depuis Hue Capet, iusques à Loys viij. du nō. F. cclxxxvj.

stolique se retira, & se trouua à Chaalon au iour y assigné, ayant prealablement conuocqué, pour assister avec luy plusieurs prelatz, euesques, abbez, & autres gēs sçauās. Entre lesquelz comparurent & assisterent l'archeuesque de Reims, Vrsio abbé de S. Denys dudiēt lieu, & saint Bernard abbé de Cleruaulx, qui lors viuoit, florissant en toutes vertus & saincteté de religion. Au moyen dequoy, mesmes de son sçauoir eminent, & grāde doctrine, les roys & princes seculiers, prelatz, & gens d'eglise des deux Gaules se gouernoient par son conseil.

*L'archeuesque de Reims, S. Bernard & Vrsio abbé de S. Denys à Reims, accessseurs dulegat apostolicque.*

¶ Nous lisons que cestuy bon personnage saint Bernard, n'ayāt encores plus de douze ans laissa les pompes du monde & richesses paternelles: & avec trente siens compagnons tous animez du zele & amour de Dieu, print l'habit de religion en l'ordre regle & monastere de Cisteaulx l'an mil cent douze. Ceste religion auoit prins son commencement seulement enuiron quinze ans parauant, soubz vn saint homme Estienne premier abbé d'icelle religion, laquelle depuis multiplia tellement & s'augmenta de forte, par la doctrine & sainctete de saint Bernard, que du tēps qu'il fut religieux (qu'on tient estre de trentesix ans) furent erigez & fondez en icelluy ordre cent soixante monasteres. Ce bon abbé saint Bernard composā plusieurs liures & volumes en la sainte escripture, pour la deffence de la sainte foy catholicque. Puis mourut en reputation de grande saincteté, & de plusieurs ocuures miraculeuses, n'ayant plus de soixante troys ans.

*L'ordre de Cisteaulx multiplié, par les verus S. Bernard.*

¶ Donques (pour reprendre nostre propos) estans ainsi qu'auiez entendu assēblez à Chaalon lesdictz euesque d'Albanie Legat apostolicque & les deuant nōmez ses accessseurs, comparurent deuant eulx à l'assignation y donnée, lesdictz euesque Henry & ses accusateurs, desquelz la cause fut tant de foys ventillée & debatue respectiuellement, deuant eulx, que l'euesque Hēry trouua son cas fort douteux & scabreux. Parrant craignant la fin se retira vers le saint homme Bernard abbé de Cleruaulx, qu'il sçauoit estre de grande doctrine & saincteté. Si luy demanda conseil de ce qu'il deuoit faire. Le saint abbé luy feit responce estre chose biē difficile à tout prelat biē & salutairement gouverner vn peuple contre sa volunté, & si fort irrité & mutiné, qu'estoit celuy de Verdun, contre luy. Dauātage estre plus vile & honneste de son propre mouuement renoncer à son euesché que ignominieusement estre conuaincu des cas enormés contenuz es articles des accusations, contre luy proposées en presencc de si grands personnages. Et finalement par leur sentence estre priué de sondict euesché.

*L'euesque Henry & ses accusateurs à Chaalon.*

*Remonstrances de S. Bernard à l'euesque Henry*

¶ Ce conseil prins & receu en bonne part par l'euesque Henry, il veint tost apres au consistoire, ou luy mesmes sans ministere d'aduocat declaira puis que son peuple de Verdun, tant du clergé que seculier, signamment ceulx à qui il auoit fait plus des biens les esleuant & promouuant en offices, benefices, & dignitez, estoiet si mal meuz, mutinez & irritez contre luy, voire tant ingratz & mescongnoissāns, que d'auoir conspiré & machiné contre sa personne, son honneur, fame, & renommée, pour suyuan la priuation de sondict euesché, que pour euitter & preuenir le scandale de l'eglise, les grandes haynes, & mal veillances & contentions qui se pourroient ensuyure, contre luy le temps à venir: Il ayuoit trop mieulx ceder de sa libre & franche volunté & quitter sondict euesché, que d'estre plus euesque & presider sur eulx en qualite de pasteur, contre leur volunté & malgré eulx. De fait donnant lieu à sa declaration renōçant sur le champ en presencc de tous audict euesché de Verdun & quitta la dignité d'icelluy, restituant deslors les aornemens episcopaulx, & baston pastoral, qu'il auoit gardé & tenu comme euesque l'espace de treze ans, fust durās les guerres, ou depuis. Quoy voyant le bon abbé saint Bernard meū de pitié & de charité, sollicita tant enuers les prelatz principaulx là assistans, qu'on bailla audict euesque Henry plus de dix marcs d'or, dequoy il paya ses debtes en la cité. Puis se retira en son pays. Ce fait ceulx du consistoire ordonnerent au clergé de Verdun eslire vnanimement vn aultre euesque. Ces choses adueindrent l'an mil cent trente, aucuns autres tiennent l'an mil cent vingt neuf.

*Cession de l'euesché de verdun fait en plain consistoire par l'euesque Henry.*

*L'euesque Henry teint l'euesché de verdun .xiiij. ans.*

# Le iiii. liure des antiquitez de la gaule belgicque

LES P A P E S T E N A N S L E  
siede de Rome du temps de l'euesque  
Henry.

*Gelasius. ij. du n<sup>o</sup>  
clxviij. Pape.*



**G**E L A S I V S deuxieme du nom, fut le cent soixante septieme Pape esleu l'an mil cent dixhuiet, du temps de Henry euesque de Verdun. Il se nommoit parauant Ioannes Caietanus: Ses pere & mere & autres parens estoient tous gens nobles. Luy estant religieux au monastere de Mont de Cassine fut par le Pape Urbain appellé à Rome, & depuis pour ses vertus & grande doctrine du commun consentement de tous les Cardinaulx créé Pape apres la mort de Pascal deuxieme. Toutefois vn prince Romain, nommé Cincius Fregepanis, desplaisant & marry de son electiō, feit beaucoup d'opprobres & violences aux Cardinaulx, mesmes audiēt Pape en sa personne, sans auoir aucun egard à sa dignité, le iecta par terre, faisant marcher son cheual sur luy plusieurs foys. En sorte que lediēt Pape eust le col tortu. Voire non content de ce, le feit mettre en prison d'ou peu apres les Romains le deliurerent.

¶ Dauantage l'empereur Henry cinquieme luy fut fort contraire, si qu'il luy suscita vn antipape, nommé Gregorius & parauant Maurice Burdin, depose de l'euesché de Bracarense en Espagne. Au moyen dequoy & pour euiter la fureur dudiēt Henry cinquieme Empereur, le Pape Gelasius fut contrainct venir en France, se retira en l'abbaye de Cluny, ou ayant seulement tenu le siege vn an & cinq moys mourut d'une pleuresie, en tressaincte & bonne reputation de tous.

*Calixtus. ij. du n<sup>o</sup>  
clxviij. Pape.*

**C**alixtus aussi deuxieme de ce nom, parauant appellé Guido, frere du duc de Bourgogne, fut esleu le cent soixantehuitieme Pape l'an mil cent dix neuf, par les Cardinaulx estans au monastere de Cluny, & tost apres cōfirmé par ceulx qui estoient à Rome. Il fut homme tresvertueux & digne de telle charge & honneur Papal: Soubz l'administration duquel feit par sa diligēce paix & accord, entre l'eglise Romaine & l'empire, des long temps parauant contendans & estans en cōtrouersie, pour raison des benefices ecclesiastiques de la Germanie, & ses voyfins. Il deicēta l'antipape Burdin, enhorta & incita les princes chrestiens à mener nouuel le armée & expedition en la terre saincte, pour secourir ceulx qui ia y estoient & la deffendoient. En fin apres qu'il eut biē meritē enuers Dieu, l'eglise, & les hommes, il mourut l'an sixieme de son pontificat.

*Honorius. ij. du  
nom. clxix. Pape.*

**H**onorius semblablement deuxieme de ce nom, parauant nommé Lambertus de Imola, fut créé le cent soixante neuvieme Pape l'an mil cēt vingt quatre, encores que son election fust plus faicte par ambition & cautelle qu'autrement: Toutefois il fut homme de tresgrand sçauoir, mesmes vtile à la chose publicque ecclesiastique. La maniere & forme de sa creation fut telle. Vng noble Romain, nommé Leo Fregepanis, aduertit de la mort de Calixte, s'efforça empescher l'election du nouveau Pape estre faicte auant troys iours, durans lesquels faignāt desirer que Saxo Cardinal de saint Estienne fust esleu, pour ce qu'il voyoit tout le peuple Romain luy applaudir, & neantmoins à la verité il vouloit en son cueur Honorius estre fait Pape: Les Cardinaulx à fin que cestuy Leo Fregepanis n'eust son opat esleurent vn nommé Theobaldus Cardinal de saint Anastase, qu'ilz nommerent Celestin. Quoy voyant lediēt Fregepanis, se retira incontinent vers le peuple, qu'il sçauoit ia estre irrité contre les Cardinaulx, par ce qu'ilz n'auoient esleu Saxo, & par tant plus facile à induire. Enquoy il ioua si bien son roole qu'à la faueur dudiēt peuple il feit soudainement coronner Lampertus & le nommer Honorius deuxieme. Et par ce vient au but de son intention, que ne fut totalement inutile: Car Honorius se gouerna en la dignité, avec tant de prudence, qu'apres sa mort il laissa en toute la chrestienté vn grand regret de luy. Il ne teint le siege que cinq ans & cinq moys seulement.

¶ Les

# depuis Hue Capet, iusques à Loys, viii. du nō. F. cclxxxvij.

LES EMPEREURS REGNANS  
du temps de Henry Euesque  
de Verdun.



**H**ENRY cinquieme du nom (duquel auons escript en l'euesque prochain precedent) tenoit l'empire durant que l'euesque Henry presidoit en l'euesché de Verdun. Il mourut l'an mil cent vingt cinq.

*Vide supra. #*

**Lotarius** deuxieme de ce nom duc de Saxonie, fut canonicquement esleu par les electeurs l'an mil cent vingt cinq; Les historiographes toutefoys escriuent mil cent vingt sept. Il estoit filz de Gebhardus que Henry quatrieme auoit fait mourir. Son election ne pléut aux ducz de Sueue enfans de la seur de Henry cinquieme, à cause de laquelle il pretendoient quelque droit en l'empire, mais soubz couleur de ce, l'vng d'iceulx nommé Conradus entra en Lombardie prenant la couronne de fer: Ce pedant Lothaire gaigna les principales citez de Germanie, parquoy Conradus fut cōtrainct luy ceder & faire paix avec luy. Enquoy luy seruit beaucoup le moyen & la faueur de saint Bernard lors encores viuant. Depuis Lothaire feit deux voyages en Italie, ou il obtint plusieurs belles victoites, tant en restituât au siege apostolicque le Pape Innocent peu auant deiecté & fugitif en Gaule & par lequel il receut la corōne imperiale, que cōtre Rogerius Prince de Sicile qui auoit occupé & detenoit plusieurs terres & seigneuries en Italie appartenâtes au Pape, auquel l'empereur Lothaire restitua icelles terres & seigneuries, apres auoir deiecté & repoulsé hors des Itales icelluy Rogerius qui en fin s'enfuyt en Sicile, ou Lothaire deliberoit l'aller trouuer & là le poursuiure: mais les siés le voulans retirer en Almagne l'en destournerent. Peu apres s'en retournant en Germanie & estant sur son chemin mourut à Veronne sans enfans, plein de vertu & glorieuse renommée, de prudence & clemence, dequoy il estoit tant orné, qu'on ne lit qu'il feist oncques chose digne de reprehension à l'empire, ou depuis qu'il eut receu la corōne d'icelluy. Il regna vnze ans seulement, ainsi que dient aucuns, les autres tiennent douze ans. Tant y a qu'il fut inhumé l'an mil cent trente huit.

*Lothaire. ij. du nō  
iiij. xx. xij, Empe-  
reur.*

QVI REGNOIT EN FRANCE  
pendant le pontificat de l'euesque  
Henry.



**L**OYS sixieme du nom surnommé le gros, regna en France du temps de nostredict euesque Henry. Car il receut la corōne l'an mil cēt sept, & mourut l'an mil cent trente sept, comme auons ia dict en l'euesque precedent.

*Vide supra.*

LES DVCZ QVI TENOIENT  
Lorraine du temps d'icelluy euesque  
Henry.



**B**AVLDOVYN frere de Godefroy de Buillon succeda à sondict frere, tant au royaume de Hierusalem qu'au duché de Lorraine (ain si qu'auons escript es deux precedens euesques) qu'il possedoit du cōmencement que l'euesque Henry obtint l'euesché de Verdū, & mourut la deuxieme année du pontificat d'icelluy Henry, qui estoit l'an mil cent dixneuf.

*Vide supra.*

¶ laçoit

# Le .iiii. liure des antiquitez de la gaule Belgicque

¶ I'açoit que i'aye ia cy deuant touché, comme ledict Bauldouyn tenoit le duché de Lorraine, neantmoins il est bon icy pour l'intelligence des lecteurs d'escrire & repeter, que durans les vies desdictz Godefroy de Buyllon & Bauldouyn son frere, qui porterent tiltre de ducz de Lorraine, Guillaume seigneur de Iaynuille le plus ieune frere gouernoit ledict duché de Lorraine, & combien qu'on trouue aucuns actes esquelz il se nommoit duc de Lorraine, neantmoins il ne le fut iamais en chef: mais estoient feldictz deux freres ainez vrais ducz, & en porterent le tiltre, l'un apres l'autre. Aussi ce Guillaume mourut l'an mil cēt dixhuiet, vn an auāt son frere Bauldouyn soubz qui il gouernoit Lorraine. Ainsi il n'en fut iamais duc en chef: mais bien son filz ainsné Theodoric lequel apres la mort de son oncle Bauldouyn roy de Hierusalē & duc de Lorraine, print le tiltre de duc audict pays, comme dirons presentement.

*Theodoric premier du nom duc de Lorraine.*

*Les meurs d'iceluy Theodoric en ieunesse.*

**Theodoric** ou Thierry, filz ainsné de Guillaume, Baron de Iaynuille, & neveu de Godefroy de Buyllon, & Bauldoyn roy de Hierusalem succeda au duché de Lorraine par le deces de sondict oncle Bauldouyn l'an mil cent dixneuf. L'historien de Lorraine escript que ce Prince Thierry fut en sa ieunesse & du commencement de son regne, homme fier & haultain, vsa de tyrannies & oppressions contre ses subiectz & les eglises de son duché, mesmes sur les nobles d'icelluy duché, quand ilz luy vouloient faire remonstrances, ou contredire à ses voluntez. Il desheritoit les vns, chassoit les autres hors du pays, voire vsurpoit indifferemment sur les eglises de ses pays dismes, ou rentes d'icelles. Brief sur tout ce qui luy venoit en fantasie & à son plaisir. Toutefois apres auoir mené ceste vie enuiron quatre ou cinq ans reconnoissant soy mesmes changer de meurs & conditions, deueint vertueulx, & ayma Dieu & les eglises, comme nous traicterons tantost.

*Opinion de l'historien de Lorraine, des guerres d'iceluy Theodoric, contre les princes de Lemburg & Louain.*

¶ Mais auant m'a semblé bon toucher icy ce qu'aucuns historiens de Lorraine ont escript. C'est que ce Theodoric eut plusieurs guerres & batailles contre le ieune Héry duc de Lemburg, auquel l'empereur Héry cinquieme auoit baillé le duché de Lorraine, & depuis contre Godefroy comte de Louain surnommé le barbu à qui semblablement l'empereur Henry cinquieme bailla le mesme pays de Lorraine, voyant ledict Henry de Lemburg ne l'auoir sceu deffendre contre icelluy Theodoric. Escriuet oultre ces historiens de Lorraine y auoir eu iournée & bataille pres Thionuille, entre lesdictz Theodoric & Henry, ou mesmes estoit en personne ledict Empereur, la presence duquel ne peult tant que Theodoric n'obteint victoire, avec deffaicte de ses ennemys qui furent repoulsez de sorte qu'ilz traicterent peu apres la paix avec luy tellement qu'il demoura paisible de son pays.

*Raison contraire à l'opinion susdicte.*

¶ Je n'ay veu ne leu es histoires authentiques ce que ie viens de reciter, & n'en font vn seul mot de mention, Sigebert, Nauclerus & autres anciens historiés qui me font dire les historiens de Lorraine auoir equiuocqué en cest endroit, veu mesmes que Sigebert, Nauclerus & autres historiographes plus antiques, voite quasi du mesmes temps traictans de la donation faicte par l'empereur Henry quatrieme à Henry de Lemburg de la portion de Lorraine, laquelle depuis son filz Henry cinquieme osta au dict de Lemburg, & la bailla à Godefroy de Louain, surnommé le Barbu. Escriuent expressement que ce fut enuiron l'an mil cent six, auquel temps Henry quatrieme auoit ia cedé l'empire à sondict filz Héry cinquieme. Aussi est certain que audict mesme temps le susurnomé Theodoric n'estoit encores duc de Lorraine. Mais en estoit lors seulement gouerneur son pere Guillaume Baron de Iaynuille, soubz Bauldouyn roy de Hierusalem.

¶ Dauantage ceste donation de Lorraine ainsi faicte par lesdictz empereurs aux sur nommez Henry duc de Lemburg & Godefroy surnommé le barbu, ne se doit entendre de la haulte Lorraine, mais d'une portio appellée la basse Lorraine, lors située ou de present est Brabant, laquelle deslors fut separée & desmembrée du duché de Lorraine par lesdictz empereurs, qui prindrēt occasio de ce faire, voyās q̄ Godefroy de Buyllon

# depuis Hue Capet, iusques à Loys viij. du nō. F. cclxxxviii

de Buillon estoit mort, & son frere Bauldouyn estre tant empesché en la deffence de son royaume de Hierusalem, qu'il ne leur pourroit en ce donner empeschement. Par tant feirent lesdictes donations, au moyen desquelles Thierry heritier desdictz Godefroy de Buillon & Bauldouyn son frere, ses oncles, ne peult iouyr que de la haulte Lorraine, qui est celle mesme dont les ducs de Lorraine à present regnans iouyffent encores maintenant.

¶ Il est biē possible, voyre vray semblable que Guillaume pere de ce Thierry, en l'absence de son frere Bauldouyn roy de Hierusalem fait quelque résistance quand lesdictz Empereurs separerent ladicte portion de la haulte Lorraine: mais à la verité il ne sceut autrement l'empesché. Car nous voyons ledict Godefroy de Louain dict le Barbu l'auoir retiré, en auoir iouy & s'estre nommé en icelle premier duc de Brabant apres qu'il l'eust soubz ledict nom erigé en duché, si que ses successeurs ont iusques icy tousiours depuis iouy d'icelle portion.

¶ Notent en cest endroict les lecteurs (s'il leur plaist) que combien que les empereurs eussent rédu audict Henry de Lemburg, & depuis luy audict Godefroy le barbu icel le portion dicté la basse Lorraine, par ce mesmement qu'il la scauoient leur appartenir à cause de leurs predecesseurs: toutefois iceulx Henry & Godefroy pretendoient tous deux droit en la haulte Lorraine tout cel qu'en la basse, à raison qu'ilz estoient descenduz des filles de Charles premier duc de Lorraine, qui auoir iouy de la haulte & basse Lorraine, comme auons deduit cy deuant.

¶ Ces deux Henry de Lemburg & Godefroy de Louain eurent entre eulx quelques guerres pour raison desdictes donations: mais finalement ilz s'appointerent si bien que icelluy Henry print à femme la seur de Godefroy le barbu: puis promeisrent par alliance reciproque repeter la haulte Lorraine, & la recouurer sur les heritiers de Godefroy de Buillon. De fait quelque temps apres entreprirent ledict recouremēt contre Symon duc de Lorraine filz dudit Theodoric: Toutefois ilz n'obteindrent à leurs fins & intentions, mais feirent mal leurs besongnes: Car ledict Symon fut def fendu par l'empereur Lothaire, comme nous dirons cy apres en traictant dudit duc Symon. Si les lecteurs desirent veoir plus amplemēt l'estat passé dudit duché de Lorraine, faire le pourront par ce qu'en auons escript en la vie de Richerus, qui fait que n'en ferons autre mention, mais reuiendront au duc Theodoric.

¶ Nous lisons qu'en uirō l'an mil cent vingt quatre le duc Theodoric laissant ses mau uaises meurs, complexions, fieretez, & orgueil, il s'adonna totalement à seruir Dieu, & feir plusieurs fondations, entre aultre vne au monastere de Metheloch, diocese de Treues commençant.

*Quoniam sigillari debet solemnis actio, &c. Ideo ego Theodoricus pia memoria domini Vvilliel mi Bollonij ducis ac marchionis, ac rectoris Lotharingie filius ac primogenitus gratia Dei Lotharingie dux. Notum facio omni generationi iustorum, quod maliciam meam cognoscens excedere & maiorem esse operibus meis bonis, &c. Do domino Abbati & fratribus ecclesie beati martyris Dionysij in Mediolacu supra Sarram villam nostram, &c. Data. xij. Feb. M. C. XXIII.*

¶ Nous trouuons aussi qu'en uirō cinq ans apres, mesmes l'an mil cent vingt huit, il print l'habit de religion audict monastere, ou il vesquit de puis seulement quatre ans vers la fin, desquelz mesmes l'an mil cent trente deux il mouut. Son corps fut inhumé deuant le grand autel de l'eglise dudit monastere de Metheloch. |

¶ Ce Theodoric eut pour femme Berthe fille de Symō duc de Mozelane, en laquelle il engendra plusieurs enfans. A scauoir Symon qui luy succeda au duché de Lorraine, Henry qui fut euesque de Toul, Charles chantre & chanoine de Liege, Ferry qui fut archidiacre de Toul, & Thiebault qui teint le comté de Toul quelque tēps. puis (selon aucuns) mourut sans enfans, au moien dequoy son frere Ferry luy succeda audict comté. Le duc Theodoric eut semblablement de ladicte femme Berthe trois filles, la premiere Adeline, mariée à Henry roy d'Angleterre, la secōde Anne, fut femme de Lupold Marquis d'Autriche, & la tierce nommée Methilde espousa Folmarus comte de Metz. Soubz ces filz & filles dudit Theodoric le duché de Mozelane fut diuisé entre plusieurs, de sorte qu'il print fin & perdit son nom de leur temps.

¶ Qui

*Appointemēt entre Henry de Lemburg & Godefroy le Barbu.*

*Entreprise contre Symon duc de Lorraine.*

*Fondatiō de Theodoric au monastere de Metheloch.*

*Theodoric prend habit de religion, & de sa mort.*

*De la femme & des enfans dudit Theodoric.*

# Le iiii. liure des antiquitez de la gaule belgicque

¶ Qui tenoit le comté de Bar durant l'euesque Henry premier du nom.

*Vide supra.*



**R**E G N A V L D, O V R E G I N A L D V S (duquel auons escript es vies des euesques precedens) teint le comté de Bar du temps dudiect Henry premier du nom euesque de Verdun.

¶ Les comtes de Haynau, qui estans conioinctz au sang d'Emengarde, fille de Charles de Lorraine, tenoient lediect comté du temps de Henry euesque de Verdun.

*Vide supra.*



**B**A V L D O V Y N premier du nom, le plus ieune des deux filz de Richilde (duquel auons escript cy dessus en l'euesque Theodoric) posseda le comté de Haynau du temps de nostrediect euesque Henry, & iusques en l'an mil vingt six.

*Bauldouyn deuxieme comte de Haynau.*

**Bauldouyn** deuxieme du nom, filz dudiect Bauldouyn premier, & d'Yda sa femme, succeda à son pere audiect comté de Haynau l'an mil cent vingt six, & ne teint lediect côté durant le pontificat de l'euesque Henry, sinon troys ans: car lediect euesque renonça à son euesché l'an mil cēt vingt neuf, ou enuiron ainsi qu'auons recité cy deuant. Ce Bauldouyn fut tresuertueux, & bening, eut plusieurs guerres contre les occupateurs du comté de Flandres, qu'il disoit luy appartenir par droit de succession. Au moyen dequoy fait grande poursuite pour le recouurement dudiect comté, signamment apres la mort de Charles le bon (comme i'ay touché n'aguères) mesmes l'an mil cent vingt sept, quand Guillaume le Normât fut fait comte de Flandres, à l'ayde & faueur de Loys le gros roy de France. En la presence duquel lediect Bauldouyn deuxieme querelant instamment lediect comté, & pour defendre son droit en icelluy prouoca souuent & appella au combat singulier, & corps à corps tous les pretendans droit audiect comté de Flandres: mais le roy Loys l'empescha tousiours & ne le voulut permettre, ou pource qu'il soustenoit le party dudiect Guillaume le Normant, ou bien pour la craincte qu'il auoit de la proüesse & grand cueur dudiect Bauldouyn, lequel partant en demoura là sans en pouuoir auoir aultre raison. Maistre Jacques de Guyse tient que ce Bauldouyn espousa la fille du duc de Geire, qui luy fait deux filz & deux filles, l'aîné de ses filz nommé Bauldouyn l'edifieur, luy succeda au comté de Haynau. Il mourut l'an mil cent trente troys, estant encores en la fleur de son aage.

*Bauldouyn. ij. que rela le comté de Flandres, contre Guillaume le Normant.*

FIN DE LA VIE DE HENRY  
premier du nom quarantequatrieme euesque  
de Verdun.

¶ La vie



depuis Hue Capet, iusques à Loys, viii. du nō. F. cclxxxix.

83 LA VIE DE VRSIO  
quarantecinzieme Eues-  
que de Ver-  
dun.



VRSIO ALIAS VRSINVS, fut esleu le qua-  
rantecinzieme Euesque de Verdun, l'an mille cent  
vingtneuf selon aulcuns. Les autres dient mille cent  
trente. Voicy la maniere de son election. Tost apres  
que l'Euesque Henry premier du nom, eut par le con-  
seil & bonnes remonstrances de saint Bernard cedé  
& renoncé à l'Euesché de Verdun, en la presence de  
Mathieu Euesque d'Albanie, legat du siege Aposto-  
licque & de tous les asistans peu auant par luy con-  
uocquez à Chaalon en Champagne poursuiuant le  
mandement & commission du Pape Honorius, oyr,

*Vrsio xlv. Eues-  
que de Verdun.*

terminer & iuger les differens estans lors entre ledi&t Euesque Henry, son clergé &  
ses citoyens de Verdun (comme auons plus au long déclaré cy dessus) & que ledi&t  
Legat Apostolicque avec tout son consistoire eut receu ladi&te renonciation &  
cesssion dudi&t Henry: Ice lluy Legat ordonna des lors au clergé de Verdun procé-  
der à nouvelle election d'vn aultre Euesque, leur remonstrant les grandes miseres  
& calamitez souffertes par l'Eglise de Verdun durans leurs dissentions, & les enhor-  
tant a ce moyen charitablement & de grand zele, d'eslire vn personnage de sainte  
vie & conuersation semblable, & qui feust scauant & prudent pour bien regir l'Eues-  
ché & reduire en bon ordre ce qui y estoit difforme & scandaleux.

*Election de l'Eues-  
que de Verdun re-  
mise au clergé de  
Verdun.*

¶ Le clergé de Verdun esmeu par tant notables monitions, esleut vniformement &  
d'vne mesme voix, le bon Vrsio Abbé de saint Denys à Reims, lors estant à Cha-  
alon, ou pour son scauoir & reputation de sainte vie, le Legat Apostolicque l'auoit  
fait venir, à fin d'asister audict consistoire. Incontinent apres son election il fut con-  
duict en grand honneur à Verdun, là mis en possession de la dignité Episcopale, ter-  
res & iurisdiccions dudi&t Euesché, qu'il trouua grandement troublé & inquieté de  
plusieurs gros affaires, mesmes chargé de grandes alienations & entreprin&es de iu-  
risdiccions sur les droit& de l'Eglise d'icelluy Euesché. Or combien que d'entrée  
Vrsio eust bien bon vouloir mettre ordre & police par tout, ensemble reformer en  
mieulx ce qui estoit desordonné & desreglé, toute fois il estoit si bon, simple, & tant  
accoustumé à contemplation & au repos de sainte religion, que peu apres son arri-  
uée à Verdun mettant à nonchaloir & obly l'administration du temporel de son E-  
uesché, se retira au monastere de saint Venne, à fin d'y viure solitairement. Dont  
proceda & s'enfuiuit l'augmentation des entreprin&es & l'accroissement du dom-  
mage & perte des droit& & biens de son Eglise. Car les nobles du pays (qui commu-  
nement sont enuieux & appetans des biens de l'Eglise) congnoissans la simplicité &  
puissance de l'abbé Vrsio, entreprenoyent iournellement contre & sur les iurisdiccions de l'E-  
glise & Euesché de Verdun. Entre aultres & le premier de tous, Raynaldus comte  
de Bar qui quelques années auant, auoit recouré le comté de Verdun (comme a-  
uons di&t es vies des Euesques precedens) & qui n'estoit moins desplaisant, que be-  
aucoup marry de ce que l'Euesque Henry son confederé auoit en son absence cedé &  
renoncé à son Euesché.

*Vrsio Abbé de S.  
Denys à Reims es-  
leu Euesque de  
Verdun.*

*Simplicité & pu-  
issance de l'e-  
uesque Vrsio.*

## Le.iii. liure des antiquitez de la gaule Belgicque

*Guillaume le normant institué par force comte de Flandres.*

¶ Nous trouuons qu'à lors que l'Éuesque Henry ceda en son Euesché le comté Raynaldus n'estoit en son pays de Bar, mais estoit absent de l'année precedente mille cent vingtneuf, comme afferme l'autheur du Rozier de France, & estoit allé en Flandres avec Philippe filz de Loys le Gros Roy de France, pour ayder & deffendre Guillaume le Normant que ledict Roy auoit par force fait comte de Flandres, & lequel ses subiectz Flāmans vouloyent expulser & deietter de leur pays pour les grandes iniures, violences & extorsions qu'il leur faisoit. Et du commencement cestuy Guillaume a l'ayde & secours dudit Roy Loys, d'icelluy Raynaldus, & de Godfrey le Barbu comte de Louain qui tenoyent son party (ainsi que dict Iacobus Meyerus en son hystoire de Flandres) se deffendit tresbien contre ses ennemis & obtint victoire cōtre eulx: Toutefois peu apres icelle mourut d'une playe mal guerrie qu'on luy auoit fait en ceste bataille d'un coup de trait d'arbalestre.

*Raynaldus veut entreprendre la totale seigneurie de la cité de Verdū.*

¶ Or si tost que ledict Guillaume le Normant eut obtenu victoire sur ses ennemis, le comte Raynaldus se retira en son pays & comté de Bar, ou il sceut veritablement Henry estre depoté de l'Euesché de Verdun, & en son lieu auoir esté esleu & institué Euesque Vrsio qui lors estoit vers l'Empereur Lothaire, pour luy faire hommage de ce qui concernoit & dependoit du temporel de son Euesché, dont le comte de Bar eut tel despit & tant de desdain, qu'il delibera entreprendre la souueraineté, domination & seigneurie de la cité & comté de Verdun sans en rien reconnoistre les Euesques: desquelz neantmoins ses predecesseurs & depuis luy auoyent tenu & tenoyent ledict comté seulement par maniere d'administration. De fait assemble à ceste fin grosse armée de gens d'armes, avec lesquels vint à Verdun, admenant outre quand & luy, grand nombre de massons, charpentiers, manouuriers & aultres gens experts en l'art d'Architecture & de bastir. Si tost qu'il fut arriué considera & proiecta l'assiette du iardin ensemble le circuit de la maison Episcopale, ou il trouua & veit lieu commode & fort conuenable pour y edifier & construire vne tour, voire vn chasteau de deffense, par lequel il pourroit (ce luy sembloit) tenir subiecte toute la cité, & user d'icelle à son plaisir & comme seul & premier seigneur.

*La tour dicte la court louue edifiée en la maison Episcopale par le comte Raynaldus*

¶ En cest endroit entendent les lecteurs & notent (s'il leur plait) qu'apres, voire ioignant ledict iardin de la maison Episcopale y auoit vne petite montagne en façon de rocher ou d'un fort, contenant un petit boys de haulte fustaye par maniere d'un lieu de plaissance, que le comte Raynaldus feit incontinent couper & abbatre, puis au lieu mesme d'icelluy bastir & edifier vne grosse tour en maniere & façon de chasteau, ou il meit des lors garnison de gens à luy fidelles & de sa faction, pour la deffendre contre tous. Par ce moyen il teint toute la cité en grande subiection & trop plus fascheuse, & moleste seruitude. Car ceulx de ce chasteau faisoient indifferement grandes violences, oppressions & pilleries continuelles aux citoyens & clergé de Verdun, battoient l'un, venoyent assaillir & molester l'autre, rompre les maisons des chanoines, piller & emporter à force tous leurs biens, & toutefois n'y auoit homme qui eust osé contredire. Dont adueint que plusieurs des habitans furent contrainctz s'enfuir & changer de logis. Et laquelle tour & ruine d'icelle est encor de present appellée la court du voué.

*Raynaldus assaillit l'Éuesque Vrsio & print prisonniers plusieurs de ses gens.*

¶ D'auantage ledict Raynaldus autheur de tous lesdictz oultrages & molestes, pour plus exercer sa tyrannie, aduertiy que l'Éuesque Vrsio retournoit de la court de l'Empereur, avec ses gens & compagnie, meit embusche sur les champs pour le prendre. Somme le veint rencontrer & assaillir en un destroit de chemin, ou il print prisonniers plusieurs de ses officiers, prestres, clerics, & aultres ses seruiteurs qui le suiuoyent, mais il ne sceut empoigner ledict Éuesque Vrsio, parce que des le commencement de la rencontre, ayant esté certioré du cas, eschappa, print la fuitte & se retira à Reims, delibéré ne plus retourner à Verdun, & des l'heure marry & desplaisant d'auoir

# depuis Hue Capet, iusques à Loys viij. du nom. F. ccxc.

d'auoir prins charge de l'Euesché, ne cerchoit aultre chose, fors trouuer l'opportuni-  
té de se demettre honnestement de son Euesché de Verdun, pource notamment qu'il  
y voyoit telle desolation & n'y pouoit mettre ordre.

*L'euesque Vrsio  
laissant son Eues-  
ché se retira à  
Reims.*

¶ Semblablement ceulx du clergé se voyans & sentans ainsi oppressez cessèrent le  
seruice diuin, sans plus chanter en l'Eglise, messes, matines, ne heures canoniales. Auf-  
si tous les citoyens estans reduictz en la seruitude cy dessus narrée, pleuroyent inces-  
samment, & lamentoyent leur fortune & condition miserable, en sorte qu'entre culx  
n'y auoit fors desordre & confusion. L'Eglise pareillement se sentant de la calamité  
fut reduicte en telle necessité que toute sa couuerture se rompit & desioignit, dont  
s'ensuiuit la pourriture des voultres degast & desassemblément des murailles d'icelle  
par l'iniure du temps & à force de pluie, les chappelles & aultelz demeurèrent des-  
couuertz sans ornemens ne decoration accoustumez. Brief ladicte Eglise estoit en ge-  
neral desolation & ruine indicible.

*Le diuin seruice  
cessé en l'Eglise  
de Verdun pour  
les oppressions du  
come Raynaldus*

*L'Eglise de Verdun  
en ruine.*

¶ Toutefois durans ces tyrannies & miseres la benoiste & sacrée vierge Marie, en  
l'honneur, & soubz le nom de laquelle l'Eglise est fondée, eut pitié de ladicte Eglise  
& ne voulut permettre qu'elle tombast entierement en decadence. Mais desirant sa  
restauration & reestablishement, faisoit en ce mesme temps (comme recité Laurent  
Leodien, en son collectaire) iournellement beaulx miracles en ladicte Eglise ainsi  
ruinée & desolée, tellement que gens y venoyent de toutes pars en grande abondan-  
ce, offrir leurs veuz & offrandes, rendans à Dieu & sa chere mere Marie, deuotes a-  
ctions de graces des benefices, qu'ilz auoyent experimentez sur eulx & leurs biens.

*Grans miracles  
en l'Eglise de Ver-  
dun.*

¶ L'hystorien n'agueres nommé, dist que les œures miraculeuses qui se feirent en  
ladicte Eglise furent en si grand nombre, que le Doyen d'icelle Eglise nommé Guil-  
laume, homme de grand sçauoir & tres sainte vie, & qui redigea par escript iceulx  
miracles, en fait vn grand volume, qu'il composa doctement & en stile tres elegant,  
ce qui fut cause que tous les ans depuis on a celebré en ladicte Eglise la feste & solen-  
nité desdictz miracles de la glorieuse vierge Marie, que ledict Doyen fait deslors in-  
stituer, & encores auourd'huy celle institution s'obserue, combien que le volume  
composé par ledict Doyen a esté perdu & ne se treuve plus par les miseres & iacture  
des feuz qui ont esté depuis en ladicte Eglise.

*La feste des mira-  
cles nostre Dame  
instituée en l'Egli-  
se de Verdun.*

¶ Je discontinueray vn peu mon principal discours pour auant que passer plus oultre  
vous dire vn mot dudict Doyen Guillaume. On lit qu'il estoit de tresgrande & e-  
minente doctrine, conioincte, & accompagnée de sainteté de vie non moindre, que  
incessamment il estoit occupé es lectures de la sainte escripture & es bonnes œu-  
res, comme de saintes predications & reprehensions des vices & pechez esquelz  
les hommes estoyent presque submergez, signamment contre l'auarice des prestres  
qui lors regnoit excessiuellement en l'Eglise de Dieu. D'auantage qu'il estoit si charita-  
ble aux pauures, qu'il sembloit ordinairement sa maison estre vn hostel Dieu & ho-  
spital des pauures, tant en logeoit & receuoit, & tant leur bailloit d'aulmosnes, de-  
quoy ne se fault beaucoup esmerueiller veu qu'il auoit esté de ieunesse nourry en tel  
les bonnes œures, & entretenu en semblables actes de charité par son bon pere Gie-  
zelo & sa deuote mere Heluydis, lesquelz tant qu'ilz vesquirent feirent plusieurs  
grands biens aux Eglises de Verdun, signamment au monastere de saint Venne, au-  
quel ilz aulmosnerent vn molin, avec tout ce qu'ilz possedoyent en terre, prez & boys  
au lieu de Baroncourt. Incontinent apres la mort de ladicte Heluidis le bon Giezelo  
esmeu du zele de sainte deuotion voulut prendre l'habit de religion audict monaste-  
re de saint Venne, & ce faisant y laisser & donner le reste de ses biens. Mais le ven-  
rable Abbé Laurentius homme iuste & sans cupidité d'auarice, luy conseilla & en-  
horta prendre l'habit & faire profession soubz saint Gorgonne au monastere de  
Goze, duquel tousiours parauant il auoit esté voué, luy remonstrant & allegant à fin

*Les grandes ver-  
tus du doyen Guil-  
laume auteur du  
liure des miracles  
nostre dame.*

*Les grands biens  
que firent les pere  
& mere dudict  
doyen Guillaume*

# Le.iiii. liure des antiquitez de la gaule Belgicque

*Gizeclo par le conseil de l'abbé Laurons, se rendit religieux à Goze.*

de l'induire plus volontairement, que s'il auoit fait quelque faulte ou dommage au dict monastere, il en feroit condigne satisfaction en y laissant ses biens.

*Les tyrannies de ceulx du chasteau contre les pelerins*

¶ Or (à fin que ie P'entre en matiere) nonobstant les beaulx miracles cy deuant mentionnez & sans auoir esgard à iceulx, le comte Raynaldus & ceulx qui de sa part garderent son nouueau chasteau, ne cessoyent iournellement d'exercer de plus en plus leurs tyrannies, mesmes contre les pellerins qui lors visitoient par deuotion ladicte Eglise nostre Dame, les mocquant des murailles dudict chasteau, leur tirant par les fenestres d'icelluy, traitz d'arcz & arbalestes, les molestant en diuerses manieres, & souuentefoys fortoyent sur eulx, les pilloyent & emportoient audict chasteau, tout ce qu'ilz auoyent sur eulx, en somme leurs faisoient du pis qu'ilz pouoyent.

*De Estienne Euesque de Metz frere de Raynaldus de Bar.*

¶ Pour plus entendre & plus facilement concepuoir les matieres subsequentes, ie suis pressé premier que venir au discours d'icelles, aucunement repeter & reprendre les precedentes, & ce qu'auons escript en l'Euesque Richerus, d'Estienne Euesque de Metz, frere du comte Raynaldus. Nous lisons es hystoires des Euesques de Metz, que ledict Estienne obtint l'Euesché dudict lieu, enuiron l'an mille cent vingt l'an deuxieme du Papat de Calixte son oncle frere de sa mere. Et pource que lors le scisme d'entre l'Eglise Romaine & l'Empire n'estoit encores cessé, mais le continuoit l'Empereur Henry cinquieme, icelluy Estienne alla à Rome, ou fut sacré Euesque, puis fait Cardinal par sondict oncle Calixte, duquel il obtint priuilege & licence de porter sa vie durant seulement & vser du paille, sans deroger ne faire preiudice à son metropolitain l'Archeuesque de Treues. Depuis son retour de Rome, il fut plus de deux ans auant qu'estre receu en son Euesché de Metz, combien qu'il feust parent dudict Empereur Henry cinquieme, demeurant tousiours absent iusques à ce que la paix fut publiée en l'Eglise entre lesdictz Pape Calixte & l'Empereur Henry. Lors & en ce temps retourna en sondict Euesché icelluy Estienne celebra ses premiers ordres en l'Eglise qu'on dict le mont saint Quentin, & trouua son Euesché fort troublé, les biens d'icelluy diuersement occupez & detenez par les nobles du pays. Tandis qu'il teint ledict Euesché ( que ie trouue auoir esté par quarante troys ans) il feit plusieurs & grands ceuures vertueux, recouura toutes les terres & seigneuries d'icelluy, alienez durant le scisme & soubz le pretexte d'icelluy, & ce à l'ayde de ses parens, signamment du comte de Bar Raynaldus son frere, de ses cousins les ducz de Lorraine, & de Mozellanne, & de son parent Frederic Barbrousse, quād il veint à l'empire.

*Les vertuz de Estienne Euesque de Metz, nepueu du Pape Calixte.*

*Les acquest de l'euesque de Metz Estienne, pour son Eglise.*

¶ Aussi acquesta au profit de son Eglise de Metz plusieurs grands biens, terres & seigneuries, subiugua & vainquit plusieurs ennemis circonuoisins, qui troubloyent & molestoient son Euesché. Entre les acquestz qu'il feit à l'vtilité de son Eglise, est celuy du chasteau de Rambervillers qu'il feit fermer. Oultre feit reedifier le chasteau de Lucelburg nommant de son Eglise en droit de fief, si tost qu'il l'eut recouuré à l'ayde de l'Empereur Frederic, sur Mathieu duc de Lorraine, qui l'auoit occupé par la mort de Hugo filz de Folmarus comte de Metz,

*Mathieu duc de Lorraine voué d'Espinal soubz l'Euesque Estienne*

¶ Il acquesta semblablement le chasteau de Viuiers & vne partie de celuy de Ruacey. Plus par l'ayde dudict Mathieu duc de Lorraine, il retira au profit de son Euesché, vn chasteau situé au plus hault lieu de la ville d'Espinal, qu'un noble du pays, soy disant voué dudict lieu, auoit occupé & detenu long temps. Des lors du recouurement dudict chasteau pour recompense de ce que le duc Mathieu l'auoit aydé, il luy bailla la vourie d'Espinal, tenant & mouuant de luy en fief. En recongnissance de quoy ledict duc ne voulant estre ingrat de son costé, bailla des lors à perpetuité à l'Eglise saint Estienne de Metz, vn gaignage qu'il auoit au lieu de Vy.

¶ Pareillement, il remeit en son obeysance par force & aultrement les chasteaulx de Mucabel, Monfaulcon, Danubre, Aspremont, & celuy de Pierre pertuse, deuant lequel

# depuis Hue Capet, iusques à Loys viij. du nom. F. ccxci.

lequel il teint vn an le siege, comme apert encores par les ruines dudit lieu. Dauantage il destruisit & ruina le chasteau de Deulevard du temps de Henry premier du nom Euesque de Verdun, à qui appartenoit ledict chasteau à cause de son Euesché. Ce adueint en hayne & vengeance d'aucunes iniures qu'on auoit fait aux citoyens de Metz, avec ce, il feit abbatre & razer de fond en comble, le chasteau de Cerly, celui du duc deuant Vy, la forteresse lors assise entre Vy & Massaulx, vn aultre chasteau situé pres Massaulx appartenant au comte de Hoemburg, la tour de Thiaucourt, & le chasteau de Vvaltimont. Les pilleries courtes & dommages que faisoient continuellement les demeurans & habitans esdictz chasteaulz & places, sur les hommes & subiectz de son Euesché, furent cause de la destruction & demolition d'iceulx chasteaulz & places. Il assailit le chasteau de Prendy, & y feit donner tant d'assaulx que les murailles estoient desia persées, voire l'eust entierement abbatu & destruit, n'eust esté que son frere Raynaldus comte de Bar, le pria de sorte qu'il le feit desister de son entreprinse.

*Les places & chasteaux conquis, & abbatuz par l'Euesque Estienne*

¶ Finalement ledict Euesque Estienne estant plein de toutes vertuz, mourut l'an mil le cent soixante quatre, durant le regne de Frederic Empereur, & au commencement du scisme qui fut en l'Eglise, entre Alexandre troisieme & Victor, pretendans le Papat en mesme temps. Toutefois l'Euesque Estienne adhera tousiours à l'Eglise Romaine.

*La mort d'estienne Euesque de Metz*

¶ Auant que retourner à nostre Euesque Vrsio qui estoit absent de son Euesché de Verdun, pour les tyrannies du comte Raynaldus & ses gens, & aultres causes dessus narrées, ie suis contrainct reciter qu'en l'an mille cent trente, Innocentius deuxieme du nom, fut crée Pape par tout le consistoire de Rome. Dont desplaisans aucuns nobles de Rome gens seditieux & adherans à vn nommé Pierre Leon, prindrent couleur & de fait esleurent Antipape en l'absence dudit Innocentius, icelluy Pierre Leon. Qui aussi tost entra par force es Eglises de Rome, y print & desroba, tout l'or & l'argent qu'il y trouua: signamment emporta & raut de l'Eglise saint Pierre vn Crucifix d'or, ensemble les coronnes & aultres ioyaulx de ladicte Eglise, desquelz il feit grosse somme d'argent, dont il assembla grand nombre de gens d'armes soubz la faueur & secours desquelz resolu au soustenement de son entreprinse, feit en sorte que le Pape Innocentius fut contrainct laisser Rome, & venir en France, ou il arriva l'an mille cent trente vn.

*Innocent. ii. eleu. Pape, & Pierre Leon Antipape.*

*Le Pape innocent fugitif en France.*

¶ Ouquel temps apres auoir esté reueremment receu de Loys le Gros Roy de France, il celebra vn Concile à Clermont en Auvergne, & depuis encores vn aultre à Reims, ou il oignit & sacra roy de France Loys tiers filz dudit Roy Loys le Gros, qui depuis fut surnommé le Piteux.

*Conciles à Clermont & Reims tenus par le Pape innocent.*

¶ Quelqu'un possible demanderoit en cest endroit pourquoy ledict Loys le piteux fut plustost sacré que son frere aisné Philippe premier filz dudit Loys le Gros, mais ie luy respondray le mettant hors de peine, que ledict Philippe quelque temps auant vn iour entre aultres cheminant à cheual par la cité de Paris se rua en tombant à terre de dessus son cheual, entre les iambes duquel s'estoit par fortune mis & envelopé vn pourceau. Ceste mort inopinée par ledict roy Loys le Gros luy auoit esté predictée & denoncée au parauant par saint Bernard, lors qu'il le menassoit de quelque grand inconuenient futur, pource qu'il ne se vouloit desister des oppressions & molestes qu'il faisoit aux Eglises de son Royaulme. Les termes de ladicte Prophetie dudit Saint Bernard, sont, *Hec obstinatio primogeniti tui Philippi morte multabitur.*

*De la mort fortuite du filz Loys le gros.*

*Prophetie de saint Bernard.*

¶ En ce Concille tenu à Reims par le Pape Innocent assista le bon Abbé de saint Venne Laurentius, & y obtint vn priuilege, contenant exemption, liberte & franchise de toutes dixmes, pour les terres de son monastere de saint Venne que ses religieux cultiuyent & labouroyent en personne, ou faisoient labourer & cultiuer par aultres soubz eulx & à leurs despens. Si que de là en auant lesdictes terres furent des-

# Le.iii. liure des antiquitez de la gaule Belgicque

chargées desdictz dixmes: comme plus amplement appert par lettres apostolicques surce & à ceste fin expedies à Reims en faueur dudiect abbé Laurentius, desquelles lettres s'ensuyuent quelques clausules qui m'ont semblé deuoir estre icy transcriptes a fin de plus facilement congnoistre lediect priuilege qui commence.

*Priuilege pour ceulx de saint Venne de ne paier dixmes de ce qu'ilz labourent.*

*Innocentius Episcopus Seruus Seruorum Dei, dilecto filio Laurentio abbati sancti Vitoni vniuersisque eius successoribus &c.* Puis vers la fin dudiect priuilege s'ensuyt.

*Sane laborum vestrorum decimas que vel idipsum vel apud alium quolibet locum vestris sumptibus & laboribus excoluntur quietas vobis & illibatas manere concedimus. Nec nos super hec aut ab episcopo, aut eiusdem diocesanis, aut eius ministris inquietari permittimus, Non est enim ratio, nec sanctorum canonum auctoritas sanxit. Vt ab eis decimæ vel primitiæ exigantur qui pijs operibus vniuersa distribuunt. Si quis igitur &c. datum Remis ij. nonas Nouembris.*

*Le pape Innocent en Lorraine.*

¶ Apres lediect concile le pape Innocet veint en Lorraine (comme dit Platin) pour y trouuer Luithier ou Lothaire, qui auoit esté eleu empereur apres Henry. v. & n'estoit encores couronné, au moyen dequoy le pape esperoit estre par luy restitué en son siege à Rome. Lothaire roy des Romains le receut humainement, si qu'à son instance, & pour aduiser les moyens de mettre ordre en l'empire. Ensemble subuenir à l'eglise Romaine, furent de nouveau assemblez en la cité de Liege, par forme de concile general, tous les prelatz & princes des pais circouoilsins, lesquels presens iceulx pape Innocent & empereur Lothaire conclurent, que l'empereur iroit à Rome expulser l'antipape Pierre leon, & ce fait remettre lediect pape Innocent en son siege apostolicque. Ce que lediect empereur exccuta par apres.

*Concile à Liege presens le pape & l'empereur.*

*Innocet receu & l'antipape anathematizé.*

¶ Par les decretz desdictz conciles tenuz à Clermont, Reims & Liege, esquelz assisterent tousiours saint Bernard, & le venerable Hugo euesque de Granopolitaine, grand amy & d'ancienneté confederé dudiect Pierre Leon antipape, fut icelluy antipape anathematizé & excommunié. Conséquemment l'obeissance dudiect pape Innocent receue par toute la France & en Germanie: pource mesmes que lors apparurent grandz & emerueillables miracles: comme dir Anthonius en la ii. partie de son hiistoire au tiltre xvii.

*Plusieurs nouuelles religions instituées en l'eglise crestienne.*

¶ Enuiron ce temps florissoient en bruit & renommée de sainteté plusieurs religions nouvellement instituées: scauoir Premonstré, Cisteaux, Chartreuse, les Templiers de Hierusalé, Grandimons, Ceulx de Valleymbreuse, les Hermites saint Augustin soubz Guillaume duc d'Acquitaine, Et l'ordre des humiliez. Quelque peu apres les Croisez, les Carmelites, les Prescheurs soubz saint Dominicque, & les Mineurs, soubz saint François.

*L'euesque Vrsio declare au concile de Liege les miseres de son euesché de Verdun.*

¶ Or est temps (ce m'est aduis) de retourner à nostre euesque Vrsio qu'auions aucunemēt laissé derriere, il fut present avec l'abbé Laurētius, au concile tenu à Reims par le pape Innocent, à qui il auoit intention de faire entendre les miseres & calamitez de son euesché de Verdun: mais il differa la proposition d'iceulx, iusques a ce que le pape feust avec l'empereur Lothaire ou peu apres il se deuoit trouuer. Pour miculx venir au point & obtenir plus facilement ce à quoy il tendoit Lediect euesque Vrsio sollicita les principaulx chanoines & plus grandz es dignitez de son eglise de Verdun, de se trouuer & assister au concile conuocé à Liege audit an mil cent trente. Auquel concile & en plein consistoire d'icelluy, presens lesdictz pape & empereur icelluy Vrsio, ayant déclaré les tyrannies molestes & entreprises faites par les nobles du pais contre luy & son eglise de Verdun, allegua & remonstra l'indisposition de sa personne & nature, & son impuissance à exercer telle charge que l'euesque de Verdun, & deffendre les droiz temporelz d'icelluy, signamment en lieu limitrophe tel qu'estoit Verdun. Partant supplioit humblement & instamment au consistoire, l'excusant

# depuis Hue Capet, iusques à Loys, viii. du nom. F. ccxcij.

l'excusant pour les causes susdictes, l'admettre à renouer & ceder sondict euesché (chose qu'il faisoit de son plein gré & seul mouuement) & y prouueoir d'un autre plus capable que luy. Sa renonciation & cession volontaire, fut receue par tout le consistoire, au moyen dequoy le bon Vrsio remeit deslors le baston pastoral, & autres aornemens Episcopaulx es mains des chanoines de Verdun, qui estoient la presens: Aufquelz à ceste occasion fut deslors ordonné faire nouvelle election & nominatiō d'un d'entre eulx, auant leur parlement & retour à Verdun, aquoy ilz obtempererent, comme sera dit en l'euesque subsequent. Ainsi ne teint Vrsio l'euesché, qu'environ trois ans.

*La renonciation  
de l'euesque Vrsio  
faite de son euesché  
au concile de  
Liege.*

## QUEL PAPE TENOIT LE SIEGE DE

Rome du temps d'icelluy Vrsio, euesque de Verdun.



**I**NNOCENT deuxieme du nom, Romain de nation fut crée pape vniformément l'an mil cent trête. Tost apres son election, il entreprit guerre contre Roger, seigneur de Sicile: pource qu'il vsurpoit le nom de roy en Italie: cecy adueint apres que la posterité de Robere guichard Normant fut finie. Toutefois ledict pape y feit mal les besongnes du commencement, parce que ledict Roger fut secouru par son filz Guillaume, duc de Calabre: tellement que ledict pape fut pris prisonnier avec la pluspart des plus apparens de son armée, lesquelz peu apres furent facilement deliurez moyennant les paiz & accordz faitz avec ledict Roger. Ce pèdât s'esleua à Rome vn antipape appellé Anacletus, & parauant Pierre leon, qui exerça grâdes tirannies & pilleries sui les eglises de Rome, voire feit en sorté que le pape Innocētius fut cōtrainct se retirer en Frâce, ou il teint deux conciles, l'un à Clermont, l'autre à Reims, esquelz assista avec luy Loys le gros, roy de France: de la veint à Liege ou il trouua l'empereur Lothaire ou Lutherus, qui peu apres par le moyen d'une grosse armée le restitua en son siege apostolicque: au moyen dequoy, ledict Lothaire receut la couronne imperiale dudit Innocent. Qui en fin apres, auoir tenu le siege quatorze ans huit moys, mourut.

*Innocēt. ij. clxx.  
pape.*

## QUI ESTOIT EMPEREVR DV RANT


que Vrsio tenoit l'euesché de Verdun.

**L**OTHAIRE ou Luther, estoit Empereur durant que l'euesque Vrsio presidoit à Verdun: comme nous auons dit en l'euesque precedent.

*Voyez cy denā.*

## QUEL ROY REGNOIT EN FRANCE

au temps dudit euesque Vrsio.



**L**OYS sixieme du nom surnommé le gros gouuernoit France du tēps de nostre Euesque Vrsio: comme nous auons escript en l'euesque Henry.

*Voyez cy denā.*





# depuis Hue Capet, iusques à Loys, viii. du nom. F. ccxciiij.

¶ Cestuy Symon entreprint le voyage de Hierusalem, enuiron l'an mil cent trente neuf, laissant Mathieu son filz aîné, ioubz le gouuernement d'aucuns princes de Ton pays. Feit tant par ses iournées qu'il arriua en Hierusalem, ou il fut honorablemēt receu du roy Foulques lors regnant, & qui estoit son parent & de son sang. Peu apres ayant visité les sainctz lieux demanda charge de gens pour deffendre la terre saincte, contre les infideles. Le roy Foulques ioyeux de son bon zeile & vouloir, le constitua capitaine à Ioppe & Tripolis, ou il demoura pres de deux ans. Puis demanda congé de s'en retourner en son pays, ce que le roy luy accorda, luy donnant en recognoissance du secours, qu'il auoit receu de luy, plusieurs belles & sacrées relictues: entre lesquelles y auoit de la vraye croix & des cheueulx de Nostre Dame, qu'il esperoit bien apporter luy mesmes en son pays, mais mort le preueint à Venise, ou s'en retournant cheut en vne maladie, dont il mourut l'an mil cent quarante vn. Ses entrailles furent inhumées à saint Marc de Venise, & son corps honorablemēt rapporté en Lorraine, enterré en l'eglise de Beaupré.

*Le duc Symon entreprint le voyage de Hierusalem.*

*De la mort du duc Symon, à Venise.*

¶ Nous lisons que la femme nommée Geltrude, estoit fillé de Gerard Marquis de Saxonic, & seur de l'empereur Lothaire deuxieme, & qu'il eut deux freres germains, en fans de Theodoric susnommé duc de Lorraine. L'vn de seldictz freres nommé Thiebault fut comte de Toul, cestuy mourut sans enfans, au moyen dequoy luy succeda audict comté de Toul, son autre frere, nommé Ferry, ou Frederic, qui à ce moyē eut pour femme Berthe, fille de Symon dernier duc de Mozelande, & filz de Thierry duc dudit duché qui fut frere de Gerard premier comte de Vaudemont, dōt nous auōs escript cy dessus. L'eldictz Symon duc de Mozelande, & Berthe sa fille moururent sans enfans, au moyen dequoy le duché de Mozelande fut deslors diuisé entre plusieurs, en sorte qu'il print fin & cessa lors totalement le tiltre & nom d'icelluy.

*Geltrude femme du duc Symon seur de l'empereur Lothaire.*

*Fin du tiltre de la duché de Mozelande.*

¶ Pour monstrier que les susnommez Thiebault & Ferry furent freres comtes de Toul & filz dudit Theodoric duc de Lorraine, consequemment aussi freres dudit Symon: Je insereray presentemēt icy vne clause extraicte des lettres de la confirmation que fait Mathieu de Lorraine comte de Toul, filz de Mathieu premier du nom, duc de Lorraine, d'vne donation faicte par ses predecesseurs à Nostre Dame de Beaupré. Ladicte confirmation se commence ainsi.

*Thiebault & Ferry frere dudit Symon, furent comtes de Toul, l'vn apres l'autre.*

*Fondation d'eldictz Thiebault, & Ferry comtes de Toul.*

*In nomine domini amen. Notum sit, &c. Et ladicte clause est telle. Quod ego Matheus comes Tullensis chorique mei Felix consors comitissa, &c. Laudani confirmavi & perpetuo concessi ecclesie & fratribus beate Marie Belliprati, quicquid felicitis recordationis domini Theobaldus & Fredericus fratres et filij domini Theodoric Ducis Lotharingie Abau mei filij, &c. quōdam comites Tullenses predictae ecclesie donauerunt videlicet, &c. Datā in die sanctae Catharinae, anno millesimo centesimo nonagesimo tertio.*

*Erreur de Simphorian en ces deux freres Thiebault, & Ferry.*

¶ Les lecteurs pourront croire facilement pour ce que j'ay dict & prouué deuant Simphorian historien de Lorraine auoir failly & erré en son histoire, là ou parlant de ces deux personnages Thiebault & Ferry comtes de Toul, il escript Thiebault auoir succédé au duché de Lorraine, apres son pere Symon, & Ferry auoir esté filz dudit Thiebault, auquel semblablement il succeda audict duché. Puis consequemment il escript Mathieu, sans declarer s'il estoit filz, frere, ou nepueu dudit Ferry. En quoy cest historien semble errer pour son plaisir. car la verité est que lesdictz Thiebault & Ferry estoient freres filz dudit Theodoric premier du nom, duc de Lorraine, aussi qu'ilz ne furent iamais ducz de Lorraine: mais seulement cōtes de Toul, voyre l'vn apres l'autre, oultre que leur frere aîné Symon succeda au duché de Lorraine, ce qu'auons clairement monstrier par les fondations cy deuant mentionées, & transcriptes.

*Erreur de Simphorian en ces deux freres Thiebault, & Ferry.*

¶ Je trouue que ce Symon duc de Lorraine eut de sa femme susnommée plusieurs enfans tant filz que filles, à sçauoir Mathieu duc de Lorraine, apres luy Robert comte de Castres

*Erreur de Simphorian en ces deux freres Thiebault, & Ferry.*

# Le iiii. liure des antiquitez de la gaule belgicque

de Castres, qui espousa Hetuinge, fille de Gerard comte de Vaudemont, V vaultier seigneur & Baron de Gerberuillier, Henry, Symon chantre de Treues, Frouicke, mariée à Vviry comte de Montbeliard, Iudith femme de Regnaud comte de Bourgongne, Anne femme de Hugues comte de Vaudemont, Gertrude femme d'Aymé comte de Sauoye, Y de abbesse à Treues.

I'ay aussi leu es cathalogues des euesques de Liege, que ce Symon & le comte de Leburg veindrent à l'ayde d'Alexandre euesque de Liege contre les Brabançons & Flamans, sur lesquels ilz obtindrent de belles victoires, si que lesdictz Brabançons & Flamans furent quasi tous tuez, ou noyez, pres de Lebbes. Ce pendant Regnaud comte de Bar, print d'emblée le chasteau de Buillon, sur ledict euesque Alexandre.

¶ Dauantage i'ay veu au chappitre desdictz cathalogues traitant de la vie faitz & gestes dudict euesque Alexandre, que de son temps estoient prouueuz des dignitez & benefices de l'eglise de Liege, neuf filz de roys, vingt quatre filz de ducz (entre lesquels estoient deux des freres dudict Symon duc de Lorraine) vingt neuf filz de comtes, & sept filz de Barons, les noms desquelz son inferez audict chappitre dudict Alexandre.

## QVI TENOIT LA COMTE DE Bar du temps de l'euesque Vrfo.

*Vide supra.*



**R**AYNALDV S, ou Regnaud (de qui auons amplement escript en l'euesque Richard deuxieme) estoit comte de Bar, durât que l'euesque Vrfo tenoit Verdun.

## LE QVEL DES SVCCESSEURS DES Princes de Haynau tonioinct au sang d'Emengarde, tenoit Haynau durant ce temps d'Vrfo.

*Bauldouyn. iij. du  
n. m. comte de  
Haynau.*



**B**AVLDOVYN troysieme du nom surnommé l'edifieur, filz aîné de Bauldouyn deuxieme succeda au comté de Haynau, enuiron l'an mil cent trente troys, estant encores assez ieune enfant. Luy venu en aage print à femme Alix, fille de Godefroy de Namur & de la comtesse de Luxembourg, & par le moyen de ladicte femme ses enfans se nommerent & reputerēt du sang de Charlemagne, pour ce que le pere d'icelle Alix estoit descendu en ligne directe d'Emengarde, fille de Charles premier duc de Lorraine, consequemment en Charlemagne.

*Alix femme de ce  
Bauldouyn descen  
due de Charlema  
gne.*

*Appoinctement  
entre ceulx de  
Haynau & Flan  
dres.*


¶ Ce Bauldouyn renouella l'ancienne poursuite & querelle de ses predecesseurs cōtre Theodoric d'Alsatie occupateur du comté de Flâdres, avec lequel il eut plusieurs rencontres & se feirent assez longuement la guerre. Toutefoys en fin ilz appoinctèrent ensemble l'an mil cent cinquante, par le conseil & à l'instance de leurs amys (cōme dict Meyerus) lesquels en faisant ledict appoinctement & en faueur d'icelluy, traictèrent le mariage futur des enfans desdictz Bauldouyn & Theodoric, à sçauoir du ieune Bauldouyn filz d'icelluy Bauldouyn troysieme comte de Haynau & de Marguerite fille dudict Theodoric cōte de Flâdres, & pour ce que lesdictz enfans estoient ieunes & non en aage de marier, lors dudict appoinctement & traicté, leurs peres promirent respectiuement pour eulx de faire consommer ledict mariage si tost qu'ilz seroient en aage capable d'icelluy. Ce qui adueint enuiron l'an mil cent soixâtenueuf. Par ce moyen cessèrent deslors les grandes inimitiez & dissentions qui auoient si longuement

depuis Hue Capet, iusques à Loys, viii. du nom. F. ccxciiij.

longuement duré entre les pays & comtez de Haynau & Flandres. Aussi par succession de temps ladicte Marguerite succeda au comté de Flandres, dont s'ensuyuit que les comtez de Flandres & Haynau, furent de rechef vniz ensemble (comme nous dirons suyuant l'ordre du temps). Ledit Bauldouyn troysieme eut de ladicte femme Alix quatre enfans, desquelz moururēt les deux aînez ieunes, le tiers nommé Bauldouyn quatrieme succeda par le trespas de son père audict comté de Haynau, en l'an mil cent septante vn.

FIN DE LA VIE D'VRSIO  
quarantecinzieme euesque de  
Verdun.

## LA VIE D'ALBERO quarantefixieme euesque de Verdun.



**ALBERO** deuxieme surnommé de Chiny, estât archidiaque en l'eglise de Verdū fut esleu quarantefixieme euesque dudit lieu l'an mil cent trente vn, le dimanche de Letare, en quaresme, en la sorte que s'ensuyt. Il estoit frere nō germain d'Otho comte de Chiny lors viuant, tous deux filz d'Arnulphus iadis comte de Chiny, le pere duquel nommé Loys, estoit celuy mesmes qui iadis auoit esté institué comte de Verdun par Raimbertus euesque dudit lieu, enuirō l'an mil cent vint & huit du temps mesmes de Gozelo duc de Lorraine qui tost apres l'institution dudit Loys, au gouvernement dudit conté prit par force la cité de Verdun & meit a mort icelluy Loys comme auons deduit en la vie dudit Raimbertus.

*Albero de Chiny  
quarantefixieme  
euesque de Verdū*

*Arnoul de Chiny  
pere a' Albero.*

¶ Voicy la maniere de l'election dudit Albero. Le pape Innocent second du nom, fugitif de Rome pour les factiōs & entreprisedes de l'antipape Pierre Leon surnommé Anacletus, veint en France (ainsi qu'auons dict en l'euesque Vrsio precedēt) de là en Lorraine à fin de conferer avec l'empereur Lutherus, ou Lotharius troysieme du nō, qu'il trouua en la cité de Liege, auquel lieu conuocquerent ensemble vn concile general de tous les prelatz, princes & nobles des pays de Lorraine, Germanie & autres circonuoyfins, pour traicter l'vnion de l'eglise, & aduiser sur la restitutiō d'icelluy Pape, en son siege apostolicque.

*Comme Albero  
fut esleu euesque  
de Verdun.*

¶ En ce concile se trouua Vrsio euesque de Verdun, ensemble la pluspart des chanoines & de ceulx cōstituez es dignitez de son eglise dudit lieu, en la presence desquelz & de tout le consistoire ledit Vrsio renonça a son euesché pour les causes plus amplement declarées en sa vie. Au moyen dequoy lesdictz Pape & empereur ordonnerent aux chanoines de Verdun là assistans faire nouvelle election de l'vn d'entre  
culx

# Le.iii. liure des antiquitez de la gaulle Belgicque

*Albero fect foy & hommage du temporel de son euesché à l'empereur.*

*Le Pape confirma l'election d'Albero.*

*Le Pape ordonne à Albero foy trouuee à Paris, pour estre sacré.*

eulx qui leur sembleroit le plus vtile & propre à porter la charge de l'euesché, & ce auant que partir pour s'en retourner à Verdun. Eulx doncques obtéperans au decret desdictz Pape & empereur, esleurent par meure deliberation ledict Albero archidia cre en leur eglise encores assez ieune homme, mais scauant & vertueux. Telle electiō fut tresagreable à tout le consistoire, signamment à l'empereur Lothaire, qui deslors le receut en foy & hommage de ce qui concernoit le temporel dudiect euesché. Semblablement le Pape Innocent informé par le rapport du bon Laurétius abbé de sainct Venne estant là present, des capacité & vertuz dudiect Albero esleu, cōfirma son election, luy ordonnant deslors, pource qu'il n'estoit encores prestre se trouuer avec ledict Abbé Laurentius, en la sainte sepmaine, lors prochaine fuyuāt à Paris, ou il pretendoit estre en personne, & là l'ordonneroit prestre, puis le sacreroit euesque.

¶ Ce pendant le renuoya en son euesché de Verdun, ou il fut receu avec incredible ioye du populaire & du clergé qui louoient & rendoient graces à dieu de son electiō pour la grande esperance qu'il auoient d'estre par son moyen mis hors des seruitudes esquelles ilz estoient.

*Le Pape Innocēt à Paris sacra prestre & euesque.*

*Albero.*

*Albero trouua sur chen in Henry duc de Bauere.*

¶ Peu apres & si tost qu'il eut mis ordre à ses affaires, partit pour faire son voyage à Paris, ou ledict Pape Innocent l'ordonna prestre la vigile de Pasques. Le lendemain iour de la solemnité le cōsacra euesque, & le renuoya honorablemēt en son euesché.

¶ Or en retournant à Verdun Albero trouua sur les chemins huit cheuaucheurs gēs incōgneuz, habilez en pelerins qui s'assemblerent & meslerent en la compagnie des gens dudiect Albero, pource qu'ilz tiroient tous vers Lorraine. Entre ces huit y en auoit vn, qui à sa contenance & gestes sembloit biē estre le principal de tous. Cestuy fut aucunement recongneu par vn des seruiteurs de l'euesque Albero, lequel aduertit par son homme (toutefoys secretement) que ledict pelerin plus apparent des autres sembloit estre Henry duc de Bauere gēdre de l'empereur Lothaire, s'approcha pres dudiect pelerin, & cheuauchans ensemble & deuisans assez familièrement sur les chās de propos diuers, l'euesque l'interroqua de son estat & qualité, si prudemment & en sorte qu'il se descouurit, se fait cognoistre à luy, confessa estre duc de Bauere & gēdre de l'empereur, le priant neantmoins tenir la chose secrete, sans faire semblant à aucun, ny le manifester à personne iusques à ce qu'ilz fussent à Treues ou estoit l'empereur. Luy declairant outre qu'il auoit prins ledict habit simulé & fainct pour plus secretement visiter les pays de la Gaule, congnoistre l'estat, meurs & façons de viure des princes & nobles desdictz pays. Et à l'heure s'en retournoit vers son beaupere l'empereur. De ce fut ioyeux nostre euesque Albero dissimulant & tenant secret l'affaire iusque à ce qu'ilz veindrent à Verdun, ou il fut triumphammēt & humainemēt receu & festoyé par ceulx de la cité. De la l'euesque Albero avec toute sa compagnie le conduict honorablement iusques à Treues, ou par grande ioye ilz firent receuz de l'empereur qui remercia benignement l'euesque Albero des humanitez hōneurs & courtoisies qu'il auoit fait à son beau filz: Sēblablemēt le duc Henry remercia grāde ment ledict euesque, & en recongnissance de la bōne compagnie que luy & ses gēs luy auoient tenu, bailla par don gratuit à chascun des seruiteurs dudiect euesque vne espée, des plus belles & meilleures, qu'il peult recourir des nobles de la contrée imperiale. Puis mena avec luy peu apres, en son duché de Bauere, le secretaire d'icelluy euesque, nommé Pierre, auquel il bailla plusieurs beaulx & riches dons, vestemens, & aornemens d'eglise, qui depuis seruirent longuement à la decoration du saint ser uice diuin en l'eglise de Verdun.

*Dons du duc de Bauere à Albero ses gens & à son eglise.*

¶ C'est endroit ne me permet passer outre en la matiere de l'euesque Albero, premier qu'ayons fait entendre qui estoit ce Henry duc de Bauere. Nauclerus en son histoire trentehuitieme generation, dit qu'il fut surnommé l'orgueilleux. Que par son moyent l'empereur Lothaire (duquel il auoit espouse la fille) resista fort à Corad duc de

# depuis Hue Capet iusques à Loys. viii. du nō. F. ccxcv

duc de Sueue nepueu & heritier de l'Empereur Henry cinquieme, par la mort duquel ce Conrard esperoit & pretendoit à l'Empire, & soubz vmbre de ce, empescha du commencement ledict Lothaire: Toutefois il fut contrainct en fin faire paix avec luy. Depuis & durât la vie d'icelluy Lothaire, ledict Henry son gendre fut tousiours son lieutenant general en ses armées. Signamment pour la restitution du Pape Innocent en son siege apostolicque contre Roger de Sicile ennemy de leglise Romaine & qui par force occupoit la Pouille ensemble la Champagne. Ce duc Henry estoit en telle estime vers son beaupere l'Empereur, que quād icelluy Empereur, (qui feit plusieurs grans faitz d'armes en Italie, voire aultant ou plus que tous les autres Empereurs renommez es histoires depuis Charlemagne) menoit vne partie de son armée, ledict Henry conduisoit l'autre. Ce fut luy sans aultre qui prit par force Beneuente & la restitua au Pape.

*Henry de Bauiere lieutenant general de l'Empereur Lothaire.*

¶ Jehan Carion en son histoire le furnomme Catulus, & escript que les princes possedans auourd'huy la Saxonie, nommée Brunsvich, aliàs Brunlingiensis sont descenduz du sang des ducz de Bauiere & du nom & posterité d'icelluy Héry Catulus. Apres la mort de l'Empereur Lothaire le susdict Conrard duc de Sueue, veint à l'Empire, & pource que du commencement le duc Henry Catulus ne consentit à son election (encores que tost apres luy mesmes luy eust porté les signes imperiaux, courōne croix & lance) il le eut tousiours depuis à contrecueur & hayne, voire le persecuta en sorte qu'en fin l'ayant priué de son duché de Bauiere, le contrainnit soy retirer en Saxonie, ou il mourut. Toutefois ses enfans furent quelque temps apres restituez par l'ayde & secours desdictz Saxōs, Catules, & du frere d'icelluy Héry nommé Guelpho, qui tout son temps fut tousiours rebelle, ennemy & persecuteur d'icelluy Empereur Conrard.

*Ceux de Brunsvich descēdūz de Henry de Bauiere dict Catulus*

*L'empereur conrard persecuta hery duc de Bauiere*

¶ Nauclerus historien susdict escript que de ce Guelpho, vient la source & origine des noms & de la faction des Guelphes, & Gebelins qui durēt encores auourd'huy es Itales. Escrit oultre, qu'apres vne bataille, qui fut entre ledict Conrard Empereur & les ducz de Bauiere, icelluy Empereur assiegea & assailit de sorte la cité de Vnuisperg, qu'elle estoit au point de se rendre à sa volonté quand les femmes & matrones d'icelle cité luy demanderent grace de pouuoir sortir librement, avec tous les biens qu'elles pourroient emporter sur leurs espauls. L'empereur ignorant leur bon vouloir & intention leur accorda leur requeste, pensans quelles deussent prendre leurs bagues & ioyaux. Mais elles chargerent sur leurs espauls, leurs marys & enfans, & les emporterent en ceste sorte hors la cité. Quoy voyāt Frederic frere de l'Empereur les voulut empescher, disant la grace à elles faite se deuoit seulement entendre des bagues, ioyaux & autres biens, non pas des personnes: Mais l'Empereur considerant le bon zele & affection mentale d'icelles femmes les pris a grādemēt, & ne voulut souffrir tort leur estre fait, disant la promesse du prince deuoit estre immuable. Ainsi leur accorda non seulement le transport de leurs marys & enfans, mais aussi les bagues & ioyaux.

*La source des nōs des Guelphes & Gebelins.*

*Prudence & magnanimité des femmes de Bauiere.*

¶ Finalement le different de l'Empereur Conrard & des Catules, ducz de Bauiere, fut terminé & accordé par le moyen de Frederic, qui depuis fut Empereur, & à l'intercession & poursuite de saint Bernard lors encores viuant, comme recite ledict historien Carion.

¶ Pour retourner à l'histoire de nostre euesque Albero si tost qu'il fut de retour de la conduite du duc de Bauiere, & enuiron l'an mil cent trente deux: Il delibera de bien administrer son euesché, mettre ordre & bonne reformatiō par tout en icelluy, à ce q̄ Dieu fust honoré & seruy, & son peuple remis en sa liberté, & soulagé de toutes exaction & tyrannies.

¶ Or la monnoye qui lors auoit cours en la cité de Verdun & par tout l'euesché estoit d'alloy & metal meschant, & l'auoient les predecesseurs euesques d'icelluy Albero, forgé à leur profit, & au grand detrimēt & dommage du pauvre peuple qui ne la pouoit despandre, ny allouer hors la cité & euesché de Verdun, sans trop grande perte. A raison de quoy l'euesque Albero aduertiy au vray du cas, ordonna toute l'an-

*Reformatiō de la monnoye de Verdun.*

# Le iiii liure des antiquitez de la gaule Belgicque

*Mēnoye de Chaalon ayant cours à Verdun.*

cienne monnoye estre portée au billon, ou elle estoit recue pour le pris qu'elle couroit. Puis à fin d'anichiler & du tout aneantir icelle monnoye, il sabsteint de forger nouvelle monnoye par quinze ans: Pendans lesquelz, celle de Chaalon en Champaigne, estant d'alloy tresbon eut cours à Verdun & partout son diocèse. Ce qui veint en grand secours & profit de la chose publicque.

*Tirannies des gēs du comte de Bar, tenās garnison en la tour nouvellement edifiée.*

¶ Sur tout desplaisoient audict euesque Albero les courses, pilleries & aultres maulx innoibrables que les gens de Raynaldus Comte de Bar estans en garnison dans la tour de nouveau edifiée au iardin episcopal, faisoient, non seulement aux habitans de la cité: mais à tous pellerins & passans par icelle. Pour ausquelz nuire ilz faisoient ordinairement faillies hors ledict chasteau, mesmes quand ilz voyoiēt leur oportunité. Plus prenoient tant sur lesdictz habitans que les marchās forains, les bledz, vins, cheuaulx, beufz, moutons & autres prouisions qu'on admenoit en la cité, & le tout retiroient en leur forteresse pour leur fourniture, en sorte qu'il y auoit bien peu de traffiques de marchādises, ny passaiges, n'y apportz des forains, lesquelz pour la crainte desdictz gensdarmes estans audict chasteau, fuyoient la cité, n'en approchoiēt que de bien lo'ing. Mais prenoient leur chemin ailleurs & en autres lieux. Au moyen dequoy la cité de Verdun demeuroit comme deserte.

¶ Dauantage, (& qui pis estoit) quand ilz voyoient venir & entrer en l'eglise Nostre Dame les pellerins, qui durant ce temps y venoient & abordoient en grans nombre & de diuerses contrées pour faire leurs oraisons, rēdre leurs voeuz & remercier Dieu & la Vierge Marie des graces & benefices qu'ilz auoient receu, & pour les miracles qui se faisoient iournellement en icelle eglise, ilz se mocquoient d'eulx par dessus les murailles les increpans de parolles contumelieuses & iniurieuses, & leurs iettans pierres, dards, & traiētz leur faisoient maulx innumerables, & opprobres trop grands.

*L'euesque Albero cherché par douceur paix avec le comte de Bar.*

¶ Nostre Euesque Albero voyant telles insolences estre la totale destruction & ruine de son eglise & cité, fait diligence extreme par prieres & douces remonstrances d'induire le Comte Raynaldus d'oster la garnison dudit chasteau, & faire cesser telles entreprises, violences & tirannies: mesmes fut à ceste fin plusieurs fois parler à luy en personne, enuoya vers luy gens nobles & sçauans des payz circonuoisins qu'il pensoit estre ses amys. Avec celuy fait presenter plusieurs dons, grosses sommes d'argent & offrir plusieurs traiētz, pactes & appoinctemēs plus profitables pour ledict Côte que n'estoit ledict chasteau. Dauantage vn iour (entre autres) que ledict Raynaldus estoit à Verdun, fut faicte vne procession generale, en laquelle estoient assemblez le clergé, Abbez, religieux & tout le peuple de la cité, lesquelz portans les corps saintz & reliques des eglises, se prosternerent tous ensemble deuant icelluy Côte, luy priās tous à haulte voix les deliurer d'icelles seruitude, protestans & inuouās contre luy Dieu & les saintz & l'adiurans de ce faire selon le serment qu'il auoit à leur eglise: Toutefois & nonobstant tout ce que dessus il demeura inexorable, inflexible, pertinax & obstiné en son mauuais vouloir & en la poursuite de son entreprise.

*Obstination de Raynaldus comte de Bar.*

¶ Plus tost apres ce Mathieu euesque d'Albanie legat du siege apostolicque, veint à Verdun, si le pria l'euesque Albero, tant & de sorte, que accompagné de plusieurs prelatz le mena iusques à Deulevard ou lors estoit Raynaldus, deuant lequel & en presence de tous, se veint de rechef presenter nostredict euesque Albero, le suppliant humblement, pour l'honneur de Dieu & en faueur des assistans, qui semblement firent leur deuoir l'en prier tresinstamment, d'oster la garnison dudit chasteau, & remettre l'eglise & la cité en sa premiere liberté. Neantmoins perseuerant en son obstination les refusa, & ne voulut en rien obtemperer à leur petitiō: dont nostredict euesque Albero, du tout hors d'esperance & moyen de trouuer entre les hommes, remede ausdictes violences & oppresions vers ledict Raynaldus, delibera remettre toute la chose en la dispositiō de Dieu & de la vierge Marie, & retourner pour extreme refuge vers leur grande bonté & misericorde, par prieres & oraisons, qu'il ordonna deslors estre iournellement faictes par le clergé & peuple de la cité: lesquelz perseuererent & les

*L'euesque cherche remede par prieres à Dieu & a Nostre dame.*

conti-

# depuis Hue Capet iusques à Loys.viii. du nom. F. ccxcvi

continuerent par bon zele & deuotion tant & iusques à ce que le Princier de l'eglise nommé Albert se retirant (vn iour entre autres) vers l'euesque Albero luy declara secrettement qu'il auoit bien bonne congnoissance & intelligence au principal capitaine dudit chasteau, avec lequel pour n'estre natif du pays, mais estranger pourroient facilement traicter & conuenir de rendre ledict chasteau en leurs mains, moyenant quelque somme d'argent: Cest aduis trouué bon par l'euesque Albero luy & le princier Albert en poursuuiurent de sorte l'execution & effect que le capitaine conuertly leur assigna à ceste fin le iour de la feste & solemnité de Pêthecouste lots prochain suiuant.

*Inuention du princier de l'eglise pour prèdre le chasteau.*

¶ Or de bonne fortune n'estoit le chasteau lors si bien muny de gardes que parauant & au commencement de l'edificati on d'icelluy: mais diminué de bon nôbre de gens d'armes: car le Comte Raynaldus, pèsant son fait estre au seur & que iamais les Virduois n'oseroient entreprendre contre luy auoit quelques iours parauant retiré & osté dudit chasteau beaucoup des gardes d'icelluy, tellement qu'il n'y auoit lors grande defense. Au moyen dequoy estoit de plus facile & aysée prise.

¶ Si adueint que le iour de la solemnité de Penthecouste, iour prefix par le cappitaine pour la deliurance dudit chasteau, icelluy capitaine à l'yssue du dîner descendit en la basse court du lieu, appella ses gés & soldatz, les fait iouer aux dez avec luy, puis ayant pris l'esbat du ieu quelque temps, les voyant eschauffez, & attentifz au ieu les vns contre les autres faignit l'occasion de soy courroucer. Et de fait, laissant le ieu come par despit r'entra seul en la forteresse, ferma apres luy les portes & guichetz d'icel le & montant au hault de la tour, monstra & donna le signe promis qui estoit vn drapeau ou linge blanc fiché ou ataché au bout d'une lance.

*Finesse & cautele du capitaine pour rendre le chasteau à l'euesque.*

¶ L'euesque Albero l'ayât apperceu, & de ce bien ioyeux, soubz l'esperance & assurance de l'ayde de Dieu & de la Vierge Marie, fait sortir promptement ses gés du lieu ou il les auoit peu auant fait assembler sans toutefois leur declarer rien de son intention. Puis fait sonner les cloches de l'eglise non comme de coustume: mais en signe d'alarme & bataille, à fin d'assembler & esmouuoir incontinent le clergé & le peuple come pour deffendre la cité. Les cloches entendues chascun courut aux armes si que tous furent prestz en vn moment & se ioignirent ausi tost avec les gens de l'euesque Albero, lequel pour leur donner meilleur & plus feruent courage de cōbatre en l'honneur de Dieu & de l'eglise, fait porter quant & eulx les reliques saintes des eglises. Ce qui les encouragea, de sorte qu'ilz veindrent virilement assaillit le chasteau, mettant le feu par toute la bassecourt d'icelluy. Dequoy les soldatz qui estoient dedans, furent bien esbahys & surpris: neantmoins ilz firent d'entrée quelques efforts d'eulx defendre: Mais voyans ne pouuoir longuement resister, furent contrainctz, rendre la place, & eulx mesmes à la volonté de l'euesque, qui à ce moyen entrant en la tour fait mettre au sommet d'icelle les enseignes & panonceaux de Nostre Dame, remercia luy & les siens, & rendans graces & gloire à Dieu de leur victoire, comme de chose aduenue miraculeusement. Et ainsi le peult on croire & penser: Car à la verité durant que les pacti ons de rendre ledict chasteau se faisoient, les miracles de la glorieuse Vierge Marie s'apparoissoient de iour en iour & de plus en plus en son eglise de Verdun, en laquelle à ceste occasion arriuoient continuellement gens de diuers lieux, mesme le iour de ladiete victoire y estoient en tresgrand nombre & plus que de coustume, venuz pellerins de toutes pars, qui firent deuoir avec ceulx de la cité, de rēdre actiōs de graces à Dieu & à la belle Dame sa sacrée mere, croyans certainement ladiete victoire & prise dudit chasteau estre plus aduenue miraculeusement qu'autrement: Pour ce notamment, que combien que les pacti ons faittes entre ledict capitaine & icellux euesques Albero, & Albert Princier, feussent tant secrettes qu'eulx trois seu-

*Le chasteau pris par l'euesque & les Virduois.*

*La prise dudit chasteau, miraculeusement aduenue*

# Le iiii liure des antiquitez de la gaule Belgicque

lement les scauoient: neantmoins trois ou quatre iours auant la prise dudit chasteau les petis enfans de la cité, comme presagians & prophetizans ce qui estoit à aduenir disoient par les rues que le chasteau seroit de brief ruiné & destruit:

*Le comte Raynaldus tout furieux vint avec son armée deuant Verdun.*

*Trois camps mis es enuirs de Verdun par le comte Raynaldus.*

¶ Le comte Raynaldus aduertit de ceste victoire que sa tour estoit en la puissance de ses ennemis & ses gens detenez prisonniers en icelle tour, fut beaucoup estonné, encores plus triste, & rant irrité que soudainement assembla gens, lesquels il admenda deuant la cité de Verdun deux iours apres ladicte prise qui estoit la seconde feste des ferries de la Pentecouste. A son arriué trouuant les portes fermées comme homme furieux & hors du sens, prouoca ceulz de dedans de sortir aux champs & en bataille, tellement que les Verdunoys irrités par ses parolles vouloient à toute force l'aller trouuer & combattre: mais l'euesque Albero prudent & saige reprimât leur fureur les receint malgré eulx dedans l'enclos des murailles & forteresses de la cité, seulement monstra par effect au Comté que sil venoit assaillir la cité, ilz se deffendroient vaillamment. A raison dequoy & voyant le comte qu'il ne les pourroit attraire au combat, se retira, fit plus grande armée que deuant, & à fin d'enclorre & affamer ceulx de dedans, diuisa ses gés en trois camps volans, l'un desquelz il mit à Amblouille & de cestuy estoit chef & conducteur. Le second, soubz la conduite de son filz Hugo, assit à Vautrouille & le tiers dont son principal Capitaine nommé Helias auoit charge, campa à Rosay asses pres d'Estain. Ce fait, ses gens & soldatz estans esdictz camps, faisoient iournellement courses & pilleries sur les hommes & terres de l'euesché, gastas & destruisans tout ce qu'ilz trouuoient.

*L'euesque prie pri sonner le capitaine Helias, puis vint à Rosay.*

¶ Quoy voyant l'euesque Albero fait diligence de son costé & moyenant argent, soulaoyer gens pour resister & soy deffendre. De fait vn iour entre autres ses gens ioinctz & assemblez avec les citoyens de Verdun, veindrent assaillir le camp q tenoit le capitaine Helias, au lieu de Rosay, pource que c'estoit celuy qui plus molestoit l'euesché. Si feirent tellement qu'ilz prindrent prisonniers ledict Helias & la plus part de ceulz de sa troupe, bouterent le feu & raserent la forteresse dudit Rosay. Puis se retirans à Verdun y menerent leurs prisonniers qu'ilz feiret serrer en la tour meisme que le comte auoit fait edifier.

*Raynaldus assemble son armée & tous ses alliez, à Amblouille.*

*Miracle de nostre Dame pour la defense de Verdun.*

¶ Quand Raynaldus fut de ce fait certain deliberé de s'en venger retira tous ses gés à Amblouille, fit de nouveau gros amas de gens, & manda ayde & secours à tous ses parens alliez & amys, qui veindrent en grand nombre, iusques audict Amblouille. Entre autres y assista (comme dit Laurent Leodiensis) Simon duc de Mozellane filz de Theodoric duc de Mozellane, & frere de Gerard premier comte de Vvaudemor, lequel Simon ainsi qu'auons dit cy dessus, commença à regner en mozellane enuiron l'an mil cent quinze. Les autres qui se trouuerent au secours dudit Raynaldus estoient la plus part princes & grands seigneurs qui lors regnoient & tenoient les pays de Metz Mozellane, Lorraine & Barrois, nous parlerons d'eulz cy apres. Tous assemblez & ioinctz avec ledict Comte Raynaldus, sortirent en bon equipage du chasteau d'Amblouille deliberez assaillir la cité de Verdun & restituer le comte Raynaldus en son premier estat: Mais si tost qu'ilz eurent passé les montaignes, & furent arriuez en la plaine dont on voyoit la cité, leur apparurent sur la sommité de l'eglise de Nostre Dame plusieurs visions celestes & miraculeuses, par lesquelles ilz furent tant esperduz, estonnez & reduitz en si grande craincte que cuer & couraige de passer plus oultre leur faillit. De fait ayant aduisé sur ce le duc Simon de Mozellane du consentement & commun accord de tous ses alliez, dict au comte Raynaldus son entreprise estre contre disposition diuine, parquoy ne vouloient passer oultre ny faire guerre contre Dieu & la glorieuse vierge Marie sa mere. Offrans neantmoins le seruir iusques au mourir en autre affaire, & querelle iuste & raisonnable. Ainsi s'en retournerent arriere, dont ledict Raynaldus enflammé d'ire & courroux, cuida mourir & creuer de despit.



# depuis Hue Capet iusques à Loys.viii.du nō.F.ccxvii.

¶ Or se voyant ainsi delaiſſé de ſes gens d'armes, penſa trouuer aultre moyē de recouurer ſon chasteau. A ceſte fin ſe retira vers Albero ou Adelbero archeueſque de Treues, Metropolitain de l'eglise de Verdun, qui eſtoit ſon amy & de ſon ancienne congnoiſſance, des qu'il eſtoit princier de Metz. Et avec ce il eſtoit homme vertueuz, de grand ſçauoir & prudence, & partant & de long temps des qu'il eſtoit princier de Metz comme eſcript Sigebert, il obtient grand faueur & auctorité enuers ledict Empereur Lothaire: tellemēt q̄ par ſon moyen les gēs vertueux & ſciētifiques auoiet acces & faueur en la court dudit Empereur Lothaire comme on peult monſtrer & prouuer par le ſaiēt hōme Norbertus fondateur de l'ordre de Premōſtré, qui paſſant de fortune par la cité de Magdeburgenſe, autrement dictē Partenopolitaine, pendāt la vacation de l'archeueſché dudit lieu, obtient d'icelluy Empereur Lothaire ladicte Archeueſché par la ſollicitation & à la poursuite dudit Adelbero Archeueſque de Treues. On liēt auſſi que ſainēt Bernard de ſon viuant eut grande familiarité & amitié auidēt Archeueſque de Treues & le viſitoit ſouuent en ſaiētē cité, faiſant illec pluſieurs miracles. Et pour ces raiſons ledict comte Raynaldus eſperant auoir ayde de luy obtient lettres deprecatōires adreſſantes à noſtre eueſque de Verdun: mais il ſexcusa ſi honneſtement qu'il ne rendit point le chasteau auidēt comte Raynaldus.

*Raynaldus ſe retira vers Adelbero Archeueſque de Treues.*

*Norbertus archeueſque de Magdeburgenſe.*

¶ Lequel voyant n'y pouuoir autre choſe faire, ſe retira en fin vers l'eueſque de Metz ſon frere, nommé Eſtienne (duquel auons amplement eſcript en l'eueſque Vrſio) qu'il importuna de forte, que ledict Eſtienne vint en ſa faueur a Verdun & conſera longuement avec l'eueſque Albero, ſur les moyens de recouurer ledict chasteau & le fai re reſtituer à ſon frere Raynaldus. A ceſte fin promettoit l'eueſque Eſtienne groſſes ſommes d'argent, & preſentoit certaines conditions & traiteuz qui ſembloient fort vtilēs à la choſe publicque de Verdun. Ou du moins & au pis aller requerrit ledict chasteau eſtre mis par forme de ſequeſtre es mains d'aucuns amys des parties & gens nō ſuſpectz ne fauorables à l'une ny à l'autre. Nommant de la part dudit comte Raynaldus pour tenir ledict chasteau, le propre nepueu dudit eueſque Albero, filz de ſon frere Otho comte de Chiſny & gendre dudit comte Raynaldus. Brief & pour concludiōn, remonſtra ledict eueſque Eſtienne, les grans perilz, mauz & dommaiges que l'eglise de Verdun & les citoyens pourtoient encourir ſ'ilz reſuſoient les conditions preſentées termes & propos, qui pour eſtre ſemblables à menaçes apertes & manifeſtes, emeurent de forte les principaulx du clergē & de la cité, qu'ilz (craignans les tumultes, guerres & dommaiges qui en pourroient ſourdre) ſollicitoient leur eueſque & le prioient, pour n'auoir pis qu'ilz auoient de rendre ledict chasteau.

*Eſtienne eueſque de Metz vint à Verdun en faueur de ſon frere le comte Raynaldus.*

*Le nepueu d'Albero gēdre de raynaldus.*

¶ Mais l'eueſque Albero prudent & ſaige aſſeuré & congnoiſſant que telle reſtitutiō d'icelluy chasteau eſtoit la totale deſtruction de ſon eglise, enſemble de la cité, les reſuſa plainement & tout à plat, faiſant reſponſe & proteſtation qu'il ay moit mieulx mourir ou eſtre banny à iamais de ſon eueſché que de remettre ſon eglise & la cité es miſeres, ſeruitudes & calamitez eſquelles elle auoit parauant eſté. Et à fin d'oſter toute occaſion tant à ſes ſubiectz que au cōte Raynaldus de plus l'importuner de rendre ledict chasteau, il le feit deſtors deſmolir & abbatre de fond en comble, encores que ce fuſt contre la voulonté de ſon clergē & du peuple de la cité, puis des pierres & munition de la forterreſſe, feit fortifier les murailles de la cité.

*L'eueſque Albero faiēt abbatre & ruiner le chasteau.*

¶ Le Comte Raynaldus ayant eu aduertissement de l'euerſion & deſtruction dudit chasteau, voyant ſes hōmes eſtre touſiours detenuz en priſon, & ſe ſentant ſans moyē ni eſperance de ſe venger, auſſi qu'il eſtoit delaiſſé & abandonné de tous ſes amys qui ne vouloient ſouſtenir ſa querelle, fut ſi dolent & marry qu'il tomba en vne groſſe maladie par l'yſſue de laquelle on eſperoit plus ſa mort que ſa vie. Lors recongnoiſſant ſes faiētz & pechez, commença à auoir remord de conſciēce telle que iugeant ſa maladie luy eſtre venue pour les mauz & dommaiges qu'il auoit infligē à l'eglise & cité de Verdun, delibera chercher de là en auāt paiz & accord, par toutes voyes, avec l'eueſque Albero. De faiēt manda pource faire ſon frere Eſtienne eueſque de Metz & Frederic comte de Toul, qu'il eſleut pour eſtre mediateurs de l'appoinctemēt & paiz

*Le comte Raynaldus malade à la mort commença d'auoir remord de conſcience.*

# Le iiii liure des antiquitez de la gaule Belgique

d'entre luy & ceulx de Verdun. Ceulx cy apres trefues accordées, veindrent à Verdun, ou finalement ilz traictèrent pleine & ferme paix entre les parties, si que deslors, nostre euesque Albero, son eglise, & la cité demeurèrent libres de leurs ennemis & deschargez des peines & seruitudes dessus recitées.

*Clermont, Vienne & Hans baillez par l'euesque au comte de Bar, par appointemēt*

¶ On trouue toutefois es histoires d'Oruaux que ledict euesque Albero bailla grosse somme d'argent audict Raynaldus. Et oultre luy laissa les chasteaux & fief de Clermont, Hans & Viēne, ainsi qu'il appert par la clause qui s'ensuit que iay extraicte des registres de l'abbaye d'Oruaux.

*ANNO DOMINI millesimo centesimo trigesimo. Apud Verdunum factus episcopus Albero de Chifneyo frater Comitis Otthonis, non tamen utrinus, filius comitis Arnulphi, qui eodem anno turrin quam comes Barri in Verduno exererat, deiecit, poste a medijs episcopo Metensi Stephano, fratre comitis eiusdem & Frederico comite Tullensi, fecit pacem Episcopus Albero cum comite Barri pro quadam pecunia summa. Et dedit ei Feudum Clarimontis, & feudum de Hans & de Vienna, & ita comes ciuitatem quitauit, &c.*

*Comment Clermont & Vienne furent aliēnez de l'euesché de Verdun.*

¶ Par ce que dessus est dit, on peult aysement veoir & congnoistre en quel temps & comment les comtes de Bar eurent premierement le droit de fief es chasteaux de Clermont & Vienne, & que ledict droit appartenoit au precedent aux euesques de Verdun. Lesquelz à ce moyen coutumans & obseruans leurs anciens & premiers droitz en iceulx, en font encores de present reprise des Empereurs, toutes & quantes foys qu'il eschet.

*Le chasteau d'Amblonuille restitué à l'euesque.*

¶ Ainsi doncques par cest appointemēt & paix, ceulx de Verdun demeurez quittes & exemptz des trauaulx & labours precedens, nostre euesque Albero recoura quāt & quant, & par le mesme traicté le chasteau d'Amblonuille, voire du cōsentemēt du comte Raynaldus. Toutefois ceulx qui estoient dedans & que ledict comte auoit cōmis pour la garde d'icelluy, ne le voulurent rendre: mais au contraire & par despit de l'accord des parties, faisoient iournellement courses & pillages sur les terres & subiectz de l'euesché de Verdun. A raison dequoy l'euesque Albero delibera d'y aller, & à force de gens assaillit & ruiner la forteresse, pource mesmes qu' auparauant elle auoit plusieurs fois esté occasion & moyen des dommages & oppressiōs de son eglise. Si feit marcher deuant les gens de pied, lesquelz il suiuoit avec sa gendarmerie. Neantmoins auant son arriuee, lesdictz gēs de pied auoiēt desia pris ledict chasteau, voire y mis le feu. Et quant il fut arriué, il ordonna le destruire & raser totalement.

*Le chasteau d'Amblonuille destruit & ruiné.*

*Princes principaulx regnans es pays circonuoisins à Verdun, durans les querelles de l'euesque & du comte de Bar.*

*Estienne euesque de Metz, Folmarus comte de Metz.*

¶ Pource que cy deuant faisans mention de plusieurs guerres faiētes entre nostre euesque Albero & Raynaldus Comte de Bar, nous auons aussi escript plusieurs princes, grans seigneurs, & nobles amys & confederez d'icelluy Raynaldus luy auoir presté ayde & secours contre la cité de Verdun. Nous declarerons presentement en briefs noms & qualitez des princes plus principaulx, qui regnoient es pays circonuoisins de Verdun durant lesdictes dissensions, & qui estoient quasi tous confederez d'icelluy Raynaldus, feust par lignaige, consanguinité ou affinité.

¶ Premierement Estienne frere d'icelluy comte Raynaldus tenoit lors l'euesché de Metz, Folmarus estoit comte d'icelluy lieu. Nous auons ia parlé de ces deux en l'euesque prochain precedent. Toutefois i'auoye omis à vous faire entēdre, que ledict Folmarus cōte de Metz fonda l'abbaye de Beaupré pres Luneville, l'an mil cent trēte cinq, cōme mesmes apert par lettres de la confirmation d'icelle fondatiō, expediées par icelluy mesmes euesque de Metz Estienne soubz ces termes.

*L'abbaye de Beaupré fondée par Folmarus comte de Metz.*

*EGO STEPHANVS manifesto generationi quæ nunc est, & futura, quod Folmarus Comes Metensis cōstruxit abbatiam monachorum Cisterciensis ordinis in banno Mortasme quæ vocatur Bellumpratum. Folmarus eut deux filz, ainsi que le contient vne clause de la dictēte fondation, disant. Igitur prædictus vir illustris comes Metensis & eius vxor felicis memorie comitissa Mathildis & filij eorum Folmarus & Hugo, necnon & filia, clementia, Agnes & Adeleidis, deuotioni suæ facientes, adhuc cum prefata elemosina dederunt omnem terram Hermermasul.*

# depuis Hue Capet iusques à Loys, viii. du nō. F. ccxcviii.

¶ De ces deux filz dudiēt Folmarus est faicte mention es histoires anciennes, notamment au liiii. chapitre des antiquitez de l'abbaye de sainct Mihiel, ou est escript que le ieune Folmarus fut tesmoing d'une sentence dōnée par le duc Mathieu en l'an mil cent quarante deux. Et es histoires des euesques de Metz, se trouue escript qu'apres la mort dudiēt Hugo secong filz de Folmarus l'ancien, Mathieu duc de Lorraine prit par force la possession du chasteau de Hoemburg: Mais l'euesque Estiēne oncle dudiēt Hugo, le retira depuis à l'ayde de l'Empereur Frederic Barberouſſe, au temps duquel deceda lediēt Hugo, & le reduit au domaine de son euesché de Metz, auquel il appartenoit par droit de hief. Ce peult estre enuiron l'an mil cent cinquante deux.

*De Folmarus & Hugo enfans du vieil Folmarus.*

¶ Iay trouué en l'histoire des euesques de Metz la clause suivante, transcritte au chapitre de l'euesque Estienne.

*FOLMARVS COMES Metensis, habuit duos filios ex Mathilde vxore, videlicet Folmarum & Hugonem, & tres filias, Clementiā, Agnetē & Adeleidem. Folmarus primus regnauit, post Hugo qui genuit Albertū comitem Metensem qui dedit ius patronatus sancte Crucis Fratibus sancti Theobaldi. Dicitus Albertus genuit unā filiā Catharinā quæ fuit vxor Theobaldi filii ducis Lotharingie Frederici, qui fuit vltimus comes Metensis, sed à Frederico Barbarossa Imperatore pro aduocacia non pro comitatu orta est discordia inter Metenses & Lotharingos anno millesimo centesimo octuagesimo secundo.*

*Extrait des histories de Metz pour l'elligence des comtes de Metz estans lors.*

Laquelle année les lecteurs pourrōt noter à fin d'accorder pl<sup>s</sup> facilement les histoires.

¶ Au temps mesmes des susdictes discordes, estans entre la cité de Verdun & le comte de Bar, tenoit le duché de Mozellanne, Simon filz dudiēt Theodoric, qui auoit succe dē à son pere, audiēt duché, enuiron l'an mil cent quinze. Cestuy Simon veint en ayde au comte Raynaldus, contre ceulx de Verdun. Il fut le dernier duc de Mozellanne, qui mourut enuiron l'an mil cent quarante six. & laissa vne seule fille nommée Berthe, laquelle fut mariée à Henry comte de Toul, frere de Simon premier du nom duc de Lorraine. Lesdictz Ferry & Berthe moururent ians enfans. A raison dequoy le duché de Mozellanne fut diuisé en tant de partz qu'il perdit son nom, par les grandes contentions & debartz qui furent entre les heritiers d'iceulx Ferry & Berthe, en faisant les partaiges des seigneuries d'icelluy duché, comme nous dirons quand escrirons d'eulx.

*Simon duc de Mozellanne.*

*Ferry cōte de toul.*

¶ Aussi durant ce temps des guerres du comte de Bar contre l'euesque de Verdun, tenoit Simon premier du nom duc de Lorraine, qui quelque temps apres entreprit le voyage de Hierusalem, ainsi qu'auons ia escript en l'euesque Vrsio precedent.

*Simō premier duc de Lorraine.*

¶ Maistre Nicole Gilles en son histoire escript qu'en ce temps mesmes enuiron l'an mil cent trente cinq, Mathilde fille d'Eustace comte de Boulongne frere de Godefroy de buillon, fut corōnée royne d'Angleterre de par son mary Estienne comte de Bloys, & de Chartres, frere de Thiebault cōte de Champagne, lequel Estienne roy d'Angleterre tenoit à cause de sadiēte femme le cōtē de Boulongne & celuy de Mortaing.

*Mathilde fille de Eustace de Bourgogne royne d'Angleterre.*

¶ Ceste mesme année Henry premier du nō roy d'Angleterre surnōmé Beauclerc, filz de Guillaume le bastart de Normandie, alla de vie à trespas. Au moyen dequoy lediēt Estiēne comte de Bloys, pretendait droit au royaume d'Angleterre, pource qu'il estoit nepueu dudiēt roy Henry de par Adelle sa mere seur d'icelluy Héry, passa tost apres en Angleterre, s'y fait couronner roy, & peu apres se fait de tout le duché de Normandie, dont aduertie l'Imperatrix Mathilde vefue de l'Empereur Héry. viii. & fille dudiēt Henry roy d'Angleterre, luy fait tost apres forte guerre avec Henry le ieune, filz d'elle & de Godefroy cōte d'Angers filz de Foulques roy de Hierusalem, avec lequel Godefroy elle festoit remariée. Neantmoins la guerre ayant ia duré & cōtinué l'espace de cinq ans, ilz appoincterent ensemble, q̄ lediēt Estiēne cōte de Bloys tiendroit sa vie durāt lediēt royaume d'Angleterre, ce qu'il fait suiuit ce, & en iouit enuiron neuf ans, à la fin desquelz trespassa de ce siecle. A raison dequoy Henry le ieune filz dudiēt Godefroy comte d'Angers & de sadiēte Imperatrix Mathilde, succeda audiēt royaume d'Angleterre, combien que lediēt roy Estienne eut plusieurs enfans de sadiēte femme Mathilde comme escrirons cy apres.

*Appointement du royaume d'angleterre apres la mort de Héry premier.*

# Le iiii liure des antiquitez de la gaule Belgicque

*Les religieux de S. Paul vintz dissolument.* ¶ Pour retourner à nostre euesque Albero, il n'estoit moins diligent à traicter, sollicité & reformer le spirituel que le temporel de son euesché. Ce que ce peult confirmer par les effectz qui t'en suivirent.

*L'euesque Albero reforme les religieux de S. Paul lez Verdun.*

¶ Environ l'an mil cent trente six, voyant ce bon pasteur les religieux de l'abbaye de saint Paul, lez Verdun, de l'ordre saint Benoid, viure par trop desreiglement & dissolument, sans forme ne reigle de religion: mais dissipans & dilapidans les biens du monastere en toutes meschançetez, tascha & meit peine plusieurs & diuerses fois de les corriger & reduire en bonne reformation leur ordre. Aucune fois par doulces monitions & exhortations, autrefois par termes & propos rigoureux, voire corrections & punition de fait. Toutefois il ne profitoit en rien, mais au contraire estoient de plus en plus (& comme par desdain) de prauetz & desordonnez, si qu'il n'y auoit prelat ny superieur à qui ilz ne feussent desobeissans, en sorte qu'on ne trouuoit religieux (au moins des vertueux & bien viuans) qui voulsist prendre charge sur eulx audit monastere, pour les corriger. Mesmes & entre aultres le bon Laurentius abbé de saint Venne refusa plusieurs fois l'abbaye, pour ce qu'il n'y voyoit esperance ny moyen de correction. Au moyen dequoy nostre euesque Albero delibera les deiecter hors dudit monastere, les enuoyer se parement en diuers conuents de leur ordre & religion & mettre en leur lieu aultres religieux bien reformez, & qui seruiroient Dieu & son eglise soubz la vraye obeissance de religion.

*L'ordre de Cisteaux.*

¶ Lors estoient en grande reputation de bonne & sainte vie deux ordres de religion nouvellement instituez soubz reigles & professions de deux saintz personnages. Sçauoir est l'ordre de Cisteaux soubz saint Bernard, lequel (comme dit Laurent Leodiensis historié lors viuant) auoit tellement multiplié & accru son nouveau ordre, que es premiers trente ans de son institution & iusques à l'année d'adoncq' qu'on cōptoit mil cēt trēte six, auoient esté fondez & erigez septante monasteres de Cisteaux. Et l'autre ordre estoit celuy de Premonstré soubz le saint homme Norbertus. Cest ordre estoit aussi multiplié & creu en sorte durant les vingt premieres années prochaines apres son institution première, que semblablement se trouuoient fondez & erigez soubz icelluy ordre, septante monasteres, desquelz estoit estroitement obseruée & gardée la reigle y instituée.

*Le S. homme Norbertus amy & familiar de l'euesque Albero.*

¶ Or d'autant que ledict Norbertus (qui estoit Lorrain de nation) auoit tousiours eu amitié & familiarité avec nostre euesque Albero, mesme que depuis qu'il fut esleu & institué archeuesque de Magdeburgense, autrement Partenapolitaine, il enuoyoit souuent vers ledict euesque Albero, les principaulx & plus vertueux de sa religion & ordre de Premonstré, à fin de cōferer de leurs affaires & negoces plus familiers. Pour ces causes & moyens nostredict euesque Albero congnoissant notammēt les meurs, sainte conuersation & bon zele des profez en icelluy ordre de Premonstré, resolut mettre des religieux d'icelluy en l'abbaye de saint Paul. De fait & pour mieux venir à chef de son intention, il institua premier Abbé audit monastere de saint Paul soubz l'ordre & reigle de Premonstré, vn saint homme nommé Rogerus qui ne vesquit que cinq ans depuis son institution. A l'occasion dequoy l'euesque Albero y en meit vn autre nommé Theodoricus homme de grande noblesse, & sainte vie, filz de Heynard comte de Saulme, lequel semblablement ne vesquit que huit ans ou enuirō Cestuy Theodoricus peu auant sa moat, qui adueint l'an mil cent quarante-huit, durant le Concile tenu à Reims par le Pape Eugene, fut enuoyé embassade vers icelluy Pape. Et apres son retour se retira au chasteau de Maranges appartenant à son frere, ou il mourut, & son corps inhumé à Metz en l'eglise saint Pierre.

*Les deux premiers abbez de S. Paul en l'ordre de Premonstré.*

*Troisces religieux à S. Paul lez Verdun.*

¶ Sobuz ces deux venerables abbez Roger & Thierry, & de leur temps, accrut le nōbre des nouueaulx religieux en ladicte abbaye de S. Paul: Tellemēt qu'en peu de iours ilz se trouuerent bien trois cens. Et combien que parauant les rētes & reuenuz dudit monastere ne peussent satisfaire à l'entretenement de vingt religieux seulement, du temps qu'ilz estoient desreiglez, en l'ordre saint Benoid: toutefois le bien &

# depuis Hue Capet iusques à Loys.viii. du nom. F. ccxcix

bien & patrimoine de l'abbaye qui neantmoins n'estoit en rien augmenté, suffisoit grandement & abundamment à la nourriture & entretien desdictz trois cens religieux de l'ordre de Premonstré.

¶ Quelque temps apres l'institution dudict ordre de Premonstré en icelluy monastere de saint Paul, pour ce qu'aucuns calumnioient & mesprisoient la translation desdictz religieux anciens, & d'ancien ordre en nouvelle reigle, & iugeoient qu'on faisoit iniure à l'ordre de saint Benoid: Nostre euesque leur voulant oster toute occasiō de scrupule ou scandale, feit confermer ladiete trāslarion & changement par le Pape Innocent, qui de ce bailla bulles en forme probante & telle que l'en suit.

**INNOCENTIVS EPISCOPVS SERVVS SERVORVM**  
*Dei, venerabili fratri Alberoni Virdunensi episcopo, salutem & apostolicam benedictionem. Fratemitatis tue scripta benignè recepimus & que per ea de ordinatione ecclesie sancti Pauli nobis significasti, diligenter attendimus. Verum nemini scandalum debet generare, si in locum monachorum, qui sicut accepimus nimis remisse vivebant sunt de religiosi canonici subrogati. Quod igitur à sollicitudine tua super eadem causa factum est, communicato fratrum nostrorum consilio confirmavimus, & ut de cetero eiusdem loci fratres nullus perturbare audeat, prohibemus: Ipsos autem monachos in locis religiosis constituas ubi secundum professionem suam omnipotenti domino deservire, & que ad animarum salutem perficere valeant, &c.*

Letres du Pape de la translation des religieux de saint Paul en l'ordre de Premonstré.

¶ Tout homme de sain & entier iugement doit (à mon avis) penser ceste mutation d'ordre & reigle & transport de religieux n'avoit esté faitz par l'euesque Albero au contemnement de l'ordre saint Benoid: Mais plustost pour l'augmentatiō & reestablissemēt d'icelluy ordre, ensemble à la reparation & reformation dudict monastere de saint Paul: Car à la verité les deux ordres de Cisteaux & Premōstré nouvellement instituez, n'estoient en rien differens, ne de diuerses professions à la reigle de saint Benoid, ains estoient conformes & subz mesme regularité, fors que ces nouveaulx ordres estoient reformez & reduictz selon l'ancienne institution dudict ordre de saint Benoid, lequel estoit au temps dudict changement, voire parauant avoit esté, tant disforme & desreiglé de la premiere institutiō, en plusieurs monasteres, que ce qu'on disoit estre reigle & ordre, n'estoit sinon le contraire, qui est desordre & difformatiō. En ceste reigle de saint Benoid, ne se trouuoient adoncq, qu'orgueil, richesses, auarice, pompes mondaines, inobedience monastique & mille autres dissolutions. Pour la suppression & abolition desquelz les zelateurs & amys de ladiete reigle saint Benoid, desirant la reformation & rehabilitation d'icelle, procurerent & solliciterent l'erection & institution desdictz deux nouveaux ordres & reigles de Premonstré & Cisteaux, les eglises & monasteres desquelz estoient du commencement regiz & gouvernez la plus part, par les bons & anciens religieux dudict ordre de .S. Benoid, qui à ce moyen laissoient leurs anciens & accoustumez couuen & monasteres pour estre difformes & mal vians, à fin de viure selon l'institution premiere de leur reigle.

Les ordres de Cisteaux & Premōstré sont la mesme profession de S. Benoid.

L'ordre de .S. Benoid tout difforme.

¶ Entre ces zelateurs de la reformation dudict ordre saint Benoid, estoit nostre euesque Albero, qui à ce fut emeu par l'induction & exortation d'un bon & saint hōme nommé Hugo, lors vivant religieux en l'abbaye de saint Venne, en laquelle estoit lors aussi religieux Lauren Leodienis historien assez souuent par nous cy deuāt allegué, qui à la poursuite & faueur dudict Hugo son cōstere & cor religieux escriuit vn traité des euesques de Verdun. L'euesque Albero avoit en ce tēps la, tant de reuerēce & amitié audiēt Hugo, pour ses vertus & sainteté de vie qu'à son occasion faueur & moyen, ioinēt le grand zele que ledict euesque portoit à l'honneur & augmentation du saint seruice diuin, il feit des biens sans nōbre ausdictz deux nouveaux ordres de Cisteaux & Premonstré. Entre autres il bailla aux principaulx gouverneurs de la reigle de Cisteaux lors edifiāns l'abbaye de la Chalade, vn grand lieu & territoire situé en la forest de Mengienne, à fin d'y faire construire vn monastere dudict ordre de Cisteaux. Mais par ce qu'ilz estoient à l'heure trop occupez à l'edifice

Hugō. S. homme religieux de saint Venne.

L'ouvrage du monastere de la Chalade, acheué souz l'euesque Albero.

# Le iiii liure des antiquitez de la gaule Belgicque

*L'erection du monastere de Chastillon.* & oeuvre de l'abbaye de Chalade, ilz ne peurent vacquer en mesme saison & fournit en vn temps à deux telles constructions. Toutefois vn reuerend pere dudit ordre, nommé Raynulphus, Abbé de Claustrense, accepta le lieu doné par l'euesque Albero, & y edifia vne abbaye qu'on appelle de present Chastillon.

*L'erection premiere de la Chalade soubz l'euesque heru premier.* ¶ Laurent Leodiensis n'agueres allegué dist que tost apres l'acheuement de la construction d'icelle abbaye de la Chalade, l'euesque Albero la consacra. Aussi estoit elle située en son euesché de Verdun: Lors estoient audict monastere de la Chalade pres de trois cens religieux viuans saintement & regulierement soubz l'abbé Guntero. L'edifice d'icelle eglise auoit esté comencé au temps de l'euesque Henry (dont auons parlé) au lieu mesmes ou vn saint homme nommé Robertus, religieux de saint Venc, & deux siens compaignons festoient autrefois retirez, & y auoient fait vne petite eglise & quelque habitacle en façon d'hermitage pour là viure plus solitairement, & seruir Dieu en toute filèce d'esprit. Mais quelque temps apres estant ledict Robertus appelé pour estre abbé de Beaulieu (laquelle dignité & charge il accepta plus par obediensce de religion qu'aultrement) ledict lieu demeura vague, tan & iusques à ce qu'un riche & puissant homme du pays nommé Herué, enflammé en l'amour de Dieu, & desirât viure en religion, pria & sollicita de sorte, le Venerable Guido Abbé de trois fontaines ordre de Cisteaux, que ledict Guido impetra en sa faueur & obtreint d'un aultre noble homme appelé Vvalteranus son nepueu à qui appartenoit ledict lieu vacant, icelluy lieu de la Chalade, ou deslors du consentemēt dudit Euesque Henry fut commencē l'edifice de ladicte abbaye voyre beaucoup aduancē, moyennant l'ayde & les biens dudit Herué, lequel, si tost que ledict monastere fut aucunement renommé par bon nombre & ordre de religieux, laissa sa femme & vn sien seul filz, renonça au monde, & contraignit vn de ses seruiteurs, luy mettre vne

*Du S. homme heruē fōdareur de l'abbaye de la chalade.*

*Le saint homme Heruē prend l'habit de Religion à lachalade.*

corde au col, & en cest estat le mener comme vn larron, depuis sa maison iusques en ladicte abbaye de Chalade fondée en l'honneur de Dieu & soubz linuocatiō de saint Sulpice, ou ledict Herué demeura au service de Dieu tant qu'il vesquit. Cest acte esmerueillable incita tout le peuple à pleurer de pitié, & à louer Dieu de la contritō & repentence de ce personnage.

*L'euesque Albero auzmentateur de l'ordre de premonstré.*

¶ Dauantage l'euesque Albero bailla trois finaiges & territoires à luy appartenans, à fin d'augmēter & accroistre l'ordre de Premōstré, & pour fonder & eriger trois abbayes d'icelluy ordre, desquelles deux furent edifiées par vn bon abbé nommé Philippe, l'une en la forest de Duelly qu'on dit Bellevaulx, l'autre pres de Hattonchastel, en vn lieu dit la Piscine autrement l'Estanche. La tierce abbaye fut edifiée par vn saint hermite appelé Herbertus, pres d'une petite ville nommée Arcus villa in valle Genesii, que ie pense estre la vallée de Gyncuaultx.

*L'abbaye de Bellevaulx.*

*L'abbaye de l'estanche.*

*L'abbaye de monastere en Argonne*

*L'abbaye de charlieu en Bourgonne.*

*L'abbaye de Chattris.*

¶ Oultre icelluy euesque bailla librement à vn saint homme nommé Eustace, qui peu auāt auoit ia fondé les abbayes de Monastere en Argōne & de Castroloco (que ie Cuide estre Charlieu en Bourgogne, Diocese de Langres) vne terre de fief ou gaignaige de l'eglise ve Verdun par donation de Guido archidiacre dudit Verdun (duquel auons amplement escript cy deuant). Et peu auāt que Albero feist ledict don audict Eustace, d'icelluy fief, il l'auoit retiré & recouré des mains d'Vlricus frere d'icelluy archidiacre Guido. Tost apres la donation dudit fief ainsi faicte audict Eustace, il fonda au territoire d'icelluy fief en vne isle située sur le fleuue d'Aera ou Asra, vne abbaye de l'ordre saint Augustin, avec huit chanoines reguliers, desquelz il fut luy mesmes premier abbé & leur monstra & laissa tant bonne docttrine sainte & louable conuersation conioincte avec obseruance reguliere de l'ordre, que de iours à autre ladicte abbaye (à present nomēe Chattris) augmentoit tant en nombre de religieux cōme en agrandissement du reuenu d'icelle.

*I a maison descheualiers de Roddes soubz Hattonchastel.*

¶ Plus bailla l'euesque Albero, aux cheualiers du temple de Hierusa'em, vn lieu pres Hattonchastel cōuenable & fort propre pour edifier vn hospital à receuoir les pources pelerins.

¶ Don-

# depuis Hue Capet iusques à Loys. viii. du nom. F. ccc

¶ Donna aussi & aumosna plusieurs grans biens, rentes & teuenuz pour augmenter vn monastere de l'ordre de Cisteaux qu'un noble homme nommé Aynardus filz de Hugues Comte de Richismanil & sa femme auoient parauant edifiez es confins & limites de son euesché: lequel monastere est de present appellé saint Benoid dans les boys. Pour ce verifier ie transcritay presentement vne clause contenue & inserée es lettres de fondations d'icelle abbaye saint Benoid, qui est telle.

*L'abbaye de S. benoid dedans les boys.*

**¶ E A P R O P T E R** fratres charissimi Canobium vestrum quod est situm in silua qua Richismanil nuncupatur. Et encores vne aultre clause partant des fondations ainli.

*Extrait de la fondatio de S. benoid diocese de Verdun.*

**¶ A L I O D I V M** de Richismanil quod domina comissa laudante viro suo Aynardo Rodulpho etiam Falcone de Barroduce consentientibus, sub Data anni millesimi centesimi trigesimali octauo regnantibus Rome Papa Innocentio secundo & Conrado secundo Imperatore.

¶ L'an mil cent trente huit mourut l'Empereur Lutherus ou Lotharius deuxieme homme tresvertueux tant en faitz de guerre qu'en gouuernement politicque de ses pays. On lit que les liures des loix intitulez & inscriptz Digestes & Codes, long tēps auant faitz par les Romains, & du temps d'iceluy Lothaire voire au parauant luy, delaissez & improuuez, furent restituez par luy & remis en vsaige, specialement en Italie, & Germanie. Et peu apres en Gaule, ou parauant l'usage & pratique d'icelles loix auoit longuement cessé & discōtinué. Ceste restitution & restauration desdictes loix, adueint par le moyen & diligence d'un sçauant homme, nommé Vvernherus (Accursius l'appelle Iruerius) lors demeurant en Italie, es anciennes libraries, laquelle il trouua lesdictz Digestes & Codes, dōt l'Empereur Lotharius aduertit, ordonna des lors les escolles, esquelles il commanda lire publicquement icelles loix, qui à ce moyen furent restituées dont s'ensuit vn profit indicible à toute la chose publicque des pays cy deuant nōmez & ou elles furent receues. Audiēt Lothaire succeda à l'Empire Conradus duc de Sueue nepueu de l'Empereur Henry cinquieme qui l'auoit autrefois institué prince de Franconie.

*Les liures des loix restituez par l'empereur Lothaire.*

*L'empereur Conrad succeda à Lothaire ij.*

¶ L'année precedente qu'on comptoit mil cent trente sept, mourut semblablement Loys sixieme du nom surnommé le Gros, roy de France. Son successeur au royaume fut son filz Loys le ieune autrement dict le piteux, septieme du nom, qui enuiron quatre ans parauant auoit esté couronné roy, viuant encore son pere. Cestuy Loys le Piteux des le commencement de son regne, eueut dissention contre Innocent Pape de Rome, à cause qu'il auoit vn nommé Alberic esleu Archeuesque de Bourges, confirmé par les chanoines d'iceluy lieu contre la volonté du roy & sans sa permission. Aussi brusta le chasteau de Vitry en Partoys appartenant à Thiebault Côte de Champagne, & quant & quant mil & trois cens personnes estans lors en l'eglise d'iceluy Vitry. Cecy adueint enuiron l'an mil cent quarante trois, pource & endespit que ledict Comte Thiebault auoit fauorisé iceluy Alberic archeuesque de Bourges. Dequoy depuis ledict roy Loys se repentit grandement & en sorte que quelque temps apres il entreprit le voyage de Hierusalem par maniere de penitence de tel meffait & inhumanité.

*Loys le Piteux succeda au royaume de France.*

¶ Lan mil cent quarante, mourut à Verdun le bon Laurent abbé de saint Venne, apres qu'il eut presidé en l'abbaye d'iceluy lieu enuiron. xl. ans & trois mois, durant lequel temps l'eglise Romaine, en consideration & recompense, que pour la defense du siege apostolicque les religieux d'iceluy monastere de saint Venne, auoient par deux fois esté deiectez & expulsez de leur abbaye pēdant les scismes de l'eglise & Empire de Rome, à fin aussi q̄ si de fortune ilz estoient de rechef chassez & ezilez à l'occasion d'aucuns scismes & diuisions qui pourroient interuenir entre les papes & empereurs ilz eussent lieu pour eulx retirer, bailla & laissa à l'eglise de saint Venne soubz tiltre de cens annuelz de douze deniers deux celles ou habitations, situées à Anzeycourt, & à Nerles que Raynaldus Comte de Bar auoit parauant donné à l'egli.

*La mort du bon Laurent Abbé de saint Venne.*

*Anzeycourt donné par le siege apostolicque à S. Venne de Verdun.*

# Le iiii liure des antiquitez de la gaule Belgicque

*Segardus succeda  
à saint Venne a-  
pres Laurent.*

l'eglise Romaine. Ladite donation fut confirmée & approuvée par les Papes Pascal & Innocent, en la faueur & petition dudit Abbé Laurentius, à qui succeda en l'abbaye de saint Venne vn sien parent nommé Segardus, natif de Germanie, & qui auant son election en tiltre d'Abbé, estoit prieur dudit mesme monastere. Si tost qu'il fut proueu de ladite abbaye, il feit circuire de murailles le grand cymetiere des religieux, ensemble reparer le cloistre dudit monastere.

*Rodulphus Abbé  
de saint Agry.*

¶ Cestuy Segardus auoit vn sien parent appelé Rodulphus, de mesme aage & pays que luy, & qui auoit pris avec luy, en vn mesme iour l'habit de religion. Si aduint le mesme iour que Segardus fut esleu abbé de saint Venne, ce Rodulphus fut semblablement promu en tiltre d'abbé de saint Agry, dont il prit possession: mais obstant que les religieux dudit monastere saint Agry estoient adonc par trop desreiglez & desobeissans, & luy faisoient d'heure à aultre opprobres & iniures intolcrables, il ne peut longuement supporter la charge, gouuernement & administration d'icelle abbaye, dont reduict en trop de desplaisir pleuroit quasi continuellement, & se complaignant de ce bien souuent à son parent l'abbé Segardus luy supplioit encores plus souuent de pouuoir ceder & renoncer à son abbaye, luy declarant pour toute resolution & en fin, qu'il ayuoit plustost mourir ou s'en aller poutemēt en exil hors & loing du pays que demeurer avec ses religieux. A quoy voulant pouruoir l'abbé Segardus bien que ce fust contre son vouloir, soubz l'authorité de l'euesque Albero, le retira de l'administratiō dudit monastere de saint Agry. Puis le feit prieur soubz luy en son abbaye de saint Venne.

*Rodulphus laissa  
S. agry, pour l'insolence  
des religieux.*

¶ Segardus fut celuy qui quelques ans apres sa prouision de l'abbaye de saint Venne induist & ammonesta par bonnes & salutaires monitions Laurentius Leodiensis historien assez cy dessus mentionné, & qui composa le traicté des euesques de Verdun, de prendre & recepuoir l'habit de religion audit monastere de saint Venne. Auquel cestuy Segardus tousiours tant qu'il vesquit cupide & curieux d'accroistre l'honneur de Dieu & de l'eglise, teint continuellement ses religieux soubz grande obeissance & sainte continuation de leur reigle & profессион sans murmure ne contrauention, chose qui procedoit de sa bonté, prudhomie & louable gouuernement. Dauantage des ausi tost, qu'il entra en l'administration de son abbaye, il amassa grande somme d'argent monnoyé & non monnoyé, pour faire yne chasse d'argent à mettre les relicques du corps de saint Venne, laquelle chasse il feit commencer, & feust paracheué, ensemble beaucoup de grandes choses qu'il auoit bien bonne intention de faire au profit de son monastere, n'eut esté quil fut preueni de mort auant presque qu'il eust tenu ladite abbaye, deux ans seulement. Il fut inhumé au chapitre dudit monastere de saint Venne. Son successeur Cono feit parfaire ladite fierte ou chasse comme nous dirons en apres.

*La chasse d'argent  
ou est le corps. S.  
Venne commen-  
cée par l'abbé Se-  
gardus.*

*Mathieu duc de  
Lorraine, premier  
marchis selō au-  
cuns.*

¶ Simon premier du nom duc de Lorraine, deceda l'an mil cent quarantevn l'année prochaine d'apres la mort du bon abbé Laurentius. Mathieu filz dudit Simon luy succeda audit duché. Aucuns (escriuans de ce Mathieu) recitent qu'il fut le premier entre les ducz de Lorraine qui porta le nom de Marchis, tiltre à luy donné par l'Empereur Barberouisse duquel il auoit espousé la fille. Ceulx qui escriuent cecy, exposent & declarent ce terme Marchis signifier aultant cōme lieutenant ou gouuerneur pour l'empereur, es marches & eztermitez des pays de l'Empire, ce qui se peut veoir encores maintenant par la situation & bournes du duché de Lorraine. Toutefois les aultres historiens attribuent le nom & tiltre de Marchis ausi bien aux predecesseurs du dict Mathieu cōme à luy. De ma part j'en laisse le iugemēt aux lecteurs plus curieux. Quant aux gestes & faitz dudit duc Mathieu, nous en escriuons plus amplement en la fin de la vie du present euesque, en l'ordre des ducz de Lorraine.

*Henry de Grand  
pré commis à la  
garde de Verdun  
soubz le cōte Ray-  
naldus.*

¶ En l'an mil cent quarante deux ayant l'euesché de Verdun ia demeuré en paix & tranquillité l'espace de sept ans ou enuiron, suruindrent & s'esleuerēt nouvelles dissensions & querelles contre l'eglise & subiectz dudit euesché par le fait de Henry Comte de grand pré, lequel au moyen qu'il tenoit sondict Comté en fief du Comte de Bar



# depuis Hue Capet, iusques à Loys viij. du nom. F. cccj.

de Bar Raynaldus, icelluy Raynaldus se sentant ia fort viel, auoit commis à la garde dudiect euesché en son absence. Soubz vmbre de laquelle commission icelluy Henry voulut accroistre sa seigneurie, & à ceste fin entreprendre sur le comté de Verdun. Chose qui luy sembloit assez facile, parce que Raynaldus ne pouuoit plus lôguemēt viure. ainsi apres sa mort il pourroit iouyr du comté de Verdun biē aisément, comme estant voisin & tresprochain de ses seigneuries. Et entre autres du chasteau de Viēne appartenant lors audiect Henry, & ou il faisoit sa plus continuelle residence.

¶ Pour mieulx venir à chef de son intention, il prit intelligence avec vn capitaine nommé Raynaldus, qui soubz sa commission tenoit en garde le chasteau de Balneū (que i'estime estre Baileul) appartenāt à l'euesque de Verdun, au nom duquel & soubz sa permission & foy, lediect capitaine auoit fortifié & enclos de murailles, icelluy chasteau. Ces deux personages doncques i'estant occultement ioinctz, & vniz, & bandez ensemble pour nuire à l'euesché de Verdun, commencerent à se monstrer & declarer apertement ennemis de l'euesque Albero, par courses & pillages qu'ilz faisoiet, robbans & emportans tout ce qu'ilz pouoient trouuer es terres & seigneuries dudiect euesché, & sur les subiectz d'icelluy : mesmes & entre autres voye. De faict vn iour trouuans de fortune plusieurs marchans de la ville de Hoyeuse (autrement Huz en Liege) passans par les terres & pais dudiect euesché, & conduifans grand nombre de marchandises, ilz destroufferent & vollerent iceulx marchans, & emmenerent en leurs forteresses, leurs cheualx & biens. Dont le plaintif & doléance veint tost apres à l'euesque Albero, & au precedent luy estoient faictes d'heure à autre grādes plainctes & querimonies des destrouffes, tirannies, & molestes que faisoient journellemēt à ses subiectz iceulx Henry de grand Pré & son allié Raynerus.

*L'entreprise du cōte de grand Pré, sur l'euesché de Verdun.*

¶ Semblablement le comte Raynaldus resident lors la plus part du tēps à Mousson, d'ou il ne pouoit partir pour sa viellesse, auoit de iour à autre pareilles allarmes, des marchans du pais du Liege, ausquelz les susnommez volloient & ostioient leurs marchandises, rompans & entraignans ce faisant, l'appoinctement peu parauāt faict entre l'euesque de Liege & icelluy Raynaldus, lequel (comme est escript au suplement de la cronique de Sigebert) en traitant l'accord d'entre eulx, qui fut faict enuiron l'an mil cent quarante & yn, auoit remis es mains de l'euesque de Liege le chasteau de Buillon, que lediect Raynaldus auoit iniustement occupé par quelques années oultre le grē & volonté dudiect euesque à qui icelluy chasteau appartenoit, par l'achapt qu'en auoit long temps parauāt fait, vn sien predecesseur de Godefroy de Buillon : ainsi qu'auons ia recité.

*Buillon retiré par l'euesque de Liege du comte de Bar.*

¶ Pour ces causes & afin d'obuiet aux entreprises futures dudiect Henry de grand Pré, nostrediect euesque Albero & lediect comte Raynaldus, enuoyerent d'vn cōmun accord adiourner icelluy Henry à comparoir deuant eulx, pour respondre tāt de son chef que de celluy de sondiect allié Raynerus, sur les faictz & moyens sinistres, dont ilz estoient chargez & accusez. Mais lediect Henry contemnant & mesprisant leur pouoir, tant s'en fallut qu'il comparust à l'assignation à luy donnée, qu'au contraire assembla grosse bende de gens d'armes, accompagné desquelz courut hostilement quasi par toutes les terres de l'euesché de Verdun, voire iusques bien pres de Verdun, pillant ce faisant, gastant, & bruslant (qui pis estoit) tout ce qu'il trouuoit.

*Le comte de grād Pré rebelle à l'euesque de Verdun & au cōte de Bar*

¶ A raison dequoy l'euesque Albero feit de son costé vne grosse armée, & feit fortifier vne tour à luy appartenāte, assise au lieu de Bartaucourt ou il meit bōne garnison, afin d'empescher aucunement les courses & pillages de son ennemy. D'auantage il enuoya partie de ses gens deuant le chasteau de Baillieu qu'il teint estroitement assiegé, si que ceulx de dedans ne pouoient en sortir, sinon à trop grande peine. Dont Henry de grand Pré aduertty, leur feit en diligence donner secours, & luy mesmes venoit souuent assaillir les ennemis, les cuidant surprendre: mais ilz les rencontrerent luy & ses gens plusieurs fois, & le combaterent de sorte qu'a plusieurs confictz mourut grand nombre de gens d'armes, d'vne part & d'autre. Et n'eust esté que ses gens

*Les armées de l'euesque de Verdun, & du comte de grand Pré, deuant Baillieu.*

Et auoient

## Le.iiii. liure des antiquitez de la gaule Belgicque

auoient l'auantage sur les Virdunoys, obstant qu'ilz estoient de l'autre costé de la riuiere, qui caufoit qu'on ne les pouoit poursuiure sans leuer le siege de denant ledict chasteau de Baillieu, ilz n'eussent tenu si longuement. Ilz ne sceurent toutefois rât faire, pendans ces rencontres & conflictz, qu'ilz n'eussent tousiours du pire, & les Virdunoys victoire, sur eulx.

*Henry de grand Pré, blessé en la bataille.*

¶ Mesmes ledict Henry en l'une desdictes rencontres fut rué de dessus son cheual à terre, si lourdement qu'il fut blessé, & eut l'espaule demise: toutesfois ses gens le secoururent & remonterent, puis malgré ses ennemis le remenerent en son chasteau de Vienne ou il fut malade quelque temps.

*Victoire de Hugues de Bar, sur les gens du comte de grand Pré.*

¶ Tandis que ces choses se faisoient, notamment durant que ledict Henry estoit malade à Vienne, Hugues filz du comte Raynaldus, qui par l'ordonnance de son pere estoit venu avec bon nombre de gés, afin de seruir l'euesché, comme garde du comté d'icelluy, & pour reprimer l'insolence d'icelluy Henry, delibera vn iour entre autres faire vne course sur ses ennemis. Et pour ce faire pris avec luy quelqu'vns de ses hommes d'armes des mieulx equippez, s'en alla à son aduenture vers le chasteau de Vienne. Approchant duquel & estant sur chemin eut aduertissement ses ennemis estre aux chāps. Si les suyuit au trac des cheualx, si bien & en sorte qu'il les surprit à son aduantage, ruant sur eulx, avec tant de hardiesse & viuacité, qu'ilz furent mis en desordre, plusieurs d'iceulx tuez, & enuiron quatre vingtz pris prisonniers, avec leurs armes, cheualx, & autres despoilles. Somme, peu echapperent, encores le gaignerent ilz à la fuite, & se retirerent au chasteau de Vienne, ou ilz assurerēt ledict Henry, lors encores malade de sa cheute, non seulement de la prise & deffaite des siens: mais aussi luy donnerent à entendre (bien qu'il ne feust vray) que ledict Hugues pourfuyuat sa victoire, viendroit de brief, & possible à l'instant, assieger ledict chasteau de Vienne. Dont icelluy Henry effrayé & craignant le dangier, tout malade qu'il estoit, se fit en diligence transporter hors sondict chasteau, en lieu plus auant en France, ou il esperoit estre en seureté, abandonnant ledict chasteau & le laissant si desgarny de deffense, que si Hugues eust suiuy sa poincte & son aduenture, il l'eust trouué tout vuyde, & pris bien facilement: mais soy contemnant de sa victoire, retourna vers l'armée de l'euesché, avec les prisonniers despoille & proye d'iceulx.

*Appoinctement du comte de grand Pré avec l'euesque de Verdun.*

¶ Tost apres le comte Henry se voyant ainsi vaincu, & desgarny de gens, sans aucune esperance ne moyen de pouoir remettre sus nouvelle armée: chargea quelqu'vns ses amis qu'il esleut mediateurs de sa part, pour traicter appoinctement & paix avec ses ennemis: Ce qu'ayant finalement obtenu, vint à Verdun en personne, respondit en iugement à toutes les demandes & questions qu'on luy feit, pour raison des tortz, griefz, dommages & forfaitures qu'il auoit fait. Lesquelz il amenda, satisfaisant à tout ce qui fut trouué requerir & exiger reparation & satisfaction.

*Le chasteau de Baillieu ruiné.*

¶ Mesmes remeit en la volonté & puissance de l'euesque Albero le chasteau de Baillieu: encores lors assiégré par ceulx de Verdun & les gens d'icelluy euesque, qui tost apres le fait abbatre & ruiner du tout: ordonnant & statuant pour l'aduenir que iamais ne seroit réedifié.

*La mort du pape Innocent. Qui furent ses successeurs.*

¶ L'an mil cent quarante & quatre, mourut le pape Innocent ij. Celestinus deuxieme, parauant nommé Guido, luy succeda en la papaulté qu'il teint cinq moys seulement, au bout desquelz il deceda de ce siecle. Au moyen dequoy fut esleu pape en son lieu Lucius ij. nommé au precedent Gerardus, qui estoit cheualier de la chābre apostolicque. Cestuy ne presida gueres plus longuement au siege apostolicque, q̄ son dernier predecesseur Celestinus: ains mourut l'vnieme moys d'apres son election. Tousies fois durant ce peu de tēps, il feit grande diligence, par le moyen de saint Bernard, lors encores viuāt: d'induire les princes Chrestiens à eulx croiser & entreprendre nouvelle expedition pour la deffense de la terre Sainte: laquelle souffroit lors psecutions tresgrandes: ainsi q̄ ledict pape fut assuré par les tristes nouvelles qui en veindrēt en Chrestienté, qui estoient telles que veritablemēt la cité d'Edisse en Mesopotamie, iadis nommée Rages, & en laquelle Thobie enuoya autrefois son filz, auoit esté prise par vn

*La cité d'Edisse prise par les turcs.*

# depuis Hue Capet, iusques à Loys viij. du nom. F. cccii.

vn turc nommé Alapha, les gens duquel auoient tué & martirizé infiny nombre de Chrestiens, hommes, femmes & petis enfans indifferemment.

¶ Ceste belle cité n'auoit onques esté infectée d'ydolatrie depuis qu'elle receut la foy Chrestienne, par la predication de Tadeus apostre de Iesuchrist, le corps duquel ensemble celluy de saint Thomas que le roy Alagarus auoit autrefois aporté en icelle cité, y estoient encores lors de l'obsidion d'icelle ainsi faicte par les Turcs, lesquels feirent trencher la teste à l'euesque dudit lieu, pollarent & prophanerent les eglises par actes de paillardises, vilains, ordz & abominables: voire iusques à desflorer en icelles les filles, & forcer les femmes. Chose treislamentable, opprobrieuse, & scandaleuse.

*Les tyrannies des Turcs à Edisse.*

¶ L'an mil cent quarante & cinq, Eugenius troisieme du nom fut esleu pape, apres Lucius. Il estoit hōme de tresgrande saincteté, & parauāt auoit esté disciple de saint Bernard. Tost apres son election ne pouant plus endurer les persecutions des Romains, & craignant leur fureur & mauuais vouloir vers luy, fut contrainct s'en fuir en France, ou il teint plusieurs concilles: esquelz par le moyen & aide de saint Bernard, il enhorta & induist de sorte Loys septieme roy de France, & l'empereur Conrad, qu'ilz se croysèrent & entreprirent le voyage de Hierusalem pour la deffente de la terre sainte. En laquelle ayans passé la mer, eulx & leurs gens endurerent beaucoup d'aduersitez, disettes, & trauaulx.

*Eugene troisieme esleu Pape.*

¶ Enuiron ce mesme temps, nostre euesque Albero prit la croix, & resolut entreprendre le voyage de Hierusalem: toutesfois si secrettement que son clergé & peuple de Verdun, n'en sceurent onques rien, iusques au iour de son partement. Qui les rendit beaucoup falchez & ennuyez, mesmes pour la craincte qu'ilz auoient de r'encheoir pendant son absence, es precedentes seruitudes, miseres & calamitez, esquelles ilz auoient ia tant demeuré (comme vous à esté dict.)

*L'euesque Albero entreprit le voyage de Hierusalem.*

¶ Quand l'euesque Albero fut arriué à Rome, le pape Celestinus lors tenant le siege aduertit de son vouloir, ensemble de l'estat de son euesché de Verdun, qui presque iusques adoncq auoit tousiours esté en continuelles tribulations & persecutions, par le fait des princes & nobles des pais circunuoysins: luy conseilla, voire ordonna expressément se desister de son dict voyage de Hierusalem, ne passer plus auant: mais s'en retourner garder son euesché. A quoy il obeit, malgré luy: toutesfoys & eust trop mieulx aymé parfaire le voyage.

*Albero de l'ordonnance du pape, se desiste de son voyage.*

¶ Ainsi reueint en son euesché l'euesque Albero, dont son clergé ensemble le peuple de la cité furent grandement resiouis. Aussi la presence leur estoit lors necessaite & profitable: car durant le peu de temps de son absence Albert seigneur du chasteau de sainte Menehould, auoit tormenté & encores molestoit & infestoit incessamment l'euesché par courtes & pillages, qu'il ne discontinua pour le retour de l'euesque: ains les accreut, & faisoit de pis en pis. Dont Albero trop marry voulant y donner ordre, disposa ses gens: lesquelz vn iour entre autres, que ledict Albert s'en retournoit d'une grande course qu'il auoit faicte, en laquelle il auoit pris sur les hommes & subiectz dudit euesché, vn gros butin, tant de biens que bestes qu'il amenoit en son chasteau, poursuuyirent tellement icelluy Albert, qu'ilz l'attaquirent. Et combien qu'ilz fussent en petit nombre, l'assaillirent si hardyement & vaillamment qu'il fut pris prisonnier. Ensemble grande partie de ses gens, & tout leur butin & pillage rescoux, & ramené à Verdun.

*Albert seigneur de sainte Menehould, ennemy de l'euesque de Verdun pris prisonnier.*

¶ Semblablement & peu apres ledict euesque Albero reprima par force d'armes les entreprises, & insolēces que faisoit contre son euesché Robert seigneur de Conflant, pour la deliurance dudit Albert duquel il estoit parent & allié. Ilz eurent ensemble plusieurs rencontres & batailles: toutesfois l'euesque fut tousiours victorieux, en sorte que ledict Robert fut en fin contrainct venir à mercy, souffrir & accepter appoinctement tout au bon plaisir dudit euesque Albero.

*Robert de Conflant vaincu par ledict euesque.*

# Le iiii. liure des antiquitez de la gaule belgicque

*Raynaldus dispose de ses seigneuries, entre ses enfans.*

¶ L'an mil cent quarante & six, Raynaldus comte de Bar, administrateur du comté de Verdū, voué de l'abbaye de saint Mihiel & seigneur de Mousson: lors fort vieil, sentant son ancien aage, & à ce moyen sa mort prochaine, considerant aussy les domages, maulx & tyrannies qu'il auoit fait en son temps aux eglises, delibera diuiser ses seigneuries à ses enfans, pour preuenir les futures dissentions, qui pourroient estre entre eulx. Puis faire quelques fondations es eglises, & apres soy retirer en lieu particulier & à l'escart pour y seruir Dieu le reste de sa vie, sans plus se mesler des occupations mondaines.

*Hugues l'aîné comte de Bar, & de Verdun  
La fille de Raynaldus mariée au comte de Chiny.  
Theodoric de Bar euesque de Metz.  
Le ieune Raynaldus de Bar, voué de l'abbaye de saint Mihiel.*

¶ Il auoit troys filz & vne fille, ausquelz suyuant sa resolution il distribua ses biens & possessions ainsy. A son filz aîné nommé Hugues (duquel auons parlé cy dessus) bailla pour sa portion patrimoniale le comté de Bar, avec l'exercice, garde, & administration de celluy de Verdun, du consentement toutefois de l'euesque Albero.

Ce Hugues ne vesquit longuement, ainsi que dirons cy apres. La fille dudit Raynaldus fut mariée au comté de Chiny, nepueu dudit euesque Albero. Son second filz nommé Theodoric, suyuit l'estat de l'eglise des sa ieunesse soubz son oncle Estienne euesque de Metz, qui luy resigna son euesché, enuiron l'an mil cent soixante quatre. L'autre & tiers filz qui estoit nommé Raynaldus comme son pere: & encores fort ieune lors que sondict pere faisoit ainsi les partz de ses seigneuries, eut pour sa portion & appénage, la vouerie de l'abbaye de saint Mihiel. Ensemble les terres & seigneuries circunuoysines dudit saint Mihiel, appartenâtes par droit succésif & heredital audit Raynaldus son pere, qui en faisant lesdictz partages & donations, declara expressement à sondict filz Raynaldus le ieune, qu'il ne vouloit ny entendoir, que de là en auant, il entreprist sur les hommes de ladicte abbaye de saint Mihiel, ny exigeast d'iceulx, tailles, gabelles, ny aucuns subsides extraordinaires, comme il auoit fait de son temps, confessant les extortions & exactions par luy faictes du passé auoir esté contre Dieu & l'equité. Partant commanda à son filz ne faire telles choses tyranniques.

*Tirânie du ieune Raynaldus de Bar, sur l'abbaye de saint Mihiel.*

¶ Incontinent que le ieune Raynaldus fut enfaîné de son partage, ne se souenant des susdictes remonstrances, ordonnance & commandement de son pere: mais plustost les contemnant, feit beaucoup pis que son pere n'auoit iamais fait, sur les homes de ladicte abbaye de saint Mihiel, les pillans, gabellant, & exigeant d'eulx sans pitié ne misericorde: dont quelques monitions, prieres, & remonstrances qu'on luy feist, n'e voulut onques vser enuers eulx, ny soy desister de ses accoustumées tyrannies. Au moyen dequoy l'abbé d'icelle abbaye nommé Manegādus, enuoya enuiron l'an mil cent cinquante (auquel temps le pape Eugene troisieme fut restitué en son siege) presenter audit pape Eugene, vne requeste contenant les oppressions de l'abbaye, pour auoir quelque adresse & prouision des tyrannies dudit ieune Raynaldus. Laquelle supplication & requeste estoit telle.

*Requeste donnée au pape Eugene, par l'abbé saint Mihiel, contre le ieune Raynaldus.*

¶ *S V B A L A S V E S T R A E* protectionis reuerendissime Domine, & pater misericordissime, nos cura vestre pusillus grex, & oues pasce vestre à facie inimici confagimus, & ante pedes maiestatis vestre prostrati lachrimabilem calamitatis nostra querimoniam deponimus. Regnantibus Childeberto, Sigiberti & Brunichildis filio, & eiusdem filio, Theodorico, ecclesia nostra à quodā nobili duce Volfando fundata fuit, & eo sine liberis decedente sub tuitione ipsorum regum. (uorū sedes regia Metis erat) & succedentiū regum vel imperatorum, permansit: quorū largitionibus augmentata, priuilegijs roborata, defensione protecta, libertatis suæ tenorem cōseruauit, vsque ad tempora Orthonis imperatoris. Tunc siquidem quidam dux Lotharingie Fredericus tutelā ipsius ecclesie, que eatenus regum & imperatorum fuerat, in dominium sibi usurpauit, de tertia parte prediorū ecclesie castrum suū Barrense quod extruxerat, casauit, nimirum facile subiugans terrā sibi vicinā, & à tutela regis longe remotā. Ex tunc ergo iam per quatuor successiōnū gradus, tutelā vel dominium ecclesie nostre post-ri eius obtinuerūt. Qui non cōtenti supra dicta tentatione, etiā de duabus residuis partibus, quoniā plures villis militibus in beneficia distribuērūt: Nostri quoque tēporis comes Raynaldus, qui quinto illis gradu successit (quod maiores sui nunquā fecerāt) pecuniarū rapinas quas vulgus talliatas vocant, per terrā nostrā primus agere cepit, homines incarcerare, vi & supplicijs sua extorquere ad firmāda castella sua, cū suis sumptibus

*Notez icy Frederic duc de Lorraine auoir edifié le chasteau de Bar*

# depuis Hue Capet, iusques à Loys, viii. du nom. F. cccij.

bus eos cogere, nimis frequenter per terrā nostram dictare, nec suis sed pauperum sumptibus viuere. Postremo tota terra nostra plusquam sua omnibus modis abuti, & hanc tyrannidem filio suo Raynaldo qui nunc est dereliquit, contestans tamen ei publice se hæc omnia iniuste egisse. At ille malitiā patris in tantū supergressus est, ut homines nostri oppressionem eius ferre non valentes, villas nobis vacuas reiquerint. Reliqui nostra nobis soluere, vel non possunt, vel contēnunt, illum solum timentes, illi soli seruiētes. Cumque sedes apostolicæ iustitiā superiore anno aduersus eum experissemus, supra hoc ultra modum indignatus, & apostolica nobis nihil adhuc proficiente, immo officiente, & malitia oppressoris quotidie ingrauescente, iam pene præ inopia rei familiaris domū vacuam deserturi hanc vnam adhuc spem suscipimus, ut quia Deo prouidente apostolicas vices, suscipere meruistis apostolicæ potestatis virga oppressorem nostrum coerceratis.

¶ Le pape Eugene ayant par la suidicte supplication entendu les tyrannies & oppressions dudit ieune Raynaldus, escriuit vn brief qu'il adressa aux euesques de Metz, Verdun, & Toul, leur mandant reprimer par monitions & censures apostolicques, les mauix, insolences, & melestes que faisoit ledict ieune Raynaldus sur les subiectz d'icelle abbaye de saint Mihiel, dequoy faire leur donnoit pouoir par icelluy mesme brief ou rescript, dont la teneur est.

¶ **EVGENIVS EPISCOPVS** Seruus Seruorum Dei, venerabilibus fratribus Stephano Meten. Alberoni Virdunen. Henrico Tullen. salutem & apostolicam benedictionem. Quanto refrigerante charitate multorum prauis homines ex diuino iudicio in episcopatibus vestris abundant, tanto à vobis qui prouisionis & regiminis illic officium meruistis, in virtute verbi Domini, eis est attentius obuiandum. Dilecti filij M. abbatis sancti Michaelis grauem nuper querelā accepimus, quod comes Raynaldus eum & ecclesiam ei commissam multipliciter inquietat, & bona eius diripere, hominesque ipsius, illicitis exactiombus, angarijs & pressuris affligere non desistit. Per apostolica itaque vobis scripta mandamus: quatenus eundē comitem districtus moneatis, ut à prædicti filij nostri & ecclesie sue infestatione desistat, iniuste ablata ei restituat, terrore a dāna resarciat, & homines eius nullis indebitis exactiombus aut seruitijs de cetero fatigare presumat. Si autem monitis vestris obedire contempserit, ecclesiastica censura eum taliter coercere. Vt antedictus abbas, ad nos pro defectu iustitiæ clamare de cetero non cogatur. Datum Sigme octauo Kalendas Iunij.

Rescript du Pape adressé aux euesques de Metz, Toul, & Verdun, contre Raynaldus le ieune.

¶ Ayant doncques l'ancien Raynaldus ainsi distribué & party à ses enfans ses seigneuries, il se retira au comté de Mousson qu'il auoit reserué pour luy, afin d'y seruir Dieu le reste de sa vie. Deslors fait grandes donations à vne celle ou prioré qu'il auoit parauant permis edifier soubz son chasteau de Mousson, par les abbé & religieux de l'abbaye de saint Mihiel. En faueur desquelz bailla premierement pour l'augmentation d'icelluy prioré, vne chappelle fondée dans sondict chasteau, en l'honneur & soubz l'inuocation & prouision d'icelle chappelle. Secondement les dismes grosses & menues, tant appartenātes à sondict chasteau de Mousson, qu'à la ville dudit lieu. Tiercement le droit de vaines pastures & vsage es bois, pour la necessité deldictz abbé & religieux. Quartement la pescherie en la riuere de Mozelle, avec permission & licence à tous les subiectz, de pouoir librement fonder en ses pays, & donner terres & heritages de quelque qualité qu'ilz feussent, pour l'augmētation d'icelle celle ou prioré. Ensemble plusieurs autres biens & gratuitez contenues au trētetroisieme chapitre des antiquitez de ladicte abbaye, & autres chapitres suyans. Ce fait ledict Raynaldus, fort caduc & decrepit de grāde vieillesse, laissa ce siecle l'an mil cent quarante & neuf, apres qu'il eut tenu le comté de Bar enuiron quarante & quatre ans.

L'ancien Raynaldus se retire à Mousson pour seruir à Dieu le reste de sa vie. Le prioré de Mousson fondé par Raynaldus le vieil, en faueur de l'abbaye de saint Mihiel.

¶ L'euesque Alberto ayant de long temps commēcé en son eglise cathedrale de Verdun, vn nouveau & sumptueux edifice, fait telle poursuite l'an mil cent quarante & sept, que le bastiment & l'œuure cōmençee & ia auancée, tant du sien propre que des oblations des pellerins abordans & venans iournellement en ladicte eglise, pour les miracles qui s'y faisoient de iour en iour, fut quasi acheuée, & l'eglise presque parfaite: mesmes furent lors acheuées deux des quatre tours qui y sont encores à present. Semblablement le chœur de ladicte eglise, en sorte qu'on y celebrait ordinairement. A ceste cause desirant magnifier & augmenter l'honneur de Dieu & de son eglise,

La mort du cōte Raynaldus le vieil.

L'eglise de Verdun réedifiée par l'euesque Alberto.

# Le iiii. liure des antiquitez de la gaule belgicque

*L'eglise de Verdun  
dediee & sacrée  
par le pape Eugene.*

afin aussy qu'on y eust & portast plus de reuerence aduisa de faire dedier icelle eglise par le pape Eugene lors estant fugitif en France pour les causes & raisons susdictes. Si se transporta vers luy & le pria auec tant bon moien que peu apres veint en personne à Verdun & dedia & consacra l'eglise cathedrale le vnziesme iour de Nouembre l'an susdict mil cent quarante & sept.

*La chasse saint  
Venne acheuée  
par l'abbé Cono.*

¶ Pendant que ledict pape Eugene estoit à Verdun & qu'on faisoit les preparacions de la dedication d'icelle eglise, on l'aduertit des merites & sainteté de saint Venne, & que puis n'aguere l'abbé du monastere dudiect saint Venne nommé Cono auoit acheué l'œuare de la chasse ou Fierre que son predecesseur Segardus auoit commencé de fin argent & sumptueusement, afin d'y transmettre les reliques & corps dudiect saint Venne. A ce moien le pape Eugene meü de zele de deuotion de faire luy mesme ladiete translation alla audict monastere ou en presence de tous ses cardinaulx, en semble du clergé & peuple de Verdun, transférera ledict corps saint en ladiete chasse d'argent ainsi nouuellement acheuée, ordonnant deslors la solennité de telle translation estre celebrée en ladiete abbaye chacun an le cinquiesme iour de nouembre qui estoit le iour que ladiete transposition fut faicte par icelluy pape Eugene audict mesme an mil cent quarantesept. De faict & le mesme iour montant en chaire ledict pape fait publicquement & presens tous les assistans vne solempnelle predication en l'honneur & recommandation dudiect saint Venne.

*Translation du  
corps de saint Vē  
ne par le pape Eugene.*

*La translatiō du  
corps S. Venne  
racculeusement dif  
ferée iusques à la  
venue du pape Eu  
gene.*

¶ On trouue es antiquitez d'icelle abbaye qu'environ trois ans parauant icelle translation ainsi faicte par le pape Eugene, l'abbé Cono voyant la chasse d'argent estre par faicte & preste, delibera luy mesme faire ladiete transposition de l'ancienne chasse en la neufue, & ce en presence de l'euesque Albero & de tout le clergé, auquelz a ceste fin il assigna iour certain. La vigille duquel iour deputa deux des plus suffisans de ses religieux pour visiter l'ancienne chasse, disposer les saintes reliques du corps saint à fin de besongner le iour suyuant plus honnestement & reuerement en ladiete transmissiō. Mais lesdictz religieux ayans faict ladiete visitation reporterent secretement à leur abbé soubz le voeu de leur professiō qu'ilz auoient trouué icelles reliques toutes consommées sans aucune forme d'ossements & l'a fierre quasi toute vuyde: dont l'abbé ne fut moins esbay, triste & dolent que lesdictz deux religieux, avec lesquels il aduisa tacitement que pour euiter le scandale, il differeroit ladiete translation en aultre temps Ce qui fut faict, & changea l'abbé de propos sans de là en auant (pour la cause & doute dessus recitée) faire mention de s'aduancer au faict de ladiete transmissiō, laquelle partant demeura à faire iusques à la venue dudiect pape Eugene, qui d'autorité apostolicque y besongna ainsi que j'ay dict n'aguere trouuant les reliques du corps saint toutes entieres, tant odoriferantes & rendantes odeurs si suauës & doulx que plusieurs malades par le sentement & fruition d'iceulx furent gueriz miraculeusement, dont chascun rendit actions de graces à Dieu & au benoid saint: nō sans grādes merueilles & esbayssment causé par le raport de l'abbé Cono & lesdictz deux religieux, qui iusques adonc auoient teu & celé ce qu'il auoient veu & trouué quand ilx visiterent l'ancienne chasse, ainsi qu'auons dit n'aguere. Enquoy chacun s'assura lors la translation qu'en voulut faire l'abbé Cono auoir esté miraculeusement differée & comme si par disposition de Dieu & du benoid saint, elle se deüst faire par icelluy pape Eugene.

*Miracles aduenus  
en ladiete trans  
latiō dudiect corps  
saint Venne.*

¶ Ce bon pape ayant ainsi besongné à dedier & consacrer l'eglise cathedrale de Verdun & à transférer le corps saint Vēne d'une chasse en aultre, se departit de Verdun En la compaignie d'l'euesque Albero qui le conduist quelque temps puis se retira en sa cité ou ne fut plustost arriué qu'il continua l'edifice & construction de son eglise soubz la conduite & charge d'un tresexpert Architecteur nommé Guerin, entendu sur tous en l'art de massonnerie, qui fut cause que l'euesque le receint de là en auant à ses gaiges & le stipendia honnestement.

¶ Durant

# depuis Hue Capet, iusques à Loys viij. du nom. F. ccciiij.

¶ Durant ce temps estoit à Verdū vng bon personnage nommé Constantius, homme de petite stature corporelle & yssu de poure lieu, touteffois pour ses vertus & bonté deueni riche homme & grand terrien. Cestuy & sa bonne femme nommée Officia distribuoiēt continuellement leurs biens par oeuures de misericorde aux eglises de la cité & poures mendians d'icelle. Ce bon Constantius fut le premier qui donna & aulmosna grande partie de ses biens pour commencer l'ediffice du nouveau bastimēt de l'eglise Nostre Dame de laquelle la vie durāt il feust tousiours gardiā & Coustre, qui est office en icelle eglise. Il paya du sien propre la couuerture de ladicte eglise celle mesme qu'on y void encore à present & qui est de plōb.

*Constantius coustre de l'eglise de Verdun & Officia sa femme.*

¶ Oultre il feit bastir & eriger à l'vtilité & ayfance de la cité vn pont de pierre sur la riuere de Meuse en l'endroit qu'on dict le pont des Raines assez pres du lieu ou est de present saint Nicolas du Pré, lequel pont il auoit parauant fait faire de boys ia par deux fois, mais les grandes eaues l'auoiēt tousiours abbatu & ruiné. Semblablement fait edifier deux hospitaux & hostelz Dieu en la cité de Verdun, les fonda & y aulmosna beaucoup de bonnes rentes pour leantretènement, & nourriture des poures.

*Constantius paya la couuerture de Plomb de l'eglise de Verdun.*

*Constantius edifia des pons sur la riuere de Meuse.*

¶ On lit que luy & sa femme estoiet si misericordieux & pitoyables aux poures, qu'ordinairement par pitié & deuotion, ilz receuoient en leur propre maison les poures lades & aultres malades de quelque maladie que ce fust, leur lauoient & accoustroient les membres infectz & parties malades, voire sans horreur, puis leur administroient le manger & boire, ensemble le coucher. Brief leur faisoient biens & gratuitez qui seroient trop longs à reciter par le menu. Constantius & sa femme Officia voyant leur fin prochaines ordonnerent leurs corps estre inhuméz dans le parue & deuant le portal de l'eglise. Ce qui fut fait, & peu apres son deces l'euesque Alberone voulant les oeuures vertueuses & saintes des personnes tant recōmandables estre obliées & enseuelies quand & leurs corps: mais les perpetuer & faire viure apres, feit insculper en l'un des piliers dudiēt portal vn epitaphe contenant.

*Constantius edifia les hostelz Dieu a Verdun.*

*Oeuures de misericorde & pitié de Constantius & sa femme.*

*Constantis fidei Constantius, hospes eunti,  
Forma boni, cura pauperis, hic situs est.  
Praclarus forma, meritis praclarior: illi  
Non habuit, nec habet, publica res similem.  
Ecclesias, fluvium, conciuēs, tegmine, ponte,  
Exemplis decorans, urbis erat speculum.  
Dives, inops, cælum, silet, lamentatur, honorat.*

*Epitaphe du bon homme Constantius.*

¶ Ce mesme an mil cent quarantesept, estant encores en Frâce le pape Eugene, plusieurs princes prindrent de luy la croix pour aller secourir la terre sainte: entre aultres l'empereur Conrad & Loys septieme dict le Piteux, Roy de France (comme est escript au supplemēt de Sigebert) Auant le partement desquelz vne grosse troupe de Chrestiens des pais d'Angleterre, Flandres & Lorraine, s'assembla & se trouuerent iusques au nombre de deux cens nauires qui s'embarquerent au port de Tredemond en Angleterre, d'ou partans feirent voile & veindrent la vigille de saint Jacques & saint Christofle au mois de Iulliet arriuer & aborder deuant la ville de Lisbonne en Portugal, ou il prindrent port par le moien d'Alphonse Roy d'Espagne: touteffois ilz demourerent campez deuant ladicte cité pres de quatre mois auant que la pouoir emporter: encores qu'ilz y donnassent de iour en iour diuers assaulx, endurās tandis beaucoup de maulx, souffretes & necessitez, mesmes perdans assez de leurgēs: mais finalement ilz la prindrent par force: & neantmoiens il semble que ce fut miraculeusement, car ilz n'estoient lors de la prise d'icelle plus de quatorze mil Chrestiens & touteffois plus de deux cens mil Payens, Turcs, & Infidelles se trouuerent mortz & tuez. La ville forcée & reduitte en la puissance des chrestiens, ilz feirent dedier l'eglise & selon la loix chrestienne y sacrer & ordonner vn euesque & quelzques chanoines. Lors de tant belle victoire, trois chrestiens muetz receurent miraculeusement l'vsaige de parler.

*Les chrestiens croyez soubz le pape Eugene pour le secours de la terre sainte.*

*Lisbonne prise miraculeusement sur les Infidelles.*

# Le.iiii. liure des antiquitez de la gaule Belgicque

¶ Les historiographes parlans des choses qui adueindrent pendant l'expedition que firent en la terre sainte les princes Chrestiens, notamment es années mil cent quarante quatre iusques en l'an mil cent cinquante trois, escriuent qu'en ce temps apparurent plusieurs grands & emerueillables prodiges & signes, aulcuns monstrueux les autres miraculeux, signifiens & annoçans les miseres, calamitez, & actes estranges qui furent veuz alors. En premier lieu la sterilité & penurie de bledz & vins fut telle en Lorraine & es pais circonuoisins, qu'on n'en pouoit recouurer, & s'il se trouuoit quel que peu de bled, le bicher se vëdoit au pris de quatorze soulz. Quand au vin l'on n'en eust sceu finer. A raison dequoy plusieurs moururent de famine.

*Prodiges aduenuz  
au temps cy cotté  
Famine en Lorrain  
ne.*

*Vens impetueux.*

¶ Secondement les vents furent si grands & impetueux en terre & par mer, qu'il n'estoit en la memoire d'homme lors viuant les auoir veu semblables ny mesmes l'auoir oy dire aux aucestres. Leur force & impetuosité estoit telle que les tours des eglises, chasteaux & autres edifices haultz tomboient & estoient iettez par terré, les bois & arbres, desracinez, rompuz, renuersez, & arrachez. La mer s'esmeut si fort qu'elle sortit de ses riuages se desbordant tellement es pays de Flandres mesmes qu'on estima le nombre des noyez & submergez par telle inundation à plus de cinquante mil hommes, femmes & enfans.

*Inondations d'e  
aues & mer.*

*Cinquante mil ho  
mes noiez en Fla  
dres.*

*Tremblemens de  
terre.*

¶ Tiercement les tremblemens de terre furent veuz & experimentez en diuers lieux: signamment en Bourgogne assez pres de Cluny fondit & s'abisma en terre vn chasteau, au lieu duquel ne demeuravestige ou apparence aultre sinon d'une fosse pleine d'eau.

¶ Semblablement à Antioche Tripolis, & Damasus, citez de Sirie & terre sainte furent abbatuz plusieurs edifices, les fouldres, gresles, & tonnerres estoient si horribles & merueilleux qu'on trouuoit les hommes & bestes tuez & meurdrez aux champs. Aulcuns prestres faisans le seruice diuin es eglises de Laon, Reims, & Gand, furent est ainçz par tempeste.

*Fouldres & tem  
pestes au tēple de  
Hierusalem.  
L'eglise de la Ma  
gdalene & gran  
de partie de Ver  
dun bruslée.*

¶ Le fouldre cheut au temple de Hierusalem & sur le Mont d'Oliuet. Les feuz par fortune & inconuenient firent dommages innombrables: specialement à Verdun en l'eglise de la Magdalene, laquelle eglise fut presque toute bruslée, ensemble grande partie de la cité de Verdun. Ce adueint l'an mil cent cinquante.

¶ En Flandres la moitié de ville saint Omer fut semblablement toute bruslée, avec les eglises saint Denis, saint Iean, & saint Martin, ensemble vne grande partie du monastere de saint Bertin. ¶ Les loups garoux grands oultre mesure & plus que les autres, trouuans hommes, femmes, ou enfans par les champs & contrées diuerses ou ilz habitoient, les estrangloient. ¶ Si grand hyuer froidure & gelées adueindrent l'une des années qu'assez pres de Soissons vne motte de terre de grandeur & largeur merueilleuse, endurcie à force de gelée, fut enleuée de sa place naturelle & transportée bien loing aultre part.

*Loups garoux.*

*Graud hiuer &  
froidure.*

¶ Aultre prodige adueint en ce mesme temps, au pape Eugene, du moins en sa présence. Ce bon prelat apres le concile tenu à Reims, celebrait vn iour messe en la principale eglise dudit lieu, par meschef ou negligence de ceux qui luy ministroient, quand on luy apporta le Calix pour vser le precieus sang de Iesuchrist, icelluy sang tomba sur les tapiz estans au deuant de l'autel.

¶ Les corps & influences celestes ne furent exemptz desdictz prodiges, mais apparurent en cedit temps impressions monstrueuses & choses inaudites en eulx. Car au mois de Septembre se monstrerent trois Soleils en occident, par l'espace de deux heures, puis retournerent en vn seul. Aussi furent veuz trois lunes ensemble & en celle du mylieu vne grande croix.

*Trois soleils &  
trois lunes.*

¶ Certes telz signes prodigieux & monstrueux n'esmerueillèrent ou espouenterent seulement le simple & menu peuple: mais aussy les gens plus saiges, qui asseuroient iceulx presager & signifier les miseres & calamitez qui adueindrent depuis en la Chrestienté.

¶ En



# depuis Hue Capet, iusques à Loys viij. du nom. F. cccv.

¶ En ce mesme temps Fulco Roy de Hierusalem estant à la chasse cheut de son cheual à terre si lourdement qu'il se rompit le col. Bauldouyn son filz luy succeda audict Royaulme. 1172.

*Fulco Roy de Hierusalem, tué par inconuenient.*

¶ Pour retourner au discours de l'entreprise du voyage de Hierusalem, l'Empereur Conrad qui par l'induction & exhortaion du pape Eugene & de saint Bernard, s'estoit croisé à ceste fin deliberé secourir la terre sainte s'embarqua avec soixante mil hommes bien armez sans les pietons (comme dict Nauclerus) & veint à Constantinople, puis passa le Bosphore autrement dict le Bras saint George, mais parce que viures luy faillirent, aussi par la traison d'Emanuel empereur de Grece qui faisoit mettre du plastre dans la farine qu'il enuoyoit au camp dudict empereur Conrad, moururent plusieurs de ses gens. Le reste desquelz fut assally des Turcz, en sorte que Conrad estant deffaict fut contrainct se sauuer en la ville de Normandie avec si peu de gens qu'il auoit de reste, lesquelz ne faisoient en tout la dixieme partie de l'armée qu'il auoit mis premierement en Mer.

*L'armée de l'empereur Conrad defaict par la traison de l'Empereur de Grece.*

¶ Paraillement Loys le piteux, septieme du nom Roy de France, qui s'estoit croisé avec ledict empereur Conrad & auoit entrepris le voyage de Hierusalem, dressa armée non moindre ne moins bien equipée que celle dudict empereur, lequel il suiuit de pres menant quant & luy sa femme la Royne Leonor. Toutefois il ne sceut tant se haster qu'il ne trouuast ià ledict empereur à Nicomedie, ou apres auoir perdu la bataille estoit retiré (comme auez entendu) tant triste & deplaisant qu'à grande peine le peut rendre consolé. Peu apres passerēt ensemble iusques en la cité d'Ephese, d'ou l'empereur Conrad ne voulant passer plus oultre parce qu'il auoit perdu ses gés, s'en retourna en Constantinople, laissant le Roy Loys bien deliberé de poursuiure son entreprise, poursuiuant laquelle passa oultre les guez de Meander, ou estant rencontré des Turcs eut bataille contre eulx: mais par la faulte de Geofroy Reuuacin de Poytou, conducteur de son auantgarde qui s'estoit trop eslongné de l'armée les Turcs, obtindrent victoire sur luy, le contrainans s'enfuir & se sauuer. A quoy luy ayda beaucoup la nuit qui suruint, à la faueur de laquelle il rassembla bon nombre de ses gens en vne montaigne ou il s'estoit rengé, puis sortant de là fait tellement qu'il veint en Antioche, ou il trouua Aymon prince du lieu oncle de sa femme Leonor qui les receut ioyeusement d'entrée: mais tost apres pource que le Roy Loys ne voulut obeir au vouloir dudict Aymon, il conspira contre luy vne grande traison. Sa femme mesme la Royne Leonor (comme dient aucuns historiographes) prit intelligence avec vn prince Sarrazin qu'elle aymoit d'amour villaine & impudique, en sorte qu'elle delibera laisser le Roy son mary, & s'en aller du tout avec ledict prince Turc. Le Roy ayāt par vn temps dissimulé toutes ces choses, se partit secrettement d'Antioche, & avec son armée veint en Hierusalem, ou ladiete femme le suiuit tost apres. Là arriuaus furent receuz en bien grand honneur & ioye de Bauldouyn Roy de Hierusalem, & par l'empereur Conrad qui peu auant auoit laissé Constantinople & pour parfaire son voyage s'estoit arriué illec avec assez petit nombre de gens.

*Le Roy de France faisant le voyage de Hierusalem recontraint l'empereur & le consola.*

*Le Roy de France quasi vaincu des Turcs se retira à Antioche.*

*Traison de la Royne Leonor contre le Roy son mary.*

¶ Ces trois Roys ainsi assemblez en Hierusalem apres auoir visité les saintz lieux allerent assieger la cité de Damas, ville principale & capitale de la region de Phenice. A laquelle ilz baillerent tant d'assault & contraignirent ceulx de dedans, tellement qu'ilz estoient prestz à rendre eulx & la cité, quand par factions, traisons, monopoles & intelligences qu'auoient les Turcs avec quelques meschans chrestiens demeurans en la region qui abuserēt lesdictz princes. Iceulx princes leuerent le siege du lieu ou il estoit & veindrent le mettre en vn autre endroit de la cité, ou peu apres ilz furent affamez, & contrainctz leuer le siege. Finablement avec grandz labours, pertes & domages s'en retournerēt en leur pays sans rien faire, lesdictz empereur Conrad & Roy Loys, non pas ensemble, mais l'vn d'vn costé l'autre de l'autre. ¶ Toutefois ce ne fut sans empeschement. Car le Roy Loys s'en retourna fut recōtré sur mer par aucuns naures

*Damas assiegée par l'empereur & les Rois de France & Hierusalem.*

# Le iiii. liure des antiquitez de la gaule belgicque

*Le Roy de France pris par les Grecz & deliuré par les Siciliens.*

nauires que les traistres Grecz & Emanuel leur meschant empereur, auoient equipez & mis en mer pour espier ledict Roy & ses gens, lesquels furent pris: mais de bonne fortune surueint vn nommé George capitaine & gouuerneur des nauires de Roger Roy de Sicile qui lors faisoit guerre contre les Grecz, & Turcz, lequel courut sur les dictz Grecz, les chassa à force deliura le Roy & toutes ses nauires, puis le mena en Sicile ou il fut receu en grand honneur, & de là le reconduit en France, ou semblablement il fut receu ioieusement de tout son peuple. Ces choses adueindrent l'an mil cēt quaranteneuf.

*Le retour infortuné de l'empereur Conrard.*

¶ Quant à l'empereur Conrard, s'en retournant semblablement en son pais eut aussi plusieurs fortunes mauuaises & perdit beaucoup de ses gens avec l'empereur de Grece, en la compagnie duquel il estoit associé contre le Roy de Sicille, qui leur mena si dure guerre, qu'en fin l'empereur Conrard & ses gens tous affamez furent cōtrainctz se retirer en leurs pais.

*Raymond prince D'antioche tue par le Turc Noradin*

¶ Ainsi doncques l'estat du Roy de Hierusalem & d'autres princes estans en la terre sainte commença deslors à diminuer par trop, & peu à peu tourner à ruine & perte trop dommageable, mesmes en ce que tost apres Raymond prince d'Antioche avec grande partie de ses gens rencontréz par Noradin Turc, furent quasi tous mis à mort ou pris, spécialement le prince, la teste duquel le Turc fait porter par les villes & chasteaulx de la principaulté d'Antioche, dont les subiectz furent tant emuez, eueillez & faiciz crainctifz qu'ilz rendirent toutes lesdictes villes & chasteaulx, en sorte que la cité d'Antioche demeura seulement à la princesse veue du prince Raymond, laquelle y teint fort & s'y deffendit quelque temps: mais en fin voire auant l'an expiré elle veint es mains dudict Turc, dont s'ensuiuit vn dommage irreparable pour la chrestienté.

*Antioche rendue aux Turcs.*

¶ Auant que ie m'elongne dauantage du discours & recit des choses aduenues au Roy de France Loys surnommé le piteux, durant son voyage oultre mer, j'escriray vn mot des faictz & gestes d'un Baron de Iainuille qui accompagna audict voyage icelluy Roy, faisant en sorte qu'à iamais sa gloire sera perpetuée.

*Godefroy ou Godefroy du nom baron de Iainuille.*

¶ Nous lisons que lors que l'empereur Conrard & icelluy Roy Loys entreprirent l'expedition de la terre sainte, estoit Barō de Iainuille Godefroy deuxieme du nom filz de Godefroy premier, à qui icelluy Godefroy deuxieme auoit succedé en la barōnie de Iainuille des l'an mil cent vinghuit. Cestuy Godefroy deuxieme estoit homme fort dextre & exercité es armes. Aucuns dient qu'il entreprit avec aultres princes & seigneurs le voiage de Hierusalem & y mourut du temps du Roy Fulco. Les autres escriuent qu'il ne passa oncques la Mer mais bien son filz aisné, nommé Godefroy comme luy, qu'il eut avec encores vn aultre filz, de sa femme Geltrude, fille de Gerard comte de Vaudemont, lequel Godefroy troisieme fut barō de Iainuille apres la mort de son pere qui fut l'an mil cent soixante.

*Godefroy troisieme du nom baron de Iainuille.*

¶ Godefroy troisieme viuāt encores son pere, entreprist ledict voyage de Hierusalem avec le Roy Loys, s'embarqua quant & luy, & entre tous les princes de France qui furent en ladicte expedition, feit grands faictz d'armes, assista tousiours à toutes les rencontres, batailles & aultres grands affaires: aida & seruit tresbiē ledict Roy Loys, mesme à son retour estant sur mer quand les Turc & Grecs assaillirent ledict Roy, qui des lors le prit en grand amour: luy bailla depuis beaucoup de beaulx biens, & le constitua Seneschal heredital de Champagne qu'il teint tant qu'il vesquit & apres luy ses successeurs barons de Iainuille.

*Guido de Iainuille euesque de Chaalon en Châpaigne*

¶ L'autre filz de Godefroy deuxieme & frere d'icelluy Godefroy troisieme qui estoit appellé Guido de Iainuille suiuit l'estat de l'eglise, & fut euesque de Chaalon en Châpaigne comme escrions selon l'ordre du temps.

*Fondatiōs de Godefroy de Iainuille troisieme du nom*

¶ Ledit Godefroy troisieme depuis son retour de Hierusalem s'addonna totalement au seruice diuin, faisant de là en auant plusieurs belles fondations es eglises qu'il fonda es enuiron de sa barōnie de Iainuille entre lesquelles se trouuent l'abbaye d'Escurey de l'ordre de Cisteaux, cela de Iainuilliers de l'ordre de Premonstré, la maison Dieu de Mathou de l'ordre de grand Mont, le prioré de Vaulxdorne, de Molefme, & l'eglise

# depuis Hue Capet, iusques à Loys, viii. du nom. F. cccvj.

L'Eglise de saint Laurent au chastel dudiect Iainuille. Il mourut enuirõ l'an mil deux cës. Son corps fut inhumé en l'abbaye de Clervaulx, ainsi qu'on void encores presentement. Sa femme qui estoit Ieanne fille de Guillaume Barõ de Ryuel & de Vaucouleur, luy feit trois filz, l'un nommé Simõ, l'autre Godefroy Trolart, & le tiers Guillaume, desquelz nous escriuons en l'ordre du temps.

*La mort de Iean de Temporibus.*

¶ Es années cy deuant cottées, moururent plusieurs grands personages & gens de renommée: entre autres vn nommé Ieã d'Estampes ou de Temporibus estans lors de son trespas aagé de mil cens lxi. an comme on diect. Il auoit esté en guerre soubz l'empereur Charlemagne. Aussi moururent aucuns docteurs fameux, Comme Hugues de saint Victor, Richard de saint Victor, les trois qu'on disoit freres, assçauoir Pierre Lombard, qui composa les liures des sentences, Gratian qui dressa le decret approuué par le pape Eugene, Pierre Comestor auteur de l'histoire scholastique, & Auicenne tres expert en Medecine. Semblablement deceda de ce siecle Thiebault cõte de Chãpaigne prince tres noble & pere des pources. Plus enuirõ l'an mil cent cinquãtedeux, l'empereur Conrard, ayant tenu l'empire quatoze ans alla de vie à trespas. Aucuns historiens dient vn an dauantaige. Le debat en ce n'est grand qui fait que ie n'en feray autre cas, biẽ diray ie que Frederic Barberouffe luy succeda lediect an mil cent cinquãtedeux. Cestui Frederic pmier du nõ duc de Sueue estoit nepueu dudiect Cõrard.

*Les trespas & de ces de plusieurs gens sc̃anans\* La mort de l'empereur Conrard. Frederic Barberouffe successeur dud. et Conrard.*

¶ Parce que l'ay dessus deduit & recité, appert (ce me semble) les signes prodigieux cy deuant mentionnez auoir esté presaignes & demonstrations des calamitez, misereres & maux incomparables aduenuz en chrestienté es années & temps par moy cottéz.

*Continuatiõ de la matiere touchant les princes de Luxembourg.*

¶ Or pource que durant l'empire de Frederic Barberouffe (de qui ie viẽs de parler) les princes de Luxembourg, & les successeurs d'iceulx tomberẽt en plusieurs mutations, Au moien de quoy les hittoriens escriuans d'iceulx sont en grande diuersité d'opiniõs. nous ferons icy mention desdictz princes de Luxembourg en continuant la matiere d'iceux par nous aucunement commencée cy dessus en la vie de Richard deuxieme: ou auons ia monstré qu'il y auoit des princes portans le nom de Luxembourg qui neant moins n'estoient & ne furent tous comtes en chef d'icelluy comté, ny en ioirent onques autrement que de tiltre.

*Conrard de Luxembourg. iij. du nom.*

¶ Nous trouuons donques, que du temps de l'empire dudiect Frederic Barberouffe, voire long temps parauãt, Conrard de Luxembourg troisieme du nom filz de Guillaume de Luxembourg (duquel auons escrit audiect euẽlque Richard. ij.) regnoit & possedoit le comté de Luxembourg. On void encores au iourd'hui lettres autẽtiques par luy expediees esquelles il vse de ces termes. *Post decessum p̃ij genitoris nostri Guillelmi.* lesdictes lettres datées de l'an mil cent trentetrois.

*Quelques vns diẽt que Cõrard iij. fut comte de Luxembourg par donatiõ de l'empereur.*

¶ Les historiographes (comme ie disoye n'agueres) sont en controuerie & diuersité de ce Conrard. Je diray ce qu'il en ont escrit diuersement.

¶ Les histoires de Treues recitent qu'il eut pour femme la seur de Henry cõte de Luxembourg surnommé l'aueugle, durãt la vie duquel l'empereur Barberouffe bailla le cõte de Luxembourg à cestuy Conrard troisieme son parẽt, priuant ce faisant dudiect cõte Ermẽson deuxieme fille vniue d'icelluy Hery l'aueugle, apres la mort duquel l'empereur Henry sixieme filz dudiect Barberouffe confirma ladiecte donation au filz dudiect Conrard troisieme nommé Henry de Luxembourg, deuxieme du nom, qui à ce moien fut comte en chef de Luxembourg, & celuy de qui descendit en ligne directe Charles de Luxembourg, quatrieme du nom, qui obtint l'empire finalement que Conrard troisieme mourut l'an mil cent nonãtedeux.

*Les femmes & enfans de Conrard iij. comte de Luxembourg.*

¶ Selon ceste opiniõ qui me semble la plus saine & approchãte du vray & que partãt ie suiueray en cest endroit, ie dis que Conrard iij. mourut l'an mil cent nonãtesix, apres auoir regnẽ à Luxembourg quatre ans. Il eut de son espõuse Elizabeth fille de Godefroy cõte de Namur & de Luxembourg, Hery son filz aĩnẽ, qui succeda à Luxembourg, Valerã cõte d'Arlo qui espõusa Marie fille de Hery duc de Lebourg, lequel fut occis l'an mil deux cës, deffendãt la ville de Liney en Barrois, contre Thiebault premier du nõ cõte de Bat. Ce Conrard engendra encores deux autres filz en ladiecte femme Elizabeth, & plusieurs filles, les deux filz nõmez Guillaume, & Cõrard, les filles Catharine femme de Mathieu deuxieme

# Le iiii. liure des antiquitez de la gaule belgicque

ieme duc de Lorraine, Marguerite, Ieâne, & Marie, en laquelle Iean cõte de Falquembourg son mary engēdra, vn filz nõmé Valerād qui apres le trespas de ses pere & mere, melmes l'an mil deux cēs trētessept, vedit à son oncle Hēry cõte de Luxēbourg les seigneuries de Maruille & Arācy que sa mere auoit autrefois eu pour son mariage.

*Autres histoires dient Ermenfon fille de Henry l'aveugle, auoir succedé au comté de Luxembourg.*

¶ L'autre opinion differēte à ceste que ie viēs de reciter, est d'aucũs historiēs de Luxēbourg, qui escriuēt que Hēry l'aveugle teint toute sa vie le cõtē de Luxēbourg, qu'apres la mort sa fille Ermenfon y succeda, & que ceste Ermenfon eut deux mariz, l'un Thiebault de Bar, duquel n'eut enfans, l'autre Valeran second filz du duc de Lēbourg qui engendra en elle plusieurs enfans, entre autres Henry ij. qui succeda au comté de Luxēbourg. De cestui cy soustienēt lesdictz historiēs, Charles de Luxembourg qui fut empereur quatrieme du nom estre descendu en ligne directe.

¶ Nous ne passerons plus oultre en ce lieu à vous declarer laquelle de ces deux opinions nous semble plus saine & digne d'estre suiuite, par ce que cy apres parlans en l'ordre du temps de ladicte Ermenfon, & de ses mariz Thiebault & Valeran, nous esperons plus aisement esclarcir la doubte d'icelle & en mettre ce faisant les lecteurs hors de peine.

*Henry surnommé l'aveugle, comte en chef de Luxembourg & de Namur.*

¶ Henry doncques surnommé l'aveugle, comte en chef de Luxembourg tenoit ledict comté, du temps de l'empereur Barberouffe Frederic, voire long temps parauant auoit commencé à le posseder par la mort de sa mere Ermenfon premiere du nom.

Aussi tenoit avec Luxembourg, le comté de Namur, ou il auoit succedé par le deces de son pere Godefroy de Namur, duquel auons escrit dessus en l'euesque Richard deuxieme ¶ Henry l'aveugle, prit pour femme la fille du comte de Gueldres, qu'il n'aima d'affection matrimoniale: mais entretenoit vne Concubine deiestant & laissant la femme legitime, laquelle par intelligence qu'elle eut avec vn seruiteur familier de son mary, trouua moien vne nuit entre autres, se faire mettre & supposer au lit de son mary, au lieu de la concubine. Ainsi le comte Henry deceu, pensant estre couché avec la concubine engendra ceste nuit en ladicte femme, vne fille qui fut nommée Ermenfon deuxieme, laquelle venue en age eut deux mariz, comme iā auons escript dessus & escrirons cy apres plus amplement d'elle, soubz l'année mil cent nonante. Ce Henry l'aveugle eut plusieurs seurs desquelles auons aussi escrit cy deuant en l'euesque Richard deuxieme.

*Ermenfon deuxieme du nom fille de Henry l'aveugle.*

*La mort du pape Eugene.*

*La mort de saint Bernard.*

¶ L'an mil cent cinquante trois mourut le pape Eugene apres qu'il eut tenu le siege à Rome, huit ans quatre mois. Anastasius quatrieme du nom luy succeda, mais il ne vesquit qu'vn an & quatre mois selon aucuns, les autres dient deux ans.

¶ Ceste mesme année (comme escrit Nauclerus) mourut semblablement le tresvenerable prelat & docteur saint Bernard abbé de Cleruault, pere & fondateur de cent soixante monasteres de son ordre & institution. Il n'auoit plus de soixante trois ans lors qu'il rendit sa sainte ame à son createur.

*La mort sainte Hildegarde.*

¶ Aussi deceda de ce monde enuiron ce temps vne sainte Vierge, nommée Hildegarde, demeurant au pais d'Almagne pres le Rhin. A la quelle Dieu auoit conféré telle grace, que combien qu'elle ne fust lettrée & n'eust oncques esté aux escholles: neantmoins emflammée du saint Esprit & par son operation diuine, souuent elle anonçoit les choses futures, voire escriuoit & dictoit en elegant latin liures de la sainte escriture doctement composez, en sorte que saint Bernard luy escriuoit souuent.

*La victoire des Lorrains contre ceulx de Metz.*

¶ On lit es catalogues des eglises de verdun qu'en ce temps mesmes enuiron l'an mil cent cinquante quatre y eut si grosse guerre deuant Mousson entre les Lorrains & les Messains, que lesdictz Messains y furent quasi tous tuez, dont s'ensuiuit deslors l'origine & commencement des haines & dissensions qui depuis durerent longuement entre lesdictz Lorrains & Messains.

*La mort de Hugues comte de Bar.*

¶ L'an mil cent cinquante quatre apres ceste defaictte des Messains mourut Hugues comte de Bar, & administrateur du comté de Verdun, filz de Rainaldus l'ancien. Il ne laissa nulz enfans, dont fut grand dommaige Car il estoit vertueux & sage prince  
Sa mere

# depuis Hue Capet iusques à Loys.viii.du nom.F.cccvij.

Sa mere Gisle femme dudiēt Raynaldus l'ancien viuoit encores. A l'exhortation d'icelle, le comte Hugues ordonna son corps estre inhumé en l'abbaye de saint Mihiel: La grande deuotion qu'auoit icelle Gisle à saint Mihiel L'archâge, fut cause qu'elle pria son filz Hugues ordonner sa sepulture en ladiēte abbaye, au chapitre de laquelle se void encores auiourd'huy l'epitaphe dudiēt Comte Hugues soubz ses vers suiuaंस

*Hugo vir emerita decus & flos stirpis auitae,  
Tutor cras patrię, legis, & ecclesię.  
Flore nouo iuuenis, carnis resolutus habenis,  
Consul amande Louis, fracte ruina tuis.  
Nunc tibi de cœlis precibus Satrape Michaelis,  
Præmia det fidei gratia celsa dei.*

Epitaphe de Hugues cōte de Bar & Verdun.

¶ Semblablement quelque temps apres le deces d'icelluy Hugues, la bonne dame Gisle voyant sa mort prochaine, ordonna son corps estre inhumé en ladiēte abbaye pres son diēt filz Hugues. Et peu apres ayant fait plusieurs fondations & biens, à ladiēte abbaye, alla de vie à trespas. Son epitaphe qu'on trouue encores à present sur sa tombe, contient.

*De splendore patrum, prolis, magnicę mariti,  
Nil (quia vanus erat) Gisle tenere potes:  
Sed tua tanta manus, mens sobria, lingua modesta,  
Spem fecere dari splendidiora tibi.  
Iam sol post triduum splendebat se Capricorno,  
Cum iuxta nati corpus & ipsa iaces.*

Epitaphe de Gisle mere dudiēt cōte Hugues.

¶ Apres la mort du comte Hugues, ainsi decedé sans enfans, son frere Raynaldus le ieune succeda au cōté de Bar, qui fut cause q̄ quelzques iours apres il espousa Agnes fille du noble & bon prince Thiebault comte de Champagne & de Bloys, & leur d'Alix femme troisieme & derniere du roy de France Loys septieme, surnommé le pitieux, duquel à ceste raison ladiēte Agnes se nommoit leur, cōme meſmes on peut veoir au suplement de Laurent Leodienſis, en l'endroit parlant d'Estienne abbé de saint Venne, Ou sont escriptz telz motz.

Le ieune Raynaldus succeda au cōté de bar apres son frere Hugues.

¶ *Ad rogatum generosa matronę Agnetis comitiſſę Barrenſis sororis Ludouici illustris regis Francorum.*

Agnes femme de Raynaldus. ii. se nommoit leur du roy Loys. vij

¶ Que ceste Agnes fust fille dudiēt Thiebault comte de Champagne, appert & se veſt clairement en l'histoire de maistre Nicole Gilles au chapitre traitant de la vie & gestes dudiēt roy Loys. vii. ou notamment est faitte mention des enfans dudiēt comte Thiebault, soubz l'année 1160. Le surnōmé Raynaldus eut de sa femme Agnes vn filz nōmé Henry qui succeda au cōté de Bar, cōme deduirōs selon l'ordre du tēps.

¶ Or deslors du trespas dudiēt Hugues cōte de Bar qui auoit exercé & administré le cōté de Verdū apres son pere Raynaldus l'anciē, l'euesque Albero retira en ses mains lediēt cōté de Verdū & n'en bailla la charge & garde au nouveau comte de Bar Raynaldus le ieune, craignāt qu'il y feist telles & semblables fascheries & molestes q̄ son pere auoit autrefois infligé aux clergé & citoyens de Verdun: mais des l'heure esleut lediēt euesque, quatre hōmes à son aduis les plus notables gēs & bourgeois de la cité ausquelz il donna en garde pour vn an seulement l'exercice & administration dudiēt comté de Verdun, apres auoir receu serment solemnel d'eulx, que durant lediēt tēps ilz exerceroient & receuroient les droitz, fruiētz & emolumens d'icelluy cōté fidelement & en toute equité. Puis luy en rendroient en fin de l'année bon & loyal compte, dont les citoyens furent ioyeulx. Ainsi & suiuant ce lediēt euesque Albero & apres luy ses successeurs changerent de là en auant de nouveaulx gouuernemēs qui estoient en nōbre quatre des plus apparés & prudhōmes de Verdū, lesquelz estoient eleuz le iour saint Iean baptiste chascū an, & rendoient cōpte au bout de leur gouuernemēt.

Albero retira le premier, le vicōté de Verdun.

Comme le vicōté de Verdun veint premieremēt à l'administration des citoyens de Verdū.

# Le iiii liure des antiquitez de la gaule Belgicque

*L'uefque Albero ordōn. le premier les citoyens de Verdun estre pris pour exercer la iustice*

¶ Doncque l'uefque Albero fut le premier entre les uefques de Verdun, qui apres le deces dudiēt Hugues comte de Bar & vicomte de Verdun, nomma chascū an quatre citoyens de la citē pour gouuerner & administrer tant le comtē de Verdun, que la iustice temporelle & seculiere d'icelluy: prenant à ceste fin, telles gens que bon luy sembloit, sans acception de personne, & leur faisant prester serment de la qualite que iay n'agueres dit. Enquoy luy ne ses successeurs n'estoiet contredictz ny empeschez & ne le furent iusques à plus de quatre vingtz ans apres, du tēps de l'uefque Raoul (comme nous dirons) par ce que lors que l'uefque Albero retira en ses mains le cōtē de Verdun, & institua premierement les quatre gouuerneurs & administrateurs annuelz d'icelluy, ny auoit à Verdū lignagiers plus priuilegez les vns que les autres.

*Enuiron l'an mil cēt cinquāte ceulx de Verdun cōmencerent d'exercer la iustice soubz les uefques.*

¶ Aussi n'auoient les citoyens de Verdun iamais administré ny exercé la iustice seculiere de la citē parauant ladiētē année mil cent cinquāte cinq, que lediēt comte Hugues allāt de vie à trespas, l'uefque Albero remeit en sa seule puissance tout le comtē de Verdun & conduitte temporelle d'icelluy: dont il disposa en la sorte que l'ay dit: Mais auoient les cōtes de Verdun, de toute ancienneté exercé ou fait administrer soubz eulx la iustice de ladiētē citē iusques au temps que l'un desdiēt comtes vendit icelluy Comtē à l'uefque Richerus. Depuis le tēps duquel iusques au deces d'icelluy Hugues comte de Bar, ladiētē iustice temporelle se faisoit & auoit esté exercée par les vicomtes, que ce pendant les uefques de Verdun esleurent & nommerēt aux conditions par nous cortées & alleguées cy deuant. Lesquelz vicomtes furent tousiours grans seigneurs & puissans, comme estoiet Frederic comte de Bar, son filz Raynaldus & lediēt Hugues dernier vicomte. Apres la mort duquel, l'uefque Albero retirant le tout en ses mains ne voulut plus qu'autres que les citoyens mesmes de la citē gouuernassent la iustice seculiere d'icelle: mais ordonna deslors & institua l'election annuelle de quatre notables bourgeois pour l'administration & exercice du comtē. Ce que ses successeurs obseruerent iusques au temps ia par moy corté.

*Auant albero les Vicomtes nommez par les uefques exercoient la iustice de Verdun.*

¶ L'an mil cent cinquāte six, nostre uefque Albero, rempli de toutes vertus, iā vieil & decrepit, desirant auant la fin de ses iours & premier que rendre son ame à Dieu, disposer d'un successeur uefque vertueux, pour le profit & vtilité de son eglise conuoca les principaulx de ses amis & cōfreres pour leur declarer son vouloir & derniere intentiō. Du nombre de ceulx qui furent ainsi congregez par lediēt uefque Albero, estoit Albert princier de l'eglise de Verdun, homme trescauant & prudent, & qui pour ses vertus & bon scauoir auoit tousiours durāt sa ieunesse esté appellé à la suite & au conseil des Emperours Lothaire & Conrard, desquelz il estoit bien voulu & l'un des principaulx & premiers de leurs cōseillers. Aussi en fut Guillaume doyen de ladiētē eglise. Semblablement Richard archidiacre en icelle, ieune & beau personnage, bien morigeré, suiuant & vsant les meurs & vertus de son oncle le bon Richard iadis uefque de Verdun, dōt procedoit iā vne esperance qu'il feroit tresgrād fruit à l'aduenir. Pareillemēt y assista André aussi archediacre en ladiētē eglise, yssu de noblesse ancienne, filz du seigneur de Miroard grand deffenseur & protecteur de l'eglise. Plus estoit dudiēt nombre Jean archediacre en ladiētē eglise, celuy mesmes à la suasion duquel deux siens freres nommez Raynerus & Oudardus, riches & nobles seigneuries, donnerent & aumosnerent à l'eglise de Verdun & au monastere de saint Venne, beaucoup de belles rentes & reuenues. Entre aultres les gaignages & seigneuries de Chemeium, D'ouchery, Boncourt & Villerey. Oultre y furent presens Pierre le Chantre, Hugues le Tresorier, & æmilus scolastique d'icelle eglise, tous trois saiges & prudēs personnages.

*L'uefque Albero resigna son uefché à Albert princier de l'eglise de Verdun.*

¶ Quand tous ces susnommez se trouuerēt en la presence de l'uefque Albero, il leur fit plusieurs belle remonstrances & salutaires exhortatiōs, cessans lesquelles, resigna deslors son uefché soubz leur aduis & cōseil, audiēt Albert princier qu'il cōgnoissoit estre sur tous les aultres vertueux & prudent pour administrer la charge dudiēt uefché. Puis si tost que les despeschés d'icelle resignation furent expedies, rapportées, icelluy Albert mis en possession, l'uefque Albers, contēnant les honneurs, biēs & richesses du monde, & desirant seruir à Dieu seulement, si peu qu'il se sentoit auoir

# depuis Hue Capet iusques à Loys.viii. du nō. F. cccviii.

auoir à viure se rendit religieux de l'ordre de Premonstré prenant l'habit d'icelle reigle au monastere de saint Paul lez Verdun, ou il vesquit en toute obeissance de religion oraisons & saintes meditations, encores enuiron deux ans & iusques en l'an mil cent cinquante huit, qu'il rēdit tressainctement son ame à Dieu apres auoir presidé en l'euesché de Verdun enuiron vingt huit ans. Son corps fut par son ordōnance reuerēment inhumé en l'eglise nostre Dame de Verdun.

*La mort de l'euesque Albero.*

## Quelz papes tenoient le siege à Rome du temps dudit euesque Albero.



**I**NNOCENTIVS deuxieme estoit Pape au commencement du pontificat d'icelluy Albero, comme auons escript en l'euesque precedent.

*Vide supra.*

**Celestinus** deuxieme du nom fut le. clxxi. Pape, esleu l'an mil cent quarante quatre, parauant nommé Guido. Il estoit de nation Tuscane, d'une cité qu'on appelloit lors Castelle & anciennement Tipherne. Cestuy mourut ayant tenu le siege seulement cinq moys,

*Celestinus deuxieme clxxi. Pape.*

**Lucius** deuxieme du nom, parauant appelé Gerardus, natif de Boulongne, & qui estoit Chancelier de la Chambre apostolicque, fut le cent septante deuxieme Pape, au dict an 1144. Il feit diligēce de suader & induire les princes Chrestiens à la deffense de la terre sainte: lors trop oppressée & inuadée par les Turcz, ensemble de reprimer les entreprinſes des Romains qui vouloiēt de nouveau eriger vn Senat à fin d'eulx eximer & retirer de la iurisdiction & puissance des Papes, ce qu'ilz auoient iatiché de faire parauant du temps d'Innocent predecesseur penultime dudit Lucius, qui assembla gēs pour ietter les senateurs du Capitole: Mais les Romains felleuerent contre luy & les siens, avec lesquels ilz eurent conflict, durāt lequel icelluy Pape Lucius fut blessé en sorte qu'il mourut tost apres n'ayant encore presidé au siege Romain que. xi. moys. Ceste opinion de sa mort est d'aucuns qui l'ont ainsi escript: mais les autres dient qu'il mourut de peste.

*Lucius deuxieme clxxij. Pape.*

**Eugenius** troisieme du nom natif de Pise fut le. clxxiii. Pape. Luy estant religieux de Cleruault & disciple de saint Bernard fut enuoyé à Rome pour les affaires de l'ordre de Cisteault, la arresté, & fait abbe de. S. Anastase hors Rome, depuis esleu Pape quasi par dispositiō diuine: Car combien que parauāt il eut tousiours esté simple & peu sçauant: Toutefois par la grace de Dieu, fut lors de son election trouué trefeloquent, vertueux & magnanime. Estant donques esleu à telle dignité, il se retira aussi tost au monastere de Farreuse, ou les cardinaulx le consacrerēt, pour euitier les tyrannies & factiōs des senateurs, que le peuple Romain auoit esleu contre l'autorité & iurisdiction du siege apostolicque. Ces Senateurs tost apres sa consecration demāderent paix offrans ceder à leurs magistratz: Mais congnoissant leur vouloir saint & maulvais & qu'ilz taschoient à le trahit & deceuoit, craignant qu'ilz procedassent de force contre luy, il l'enfuit en France, ou à l'ayde de son bon pere saint Bernard, il suada, induist & enhorta en sorte l'empereur Conrard troisieme & le roy de France Loys septieme surnommé le Piteux, qu'ilz se croiserent & entreprirent l'expedition & voyage de Hierusalem pour la defense de la terre, en laquelle peu apres ilz allerent en bien bon equipage. Ce pendant ledict Pape Eugēne feit sa residence en Frāce, & teint vn concille à Reims, ou Gilbert Poretanus euesque de Poitiers fut cōuaincu par le sçauoir, sainte doctrine & diuine eloquence de saint Bernard, duquel on trouue encores plusieurs epistres escriptes & adressées audict Pape, qui finalement apres le retour des princes Chrestiens estans allez oultre mer, fut restitué en son siege l'an 1152 & receu des Romains à grand ioye. Il mourut tost apres sa restitution, ayant tenu le siege apostolicque huit ans & enuiron quatre moys.

*Eugenius troisieme. clxxiii. Pape.*

# Le iiii liure des antiquitez de la gaule Belgicque

Anastafius .iiij.  
clxxiiij. Pape.

**Anastafius**, quatrieme du nō natif de Rome, fut le cēt septiēte quatrieme Pape esleu l'an mil cent cinquante quatre. Si tost qu'il vint au siege il r'edifia l'eglise nostre Dame de la Rotonde. Estant en son tēps la famine generale par toute italie, subueint tresbien aux pauures, leurs distribuāt grans biēs du sien propre. Son pontificat dura seulement vn an & quatre moys, au bout desquelz mourut. Sainct Thomas de Canturbie viuoit lors & florissoit en saincteté tresgrande.

Adrianus .iiij.  
clxxxv. Pape.

**Adrianus** quatrieme du nom, Anglois de nation & religieux de profesion, fut le centseptante sixieme Pape esleu l'an mil cent cinquante cinq. Quelque temps auant estant cardinal, & fait legat apostolicque, fut enuoyé au pays de Noruege, qui par sa predicatiō fut peu apres reduit & cōuertý à la foy Chrestienne. A son retour de ce voyage fut esleu Pape. Il administra vertueusement le Papat & dignité d'icelluy, cōtraignit les Senateurs Romains ceder à leurs Magistratz, & obeir au siege apostolicque. Il excommunia Guillaume roy de Sicile, puis apres l'absolut le constituant roy de Naples & de Sicile. Donna la couronne imperiale à Frederic Barberouffe esleu empereur de son temps, puis eut grosse querelle & controuersie avec luy. La iurisdiction apostolicque augmenta beaucoup soubz luy & par son fait. Souuentefois disoit n'y auoir au monde chose plus miserable que d'estre Pape, & à ceste fin vsoit en son commun prouerbe, adage, ou deuise de ces motz. *Incude & malleo me dilatauit dominus*. Il mourut apres auoir tenu le siege quatre ans dix moys.

## ¶ Les Empereurs qui teindrent l'Empire durant l'euesque Albero de Chisny.

Vide supra.



**LOTHARIVS**, deuxieme du nom regna du temps dudict euesque Albero, cōme on peut veoir par ce qu'en auons dit en l'euesque Héry.

Conradus .iiij.  
nonante trois empereur.

**Conradus** troisieme du nom duc de Sueue, & institué prince de Franconie par son oncle Henry.v. fut esleu Empereur en la cité de Cōfluence l'an mil cent trente neuf. Du commencement il trouua grande resistance en Saxonie spécialement de la part de Héry duc de Baviere surnommé L'orgueilleux, gendre de l'empereur Lothaire, & qui auoit en ses mains la croix, la lance & autres aornemens imperiaux, lesquelz apres accord & paix faicte, il r'edit audict Cōrard, qui tout son temps fut prince vaillāt, magnanime, doux & clemēt. Ayant ce bon prince à la suasion & monition de sainct Bernard & du Pape Eugene, entrepris le voyage de Hierusalem, avec les roys de France, Espagne & Angleterre, Loys.vii. Alphonse & Héry, & autres princes Chrestiens qui se croiserēt quant & luy pour la defense de la terre saincte. Il se meit en mer veint a Cōstantinoble, où l'empereur de Grece Emanuel traistre & meschāt Chrestien le receut d'entrée doucemēt & humainement, de là passa la mer lernicque, & eut faict de grandes conquestes sur les Turcz & infidelles: mais il fut trahy par l'empereur de Grece mesme: car il luy enuoya de la farine meslée avec plastre, dont les gens ne peurent vser, & filz en vsoient ilz estoient incontinet rēduz & faictz malades, impotens & la plus part morts. Ce qui fut cause que ledict empereur vaincu des Turcs, qui le deffirēt, fut cōtraist retourner en Trace. Toutefois desirāt visiter les saintz lieux de Hierusalē, se trouua la peu apres avec ledict Loys roy de Frāce, & Bauldouin roy de Hierusalē. Ces trois princes ainsi assemblez, allerēt ensemble assieger & assaillir la cité de Damas, ou ilz furent de nouueau trahiz par aucuns faulx Chrestiens, qui prindrent argent des Turcz, gardans ladicte cité. De là leuās le siege par contraincte, apres plusieurs pertes & dommages qui



# depuis Hue Capet iusques à Loys.viii.du nom. F.cccix.

qui aduisdrent audict Conrard, il fut forcé de retourner en ses pays, ou peu d'années apres son retour d'oultre mer, mesmes l'an mil cent cinquante, ~~trois~~ mourut auant qu'auoir receu la benediction & corōne Imperiale. Il regna quinze ans : aucū diē quatorze seulement.

**Frederic** premier de ce nom surnommé Barberouffe, commença à regner *Vide supra.* enuiron trois ans auant le trespas de l'euesque Albero, ainsi que l'escriuy cy apres.

## ¶ Les Roys regnans en France du temps d'icelluy euesque Albero.

**L**OYS. vi. surnommé le Gros regna quelque temps au commencement du pōuificat dudit Albero, comme nous auons dit en l'euesque Henry precedent. *Vide supra.*

**L**OYS septieme du nom surnommé le Jeune ou le Piteux succeda au royaume de France apres son pere Loys le Gros, l'an mil cent trente sept, laquelle annee il commença à regner, combien que parauant il eust esté couronné de l'ordonnance & vouloir de sondict pere. Lequel semblablement auoit aussi parauant fait couronner son filz aîné Philippe, qui peu apres son couronnement fut par fortune tué, d'un porceau, dont ledict Loys septieme, obtint le royaume apres le trespas de son pere Loys le gros. Il espousa Leonor fille aînée de Guillaume duc d'Aquitaine & cōte de Poictou, à cause delaquelle les duche z d'Aquitaine & comté de Poictou, veindrent en ses mains. *Passant la mer pour la deffense de Hierusalem fut en Constantinoble, Anthioche & en la sainte cité, ou il visita les saintz lieux avec sa fēme la royne Leonor, il trouua là Cōrard. iiii. Empereur, & Bauldoun Roy dudit lieu, lesquelz ioinctz avec luy allerēt assieger la cité de Damas, audeuant delaquelle ilz demurerent longuement & iusques à ce que par la traison d'aucuns faulx Chrestiens ilz furent contrainctz leuer le siege & retourner en leur pays. Tost apres le retour dudit roy Loys en France, il laissa ladicte femme Leonor, pource qu'elle le auoit machiné contre luy estant encores en Antioche, ou (comme aucuns diēt) elle faisoit l'amour impudicque, avec vn prince Turc, à la suasion & poursuite du prince d'Anthioche oncle de ladicte Leonor. Les autres escriuent que ce fut par ialousie, & neantmoins le roy Loys disoit la cause de telle repudiation estre par ce & soubz couleur qu'elle estoit sa parente. L'ayant donques laissée, il espousa Constance fille du roy de Castille, laquelle trespassa du mal qu'elle eut en l'enfantement de son deuxieme enfant, parquoy le roy Loys conuolant en tierce nopces print à fēme Alix fille de Thiebault comte de Chāpagne & de Bloys, delaquelle il eut Philippe Auguste, qu'il feit couronner des son viuant, puis mourut icelluy roy Loys l'an mil cent octante neuf apres auoir regné quarāte quatre ans. Son corps fut inhumé en l'abbaye de Barbeau qu'il auoit fondé.* *Loys.vii. du nom xlii. roy de France* *May 1045/* *Les trois femmes du roy Loys.vii.*

## ¶ Quelz ducz tenoient Lorraine pendant le pontificat de l'euesque Albero.

**S**IMON premier du nom, teint le duché de Lorraine enuiron dix ans, *Vide supra.* durāt que nostre diēt euesque Albero presidoit en l'euesché de Verdū **Mathieu** premier du nom, succeda au duché de Lorraine l'an mil cent quarante vn, apres son pere Simon. Il estoit *Mathieu premier du nom duc de Lorraine.* magnanime, vertueux, de grande prudēce & tousiours occupé en choses haultes. Il tenoit sa court ordinairement à Chastenoy pres du Neufchastel, comme on void par les antiquitez de saint Mihiel au. liiii. chapitre, & ainsi qu'il appert par vne sentence donnée de luy iudiciairement audict lieu commēçant.

# Le iiii liure des antiquitez de la gaule Belgicque

**INNOMINE** patris &c. Ego Matheus dux Lothoringia, &c. Et à la fin ya. *Actum & recognitum hoc publice in curia mea apud Castiniacum. Anno ab incarnatione millesimo centesimo quadragesimo secundo Indictione quinta restibus, &c.*

**Diffention entre le duc Mathieu & l'euesque de Metz** ¶ Nous trouuons qu'il eut querelle & diffention contre Estienne Euesque de Metz, pour vne tour ou chasteau nommé Morouue assis pres Espinal, que Mathieu auoit occupé & pris à force sur les appartenances de l'euesché de Metz, laquelle tour ou chasteau, ledict euesque Estienne retira à force d'armes maulgré ledict Mathieu, par le moyen toutefois & à l'ayde de l'empereur Frederic Barberouffe, qui depuis fut mediatour de l'appointement fait entre lesdictz euesque & duc Mathieu, la femme duquel nommée Berthe estoit fille d'icelluy Empereur Barberouffe. Volquier neantmoins l'appelle en son histoire Heluyc: mais (soubz sa correction) le contraire se prouue par la fondation que ledict Mathieu fait en l'abbaye de Clairlieu pres Nancy, ou il fait plusieurs donations. Entre lesquelles en ya vne commençante.

**Berthe femme du duc Mathieu estoit fille de l'Empereur Barberouffe.**

**INNOMINE** domini, &c. Ego Matheus Dei gratia dux & Marchio Lotharingia cum uxore mea ducissa Bertha & filijs meis, &c. Dedi Deo & beatè Mariæ & dom. no Virco Abbati Clari loci, &c. Factum hoc donum anno ab incarnatione millesimo centesimo quinquagesimo secundo.

Aucuns ont escript la femme dudit Mathieu auoir esté seur non pas fille de l'Empereur Barberouffe: Mais le contraire se montre par les lettres de confirmation des priuileges de Clairlieu, faittes & expedies par Philippe roy des Romains filz dudit Barberouffe & frere d'icelle duchesse Berthe. Esquelles lettres sont cōtenuz ces motz.

**Probatio que berthe femme de Mathieu estoit fille de Barberouffe.**

**PHILIPPVS** Dei gratia Romanorū rex & semper Augustus. Omnibus ad quos, &c. volentes itaque fratres Clari loci in laude summi regis, &c. donationem quatuor sellarum, &c. à nepote nostro bonæ memoriæ Theodorico quondam Metensi electo. Ad cuius possessionem ex parte patris fœlicis recordationis ducis Lotharingiae Mathesfororij nostri hereditario iure sunt deuoluta, &c. Datum anno incarnationis millesimo ducentesimo primo, &c.

**Appointement entre Mathieu & l'euesque de Metz**

¶ Pour retourner au duc Mathieu, nous lisons qu'après l'appointement fait entre luy & ledict euesque de Metz, ilz furent tousiours depuis tresgrands amys ensemble, viuans de la en auant en paix comme parens & amys, en sorte que quelque tēps apres vn gentil hōme du pays voisin d'Espinal ayant entrepris par force la Vvourie d'Espinal avec vn fort chasteau situé au plus hault de ladicte ville, le tout des appartenances de l'euesché de Metz, fut assailly par le duc Mathieu, qui à ceste fin auoit mené bon & grosse armée contre icelluy gentil hōme, lequel fut pris & tous ceulx qui estoient dedans ledict chasteau que le duc Mathieu restirua audict euesque de Metz, qui en reconnoissance de ce bien fait, bailla la Vvourie d'Espinal audict duc Mathieu, retenant seulement la foy & hommage à ses successeurs Euesque de Metz. De telle donation ledict duc ne voulut estre ingrat ou mesconnoissant: mais bailla librement & à tousiours à l'eglise saint Estienne de Metz vn gaignage qu'il auoit au lieu de Vy, à fin principalement d'estre participant des prieres qui se feroient de là en auant en ladicte eglise. Quelque temps apres, estant son filz Theodoric euesque de Metz, il rendit à l'eglise dudit lieu ladicte Vvourie d'Espinal comme dirons selon l'ordre du temps.

**Le duc Mathieu Vvourie d'Espinal.**

**Fondatio dudit duc Mathieu.**

¶ Nous trouuons aussi que ce duc Mathieu oultre la fondation n'agueres mentionnée faite à Clairlieu, fait plusieurs autres fondations, desquelles ie mettray icy quelques clauses à fin mesmes qu'on congnoisse qu'il estoit filz de Simon, à quoy l'opinion de Simphorien cōtrarie: mais (soubz sa correction) il n'est abusé, ainsi que l'on void par vne clause q'ay extrait des lettres de cōfirmation expedies par ledict duc Mathieu, en faueur de Nostre Dame de Presney, lesquelles lettres commencent.

**INNOMINE** domini, &c. Ego Matheus Dei gratia Lotharingorum dux & Marchio: Notū facio omnibus, &c. quod Matheus de Hastris pauca noualia terra arabilis, &c. ecclesie sancte Mariæ de Presneyo, &c. & quia presatam ecclesiam à patre meo Simone plantatam, ego Matheus filius eius, iuxta ipsius Simonis patris mei beneplacitum & bonum desiderium, &c. Datum anno millesimo centesimo quinquagesimo tertio.

# depuis Hue Capet iusques à Loys.viii. du nom. F.cccx.

¶ Se trouue encores vne aute donation faicte à Nostre Dame au boys, ou sont nommez les predecesseurs dudit Mathieu comme pensuit.

IN NOMINE domini, &c. Ego Matheus Dei gratia Lotharingie dux & marchio, Totum allodium de Banze cum banno & tota familia iam partem illam quam auus meus Theodoricus & pater suus Vvilelmus pro anima sua ecclesie sancti Apri dedit, quam illam quam sibi retinuit patrique meo Simoni tenendam, & pater meus mihi hereditario iure reliquit vtraque partem, &c. fratribus & ecclesie sancte marie de Nemore concessi. Datum anno millesimo centesimo sexagesimo octauo.

¶ Dauantage trouuons que ce duc Mathieu eut vn frere nommé Robert qui ne fut iamais marié, ains vesquit solitairement avec sondit frere Mathieu, & apres la mort d'icelluy Mathieu avec son nepueu Simon. ii. Aussi eut vne seur nommée Anne, laquelle fut mariée à Hugues premier du nom comte de Vvaudemôr, qui engēdra. en elle vng filz nommé Gerard, avec laquelle duc Mathieu feit vne fondation en l'abbaye de Beaupré ou lon void encores auourd'huy les lettres d'icelle fondation, contenant ceste clause. *Ego Matheus dux & marchio Lotharingie & Gerardus nepos meus comes Vvadinmontis, conuenimus quod bellum pratum, &c. Datu anno millesimo centesimo sexagesimo nono.*

*Robert frere du duc Mathieu.  
Anne seur du duc Mathieu.  
Gerard de Vvaudemôr nepueu du duc Mathieu.*

¶ Finalement cestuy Mathieu mourut l'an mil cent septante fix, laissant de de sa femme susnommée, plusieurs beaulx enfans à scauoir Simō qui succeda en Lorraine apres luy Frederic comte de Vianne, qui semblablement succeda en Lorraine apres son frere Simon, Theodoric, euesque de Metz, Philippe Euesque de Chartres, Mathieu comte de Toul à cante de Marguerite sa femme fille de Frederic comte dudit Toul, Regnault, Aelis femme d'Odo duc de Bourgogne, Berthe femme d'Hermā marquis de Baden, & Hara abbesse de Miremont.

*La mort du duc Mathieu.  
Quelz estoient les enfans dudit Mathieu.*

## ¶ Qui tenoit le Comté de Bar du temps de l'euesque Albero de Chisny.

**R**E G N A V L D, ou Raynaldus (duquel auons escript en l'euesque Richard deuxieme du nom) teint le comté de Bar depuis que nostre euesque Albero veint à l'euesché de Verdū iusques en l'an mil cent quarate neuf.

*Vide supra.*

**H**ugues filz aîné dudit Raynaldus eut pour sa part de la succession paternelle le comté de Bar, & l'administration du comté de Verdun, que fondit pere Raynaldus diuisant ses seigneuris à ses enfans qlques ans auāt son trespas luy bailla en patrimoine. Cestuy Hugues fut vaillant aux armes, & du viuānt de son pere fut plusieurs fois deuant Verdun pour la defence de la cité (cōme auons escript cy dessus) il mourut toutefois en la fleur de ieu nesse l'an mil cent cinquante cinq. Son corps fut inhumé au chapitre de l'abbaye de saint Mihiel Raynaldus le ieune son frere luy succeda au comté de Bar.

*Hugues Comte de Bar.*

¶ Nous n'escriuons aultre chose en cest endroit dudit Hugues par ce qu'en auons parlé amplement en la vie presente de l'euesque Albero. Bien repeteray ie ce mot ia deduit & recité en l'epithome ou discours de la vie & gestes dudit Raynaldus pere de cestuy Hugues. Qui est que cestuy Hugues estant encores ieune enfant deueint enragé & insensé par le peché & malefice de son pere, & peu apres miraculeusement guery par les merites saint Lambert de l'eglise.

# Le iiii liure des antiquitez de la gaule Belgicque

LES SVCCESSEURS DES PRINCES .  
de Haynau descenduz d'Emengarde, regnans du  
temps d'Albero de Chisny eues-  
que de Verdun.

*Vide supra.*



BAVLDOVIN deuxieme (duquel auons fait mention en la vie de Héry premier) teint le comté de Haynald enuiron trois ans du commencement que nostre euesque Albero, presidoit à Verdū, & iusques en l'an mil cent trente trois.


*Vile supra.*

Bauldouin troisieme surnommé l'Edifieur filz aîné dudit Bauldouin deuxieme (duquel i'ay semblablement escript en l'euesque prochain precedent) tenoit le comté de Haynald du temps de nostre euesque Albero.

FIN DE LA VIE D'ALBERO DE CHISNY  
quarante sixieme euesque de Verdun.

## LA VIE DE ALBERT premier du nom, quaranteseptieme Euesque de Verdun.

*Albert de Marcy  
quarante septieme  
euesque de Verdū*



ALBERT de Marcy obtient l'euesché de Verdū l'an mil cent cinquante six, par la resignation & cession que luy en feit Albero son predecesseur, qui sen desmit volontairement apres l'auoir administré vertueusement enuiron vint huit ans, notamment par ce qu'il se sentoit fort debilité & deffailly de forces corporelles, au moyen de sa vieillesse & des maladies qu'il auoit supporté, aussi quil desiroit employer le reste de sa vie au seruice diuin seulement. A laquelle fin voulant pour- uoir l'euesché de personne capable de l'administratiō d'icelluy, appella icelluy Albero les principaulx de son eglise, specialement ceulx qui estoient cōstituez es dignitez d'icelle (comme auons ia dit dessus en la vie dudit Albero) entre lesquelz estoit ledit Albert de Marcy lors princier de ladicte eglise homme d'ancienne noblesse, de sçauoir, prudence & litera- ture tresgrand & de doctrine tant eminente, que durant sa ieunesse il auoit tousiours esté du nombre des principaulx conseillers des Emperours Lothaire. ii. & Conrard troisieme, qui pour son sçauoir, l'appelloient souuent a leur suite.

*L'euesque Albero  
auant son electiō  
conseiller des Em-  
pereurs Lothaire  
& Conrard.*

Après doncques plusieurs belles remonstrances que feit ledit Albero à ses con- freres, pour l'entretenement de l'honneur de Dieu & de l'eglise, & qu'il eut decla- ré son vouloir estre de contemner de la en auant le monde, & d'entrer en religion au monastere de saint Paul lez Verdun, qui à sa diligence & poursuite auoit esté nou- uel-

# depuis Hue Capet iusques à Loys.viii.du nom.F.cccxj.

uellement reformé & reduit en l'ordre de Premonstré, pour les difformations & desordre de la reigle saint Benoid. Iceiluy Albero resigna purement & simplement sondict euesché audict Albert princier, par l'aduis, conseil & assentement vniforme de tous les absistās. Ledit Albert lors d'icelle cession & resignation estant ia fort ancien, feit grande resistance & refus d'icelle, allegant & s'excusant sur sa vieillesse qui luy cauoit vne impuissance laquelle ne pourroit permettre qu'il se chargeast d'administration de choses seculieres & de si grand paix que celles depēdantes de l'estat & dignité episcopale de Verdun: toutefois par les bonnes exhortations, prières & suasions dudit Albero & de ses confreres la absistās, il prit en fin ladiete charge. Toutefois apres la reception de laquelle enuoya vers l'empereur Frederic Barberouffe lors nouvellement retourné d'Italie, ou il auoit receu la benediction & couronne Imperiale par le Pape Adrian.iiii. à fin de faire reprise de luy, en foy & hommage, du temporel & domaine de son euesché. Quant à son institution episcopale & à ce qui concernoit la prouision ecclesiastique de son euesché, il n'osa enuoyer vers le Pape Adrian craignant desplaire ce faisant audict empereur Frederic encores que le bon Cono lors abbé de saint Venne homme de grande sainteté, & qui durant le scisme qui fut en l'eglise en ce temps teint tousiours pour l'eglise Romaine contre l'empereur, luy remonstrant souuent, ne deuoit faire telle doute en ce regard, & l'enhortast & sollicitast d'enuoyer à Rome, prendre confirmation & institution du Pape, à qui selon les decretz & canons de l'eglise appartenoit la confirmation & prouision de sondict euesché ensemble de tous autres benefices ecclesiastiques, non pas à l'empereur.

¶ Et combien qu'apres la verité, Albert sceust l'abbé Cono son bon amy & familier, auoir trefuiste cause & luy suader au vray ce qu'il deuoit faire en ce regard: Toutefois pource qu'en son ieune aage il auoit tousiours conuersé & vesçu au seruire des empereurs, mesmes que ledict Frederic l'auoit en grace & amitié, ne voulut contreuenir aux defences que ledict Barberouffe auoit fait publier l'année precedente, mil cent cinquante, par toute la Germanie contre l'autorité du Pape & du siege apostolicque. Lesquelles defences contenoient que nulz clerz prebistres, abbez, euesques, voire gens seculiers, nobles, barons, Comtes ou princes, ny autres de quelque estat ou qualité qu'ilz feussent, eussent à prendre collations ou prouisions de benefices, ny obeir aux mandemens apostolicques, traicter, ou deduire causes ciuiles ou ecclesiastiques en court de Rome, par appel ny autrement. Dauantage contenoient ces defences, prohibitiōs à tous legatz, notaires & messagiers apostolicques d'executer aucuns mandemens de l'eglise Romaine en la Germanie ny es pays subiectz à l'empire.

¶ Les historiens escriuent la cause pour laquelle l'empereur feit publier telles inhibitions & defences auoir esté pource que tost apres son couronnement à Rome & qu'il fut de retour en germanie, le Pape Adrian se voyant molesté de Guillaume successeur de Roger de Sicile, appoineta avec icelluy Guillaume & ce faisant le declara & luy donna tiltre de roy es pays de la Pouille & Sicile, sans le sceu consentement ains contre la volonté dudit Empereur Frederic, qui auoit entrepris retourner de brief en Italie, & totalement expulser desdictz pays, icelluy Guillaume, soubz l'ayde & faueur de l'empereur de Grece Emanuel, avec l'embassadeur duquel nommé Paleologus, icelluy Frederic auoit accordé & conclud ainsi le faire: Mais son entreprise surce fut empeschée par le moyen que dessus. Dont Frederic Barberouffe conceut hayne & indignation contre ledict Pape Adrian. tellemēt qu'entre eulx qui parauāt estoiet grans amys, s'engendrerent deslors dissensions & discordz trop grans, ainsi qu'il appert clairement par deux epistres, l'une dudit Pape Adrian audict Frederic, l'autre d'icelluy Frederic responiue à celle du Pape que j'ay extraictes en la librairie de l'eglise cathedrale de Verdun, pour en faire part aux lecteurs en la forme sequente.

¶ **A D R I A N V S** Episcopus seruus seruorum dei, Frederico Romano imperatori salutem & apostolicam benedictionem. Lex diuina sicut parentes honorantibus loquitur aten promittit, ita maledicentibus patri & matri sententiam mortis intendit, veritatis autem voce docemur quia omnis qui se exaltat humiliabitur. Qua propter dilecte in domino fili, super prudentia tua nō mediocriter admi-

*Albert euesque par la resignation de son predecesseur.*

*L'euesque Albert reprend le temporel de son euesché de l'empereur. L'abbé Cono exhorte l'euesque Albert de prendre confirmation du Pape.*

*Decretz de l'empereur Frederic Barberouffe contre l'autorité apostolicque.*

*Cause & occasion de l'indignatiō de l'empereur Barberouffe contre le pape Adrian.*

*Epistre du Pape Adrian à l'empereur Frederic Barberouffe.*

# Le iiii liure des antiquitez de la gaule Belgicque

*admiramur, quod beato Petro & sanctæ Romanæ ecclesiæ non quantam deberes reuerentiã exhibere videris. In litteris enim ad nos missis nomen tuum nostro præponis, in quo insolentia ne dicam arrogantia notam incurris. Quid dicam de fidelitate beato Petro & nobis à te promissa & iurata? quomodo eam obserues cum ab his qui dei sunt & filij excelsi omnes, episcopis fidelibus hominibus requiris? Fidelitatem exiges & manus eorum sacratas manibus tuis innuectis, & manifestè nobis factus contrarius, Cardinalibus à latere nostro directis non solum ecclesias sed & ciuitates regni tui claudis. Respice consulimus, quia dum à nobis consecrationem & coronam merueris, dum inconcessa captas, ne concessa perdas, nobilitati tuæ timeamus Datũ, &c.*

Au contenu de ces lettres l'empereur fort irrité feit responce telle.

*Responce de l'empereur barberouffe à l'epistre du Pape Adrian.*

**FRIDERICVS** dei gratia Romanorum imperator semper Augustus, Adriano ecclesiæ catholicæ p̄ticipi, omnibus illis adherere, quæ cepit Iesus facere & docere. Lex iusticiæ unicuique quod suum est restituit, non enim parentibus nostris derogamus, quibus in hoc regno nostro debitum exhibemus honorem, à quibus videlicet gentioribus nostris, & regni dignitatem suscepimus & coronam. Non enim tempore Constantini Siluester regalis aliquid habuisse dignoscitur, sed eius pietatis concessione libertas concessa est, ecclesiæ pax restituta, & quicquid regalis papatus vester habere dignoscitur, largitione principum obtinet, vnde cum Romano pontifici scribimus iure & ex antiquo nomen nostrum præponimus & ad iusticiæ normam eidem nobis scribendi cõcedimus. Reuoluite annales, & si lectum neglexistis quod asserimus, illic inuenitur. Ab his autem quæ dei sunt per adoptionem & regalia nostra tenent, cur hominibus & regalia sacramenta nõ exigamus? Cum ille noster & vester institutor ab homine rege nihil accipiens, sed omnia bona omnibus conferens, qui pro se & Petro censum Cæsari persoluit, exemplum vobis dedit vt ita faciatis, docet vos dicēs: Discite à me, quia mitis sum & hemilis corde. Aut Igitur nobis regalia dimittant, aut si hæc vtilia iudicauerint, quæ dei, deo, quæ Cæsaris Cæsari persoluãt. Cardinalibus & iisque vestris clausæ sunt ecclesiæ & non patent Ciuitates, quia non videmus eos predatores sed prædatores, nõ pacis corroboratores, sed pecuniæ raptores, nõ orbis reparatores, sed auri insatiabiles corrosores. Cũ autem viderimus eos quales requirit ecclesiæ, portantes pacem, illuminantes patriam, assistentes curse humilium in equitate, necessariis eos stipendis & comætu sustinere non differemus. Humilitatis autem (quæ est custos virtutum) & mansuetudinis vestræ non minimam notam incurritis, cum huiusmodi questionēs religioni non multum conferentes secularibus personis proponitis. Provideat itaque paternitas vestra, nedum talia monet quæ indigna ducimus, offendiculum ponat illi qui velut ad imbrem serotinum ori vestro aures suas corrigere festinant. Non enim non possumus respondere auditis, cum superbie detestabilem bestiam vsque ad sedem Petri raptasse videmus. Paci ecclesiæ bene semper providentes, bene semper valete.

*Concile de l'empereur tenu à Colmbiers en Aulsay ou alsatie.*

¶ Pendant ses dissensions entre ledictz Pape & Empereur, & vers la fin de l'année cent cinquante six, l'empereur Frederic veint à Columbiens ville située es limites de Germanie au pays d'Aulsay, ou les princes d'Almagne, doubtãs de la naissance & aduenement d'un nouveau scisme qui pour les raisons cy deuant alleguées sembloit ià les menasser & se monstrier deuoir peu apres estre entre l'eglise catholique & l'empire, esleurent vnanimement l'euesque de Baubergense pour remonstrer audit empereur au nõ & de la part de toute la noblesse Germanicque, les maulx, pertes & inconueniens qui en procederoient, le prier d'accord, l'induire à la paix & tranquillité de la Chrestienté & aduiser avec luy les moyens d'appoinctement entre le Pape Adrian & luy. En quoy ledict euesque cõmis & delegué besongna avec graces & meillieurs moyens qu'il peult, en sorte que ledict Empereur s'accorda en fin d'obtemperer à eulx & à la chose publique, & à ceste fin assembla illec vn concille, ou se trouuerent les prelatz & princes de ses pays, specialemēt & entre aultres, Albert euesque de Verdun, n'ayant lors encores obtenu confirmation du Pape. Estienne euesque de Metz lors fort anciẽ, celuy mesmes duquel auons fait ample mention en leuesque Vrsio, Et Mathieu duc de Lorraine qui auoit espousé Berthe fille dudit Empereur Frederic, ensemble plusieurs autres grans personnages de Germanie en presence de tous lez quelz furent traittées diuerses matieres. Signanment sur la reconciliation de sondict Pape

*Albert de Verdun  
Estienne de Metz  
Mathieu duc de  
Lorraine.*

# depuis Hue Capet iusques à Loys.viii. du nō. F. cccxij.

Pape & empereur. Finalemēt ayant esté accordé & resolu d'enuoyer vers le Pape furēt à ceste fin esleuz & deputez Raynaldus archeuesque de Colōgne vceichancelier de l'empire, & Otho comte Palatin, lesquelz porterent lettres trop plus gratieufes & humbles que les precedentes cy dessus inserées. Au moyen dequoy furēt honorablement receuz du Pape Adrian qui par l'aduis de tout le consistoire des cardinaulx respondit non moins gratieusement qu'on luy auoit escript, excusant les rigueurs precedentes en sorte que la reconciliation de luy avec l'empereur s'ensuiuit deslors, & depuis estans lesdictz ambassadeurs de retour vers leur maistre, confirmée par luy en la cité dicte Auguste l'an prochain suiuant qu'on comptoit mil cent cinquante sept.

*Embassadeurs de l'empereur au Pape.*

¶ Audiēt concile de Columbiens fut accordé & permis à l'ueſque Albert, pouuoir deslors enuoyer à Rome vers le Pape pour son institution & confirmation, nonobstās les defenes n'agueres par moy recitées, & faictes au parauāt par ledict empereur, qui par telle permission & licence voulut bien y derogier dell'heure à fin de miculx declarer & monstrer qu'il desiroit la paix en leglise Chrestienne.

*L'empereur accorda à l'ueſque Albert, de soy faire cōfirmer par le Pape*

¶ Dauantage durant ledict concile, à la requeste & instāte poursuite dudiēt ueſque Albert qui (comme i'ay ia dit) estoit en grace & faueur dudiēt Empereur, tant à raison des seruices par luy autrefois faictz à ses predecesseurs empereurs, que pour ses vertus & bon ſçauoir: Icelluy empereur confirma par chartres & lettres qu'il expedia & scella en or du seau imperial, les donations iadis faictes aux ueſques de Verdū predecesseurs dudiēt Albert, du comté & Marquisat de Verdun. Notamment la donation faicte par Otho. iiii. à Haymo ueſque de Verdun (comme auons dit cy dessus) Par laquelle appert, ledict comté & Marquisat auoir esté laissé à perpetuité, & appartenir aux ueſques de Verdun en chef & en tous droitz & préeminences de haulte iustice, comme d'instituer bans imperialulx, imposer gabelles, forger monnoye, exercer toutes iurisdicōns en causes ciuiles & criminelles, avec puissance & autorité de commettre à quelques personnes que bon leur sembleroit, l'exercice d'icelluy comté contemporanement & nō hereditalemēt, les oster & deposer, y en mettre pouuealx & les changer à leur choix & option brief, en disposer à leur bon plaisir.

*L'ueſque Albert obtient de l'empereur confirmation de la donation du comté de Verdun iadis faicte aux ueſques ses predecesseurs.*

*Auctorité des ueſques de Verdun, en l'exercice ducōté dudiēt lieu.*

¶ Oultre ledict empereur cōfima, voire quant & quant de nouveau admortist les donations d'aucunes seigneuries & terres de fief appartenātes à l'eglise de Verdun (desquelles seigneuries les premiers admortissemens auoient par iniure du temps ou des guerres, ou de feu, esté perduz & consummez) pour eniour à perpetuité par ladicte eglise en tous droitz, seigneuries, sans reserue d'aucun moyen d'inquietation, trouble ou empeschement futur, ainsi que de tout ce que dessus appert clairement, par ladicte confirmation & admortissemēt dudiēt empereur Frederic, qui pour son ample declaration, aussi pour donner à congnoistre les tesmoings alsistans à icelle, m'a semble digne d'estre transcrit en cest endroi&, & soubz ceste forme.

**IN NOMINE** sanctę & indiuidue trinitatis, Fridericus diuina fauente clementia Romanorum imperator Augustus, Alberto dilecto & fidei suo Virdunensi episcopo, suisque successoribus. In perpetuum anecessores nostri reges & imperatores ecclesiarum Rectoribus, archiepiscopis, episcopis, abbatibus & ceteris preclatis ob eorum deuotionis & fidelitatis insigne meritum, bona data dare consueuerunt, & ab omni prauorum hominum incurfione non tantum eos sed & eorū possessiones imperiali protectione defensare. Recolentes igitur ex ante actis Virdunensiu episcoporu ad antecessores nostros in diuersis rerum & temporum varietatibus memoranda obsequia: tam quoque personam constanti in nostra fidelitate perseuerare cognoscentes, precibus tuis iustis permoti, ad impetranda quę volueris inclinamur. Beneficium itaque comitatus & marchie quod recolendę memorię Otho Romanoru imperator Augustus, Haymoni Virdunensi episcopo & successoribus eius donauit, nos eodē spiritu eadēque firmitate cōstare, tibi ecclesię Virdun. ac tuis posteris confirmamus, eodem etiam iure & forma donationis valituram, prout à prefato imperatore Othone iam antedicto antecessori tuo Haymoni & ceteris episcopis in processu temporis nomen & dignitatem episcopalem subituris, dignoscitur esse prestitum, videlicet ut tu, & tui successores liberam

*Teneur ou copie des chartres imperiales contenant la confirmatiō susdicte.*

# Le iiii liure des antiquitez de la gaule Belgicque

*liberam in perpetuum habeatis potestatem eundem Comitatum in usus ecclesie tenendi, Comitem eligendi absque vello hereditario iure, ponendi, habendi, seu quicquid libuerit faciendi, atque modis omnibus disponendi Bannum Theloneum, monetam & districtum cui iuris in omnibus causis criminalibus & civilibus, pleno iure & in successoribus tuis habenda concedimus. Vvaldeniã quoque castrum cum aduocacia & Banno & curiam que molendinum dicitur cum suis pertinentiis, Volteri villare cum aduocacia & banno & ceteris pertinentiis, Bonniuidulam cum banno & aduocacia & suis pertinentiis, curiam sancti Medardi cum banno & aduocacia & suis pertinentiis, Bannum & aduocaciam de monte sancti Vitoni, curiam Iuppilia cum banno & aduocacia & suis pertinentiis, Fundum Iuueniacensis abbatiæ cum banno & aduocacia & suis pertinentiis, Castrum Deulevard cum banno & aduocacia, fundum ecclesie sancti Germani Montisfalcons cum banno & aduocacia & suis pertinentiis, Castrum Vvautronisville, Viennam castrum, Claromontem castrum, Diuim castrum, cum foresta, Mernant castrum, Septeniacum, Hatoronis castrum cum foresta, Sempiniacum castrum. Et si quando tibi & terre tue necessarium fore perspexeris, aliud presidium auctoritatis nostre concessione construere liceat, infra terminos tuos. Vt autem huius nostre confirmationis statutum omni æuo inuiolabile permaneat, hanc inde chartam conscribi & nostra aurea bulla insigniri iussimus, manusq; propria corroborantes, idoneos testes qui presentes erant subter notare fecimus. Quorum nomina hæc sunt, Burchardus Orelabus Basiliensis episcopus, Stephanus Metensis episcopus, Hæricus Tullensis, Helappus Maraten, abbas Heltholphus, dux Matheus dux Lothoringie, Orho Palatinus Comes, Comes Rodolphus, comes Vvricus, Hermannus marchio, comes Vvarnerus, comes Theodoricus, Simon comes, Conrardus comes & multi nobiles. Signum domini Friderici Romanorum Imperatoris Augusti.*

Au dessus du feing dudiët Empereur ain si ap posé esdictes lettres de confirmation ou chartres, sont escriptz ces motz.

*¶ Ego cancellarius Raynaldus vice Arnaldi Maguntini archiepiscopi & archicancellarii, recognoui Datū columbarie decimasexta Calendas Septembris, Anno dominice incarnationis millesimo centesimo quinquagesimo sexto, indictione quarta, regnante domino Friderico Romanorum Imperatore. Anno regni eius quarto imperij vero, secundo.*

*Le duc & les euesques de Lorraine rendrēt l'obeissance de l'empereur contre l'eglise Romaine.*

¶ Lon peut aysement, voire raisonnablemēt, inferer & presumer, par la fin desdictes chartres & lettres de confirmation, ou sont ainsi nommez pour tesmoings, tant de prelatz & princes, qui assisterent au decret d'icelles, que les euesques de Metz, Toul & Verdun, ensemble le duc de Lorraine suiuoient & suiuiert tousiours depuis, le party de l'empereur durant le scisme qui surueint entre l'eglise & siege apostolicque & icelluy Empereur Barberouffe. Specialement & auant tous, lediët Estienne euesque de Metz, lequel on trouue certain par les histoires auoir eu tant d'accès, familiarité, faueur & amitié vers lediët Empereur que pendans les dissentios & rigueurs d'entre l'empire & l'eglise Romaine de son temps ayans cours, il reprimoit souuent la fureur dudiët empereur, le moderoit & retiroit de plusieurs entreprises tirāniques qu'il eust executé n'eust esté la reuerence & amour qu'il portoit audict euesque Estienne, pour ses vertus & preudhommeie, ensemble pour l'ancien aage d'icelluy euesque, lors fort vieil, mesmes (que les historiēs dient estre la principale cause d'ou prouenoit telle familiarité & amitié, entre lediët Empereur & icelluy euesque de Metz) au moyen de l'affinité estant entre eulx. Car lediët Frederic Empereur, ayant eu en premieres nopces, pour femme la fille du marquis de Vvosperg, & estant icelle diuorsée & separée de luy pour l'empeschemēt de parentaige & consanguinité d'entre elle & icelluy Empereur, prouée en vn concile general des euesques & prelatz de Germanie, tenu en la cité de Constance, prit tost apres & à ceste occasion pour femme en secōdes nopces vne noble & vertueuse dame nommée Agnes ou bien selon aucuns Beatrix fille de Raynaldus prince de Bourgongne, par la mort duquel (comme dirōs cy apres) icelluy Frederic obtint à cause de la dictē femme Agnes, le royaume de Bourgongne, & la principaulté d'Arles.

*Des deux femmes de l'empereur Barberouffe.*



# depuis Hue Capet,iusques à Loys viij.du nō.F.cccxiii.

¶ Or ceste Agnes ou Beatrix estoit prochaine parente de l'euesque de Metz Estienne: car il estoit oncle de son pere Raynaldus, de par Ermentrude mere d'icelluy euesque, sortie de la maison de Bourgongne sœur du pape Calixte deuxieme, & qui auoit esté iadis mariée à Theodoric comte de Bar, filz de la noble dame Sophie de Bar, dont estoit yssu ledict Estienne euesque de Metz. Ensemble vn autre filz nommé Raynaldus, qui succeda au comté de Bar, & fut pere du ieune Raynaldus tenât ledict comté de Bar du temps de nostre euesque Albert, dont nous traittons.

*Estienne euesque de Metz, filz du cōte de Bar, nepueu du pape Calixte, & afin de l'empereur Barberousse.*

¶ Partant & à ces causes estoient iceulx empereur Frederic & Estienne euesque de Metz, affins & parens, cause & raison premiere & principale, dont procedoit l'occasion d'amitié, autorité & credit, si grands qu'auoit icelluy euesque vers l'empereur Barberousse.

¶ Auant passer oultre, notent icy les lecteur (sil leur est aggreable) la difficulté des historiens parlans du pere de ladicte Agnes, ou Beatrix, femme deuxieme dudit empereur: Car Nauclerus (qu'auôs tousiours suyui & approué, & encores faisons) dit qu'il l'appelloit Raynaldus. Et le supplement de l'histoire de Sigebert, le nomme Guillaume, comte de Mascon en Bourgongne, qui auoit vn frere nommé Raynaldus oncle de ladicte Agnes ou Beatrix, non pas son pere.

¶ En l'an mil cent cinquante & huit, l'empereur Frederic aduertty des Milannoys, delibera pour seconde foys aller en Italie avec grosse armée. Que tost apres il y feit marcher & conduire, menant avec luy plusieurs grands princes: entre autres & les principaulx, Vrauclus, qu'il auoit nouvellement couronné & faict roy de Boesme, (soubz cestuy commença premierement le pais de Boesme estre royaume) Raynaldus chancelier de Germanie, Otto comte Palatin de Vitulispach, trefidel à l'empire, Frederic duc de Sueue filz du roy Conradus, Héry de Saxonie duc de Bauiere, Luyboldus marquis d'Austriche, son frere Henry soubz qui Austriche fut premierement erigée en duché. Mathieu duc de Lorraine, & autres princes nobles & grans seigneurs à l'ayde & faueur desquelz ledict Frederic empereur obtint victoire contre les Milannoys, Bressiens, Cremonois, & autres citez de Lombardie, qui furent tous contrainctz se rendre à la mercy dudit empereur, & luy demander paix, qu'il leur accorda finalement. Instituant deslors & faisant vn edict conforme à la coustume de Germanie, contenant commination de peine pecuniaire contre les infracteurs de paix.

*Boesme premierement erigée en royaume.*

*Austriche premierement erigée en duché.*

*Expedition de l'empereur Barberousse contre les Milannoys.*

Que si vne cité enfreignoit les traittez de paix, elle payeroit cēt mars d'or. Vn marquis, cinquante, si vn comte, quarante, vn capitaine, vingt, le gentil homme, dix, vn de moindre estat, trois, & vn paouure qui n'eust puissance de payer, seroit batu, fustigé, puis banny des pais à iamais.

*L'empereur institue ban Imperial, contre les infracteurs de paix.*

¶ Ce fait assemble ledict empereur de toutes pars gens scauans & entenduz, pour soubz leur aduis deliberer enquoy les citez d'Italie deuoient estre subiectes & redevables à tous empereurs. Si fut trouué, & peu apres decreté par ces gens scauans, qu'elles estoient & deuoient estre subiectes à tous droitz royaulx. Assauoir de forger monoye, tenir change d'icelle, gabelles, fournitures de charrois & nauigages, & tous autres semblables vestigaulx & subides, pour subuenir à la necessité de l'empire. Decretèrent aussi & rapportèrent qu'audit empereur appartenoit instituer & destituer toutes dignitez & offices de iudicature, par toute l'Italie.

*Decretz des redevances des citez d'Italie, à l'empereur.*

¶ Lesquelz decretz ainsi arrestez & approuez par le consistoire Imperial, furent promulguez & publiez par toute l'Italie, de l'ordonnance dudit Empereur, dequoy l'esmeurēt grand murmure, nouvelles rebellions & conspirations contre luy. Signamment de la part du pape Adrian, des cardinaulx, des nobles, & plus grands seigneurs: mesmes des citez d'Italie. Tous lesquelz ensemble Guillaume roy de Sicile, ioinct avec eulx, conspirerent & accorderent ensemblément par promesses & iuremens sollemnelz, de iamais n'obeir audit empereur: mais luy resister iusques à la mort, assemblant deslors de tous costez & chascun à son esgard, grandes sommes de deniers qu'ilz deposerent es mains dudit pape Adrian, afin de denoncer pour excommunié icelluy empereur; mais les choses adueindrent tout autrement qu'ilz ne pensoient,

*Conspiration du pape & des princes d'Italie contre l'empereur Barberousse.*

# Le.iii. liure des antiquitez de la gaule Belgicque

& au rebours de leur desir: car ledict pape Adria alla de vie à trespas l'an mil cent. lix. autres dient mil cent soixante & vn. Au moyen dequoy les cardinaulx qui suyuoient ledict Adrian, estans en nombre vingtdeux, esleurent Alexandre troisieme, natif de Senes, parauant nommé Rolandus, que trois autres cardinaulx sauoit Guido Crementis, Io. S. Martini & Imarus euesque de Tusculane, ne voulurent receuoir: mais en esleurent vn autre qu'ilz nommerent Victor, parauant appellé le cardinal Octouian: Dont surueint & sensuyuit Scisme en l'eglise Chrestienne: car l'empereur Frederic tenoit la partie de Victor, & ne voulut obeir au pape Alexandre, ny soy desister ne departir du siege qu'il tenoit deuant Creme. Encores moins vouloit laisser & restituer plusieurs terres qu'il auoit pris, & retenoit du patrimoine de l'eglise. Parquoy le pape Alexandre le declara excommunié, dont aducindrent mauulx sans nombre. Parce que ledict empereur marry & irrité de se sentir en censures d'eglise, poursuyuit par despit tellement son entrepise contre les citez de Lombardie, que peu apres les Milannoys furent par famine forcez rendre eulx & leur cité à volonté & sans aucunes conditions ou reserues, feust des personnes, ou de leurs biens, ou de la Cité, laquelle fut pillée. Le prince d'icelle nommé Gualfagus, l'euesque dudit lieu, appellé Ichau, & vn nombre infiny de nobles & gentilz hommes des pays voylins pris prisonniers, puis enuoyez en exil, en Germanie. Ordonnant au surplus l'empereur toutes les murailles, maisons, & bastimés de la Cité estre ruinez & abbatuz de fond en cõble: toutefois l'eglise principale fut exceptée & sauuée. Puis en signe d'ignominie & damnation perpetuelle, afin aussi que jamais ladicte Cité ne feust reedifiée, feit labourer la terre & lieu de l'assiete de la Cité, à charues & cheuaulx, & comme terre champestre, & y semer du sel. Enuoyant au reste le menu peuple habiter en quatre petitiz villages ou bourgades distans du lieu d'assez loing.

*Scisme en l'eglise apres la mort d'Adrian pape.*

*L'empereur excommunié par le pape Alexandre.*

*Milan prise à force, & ruynée par l'empereur Barberousse.*

¶ On lit qu'entre les ruines, pillage, & butin d'icelle Cité, furent trouuez les corps des trois roys qui adorerent Iesuchrist en Bethleem, lesquelz auoient iadis esté apportez de Perse en Constantinople, par vn empereur de Grece, & de Constantinople a Milan, par saint Eustache, iadis euesque du lieu. Ces trois corps bailla l'empereur Frederic à Raynaldus archeuesque de Coulongne, son ~~cheualier~~ <sup>cheualier</sup>, qui les feit magnifiquement transporter en la cité de Coulongne, & les colloquer en son eglise Cathedrale audict lieu, ou ilz sont encores de present.

*Les corps des trois roys transportez de Milan à Coulongne.*

¶ Ce fait l'empereur poursuyuit de si pres & tant chauldement le pape Alexandre, qu'il le contraignit venir à refuge en France, ou il fut honorablement receu de Loys septieme du nom roy de France, & de Henry deuxieme roy d'Angleterre: lors estant en France, avec ledict roy Loys.

*Le pape Alexandre receu en France par les roys de France & Angleterre.*

¶ Le supplement de Sigebert diç que ces deux roys Loys de France, & Henry d'Angleterre, receurent icelluy pape à Torcy sur Loyre, en tresgrand honneur & reuerence: voire estans allez au deuant de luy, & l'ayans rencontré, descendirent à pied. Et comme deux laquayz tenans de part & d'autre la bride du cheual dudit pape, le menerent & conduirent assez loing, & iusques en vn Pauillon préparé pour le receuoir: audeuant duquel, eulx mesmes le descendirent de cheual, luy faisans au reste tout le bon recueil & traictement dont ilz se peurent aduiser. Dequoy l'empereur Frederic ayant eu aduertissement n'en fut content: mais cause & moyen qu'en desdain & hayne de ce, grandes diuisions & discords s'esmeurent & engendrent depuis entre les eglises chrestiennes: Specialement es lieux limitrophes de France & Germanie: comme sont les citez de Metz, Verdun, & Toul.

*L'euesque Albert suyuoit le party de l'empereur.*

¶ Pendant ces debatz & querelles d'entre l'eglise Romaine & l'empire, nostre euesque Albert adheroit & sousteint tousiours le party de l'empereur, pour les causes cy dessus par moy alleguées: toutesfois c'estoit contre sa volonté & intention. Dont le saint homme Cono, abbé de saint Venne, qui maintenoit le droit & party du siege apostolicque, arguoit & increpoit souuent nostredict euesque Albert qui enduroit patiemment les reprehensions & increpations, esperat de brief que Dieu enuoyeroit paix en l'eglise.

¶ Plu-

## depuis Hue Capet, iusques à Loys, viii. du nom. F. cccxiii.

¶ Plusieurs du clergé de Verdun suiuoient ledi&t Cono & ses bonnes exhortations ausi pour la reuer&ce & foy deüe à leglise Romaine. Les vertus & sçauoir dudi&t Cono estoient telz & en tant bonne estime de tous, que le Roy de Frâce, ensemble tous les prelatz de la Gaule qui auoient à luy grande reuerence n'expedioient en lestat ecclesiastique choses de grand pris & conséquence, sans luy & qu'il nefust appellé des premiers. Mesmes au commencement du scisme que le pape, Alexandre fuyant la persecution de l'empereur Frederic, escriuit audi&t Roy Loys pour estre receu en Frâce. Surquoy fut tenu cōcile entre les prelatz de l'eglise Gallicane pour aduifer auquel des deux papes Alexandre ou Victor, on deuoit porter & donner obeissance, L'abbé Cono appellé & assistant audi&t concile, fut des premiers & principaulx qui induirent & suader&t les Francois a adherer audi&t Alexandre, & le faire venir en France. Voire luy mesme, en escriuit particulierem&t & de sa part audi&t pape, auquel il auoit eu congnoissance des sa ieunesse, & du temps de leur estude en Italie auoient souu&t conuert& emsemble, comme nous dirons cy apres en l'euesque prochain subsequnt.

*Le sçauoir & vertus de l'abbé Cono*

¶ Ceulx de Metz d'autre costé tenoient pour l'empereur Frederic, ou pour le moins ne se vouloient declarer contre luy de peur de luy desplaire, ou à leur Euesque Estienne de Bar & à son nepueu Thierry de Bar, qui succeda apres luy audi&t euesché de Metz, lesquelz estoient parens & affins dudi&t empereur Frederic, ainsi qu'auons ia escript cy dessus.

*L'euesque de Metz & ceulx de la ent&e adheroient à l'empereur.*

¶ Or les diuisions du Scisme susdi&t estant ainsi en l'eglise chrestienne troublerent grandement nostre euesque, Albert, qui lors pour son anci&e aage ne demandoit plus de viure en tranquillité le reste de sa vie, ce que ne luy promettoit le Scisme de l'eglise, l'vnion de laquelle ne luy plaisoit moins, que beaucoup luy enauoit, ne pouoit librement laisser l'alliance de l'empereur & adherer au siege apostolicque. Parquoy preuoyant (comme homme tresprudent & sage) les grandes controuersies & troubles futures, qui ia se preparoient en l'eglise, delibera pour les euites laisser de fait la cure & sollicitude mondaine & prendre estat & habit de religion, eslisant deslors & entre autres l'ordre de Cisteaux, & sa demeure soubz icelluy au monastere de Cleruaux, qui adoncq estoit en grand bruit de sain&eté.

*deliberation de l'euesque Albert de prendre habit de religion à Cleruaux.*

¶ De fait enuiron l'an mil cent soixantevn sans aduifer personne de son entreprise ayant disposé & préparé tout son cas & choses necessaires pour son voyage, môra fut vn chariot sur lequel a raison de sa viellesse il se faisoit conduire & mener, puis prenant congé de son clergé & peuple de verdun, ausquelz il faisoit entendre qu'il s'en alloit à quelque pelerinaige, partit de sa maison episcopale, & se fait conduire vers la porte en France, en intention de dōner fin & but à son desir. Mais il luy succeda tout au rebours de sa pensée, car en passant deuant l'eglise de saint Venne le chariot sur lequel il estoit se rompit miraculeusement en diuers endroiz, de sorte qu'il lui fut impossible passer oultre. Lors le bon & saint homme entendit & s'assura en soime sme ce fait estre miraculeux, & n'estre la volonté de Dieu qu'il acheuast son entreprise.

*Le chariot de l'euesque Albert mit miraculeusement rōpu deuant l'eglise saint Venne.*

Ainsi s'en retourna en sa maison Episcopale reduisant en memoire (comme dit le supplement de Laurent leodien.) ce qu'on di&t (apocriphem&t toutefois) de saint Marc Euangeliste. Assauoir qu'il fut enuoié par saint Pierre en Alexandrie pour prescher & euangeliser Iesuscrist, & qu'entrant dedans le nauire à fin de passer la mer, son soulier se rompit, parquoy il se retira de son voyage, entendant en esprit diuin, & soubz le mistere de ce fait, qu'il ne deuoit aller plus auant. Semblablement ledi&t euesque Albertus, inspiré du saint Esprit, iugea le vouloir de Dieu estre qu'il prist l'habit de religion au monastere de saint Venne non ailleurs. Tost apres soy conformant au vouloir de Dieu, vn iour entre aultres qu'il trouua l'opportunité, veint audi&t monastere de saint Venne, enuiron minuit & à l'heure qu'on sonnoit les appeaulx deuant matines pour esueille les religieux, & sans plus differer trouuant l'abbé Cono & se prosternant deuant luy, luy demanda l'habit de sa religion que ledi&t abbé luy otroya fa-

*Albert inspiré du saint Esprit change d'entreprise.*

*L'euesque Albert prend l'habit de religion à saint Venne.*

# Le iiii. liure des antiquitez de la gaule belgicque

cilement rendant graces à Dieu d'auoir inspiré tel saint personnaige à piétre lobeissance de sa religion & ordre, & esperant qu'en luy les religieux prendroient exemplaire de plus sainctement viure.

*La mort de l'euesque Albert.*

¶ Deslors doncques icelluy Albert postposant tous honneurs, charges & affectiōs du monde, enflammé en l'amour de Dieu & rempli de zele de sainte deuotion, feit les voeuz de religion, demeurât là sans plus en sortir & y perseuerant en saintes meditations, oraisons, ieufnes, macerations & afflictions de son corps, iusques en l'année suyuant mil cent soixante deux, qu'il deceda de ce siecle apres auoir tenu l'euesché de Verdun enuiron six ans. Son corps fut inhumé en l'eglise de saint Venne deuant l'autel saint Laurent.

*Extrait de l'abbaye d'Oruaulx pour entendre la noblesse de l'euesque Albert.*

¶ On lit es antiquitez de l'abbaye d'Oruaulx que cestuy Albert de Marcy, eut vne niece fille de son frere nommée Beatrix, laquelle fut mariée à Roger de Cutrey, qui engendra en elle trois filz tresvertueux, l'un Albert qui fut châtre de l'eglise de Verdun: l'autre Manget, pere de Theodoric, doyen d'icelle mesme eglise: & le tiers Pierre d'Orstenge, pere de Roger qui fut euesque de Toul.

## LES PAPESTENANS LE SIEGE DV TEMPS de l'euesque de Verdun, Albert de Marcy

*Voyez cy deuant*



**A**DRIANVS quatrième du nom fut pape du temps dudiect euesque Albert, ainsi qu'auons escrit en l'euesque precedent, ou auons parlé du diect Adrian assez amplement.

*Voyez cy apres.*

**Alexandre** troisieme du nom fut eleu pape apres Adrian, enuiron vn an auant la fin du pontificat dudiect euesque Albert. Parquoy reseruey d'ecrire de luy, iusques en l'euesque prochain subseqnent.

## QUEL EMPEREVR TENOIT L'EMPIRE durant l'euesque Albert.

*Frederic premier diect Barberouffe iijxx. xiiij. empereur.*

*Premier voyage de Barberouffe en l'italie.*

*Des femmes de Barberouffe.*

*Des enfans dudiect Barberouffe.*

*Boeme redigée en Royaume & Austriche en duché.*

*Secōd voyage du diect Barberouffe à Rome.*

*Victoire cōtre les Milannois.*



**F**REDERIC premier du nom, surnommé Barberouffe fut eleu empereur l'an mil cent cinquante deux. Son election se feit à Francfort. Il estoit de la noble lignée des ducz de Sueue, nepueu de Conrard son prochain predecesseur, qui estoit propre frere de Frederic duc de Solane pere dudiect Barberouffe.

¶ Cestuy empereur Frederic accorda d'entrée les diuisiōs & discords estans entre les princes de Germanie lors de sa promotion en l'empire. Puis feit son premier voyage en Italie, venant en diligence à Rome ou il fut couronné & receut la benedictiō du pape Adrian troisieme contre la volonté touteffois de plusieurs Romains qui penserent de luy rebeller: mais il les appaisa par bons moyens. Tost apres retourné en Germanie, se diuorsa & separa d'auec sa femme premiere parce qu'ilz estoient parés & prochains en consanguinité. Ce fait espousa en seconde nopces la fille du duc de Bourgogne nommée Beatrix ou selon les autres Agnes: de laquelle il eut cinq filz, Héry, Frederic, Conrard, Philippe, & Otho. Il institua & erigea le pays de Boesme (qui n'estoit que duché) en royaume. Et Austriché en duché qui n'estoit q Marquisat. Peu apres retourna pour la seconde fois en Italie ou il promulga & feit publier loix & ordonnances nouvelles. Au moien dequoy le pape Adrian, & presque tout le peuple Romain ensemble la plus part des Citez d'Italie rebellerent contre luy, mais il resista contre tous tellemēt qu'il demeura victorieux, ainsi que tesmoignerēt a leur grande & trop grande perte Milan & Creme qu'il feit ruiner & destruire quasi iusques aux fondemens: Ensemble prit & reteint autres citez de Lōbardie, du patrimoine mesme de l'eglise Romaine. Ce pēdāt mourut le pape Adriā, auquel succeda par election solēnelle Alexādre troisieme: mais aulcūs cardinaulx iusciterēt vn autre pape qu'ilz nomment

# depuis Hue Capet, iusques à Loys viij. du nō. F. cccxv.

rent Victor, lequel icelluy empereur sousteint & deffendit, dont s'ensuyuit & surueint vn nouveau Scisme en l'eglise, qui dura plus de xvi. ans: au moyen de ce que le pape Alexandre, estant en France, ou il auoit esté contrainct venir à refuge, excommunia l'empereur & ledict Victor antipape.

*Scisme en l'eglise, qui dura xvi. ans.*

¶ Finablement icelluy pape Alexandre se retira vers les Venitiens, n'ayans lors encores terre ne seigneurie en la plaine de Lombardie, comme ilz ont eu depuis. Ceste cite voyant son poinct & oportunité, s'associa & allia avec celles de Veronne, Padoue, Vicenze: en sorte que par apres les Venitiens furent par ce moyen seigneurs d'icelles citez. Quoy voyant l'empereur enuoya contre eulx son filz Otto, avec grosse armée de mer, laquelle fut deffaiete par lesdictz Venitiens, & Otto pris prisonnier en vne bataille nauale qu'ilz eurent ensemble: a raison dequoy l'empereur Frederic poursuyuit son accord & reconciliation avec le pape, vers lequel estant à Venise, veint en personne. Et se prosternant deuant luy, demāda absolution que le pape luy donna, mettant le pied sur luy, & faisant chanter. *Super aspidem & basiliscum ambulabis*. A quoy respondit l'empereur. *Non tibi, sed Petro hæc facio*. Ce qu'entendant le pape luy dist. *Et mihi & Petro*.

*Comme la puissance des Venitiens a esté augmentée.*

*Prise d'Otto filz de Barberouffe. L'an 1134.*

*La reconciliation de l'empereur Barberouffe, avec le pape.*

¶ Apres ceste reconciliation, Frederic institua son filz aîné Henry confort & compaignō de l'empire, puis se croya avec grosse armée qu'il auoit fait dresser & equipper en Germanie, enuiron l'an mil cent octante & six, pour aller en Asie deffendre la terre sainte: mais auāt q̄ partir il maria sondict filz aîné Henry, à Constance fille de Roger, roy de Sicile. A cause de laquelle Constance les empereurs de Germanie ont tousiours depuis pretendu droit au royaume de Sicile & de Naples. Aussi institua son plus ieune filz roy & gouverneur d'Italie. Quand il fut en Asie il obtreint plusieurs belles victoires contre les infidelles, en sorte que le Soldan se retira par contraincte en Egipte: pource notamment qu'en ce melme temps Philippe deuxieme dict Auguste roy de France, & Henry roy d'Angleterre, se trouuerent avec grosse & puissante armée en Sirie.

*Henry filz de Barberouffe confort de l'empire.*

*L'empereur & les roys de France & Angleterre, en Sirie.*

¶ Finablement ledict Frederic empereur, ayant conquis & subiugué l'Armenie, vn iour qu'il auoit grand chauld, en soy baignant en vne riuere, fut par malefortune & mesaventure, noyé: dont adueint trop grand dōmage pour la Chrestienté. Son corps fut inhumé en la cité de Thir, l'an mil cent octante & neuf. Il presida en l'empire trente & sept ans.

*La mort de l'empereur Frederic Barberouffe.*

## QVI REGNOIT EN FRANCE TANDIS que l'euesque Albert tenoit Verdun.

**L**OYS septieme du nom surnommé le piteux, regna durant nostre euesque Albert. Nous ne ferons autre mention de ses faitz en cest endroit, parce qu'en auons escript en l'euesque Albero precedent.

*Voyez cy deuant.*

## QVEL DVC TENOIT LORRAINE en ce temps de l'euesque Albert.

**M**A T H I E V premier du nom (de qui auons parlé amplement en l'euesque Albero precedent) teint le duché de Lorraine, du temps que l'euesque Albert presidoit à Verdun.

*Voyez cy deuant.*

## QVELZ COMTES TEINDRENT Bar, en ce mesme temps dudit Albert.

**H**V G V E S (duquel semblablement auons escript en l'euesque precedent) tenoit le comté de Bar, l'an premier du pontificat de nostre euesque Albert de Marcy.

*Voyez cy deuant.*

# Le.iiii. liure des antiquitez de la gaule Belgicque

*Raynaldus. ii. du  
nom cōte de Bar.*

**Raynaldus** filz puisné de Raynaldus l'ancien, & frere dudit Hugues, fut comte de Bar apres icelluy Hugues son frere, & teint ledit cōté pendant le temps dudit Albert euesque de Verdun, ainsi que dirons tantost.

¶ Cestuy Raynaldus puisné, eut pour son partage de la succession paternelle, du vivant mesme de sondit pere, la vvorie de l'abbaye de saint Mihiel, à laquelle il feit plusieurs dommages & grands maux : tellement que l'abbé d'icelle fut contrainct pour ce d'enuoyer presenter sa requeste & humble supplication au pape Eugene, auquel il se plaignoit par icelle, des forfaitz & oultrages d'icelluy Raynaldus, luy requerant contre luy prouision telle que le cas la demandoit par raison : comme auons amplement declare cy deuant.

*De la femme du  
cōte Raynaldus.*

¶ Ledit Raynaldus obtint aussi le comté de Mousson apres le deces de son pere. Depuis mesmes l'an mil cent cinquante & cinq, succeda au comté de Bar, par la mort de sondit frere aisné Hugues. Il eut à femme Agnes fille de Thiebault comte de Champagne & de Bloys, & sœur d'Aelys femme de Loys septieme, dict le pitieux, roy de France: duquel à ceste raison ladicte Agnes se disoit sœur.

*De la mort du  
dit Raynaldus.*

¶ Ledit Raynaldus mourut l'an mil cent seprante & trois, laissant deux filz, l'un nommé Henry qui succeda à Bar, & l'autre Thiebault qui fut comte de Mousson, du vivant mesme de leur mere, qui suruesquit son mary fort longuement, & iusques en l'an mil deux cens & deux.

¶ Ceste comtesse Agnes feit beaucoup de maux à nostre euesché de Verdun, dont elle fut excommuniée, & depuis absoute: ainsi que dirons plus au long cy apres.

¶ On lit que son mary Raynaldus eut d'elle encores deux enfans, autres que ceulx n'agueres nommez. Assauoir Henry qui mourut en la terre sainte, & vne fille nommee Agnes, mariée au comte de Dampmartin.

¶ J'ay trouué deux fondations que ladicte comtesse Agnes feit à Lincy en Barrois: l'une avec son filz puisné Thiebault comte de Mousson, datée de l'an mil cent nonante & sept: L'autre de l'an mil deuxcens & deux, auquel temps elle mourut.

¶ Les successeurs d'Emengarde & des princes de Haynau, qui tenoient le comté de Haynau du temps d'Albert, euesque de Verdun.

*Voyez cy deuant.*



**B** A V L D O V Y N troisieme, surnommé l'Edifieur (de qui j'ay escript en l'euesque Vrsio) teint ledit comté de Haynaud, pendant que ledit Albert de Marcy tenoit l'euesché de Verdun.

¶ Fin de la vie d'Albert xlvii. Euesque de Verdun.

depuis Hue Capet, iusques à Loys, viii. du nom. F. cccxvj.

## LA VIE DE RICHARD

quarantehuitieme Euef-

que de Verdun.



**R**ICHARD troisieme du nō, surnommé de Crissa, selon les histoires d'Oruault, qui le dient auoit esté Archidiacre de Laon, & estre sorti du lignage de ceulx de grand Pré, fut esleu euesque de Verdun l'an mil cent soixante & trois, en la maniere que ie diray. Mais auât m'a semblé bon escrire, qu'il eut vn frere nommé Barthelemy, homme tresrenommé aux armes, de grande puissance & autorité, & que communément cestuy Richard estoit nommé du populaire Infant ou Ecclesiastique, pour ses douceurs, benignitéz & vertuz.

*Richard de Crissa ij. du nō, diēt infans ou l'eccl. siacque xlviii euesque de Verdun.*

¶ Apres doncques qu'Albert de Marcy predecesseur dudiēt Richard, eut pris l'habit de religion soubz le bon Cono, abbé de saint Vēue, sans prealablement disposer de son euesché de Verdun, ce qu'il n'osa faire, pour les troubles & diuisions de son clergé procedās du Scisme, lors regnāt en l'eglise Chrestienne. Estant assureé que les vns adheroient à l'empereur Frederic desenseur de l'antipape Victor: & les autres au pape Alexandre, lors fugitif en France, la partie du quel soustenoit lediēt Cono abbé, qui de son temps deffendit vertueusement l'authorité de l'eglise Romaine (encores qu'il residast en pays subiect à l'empire) enhortant tressouuent, & suadant tous ceulx du clergé de Verdun, à faire le semblable. Icelly clergé de Verdun s'assembla plusieurs foys, pour proceder à l'election d'un nouueau euesque, enquoy faisant se trouuoient grandes controuersies, difficultéz, & contradictions entre les elisans qui ne se pouuoient accorder, pour les raisons qu'auēz entendu. Toutesfois finablement ilz conueindrent vniformément dudiēt Richard, appelé & surnommé l'Ecclesiastique, pour le zele qu'il auoit à l'eglise & personnage tressuertueux. Il feit grande difficulté du commencement d'accepter la dignité & charge d'icelle: mais ce ne luy valut, parce que son election eut lieu, & fallut qu'il l'acceptast. Toutesfois il fut long temps auât que soy faire instituer & consacrer, pour les dissensions & factions ayans cours du tēps de sa promotion, & longuement encores apres. Au moyen dequoy on l'appelloit ce pendant l'esleu de Verdun: neantmojs il faisoit tout tel deuoir comme s'il eust esté euesque sacré, donnant ordre & soing de reformer l'estat de l'eglise, qu'il administroit tandis vertueusement, feust au spirituel, feust au temporel, le tout par le conseil & aduis dudiēt saint homme Cono, abbé de saint Venne, homme de grand scauoir & sainteté de vie, diligent & soigneux en laugmēration du seruice diuin, reformation des meurs des gens ecclesiastiques. Speciale mēt de ses religieux, & à la reparation de son monastere & eglise de saint Venne, pour la decoration de laquelle il faisoit lors de l'election dudiēt Richard euesque, construire & esleuer les deux tours de pierre, qu'on voyd encores de present en ladiēt eglise. Et peu auant auoit acheué le bastiment de la Librairie dudiēt monastere.

*L'abbé Cono desenseur de l'eglise Romaine*

*Richard esleu de Verdun.*

*Cono feit edifier les deux tours de l'eglise de S. V. ène*

¶ L'an mil cent soixante & quatre, Alexandre estant tousiours en Frāce, pour les causes qu'auons recité dessus, y teint plusieurs conciles generaulx: dont le premier fut à Clermont en Auergne, ou l'empereur Frederic & l'antipape Victor, autrement diēt Octouian, furent declarez excommuniez. Le second fut à Tours fait expressement la pour la reformation de meurs & vie de gens d'eglise d'Aquitaine. Il teint le tiers à Reims on fut traitée la matiere, sur le secours des Chrestiens estant en terre sainte,

*Concilles generaulx tenz en France, par le pape Alexandre.*

# Le iiii. liure des antiquitez de la gaule belgicque

*Imposition en France pour ayder à la terre sainte.*

en faueur de la defence de laquelle fut accordé & delibéré de leuer argent par toute chrestienté pour subuenir ausdictz pauures chrestiens habitans oultre mer. De fait & a ceste fin le Roy de France imposa deslors par tout son Royaume certains subsidez & aydes, qui estoient, que chacun homme son subiect, feust noble, prestre, clerc, lay ou d'autre condition, payeroit chacun an durans quatre ans vn solz, pour chaque vingt solz qu'il auoit de rente, commençant ledict Roy à luy mesme, à obseruer telle imposition & faisant y obeir d'ung à aultre sans nul eximer ne exempter.

*Sainct Thomas de Cantorbis fugitif en France.*

¶ En ce concile de Reims se trouua Thomas archeuesque de Catorbie, peu auant venu en France, à refuge & comme fugitif de son pais d'Angleterre, parce que les princes dudit pais l'auoient voulu mettre a mort au moien qu'il n'auoit voulu consentir à quelzques constitutions ou statutz que lesdictz princes, ensemble le Roy Henry auoient fait contre la liberté & priuileges de l'eglise, & les saintz decretz & canons d'icelle. Par lesquelles priuées constitutions ces princes Anglois & leurdict Roy auoient tresbien de leur authqrité particuliere seue reseruer à leur pouoir les collations des dignitez de l'eglise & aultres benefices d'icelle: & vouloient mesmes prendre & applicquer à leur domaine partie des fruietz d'iceulx benefices & dignitez, ce que ne voulut iamais accorder ledict archeuesque de Cantorbis, mais affin de n'estre à ce forcé & contrainct, comme furent presque tous les euesques d'Angleterre, mesmes ceulx de Londres Eboracen. & Cestrense, qu'on y feit condescendre à force de menasses, se retira en France, au temps mesmes dudit concile de Reims, auquel feit plusieurs belles & saintes remonstrances, voyre (comme aucuns ont escrit) predict au pape Alexandre plusieurs choses futures, signammēt sur l'estat futur du Royaume d'Angleterre, & de la maniere de sa mort. Ce bon personnage demeura en France par maniere d'exil enuiron sept ans, durans lesquelz il fut tousiours entretenu aux despens du Roy de France, faisoit tandis & le plus souuent sa residēce au monastere sainte Colombe à Sens, ou bien à saint Edme de Pontigni.

*De l'honneur que le pape fit à Cono abbe de saint Venne.*

¶ Le supplement de Laurent leodien. dict qu'en icelluy concile de Reims vn iour que le pape tenant consistoire estoit au siege pontifical & les cardinaulx, archeuesques, & euesques en leurs lieux, arriua des derniers en la chambre cōsistoriale le bon abbe Cono, qui voiant n'y auoir lieu ne place pour se seoir, s'asseit à terre. Quoy apperceuāt le pape qui estoit en lieu eminent & partant le voyoit aisement, dist a haulte voix deuant tous. Voycy cestuy entre tous ceulx de la Gaule auquel ie suis plus obligé, & qui depuis mon arriuee en ces marches & contrées m'a porté plus d'hōneur & de faueur. Ce dict, ordonna sur l'heure à vn de ses chambellans luy porter la chaire pontificale en laquelle il se faisoit ordinairement porter, & en icelle le feit seoir durant la session lors tenue, luy monstrant ce faisant signe de tresgrande amour & dilection, dont tous les assistans furent tresmerueillez, & en sorte qu'ilz eurent de là en auant le dict Cono en plus grāde reuerence & reputation. ¶ Peu apres par l'exhortation d'vn des religieux dudit Cono nōmé Gozuinus prieur de Chaulde fontaine, ledict Cono soubz le credit qu'il auoit audict pape, obtint pour son eglise de saint Venne, de l'euesque emsemble de l'archidiacre de Chaalon qui assistoient audict concile, la disposition & presentatiō de la cure de Valmey vilage voisin dudit prioré de Chaulde fontaine. ¶ Ce bon abbe Cono apres son retour à Verdun vesquit treffainctement, deffendant tousiours & adherant à l'eglise Romaine contre l'empereur Frederic & l'antipape: à raison dequoy endura plusieurs opprobres & contumelies, toutefois les vertus & sainte vie, ensemble l'honneste cōuersation des religieux lors viuans soubz luy audict saint Venne en grāde austerité de vie, & obseruance de religion, faisoient que non seulement ceulx qui soustenoient comme luy l'eglise Romaine, l'auoient en grande reuerence: mais aussi ceulx mesmes qui adheroient à l'Empereur Frederic.

*La presentation de la cure de valmey bailliee aux abbez de saint Venne.*

Entre



# depuis Hue Capet, iusques à Loys viij. du nō. F. cccxvii.

Entre lesquelz estoit l'euesque de Toul, duquel neantmoins ledict abbé Cono enuiron ce temps impetra les presentatiōs des Cures de Flauigny & Vvauuillers, villaiges situez au diocese de Toul, à la poursuite & faueur d'aucuns religieux de son monastere: entre autres de dom Jacques de bras (qui depuis fut abbé de saint Agri) dom Bernard prieur claustral de saint Venne, & dom Varin prieur dudit Flauigny.

*Presentatiō de Flauigny & vauuillers baillee à l'abbé Cono.*

¶ Ceste mesme année mil cent soixantefix mourut Estienne euesque de Metz, auquel succeda en son euesché Thierry son nepueu friz du viel Raynaldus comte de Bar, & frere de Raynaldus le ieune qui lors estoit comte dudit Bar, desquelz auons parle assez de fois es euesques precedens. Cestuy Theodoric suiuant les meurs de son oncle, fut vertueux personnaige. Combien qu'il eust obtenu leuesché de Metz par la faueur de l'empereur Frederic qui estoit son affin à cause de sa femme (comme auons dit) toutefois tacitement & quant au fait interieur de sa conscience, il adheroit à l'eglise Romaine, & estoit desplaisant assez du scisme & diuision de l'eglise chrestienne: Elle ment que durant neuf ans sept moys qu'il teint ledict euesché, onques ne voulut prendre les ordres de presbiterie, ny soy faire sacrer par les euesques adherens audict empereur & qu'il reputoit Scismatiques: d'autre costé n'osoit prendre les sacremens des euesques catholicques de peur d'offenser ledict empereur, & porter dommaige ce faisant au poure peuple de la cité: par ainsi demeura seulement diacre, exerçant neantmoins vertueusement son office & tout ce qui appartenoit à vn bon euesque, gardant & sauuant son peuple de diuers perillz & molesties, que sans luy il eust enduré à raison des grandes diuisions & discors lors estans tant en l'eglise qu'au temporel, entre iceluy empereur & le Roy de France.

*La mort d'estienne euesque de Metz.*

*De theodoric successeur dudit Estienne.*

*Vertus & constance de Theodoric euesque de Metz.*

¶ Soubz vmbre desquelles diffentions les pais de Lorraine, Barrois, & aultres circonuoisins de Metz estoient pleins de pillars, coupeurs, volleurs, larrons & mauuais garçons, que ledict euesque Theodoric poursuiuoit iournellement & persecutoit en telle diligence que peu apres ilz viderent le pais. Dont il estoit tant aymé & honoré de la noblesse, populaire de Lorraine & Barrois qu'on l'appelloit pere & deffenseur du pays.

*Les pais de Lorraine & Barrois plaines de pillars & larrons.*

*Theodoric euesque de Metz appelle pere du pais.*

¶ Dauantaigne pour tenir son euesché en paix & tranquilité il acheta de son propre plusieurs places & chasteaux, comme Habodenges, Visneperg & Radouille, lesquelz du passé auoient molesté & endommaigé ceulx de sondict euesché. Pour la deffence plus ample duquel, feit edifier & construire vne forte maison & chasteau au lieu de Conflans.

¶ On lit que l'antipape Octiuian nommé Victor auquel l'empereur Frederic adheroit & fauorissoit, enuoia vn iour entre aultres en la cité de Metz aucuns ses familiers cardinaux avec les commissaires dudit empereur pour impetter soubz son obeissance quelzques tributz & impositiōs nouvelles. Tous ceulx de la cité de Metz leur vouloient obtemperer de peur d'irriter l'empereur & emouuoir contre eulx sa fureur. Mais ledict euesque Thierry y resista vertueusement, leur faisant (pour resolution) telle respōse qu'il furent cōtrainctz sortir confusiblement de la cité, sans rien faire. Ce qui fut cause que plusieurs citez imperiales prindrēt depuis l'audace & cueur de leur resister & faire semblable.

*L'euesque Theodoric refuse les leues de l'antipape.*

¶ L'an mil cent soixantecinq le pape Alexandre retournant à Rome passa à Montpelier, puis s'embarqua en mer, laissant le chemin par terre qu'il n'osa suiuir tant il doubtoit les gens de l'empereur qui gardoient les passaiges. Si veint descendre en Sicile que le Roy Guillaume tenoit lors, & de là à Rome ou il fut ioyeusement receu des Romains.

*Du retour du pape à Rome.*

¶ Ceste mesme année Loys septieme Roy de France, eut vn filz nommé Philippe, qui sembloit à la pluspart du peuple estre nay & venu au monde miraculeusement, pource que son pere afin d'auoir lignée masculine auoit fait faire parauant sa natiuité

te

# Le.iiii. liure des antiquitez de la gaule Belgicque

*Natiuité de philippe Dieu donné.*

té prieres & oraisons solénelles à Dieu par tous les religieux, & gés d'eglise son Roy aume, mesmes par tout son peuple. A ceste cause fut ledict Philippe appelé Dieu donné tout le long de son enfance & ieunesse & depuis, pource qu'il feut preux & vaillant, surnommé le Conquerant.

*Dissension entre le Roy d'Angleterre & ses enfans.*

¶ L'an mil cent soixante sept s'esmeurent guerres & dissensions entre Henry Roy d'Angleterre, & ses trois filz, Henry, Richard & Godefroy, auquelz Loys Roy de France fauorisoit, toutes fois ilz s'appointerēt, enuirō deux ans apres, se recōcliās les enfans avec leur pere, le filz aîné duquel aussi nommé Henry qui auoit espousé Marguerite fille dudiēt Roy Loys, veint en France en la court du Roy son beau pere, à qui (comme diēt le supplemēt de Sigebert) il feist hōmaige des comtez d'Aniou & du Mayne ensemble du duché de Bretaigne, reconnoissant & repetant celuy du duché de Normandie qu'il auoit parauant presté audict mesme Roy, lequel le constitua deslors Seneschal ou autrement grand maistre de France, office & estat qu'on tenoit adonques des fiefz d'Aniou, par donation faicte du temps du Roy Robert, à Godefroy Griogoucle comte d'Aniou.

*Henry filz aîné d'Angleterre miste tūe seneschal en France.*

*Richard d'Angleterre faict hommaige au Roy de France, du duché d'acquitaine.*

¶ Et afin que ledict ieune Henry prist vraie & entiere possession d'icelluy office le iour de la purification lors prochain suiuant, veint seruir à table icelluy Roy Loys estant à Paris, luy faisant le deuoir comme Seneschal de Frâce. Quasi en ce mesme temps Richard second filz d'Angleterre & frere dudiēt Henry, feist semblablement hommaige audict Roy Loys du duché d'Acquitaine, que son pere Henry luy auoit assigné pour son partaige & appanaige.

*L'appointement de saint Thomas de Cantorbrie.*

¶ L'an mil cent septante les Roys Loys de France & Henry d'Angleterre eurent parlement ensemble à saint Germain en L'aye, ou ilz acorderent plusieurs differans qu'ilz auoient entre eulz, signamment du saint homme Thomas archeuesque de Cantorbrie qui long temps parauant estoit fugitif en Frâce. L'appointement duquel feist ledict Roy Loys avec icelluy Henry d'Angleterre, qui luy promeist assurance de là en auant, luy permettant retourner en son archeuesché.

*Le Roy d'Angleterre visita le corps saint amator trouué au pais de caulx.*

¶ Ce faict & ces deux Roys s'estans departiz l'un de l'autre, le Roy Henry auant que retourner en son Royaume delibera aller en pelerinage & visiter le Roc ou le corps de saint Amator auoit esté trouué nouvellement, & releué miraculeusement en vne petite eglise de nostre Dame située au pays de Caulx, entre montaignes & rochers, lieu quasi inhabitable, ou se faisoient iournellement beaux miracles, en sorte que le peuple y alloit de toutes pars.

*Saint amator iadis seruiteur de la vierge Marie*

¶ On lit que ledict Amator fut seruiteur de la vierge Marie, & que souuent il auoit porté entre ses bras son filz Iesuchrist estant encores petit enfant, aussi qu'apres l'Assumption d'icelle sacrée vierge il eut reuelation qu'il deuoit venir en Gaule, ce qu'il feist peu apres par mer, & veint arriuer audict lieu, ou il edifia vne chappelle en l'honneur de la vierge & mere, avec vng petit hermitaige, auquel il vesquit le reste de sa vie, son corps fut inhumé à l'entrée d'icelle chappelle. Or combien que le cōmun bruit feust que sondict corps gisoit en icelle chappelle, neantmoins le lieu fut long temps ignoré & negligé, ou pource qu'on ne scauoit ou reposer ledict corps, ou bien à cause de peu de congnoissance & de deuotion qu'on auoit eu à luy. Si adueint par disposition diuine qu'en l'an mil cent soixante six, vn homme natif du pais de Caulx ordonna auant sa mort son corps estre inhumé en icelle chappelle, au lieu mesme ou auoit esté enterré icelluy de saint Amator, qui parce moien fut lors trouué.

¶ Enuiron l'an mil cent soixante neuf, mourut Hugues premier du nom, comte de Vvaudemōt, duquel auons escrit cy dessus en l'euesque Henry premier. A cestuy suc ceda Gerard son filz, cinquieme du nom entre ceulx d'Alsatie, & entre les comtes de Vvaudemont

# depuis Hue Capet, iusques à Loys, viii. du nom. F. cccxvii

Vvaudemont, deuxiesme dudit nom, lequel (ainsi que trouuōs) feit ceste mesme année vne fondation en l'abbayé de beau Pré avec son oncle Mathieu duc de Lorraine frere propre de sa mere, des lettres de laquelle fondation j'ay extrait cecy.

*Gerard ij. du nom comte de Vvaudemont.*

*Ego Matheus dux & Marchio lothoringie & Gerardus nepos meus comes Vvaudemōtis, cōuenimus quod bellum pratum &c. datum anno ab incarnatione mil. c. lxxix.* Ce Gerard fut marié à vne noble dame nommée Geltrude, comme appert par deux fondations qu'il feit, l'vne à beau Pré, l'autre à Clair lieu pres Nancey, dont la premiere se commence *Credimus & confitemur quod precibus & meritis religiosorum hominum qui seculi pompā &c. Nouerit igitur omnis generatio &c. Ego Gerardus comes vadani montis & Vxor mea Geltrudis &c. Et filius meus Hugo pro salute nostra &c. Donamus & concedimus fratribus beata Mariz de Bello prato &c. Actum anno domini mil. c. lxxiiij.* L'autre & deuxieme fondation faite à Cler lieu est datée de l'an mil cent septanteneuf, ou il fait mention de plusieurs ses enfans. Ledit Gerard deuxieme comte de Vvaudemont mourut l'an mil cent nantehuit apres auoir tenu ledit comté vingtneuf ans.

*Fondation dudit Gerard avec son oncle Mathieu duc de Lorraine. Geltrude femme dudit Gerard. Autre fondation dudit Gerard de Vvaudemōt.*

¶ L'an mil cēt septantevn au mois de Decembre, Thomas archeuesque de Cantorbie suiuant la seureté que luy auoit baillé à saint Germain en L'aye le Roy Henry d'Angleterre, se retira en Angleterre, en la compagnie de Ppilippe Alsatus comte de Flādre, qui alloit visiter icelluy Roy Henry estant lors en son Royaume d'Angleterre: mais enuiron trente iours apres son retour, fut inhumainement tué en l'eglise de Cantorbie à heure de vespres, embrassant vn autel & disans ces motz. Je suis contēt mourir pour la liberté de l'eglise. Les homicides furent, Guillaume Bretō, Hugues Boruile, Guillaume Tracius, & Regnauld Vrsi<sup>9</sup> nobles du pais d'Angleterre. Aulcuns historiographes dient que ledit Roy Henry en fut consentant, du moins cause & motif, pour ce que le iour de Noel precedent luy estant en plain banquet, ou de fortune se feir mention & ramenteuence dudit saint homme Thomas, il vī de telles parolles Si l'auoye gens couraigeux & qui m'aymassent, il ne demeureroit point impuny. Ce qui donna ocasion aux meurtriers de faire & commettre acte tant enorme & meschant. De la qualité de la mort dudit glorieux martyr furent escriptz tost apres les metres & vers suyans.

*Retour de S. Thomas de Cantorbie en Angleterre. La cruelle mort de saint Thomas de Cantorbie.*

*Annus millenus centenus septuagenus  
Primus erat, primas quo ruit ense Thomās  
Quinta dies natalis erat, flos orbis ab orbe  
Pelluar, & fructus incipit esse poli.*

*Epitaphie de saint Thomas de Cantorbie.*

¶ L'année suyante pour les grands miracles qui se faisoient soubz les merites dudit saint homme Thomas, il fut canonizé par le pape Alexandre troisieme, qui enuoia aulcuns de ses legatz embassadeurs vers ledit Roy Henry estant en Normandie à fin d'entendre & s'informer de la mort & homicide ignominieuse d'icelluy saint homme: Mais ledit Roy Henry en leur presence s'en purgea par serment solemnel & neantmoins quelque temps apres en feit penitence, voire publicque.

*Saint Thomas de Cantorbie canonizé par le pape Alexandre*

¶ Or maintenant est temps de retourner à nostre euesque Richard, la matiere duquel auons assez eslongné & discontinué. Toutefois faire le falloit. Doncques ledit Richard depuis son election viuoit saintement vsant du conseil du bon abbé Cono en tout, fors qu'il n'osoit appertement laisser l'alliance de l'empereur, craignant les pertes & dommaiges de son peuple & de sa cité, aussi ne se vouloit faire consacrer par les euesques Scismaticques adherans audit empereur, estant bien asseuré du tort qu'on faisoit à l'eglise catholique & au siege Romain, auquel à la verité (occultement toutefois & en sa conscience) il adheroit. Si demeura long temps en ceste doute & perplexité attendant la grace & misericorde de Dieu, & qu'il luy pleust d'enuoyer paix & tranquillité en l'eglise chrestienne, partant ne fut tout son temps appelé que l'Eleu de Verdun.

*L'euesque Richard ne porta que le titre d'eleu de Verdun.*

¶ Ledit

# Le iiii. liure des antiquitez de la gaule belgicque

¶ Ledit Richard voyant que le scisme lors estant en l'eglise ne cessoit, mais augmentoit iournellement les diuisions & querelles entre le Papat & l'empire, aussi que l'empereur Frederic ne desistoit de molester l'eglise Romaine, en laquelle soubz sa faueur, depuis la mort du premier antipape Octauian dict Victor qui mourut l'an mil cent soixantefix en la cité de Lucque, les Cardinaulx scismatiques auoient eleu nouueau antipape Guido de Cremonne qu'ilz nommerent Pascal, & apres ce Pascal, qui ne vesquit sinon trois ans mais mourut à Rome l'an mil cent soixantehuit, auoient de nouueau subrogé en son lieu Iean cardinal de Pannonie nommé Calixte, homme de petite condition & qui en sa ieunesse auoit esté accusé, voire conuaincu de l'arrecin, & toutefois l'empereur le soustenoit & deffendoit. Pour ces choses & moiens icelluy Richard eleu de Verdun, quasi desperé de la paix & reuision de l'eglise, delibera l'an mil cent septantevn, faire & entreprendre le voyage de Hierusalem, encores que durant ce temps les calamitez & oppressions des chrestiens estans en la terre sainte feussent tresgrandes & beaucoup à craindre, ainsi que ie vous feray entendre cy apres & par le discours qui l'ensuit.

*Après la mort de l'antipape Octauian les Scismatiques eleurent autre antipape.*

*L'uesque Richard delibera faire le voyage de Hierusalem.*

*Causes & moyens pour lesquels les chrestiens perdirent le Royaume de Hierusalem.*

¶ Pource que cy dessus es euesques precedens, auons aucunement déclaré la cōqueste faicte par le vaillant Godefroy de Buillon duc de Lorraine, & autres princes chrestiens, de la terre sainte & Royaume de Hierusalem, duquel ledit Godefroy & ses successeurs iouirent au grand honneur & gloire de la foy chrestienne, iusques enuiron ladiete année mil cent septantevn, auquel temps par l'auarice des Roys de Hierusalem posteres, & des empereurs de Constantinople, la chose publique chrestienne d'oultre mer, commença à decliner, si que finalement veint à totale perdition & destruction. A ces raisons & moiens, ie suis deliberé écrire icy en brief les causes de la ruine des chrestiens estans oultre mer & de la perte du Royaume de Hierusalem, puis que l'ay deduit cy deuant la conqueste d'icelluy avec tant de gloire pour le conquerreur & ses aydans.

¶ A ceste fin & pour ce faire plus clairement, nous deduirons aucunes choses aduenues en la terre sainte & y faictes depuis l'an mil cent soixantetrois iusques au temps duquel nous parlons: Mais auant entrer en ceste narration m'a semblé expedient repeter que en ladiete année mil cent soixant trois mourut Bauldouyn cinquieme Roy de Hierusalem, prince excellent entre les plus vertueux du monde à qui Dieu auoit faict ceste grace, qu'entre autres victoires qu'il auoit eu contre les ennemis de la foy, celle fut la plus recommandable, qu'il obtint & mist en son obeissance la cité d'Ascalonie. Chose que ses predecesseurs Roys n'auoient oncques peu faire, nom pas Dauid pour sa sainteté, ny Salomon par sapience, encores moins Ezechiel pour sa iustice. Ceste cité estoit l'une des cinq citez que les Philistiens occupoient durāt le regne de Dauid & des Roys de Iudée. Elle est assise sur le riuage de la mer voire circuite & enuironnée d'icelle presque pour la pluspart.

*Bauldouyn cinquieme Roy de Hierusalem reduist en son obeissance Ascalonie.*

*Amalry cinquieme Roy de Hierusalem abreint victoire contre les Egipciens.*

¶ Or apres ledit Bauldouyn succeda Almaricus ou Amalry sixieme Roy de Hierusalem (qu'aucuns dient estre filz dudit Bauldouyn) homme tresvaillant, prudent & expert en l'art militaire, mais auaricieux & trop cupide d'argent. Toutefois en necessité & pour la deffense du pais il ne l'espargnoit, ny son corps aussi. En la premiere année de son regne le Soldan d'egipte qui estoit tributaire aux Roys de Hierusalem denya le tribut deu & acoustumé, audict Amalry, qui à ceste occasion prepara armée avec laquelle descendit en Egipte, ou il obtint victoire contre les Egipciens lesquels furent contrainctz rompre les chaulées du fleue du Nil qui remplit & inunda tout le pais d'eues, en sorte que Amalry ne peut passer plus oultre, mais s'en retourna en son Royaume avec gros butin.

¶ Quelque

# depuis Hue Capet, iusques à Loys, viii. du nom. F. cccxix.

¶ Quelque temps apres Noradinus prince des Turcz & roy d'Alapie, homme sage, vaillant, & neantmoins trop grand persecuteur de la foy Chrestienne, incité par aucuns nobles d'Egipte, esperant conquerir & gagner ledict royaume d'Egipte, enuoya au pais d'Egipte vn sien capitaine nommé Siraconus ou Siracinus, de nation Medien, avec infiny nombre de Turcz, contre lesquelz veint Darganus Soldan, avec grande multitude d'Egiptiens qui neantmoins furent incontinent vaincuz, mis en fuite, & ledict Soldan tué par les siens propres: lesquelz constituerent tost apres sa mort, vn autre Soldan nommé Suar, par la confirmation du souverain seigneur d'Egipte qu'ilz appelloiēt Caliphe. Apres ceste victoire de Siracinus sur lesdictz Egiptiens, il prit par force vne cité du pais nommée Balbeis, en laquelle il se fortifia, esperāt conquerir plus oultre en Egipte.

*Noradin roy d'Alapie.*

*Siracinus capitaine de Noradin.*

*Darganus Soldan d'Egipte.*

¶ Quoy voyant Suar nouveau Soldan, enuoya ambassadeurs vers Amaulry roy de Hierusalem, renouuela ses alliances, & luy constitua cinquante sept mil escus ou ducatz Bisantins, à prendre sur la cité de Babilone, par condition qu'il viendroit à son ayde, & ne partiroit d'Egipte, iusques à ce qu'il en eust expulsé ledict Siracinus. Ce que luy accordant Almaricus, veint suyuant leurs conuenances assieger ledict Siracinus deuant icelle cité de Balbeis, le poursuyuant tellement qu'il fut contrainct redre au Soldan Suar, la cité, & soy retirer en son pais, bagues sauues seulement.

*Suar nouveau Soldan d'Egipte.*

*Nouvelle alliance des Egiptiens, avec le roy de Hierusalem.*

¶ Pendāt que ces choses se faisoient en Egipte, Noradinus Turc, roy d'Alapie eut vne grosse deffaicte de ses gens es parties de Tripolitaine, ou ilz furent rencōtrez par aucuns princes Chrestiens, qui alloient en Hierusalem, avec bon nombre de gens, afin de donner secours aux Chrestiens, entre lesquelz estoient Hugo l'ancien de Lusigné & Godefroy frere du comte d'Angolesme.

¶ De ceste perte & deffaicte, Noradinus irrité, assembla grosse armée, puis pout se venger veint assaillir vn chasteau des Chrestiens, estant assez pres & voyfin d'Antioche. Dequoy aduertiy Boemond troisieme prince d'Antioche, & plusieurs autres Chrestiens estant avec luy, veindrent contre ledict Noradinus pour le contraindre leuer le siege, mais ilz trouuerēt ce qu'ilz ne cerchoient pas: Car en vne bataille qu'ilz eurent ensemble, ledict turc Noradinus, tant pour la difficulté du lieu, qu'aussi par disposition diuine que le permist ainsi aduenir pour les pechez & demerites des chrestiens, obtint victoire sur eulx, prit prisonniers ledict Boemond, Calamanus president de Cilicie, le comte de Tripolitaine & Hugo de Lusignen, ensemble plusieurs autres: aussi prit par force ledict chasteau, & quelque temps apres vne cité appartenant aux Chrestiens, nommée Belliane. Ces choses adueindrent l'an mil cent soixante & sept.

*Victoire de Noradin cōtre le prince d'Antioche.*

*Les princes chrestiens prisonniers.*

¶ Le roy Amaulry aduertiy à son retour d'Egipte, de la prise des Chrestiens, assembla son armée. Puis accompagné de Theodoric Alsarius comte de Flandres, qui pour le quatrieme voyage estoit en la terre sainte, veint pour secourir les Antiochiens. Si poursuyurent tellement le Turc Noradin, que les prisonniers n'agueres nommez, furent deliurez, moyennant grande somme d'argent.

*Les princes prisonniers réduiz à l'ayde du roy de Hierusalem & de Theodoric comte de Flandres.*

¶ L'an suyuant mil cent soixante & huit, ce Turc Noradin desirant adiouster à son royaume le pais d'Egipte, ordonna de rechef vne grosse armée soubz la conduite de son capitaine Siracinus, qui prit son chemin par les desers d'Arabie pour descendre en Egipte. Dōt aduertiy le Soldan d'Egipte Suar ou Souar (comme dict Paulus Æmilii) afin de luy resister, du consentemēt & conseil de son maistre, le Caliphe de Baldac, enuoya prier ledict Amaulry roy de Hierusalem, de luy donner secours, luy promettant fil le faisoit, & qu'il luy veint aider, nouveaulx tributz & pensions. Le roy Amaulry desirant or & argent (comme i'ay dict) veint soubz ceste condition en Egipte, rencōtra l'armée de Siracinus qui estoit accompagné de douze mil hommes, lesquelz par la grace de Dieu furent deffaictz. Si que Siracinus fut forcé se sauuer à la fuite, demeurans victorieux les Chrestiens, qui neantmoins n'estoient plus de qua-

*Noradin de rechef cōtre les Egiptiens.*

*Victoire du roy de Hierusalem cōtre les Turcs.*

# Le iiii. liure des antiquitez de la gaule belgicque

tre mil avec quelque nombre d'Egiptiens impuissans & effeminez. Enquoy se preuuent les faictz de Dieu, & se monitre qu'en sa seule disposition sont les victoires.

*Victoire des chrestiens sur Saladin Turc. Saladin assiegé en Alexandrie.*

¶ Or d'un autre costé y auoit vne autre armée de Chrestiens, conduite par Hugo de Cesarie, qui veint assaillir, vne autre armée de Turcs, conduite par Saladin neveu dudit Siracinus. Ces deux armées festans rencontrées bataillèrent l'une contre l'autre, en sorte que les Chrestiens nonobstant la prise dudit Hugo de Cesarie leur chef, gaignerent la iournée, fut Saladin mis en fuitte, & laissa sur le camp mil cinq cens de ses gens mors, & tuez, sans les blesez, & des Chrestiens seulement cent. Se retira icelluy Saladin fuyant en la cité d'Alexandrie, ou les habitans le receurent, dequoy aduerty le roy Amaulry, veint en diligence assieger Alexandrie de toutes pars, & la teint de si pres par mer & par terre, qu'on n'eust peu sortir d'icelle n'y entrer à son desceu.

*Le roy de Hierusalem auit tribut annuel lx. mil ducatz sur Alexandrie & sur Babilone lviij. mil.*

¶ Quoy voyant Saladin craignant la mutinerie & reuolte des Citoyens, manda secrettement la necessité à son oncle Siracinus, qui estoit retiré autrepart: lequel meit gens en besongne pour traiter la paix avec Amaulry, & le Soldan, qui luy accorderent, à condition qu'il deliureroit ledit Hugo de Cesarie, & autres prisonniers Chrestiens: laisseroit la cité d'Alexandrie en la volonté du roy Amaulry, & se retireroient tous les Turcs en leur pais. Tost apres ledit roy Amaulry ainsi victorieux, restitua ladicte cité d'Alexandrie au Soldan d'Egipte, puis se retira en son royaume. Peu auant son retour, ledit Soldan en recognoissance de ce qu'il auoit remis en ses mains Alexandrie, & pour la recompense des fraiz supportez par ledit roy en son dernier voyage, luy constitua & promet tribut annuel de soixante mil escus ou ducatz Bisanins, à prendre sur ladicte cité d'Alexandrie. Outre cinquante huit mil qu'il auoit ia sur la cité de Babilone (comme dit le supplement de Sigebert, soubz l'an mil cent soixante & huit).

*La mauuaise entreprise des empereur de Grece, & roy de Hierusalem, contre les Egiptiens.*

¶ L'an mil cent soixante & neuf, Emanuel empereur de Constantinople sentant le pais d'Egipte rât riche & fertile, estre occupé par gens imbecilles & effeminez, tomba en enuie de le mettre en l'obeissance de luy & du roy de Hierusalem, vers lequel enuoya à ceste fin embassades solemnelz pour accorder & auiser avec luy ladicte entreprise, Qui fut arrestée & resoluë entre eulx avec promesse de l'un & l'autre costé d'entrer en Egipte, au temps qu'ils presigèrent.

¶ Aucuns historiés ont escript que ce roy Amaulry prenoit excuse & occasion de rompre l'alliance qu'il auoit avec Suar Soldan d'Egipte, disant que ledit Soldan enuoyoit souuent messages à Noradin roy d'Alapie pour auoir son alliance, & le sollicitoit venir en Egipte contre le roy Amaulry, affin de le deliurer & descharger du tribut qu'il luy auoit promis: partant qu'à bonne cause prepara son armée contre ledit Soldan.

*Les cheualiers du temple contredisans à ladicte entreprise.*

¶ Les autres historiographes dient que c'estoit vne fiction & couleur cōtrouuée par le dict Amaulry, parce que ledit Soldan Suar n'enuoya oncques vers icelluy Noradin, sinon quand il fut aduertuy de l'entreprise faicte par les susnommez Amaulry roy de Hierusalem & empereur de Constantinople, pour l'expulser de son pais.

*Le roy Amaulry contre le Soldan d'Egipte.*

¶ Dient d'auantage que ceste entreprise si meschante auoit esté faicte à la suggestion de Gobert, grand maistre hospitalier de Hierusalem: & toutesfois les freres Cheualiers du Temple, n'y voulurent iamais consentir n'y acompaigner icelluy roy Amaulry contre ledit Soldan d'Egipte, remonstrans qu'ilz faisoient conscience, voire que c'estoit contre equité assaillir vn prince & pais leur allié & amy par foy & paction iurée & accordée. Neantmoins & nonobstant ce scrupule, le roy Amaulry sans y auoir esgard, luy uint son entreprise, descendit en Egipte avec grosse armée, prit par force la cité de Peluse, tuant la pluspart des Citoyens: puis dela s'en alla mettre le siege deuant le grand Caire.

*Le Soldan sollicite Noradin de venir à son secours.*

¶ Suar voyant ce faict & d'icelluy bien estonné, enuoya embassadeurs vers Noradin le solliciter de luy donner secours en diligence. Et ce pendant asséuré que le roy Amaulry estoit cupide d'argent luy en enuoya presenter grande somme, affin de leuer le siege

# depuis Hue Capet, iusques à Loys viij. du nō. F. cccxx.

le siege & retourner en son pais. Aucuns escriuent qu'il luy presenta vingt fois cent mil écus, qui estoit autāt que toute l'Egipte en eust peu lors fournir. Les autres dient que ce Soldan faisoit telles menées & promesses, pour attendre le secours du Turc Noradin retarder l'entreprise dudit roy, & soubz vmbre de telz dons, l'amuser & repaistre de parolles.

*Offres du Soldan au roy de Hierusalem.*

¶ Quoy qu'il en soit, le roy Amaulry prit tresbien & receut dudit Suar, cent mil écus, & leuant son siege de deuant le Caire, se mit en voye pour retourner en son royaume, passant en ce faisant pres des encloz ou iardins ou croist le Basme, auquel lieu fut aduertit le secours que Noradin enuoyoit audit Soldan, descendre en Egipte, soubz la conduite de Siracinus, accompagné d'innombrable multitude de Turcz. Si delibera deslors Amaulry les aller rencontrer: mais parce qu'ilz auoient ià passé le Nil, changeant de propos se retira en son royaume.

*Le roy de Hierusalem prêt cent mil ducatz, & s'en retourne en son royaume.*

¶ Quand Siracinus fut en Egipte avec ses gens, il se trouua le plus fort & sans resistance, à raison dequoy, excurant ce qu'il auoit de loque main proposé & proietté en son malin courage, tua traistreusement le Soldan Suar, soubz la foy & honneur duquel il estoit venu en Egipte pour luy donner secours & aide contre le roy de Hierusalem. Delà & ce fait, se retira ledict Siracinus vers le Caliphe plus grand & souuerain seigneur du pais, & luy faisant la reuerence accoustumée, se feir, tant par force que par crainte, instituer Soldan d'Egipte.

*Traison du Turc Siracinus qui par force se feir Soldan d'Egipte.*

¶ Cy est le commencement & origine des miseres, ruines, & calamités des paoures Chrestiens estant en la terre Saincte, procedé & prouenu d'un appetit insatiable & desordonnée cupidité de conquerir le pais d'Egipte. Lequel demeurant en son premier estat, estoit cause de tenir en tranquillité & assurance lesdictz Chrestiens demeurans au royaume de Hierusalem: pource mesmes que dudit pais leur venoit affluence & planté de tous biens, & n'y auoit du costé Austral, personne qui leur peust nuire: mais l'Egipte changeant de maistre & seigneur par le fait mesmes des Chrestiens. Les choses furent bien tournées à leur dommage, perte, & confusion, car ilz eurent de tous costez les turcz fors & puissans aduersaires de la foy Chrestienne.

*La perte de Hierusalem prouint d'auarice.*

¶ Ainsi doncques que i'ay dict, Siracinus occupa le tiltre de Soldan d'Egipte: toutesfois il n'en ioyst longuement, mais mourut incontinent apres, laissant successeur son nepueu Saladin homme superbe, & neantmoins vaillant aux armes, prudent, & liberal: specialement aux gens de guerre. Cestuy tost apres le decés de son oncle, s'en alla vers le Caliphe grand maistre d'Egipte. Estant deuant lequel soubz vmbre de luy faire la reuerence, le tua d'une masse qu'il portoit, ensemble & consequemment, tous ceulx qu'il trouua de son lignaige, soy faisant parce moyen Soldan & Caliphe ensemble, de toute Egipte,

*Saladin turc par traison, Soldan & Caliphe d'Egipte.*

¶ Les roys & princes Chrestiens estans oultre mer, voyans leur estat & condition fort abaissé & diminué, pour auoir de tous costez les Turcz grands ennemis & aduersaires de la foy, dont si ordre & prouision n'y estoit mise, l'ensuyuroit facilement la ruine & destruction de la terre Saincte, teindrēt Concile general entre eulx, & deputerent l'archeuesque de Thirie & l'euesque de Peneaden. pour venir ambassadeurs de leur part vers les princes Chrestiens de deça la mer, & leur faire remonstrances des necessités, telles que dessus i'ay recité.

¶ Ces ambassades veindrent deça, & feirent deuoir vers les princes Chrestiens habitās en Europe: mais ilz eurent d'eulx maigre respōse & petite r'adresse. Au moyē des Scismes & diuisions cy deuant mentionnez, estans lors entre l'eglise Romaine & l'empire. Au moyen dequoy l'archeuesque de Thirie retourna quelque tēps apres d'ou il estoit venu, laissant l'ehan euesque de Peneadē. qui mourut à Paris. Toutesfois le roy Loys enuoya pour le subsidē de la terre Saincte, l'argent qu'il auoit leuē sur tous ses

*Embassadeurs du roy de Hierusalem aux princes Chrestiens, pour auoir secours.*

# Le.iiii. liure des antiquitez de la gaule Belgicque

*L'uesque Richard partit avec les princes de France pour aller en Hierusalem.* subiectz (comme auons dit dessus.) Pour lequel porter furent deputez le comte de Sanferre, & Odo nepueu du duc de Bourgogne. Avec lesquelz Richard Infans nostre esleu de Verdun, entreprit le voyage de Hierusalem, ou il alla tost apres. Et pendant qu'il estoit là qui fut l'an mil cent septante & vn, le surnommé Saladin Soldan d'Egipte, veint avec plus de quarante mil cheualx, tant turcz qu'Egiptiens, enuahir

*Pendant que l'uesque Richard estoit en Hierusalem, Saladin assailit le royaume de Hierusalem.* & assaillir le royaume de Hierusalem: tellement que le roy Amaulry bien esbay & tout estonné, se retira en diligence en la cité d'Ascalonnie, avec seulement deux cens cheualiers. Avec lesquelz disposa son armée du mieulx qu'il peut, de liberé aller rencontrer ses ennemis: mais tirerent d'autre costé, bruslerent les faulxbourgs de la cité de Gosa, prindrent & pillerent tout ce qu'ilz trouuerent, puis s'en retournerent en Egipte avec gros butin.

*La mort de l'uesque Richard estât à Hierusalem.*

¶ Tost apres & en ceste mesme année mil cent septante & vn, lediét Richard surnommé Infans, esleu uesque de Verdun, estât audiét voyage de Hierusalem, mourut l'an huitieme de son election.

## ¶ Quel pape soit au siege apostolicque du temps dudiét Richard uesque de Verdun.

*Alexandre. iij. clxxvi. pape.*



ALEXANDRE troisieme du nom, parauant nommé Rolandus, fut esleu pape l'an mil cent soixâte & vn, aucuns dient mil cēt cinquāte & neuf. Son election fut faicte par douze cardinaulx: Toutefois en faueur de l'empereur Frederic Barberousse, trois autres cardinaulx esleurent vn autre pape appellé Ostauian, qu'ilz nommerent Victor.

*Scisme en l'eglise.*

Parquoy s'engendra deslors Scisme nouueau & plusieurs diuisions entre l'empire & l'eglise Romaine & les princes chrestiens. Parce que lediét Frederic deffendoit l'antipape Ostouian, & deux autres qu'il feist eslire apres le deces dudiét Ostouian, au contempt & hayne dudiét Alexandre, qu'il molesta tellement qu'il fut contrainct venir en France, ou il fut receu, par Loys septieme roy de France. Lediét Alexandre teint illec quelques concilles, ou il excommunia l'empereur & l'antipape: & depuis fut reuocqué à Rome par ses amis. Signamment par les Gaulois Cisalpins qui s'esleuerent contre l'empereur Frederic, pour les grandes tyrannies qu'il auoit faicte audiét pais, auquel en despit & mespris d'icelluy empereur, ces Gaulois construirent & edifierent vne Cité qu'ilz appellerent Alexandrie du nom dudiét pape Alexandre: mais quelque temps apres lediét empereur veint de rechef en Italie, avec grosse & puissante armée, soubz la faueur de laquelle entra par force à Rome: tellemēt que lediét Alexandre pour euiter sa fureur, fut contrainct prendre les habitz de son cuyfinier. Et en cest accoustrement s'enfuir à Venise, ou il demeura incongneu, seruant de iardinier au monastere de nostre Dame de la Charité, iusques à quelque tēps apres qu'il fut recongneu par vn nommé Commodus, lequel le denonça au duc de Venise nommé Sebastian, qui avec la seigneurie dudiét Venise, l'alla recevoir en grand honneur. Dequoy aduerry l'empereur enuoya son filz Otto, avec grosse armée pour le repeter: mais les Venitiens sortirent en armes, veindrēt rencontrer l'armée dudiét empereur: laquelle ilz meirent en fuite, demourant prisonnier son filz Otto, qu'on mena à Venise. Dont l'empereur son pere ayant eu aduertissement, chercha lors par toutes voyes, paix avec le pape, tant pour la deliurance de son filz, qu'affin de reduire l'eglise Chrestienne en bonne vnitē & conformitē. De fait ayant entendu le vouloir du pape surce, veint en personne à Venise, ou il accorda & promeist rendre à l'eglise Romaine tout ce qu'il auoit vsurpé, tant en iurisdiccions que sur ses terres & seigneuries. Puis se prosternant deuant icelluy pape, luy cria mercy publicquement, en l'eglise de sainct Marc: comme auons escript cy dessus en parlant dudiét empereur Barberousse.

*Le pape Alexandre fugnif à Venise vint là en l'office & habit de lardinier.*

*Otto filz de l'empereur prisonnier.*

*L'empereur à Venise.*

¶ Le-



depuis Hue Capet, iusques à Loys viij. du nō. F. cccxxi.

¶ Lediēt pape Alexandre, aduerry de l'homicide & cruaulté commise en la personne du sainct homme Thomas de Cantorbie, enuoya pour en informer Embassadeurs vers le roy Henry d'Angleterre, qui s'en purgea par serment solemnel. Promettant deslors pour luy & ses successeurs roys, recongnostre à iamais les droitz de son royaume d'Angleterre, estre tenuz des papes de Rome. L'an mil cent octante & vn, mourut lediēt pape Alexandre, apres auoir tenu le siege de Rome vingt & vn an.

*Le roy d'Angleterre fait hommage de son royaume au siege apostolicque*

¶ Qui estoit empereur du temps dudiēt Richard euesque de Verdun.

FREDERIC premier du nom surnommé Barberouffe, fut empereur durant la vie de Richard esleu euesque de Verdun: comme auons diēt au precedent euesque.

*Voyez cy deuant.*

¶ Quel roy regnoit en France audicēt temps de l'euesque Richard.

LOYS septieme du nom surnommé le Piteux, regna en France durant que Richard diēt Infans fut esleu euesque de Verdun: ainsi qu'auons deduit en l'euesque Albero precedent.

*Voyez cy deuant.*

¶ Qui tenoit Lorraine tandis que lediēt esleu Richard presidoit à Verdun.

MATHIEU premier du nom, duquel auons parlé cy dessus en l'euesque Albero, teint le duché de Lorraine du temps dudiēt Richard, esleu euesque de Verdun.

*Voyez cy deuant.*

¶ Quel comte tenoit Bar durant lediēt Richard euesque de Verdun.

**R**AYNALDVS le ieune, frere de Hugues cy deuant mentionné, teint le comté de Bar, tandis que l'esleu Richard presidoit en l'euesché de Verdun, comme auons allegué en l'euesque dernier precedent. Et le teint encores vn an depuis le deces dudiēt Richard, & du commencement du pontificat de son successeur.

*Voyez cy deuant.*

¶ Qui des successeurs des princes de Haynau & d'Emenarde fille de Charles premier duc de Lorraine, estoit comte de Haynau durant lesleu Richard.

BAVLDOVYN troisieme, surnommé l'Edifieur (duquel auons escript en l'euesque Albero) teint Haynau du tēps d'icelluy Richard esleu euesque de Verdun.

*Voyez cy deuant.*


¶ Fin de la vie de Richard troisieme. xlviii.  
Euesque de Verdun.

Le.iiii. liure des antiquitez de la gaule Belgicque

LA VIE D'ARNOUL

quaranteneufieme Euesque  
de Verdun.

*Arnoul de Chiny  
xlix. euesque de  
Verdun.*



*El-Etion des euesques  
difficile à rai-  
son du Scisme.*

ARNOUL filz d'Albert comte de Chiny, selon les antiquitez de l'abbaye d'Oruault, fut esleu euesque de Verdun l'an mil cent septante & deux, vni-  
formément par tout le clergé & peuple de Verdun, apres qu'ilz furent certainement aduertiz du trespas & mort de Richard dict Infans, decedé au voyage de Hierusalem: comme auons recité.

¶ Lors de l'election de cestuy Arnoul, à raison du scisme & dissensions regnans entre l'empire & l'eglise Romaine, les elections des euesques estoient fort difficiles à faire, pource qu'en toutes communaultez estoient aucuns adherens à l'eglise catholique, les autres à l'empereur: notamment es lieux limitrophes, telz que nostre cité de Verdun, Metz, & Toul: tellement que chascun desiroit eslire personne adherant à son parti. Aussi estoit la difficulté grande du costé des esleuz, & prouuez desdictes dignitez, lequelz ou la plus part estoient gens de bien, & sçauans, & qui apres leurs elections estoient en grande perplexité & doute, à laquelle des deux parties ilz adhereroient: car souuent la conscience les tiroit d'un costé, peur & crainte de l'autre. Ce qui donnoit occasion à plusieurs ne soy faire sacrer, ny eulx promouvoir es sainctes ordres de prestrie.

*Arnoul estoit tresortier de l'eglise de Verdun auant son election.*

¶ Or pour couter telles difficultez & doubtes, fut faite election de la personne du dict Arnoul, parauant tresortier de l'eglise de Verdun: pource expressement qu'il estoit de la qualité requise en ce temps, & telle que demandoit le clergé & peuple de Verdun, qui aduiserent estre tresexpediēt de trouuer homme de noblesse, rempli de verus & litterature, comme estoit icelluy Arnoul, qu'on reputoit tresçauant & eloquet & de si sain conseil, que les princes tant de Germanie que de France, vsoient souuent de luy es choses grandes & difficiles: partant auoit amis & faueurs des deux costez.

*L'empereur de Constantinople sollicite le pape de reduire les deux empires en vne monarchie.*

¶ En ceste mesme année mil cent septante & deux, l'empereur Frederic n'agueres lors retourné de son troisieme voyage d'Italie, & estant en Germanie, commença à soy fascher, voire à preindre en desplaisir la longue durée des diuisions & discors d'en tre luy & l'eglise Romaine. Mesmes doubroit encores de plus grands troubles à l'aduenir: car il sçauoit certainement qu'Emanuel empereur de Constantinople, auoit enuoyé desjà deux fois ses ambassadeurs vers le pape Alexandre, luy presenter grosse somme d'argent. Ensemble l'obeissance & vnion de l'eglise de Grece, à celle de Rome, à ce qu'elles ne feussent qu'une: d'auantage luy auoit enuoyé gros nombre de gens pour le deffendre contre l'empereur Frederic, voire luy promettoit assez d'autres choses, pourueu & à condition toutefois que ledict pape Alexandre priuast & deposast totalement de l'empire Germanique occidental, ledict Frederic, & le constituast empereur en sa place, reduisant & ioignant en ce faisant lesdictz deux empires en vne monarchie: comme ilz auoient esté du passé. Chose qui donna beaucoup à penser, & plusieurs sollicitudes audiēt empereur Frederic, & fut cause que par l'aduis & conseil des princes de Germanie, il enuoya vers le pape Alexandre, en ambassade l'euesque de Baubergen, homme de vertu & saincteté qu'il sçauoit estre agreable audiēt pape: pource

*Embassade de l'empereur au pape.*

# depuis Hue Capet, iusques à Loys, viii. du nom. F. ccccxxij.

pource qu'il auoit tousiours tenu pour l'eglise Romaine. Et par cest embassade luy fait presenter paix & appointement, pour ceu que ceulx de Lombardie n'y seroient compris.

¶ Durant ceste legation, l'empereur Frederic à fin d'obtenir plus facilement ce qu'il demandoit audict pape par icelle, se môdera, & n'entreprint plus contre les eglises, ainsi que par auant : dont adueint que plus aysément & à moins de doubte, lon proceda à l'election de nostre euesque Arnoul, qui fut faicte en ce temps. Toutefois il demeura longuement sans soy faire sacrer, portât tousiours ce pendant le nom d'eleu seulement.

¶ Semblablement l'euesché de Metz vacca audict temps par la mort de l'euesque Thierry, filz de l'ancien Raynaldus conte de Bar. Parquoy ceulx de Metz vsans & ioyssans de la facilité dessus recitée, pour les raisons que j'ay dict n'agueres, esleurent paisiblement vn noble & vertueux personnage nommé Frederic de Pluyose, qui cō-

*Frederic de Pluyose  
se euesq de Metz.*

¶ L'an mil cent septante & trois, l'euesque de Baubergense retourna de Rome de son ambassade, sans rien auoir faict : car le pape ne voulut exclure de la paix, les Lombards, pource qu'ilz luy auoient tousiours fauorisé. Blondus dict en son histoire, que l'empereur Frederic demandoit cauteleusement lesdictz Lombards, estre exclus de la paix : à fin que plus facilement il obtient à son intention, qui estoit de vaincre par apres, le pape & les Lombards: Ce qui luy eust esté aysé s'ilz eussent esté desalliez & separez d'ensemble,

¶ Par mesme moyen, ledict empereur Frederic fut aduerti & assure de la responce & refus faict par le pape, à l'empereur de Constantinople, sur la demande qu'il faisoit de reduire les deux empires en vne monarchie. Aquoy ledict pape ne voulut consentir, disant qu'vn tel affaire autrefois accordé par ses predecesseurs, pour plusieurs raisons qui a ce les meurent, ne se deuoit si facilement & sans l'aduis & conseil de plusieurs, accorder, ny terminer par luy seul.

*Le pape ne voulut  
accepter l'offre de  
l'empereur de Cō  
stantinople.*

¶ L'empereur Frederic ioyeux du refus, ainsi fait par le pape à l'empereur de Grece, & au contraire marry & despiré de ce que ledict pape auoit refusé les conditions de la paix qu'il offroit, pr'para nouvelle armée, à fin de retourner pour la quatrieme fois en Italie. De faict passant par le mont de Ciny, descendit en Lombardie, & veint assieger & assaillir Alexandrie, cité nouvellement construite par les Lombards qui l'auoyét ainsi nommée du nô du pape par despit d'iceluy empereur. Ceulx de la cité se defendirent si bié, que l'empereur apres qu'il eut longuement tenu le siege deuant, fut contrainct, par la fascherie de ses gens mesmes soy retirer à Paue, ou il fut aduerti de la rebellion de son propre nepueu Henry duc de Saxonie, qui possible par l'argent qu'il auoit pris des Lombards, ou (comme dict Nauclerus) par despit de son oncle mesme, laissa l'armée de l'empereur, & se mit en chemin pour retourner en son pais remenant avec luy tous ses gens.

*L'empereur estât  
pour la quatrieme  
fois en Italie, as-  
saillit Alexandrie.*

*L'empereur delais-  
sé par le duc de Sa-  
xonie son nepueu.*

¶ Si le fuyuit l'empereur iusques au lac de Cumanne, ou l'ayant attainct, le pria instamment, voire en grâde humilité, de ne l'abandonner en sa necessité. Et pource que ledict Henry luy fait possible d'entrée quelque mauuais visaige, il voulut mettre les genoulx en terre, afin de le faire condescendre à sa priere, & luy amollir le cuer: mais le duc son nepueu ne le permit. Combien qu'vn de ses officiers nommé Iourdain, luy dist haultement, Monseigneur permettez que la couronne Imperiale se demette iusques à voz piedz, car bien tost elle viendra iusques à vostre teste.

# Le iiii. liure des antiquitez de la gaule belgicque

*L'empereur retour  
nâ en son pais en  
habut de seruiteur*

*Henry de Saxo-  
nie prié deses sei-  
gneuries.*

*La mort de Ray-  
naldus deuxieme  
comte de Bar au-  
quel succeda son  
filz Henry.*

*Agnes comtesse  
de Bar, refusée du  
vicôre de Verdū  
quelle demandoit  
pour son filz.*

*L'entreprise de la  
comtesse Agnes  
& de son filz cō-  
tre l'eglise de Ver-  
dun.*

*Agnes comtesse  
de Bar, & son filz  
Henry excōmuniez  
en vertu des indul-  
tes apostoliques dō-  
nez à l'eglise de  
Verdun.*

*Theodoric filz de  
Mathieu premier  
du nō duc de Lor-  
raine euesque de  
Metz.*

¶ Quand l'empereur veid qu'il ne pouoit retenir sondict nepueu pour quelques prieres qu'il luy feist, il laissa & abandonna secretement tout son exercite, & en grand labour, trauail & danger de sa personne passant le mont de Iouis à l'aide d'aucuns Tauriciens & Nouariens, feist tant qu'il veint en habit dissimulé au pais de Bourgogne, ou comme seruiteur gaigna argent à penser les cheuaults. Combien que ledict pais luy appartint par succession du comte Raynaldus pere de sa femme, mais il craignoit le duc Bertoldus qui l'auoit dechassé, quelque temps parauant de la principaulté d'Arles, luy faissant seulement la Vvourie de trois eueschez, assauoir, Laufanne, Geneue & Sedunenfe. De là se retira l'empereur en son pais d'Almagne. Puis quelque temps apres priua sondict nepueu Henry duc de Saxonie, de toutes les seigneuries qu'il auoit soubz l'empire, que ledict Frederic donna à autres princes, contraignant d'auantaige ledict Henry de Saxonie, se retirer en Normâdie vers le Royd'Agleterre son beau pere: avec lequel il fut long temps.

¶ Ceste mesme année mil cent septante trois, le ieune Rainaldus deuxieme du nom comte de Bar, mourut, laissant son seul filz Henry heritier audict comté, auquel neau moins il cōmanda & ordonna d'estre obeissant à sa mere Agnes laquelle voulut auoir l'administration dudict comté sa vie durant, pource qu'elle estoit dame de grande autorité & seur de la Roine de France. Ceste comtesse Agnes administrant ledict comté de Bar, desirant faire le profit de sondict filz Henry, enuoya tost apres le deces de son mary, vers Arnoul eleu euesque de Verdun, le prier & requerir de bailler à sondict filz Henry l'exercice & administration du comté de Verdun, & ce faissant l'instituer Vicomte de son euesché, comme aucuns de ses predecesseurs l'auoient esté. Dequoy ledict Arnoul homme fort prudent & magnanime feist refus, apres la remontrance que luy feirent ceulx du clergé & de son eglise, reduisans en memoire & souuenance les grands maux & violences que ses predecesseurs comtes de Bar, auoient faictz à son euesché, terres de chapitre & aux eglises d'icelle du temps des euesques, Henry Vrsio, & Albero. Pour ces causes l'euesque Arnoul disposa du comté de Verdun à son plaisir, s'uyuant la confirmation du priuilege que son predecesseur Albert auoit obtenu de l'empereur Frederic lors encores regnant.

¶ De ce refus, la comtesse Agnes fort indignée conceut en ellemesme grande hayne contre ledict euesque Arnoul & les chanoines de son eglise, auquelz de là en auant ne cessa de pourluiuere & faire maux & dommaiges tant qu'elle peut, induisant sondict filz Henry & tous ses subietz & alliez d'entreprendre par guerre, voyes d'hostilité & inimitiez sur les hommes terres & seigneuries de l'eglise de Verdun. Enquoy ilz luy obeirent de sorte qu'il y eut plusieurs villaiges & eglises bruslez: mesmes furent les hommes totalement destruitz: neant moins nostre euesque Arnoul homme courageux & vertueux leur resista tousiours de toute sa puissance, procedant contre eulx par censures ecclesiasticques & apostolicques, publiant & declarant ladicte comtesse Agnes son filz Henry & ses adherans excommuniez d'autorité apostolicque, en vertu & s'uyuant les indultz donnez & ottroyez à son eglise de Verdū par les papes Gregoire septieme, Nicolas deuxieme, Honori<sup>o</sup> deuxieme, Leon & c. & plusieurs autres, contre les persecuteurs, oppresseurs, & vsurpateurs des biens de l'eglise dudict Verdū: par lesquels indultz est donnée puissance aux euesques de Verdun, de declarer excōmuniez d'autorité apostolicque telz forfaitteurs & violateurs, & de les absouldre apres la satisfaction faicte. Or non obstans ces excommunimens ainsi fulminez par nostredict euesque Arnoul, ses ennemis n'en faisans cas ne cesserent de le molester cōme parauant, qui fut cause que les dissentions & discors d'entre eulx durerent longement & quasi iusques en l'an mil cent octantesept, comme dirons cy apres.

¶ L'an mil cent septante quatre vacant l'euesché de Metz, Theodoric quatrieme du nom, filz de Mathieu premier du nō duc de Lorraine, l'obteint & en fut pourueu & eleu euesque par la faueur de l'empereur Frederic, qui estoit son ayeul du costé mater  
nel

# depuis Hue Capet, iusques à Loys, viii. du nom. F. cccxiiij

nel. Le iour de sa reception & qu'il fut intronizé audiect euesché, son pere Mathieu duc de Lorraine, à fin d'estre participant des prieres qui se feroient par apres en l'eglise de saint Estienne dudiect Metz, donna à icelle eglise, & fait donation solennelle sur le maistre aultel d'icelle, du chasteau de Sirkes à luy appartenât. Aussi remerci es mains de son filz nouveau euesque, la Vvourie d'Espinal, que le bon euesque Estienne luy auoit iadis baillé pour les causes, & comme auons dict cy deuant.

*Donations du duc Mathieu à l'eglise de Metz:*

*Quelz biens l'euesque Theodorice fist à son eglise de Metz:*

*L'euesque Theodorice inquieté en son euesché.*

¶ Ce Thierry euesque de Metz prit le comte de Sallesuarne, au chasteau de Luxembourg, recourât sur luy, pour son eglise & ses successeurs euesques vne tour que lediect comte auoit vsurpé sur ladiect eglise. Il fait plusieurs aultres grands biens, & en eust fait dauantaige s'il eust longuement vesçu, mais la mort le preuint si qu'il ne fut euesque que six ans. Peu auant la fin de ses iours, le pape Alexandre l'inquieta en son euesché, en desdain & haine de l'empereur Frederic son ayeul, qui luy auoit fauorisé, combien que lors de telle inquietation la paix feust desia accordée entre iceulx pape & empereur, neantmoins lediect pape pretendoit adnuller son electiō, parce qu'il la disoit auoir esté faite dedans les ordres mineurs & auant que lediect Thierry feust in sacris. Durant ceste contention mourut icelluy Thierry dont fut grande perte.

¶ L'an mil cent septantefix Mathieu duc & marquis de Lorraine premier du nom, apres auoir fait plusieurs fondations es eglises de Lorraine, alla de vie à trespas, laissant en vie la femme fille de l'empereur Frederic nommée Heluyd selon l'historien de Lorraine: Simphoriā toutefois l'appelle Berthe, laquelle demeura quelque temps en viduité faisant sa continuelle residence en vn chasteau situé pres du neuf Chastel en Lorraine, ou y auoit vn prioré auquel fait plusieurs belles fondations icelluy Mathieu, qui semblablement laissa plusieurs enfans comme nous escriuons cy apres.

*La mort de Mathieu duc de Lorraine.*

*Des enfans du duc Mathieu.*

*Symon ij. du nom succeda en duché de Lorraine.*

¶ Symon son filz ainsné succeda au duché de Lorraine apres son pere l'an mil cent septantefix. Cestui estoit homme tresvertueux, modeste & prudent, grand zelateur de l'honneur de Dieu & de l'eglise. Durant le temps de quarante quatre ans qu'il teint lediect duché, il fait plusieurs fondations es eglises, confirmant ce que son pere auoit fait, voire l'augmentant de nouveau. A fin de congnoistre aucuns de ses glorieux faitz, & le bon zele qu'il auoit à Dieu & l'eglise, ie transcriray icy quelzques clauses extractées de certaines lettres & Chartres d'une fondation qu'il feist en l'abbaye de beau Pré en Lorraine, par lesquelles clauses on congnoistra principalement le temps de la mort de son diect pere & l'année premiere de son regne. Lesdictes lettres commencent ainsi.

¶ SYMON, DEI GRATIA LOTHORINGIÆ DVX, & Marchio, fidelibus vniuersis &c. Sancta mater ecclesia cum sit periclitantibus portus salutis & porta vite que super petram tam firmiter est edificata vt porta inferi non possint aduersus eam preualere: Ipsa à fidelibus &c. Puis apres quelque narration s'ensuit. EG O igitur, symon, Dux, ducis Lothoringiæ Mathei &c. Et peu apres Quippe cū esse debeam pro posse meo deffensor ecclesiarum, pauperum recreator, protector orphanorum & viduarum consolator, vt ipsi non tantum pro me sed etiam pro anima patris mei possint apud misericordem iudicem intercedere &c. Puis s'ensuit. Anno enim ab Incarnatione mil. clxxv. indictione vigesima, tertio idus Maij, die videlicet Ascensionis, pater meus Lothoringia dux & Marchio Matheus viam vniuersæ carnis ingressus vale fecit seculo & sollicitudinibus eius, & me multis curarum nexibus irretitum dereliquit. Quocirca ratio dicit vt ad ecclesiastica suffragia confugiam & per orationes sanctorum michi postulem à deo patrocinium. Est ergo in presentia sacri cisterciens. ordinis abbatis que vocatur Bellum patrum quam pater meus & mater mea pro deuotionis obsequio colere consueuerunt, pro honestate & religiosa conuersatione virorum illustrium habitantium in ea: Ego autem &c. Et puis apres auoir narré les priuileges donnez par son pere, confirmez & augmentez par luy, s'ensuit. Qua propter vt ego sim de cetero frater cōscriptus & particeps omnium beneficiorum Belli prati, habeamque in vita & in morte quantum vobis de filijs ipsius ecclesie professis, presens priuilegium &c. Et vn peu apres s'ensuit encores.

*Fondatiōs du duc Symon à beau Pré*

*Hoc*

# Le iiii. liure des antiquitez de la gaule belgicque

*Hoc addito quod feudati mei si quid dare voluerint in elemosinam de feudis suis, unde seruitium meum nec reddens constructi decrescant, & illi liberam habeant potestatem dandi, & ecclesia recipiendi ac possidendi à modo & in sempiternum. Testes Robertus patruus meus Theodoricus de Romanis. Drogo de Nacey. Constantinus de Fontaneto, Simon Senescallus, frater eius &c. Actum anno milleno clxxvi. apud Gondrenillam ducatus Simonis ducis & Marchionis.*

At 1179

*Coronement du Roy Philippe surnomé Dieu donné*

¶ L'an mil cent septentesept ou environ, Philippe deuxieme du nom surnommé Dieu donné, viuant encores son pere Loys dieu le pitieux fut de l'ordonnance de son dieu pere coroné à Reims, n'ayant encores que quatorze ans, & le sacra son oncle Guillaume archeuesque dudit Reims. Ce Philippe eut tresbon comencement, en toute prudence & vertus, ayant & craignant Dieu comme bien le monstra par l'effect de trois choses dignes de louable memoire qu'il feist tost apres son coronement.

*Blasphemes deffendus en France.*

¶ La premiere fut, qu'il deffendit les blasphemés en son Royaume, punissant aigrement & sans grace les blaphemateurs de quelque estat qu'ilz feussent, voire princes, nobles, prestres ou aultres de basse condition.

1180

*Expulsio des iuifz hors de France.*

¶ La seconde, que incontinent apres son coronement il feist chasser les iuifz hors de son Royaume, pource qu'il auoit ouy reciter aux ieunes enfans nourriz avec luy que lesdictz iuifz tous les ans le iour du Vendredi saint, tormentoient & crucifioient en despit de Iesuchrist vn ieune enfant chrestien, & luy faisoient tous telz opprobres, contumelies & molestes que leurs progeniteurs feirent iadis à Iesuchrist. Dequoy ledict Roy feist faire information, par laquelle trouua ce estre vray, & que plusieurs fois iceulx iuifz auoient fait le semblable, mesmes à Paris en la personne d'un ieune enfant nommé Richard qu'ilz auoient martirisé en la sorte & fait mourir cruellement, le corps duquel enfant Richard, estoit & est encores en l'eglise de saint Innocent audit Paris, ou nostre seigneur, pour les merites de son martire a fait maintz beaulx miracles.

*Saint Richard martirisé à Paris par les iuifz*

*Guillaume ieune enfant Martirisé par les iuifz*

¶ Notamment & de fresche memoire, en ceste mesme année mil cent septantesept (comme recite le supplement de Sigebert) vn autre ieune enfant chrestien nommé Guillaume, fut martirisé par lesdictz iuifz, la nuit du iour de la Cene de nostre seigneur, pour lequel fait furent tous les coupables & conuaincuz, bruslez & mis au feu.

¶ Plus, vn fait semblable adueint ladicte mesme année en la ville de Pons en Xaintonge, en la personne d'un ieune chrestien nommé Jean de Vendosme, le corps duquel est conserué en chair & os, en vn hospital qui est es faulxbourgs d'icelle ville de Pons.

¶ Tout lesquelz cas & faitz enormes, furent cause de l'iclectio & expulsion desdictz iuifz hors du Royaume, & que leurs sinagogues furent erigées en belles eglises en l'honneur de Dieu.

*Heresies des Vauldoys confondues & reprouuées*

¶ Le troisieme acte & fait memorable dudit Roy Philippe, fut qu'il meist en besogne & assemblée plusieurs gens scauans & reputez bien viuans & entenduz es saintes & sacrées escritures, pour destruire & extirper les sectes & opinions dammées d'aucuns hereticques qui commençoient à pululer en son Royaume, comme des Vauldois, autrement dictz les poures de Lyon, ainsi denommez du nom de leur auteur, bourgeois de Lyon nommé Valdo, qui tenoit obstinément plusieurs articles & opinions, semblables à ces hereticques nouueaulx & luteriens qui sont à present, desquelz, ces Vauldoys furent condempnez deslors par le siege apostolicque à la diligence dudit Roy Philippe comme on peut veoir par *Æneas Siluius* au chapitre trantecinq. intitulé *De Origine Bohemorum*.

*Articles des Vauldoys semblables à ceulx des hereticques du iourdhuy.*

¶ Ces opinions reprouuées, que soustenoient ces anciens hereticques, qui sont celles mesmes de ceulx de nostre temps present, estoient. Que le pape, n'a nō plus de iurisdiction ou puissance qu'un autre prestre. Qu'il n'ya point de Purgatoire. Qu'il ne fault prier pour les trespassez. Qu'il fault oster les ymages & effigies des saintz. Qu'il fault destruire & exterminer les ordres medians. Que les prestres doyent estre pures, & demander pour Dieu. Qu'il ne fault vser de confirmation d'extreme onction, d'eaue

# depuis Hue Capet, iusques à Loys viij. du nō. F. cccxxiiij.

d'eau beneite, ny d'autres choses beneites par les euesques. Qu'il fault oster la cōfession auriculaire. Qu'il ne fault prier les sainctz, ny auoir eglises. Brief, plusieurs autres folles & damnables opinions & articles plus amplement declarez au lieu & chapitre u'agueres allegué.

¶ Semblablement ledict Ppilippe feit destruire & exterminer aultres heretiques nō mez Albigcoys qui condamnoient le baptesme, mettoient deux Dieux, l'un bon, l'autre mauuais, disoient les ames estre transportées d'un corps en autre. Se mocquoient du sainct sacrement de l'autel. Somme, tenoient & mettoient en auant plusieurs autres folles opinions qui gasterent & infecterent plusieurs gens, mesmes & entre autres Raymond comte de Tholouse cousin dudit Roy Philippe, & le comte de Besiers furent trouuez coupables desdictes heresies d'iceulx Albigcois. Au moiē de quoy ledict Roy leur feit guerre afin de leur faire confesser la verité, & delaisser telles resueries miserables & n'eust esté la grande resistāce que ledict Roy Philippe, y meit, toute la chrestienté estoit en danger d'estre infectée desdictz erreurs & heresies qui ià estoient vollées & paruenues iusques en Flandres, & eussent passé plus oultre, si Philippe comte de Flandres n'y eust pourueu. Mais en ce mesme temps il feit brusler plusieurs desdictz hereticques, & chassa les Iuifz de son pais.

*Heresies des Albigcoys.*

*Les iuifz chassés de Flandres.*

¶ L'an mil cent septentehuit, le venerable Cono abbé de sainct Venne apres plusieurs oeuvres vertueuses & exemplaire de saincte vie en l'estat de religiō, ensemble au tres grands biens donnez & acquestez pour la decoration de l'honneur de Dieu & de son eglise, tant en chasses, fierres, calices, reliquaires d'or & d'argent, en tapisseries, liures, ornemens, propres & duifans au sainct seruice diuin, rendit son esprit à Dieu. Son corps fut inhumé honorablement en son monastere. Apres sa mort les religieux dudit monastere, yniformement & sans contradiction eleurent abbé vn bō & sainct homme d'entre eulx nommé Richerus, qui auoit longuement vescu audict monastere en toute discipline & obeissance de religion. Mais pource qu'il estoit simple & trop plus addonné à contemplation qu'à l'exercice des choses mōdaines, refusa plusieurs fois la charge de l'abbaye, tellement qu'il fut pres d'un an entier sans prendre la benediction comme est de coustume, & selon l'ordonnance de l'eglise. Finablement pource qu'il se voioit iournellement poursuiuy par l'euesque Arnoul de recevoir ladicte benedictiō, & luy remonstroit & enhortoit faire son deuoir & exercer son office en telle charge, comme il estoit tenu par dispositiō de droit: Vn iour entre aultres que ses religieux estoient assemblez capitulairement, il reconça à son election & abbaye tout à plat, declarant qu'il estoit impotent, non habile de porter les labeurs & charge de l'administration d'icelle abbaye. A raison de quoy lesdictz religieux quelque tēps apres procederēt à nouvelle electiō, leurēt pour leur abbé vn autre d'entre eulx nōmé Pierre de Brie, natif de Barrois, bon personaige, vertueux, & d'honneste cōuersation, lequel accepta ladicte election, choisissant certain iour pour prendre la possessiō de l'abbaye & y estre intronizé par les religieux d'icelle. De quoy aduertit l'euesque Arnoul, congnoissant ledict de Brie estre natif de Barrois, partant subiect au cōte de Bar, & craignant par ce moyen qu'il deust tenir les parties dudit cōte, lors malueillāt & ennemy de l'euesché de Verdun, & que pour ces causes son eglise reçeust par apres quelzques dommaiges & fascheries, icelluy euesque se trāsporta en l'abbaye de sainct Venne avec grand nombre de ses gēs, soubz vmbre desquelz ainsi qu'on vouloit mettre en possession ledict de Brie, il s'opposa, voire empescha violemment ladicte prise de possession, allegāt ledict de Brie estre subiect au comre de Bar, ennemy & persecuteur de l'eglise de Verdun. Partant deuoir estre priué & reiecté de la dignité d'abbé audict sainct Venne.

*La mort de Cono abbé de saint Vène ne a Verdun.*

*Richerus eleu abbé de saint Vène*

*L'abbé Richerus reconce à l'abbaye de saint Venne.*

*Pierre de Brie eleu abbé dudit S. Vène apres Richerus.*

*Pierre de Brie eleu abbé de S. Vène empesché par l'euesque pource qu'il estoit natif de Barrois.*

¶ Ledit Pierre de Brye eleu abbé dudit sainct Venne homme pacifique & de bonne vie, se voyant ainsi d'entrée rebouté par l'euesque Arnoul, ceda & quicta facilement & volontiers à son election. Aussi ne desiroit il chose de grāde administratiō comme il le monstra depuis clairement & à veue d'oeil, lors qu'apres auoir esté reiecté de l'abbaye de sainct Vène, & ayant esté eleu abbé de sainct Pierre au Mont, pout ses vertuz & bonnes meurs, tost apres son election desirāt seruir à Dieu au repos de sa consciēce, renonça

*Pierre de Brye eleu abbé de S. Pierre au Mont reconce à ladicte abbaye.*

# Le.iiii. liure des antiquitez de la gaule Belgique

renonça à icelle abbaye de saint Pierre au Mont, l'ayant administré quelque brief temps, & retourna à son premier estat, & au monastere de saint Venne ou il vesquit saintement iusques à sa mort.

*Alescan<sup>o</sup> le ieune  
eleu abbé de saint  
Venne.*

¶ Apres l'iection & refus d'icelluy Pierre de Brie, les religieux dudit saint Venne eleurent abbé vn autre de leurs confreres nommé Alescanus le ieune, à la difference d'un autre religieux estant audict monastere, aussi appellé Alescanus l'anciē. Mais tost apres cestuy Alescanus le ieune mourut, & fut son corps inhumé pres de l'huis de la chapelle saint Christoffe. Parquoy de rechef en l'année mil cent septenteneuf, iceulx religieux eleurent abbé l'autre Alescanus surnommé l'ancien, qui n'estoit de moindre vertu & sainteté de vie que son predecesseur. Cestuy fut installé & beneit audict monastere, qu'il administra enuiron cinq ans, comme dirons cy apres.

*Alescanus le vieil  
eleu abbé de saint  
Venne.*

*Decret du pape  
Alexandre de ne  
paier dixmes que  
aux gens d'eglise.*

¶ L'an mil cent septenteneuf la paix estant accordée entre le pape Alexandre & l'empeur Frederic, & ayant pris fin à Venise le scisme qui fut longuement, & plus que tous les autres, auoit duré en l'eglise (comme auons dict) Ledit pape Alexandre teint vn concile à saint Iean de Latran à Rome, ou il ordonna plusieurs constitutiōs & decretz pour la reformation & vtilité de l'eglise vniuerselle. Et entre autres decretz, feit cestuy, par lequel fut deslors du tout prohibé & deffendu aux gens lays de prédre ne receuoir les dixmes deües & reseruées par droit diuin aux ministres de l'eglise, cōme estans choses spirituelles, combien qu' auparauant eust esté avec eulx dispensé & permis aulcunement en pouoir vser & ioyr pour quelque temps. A cause mesmemēt d'une aide & secours que feirent les princes & gens nobles seculiers, à la chrestienté du temps de Charles Martel. Ainsi depuis ledict concile de saint Iean de Latran n'a esté & n'est permis tenir dixmes sinō aux ecclesiastiques, n'estoit par anciēne infeudatiō.

*Henry comte de  
Bar, ayant regret  
d'auoir molesté  
l'eglise de Verdun.*

¶ Durant ce mesme temps, venoient iournellement nouvelles des parties d'Asie en la chrestienté, des oppressiōs & calamités que souffroient les pures chrestiens en la terre sainte, dont les princes chrestiens habitans en Europe auoient grand desplaisir & ennuy qui les incitoient à leur donner secours: Entre autres Henry comte de Bar, delibera entreprendre le voyage de Hierusalem si tost qu'il en troueroit l'opportunité. A quoy faire, outre le desir d'ayder à la terre sainte, le mouuoit semblablement le desplaisir qu'il nourrissoit en luy pour les grands maulx, dommaiges & violēces qu'il auoit infligé & pourchassé à l'eglise de Verdun par l'instigation de sa mere Agnes. Vers laquelle sollicité d'un remord de conscience, se retira tost apres, luy declarant son intention quant au voyage de Hierusalem, puis son vouloir qu'il auoit d'estre absoulz es censures & excommunimens.

*Agnes comtesse  
de Bar & son filz  
Henry acorderēt  
des dommaiges  
faictz à l'eglise de  
Verdun.*

¶ Sadiete mere voulut bien accorder à ce, au moien dequoy elle & luy cediēt an mil cent septanteneuf veindrent ensemble en grande humilité vers nostre euesque Arnoul pour satisfaire aux offenses & meffaiēt par eulx perpetrez, consequenment obtenir de luy absolution des censures esquelles à raison de leurs oppressiōs ilz estoēt encouruz. Le lieu de leur assemblée fut assigné au cloistre de ladiete eglise de Verdun, ou en presence de plusieurs grands seigneurs & personaiges, accorderent à conditiō que la comtesse Agnes & son filz Henry assigneroient annuellement & perpetuellement la somme de quarante solz à prendre & perceuoir par les chanoines de l'eglise de Verdun chascun an sur le reuenu & domaine du comté de Bar. Ce que lesdictz Agnes & Henry accorderent & promirent: partant furent absoulz des censures, & demurerent quittes des oultraiges faictz à l'euesque & euesché de Verdun, accordās & consentans toutesfois lesdictes Agnes & Henry que ou y auroit faulte de paiemēt desdictz quarante solz, ainsi promis, au iour conuenu entre eulx en ce cas, ledict iour escheu, ilz seroient de rechef excommuniez & retourneroient esdictes censures comme parauant. Parce moien estans ainsi reconciliez ensemble, furent de ce passées lettres autentiquement soubz les seaulx d'iceulx. Suiuant lesquelles lettres le payement de ladiete rente de quarante solz à tousiours depuis esté continué & se prend encores de p̄sent sur le receueur de Souilliers preuosté de Bar, ou sur Reuigny aux Vaches.

¶ A fin



# depuis Hue Capet iusques à Loys.viii.du nom.F.cccxxv

¶ A fin qu'on puisse miculx congnoistre les causes dudit accord & appoinctement, i'ay inferé icy le cōtenu des lettres sur ce passées, qui sont encores de present es arches du chapitre de de Verdun, commençantes ainssi.

¶ *NOTVM* sit omnibus tam futuris quam presentibus. Quod ego Agnes comitissa Barrensis, & Henricus comes filius meus de perpetratis damnis & ecclesiarum incendiis, quæ nos & homines nostri ecclesie Viridunensi & præbende fratrum intulerimus, penitentes & corde contrito & spiritu humiliante super his absolutionem petentes, pro restauratione fratribus quadraginta solidos super allodiū Barri singulis annis constituimus, ut villicus banni vel alius qui iusticias vel redditus eiusdem banni sub trecensu tenuerit, in Purificatione sine dilatione fratribus persoluat. Et sic absoluti à sententia excommunicationis fuimus, ea conditōne, ut si prefata pecunia fratribus die statuta soluta non fuerit, iterum ex concessione nostra usque dum soluta fuerit excommunicationis sententia subiaceamus. Ut autem hoc ratum & inconuulsum permaneat, sigillorum impressione firmauimus. Actum in claustrō Viridunensi in presentia domini Arnulphi electi, presentibus testibus quorum nomina subscripsimus, Iacobus de Auenna, Gobertus de Asperomonte, Sauaricus de Beloein, Ioffridus, Philippus, Balduinus, Gilibertus, Rigalinus Barrensis, Theodoricus de Mouffons, Reginaldus Sembardus, Hugo de Renes, Vricus de Hathonis castro, Varnerius de Sempignaco, Valterus de Miruault, Euardus de Orna, Albertus de Claromonte, Segardus, Lietardus, Bocharus, Otho, Theodoricus, Ioscelinus, Villemus, Dat. Mense Iunio. xv. die eiusdem mensis.

Lettres de l'appoinctement de la cōtesse Agnes de Bar & de Henry son filz avec l'egli se de Verdun.

¶ Apres ce fait le comte Henry & sa mere tresioyeux d'auoit si bien besongné avec le clergé de Verdun, entreteindrēt de là en auant bonne paix & dilection avec icelluy clergé, & tellement qu'apres ladiete composition ledict comte Henry se preparoit iournellement de plus en plus pour parfaire le voyage de Hierusalem qu'il auoit entrepris en son couraige.

Henry de Bar se prepare au voyage de Hierusalem.

¶ Lan mil cent octante, le roy Philippe Dieudonné combien qu'il feust ieune d'aage, toutefois par le cōseil de son pere qui viuoit encores, prit à femme & espouse, Yzabelle fille de Bauldouin.iiii.du nom, cōte de Haynau, & niepce de Philippe comte de Flandres à cause de Margarite sa seur femme dudit Bauldouin cōte de Haynau. Par le traicté de mariage d'icelle Yzabelle, le comte de Flandres son oncle luy donna en douaire le comté d'Artois, ensemble tout le pays du long de la riuere du Liz, dont depuis s'engendrerent & esmeurent plusieurs debatz & dissentions au pays de Flandres, qui en fut fort diminué. Ledit comte de Flandres feit icelle donation pour ce qu'il n'auoit enfans ny freres pour luy succeder fors la cōtesse Marguerite sa seur mere d'icelle Yzabelle.

Philippe dieudonné roy de France espouse Ysabelle de Haynaud.

Le côté d'Artois donné en mariage à ladiete Ysabelle

¶ De ce mariage & alliance furent fort ioyeux les Frāçoys: Car il leur sembloit (aussi la verité estoit telle) que le royaume de Frāce retourneroit au sang de Charlemagne, par ce que ladiete Ysabelle en estoit descendue ainssi que ie deduiray tout maintenant si apertement qu'on tiendra vray, ce que i'en ay dit au commencement de ce mien quatrieme liure & en la poursuite d'icelluy.

¶ Charles premier duc de Lorraine filz de Loys.iiii.du nom & frere du dernier Lothaire roy de France, tous trois yssus en droicte ligne de Charles le grand, eut de sa premiere femme trois enfans, à sçauoir vn filz nommé Otho, qui succeda au duché de Lorraine, & deux filles, la plus ieune nommée Gerberge, & l'ainnée Emengarde, laquelle fut mariée à Albert comte de Namur qui engendra en elle vn filz, lequel succeda au comté de Namur. Ce filz d'Albert & Emengarde engēdra vn aultre filz nommé Albert, comme son ayeul, duquel descendit encores vn autre filz nommé Godefroy qui succeda au comté de Namur. Tous ceulx cy se disoient du sang de Charlemagne, de par ladiete Emengarde fille de Charles premier duc de Lorraine, qui sans difficulté estoit descendu en ligne directe d'icelluy Charlemagne.

Comme Ysabelle de Haynaud est descēdue de Charlemagne.

Ceulx de Namur yssuz de Charlemagne.

¶ Or le susnommé Godefroy de Namur prit pour femme vne cōtesse de Luxēbourg de laquelle il eut vn filz nommé Héry l'aveugle, & deux filles, dōt l'une appellée Aelis, fut mariée à Bauldouin.iiij.du nom comte de Haynau, qui engendra Bauldouin.iiij.du nom cōte de Haynau, lequel se disoit semblablement du sang d'icelluy Charlemagne à cause de ladiete mere Aelis, consequemment les enfans dudit Bauldouin.iiii. qui

Ceulx de Haynau conioinctz au sang de Charlemagne.

# Le iiii liure des antiquitez de la gaule Belgicque

*Les cōtes de Flādre & Haynau ioinctz ensemble* se maria en ieunesse à Marguerite fille de Theodoric cōte de Flandres de par laquelle il succeda audiēt comté de Flandres apres la mort de Philippe cōte de Flādres filz de Theodoric & frere de ladiēte fēme Marguerite, de laquelle il eut deux enfans, vn filz nōmé Bauldouin qui fut comte de Flandres & Henauld & Empereur de Cōstantinoble, & ladiēte Yfabelle mariée à Philippe diēt Dieudonné, & depuis surnommé Auguste, qui engendra en elle Loys.viii. du nom pere de saint Loys. D'autant donques que ladiēte Yfabelle estoit yssue de la lignée de Charlemagne, cōme à esté déclaré ont peult par ce veoir & congnoistre que les roys de France descenduz d'icelle Yfabelle, comme lesdiēt Loys.viii. saint Loys son filz & ses successeurs roys, ont recouuré le sang de Charlemagne & ont esté reioinctz & reduiz à sa lignée.

*La mort du roy Loys.vii.* ¶ Ladiēte année mil cent octante, Loys.vii. pere de Philippe Auguste roy de France alla de vie à trespas, apres auoir par son testament ordonné tuteur & gouverneur de son diēt filz Philippe roy, le comte de Flandres ausi appelé Philippe, qui n'administra ny exerça longuement ladiēte tutelle & gouvernement de ce ieune roy, obstat

*Dissention entre le roy Philippe & les princes de France.* que tost apres s'esmeurent grosses guerres entre eulx, en sorte que tous les princes tāt de France, Angleterre, Normandie, que Flandres, furent diuiséz pour ce que les vns tenoient le party du Roy, les autres celuy du cōte Philippe son tuteur. A l'occasion & soubz vmbre desquelles dissentions & querelles, plusieurs nobles & gentilz hōmes, entreprirent en diuerses parties du royaume, & vserent de grandes tirannies cōtre les eglises & fondations dicelle, applicquans les rentes & reuenues à leur profit & domaine particulier.

*Entreprises des nobles contre les eglises.* Entre lesquelz estoit vn nōmé Hebur de charēten, qui persecutoit les eglises de Berry, ausi faisoit Imbert de Beauieu entreprenant contre les immunitéz que les roys auoient baillé aux eglises de son pays. Semblablement se feirēt en Chāpagne plusieurs rebellion contre le roy, en l'absence de Hēry cōte de Chāpagne qui estoit au voyage de Hierusalē, & à la defense de la terre sainte, ou il endura beaucoup de maulx & d'auersitez: mesmes durant que les Turcz le teindrent prisonnier, & iusques à ce qu'il fut deliuré par le moyen d'Emanuel empereur de Grece.

*Des enfās de Thiebault cōte de Chāpagne.* ¶ Pendant ce temps Guillaume archeuesque de Reims, Thiebault cōte de Bloys & Estienne cōte de Santerre tous freres, machinerent & feirent coniuuration cōtre le ieune roy Philippe, en faueur du cōte de Flandres, combiē qu'ilz feussent oncles dudiēt ieune roy, freres de sa mere lors vefue du feu roy Loys.vii. & tous enfans du bō Thiebault iadis comte de Champaigne & de Bloys. D'autre part durant ces mesmes dissentions & soubz couleur d'icelles, le comte de Chaalon nepueu dudiēt Henry cōte de Chāpagne, frere des susnommez coniuérateurs, le quel Henry estoit lors en la terre sainte) commença à persecuter les eglises de Champaigne, prenant à cestē fin l'alliāce d'un sien parēt bastard nōmé Albert Pichot lors seigneur du chasteaux de sainte Menchould par la donatiō que iadis luy en auoit fait lediēt comte Thiebault. Ces deux ainsi alliez & assemblez, coururent & assaillirent les terres & seigneuries de l'euesque de Chaalon, entreprenans contre les iurisdiccions de son euesché & s'efforçans de les mettre en l'obeissance dudiēt comte de Chaalon.

*Albert Pichot seigneur de sainte Menchould ennemy de l'eglise de Verdun.* ¶ Or ce bastard Albert voisin de l'euesché de Verdun pour la proximité de son chasteau de sainte Menchould, aux terres & seigneuries dudiēt euesché, desirant augmēter les rentes & reuenues de son diēt chasteau, voulut faire à l'euesque de Verdun, le semblable que son parent le comte de Chaalon auoit fait & faisoit à l'euesque dudiēt Chaalon, esperant par les entreprises qu'il ferait sur lesdiētes terres & seigneuries de l'euesché de Verdun, de les applicquer au profit & domaine de son diēt chasteau. De fait voyāt vn iour son oportunité, entra dedans les terres de l'euesché avec gros nōbre de gens prenant & pillant tout ce qu'il y trouuoit & pouuoit emporter. Brief faisant tout ainsi que iadis il auoit fait soubz l'euesque Albert de Marcy, qui luy resista vaillāment, & si bien qu'il chassa comme auōs diēt. Dont tresbien memoratif nostre euesque Arnoul, voulāt faire le semblable, comme homme vertueux & zelateur en la defense de l'eglise, tel qu'il estoit prit alliāce à l'euesque de Chaalō qui semblablement estoit fort molesté du cōte dudiēt Chaalō & d'icelluy mesme Albert pichot son aliē.

¶ Puis que ie suis tombé au propos dudiēt euesque de Chaalon, j'en diray auant que passer

# depuis Hue Capet iusques à Loys.viii.du nō. F.cccxxvi

passer plus auant ce mot. Nous trouuons que cediect euesque de Chaalon nōmé Guido de Iainuille.iii.du nom entre les euesques dudiect Chaalō, estoit filz de Godefroy deuxieme dunō & frere de Godefroy troisieme du nō barō de Iainuille & seneschal de Champagne. Aussi lifons es cathalogues des euesques de Chaalō qu'il estoit euesque es années mil cent septante six & septante sept, durant lequel tēps il feit grandes aulmosnes au pauure peuple de son diocese, qui endura esdictes années beaucoup de molestes & disettes à l'occasion de la famine lors ayant cours, & prouenāt de la seche resse & sterilité des terres labourables, ce qui se prouue & void par les histoires: Tou refois se trouue esdictz cathalogues de Chaalon quelque diuersité, du temps dudiect Guido, par ce qu'en aucuns lieux on y void que l'euesque Bozo predecesseur dudiect Guido mourut l'an mil cēt octante vn, & es aultres endroiz, que lediect Bozo trespassa l'an mil cent soixante vn, ce qui est le plus vray semblable, attendu que lediect Guido faisoit ses aulmosnes esdictes années mil cent septante six & septante sept. Aussi trou uons nous en noz cathalogues de Verdun, qu'il viuoit en l'an 1181, & qu'il fut en per sonne deuāt sainte Menchould avec nostre euesque Arnoul, comme dirons tantost.

¶ Oultre lifons que lediect Guido apres son retour de deuāt sainte Menchould, en treprit le voyage de Hierusalem, ou il mourut, & fut son corps inhumé en la vallée de Iosaphat avec aultres de ses predecesseurs iusques à deux ou trois, qui auāt leur par tement pour faire lediect voyage faisans conscience de conferer les benefices de leur euesché, cederent les presentations des prebendes dudiect Chaalon à ceulx de chap pitre & plusieurs cures aux Abbez circonuoifins, dont les euesques succeffeurs n'ont gueres eité contens.

*Guido de Iainuil le euesque de Chaalon.*

*Concordance du cathalogue des euesques de Chaalō.*

¶ Dauantage nous trouuons que le succeffeur prochain dudiect Guido de Iainuille, nommé Rotroldus, mourut l'an mil deux cens, ce qui conuient bien à ce que dessus, combien qu'on ne trouue quand il fut proueu audiect euesché.

*Les presentations des prebendes de Chaalon baillées au chappitre du diect lieu.*

¶ Or pour retourner à nostre matiere, ces deux euesques Guido de Chaalon & Arnoul de Verdun, pour obuier aux tirannies dudiect bastard Pichot, assemblerent leurs amys chascun de son costé, tant de la Champagne que du pays de Lorraine, en sorte que grand nombre de princes & gentilz hommes asista avec eulx pour leur defense & secours de leurs eglises & eueschez. Entre aultres estoit Simon duc de Lorraine qui sy trouua en faueur de l'euesque Arnoul. Qui sestant ioinct avec lediect Guido euesque de Chaalon & ceulx qui l'accompaignoient, veindrent ensemblement avec lediect Simon duc de Lorraine, estans tresbien equippez, assaillir lediect bastard Albert dedans son chasteau de sainte Menchould: à l'assault duquel adueint par malencontre & trop mauuaise fortune, que nostre euesque Arnoul fut frappé en la teste d'un coup de trait d'arbaleste iecté par ceulx du chasteau, duquel coup lediect Arnoul receut mort soubdaine & sans partir de la place, dōt tous les asistans furent grandement troublez & marriz, voire si descouragez voyans mort leur principal seigneur, celuy mesmes pour lequel ilz estoient là assemblez, qu'ilz leuerent le siege, prindrent hono rablement son corps, & avec grand dueil & tristesse l'emporterent & remenerent à Verdun, ou il fut reueremment inhumé au milieu de son eglise de Nostre Dame. Sur sondiect corps fut deslors esleué vn tombeau magnifique, qui à esté au milieu de la dicte eglise, long tēps depuis & iusques enuiron l'an mil cinq cēs: En laquelle année pour ce qu'il estoit tout desmolly à force de vicillesse, & empeschoit beaucoup la place, fut rabaislé rez à rez de terre, & en son lieu asise vne tōbe de marbre, sur laquelle est escript l'epitaphe qui sensuit.

*Les euesques de chaalon, & Verdun avec Simon duc de Lorraine deuāt sainte Menchould.*

*L'euesque Arnoul tué deuant sainte menchould.*

*¶ QV IS QV IS es, sta & lacrima, ossa dum cernis Arnulphi,  
Virodunensium presulis vigilantissimi rubentia maesto regi  
Lapide, Hic enim apud sanctam Manehildem, gregis dominici  
Sceleratum hostem Albertum Pichot forti perssequens obsidione.  
Aduersa è propugnaculis sagitta percussus infelici prematuroque.*

*Epitaphe de l'eues que Arnoul.*

*Funere cecidit. Anno millesimo centesimo octuagesimo primo, & decima quarta Augusti.  
Et deffoubz lediect epitaphe est escript. Pugili benemerenti, fratres posuere.*

# Le iiii liure des antiquitez de la gaule Belgicque

¶ QUEL PAPE SEIOT AV SIEGE DE ROME DV  
temps d'icelluy euesque Arnoul.

*Vide supra.*

ALEXANDRE troisieme de ce nom teint le siege de Rome (comme auons  
dict au precedent euesque) tandis que ledict euesque Arnoul presida à l'euesché  
de Verdun: Toutefois il mourut la mesme année du trespas dudiect Arnoul.

¶ QUEL EMPEREVR DVRANT CE MESME  
temps possedoit la couronne imperiale.

*Vide supra.*

FREDERIC surnommé Barberouffe (duquel auons escript en l'euesque Al-  
bert) regna du temps que ledict Arnoul tenoit ledict euesché de Verdun.

¶ QUI REGNOIT EN FRANCE AV  
temps dudiect Arnoul.

*Vide supra.*

**L**OYS septieme (de qui auons fait ample mention en l'euesque Al-  
bero) regnoit & commandoit en France durant le pontificat dudiect  
euesque Arnoul & iusques en l'an mil cent ostante.  
**Philippe** Auguste (duquel j'escriray au long en leuesque pro-  
chain suiuant) filz vniue dudiect Loys septieme, regna  
vn an seulement durant le pontificat dudiect euesque Arnoul.

¶ LES DVCZ DE LORRAINE QUI REGNERENT  
audiect temps d'Arnoul.

*Vide supra.*

*Simon. ii. du nom  
duc de Lorraine.*

**M**ATHIEV premier du nō, teint le duché de Lorraine enuiron qua-  
tre ans, durant ledict euesque Arnoul, & iusques en l'an mil cēt septiēte  
six (comme auons declaré en l'euesque Albero).

**Simon** deuxieme filz de Mathieu premier du nom, duc de Lor-  
raine, commença à regner en Lorraine enuiron l'an mil  
cent septante six, pendant le tēps dudiect euesque Arnoul. Il trouua son pays de Lor-  
raine assez troublé & plein de grands affaires, procedans de ce que durant la vie de  
sondict pere Mathieu, plusieurs querelles estoient esleuées & esmeues entre les prin-  
ces & plus grands seigneurs dudiect pays pour la succession du duché de Mosellanne  
qu'on diuisa lors en diuerses parties, la meilleure desquelles escheut à sondict pere.

*Les Vertus de Si-  
mon. ii. duc de lor-  
raine.*

Cestuy Simon fut prudent, modeste & liberal, aymé de ses subiectz. Il feit de grans  
biens es eglises de son pays. Signamment au monastere de Beaupré en Lorraine ainsi  
qu'auons iadiect cy dessus. Il s'entreteint & vesquit longuement en bonne paix & con-  
corde avec son oncle Robert, eut pour femme Agnes fille de Godefroy comte de Na-  
mur, en laquelle engendra quatre enfans, à sçauoir Raoul, qui fut euesque de Magon  
ce: toutefois par simonie, au moyen dequoy en fut deiecté & destitué, & depuis  
fait euesque de Liege, ou il se gouuerna tresmal, dont adueint qu'il mourut par poy-  
son. Les trois aultres enfans Berthol, Huet & Agnes moururent auāt icelluy Simon.  
Parquoy le duché de Lorraine veint en succession collaterale à son frere Frederic.  
Cediect Simon trespassa l'an mil deux cens sept, apres auoir gouuerné Lorraine tren-  
te vn an. Aucuns ont escript que son corps fut inhumé en l'abbaye de Sturzelbrune  
de Lordre de Cisteaux qu'il auoit fait edifier & fonder.

*Le duc Simō mou-  
rut sans enfans.*

¶ QUEL

# depuis Hue Capet iusques à Loys.viii. du nō. F. cccxxvii

¶ QUEL COMTE TENOIT BAR, TANDIS QUE  
l'euesque Arnoul presidoit à Verdun.

**H**ENRY premier du nom filz de Raymondus. ii. succeda audiēt côté de Bar & es autres seigneuries de son pere, l'an 1173, viuant encores sa mere Agnes, laquelle gouuerna avec luy. Elle & luy, feirent beaucoup de maux en nostre euesché de Verdun, bruslans villages & eglises. A raison dequoy furent excōmuniēz (comme auōs dict en ce meisme present euesque) & depuis absouldz au chapitre de l'eglise de Verdun, en satisfaisant aucunement aux dommaiges & oppressions, qu'ilz auoient fait à l'euesché. Puis lediēt Henry sen alla en l'expedition de Hierusalem enuiron l'an mil cent nonante, fut prisonnier en l'isle de Cypre, peu apres deliuré par l'ayde du roy d'Angleterre, & depuis tué en vne bataille pres Hierusalem, enuiron l'an mil cent nonante trois. Il laissa vn filz nōmé Thiebault qui luy succeda audiēt comté de Bar, viuant encores ladiēt mere Agnes, laquelle suruesquit lediēt Henry son filz iusques en l'an mil deux cēs six, qu'elle deceda de ce siecle, comme auons monsté par les fondatiōs qu'elle feit à Liney en Barrois, desquelles nous auons transcript quelzques clausules en l'epitome de Regnauld. ii. son mary, & ainsi que dirons cy apres en l'euesque Albert. ii. suiuant.

¶ Nous lisons le surnōmé Henry premier du nom côté de Bar auoir eu à fēme Jeanne fille de Robert côté de Dreux, de laquelle eut plusieurs enfans à sçauoir Tiebault qui luy succeda à Bar & trois autres filz, Héry, Regnauld, Thierry. Ensemble deux filles. Sibile, mariée à Henry comte de Salin, & depuis à Loys côté de Chiny, & Marguerite femme de Henry comte de Luxembourg.

*Henry premier du nom côté de Bar.*

*Agnes mere de Henry.*

*Henry mort en la defense de la terre sainte.*

## ¶ QUI DES SVCCESSEURS DES PRINCES de Haynau & d'Emengarde, regnoient en Haynau du temps de nostre euesque Arnoul.

**B**AULDOVIN quatrieme de ce nom surnōmé le Courageux succeda au côté de Haynau par la mort de son pere Bauldouin. iii. qui trespassa enuiron, l'an mil cent septante vn. Cestuy Bauldouin. iiii. des son ieune aage espōusa marguerite fille de Theodoric côté de Flādres & seur de Philippe filz dudiēt Theodoric, qui se voyant sans enfans declara son heritiere en Flandres ladiēt Marguerite sa seur, puis sen alla en Hierusalem l'an mil cent septante sept. Ces deus conioinētz, Bauldouin. iiii. & Marguerite de Flandres eurent trois filz, & vne fille. Le premier fut nōmé Bauldouin. v. qui succeda en Haynau & Flandres. Le ii. Philippe côté de Namur. Le. iii. nommé Henry succeda en l'empire de Constantinople apres son frere Bauldouin. v. La fille nommée Ysabelle (apres le retour de Philippe comte de Flandres son oncle, qui estoit allé oultre mer) fut mariée à Philippe Auguste roy de France. En traitāt lequel mariage lediēt comte de Flandres bailla à ladiēt niece tout le pays d'Artois. Aucūs historiens escriuent qu'il la declara heritiere de Flandres, apres sa mort en frustrant sa mere propre seur dudiēt comte de Flandres, dont aduindrent grosses guerres & querelles apres le trespas dudiēt Philippe comte de Flandres: Car ladiēt marguerite sa seur, & le filz ainsé d'elle, niece dudiēt Philippe pretendoient droit audiēt Comté. D'autre part Philippe Auguste qui auoit vn filz de ladiēt Ysabelle sa femme desia defuncte y pretendoit semblablement droit pour son filz, disant lediēt Philippe comte de Flādres auoir institué heritiere dudiēt comté sa dictē femme Ysabelle, partant Flandres appartenir à son dict filz Loys. viii. Finablement & apres plusieurs dissentions, fut accordé entre eulx que ladiēt Marguerite femme dudiēt Bauldouin. iiii. emporterait le tiltre de Flandres. Toutefois ce fut à la charge qu'elle laisseroit au profit du petit Loys filz dudiēt Philippe Auguste & d'icelle Ysabelle plusieurs beaulx membres

*Bauldouin. iiii. du nom côté de Haynau.*

*Bauldouin. iiii. eut trois filz & vne fille.*

*Ysabelle de Haynau.*

*Dissentions pour la succession de Flandres.*

*Appoinctement de Flandres.*


# Le iiii liure des antiquitez de la gaule Belgicque

d'icelluy comté, duquel par ces moyens l'aisné filz dudit Bauldouin.iiii fut cõte, ensemble de Haynau, ainsi que dirõs cy apres, poursuiuant ce present. iiii. liures, à la fin duquel i'escriray de ladicte Ysabelle, mariée audict Philippe Auguste, & fille deditz Bauldouin.iiii. & de ladicte Marguerite sa femme, lesquelz trespasserẽt, sçauoir ledict Bauldouin, l'an mil cent nonante cinq. Et icelle Marguerite sa femme l'an mil cent nonante quatre, cauiro vn an parauant. Voyes à ceste fin Meyerus.

¶ Fin de la vie d'Arnoul quarante neuueme  
Euesque de Verdun.

## ¶ LA VIE DE HENRY deuxieme, & cinquantieme Euesque de Verdun.

*Henry de Castres  
cinquantieme euesque  
de Verdun.*



**HENRY** deuxieme du nom surnomé de Castres, fut esleu euesque de Verdun l'an 1181 estant archidiaque de saint Lambert de Liege, (comme dient les hittoires d'Oruaulx). Il estoit extrait d'anciẽne noblesse, hõme de tresgrand sçauoir, de telle & si bonne doctrine qu'il estoit des principaulx conseillers de l'empereur Frederic Barberouffe, & celuy entre tous ceulx de son cõseil qui fut plus contraire & aduersaire au Pape, durant le scisme qui dura si loquemõr entre l'eglise Romaine & l'empire, voire qui chercha tousiours toutes les voyes & moyes qu'il peut songer pour entretenir le susdict scisme,

& empescher les accords d'entre ledictz Pape & empereur, ensemble l'vniõ de de l'eglise. Au moyen dequoy le Pape Alexandre (soubz lequel ledict scisme dura pres de dix sept ans) & toute la chãbre apostolicque auoient en grande suspicion & indignation icelluy Henry de Castres, pour sa desobeissance & rebellion qui fut tresgrande & si obstinée que combien qu'il fast de l'estat ecclesiasticque, chanoine & cõstitué en dignité en l'eglise saint Lambert de Liege: toutefois il n'eut iamais reuerence ny amour au siege apostolicque: mais au contraire incitoit & enhorroit de tout son pouuoir ledict empereur de molester & persecuter l'eglise Romaine, qui fut cause que ledict Henry comme l'un des plus rebelles & seditieux, estoit tousiours expressement nomé es publications des excõmuniemẽs, censures & interditz apostolicques prononcez contre ledict empereur & ses adherans. Dont l'augmenta & accreut son obstination & pertinacité, en ce notamment qu'apres les accordz & reconciliation d'entre ledict Pape & empereur, faitz à Venise en l'absence dudit Henry, l'an mil cent septante sept. Il n'en monstra grandement despirẽ, & non obstãr ladicte reconciliation cõtinuea seul en sa sedition & scisme, sans iamais se vouloir rehabiliter ne prendre absolution de l'eglise Romaine, perseuerant tousiours & de plus en plus en son opinion damnable.

*L'obstination de  
Henry de castres  
contre l'eglise Ro  
maine.*

*Henry filz de bar  
berouffe institué  
roy des Romains.*

¶ Ceste mesme année mil cent oõtante vn, l'empereur Frederic nouvellemẽt retourne d'italie en Germanie, celebrã (comme dit Nauclerus) vn grand festin en la cité de Magonce, tant aux princes de Germanie qu'à plusieurs aultres de l'obeissance imperiale venuz la à son mandement. En la presence desquelz il institua & declara son filz Henry (qui fut dict sixieme du nom) roy des Romains pour succeder à l'empire apres luy.

¶ Ordurã ce festin veindrẽt nouvelles de la piteuse mort d'Arnoul euesque de Verdun. A raison dequoy ledict Henry de Castres fut si presumptueux & temeraire que com-

# depuis Hue Capet iusques à Loys.viii.du nō. F.cccxxviii

cōbien qu'il fust encores lié des cēfures apostolicques, & non reabilité ny absould, il poursuiuit neantmoins vers ledict Empereur tellement qu'il escriuit expressement en sa faueur au clergé de Verdun, luy mādant le recepuoir & eslire euesque dudit lieu. Ou peu apres icelluy Héry se retire, & soy confiant en la puissance & autorité dudit Empereur, sans autre obeissance ne reuerence, prit possession dudit euesché.

¶ En ceste dicte année mil cent octante vn, le bon Pape Alexandre.iiij. estant paruenu au.xxii.an de son pōtificat, alla de vie a trespas apres infinitz labours, peines & molestes, par luy soubstenus l'espace de.xvii.ans que le scisme auoit continué en l'eglise & que Dieu luy eut fait ceste grace de suruiure & suppediter trois antipapes esleuz de son temps l'vn apres l'autre, dont le premier fut Octauian. Le second Guido, & le tiers Calixte qui à son despit contempt & hayne furent esleuz par les scismaticques. On ne trouue que trois Papes qui ayent vescu au Papat plus que ledict Alexādre. Le premier desquelz est saint Pierre, qui le teint. xxv.ans. Siluestre premier du nom, en ioyt vint trois ans, & le troisieme Adrian aussi premier de ce nom, semblablement le teint. xxiii.ans. Audiēt Pape Alexādre succeda Hubaudus euesque d'Ostiensē, nōmé à son electiō Lucius.ii. du nom, hōme de tresgrande vertu & de science nō moindre.

¶ Les historiographes tiennent que d'ancienne constume inuiolablement obseruée, apartenoit aux euesques d'Ostiensē de cōsacrer les Papes, & vser du palle. Et que ceste coustume & prerogatiue prit commencement enuiron l'an deux cens soixante six, du temps de saint sixte.ii. Pape, qui fut martirisé avec saint Laurēt son archediacre. Auquel temps le clergé de Rome suadé & induit à ce par Iustinus prebstre, esleut Denys.xxvi. Pape, qui fut sacré par l'euesque d'Ostiensē lors estāt, nōmé Maximius.

¶ Ce mesme an mil cent octante vn, par la mort de Theodoric.iiii. du nō, euesque de Metz, filz de Mathieu premier du nō duc de Lorraine, fut esleu euesque en son lieu, vn nōmé Bertrand natif de Saxonie extraict d'ancienne noblesse dudit pays, personnage treffcauāt es droiz, tant canon que ciuil, & remply de beaucoup de bonnes vertus & meurs louables. Entre plusieurs grans biens qu'il feit à son euesché de Metz: Il racheta beaucoup de terres & seigneuries que ses predecesseurs euesques auoient engagé, cōme la ville d'Arrācy, estant lors es mains du comte de Lēbourg, cōtre lequel il plaida longuement en la court de l'empereur Frederic Barberouffe. Il edifia le chasteau de Vy, acquesta le chasteau de Bacourt, prit par force, puis ruina vn chasteau pres Salebourg qui iournellement portoit grand dommage à son euesché. Tout son temps fut grand zelateur d'exercer bonne iustice, & pour deffendre verité endura maintz maulx de l'empereur Frederic. Il poursuiuit la deposition & destitution de Henry nostre present euesque de Verdun, comme dirons en l'ordre du temps.

¶ L'an mil cent octante deux, Philippe Auguste ieune & nouveau roy en France, cōmença à emouuoir guerre contre son tuteur Philippe cōte de Flādres, prenant occasion & couleur sur ce qu'en ceste mesme année Leonor femme du cōte de Beaumōt sur Oyse, & seur d'Elizabeth femme dudit cōte de Flādres, reperoit & quereloit cōtre icelluy cōte, le cōte de Vermādoys qu'elle disoit luy estre escheu par le trespas d'icelle Elizabeth seur de ladicte Leonor, decedée sans enfans ce mesme an. Et pour ce qu'elle n'estoit assez puissante & forte à faire le recouuement dudit comté, accompagna & associa avec elle le roy Phi. Philippe, luy promettant la moytié d'iceluy comté pourueu qu'il retirast le tout des mains dudit cōte de Flādres, qui ne le vouloit rendre, allegant non seulement ledict cōte de Vermādoys, estre de l'ancien domaine & appartenir au comté de Flādres: mais aussi tout le pays estant entre les fleuues de l'Escault, & de Somme, par la donation que iadis en auoit fait le roy Charles le Chauue à Iudith sa fille premiere cōtesse de Flandres.

¶ Cerefus ainsi fait par le comte de Flandres, de rendre Vermādoys à ladicte Leonor, la querelle & droit de laquelle substenoit & deffendoit le roy Philippe Auguste ne pleut en rien audiēt roy: mais le prouoca leuer armée bien grosse, avec laquelle, deliberé retirer à force le comté de Vermādoys, entra dans le pays iusques à Amyens gastant & destruisant tout ce qu'il trouua, & passant oultre eut fait dauantage, si ledict Philippe comte de Flandres n'y eust obuié en diligence: mais ayant dressé & équipé son armée, à

*Henry de Castres proueu de de l'euesché de Verdun sans auctorité apostolicque.*

*La mort du Pape Alexādre qui suruesquit trois antipapes.*

*Le sacré des Papes apartiēt aux euesques d'Ostiensē.*

*La mort de Theodoric quatrieme euesque de Metz.*

*Les grans biens que feit Bertrand euesque de Metz.*

*Querelle pour le comté de Vermādoys entre le roy & les comtes de Flandres & Haynau.*

# Le iiii liure des antiquitez de la gaule Belgicque

layde de Bauldouin comte de Haynau qui auoit espouſé Marguerite ſeur dudit cōte de Flandres, veint avec ledit Bauldouin iufques à ſainct Quentin en intention de rencontrer l'armée du Roy Philippe: Toutefoys voyās le nombre & multitude des gens d'armes dudit roy Philippe, la grandeur & bon equipaige de ſon armee, changeans d'opinion, demanderent aduis d'appointement, lequel fut depuis traicté & la paix faiſte entre eulx par le moyen de Guillaume cardinal & archeueſque de Reims & de Thiebault comte de Bloys Senechal de Frāce, propres oncles dudit roy Philippe, bons amys fauoritz & allies dudit comte de Flandres, qui par le traicté de la paix, rēdit & reſtitua au roy tout le pays de Vermādoys, fors les villes de ſainct Quentin & Peronne dont il ioyroit ſa vie durant. Ainſi chaſcun ſe retira en ſon pays.

*Appointement  
fait pour le com-  
té de Vermādois  
reſtitué au roy par  
le cōte de Flādres.*

¶ Vincent l'historial parlant de ces deux armées, diſt auoir ouy rapporter à aucuns bōs perſonnaiges & chanoynes d'Amiens, que tout le pays circonuoifin ou le roy tenoit ſon camp fut tout deſtruit, parce que les blez, foins & aultres biens eſtās encores ſur terre, & preſtz à cueillir & moisſonner furent tous fouléz & abbatuz de la multitude des cheuaulx & chariotz de ladiſte armée, en ſorte qu'il ny auoit apparence de verdure: neantmoins ladiſte année, au lieu meſme ou eſtoit campé ledit roy Philippe, y eut tant de biens & de bledz qu'onques parauant on ne veid année ſi forte ne plus r'apporter pour vne foys. Au contraire au lieu ou eſtoit l'armée du comte de Flandres, combien qu'il ny euſt rien gaſté: Toutefoys ladiſte année fut ſterile merueilleuſemēt & ne produiſt bledz ny autres biens neceſſaires pour la nourriture des hommes, à raiſon dequoy les François alleguoient leur roy Philippe auoir bonne & iuſte cauſe en la querelle deſſus recitée.

*Des deux années  
du roy, & du cō-  
te de Flādres.*

¶ Or par ce que cy deuant es eueſques precedens, auons aulcunement deduit le commencement des ruines de la republicque Chreſtienne d'oultre mer, du royaume de Hieruſalem & de pluſieurs principaultez de la terre ſaincte cōqueſtées & tenues par les princes & nobles de noſtre Gaule Belgicque, (comme on peult facilement congnoiſtre par les hiftores), auſi qu'environ le temps que noſtre eueſque Henry tenoit l'eueſché de Verdun, commencerent plus a certes les deſolations & calamitez, enſemble la totale perdition de la ſaincte cité de Hieruſalem. Nous mettrons icy breuemēt les cauſes & moyens d'ou veint & proceda celle domniageable & calamiteuſe perte & ruine.

*Incident de la per-  
dition de Hieru-  
ſalem.*

¶ A ceſte fin & pour les mieux cōceuoir & entendre reduiray en memoire aulcunes choſes dependentes des precedētes, qui ſeruiront à l'intelligence des ſubſequentes. Almaricus, ou Amaury. vi. roy de Hieruſalē prit à femme en premieres nopces vne ſienne parente, de laquelle eut deux enfans, a ſçauoir Bauldouin qui regna apres luy & vne fille nōmée Sibille, depuis fut par l'ordonnāce de legliſe ſeparé d'avec ladiſte premiere femme, au moyen de leur parentage. Parquoy espouſa en ſecondes nopces Politiane niepce d'Emanuel empereur de Cōſtantinople, de laquelle il eut vne ſeule fille nōmée Yſabelle. Apres la mort de ce roy Amaury ſucceda au royaume ſon filz Bauldouin. iiii. du nō, qui lors du trespas de ſon pere n'auoit pl<sup>o</sup> de. xiii. ans, & ſi eſtoit deuenu ladre de l'aage de neuf ans, neantmoins il eſtoit vertueux, & adroiſt aux armes: mais à cauſe de ſa maladie qui croiſſoit touſiours de plus en plus ne voulut prendre femme en mariage. auſi voyant ſon impuiſſance conſtitua par l'aduis & conſeil de ſes princes, ſon lieutenant general es affaires du royaume le comte de Tripolitaine nōmé Raymond, hōme vaillant & preux qui ſoubz telle charge obtint pluſieurs victoires contre Saladin roy d'Egipte prince des Turcz ennemy & aduerſaire perpetuel des Chreſtiens.

*Amaury roy de  
Hieruſalem eut  
deux enfans de ſa  
premiere femme,  
de laquelle fut ſe-  
pare pour ce quel  
le eſt ſa parēte.*

*Sibille ſeur germai-  
ne du roy Baul-  
douin, mariée .ij.  
foys.*

¶ Dauantage ce ieune roy Bauldouin la. iiii. année de ſon regne maria ſa ſeur germaine Sibille, à Guillaume Marquis de Mōtferrat ſurnōmé lōgue eſpée hōme vertueux & de grande nobleſſe par ce que ſa mere eſtoit ſeur de l'empereur Conrard & ſa ſeur fut royne de Frāce mere de Philippe Auguſte. L'edit Bauldouin eſperoit faire roy de Hieruſalē apres luy, icelluy Guillaume: Mais il mourut. iiii. mois apres le mariage cōſōmé, laiſſant ſa ſēme Sibille enceinte d'ū filz qui fut nōmé Bauldouin, cōme ſon oncle. Quelzques iours apres le trespas dudit Guillaume, ladiſte Sibille ſa veſue par le cō-  
ſeil



# depuis Hue Capet iusques à Loys.viii. du nō. F.cccxxix

seil du roy son frere, se maria à vn noble prince appellé Guido de Lusignen que le roy Bauldouin esperoit faire son successeur au royaume de Hierusalē. Et deslors luy bailla l'administration de tous les affaires, specialemēt du fait de la guerre, dont l'en gendra & commença l'enue & hayne que conceut le comte de Tripolitain contre icelluy Guido, par ce qu'il luy sembloit soy veoir abbaissē & deiectē de son estat & gouuernement dudit royaume.

*L'enuie du comte Tripolitain, contre Guido de Lusignen.*

¶ Lan mil cent octante trois, Saladin homme diligēt & vaillāt, & qui peu auāt auoit conquis & subiuguē toute la Mesporamie iusques au fleuue d'Eufrate, avec la grande cité d'Alapie, ensemble tous les pays circonuoisins, sur & contre les heritiers de Noradin seigneur dudit Alapie, cy deuant mentionné, assembla grosse armée avec laquelle veint inuader & assaillir la Sirie & seigneuries du roy de Hierusalem, lors estāt malade de fieure en la cité de Nazareth: ou aduertty de l'entreprise de Saladin, ordōna à Guido de Lusignen son beau frere, auquel peu deuant il auoit laissē & donē l'administration du royaume & l'institué gouuerneur sur toute l'armée des Chrestiens, aller au deuant dudit Saladin pour luy resister. Ce quil feist avec tresgrande puissance, & accompagné de tresvaillās princes, cōme de Bremond.iii. prince d'Antioche, Henry duc de Louain, Rodulphus de Millon en Aquitaine & ledict Raymond cōte Trypolitain, en sorte qu'ilz estoient trop plus fors que Saladin, au moyen dequoy on esperoit la victoire facile sur luy: mais quand ilz furent deuant les ennemys, & que l'opportunitē de batailler & les ioindre se voyoit à loeil: Ces princes Chrestiens eurent diuision & contention entre eulx par la hayne & despit que le cōte Tripolitain auoit contre ledict Guido de Lusignen, pour l'occasion qu'auēz entendu n'agueres, dont adueint & succeda que l'armée desdictz Chrestiens demeura coy sans fraper coup, ne riens faire durant dixhuiēt iours, combien que les deux armées ne feussent distantes l'une de l'autre de plus d'un mil, mais se veissent front à front chose non encore parauant aduēue en l'exercite des Chrestiens. Quant à Saladin qui se sentoit foible voyant son occasion se retira en Damasque, brullant & pillant tout ce qu'il rencontroit, sans aucun empeschement. Puis vng moys apres ou enuiron ayant fortifié son armée retourna assaillir le royaume de Hierusalem comme deuant, & veint assieger vne des principales cités dudit royaume nommée Caath, anciennement appellée Petra deserti.

*Saladin succede par force, es seigneuries de Noradin. Saladin veint assaillir le royaume de Hierusalem.*

*Enue & discorde en l'armée des chrestiens.*

¶ Le roy Bauldouin gifant malade de Lepre, aduertty du mauuais parquement de ses gēs causē par l'orgueil desdictz Guido & Raymond, retira ausi tost à luy le gouuernement de sondict royaume. Ce fait du cōmun cōseil de ses princes feist coroner roy de Hierusalē son nepueu le ieune Bauldouin filz de ladicte Sibile & de son premier mary Guillaume Marquis de Montferrat, laissant & baillant la tutele & gouuernement dudit ieune roy, audict comte Tripolitain, qui à ce moyen tost apres se prepara pour aller leuer le siege de deuant la cité de Caath, dequoy aduertty Saladin se retira gastant le pays, & emmenant innumerable despouille & butin tant d'hommes, que bestes, & plusieurs biēs que les cheualiers du Tēple feirēt diligēce de recourir: mais en la rencontre qu'ilz feirent lors avec les Turcz, la plus grāde part d'iceulx templiers fut deffaite & beaucoup d'entre eulx tuez: dont sensuiuit la principale cause de la desolation subsequente. ¶ Ceste mesme année mil cent octante trois, Alefcanus Abbē de saint Venne à Verdun, mourut, en son lieu fut esleu & subrogē par les religieux dudit saint Venne vn home de sainte vie nomē Thomas abbē de Mauremōt monastere de l'ordre saint Benoid situē es boys d'Brigōne. Et pour autāt qu'un religieux preuost de saint Vēne, pretendoit & briguoit cōtre icelluy Thomas, ladicte abbaye de .S. Venne & taschoit à sen faire eslire abbē, on luy bailla pour le cōtenter celle dicte abbaye de Mauremōt, que tenoit ledict Thomas. Ce qui ne sceut tāt biē appaiser ledict religieux preuost qu'il n'eust tousiours depuis enue & desdain de ce qu'ō auoit preferē à luy ledict Thomas, en l'electiō & prouisiō d'icelle abbaye de saint Venne.

*Le ieune Bauldouin courōné roy de Hierusalem.*

*La pluspart des cheualiers Templiers deffaitez.*

*Thomas abbē de Mauremōt esleu abbē de .S. Venne.*

*La mort du Roy Bauldouin le Lepreux.*

¶ L'an mil cēt octāte quatre quelz ques iours apres que le comte Tripolitain eut pris & receu la tutelle du ieune roy Bauldouin, le vieil roy Bauldouin mourut nō de vieillesse: car il estoit encores fort ieune: mais de lepre. Parquoy incontinent Sibile mere dudit

# Le iiii liure des antiquitez de la gaule Belgicque

*Bauldoun le ieune succede au royaume de Hierusalem.*

*Le ieune roy Bauldoun mourut environ. iij. mois apres le deces de bauldoun le Lepreux.*

*Nouvelles enuies & dissentiōs au royaume de Hierusalem.*

*Embassadeurs du roy de Hierusalem aux princes Chrestiens*

*Les ambassadeurs de Hierusalem receuz à l'ordonnance du roy par Maurice euesque de Paris.*

*De l'adolescence de l'euesque Maurice.*

*L'euesque Maurice composa ces respōs Credo quod redemptor meus*

dudiēt ieune roy, avec son mary Guido de Lusignan, entreprendrent la tutele de l'enfant & le gouvernement du royaume par dessus le comté Raymond, sans l'aduis & consentement duquel, trouuerent maniere d'auoir trefues pour quelque tēps avec Saladin. Pendant lesquelles trefues & environ huit moys apres le deces du vieil Bauldoun, trespassa le ieune roy Bauldouī. La mort duquel, ladiēte Sibile sa mere cela par quelzques iours & iusques à ce qu'elle eut fait ses menes & habitudes, avec les princes Chrestiens estans en la terre sainte, ausquelz elle feit de grans dons, adulations & promesses à ce que son mary Guido feust esleu roy, non pas le susnommé comte Tripolitaïn. Ce qui adueint & succeda selon que ladiēte Sibile le souhaitoit, dont le cōte Raymond fut plus irrité & enflammé de malfaire qu'il n'auoit esté parauant, voire deslors soy retirant de la societe & alliance des princes Chrestiens estans adonc en Hierusalem, cercha de là en auant, moyens d'obtenir pour luy seul nouvelles trefues avec Saladin, molestant en ce qu'il pouuoit to<sup>o</sup> ceulx de la lignée Latine. Oultre, prit à femme vne noble dame lors possedant par droit successif la principaulté de la regio Tiberiade & partie de la Galilée, laquelle parauant leur mariage estoit confederée aux roys de Hierusalem: mais par l'assemblement d'elle & dudiēt comte Raymond elle en fut desioinēte & separée.

¶ Voyans les princes Chrestiens l'estat de la republicque chrestienne de Hierusalem estre en tel desordre & cōfusiō à cause des dissentiōs & factiōs susdictes, pour obuier aux futures calamitez, qu'on pouoit deslors, à ces moyēs, coniecturer deuoit tost apres se monstrer, voire iuger quasi presentes: assemblerent vn Concille, auquel d'un cōmun accord esleurent ambassadeurs Heraclius patriarche, les maistres des cheualiers du temple & le prier de l'hospital de Hierusalem, lesquelz ilz enuoyerent aux princes de la Chrestienté de l'Europe pour remonstrer les necessitez & dangers emmens, ou sen alloient tomber de brief, les pauures Chrestiens habitās en Asie, ensemble toute la terre sainte s'il n'y estoit sommairement pourueu de secours & ayde. Ces ambassades ainsi depeschez en Hierusalem veindrent descendre en Italie à Veronne, ou lors estoit le Pape Lucius qui les receut & consola doulcement, leur declarant qu'il estoit bien deliberé les secourir & ayder de tout son pouuoir, & induire les princes Chrestiens à ce faire. De là veindrent en France vers Philippe Auguste lors regnant & occupé en plusieurs guerres qu'il auoit tant cōtre le roy d'Angleterre que les comtes de Flādres & Haynauld, cōme on peut veoir par les histoires. A leur arriuee pres dudiēt roy, ilz lui presenterent les clefz de Hierusalem, luy demandans secours pour la terre sainte & declarans l'extreme necessitē des pauures Chrestiens estans en icelle. Ce roy, ayant entendu l'affaire si vrgent, les receut benignement, puis les feit humainement traicter à Paris par l'euesque dudiēt lieu nommé Mauricius, lors viuāt, celuy mesmes qui feit entierement edifier & cōstruire en l'hōneur de nostre Dame la somptueuse eglise qu'on void de present à Paris. Ce bon euesque feit de bon cueur le commandement du roy, traictant à son possible lesdictz ambassadeurs, l'un desquelz à scauoir le maistre du Tēple de Hierusalem alla de uie à trespas pendant lediēt traictement. Si fut son corps reueremment inhumé en l'eglise de Paris, par lediēt euesque Mauricius, qui luy feit faire de biē beaulx obseques & funerailles. On lit, cestuy Mauricius auoir pour ses vertus, doctrine & bonne science, esté esleué de pauureté en la dignitē episcopale, ausi que luy estant ieune enfant estudiant à Paris, viuāt en mendicitē & demandant sa vie pour dieu, vn iour entre aultres luy fut offerte l'aulmosne pourueu qu'il quittrast & renonçast deslors & à iamais, au droit & dignitē d'estre euesque de Paris. Ce qu'il ne voulut faire refusant à ceste cōdition l'aulmosne, comme s'il eust ia quelque esperance d'estre quelque fois promu à ladiēte dignitē à laquelle il parueint depuis par disposition diuine.

¶ On lit dauantage que lediēt euesque Mauricius, pource qu'aucū hereticques lors regnans ne croyent la resurrectiō de la chair, composa quelques iours auant sa mort ce respōd. *Credo quod redemptor meus uiuit, & in nouissimo die de terra surrecturus sum, & in carne mea uidebo deum saluatorem meum, &c.*

¶ Qui

# depuis Hue Capét iusques à Loys.viii. du nom. F. cccxxx

Qu'il ordonna estre insculpé en lettres & caractères faciles à lire, sur la tombe qu'on mettroit apres sa mort sur son corps. Alexéple & imitatiō de luy la pluspart des preb-  
stres qui lors mouroient, feirent & ordonnerent faire le semblable sur leurs corps &  
tombes, esquelles feirent long temps durant depuis, escrire le dict epitaphe.

¶ L'an mil cent ostante cinq, le roy Philippe feit dresser & equiper vne grosse armée  
de gens a cheual & à pied, qu'il souldoya a les despens pour subuenir à la deffense de  
la terre sainte, ou il eust voluntiers alle en personue. mais il trouua par conseil ne de-  
uoit laisser son royaume de France puis qu'il n'auoit encores nulz enfans.

¶ Ceste mesme année mourut à Veronne le bon pape Lucius, duquel on trouue en-  
cores tel epitaphe. *Luca dedit tibi lucem Luca, pontificatum Ostia, papatum Roma, Verona  
mori Immo Verona dedit verum tibi Roma exilium, curas Ostia, Luca mori.*

*Epitaphe du Pape  
Lucius.  
Vrbain.iii. succe-  
de à Lucius.*

¶ Au papat & pontificat de cestuy, succeda Vrbain.iii. qui meit toutes diligences à  
inciter les princes Chrestiens à donner secours à ceulx qui estoient en la terre sainte.  
Puis partit de Rome pour aller a Venise, mettre là sur mer grosse armée à la fin susdi-  
cte: Mais il mourut au chemin en la cité de Ferrare mesme, & ce, de douleur & tristesse  
qu'il auoit de la perte & destruction de la terre sainte. Il estoit lors de sa mort, seu-  
lement en la deuxieme année de son pontificat.

¶ L'an mil cent ostante six, nostre euesque de Verdun Henry fut contrainct à force  
de censures ecclesiastiques & apostolicques, laisser son euesché de Verdun & ceder  
à la possession & ioyssance d'icelluy.

¶ Or pour entendre la maniere & sorte comme on proceda contre luy, sur ce fault ne  
cessairement presupposer & faire mention d'une grosse cōtrouersie & litige aduenu  
sur l'election de l'archeuesché de Treues enuiron l'an mil cent ostante vn, auant mes-  
mes que ledict Henry feust pourueu de nostredict euesché.

*Comment l'eues-  
que Hen y fut de-  
pose de son euesché  
de Verdun.*

¶ Entendent doncques les lecteurs (s'il leur plaist) que vaccant l'archeuesché de Tre-  
ues par la mort d'Arnoldus archeuesque d'icel lieu, vne partie des chanoynes de Tre-  
ues esleut l'un de leurs cōfreres preuost de leur eglise nomé Rodulphus, l'autre partie  
esleut l'archediacre, autrement dict Chori episcopus nomé Folmarus, tous deux bōs  
& sçauans personages, biē deliberez chascun de sa part, de defendre & soustenir son  
election: Mais l'empereur Frederic lors estant de nouveau retourné en son pays d'Al-  
magne, du pays d'Italie, sans auoir esgard à ce que n'agueres parauāt il auoit fait paiz  
auec le Pape & l'eglise Romaine (ainsi qu'auons dit) sousteint par force, & de son au-  
torité le party de Rodulphus: Tellement qu'il le meit en possession deiceluy ledict  
Folmarus qui fut contrainct aller en personne à Rome, ou par citation il tira sa partie  
aduerse & le poursuiuit sur la decision de leur cōtrouersie & du droit par chascun  
d'eulx pretendu audict archeuesché. Ilz procederent longuement en plein consistoi-  
re deuant le Pape Lucius.iii. Et apres par resumption de cause deuant le Pape Vrbain  
aussi.iii. Durāt ceste procedure fut souuent traitée & mise auāt la matiere de Henry,  
euesque de Verdun, la pertinacitē d'icelluy, ensemble sa presumpciō de l'estre instrus  
dedās ledict euesché sans estre rehadilité ny absoulz des cēsures cōtre luy fulminées,  
aussi que cōbiē qu'il eut depuis esté trois diuerses fois cité per edictū toutefois il n'a-  
uoit onques cōparu, soy confiant au suport de l'empereur Frederic (cōme auons ia cy  
dessus recité). A raison dequoy, par sentēce du siege apostolicque fut declaré scisma-  
ticque, priué de son euesché, cesse & interdict mis en l'eglise de Verdū & contre tous  
ceulx qui obeissoient audict euesque Henry. ¶ Pendant que ces choses se faisoient,  
tant fut procedé en la cause de l'election de l'archeuesché de Treues que Folmarus  
l'un des esleuz susnommez obtint en premiere sentence par contumace donnée con-  
tre sa partie aduerse. Et pour ce qu'il congnoissoit le gros fort, faueur & credit de sa-  
dicte partie vers ledict Empereur, à raison dequoy, seuremēt & sans danger de sa per-  
sonne ne pourroit executer à Treues sadicte sentence, leua quant & ses executoriales,  
vnes lettres apostolicques adressantes aux euesques de Metz & archeuesque de Reims  
& portās mādēmēs biē expres à iceulx de dōner audict Folmar<sup>o</sup> obeissance pour exe-  
cuter & publier en leurs dioceses contre sa partie aduerse, icelle sentēce cōtumaciale.  
Dauantage cestuy Folmarus, approuué hōme tressçauant par le Pape Vrbain troisie-  
me

*Cōtrouersie pour  
l'archeuesché de  
Treues.*

*Sentence donnée  
à Rome cōtre l'e-  
uesque Henry, pri-  
ué de son euesché  
Folmarus obtint  
sentence à Rome cō-  
tre sa partie aduer-  
se.*

# Le iiii liure des antiquitez de la gaule Belgicque

me, obtint de luy auant son parlement de Rome, puissance & autorité de Legat apostolicque, pour reformer & corriger l'estat ecclesiasticque & plusieurs abus lors regnās es archeueschez de Treues & Reims, ensemble es eglises & eueschez suffragātes d'iceulx. Signamment luy fut commise la cause de nostre euesque de Verdun à ce qu'il eust à executer la sentence de priuation contre luy donnée, & publier les interditz contre les fauteurs & aydans. Ce fait partit de Rome ledict Folmarus & veint l'année 1186. à Metz, ou il fut reueremment receu par l'euesque du lieu nommé Bertrād, homme tresdocte & expert es droictz tāt canō que ciuil, qui voulut bien obeyr aux mandemens apostolicques, iaçoit qu'il congneut assez que l'empereur Frederic n'en seroit content.

*Folmarus de Treues, legat apostolicque, commis à executer la sentence de priuation, contre Hēry euesque de Verdun.*

*Concile à Reims, par Folmarus legat apostolicque.*

¶ Tost apres l'arriuee dudit Folmarus à Metz, il (comme legat) feit intimer vn cōcile general au lieu de Reims sur la reformatiō de l'estat ecclesiasticque. En ce concile furent conuocquēes toutes les eglises contenues soubz sa legation. Specialement & entre aultres l'euesque & clergē de Verdun, qui comparurent à Reims au iour y assigné avec plusieurs aultres prelatz & gens sçauans des eglises de l'obeissance dudit Euesque de Verdun.

*La matiere de l'euesque Hēry, traitée au concile.*

¶ Audiēt concile, furent de l'ordonnance apostolicque traitées plusieurs choses, tant pour induire & emouuoir les princes Chrestiens & nobles des pays de la Gaule à dōner ayde & secours à la terre saincte, que pour l'augmentation de l'honneur de Dieu & des eglises. Apres fut mise auant la matiere de nostre euesque de Verdun, auquel furent faictes plusieurs remonstrāces tāt par ledict Folmarus legat apostolicque, que par l'euesque de Metz là assisant sur les rebelliōs & inobeissances qu'il auoit de long temps faict cōtre l'eglise Romaine avec la presumption d'auoir osé vsurper l'euesché de Verdun sans absolution & rehabilitatiō, combien que plusieurs fois eust esté appelellé & cité en court de Rome pour soy excuser & purger de ce qu'il auoit faict: mais auoit tousiours demeuré en son obstination & contumace. Au moyen dequoy sentence de priuation & deposition de son euesché auoit iustement esté prononcée contre luy, avec censures & interditz contre ceulx qui luy obeyroient & soustien-droient de là en auant. Partant luy conseilloyent & suadoient qu'auant l'execution & publication d'icelle sentence, il cedast & renonçast humblement à sondict euesché

*Les chanoynes de Verdun obessans aux mandemens apostolicques.*

*Henry de castres cede & renonce à son euesché de Verdun & retourne à Liege.*

Quoy faisant ledict Folmarus luy en donneroit absolution d'autorité apostolicque, & le remettrait en l'estat qu'il estoit auant son election. Quant les chanoynes & aultres du clergē de Verdun ouyrent lesdictes remonstrances, signamment les interditz qu'on vouloit fulminer contre eulx & leur eglise: Ilz declarerent tous vnanimement, qu'ilz vouloyent obeyr au siege apostolicque, nō pas audiēt Henry, qu'ilz ne reputeroient iamais leur euesque. Quoy voyant icelluy Henry euesque, fut si estonné que librement ceda & renonça à sondict euesché. A raison dequoy, le legat Folmarus, cōme ayant pouuoir apostolicque, luy donna absolution le restituant en son Archidiaconé & es autres benefices qu'il possedoit parauant en l'eglise de Liege, ou il se retira peu apres, mais il ny vesquit depuis longuement. Consequemment icelluy Folmarus ordonna au clergē de Verdun de proceder si tost quil seroit de retour en ladicte cité à nouvelle election d'un homme suffisant & idoine pour gouverner leur euesché.

*Les antiquitez d'Oruaulx excusent l'euesque Hēry.*

¶ Les antiquitez d'Oruaulx dient que ledict concile qu'auons dict auoir esté tenu à Reims, fut conuocqué à Mousson, ou ledict Henry nostre euesque ne voulut assister. moins comparoir à l'assignation à luy y donnée, de peur de desplaire à l'empereur. Aussi ne vouloit desobeir à l'archeuesque Folmarus, a raison dequoy ceda à sondict euesché de sa propre volunté.

*Les executoriales publiées à Metz contre Rodulphus possesseur de l'archeuesché de Treues.*

¶ Ce fait, & apres que ledict concille de Reims fut cessé, Folmarus & l'euesque Bertrand retournerent à Metz, auquel lieu peu apres furent publiées les executoriales dudit Folmarus cōtre Rodulphus possesseur de l'archeuesché de Treues. Dequoy aduertty l'empereur Frederic, fut merueilleusement irrité contre l'euesque Bertrand, de ce qu'auoit receu & soustenu en sa cité ledict Folmarus cōtre ses edictz & prohibitiōs Soubz couleur & pretexte dequoy cōmença à persecuter icelluy Bertrand, faisant de fait saisir & mettre en ses mains toutes les terres & seigneuries de l'euesché de Metz: dont

# depuis Hue Capet, iusques à Loys viij. du nō. F. cccxxxj.

dont ne fesoient beaucoup l'euesque Bertrand, ains non obstant ce persista vertueusement en l'obeissance & soustenemēt du siege apostolicque, ne desistant point de faire son deuoir, en iustice & equité. Toutefois en fin voyant l'empereur continuer & faire en son endroit pis que deuant, pour euitier le danger de sa personne se retira à Coulongne, en l'eglise saint Gercon en laquelle il auoit autrefois esté chanoine, Si fut receu en grand honneur & reuerence par l'archeuesque du lieu nommé Philippe ensemble par tout le clergé de sa cité, ou il feit sa residence & demurance par deux ans, au bout desquelz il fut restitué en son euesché par les pierres des princes & Nobles du pais, toutefois restitution ne luy fut faicte des rentes & reuenues de son euesché prises durant son absence, mais furent icelles toutes perdues & confiscées avec toutes les prouisiōs & biens meubles estans es maisons episcopales. Lors de sa fuite le dict Bertrand vesquit encores longuement depuis, puis mourut l'an mil deux cent douze. On lit encores l'epithaphe subseqnent, escript en la tombe mise sur son corps qui fut inhumé en l'eglise de Metz.

*Hic iacet imperij quondam pius incola veri,  
Hic fons irriguus, hic flos est gloria cleri,  
Presul Bertrandus quem plangit longior ætas.  
Mense sub Aprili dedit in certamine metas,  
Annis triopenis & binis, ciuica iura,  
Iugibus in pœnis vexit, sub perpetua cura.  
Anno millesimo ducenteno duodeno,  
Lux sibi festa legit aprilis quo prius egit.  
Non querit laudes hominum, precibusque iuuari  
Supplicat, ut valeat iustorum sede locari.  
Te coluit christi genitrix cum martire primo  
Hunc sociare tibi digneris in agmine summo.*

*Épithaphe de l'euesque Bertrand.*

¶ Quand à Folmarus, on lit en histoires & gestes des archeuesques de Treues que par l'appellation de sa partie aduersé leur cause fut reuocquée à Rome, finalement qu'après la mort de l'empereur Frederic, son filz Henry qui luy succeda en l'empire, sollicita tellement le pape Gregoire huitieme l'an mil cent nonante, qu'il commist la cause à vn cardinal nommé Fofridus, lequel à ce moyen veint legat apostolicque en Germanie. Ou il proceda tellement en ladicte cause d'iceulx Folmarus & Rodulphus pretendans ledict archeuesché de Treues, que leurs elections furent cassées & declarées nulles: consequemment ordonne aux chanoines proceder à nouvelle election. Ce qu'ilz feirent, elisant en ce faisant le Châcellier dudict, empereur Henry nommé le 2 qui ià auoit vng euesché. Neantmoins il fut dispensé d'autorité apostolicque, de tenir demy, eueschez ensemble chose lors encores bien nouvelle en la chambre apostolicque. Et toutefois ce fut caõonizé & approuué *xvi. q. prima. c postquam &c.*

*La cause de l'archeuesché de Treues terminée.*

*Dispense de tenir deux eueschez, difficile.*

## LES PAPES TENANS LE SIEGE A ROME DV temps de l'euesque Henry de Castres.

*Lucius iij. du nom clxxvij. Pape.*

**L**UCIUS troisieme du nō, natif de la cité de Lucque en Italie, fut eleu cent vingt septiesme pape l'an mil cent octantevn du commun consentement de tous les cardinaulx. Des son aduenement par les exhortations & à la poursuite des nobles, vorie de la pluspart du peuple de Rome il deposa les offices de cōsularz pour les tyrannies qui le cōmettoient en iceulx: mais tost apres les Consulz Romains se fortifierēt contre luy en sorte qu'il fut contrainct s'enfuir de Rome, ou les fauteurs endurerent maintes persecutions des dictz Consulz. Il se retira à Veronne, ou il conuoca vn cõcile general auquel il traicta plusieurs moiēs pour induire les princes chrestiens à dōner aide à ceulx de Hierusalē.

# Le.iiii. liure des antiquitez de la gaule Belgicque

*Articles des concubinaires.*

Entre aultres articles debatuz audiect concile, fut traicté celuy des concubinaires. Sa uoir si on pouoit licitement ouyr la messe d'eulx, prendre & receuoir les sacremens d'iceulx. Si fut approuué qu'il seroit & estoit licite pourueu que le cōcubinaire neseust conuaincu par sentence donnée contre luy par son euesque: ce nonobstant les euesques ce permettant & lesdictz cōcubinaires, pechent itelsgrement. Ce Lucius ayāt tenu le siege quatre ans deux mois & dixhuiet iours, mourut en bonne & saincte renommée, estant encores à Veronne.

*Urbanus troisieme cēt lxxviij. Pape.*

**Urbanus** troisieme du nom, Milannoys, fut eleu le centvingthuitieme pape, l'an mil cent octante six. A son entrée ou papat il feit extreme diligence de d'inciter les princes chrestiens à donner secours à la terre sainte, signammēt quād il fut aduertit des discordes & factions qui estoient entre Guido de Lusignan & le comte Tripolitaïn. Voyant la negligence des princes chrestiens de l'Europe, luy mesme en personne partit pour aller à Venise, mettre là sus grosse armée de mer afin de la faire passer en Hierusalem mais il mourut en chemin estant à Ferrare ou la maladie dont il trespasla, l'arresta du tout. Ce luy adueint de peine douleur & tristesse qu'il conceut pour la pitié du Royaume de Hierusalem. Il teint le siege vii an & enuiron vnze mois. Cestuy entre autres se monstra affecté tout oultre à la deffense de la terre sainte.

## QUEL EMPEREVR REGNOIT DVRANT l'Euesque Henry de Castres.

*Voyez cy deuant*

**FREDERIC** premier de ce nom surnommé Barberouffe, teint l'empire du temps de nostredict euesque Henry de Castres. Nous auons amplement escript dudiect Barberouffe en l'euesque Albert de Marcy.

## QVI COMMANDOIT EN FRANCE AV temps dudiect Henry euesque de Verdun.

*Philippe ij. xliij.  
Roy de France.*



**PHILIPPE** deuxieme du nom dict Auguste, aliàs le conquerant, & autrement Dieudonné, commença à regner l'an mil cent octate, apres son pere, durant la vie duquel, il prit femme en premieres nopces Ysabelle fille du comté de Haynaud & niepce de Philippe comte de Flandres. Laquelle Yzabelle estoit descendue du sang de Charlemagne par Charles premier duc de Lorraine. Cestuy Philippe à son aduenement chassa les Iuifz de son Royaume, mais ilz furent depuis rappelez. Il ordōna les Halles à Paris, feit faire les murs à l'entour du boys de Vincēnes, feit pauer la Ville de Paris. Denna le lieu ou est le cimetier saint Innocēt, feit croistre & agrādir la ville de Paris depuis les faulces portes saint Denis & saint Martin, iusques aux portes qui maintenant ont le regard aux champs. Il entreprit le voyage d'oultre mer avec Richard Roy d'Angleterre. Et comme eulx deux estoient en Sirie, cāpez deuāt la cité d'Acone, ledict Roy Philippe s'en retourna en Franc, ilz furent depuis ennemis. Lediect Philippe eut guerre contre le Roy d'Angleterre successeur dudiect Richard sur lequel il conquist les duchez d'Acquitaine & Normandie. Aussi gaigna vne grosse bataille cōtre l'empereur Otto quatrieme du nom, Ferrand comte de Flandres & Regnaud comte de Boulougne, alliez dudiect empereur, lesquelz Ferrand & Regnaud furent pris prisonniers en icelle bataille, le propre iour de laquelle, Loys son filz estant en Poictou se combatit si vaillammēt avec le Roy d'Angleterre, qu'il demeura victorieux. En recognoissance dequoy ledict Roy Philippe feit fonder le monastere dict la Victoire pres Senlis. Cestuy Philippe regna quarantetrois ans puis mourut l'an mil deuxcens vingtrois, laissant de sa premiere femme vn filz nōmé Loys huitiesme qui succeda au Royaume & feit inhumier ledict Roy Philippe son pere à saint Denis en France. Ce Loys fut le premier Roy qui recouura le sang de Charlemagne, & ce par sa merē Yzabelle de Haynaud.

*Les victoires de  
Philippe auguste.*

Quel

depuis Hue Capet, iusques à Loys viij. du nō. F. cccxxxij.

QUEL DVC TENOIT LORRAINE DV TEMPS  
de Henry de Castres euesque de Verdun.

SIMON deuxieme filz de Mathieu premier du nom, duc de Lorraine, duquel auons parlé en l'euesque precedent, commandoit en Lorraine tandis que ledict euesque Henry de Castres, presidoit à Verdun.

*Voyez cy deuant*

QVI TENOIT BAR EN MESME TEMPS.

HENRI premier du nom (duquel auons escript en l'euesque Arnoul precedent) teint le comté de Bar durant l'euesque Henry.

*Voyez cy deuant*


QVI DES SVCCESSEVRS DES PRINCES  
de Haynaud & d'Emégarde fille de Charles premier du duc  
de Lorraine, regnoit en Haynaud au temps susdict.

BAVLDOVIN quatrieme du nom, teint le côté de Haynaud, pendant que nostre euesque Henry tenoit l'euesché de Verdun, comme auons deduit en l'euesque Arnoul precedent. & c.

*Voyez cy deuant*

¶ Fin de la vie de Henry de Castres, cinquantieme:  
Euesque de Verdun.

## LA VIE D'ALBERT deuxieme, & cinquante vnieme Euesque de Verdun.



ALBERT deuxieme du nom, surnommé de Hergis selō les histoires d'Oruault, nepueu d'Arnoul euesque precedent, de par sa seur fut eleu euesque de Verdun, l'an mil cent octantefix en la sorte sequēte. Apres que Henry de Castres son predecesseur, cotrainct par autorité apostolicque, eut cedé & renoncé à l'euesché de Verdun au concile tenu à Reims, & à ce moien Folmarus de Treues presidēt audict concile comme legat enuoyé par le pape Urbain troisieme du nom, eust ordonné aux chanoines & clergé de Verdun là assistans, proceder à nouvelle election (comme auons dit dessus en la vie dudit Héry) lesdictz chanoines & clergé estans de retour à Verdun & assemblez en leur chapitre plusieurs foys pour faire ladicte election, eurent entre eulx tresgrandes altercations & telles que finalement vne partie eleut ledict Albert (de qui voulons parler) qui lors estoit Tresorier de ladicte eglise, homme sçauant, vertueux & magnanime, Les autres en esleuerēt vn autre de leurs cōfreres chanoynes nōmé Robert, à raison de sa noblesse, car il estoit du saint & de la maison de grand Pré:

*Albert y. dict de Hergis li. euesque de Verdun.*

*Les chanoines de Verdun diuiser en leur election.*

## Le.iiii. liure des antiquitez de la gaule Belgique

*Proces en la court de l'empereur entre les deux eleuz de Verdun, pour les reprises des hommages.*

*Henry filz de Barberouffe esponscoëe de Sicile.*

¶ De ces diuerses elections, adueindrent par apres grosses contentions & diuisions tant entre ceulx de l'eglise que ceulx de la temporalité, par ce que chascun des eleuz faisoit diligence & bon deuoir de poursuiure à Rome son droit, & de faire confirmer son election, semblablement de faire les reprises foy & hommaige à l'empereur pour auoir l'administratiō du temporel. Sur lesquelles reprises proces se meut entre ledictz Albert & Robert eleuz en la court de l'empereur Frederic, lors n'estant en Germanie mais à Milan, ou il auoit conuocqué les princes de l'empire par le cōseil desquelz, maria la son filz Henry Roy des Romains à Constance fille de Roger iadis Roy de Sicile & seur de Guillaume lors regnant en Sicile.

¶ Puis confirma au lieu mesmes, paix vniuerselle avec tous les princes d'Italie, Sicile & Germanie, deliberant entreprendre tost apres le voyage de Hierusalem pour la deffence de la terre sainte.

*Monopoles en la cité de Verdun.*

*Thomas abbé de saint Venne tellement molesté par iniures qu'il cede l'abbaye.*

¶ L'absence dudit empereur retarda aulcunement le iugement du proces estāt entre les deux eleuz de Verdun. Ce pendant l'administratiō de l'euesché dudit lieu de meura en grand trouble si que plusieurs nouuelles entreprises se faisoient tant en l'estat ecclesiastique que en la cité. Entres autres, Hugo abbé de Mauremont iadis religieux & preuost de saint Venne, poursuiuāt en son cuer l'enuie, & inimitié qu'il auoit contre le bon, Thomas abbé de saint Venne, prit son oportunité durās lesdictz troubles, & suscita tant de querelles & questions audict abbé Thomas, par iniures opprobres & imposition de crimes, qu'il luy faisoit faire soubz le ministère d'aucuns religieux de saint Venne, les fauteurs, & quelzques gouverneurs de la cité qu'il auoit attiré a luy par dons & adulations, que ledict Thomas homme simple desirant viure en paix de sa conscience, & craignant plus grand futur dommaige aduenir en ladicte eglise de saint Venne ceda & renonça à ladicte abbaye, se retirant deslors à Neufuille pres Verdun, ou il vesquit saintement encores quelque temps, puis mourut: son corps fut inhumé en l'eglise de saint Venne en reconnoissance de sa sainteté, & de plusieurs grands biens qu'il auoit fait en ladicte abbaye si peu qu'il en fut abbé, comme d'auoir fait reparer & redifier le refectoire des religieux & recourir tout de neuf l'eglise & habitations dudit monastere. Il auoit bonne intētion d'y bailler vne chappe noire, d'or frisé & de tresgrād pris, mais on luy en osta le vouloir par son eiection & expulsion. Apres laquelle, ledict Hugo autheur d'icelle trouua foçon de foy faire subroger abbé de saint Venne en son lieu.

*Hugo, abbe' de S. Venne par moyen Sinistre.*

*Prodiges & signes monstrueux signifiāns la prise de Hierusalem.*

¶ Enuiron ce mesme temps adueindrent plusieurs prodiges & choses monstrueuses qui designoient & presageoient (selon l'opinion d'aucuns bons personnaiges) la calamité & piteuse prise de la cité de Hierusalem, qui fut l'an subsequent prochain. Vincent recite en son histoire, qu'en plusieurs lieux tomberent fouldrestonnerres, tempestes, non encores ouyes telles: en sorte que Pierres quarrées churent du ciel grosses comme œufz, Corbeaulx volans en l'air furent veuz portant en leurs becqz charbōs de feu, ardens, dequoy plusieurs villes chasteaux & maisons furent bluslez & perduz.

*Tous les biens de la terre perduz.*

*Le franchart de bled vendu à Verdun quatre liures tournois.*

¶ Naclerus dict aussi qu'en ceste mesme année mil cent octant six, le temps d'hiuer fut contre son propre naturel, si chaud qu'en Decembre & Ianuier les arbres estoient floriz. En Feurier: les poires, pōmes, & noysettes, apparoissoient sur les arbres, & les oyseaulx comme corbeaulx, passereaulx, & autres semblables bestes volatilles voire quadrupedes auoient ia produit leurs petitz. Mais en Mars suiuant les froidures furent si apres & les neiges tomberent en si grande abondance qu'encores n'estoient elles fondues au commencement du moys de Iuin, dont succeda que tous les bledz vins, & fointz de l'année furent tous perduz, au moyen dequoy y eut tant grande famine que plusieurs moururēt de faim. Se trouue escript au catalogue de saint Vēne que le franchart de froment, se vendoit lors à Verdun quatre liures tournois.

¶ L'an



# depuis Hue Capet, iusques à Loys viij. du nō. F. cccxxiiij

L'an mil cent octantesept, la miserable & irreparable prise de la cité de Hierusalem, adueint par par les demerites & pechez des chrestiens estans en Asie. Entre lesquelz (comme dient les historiographes) regnoient & abondoient toutes cupiditez mauuaises, tirannies, auarices, & autres miserables manieres de voluptez. Sur tout en furent cause les enuies discordes & dissensions des princes chrestiens gouuernans lors la terre sainte. Mesmes de Guido Roy de Hierusalem & comte Tripolitain ainsi qu'auos dict en l'euesque prochain precedent. Car cestuy comte, pestant par enuie separé & diuisé de l'amitie societé & alliance dudit Guido, & desirant soy venger de luy pour les causes qu'auex cy dessus entendu, trouua maniere par sa suggestion & malice, & soubz vmbre de bien, qu'un prince chrestien nommé Raynaldus de Montreul, tenât adocq quelzques pays & seigneuries de la lefleuue Iordain, desquelz on tiroit en Hierusalem grandes prouisions & viures pour fertilité dudit pays, rompit les trefues cy deuant mentionnées, faictes entre Saladin & le Roy Guido, sans le sceu d'icelluy Roy Guido. Dequoy Saladin ioyeux prit occasion de leuer nouvelle armée cōtre les chrestiens qu'il congnoissoit estre es dissensions dessus recitées. Si veint avec cinquante mil cheuaults, & infiny nombre de gens de pied assieger & assaillir la cité d'Acaca, autre mēt dite Ptolomais, ou estoient les cheualiers du Temple & le grand Maistre de l'hospital de Hierusalem, qui se deffendirent en sorte qu'ilz eurent victoire cōtre ledict Saladin, toutefois la plupart d'eulx y demeura notamment (& qui fut dommage irrecouurable) ledict grand Maistre de l'Hopital homme tresvaillant aux armes.

*Les vices & pechez des chrestiens asiaticques cause de la perte de Hierusalem.*

*Traison & malice du comte Tripolitain.*

*Ptolomaide assiegee par Saladin.*

¶ Le comte Tripolitain qui ne se fioit totalemēt à Saladin, le voyant entré en pais avec tel exercite de Turcz, se reconcilia aulcunement au Roy Guido, puis fortifia la cité Tiberiade qui estoit de ses appartenances. Ce fait se retira en la cité de Tripolitaine, dont aduertit Saladin leua le siege de Ptolomaide & veint assieger ladicte cité de Tyberiadé. Pour empescher la prise de laquelle le grand Maistre du temple, a l'instigation du comte Tripolitain, veint en Hierusalem, ou sollicita tellement le Roy Guido qu'il l'accorda de mener à la deffence de ladicte cité, de Tiberiadé, toute l'armée des chrestiens nombrez trenté mil cheualiers & quarante mil hommes de pied, lesquelz pensoient bien prendre vn lieu pres la cité, assez conuenable & commode pour fournir eaues & aultres choses necessaires à leur armée: mais ilz furent preuenuz dudit Saladin qui premier occupa ledict lieu. A l'occasion dequoy furent contrainctz se camper ailleurs ou n'estoient commoditez aucuns d'auoir eaues pour leurs cheuaults, ny pour l'armée, partant demeurèrent toute la nuit en grāde necessité, fort lassez & trauaillezz de fain & soif, & sans fournitures pour r'afreschir eulx ny leurs cheuaults.

*Le comte Tripolitain se reconcilie aulcunement avec le Roy de Hierusalem.*

*Saladin deuant Tyberiadé.*

¶ Aucuns historiens escriuent que le comte de Tripolitaine ayant secretes intelligences avec Saladin l'en aduertit afin de les venir assaillir en ceste extreme necessité ou ilz estoient. Dōt ie me rapporte à la verité. Quoy qu'il en soit le lendemain matin Saladin leuant le siege de Tyberiadé veint assaillir le camp des chrestiens qui par estre si lassez & fatiguez que j'ay dict n'agueres, feirent petite resistance. Voire se deffendirent si malement & avec tant peu des cuer, que, là ou es batailles passées vn chrestien soloit faire fuir trois & quatre Turcs & Sarrazins, en ceste cy dont ie parle, vn sarrazin seul (par diuine permission comme est à presumer) chassoit six & sept chrestiens: desquelz à ceste cause fut la tuerie si grande qu'il en mourut bien trenté mil, du nombre desquelz se garda biē d'estre le traistre comte Tripolitain, aussy s'enfuit il de premiers, aucuns dient qu'il fut conduict par vn Turc iusques en la cité de Thir.

*Traison du comte Tripolitain.*

*Victoire de Saladin contre les chrestiens ou mourrēt xxx. mil hommes Le Roy de Hierusalem pris prisonnier.*

¶ En ceste desconfiture & bataille furent pris prisonniers Guido, Roy de Hierusalem, & le grand Maistre du temple que les Turcz garderent pour signe de victoire, non pas les cheualiers Templiers, & Hospitaliers qu'ilz auoient semblablement pris prisonniers, mais ordonna Saladin tous icculx estre mis à mort sans misericorde. Voire luy mesmes tua de ses propres mains Rainaldus de Chastillon, seigneur d'Antioche tresvaillant & vertueux prince.

*Tirannie de Saladin.*

# Le.iiii. liure des antiquitez de la gaule Belgicque

*La sainte Croix perdue.*

La sainte Croix que le Roy. Guido faisoit porter deuant luy en bataille fut aussi prise & perdue, entre les mains des infideles. Ces choses ainsi expediées, Saladin diuisa & departit deuant le pont de Tiberiade, le butin & despouille des pures chrestiens à ses gens d'armes. A l'aide desquelz prit facilement les citez d'Acon, Venton, Sidone. Puis mena son armée deuant la cité de Thir, laquelle peu auant le filz du Marquis de Montferrat venant au secours de ceulx de Hierusalem, & oyant les piteuses nouvelles de la deffaiete des chrestiens, auoit pris par force, & chassé d'icelle le traistre cōte Tripolitein qui se retira à Triple.

*Le filz du marquis de montferrat deffend Thir contre Saladin.*

¶ Cestuy Marquis deffendit Thir contre Saladin, en sorte qu'il fut contrainct leuer le siege. Au moyen dequoy icelluy Saladin e nuoya sommer le comte Tripolitein de luy tenir ses promesses & rendre la cité de Triple. Mais la nuit mesme, du iour qu'il receut ladiete sommation, il mourut, par diuine disposition subitement. On trouua que de nouueau il estoit circoncis, partant on conclud qu'il estoit confederé audiect Saladin. La cité de Triple fut gardée & deffendue par les habitans à l'aide du filz du feu comte d'Antioche qui estoit dedans. Saladin leuant le siege de Triple veint assieger la cité d'Ascalon, deuant laquelle il demeura l'espace de dix iours, pē dans lesquelz luy veindrent nouvelles que quarante nauires enuoyées par Guillaume Roy de Sicile soubz la conduicte d'un capitaine nommé Margaritus, estoient arriuées au port de Thir. Ce qui fut cause qu'il composa & accorda avec ceulx d'Ascalon qui promirent redre en ses mains la cité, porueu qu'il promist ainsi deliurer le Roy Guido, & le grad Maistre du Temple, qu'il feroit mener seurement iusques audiect Thir, ce qu'il fit. Par quoy receut ladiete cité d'Ascalon. Le iour mesme qu'elle luy fut rendue, l'eclipse du soleil fut si grande, qu'en plein iour les estoilles du ciel furent veues reluisantes comme de nuit. Quand le Roy Guido arriua à Thir, le Marquis de Montferrat ne le voulut receuoir, parquoy fut contrainct se retirer en Antioche & à Tripoliteine.

*Mort miserable du comte Tripolitein*

*Saladin deuant Ascalon. Ascalonie rendue à Saladin & le Roy de Hierusalem deliuré.*

*Saladin deuant Hierusalem. Hierusalem redue à Saladin iiii xx. ans apres qu'elle a uoir esté prise par Godefroy de Buillon.*

¶ Saladin laissant garnison à Ascalon, veint assieger Hierusalem du costé deuers occident, ou il demeura dix iours sans riens faire: Au moyē dequoy veint du costé de Septentrion qu'il endommagea fort: ce que considerans ceulx de dedans mesmes qu'il ne pourroient à la longue luy resister, delibererent d'un commun accord, de rendre la cité, leurs vies & biens saulues: mais Saladin ne leur voulut accorder ce parti, ains, parce quilz auoiet tenu fort oultre son gré, leur demanda rençon, sçauoir est, pour chacun homme: x. bezans, pour chaque femme. v. & chacun enfant, vng. Ce qui luy fut en fin accordé. Et a ceste cōdition fut la cité redue le deuxieme iour d'Octobre ladiete année mil cent octantesept, enuiron octante ans apres qu'elle auoit esté prise sur les Turcs, par Godefroy de Buillon.

*L'eglise du sepulchre gardée.*

¶ Incontinent que Saladin y entra, il fit des eglises estables à ses cheuaulx. Toutefois les Suriens donnerent tant de finance & d'or, pour l'eglise du sepulchre, qu'elle ne fut contaminée. Au regard du temple de Salomōn, Saladin le fit arroser & lauer d'eau rose dedans & dehors, puis y entra. Il fut assez fidelle à tenir ses promesses aux chrestiens, tant ceste fois qu'aultres. Se monstra misericordieux apres la prise de la cité en ce qu'il quitta à plusieurs la rençon dessus mentionnée, & feist administrer aux malades de ses biens propres.

*Les chrestiens qui demorerent en Hierusalem tributaires.*

¶ La Royne Sibile, le Patriarche, Templiers & hospitaliers exilez, sen allerēt aucuns en Antioche, autres en Alexādrie, les autres en Sicile. Les Suriens, Georgiens, Iacobites, Grecz & Armeniens, demorerent en Hierusalem, soubz la seruitude & domination des Turcs.

¶ L'an mil cent octantchuiēt les piteuses & lamentables nouvelles de la prise de Hierusalem furent semées & diuulgées par toute la chrestienté, dequoy tous les Roys, princes, nobles, ensemble & generalement tout le populaire: menerent grand dueil & lamentation, entre aultres le pape Urbain troisieme qui mourut de d'ouleur, ennuy,

# depuis Hue Capet, iusques à Loys, viii. du nō. F. cccxxiiii.

ennuy & desplaisir qu'il en prit. En son lieu & papat fut subrogé Gregoire huitieme du nom, homme de grand literature & sçauoir. Cestuy des le commencement de son pontificat feit extreme diligence, d'enuoyer embassadeurs vers tous les princes Chrestiens de l'Europe, pour les induire à donner aide & secours à ceulx de la terre Saincte: lesquelz ne tenoient plus de tout le royaume de Hierusalem, & terres iadis conquises en Asie, sinon trois citez, Thir, Antioche, & Triple.

*Les Chrestiens ne tenās plus en Asie que Thir Antioche & Triple.*

¶ Par les remonstrances du pape, & la pitié & compassion d'une telle & si pernicieuse perte, les princes Chrestiens furent tellement incitez & animez: que cōbien qu'en diuers lieux, & entre les plus grands princes d'entre eulx, comme en France, Angleterre, Normandie, Flandres, Haynau, Almagne, Boeme, & Espaigne, eust plusieurs grosses eueintes & entreprises de guerres: Toutefois mettans surseance à leurs differens, firent paix pour certain temps, afin d'eulx croysier & entreprendre ensemblement ledict voyage. Si se preparerēt chascun en son endroit, disposant de ce qui estoit necessaire à l'affaire de telle importance.

*Les princes chrestiens deliberez au secours de la terre Saincte.*

¶ Le roy de France Philippe Auguste, ceste mesme année mil cent octante & huit, feit assembler à Paris tous les Prelatz de son royaume, ou se croysierent en grande multitude, barōs, cheualiers, & autres nobles du royaume. On accorda au roy pouoir prendre la decime des biens meubles de ses subiectz, & sur les prelatz & gens d'eglise la dixme du reuēnu des eglises: laquelle dixme fut appellée la dixme Saladin, parce que c'estoit contre Saladin roy d'ēgypte. Gens & cōmissaires furent ordonnez pour leuer les deniers d'icelle: mais ilz firent en ce faisant tresgrandes exactions, violences & oppressions aux eglises, au moyen dequoy on presageoit desia, voire croyoit on fermement, que le voyage & entreprise ne seruiroit de guerres, aussi ne fait il, cōmē on l'experimenta par apres. Pour les grands abus qui se commettoient en la collection & amas des deniers d'icelles dixme & decime, courroit lors vn commun proverbe, ou dire, entre les gens d'eglise & le menu peuple, qui disoient ceste prophētie de Dauid (*Effusa est contentio, & errare fecit eos in via*) estre accomplie.

*Philippe roy de France croysē pour faire le S. voyage.*

*La dixme Saladin leuēe en France. Tirānies des colēcteurs de ladite dixme.*

¶ Entre tous ceulx de nostre Gaule Belgicque qui premierement & pour ceste fois se croysierent pour ledict voyage, fut vn noble homme nommé Jaques d'Auennes natif de Haynau, capitaine general du duc de Brabant. Cestuy avec sept mil cōbarās bien equippez, veint arriuer en Sicile, ou le suyuit tost apres vne grosse troupe de nobles, & autres des pais de Dannemarch, Frise, Hollande, & Flandres: lesquelz assemblez s'embarquerent en leur mer, passerent & costoyerent les Espaignes, puis l'Affricque, ou ilz assaillirent la citē de Siluine, de sorte qu'ilz la prindrent par force. Ce qui les meut s'amuser à l'assault d'icelle citē fut parce qu'elle endommageoit iournellement les Espaignolz, empeschant qu'ilz n'entreprissent le saint voyage de Hierusalem. De là ceste bende se veint ioindre en Sicile, avec Jaques d'Auennes qu'ilz cōstituerēt leur capitaine, puis poursuyuirent tellement leur chemin qu'ilz arriuerent tout à point au secours de Guido roy de Hierusalem, qui depuis sa deliurance auoit assiegē Acon autrement dictē Ptolomaide, citē lors occupēe par les Turcs.

*Jaques d'Auēnes de Haynau, entre print premier le voyage d'oultre mer.*

*Troupe de Frisōs Holādois & Dānois au secours de la terre Saincte.*

¶ En ce mesme temps, Henry comte de Bar voyant tous les princes Chrestiens & les principaulx, comme l'Empereur, les roys de France & d'Angleterre, les comtes de Flandres & Champagne, estre croysēz & eulx disposer pour entreprendre ledict voyage, delibera de sa part faire le semblable. Ce qu'il trouua facile & aysē à luy, parce qu'il estoit vesue n'y auoit encores guerres. aussi qu'il auoit vn filz nommé Thiebault iā mariē, & qui auoit enfans de sa femme yssue du sang royal de France, laquelle luy auoit estē baillēe en mariage en la faueur d'Agnes mere dudit Henry lors encores viuante, & qui (comme auons dict cy dessus) estoit descendue dudit sang royal.

*Henry de Bar, entreprend le voyage de Hierusalem.*

¶ Nous trouuons par les histoires que ce ieune Thiebault filz dudit Henry de Bar, eut de sadicte femme vne fille nommée Agnes qu'il maria à Ferry deuxieme du nom qui succeda à son pere au comtē de Bar, ainsi que dirons selon l'ordre du temps.

*Thiebault filz de Henry de Bar.*

# Le iiii. liure des antiquitez de la gaule belgicque

¶ Pour ces raisons ledict Henry fut plus enclin à entreprendre ledict voyage de Hierusalem, pour lequel mieulx & plus seurement parfaire, il fallia avec autres princes de la France. Sçauoir Henry comte de Châpaigne son parent de par sa mere, & André comte de Brenne, qui estoient deux sages & vaillans princes, comme ilz monstrerent depuis en l'armée contre les Infidelles, ou feirent grans faitz.

Henry comte de Châpaigne, André comte de Brenne

Les côtes de Châpaigne, Bar, & Brenne, estant en mer eurent diuerses fortunes.

Le nauire du comte de Barieté au port de Cypre, & là retenu prisonnier.

Les côtes de Châpaigne & Brenne, arriuez au camp des Chrestiens.

L'empereur Frederic Barberouffe, & Frederic son filz entreprindrēt ledict voyage.

¶ Ces trois princes assignerent iournée pour monter sur mer, ou ilz esperoient bien aduancer leur voyage: afin de preceder les armées des deux roys de France, & Angleterre, qui semblablement auoient entrepris ledict voyage quand ilz furent embarquez avec leurs gés, ayant chascun d'eulx son nauire à part & bien équipé, & qu'ilz eurent passé bien auant en la mer Ligusticque, entre l'Italie & l'Affricque, ainsi qu'ilz cuydoient & taschoient adresser leurs nauires & voyles vers Sicile, surueint vne tempeste & orages si grands & impetueux, que leursdictz nauires furent malgré eulx separez, deiettez & poulsez en diuers lieux & côtrées, en sorte qu'ilz ne sçauoient nouvelles l'vn de l'autre. Le nauire ou estoit le comte de Bar fut par fortune & impetuosité de mer, transporté iusqu'au port de l'isle de Cypre, où les gens du pais l'arresterēt, menans ledict comte de Bar & les siens, au prince & gouverneur lors occupant l'isle, laquelle par tyrannie & entreprise l'vsurpoit contre & sur son prince & maistre l'empereur de Constantinople. Ce gouverneur de Cypre combien qu'il feust Chrestien, arrestoit toutefois tout ce qu'il pouoit prendre qu'il disoit estre de bonne guerre: parce moyen il deteint ledict comte de Bar, esperant bien en auoir grosse rençon.

¶ Au regard des deux autres nauires, esquelz estoient lesdictz comtes de Champaigne & Brenne, la fortune leur fut meilleure: car apres grandes agitations & tormentz de mer, ilz se trouuerent en Sicile, ou ilz feirent racoustrer & rafraichir leurs nauires, puis poursuyirent leur voyage, tellement qu'en prosperité arriuerēt quelques iours depuis au camp de Chrestiens, si apoinct & oportunément pour iceulx Chrestiens, que (ainsi que recitent les historiens, tous conuenans en ce) sans la venue & arriuee desdictz comtes de Champaigne & Brenne, ilz estoient deliberez & ia concludoient leuer le siege: parce qu'il estoit aduertiy que ledict Saladin auoit de nouveau renforcé de beaucoup son armée d'Assiriens, Mediens, Persiens, Arrabiens & Egiptiens.

¶ L'an mil cent octante & neuf, Frederic empereur de Rome, encores qu'il feust fort vieil, entreprit neantmoins ledict voyage, dont à sa louenge furent composez ces deux vers.

*Annis vnderis demptis de mille ducentis,  
It pater, & natus, dux, & rector Fredericus.*

¶ Il laissa pour gouverner l'empire en son nom & absence, Henry son filz peu auant par luy constitué roy des Romains, mena avec luy son filz Frederic duc de Sueue: ensemble plusieurs gros princes, Euesques, & Prelatz de ses pais, passa Vngarie, Bulgarie, Thrace, iusques à Cōstantinople: delà s'embarquant, passa l'Helespont, & arriua en Asie la mineur, ou il eut plusieurs victoires contre le prince d'Iconie & autres Infidelles, puis veint en Cilicie, & en Armenie la mineure, ou il fut humainement receu par le prince du pais, qui le feit demeurer là quelque temps pour rafraichir son armée. Ce pendant le menoit souuent à l'esbat aux champs, dont succeda qu'un iour estant l'empereur fort lassé & eschauffé, & se voulant lauer & baigner, descēdit en vn fleue nommé Selephius, passant & fluant assez pres du lieu ou il estoit: auquel fleue se noya de mal'auanture & trop sinistre fortune, dequoy adueint vn dommage indicible à toute la Chrestienté: car le bruit de sa venue estoit ia si grand & espandu par toute l'Asie, que Saladin de peur & crainte de luy, dispoit & deliberoit ia laisser les lieux Sainctz, & soy retirer en Egipte.

L'empereur en Cilicie & Armenie

L'empereur Barberouffe noyé par fortune, au fleue de Selephius.

¶ Paul Æmyle en son histoire escript autrement de la mort d'iceluy empereur, sçauoir qu'en passant ledict fleue Selephius, son cheual tomba soubz luy en l'eau, tellement

# depuis Hue Capet, iusques à Loys, viii. du nō. F. cccxxxv.

ment qu'il ne fut possible le secourir, mais fut là soubdainement noyé. S'ainsi est ou en quelle sorte la fortune luy adueint, ie m'en rapporte à la verité. Toutefois ie l'ay leu, comme est recité cy dessus.

¶ Frederic duc de Sueue filz dudit empereur, aduertit incontinent de ceste malefortune Guido roy de Hierusalem, tenant lors son siege deuant Ptolomaide : Puis apres qu'il eut demeuré encorres quelques iours en Armenie, se iecta aux champs avec l'armée de son feu pere, pensant bien par la force d'icelle recouurer quelques citez que les Infidelles auoient repris sur les Chrestiens: mais vne Peste & mortalité se meit en son exercite, tellement qu'il en mourut plus des deux tiers, finalement fut contrainct se retirer au camp du roy Guido, avec peu de gens. Il feit honorablement inhumer le corps de sondict pere en la cité de Thir. Son frere Henry constitué roy des Romains & laissé gouverneur de l'Empire, aduertit de la mort de sondict pere reteint & entreprit l'Empire. Puis quelque temps apres se retira à Rome, ou il fut couronné par le pape Innocent.

*Peste en l'armée du ieune Frederic*

*Henry filz de Barberousse, succeda en l'empire.*

¶ Pendans ces choses susdictes la cause & le differant de noz deux susnommez esleuz euesques de Verdū, se traitoit & deduisoit en la chambre Imperiale de la Germanie, en l'absence dudit empereur Frederic, & souz le gouvernement de son filz Henry roy des Romains. Si y fut tellement procedé qu'en ceste mesme année mil cent octate & neuf, nostre euesque Albert obtint sentence à son proffict: consequemment receu à faire foy & hommage, puis mis en possession du temporel dudit euesché de Verdun, dequoy peu apres s'engendrerent & sourdirent entre les parties & leurs adhe-rens, dissentiōs, haynes & iniures trop grâdes, lesquelles durerent longuement, voire tant que nostredict euesque Albert vesquit, comme nous dirons cy apres.

*Albert obtint sentence en la court de l'empereur, cōtre sa partie aduersē.*

¶ L'an mil cent nonante, Philippe roy de Frâce, deliberé & resolu à l'expedition du saint voyage laissa le gouvernement de son royaume à Adile sa mere, & à Guillaume cardinal & archeuesque de Reims, son oncle: ausquelz il ordonna & enioignit ne faire aucunes exactions sur les eglises durant son absence: Aussi que toutes les rentes & reuenues de son royaume feussent portées & gardées à Paris. Et s'il aduenoit qu'il mourust audict voyage, vouloit que tout son tresor fust diuisé en quatre pars, dont les deux feussent applicquées & employées es reparations des eglises destruites & ruinées par les guerres qu'il auoit mené, & à faire prier Dieu pour son ame & celles de ses predecesseurs. La tierce part feust distribuée aux paoures laboureurs du royaume qu'il auoit appoury & endommagé par exactions, & tailles qu'il auoit extorqué d'eulx. Et la quatre partie de tout sondict tresor, ordonna estre reseruee pour son filz Loys, nayant lors encores que trois ans. Ce fait alla saluer les corps Saintz de saint Denys & ses compagnons, prit congé d'eulx en la maniere accoustumée. Puis se partit, veint s'embarquer à Genes, poursuyuant son voyage, tant qu'en prosperité bien bone arriua à Messine cité de Sicile, ou il attendit quelques iours Richard roy d'Angleterre, qui quasi en mesme tēps l'estoit aussi embarqué à Marseille. Ces deux roys hyuernerent tout l'hyuer en ladicte cité de Messine, ou ce pendant furent honorablement receuz & traictez par Tancredus nouveau roy de Sicile, qui lors occupoit à force ledict royaume, contre Henry sixieme du nom nouvellement esleu empereur: lequel pretendoit droit en icelluy royaume à cause de sa femme.

*Ordonnance du roy Philippe auāt son partement pour aller en Hierusalē*

*Richard roy d'Angleterre entreprend le Saint voyage.*

¶ L'an mil cent nonante & vn aduenant le printemps, le roy de France Philippe accompaigné d'Adon, alias Odon duc de Bourgogne, Thiebault comte de Bloys grand Seneschal de France. Philippe comte de Flandres, & plusieurs autres princes, partirent de Sicile, & veindrent par mer, arriuerent au camp des Chrestiens, estant deuant la cité d'Acon, ou Ptolomaide, la ou ilz furent receuz avec ioye inenarrable.

¶ Nous lifons qu'entre ces princes de France, qui suyuirent ledict roy Philippe en ladicte expedition d'oultre mer, se trouuerent aucuns de la noble maison de Iouuille, qui

# Le iiii. liure des antiquitez de la gaule belgicque

qui estoient trois freres enfans de Godefroy troisieme du nom, Baron dudit Iainuille, & Seneschal de Champagne. Le plus ieune desquelz nomm  Guillaume, fut premierement euesque de Langres, puis apres sur ses vielz iours, archeuesque de Reims enuiron l'an mil deux cens dixneuf. Le puisn  nomm  Godefroy, depuis surnomm  Troulart succeda es baronnies de Riuel, & Vaucouleur. Et l'aisn  appell  Simon, apres la mort de son pere (qui adueint l'an mil deux cens) luy succeda en la baronnie de Iainuille, & seneschaulc e de Champagne. Ces deux freres entreprirent ledict voyage du viuant de leur pere, avec ledict roy Philippe en l'ann e susdict e mil cent nonante, & s'embarquerent   Genes quant & luy. Mais il adueint que le nauire ou ilz estoient fut par fortune de mer poul  & iett  en l'isle de Sardine, en laquelle ilz feirent grands faitz d'armes contre les Infidelles: tellement que ledict Simon y conquist terres, villes, & chasteaulx. Toutefois ilz suyirent tost apres l'arm e du roy Philippe, qui estoit abord e au port de Messine en Sicile, ou se trouua aussi Richard d'Angleterre. Si se ioignirent   eulx les deux freres, puis ayans tous ces princes & seigneurs hyuern  en Sicile, s'en partirent pour parfaire leur voyage: mais au desancrer, ilz se separerent, s'en allant le roy de France tout droit. trouuer l'arm e des Chrestiens tenans le siege deuant Acon, ou il suyuit ledict Simon de Iainuille. Et le roy d'Angleterre prenant son chemin par le royaume de Cypre, ou s'en alla avec luy Godefroy de Iainuille depuis nomm  Troulart, lequel feit faitz d'armes telz & si grandz, qu'il gaigna la grace dudit roy Richard d'Angleterre (comme nous dirons en l'ordre du temps).

*Guillaume de Iainuille euesque de Langres, puis archeuesque de Reims.*

*Simon de Iainuille victorieux en l'isle de Sardine.*

*Godefroy de Iainuille dit Troulart*

¶ La cause qui meut le roy Richard de prendre son chemin en Cypre, fut, que luy estant en Sicile eut aduertissement de la prise du comte de Bar Henry, son par t, que le prince de Cypre auoit arrest  & detenoit, aussi que ce prince occupoit tyranniquement ladicte Isle, contre & sur son maistre & seigneur, faisoit soubz couleur de ce, iournellement maulx inumbrables. Si delibera ledict roy d'Angleterre adresser ses voyles vers ladicte Isle, en expulser le Tirant, & deliurer ledict Henry comte de Bar. De fait se meit avec son arm e en mer, laquelle l'agita & tormenta beaucoup, par tempestes & oraiges que surueindrent: Toutefois il arriua finalement en l'Isle de Cypre, laquelle subiugua facilement, la reduist en son obeissance, prit prisonnier le Tirant qui l'occupoit: ensemble sa fille & tous ses tresors, meit garnison par toutes les places soubz la conduicte de Guillaume Talbot son Seneschal qu'il laissa en l'Isle pour la gouerner soubz son adueu. Par ce moyen fut deliur  Henry comte de Bar, avec ses gens qui auoient est  detenez quant & luy: lesquelz & luy ensemble rendirent graces   Dieu, & audict roy Richard, vers lequel ledict comte Henry recongneut depuis en maintes sortes le benefice qu'il luy auoit fait, & ne l'abandonna oncques tandis qu'il guerroya les Infidelles en la terre Sainte. Aussi ne feit Godefroy de Iainuille dict Troulart, qui (comme j'ay dit n'agueres) auoit entrepris le chemin avec luy.

*Richard roy d'angleterre subiuga Cypre.*

*Henry comte de Bar, deliur  des prisons du prince de Cypre, par le roy d'Angleterre*

¶ Cypre doncques ainsi conquise, le roy Richard, le comte Henry de Bar, Godefroy de Iainuille, & leurs gens & arm e r'entrerent en mer, pour aller trouuer le camp des Chrestiens deuant la cit  d'Acon, ou i  le roy Philippe les attendoit, differant & remettant l'assault de ladicte cit , iusques   leur venue & arriuee.

¶ Or ces princes estans sur mer poursuyuans en diligence leur voyage & chemin, en nauigant rencontrerent vne grande & grosse Naue, bien forn e & equippee de gens de guerre, avec force victuailles & munitions, venans d'Egipte de l'ordonnance de Saladin, pour auitailler la ville d'Acon assiegee par les Chrestiens, & son camp estant l  aupres. Laquelle Naue lesdictz roy d'Angleterre & comte de Bar, assaillir t si vaillamment qu'ilz le prindrent   force, tuans & mettans   sac tous ceulx de dedans, & se faisans maistres desdictz viures & munitions y estans, qu'ilz conduirent au camp des Chrestiens: ausquelz tel secours veint bien   point. Aussi furent ilz receuz en grande ioye, & comme de ceulx qui en auoient extreme necessit .

*Nauire des turcs pris, par le roy d'Angleterre & le comte de Bar.*

¶ Les

# depuis Hue Capet, iusques à Loys, viii. du nō. F. cccxxxvi.

¶ Les historiens dient qu'en ceste Naue furent trouuées des bouteilles de terre pleines de Serpens, en la maniere dont Annibal auoit iadis vsé contre les Romains.

¶ Les princes Chrestiens ainsi assemblez deuant Acon, ou ilz auoient ia tenu le siege deux aus, donnerēt l'assault à la cité, & de sorte la pourfuyirent q̄ finalement ceulx de dedans furent contrainctz la rendre, leurs vies saulues. Article qu'on leur accorda soubz cōdition de remettre es mains des princes Chresties, la vraye Croix iadis perdue en la bataille, ou fut desconfit le roy Guido, & qu'on pensoit estre en ladite cité d'Acon : mais non estoit, & ne peult oncques estre trouuée, à raison dequoy la plus grande part des Infidelles fut mise à l'espée par l'ordonnance du roy d'Angleterre.

*La cité d'Acon prise par les Chrestiens.*

¶ Apres ceste victoire adueindrent plusieurs fortunes & aduersités en l'exercite & armée des Chrestiens, en ce que Sibile femme du roy Guido, qui par le moyen d'elle tenoit le tiltre de roy de Hierusalem, alla de vie à trespas d'un flux de ventre, ensemble quatre de ses filz. Ce qui donna depuis occasion de troubles & questions entre les princes pour la succession & tiltre du royaume de Hierusalem. Dauantage ceste mesme année moururent plusieurs desdictz princes & prelatz Chrestiens, estans oultre mer, & ce de maladies contagieuses regnantes en leur cāp. Entre lesquelz estoient Philippe comte de Flandres, Robert de Betune, Robert de saint Omer, Frederic duc de Sueue filz du defunct empereur Barberouffe, le comte Thiebault Seneschal de France, & maintz autres.

*La mort de Sibile royne de Hierusalem, & de ses enfans.*

*La mort de plusieurs princes chrestiens estans delà la mer.*

¶ Toist apres la mort du bon comte de Flandres, commencerent apertement à se renoueller les anciennes inimitiés, haynes & factions, entre les roys de Frāce & d'Angleterre: tellemēt que Philippe roy de France s'excusant sur l'indisposition de sa per-tonne, causée par l'air du pais qu'il disoit luy estre contraire, declara absolument qu'il vouloit retourner en France. De fait, laissa la charge de son armée à Odon duc de Bourgongne, & à Simon baron de Iainuille: dequoy tous les princes furent fort troublez & courroucez. Attendu mesmes que l'esperance estoit, que de brief Saladin seroit deffait, & ne pourroit resister.

*Retour du roy Philippe en France.*

*L'armée des François demeure soubz la charge du duc de Bourgogne & du baron de Iainuille.*

¶ Aucuns historiens excusent ledict roy Philippe, disant qu'il estoit aduerti à la verité, Richard roy d'Angleterre auoit pris intelligēce avec Saladin, de trahir toute l'armée Chrestienne, luy rendre la cité d'Acon, & ledict roy Philippe, à quoy faire le mouuoit & stimuloit vne enuie se nourrissant en son cuer: pource qu'il luy sembloit que l'honneur de la victoire (l'aucune estoit obrenue par l'armée Chrestienne) seroit plus defferée audict Philippe qu'à luy.

*Diverses opinions du retour du roy Philippe.*

¶ Les autres dient que ledict roy de France apres la mort dudit comte de Flandres, faignit estre malade, afin d'auoir occasion de s'en retourner en son pais, pour entreprendre sur le comté & pais de Flandres, ce qui semble plus approcher du vray que l'autre opinion excusatoire. Veu qu'aussi tost qu'il fut retourné, il monstra manifestement & effectuellement son intention, & la cause motiue de son retour, estre celle que ie viens de dire dernièrement. Car il retira soubz son obeissance la plus grāde part dudit pais de Flandres: enquoy faisant eut de grandes guerres contre Bauldouyn comte de Haynau, à qui appartenoit ledict comté de Flandres, à cause de sa femme Marguerite sœur du comte Philippe defunct.

¶ Richard roy d'Angleterre, apres le parterment du camp dudit roy Philippe, commença plus virilement & hardyement, que parauant à profiter à la chose publique Chrestienne: parce qu'il luy sembloit estre le premier & le plus puissant des autres princes demeurez au camp, & armée lors estant delà la mer. Aussi à la verité ne se y fit rien delà en auant sans son sceu, voire ordonnance, telle comme estant le principal de l'armée.

¶ Nous lisons que pendant que ledict roy Richard estoit en telle auctorité audict camp, il prit grande familiarité avec les deuant nommez, Simon baron de Iainuille, & Geofroy de Iainuille surnommé Troulart, freres. Et leur portoit tāt de credit qu'en tous les plus grands affaires de la guerre, il les vouloit tousiours auoir avec luy. Et par leur moyen & conseil fait grādes conquestes depuis le retour du roy Philippe: cōme

*Le roy d'Angleterre conqueste plusieurs cités en Sicilie.*

des

# Le iiii. liure des antiquitez de la gaule belgicque

*Simon & Godefroy de Iainuille freres, aymez du roy d'Angleterre. Portiõ des armes d'Angleterre, en l'escu de ceulx de Iainuille.*

*La mort de Conrard marquis de Montferrat & seigneur de Thir en Sirie.*

*Henry comte de Châpaigne prit le tiltre de roy de Hierusalé de par sa femme Isabelle.*

*Guido de Lusigné roy de Cypre.*

*Pourquoy les roys d'Angleterre entreprenēt le tiltre de Hierusalem.*

*Chrestiens deliberez d'assiéger Hierusalem.*

*La mort de Henry, comte de Bar.*

*Victoire des chrestiens, contre Saladin.*

*La prise de Bethleem par les chrestiens.*

*Le roy d'Angleterre empesche l'assault de Hierusalem.*

des citez de Carphas, Iaphe, Gazie, Afcalon le Daron, Emaus, & d'autres fortressees situées sur la marine. Et tant ayma ledict roy Richard, iceulx deux freres, que peu auant son partement de Sirie pour reuenir deça la mer, il leur dõna portio des armes royales d'Angleterre, qu'il voulut estre mise en l'Escuffon de celles de Iainuille: cõme on la void encores de present es anciennes armoiries de la maison de Iainuille.

¶ Enuiron ce mesme temps Conrard Marquis qui auoit par force pris à femme Isabelle sœur non germaine, de la royne Sibile defuncte, & fille d'Amalry iadis roy de Hierusalem, & lequel Conrard auoit occupé, & encores tenoit la cité de Thir: comme auons dict en l'euesque precedent. En passant par vne rue de ladicte cité de Thir, fut tué par deux paillards qui à la suggestion du prince des Turcs, auoient entrepris ce faire. A l'occasion dequoy le roy d'Angleterre sollicita & induist Henry comte de Champaigne, qui estoit son nepueu, de prendre en mariage ladicte Isabelle vesue dudit Conrard, à laquelle de droict successif apartenoit le royaume de Hierusalem, & la seigneurie de Thir.

¶ A ce mariage s'accorda ledict Henry comte de Champaigne, & par le moyen d'icelluy emporta le tiltre de roy de Hierusalé. Platine toutesfois dit que ledict Richard roy d'Angleterre prit en son nom ledict tiltre de roy de Hierusalem. Et pour contenir Guido de Lusignen, parauant portant ledict tiltre, à cause de sa feue femme Sibile, ce roy Richard luy bailla l'Isle de Cypre qu'il auoit conquis en la sorte que vous à esté declarée, laquelle Isle Guido accepta volontiers, s'y retira, & en ioit long temps laissant audict roy Richard le nom de roy de Hierusalem: dont est aduenü & succédé que tousiours depuis les roys d'Angleterre ont prit le tiltre de Hierusalem.

¶ Soit que Henry comte de Champaigne emportast le tiltre de roy de Hierusalem, à cause de la femme, soit que ledict roy Richard le reteint pour luy: Il est certain que cestuy roy Richard & Odon duc de Bourgõgne, conducteur de l'armée Françoise, entreprirent l'an mil cent nonante deux, aller assaillir la cité de Hierusalem. Pourquoy faire se meisrent en chemin avec grosse armée bien equippee: dequoy Saladin aduertit ordonna aux conducteurs de son exercite costoyer celluy des Chrestiens, ce qu'ilz feirent tellement que par deux iournées qu'ilz assaillirent continuellement, & frapperent sur la queue & arrieregarde desdictz Chrestiens, ilz en tuerent beaucoup: Toutefois l'armée Chrestienne sans s'arrester à telles escarmouches passa & poursuivit en sorte la deliberation de ses princes, qu'elle veint iusques deuant vne ville de Iudée nommée Assur, ou le roy Richard fut par infortune blessé d'un coup de trait, qui toutesuoyes n'empescha qu'il ne passast plus oultre vers Hierusalé. Quoy voyant Saladin iugeant la victoire luy estre presente, veint le lendemain à bataille rengée assaillir avec son armée, celle des Chrestiens: lesquelz se deffendirent virillement bataillans sans cesse, depuis le midy iusqu'au soir, si que de costé & d'autre y en eut grand nombre de tuez. Entre lesquelz mourut Henry comte de Bar, dont fut grand dommage: toutesfois en fin la victoire demeura aux Chrestiens, ensemble le camp ou ilz demorerent campez toute la nuit, soubz la faueur de laquelle Saladin contrainct de fuir, se retira en la cité de Hierusalem.

¶ Le troisieme iour apres ladicte bataille les Chrestiens prindrent Bethléem, ou ilz meisrent & assierent leur camp. Peu apres leur arriuee là ilz furent aduertis par leurs espies & explorateurs, qu'il venoit grande prouision & victuailles de l'Egipte pour la fortificatiõ de Hierusalem: à raison dequoy, ledict roy Richard sen alla toute nuit & en diligence avec partie de ses gens, sur les passaiges & destroiectz, ou il gaigna toutes lesdictes munitions qu'il feit mener au camp des Chrestiens. Dont ensemble des victoires precedentes sourdit vn bruiet tout commun, tant en l'armée des Chrestiens qu'entre les ennemis, que la cité de Hierusalem ne resisteroit aucunement. Voire que Saladin dispoisoit desia l'abandonner & soy retirer en Egipte, ce qu'apertement donna vouloir & courage à tous les princes Chrestiens, fors le roy Richard, de poursuyure leur entreprise: mais icelluy roy (on ne scait qui changea son vouloir) quand les autres furent prestz à marcher, commença à haranguer, remonstrant y auoir danger d'assaillir sur l'hiuer, & mettre camp deuant ladicte cité, & que le plus seur & vtile estoit



# depuis Hue Capet, iusques à Loys viij. du nō. F. cccxxxvij.

estoit differer iusques au printemps, De fait se retira deslors avec son armée, en Ascalonne, pour y hiberner. Odon de Bourgogne, Henry de Champagne avec les François en la cité de Thir, & les Venitiens & Pisoys apres maintes grandes dissensions qu'ilz eurent ensemble, retournerent en leurs pays.

¶ L'an mil cent nonantetrois adue nu le prin temps & lors que les princes chrestiens deliberoient aller mettre le siege deuant la cité de Hierusalem, Richard Roy d'Angleterre declara publicquement, quil vouloit retourner en son pais, s'excusant & prenant couleur que le Roy de France, en son absence inquietoit & inuadoit la Normandie: mesmes auoit intelligēce avec sō frere Ieā sur l'ētreprise de sō royaume d'Angleterre.

¶ Certes, les princes chrestiens furent bien estonnez ayans telles nouvelles, & au contraire les ennemis tellement fiers & orgueilleux, que ou peu auant ilz demandoient appointement offrans rendre la cité, noz gens furent contrainctz prendre avec Saladin tel appointement qu'il luy pleut assauoir cinq ans de trefues: aussi, à cōdition que les chrestiens rendroient tous les lieux & pais qu'ilz auoient de nouveau repris, excepté, les citez de Thir & Ptolomaide autremēt dictē Acō, qui leur demurerēt avec quelzques petitz chasteaux assiz pres desdictz cités qu'il teindrent durans les trefues sans estre inquietez des ennemis.

¶ Iean de Bergame en son histoire escript que ce Richard Roy d'Angleterre receut de Saladin vne somme innumerable d'or & d'argent, pour cest appointement. Aussi luy en prit il mal depuis car retournant en son pais par Vrgarie & passant pres Viēne en Autriche fut recongneu & denōcé à Lupoldus prince du pais qui pour soy venger d'vne grande iniure que luy auoit fait ledict Roy Richard à la prise d'Acon, l'arresta & peu apres le mit es mains de Héry vj. nouveau empereur, l'accusant de plusieurs crimes & malefices. Dont succeda que l'an mil cēt nonante quatre il paya finalement pour sa deliurāce trente mil marcs d'or, pour le recouremēt & amas desquelz furent faictes exactions & extorsions inaudictes sur les eglises de ses pais & les calices, reliques & ioiaux d'icelles quasi tous alienez & venduz.

¶ Depuis & apres le retour des Roys de France & d'Angleterre, aucuns princes chrestiens demurerent encores quelque temps en la terre sainte, es cités de Thir, Ptolomaide & autres chasteaulx & places qu'il auoient retenu par l'appointement cy dessus recité. Entre autres, les deux freres de Iainuille Simon & Godefroy dict Trolart, y demurerent bien cinq ans depuis deffendans tousiours la terre sainte en attendant secours des chrestiens de l'Europe, qui ne leur fut enuoyé. Au moien dequoy Simon l'aîné, Baron dudit Iainuille, retourna au pais & succeda depuis es comtez de Rinel, & Vaucouleur par la mort de sōdict frere Geoffroy trolart. Puis mourut ledict Simon enuiron l'an mil deux cens quaranteneuf laissant vn filz Iean de nom, duquel escrirons suyuant l'ordre du temps. Aucuns ont escript que cestuy Simon entreprit encores vne fois le voyage pour la deffence de la terre sainte, avec saint Lois, pour preuue dequoy alleguent son epitaphe à Clervaulx: toutefois les dates du temps sont douteuses.

¶ Godefroy ou Geoffroy de Iainuille surnōmé Trolart ne retourna oncques puis d'oultre mer, ains mourut sans enfans, en la terre sainte, ou il fut inhumé. Son escusson escartelé des armes d'Angleterre, fut mis sur son tombeau, ou son nepueu Iean de Iainuille qui feit le voyage avec saint Lois, le trouua depuis, & le rapporta à Iainuille, ou on le void encores de present en l'eglise saint Laurent au chasteau dudit Iainuille. Nous trouuons cestuy Godefroy ou Geoffroy auoir esté surnommé Trolart pource qu'il prit prisonnier vn Pirate de mer Geneuois nōmé Trolart, qui par traison auoit brulé quelques nauires des chrestiens. Aucuns ont escript qu'il tua ce Pirate d'vne Truille instrument de pescherie, dont fut dict Trolart.

¶ Enuiron ce mesme temps mil cent nonantetrois mourut Saladin Roy d'Egipte. Ce Turc, ordonna, si tost qu'il seroit expiré, vn linceux estre porté au bour d'vne lance par vn cheualier, qui criast à haulte voix par la cité ou il mourut. Le seigneur & dominateur d'Asie n'emporta de ce monde aultre chose. Apres sa mort l'esmeurent grands debatz, guerres & dissensions entre ses enfans & son frere pour la

*Deliberation du Roy d'Angleterre de retourner en son pais,*

*Appointement entre les chrestiens & Saladin.*

*Opinion que le Roy d'Angleterre receut grad or & argent de Saladin Le Roy d'Angleterre retenu prisonnier en Allemagne.*

*Simon & Godefroy de Iainuille freres demurerēt en la terre sainte apres le retour des autres princes La mort de Simon de Iainuille*

*La mort de Godefroy Trolart.*

*Pourquoy Geoffroy de Iainuille fut surnommé Trolart.*

*La mort de Saladin persecuteur des chrestiens.*

# Le.iiii. liure des antiquitez de la gaule Belgicque

successiō & tiltres des royaumes & seigneuries qu'il auoit laissé. Ce qui fut cause que les chrestiens demeurans en Asie furent aucunement en paix.

*La mort de Henry de Champagne portant tiltre de Roy de Hierusalem.*

¶ En ceste mesme année Henry comte de Champagne qui portoit le tiltre de Hierusalem, visitant les fortresses de la cité de Tholomaide cheut de fortune d'un hault lieu, en terre si qu'il en mourut Soubdainement.

*La mort de Guido de Lusignā iadis Roy de Hierusalem.*

¶ Aussi en ce mesme temps trespassa de ce siecle Guido de Lusignan festant retiré en l'isle de Cypre (comme i'ay dict) en laquelle luy succeda son frere Emeri, qui depuis prit pour femme Yzabelle vefue de Henry comte de Champagne, à cause de laquelle icelluy Emeri receint le nom de Roy de Hierusalem.

*Emeri de Lusignā prit le tiltre de Roy de Hierusalem.*

¶ Si les lecteurs veullent congnoistre les noms de la pluspart des autres princes chrestiens qui moururēt en Asie en la dernière croysée laquelle fut entreprise pour recouurer la cité de Hierusalem, voyent & lisent à ceste fin Iacques Meyerus soubz l'année mil cent nonantetrois, là il nomme entre autres le comte de Bar, soubz ces motz *Henricus comes Barleducius.*

*Thiebault de Bar prent possession du comté de Bar.*

¶ L'an mil cent nonantequatre Thiebault comte de Bar, aduertit de la mort de son pere Henry prit la possession du comté de Bar. Cestuy Thiebault auoit espousé Ermençon de Luxembourg fille de Henry l'aveugle comte de Luxembourg & de Namur, & sa seule heritiere: à raison dequoy elle portoit tiltre de cōtesse de Luxembourg comme aussi faisoit son mary Thiebault à cause d'elle, neantmoins elle fut desheritée & priuée dudit comté de Luxembourg, viuant encores sondict pere, par l'empereur Frederic Barberouffe ainsi qu'auons escript cy dessus en l'euesque Albero de Chiny.

*Thiebault de Bar espousa Ermençon de Luxembourg.*

¶ Puis que nostre matiere se dōne & offre à escrire en cest endroit des comtes de Bar, & du temps qu'ilz furent alliez par mariage à ceulx de Luxembourg, icy auant que passer oultre traiterons la diuersité des historiens, qui ont escript dudit Thiebault cōte de Bar, & d'Ermençon de Luxembourg sa femme. Doncques pour entendre ceste diuersité, reduiray aucunement en memoire ce qu'auons desjà escript cy dessus en l'euesque Albero parlans de ce Henry l'aveugle & de ladicte fille Ermençon ensemble des opinions diuerses des historiens.

*Première opinion de Ermençon de Luxembourg & de son mary Thiebault de Bar.*

¶ Dont la première est que ladicte Ermençon succeda au comté de Luxembourg apres son pere & en iouyt sa vie durant avec son mary Thiebault de Bar duquel elle n'eut oncques enfans. Tier oultre ceste opiniō première, estre vray qu'apres la mort de Henry l'aveugle Thiebault de Bar, à cause de sa femme, vouloit succeder es cōtez de Luxembourg & Namur. Mais il fut empesché par l'empereur Henry vj. en l'an mil cent nonante vn, allegant ledict empereur que filles ne deuoient succeder esdictz comtez. L'un desquelz scauoir est Luxembourg, il bailla deslors à vn prince de Bourgogne nommé Othon qui ne le garda longuement mais le restitua ausdictz Thiebault de Bar, & sa femme. Quant au comté de Namur, Manasses comte de Retheloy & le comte de Haynaud qui auoient espousé les deux seurs de Henry l'aveugle, le pretendoient respectiuellement, le peuple de Namur fauorisoit Manasses, mais ledict empereur Henry vj. qui soustenoit le comte de Haynaud, luy bailla ledict comté de Namur dont Thiebault de Bar fit grande querelle voire mena grosse armée deuant Namur l'an mil cent nonantetrois, toutefois appointement se fit entre eulx, par lequel Namur demeura audit comte de Haynaud. Et pour recompense d'icelluy, Thiebault & sa femme Ermençon eurent le comté de Roche, & la seigneurie d'Vrbu, que les comtes de Luxembourg tiennent encores auourd'hui. Oultre par cest appointement ledict empereur restitua le duché de Lorraine qu'il empeschoit à Simon duc de Lorraine gendre dudit Thiebault, lequel appointement fut fait à Dinant au monastere saint Me dard l'an mil cent nonanteneuf. Partant fault selon ceste opinion inferer & dire que ledict Thiebault eut deux femmes, puis qu'il auoit vn gendre car elle tient que Thiebault mourut sans enfans de sa femme Ermençon l'an mil deux cens quatorze.

Dit

# depuis Hue Capet, iusques à Loys viij. du nō. F. cccxxxviiij

Dit outre ceste opinion que ladiète Ermençon prit pour second mary Valeran second filz du duc de Lēburg en traictant le mariage duquel lediēt duc de Lēburg (bailla à son diēt filz le Marquisat d'Arion. Et que lediēt Valerā querela depuis le comté de Namur contre ceulx de Haynaud & Flandres, auquelz Henry vi. auoit baillé lediēt comté, & d'icelluy priuē & desherité ladiète Ermençon sa femme. Et que quelque temps apres appointement fut fait audict Dinant comme appert par lettres autentiques desquelles j'ay extraiēt ceste clause.

**E GO IOANNA, FLANDRIÆ ET HANNONIE Comitissa omnibus certum facio &c. Quod post longuam guerram habitam inter me & Philippum Marchionem Namursem consanguineum meum & fidelem, ex vna parte. Et virum nobilem dominum Valeranum ducem de Lēburg comitem de Luxembourg, Et dominam Ermenfidem uxorem eius, ex altera parte. Super comitatu Namurcensi pax est reformata in hunc modū &c.**  
*Actum apud Dinantum feria secunda post Inuocavit anno millesimo ijc. xxxij. mense Martio.*

Tiens plus ceste opinion que lediēt Valeran eut plusieurs enfans de sa femme Ermēson, desquelz l'aîné nommé Henry succeda es seigneuries de Luxembourg & d'Arion & eut pour femme Marguerite de Bar, fille de Henry premier ou. ij. ou de Thiebault deffunt, enquoy est difficile accorder les temps. On trouue neantmoins que ladiète Marguerite fut inhumée avec son mari Henri de Luxembourg en l'abbaye de Claire fontaine pres Arion, ou, sur sa tombe est insculpé l'epitaphé qui s'ensuit. Cy gist la cōtesse honorée de Luxembourg, Margueritte nōmée qui moult fut laige, & fut extraiēte du linaige de Bar & de Bretaigne, & fait desployer maintes enseignes &c. Danaun raige dit celle opinion que cestuy Henry de Luxembourg eut grosse guerre enuiron l'an mil deux cens soixantefix contre son beau frere Thiebault deuxieme du nom cōte de Bar, qui auoit aussi espousé la seur dudiēt Henry, toute fois quelque temps apres appointement fut fait entre eulx enuiron l'an mil deux cens septante. Par lequel lediēt Henry fait participant & associa lediēt Thiebault. ij. qui auoit espousé la seur en la moitié des seigneuries de Maruille & Arancey que lediēt Henry auoit acheté de son cousin Valeran comte de Falkembourg, à condition toute fois qu'e lediēt Thiebault tiendrait ladiète moitié en fief des comtes de Luxembourg comme encore se fait auourd'hui. Et de ce est appelée la terre cōmune. Ceste opinion dist aussi que lesdiēt Valeran & Ermençon eurent trois filles, dont l'vne Marguerite fut mariée à Thiebault. ij. comte de Bar, la ij. fille Catherine, fut mariée (comme elle tesmoigne) à Mathieu ij. du nom, duc de Lorraine, qui commença à regner, l'an mil deux cens dixneuf. La troisieme fille fut mariée au filz du comte de Falkembourg, qui par le traicté de son mariage emporta Maruille & Arancey. Lesquelles seigneuries Valerā leur filz védit depuis à son oncle Henry de Luxembourg (comme auons n'agueres recité) mais si les lecteurs considerent la supputation des temps il est difficile accorder le temps de l'achapt de Maruille, & de la guerre que lediēt Thiebault de Bar, eut contre icelluy Henry son beau frere.

*Valeran second mari d'Ermençon*

*Henry de Luxembourg filz de Valeran & d'Ermençon,*

*Thiebault. ij. comte de Bar, associé à Maruille & Arancey.*

*Des filles de Valeran & d'Ermençon selon ceste opinion.*

*Seconde opinion de Thiebault de Bar & d'Ermençon sa femme.*

*Henry filz de Conrad comte de Luxembourg selon ceste opinion.*

¶ L'autre opinion des historiens laquelle se trouue es annalles de Treues & conuient aux histoires de Barrois, dist que Ermēson estant encores ieune, voyte du viuant de son pere fut priuēe du comté de Luxembourg, par l'empereur Frederic Barberouffe qui voyant Henry l'aveugle pere de ceste Ermençon n'auoir nul enfant male, bailla lediēt comté à Conrard de Luxembourg troisieme du nom (duquel auons escrit cy dessus) qui auoit espousé la seur dudiēt Henry l'aveugle, & estoient lesdiēt Conrard & Henry sortiz d'un mesme tronc. (Et qu'apres la mort d'icelluy Henry l'aveugle l'empereur Henry filz dudiēt Barberouffe bailla aussi le comté de Namur au comte de Henaud son parent: Par tant Ermençon fut priuēe desdiēt deux comtez dōt adueint qu'apres qu'elle fut mariée en premieres nopces à Thiebault premier du nom comte de Bar son diēt mary, mena, grāde guerre contre Henry de Luxembourg filz de Conrard pour retirer de luy lediēt comté de Luxembourg, qu'il disoit appartenir à ladiète femme à cause de laquelle il en portoit le nom & tiltre combien qu'il en feussent priuez.

# Le.iiii. liure des antiquitez de la gaule Belgicque

Henry cote de Luxembourg prisonnier de Thiebault cote de Bar.

¶ Oultre ce, qu'environ l'an mil deuxcens, en vne rencontre & confict, ledict Thiebault prit prisonnier icelluy Henry de Luxembourg, & le mena à Bar, ou il fut plus d'un an, pendant lequel ledict Thiebault prit encores la ville de Liney appartenante au dict Héry de par sa femme Marguerite de Bar, seur d'icelluy Thiebault. Dit oultre qu'a l'assault dudit Liney Valeran frere dudit Henry de Luxembourg fut tué lequel Valeran auoit espoucé la fille de Henry comte de Limburg seur de Henry & de Valera de Limburg; & que les religieus de saint Maximin & de saint Mathias de Treues firent les obseques pour l'ame dudit Valeran à la petition de ladicte femme & yefue, laquelle se rendit par apres religieuse à nostre Dame de Treues. Parquoy appert Henry comte de Luxembourg & Valeran son frere n'auoir esté filz de Valeran de Limbourg & de ladicte Ermenfon mais seulement affins.

¶ Finalement dict que par le moien de plusieurs princes parens amis & alliez d'icelz comtes Thiebault de Bar, & Henry de Luxembourg, signamment à la priere & poursuite de Marguerite de Bar, femme dudit Héry & seur d'icelluy Thiebault, ledict comte de Luxembourg fut deliuré des prisons de Bar, & le comté de Liney restitué l'an mil deux cens vn, par condition que ledict Henry donna en recompense à son beau frere Thiebault de Bar, la moitié des seigneuries de Maruille & Arancey.

Moitié de Maruille & Arancey, baillée à Thiebault cote de Bar.

¶ Selon ceste opinion doncques Henry comte de Luxembourg duquel sont descenduz les princes de Luxembourg, empereurs, & autres, n'estoit filz de Ermenfon mais dudit Conrard troisieme.

Raisons pour prouuer la seconde opinion estre plus veritable.

¶ Laquelle opinion, me semble plus apparente & approchante de la verité que l'autre prece dente. Parquoy la suyrons en nostre presente cronicque mesmes pour les raisons qui ensuiuent.

¶ Nous trouuons es cartulaires de nostre eglise de Verdun que ladicte Ermenfon vequit longuement en viduité apres son second mary Valeran, faisant ce pendant sa residence à Maruille. Elle feit aucunes donatiōs & appoinctemens avec ceulx de nostre eglise de Verdun, ou elle se nomme comtesse de Luxembourg. Lesdictes donatiōs & appoinctemens datez de l'an. Et neantmoins en ce mesme temps y auoit à Luxembourg vn comte nommé Henry.

¶ Dauantage la premiere opinion contraire à ceste seconde, tient que Thiebault de Bar & Ermenfon n'eurent oncques enfant. Et toutefois la verité est qu'ilz eurent pour le moins vn filz nommé Henry qui succeda au comté de Bar, voire porta le tiltre de Luxembourg comme ses pere & mere l'auoient porté combien qu'ilz ne iouissent du dict Luxembourg. Pour quoy premier, ie m'ayderay presentement de quelzques chartres extraittes d'une donation que feit ledict comte Thiebault à la chapelle saint Hilaremont, auourd'hui appellée nostre Dame de la Mothe, cōtenantes ces clauses ce qui ensuit.

*EGO THEOBALDVS domini Henrici comitis Barrensis filius, comes Barri & Luxemburgi, certū & mansistum esse volo omnibus quod laude & assensu Ermesidis uxoris mee comitissę Luxemburgi & Hęrici primogeniti mei, ecclesię sancti Hilarij castri nostri cōsuli q̄ in quaginta solidos fortium quos michi debebant annuatim habitatores Sauielę, &c. Datum anno incarnationis milesimo ducentesimo duodecimo.*

¶ Aussi d'autres clauses pareillemēt extraittes d'une donation faicte par ledict Héry filz dudit Thiebault & de ladicte Ermeson, à l'abbaye de Morimond, contenantes icelles clauses cecy.

*EGO HENRICVS filius nobilis viri Theobaldi, quondam comitis Barri & Luxemburgi, &c. Nouerit vniuersitas vestra, &c. Quod ego deū habēs pre oculis & seruorū dei gaudēs profectibus & ipsorum pijs me satagens rationibus commendari, ad petitionem & exhortationē illustris Dominae Dominae Ermesidis de Lutzelburgo honorādę matris meę omnes elemosinas & donatiōes vniuersas: scilicet triginta tria noualia terrę &c. Quas pater meus Theobaldus & mater mea Ermesidis ecclesię beatę Mariae de Morimundo, contulerunt. Ego, &c. Actum anno domini milesimo ducentesimo, decimo octauo, mense Iulio &c.*

¶ Par lesquelles Chartres ou donations ceulx qui sont de la derniere opinion prouuent leur intention, notamment de nous qui la suyrons comme la plus vrayé, entēdu ce qu'en venons de dire. Toutefois ie laisse le iugement d'icelles aux lecteurs.

¶ Or

# depuis Hue Capet, iusques à Loys viij. du nō. F. cccxxxix.

¶ Or pour retourner audict Thiebault comte de Bar, nous trouuons que lors de son mariage avec Ermenfon de Luxembourg, son ayeule paternelle, nommée Agnes iadis femme de son ayeul Raynaldus deuxieme du nom comte de Bar, viuoit encores & faisoit la plus part du temps, sa residence, au chasteau de Soulliers, à raison de quoy frequentoit souuent les eglises de Verdun, visitoit les suppos d'icelle cité, les aidoit & supportoit vers son filz Thiebault lors nouveau comte de Bar, en sorte que depuis la reconciliation faicte entre elle, son dict filz Henry, pere d'iceluy Thiebault, & le chapitre d'iceluy Verdun (comme auons dict en l'euesque precedent, elle fait plusieurs biens aux eglises de ladicte cité, dont elle estoit fort aymée à Verdun.

*Agnes ayeule de Thiebault comte de Bar viuoit encores l'an mil. ij. cens.*

¶ Combien que ceste ancienne comtesse Agnes feust alliée en Frāce, comme estant tanté du Roy Philippe Auguste, à cause de sa seur Alix femme de Loys vii. pere d'iceluy Philippe, ainsi que le contient ceste clause suyuant que i'ay extraicte du supplement de Laurent leodié. (*Agnetis comitissa Barrē. sororis Ludouici illustris regis Francoꝝ*) Par laquelle clause ladicte Agnes appelle ledict Loys septieme son frere, toutefois ledict Thiebault comte de Bar, filz d'icelle Agnes pource qu'il auoit pour femme ladicte dame Ermenfon de Luxembourg niepce de Bauldouin surnommé Constantinopolitanus lors tenant les comtez de Flandres & Haynaud, adheroit & tenoit plus les parties d'iceluy nouveau comte de Flandres que celles du Roy Philippe de France, durant les guerres qu'ilz eurent l'un contre l'autre comme dirons presentement.

*Agnes appelloit Loys viij. son frere pource qu'elle estoit seur de sa femme.*

¶ Depuis la deliurance de Richard Roy d'Angleterre qui fut enuiron l'an mil cent nonante quatre, iusques à sa mort qui aduient l'an mil cent nonante neuf, y eut tresgrandes guerres & dissensions entre les Frāçois, Anglois & Flamans, pour les entreprises que le Roy Philippe Auguste fait tādīs sur les seigneuries d'iceluy Richard, & contre Bauldouyn comte de Flandres. Durans lesquelles questions furent faictz & interueindrent entre cesdictz princes, plusieurs appointemens & traictes de paix, trefues, & maintes rompures & infractions de l'une & l'autre, en sorte qu'aucunefois lesdictz Flamans tenoient avec le Roy de France, autrefois estoient aliez avec les Anglois (cōme on peut veoir par les histoires ou Annales des deux Royaumes) Ainsi & par tant Thiebault comte de Bar qui suiuoit le parti des Flamans, tenoit tantost pour Frāce, incontinent apres soutenoit les Anglois.

*Thiebault de Bar tenoit l'aliance de Flandres & Haynaud.*

*Guerre entre Frāçois, Flamans & Anglois.*

¶ L'an mil cent nonante sept **Hugo** abbé de saint Venne, qui par sinistre & mauuais moiē auoit déchassé d'icelle abbaye son prochain predecesseur Thomas, fut quasi par iugement, diuin & punition de Dieu inquieté & vexé par ceulx mesmes qui auoient esté cause de sa promotion, lesquelz eurent si grande sedition & firent tel leuee d'armes contre luy, que combien que de son commencement il eust fait quelzques biens & profit à l'eglise & monastere de saint Vēne, comme d'auoir planté de nouveau la grande vigne qui est encores de present au clos d'iceluy monastere, d'auoir obtenu de nostre euesque Albert le droit de presentation de l'eglise parochiale de Bullenuille: Toutefois durant sa prelatore il fut tellement moqué, molesté & iniurié de ses religieux, que pour leur resister il dependit & dissipa la plus part des biens d'iceluy monastere, voyre obligea & yoteca grande partie des rentes d'icelluy en sorte que finalement il fut contraint quitter, ceder & renoncer ladicte abbaye apres l'auoir gouuerné & administré dix ans.

*Hugo abbé de S. Vēne molesté par ceulx mesmes qui l'auoient aduansé*

¶ Apres laquelle cession la noble dame Agnes veue de Raynaldus. ii. iadis comte de Bar & mere grand de Thiebault lors tenant ledict comté de Bar fait tellement par ses prieres & exhortations qu'un religieux nommé Estienne prieur de sainte Marguerite & de dame Marie, fut eleu abbé de saint Venne, dignité qu'il obtint plus en faueur de ladicte Agnes, & pource qu'il estoit extraict de noblesse, que pour autre cause daussi estoit il quāt à ses meurs & vertus tresmal cōditioné tellement que tost apres qu'il eut pris possession de ladicte abbaye, la noble Dame Agnes vint à Verdun visiter l'eglise de saint Venne qu'elle scauoit estre obligée & yotecquée en diuers lieux pour grosses sommes, d'argent. Elle arriuee en ladicte abbaye meue de zele & deuotion mesmes pour induire ledict Estienne nouveau abbé à bien administrer icelle abbaye: l'interroga comment il pourroit satisfaire & aquitter

*Estienne religieux prouueu de l'abbaye de saint Vēne à la faueur d'Agnes de Bar.*

# Le.iiii. liure des antiquitez de la gaule Belgicque

si grandes obligations & ypotecques. Aquoy ilz respōdit irreueremment, & plus par presumption & morquerie que la chappe rouge de saint Venne payeroit tout. Mais il n'eust plustost proferé la parole qu'il tomba soubdainement du hault de foy en la place, criant & & hurlant comme homme hors du sens, escumant par la bouche cōme vn verrat eschauffé, & desrompant son corps à force de dents & ongles, si que les assistans en auoient grand horreur & pitié pource mesmes que deslors il perdit le benefice, de la langue tellement qu'onques puis ne sceut parler. Voyāt la comtesse Agnes ce piteux cas & spectacle, meue de compassiō le feit porter sur vn list en la chambre ou il mourut tost apres. Au moyen dequoy, vn venerable religieux de ladicte abbaye nommē Loys frere d'Albert nostre euesque fut eleu abbé en son lieu, par le consentement vniforme de tous les autres ses coreligieux.

*Punitiō diuine cōtre Estienne abbé de saint Venne.*

*Loys frere de l'euesque Albert eleu abbé de saint Vène.*

*Rentes de saint Vène ypotecquées & alienées. Prudence de l'abbé Loys qui vèdispar tie pour racheter le tout.*

¶ Cestuy Loys combien qu'il feust ieune d'age estoit neantmoins meur & ancien en vert<sup>o</sup>, bōnes meurs & prudēce. A son aduenemēt, meit ordre & diligēce de reduire le monastere en son premier estat. Pour à quoy paruenir, apres auoir apperceu & congneu les rentes & reuenues de l'abbaye estre tāt ypotecquées & alienées qu'a peine y auoit il, biēs suffisāns pour nourir les religieux, aussi les edifices aller en decadēce & tōber en ruine par faulte de reparation, aduisa soubz bon conseil & deliberation meure qu'il estoit necessaire vendre & alierner totalement & abruptement quelque membre pour r'acheter & affranchir les autres, chose tresnecessaire & profitable, car les ypotecques & vsures montoient annuellement trop plus que toutes les reuenues dudit monastere. A raison dequoy, il vendit à vn noble homme nomē Thomas la signerie de Bollay avec toutes les appartenāces de ce lieu, excepté la ville de Leimersel & tout ce que l'eglise de saint Vène auoit à Ciemenges. Dauātage, il meit ordre & reformation, en son estat & maniere de viure, euitant toutes superfluitez, viuant sobriement, voire pourement, en sorte que tost apres ledit monastere peu auant destruit par les dissolutions & mauuais gouvernement de ses predecesseurs, fut restitué & restably en son premier estat par les vertus prudēce & bon gouvernement dudit Loys, qui en consequence de ce & à ces causes estoit aymé & tenu en grāde estime des princes & prelatz du pais & des enuirs. Il acquesta de nouveau plusieurs grands biens au profit dudit monastere, & feit aussi de nouveau reparer l'eglise comme dirons cy apres.

*Les Flamens irri tez contre le Roy de France pource qu'il auoit usurpé sur le comté de Flandres.*

*Le comte de Flandres prend balliance du Roy d'Angleterre.*

¶ L'an mil cent nonantehuit, les Roys de France & Angleterre estans en grandes guerres & dissentions, sollicitoient fort & taschoient respectiuelement attirer Bauldoun comte de Flandres. Mais se voyant ainsi poursuyui de ces deux grands Princes, combien qu'il eust repris & fait hommaige de son comté, audit Roy de France: toutefois pour les oultrageuses vsurpations & distractions des terres & seigneuries que ce Roy Philippe auoit fait sur le comté de Flandres, dont icelluy comté estoit beaucoup diminué, ledit comte de Flandres ensemble tous les princes circonuoi- sins dudit comté, indignez contre icelluy Roy Philippe, ne luy voulurent d'entrée fauoriser, ains delibererent entre eulx que si ledit Roy ne restituoit partie dudit cōté de Flandres qu'il vsurpoit à tort, ilz adhereroient au Roy d'Angleterre, qui estoit parent dudit comte de Flādres. De fait, les Flamans teindrent à ceste fin concile, ou fut trouué qu'a tort Philippe & Loys son pere Roys de France auoient retiré à leur domaine la cité d'Arras ensemble les villes & chasteaulx du pays denuiron & adiacent à la riuier de Somme. A ceste cause deputerent embassadeurs, avec charge de repeter dudit Roy de France la cité d'Arras qu'il refusa rendre, au moien dequoy le comte de Flandres se declarāt ennemy dudit Roy Philippe, fallia avec le Roy d'Angleterre comme aussi feirent plusieurs autres princes ses parens & amis. Entre autres Regnaud filz d'Albert comte de Dammartin à qui le Roy de France mesme auoit de nouveau baillé en mariage Yda heritiere seule du comté de Boulongne sur la mer. Cestuy Regnaud veint assaillir la ville de saint Omer de sorte quelle fut contraincte se rendre à l'obeissance du cōté de Flādres: dōt le roy Philippe fut grādemēt courroucé.

¶ Ceste

# depuis Hue Capet, iusques à Loys, viii. du nom. F. cccxl.

¶ Ceste mesme année mourut l'empereur Henry sixieme du nom, dont succederent & s'ensuyuirent guerres & dissensions entre les princes Chrestiens de l'Europe: telles qu'elles furent occasion & moyen de mettre en obly & nonchalloit ceulx qui estoient en Asie, ensemble le recouurement de la sainte cité de Hierusalem.

*La mort de l'empereur Henry vi.*

¶ Les electeurs de l'Empire, cuidans proceder à l'election d'un nouveau Empereur, tomberent en tel scisme, diuision, & discorde, que les vns voyans le consistoire, ne se pouoit accorder en ce, esleurent Philippe, frere dudit Henry sixieme, & filz de Frederic Barberousse. Les autres au contraire, Otto frere du duc de Saxonie, nepueu de Richard roy d'Angleterre, à cause de sa sœur, mere dudit Otto. Auquel à ce moyen adhera ledit roy Richard, aussi fait Bauldouyn, comte de Flandres: mesmes le pape Innocent troisieme, qui craignoit & hayoit la posterité de l'empereur Barberousse. Au contraire la plus part de la Germanie, avec Philippe roy de France, tenoient les parties dudit Philippe Barberousse, à qui à la verité appartenoit le vray droit de l'empire. Aussi pour la iustice de sa cause obtint il plusieurs victoires contre ledit Otto.

*Les electeurs de l'empire diuisés entre eulx.*

*Deux esleux en l'empire.*

¶ Cedit an mil cent nonantehuit, mourut aussi Gerard d'Alsacie deuxieme du nom, entre les comtes de Vaudémont: auquel succeda audict comté son filz aîné nommé Hugues deuxieme du nom, qui eut pour espouse Geltrude fille du duc de Bourgogne: comme appert par deux fundations, l'une faicte à l'abbaye de Clairlieu, ordre de Cisteaulx, ou l'ay extraict ces clausules.

*Hugues ij. du nom comte de Vaudémont.*

*IN NOMINE & indiuidua Trinitatis, &c. Ego Hugo comes Vademontis filius illustris viri Gerardi, &c. Notum facio quod laude & assensu Ioffridi domini de Deuiller, & uxoris mee Geltrudis, &c. Et omnium filiorum meorum Hugonis, &c. Contuli in elemosinam ecclesie beate Marie Clari loci, & fratribus ibidem domino famulantibus passagium, &c. Actum anno domini millesimo ducentesimo xxv.* L'autre fondation faicte en l'abbaye de sainte Marie au boys est datée de l'an mil deux cens dixneuf, & quasi en mesmes termes que la precedente. Ledit Hugues mourut l'an mil deux cens tréte, apres qu'il eut tenu le comté de Vaudémont trente deux ans. Il laissa plusieurs enfans.

¶ L'an mil cent nonanteneuf, le roy d'Angleterre Richard, faisant lors guerre au côté de Lymoges, assiegea un chasteau nommé Chalus, au deuant duquel, comme il regardoit l'assault qu'il y faisoit donner, fut frappé d'un trait d'Arbalestre, dont s'ensuyuit mort. Son corps fut inhumé à Fonteurault avec celluy de son pere, & son cueur à nostre Dame de Rouen. Il donna par testament aux Chanoines de ladicte eglise nostre Dame, trois cens muidz de vin à prendre sur le vicomté de Rouen, des son viuant: pource qu'il estoit magnanime & courageux, fut surnommé cueur de Lyon. Son frere Iehan, surnommé sans terre, luy succeda. Cestuy Iehan des qu'il entra au royaume renouella incontinent les alliances, avec le comte de Flandres, & autres princes de la lignée. Entre lesquelz estoient principaulx (comme dist Meyerus, soubz ladicte année mil cent nonanteneuf) Regnault comte de Boulongne, Thiebault côté de Bar & de Luxebourg, Bauldouyn côté de Guyne, & autres iusques au nombre de quinze. Ce que certifie & approuue le supplement de Siebert. Ou entre autres, il nomme le dict comte de Bar, qui estoit cousin dudit comte de Boulongne, & parent desdictz roy d'Angleterre & comte de Flandres: avec lesquelz il coniura & fallia de rechef côté le roy de France. Toutefois ceste mesme année, la paix fut traitée entre ledit roy de France & icelluy comte de Flandres, par le moyen de Marie femme dudit comte de Flandres, & niepce dudit roy de France. Vers lequel estant à Paris ladicte Marie se retira faisant en sorte qu'elle obtint paix vniuerselle entre sondict oncle, son mary, Iehan roy d'Angleterre, & les autres princes, du consentement desquelz ladicte paix fut confirmée & totalement ratifiée l'an s'uyuant mil deux cens, en l'Isle d'Andely pres Vernon.

*La mort de Richard roy d'Angleterre.*

*Legat du roy d'Angleterre aux chanoines de Rouen.*

*Thiebault de Bar allié aux Flamans & Anglois côté le roy de France.*

¶ L'an mil deux cens deux, Thiebault comte de Bar, traita le mariage d'Agnes sa seconde fille, avec Ferry de Lorraine frere de Simon, lors duc de Lorraine, qui n'auoit enfans: à raison dequoy sondict frere Ferry luy succeda au duché de Lorraine, en la sorte que declarerons cy apres.

*Thiebault de Bar maria sa fille Agnes, à Ferry de Lorraine.*

# Le iiiii. liure des antiquitez de la gaule belgicque

*La mort d'Agnes  
ancienne comtesse  
de Bar.*

¶ Ceste année mesme mourut Agnes mere grande dudiect Thiebault comte de Bar, dont mena grand ducil sa sœur Alix mere de Philippe Auguste roy de France: laquelle le semblablement trespassa quatre ans apres. Son corps fut inhumé à saint Eme de Pontigny, pres celluy de leur pere Thiebault, iadis comte de Champagne.

*Bauldouyn de Flā  
dres dict Constā  
tinopolitain entre  
prend le voyage de  
Hierusalem.*

¶ L'an mil deux cens & trois, apres la paix faicte entre lesdictz roys de France & d'Angleterre, les princes Chrestiens à l'exhortation du pape Innocent iij. entreprendrēt vne nouvelle expedition pour aller au secours de la terre sainte. Entre autres & le principal d'iceulx fut Bauldouyn comte de Flandres, lequel accōpagné de plusieurs princes & prelatz de la Gaule belgicque: mesmes (cōme dit Meyerus en son histoire soubz ladiète année mil deux cens & trois) de sa femme Marie niepce du roy de France, laissant le gouvernement de son pais à Philippe son frere, & à la garde de ses deux filles Jehāne & Marguerite, à Mathilde douairiere de Flādres, lors se tenant à Gand, partit & sembarqua avec armée bien fornée & equipée de toutes munitions necessaires. Passa à Venise ou il fut receu en grande ioye par les Venitiens qui luy donnerent grand tresor: voire luy promistrent gens, argēt, & fournitures, pour parfaire son voyage: pourueu qu'il menast son armée à leur aide contre les Iadertiniens & Istriens, qui estoient soubstraiēt de l'obeissance Venitienne, pour eulx retirer & allier aux Vngariens. A quoy l'accorda lediēt Bauldouyn, & y besongna de sorte qu'il obtint ce que les Venitiens demādoient de luy. Or pendant qu'il samusa à tenir promesse aux Venitiens, sa femme Marie du consentement voire par l'aduis de luy, poursuyuit son voyage en Sirie, avec le cōte de Nigelle, si qu'elle parueint iusques en la cité de Tholomaide. Ou attendant sondiēt mary, mourut des peines & labeurs qu'elle auoit enduré, par les agitations de la mer, dont fut grand dommaige.

*La mort de Ma  
rie femme de Baul  
douyn de Flādres.*

*Alexis filz de l'e  
pereur de Grece,  
demāde aide aux  
princes Chrestiens.*

¶ Apres la reduction des Iadertiniens & Istriens en l'obeissance des Venitiens, estans encores la cōte de Flandres, ses princes allies & leur armée, veint vers eulx le ieune Alexis filz d'Isatius empereur de Constantinople, qui leur ayant faict grandes querimonies de la tyrannie de son oncle Alexis, qui cruellement auoit creué les yeulx audict Isatius son pere: & non content de ce le tenoit encores en prison, occupant tyranniquement l'empire de Constantinople, les pria & requist, mesmes aux Venitiens estans là avec lesdictz princes Chrestiens, de le vouloir secourir & deliurer sondiēt pere, promettant grandes sommes d'argent. Ensemble de reduire l'eglise Grecanicque à l'obeissance de celle de Rome, aquoy facilement l'accorderent tous les princes Chrestiens, estans en ceste assemblée. De faict menerent tant par terre que sur mer, leur armée vers & iusques à Constantinople, dont aduertis le tirant Alexis, & son gendre Theodoric Lascaris ayans en leur compaignie lx. mil hommes, veindrent les rencontrer & empescher leur descente au port: mais noz gens bataillèrent de sorte qu'ilz demeurèrent victorieux, contrainans les Grecs eulx retirer en la cité: laquelle le tirant Alexis comme desesperé, abandonna la nuit suyuant & s'enfuit. Parquoy Isatius fut mis hors de prison, & restitué en son Empire. combien qu'il feust aueugle, & mourut tost apres. Alexis le ieune, son filz luy succeda en l'empire de Constantinople, quoy voyans les Grecs Constantinopolitains, gens desloyaulx & de peu de foy, craignans l'effect des promesses qu'auoit faict lediēt ieune Alexis au comte Bauldouyn, & aux Venitiens. Aussi qu'ilz ne vouloient estre subiectz ny obeir aux Latins: esleurent entre eulx vn nouueau empereur nommé Alexis de Mirtille, qui soubdainemēt entreprit l'empire: & pour ce faire tua de ses mains le ieune Alexis vray heritier de l'empire. Les princes Latins aduertiz de ceste traison & tyrānie, entrerent par force en la cité: puis nommerent dix des plus nobles & apparens personnages d'entre eulx, pour eslire vn empereur nouueau. Entre ces nōmez estoient l'euesque de Bethlem, celuy de Tholomaide, ceulx de Soissons & Troyes en Champagne, l'abbé de Lucede, les comtes de Flandres, Bloys, Montferrat, de saint Paul & de Brenne, avec cinq des principaulx de la seigneurie de Venise. Qui vniformemēt esleurent lediēt Bauldouyn comte de Flādres, empereur de Constantinople: comme le plus vertueux & magnanime de l'armée, pour administrer la charge & dignité de l'empire de Grece, de la couronne duquel il fut couronné par les patriarche de Venise, soubz l'autorité du pape.

*Alexis tirant oc  
cupateur de l'ēpi  
re de Cōstantinople*

*L'empereur Isa  
tius restitué.*

*Traison des Con  
stantinopolitains.*

*La mort pitieuse  
du ieune Alexis.*

*Bauldouyn de Flā  
dres esleu empe  
reur de Constan  
tinople.*

Deslors



# depuis Hue Capet, iusques à Loys, viii; du nom. F. cccxlj.

Deslors ledict Bauldouyn empereur, vfa d'un seau d'or, bu estoiet emprainctz ces tiltres & termes. *Baldunus Romanorum Imperator semper Augustus.* De ceste election ne furent contens aucuns nobles & seigneurs de la Grece qui auoient en hayne le nom Latin, ne vouloient estre subiectz ny obeir aux Gaules, ny aux Venitiens: mais à ces

*Les Grecs rebelles eslisent empereur Theodoric Lascaris.*

¶ L'an mil deux cens cinq, l'empereur Bauldouyn assiegea ladicte cité de Hadrianopolis, mais il fut circonueni de ceulx de dedans: tellement qu'il fut perdu, & deslors ne sceut on qu'il deueint. Aucuns historiens dient touteffois qu'il fut pris par Iehan roy de Valachie, qui le feit decapiter l'année deuxieme de son empire. Aquoy ne s'accorde Baptista Egnacius: mais escript qu'il mourut de sa mort naturelle apres quil eut regné vn an seulement. Autres historiographes tiennent qu'il trespassa l'an cinquieme de son regne. De ma part la diuersité de tant d'opinions contraires: surce fait que ie m'en remet à ce qu'il en succeda. Tant ya qu'il est certain, Henry frere dudit Bauldouyn, luy auoir succédé en l'empire de Constantinople, ou il regna vnze ans. Pendant lesquelz fait paix avec les Valachiens, conquist Thessalie, & y establit vn roy nommé Guillaume. A cestuy Henry succederent encores en Constantinople trois empereurs tresvertueux du sang & nation de la Gaule belgique. Assauoir Pierre d'Aussier mary d'Yola sœur dudit Bauldouyn, Robert filz desdictz Pierre & Yola, & Bauldouyn filz dudit Robert, qui fut deiecté dudit empire, par Michel Paleologue. Durant que les susnommez princes Gaullois, regnoient en Constantinople, Theodore Lascaris, Iehan Batazes gendre dudit Lascaris, & Theodoric filz dudit Batazes teindrent l'un apre l'autre, la cité de Hadrianopolis.

*L'empereur Bauldouyn perdu en l'assault de Hadrianopolis.*

*Diuersité de la mort dudit empereur Bauldouyn.*

*Henry frere dudit Bauldouyn, luy succeda en l'empire de Constantinople.*

*Cinq empereurs en Constantinople, natifz de la Gaule belgique.*

¶ Or pour retourner à la matiere de l'euesque Albert, fault reduire en memoire ce qu'auons escrit au commencement de sa vie: assauoir qu'à son election y eut grande diuision, tant entre ceulx de l'eglise que de la cité. Et combien qu'il eust la pluralité, & feust deffendu par les côtes de Chiny, du sang desquelz il estoit extraiet: neantmoins il ne pouoit ioyr paisiblement de la dignité & tiltre Episcopal: parce que Robert sa partie aduerse, auoit de son costé plusieurs, tant des Chanoines qui l'auoient esleu que de ceulx de la maison de grand Pré, dont il estoit yssu, qui luy fauorisoient.

*Dissentions & diuisions en la cité de Verdun.*

¶ Lors estoient à Verdun entre les concitoiens trois grâds lignaiges anciens des plus riches citoiens & bourgeois de la cité: l'un desquelz lignaiges portoit le surnom de la Porte, l'autre d'Azenne, & le tiers d'Estouf. Ceulx cy soustenoient Robert de grand Pré contre nostre euesque Albert, en dedain & hayne duquel feirent grandes mutineries, factions, vserent de portz d'armes & autres forces illicites, pour deffendre le parti dudit Robert de grand Pré, durant le proces pendâr en la court de l'empereur.

*Trois lignaiges à Verdun, sauoir la Porte, Azenne, & Estouf.*

¶ Dauantage, depuis que la sentence eut surce esté prononcée contre ledict Robert au profit dudit Albert: ces trois lignaiges augmenterēt leur mutinerie, & ne voulurēt obeir à la Iustice ordonnée & establie par icelluy Albert: mais deslors attirerent le peuple de leur costé. Si que soubz couleur de ce, aussi qu'ilz auoient pour eulx partie du clergé: mesmes ceulx de la maison de grand Pré, qui leur aydoient & fauorisoient: ilz entreprirent nommer aucuns d'entre eulx, pour exercer la iurisdiction & Iustice-temporelle, contre ceulx que l'euesque Albert auoit, pource institué & establi.

*Premiere entreprise de ceulx de Verdun pour instituer & exercer la Iustice.*

¶ Dequoy sortit premierement la premiere rebellion & entreprise de ceulx de la cité, sur & contre la puissance & autorité Episcopal: car parauant ne se estoit encores oncques apparue contention ne controuersé, sur la creation & nomination des preteritiz gouverneurs de la Iustice seculiere: mais depuis que ces trois lignaiges & leurs alliez en eurent fait l'entreprise & premiere ouuerture, leurs successeurs citoiens les suyurent, & en firent plusieurs apres eulx: ainsi que i'escriray selon l'ordre du temps.

*Insolences & entreprises des Citoiens de Verdun contre le clergé.*

¶ Ceste premiere entreprise fut faite l'an mil deux cens huit, par l'induction & suggestion desdictz trois lignaiges: ensemble à la commotion de tout le peuple qui soubdain se meit en armes, vstant de grâdes menasses, deffiant tous prestres & clerics indifferem-

ferem-

# Le iiii. liure des antiquitez de la gaule belgicque

ferement, & declarant qu'il estoit leur ennemy. De faict poursuyuant ceste nouuelleté, feit plusieurs oultrages: signamēt aux officiers instituez par l'euesque Albert ensemble es maisons de son clergé, pillant & desrobāt tout ce qu'il pouoit emporter.

*Reprime de l'euesque cōtre l'insolence des citoiens*

¶ Quoy voyant l'euesque Albert, homme magnanime, & bien deliberé de reprimer la folle entreprise du peuple, se retira prudemmēt en son chasteau de Charny, ou il assembla tous ses parens & amis: ensemble les siegez de son euesché adherens à luy, avec grand nombre de souldoyers: lesquels faisoient iournellement courses & saillies sur ceulx de la cité, en sorte que pour la craincte d'eulx, ne se voyoit ny trouuoit labourer es terres, ou vignes circonuoisines de la cité, & n'apparoissoient marchans forains qui eussent osé porter viures en icelle, voire n'osoient les Citoiens sortir, sans incontinent estre pris & menez prisonniers audict chasteau de Charny.

¶ Les facteurs & auteurs de ladicte sedition & rebellion voyans l'oppression & necessité des habitans de Verdun, aduiserent de trouuer secours en leurs alliez, & autres gentilz hommes leurs voisins. A ceste fin deputerent aucuns d'eulx, voire des principaulx: lesquels sortirent secrettement & de belle nuit, hors la cité, & veindrent demander secours au comte de Brenne, lors nouvellement retourné du voyage de Constantinople, ou il auoit esté avec Bauldouyn comte de Flandres.

*Le cōte de Brenne allié aux citoiens.*

¶ Ce comte de Brenne leur promet secours soubz quelques conditions, paictz & cōvention qu'ilz eurent avec luy. Delà prindrent l'alliance de deux nobles voisins de la cité, l'vn nommé Cono seigneur de Raulan, l'autre Alain de Creux, qu'ilz congnoissoient estre ennemis de l'euesque Albert, & auoient tousiours fauorisé à Robert de grand Pré son competeur. Ces deux gentilz hommes combien qu'ilz feussent vassaulx & siegez de l'euesché de Verdun, ne demandoient toutefois, sinon occasion & moyen d'eulx substraire de l'obeissance de l'euesque: parquoy facilement promirent dōner secours aux Citoiens de Verdun. Et pour parfaire leur entreprise, ledict comte de Brenne & les Citoiens de la cité auteurs du tromble, secrettement s'assemblerent & conueindrent d'vn iour pour sortir en armes, & supprendre l'euesque Albert, & l'assaillir en son chasteau sans qu'il s'en donnast garde. Mais il en adueint autrement. car apres qu'ilz furent tous assemblez, sans grand bruiet, ayans mis le siege deuant le chasteau de Charny, trouuerent l'euesque Albert tousiours veillant sur ses gardes, & bien peu esbay, qui bien deliberé resister mettant ses gens en armes, sortit sur eulx, & les veint rencontrer: tellement qu'il y eut grosse batterie & plusieurs tuez de costé & d'autre. Entre autres deux cheualiers de nō, l'vn Theodoric, l'autre Robert, nepueux d'Alain seigneur de Creux.

*Cono de Raulan & Alain de Creux alliez des citoiens*

*Les citoiens de Verdun assaillirent le chasteau de Charny.*

*Victoire de l'euesque contre les citoiens, ou moururent les deux nepueux d'Alain de Creux.*

¶ Finalement l'euesque Albert obtint victoire, contraignant ses ennemis d'eulz sauuer à la fuitte, & d'eulx retirer, les vns en la cité, les autres en leurs maisons & fortesses. Deslors ledict euesque commet plus grandes & estroictes gardes es environs de la cité que parauant, si qu'il n'y auoit homme qui en eust osé sortir n'y entrer: Au moien dequoy les citoiens furent reduictz en telle necessité, faulte de viures & munitions, que le commun peuple commença à murmurer contre les principaulx gouuerneurs de la ville: ensemble contre les auteurs & mediateurs de la susdicte rebellion & sedition, declarant haultement qu'il rendroit la cité à l'euesque, & se soubmettroiēt à sa misericorde. Mais lesdictz trois lignages & gouuerneurs, leurs donnerent quelque courage, & esperance d'auoir de brief viures & secours, par le moien de leursdictz alliez, qu'ilz disoient amasser nouvelle armée à ceste fin.

*Mutinement du peuple contre les lignagiers.*

¶ Le peuple ne se peut cōtenter de telles parolles, ne des remōstrances desdictz gouuerneurs & lignagiers: mais poursuyuoit de plus en plus par clameurs publiques & menasses de vouloir rendre la cité: dont iceulx gouuerneurs ensemble lesdictz lignagiers autheurs de la faction & noyse, eurent si grand paour craignans la fureur populaire, ilz partirent secrettement en bon nombre de la cité, de belle nuit, & se retirèrent

# Depuis Hue Capet, iusques à Loys, viii. du nom. F. cccxliij.

titèrent vers leursdictz alliez qui deliberoient faire nouveau amas de gens, & eulx venger dudit euesque Albert, tant estoient desplaisans de la perte de leurs gens: spécialement de la mort dudit Robert, nepueu du seigneur de Creux.

¶ Le iour suyuant le commun peuple aduertuy de la fuitte & departement de leurs gouverneurs, enuoyerent rendre la cité à l'euesque, & luy demander pardon & misericorde, qu'il luy octroya: à raison de quoy ledict peuple promest & iura de rechef, de fidellement le seruir de là en auant contre tous, de demeurer soubz son obeissance, comme bons subiectz.

*La cité redue à l'euesque par le menu peuple.*

¶ Quand les gouverneurs lignagiers & leurs alliez furent aduertiz, la cité auoir esté rendue & remise es mains de l'euesque, ilz en euidèrent quasi desesperer, & issir hors du sens: voire en furent dauantage animez à poursuyure leur mauuaise entreprise, pour l'effect de laquelle assemblerent de nouveau grosse armée, tant par argent qu'à force d'amis. Puis venoient iournellement courir iusques deuant les portes de la cité, pillans & gastans tout ce qu'ilz pouuoient attraper es biens sur les seigneuries dudit euesque & son clergé: lesquelz confederez ensemblement avec le commun peuple de ladicte cité, faisoient toute la resistance qu'ilz pouoient, sortans souuent de la cité, & venans rencontrer leurs ennemis, de sorte qu'ilz en auoient tousiours victoire, & le dessus: voire durans lesdictes rencontres & conflietz, y en eut grand nombre deffaietz & mis à l'espée.

*L'euesque clergé & menu peuple aliez contre les lignagiers de Verdun.*

¶ Quoy voyans lesdictz ennemis, presque tous desesperer & forcenez: commencerent à machiner traison contre ledict euesque. Avec lequel dissimulans & faignans vouloir faire paix & apoinctement, assignerent iournée pour parlementer ensemble sur ce: Au iour prefix & accordé ledict euesque comparut avec aucuns de son clergé, & de la cité. Aussi feirent les ennemis qui auoient premedité la maniere de leur traison, l'effect de laquelle estoit & fut tel. Pendant qu'ilz tractoient ensemble, de l'apoinctement qu'ilz faignoient demander avec ledict euesque, l'un d'eulx à ce induict & commis, amy & allié dudit defunct Robert, nepueu du seigneur de Creux: avec vne lance, perça par derriere le corps de nostredict euesque Albert, qui mourut là en la place & tout soubdain, ledict an mil deux cens & huit qui estoit le xxij. an de son pontificat. Sur l'heure de ce piteux fait & acte tant cruel, les ennemis se reciterent, laissant le clergé ensemble le populaire de la cité, bien dolens & desplaisans d'auoir ainsi malheureusement perdu leur bon & magnanime euesque, protecteur & deffenseur de leur chose publique. Le corps duquel ilz remporterent en la cité & l'inhumerent au vieil chœur de l'eglise, que luy mesme auoit fait pauer en ouuraige Mosaïque, ou estoient emprainctes & insculpées belles figures & escripture, contenant ces quatre vers.

*Traison de lignagiers & leurs aliez contre l'euesque.*

*La piteuse mort de l'euesque Albert.*

*Distincti flores dictant distinguere mores,*

*Vinos, vita, fides mirificent lapides.*

*Ista quidem placeat, mentem trahit, altera saluet,*

*Quae dedit esse deos palmitibus fidei.*

¶ En ce lieu mesme auoit ledict Albert esleu sa sepulture long temps parauant. Son tombeau & image en habit Episcopal, furent semblablement faitz & erigez à la Mosaïque, comme on void encores de present: puis fut insculpé en pierre blanche au tour de ladicte effigie, son epitaphe, contenant,

*Sepulture de l'euesque Albert.*

*Ecce pater populi, patria decus, anchora cleri,*

*Ecclesie lampas, vita seculum, schola veri.*

*Pro patria cecidit supremum passus agonem,*

*Luce minus nona te Phoebe tenente leonem.*

*Epitaphe dudit euesque.*

# Le iiii. liure des antiquitez de la gaule belgicque

LES PAPES TENANS LE SIEGE DV  
temps dudiect Albert cuesque de Verdun.

*Grégoire viij.  
clxxxix. pape.*



**GRÉGOIRE** huitieme du nō natif de Beneuente, fut pour ses vertus & saincteté esleu pape l'an mil cēt octante sept, du cōsentemēt de tout le clergé de Rome. Il meit extreme diligence à enhorter les princes Chrestiens à donner secours, pour le recouurement de la saincte cité de Hierusalem, parauant prise par les Turcz. Il veint en personne à l'ite, à fin de traicter paix entre ladiete cité & les Geneuois, puis tascher de leur faire entreprendre lediēt voyage: mais il mourut à la poursuite de douleur & desplaisir qu'il auoit, de la perte de ladiete cité de Hierusalem, comme auoit fait son predecesseur pape. Son corps fut inhumé en l'eglise de Pise le .lviij. iour de son pontificat.

*Clement iij.  
cent lxxx. pape.*

**Clement** troisieme du nom, Romain de nation surnommé l'Escolier, fut esleu pape l'an susdiēt mil cent octante sept. Cestuy feit telle diligence à poursuyure le secours de la terre Saincte, que quasi tous les princes Chrestiens de l'Europe, se croysèrent & entreprirent lediēt voyage: poursuyuans lequel parueindrent en Sirie, en plus grand nombre qu'onques parauant n'auoient fait. Entre ces princes estoient premiers & principaulx l'empereur Frederic Barberouffe, Philippe Auguste roy de France, Richard roy d'Angleterre, Odo duc de Bourgongne, Henry comte de Champagne, Philippe comte de Flandres. L'equipage & armée de mer desquelz estoit de trentesept nauires. Celle des Frisons & de Dannemarc, cinquante nauires, avec les Venitiens, Pisois, & autres innumetables: sans les cuesques & prelatz de diuerses parties de la Chrestienté. Tous lesquelz se ietterent en mer, par l'aide de Guillaume roy de Sicile, qui tenoit adoncq la mer nauigable, & la gardoit des Pirates & coursaïres. Toutefois ladiete entreprise ne profita gradement. L'ediēt pape Clement mourut apres auoir tenu le siege apostolicque trois ans cinq moys.

*Celestin iij.  
cent lxxxxi. pape.*

**Celestin** troisieme du nom, homme bon & vertueux en perfection, estant ia ancien fut esleu le cent quatre vingt vn pape l'an mil cent octante neuf. Il feit (comme les predecesseurs) grand deuoit de pourtuyuir le recouremēt de la saincte Croix: mais les enuies & factions des princes Chrestiens, furent cause du peu d'expedition qu'on y feit lors. Cestuy bailla la couronne Imperiale à Henry filz de Frederic Barberouffe. Puis mourut apres qu'il eut presidé au siege de Rome six ans sept moys & vnze iours.

*Innocent iij.  
cent lxxxij. pape.*

**Innocent** troisieme du nom de nation Italicque homme extrait de noblesse, parfait & consommé en toutes bontés & vertus, tresdocte, & bien scauant, fut esleu pape l'an mil cent nonante cinq. Il auoit en son ieune aage estudié à Paris, escript & composé plusieurs liures en la saincte escripture, par lesquelz on peut congnoistre son scauoir. Il reduist les anciens decretz des papes en vn volume que nous appellons de present les Decretales. Il auoit en grāde detestation tous actes Simoniaques: mesmes les exactions ou plustost concussions des officiers de la court Romaine: ausquelz officiers il ordonna n'exiger rien fors pour les escriptures, le pris desquelles il taxa & limita. De son temps commencerent les ordres de saint Dominicque & saint François, il receut par decret Apostolique, l'ordre des Eremites de saint Augustin. Il edifia l'hospital du saint Esprit à Rome: ensemble autres eglises & lieux tresnecessaires. Il feit deuoir d'induire les princes à recouurer la saincte cité de Hierusalem. Et à ceste fin, aussi pour reformer l'estat ecclesiastique, cōfuter & extirper quelques Heresies, celebra vn concile à saint Iehan de Latran, ou l'assemblerent mil

# depuis Hue Capet iusques à Loys.viii.du nō. F.cccxliii

mil trois cens Prelatz, entre lesquelz se trouuerent septante Archeuesques, quatre cēs doux euesques, avec les patriarches de Hierusalem & Cōstātinople, & les legatz & embassadeurs de l'empereur de Rome, des roys de Hierusalem, France, Espagne, Angleterre, Sicile & de Grece. En fin ledict Pape Innocent, ayant tenu le siege dix huiēt ans sept moys seize iours, trespassa de ce siecle en l'autre, en l'estime & reputation de toutes vertus, & remply de toutes gloires & honneurs qu'on pourroit raisonnablement donner à hommes parfaictz.

## ¶ QUEL EMPEREUR TENOIENT L'EMPIRE durant l'euesque Albert.



**F**REDERIC Barberouffe, teint l'empire quelque temps du commencement du pontificat de nostre euesque Albert, à sçauoir iusques en l'an mil cent octante neuf, comme auons dict cy dessus en la vie de l'euesque Albert de Marcy.

*Vide supra.*

**H**enry sixieme du nom filz dudiēt Frederic, fut empereur apres son pere, l'an mil cent nonante. Soudiēt pere encores viuāt, il auoit esté institué roy des Romains. Il eut pour femme Constance fille de Guillaume Normāt roy de Sicile, à cause de laquelle & par droit successif, il fut déclaré roy de Sicile par le Pape Celestin troisieme, qui par mesme moyen luy bailla la couronne imperiale. Il eut de ladiēt Constance, elle estant iā fort ancienne, vn filz nommé Frederic qu'il nomma roy des Romains du consentement des electeurs: Toutefois il ne succeda en l'empire incontinent apres son pere, obstant sa ieunesse: mais y veint depuis apres son oncle Philippe, qui estoit son tuteur, & Otho quatrieme, qui succeda encores auant luy au diēt Philippe son oncle. Et fut diēt Frederic son oncle deuxieme. Lediēt Henry mourut, ayant regné huiēt ans ou enuiron.

*Henry. vi. nonante cinquieme empereur.*

**Philippe** filz de Frederic Barberouffe & frere dudiēt Henry sixieme, fut empereur l'an mil cent nonante huiēt: Toutefois il ne fut paisible de la couronne si tost: car les electeurs incontinent apres le deces de son frere Henry, voulans proceder à nouvelle election veindrent en telle diuision que les vns esleurent lediēt Philippe, les autres Otho nepueu de Richard roy d'Angleterre, qui à ceste cause luy fauorisast, ausi feit le Pape Innocēt troisieme, qui bailla audict Otho la couronne imperiale, en hayne qu'il auoit du nom de Barberouffe: Toutefois lediēt Philippe à l'ayde de Philippe Auguste roy de France, obtint tant de victoires contre Otho & ses adherens. Signāment deuāt la cité de Coulongne, que finalement il demeura paisible empereur, par composition faicte entre luy & son contendant Otho, à qui ce faisant il bailla en mariage l'une de ses filles. Laquelle composition fut faicte du cōsentement du Pape Innocent & des princes de Germanie, puis la confirmerēt ainsi. Il regna en l'empire, & le teint enuiron dix ans, au dernier desquelz il fut miserablement meurtry & tué en la chambre mesme par vn traistre nommé de Vitelspach, auquel son pere Frederic auoit aultrefois donné de grans biens & seigneuries.

*Philippe Barberouffe nonante sixieme empereur.*

## ¶ QUI REGNOIT EN FRANCE DV TEMPS d'Albert euesque de Verdun.

**PHILIPPE** deuxieme du nom, diēt Auguste, (duquel auons escript en l'euesque Henry de Castres) regna du temps dudiēt euesque Albert.

*Vide supra.*

## ¶ QUI TENOIT LORRAINE AV DICT temps de l'euesque Albert.

**SYMON** deuxieme filz de Mathieu. j. du nō, (duquel auons faict ample mētiō en l'euesque Arnoul) regna en Lorraine rādis que l'euesque Albert presidoit à Verdū.

M m LES

# Le iiii liure des antiquitez de la gaule Belgicque

LES COMTES QVITEINDRENT BAR DVRANT  
le pontificat dudi& Albert.

*Vide supra.*

*Thiebault premier du nom comte de Bar.*



**HENRY** premier du nom (de qui auons parlé en l'euesque Arnoul) tenoit le comté de Bar du commencement que l'euesque Albert fut esleu à Verdun, & iusques à l'an mil cent nonante trois.

**Thiebault** premier du nom filz de Henry ausi premier, succeda au côté de Bar en l'an mil cent nonante quatre. Il eut pour femme Ermençon fille de Henry l'Aueugle côté de Luxembourg & de Namur, à cause de laquelle il porta le nom de côté de Luxembourg. Toutefois les historiens sont en diuersité s'il obreint ledi& comté ou non. Semblablement sont lesditz historiens en diuersité d'opiniõ de ses enfans, ainsi quauons escript en ce present Euesque Albert, ou les lecteurs pourront congnoistre ladi&te diuersité d'opinions, en semble les faitz dudi& Thiebault, dont neantmoins feray encores mention en l'euesque prochain suiua&, qui fait que plus succinctem& & brefuem& nous en parlõs icy. Ledi& Thiebault mourut en defendant la terre sainte l'an 1214, il se trouua à la prise de Damiette. Nous trouuons suiuant l'une des opinions escriptes & recitées cy dessus que ledi& Thiebault eut de sa fême Ermenson les enfans dont les nõs ensuiuent Henry, qui succeda apres luy au comté de Bar. Ferry qui fut euesque en la terre sainte. Thiebault, qui mourut en Cypre, Regnault chanoine du Liege, & Agnes, mariée en premieres nopces à Ferry duc de Lorraine, duquel n'eut enfans.

QVI DES SVCCESSEURS DES PRINCES  
de Haynau & d'Emégarde fille de Charles premier duc de Lorraine,  
tenoit Haynau durant l'euesque Albert.

*Vide supra.*

*Baldouin. v. sur-nommé Constantinopolitain côté de Haynau & de Flandres.*



**BALDOVIN** quatrieme du nom, duquel nous auons escript en l'euesque Arnoul precedent, regna en Haynau du commencement que l'euesque Albert tenoit l'euesché de Verdun, & iusques en l'an mil cent nonante cinq, auquel temps ledi& Bauldoun mourut.

**Bauldoun** cinquieme du nõ, filz de Bauldoun quatrieme & de Marguerite de Flandres, descendu par droicte ligne des comtes de Haynau, & d'Emengarde fille de Charles premier duc de Lorraine, consequenment yflu du sang de Charlemagne, cõme j'ay deduit cy deuant, succeda de par son pere au côté de Haynau l'an mil cent nonante cinq. Et l'an prochain precedent mil cent nonante quatre auoit succedé en Flandres à cause de sa mere Marguerite. Partant il teint & posseda lesditz deux comtez de Flandres & Haynau. Depuis pour sa vaillance fut esleu & couronné Empereur de Cõstantinople, ainsi qu'amplement auons deduit & deduirons es vies de noz euesques. Il eut plusieurs guerres contre Philippe roy de France pour retirer ce que ledi& roy auoit desmembré & usurpé du côté de Flandres. Il deceda en vne bataille defendant l'empire de Constantinople enuiron l'an mil deux cens cinq. Voyez à ceste fin ce que en auons recité cy deuant.

*Ysabelle de Haynau, par laquelle les roys de France rentreret au sang de Charlemaigne*

**Ysabelle** fille des dessusnõmez Bauldoun. iiii. & de Marguerite sa femme, & leur dudi& Bauldoun cinquieme comte de Haynau & Flandres. Lesquelz (cõme auons di&t) estoient descenduz en ligne directe d'Emengarde fille de Charles premier duc de Lorraine, yflu de Charlemagne. Fut mariée en son ieune aage à Philippe Auguste roy de Frâce, à qui elle porta par traitté de mariage le pays d'Artoys, qui depuis à ce moyen fut annexé à la couronne de Frâce qu'elle eut de son di&t māsy Loys. viii. qui fut roy de France & pere de saint Loys. Et pour aultant qu'elle estoit descendue de Charlemagne, les roys de France qui sortirent d'elle (dont le premier fut ledi& Loys. viii.) retourneret au sang & lignaige de Charlemagne. Elle mourut auant son pere, l'an mil cent octante neuf, Son corps fut inhumé en l'eglise Nõstre Dame de Paris.

# depuis Hue Capet iusques à Loys.viii.du nō. F.cccxliiij

¶ Or puis qu'auons icy deduiēt & monstré que par Emengarde fille de Charles premier duc de Lorraine descendue de Charlemagne, les roys de France recouurerent en la personne d'icelle Ysabelle, le sang dudiēt Charlemagne. En cest endroit ferons fin d'escrire desormais des p̄ices de Haynau & des successeurs d'icelluy Charles duc de Lorraine. Dont si aulcun en veult s̄auoir plus amplement, recoure à Jacques Meyerus & aultres historiens de Flandres & Haynau.

*Aduertissement  
aux lecteurs pour  
l'intelligence de la  
matiere suiuante.*

¶ Fin de la vie d'Albert deuxieme du nom, cinquante vnieme  
Euesque de Verdun.

## 8 LA VIE DE ROBERT premier du nom, & cinquante deuxieme Euesque de Verdun.



ROBERT premier du nom, oncle du cōte de grand pré (cōme dient les histoires d'Oruaulx) obtint l'euesché de Verdun l'an mil deux cens huiēt, en ceste sorte.

*Robert i. du nom  
lij. euesque de Verdun.*

Après la piteuse mort de l'euesque Albert precedēt, le clergé de Verdun qui s'estoit aucunement reconcilié avec les cytoyens & menu peuple, lesquels auoient deliuré la cité audict euesque Albert qu'ilz auoient r'apellé & receu en icelle, commencerent ensemblemēt à aduiser & traicter entre eulx d'eslire vn nouveau euesque: mais ilz se trouuerēt en diuerses opiniōs, pour ce qu'à la plus part d'eulx sembloit estre le plus vtile &

neccessaire à la conseruation des droiz episcopaulx, eslire qu'elque hōme de noblesse & magnanime pour resister à force si mestier estoit, aux nouvelles entreprises que les principaulx de la cité auoient ia suscitē, & qu'ilz pourroient continuer, à fin d'auoir l'administration des iurisdiccions seculieres & iudicatures tēporelles de la cité, qu'ilz pretendoient. Mesmes consideroient qu'à l'occasion des querelles precedentes, plusieurs suspectz & chargez de la mort dudiēt euesque Albert, qui estoient fugitifz & absens, retournoient de brief, & pourroient de nouveau poursuiure l'effect de leurs premieres entreprises. Ainsi pour y obuier, estoit expediēt eslire personnage de la qualité susdicte, dont succeda que la pluralité des elifans, nomma lediēt Robert princier de l'eglise de Verdun, qui partant fut esleu euesque d'icelle, combien qu'il n'eust attainēt l'age competāte & requisite de dispositiō de droit pour meriter telle dignité & charge, aussi qu'il ne fust hōme de literature: Toutefois ilz esperoiēt en luy pource qu'il auoit tousiours esté nourry en sa ieunesse, en la court de l'empereur Otho quatrieme, & suiuy les guerres soubz luy durans les dissentions d'entre lediēt Otho & Philippe filz de Frederic Barberouffe, pretendēs respectiuement l'empire apres la mort de Héry sixieme. Prenant fin lesquelles controuerses, apres plusieurs victoires obtenues par lediēt Philippe contre icelluy Otho, ilz accorderent ensemble que lediēt Philippe (à qui le Roy de France & la pluspart de Germanie fauorisoient) ioyroit de l'empire & que Otho combien qu'il eut ia esté couronné par le Pape Innocent troisieme

*Robert esleu par  
la pluralité, en age  
incompetant.*

*Appointement  
entre les preten-  
dans à l'empire.*

Mm ij super-

# Le iiii liure des antiquitez de la gaule Belgicque

supercederoit & quicteroit le droict par luy pretendu audiect empire, à condition & charge qu'il auroit en mariage la fille dudiect Philippe, & que si lediect Philippe mourroit auât lediect Otho, icelluy Otho seroit empereur apres luy. Ce que les electeurs & princes de Germanie promeifrent.

*Robert fuiuant en ieune aage la court de Otho esleu empereur.*

¶ Or cesdiectz accordz ainsi faitz entre lesdiectz contendans à l'empire, qui fut enuiron l'an 1206, Robert de grand pré lors ieune homme, esperant & desirât paruenir, voyât son maistre Otho auoir cedé à l'empire, se trouua trop perplex, marry & desplaisant. Aussi feirent les roy d'Angleterre, comtes de Flandres & de Bar qui fauorisoient audiect Otho, voire se desplut tant lediect Robert, qu'il delibera laisser les armes, & suiuir l'estat de l'eglise. De ce fait combien qu'il n'eust esté aux escolles, neantmoins par le moyen de ses amys, qui estoiet des plus nobles du Pays. Il obtint la prebède & pricerie en l'eglise de Verdun, & depuis fut esleu euesque dudiect lieu par la pluspart des chanoynes d'icelle eglise qui esperoient que virilement il defendroit les droiz & iurisdiccions ecclesiasticques, aussi à la verité en fait il son deuoir, comme homme magnanime & vertueux:

*Deux opposans à l'election de l'euesque Robert.*

¶ Neantmoins son electiō ne fut admise ne agreable à Theodoric Doyen de l'eglise de Verdū, & Herbert d'Yuoy doye en l'eglise de Reims & chanoyn dudiect Verdū, bons personaiges & des principaulx des assistans à icelle election; mais sy opposerent de fait, allegās que lediect Robert estoit trop ieune, n'auoit l'age requise & ordōnée par dispositiō de droict pour estre euesque, ny aussi lettres ou sçauoir pour administrer vne telle charge. Partant apres leur oposition & remonstrances, requisrent ladiecte election estre cailee & annullée; Toutefois ilz ne furent en ce oyz par les autres electeurs, qui estoient en trop plus grand nombre. A raison dequoy perseuererēt en ladiecte election, qui à ce moyen eut effect, dōt ces deux personaiges opposans appellerent au saint siege apostolicque, protestans y faire poursuite en temps & lieu, sur la decision de leur appel & oposition.

*Les citoyens fugitifs restirnez en leur estat.*

¶ Pendant que ceulx du clergé estoiet en telles altrecations: Les citoyens de Verdū, qui l'estoiet absentez & réduz fugitifz pour les causes susdictes en la vie du precedēt euesque, trouuerent maniere par le moyen de leurs parens & amys d'eulx reconcilier avec la cōmunaulté du peuple, & retournerent en la cité chascun en sa maison. Ceulx icy voyans les discordz du clergé cōmencerēt à mutiner & esmouuoir le peuple plus que parauant, l'efforçans d'entreprendre la iudicature de la cité, declarās publicquement, qu'ilz n'obeiroient à ceulz qui estoiet cōmis par l'euesque, pour l'administration de la iustice, vsans iournellement de grosses parolles & menasses, au moyen dequoy l'esleu Robert, voulāt euitter la furie populaire sortit de la cité & se retira vers ses amys bien deliberé toutefois de defendre par tous moyens son election & entretenir sa iurisdiction.

*Nouvelle mutinerie des citoyens de Verdun.*

¶ A dueint ceste mesme année 1208 & pendans ces choses ainsi innouées à Verdun que l'empereur Philippe Barberousse laissant Saxonie & venât en Sueue en la cité de Bemberg, pour soy recreer & resiouir vn iour entre autres qu'il auoit pris la saignée, estant plus ioyeux que de coustume, entra apres disner en sa chābre, avec seulement deux de ses plus familiers & fauoritz seruiteurs, sçauoir son escuyer & son chancelier nōmé Cōrard euesque de Spire, qui depuis fut aussi euesque de Metz (cōme diēt Nauclerus en sa .xlj. generation) & estans là eulx trois, veint en ladiecte chābre, de trop inale fortune, vn cōte Palatin nōmé Otho de Vintilspeich, qui hayoit mortellement lediect empereur Philippe, par ce qu'il auoit baillé en mariage audiect Otho de Saxonie sa fille, que lediect cōte Palatin vouloit auoir à femme, lequel si tost qu'il fut entré en la chambre ou estoit lediect Philippe, faignant vouloir parler à luy, luy donna de son espée qu'il auoit desgainée vn coup en la gorge. Le coup ne fut grant: mais mortel. De ce fait tāt inopiné & inhumain furent si estonnez les deux qui estoient presens & avec lediect empereur qu'ilz ne peurent, ne crier secours, ny defendre leur maistre, fors que l'escuyer se retira vers l'huys de la chābre, le voulant fermer: mais le traistre luy bailla tel coup d'espée au visaige qu'il le reuerfa à terre. Puis pour ce coup eschap pāt sortit de la chambre & du Palays, & avec deux ses cōplices mōtant à cheual partirent

*La mort pitense de l'empereur Philippe Barberousse.*



# depuis Hue Capet iusques à Loys.viii. du nō. F. cccxlv

tirent aussi tost de la cité, auant que les nobles feussent aduertiz de la mort dudit emperour: Toutefois ilz ne sceurent tant bien se cacher que tost apres on ne les trouuaft, parquoy furent puniz selon leur mesfait & oultraige. Tous les princes de Germanie feirent grand dueil de la mort dudit Philippe, par ce qu'il estoit sur tous bons & vertueux. Et à la verité toute la Chrestienté eut domaige irreparable en sa mort, laquelle publiée aux electeurs, ilz se trouuerent peu apres à Frankford, ou ilz esleurēt emperour en son lieu, le susnōmé Otho duc de Saxonie, son gēdre, suivant les promesses qu'on luy auoit fait. Si fut ledit Otho couronné de rechef par le Pape Innocent. iij. qui du commencement fut ioyeux de son election, aussi auoit il parauāt tenu son party contre ledit Philippe emperour: mais tost apres il s'en repentit grandement.

*Otho de Saxonie  
esleu emperour.*

¶ Entre tous ceulx qui furent ioyeux de l'electiō de l'emperour Otho, estoit des premiers, nostre euesque Robert. Aussi en ce eut il occasiō de plus facilement recourir fa cité de Verdū & mieulx resister à ses ennemys: car chalcū luy fauorisoit, par ce qu'on sçauoit son maistre Otho auoir recouuré l'empire. Si feit deslors vne grosse armée & amassa gens de toutes pars, avec lesquelz veint deuant Verdun qu'il assiegea de toutes par: (comme dient les cathalogues de l'eglise saint Paul) tellement que ceulx de dedans furent contrainctz rendre la cité à son bon plaisir, & luy obeyr en toutes sortes comme ilz auoient fait à ses predecesseurs euesques. Depuis le recouurement de ladicte cité, icelluy Robert se gouerna si prudemment & saigement en l'administratiō de sa dignité & charge episcopale, qu'il estoit aymé d'u chalcū, excepté des deuāt nōmēz Theodoric & Herbert, qui l'estoiēt opposez à son electiō & depuis en auoiet appellé, comme vous a esté recité. Ces deux auoient releué leur appellation en court de Rome: mais il demeurèrent plus de quatre ans sans l'oser poursuiure pour les faueurs que ledit Robert auoit à Rome, à cause dudit Otho emperour son maistre, & iusques à ce que ledit Otho estant quelque tēps apres venu en la malegrace du Pape & du siege apostolicque, ilz renouellerent la poursuite dudit appel, comme dirons cy apres.

*L'euesque Robert  
deuant Verdun,  
qui luy fut rendu.*

¶ Ceste mesme année mil deux cens huit, ledit euesque Robert voyant les citoyēs de Verdun exiger & extorquer des seruiteurs & ministres de l'eglise, mesmes des chanoynes tailles & impostz par trop grās, feit vn decret publicque soubz lettres & seaux autenticques, contenant la liberté & immunité d'iceulx ministres & seruiteurs de l'eglise, deffendant deslors sur peine dexcommunication à tous ceulx de la cité, de molester ne trauailler lesdictz seruiteurs & ministres, ne cōtreuenir de là en auant à leur liberté, exemption, frāchise ne audict decret, que lon peult veoir encores à present en l'ancien registre d'icelle eglise de Verdun soubz le tître des extrauagans, cōmençant.

*Decret de l'euesque  
Robert contre  
les exactions de  
ceulx de la cité.*

ROBERTVS dei gratia Virdunensis episcopus, &c. Cum interfit quorumlibet prelatorum odia tollere, rixas compescere, & omne malignum seminarium radicibus extirpare, &c. Datum per manum Th. cancellarij. Anno verbi incarnati millesimo ducentesimo octuagesimo.

¶ L'an mil deux cens neuf, le Pape innocent. iij. ioyeux de la promotiō dudit Otho enuoya en Germanie legatz apostolicques, les cardinaulx, pour sauluer ledit Otho, & l'enhorter d'aller à Rome, receuoir la couronne imperiale, ce que ledit Emperour à ce moyen delibera faire: Mais auant son partement enuoya vers Conrard euesque de Spire & iadis chancelier du feu emperour Philippe, apres le deces duquel icelluy Conrard s'estoit retiré en vn fort chasteau pres Frankford, nommé Trifelz, ou il gardoit les seaulx & enseignes imperiaulx, & pour ce qu'il n'auoit encores comparu deuant ledit Otho nouveau emperour, icelluy Otho le feit prier doulcemēt de luy porter lesdictes enseignes imperiales: Mais il refusa le faire, sinō & à la charge que ledit emperour luy promeist par serment solemnel assurance de sa personne, & oultre de le continuer chancelier de l'empire, comme il estoit du temps dudit Philippe son predecesseur, ce que ledit Otho feit tout à son vouloir. Au moyen dequoy il reccut de luy les aornemens imperiaulx.

*Comment l'empe  
reur Otho vint  
les aornemens im  
periaulx.*

# Le iiii liure des antiquitez de la gaule Belgicque

*Conrard chancel  
lier de l'empire, e-  
uesque de Spire &  
de Metz.*

¶ Naclerus parlant en son histoire dudit Conrard, recite qu'il estoit hōme superbe, ambitieux, si cupide & auaricieux, qu'il ne se contenta seulement de l'euesché de Spire, & dudit office de chancelier d'empire: mais voulut encores auoir & obtenir depuis, deux autres eueschez, sçauoir Metz & Nemensé. Toute fois les catalogues des euesques de Metz contiennent, qu'on n'eust sceu trouuer hōme plus beau, plus saige, ne plus modeste que luy, ne qui plus singulierement ayma l'hōneur de dieu & de l'eglise.

*Les biens que feit  
l'euesque Conrard  
à Metz & à Ver-  
dan.*

Durant son pontificat en l'euesché de Metz, le commencement duquel fut l'an mil deux cens douze, il feit plusieurs grās biens à son eglise de Metz, ensemble à celle de Verdun, bailla à l'eglise les plus beaulx & riches paremens, aornemēs & vestemēs qu'on eut sceu trouuer, edifia le chasteau de Vy, ferma la ville de Vy, de tours & murailles, & balla à l'eglise de Verdun, l'eglise de Moyrey. Combien qu'elle feust en son diocèse de Metz ainsi qu'il appert par lettres autenticques transcrites en l'ancien registre de l'eglise de Verdun soubz le tiltre des extrauagans, fucillet octante quatre, ou est inferé ledict don, & lettres qu'il en expedia commençantes.

*L'authorité de l'e-  
uesque Conrard.*

¶ C. E P I S C O P V S *Metensis & Spirensis, &c.* & datées de l'an mil deux cēs dix-neuf. Et combien qu'il feust ordinairement occupé aux affaires de l'empire, en sorte qu'il ne pouuoit facilement ne souuēt visiter sondict euesché de Metz: Toute fois par la renommée de son autorité & prudence, il estoit si honoré & doubté qu'en son absence nul eust osé entreprendre sur son pays & euesché, lequel partât demeura en bōne paix & tranquillité tant qu'il le teint, qui fut enuiron l'espace de douze ans, & iusques à sa mort, qui adueint l'an mil deux cens vingt quatre. Son corps fut inhumé au choeur de l'eglise de Spire.

*La mort de Simō  
deuxieme duc de-  
Lorraine.*

¶ L'an mil deux cens vñ, le bon duc de Lorraine Simon.ii. mourut sans hoirs de son corps, apres qu'il eut regné vingt cinq ans. Son frere Ferry deuxieme du nō qui auoit espousé Agnes fille de Thiebault côte de Bar, luy succeda en Lorraine. Il estoit iā vieil quand il prit ladiete Agnes, & auoit deux enfans lors qu'il vint premierement à succeder en Lorraine. Il fut homme modeste & prudemēt entreteint son pays en bonne paix ainsi qu'auoit fait son frere Symon. Iacoit que de son temps y eust grandes guerres es royaulmes de France & Angleterre, mesmes en l'empire: neantmoins il se monstra & demeura tousiours neutre, pour ce qu'il estoit allié de tous les princes regnans esdictz royaulmes & empire, à sçauoir, filz de la fille de l'empereur Frederic Barberouffe, & de par sa fēme Agnes, cousin remuē du roy Philippe Auguste. Quāt à son beau pere Thiebault côte de Bar, il tenoit les parties de Flādres & Angleterre. L'an mil deux cens dix, par l'hortement du Pape Innocent, & les remonstrāces de saint Dominicque instituteur de l'ordre des prescheurs, lors viuant, Philippe roy de France enuoya grosse armée cōtre les hereticques dictz Albigeoyz soubz la cōduite de Odo duc de Bourgogne, Symon de Montfort & maintz aultres princes & capitaines qui eurent victoire sur iceulx hereticques, desquelz demurerent mors sur le champ plus de 18 mille. Entre aultres, Pierre roy d'Arragon, y fut tué, & Raymond comte de Thoulouze & le comte de Foix pris prisonnier.

*Expedition du roy  
de France contre  
les Albigeois hereticques.*

*Aultres heretic-  
ques au pays d'aul-  
sai.*

*Heresies sembla-  
bles au lutheria-  
nes.*

¶ En ce mesme temps (comme recite Naclerus) furent ausi destruitz & bruslez à la diligence de l'euesque de Strabourg & ses cōfederez & amys, plus de quatre vingtz mille hereticques au pays d'Alsacie autrement dict Aulsays, lesquelz tenoient n'estre peché manger chair en quaresme, ne es iours de vendredy & sabmedy, & que toutes oeuvres qui se faisoient des membres depuis le l'ombilicque en bas, n'estoient pechez mortelz mais seulement choses naturelles. Ne voyons nous au iourd'huy les hereticques & lutheriens habitans audict Strabourg & es lieux circōuoisins, tenir & vouloir praticquer des mesmes & semblables erreurs? Et par eulx les choses & follics susdictes estre reduites au mesme poinct, ou elles estoient lors de ceste tant louable expedition ainsi faite par ledict euesque de Strabourg? A ma volonté que son successeur present en eust fait aultant que luy, à fin de donner terreur à ces meschās & follastres. Certes il est tresnecessaire y pouruoir, autrement le Christianisme l'panichilera dauantage en ces marches là mesmes.

¶ L'an

# depuis Hue Capet iusques à Loys.viii.du nō F.cccxlvj

¶ L'an mil deux cens vnze Ferdinand filz du roy de Portugal prit pour fēme Ieanne fille aînée de Bauldoun surnommé Constantinopolitain, heritiere seule du comté de Flādres, laquelle estoit en la court de Philippe roy de Frāce qui traicta ce mariage à Paris, esperant que lediēt Ferdinand luy seroit fidel. Si le feit iurer solemnellement, de iamais contreenir aux donations parauant faiētes à Peronne par le pere grand de sa femmē, de plusieurs citez de Flandres, en faueur de Loys filz dudiēt roy Philippe. Ce faiēt lediēt Ferdinand se retira avec sa femme pour prendre possession du comté de Flandres, ou il fut receu par les citez principales: Mais les princes du pays quelque temps apres indignez de ce que le roy de France ne restituoit sainēt Omer & aultres citez & villes nōmées en la donation, commencerēt à murmurer, mutiner & induire lediēt Ferdinand à laisser l'alliance de Frāce & prēdre celle du roy d'Angleterre, à qui lediēt roy de France auoit osté la plus part de ses pays de Normādie, Aquitaine, Poitou & du Maine, qu'il auoit appliqué & vny à son domaine. Ferdinand s'accordant facilement à ce conseil, feit vne cōspiration avec les nobles & princes de son pays de Flandres contre lediēt Roy de Frāce. Avec eulx s'allia Regnauld cōte de Boulongne à cause de sa fēme, lequel Regnauld estoit lors excōmunié de l'autorité du Pape pour les exactiōs & pilleries qu'il auoit faiēt sur les eglises de son pays, & luy auoit lediēt roy de France osté les comtez de Boulōgne, Dampmartin, Mortaigne & Aumalle, puis l'auoit banny du royaume de France pour ce qu'il auoit intelligēce avec les ennemys dudiēt roy, comme par ses lettres misiuues, on auoit prouué contre luy. Au moyē duquel bannissement lediēt Regnauld s'estoit retiré (comme recite maistre Nicolle Gille) vers Thiebault cōte de bar son cousin, qui semblablement auoit intelligence aux roy d'Angleterre & cōte de Flandres contre lediēt roy de France. Tous ceulx cy d'un cōmun accord enuoyerēt aduertir de leurs entreprinſes, Otho nouveau empereur, qui facilement adhera à eulx, pource qu'il estoit nepueu du roy d'Angleterre de par sa mere, & ancien ennemy du roy de France.

*Ieanne heritiere de Flandres mariée à Ferdinand de Portugal.*

*Ferdinand prend l'alliance du roy d'angleterre contre le roy de France.*

*Regnauld de Boulongne & Thiebault de Baralliez avec le roy d'angleterre contre le roy de Frāce*

¶ L'an mil deux cens douze, lediēt empereur Otho, qui des l'année de son couronnement veint en la malē grace du Pape Innocent, par ce qu'il infestoit les terres & seigneuries de leglise Romaine, procedant tousiours de mal en pis, entra avec grosse armée es pays de la Pouille & Calabre, taschāt mettre & renger en son obeissance tous lesdiētz pays, & prendre le ieune Frederic filz de l'empereur Henry. iij. qui estoit roy de Sicile, pour le faire mourir, à fin qu'il ioyst de ses terres & seigneuries: mais il trouua resistance telle qu'il ne veint à chef de son intentiō maligne, aussi le ieune Frederic estoit lors soubz la garde & tutelle dudiēt Pape Innocēt, qui aduertty des tirannies dudiēt Otho, l'excōmunia en plein cōsistoire, le priua de la dignité imperiale, & manda aux prelatz & princes de la Germanie, ne plus obeyr audiet empereur: mais proceder à nouuelle election d'un aultre en son lieu. A ce mandement obeit la pluspart des prelatz & princes d'Almagne, eulx separans deslors & retirans de l'obeissance dudiēt empereur Otho, lequel à ce moyen fut cōtrainēt retourner en Germanie, ce qu'il feit gastant & destruisant tout ce qu'il trouuoit appartenir à ses aduersaires, mesmes toute la Turinge contre Hermānus prince du pays. De là se retira en Saxonie. Quoy voyans les princes de l'empire, signamment Sifridus archeuesque de Magonce, l'archeuesque de Treues, le roy de Boēme, les ducz d'Austriche & baviere, lediēt Hermānus prince de Turinge, & pere de Loys mary de saincte Elizabeth fille du roy d'Vngarie, & plusieurs aultres princes, abiurerent & priuerēt lediēt Otho de l'empire, eligans en son lieu pour nouveau empereur, le susnommé Frederic roy de Sicile, de natiō Germanique, le pere duquel fut Henry sixieme du nom empereur, qui estoit filz de Frederic Barberouffe. Auquel Frederic annoncerent ladiēt election, suiuit laquelle il se retira vers le Pape Eugēne roy declarant icelle' election, & demādant suiuit icelle estre couronné auant qu'aller en Germanie: Mais lediēt Pape differa ce faire, l'excusant qu'il auoit en Germanie son Legat à qui il māderoit ce faire quand lediēt Frederic seroit là.

*L'empereur Otho entreprenant sur la Sicile.*

*L'empereur Otho excōmunié & priué par le pape de la dignité imperiale.*

*Les electeurs eleuerēt, empereur Frederic roy de Sicile au lieu de Otho.*

*Inuocēt*

¶ Combien que la respōse dudiēt Pape ne pleust audiet Frederic, aussi que plusieurs le destournassent d'aller si tost en Germanie, sçachās bien que Otho luy seroit grosse

# Le iiii liure des antiquitez de la gaule Belgicque

resistance: Toutefois il entreprit hardiment & couragement ledict voyage, pour-  
suiuant lequel veint par chemins couuertz & escartez iusques à Constance, ou il fut  
honorablement receu, consequemment en toutes les aultres citez assises sur le Rhin  
comme Magöce, Treues, Colongne, Spire, Basle: Herbirole, finalement conduict au  
Palays d'Aix la chappelle, ou il fut coroné roy de Germanie, l'an mil deux cés treize.  
Ce fait desirant l'alliäce du roy de Fräce Philippe Auguste enuoya embassade vers  
luy Cörard euesque de Metz & de Spire pour traicter & renoueller la cöfederation  
laquelle fut aduisée & receue par ledict roy Philippe, qui ne receut moins voluntiers  
l'alliance dudit nouveau empereur, qu'il fut beaucoup ioyeux de son election.

*Frederic nouveau  
empereur Coroné  
à Aix par les  
electeurs de l'em-  
pire.*

¶ L'an mil deux cés quatorze, Otho se voyant ainsi deposé de l'empire, en esperance  
toutefois d'y reuenir, & suppediter son ennemy, si le roy de Fräce estoit vne fois vain-  
cu, suiuant l'intelligéce qu'il auoit avec les Flamans, veint avec grosse armée à Valen-  
ciennes ou il fut receu en grande ioye de Ferdinand comte de Flandres, qui auoit son  
armée toute prestee & ioincte, avec celle de ses alliez, entre lesquelz estoit Guillaume  
de Salebon capitaine general de l'armée du roy d'Angleterre, Henry comte de Lou-  
uain lors tenant gräde seigneurie en l'ancien Royaulme de Lorraine, & qui auoit ma-  
riée sa fille auidit Otho empereur, Regnauld cöte de Boulongne, son cousin Thie-  
bald cöte de Bar & plusieurs autres grans seigneurs qui tous auoient coniuéré contre  
Philippe roy de Fräce, lequel estant lors à Tournay qui s'estoit redue à son obeissance  
ilz entreprirent là assaillir & assieger esperans la victoire leur estre promise sur luy  
par ce qu'ilz estoient trop plus fors de gés que luy. Dont ledict roy Philippe fut assés  
aduerty notamment de la puissance de ses ennemis, qui neantmoins ne fut estonné:  
mais delibera (cöme dist Meyerus) les aller reconter, non pas les artëdre & l'enclor-  
re entre les murs de Tournay, encores qu'il en eust assez d'occasion, attendu le peu  
de gens qu'il auoit à l'esgard de ses ennemis. Si sortit de Tournay avec son armée, ti-  
rant vers l'isle pour aucunement retarder & euitier la bataille: mais seldictz ennemis  
le suiuiert de si pres, que n'estant encores eslögné de Tournay plus d'une lieue, vein-  
drët aupres d'ü village appellé Bonine, döner sur son arrieregarde, que le duc de Bour-  
gongne menoit, en sorte que le roy fut contrainct s'apprestier de batailler. Alaquelle  
fin appella sur le champ les principaulx de son armée pour auoir leur aduis & conseil  
sur ce. Aucuns vouloient differer la bataille iusques au lendemain. Les aultres estoiet  
d'aduis le roy se deuoit sauuer & s'en aller hors l'armée, ainsi ne se pouoiët accorder.  
Quoy voyant le roy feit apporter pleine tasse de vin, puis y ayät trempé du pain en  
maniere de roëtie, mangea vn peu dudit pain trempé au vin, disant & poferant telles  
parolles. Je prie à tous ceulx d'entre vous qui sont prestz viure & mourir avec moy  
auiourd'huy manger comme moy de ce pain trempé en ce vin. De là entra à l'instiant  
en vne petite chappelle fondée en l'honneur de la vierge Marie, deuant l'image de-  
laquelle s'estant prosterné à genoulx, feit son oraison pleurat à grosses larmes (laquel-  
le ymaige il feit depuis porter à Senlys) Ce fait sortit, ordonna son armée, & donna  
l'Aurifläbe à porter deuant luy à Valo de Mötigny noble cheualier du pays de Ver-  
mädoys. D'aultrepart & au cötraire l'empereur Otho, feit porter l'aigle enseigne im-  
perial, esleué hault sur vn chariot que gardoit Bernard Ostermarle avec cinquante  
cheualiers adressant son armée que luy mesme conduisoit, vis à vis de celle du roy  
Philippe, & commandant à quelzques gens qu'il auoit autour de luy, inuader & en-  
uironner seulement ledict roy & le tuer sans le prendre à mercy. Au costé droit du-  
dict empereur marchoit l'armée de Ferdinand cöte de Flandres. A l'opposite du-  
quel estoit le comte de sainct Paul avec les Chäpenoys & Soyssonnois. Le costé se-  
nestre de l'armée dudit Otho conduisoit Regnauld cöte de Boulongne accompa-  
gné de son cousin Thiebald comte de Bar, à veue d'oeil desquelz estoit Odo duc de  
Bourgongne. Ainsi & en celle sorte donnerent la bataille les vngs contre les aultres  
avec tant d'impetuosité & couraige, entremeslé de fureur qu'il n'est memoire es An-  
nalles & cronicques de France, y auoir oncques eu du passé bataille de si extreme  
obstination qu'ilz feirent lors. Finalement combien que le roy de France eust esté  
abbatu

*L'empereur Otho  
les Flamans An-  
glois & leurs aliez  
assaillirent le Roy  
de France pres de  
Tours.*

*Deliberation du  
roy sil deuoit ba-  
taller, ou non.*

*Priere du roy Phi-  
lippe deuant l'y-  
maige nostre Da-  
me.*

*L'ordre de la ba-  
taille de l'empereur  
Otho cöte le roy  
de France.*

# depuis Hue Capet iusques à Loys.viii. du nō F.cccxlvij.

abbatu de son cheual à terre, neantmoins se voyant remonté par les siens, les encouragea de sorte qu'il obteint la victoire, que l'on doit estimer luy auoir esté ottroyée plus par oeuvre & disposition diuine, que par force ou virilité humaine, veu mesmes que ses ennemis estoient dix contre vn. En ceste bataille ou iournée surnommée de Bonine, l'empereur Orho se sauuant par la faueur de la fuite, laissa ses bannieres & estandars imperiaulx. Aussi firent Henry comte de Louvain, & Thiebault comte de Bar: Mais Guillaume Salebery capitaine general de l'armée d'Angleterre demoura prisonnier. Aussi feit Ferdinād cōte de Flandres qui par grāde moquerie fut mené à Paris & enfermé au Loure, Regnauid comte de Boulongne fut mené à Peronne. Maintz aultres princes & grans seigneurs tant d'Almagne, Angleterre que Flandres, furent semblablement detenez prisonniers en diuers lieux du royaume, les aultres deffaiēt: & mis à l'espée sur le camp.

*Victoire du roy de France, contre les Flamans & Anglois, pres Bonine.*

*L'empereur & aultres princes se voyrent, & le cōte de Flandres retenu prisonnier.*

¶ Aucuns historiographes escriuent que durāt les guerres & querelles d'entre lediēt Philippe roy de France, & les Flamans, vn capitaine ou Admiral de la mer pour lediēt roy Philippe, nommé Sauary tirant & pillant, brussa vn port de mer, & vne ville tresopulente adiacēte & contigue dudiēt port qu'on appelloit lors Dammus, assés pres de l'Escluse, laquelle ville ensemble lediēt port, icelluy roy Philippe auoit promis garder, & defendu audiēt Sauary y faire aucun mal ou violence. Ce qu'il n'observa: mais feit cest oultraige, à quoy il ne gaigna rien, par ce qu'il mourūt tost apres. Les Flamans en detestation de la tyrannie & traison dudiēt Sauary, meistrerent sur son tombeau cest epitaphe.

*Concepit facinus mens, suasisit lingua, peregit  
Dextra: malus, peior, pessimus iste fuit.  
Concipiendo malus, suadendo peior, agendo  
Pessimus: huic turpis, vitæ morsq; fuit.  
Mors ea non habuit planctum, nec vita fauorē,  
Nec facinus veniam, nec cinis exequias.  
Mors letam, tristem mora mortis fecerat urbē,  
Cuius mors placuit, non bona vita fuit.*

*Epitaphe du Tirāte Sauary qui brussa la ville de Dammus contre l'ordōnance du roy.*

¶ J'ay bien voulu inserer icy cest epitaphe pour ce qu'il est propre & conuenable à tous meschans & tirans semblables ou plus cruelz, que lediēt Sauary.

¶ Ceste grande victoire ainsi obtenue à Bonine par lediēt Philippe roy de France, rendit ses ennemis tous humiliez & confus, signammēt Iean roy d'Angleterre. Aussi certes en auoit il assés d'occasiō: car il ne perdit seulesmēt ceste iournée soubz son lieutenant general & ses gens: mais ce mesme iour, encores fut en personne desconfit & deffaiēt en Aquitaine en vne bataille qu'il eut contre Loys filz ainsné dudiēt Philippe roy de France, lequel Loys qu'on nōmoit lors Daulphin, descēdit tost apres avec son armée, en Angleterre, voulant en tout mettre à fin son entreprisē tendant d'entierement ruiner lediēt roy Iean qui se voyant affligé de tant de calamitez & infortunes luy estre aduenues tout à la foys, fut contraint pour auoir trefues & faire desister lediēt Loys Daulphin, de son entreprise & poursuite, recourir au siege apostolicque & mettre en la protection du pape Innocent troisieme, lors y seant, les deux royaumes d'Angleterre & Hybernie, qu'il promēit pour luy & ses successeurs roys tenir à iamais en foy & hōmage du siege apostolicque avec obligatiō de payer

*Victoire des francoys cōtre les Anglois en aquitaine*

*Iean roy d'angleterre contrainct mettre ses royaumes en la protection du siege apostolicque.*

# Le iiii liure des antiquitez de la gaule Belgicque

*Le royaume d'Angleterre tenu d'ancienneté en foy & hommage du siege apostolicque.*

payer de là en auant chascun an audiēt Pape & ses successeurs cēt mars d'or. Ce qui a esté obserué par quelque temps depuis. Et parauant ceste chose n'estoit nouvelle: Car Adolphus premier Monarche d'Angleterre, teint en fief du Pape Leon.iii. son royaume d'Angleterre, & apres luy Henry.v. du nō submeit semblablement lediēt royaume en hommage au siege apostolicque, en recognoissance, & pour le malefice cōmis en la mort de saint Thomas de Canturbie, de l'omicide duquel, lediēt Henry estoit consentant & coupable, cōme auez entendu cy deuant.

*Frederic nouveau empereur vient à Metz, liege, & en Lorraine.*

*La Rigueur de l'empereur Frederic contre le duc de Lorraine.*

¶ Semblablement l'empereur Otho.iii. deposé de l'empire, fut par ceste victoire du roy de France contre luy totalement desesperé de iamais pouuoir recourir l'empire sur le nouveau esleu Frederic.ii. du nom, lequel voyant son ennemy Otho ainsi vaincu, pour accroistre son desesper & l'acheuer de paindre, veint avec grosse armée (cōme raconte Nauclerus en sa. xli. generatiō) qu'il assembla en Sueue, descendre au pays de Mozellane qui est es enuirōs de la riuere de Mozelle & asses pres de Treues, là meit en son obeissance, tous les nobles de la prouice. Puis veint à Metz & à Liege, entra au pays de Lorraine que tenoit lors le duc Thiebault filz du duc Ferry.ii. lequel Thiebault auoit succédé en Lorraine l'an mil deux cēs douze par la mort de son pere Frederic ou Ferry, duquel lediēt nouveau empereur Frederic estoit parent, conseqüement dudiēt Thiebault: Car Frederic Barberouffe estoit ayeul dudiēt Frederic deuxieme empereur. Et la fille d'icelluy premier Frederic Barberouffe estoit ayeule dudiēt Thiebault lors duc de Lorraine. Neantmoīs l'empereur Frederic.ii. ne le laissa en paix, ains subiugua tout lediēt duché de Lorraine, ainsi que Nauclerus recite au lieu n'agueres allegué. Nous laisserons à declarer les causes des dissentions desdiētz nouveau empereur Frederic deuxieme & Thiebault duc de Lorraine, iusques au sommaire ou epitome de la vie d'icelluy Thiebault, que trouueres cy apres vers la fin de la vie de nostre present euesque Robert.

*L'empereur Frederic cōtre le duc de Brabant.*

¶ Ayant donques l'empereur Frederic.ii. rengé à son vouloir le duché de Lorraine, passant la riuere de Meuse, veint assaillir & inuader le pays de Henry cōte de Louain & Brabāt, qui auoit baillé en mariage sa fille à Otho.iiii. aduerfaire dudiēt Frederic, vers lequel icelluy Héry, voyāt ne pouuoir resister, vint à mercy & misericorde, qu'il obtreint facilement dudiēt nouveau empereur. Au moyen dequoy icelluy Héry teint depuis ses parties.

*Nouvelle poursuite de l'appel interiecté contre l'election de l'euesque Robert.*

¶ Or pour retourner à Robert nostre euesque de Verdun (la matiere duquel j'ay esté contrainct discontinuer iusques icy pour la rendre de plus facile intelligence). Entendez que Herbert d'Yuooy doyen de Reims & chanoine de Verdun, & Theodorice doyen dudiēt Verdun parties aduerses dudiēt Robert, & qui l'estoient opposé à son electiō, par apres appellé dicelle & puis releué leur appel en court de Rome, ou neātmoins ilz n'auoiēt poursuiuy l'appellation pour les causes qui vous ont esté recitées, voyans la chance tournée, à scauoir que Otho.iiii. maistre & fauteur dudiēt Robert, estoit ainsi priué de l'empire par le Pape Innocent, & auoit esté vaincu par lediēt Frederic.ii. son competeur qui estoit à ce moyen receu par tout & mis en bōne possession dudiēt empire, delibererent lors ces deux deuāt nōmez, poursuiure leurdiēt appel en court de Rome, ou de fait, la matiere fut tellement demenée & poursuiue à leur diligence, que l'an mil deux cēs quinze, l'euesque Robert fut contrainct aller en personne à Rome pour deffendre son droit.

*Cencile à S. Iean de Latran, ou assista l'euesque Robert.*

*Croisade publiée par la Chrestienté.*

¶ Pendant lequel temps le Pape Innocent troisieme, celebra à saint Iean de Latran vn concille general, ou cōparurēt septate archeuesques, quatre cēs douze euesques (entré lesquelz estoit nostre euesque Robert) & huit cēs tant Abbez que prieurs conuentuelz, ensemble les embassadeurs des empereurs de Rome & Grece, des roys de Hierusalem, France, Espagne & Angleterre, en la presence de tous lesquelz, fut singulierement traitée la matiere mise en auāt sur le recouurement de la sainte cité de Hierusalē. En faueur dequoy fut decreté qu'on enuoyeroit par toute la Chrestienté gens scauans & vertueux, qui prescheroient la croisade pour induire les princes & peuples Chrestiens à prendre les armes contre les ennemys de la foy. La teneur de ce Decret & des lettres apostolicques sur ce expediées, contenoit entre aultres cho-

# depuis Hue Capet iusques à Loys.viii.du nō. F.cccxlviii

choſes que tous les mois on feroit vne proceſſion generale par toutes villes & villages de Chreſtienté, eſquelles proceſſions les femmes feroient ſeparées des hommes pour plus deuotement prier Dieu, par ieunes, aulmoſnes & autres ſemblables bonnes operations. Dauantaige fut ordonné que tous les iours apres les meſſes diſtes es parroiffes, des Villes & villages, tous hommes & femmes aſſiſtans es eglifes feroient vne inclinatio & proſternation en terre, durant laquelle ſeroit chanté haultement le Pſeaulme commençant. *Deus venerunt gentes in hereditatem*, avec vn verſet & oraiſon à ce propre & conuenante, pour impetrer la grace de Dieu contre leſdictz infidelles. Oultre ſeroient mis & poſez es eglifes tronez pour mettre les aulmoſnes à ſubuenir & ayder à ceulx de la terre ſaincte. Auſſi contenoient leſdictes lettres apoſtolicques, bien belles & ſainctes exhortations à tous Chreſtiens d'entreprendre ledict voyage. ¶ Auſcuns hitoriens ont eſcript que Frederic .ii. nouueau empereur aſſiſta audict concile & ſe croiſa, promettant aller en perſonne oultre mer & entreprendre ledict voyage. Plus promeit tenir le royaulme de Secile en hōmaige & fief du ſiege apoſtolicque, mais il ne teint ſes promeſſes comme monſterons cy apres.

*L'empereur Frederic Croiſé.*

¶ Lan mil deux cens quatorze apres la publication de la croſade, pluſieurs princes Chreſtiens entreprendrent ledict voyage de Hieruſalem. Entre aultres André roy d'Vngarie pere de ſainte Elizabeth, que fut mariée à Loys prince de Turinge, y alla avec groſſe armée: Auſſi feirēt les ducz d'Auſtriche & de Bauiere, enſemble pluſieurs de Germanie. Le dict Pape Innocent y enuoya avec grand nombre de pelerins, ſon legat Pelagius, leſquelz ſuiuient les archeueſques de Treues, Colōgne, les eueſques, Pierre de Paris, Salterus d'Auſtū, Iordanus de Lizieux, & maintz aultres eueſques de diuerſes contrées. Semblablement de la Frâce pluſieurs princes, comme Herman ou Henry cōte de Neuers, Valterus ou Galterus premier chancelier du roy de France, Thiebault cōte de Bar, qui depuis la iournée de Bouine, ne fut en grace de Phillippe roy de Frâce, cōbien qu'il fuſt ſon paret de par ſa mere La hayne procedoit de ce que ledict Thiebault auoit tenu les parties des Flamans contre luy. Icelluy Thiebault entreprit ledict voyage de la terre ſaincte tāt pour l'honneur de Dieu, qu'à fin d'euitter & appaiſer le maltalent dudiſt roy, ce qu'il eſperoit ſucceder, par cé que lors eſtoit obſeruée & gardée entre les princes couſtume telle, que ou vn d'entre eulx entreprenoit ledict voyage, toutes querelles, queſtions & malvueillances, qu'vn autre auoit parauant contre luy, eſtoient miſes en ſurceance iusques à ſon retour.

*André roy d'Vngarie entreprend le voyage de Hieruſalem.*

*Noms des princes & prelatz qui entreprendrēt le voyage de Hieruſalem:*

*Thiebault comte de bar croiſé.*

¶ Ceſtuy Thiebault premier du nom cōte de Bar, & portāt le tiltre de Luxebourg à cauſe de ſa femme, deſirant parfaire ſon voyage oultre mer, diſpoſa auant ſon partement, de tous ſes affaires, tant pour ſon amie, qu'au partaige & diuiſion de ſes ſeigneuries à ſes enfans. Il fonda premierement vn anniuerſaire, pour les ames de luy, ſa femme, enfans & parens, en l'eglise de Verdun, à laquelle il bailla & aulmoſna pource la Vvourie de Lammes du conſentement meſmes de Henry ſon filz ainſné, ordonnāt le iour dudiſt anniuerſaire deux cierges eſtre ardens au deuant du grant autel d'icelle eglise comme de ce appert par lettres autentiques ſur ce par luy faictes depuis redigées par eſcript en l'ancien registre de ladicte eglise, ſoubz le tiltre de la preuoſté de Lammes, commençantes leſdictes lettres.

*Fondation en l'eglise de Verdun, par Thiebault de Bar & Henry ſon filz.*

¶ *E GO Theobaldus comes Barri & Luxemburgi. Notū facio vniuerſis, quod ego & Henricus filius meus primogenitus aduocatiā de Lammes ſuper maius altare Virdunensis eccleſia, in elemoſnam contulimus ob ſalutem animę mee & parentum.*

*Cy appert Thiebault de Bar auoir en vn filz.*

Leſquelles ſont ſignées de luy & de ſon filz, ſoubz la date de l'an mil deux cēs treize. Puis apres ordonna ledict Thiebault, du partaige de ſes enfans donnant & laiſſant audict Henry ſon filz ainſné, le gouuernemēt du comté de Bar qui eſtoit ſon premier & propre heritage, reſeruant neantmoins à ſa femme Ermenſon, mere d'icelluy Henry, toutes les ſeigneuries à elle obuenuës par recompēſe ou aultremēt, à cauſe de ſon comté de Luxembourg à elle de droit appartenant, & oultre luy laiſſa par maniere de douaire, grand reuenu ſur le comté de Bar, dont elle iouyſt longuement comme diſons cy apres.

*Ordonnance de Thiebault de bar auant ſon partement, pour aller en Hieruſalem.*

¶ Ayant

# Le iiii liure des antiquitez de la gaule Belgicque

¶ Aya ledict Thiebauld premier du nō côte de Bar ainsi disposé de ses affaires, il partit pour acheuer son voyage en la terre sainte d'ou iamais depuis ne retourna: mais y mourut enuiron deux ans apres, cōme dirons cy apres.

Henry porte tiltre de côte de Bar apres le partemēt de son pere.

¶ Deslors de son partemēt, son filz Henry.ii. du nō prit le tiltre & administration d'icelluy comté de Bar en l'absence de sondict pere, ainsi qu'on peult veoir par vn accord fait entre nostre euesque Robert, & ledict Héry côte de Bar, sur vne querelle & debat que ledict Henry auoit contre le chapitre de Verdū, demandant & pourchassant que ceulx dudit chappitre eussent à payer chascū an vne grāde quātité de bled pour la nourriture des ladres dudit Verdū, ce que lesdictz de chapitre refusoient, alleguās n'en estre tenuz. Par lequel accord & appoinctement, à fin de pacifier & supprimer ladicte questiō, ledict euesque Robert en faueur de son eglise, assigna audictz lepreux de Verdun huit rez de froment à prendre sur le molin de l'euesque, dont furent expedies lettres qui sont escriptes au registre de ladicte eglise soubz le tiltre des extrauagans, fueillet septante six, commençantes ainsi.

Querelle de Henry de Bar au chapitre de Verdun, accordée par l'euesque Robert.

¶ ROBERTVS dei gratia episcopus, &c. Nouerit vniuersitas vestra, quod cum illustris Henricus comes Barri quandam summam bladi, &c. Et à la fin, Anno gratie millesimo ducentesimo decimo sexto.

Ce est aussi confirmé par aultres lettres passées & receues soubz la preuosté de Haruille, commençantes. Ego Henricus comes Barrensis. Datées de l'an mil deux cēs seize, & par autres datées de l'an deux cens trente, cōtenātes la confirmation des mortemains dudit Haruille, au profit du chapitre de Verdun.

Sentence donnée à Rome contre l'euesque Robert.

¶ Ceste mesme année mil deux cens seize, fut tant procedé à Rome en la cause d'entre l'euesque Robert & ses parties aduerses, Herbert & Theodoric appellés de sō election, que par sentēce du consistoire, ladicte election fut declarée inualide, luy condāné veint à Verdun dedans six moys ceder audict euesché & remettre le tout en la disposition du chapitre & clergé pour proceder à nouvelle election.

Jean de Brenne esleu roy de Hierusalem par les Chrestiens.

¶ L'an mil deux cens dix sept, les princes chresties cy deuant nōmez, croisez au voyage de la terre sainte, atriuerent de diuerses contrées en la cité de Tholomaide, ou ilz se ioignirent à Jean de Brenne lors roy de Hierusalem, & peu auant estant en France duc de Vienne. Ce stuy Jean auoit esté de nouveau esleu & créé roy de Hierusalem pour ce que Emery roy de Cypre ayant pris le tiltre dudit royaume, se gouernoit laschement en l'administration d'icelluy, & ne tenoit côte de recouuer la sainte cité. Au moyen dequoy les princes Chrestiens estans à Constantinople, esleurent & instiuerent en son lieu, ledict Jean de Brenne qui fut appellé solemnellemēt. Veint à Cōstantinople, puis de là, à layde de Héry.ii. du nō entre les Latins, tenāt l'empire de Cōstantinople, paruint à Tholomaide, ou il receut la courōne du royaume de Hierusalem, prenant deslors pour femme, la fille de Cōrard iadis Marquis de Mōtferrat, a laquelle par droit de succession appartenoit ledict royaume de Hierusalem.

La mort de l'euesque Robert.

¶ Ceste mesme année fut esleu Pape Honorius.iii. du nō, apres la mort d'Innocent aussi.iii. Semblablement nostre euesque Robert estant de rerour à Verdū de son voyage de Rome, au terme qu'il deuoit satisfaire à la sentēce apostolicque contre luy donnée sur la celsion & diuision de son euesché, mourut, apres qu'il eut tenu ledict euesché enuiron neuf ans. ¶ On liēt dedans le petit collectoire de Jean de Saraponte euesque de Verdun, pareillement es cathalogues de saint Vēne, que ceste mesme année mil deux cens dix sept, nostre cité de Verdun fut bruslée depuis les degrez de l'eglise nostre dame, & de la porte d'Ancl rue, iusques au pont des Brachieux: Toutefois lesdictz collectoire & cathalogues ne declarent si cela adueint par inconuenient & accident de feu ou par les dissensions & murineries qui lors regnoient entre le clergé & ceulx de la cité.

La Cité de Verdun bruslée.



# depuis Hue Capet iusques à Loys.viii. du nō. F.cccxlix

## ¶ QUEL PAPE SEOIT A ROME durant l'euesque Robert.

**I**NNOCENT troisieme du nom (duquel auons parlé en l'euesque precedent) *Vide supra.*  
teint le siege de Rome iusques à la dernière année du pōtificat de nostre euesque  
Robert, & ladiète dernière année Hōnorius troisieme fut esleu, comme l'ay n'ague-  
res dict.

## ¶ LES EMPEREURS REGNANS DV TEMPS de nostredict euesque Robert.



**O**THO quatrieme du nom, natif de Saxonie nepueu de par sa mere, de  
Richard roy d'Angleterre, fut esleu en trouble par quelzqu'vns des  
electeurs, apres la mort de Henry.vi. l'an mil cent nonante huiet: mais  
il n'obteit pour ceste foys l'empire paisiblement, ains le ceda par apoin-  
temēt à Philippe frere dudiēt Hēry. vi. qui semblablement auoit esté  
esleu au mesme temps du dict Otho. Auquel par ledict appointemēt ledict Philip-  
pe bailla sa fille en mariage, l'an mil deux cēs neuf. Apres le trespas dudiēt Philippe,  
Otho fut de nouveau esleu & couronné empereur par le Pape Innocent troisieme  
lequel enuiron trois ans apres ledict courōnemēt priua icelluy Otho dudiēt empire,  
& l'excommunia pour les entreprises & tirānies qu'il faisoit sur la Pouille, Sicile, Ca-  
labre & aultres terres de leglise Rōmaine. A l'occasion de laquelle priuation Frederic  
deuxieme du nom fut esleu Empereur au lieu dudiēt Otho, qui eut plusieurs guer-  
res, pensant recouurer l'empire: mais à la fin l'estant allié avec les Flamans & Anglois  
contre Philippe Auguste roy de Frāce, il perdit vne bataille & iournee pres Bouinē  
en Flandres. A raison dequoy comme desesperē se retira en son pays, ou il mourut de  
dneil & tristesse, l'an mil deux cēs dixhuit.

*Otho quatrieme  
nonante septieme  
empereur.*

*La mort de l'em-  
pereur Otho.*

**Frederic** deuxieme du nom (duquel parlerons en l'euesque suiuant) régna  
enuiron quatre ans du temps dudiēt euesque Robert.

## ¶ QUI COMMANDOIT EN FRANCE EN CE mesme temps de l'euesque Robert.

**PHILIPPE.** ii. du nō surnōmé Auguste (de qui auons parlé en l'euesque Henry *Vide supra.*  
de Castres) regnoit en Frāce tādīs q̄ ledict Robert presidoit en l'euesché de Verdū.

## ¶ QUEL DVC TENOIT LORRAINE DV TEMPS dudiēt Robert euesque de Verdun.



**FERRIS** ou Frederic premier du nō filz de Mathieu aussi premier du  
nom, succeda premierement au comté de Viēnē l'an mil cent septante  
six, & depuis au duché de Lorraine apres la mort de son frere Simon,  
l'an mil deux cēs sept, estant desia vieil. Il fut en plusieurs batailles du-  
rant la cōtrouerse de l'empire entre Philippe & Otho, tenār tousiours  
les parties dudiēt Philippe. Il fut malheureux en guerre, perdit vne bataille cōtre l'e-  
uesque de Treues, & par luy pris prisonnier avec son filz aisné. Pour leur deliurāce il  
bailla à l'eglise de Treues son chasteau de Sigebert, & aultres biens. Quand Frederic  
deuxieme du nom son cousin veint à l'empire, il obtient de luy plusieurs beaulx  
priuileges. Par son moyen ledict empereur Frederic deuxieme & philippe Auguste  
roy de France, eurent parlement ensemble à Vaucouleur, lieu assez prochain des li-  
mites de son pays de Lorraine, dont il eut par apres plus grand bruit & faueur

*Ferry premier du  
nom duc de Lor-  
raine.*

¶ Cestuy

# Le iiii liure des antiquitez de la gaule Belgicque

Les femmes du  
duc Ferry.

¶ Cestuy Ferry eut deux femmes. La premiere nommée Agnes fille de Thiebault côte de Brie, en laquelle il engēdra Thiebault qui fut duc de Lorraine apres luy, Mathieu côte de Vienne, Regnauld côte de Castres, Frederic archediacre de Coulōgne, Catherine femme d'Otho côte palatin Scurencis. La seconde femme fut Agnes fille de Thiebault côte de Bar, de laquelle il eut Jacques qui fut euesque de Metz, & vne fille nommée Anne. Il mourut l'an mil deux cēs treize, apres auoir tenu Lorraine six ou sept ans seulement. Son filz Jacques euesque de Metz fut magnanime & vertueux, & se dict & reputa tout son tēps du sang des roys de France, à cause de l'anciēne Agnes iadis comtesse de Bar, ainsi que dirons cy apres plus amplement.

Thiebault i. duno  
duc de Lorraine.

**Thiebault** premier du nō filz aisné de Ferry, succeda au duché de Lorraine l'an mil deux cens treize, apres le deces de sondict pere Ferry. Il eut pour femme Catherine fille d'Albert côte d'Asburg & de Metz. Aucūs historiens ont escript, que à cause d'elle ledict Thiebault fut côte de Metz, & prit le tiltre d'Asburg. Icy auant que passer oultre, semble en ce digne d'estre noté, ce que l'historien de Metz, en vn Postile soubz le cinquante quatrieme euesque nomé Theodorus, escript de ceste Catherine, qu'aucuns nōment Alix, laquelle il dict là estre descendue par longue posterité de Folmarus iadis comte de Metz, duquel il escript cecy.

¶ *F O L M A R V S comes Metensis ex Mathilde uxore habuit duos filios, Folmarū & Hugonem, filias, Clementiam, Agnetem & Adeleidem. Folmarus regnauit primus, post eum Hugo qui genuit Albertum Comitem Metensem qui dedit ius patronatus. S. Crucis fratribus. S. Theobaldi. Dicitur Albertus genuit vnicam filiā Catharinam que fuit uxor Theobaldi filij Frederici ducis Lotharingie & fuit vltimus comes Metēsis Sed à Frederico Barbarossa imperatore pro aduocacia non pro comitatu cepit origo discordie inter Metenses & Lotharingos millesimo centesimo octuagesimo secundo.*

Thiebault du  
sang de ceulx de  
Barberousse.

¶ Cestuy Thiebault premier du nom duc de Lorraine fut vaillant aux armes & vertueux, fors qu'il estoit trop subiect & adonné aux voluptez de fol amour de femmes. Cōbien que du cōmencement quand Frederic deuxieme filz de l'empereur Henry fixieme fut esleu empereur au lieu d'Otho. iiii. ce Thiebault teint le party dudiect Frederic contre icelluy Otho, qui estoit son parent. Aussi estoit il du sang & parētē dudiect Frederic, descendu de la fille de Frederic premier dict Barberousse, laquelle estoit ayeule dudiect Thiebault & seur du pere de ce Frederic. ii. partāt cousins. Neātmoins apres les victoires obtenues par ledict Frederic deuxieme cōtre son contēdant Otho

La ville de Rosay  
prise par les Lor-  
rains.

quatrieme, icelluy Frederic entra en Lorraine, & retira dudiect Thiebault vne ville nommee Rosay, laquelle ses predecesseurs empereurs auoient baillée aux ancestres dudiect Thiebault, qui ne fut content de l'oultraige que son cousin Frederic. ii. luy faisoit en luy ostant ladicte ville: mais pour la recouurer assembla bōne armée, la cōduisit de laquelle il bailla à vn capitaine nomé Lambicquin d'Arches, qui mena ses gēs à Brusqueualle. De là trouuant son oportunité, vint assieger ladicte ville de Rosay laquelle il prit par force & tous ceulx qui estoient dedans, fors aucuns qui avec Otho

Les Lorrains pres  
que tous mis à  
mort à Rosay.

capitaine de ladicte ville se retirerēt en l'eglise du lieu. Ce fait la ville prise, & les Lorrains ayans pillé, se meirent à faire grande chere, boire & gourmander, en sorte qu'ilz penyurerent & remplirent de vin & viandes si bien que la nuit suiuant ilz s'endorment sans faire guet. Quoy voyant le capitaine, qui s'estoit avec quelques vns des siēs retiré en l'eglise, sortir avec ses gens & tua quasi tous les Lorrains. Toutefois Lambicquin eschapa, & veint denōcer le fait, au duc Thiebault lors estāt à Viche en Brusqueualle, lequel de ce courroucé mena ses gens en Alsacie ou Aulsays, ou il feit dommage innumerable, dequoy l'empereur Frederic aduertiy, entra en Lorraine & veint assieger ledict duc Thiebault en sa ville d'Amāce, en laquelle icelluy duc soy voyāt & sentant trop peu fort pour resister audict empereur, sortit sans armes & veint se soumettre à la mercy dudiect empereur, qui facilement luy remeit l'offense: Toutefois il le mena apres luy quelque tēps cōme prisonnier. Puis estant à Strabourg, luy dōna cōgé de retourner en son pays. Ce qu'il feit apres auoir salué ledict empereur.

¶ Aucuns

# depuis Hue Capet iusques à Loys.viii. du nō. F.ccccl.

¶ Aucuns ont escript que tost apres, l'empereur craignant qu'il deust prendre l'alliãce de ses ennemys, se repentit de l'auoir laissé aller. Et que congnoissant la lubricité dudit duc Thiebault, enuoya apres luy vne bien belle damomoyfelle ayant charge voire promis d'empoisonner icelluy duc, lequel ceste damoyfelle poursuiuit de sorte qu'elle le veint trouuer à saint Ypolite, ou l'ayant salué de par l'empereur, fait tellement qu'elle coucha avec luy la nuit suiuant & l'empoisonna, puis le lendemain matin prit congé de luy & s'en retourna à Strabourg vers ledit empereur. Le duc Thiebault au cōtraire poursuiuant son retour veint à Nancy, ou peu apres son arriué la poison & maladie causée par icelluy, le contraignit si fort qu'il congneut bien sa mort prochaine. Si ordonna de son ame & mourut à Nancy l'an mil deux cens dixneuf. Il ne laissa enfans à raison dequoy son frere Mathieu deuxieme du nō succeda au duché de Lorraine apres luy. Son corps suiuant son ordonnance & volonté, fut inhumé au monastere de Sturzelbrun ordre de Cisteaux, ou il auoit fait de grans biens, mesmes y auoit fondé vn hospital à Nancy & encores vn autre à Amance. Aussi fait il de grans biens aux eglises de Metz & autres lieux de son pays.



*Le duc Thiebault  
empoisonné par  
vne damoyfelle.*

*La mort du duc  
Thiebault.  
Trois hospitaux  
fondez par le duc  
Thiebault.*

## ¶ QUI TENOIT LE COMTE DE BAR TANDIS que Robert de grand pré fut euesque de Verdun.

**T**HIEBAULD premier du nō filz de Héry aussi premiet du nom, (duquel Thiebault auons escript en l'euesque precedent, Albert. ii.) teint ledit comté de Bar depuis l'election de nostre euesque Robert iusques en l'an mil deux cens quatorze. Auquel tēps il mourut oultre mer, laissant vn filz nommé Héry. ii. qui luy succeda l'an mil deux cēs quinze. Nous escrirons dudit Henry en l'euesque prochain subsequent.

## ¶ FIN DE LA VIE DE ROBERT CINQUANTE deuxieme euesque de Verdun.

¶ Fin du quatrieme liure & premier volume de la Cronique  
que des Antiquitez de la Gaule  
Belgicques

THE  
OFFICE OF THE  
ATTORNEY GENERAL  
STATE OF TEXAS  
DALLAS, TEXAS

STATE OF TEXAS  
COUNTY OF DALLAS

STATE OF TEXAS  
COUNTY OF DALLAS





